

**წიგნის გამომცემი ადგილობრივი უნივერსიტეტი მხარდაჭერისთვის,
ავტორი უღრმეს მადლობას უხდის საქართველოს პარლამენტის წევრს,
პოპაშვილის წინაშე სიტყვით თუ საქმით თავაწიულ პიროვნებას,
გატონ კობა ნაყოფიას**



Guri Otobaia

ENGIDUNIA

I

© GURI OTOBAIA, I EDITION. 06. 09. 2010.
IBSN 978-9941-0-1638-7

გური ოტობაია

ენგიღუნია

ბელეტრისტული
მატიანე

I

თბილისი
2010



იოანე-ზოსიმე

ქება და დიდება პართულისა ენისაი

დამარხულ არს ენაი ქართული
 დღემდე მეორედ მოსვლისა მისისა
 საწამებლად, რაითა, ყოველსა ენასა
 ღმერთმან ამხილოს ამით ენითა.

და ესე ენაი მძინარე არს დღესამომდე,
 და სახარებასა შინა ამას ენასა ლაზარე
 ზქვიან! ღბ ახალმან ნინო მოაქცია და
 ხელენე დედოფალმან,

ესე არიან ორნი დანი, ვითარცა მარიამ და
 მართაი, და მეგობრობაი ამისთ ვის თქუა,
 ვითარმედ ყოველი საიდუმლო ამასა ენასა
 შინა დამარხულ არს. და ოთხისა დღისა
 მკუდარი ამისთვის თქუა დავით წინას
 წარმეტყუელმან რამეთუ „წელი ათასი —
 ვითარცა ერთი დღე“, და სახარებასა შინა
 ქართულსა თავსა ხოლო მათჰქესსა წილი
 ზის, რომელ ასო არს და იტყვის ყოვლად
 ოთხ-ათასსა მარაგსა, და ესე არს ოთხი დღე,
 და ოთხისა დღისა მკუდარი, ამისთვის
 მისთანავე დაფლული სიკუდილითა
 ნათლის-ღებითა უფლისაითა,
 და ესე ენაი შემკული და კურთხეული
 სახელითა უფლისაითა, მდაბალი და
 დაწუნებული, მოელის დღესა მას მეორედ
 მოსვლისა უფლისა, და სასწაულად ესე
 აქუს: ოთხმეოც-და-ათოთხმეტი წელი
 უმეტეს სხუათა ენათა ქრისტეს მოსვლითგან
 დღესამომდე. და ესე ყოველი, რომელი
 წერილ არს, მოწამედ წარმოვითხარ,
 ესე წილი ანბანისაი.

დაბადება. თაზი ეერთხა

აბელი მეცხვარე იყო, კაენი მიწის მუშა...
 მიართვა კაენმა უფალს ძღვენი, მიწის
 ნაყოფი. აბელმაც მიართვა თავისი ნათავარი
 და რჩეული პირუტყვი. მოჰხედა უფალმა
 აბელს და მის ძღვენს... ძალზე გამწარდა კაენი
 და თავი ჩაღუნა... უთხრა კაენმა თავის ძმას,
 აბელს, გავიდეთ ველად. და როცა ველად
 იყვნენ, დაეცა და მოკლა. უფალმა უთხრა
 კაენს: სად არის შენი ძმა აბელი? მიუგო: არ
 ვიცი. ჩემი ძმის დარაჯი ხომ არა ვარ. უთხრა
 ღმერთმა: ეს რა ჩაიდინე? შენი ძმის სისხლი
 მიწიდან შემომ- ღალადღებს... დაამუშავებ
 მიწას, მაგრამ აღარ მოგცემს იგი თავის
 ძალას; დევნილი და მიუსაფარი შეიქნები ამ
 ქვეყანაზე. უთხრა კაენმა უფალს: მძიმე
 ასატანია ჩემი სასჯელი... ყოველ შემხვედრს
 შეეძლება ჩემი მოკვლა. უთხრა უფალმა:
 ამიტომაც შვიდწილად მიეზღვება კაენის
 მკვლელს. დაადო უფალმა ნიშანი კაენს, რომ
 ვერ მოეკლა იგი ყოველ შემხვედრს.



„სუფიზის მისისა არა იყოს დასასრულ“, ლუბა 1,33

მამული

უურობუუუ

ბორჯი პირველი

ჩემი მითიური კოლხეთი მთვარის სულშია გახვეული, დამცხრალი, მინავლული კერიის მაგვარ მთვარის სულში, რომელიც მამრის საწყისია წარმართული წარმოდგენებით, დედამიწის გამანაყოფიერებელი: ანათებს და არ გათბობს; განაღვლიანებს გუნებამორღვეულს, მაგრამ ზოგჯერ ფართო აივნები წყრთა სიმინდის ტარობის გაცისკროვნებით რომ ამზიანდება როსმე, იქ სპლინისთვის ადგილი უამურია. შემოდგომის სიზულუქე-სინოყვრე ავსებს ყოველ კუთხე-კუნჭულს.

ცხენის გასაჭენებელი ეზო ურმის თვლებს დაუღიანდაგებია.

რიკულებიდან მოჩანს ათძნეულებად შექუჩებული, წელში მათეტიას ქამარწაქერილი ჩალა.

ჩვენი ხედვის კუთხე ამჯერად ჯალაღონიების ასული, ეთერა დეიდას არემიდამოდანაა.

სიტყვაძვირი ნაპო ბიძია მეზობლის კაცებში ტრიალებს.

სიმინდს არჩევენ. ივსება კალათები და ანზორ ჩიტაიას შესადარი შოთა მარლანია ნალიისკენ მიაქანებს მერმე.

საუბრის თემატიკა, რომელიც ჩემისთანა მალხაზის ცნობიერებას სათანადოდ აპურებს, ფულის რეფორმის შინაარსისაა.

თბილი ამინდებია სამურზაყანოში, მზიანი და ბარჩხალა.

ღელეებში წყლის ყვანტალმა იკლო, ისეთი ჩანახშირებული იმზირება თხმელების ფესვებიდან, იური ზანთარაიას გამოადგება კამეჩების შესაფერადებელ აკვარელად.

იხვების მობლაგვებულმა ნისკარტებმა დაიფრინეს ბაყაყების ყურისწამლები ყიყინი.

სოფლის თემშარიდან ეთერა დეიდასკენ მიმავალი შუკა ხუთასიოდე მეტრის სიგრძისაა. მკიდროდ დაწნული ტრიფოლიატას ბებერი ღობეები გასდევს აქეთ-იქით, ხოლო ვრცეული ეზოს შესასვლელთან, რკინის ჭიშკარი აღმართულა მერამდენე წელიწადია. ჩემი გონების ხსომიერებას შემოუნახავს ხის ბჭეკარი, რომლის დაბლითა რომბულ ქონგურებს უღლიანი ღორები ეხახუნებოდნენ მიწყვ, საურდულე ალაგას — ძროხები და კამეჩები.

ნაპო ბიძიას სამოსახლო პრეისტორიულია ჩვენისგან განსხვავებით. ჩვენ, კუდაბზიკა ხალხის კვალობაზე, ზედ სამანქანო გზის კიდეზე დავმკვიდრებულვართ. როგორც დედა იტყვის ხშირად, ბიქტორ ბაბუას უნებებია ვერე:

— შეილი მოხერხებულ ადგილას უნდა მყავდეს წინმომგებებლადო, — და ტრიალ მინდორზე დავფუძნებულვართ.

მტვრით გაძეძგილ ქუჩისპირას თეთრული ვერ გაუფენიათ ნიადაგ შეილების მოხმობით ხმაჩაწყვეტილ მშობლებს. ჩემი ხნოვანების წყავების სიმრავლეა გზის პირ, მაგრამ მათ ნაყოფს ვიდრე დაიგემოვნებდე, გულიანად უნდა გაირეცხოს. კარალიოკები და დავარსკვლავებული ლეღვიც იმავ დღეშია. დილაუთენია, სისხამზე თუ მოველები მათ კენწეროებს, იქ უთუოდ მოიხელთებ ჩაფლა — ქალამანა ლეღვს, პენტაგრამას ფორმის ნაბზარობებით, მაგრამ დეიდა ეთერას საუკუნოვანი ხეხილისკენ მაინც წაგ-ძლევეს სული. ხავსის მომწვანო ბალანი მოსდებია მათ ტანს. აქ უკვე ონავრული მონაცემებით ფონს ვერ გახვალ — ოცარშინი კიბეა საჭირო და კიდეც — მომეტებული მოფრთხილება შემხმარი წვეროკანებზე ძრომილისას.

სწორედ იმგვარი მეურნეობრიობაა, როგორც თომა ბაბუასთან, ბორსუს წილში: ცალკეა ყანა, თხილნარი, ხეხილის ბაღი, მანდარინები, ბოსტანი. ეზოში განკერძოებული ბილიკით შემოდის პირუტყვი. ღორები მოშორებით ლუტლუტებენ, იჯგვლიმებიან, აჭყიტინებენ ქვეშმოყოლილ გოჭებს. კავკასიური ნაგაზი ჯაჭვზეა. დაფნების სიუხვეა. ჯერ სურნელოვან შექერს ყველი არ გასვლია. კილოგრამი ფოთოლი ათ მანეთამდე ღირს და ბუშია მეთესლე ხეების მოსახელთებლად. ჩვენ ვეღარაფრით ვიხიერებთ ამ მცენარით. ბოლოს და ბოლოს დედის ძალისხმევით, როცა მწკრივებს გვა-

რიანად გავჭიმავთ მიჯნების გასწვრივ, დაფნის ფასი ნულამდე ჩამოვარდება: გავაშენებთ და ორ წელიწადში ხალხი ამოძირკვას დაიწყებს.

არაპრაქტიკულობა ჩვენი ოჯახის თანდაყოლილი სენია, მაგრამ სიტყვა შორს ნუ გავგვეტყევა და მოვუბრუნდეთ შემოდგომის მთვარიანს, ხექტარზე მეტი გაშლილობის ეზოს, რომელიც ორი ჯალაბის საზიაროა — ბერბიჭა ამირანის, სულ მალე სოფელში ახალჩამოსულ თერაპევტ, ვალია კუჩერივიაზე რომ დაქორწინდება და ნაპო ბიძიასი, საყვარელი ალაგეებით, ტყრუშული ღობეებით სამივე მისასვლელთან, აკაციის სარების საიმედო წყვილეულით, რომლებშიც დაპობილი შეშა მიჯრითაა ჩაწყობილი.

ხუთ წელიწადს ასეთი ღობე ურყევია. მერმე გამომშრალ ნოწკერიებს ბუხრისკენ მიაბრძანებენ, შეშად მოხმარებულს ახალს შეუნაცვლებენ და ასე იწვლება წუთისოფელი, ჟამი-ჟამ, ბილიკ-ბილიკ, სერი-სერ და ცა-ცა.

მოსამსახურეები თუ ეთქმით, ესენი არიან. დეიდა ეთერა, იგივე ეთერ დეი, ქართული ენისა და ლიტერატურის მასწავლებელია, ნაპო ბიძია — ისტორიისა, თანაც — რვაწლიანი სკოლის დირექტორი ხუთიოდე კილომეტრით მოშორებულ გავიდაში, რომელსაც მოგვიანებით არაფრისმთქმელ „განახლებას“ დაანათლავენ. ასე რომ, დაიძრება თუ არა გავიდისკენ მათი ცოლქმრული ტანდემურობა, მე უკვე ლელვის კენწეროზე ვისაკუთრებ დავარსკვლავებულ ნაყოფს.

ნაპო ბიძიას ფეხზე წამოდგომას მთელი სამეზობლო აფიქსირებს ელიაგებიდან მოყოლებული საჯიებითა და იზორიებით დამთავრებული, იქითაც — ქარდავებისკენ თუ ბჟინაგებისკენ, რომელთაგან ტრიალი მინდვრები გვყოფს ანგარიშგასაწევად.

აივანზე გამოსული ნაპო ბიძია სიგარეტს რომ მოქაჩავს დილაბნელზე, ხველებაც ნაჯახის მჭახე ხმას გაიღებს ტანაშოლტილ თელაზე დაცხებულისმაგვარს, და ეს სიგნალი საკმარისია მეურნე კაცისთვის, ლოგინიდან წამოფუცხუნდეს, ახალი დღის თადარიგი დაიჭიროს, გნებავთ ყინვა ინდაურის ბოლოსავით ალურჯებდეს სარკმლებს.

მოწვევის დიაპაზონის მხრივ, ალბათ, გინესის წიგნში ვერავინ შეემეტოქება ნაპო ბიძიას ფილტვების გამძლეობას. ხელფასის მეოთხედი პაპიროსში ეხარჯება. ძვირადღირებულს ახლოსაც არ გაიკარებს, თოთხმეტკაპიკიანი „პრიმა“ ქვეყანას ურჩევნია. ბუხრის თაროზე შტაპელებად აწყვია ისინი უკეთ გამოშრობის მიზნით, რათა ცოლ-ქმარი ჯვიდი და ღალუ ბერანძეების მალაზიაში ატაცებული ნესტი რამდენადმე შემოიფერთხოს ასანთის შეხებამდე და კვამლმაც ძალდაუტანებლად გამოაღწიოს წეკოს ბნელხვეულებში.

მოწვევის თვალსაზრისით არც მამაჩემია გულხელდაკრეფილი სამოხიოს* კაცების ამალითურთ.

ბაბუა თომას ცერისსისხო გვემები ხომ ცალკე საუბრის თემად გამოდგება. იგი თვითონ ამზადებს წეკოს. ასიფრიფანებს სამართებელივით ამახული წალდუნათი ძელსკამზე. მერმე თუნუქის ფურცლით, საპურე კეცზე ნაკვერჩხლების დასაყრელად რომ ხმარობენ, გამომშრალებს კერიის ცეცხლის თამამი ენების თამაშზე და ამ იდილიურ გარემოში, სამზადში ყურყუტი თუ მოგბეზრებია, რაიმე საეშმაკოს უცილობლად გამოჩხრეკ: ქვამარილს იპოვი სადმე და შეუკეთებ ყბურში — ყვებში იმერულად. მალე გათარანებული მარილი მჭახედ ატკაცუნდება ბაბუა თომას მოხალვათებულის სხეულის საზიანოდ და ამისთანა ვითარებაში წყრომა ყოველთვის მარი ჯალაღონხეს დამიზნებულის. დიდედა მარი ეთერ დეის მამიდაა. დედაჩემი და მაკსიმოვნა ბიძაშვილ-მამიდაშვილები გახლავან, მაგრამ ჩვენ დეიდად აღვიქვით ერთხელ და სამუდამოდ და ამის შემდეგ, ალბათ, გასაგებია თუ როგორი კუთრი წონისაა ჩვენი ნათესაობა, ჩვენი გადაპატიჟება-გადმოპატიჟებანი, ჩვენი ლხინი და საწუხარი.

ეს წუთია, ბაბუა თომა მენტორული ტონით მოუხმობს მარი ჯალაღონხეს:

— მუთარე, როდემდე უნდა ვიყებდო, ყბურში აკაციას ნუ შეუკეთებთ-მეთქი? უგდე ყური, როგორ ტყაყიანობს ფილთა თოფივით?! ისლით გადახურულ ჯარგვალს წამში დაგვინაცრავს, — ამ სიტყვას იგი უთარგმნელი მეგრულით ბრძანებს, „მინუტის ქიგემქვაქვალანანია“, მაგრამ ჩვენ დიალექტიზმს უკუუგადებთ თავანკარა ქართულის სასარგებლოდ და მარი ჯალაღონხე დაძარღვულ რკინისფერ ხელებს რომ გაასავსავებს უსაფუძვლო ბრალდების წიად, ბაბუა თომა ყოველივეს იყნოსავს. მიხვდება, რომ აქ აკაცია არაფერ შუაშია, ეს ყველაფერი უფროსი შვილიშვილის დამსახურებაა. წამოკრეფს კიდევ ძვლებს გაქცევის მზადყოფნით, მაგრამ კერიისგან გამიჯნვა უკვე გვიანია, ვინაიდან ქვამარილი თურქი ასკერების ფინთიხივით შემოეფრქვევა შუაცეცხლთან გაღლებულს და არის ერთი ღრიალი:

— უხანე, ურღუ, ებჭყიდ, ებჭყიდ, — დამავსო, დამაქციაო, მომსდევს სამარშინიანი სახრის ზუზუნით მისმიერვე „გაუხარელის, შე არგასაზრდელოს“ ეკვივალენტური მეტსახელით მონათ-

ლულს აკვირდნენ.

მე კი უკვე გადახრილი ბებერი ვაშლის კენწეროზე მოვქცეულვარ და არხენად ვითმენ პაპაჩემის მულარას:

— უხანე, ჩამოდი ძირს! ურდუ, ზღვაზე სათევზაოდ წავიყვან დილით.

საკმარისია ასეთი დაპირება, რომ მეც თვინიერად ვუჩერდები წინ სახეაჭარხლებულ ბაბუას.

ამგვარი ლირიკული გადახვევა მოსათმენი მგონია მომავალში შემოხილული ამბების პრელუდიის საწინდრად: მე ხომ ჩემი განუმეორებელი გარემომცველი სამყაროს გაცოცხლებას ვლამობ უთვალავი რადიუსით, უამრავი ასპექტით: სოციალურია იგი, ეთნოგრაფიული თუ სულაც — ინტელექტუალური.

ხოდა, მოვუბრუნდეთ ეთერ დეის ეზოში თავმოყრილ მეზობლებს. ყველანი აქ არიან დედაწულიანად, სახალხო მგოსნით, თამშუქ მარლანიათი დაწყებული, ყრუ-მუნჯი დებით, ცუცა და ლუბაშათი დამთავრებული. შინაბერათა ეს ბუნების უიშვიათესი ჯილდო, შეუდარებელი გულკეთილობითა და სიკაპასით გამოირჩევიან. მე მოგვიანებით ზედმიწევნით დავატყვევებ მათ რომან-ტრიადა „სიცოცხლემისჯილში“ ელასა და მინაკას სახელდებით, მაგრამ უფრო ნათელი შტრიხებისთვის, შეიძლება პირდაპირ ითქვას, რომ დებთან უბრადაა მთელი სამეზობლო, განსაკუთრებით, როცა საკუთარ ჭიშკართან ტრიალებენ. ხოლო მიშველების ჟამს წყნას სავსებით ივიწყებენ, გულს გადახსნიან და ბოლომდე ამოვიდგებიან მხარში. აი, მერე კი უფრთხილდი მათ წიწმატობას. შენმა პირუტყმა ვინძლო რამდენადმე შეუწყუხა ტრიფოლიატას მიხრწნილი ღობის ძირები, შენდობაშეწყნარებას ნუ ელი. ზოგისგან განსხვავებით ნაპო ბიძისა და ეთერ დეის აშკარად ყელშიწვდომას ვერ უბედავენ, მაგრამ შუკაში თვალს რომ მიეფარებიან, მიაყოლებენ ქოქოლას ზურგს უკან. გამოუნაკლისი მე ვარ. ჯერ ერთი, პირუტყვის ხალვათობა მიმართავს ხელს. მერე სულმულამ მათთან ვაყუდივარ, მუნჯური დედაენასავით ამითვისებია და ესეც რომ არა, მამის მოტანილი „ხემატოგენი“ სანახევროდ ყოველთვის შემომინახავს მათთვის. თუმცა ამჟამად, ამ სიმრავლეში, საზოგადო ცოდვა მიტევებულია. ტკბილისკვერის გრანგილითა და ორნახადი არყით მოსულან, რომელსაც კაცები შიგადაშიგ წელწვრილ სირჩებში ჩამოარაკაკებენ ხოლმე. აქვეა ფუმფულა, კეცზეგამოცხობილი პური, სიგრძივ დასერილი სულფუგუნი, წითლად მოხასხასე დამჟავებული კანამხალი. ეს ყველაფერი ტაბლაზეა დალაგებული.

ეთერ დეი, მისი უფროსი რძალი ბოჯო იზორხე და კალმით ნახატი მაზლიშვილი თუთურია, სამზარეულოში ტრიალებენ ვახშმის გასახაზირებლად.

კალათი სამია, რომლებსაც გავსებისთანავე ნალიისკენ მიაქანებენ თამშუქუს ერთადერთი ძე, ენაბრგვილი შოთა და ხაბაზი ხუტა ხუფენია. სასიმინდეში ნარდის დიდოსტატი, სქელწარბება იაშა ამორტია მოყუჩებულა, მეტსახელად — „ქანქანესა“. სიმინდის ტაროების გორას კი წრიულად შემოსხდომია მთელი სამეზობლო: უბადლო თავდამსხმელი ფეხბურთში მირია ხუფენია, მისი ნახევარძმა დედით — ნოდარ გამსახურდია, ყირმიზი მათემატიკოსი არლენ ელიავა ჭეირანი მეულლითურთ, ფაციკო ფაცურიათი, ხმაგაბზარული არჩიკო შამუგია და თვალჭუტია თანამეცხედრე მისი — გული სალაყაია; „რაე“-ს ადგილას ისედაც უხვი „ლას“-ებით მოსაუბრე ნუგზარ ელიავა, ბახვა ჩვენი და ლაქლაქა სახის თანამეცხედრე მისი ცილა პაპასქუა — შეუდარებელი გრამაფონი; სოფლის უმეტოქო მჭედელი, ღია ტანის მამია რატია ცოლითურთ, ბუბცა ხუფენხეთი, რომელსაც მუსიაფის დროს მარჯვენა წარბი უშობლზე აუცოცდება ხოლმე; რამდენიმე სირჩით მარცხენა თვალმოჭუტული მამაჩემი მიხეილი, მიშა, მიხფე და ჩვილატატებული დედა — კლარა გელენახე; ჯერაც ბერბიჭანი — ამირან ხუფენია და გრიშა იზორია. აი, ძირითადი საკრებულო, რომელსაც სამოხიოსაც ვეძახით ხატოვნად ჭირსა და ლხინში თავდაუზოგავი თანადგომის გამო.

ალბათ, უკვე შენიშნავდით, რომ თითოეული, ორატორიის გამორჩეული ნიჭით დაუჯილდოებია მამაზეციერს: აქ მყოფნიც, სიმინდის შეტეხვის მერმე შინმიბრუნებული ლიზიკოცა და მანერა პაპასქუაც, ისინიც — თავთავიანთ კერიებთან რომ ფუსფუსებენ მახლობლად თუ მოშორებით, უკლებლივ ყველა, თითქოს ციცერონის ნამოწაფარიაო, ბაშლაყივით ატრიალებენ ენას და ოტობაიელებს სრულიად სამართლიანად „ნინატოხიებსაც“ გვეძახიან ანუ იგივე ენატრაბახათ, ენაწაგდებულებს. გაივლის ჟამი და ყოველი მათგანის კოლორიტული სამკაული ჩემში მოიყრის თავს ერთიანად, ოღონდაც სამასლაათო-სამიტინგოდ კი არა, მრავლის მომთმენ ქაღალდთან სათარჩიოდ.

სანამ საცივი მზადდება, ნადის ბაბანი პოლიფონიურია, მაგრამ მოვა მარო ღურწყაიხე და შორეული დაფნის ბუჩქებიც კი თითის წვერებზე დგებიან სმენაგამახვილებულნი; თუმცა სადაც გრიშა იზორიაა, მამაჩემის სტილიზებული ულვაშის კუბის ხარისხში მეპატრონე, იქ ადამიანი

საუბრისთვის ვერაფრით მოიცლი, ვინაიდან დაფჩენილი პირი სიცილის რგოლებით გატენილა. იფხრიწება დიდ-პატარა, ერთმანეთს ზურგში მუშტებს უბაგუნებენ, იჭაჭებიან და მიწაზე ფორთხავენ, თვლებიდან ცრემლი ღვარ-ღვარად მონაკადობს; ზოგი მისაგათებულა, სულს ძლივს ითქვამს, თვითონ გრიშა იზორია კი არის ხეოფსის მუმიასავით. მაჯისისხო უღვაშში, სადაც ღიმილთა დივიზიონი უპრობლემოდ დაიმალება, მხიარულების გამომხატველი ნაოჭიც არ ვალალებს და აფენია ხალხი მოლსა თუ სიმინდის ტარობზე.

საესე მთვარე კი მიგორავს მოსარკულ ცაზე, ამაოდ აღავსებს ორლობებს მსუბუქი მელანქოლიით. ვის სცალია სულელი მთვარის განწყობილებისთვის. ოდის პირველი სართულის აივანზე გამოტანილი წაგრძელებული სუფრისკენ მიუხმობენ ნადს. იაშა აშორტია, ქანქანესა, მომღერლების ცენტრშია. თავთუხისფერთმიან, მეჩხერკბილიან ცისანა გოგოხიას კალთაში უსვენია ჩონგური. ფიჩორელი გოგოა, ჩემი დედულეთიდან, ობოლი, ხელმოკლე ოჯახის შვილი და მაინც — მთელს დუნიაზე უმდიდრესი. აცეკვდება ცერი და სალოკი. სახუმარო თემატიკისაა სოლო-სიმღერა:

**მონადირე ჯგირ ჯოდორი,
ტუნდუ იზორია კოლსუ,
სოთინ ვაწურაფულენდეს
ცეთი ჯოდორიში ტოლსუ,
სუმ საათის ირულედუ
სუმი დღა დო სერიშ ოლსუ,
ჭანდიქ ქუშკუვალუკონი
ქეკუკინდუანდუ თოლსუ.**

**მონადირე კარგი ძადლი
ჰყავდა იზორია კოლს,
ვეღარსად ასახელებდენ
იმა ძადლის სწორს და ტოლს,
სამ საათში გაირბენდა
სამი დღე-ღამის საგალს,
ბუზიც რომ გაკარებოდა,
წამოადევნებდა თვალს.**

ამ სიმღერაში სოფლის ხარაზი, მუდამ თავმოპარსული, სახელაქდაქა ჩონჩორ ჯოჯუაც იკვეთება, რომელმაც ვერ შეიშნოვა ნათხოვარი მწევარი და შვლის მაგივრად ზურიკელა ვაშალომძის მურადასავით განიგმირა ცხელი ტყვიით.

მღერის ნოდარ გამსახურდიას ახალგაზრდა ცოლი და ოდინდელი საერთო ფაფანება მინავლულია, მიმქრალი. თვით ყრუ-მუნჯი დებიც გამომცდელად აკვირდებიან თანამეინახეთა გამომეტყველებას და შესაბამისად მხოლოდ მიმიკრიით უერთდებიან საერთო აღფრთოვანებას: მომწესხველია ხანგის ფერადოვნება.

თამაღობა მასპინძლის თხოვნით, არლენ ელიავას ერგება.

იცლებს მგელაძის ჭიქები.

ამასობაში თამაშუქ მარღანიაც მოსულა პოეზიის იმტაზე. ორკაპიკიან, ცალხაზიან რვეულს ამოიღებს ჩესუჩას ხალათის გულისჯიბიდან და მიბნედილი ხმით კითხულობს შაირის ყაიდაზე გამართულ ლექსს ვახტანგსა და მის გოჭზე. აქაც იუმორის ფთილებია მიმობნეული, აქაც ჭანსალი ანეკდოტური სიტუაციაა აღწერილი და სიცილ-ხარხარში ეზოში გამოტანილ სარჩო-საბადებელს მოუბრუნდება ტოლუმბაშის საგანგებოდ შეკვეცილი პურობა.

უკვე სამასი ფუთია ნალიაში ჩაყრილი.

— მეტს ვერ გაუძლებსო, — ამბობს შოთა მარღანია და დიდის ამბით კვერს უკრავენ ხუტა ხუფენია თუ იაშა აშორტია — ქანქანესა.

ოდა-სახლის მეორე სართულის ფართო აივანზე იწყებენ გარჩეული სიმინდის ტარობის დაყრას. აქ უხვადაა ჩვენებური, პრიალა კანის თუ ვარდისფერი გოგრები, ხეშეშკანიანი კვახაბერები, ხაპები, იგივე ტუტლები, ორშიმოებად რომ ახარატებენ კახელი თუ გურული მევენახენი. გაცრეცილ მუშამბაზე გაშლილია გასარჩევი ლობიოს გორაკები. ამ უკანასკნელთან დედაბრები სხედან: ხელით-მოსაუბრე მარო ლურწკაიხე, ამირანის შავგვრემანი დედა მარგო და საქალეთის მამფალი თუმაშა, ოჯახის დიდღიასახლისი, ცაზე მიმქროლი მთვარის ალიკვალი, ერთადერთი დედამთილი დედამიწის ზურგზე, რძალს გადაბრუნებულ სიტყვას რომ არ აკადრებს, მომჭირნე და უხვი ერთდროულად; მორჩენილ ლობიოს აივნისაგან რომი გადაუძახებს ზოგი დაუდევარივით თუმაშა ქალბატონი, არამედ, ქოთანში ახალი რომ აფართხალდება, მაშინ მიუმატებს, ქინძით გააჯერებს ბლომად, წიწაკის მთელ პარკს დაურთავს და კარგი დედის შვილი ხარ ჭიშკართან მომდგარს ნერწყვი ენა არ წარგტაცოს.

დახვავებულია კედელთან გაუცეხავი ცოცხი. მისი დაბეჭვის დიდოსტატი მარი ჯალაღონხეა. აიღებ ხელში და ნაგავში ჩასაჩრელად დაგენანება.

ხეჭეჭური მოგვიანებით დაიკრიფება შერჩევით. გიდელ-გიდელ ჩამოეშვება იგი მიწაზე ადესა-სავით. დანარჩენს, მიუწვდომელი ადგილებისკენ გაპარულებს, დაბერტყავენ, ხის უროებით დაჩეჩქავენ როფებში და რკინის რეზერვუარებში ჩაუძახებენ.

ასეთი ცარიელი კასრები გალიდან ჩამოაქვთ არჩიკო შამუგიას და ღუდა ალფენიძეს. ეს უკანასკნელი მამაჩემის მეგობარია, აფხაზეთის სააფთიაქო სამმართველოს მძღოლი. იქ ჩვენებური შოთა ქირთბაია უფროსობს და მისი წყალობით ოტობაიელებს უკვდავების წამალიც კი არ აკლიათ.

რეზერვუარებს ბურვაკის ფასად იშოვი. „ზუბილათი“ ამოაჭრიან ნახვრეტთან მხარეს. თევზის ნაქონარს გამოწვავენ, შეფისავენ შიგნიდან და ჭურჭელიც მზად არის. არაყს ჩვენც ცხდით, ოღონდ — კარალიოკისას. ლეღვი უკვე უშაქროდ უძღურია. აი, მსხალი და კარალიოკი ჭერ-ჭერობით ინახავს „ცეცხლოვანი წყლისთვის“ სამყოფ ენერგიას.

მთვარიანია და თუთის ხეების სიმრავლე. ბჟოლა მეგრულში მთვარის მოსახელე როდია ქართულის მსგავსად. მას ჩვენებურად „ჯამპის“ ეძახიან. ნორჩი ტოტებით, შიმალებით შრიალებენ ღობის გასწვრივ ჩარიგებულნი, ეზოს შუაგულში გაბარჯლულს კი ჭერეთ წალდი არ შეხებია. პერიფერიულებს, ცხადია, მაგრამ საჩრდილობელს ვინ აკადრებს გაჩხოტვას?!

ეთერ დეი დედაჩემის მსგავსად ზაფხულის პერიოდში აბრეშუმის ჭიას უვლის, თუმცა ეს ჟამი უკვე ჩავლილია. ჩვენც შევშველებივართ მშობლებს აბრეშუმის პარკის გარჩევისას. მაგიდაზე მავთულს დავამაგრებთ ხოლმე, სახელურიანს და მოაცილე მერე ზედმეტი ბუსუსები.

ჩვენს სოფელში აბრეშუმის პარკის გადამამუშავებელი დაწესებულებაა. ენგურისპირელი მიშიკო ფარულავაა მისი სულისჩამდგმელი. იქ არკვევენ აბრეშუმის პარკის ხავერდოვანებას, ახარისხებენ წელშიგამოყვანილებს, მომრგვალებულებს, ბაკვას, წონიან მონიკელებული სასწორებით თეთრხალათიანი მანდილოსნები, გამოგიწერენ ქვითარს და სანამ სკოლაში სწავლა განახლდებოდეს, ქალები ხელს დაიმშვენებენ ბევრისშემძლე გასამრჯელოთი.

სტალინის დროინდელი ფული უკვე ამოღებულია ხმარებიდან. ახალი, ნიკიტასი, ერთობ მომცროა და ნაკლებად მყიდველუნარიანიც, მაგრამ რას გააწყობ, როგორც ბერი, ერიც ისეთიო, თქმულა. თანაც ხრუშჩოვი აღუფრთოვანებია სამეგრელოში დანახული სიმინდის მარაგს, მის ყუათიანობას და ჭვიშტარ-ელარჯით პატივმიგებულს უბრძანებია:

— ესენი სიმინდითაც იოლას გავლენო, — და ქატოსსადარ პურის ფქვილს შემოიიტანს მთელს რეგიონში. არ ფუვდება, ხშიადივით ცხვება, გინდა ზედ გადახვეე ხუტა ხუფენიასავით.

ცოტა ხანში, როცა ნიკიტას გადაამენებენ და სქელწარბება ბრეჟნევის მართონული გენსეკობის მრავალჟამიერი დაგუბდება ფილტვებში, უძრავ მდინარესავით, მეც მომიწევს ერთი სეზონი საპარკოში ცეცხლფარეშად მუშაობა.

აქ ბაბუა თამაშუქუს გაზრდილი ენაბლუ ვახტანგი მეამხანაგება სოფლის მჭედელ მამია რატიას ავთასთან და თანაკლასელ რევდენ ზანთარაიასთან ერთად.

ქვანახშირს იშვიათი ხარისხის ჭვარტლი ახასიათებს საერთოდ. მინახავს ბაბუა თომა ზეთში-არეულ იმ ნივთიერებით როგორ ღებავდა ხოლმე ხარის ტყავისგან გამოყვანილ ტოპრაკებს. ხოდა, ამის მცოდნე მურს სახეზე მოვაფრქვევ გამოხარულ პარკზე გაშხლართულ, პაპის ლექსის პერსონაჟს. ამ შემთხვევაში მძინარეს ჭვარტლი გელუტუნება და უნებლიეთ, ინსტინქტურად სახეს ისრეს, რის შედეგად ღაწვები ისე შთამბეჭდავად გაგეზინებდა, შენი ფერი კონგოს მკვიდრს გვარიანი შურით აღანთებს, მაგრამ ამ ანგლობას ერთი უსიამოვნებაც დაერთობა: როგორც შემდგომში ირკვევა, ვახტანგი დამშვენებულ სიფათს ზომაზე მეტად მიახოცავს პირველი ხარისხის პარკს და გასამრჯელოს მომლოდინე დედა ჯიბეზე გვარიანად გააკვრევენებს ხელს მამაჩემ მიხფეს.

გაჩხოტილი თუთის ხეები, ოდესღაც აშოტილები და ზვიადნი, უმწეო ბუჩქებივით მიმოფანტულან სოფლად. მხოლოდ ნაპო ბიძიას ეზოში გაბარჯლული შრიალებს უმაგალითო თავმომწონეობით და ასერგასი ადლის ჩრდილს მიმოისვრის ირიბი მთვარის წიაღში.

თუთის ფოთოლზე ბაბუა თომაც მოაშურებს ხოლმე ოტობაიას ურმით. მარი ჯალაღონხე სანიმუშო მეაბრეშუმეა მთელს სამურზაყანოში, ასე რომ, არაფერია გასაკვირი თუ ქალიშვილიცა და ძმისწულიც მის კვალს გახყოლიან.

კანში შესვლისას თუთის ფოთოლი შემოაკლდება მიმინოსებური გამოხედვის ბეზიას. ხოდა, საშოვარზე წამოსული თომა ბაბუაც მოშარიშურე ტოტებით დააკაპანებს ურემს. კოფოზე მოკალათდება, მეც გვერდით მომისვამს, მაგრამ ზოზონა კამეჩების ტემპი გეკმარისება ჭინკების სადევნელი ქარებით დატუშებულს?! და ეძიებ რაღაც გამოსავალს სიჩქარის გასაზრდელად. წვრილ ტოტს

ფოთლებს და კანს გააცლი. გინდა ცოტათი შეუჩიხინო ხარკამეჩებს, რამდენადმე აასწრაფო მათი ძარღვების ამშლელი ზოზინიდა უსაშველო გზაც რამეფრად შეამოკლო. პირუტყვი შეიგრძნობს წკნელის წამახულ ბოლოს, ოთხკუთხა თავს გააკანტურებს პროტესტის ნიშნად, მაგრამ ჩხვლეტას ზედიზედ რომ გაუშეორებენ, ტოლის დამდებ ამხანაგს უგანებს, თხრილისკენ გააქანებს ურემს.

— ხიი, ოორე, — ფოლტს უზათქუნებს ფერდზე ფეხზეწამომდგარი თომა ბაბუა, — რა ბუზანკალი შეუჩნდა ამ სამგლეს? — წუხს თავისთვის. დაშოშმინებული კამეჩი კვლავ მიზანტობს. ბაბუა დროდადრო მომხედავს ზედმეტი თვინიერებით გარემოსილს. ისევ მიიზღაზნებიან კამეჩები.

შუადღის ხვატისგან ციდის სისქე მტვერი დასდებია ოღროჩოღრო გზას. ღავღავებენ ძაღლები, ყვიან მამლები. გვესალმებიან შარა-შარა მხედრები თუ ქვეითი მანდილოსნები, რომლებიც თემ-შარაზე ძველმანი კალოშებით მიიჩქარიან. ახლები ბოხჩებით მიაქვთ, როცა სოფლის ცენტრს, ან წვეულემა-ქელეხის ადგილს მიუახლოვდებიან, მერმე ჩაიცვამენ, მერმე აღიკაზმებიან საზეიმო ელფერით.

კამეჩის გავაზე საძვერებლად გამზადებული მოუსვენარი წკნელი თავისას ითხოვს მისი შემოქმედისგან. კვლავ ფოთლებში გავატარებ იმ იარაღს და ხარკამეჩის კუდუსუნის ძიებაში აქეთ-იქით ვატრიალებ. ამასობაში გზას აცდენილი წკირი დიახაც რომ ბაბუა თომას ეძვერება რბილობში და ფეხზე გველნაკბენივით წამოვარდნილი კაცი, მიხვდება თუ არა აუცდენელ გასაჭირს, გადამიჭერს ზურგზე სახრეს:

— უხანე, ურდუ! ამოდი, ნუ დამაღამებინე! — მეხვეწება როდის-როდის, მაგრამ ეს ყველაფერი წარსულის სკივრში ყრია ოქროცურვილ მოგონებათა სახელწოდებით.

ამჟამად კი ნაპო ბიძიას ეზოში სიმინდს არჩევენ შეზარხოშებული კაცები. ხეებს ჩრდილები უმკვეთრესად დაგრძელებია. ტარობს შემოცლილ ფუჩეჩს თხილის გადასატან ვეება ჯვალს ტომრებში ტენიან და საბძელში მიაქანებენ. საზამთროდ ინახავენ ბოჩოლებისთვის და ზაქებისთვის.

მამაჩემს უკვე მარცხენა თვალი მოკიჟვია და მარჯვენა აქა-იქ უთამაშებს. დედა ძუძუს აწოვებს რიგით მეოთხე შვილს, ომარს. მეხუთე და მეექვსე ასულები მოგვიანებით გაჩნდებიან. მამას დიდხანს არ დასცალდება ნაბოლარა დარიკოსთან გათამაშება, ისე გაუყვება შორი ქვეყნის გზას.

დედაჩემი ჯიშინი ქალია. ხუთი წელიწადი მასაზრდობდა მკერდით. მორიდებით იტყვის ხოლმე:

— ოთხად გაკეცილ პირსახოცს დავიტნევდი და ვიდრე სოფლის ცენტრამდე მივალწევდი, ზედა ტანი წყალში ამოვლებულივით მისველდებოდაო.

კლარა გელენახეს ცხოველმყოფელობა ეთერ დეის უფროს ვაჟიშვილს წაადგება განსაკუთრებით. ნიადაგ სოფლის თემშარას გამოკერებული მოსამსახურე ქალი ნაადრევად მოილოგინებს და „თუნთის მარგვივით“* ოთარი შვიდი თვისა მოველინება სამყაროს. მედიცინის თვალსაზრისით შვიდთვიანები სრულიად ნორმალურად აგრძელებენ სიცოცხლეს, თუკი მათ სათანადო პირობები შეექმნებათ. რვათვიანები კი აქ-იქ იღუპებიან ხოლმე, როგორც ბებია-ქალი — ბაბი მურღულია თუ საქვეყნოდ ცნობილი მეანი — მარგო ბულისკერხე ირწმუნებიან. მოკლედ, ჩემი ძუძუმტე მთელი ორი თვით ისულსწრაფებს საწუთროში შემოდწევას, ლუკმაში დროულად ჩამეზიარება და პირსახოცებსაც იხსნის გაუთავებელი სინესტისგან.

დედა ეთერას მიწოდებული საკვები არ ყოფნის თურმე პირმშოს და აი, აქ დედაჩემის მოჭარბებული ლაქტაცია მაშველი რგოლივით მიუსწრებს მისი უძლები მემკვიდრის მადას. სამ წელიწადზე მეტს დასტრიალებს მალხაზის ტროყა ბუნებას დედაჩემის ბარაქიანი მკერდი. ზამთრის ღამითაც კი ორჯერ დგება, მუგუზხალს წამოავლებს ხელს ძაღლების მოსაგერიებლად. ისე დააპურებს პატარას, სახლეულები ვერც მოსვლას იგუმანებენ და ვეღარც — წასვლას. ასე რომ, ჩემი წილი მადლი მკვიდრად დაისადგურებს ძუძუმტე ოთარის ძარღვებში. ეს სიკეთენი მერე და მერე მრავალგზის წაადგება ჩემს დედაშვილს წუთისოფელთან კამათში და ახლა, ღამის ერგასი წლით გარემოცული, უნებურად ვასკვნი:

დიდმა მუხამედმა უცილობლად იცოდა დედის რძის განსაკუთრებული თვისებების შესახებ. ამიტომაც, როგორც წესი, მუსულმანები თავიანთ შვილებს სამ წელიწადს მაინც კვებავენ რძით. ეს უებარი საშუალებაა სამყაროსიეულ შხამ-სამსალათა საწინააღმდეგოდ, ვინაიდან დედის რძე სტერილურად აწვდის ჩვილს მაღალკალორიულ ნივთიერებებს.

ჩემი ძუძუმტეც, დიახაც, ამიტომ გახლავთ ჯმუხი აგებულებისა, ჩაკირული. ექვსი წლისა მამის ველოსიპედს დააქროლებს შუკა-შუკა. მართალია, ზემოდან ვერ წვდება პედალს, საამისაოდ ჯერ ფრიად პატარაა, მაგრამ მოხერხებულად შეძერება ჩარჩოში, მარცხენათი საქვს ჩაფრენია, მარჯვენ-

ნათი — „რამას“ და ასე, ხან პური მოაქვს მალაზიიდან მამისთვის და ხანაც — წითელკოლოფიანი „პრიმა“.

რვა წლისა უკვე ოცკილოგრამიან ბლოკებს იბაგუნებს მკერდზე და სრულიად სამართლიანდ შეარქმევენ „ბრიკეტას“.

ცოტაც და ჩემი ძუძუმტე უფრო შორსაც გაუტევეს იმ ველოსიპედით. საბარგულზე ფუთნახევრიან ტომარას შემოიგდებს და ზოგჯერ დორითე ძაძუას წისქვილისკენ გაქროლდება, ზოგჯერ — გადაჭრილი ჩექმებით მოლაყუნე აყლაყუნა ალე ძოწენიძესთან. ამ უკანასკნელისთვის ოტობაიელებს სალალბო სტროფები შეუქმნიათ:

**ალე, ალე, დუქაქალე,
დუქანეფიშ უკახალე,
დოუცოთ კაჭა,
ქუდგომბალე.**

**ალე, ალე, დაუქაქანე,
დუქნების უკან,
კვანტი გამოვსდე,
წაგაყირაგე.**

ველოსიპედი იშვიათი ტრანსპორტია ოტობაიაში. ეტლის შემოსვლა მახსოვს. ზანზალაკებიანი ცხენებით რომ შემობრძანდება იგი სოფელში, მთელი სამეზობლოს ბავშვები ავედვენებით, ლამის ფიჩორის საზღვრამდე. უკანა ლილვს შევახტებით რკინისას და ასე დავემგზავრებით რიგ-რიგობით.

მეეტლე თითქოს ვერ გვამჩნევს, კოფოზე არხეინად მოკალათებული გრძელ მათრახს უთავაზებს გაქაფებულ მერნებს, ჩვენც მოგვიწვდენს ერთ-ორს ჩამოსახტუნებლად, თითქოს შევიბრში გვიწვევს, ამოწმებს ჩვენს გამძლეობას: ვნახოთ, აბა, რა ბიჭებიც ხართო.

ნაშუადღევიდან მოყოლებული გაფაციცებით ვუცდით მერმე იმ ეტლის ჩამობრუნებას, მაგრამ ამაო გამოგვადგება ლოდინი. მოგვიანებით შევიტყობთ, ნაკარღალიდან განმუხურში გადასულა და იქიდან მეგონა ჯალაღონიას ბორნით ენგურზე გაღწეული, ზუგდიდ-ქალაქს მიბრუნებია.

ამისთანა დაბოვილი რკინის ნავები ბაგირზე მოხრიალე მილითა და ორთაყვირით, ოტობაიელებსაც გაგვაჩნია „ბეტრეს პარონის“ სახელწოდებით, მაგრამ მოვუბრუნდეთ ძუძუმტეს ველოსიპედს, და მერმე — თავად მთვარიანში სიმინდის გარჩევას.

ნაპო ბიძიასთვის ველოსიპედი შეუცვლელი ტრანსპორტი გახლავთ წლების მანძილზე. ეთერ დეისაც შემოისვამს ზოგჯერ საბარგულზე, თუმცა ეს უკანასკნელი ქვეითად სიარულს ამჯობინებს და აქ მას ნამდვილად ვერ გაამტყუნებთ, რამეთუ ნაფრონტალი კაცისთვის იოლი არ არის იქით-აქეთ ათი კილომეტრის მანძილზე ორი ადამიანის გამუდმებული ტარება, განსაკუთრებით ისეთი კაცისთვის, რომელიც მგზავრობის დროსაც კი ხელიდან არ აგდებს წითელკოლოფიან „პრიმას“ და კვამლის გრაგნილების გრძელი კული გაფიქრებინებთ, მომცრო ორთქლმაგვალს ხომ არ ჩაუვლია გზისპირა.

ველოსიპედი ამირანსაც გააჩნია ჩვენს სამეზობლოში და კიდევ — შოთა მარღანიას. მამაც იყიდის ერთხელ, მაგრამ კვირისთავზე ააწაპნიან სიმთვრალეში მერხზე მიძინებულს. ვის შესჩივლებ? ერთბაშად სერია-ნომრით არ აღმოაჩინო.

სამოხიოში სატვირთო მანქანაც გვყავს, რომელსაც თვალის ჩინივით უვლიან არჩიკო შამუგია და მისი უმცროსი ძმები. სულ ძარის ქვეშ შემძვრალან და ხან კარბიურატორს ჩახკირკიტებენ და ხანაც — რესორებს თუ „გლუმიტელს“.

ორიოდე წელიც არ გავა და ნაპო ბიძიაც შეიძენს მსუბუქ ავტომანქანას, წითელი ფერის „მოსკვიჩს“. ახლა მართლაც ამოისუნთქავს დეიდაჩემი, ოთარი ხომ გაიხარებს და გაიხარებს, ვინაიდან ველოსიპედი ამჯერად აბსოლუტურად მის განკარგულებაში გადავა. თუმცა მამაჩემისა არ იყოს, სოფლის სტადიონზე ფეხბურთის თამაშით გართულს, თვალსა და ხელს შუა ააცლიან მესერზე უპატრონოდ მიყუდებულს. მალე გაირკვევა ველოსიპედის ქურდის ვინაობა. ცრემლად დაღვრილ ოთარს ნაპო ბიძია ხმას გააკმენდინებს.

— ორლობის ფეხისხმას ხომ არ ავყვები?! — გაცხარდება, მაგრამ მომღვენო დღეს, დუქნებისკენ წასული იმ ერთადერთ საექვო პიროვნებასლა არ ჩამოართმევს ხელს კლუბთან შეკრებილებაში და ამით მომთავრდება ყველაფერი.

ბევრი რომ არ გავაგრძელოთ, ჩვენებურებს ტრანსპორტის მხრივ არა უშავთ რა, თუმცა რადგანაც სიტყვა ჩვენებურებზე ჩამოვარდნილა, ბარემ ისიც ვთქვათ, თუ როგორი შემადგენლობისაა სოფელი გვარეულობის მხრივ.

„ნების“ პერიოდის ოტობაიას , ცხადია, ვერ მოვუსწრებ ასაკური ბარიერის გამო, მაგრამ იმდროინდელი მშენებლობის ნაშუსრევი, ახალში ორგანულად მოქცეული, აქამდე შემორჩენია სოფლის ცენტრს, რომელსაც რატომღაც მაღაზიის მაგივრად „დუქანების“ ეძახიან, იგივე დუქანებს.

კედლები მონოლითურად ჩასხმული ბეტონისგან ამოუყვანიათ, რომლის უკანა მხარე წვიმას ჩამოურეცხავს და ზედ რამდენიმე დავარჯღული ლეღვი ჭინკასავით აცოცებულა. ეს დუქანები თავიდან ხუფენების ყოფილა. ნაპოს ბაბუას იმდენი ფული მოუგროვებია მუთაქებში, რომ გაუქმების შემდეგ ნახევარი დღე წვაგდნენ თურმე ოდის მოფარებულში, მაგრამ— ამაოდ, ცეცხლიც არ ეკიდებოდა იმ ოხერსო.

კოლორიტული გვარი რამდენიმეა ოტობაიაში, თუმცა ვიდრე ამათზე დავძრავდე სიტყვას, ბარემ ერთი საკითხიც მოვისტუმროთ: დიდი ანუ ჩვენი და პატარა, იგივე კუნთხუ ოტობაიას პრობლემა.

პატარა ოტობაია მართლაც ერთიანად ჩამოუვარდება დიდს ტერიტორიით თუ სულადობით, ოღონდ იქ ხალხი გაცილებით შეძლებულია, ვინაიდან მდინარისპირა ზოლში თხილის საარაკო მოსავალი იცის, ხოლო ჩვენები ძირითადად სიმინდით ირჩენენ თავს.

ჩვენი ოჯახი ხომ მთლად ბოგანოა, რამეთუ, როგორც მოსამსახურეებს 1500 კვადრატული მეტრის მიწას მოგვიზომავენ თავიდან. ეს ნაბდისგაშლა მამული დედაჩემის ძალისხმევით ჯერ 2500-მდე გაიზრდება, შემდეგ სახლისგან მოშორებით კიდევ ავიღებთ საყანე ნაკვეთს. მას აქეთ ჩვენი საცხოვრისის წინ, ვახანიებისგან ჩალის ფასად შევიძინეთ გაუდაბურებულ სამოსახ-ლოსაც, მაგრამ ნაპო ბიძიასგან განსხვავებით მაინც ალთა-ბალთას გაფანტული მეურნეობა გვაქვს და შესაბამისად იქაურ მადლსა და ბარაქას ვერაფრით შევიტკობთ.

პატარა ოტობაიელებზე ერთსაც დავსძენ: თავმომწონე ხალხია იქ, მომეტებით თავმოყვარენი, თორემ ოტობაიელის ენიანობისა მომიხსენებია.

ხოდა, ერთხელ, ამერიკაში საგასტროლოდ წარმგზავრებულ ყველასთვის საამაყო ზურაბ სოტკილავას, რომელიღაც სიმღერის ჩამთავრების შემდეგ, დარბაზიდან მეგრულად შემოეხმიანება ფრაკიანი ხანდაზმული:

— სონ რექ წიე, სი?*

— ჭიჭე ოტობაიაში!*— მკვირცხლად უპასუხებს სცენიდან ტენორი.

— დიდ მუთუნ ვარდ დო ჭიჭე მუ იცი? — გადაიხარხარებს იანკი კოლხი და ხელებგაშლილი გაემართება მსახიობისკენ.

ეს ყველაფერი სასხვათაშორისოდ.

ჩვენი სამკვიდრობლის ჩრდილოეთით საზანთარაიაოა, ზურგს უკან, რადგან აღმოსავლეთი ჩვენგან ხელმარცხნივაა, უკულმართად. ისინი ლამის გაგიდამდე არსებულ სივრცეს ალავსებენ და განსაკუთრებული დაბდურხასიათით გამოირჩევიან.

ზანთარაიაზეა თქმული, ლელეში სავეს მთვარის ანარეკლი სულუგუნი ეგონა ბედოვლათს და მოადინა კიდევ შიგ დღვაბანი იანვრის მიწურულსო;

მათზე ხითხითებენ დღემოსწრება, მარილი რომ დათესა თურმე მეურნე კაცმა ხასაიას შემოამხანაგებით, უხვ მოსავალს მოვიწევთ და ავშენდებითო;

ზანთარაიებზე წახუმრებულა მათემატიკის ცოდნის უიშვიათესი მაგალითი, როცა ას ჭოლოკს მიიტანს კაცი შინ და საჭიროებისას ორმოცდაათილა აღმოჩნდება დიასახლისის ხელმარჯვობის თუ მეზობლის ქურდბაცაცობის მეოხებით:

— გახმა და აბა, რა იქნებოდა, განახევრდაო, — იმართლებს თავს.

სამხრეთით სახუფენიაოა, ნაპო ბიძია, სერაპიონის ბიჭები, ჯიბა გოლკიპერი, მეცხენენი და გუთნისდენი, ჩემი კბილა ზურა, სიმღერაში უბადლო;

იქ საჯაიებიც მკვიდრობენ უხვად, გულფიცხელანი, ხშირწარბება ვალიკოს მეთაურობით, რომელსაც ნატყვიარი მარჯვენა სულმუდამ მოკეცვია და კიდევ — ალფენიძეები, რუსულის მასწავლებელი ტრიფო, ერთადერთი სალანძღავი ეპითეთით: „სი ძუიკი“ — შე უჟლიკო;

შეუღარებელი ბარიტონი ჭუკა მრავალრიცხოვანი ჯალაბით, ბერანძეები...

დასავლეთი ძაძუებს, იზორიებსა და ჭანიებს დავუთმობთ, ტუჩნაჭრილობევ მეწისქვილე დოროთეს, ჯაგარაულვაშიან გრიშას, ნოეს, ვარადის, როხროხა ორდეს, ხეკულე ვაგის და ვინ მოსთვლის.

მათში გაბნეულა ჩემი თანაკლასელი ტარზან თოდუას მამა გუგუ, გაკვეთილს რომ დააწყებინებენ და ნახევრის შემდეგ:

— ჭუჭუ, შენ გააგრძელო, გადაულაპარაკებს უმცროს ძმას.

რაც შეეხება აღმოსავლეთს, მესხებისთვის, შენგელიებისთვის და გამისონებისთვის გვიბოძებია.

მათში დაუნჯებულა ენაკვიმატი ნოჩო თაკალანძე.

საქვეყნოდ ცნობილია მისი დიალოგი გალის რაიკომის პირველ მდივანთან, დამიანე გოგოხიასთან.

ეკითხება ლადის ძე უხუცეს ოტობაიელს:

— ხომ ვერ გვეტყვი, სოფლის წინსვლას ვინ უშლის ხელს თქვენთან?

— რატომაც არა? — სერიოზულია ნოჩო თაკალანძე, — სამი კაცია სულ, თავმჯდომარე, პარტკომი და ბუღალტერი.

— გაიმეორებთ ამას კრებაზე?

— უეჭველად! — უდასტურებს ნოჩო ყალიონის პლაკუნით.

ოტობაიელები დაფაცურდებიან. კრებამდე გვარიანი დროა და ჩაუყრიან ნალიაში სამ ურემ სიმინდს, ორ ფუთ ლობიოს, ფულსაც ცალკე წეკოსთვის, მთელი წელიწადის სამყოფს.

აგერ, კლუბში მოგროვილია საზოგადოება. აქ ბრძანდება კიტელიანი ნოჩოც. დამიანე ხელით ანიშნებს ასაკმოყრილ წვეროსანს: აბა, ილაპარაკეო და ისიც წამოიმართება სანახევროდ წელში-გაღუნული, ჭერისკენ თვალაპყრობილი:

— ამხანაგო, მდივანო, ტყუილი მოგახსენეთ, სამი კაცი ყვლეთს სოფელს-მეთქი: თავმჯდომარე, პარტკომი და ბუღალტერი; ახლა უკვე ოთხია, გაჩუმებისთვის მომართვეს წელან სიმინდი ურმეულებით და თავს ზემოთ ძალაა?

ასეთია ჩემებურების არეალი სიყრმისჟამინდელ ოტობაიაში. იქ გოჯით არ შეცვლილა საგვარეულოთა განლაგება გეოგრაფიული თვალსაზრისით. მოხდა მხოლოდ თვისებრივი გადაადგილება ყოველდღიურობიდან მარადისისკენ, ანუ საწუთროდან სამუდამო სასუფეველისკენ — სასაფლაოსკენ. იქ კი, იმ ყურამ ადგილას, მოშლილია უკვე სამყაროს კოორდინატთა სისტემა, მისი აღმოსავლეთ-დასავლეთი თუ ჩრდილოეთ-სამხრეთი, მაღლითა თუ დაბლითა, შორი თუ ახლო; იქ განსაკუთრებული კანონზომიერებით განისვენებენ ჩემებურების ნათელი სილუეტები: მაგალითისთვის, მიხეილ ფეტელავა, იგივე მიშა, მიხფე, დასავლეთით რომ მოქცეულა, ნაპო ხუფენია აღმოსავლეთითაა, ხერიკო პაპასქუა — ჩრდილოეთით და თომა გელენავა განუყრელი მუთარეთი — სამხრეთით, თუმცა ამ მეტამორფოზას ვითომ გააჩნია არსებითი მნიშვნელობა, როცა ცოკოლამდეა შემუსრილი აფხაზებისა და მათი დამქაში სომეხ-კაზაკ-ჩეჩენის ხელით კოპწია საცხოვრისები?!

ზოგი მათგანის პატრონი იმ ნაგებობის უკეთ ასაბრიალებლად მიმატებია კიდეც ცეცხლის ენებს საწვავ მასალად.

ისე კი მომხდური მთლად არ განაძირალებულა ამ ექვსი წლის მანძილზე და საფლავეებისთვის იოტისოდენად არ უხლია ხელი.

ნუთუ ფეთქავს მათ არსებაში სინდის-ნამუსის ძარღვის ნატამალი?

დანაცრეს ოდა-სახლი; დაანახშირეს სამზადი, ნალია, საქათმე და საღორე, საბძელი; აამტუტეს ყოველივე, რაც სიცოცხლის ნიშან-წყალს შეესაბამება, ტუალეტიც კი, მხოლოდ საფლავეებს არ გაკარებია და ისიც იმ მოტივით, ალბათ, რომ სიკვდილის ატმოსფეროსთვის ხაზი გაესვათ; რომ ამ სოფლად ყოველივე მიცვალებულია:

მკვდარია ბუხრები, საიდანაც კვამლი ამოდიოდა ოდესღაც;

გარდაცვლილია ჭები, ვინაიდან მყვარებს გადაელოცა იგი გაუქმებული ოწინარის თამალობით; მორღვეულა ღობეები, ეკალ-ბარდს მინებებულა ჩემებურების ნაოფლარ-ნაღვაწი საუკუნობით;

მხოლოდ საფლავეები, მხოლოდ მარმარილოში ამოვლებული ოტობაიელთა სამუდამო სავანეა ხელუხლებლად.

ესეც მტრის ქვეტექსტური ნიშნისმოგება:

— არაფერი დარჩება შენგან საფლავის გარდა. არარაია ამ მიწაზე შენი საწილო სამარის მეტიო, — გეუბნება დუშმანი უსიტყვოდ.

ჩემი ვარაუდის მართებულობას ერთი ფაქტიც ადასტურებს.

დღესაც, ამ მამასისხლურ დამოკიდებულებაში, მამაპაპისეულ სასაფლაოზე მხოლოდ მიცვალებულთა გადმოსვენებაა შეუფერხებელი, უშლაგბაუმო. ცოცხალს ყელს გჭრიან, სისხლს ხვრევენ შენი ძარღვებიდან წამოანკრებულს და როცა ცხედრებით მიბრუნდები იმავ მიწაზე, კარები ფარღალაა შენიანთა ნეშტების დასამარხად. მკვდარი კარგია სათვალთვალოდ, გულის მოსაოხებლად.

— რა ნაზი ბეწვი გქონია, რა ხატულაო, — მახსენდება ფოლკლორიდან დაურვებულ ვეფხეზე

თქმული ბალადა, და ასეა შენი ძვალშესალაგი მომხდურისათვის, ბრჭყალებდალეწილი, უვნებელი, ბუტაფორია მხოლოდრე!

ძუძუმტეს ველოსიპედის აღმა-დაღმა ქროლება მიხსენებია, მაგრამ აღარც ურიკელასთანაა მაინცდამაინც მწყრალად. ტყუილად როდი ვეძახით ბრიკეტას. ხშირად ვმეურვევობ ძუძუმტეს, თუმცა რა მეურვეობა, ჯირკით ჩაკირული თუ გააბრაზე, ბოკვერით შემოგიღრენს. ისევ მეგობრობა სჯობია, ხოდა, გამოიძებნება ჩვენი თანხმობის უებარი საშუალება — ბიბლიოთეკა, წიგნები.

ნაპო ბიძიასთან უფრო ისტორიული ხასიათის ტომეულებია: ივანე ჯავახიშვილი, სტრაბონი, ლამბერტი, ბოროზდინი, ხეროდოტე; მხატვრული ლიტერატურაც მსგავსი ყაიდისაა, ისტორიული რომანები: „გმირთა ვარამი“, „დავით აღმაშენებელი“, „აივენპო“... ეს წიგნები ჩემთანაცაა. ჩვენი ბიბლიოთეკა მხატვრულ-მეცნიერულის ნაჭვარია.

ზედა თაროზე „დიდი საბჭოთა ენციკლოპედიის“ სრულყოფილი, შავყდიანი ზორბა ტომეულებია. მერე მოდის თხზულებები ანთროპოლოგიაზე, ბიოლოგიაზე, ფარმაკოლოგიაზე, ქიმიასა და ფიზიკაზე. ათეისტური ხასიათის წიგნების სიმრავლეა. გამადიდებელი შუშითაც ვერ დალანდავ ძველსა და ახალ აღთქმას. ეს ყველაფერი ილუსტრირებულია და ამდენად, ოთარიც გამოჭერილი მყავს, როცა საკითხი დათვალეირებას, თვალსაჩინოებას ეხება. ამ მხრივ ჩემი ბიბლიოთეკა მთელი სამეზობლოს თანატოლებს იზიდავს: ამორტიებს, ელიავებს, რატიებს, იზორიებს. ჩვენ ვფურცლავთ ენციკლოპედიებს და რიგრიგობით ვითვისებთ ყოველ შემხვედრ რეპროდუქციას. ვისაც ფერადი ერგება გალალეულიც ისაა. წრეში ვსხედვართ უმეტესწილად. ერთი კრემლს რომ მიისაკუთრებს, მეორეს მაგზოლეუმი ერგება ლენინითურთ, ან კიდევ — დრეზდენის სამხატვრო გალერეა თუ სულაც სფინქსის გამოსახულება. ცხადია, ეს ნაგებობანი ამგვარი თანამედვერობით როდი განლაგებულა ძვირფას გამოცემაში, ახლა, ჩემეული მონტაჟის წყალობაა გონებით, მაგრამ ხომ გარკვეულა ჯილდო-მიდრეკილებათა ნუსხა?!

ოთარსთან ძუძუმტეობის გარდა უამრავი ნათესაური განცდა მაკავშირებს. ყველაფერს რომ მოვეშვათ, ჩვენ სისხლხორცი დები გვიყვარს, უფროსი — მე და შუათანა — ბრიკეტას. ისინი ჩვენ-ჩვენი თანაკლასელები არიან. ამის თაობაზე ყველაფერი უწყიან მშობლებმა. შემოტევა ორივე ფლანგზე ანგარიშგასაწევია, მაგრამ ქოქოლას სიყვარული ჯერეთ ვისთვის მოუშლევინებია, ჩვენ რომ მოგვაშლევინოს?!

ისე, გასაოცარია ფრიად, რატომ ზომავენ მშობლები სარძლოებს და სასიძოებს საკუთარი არშინ-ადლებით?! რატომ არ ძალუძთ წამით მაინც გარდაისახონ და იმნაირად ჩააშტერდნენ თავიანთი შვილების სატრფოებს, როგორც ამას მათი მემკვიდრეები ახერხებენ?!

არა, მშობლები გაცილებით უცხონი არიან შვილებისთვის, ვინემ — ქუჩა, მოედანი, წისქვილი, სტადიონი. ხოდა, რადგანაც მიჯნურებითაც ვემოყვრებით ერთმანეთს მე და ოთარი, ბუნებრივია, შეშის დახერხვა გვერდიგვერდ გვირჩევნია, კუნძების დაპობაც, ჭიდან წყლის ამოღებაც თუ წისქვილში წამგზავრება ზოგჯერ ველოსიპედით და უფრო ხშირად — ურიკელათი.

ეთერ დეი დასაქმების წინ უცილობლად დაგანაყრებს ფუმფულა პურით და მტკავლის სიგრძის სულუგუნის ნაჭრით. ჩვენს ოჯახში სულუგუნი დიდხანს ვერ ჩერდება. ერთი ძროხა იძღვანკება ორსამ ლიტრ რძეს, რომლისგან მუჭისისხო კაზლა ყველი ძლივს გამოდის. დანარჩენ რძეს წამოადულებს დედა და ეგრევე ზეზეურად მივირთმევთ მარილით გაჭერებულს. ხოლო ხუფენებისას ყოველ დილა-სალამო მოზრდილი ქვაბი მისჩერებია დიასახლისის თვალეში:

— მომიფრთხილდი ჭირიმე, მზერა ნურსაით გაგექცევა, თორემ შეიძლება ისე უცაბედად წამოფუფედე, ნახევარიც არ დავრჩე ჭურჭელში უპატივეცემლობის გამოო.

ეთერ დეი ჩემი დიდი ქომაგია. იცის კალამს ვაჭარაჭუნებ და ვეამაყები. თავისუფალ თემებს, დამრიგებელი ნელი შამუგზე რომ მაწერინებს გაკვეთილებზე, უსულგულო გარჩევების სანაცვლოდ, დეიდა კითხულობს უკლებლივ, მეხსიერებით აღდგენილს. ჩამისწორებს შიგადაშიგ, თანაც რჩევა-დარიგებასაც შემომამშველებს. შეყვარებულის დედისა და დეიდაჩემის შეფასებანი შეთანხმებულივით ემთხვევა ერთურთს.

სადღაც „ორმოტრიალი“ მეწერა, რაზედაც ეთერ დეი ბევრს იცინებს, მერე დაყვავებით, გულდინჯად ამიხსნის ამ სიტყვის წარმომავლობას. რაც მე აქამდე ორმოში ტრიალი მეგონა, (ვინაიდან ომი საბოლოოდ ორმოში, საფლავში გვაწვენს აქეთაც და იქითაც მოურჩინელი შედეგებით), თურმე ორი ომის ტრიალი ყოფილა, ანუ ორის ქიშპობა, სამკედრო-სასიცოცხლო პაექრობა.

ახლა, სანამ უშუალოდ სიყვარულის ფესვებს მოვაშიშვლებდეთ, ბარემ ომის ბატალიებსაც გადავაგლოთ მზერა და რადგანაც ნაღს ჯერაც არ დაუმთავრებია სიმინდის ტაროების გარჩევა, ჯერ კიდევ მეორე სართულის ფართო აივანზე ააქვთ გაქვტილი კალათები შოთა მარღანისა და

ხუტა ხუფენიას; ჯერ კიდევ მწუხარების სურობით არ შემოსილა ამათი დაკუთხული სვეტები; ჯერ კიდევ თავი არ ჩამოუხრჩვია ოჯინჯალეზე სილოვან ბიძიას, ნაპოს უმცროს ძმას და ხელის ერთი მოსმით არ დაობლებულან ჩვენი კარის მეზობლები, რომელთაც მრავლად მიაგებს პატივს აქამდეც გულჩათხრობილი ბიძა. ხოდა, წარმოუდგენელია ისე ჩამთავრდეს სამუშაო, რომ ერთხელ მაინც არ ამოტივტივდეს ომის თემატიკა სრული მასშტაბით.

სოფლის ცენტრში, ვიდრე ახალ კინოთეატრს აგვიშენებდეს სახელმწიფო ტიტულო ალფენიძისა და ხერიკო პაპასქუს ხელით, დიდ-პატარა მიწატკეპნილ კლუბში დავყრილვართ, სოხანესაც რომ იტყვიან იმერეთით.

გართობას დანატრებული საზოგადოების სამყოფი სკამი თუ მერხი სად მოიძეება იმ ავგიას თავ-ლაში?! ხოდა, ვბულრაობთ პრეისტორიულ ბულში. კადრების გარჩევა ჭირს თამბაქოს კვამლსა და მტვრის გრაგნილებში. მაინც არას ჩივი, ყირაზე გადადიხარ ფილმის მაჟორული პასაჟებით მოხიბლული, მაგრამ „ჭიჭა ხარჩილავა მოვიდაო,“ ჩაგეწვეთება ყურში და ზურგზე ბურძგლი დაგასხდება მყისვე. მკვდრების გამპატიონებელია ჭიჭა ხარჩილავა, ეშმაკის ნამობი, ჭინკა; ჭიანა-ჭამი კბილებით გაგილიმებს და შუბლი დაგიცვარნამდება. ინდოელი ფაკირი მიმიქარავს, გველები დახვავს უბით და არ იცი ფეხებს რა მოუხერხო: ვაითუ გაუშვა რომელიმე, ან გაეპარა სულაც?!

მისჩერებისხარ ეკრანს კინკრიხოზე თმა აჯაგრული და ომის საშინელებანი, აფეთქებები, ნგრევები, ბომბდამშენების წული, მოუხელთებელი პარტიზნების სიმამაცე და სანაცვლოდ მშვიდობიანი მოსახლეობის კედელთან მიყენება, საბოლოოდ გავიწყებს ჭიჭა ხარჩილავას არსებობას თუ უბეებით შემოყვანილი უნასების ლაშქარს.

მოზარდის გონებაში ჯიუტად იკვეთება ეჭვმიუტანელი რეალობა: საბჭოთა ჯარისკაცი უძლეველია დედამიწის ზურგზე. ამიტომაც ჩვენიანებს ვეძახით წითლებს და ცხადია, მტრის ხატიც საპირისპირო განზომილებით წამოგვესვეტება თვალწინ.

გმირების მეტი ვინ ხყავს XX საუკუნის კაცთააკვლას პოლიტიკური ნიშნით, რამაც ორმოცდაათი მილიონი ადამიანის სიცოცხლე წაასულსწრაფა მოუსავლეთში.

სად უნდა ხპოვო ხუმანიზმის ტაძრები, მეჩეთები თუ სინაგოგანი?! ან რა უსუსურია არესის დამანგრეველ ძალასთან შედარებით ბიბლიური შეგონებანი: „არა კაც ხკლა“, „გიყვარდეს მოყვასი შენი, ვითარცა თავი შენი“ და კიდევ უფრო მიუწვდომელი, კაცობრიობის შორადშორეული ოცნება — „გიყვარდეს მტერი შენი“ — ქრისტეს ბაგეთაგან აღმომსკდარი უკვდავების წყარო, ოდეს კიდურებს უმსჭვალავენ და შუბის ბუნიკით ღვიძლს უსინჯავენ ძმარნასვამს?!

რომელი ქორონიკონის მაგნიტურ არეში მოუქცევია სახელმძღვანელო პროგრამად ჩვენი ცივილიზაციის იდეალთა იდეალი არსთაგამრიგეს?

მახვილით და ცეცხლით ჩაიგრიალებს პირველი ათასწლეული.

ხიროსიმაასა და ნაგასაკის სოკოსმაგვარი აფეთქებებით ბოთლიდან ამოშვებულ ჭინივით დაგვ-მხოზია თავზე მეორე.

ძალმომრეობის განუზომელი ღვარცოფით მიგვაქანებს მესამისკენ კაცთმოძულეობის საყოველთაო სულსკვეთება და ძველი აღთქმისეული ათმცნებიანი მორალი კვლავაც კედელზე შეყრილი ცერცვია მგლური ხსიათის მოსათოკად.

სასაკლაოა ევროპა.

სისხლი გუბდება კავკასიაში.

გასისხლმდინარებულა აფრიკის, ამერიკის, ავსტრალიისა თუ აზიის კონტინენტები, ზოგან პოლიტიკური, სხვაგან პატროფილური, სოციალური თუ რელიგიური შინაარსით, და ზომო საპიენსი სამისდღემშიოდ დაასაბუთებს, რომ მას მოაზროვნე ცხოველისა არაფერი სცხია, ურეგვენესია უგუნურთა შორის — შეუთავსებელი, პოლარული, უაზრო.

ალარაფრისმთქმელია მისი წამიერი გაცისკროვნების ჟამს მოხელთებული ზევსის ქანდაკებანი, სემირამიდის ცაში დაკიდებული ბალები, ალექსანდრიის შუქურა, ჩინური კედელი, პირამიდები, ხომეროსთა „ილიადანი“ თუ ბეთჰოვენთა „სიმფონიები“;

ცხოველს კვადრატში ახარისხებული მძვინვარებით აჯობებს ადამიანი. იგი რაღაცნაირად კი გამოეთიშება ამ ველურს, მაგრამ ამაღლებულ განცდათა ქოროს იქ დატოვებს, არსებობისთვის ბრძოლის იმ ჭუნგლურ შხამთაფრქვევაში და ცივილური ურთიერთობისათვის მხოლოდ დრაკონულს, მხოლოდ ურჩხულისათვის სადაგ თვისებებს დაინარჩუნებს. ჩვენი ასწლეული სამარცხივოზე სამარცხივოთა თაფურცელია დედამიწის ცივილიზაციის არსებობის მანძილზე, რომელიც კანიბალიზმის ნაირსახეობა ეგოიზმით აგვირგვინებს სასაკლაო-სამსხვერპლოდ სახელდებული XX საუკუნის ცათამბჯენის გუმბათს, თუმცა მოვეშვათ განსჯა-მედიტაციას და ჩვენი

თხრობის რეალურ პასაჟებს მოვუბრუნდეთ.

აფიშაზე თუკი ომის აჩრდილი გამოკრთება, შეუძლებელია ნაპო ბიძია კინოფილმის საყურებლად წამოიყოლიო. ასეთ დროს მისი ოჯახის წევრები ჩვენ დაგვემგზავრებიან. გაიღვებს ზოგჯერ მაცდური სათაური, როცა ფილმის შინაარსი გაურკვეველია, როდესაც კინოსტუდიის ვინაობაც არ მქლავნდება და თანაც შინაურებიც აგიჭუჭლუნდებიან ზომაზე მეტად. ამისთანა შემთხვევაში კი აიღვენებენ ნაპო ბიძიას სოფლის კლუბისკენ ფილმის სანახავად, მაგრამ კინოლენტს პირველივე მეტრიდან შეატყობს თუ არა, იქ სულ მალე ნატუსალის სუნი უნდა დატრიალდესო, სიგარეტს ამოიღებს, მოუკიდებს და საქვეყნოდ ცნობილი ხველებით გრილ საღამოს მიაშურებს. ის ბუხუნი მერე არანაკლებ ჩაგვესმის ყურში ბომბების დგანდგარსა თუ ქვემეხების გრიალში, თითქოს ნაპო ბიძიაც არტილერიის მხარდამხარ მჭექარებდეს თავისი ფილტვებით ომის გაგანიაში.

ახლა კი, ამ შემთხვევაში, როცა კბილმეხერი ცისანა გოგოხხეს ჩონგური დადუმებულია ჩონჩორ ჯოჯუას მონადირულ ხათაბალაზე; როცა ხის ჭიშკრიდან შემოტეულა საკმაოდ შეზარხოშებული სილოვან ხუფენია განუყრელი წინაფრიანი ქუდი; როცა სიმინდის გარჩევის პროცესს წუთშევსენება გასჯდომია ძვალ-რბილში მასლაათის თვალსაზრისით; როცა თვით ელა და მინაკას პროტოტიპი მუნჯი დებიც წამით გარინდულან, მარტო აბრეშუმივით ფუჩიჩი შრიალებს, ნადს ბანჯგვლიანი მაჯები ლასტის ნაირფერი ულვაშით გაგლესვია. ყუნწში მომტვრეული ტაროების ტკაცანია, თხილის ტკეჩისგან მოწნულ კალათაში რომ ცვივიან მერმე ნაირგვარი ხმიანებით, ისეე თამშუქ მარლანია წამოიწყებს ნაპო ბიძიას ნაფაზის მხარდამხარ მომძლავრებულ ხველებათა სერიალში:

— თედოვიჩ, შენ ომის უშუალო მონაწილე ხარ, — „ვიჩებით“ მიმართვა იმდროინდელ ოტობაიაში ჩვეულებრივი მოვლენაა, განსაკუთრებით საუბარი სანდომიანი ხასიათის თუა, — ჯოჯოხეთგამოვლილი კაცი, მაგრამ მე რომ მკითხოს ვინმემ, გულწრფელად ვუპასუხებ, ლენინს და სტალინს რევოლუცია რომ არ მოეხდინათ, ამდენი ადამიანი ნამდვილად არ დაიხოცებოდა მთელს მსოფლიოში. ძალადობას ძალადობა მოსდევს. ახნაურები ვიყავით ჩვენ, მაგრამ შეძლებულ გლესზე მეტი არაფერი გაგვაჩნდა ტიტულის გარდა და კიდევ — ტრადიციით გადმოცემული ჩვევები. პაპაჩემი გვეტყოდა: ხელცთუნებას ნუ ახყვებით თორემ ფეხები გაგიმრუდდებათ და კბილები დაგცივებთო, — თამშუქ მარლანია აზიურებს აიჭიშავს გალიფე შარვალზე. ჭორფლიანია, სახენაყვავილარი. სერგო კლდიაშვილის ტყუპისცალია ჩესუჩას განუყრელი ხალათითა და დასვრეტილი თახვისფერი ცილინდრით. ლექსებით უხვად ასაჩუქრებს თანასოფლებს თუ ვინმე ნომენკლატურულ პირს, მაგრამ სანაცვლოდ ადრესატს გასამრჯელოსაც მოსთხოვს უცილობლად — ძვირფასყდიან წიგნს და ერგას წელიწადში უნიკალური ბიბლიოთეკა დაურახტავს, რომელიც, ჩვენეული შიოს მარნისგან გამორჩევით საიმედოადა შემინულ კარადებში დაცხრაკლიტული, — იყო რალაც მორალი, მდაბიოთა განსხვავებით ზედმიწევნით რომ გადმოგვეცემოდა. ესენი კი მოვიდნენ თედოვიჩ და ორნახადი არაყი თუ რახი, თავის დროზე ჩინებულად გამოცალკეებულნი, კვლავ ერთ ჭურჭელში ჩაასხეს, გაათანაბრეს მდარე და დაჯაჭვული. რალა გამოვიდა ყოველივე ამისგან? საერთო სიუშნოე, სიგონჯე, სიბეჩავე, რომელსაც ველარაფრით ვიცილებთ თავიდან. ბევრის მნახველი ხარ, კარელიიდან დაიწყე და მანჯურიათი დაამთავრე. ლამის შვიდი წელიწადი დახყავი ზღვასა თუ ხმელეთზე და რომ გეკითხები, სხვებსაც აინტერესებს აქ, რომელთაც ომში წასვლამ არ მოუწიათ მიზეზთა გამო.

— ფულით თუ ნაცნობობით დაიხსნეს თავი საშინელებისგან, — ჩაერთვება საუბარში სილოვანი, ეთერ დეის გამოტანილ, ხელსახოცში შეხვეულ თბილად შენახულ ღომს შეექცევა, თან თანამეინახედ მამაჩემი შეხიდება.

თამშუქ მარლანია ყურს არ ათხოვებს შეზარხოშებული კარის მეზობლის კომენტარს და ამორჩეული ტემბრით გააგრძელებს:

— აგერ, ხრუშოვმა ხელის ერთი მოსმით წყალში ჩაუყარა ყოველი დამსახურება სტალინს. თუკი ისეთი დესპოტი და არაკაცი იყო, როგორსაც ეგენი ყოყინებენ, მაშინ ცამდე მართალი გერმანია გამოდის: ამათი ტირანიისაგან გავუნთავისუფლებივართ და სიძულვილის მაგივრად ფაშისტების თაყვანი გვმართებს. ხა, რას გვეტყვი, თედოვიჩ?

ნაპო ბიძიას სიტყვაძვირობა ვახსენეთ, მაგრამ ისიც ნუ დაგვავიწყდება, რომ თექვსმეტსაათიანი მუშაობის მანძილზე გვარიანადაა ნაყლურწი მსხლის არაყი. ამას ზედ დაერთვის ვახშობისას მირთმეული თავანკარა ადესა, და კვლავ იმავე არყით რომ აგრძელებენ შრომა-მუსაიფს, ბუნებრივია, ლაპარაკის საღერღელი ამ გულჩათხრობილ კაცსაც აეშლება:

— ბრძენკაცი ხარ დათაევიჩ, — მსგავსი ინტონაციით ეხმინება სოფლის აშულს ნაპო ბიძია, —

მაგრამ საკითხი იმდენად რთულია, ვერც იოლად ვერ გაირკვევა. მე ისტორიკოსი ვარ და, დიახაც, მომეხსენება, რომ ჩვენი თაობა მარქსიზმ-ლენინიზმის იდეებზე აღიზარდა. რევოლუციური დოგმების ბრმა მიმდევრები გვეთქმის, მაგრამ არიან ადამიანები, რომელთაც ნათელი გონება უბოძა ზეციერმა და ბოროლასავით როდი მიხვედნიან, როგორც პროლეტარიატის ბელადების, ისე, გენბავთ — თვით ქრისტეს მოძღვრებებს.

ნადი სულგანაბულია. ოფიციალური ხელისუფლების კრიტიკა ესაღბუნება თითოეულს, თუმცა საკუთარი აზრის საჯაროდ გამოხატვას ყველა ერიდება. ჭერაც ბოგინობს ოცდაჩვიდმეტის ხსოვნა.

— თავისი არსებობის მანძილზე კაცობრიობამ განვითარების რამდენიმე საფეხური გამოიარა. ამას ადასტურებს არქეოლოგია, ანთროპოლოგია, მეცნიერების სხვა დარგები. მარქსიზმი აღიარებს საკითხის ასეთნაირ გაშუქებას: ადამიანი პრიმიტიული ორგანიზმის მუდმივი განვითარების შედეგია, ანუ უფრო მარტივად თუ ვიტყვით, ადამიანი დიალექტიკური პროცესების პროდუქტია, შრომის ნაყოფი. ეს დებულება ხეგელისგანაა აღებული, რაც შემდგომში ინგლისური პოლიტიკონომიითა და ფრანგული სოციალიზმით გამდიდრდა და საბოლოო ჯამში მივიღეთ მარქსის თეორია კლასთა შორის ბრძოლის აუცილებლობის შესახებ. ჩვენი სიტუაციის კაცს, რომელსაც უთოც კი სოციალიზმის უპირატესობას და კომუნიზმის გარდუვალობას გეჩიხინება, ძნელია განსხვავებული აზრის საზოგადოდ გამოხატვა, მით უფრო — ქადაგება, რადგანაც ამისთანა შემთხვევაში დახვრეტა თუ არა, თავისუფლების აღკვეთა განადგობელი გაქვს, — ნაპო ბიძია ხარბად მოქაჩავს სიგარეტს და ხველების მწკრივის შემდეგ ისევ დაალებს პირს სიტყვის გასაგრძელებლად, თუმცა უმცროსი ძმა დაასწრებს:

— მერედა, საციმბიროდ გვიმეტებ, შე კაცო?! თავი თუ არ გებრალეხა, ჩვენ მაინც შეგვიცოდენ, — სილოვანი პირდაპირია. ეს სითამამე არყისგანაც მოდის და კიდევ ზოგი შინაგანი უთანხმოებისგან, — სახელმწიფომ იმისთვის გასწავლა, რომ ყელში დანა გამოგესვა?

ნაპო ბიძია წაუყრუებს უმცროს ძმას.

— ბოლო დროს ბევრს ვფიქრობ ჩვენს გარემომცველ კოსმოსზე, დროსა და სივრცეზე, რომლებიც წარმოუდგენელი მასშტაბებითა და კანონზომიერებით ექვემდებარებიან, განსაზღვრავენ ერთმანეთს. უფლის ხელი ურევიაო, იტყვი გადაჭრით და კონტრარგუმენტიც იქვე გაჩნდება. დიალექტიკის შედეგია ყოველივე, განაცხადებ და უმალ წინააღმდეგობათა კედლებიც აღიმართება. სტალინის კულტის გამომწვეურება და დაგმობა ხრუშოვისგან, ეროვნულ დაჩაგვრად აღვიქვით ქართველებმა და ასეულობით უცოდველი სტუდენტი შეეწირა ამ პროტესტს, მაგრამ მე სხვანაირად ვიძიებ შურს: უამრავი ჯემალ გამახარისნაირი მოწაფე მყავს გაგიდაში, რომელთაც საპროგრამო რუსეთის ისტორიის ნაცვლად ეროვნულს ვუტენი თავში. რაც შეეხება თქვენს შეკითხვას, დათა-ევრი, ცხადია, სოციალისტური ქვეყნის წარმოშობამაც შეამზადა ის არნახული წყუული ომი. ზოგი თანატოლი თვალს ვერ მისწორებს, ძლით რომ წაიხდინა ფეხი, ძალად დაიკოჭლა თავი, ან ფრონტს რომ გაქცეოდა, ხელი გაიუქმა და მიუხედავად იმისა, ნაძირალები არიან ლაჩრული ბუნების წყალობით, ბედნიერად მიმაჩნია ყველა, ვინაიდან ის საშინელებები ვერ იხილეს, მე რომ გამოვიარე, ადამიანის სისხლი არ დაუღვრიათ...

— ომში ყოფნით არაფერი წაგიგია შენ. ეზო-კარი უფროს ძმას ჩაგაბარე. ინსტიტუტში უგამოცდოდ ჩაგრიცხეს. სკოლის დირექტორი ხარ ბოლოს და ბოლოს, როგორც სანდო პიროვნება. ეს უმადურობა ნეტავ, საიდან?!

ნაპო ბიძია მიხედავს წაგრძელებულ მაგიდას, სადაც სილოვანის გარშემო უკვე რამდენიმე მეზობელს მოუყრია თავი მამაჩემით დაწყებულს: ეთერ დეის, იაშა აშორტიას, ქანქანესას, ხუტა ხუფენიას თუ შოთა მარღანიას. სხვები არჩევენ გულმოდგინედ. ნაპო ბიძია ელვისებურად ქორულ მზერას ესვრის სისხლხორცს და ძველებური ტემბრით განაგრძობს:

— ხიტლერი რომ კაციჭამია იყო, ამაზე დავა მკრებელობად მიმაჩნია. წმინდა რასის თეორია იულიუს კეისრის რომშიც ღვიოდა და უფრო შორეულ — არისტოტელეს ელადაშიც, როცა დანარჩენ ხალხებს ბარბაროსებს ეძახდა ერთიკა და მეორეც უკიდურესი სიძულვილის გამო, მაგრამ მაშინ კაცობრიობას ჭერაც არ ემუქრებოდა მასობრივი განადგურება და ის ანტიადამიანური ღვარძლი განუხორციელებელი დარჩა თითქოს. საბჭოთა კავშირი რომ არ ყოფილიყო, რა, ვითომ არ მოახდენდა გერმანია დანარჩენი მსოფლიოს ანექსიას? ვისაც „მაინ კამპფი“ წაუკითხავს, ნამდვილად მიხვდება თუ როგორი ანტისემიტიზმი ათუხთუხებდა იმ შერეკილ შიკლ გრიუბერს. სხვათა შორის მისი გვარი ფუნაგორია, ნეხვის ჭიაა ჩვენებურად.

— ანტისემიტიზმი რაღაა? — ეკითხება მამია რატიკა.
— ებრაელების სიძულვილი, — პასუხობს მიუბრუნებლად ნაპო ბიძია.
გუმანი მიგრძნობს, საუბარში შემოჭრილი სუსხი შესაძლოა მკაცრ ზამთარში გადაიზარდოს. მახსენდება ამას წინეებზე ძმების შელაპარაკება გაჩაღებულ ღუმელთან გამოტანილ ტაბლასთან: ნოქრობა შენი საქმე არ არისო, ეუბნება სილოვანს ნაპო ბიძია.

ყველა ხომ ვერ იქნება ნასწავლიო, იმან.

სწავლა არასდროს არის გვიანო, უფროსმა ძმამ, შენი გაუთავებელი ლოთობა მადარდებს. ყოველდღიურად რა გასმევს ჩონჩორ ჯოჯუასთან, აქსენტ გითოლენდიასთან, შალიკო წარაღბაისთან და პართე აბშილავასთანო. მამაჩემს რატომღაც არ ახსენებს, თუმცა ისიც ამათი ამქრისაა. მერედა, კარტს თამაშობ ღღემოსწრება, ქორწილშია ეს თუ ისე, გასართობად. ცოლ-შვილის მომავლის წართმევის უფლებას არ მოგცემ, გაიგეო!

ბევრს შეეცდება ეთერ დეი, მაგრამ ვერაფრით მოაბრუნებს განაწყენებულ მაზლს.

— საბჭოთა კავშირი და კომუნისტობა მართლაც გადაულახავ ბარიერად აესვეტა გერმანულ ნაციზმს, — აგრძელებს ნაპო ბიძია, — და განადგურდა კიდევ. მეტს ვიტყვი, ალიგავა მიწის პირისაგან, თუმცა სტალინს არ დააცალეს სრული გამარჯვება მოეპოვებინა გერმანიაზე, დაიტაცეს მოკავშირეებმა, რათა ოდესმე ისევ გერმანია გაგვეჩხიროს ყელში ძვალვით.

— ე, ბიჭო, ხომ არ დავიჭირავებია ეს ხალხი? მოსავალი ოჯახში შემოგვიზიდავთ, თოვლი ხომ არ არის, დააწვიმოს და დადნეს?! მოიპატიჟე მაგიდასთან და შეატეებ პურ-მარილი. ნახევარ ოტობაიას ჭერ ყანა აღებულიც არა აქვს, მაგრამ თავს არავე იკლავს.

— ნაპო არაფერ შუაშია, — ესარჩლება არღენ ელიავა, — ჩვენ არ დავიშალეთ, მიტოვებად არ ღირდა.

ნაპო ბიძია შეცბუნებულია. წამოჭარხლება აშკარად დაეტყობა, მკერდის ისედაც ამოწეული ნეკნები უფრო ამოებურცება, თუმცა საკამათოდ შედერილ ძმას კვლავინდებურად უგანებს:

— დათავეიჩი, დავუშვით წამით და ვივარაუდოთ, რომ გერმანია მოვლენოდა მსოფლიოს ბატონ-პატრონად? ამისთანა შემთხვევაში ოსვენციმების, ბუხენვალდებისა და დახაუს „გმირობების“ ფონზე სრული განადგურება ემუქრებდა შავკანიან თუ ფერადკანიან რასებს. ასევე ნაწილობრივი მოსპობა გველოდა ჩვენც, თეთრკანიანებსაც. ეგერ, ებრაელებს კანის შეფერილობამ ვეღარ უშველა, ასე რომ, ნურავინ მოტყუვდება ქართველებს ხელისგულზე დაგვისვამდნენო. ჩვენი მდგომარეობის მაქსიმუმი მოსამსახურის, ქვეშევრდომის სტატუსის შენარჩუნება იქნებოდა, რათა გამარაგების უუნარო კასტრირებულ კასტას მონობის გვირგვინი დაგვედგა თავზე ერთხელ და სამუდამოდ. ვერც ჩეჩნები ელირსებოდნენ მორჭმულ ცხოვრებას გერმანელების პარპაშის პირობებში; ოქროს უნაგირიანი ბედაურები კი მიართვეს მათ გენერლებს სლაჟური მონობისგან განთავისუფლების მოლოდინში და ოცდაოთხ საათში შუა აზიაში ამოხყვეს თავი დედაწულიანად, მაგრამ მერწმუნეთ, ისინიც ვერ ელირსებოდნენ პრივილეგირებულ მდგომარეობას. მართალია, ხეგელი კავკასიურ რასას, კონკრეტულად, ქართულ და ჩერქეზულ მოდგმას მიიჩნევს ევროპეიდულის წინაპრად, მაგრამ ეს ზღაპარი მალე დაიწყებას მიეცემოდა. ნაციისტური გერმანია სრული ხეგემონიის პირობებში დაუშვებდა, გაახარებდა მასზე ხანდაზმულ ერს? დარწმუნებული ვარ, საერთაშორისო გენოციდის შემდეგ, ის ერთადერთი მოგვევლინებოდა შუამდინარული, ეგვიპტური თუ ბერძნულ-რომაული ფასეულობების მემკვიდრედ. ამით მოხდებოდა ისტორიის გაუგონარი ფალსიფიკაცია და არნახული დანაშაული კაცობრიობის წინაშე.

— გეყოფათ, კაცო, ფილოსოფოსობა. მოდით აქ, იმას აწი ბავშვებიც მოერევიან. სად არის ჭაავების ქალი? აქ მომგვარეთ მთვარესავით დედაჩემი და დანარჩენი მე ვიცი.

— პურ-მარილი არ გვაკლდა ჩვენ, — ამბობს თამაშუქი, — განაგრძე თედოევიჩი. აი, რატომ ვაქვესკნელებ ხოლმე ლენინს და სტალინს.

— სულელმა ხრუშოვმა მიგიშვით ნებაზე და რატომღაც არა, მაგრამ როგორც ქუხს, ისე არ წვიმს. გრიშა, — ეძახის ცოლის ბიძაშვილს, — მოხვალ თუ არა ბოლოს და ბოლოს?!

— მოვრჩებით, კაცო, გაკვეთილს და მოვალთ, აპა არაა?!

ამჯერად ნაპო ბიძიას გაბრაზება მთელ სახეზე შემოენთება. სიმინდის ტაროს ენერგიულად მოისვრის კალათისკენ და ასხლეტილი ტაღანასავით გაბზრილდება მთვარიანში. საუბარს მაინც არ წყვეტს:

— ნაციისტური ჭირი საბჭოთა კავშირმა შეაჩერა არსებითად და აწი თავად განსაჯეთ, ვუმადლოდეთ თუ არა მას ამის გამო. მაგრამ დასკვნების გამოტანას ნუ იჩქარებთ, სანამ სოციალისტური რუსეთის მიზანსწრაფულობა არ დაგვიხატია. ჩვენში ფართოდაა დამკვიდრებული დებულება:

ფორმით ნაციონალური და შინაარსით სოციალისტური საზოგადოება, რომელიც სატყუარასავითაა შეთავაზებული მუსულმანური, ქრისტიანული თუ იუდეიზმის მიმდევარი ხალხებისთვის. ამ სატყუარათი დღემდე ერთ ტაბაკზე იკვებებიან ისინი; ხალხთა შორის მეგობრობას ქადაგებენ, ურთიერთპატივისცემას, ძმობას, მაგრამ ყველგან, ყოველთვის მაინც რუსეთის იარლიყით, რუსეთის პასპორტით გადიან და ვიდრე არ შეუგნიათ სახეზე ჩამოფარებული სოციალისტური ჩადრის მომაკვდინებლობა საკუთარი ინდივიდუალობის საწინააღმდეგოდ, დაპირისპირება ყოველთვის თვლელაში, ნირვანაში მყოფად მოგვეჩვენება; თუმცა, საკმარისია ერთხელ წაიბოროძიკონ ამ ლამის ჭეშმარიტებად აღიარებულმა დებულებებმა, რომ წინააღმდეგობა ბენზინით იფეთქებს აზიაშიც, კავკასიაშიც, ბალტიისპირეთსა თუ საკუთრივ რუსეთში. ამ რეალობას ვერავინ გაექცევა, ვინაიდან ადამიანთა საზოგადოებებს აქამდე ეროვნული ფასეულობანი წარმართავდნენ და არა — კოსმოპოლიტური სულისკვეთებანი. რაც იდეალია შორეული მომავლის თვალსაწიერიდან, სრულიად მიუღებელია ერისთვის, როგორც ცოცხალი ორგანიზმისთვის. მას არ შეუძლია მეზობელი ქვეყნის ინტერესებს ანაცვალოს საკუთარი. ასეთი ალტრუიზმი მხოლოდ პიროვნებისთვის, ადამიანისთვისაა დამახასიათებელი, თანაც მაღალი ზნეობრივი ნორმების მატარებლისთვის. გაივლის წლები და სოციალისტური პრინციპებით თუ გავაგრძელებთ ცხოვრებას ასწლეულების მანძილზე, რუსული შეიწოვს თითოეული რესპუბლიკის და ავტონომიური წარმონაქმნის ეროვნულ საგანძურს. ისეთნაირად დამკვიდრდება და გაძლიერდება რუსული ჩვენს ცნობიერებაში, ჩვენს მოთხოვნილებებში, რომ არასდროს მოგვინდება საკუთარის აღზევება. ციმბირში ჩვენს თვალწინ გადაშენდა ათეულობით ეთნოსი, ისე რომ, განგაშის ზარი არავის შემოუკრავს, არც ასიმილირებულს და ცხადია — აღარც ასიმილატორს. ერთეულები თუ ადდგომიან წინ გარუსების პოლიტიკას, უმალ კონცლაგერში გაუქანებიან და იქ ამოხდომიან სული. გერმანული ნაციზმის პოლიტიკა დავახასიათეთ: მსოფლიოს სწრაფი, ელვისებური გარდაქმნა, ერთსახოვან, გერმანულენოვან, ევროპეიდულ რასად. იგივეს მოიმოქმედებს საბჭოთა რუსეთი, ოღონდ რევოლუციური მეთოდის საწინააღმდეგოდ ევოლუციის კანონები მოუმარჯვებია. შედეგი ორივეგან ერთნაირია გერმანია-რუსეთის სასარგებლოდ, განსხვავება მხოლოდ დროშია. ნაციტური სულსწრაფობა მსოფლიო ბატონობის გზაზე შეცვლილია ვითომცდა თავმდაბლური, ხუმანიზმით შენიღბული რუსული შოვინიზმით, თანდათან, მიზანმიმართულად რომ გიკარგავს სახეს და ეროვნულ თავმოყვარეობას. სწორედ ამაზეა თქმული: გინდ მგელს შუჭამიხარ და გინდ — მგლისფერ ძაღლსო.

შეზარხოშებული ნადი შუაზე გაყოფილა. ახლები სილოვანისკენ გადაბარგებულან, ასაკმოყრილნი დარჩენილან პოსტზე თამშუქ მარღანისას და არლენ ელიავას თამადობით.

ოთხასი ფუთი სიმინდის მოსავალია აღებული, ოჯახში შემოზიდული. მართალია, ძნებად შეკრული ჩალა რამდენიმე დღეს დაყოვნდება ყანაში, სანამ მთლად გააბრეშუმდებოდეს. მერმე ჭოლოკებით ხაერში აიტაცებენ და ნაწილი თხმელებზე ჩამოკონწილდება, დანარჩენი კი დაზინდება მოხერხებულ ალაგას.

სილოვანის სეპარატისტულ მობრძანებას ზოგი მანდილოსანიც აუბამს მხარს. წამოიშლებიან, წელში სწორდებიან. ნაპო ბიძიაც დროულად აუღებს ალღოს დედაკაცების მდგომარეობას. ჯორკოდან წამოიმართება. თხელია, ლანდი გასდისო იფიქრებთ. ძვალმსხვილი ნუგზარ ელიავა ურევია ნადს, ბახვა, სხვანი გალეულ სანთლებს ხვვანან.

— მიტოვებად არ ღირს, — ჯიუტობენ თამშუქ მარღანია და არლენ ელიავა.

გავსებული მთვარე მიცურავს ვარსკვლავებში. ღრუბლის ფთილა არსაიდან ილანდება. თხელი ნისლი გაწოლილა სერებსა და თხილნარების მწკრივებში. შეთრთვილულა, შექინქლულა მოლი, ფოთლები.

— ხვალ მოვამთავრებთ, — ამბობს მირია ხუფენია და სუფრისკენ მიიწევს — გასარჩევი ორმოცდაათიოდე ფუთია დარჩენილი.

ბაბუა თომასგან მისწავლია: ყოველი ფუთი ასი ტაროსგან შედგება. ორმოცდაათი ფუთი ხუთათასი ტაროა, ათი კაცისთვის ხუთასი ტაროს გარჩევა და კიდევ — ოცდახუთი კალათის ატანა მეორე სართულის აივანზე. ცამეტი შოთა მარღანისა მოუწევს, თორმეტი — ხუტა ხუფენიას. ეს არის და ეს. განა ღირს ჭიქა ღვინისთვის ხარის კუდზე დანის გატეხვა? ასეთია ჩემი გუნება-განწყობილება და მწყინს, რომ საქმეს შუაგზაზე მიტოვება ემუქრება.

დედა და-ძმებს შინისკენ მილაღავს. მეც იქითკენ მიმითითებს, მაგრამ მე შეუვალ საბუთს — მამის წამოყვანას მოვიშველიებ და ხელად მომეშვებიან. მშობელი მეზობელი ქალების მხარდამხარ მიემართება ვიწრო შუკით, რომელიც ბრდღვიალა მთვარისგან ხელისგულივითაა განათებული და ჭრიჭინების კრულით, ბაყაყბის ყიყინით თუ ციციანათელების მეყსეული გამოცრიატებით

შეკრულ-მოქსოვილა ჯადოსნურად.

ჯერ ჩემთვის სრულიად უცნობია გერმანიისა და რუსეთის პოლიტიკური დაპირისპირებანი. ის დიალექტიკური მატერიალიზმიც არაფრად მეპიტნავენა და აღარც შენს იდეალიზმს დაგიდევი რამედ. მე ომის თემატიკის ფილმების ყურებას არაფერი მიჩვენია. რუსებს ჩვენიანებს ვეძახი, გერმანელებს — მტრებს. გული მითრთის ახლობელი ხალხის საფრთხის ქამს და სიხარულისგან ერთადგილზე ვცქმუტავ დუშმანის საკადრისად დასჯის გამო, მაგრამ არც ესაა ძირითადი ჩვენი ნადურადან. ჯერ კიდევ მრავალი რამეა სათქმელი, ოღონდ ამას წინათ შეპირებული მოვისტუმროთ უწინარესად, ოთარისა და ჩემს შეყვარებულებს რომ შეეხება. ჩემი სატრფო თეთრგვრემანია, ძუძუმტესი — ხორბლისფერი. ორივე ფრიადოსანი. სწავლაში გვეჭიბრებიან და არც თუ უშედეგოდ.

პატარა ბიჭის სიყვარული და კოლხეთის რეალობა ურთიერთგამომრიცხავი სიდიდეა. შენ ნდომა, წადილი გთანგავს, თუმცა საქალეთიდან არავის ესმის ამ უმწიკვლო კანკალისა. დამლაშობით შესაძლოა ლოგინში ჩაგიწვინოს მასპინძლის ასაკით უფროსმა ასულმა, როგორც ნივთი, სათამაშო და არავინ უგდებს ყურს შენი გულისძგერის გახშირებას. შენ გინდა თანაგრძნობა დაიმსახურო სატრფოსგან. ამის თაობაზე მთელი სკოლა ჩურჩულებს, დიდპატარიანად. თავად ქალიშვილს კი შორს უჭირავს თავი. მას ასე შთააგონეს, ასე ასწავლიან ბებიები, დედა, ბიცოლები, დეიდები, მამიდები, მეზობლის ქალბატონები. ასეა მომართული მისი გონება, რომ ახლოსაც არ მოგიკაროს, თორემ სამუდამოდ დაილუპება, სახელი გაუტყდება, და მერე ცხოვრებისთვის უვარგის დანამატად იქცევა, ყველას სათრევად, როგორც მრავალს დამართნია ჩვენეული ყოველდღიურობიდან.

არადა, ძნელი სათქმელია, როდის, რა წუთში დაბნელება გონება იმ გოგოს, ვის წინაშე, რომელს მინდობილა მთელი არსებით, ჯერ კიდევ მეკრდწამოჩითული. მერე და მერე არგაცხადების შიშით მეორეც მოთხოვს სურვილის განადღებას, იმ მეორეს მესამე მიემატება, და აი, მშობლები ოდეს ქალიშვილის გათხოვების ზღურბლზე აღმოჩნდებიან, და რაწამს მათ ასულს უკან მოაბრძანებენ, როგორც ოჯახის შემარცხენელს, წაუშენენ და წაუშენენ უბედურს, თუმცა გარდახდილის მეთაღ-საც ვერ დააცდენინებენ; ყოველთვის ბოლო მოსურნეს ასახელებენ ისინი, ან — სულაც იმისთანა შემთხვევით, წამიერად რომ წაცდენია ხელი ქალიშვილის სითამამისკენ და ამის გამოც ზომაზე მეტად იზარალებს, როგორც რეპუტაციით, ისე — ჯიბითაც. ამისთანა შემთხვევაში შინმობრუნებული გოგოსთვის უცილობლად მოიძებნება საქმრო სახელდახელოდ, ოღონდ — ნაცოლარი ან რაიმე ხეიბრობით შეპყრობილი და გარკვეულწილად გამოსყიდულია თითქოს ასულის უნებლიე მანკიერება.

ქართული სინამდვილე უმწიფარია ქალწულის დეფლორაციასთან მიმართებაში. ძველ კოლხეთში კი ფალოსის ღვთაებას სწირავდნენ ქალიშვილის უმანკოებას, სადაც ქვის ადრეკილ სამსხვერპლოზე სხამდნენ მათ უკლებლივ და სათავეშივე სპობდნენ სასიძოთა პრეტენზიებს.

ქალწულობის ბეჭდების სიმრთელე იოტისოდენადაც ვერ ასახავს მათი პატრონების სათნობას, რამეთუ მსგავს სიტუაციაში გზა ეხსნება ათასგვარ გაუკუღმართებას, და ხშირად, როგორც რუსები იტყვიან, „ცელკები“ სინამდვილეში ათას მხრიდან არიან გაბრედილნი, მაგრამ ჩვენი შემთხვევა განკერძოებულია. ჩვენ ახლოსაც ვერ ვეკარებით იმ სიყვარულის ნაყოფს მოსაწყვეტად.

მე ლაბას ნაპირას წარმგზავრების პერიოდში, ჯერ კიდევ სკოლის მოწაფე, თავაწყვეტილად გადავეშვები ამურის ბობოქარ მორევში. იქაური თვალსუჭობანანი და უშველებელ, კუბიკურ ზვინებში განმარტოება ყოველნაირად გამიხსნის გზას ამურული ორგებისკენ. ზოგჯერ კი იმგვარადაც ხდება, რომ კუკუმალაობანა მთელი საღამო გრძელდება და ამისთანა ვითარების გამირს, აქა-იქ ორი, ხშირად მეტი პარტნიორი მიმაქანებს სამალავისკენ.

კაბის აღმურით და გამაღიზიანებელი ოფლის სუნის ოხშივრით ინაცრები, ინაცრები უსასრულოდ, თავანკარა სიყვარულიც თვალსა და ხელს შუა გეცლება. ახალ გატაცებებს მორიგი ენაცვლება. ყველას შენი მისაკუთრება სწადია ანიდან ჰომედე, სინამდვილეში კი ის კოცონი სხვა შეშით დანთებულია და ოდესმე მართლაც გესტუმრება ნადი გრძნობა, რომელიც, დიახაც, ღვთაებრივია, დიახაც, შეურყენელი, თუმცა აწ შენი წელთაღრიცხვა დაშორიშორებულია დამდაგველის სინორჩეს და საკუთარ თავზე გაბოროტებული, სრულიად უცხო მდინარეში გადაეშვები. გულის სიღრმეში კი კვლავინდებურად წკმუტუნია შელახული ღირსებისა. რამდენადაც დაუნამცეცებულვარ ამ მართონულ იდილიაში, იმდენად დავმორებულვარ ყველაზე თავანკარას, ყველაზე სანდომიანს.

ამას წინათ ჩემს ძუძუმტესთან საუბარში გავარკვევ მთავარზე უმთავრესს — დღესაც პირველი

განცდის ტყვეა თურმე, დღესაც პირველი შთაბეჭდილება თანგავს. ჩემი სული კი ათასმეერთე დანესთან შეჩერებულა და წუთისოფელი თავისი კანონზომიერებით მიაგრიანებს ირგვლივითს კვლავაც ზემორე თუ ქვედა, მარცხნივ თუ მარჯვნივ, შიგნით თუ გარეთ, თუმცა ამ ფერტიკრვალობის უკუმიქცევა უკვე არარას ძალუძს, აღარც — მატერიალიზმს და მით უფრო — მეუფეს ჩვენსას.

მიუტაცნიხარ საწუთროს ოღოროლოებს, მიუტაცნიხარ ქვეყნიერების უმართავ მდინარებას.

გაბედილებული ვნებები თუ უსამანო წრიალი ხან თიხაში გადაგაქვს, ხანაც — ტილოსა და ქალაქზე, მაგრამ მათი დატყვევება მესამედიტაც ვერ ხერხდება გარდახდილთან, არსებულთან შედარებით და სევდიანი ღიმილით ეალერსები შენს დაუდგრომელ ბიჭუკელას — მოდერნისტულ მეობას, შენსას — კოკას, რომელსაც რამდენიმე წელიწადში უცილობლად ესტუმრება ეს მოურჩენელი ცოდვა-მადლი ბუნებისა.

ხოდა, ყველაფერი გინდა იღონო, რათა მისთანებმა მაინც შეძლონ შემმუსვრელი განცდების მართვა, მათი დაურკება — შეუთავსებელთა შეთავსება.

ღიახაც, ყველაფერი უნდა მოიმოქმედო ამ თორმეტი წლის ონავრების სულიერი წონასწორობის აღსადგენად. კბილიდან ოფლის გამოდენანიც ვერ თოკავს ხოლმე მოზღვავებულ ემოციათა რემას; ვერც — ბურთის ბაწარალებით დევნა, ვეღარც — ცეკვა-თამაში, ლახტი, ვერანაირი ფიზიკური დატვირთვა გადაფარავს თორმეტი წლის მალხაზის ღრუბლიან ამოოხვრას, რომელიც სამყაროს წარღვნის ტოლფასია პროპორციათა გათვალისწინებით, ოდეს სანუკვარ მტრედს მოშინაურებული ძერა დაპატრონებია. ხოლო მე ვამბობდი და ვიმეორებ:

ხეი, თქვენ, ბიწიერთა კასტავ, თავად მემრუშენო და მესმურენო, სხვათათვის ურცხვად რომ ქედავთ სიწმინდის არტახებს, უკაცრიელ ნაპირზე დასტოვებთ პატარა ბიჭი და გოგო, დანარჩენი ყველა წამოდით-მეთქი, ვახტანგ ხარჩილავასებურად, ყველა უკლებლივ, მოკეთე-მოყვარეცა და გარმიანელიც, თავიანთი ცნობისწადილა ამალითურთ, ყველანი წამოდით-მეთქი! ისინი თავად მიხედავენ მშობლიურ სატკივრებს. განალა ავხორცობის მორევში გადაეშვებიან! ერთმანეთის გამონათება-სიკამკამით დაიმწყურვალებენ დაშაშრულ ბაგეებს და არც რამ მწიკვლის ტალღები წალეკავენ. მიუშვით ნებაზე-მეთქი პატარა ბიჭი და გოგო. აყვავებული ატმის დაღალულმა რტოებმა, დაე, იმთავითვე იგრძნონ მაცოცხლებელი მანათობლის მოახლოება, რათა ნაადრევად გამოტყუებული პეული—ფთილა მრისხანე გრიგალის ამოვარდნამდე დასტკბეს სამყაროს იდუმალი მშვენიერებით. დასტოვებთ მდინარის პირას პატარა ბიჭი და გოგო-მეთქი, ერთმანეთის ნუგეშად, ერთმანეთის ციხე-გოდოლად, ერთმანეთის უღლის შემამსუბუქებლად, ხვალ-ზეგ უბატონო ქედზე რომ დაედგმებათ წუთისოფლისგან, თუმცა ამისთანა შემთხვევაში მათი გულებიდან ნაკლებად აღმოსკდება ოხვრა-ჩივილი საწუთროს უკუღმართობაზე: სასურველთან ყოფნა გააცამტვერებს ყოველგვარ საკვენსელს და სამარემდე ასე ხელისხელჩაჭიდებულნი ივლიან ერთმანეთის სურვილითა და წადილით მთვრალი დაფნისი და ქლოა.

სუფრა შუალამემდე გასტანს. გატრეტილი, ფეხარეული ნადი უკვე ლოგინს მინებებია. სძინავს ყველას, ძმის გამჭირდავ სილოვანს თუ ნაპო ბიძიას ქომავ თამშუქ მარღანას; სძინავთ ყრუ-მუნჯდებს, ცუცას და ლუბაშას. წყალიც კი მითვლემს წამით. მხოლოდ ჩვენ ორს გვღვიძავს დუნიაზე, ძუძუმტეს მამას და ჩემში ნაადრევად ამოზიდულ სულს შემოქმედისას. გინესის წიგნის საკადრისი ნაპო ბიძიას ფილტვები კი კვლავინდებურად მიფინთიხებს ძილქუშს. დარწმუნებული ვარ, ხვალ ვერავინ მოიცლის ხარის კუდზე გადამტვრეული საქმის დასასრულებლად. ნაბახუსევ თავებს ვერ წამოსწევენ. მერე საკუთარი ყანების აღების დრო-ჟამიც დადგება. გადაებმება ქორწილს — ქელეხი და უკვე სისხამზე მივიჩქარი ეთერ დეის სამოსახლოსკენ, მაგრამ იქ ფუჩეჩის ნატამალს ვერსად პოულობს გაფაციცებული მზერა. როგორც ჩანს, შემოუთენებიათ თურმე და მოსავალი სრულფასოვნად დაუბინავებიათ. სიხარულის ცრემლი მეყლაპება. კუდის ქიცინით მომაცილებს კავკასიური ნაგაზი. აღმოსავლეთს ჯილასავით დაადგება თავზე ყირმიზი მანათობელი.

ბორჯი მემორე

ახლა, რადგანაც თემშარაზე გამოვსულვართ, ბარემ მივყვით მას სოფლის ცენტრის მიმართულებით.

გზა მოხრეშილია და სქელი მტვრით დაფარული.

ჩვენი სამოსახლოს პირდაპირ ვახანიები ცხოვრობდნენ მუჭა ფიცრულში. უფროსები ბუნდად შემომრჩენია. მეხსიერება განსაკუთრებით მათ რძალ ნარგიზას და ბაჩუკას შემოინახავს.

ძუძუმტე მობანღვალდება ჩვენთან. მესერს ზემოთ გამტვერილი წყავი ღუის. სკოლის მოსწავლე-

ები ამტკრევენ უსულგულოდ და დედა თუ ილანდება სადმე ხორიზონტზე, გარბიან კისრისტე-
ხით.

— შემოდით, გარეცხეთ და ისე შეჭამეთო, — ყვირის გელენახე და მაინც გარბიან.

ბაჩუკას რვაწლელი კი დაუმთავრებია, მაგრამ ოთხჯერ თუ ხუთჯერის ჩარჩენილა კლასიდან კლასში
და სტაჟიანობის მხრივ ჯუმბერ გამოსონია თუ შეედრება. ძვალმსხვილია. გამიგონია ლევანის მინ-
დორში ჭაკი ცხენების დევნაში სიჭა ეცლებათ. მედიმება ახლა მეგრელის გაცემაზე კახეთში:

— შეხედე, თხა ხომ არ ხგონია იმ ოხერსო, — უკვირს ძუკუს მიხოს ზოოფილია ვირთან მიმარ-
თებაში.

ასეა ამათი საქმეც.

გზისპირზე ლაკვატიებს, იგივე ტაღანას ვაბზრიალებთ მე და ჩემი ძუძუმტე. ლელეში სათამაშო
წისქვილებს ვაციბრუტებთ. ერთი ჯოხი მალალი ძაბვის ელსადენს მოხვდება და ბაჩუკას ამფსონების
ცხვირწინ დავარდება.

დაიხრება ვახანიების ვაყა მის ასაღებად, მაგრამ ძუძუმტე იწივლებს:

— აცალე, ცოტა ხანს, ტოკი გაუვიდეს თორემ დორჩვარჩვალანსია, — დაგნაცრავსო და ბაჩუ-
კაც ორი ნაბიჯით უკუდგება.

მივყვით ახლა გზას ძუძუმტეს შუკიდან.

კუთხეში ყრუ-მუხჯი დები სახლობენ. მათ მოსდევს ძეძვნარით დაბურდული, ვახანიებისგან შე-
ძენილი ჩვენი სათადარიგო სამოსახლო. შემდეგ მამია რატიას თხილნარია, წნული ღობით შემოკა-
ვებული. მერე ისევ შუკაა მარო ლურწკაიხეს ბიჭების საცხოვრისებით დაგვირგვინებული.

მამია რატიას ეზო-კარი ტრიფოლიათით შემორაგვულა. ბოკონებზე შეყენებული ოდა უდგას.
ყველაფერი ბლაგვია მათსას. ეზოში გაფაშვებული ნაყენი თუთა აგვისტოს მიწურულს უცი-
ლობლად გაიხრატება, ვინაიდან წარბმობზაკუნე ბუბცა ხუფენხეს ორმოც გრამ აბრეშუმის ჭიას
არაფერი ყოფნის კანში შესვლის შემდეგ. აქ უამრავი ბლის ხეა და მუხლმორყული ჩექერი,
ყალიონს რომ აფუტებს დღემოსწრება ჩაცვენილი კბილების ჩლოფინით.

რატიების ეზო გადატიტვლებულია, ვინაიდან აქ განუწყვეტილ იმართება შეჯიბრი ლახტში,
კოტობანაში; დროშობაია და მგელობანა ხომ ზედგამოჭრილია გატყინებული მიწის ზედაპი-
რისთვის.

მამიას ეზოს გვერდით საარვისო მინდორია, სიღრმეში კი — ტყე, სადაც „დრაზობანას“ ვთამა-
შობთ ხოლმე ნაშუადღევს თუ ბინდისპირზე.

ამ ტყეს მალე გააკაფავს ნოდარ გამსახურდია და დაეფუძნება კიდევ მისიანების გარემოცვაში.

მინდორს არლენ ელიავა ემეზობლება. მათი იზოლდა ჩემი კბილაა, დედასავით ჯეირანი. სოსო
— ძუძუმტეს კბილაა, თამაზს ჯერ სათვალავში არ ვაგდებთ.

მერე იწყება დაღვარკნილი მავთულბადით შემოკავებული სკოლის ტერიტორია. ათასჯერ გადა-
ბელილი ჭადრების მწკრივი.

სტადიონი სანაქებო გვაქვს.

ფიზიკურ აღზრდას სამი პიროვნება უდგას სათავეში: ჩამოსიძებული, პირმრგვალი ილიკო ცეკ-
ვაშვილი, დაჟღაჟა, ქალების მუსუსი აჩქარა ზანთარაია და სკოლის მომმარაგებელი — შალიკო
გუნჯუა.

ეს უკანასკნელი დაწყებით კლასებს მეურვეობს და რადგანაც ამ ასაკის ბავშვებისთვის დედაქარ-
თული ჯერაც ინდის ხურმაა, მათთვის გასაგები ენით ამეცადინებს.

— მამია რატიას ოჭკადრეს—კენ!

მიბრუნდებიან ბავშვები.

— არლენ ელიავას უბორნიას—კენ!

კვლავ შეციბრუტდებიან. გზა სკოლის ტერიტორიასთან სამად იყოფა.

ქუჩის კუთხესთან, ბეტონის ფილები, ფიჩორელებს მერხის მაგივრობას უწევს ავტობუსის გამო-
ჩენამდე. გაგიდელეები ფეხით მიტუსტუსებენ.

ნაძვის ხეების კორომი მეგონა ბჟინავას სამოსახლოს ესაზღვრება. გაჭირვების ტალკვესია სწო-
რედ. ქორწილსა და ქელხში ათი მამაკაცი ვერ შეცვლის. მაჯამსხვილია, ბოხხმანი. მისი ერთ-ერთი
ქალიშვილი თინა ჩემს პარალელურ კლასში სწავლობს, მათემატიკის ტრფიალია.

მეგონა ბჟინავას აივნის ტახტაზე უყვარს ძილი საღამოობით. შუადღისით იმდენად არა, მაგრამ
მიმწუხრიდან რომ მისთვლემს და ხვრინვას ამოუშვებს, უმწიფარი ხილიც კი პანტაპუნტით ცვივა
გარშემო.

ბჟინავების მოპირდაპირედ ყალიჩავების სამფლობელოა. ნაპო ბიძისავით ისტორიის მასწავლე-

ბელია ჯოტო ყალიჩავა, ტანდაბალი, ვერცხლისწყალივით მოძრავი და ცალი, შუშის თვალით განმგმირავი ყალთაბანდობის შემთხვევაში.

სამხერხაოს, ალეს წისქვილს, ჩვენთვის კარგად ცნობილი საპარკო ემეზობლება. ცოტა იქით პაპაშვილების არემიდამოა. ოქროსფერთმიანი ხერიკო გარმონის ჯადოქარია, ხოლო უმცროსი ედნერი ჩემი განუყრელი მეგობარი, პელებს მაისურით და ეუსებოს დაუდგრომლობით.

დასახლებულ სივრცეს უპირისპირდება საკმაოდ ვრცელი ღელე, რომელშიც არეკლილი მთვარე სულუგუნის ყველად მოეჩვენება ბედოვლათ ზანთარაიას და ისკუპებს კიდევ გაქანებულ ყიამეთში.

ღელეს მიმდებარე ტერიტორია სკოლის საკუთრებაა. ანჩაბაძეების წაგრძელებული, აივნიანი ოდა-სახლი დაწყებითი კლასის მოზარდთა საუფლოა. აქ მოსვლას ვერვინ დაასწრებს ჟორა რუჩუას და რუსულის ზემოთგაცნობილ მასწავლებელს, ტრიფონ ალფენიძეს — „სი ძუიკის“, („შეჟულიკო“).

მოვუბრუნდეთ ფიჩორის გადასახვევთან შექუჩებულ მგზავრებს და ნაძვის ხეების კორომს. მისი მოსაზღვე მამია რატიას სამჭედლოა, ცალკე მავთულხლართით შემოკავებული. ეზო მოფენილია რკინის ნაჭრებით. გახუნებული ნალები ცხვირჩამოშვებულნი მისცემიან ჟანგის მარწუხებს. ღლე არ გავა სამჭედლოს ეზოში მშობიარე ქალივით ფეხებაჩახული გათოკილი კამეჩები თუ ცხენები არ ქშინავდნენ ნალების ამოკვრის პროცესში. მამიას თანაშემწე ნოდარ ჭეღია მეცხენე რაბოს ძმაა.

სიგარეტის მოსაკიდებლად მამია რატიასთან შეივლის დიდ-პატარა ნაპო ბიძიას გამოკლებით, რადგანაც ამ უკანასკნელს ტომრობით მოაქვს ასანთი შინ. სამჭედლოში პირდაპირ ნაღვერდლიდან უკიდებენ პაპიროსს, განსაკუთრებით დამამთავრებელი კლასის მოსწავლეები, გითოლენდები და მესხიები, ზანთარაიები და საჯაიები, ჯოჯუები და ხუფენიები.

აჩქარა ზანთარაია ამათი დაუძინებელი მტერია. ანჩაბაძეების მეორე სახლში სოფლის მთავარი სკოლაა გამართული. კედლები მუხისაა, კარ-ფანჯრები — წაბლისა, დანით აჭრელებული და ათასჯერ გადაღებულ-გადმოღებილი. ნაგებობა დაბალ ძეკვენებზე — სვეტებზეა შეყენებული, სადაც ხელიკებივით დაძვრებიან ზარის მოთამაშენი, ან ხელცთუნობის მიმდევარი კვიციანი ღრიჭოიანი იატაკის ჭუჭქუტანებთან. აჩქარა ზანთარაია აქაც არ აყენებს „შატალოზე“ წასულ ყოჩებს. ვისაც მოიხელთებს სამასწავლებლოსკენ გაიგდებს და მერე იქ ლაზათიანად დაამუშავებენ, მაგრამ სამჭედლოში მათ დასაკავებლად არაფრისდიდებით შემოიხედავს. ეს უკვე სულ სხვა ტერიტორიაა. მთავარია სკოლაში არ მოწიონ, არ იყომარბაზონ და მის ფარგლებს გარეთ — თუნდაც კისერი უტეხიათ.

სამჭედლოს სოფლის საწყობი ეკვრის საკმაოდ დიდრონი ტერიტორიით. აქ ინახავენ ბენზინს და სალიარს. აქ აყენია გაფუჭებული თუ ახალშეკეთებული „ბელარუსები“, „დეტები“, „პოლტარა-ტონკები“ და „კოლხიდები“.

წაგრძელებული ფარდული ინახავს სასოფლო-სამეურნეო ინვენტარს, სათადარიგო ნაწილებს, თესლსა და ჯანდაბა-დოზანას.

ფარლალა წავიწროვებულ ნალიაში ზუსტად იმდენი სიმინდი ყრია ყოველ შემოდგომა, რამდენიც ნაპო ბიძიასთან გავარჩიეთ მთვარიანში.

ჭიშკართან ბუჯგი საჯაიას სამორიგეო ჯიხურია ზამთარ-ზაფხულ აბოლებული მილით. ბუჯგი ქოსაა, დამსკდარი ხელები აქვს და მეორე ცოლს ელოლიავება.

ჩამოვიწვიეთ დაბლა და შოთა მარლანის ქვითკირის კოპწია სახლი შემოგანათებს, სულმუდამ კირით შეთეთრებული. მისი მეუღლე ლიზიკო მკერავია და განუწყვეტელი გრუხუნია ყურთასმენისათვის.

გადმონაცვლებ ცოტას და თამშუქის სამკვიდრობელი შეგრჩება ხელთ.

შემდგომ სილოვან ხუფენიას მამულია, მწყაზარი თუთურის სადედოფლო. სხედან კიბეებზე მეზობლის ბავშვები და „ფურტს“ ეთამაშებიან. თუთურის მოგება იოლი არ არის, რადგანაც ოთხი ვალეტით თოთხმეტჯერ ფურტავს. შეეკამათები და ჭინჭრით აგიჭრელებს წვივებს, თანაც მოპაექრეს თავად დაგაკრეფინებს იმ დამსუსხავ მცენარეს. თუკი მოიგუნება მოტვლეპილ მიწაზე დაგაფურთხებინებს და მადიანად მოგალოკვინებს. მაინც ვერ ელევო, მაინც მას ეტმასნები.

ერგასი მეტრის მოშორებით იაშა აშორტიას, ქანქანესას, ბაშმალებია და საადრეო ჩაყურჭებული მსხლის ხეები. აქ გაქანებული ნარდის თამაშია დავი-დავბასეთი. ამჯერად ენვერ შამუგია მოუხელთებია ქანქანესას და ჭის წყლით გაუტიკნია. წყალს იმ შემთხვევაში ეწაფები, როცა „პრიმის“ ღერები შემოგაკლდება.

ათიოდე ნაბიჯი და არჩიკო შამუგიას საცხოვრისია, ცხენოსანი კაცის სიმალეზე აწეული, აგუ-

რისგან ამოშენებული სვეტებით. დაშლილი მანქანიდან ზანგელა სახეებს გამოხყოფენ შიგადაშიგ ჯუმბერი და ზაური. ჯუმბერი ჯერაც არ გადაბარგებულა გალში, ხოლო ზაური დარჩეულ ბიგ-ვაგებს გაუზრდიათ, მაგრამ ტაოტის სიყვარული ძმებისგან მოსდგამს.

ჩვენს გამოჩინებას ყოველთვის მოვასწრებთ, უმჯობესია ელიავების საკრებულოს მივაპყროთ მზერა.

სამთვლიანი ოდა ცემენტის ოთხკუთხა სვეტებზეა შეყენებული. სევერიან ელიავე გვარიანი ხნის გამოგლოვილია. ალიოშა ზანთარაიას თხრილისკენ გაქცევა სატირთო მანქანა, ბორტი გადაიხსნება და გადაცვივდება ხალხი. შვიდი თუ რვა ადამიანი დაიღუპება, მათ შორის — სევერიანიც. მისი მეუღლე, კლარა ნარმანხე, სამგზის შეეცდება თავის მოკვლას, სიცოცხლის მოსწრაფებას.

დილაბნელიდან შემიჩნდება მარი ჯალალონხე, შეჭამე გეჩახილიაო.

გეჩახილია ნადულში ჩაფშენილი პურის შეჭამადია. ტოლჩა კამეჩის რძით, მუჭისისხნო ყველით და ორი ნაჭერი ხაჭაპურით გამაძლიანებულს გეჩახილია რა ჭირად მენდომება? ჩამაცემენ ახალუხებს და დავიძრებით ოტობაიასკენ.

გზის ნახევარს უმტკივნეულოდ გამოვივლით, მაგრამ თანდათან ცეროდენას სუნთქვა გამიხშირდება, მუხლები მიმტყუნებს.

— რაღა უშუტად ვარ, — ვეუბნები ბებიას.

სუსტად ყოფნა შიმშილის ეკვივალენტურია და მარი ჯალალონხეც სავალ ჯოხს მოიმარჯვებს დავარსკვლავებული ლედების მოსახელთებლად. გადავსანსლავ ერთ-ორს. ნახევარ კილომეტრში ისევ „სუსტად“ ვხდები. ბოლოს:

— ჩქიმ გეჩახილია მოკო,* — ამოვუშვებ ღრიალს.

კვლავ მისწვდება მარი ბებია ფინიკის ხეს, მაყლაპებს გაფცქნულ ლედს და ამგვარი ზიგზაგებით ჩავალწევთ ოტობაიაში.

ელიავების ჭიშკარი ფარღალაა. შუა ეზოში გამოუტანიათ ხის საწოლი და ზედ ულვაშიანი სევერიანი ასვენია.

გასაღვიძებლად მივეჩქარი. გადავარედიანებულ ხელებზე ვეპოტინები. ზღუტუნებენ ნუგზარი და ზაური. თმაგაშლილ თინას და კლარას მეზობლის ქალები ძლივს აკავენ.

— მოვედი შენი გუძუბა, — ვეტიტინები და დიდ-პატარა ქვითქვითებს.

ვიხსენებ აივნის ტახტაზე მოკალათებული ქუსლიდან როგორ მაძრობს ჩარჩენილ ეკალს ქინძის-თავით.

ელიავების ჯალაბს სადილობისას ვესტუმრები ხოლმე. იტყვის შემატებული კაცი: თუკი მოკვდება, გეჩახილია ვაჭამოთო და მეც მოწყვეტით დავეცემი იატაკზე. მომიტანენ პირთან რძეში ჩაფშენილი ღომის ფაფას და დავახელ თვალებს. იქიდან მოყოლებული ყოველ შუა პურობაში აივანზე მოვადენ ხოლმე ბრაგვანს და მყისვე გეჩახილიას მომირბენინებენ.

მას აქეთ მრავალი კვირა გაირბენს. ჩაივლის ორმოცი, წლისთავი. გახუნდება სამგლოვიარო ქსოვილი ოდის სვეტებზე, კლარა ნარმანხე კი კვლავინდებურად მოსთქვამს აივნიდან. საათობით გრძელდება ქვრივის გლოვა. მომწვდება დატირების ხმა და გამოვეშურები ბედით დაჩაგრული ბიცოლასკენ. კალთაზე წავეპოტინები, ლოყაზე ვეფერები ხელებით, სავარცხელს ამოვაცლი ხალათის ჯიბიდან და ნაადრევად გადათეთრებულ თმას ვუვარცხნი. ვუყვები ზღაპრებს სამონადირეო ხასიათისას, რომლის მთავარი გმირები მე, ჩემი მომდევნო ძმა თენგიზი, ძუძუმტე და დეიდაშვილი ემელიანეა, იგივე ბესიკი.

ეს უკანასკნელი ლამარას მეორე ვაჟია სამესხიოდან, ჩვენი სამეურვეო მიზეზთა გამო.

კლარა ბიცოლას მკლავები ჩამოსცვენია. თვალებში ცრემლი შეშრობია. ფიქრებში ჩაძირული მიგდებს ყურს. მუნდმტუკით პაპიროს ეწევა. ასეა მარო ღურწკაიხეც.

— სიგარეტი ქალისთვის მწუხარების შემსუბუქების წამალია კაცთაგან განსხვავებითო, — იტყვიან ხშირ-ხშირად თავის გასამართლებლად და ნუ ერწმუნები სიავე თუ გწადია!

დაიწყებს მოთქმა-გოდებას კლარა ნარმანხე და მყისვე ქორივით დავაცხრები თავზე. მორიგ ზღაპარს ვიშიშვლებ ჭინკებით სავსე წარმოსახვიდან. ასე მივთრევთ საწუთროს. ბიცოლა კლარას გლოვის ჟამს ელიავებთან სახელდახელო არაკებით გადმოსვლა იგივეა, რაც თავის დროზე აივნის იატაკზე წაქცეულის პირთან სუფრის კოვზით მიტანილი გეჩახილია.

ეხ, საიდან სად მოვეშურები, დროის საწინააღმდეგოდ, სამყაროს კანონების უარყოფელი, ვარსკვლავებისა და პლანეტების მოძრაობის ჯინაზე.

მართუდან, მღვრიე მორევიდან, ანკარა სათავებისკენ მივექანები ქვირითისმყრელი ორაგულების მიმსგავსებით. ეთერში გადასულ, ასტრალურს შერწყმულ სახეებს აღვადგენ, ვცდილობ მისხალი არ

დავუკარგო მათ უმზაკვრო გამოხედვას, მაგრამ ნამცეცები მრჩება მთებს დახარბებულს.

წადინებულან ჭეშმარიტი საწყისისკენ, სადაც დღე და ღამე ერთი სარეცლის თანამეცხედრენია, სადაც მოშლილია ზღვარი ცივისა და ცხელს შორის, სადაც სული და სხეული სამყაროს შეუცვლელი საშენი მასალაა.

მიმქრალ ხატებს — სევერიან ელიავას, ხერიკო პაპაშვილს, შალერ აფაქიძეს, სილოვან ხუფენიას, მამაჩემ მიხეილს, ბაბუებს და დიდებებს, კიდევ მრავალთ და მრავალთ, ახალი შეგზნებია — გუშინწინდელი, გუშინდელი — ბესო მესხია და ბოჩია მეფორია, დეიდაშვილ-მამიდაშვილი, თემურ გელენავა და ბექა ქეცბაია, მაჭკუტია ჩემი, ნაბიჯით მოშორებულნი გულის აუზიდან, რამზე ჯაბუა, გოგი ჯალაღონია, ჩემი კბილა მიხო...

„მე თუ რამე დაძეპართოს, ჩემი ქალიშვილი თამუნა, თამრიკო, აღზარდოს ჩემმა უფროსმა დამ მზისომ. ჩემი ბინა და რაც მე შეკუთვნის, გადაეცეს ჩემს გოგონას, რომელიც ცხოვრობს ქ.ზუგდიდში თავის ძმასთან, თამაზთან. სახლის ტელეფონია 2-37-18. მზისომ სწავლა გააგრძელებინოს თამრიკოს სამედიცინო ინსტიტუტში და როგორც თავის ასულს უპატრონოს, აღზარდოს თავისთან. ვინც წაიკითხოს ეს პატარა წერილი და ჩემი ნება-სურვილი არ შეასრულოს, დემერთმა დასაჯოს. მე, ბესიკ მესხია. 1997 წლის 8 სექტემბერი“.

ოცდაექვს დეკემბერს შესრულდება ამ ანდერძის ავტორი ჩემი დეიდაშვილის წლისთავი. აფხაზეთის სანგრებში ნათრევ, ათას ტყვიას და ჭურვს გამოღწეულ კაცს მოძმის ხელი შეიწირავს სვანეთში, ლათასთან: იარაღისთვის თავდასხმულ ბანდას ემსხვერპლება, ვინაიდან საჭურვლის საცავის გასაღებს არ დაუთმობს გულფოლადი ოფიცერი მომხდურ შინაურს და ყურის ბიბილოსთან აყფებულ ტყვია კეფას ახდის.

იქნებ ერთგვარ ლირიკულ გადახვევად ჩამომერთვას, მაგრამ ჩვენს საერთო სატყვივარს ბესიკ მესხიას დღიური რამდენადმე მოხფენს ნათელს და ხარის კულზე ნუ გადამიმტვრევ მოთმინების დანას, მკითხველო, ნაპო ბიძისთან სიმინდის გარჩევისა არ იყოს, ამასლა გვედრები, ამას გეაჯები.

ჩვენი სანათესაო ორ ასეულს აჭარბებს მხოლოდ დედ-მამის ხაზით; განშტოებებს თუ მივუმატებთ — მრავალერგასს და ერთობ ნიშანდობლივია ის სტატისტიკა, რომ ამ ბატალიონი მამაკაციდან მხოლოდ სამად სამი ვაჟკაცი იბრძვის აფხაზეთში საქართველოს ტერიტორიული მთლიანობის დასაცავად;

სამად სამი სისხლხორცილა დვას ქართველი კაცის ღირსების სადარაჯოზე: ჩემი მომდევნო ძმა თენგიზი, ბიძაშვილი ლერი ფეტელავა და დეიდაშვილი ბესიკ მესხია.

პირველს სანგარში გდება, აფხაზეთიდან სამარცხვინო გამობუნძურება, საკმაოდ შეარყვეს, მორალურად უფროარე;

მეორეს წელშიც გატეხავს და სულიერადაც — სამუდამოდ ჩამოაშორებს ომის ქარტეხილს; მხოლოდ მესამეს შერჩება არაგველის სიმხნევე, თავგანწირვის აურწყავი ჟინი, მაგრამ როგორი საცოდაობაა — ათასი უბედურების დამტრიალებელი მტრის შურის საძიებლად წარმართულ მეომარს ყაჩაღი „მოძმის“ ტყვიამ მოვისწრაფოს სიცოცხლე?!

ხაი, დედასა!

ჩვენი ბავშვობა არაფრით გამოირჩევა ფიჩორელი თუ ოტობაიელი ონავრების ცხოვრებისგან. ბესო, როგორც ზემოთ აღვნიშნე, ჩემი მომდევნო ძმის, თენგიზის ხელაა, თანაკლასელი, ყორმიზი სახის, მუდამ მორიდებული და თავჩაჩინდრული.

ჩვენი ბაბუები დედით — თომა და ამბროსი — გვერდიგვერდ ცხოვრობენ ბორსუს უბანში, ზღვის სიახლოვეს.

თომა უფროსია, თეთრგვრემანი, აშოლტილი ტანის, გადაყოლილი უმცროსი ძმის მრავალრიცხოვან ოჯახს.

— ამროსიქ ვადომღურ,* — დაიფიცებს უფროსი ძმა და წყალს არ დაღვეს.

— თომაქ ვადომღურ, — იტყვის უმცროსი და თოფით რომ დაადგე თავზე, წარბს ვერ შეახრევივინებ.

ამბროსი გელენავა ჯმუხი აგებულებისაა, ჩაკირული. ენას უკიდებს შიგადაშიგ. ველური ძალღონის პატრონი შინაგანი ენერგიითაც გამოირჩევა. ალბათ, ესეც გახლავთ მიზეზი მისი შვილმრავლობისა.

ჭინჭების გაშრობას ვერ აუდიან მათსას. ჩვილს ჩვილი მოსდევს. საგვარეულო აკვანს მოსვენება დახკვარგვია. დღენიდაგ ირწევა ონწე. საამისოდ უფროსი ძმაც აქეზებს. თავად ქალ-ვაჟს კმარობს. აი, ნაბოლარას კი გამუდმებით აგულიანებს მამრული ორგიებისაკენ. საქეიფოდ და სალხენად გა-

ნაწყობს. ოქროს თუმნიანს ჩუქნის ოტობაიაში ძმები ხუფენიების დუქნებისკენ სანადიმოდ წამგზავ-
რებულს. საუკეთესო ცხენზე ამხედრებს. გამორჩეული ჩოხა-ახალუხით დაატარებს.

ამბროსის, თავის ბუნებიდან გამომდინარე, ხშირად გაურბის თვალები ლამაზმანებისკენ, რითაც
მოგვიანებით, ჩვენთან, შვილიშვილებში, თავმოძრონობს კიდევ, მაგრამ მაზლის გაუთავებელი ნა-
დიმები, მისი წვრილშვილის კისერზე წამოსკუბება, თანდათან თანგავს მოამაგე რძალს — მარი ჯალა-
ლონხეს და როცა ერთხელ ფეხს აითრევს ქალი ამბროსისიანების დაუსრულებელი კმაყოფა-რჩენი-
სკენ, თავზე წამოადგება გამეხებული ქმარი, რომელიც ყოველთვის „მუთარეთი“* [ინტიმურობის
ჟამს) ან „ვერჩქილექოთი“* [ოფიციალუ- რობის შემთხვევაში) მიმართავს თანამეცხედრეს და მიახ-
ლის:

— რა იყო ქალბატონო, ცხვირი რისთვის ჩამოგიშვია? ხომ არ დაგღალა ჩემი ძმისშვილების
მოვლა-პატრონობამ? თუკი გადაიქანცე, ახლავე შევამამ ურემში ხარ-კამეჩებს, დააწყვე ზედ შენი
მზითევი და მიბრძანდი, საიდანაც მოსულხარო!

ქალი ხედება, ამოა მისი გაბრძოლება. კვლავაც უნდა ააქოთქოთოს ასობით კრუხი, რათა
წამში მაზლიშვილებმა გაავლონ მუსრი; ძველებურად უნდა ჩამოწველოს ათობით კამეჩ-ძროხა,
რომ მერმე მთვარისხელა სულგუნებს ხელად გამოუვიდეთ წირვა. ხოდა, მიედევნება დღეები
დღეებს.

ახა, დარახტული მერნით ეზოში გამოსულა მისი კაცის ნებიერი ნაბოლარა. მოსირმული ჩოხა
კოჭებამდე დასთრევი, კარაკულის ქუდი ახურავს ოტობაიის დუქნებისკენ სანადიმოდ დამიზნე-
ბულს. უფროსი ძმის ქისას უცდის. თომა გელენავაც ჩვეული გულდინჯობით ჩამოდის აგურითწ-
ყობილ კიბეებზე, ოქროს თუმნიანს ააბზინებს სახლეულების თვალსაჩინოდ:

— წესიერ კაცებთან დახარჯე, ჯიმა! — ეტყვის და წარუძღვება ჭიშკრისკენ.

ფიჩორში ჩამოსახლებული გელენავები გელდი კუპეცის შთამომავლებს კი ეძახიან თავიანთ
თავს, მაგრამ ძირითადი შემოსავალი მაინც ბარაქიანი მიწის წყალობაა და კიდევ — თავდაუზო-
გავი შრომისა.

თოხნასა და თიბვაში ამბროსის ბადალი არ ხყავს, ჯაფაც ხვავრიელი იცის ამ ენერგიულმა კაცმა,
როგორც მოლხენა და ქალებში გავლა-გამოვლა.

ნათლიად თანამოგვარე, ქუთაისის გუბერნატორი ხყავს. ბევრს ეცდება თომა, მაგრამ სწავლისკენ
გულს ვერაფრით აუძგერებს, სამივეჯერ გამოიქცევა გიმნაზიიდან. ახლა, როცა დიდი ნათლია მიც-
ვალბებულია, მათ ოჯახს დღითი დღე აძაბუნებს სამხედრო ბეგარა.

ჩამოივლიან სახელმწიფო მოხელენი, გაიმართება მდიდრული სუფრა, ხარს ჩამოხკიდებენ, გო-
ჭებს ააჭყიტინებენ, მარილნაჭამ ელარჯს გაწელავენ, ადესას ააქაფაფებენ, ქისიდან გადმოაჩხრია-
ლებენ ოქროს და ამბროსის გაწვევასაც რამდენიმე წლით გადაავადებენ, მაგრამ მსწრაფლ თავდება
პირობადებული ეს ჟამი და მორიგი ნაკადი ახალ გასამრჯელოს ითხოვს, ახალ საზღაურს. წელზე
ფეხს იდგამენ, დიახაც.

ქურახანა ბაწარალებით გუგუნებს. საბუხრე, რკინასავით ჟღალ აგურს აწრთობენ გელენავები.

რამდენჯერ მიხილავს მეც, ბესოსაც, ძუძუმტესაც, ჩვენი ჯანიანი ბიძები, მათი მამების მეთაურო-
ბით ტოტებაკარწახებული ფეხებით როგორ ზელავენ წითელ მიწას. ყალიბებით ჩამომწკრივებენ
საგანგებოდ მოფხეკილ ალაგას და მერმე მათ წასაღებად წამოჭრიალებული ურემების წყბას და-
სასრული არ უჩანს.

შრომით მართლაც გამოირჩევიან ძმები გელენავები. უბატონო გლეხებს უწოდებენ თავიანთ
თავს, სვანეთიდან ჩამოვაკებულებს, გელოვანების ნაშიერთ. ბატონის ბეგარა ჯერ კიდევ როდის
გადაუგდიათ ქედიდან მათ წინაპრებს.

ყუდნათ შარაშიას კაცი წელიწადში ერთხელ შემოუვლით ნესვივით გატიკნული გოჭისთვის.
მართმევენ ხელად და გაიხარებს ბატონის მადა, მაგრამ ერთხელ შარაშიას ხელქვეითს, ძვაძვალა
კიუტს, კოვზი ნაცარში ჩაუვარდება. ლამის დაკანონებული ხარკის წარსატაცებლად მოსულ
მოხელეს ორმაგი ღობის იქით დაუცდის მასპინძელი. მარჯვენა ფეხით კოჭლია გვაჩ გელენა. ნა-
დირობის დროს ტახმა დაუნაფლეთა, ბარძაყიდან მუხლისთავამდე ხორცი ამოაგლიჯა და ექიმბა-
შების წყალობით სული ძლივს შერჩენია. გამხმარი ფეხით დაკვლენაობს, მაგრამ ბოჭოკი რა
ბედენაა გული თუ ფოლადისა გაქვს?!

ძვაძვალა ტყუილუბრალოდ როდი შეურქმევიათ მოურავისთვის ფიჩორელებს. ზონზროხაა,
სუფრა-სუფრა თრევისგან ღიპმოდლებული. სულ დაძუნძულებს შარაშიას საშოვრებისთვის და
ძვაძვალაც ამისთვის შეურქმევიათ.

სიკვდილივით ზარავს გვაჩისთან გამოცხადება. იცის კარგ დღეს არ დააყრის, მაგრამ ერთადერ-

თი ეგლა დარჩენილა სოფელში, ვისთვისაც გოჭი არ გამოურთმევია წლეულს და აბა, სხვასთან როგორ მიესვლება?

— გვაჩის ჭირიმა, პატენ ყუდნათს სტუმრები ხყავს, — ამბობს მორიდებით მოურავი.

— გოჭისთვის მოხვიდოდი, — ლომობიერია გვაჩი, — ნება შენი, მაგას დაგზარდები? — უღიმის ოჯახის უფროსი, — მაგრამ ჯერ იქნებ მსხლის არაყი გაგვესინჯა?!

— სად მცალია გვაჩის ჭირიმა?! მეფორიებისგან ქათმები მყავს წასაყვანი, ხასაიებისგან — ინდაური, სიჭინავებთან ყველს და სიმინდის ფქვილს მიხაზირებენ. იქნებ როგორმე გამანთავისუფლო ამ ჭირისგან. არც ვაპირებდი მოსვლას, მაგრამ ხომ იცი, ყუდნათი როგორი ოხერია, მთელს სოფელს ააწიოკებს სტრაჟნიკებით.

— განა მენანება რამე ბატონისათვის, ოღონდ ეგ არის, ოსქში* სამი წყება გოჭი მიმწყდევია. ზოგი მომცროსა საწკირედ, ზოგი ბურვაკია ლამის. იქნებ თავად ამოგერჩია? — მოსჭრის გვაჩ გელენა და თავს ხრის ღიმილით.

სხვა რა გზა აქვს ძვაძვალას. მოზომილი ნაბიჯებით მისდევს საღორესკენ წახვანხვალეულ მასპინძელს.

ძელურ სათავსში გოჭების ჭკვიტინია. დედა ღორები ლაფში მიწოლილან, გობები ამოუცარი-ელებიათ და გოჭების დაძგერების მოლოდინში ღუტლღუტებენ.

ოჯახის უფროსი ოსქს ურდულს გამოაცლის და ოდნავ გამოღებულ კარიდან გოჭებში შეაჭვრიტინებს მოურავს.

— ხედავ, რა ამბავია?! ჯობია თავად ამოირჩიო, ძუნწობა რომ არ დამბრალდეს. ხომ იტყვის ყუდნათი, მჭლე და უდღეური შემოუჩჩებიაო?!

ცდუნდება შარაშიას კაცი. შეხყოფს თავს ტომრითურთ საღორეში თუ არა, მასპინძელი წიხლს მიაზელს გათვითვინებულ გავაზე.

— დაე, რწყილებმა იჯირითონ შენს იღლიებსა და უკანალში! ჭკვიანად თუ არ მოიქცევი, დედა ღორებსაც შემოვუშვებ და მერე ნახე შენი დღე, ძვლები სანთლით საძებარი რომ გაგხდება, უბედურო!

— ვაიმე, მაგას ნუ იზამ, — იბღველებს ძვაძვალა.

— მაშინ იყავი დილამდე გოჭების მეურვედ, არც ეგენი დაგათენებენ უკეთეს დღეს, რძეს მონატრულნი, — ამბობს და მიატოვებს სანეხვეში ისედაც მობურაყილ* მეალაფეს.

ყუდნათ შარაშიას ზორბა ქვაბით ღომი ჩამოუკიდია შუაცეცხლზე. მეორე წყალს უცვლიან თუხთუხისგან გადაქანცულ ღერდილს. მოურავი კი არა და არ ჩანს.

აფრენენ აცვენილ ბიჭებს გელენავებისკენ: ალბათ, რალაც უხიმანდრა გვაჩმაო. ხოდა, გამოჩნდებიან თუ არა ჭიშკართან ქაფმოდებული ცხენებით შარაშიას კარისკაცები, ამათ უკვე რიხიანად უხვდება გათარანებული გვაჩ გელენა:

— ჩამობრძანდი თველანი ცხენებიდან! — უბრძანებს შარაშიას ხალხს, — ეგ თქვენი ზორყანია ძვაძვალა ოსქში დამიმწყდევია გოჭების ბალნის დასათვლელად. როგორც ჩანს, სანამ თქვენი ბატონის ღომი მოიხარშებოდეს, მარტოკა ველარაფრით გაართმევს თავს. დამხმარე ძალა დროზე გამოუგზავნია ყუდნათ პატენს.

— მაგას ნუ იზამ, გვაჩი, — ეხვეწებიან დაფეთებული ბიჭები.

— ჭკუა დამიშლის თუ გონება?! მარდად, მარდად! — მისძახის და მილაღავს საღორისკენ წამხდრებს.

ამასობაში დედა ღორებს ჯაგარი აშლიათ. საკმარისია ალაგეზე გადმოაბიჯოს ვინმემ, რომ წამში ბღღვირი აღინონ, დაგლიჯონ ლაშებზე ქაფმოდებული ეშვებით.

არის ბღავილი, ძაღლების ყმუილი, გოჭებდასეული ძვაძვალა კიუტის სიცილგარეული ღრი-ალი, რადგანაც, დამშეულ ღუტუნებს დედების სანაცვლოდ შემოგზავნილი მოურავი კუთხე-ში მიუმწყდევიათ და ვის ახსოვს რწყილების კბენა, თურქული კანფეტების ბადალია; წაუყირა-ვებიათ და ხან იღლიაში აძგერებენ დინგს, ხანაც — ბადექონსა და ხვანჯარში; ხოდა, ამ სურათის შემსწრე პატრონი მეტს ველარ გაუძლებს, გამოაცლის კარს ურდულს, გამოთრეულ ძვაძვალას უთავაზებს კვლავაც ბარაქიან პანდურს, თან მეორე ხელით ჩახმანზე შეყენებული კარაბინი არ ეთმობა.

— მობრძანდეს თავად ყუდნათ შარაშია და არც მაგისთვის დავიშურებ რწყილებს დასათვლელად! — ეღიმება სქელ უღვაშში გვაჩ გელენას.

ყუდნათ შარაშია გულდელალი როდია. სწრაფად შეაკაზმვინებს ცხენს, მიეჭრება საქვეყნოდ თავის მომჭრელ ყაზაყს, დააჯირითებს ქაფმოდებულ მერანს ლაბახასთან.

გვაჩის ფიცრულს რომ მოაღწიო, ჯერ ერთი ღობე უნდა გადმოიარო, გამოირბინო ასიოდე მეტრის მინდორი, კვლავ მეორე ღანდა აგესვეტება, დაპობილი შეშისგან აღმართული, სწორედ ისეთი, როგორც ნაპო ბიძიასთან ვიხილეთ. სანამ აქამდე მოფრინდები, ჩუბინი გვაჩ გელენა ცხრა-ჯერ გაგისვრეტს შუბლს და სიტყვიერი მუქართა და გინებით ვითომ გულმოჭვრებული ყუღნათ შარაშია მიაბრუნებს სინიბს, იმავე ღამეს გულა-ნაბადს აუკრავს ცოლ-შვილს და მას აქეთ ვერავინ იხილავს.

იმ დღიდან გადავარდება ფიჩორში ბატონის ბეგარა.

აზნიანი თართაყან ანჩბეია კი ჩამოფუძნდება მოგვიანებით მეზობელ სოფელში, ოტობაიაში, მაგრამ ეს პიროვნება სულ სხვა ყადისაა, გლეხების მოქომაგე და თაყვანისმცემელი, მათი ჭირ-ვარამის გამზიარებელი.

ასეთი ლექსიც მსმენია გვაჩის მემკვიდრე ყვებან გელენაზე.

ქორწილშია კაცი მიპატიჟებული, მაგრამ სტუმრების სიმრავლით თავგზაბნეული მასპინძლები ვერ იცლიან თითოეულის მისახედად. ეს წუთია და ეზოში შემოგელევებულ ყვებანს არავინ დაუჭერს გაფიცებული რაშის სადავეს, არავინ ეპატიჟება სეფისკენ და აი, ამისთანა დროს მეხვიით სჭექს ამაყი ყვებან გელენა:

**მა ვორექ გელენა ყვებანი,
ფიჩორს გებდორთი დო
თეიშას გეკლებტყაბარი,
ქვარა მიღუ ყაბბარი.
აქ დახუნალ ვამაშიდუდა
მეზობელს უღუდ კამბანი,
აქ დახუნალ ქოფშიებუდკონ,
ჯიბეს მიღუდ მანათიან
კვარკვალია
ძოკო რექ თო იაშა,
ჯოღორქ გეწიკვ კამბანიამა.**

**მე ვარ გელენაყვებანი,
ფიჩორში ავდექი და
აქამდე მოგადწიე,
მუცელი მაქვს ყავარივით
აქ დასაჯდომს თუ ვიშოვი დი,
მეზობელს ხქონდა ქორწილი,
აქ დასაჯდომი რომ მრგებოდა
ჯიბეში მქონდა მანეთი
მრგვალი,
ძოკო ხარ თუ იაშა,
ძადღმა დაგისვარა ქორწილზე.**

მიაძახებს აბაბანებულ მასპინძლებს, სტკიცავს ქურანას მათრახს და გადააფრენს ჭიშკარს. ხოლო რაც შეეხება მარულას, დოდს და თარჩიას, გელენავებმა მართლაც განუმეორებელი იციან.

— კუჭუ გელენაში ცხენშორო გეითოფურუა,* — დასკვნიან საჭირო- ებისას სამურზაყანოში.

საქმე ის გახლავთ, რომ გვაჩის ბადიში კუჭუ თავისი მომცრო ტაიჭით თავდაპირველად სტვენას და ყიჟინას იმსახურებს მაყურებელისგან, სულ ბოლოს მიჩანჩალებს ხოლმე ლევანის მინდორზე გამართულ დოღში. ხოდა, უკანასკნელი წრე რომ დაიწყება, თავშენახულ რაშს ლაგამს მიაწებებს მხედარი, ფაფარში ჩააფრინდება:

— ეხეხეი, ეხეხეი, ცხელა! — ჩასძახის ყურში ბურთივით შეკრულს და ფრთებს შეასხამს აქამდე თითქოსდა მოჩანჩალებს. რამდენიმე წუთში კუჭუ გელენას თეთრონი ცხენების სათავეში მოექცევა და პირველ ჯილდოსაც უცილობლად ის დაეფუფლება.

ასეთი და ამგვარი ხასიათისა გახლავან ჩვენი წინაპრები დედის მხრიდან, მაგრამ უმჯობესია ჯერ ცხენთან დაკავშირებული ფათერაკები სრულფასოვნად ამოვწუროთ არსებითი სათქმელის შემოცურებამდე.

მოქრთამული სახელმწიფო მოხელეები მერამდენედ გამოარიდებენ ამბროსი გელენავას სამხედრო სამსახურს, თუმცა ბოლოს და ბოლოს გულლიად გაუმხელენ:

— არც პურ-მარილი გვინდა შენი, თომა, აღარც — ფული და ძღვენი. უჩივლიათ თქვენს მტრებს უფროსობაში, მეფის ჯარში სამსახურს თავს არიდებს ამროზ გელენაო და დავალებული გვაქვს ხვალ დილით თან წავიყვანოთ. წინააღმდეგ შემთხვევაში, კანონგარეშედ გამოცხადდება და იძულებული შევიქნებით ცოლ-შვილი დავუტყვევოთ. ნუ გაგვაკეთებინებთ ამასო.

თავზარი დაეცემა ნაბოლარას მოამაგე თომა გელენავას.

სად უნდა გაგზავნოს ძმა? ცხრაასთოთხმეტს აგორებულმა ომიანობამ, რუსეთის რევოლუციამ და გერმანიის აბოლოქრებამ სიცოცხლე მოუსწრაფა ათასებს. თურქი ასკერები ხიშტწამოცმული კარაბინებით მოჩოჩავენ ბათუმის მხრიდან. ომში წასაყვანი ძმის ცოლ-შვილის რჩენა არაფერში ეპიტნავება თომას, მაგრამ სასაკლაოზე რანაირად გაისტუმროს საკუთარი ხელით შვილივით გამოზრდილი? ვინ, რომელი დაუბრუნებს მოუსავლეთიდან სისხლ-ხორცს? და, აი, მაშინ მუდარით

ეწვევა მამაჩემის მამას, ბიქტორ ფეტელავას, თომა ბაბუა.

მეწვევლ ძროხას უფეშქაშებს ავანსად, ოღონდ რამენაირად გადაურჩინოს ძმა მოსალოდნელი ჯოჯოხეთისგან.

თავად ბიქტორი ახალი დაბრუნებულია პირველი სამამულო ომიდან. იგი პროფესიით ფერშალია, როკივით ძელქვა. იმდენი ადამიანის სიცოცხლე უხსნია სავლე პირობებში, მისი დასტაქრული გამოცდილება ჭეშმარიტ ქირურგს შეშურდება. ხოდა, მშველელი მის მეტი არავინ ჩანს თომა გელენავას თვალსაწიერზე. სხვა რა ჩარაა, აიკრეფს ალექსევიჩიც აბგას, ბოთლებს; ფაფარგაკრეჭილი და კულმოკვეცილი ცხენით □ქურდებმა თვალი რომ არ დაადგან ბედაურს) ეახლება გელენავებს. აღუღებულ წყალს მოსთხოვს მანპინძლებს.

ხელად მოურბენინებენ სოფლის ღობტურს.

მდულარეს ბოთლებში ჩაასხამს ფერშალი ბაბუაჩემი, ლოგინში ჩაწვენილ ამბროსის შემოულავებს და რამდენიმე წუთში პაციენტის სიცხე ცელსიუსის ორმოცდაორს მიუჯაკუნებს.

მოკლედ, ასწავლის რანაირად აუწიონ სიცხე დეზერტირს, თანაც ყველას არიგებს, როცა ისინი □სახელმწიფო მოხელეებს გულისხმობს) ჭიშკარს მოუახლოვდებიან, ბოთლები საიმედოდ გადაამალეთ, თორემ ყველაფერს იწნოსავენო:

— ძმასაც დაღუპავთ და ჩემს ცოდვაშიც ჩადგებითო, — ამას ივედრება.

სწორედ იქ ხკიდებს თურმე თვალს სარძლოდ ყირმიზსახიან დედაჩემს ბიქტორ ბაბუა.

მარტივად რომ ვთქვათ, ყველაფერს ისე მოაკობთავენ, როგორც სოფლის ფერშალი დაარბებთ, მაგრამ წვევამდელების სიაშეუვსებელი მოხელენი შემოუსხდებიან გარშემო ამბროსი გელენავას. იქვე გაამართვინებენ პურ-მარილს და დეზერტირის სიცხეც კატასტროფული სიჩქარით იწყებს ვარდნას. საათნახევარში თუ ორ საათში სრულიად „გამოჯანსაღდება“, ბუნებრივი ფერი დაუბრუნდება, ოფლი შეაშრება. შეხედავენ სტუმრები, გაუსინჯავენ მაჯას, უშბლს და, — აბა, ახლა არაფერი გიშავს, სტამბოლის კაჟივით ჯანმრთელი ხარო, — ამ სიტყვებით წამოადგებენ ლოგინიდან.

იცრემლება ჯალაბი. სხავიან ბავშვები. ამაოდ აჩუმებს სახლეულებს თომა გელენავა.

ჩათბუნებულია მისი ნაბოლარა ძმა. ქამარში ჩატანებულია ოქრო-ვერცხლი. ახა, ამხედრდება სადაც არის. ატირებული ცოლი, ვალია ჯახახე, ლაგამს უჭერს.

მოთმინებიდან გამოსული სტუმრები: ვიჩქაროთ, ვიჩქაროთ, შემოგვათენდებაო, იბღვირებიან შუკიდან და თომაც არ დააყოვნებს, გაჭრილ წიწაკას წასცხებს არაბიას კულუსუნთან, რომელიც ცოცხალ ცხენს კი არა ჭიშკარის სარზე წამოცმულ ხორცშემოცლილ თავისქალას ააჭიხინებს სიმწრისგან.

მერანი აიჯაგრება, აიფაფრება, ყალყზე შედგება, სადავეს წაართმევს მხედრის მეულლეს. თავად ამბროსიც ამაოდ ირჩება მის დასაოკებლად. გაჩერებისთვის სცხელა რაშს, ვულკანი გადმოაფრქვიეს კულუსუნთან და?! ბოლოს, ერთიანად რომ გასულმწარდება ტაიჭი, ორივე ტორით ტერფზე დაახტება სასაკლავოსკენ დამიზნებულ პატრონს და აქ მართლაც მთელი ხმით იღმუვლებს ნაბოლარა გელენავა.

ატყდება ქოთქოთი და გნიასი. დიდ-პატარა გარშემო ეხვევა მიწაზე გართხმულ კაცს. ცხენი ტლინკებს ყრის ბუზანკალ შეჩენილივით და ისე გადაეველება ჩაგრავნილ ღობეებს, თითქოს ისინდიაო. მორგევივით ჩაკირული ამბროსი ეზოში ფორთხავს, სიმწრის ცრემლი სცვივა.

მობრუნდებიან სახელმწიფო მოხელენი, უმზერენ ფეხდასისხლულს, რომელსაც ელვისებურად დაუსივდება ტერფი, ლამის მუხლისთავამდე აედევნება ზაფრანისფერი სიმსივნე.

— არ ყოფილა ჩვენი საშველიო, — შემოეტევიან კვლავ ოდაში სტუმრები, მაგრამ გამთენიაც ვერანაირ ნუგეშს არგუნებს მათ ნაკლულ სიას და ჩაიქნევენ ხელს, ბურტყუნით გაეცლებიან გელენავების საცხოვრისს.

მერე და მერე წლები მოუმრავლდება ამბროსის, მაგრამ საწუთროც თანდათან შეიცვლება. ხელმწიფის ძალაუფლებას რკინის დროების რეჟიმი დავიწყების ქარს გაატანს და დარჩება ცოლ-შვილში სიცოცხლეს დახარბებული ძე ღვთისა, თუმცა თავად ცხოვრება როდია ომის გაგანიაზე უკეთესი, ყოველდღიური სარჩო-საბადებლის მოპოვება არაქათს გააცლის მათ ჯალაბს.

კერიასთან საუბრისას მსმენია:

— თომას და ამროზის ძმობა მართლაც საარაკოაო.

აუმღვრევლად ეწვეიან წუთისოფლის ჭაპანს.

ასეც გამიგონია: ზღვისპირეთში ყანებს თოხნიან გელენავები — ოცდაათ, ორმოცდაათ ხექტარს. ძმები ხუფენების შემდეგ მათხელა მიწები არავის გააჩნია დაბალ ზონაში.

ნადიკ კულში დასდევს ნაბოლარა გელენავას, მაგრამ ამოდენა სამუშაოს პურ-მარილიც შე-
საფერისი სჭირდება და უხშირებს ლოთობას უმცროსი ძმა.

ჩააწვეთებენ ყურში თომას. ეს უკანასკნელი შეკაზმავს ცხენს, თავზე დაადგება ამბროსის დოსტებს.
აიწურებიან..

იცი, დავიდარაბის შემდეგ ყანების გამორიდება საფრთხე დაემუქრება, , მაგრამ ზეზეურად
ელუპება შვილივით ნაზარდი სისხლ-ხორცი და ფიცხლად მისული პურ-მარილზე წიხლს უკრავს
ორნახადი არყის ყლურწვას გადაყოლილებს. ამასაც არ აკმარებს ნაბოლარას. თავდახრილად გაჩე-
რებულ უმცროს ძმას სილას გააწნავს სახალხოდ, მოახტება ქურანას და ბუზივით გაუჩინარდება.

ხმას ვერავინ სცემს ამხანავს. იციან თომას და ამბროსის უღალატო ძმობის ამბავი. ცრემლი ნიკაპ-
თან ენასკვება საჯაროდ დასჯილს, მაგრამ გაწყრომის ნაცვლად უფროსის საქციელს ამართლებს მო-
კიდებულის ენით:

— აბა, გაბედეთ რომელიმე და ხელი დამარტყით! ცამდე მართალია ჩემი ძმა, ცუდად აკყვი თქვენს
ფეხის ხმას. თომამ ვადომლურ, დღეიდან ვინც დალიეო, მეტყვის, ამ თოხით გაეუპობ თავსო, — დაი-
ქანის და რომელი ჰკუთამყოფელი გამოუწევს მერმე თითით ყელს სირჩა არყის გადასახუხად?

ამასობაში შვილები იზრდებიან.

დედაჩემის ხელის სათხოვნელად მოსულ მათ მესაიდუმლე ბიქტორ ფეტელავას ხათრს ვერ გაუტე-
ხენ გელენავები და პროვიზორ სიძეს უყოყმანოდ გააყოლებენ თავიანთ მწყაზარ ასულს.

დიდოჯახი თანდათან ირღვევა. ვერ ეტევა სადღაც სამურზაყანოს მიყრუებულში, ბორსუს თუ
ნაჰკადუს ჰანჰკობიან ადგილებში. ნელნელ თხელდება ჯოგი. ქურახანას აგურის კლიენტი მოაკლ-
დება, ვინაიდან გელენავებს ოდიშსა თუ გალში მრავლად გამოუჩნდებიან მიმდევრები, თანაც ახალი
დროის მობრძანებას სხვანაირი სურნელიც მოხყვება. ცემენტი და რკინა-ბეტონი გამოაძევენს მეგრე-
ლი კაცის სამკვიდრობლიდან აგურს და კრამიტს.

მიხილავს სადადიანოს ცენტრისკენ ათურმეულით აბარგებული სახლეულობა. საზამთრო-ნესვიით
დატვირთული ქარავანი წარემგზავრება ზუგდიდს და შინმობრუნებულნი კვლავინდებურად წუწუ-
ნებენ გაბრდღენილი ჩიტის საფასურის გამო.

დღითი დღე ფასი ეკარგება სიმინდს, ლობიოს, ყველსა და ხორცს. მოსახლეობა ხელს გამოიღებს
და დოვლათის მობეგრება ერთიანად გააიფებს სასოფლო-სამეურნეო ნაწარმს. არადა, სოფელს
ათასი ხარჯი ახლავს: ქორწილ-ქელეხი, ძეობები, დღეობები, ნათლობები, დიდსტუმრობანი, ახალმო-
სახლეობა, სადაც ნათესავი ვალდებულია მოსაკითხით ეწვიოს თვისტომს.

მრავალრიცხოვანი ჯალაბის მოთხოვნებს უკვე ამბროსი გელენავას ჰარბი ენერგიაც კი ვერ აუღის
და უფრორე ესეც განაპირობებს ნაბოლარა გელენავას მშობლიური მიწა-წყლიდან რაიონის ცენტ-
რში გადაბარგებას.

აიყრებიან და აიყრებიან. მიყიდ-მოყიდნიან რისი ფულად გადაქცევაც შეიძლება. უფროსი ძმა ხელს
მოუმართავს ნაბოლარას კვლავინდებურად. დიდხანს დასტრიალებს მის ცარიელ-ტარიელ სამოსახ-
ლოს გალის ავტოსადგურის მიდამოებში. ძველებურად ამუშავენს ძმის კუთვნილ მამულს, ადრინდე-
ლივით მარგლავს და ამოროლებს სისხლ-ხორცის მიწის ნაკვეთს. შემოდგომით კი მოაკითხავენ ძმა,
რძალი, ძმისშვილები და წარიტანენ სარჩო-საბადებელს.

სწორედ ბაბუა თომასგან მსმენია ზღაპარი ორ ძმაზე, დაოჯახებულსა და მარტოხელაზე, ღამლა-
მობით საკუთარი ნალიებიდან სიმინდი რომ გადააქვთ კალათებით.

მარტოხელა ამბობს:

— მე ისედაც გავიტან წუთისოფელს, ამან რა ქნას, წვრილშვილმა, თორემო.

ხოლო ოჯახმოკიდებული ასე იტყვის გულში:

— ჩვენ რა გვიჭირს, ბევრნი ვართ, კიდევ ვიმუშავეთ, მხარში ამოვუდგებით ერთმანეთს, დაკენ-
ტებულა ცოდვაო.

ამ ზღაპარს მოგვიანებით სულხან-საბასთან რომ წავიკითხავ, გამიკვირდება, ვინაიდან ბაბუა
თომამ წერა-კითხვა რიგიანად არც იცის. სალიტერატურო ქართულით კი დაილაპარაკებს აქა-იქ,
ოღონდ, როცა თურქეთის ომს გაიხსენებს ხოლმე. ნასალდათარი კაცი, იქაური საშინელებების
შემყურე, ყველაფერს ღონობდა თურმე უმცროსი ძმის ჯოჯოხეთიდან გამოსახსნელად. ხოდა, იმას
ვამბობთ, სამზადის აივანზე შეკვრებილვართ თომას და ამბროსის შვილიშვილები.

დღეს ხვამა აქვთ გელენავებს. ასე მისდევნენ წელიწადში ერთხელ, აგვისტოს მიწურულს. ხბოს
ჩამოხკიდებენ, ცხვარიც დამწყალობნებულა. გამოილოცავენ გელენავები. არის საზეიმო სუფრის
სამზადისი. პატარები ეზოში ვჟრიაშულობთ. მეთაურები მე და ძუძუმტე გახლავართ. ყირაზე გა-
დადიან მესხიები, ხუფენიები, ჯალაღონიები, თომა ბაბუას მეზობელი სილოვან ხაფავას შვილიშვი-

ლები. გელენავეები ხომ ანცობენ და ონავრობენ ისედაც.

ბაბუა თომას გრძელი სკამი გამოუტანია ხვამარდის ვაშლის ძირას. ზედ ვინმე ბოგანო დაუსვამს, ნახევრად შეპრენტილი ახმახი, რომელსაც მაჯებს ქვემოთ ხელები ოტელოს მიუგავს, სახეზე კი ყირმიზი გადახკრავს, როგორც სიმწიფეში შესულ ატამს.

მამაჩემს და ამბროსის ტაბურეტზე გაუშლიათ სუფრა. მამაჩემის დიდი მოსიყვარულეა ამბროსი ბაბუა.

— წიე, წიე, საზგადო კაციო, — იტყვის.

აქვე არიან სიძეები ნაპო და კუკური ხუფენიები, ამერიკო მესხია. მსხლის არაყს აჭაშნიკებენ, სანამ ძირითადი პურობა დაიწყებოდეს.

მამას თვალი ეკიჟება ხოლმე სამი-ოთხი სირჩის შემდეგ. ქუთუთო აუხამხამდება, ხოლო რვაცხრა სასმისის მერმე „ჭუკო-ჭუკო“ შემოსძახებს, მაგრამ ამჯერად დოსტების ყურადღება გლახაკის მისამართითაა. ეტყობა იმერეთიდან მოხეტებულა. სიმინდს მათხოვრობს, ლუკმა პურსაც. ამეებზე ბარვაშიც შემოიშველიებენ ხშირად და უხვდაც ასაჩუქრებენ, ხან ნახმარი ტანსაცმლით, ხან კიდევ — ფულითაც. ხოდა, გამოუტანს ბაბუა თომა ღირლით საესე ქებას. სიმინდის ნაქურჩალი მოუმარჯვებია და უპოვარი დათვის ტორებს მისდგომია, აღვანდალებს და აღვანდალებს თბილ, ღერლილიან წყალში დამბალ მტენებს, თანაც თავისი ჩიქორთულის არსენალს ამ მსტოვარს ახარჯავს უკლებლივ:

— შე ცოდვის შვილო, საპონი გაწყდომილა ქვეყანაზე? ასე როგორ მიირთმევ საჭმელს, კუჭი არ გეწამლებოდა?! აბა, მარდად, მარდად მოუსვამდეო, — უცაცხანებს.

ბოგანო კი სიმწრის ცრემლს აღვარღვარებს, რადგანაც ნაქურჩალი ხეშეშია და გაუხეშებული კანი ასკეც ქუჭყთან ერთად სცილდება ბედოვლათს.

— არ კმარა? — კითხულობს აცრემლებული თვალებით.

— უყურე შენ, დაბანვა ეზარებოდეს! მარდად მისცხებდე კაცო, გეყურებოდა?

აჩიქორთულებს ბაბუა თომა.

ეს წუთია და თანამეცხედრესაც გასძახებს სამზადში:

— სუფთა წყალი მომიტანე, მუთარე!

ბებია მარიც მოფრატუნობს, რკინისფერი სახითა და მიმინოსებრი გამოხედვით. ლისა გელენახეც აქ არის მაქსიმე ჯალაღონიას ასულების გარემოცვაში.

ნაპო ბიძიასა და ეთერ დეის საოჯახო ნასკვი ამბროსი ბაბუას გაკვანძულია. ოტობიას დუქნებში თვეში ორგზის თუ სამჯერ ნადიმობისას დაუახლოვდება თედო ხუფენიას. მერე ძმისშვილის მათ სიახლოვეს ჩამოფუძნება თავისას გაიტანს და ომიდან მობრუნებულ ნაპოს მეზღვაურის გიმნასტურის ხეირიანი გამოცვლა რომ არ დასცალდება, ისე დაამოყვრებენ ჯალაღონიებთან.

ზღვაოსნობის ბოლო აკორდებია. თვეზე მეტია აქ ნებივრობენ თომა ბაბუას ცოლოურები. ეთერ დეი და დედაჩემი ეს-ესაა შემოერთებიათ ლამარას ბალაჭუჭუბთან და სხვებთან ერთად.

ზემოთ ლისა გელენახე ვახსენეთ, პოეზიის მოტრფიალე ხმელ-ხმელი მანდილოსანი. გათხოვებისას ძაძამიძეების ნაოსტატარი ოქროს ძეწკვამობმულ გულქანს უსახსოვრებს ნათლულს ბაბუა თომა. ამის გამო უშატია ჩხეტია გალექსავს კიდევ ლისა გელენახეს, ამ მართლაც და კალმით ნახატ ქალიშვილს, ყირმიზი სახის გელენავეების შთამომავალს:

**ბრელიშ გორექ მაძირაფუ,
მითინ გოუჯგ ლისასუნნი,
თოლცუ ქეკიტყურუანსუ,
შარას სოდგა მიშასუნნი,
ფარშავანგეშ ფსუა რუ,
ღორთონთიში სქუა რუ.**

**ბეერი რამის მნახველი ვარ,
ვერვინ სჯობნის ლისასაო,
თვალს მოგტაცებს სილაძაზით,
გზად სითკუნაც მიდიოდეს,
ფარშავანგის ფრთა არის,
ზეციერის შვილია.**

და იქვე მეგრელი მოშაირე ქალწული ოხვრით მიადევნებს:

**მაფაცალო ხენია,
მარა კუბაკ რენია.**

**მაფასავით ზის, მაგრამ
წუწურაქი არისო.**

ასეთნაირად იმიტომ იენამწარებს, რომ თომა ბაბუას ნაჩუქარ, იშვიათი ნიჭიერებით შესრულებულ ყლსაბამს, სამფად ყლზე შემოხვეული სარტყლამდე რომ სცემს, ნახევარი რას ხქვია,

მესამედსაც არ დაუთმობს. მთლად ჩუქებისთვისაც ვერ გაიმეტებს და წაიკაპასებს მეგრელი პოეტისაც.

ქალბატონ ლისას თაობაზე მეტჯერ სიტყვა არ მოგვიბრუნდება და ვინაიდან იგი ფრიად კოლორიტული პიროვნებაა, ბარემ აქვე დავაკონკრეტებ, რომ გასაბჭოების შემდეგ ჩვენთვის კარგად ცნობილი ძვაძალას ნაშიერი გელენავების გასამწარებლად მათრახს გადაუჭერს შუა სოფელში სიამიყით განთქმულ დედაკაცს. ქმარ-შვილის უბედურებით გულდამწვარი ლისა გელენახეს ორმაგად დათუთქავს საზოგადო შეურაცხყოფა. მთელი კვირა ჩაიკეტება შინ, მთელი კვირა იშიმშილებს ისედაც სპარტანული კომპლექციისა, არიქა, რაიმე სასირცხვო არ დამემართოს ოჯინჯალეზე ჩამოკონწიალებულსო.

გელენავები კი ძვაძალას შთამომავალზე სხვანაირად იძიებენ შურს. არ შეინანებენ ოქრო-ვერცხლს და მოსყიდულ ყჩაღს აღასრულებინებენ.

ხოდა, ეს წუთია, ამოაშიშვლებს ღერლილიანი ქვაბიდან ხელებს კუჭუხიძე, თან თავისთვის ლულ-ლულებს ცრემლის ღვარულში:

— რა თეთრი ხელები მქონია, რა თეთრი?!

კი, შეიკრიბება ხვამარდის ვაშლის ძირას გელენავების სანათესაო, სიძეები, რძლები, შვილიშვილები, ცოლისიანები, მაგრამ აღრინდელი ერთიანობის აღდგენა უკვე აღარაფერს ძალუძს.

თომას უფროსი ქალიშვილი, დედაჩემი კლარა, ოტობაიაში სახლობს და მრავალრიცხოვანი ჯალაბის მოვლა-პატრონობაში უთენდება და უღამდება.

ოტობაიაშივე დაიბუდებს ბესო მესხიას ყირმიზი დედა ლამარა, სამესხიოში, ისიც მემკვიდრეებით დახუნძლულა.

ეთერა დეიდაზე მოგვიხსენებია.

კაფანდარა მიმოზა ზუგდიდში ქალაქელობს.

აჩიგვარაში დაფუძნებულა ათასგზის ფუძენაცვალი ისკალონი.

ომიანე ოჩამჩირეში ებრძვის თავის წუთისოფელს.

რემიკო მამა ამბროსის სიახლოვეს ბუბუნებს გალშივე.

გიგლას ზანთარაიები ზრდიან თავიანთი ჯილაგის გამგრძელებლად და საპარკოს წინარე დე-ლეში სავსე მთვარის ანარეკლის სულუგუნივით შესატკბობად.

ზაირა მომთაბარეობს სოხუმსა და გალს შორის.

მხოლოდ ალექსანდრე რჩება მოამაგე ბიძის სიახლოვეს, მხოლოდ ალუ გელენა, რადგანაც თავად თომას ერთადერთი ვაჟიშვილიც ოტობაიაში გადმობარგდება, გაცივილიზებას ამჯობინებს.

ეხ, ვერცხლისწყალივით როგორ განიბნევა ერთ დროს მუშტივით შეკრული გელენავების საუფ-ლო. განიბნევა და მინცდამაინც — სამურზაყანოს არეალში, აფხაზეთის რადიუსით.

დაუუკვირდები და გაოცებული ვრჩები: აფხაზეთიდან ოტების შემდეგ ჩვენი სანათესაოს ოთხმოც-დაცხრამეტი პროცენტი აფხაზეთშივე მკვიდრობს თურმე. ეს ყველაფერი თვალშისაცემი ლტოლვილობის ჟამს შეიქნება, თუმცა ამაზე მოგვიანებით ვიმსჯელებთ უფრო დაწვრილებით.

აფხაზეთს ვერ ელევა ჩვენი ჯიშ-ჯილაგი: ბიქტორ ფეტელავას ნაშიერი, თომა და ამბროსი გელენავების სახლეულობა, ძმები ხუფენიების მოდგმა, დიანოზ მესხიას ფესვი...

მამაჩემი ქვისლი ამერიკოს დიდი გულშემა-ტკივარია. დიახ, ქვისლებად იწოდებიან ამერიკო მესხია, ნაპო ხუფენია, გივი ბაგათელია, ვალერი ჭინჯოლავა, კუკური ხუფენია, ნოე კაკუბავა — ბაბალი თუ მიშა ფეტელავა. სინამდვილეში კი ძმების სადაგი ტრფიალი ასხივოსნებთ.

ბახუსს, დიონისეს მადლს, თითოეული მისდევს სიყრმიდანვე და ჩვენ, უდანაშაულო შვილები, ხშირად ვიძვით ხოლმე აყალმაყალის ნექტარს, მაგრამ მთავარი ის გახლავთ, რომ ჩვენი ოჯახები, მართლაც ნამდვილი ერთგულებითა და ერთმანეთისადმი თავდადების მირონ-საკმევლით ეწვეიან კაცურკაცობის ჭაპანს.

იმ დროს მოდაშია თხილის, მანდარინ-ლუფის თუ დაფნის ფოთლის რუსეთის შორეულ ბაზრებში გატანა. სარფასგამოდენებული კაცი ორი-სამი თვე მოწყდება კერას, გულს მოაქმევივნებს ჩრდილოეთის ციალს. ჩამოიტანს ჭინჭებს, ჩასაცმელ-დასახურს, ცოტაოდენ ფულსაც, რათა ადრე ნავალე-ბი გაისტუმროს და რამდენიმე თვის სარჩოც დარჩეს. ასე გააქვს საწუთრო მრავალს, მათ შორის ამერიკო მესხიას ოჯახსაც. მამაჩემი კი პიტნის და ტუხტის სურნელს მიჯაჭვულა მის აღმატებულება სპირტთან ერთად. აჰ, შინ, ებრძვის ყოველგვარ გასაჭირს: ნათესავეებს ხელს უმართავს, საკუთარ დამას მეურვეობს, ცოლისიანებს პატრონობს, განსაკუთრებით ლამარა დეიდას ხუთ ქალ-ვაჟს.

არ გამოეპარებოდა მკითხველს, რომ ამბროსისთვის ჩვენ არასდროს გვიწოდებია „თომა ბაბუსას ძმა“, ყოველთვის ბაბუსას ვეძახით, როგორც ღვიძლი შვილიშვილები და არც მისი მემკვიდრეებისათ-

ვის გვიკადრებია ოდესმე „დედაჩემის ბიძაშვილები“, არამედ — დეიდებად და ბიძებად შეგვირაცხავს სათითაოდ, როგორც ამას სულცხონებული თომა მოითხოვდა თითოეულისგან.

ცხონების ღირსი კი უეჭველად იგი. თვეში ერთხელ მაინც ხურჩინებს აპკიდებს უცილობლად საზიდრის ცხენით დატლანქებულ შავრას. თავად თვინიერ ბედაურზე ამხედრდება და ყველა ნათესავს მოიკითხავს დღე-ღამეში. დიახ, დღე-ღამის სავალზე მკვიდრობენ მისიანები ჯერ-ჯერობით.

შებოლილ სულუგუნებს ჩამოურიგებს სათითაოდ. ყველას ჩუქნის ნამყენი ვაშლის, მსხლის, ატმის ნერგებს. ასწავლის, სად გააშენონ, როგორ მოუარონ. თავლს უსახსოვრებს, სანთელს მიართმევს უფლის შეწვევის აღსავლენად, ფულს უბოძებს შეძლებისდაგვარად.

რამდენჯერ მინახავს ბაბუა თომა დახერხილი შეშააკიდებული ჯაგლაგით. ერთხელ შუალამით გვეწვევა. ჯერ შამგონელ დისშვილს, ვარლამ ღურწყაიას მოინახულებს, მოგვიანებით — ახალკახათელ ბორის გოგიჩაიშვილს; მოიკითხავს ორსანტიელ ნათესავებს, განმუხურელ ცოლოურებს — ჯალალონიებს; გამოუვლის ლამარა დეიდას, გადმოჭრის ხუფენიებისკენ სამხრეთი შუკით, ჩიჩილასკ მართმევს ძუძუმტეს; ჩვენთან სულ ბოლოს ჩამოხტება.

ამხელა მანძილზე ოჩანით ატარებს ლაქვათივით მჩატე — ხიხილა შეშას. ხოდა, მძინარეს რომ მიხილავს, მოერიდება ჩემი გაღვიძება. მოზრდილ ჩიჩილასკ, საჩემოს, ბუხრის თაროზე შემოდებს. ჯვარზე ხვამარდის თაფლივით ვაშლებია წამოცმული. სირჩა არყით ყველას დაულოცავს ოჯახს, თავს მაინც ქალიშვილისთვის შემოინახავს. თვინიერი ცხენითაც იმიტომ დადის, შამფურიც რომ აძგერო იმ სინიბს, ვერაფრით დააფრთხობ. ხოდა, ჩაქინდრავს დონ კიხოტს მიმგავსებული მხედარი თავისი განუყრელი ყაბალახით და ისე მიაყენებს ბედაური ხის ჭიშკარს ბორსუში, რომ თმის ღერიც არ შეერხვევა.

წაბრძანდება ათასჯერ გათელილი გზით ბაბუა თომა, მე კი წითელ სანდლებსა და აურაცხელ საჩუქარს რომ ვიხილავ, დავიწყებ ტიტინს ჯერ კიდევ ძუძუთა □გეხსომებათ ხუთ წელიწადს ვერ მომწყვეტენ დედის მკერდს): აძუს, ნოშნერი, თესხი ნოშნერი, თოიძირუნო ნოშნერი*-მეთქი.

ეხ, საიდან სად გადამისვრის ხოლმე მართუ, ფიქრის მდინარება.

ბესო მესხიას ცხოვრებისეული შტრიხების გაცოცხლებას ვლამობ, თანაც ამსიგრძე ექსკურსით აფხაზეთიდან ჩვენი გამოძევების უმთავრეს მიზეზებსაც ვჩხრეკ; ვერც სხვებს ჩავუვლი გულგრილად და თვალი რომ შეავლო ჩემს ოცნებას, მაგნიტსა ხვავს, რომელსაც განურჩევლად მიუტაცნია ჭანჭიკი, ქანჩი, ლურსმანი თუ ნალი, მერან-მხედრიანად.

ამდენს ვძმაკაცობდით და ისე წავა ამქვეყნიდან ბესიკ მესხია, ერთხელ არ მიხსენებს შვილი თუ ხყავს საერთოდ. თურმე რაოდენ ჩაკეტილი ყოფილა, რაოდენ გვემული? ასული დაუდის და ამის თაობაზე არავინ უწყის დუნიაზე, არც — ძმებმა, არც — დებმა, არც — დედ-მამამ, აღარც — მეგობრებმა თუ ძმაკაცებმა. შვიდი წელიწადი მძიმე ლოდივით ატარებს ამ ტვირთს, რადგანაც შიშობს, ვაითუ სანათესაომ სწორად ვერ გამოგოს, მართებულად არ ჩამომართვას ამჩატებული ნაბიჯი.

ეხ, ბესო! მართლაც სრულიად სამურზაყანოს ტრაგედიის მინიატურაში გამოხატულებაა ჩემი დეიდაშვილის ბედისწერა, თუმცა უმჯობესია ყველაფერზე თანამიმდევრულად:

„ციხე-სიმაგრე იმას კი არ ეკუთვნის, ვინც ააშენა, არამედ იმას — ვინც დაიბყრო... მიჯობს აფხაზეთში აფხაზებმა ქართველი მიწოდონ, ვიდრე თბილისში თბილისელებმა — შეგრული... მთელს ჩემს გამწარებულ ცხოვრებაში ერთადერთი ნუგეში ის არის, რომ ვერაფრითარ მტერი ვერ წამართმევს ჩემს სინდისს... (სტილი შენარჩუნებულია, გ.ო.) ჩვენ მოვალენი ვართ ხალხს ვამცნოთ სიმათლდე, ვინ ჩაიყვანა ისინი ჭაში ჩასახრჩობად...“

არ მქონდა ზრახვა, არც შიში, ლტოლვილი ვყოფილიყავი და სამარცხვინოდ ფეხით გადაბეგვლო კავკასიონის უღელტეხილი, თანაც იქ გზაზე ჩასაფრებულ ყაჩაღებს გაგეძარცვე...“

საშინელება ის კი არ არის, რომ დაგამცირეს, მოგატყუეს, გიდალატეს, როგორც ბრმა იარაღი გამოგიყენეს, საშინელება ისაა, რომ შენ ამისი დავიწყება არ შეგიძლია...“

მართლ მაშინ გაქვს კაცს ცუდად საქმე, როცა სხვისი გასარჩევი გაგისდება ცხოვრება...“

სიმათლისთვის რომ იბრძოლო, ეს ნიშნავს თავი შესწირო ხალხს სამშობლოს საკეთილდღეოდ...“

მთავარია ის, რასაც შენ გააკეთებ და არა ის, რასაც სხვა მონდობებს...“

ვერ შეიყვარებ უღმერთო და დაუნდობელ ადამიანს. ასევე შენც ვერ შეგიყვარებს უღმერთო და დაუნდობელი ადამიანი...“

აფხაზებს თავგამოდებით ვებრძოდი, რათა ჩემი საქართველოს ტერიტორიული მთლიანობა კი არ შექნარჩუნებინა, როგორც ამას უგუნურობით აცხადებს ზოგი, არამედ მე ვიბრძოდი სამშობლოსთვის, ვიბრძოდი, რათა ჩემი ხალხი გადაშენდებოდა და მესხნა აფხაზური ტირანული სეპარატიზმისგან. ბრძოლის გელზე აფხაზებმა გერაფერი დამაკლეს, მაგრამ თუნდაც ჩემი ერის ერთი შვილის დაკარგვა, ჩემი თავის დაკარგვის ტოლფასი იყო, და საოცარი უფრო ის არის, რომ ამ დროს დარწმუნებული ვიყავი, მოწინააღმდეგეც დაახლოებით ასე ფიქრობდა...

მე როგორც აფხაზურ-ქართული თემის მონაწილე უფროსმა ოფიცერმა მინდა საქვეყნოდ განგაცხადო, რომ თბილისის რეგრესი და არა – პირიქით. თბილისი სულიერ და უსულო საგნებს ანადგურებს, მათაც, ჯერ რომ საერთოდ არ შობილან. წვავს და სამოთხეს ჯოჯოხეთად აქცევს, მაგრამ შეშარავი და ყველაზე საშინელი ისაა, რომ ადამიანის მესხიერებაში, მისი შექცევაში საბუდამოდ დარჩება ის წარუშლელი კვალი წამებისა, რაც გადაიტანა ქართველმა ხალხმა, რომლის მსგავსი კაცობრიობას არ ახსოვს და რომლის წაშლა თვით ყოვლისშემძლე დროსაც არ შეუძლია...

ქვეყნად არ არსებობს მთა, რომლის მწვერვალი ადამიანს არ დაეპყროს, მაგრამ საგადასაღოდ თავის დაოკება არ ძალუძს; აგრეთვე არ არსებობს კონფლიქტიც ადამიანებსა და სახელმწიფოებს შორის, რომლის მოგვარება არ შეიძლებოდა მრგვალი მაგიდის გარშემო, თუმცა საოცარი ისაა, რომ ადამიანები მხოლოდ გამანადგურებელი თემის შემდეგ ხვდებიან ამ ჭეშმარიტებას.

ყოველნაირი ძალადობა, მასობრივი დაუპირისპირებლობა, რასაც თავისთავად მოწყვება იარაღის გასროლა და ადამიანების მსხვერპლი (ერთი მხარის დამარცხება და მეორე მხარის გამარჯვება, რომელსაც ზოგჯერ ისტორიულ მოვლენას – რეგოლუციასაც უწოდებენ), მძავს, რადგან ერთნაირად ისობა სიკეთე და ბოროტება.

თბილისი პერიოდში, ქ. სოსნში მე და ჩემი ამხანაგი შავი ზღვის ნაპირას ვდარაჯობდით ავტომატური იარაღით შეიარაღებულები. დაზვერვის პერიოდში ჩემმა ამხანაგმა ზღვისკენ მიმითითა, მე კი იარაღი მოვიმარჯვე. დავინახე ზღვის სანაპიროსთან ახლოს დელფინების ჯგუფი, რომლებიც არსებობდნენ და ცურავდნენ და მალა საერში სტომით თამაშობდნენ. მე თავი ჩავქინდრე და მწარედ გამეცინა.

ჩემმა ამხანაგმა მითხრა, სროლის შედეგად ქალაქი იწვის, შენ კი რა გაცინებსო.

მე გუპასუხე, ისე მივჩვიე თბილისის შემდეგ ამ გამწარებულ ცხოვრებას, რომ არც კი წარმომედგინა თუ სადმე ნორმალური ცხოვრება იყო- მეთქი...

ლტოლვილობის პერიოდში □ ვინ მოიგონა ეს დაწყევლილი სიტყვა, ან საკუთარ სამშობლოში ლტოლვილობა გაგონილა?! 1997 წლის ჩათვლით ჩემს სამშობლოში, საქართველოში, თუ მის ფარგლებს გარეთ, ჩემი ნათესავებისგან, ახლობლებისგან, ძველი თუ ახალშექმნილი ამხანაგებისგან, ზოგიერთის გამოკლებით, იმდენი დამცირება, დაცინვა, ღალატი, აბუჩად აგდება, ჩემი ცოდნისა და ავტორიტეტის ანგარებით გამოყენება განვიცადე, რომ სანამ კაცობრიობა იარსებებს, ბევრიც რომ ეცადოს, დაკარგულ სულიერებას, ადამიანურ გრძნობასა და თვისებებს მაინც ვერ დამიბრუნებს...“

მილიციის უმაღლეს სკოლაში რომ შეიყვანს ამერიკა ბიძია უფროს ვაჟიშვილ რაულს, დედაჩემი ლამის შეიცხადებს, რადგანაც მუნდირიანი ხალხი ჭირივით ეზარება. არ ვიცი ამის მიზეზი რაა, ამბროსი ბაბუას ვარში წასაყვანად მათ ოჯახს წარამარა ნასტუმრები ჩინოსნები თუ სხვა რამ, მაგრამ მესხიები ეგრე ისურვებენ და გასაკვირი არაფერია, რომ შემდგომში ბესოც და ხენრიც მილიციის სამსახურში ჩადგებიან.

მე თბილისში გადამისვრის ბედი და იშვიათად ვაკითხავ მერმე მშობლიურ ყურე-სავანეს, ათასში ერთხელ ვნახულობ დედაშვილ-მამიდა- შვილებს. აი, ბესიკი — გამონაკლისი გახლავთ. განგება ისე ინებებს, რომ სულმულამ შეაჯვარედინებს ხოლმე ჩვენს გზებს, საგულდაგულად გათვლილ-განგარიშებულვივით, და ამიტომაც მიიღობდა საუბარი ამ, მართლაც და უნიკალური ბუნების ადამიანზე.

არასდროს დამავიწყდება მამაჩემის გარდაცვალება და განსაკუთრებით გასვენების დღე.

მამას დამბლა დაცემია. თითქმის თვენახევარია ებრძვის თურმე სიკვდილს, მაგრამ სწავლაში ხელი შეეშლება და დედა მხოლოდ უკიდურეს წუთს მიღებებს. მამას საუბარიც არ შეუძლია. ტუჩების მოძრაობით ვუვებ. შემდეგ დედა იმპორტული წამლისთვის გამგზავნის კულაშს, უნდა

თურმე მშობლის აღსასრულს ამარიდოს. განშორებისას მამა ძარღვიან მარცხენა ხელს მომიჭერს, სამი თხოვნა შემისრულეო, გამენდობა. მე თავს ვუჭქნევ.

— არაყი არ დალიო დასათრობადო, — მეჩურჩულება. ამით თითქოს ხაზს უსვამს საკუთარ შეცდომას, რომ აფთიაქის სპირტმა მოინელა:

რამდენგზის მინახავს ფულისთვის თუ ხემატოგენისთვის მისულს გაფცქვნილ ხახვთან, გლუკოზის აბებთან, ნაჭერ პურთან მოჭეიფე დანაყოფებიანი მენზურით ხელში.

თორმეტი საათი ძლივს იქნება. აქ შემოტეულან ხარაზი ჩონჩორ ჯოჯუა, საბჭოს თავმჯდომარე ავქსენტი გითოლენდია, გაურკვეველი პროფესიის შალიკო წარაღბაია გადმოტრიალებული თვალე-ბით, სოფლის დალაქები — მისაკ ჭანია, ვაჟიკო ხვინგია, მამაჩემის ნათლული რაჟიკო მარღანია, სილოვან ხუფენია, სხვებიც.

— ოოო, მიხიჩს გაუმარჯოს, — ორივე ხელს ამიწვეს კიბორჩხალასავით გაწითლებული ჩონჩორ ჯოჯუა, — სანამ მამას უნახიხარ, გადახკაროო, — და მომაწვდის ორმოცდაათ გრამამდე შეზავებულ სპირტს.

სილოვანი თვალებს დაუბრიალებს, ხომ არ გასულელდიო და ზურგში მიბიძგებს.

— ჩემზე ნაკლები შეილება არ იყოლიო, — მამის მეორე სურვილია. ბოლოს ფიქრობს, ფიქრობს და „სირცხვილი არ მაჭამო, შეილოო“, მომავედრებს, და მეც შეძლებისდაგვარად ვუსრულებ და-ნაბარებს. მართალია, არაყს და კონიაკს გავურბივარ, თუმცა მათ ფუნქციას ხშირად ღვინოს ვას-რულებინებ. ოცდათხუთმეტი წლისა დავქორწინდები. ორი ასული და ერთი ძე შეგვეძინება. რაც შეეხება სირცხვილს, ცხოვრებას ვერაფრით ვეთანაწყობი, სახელ გულადს გურით შევიცვლი და უსამართლობის წინააღმდეგ ბრძოლაში ფარსმან სპარსის შეგონებას მივეყრდნობი, იმის იმედით, რომ საწერ მაგიდასთან მაინც გავუსწორდები ყოველგვარ ამორალურს და სატანურს.

დიდთოვლობაა.

კუტიკარი ღია რომ მხვდება, გული ყველაფერს მიგრძნობს.

მამას ხომ თავად ჩამოვიყვან სოხუმის რესპუბლიკური საავადმყოფოდან?! იქ ოტობაიელი დასტაქ-რები, ანტუშა, ანტონ ბაგათელია და ნაპო მესხია დასტრიალებენ თავზე;

სააფთიაქო სამმართველოს ოტობაიელი უფროსი, შოთა ქირთბაია იმპორტულ წამლებს მოაყრის მის სასთუმალს, მაგრამ ეთილის სპირტით დაფერფლილ ღვიძლს ეშველება განა რამე?!

ხოდა, ბღავილით გულმოჭერებულს ჩემიანები თავს რომ მეხვევიან, მხოლოდ ამერიკო მესხია მო-მაწოდებს სიგარეტს. კარგად მახსოვს, „კოლხეთის“ კოლოფიდან ერთ ღერს ამოიღებს, ასანთსაც თვითონ გახკრავს და აცახცახებული ხელით შემომავებებს.

ნაპო ბიძიას ერთადერთი ძმა სილოვანი გვარიანი ხნის გამოგლოვილი ჰყავს და მაინც გახუნებული სატანის შავი ბლუზა აცვია. მარჯვენა მხარზე დამასვენებს მაჯას, მომიჭერს მერე ტკივილამდე და ამასლა მეტყვის:

— გამავრდი, აწი შენ კაცი ხარ! — ამის გამგონს ნიკაპი ამითრთოლდება.

ასე დასრულდება ყველაფერი. ასე ჩავეწერები მამრების სათვალავში.

მხარზე მიტყაპუნებენ დასანუგეშებლად მეზობლის კაცები, ნათესავები გულში მიკრავენ, დამჭვი-თინებენ ქალები, მაგრამ ამერიკო მესხიას მოწოდებული სიგარეტი და ნაპო ბიძიას მხარზე ხელის დასვენება გაცილებით მეტს მოიმოქმედებს, ვიდრე მთელი საჭირისუფლოს ქომავობა.

თვით ამერიკო მესხიას ძმასავით შეერაცხა მიხა, როგორც მამაჩემს ეძახის ხოლმე, მრავალთა უღალატო მიხა, მისი ცოლ-შვილის ღვიძლ ძმასავით მეურვე უმისობის ჟამს. ხოდა, ამას იმიტომ ვკვები, ჯერ კიდევ სკოლის მოსწავლე ბესო მთლად დადნება ზღუქუნისგან. მე უკვე ვერ ვიცრემლები. დედაკაცები რაიმე გულის ამაჩუყებელს თუ დაატირებენ მიცვალებულს, მხოლოდ მაშინ ავთრთოლ-დები. ეგ არის და ეგ. ბესო კი ხელით დასამაგრებელია ეზოდან ცხედრის გასვენებისას.

მერეც მეტყვის დედაშვილი:

— სულ აფთიაქის წინ ხიდურის ამოშვერილ ბეტონის მერხზე იჯდა მიშა ბიძია და როცა სკოლაში გაკვეთილები დამომთავრდებოდა, გამომიხმობდა ტოლ-ამხანაგებისგან, რამდენიმე ცალ გემატოგენს მიფეშქაშებდა, თან პურის საყიდელ ფულსაც ჩამიკუჭავდაო.

მამაჩემის გარდაცვალების პირველ ზაფხულს ბიჭტორ ბაბუას ვესტუმრები სოფელში.

ზღვისკენ გავეშურებით ალიონზე. იქ თხმელის ტოტებისგან საჩრდილობელს გაემართავთ. გავმ-ლით ჭილოფს და ვერთობით პოეზიაზე, ხელოვნებაზე, საწუთროზე მუსიკით.

პაპაჩემი, მითქვამს, ფერშალია, პირველი სამამულო ომის დროს ევროპაშემოვლილი, ძარღვიანი მოხუცი, ვაჟა-ფშაველასეული წვივებით.

შევცურავთ ზღვაში. მხარულით მივიწვეით წინ. ვგრძნობ, მცდის. მეშინია მისიცი, ჩემიცი, მაგრამ

გატყდომა დედლობაა.

მოვიხედავ უკან და ნაპირი სადღაა?!

ვფიქრობ, ვაითუ გულმა უმტყუნოს, მერე და სად მიდისარ?! მოხუცის მიხმარებას ვინ ჩივის, საკუთარ დალილობას ძლივს ვუმკლავდები. სხვა გამოსავალიც არაა. მალიმალ გულზე ვიღებ ხელს. ამჩნევს ამ მოძრაობას ბერამუხა. მიწისფერი გადაურბენს სახეზე.

— ხოიტ, სი ჩიჩიო,* — მიცაცხანებს, მაგულიანებს, მეჭიდება და ნაპირისკენ მიმაქანებს ძალად მოშვებულს.

ისე აღესრულება ჩემი სულიერი მამა — პაპა ბიქტორი, ბიქტორ ფეტელავა, რომ ამის თაობაზე კრინტს ვერ დამაცდენინებს, ან დამიჯერებს კი?! ასე რომ, მე მის თვალში დავრჩები ცხოვრებისთვის უვარგის შთამომავლად, ვისაც ლელოს ბოლომდე გატანა ნაკლებ ხელეწიფება.

— ღვინოს, სიგარეტს და ქალებს მოერიდე, — ბაბუა ბიქტორის სიტყვებია, მისი კრედოა, მაგრამ ოღროზოლო ვუთისოფელი გარონიებს განა სულმნათი წინაპრის ფასდაუდებელი ანდერძისამებრ?!

ორმოცდაექვსს მიტანებული ვრწმუნდები: ნათესაური სიყვარული ყოველდღიური ურთიერთობიდან, უღალატო თანადგომიდან მოდის, რომელიც თანდათან უქრება თომასა და ამბროსის, ბიქტორისა და დიანოზის, თედოსა და მაქსიმეს მრავალრიცხოვან ნაშიერს.

ახლა ამბროსი ბაბუა, „თომაშ შურმეო“, იტყვის ხოლმე და ამ ორად ორ სიტყვაში იტყუმბება ყველაფერი — მეტი შეპასუხება უმაქნისია, ვინაიდან მკვდარი ძმის დაფიცების მერმე ამბროსი გელენავა კლდიდან გადაიჩეხება თუკი ამას საჭიროება მოსთხოვს, მაგრამ შეილები? ნუთუ მათში არ გადანაწილებულა სრულყოფილი ენერგია?!

ვამბობ და ვიმეორებ, თვისტომის გაფანტვა, საკუთარ კერიებში განმარტოება, ერთხელ და სამუდამოდ გააცივებს, გაანელებს გელენავების, ფეტელავების, მესხიების, ბაგათელიების, კაკუბა-- ვების, ხუფენიების თუ სხვათა ღვთით კურთხეულ ერთიანობას; ჩააწკვარამებს და აფხაზეთს — აფსუას ტყვია კი არ დაგვაკარგვინებს, ჩემთავმკვდრებო, გუდამაყრელი გოდერძი ჩოხელისებურად, არამედ — საკუთარ მეობაში უსულგულო ჩანახშირება; საკუთარი პრობლემებით შემოზღუდვა-შემოფარგლვა; ჭინჭებს და კომფორტს გამოდევნება; დავიწყება იმისა, რომ შეიძლება შენს ობოლ დისწულებს თუ ძმისშვილებს ამ ყიამეთ ღამეში შიათ, შეიძლება ლუკმა პური მილიონი უღირდეთ, შენ რომ ერთი პერანგი მოიკლო ათის პატრონმა და მათ უწილადო, არაფერი დაშავდება, ისინი კი ასმაგად გაიხარებდნენ, ასმაგად გაიმართებოდნენ წელში შენგან დავალებულნი, მაგრამ უგულისყურობა, წაყრუება, თვალის დახუჭვა მოყვასის გასაჭირზე ბადებს ახალ საშინელებას, რომელსაც პრიმიტიულად შეიძლება შურისგება ვუწოდოთ: კბილი— კბილის წილ, თვალი— თვალის წილ, მსგავსი გულცივობის წილ— მსგავსი გულგრილობა, და ოდესღაც სიყვარულით გამთბარ სივრცეს ურთიერთ შორის გამყინვარების მერიდიანები დაქსელავენ.

გაოცებული დავრჩები ქრისტიანული სულისკვეთებით აღზრდილი კაცი, „ურჯულოთა წიგნად“ წოდებული „ყურანის“ წაკითხვით. შეხედეთ, დასტკბით, როგორი სიმკაცრითაა იქ განსაზღვრული დაობლებული ძმისშვილებისა და დისწულების მეურვეობის საქმე?! ან რანაირი ხუმანურობაა ჩაქსოვილი ვალის მიტევების, პატიების თვალსაზრისით.

ჩვენ კი, ქრისტიანებს, ვითომ ჭეშმარიტების ერთადერთ მფლობელებს, მიგვა- ვიწყდა უარაფროთა, ქვრივ-ობოლთა და დავრდომილთა ხელგამართვა; რომ უწინარესი მოვალეობა ნაზარეველის ნაბოძებ ცნებათა შორის, ალტრუიზმია, სხვისთვის ღვაწლი, თავდადება სიტყვით და საქმით; რამეთუ ბიბლია იტყვის: გიყვარდეს მოყვასი შენი, ვითარცა თავი შენიო; უფალი მაცხოვარი კი დასძენს: მტერიცო და აქ ყოველივე განსაზღვრულია, ვინაიდან სიყვარული მატერიალური თუ მორალური თანადგომის გამორიცხვით — ნონსენსია, თუმცა ეს ყველაფერი — განსასჯელად.

მრავალთა შორის უმთავრეს მიზეზთა მხარდამხარ, ალბათ, საკუთარ ნაჭუჭში გამოკეტვა და სხვათათვის თავდადების უნარის დაჩლუნგება თუ მობლაგვება, (რომელიც მოჭარბებულად არგუნა უფალმა პაპაჩემ თომა გელენავას, მის თანატოლებს დროსა და სივრცეში: ბიქტორ ფეტელავას, დიანოზ მესხიას, თედო ხუფენიას თუ მრავალს), შეგვმუსრავს ხორც-ძვლიანა და გამობუნძურ- ებულნი თუ ვართ, ძირძველი მიწის მკვიდრნი, ჩვენი წმიდათა წმიდა სამარხებიდან, ყველაფრის თავი და თავი ეგ არის, ადამის ნაშიერო! მერე და მერე უფრო ნათლად დავინახავთ ამ გულგრილობა-სიცივის დამანგრეველ შედეგებს, როცა ჩვენი სანათესაოს ოთხმოცდაცხრამეტი პროცენტი ცარიელ-ტარიელზე აღმოჩნდება;

საკენის უღელტეხილით წამოხეტებულეებს, სვანი ხალხის სახელით, შლემიანი ბანდიტები ნიფხავში დაუწყებენ იარაღის „ძებნას“ ჩვენს დედებს, დებს და იქიდანაც ამოაცლიან უკანასკნელ დანაზოგს ოქრო-ვერცხლის თუ ფულის ნიშნის სახით;

როცა საკუთარი უფუნურობის ამარა დარჩებიან, მოხვეჭილი განიავებულა, სათანადო გონება გამსხლტარა თითებს შორის, რამეთუ მათი მიზანი ხომ ძირითადად შეგროვებაა: უკეთესი სავარძელი და ტახტა; უკეთესი ჭალი და ხალიჩა; უკეთესი მაცივარი და ტელევიზორი; პრესტიჟული სასწავლებლის დიპლომი, ცოდნა კი ნივრის ქერქის საფასურია, ხოლო ოდეს ხელის გაწვდენამდე ორი ნაბიჯი დაშთენილა, რანაირი პრეტენზიულობით დაესვიან თავზე მისიანებს?! როგორ გამოხრავენ ყუათიან ულუფასავით მათ საარსებო ბელელს და გააჩანაგებენ ჭურჭელ-თეთრეულს, თვალსაც არ დაახამხამებენ ისე?! ქორწილებსა და ქელებში კი შემოვივლიან წელიწადში ერთხელ შეხვეული ფუთით ან სამი გოჭქათმის საღირალი გინაყოთამალ-გინაფორალით და მიუჩინარდებიან, მიიკარგებიან ფრანგული ლექსისა არ იყოს, შარშანწინდელი თოვლივით, ძრომდე დაიყვანენ დამხდურის საკუჭნაოს, ამგვარი განცხადებით:

— ჩვენ ყველაფერი დაგვარგეთ, თქვენ კი ხართ თქვენს გემოზეო! — მაგრამ ის კი არ შეუგნიათ, რამ, რამ დააკარგვინათ ყოველივე! განა რაიმე ჯადოქრობამ?! ტყვიამ ან ავტომატმა?! არაფერიც, ჩემთავმკვდრებო! ისევ იმ მამონას, ჭინჭებს გამოდევნებამ!

ბიბლია კი გვასწავლის, ჯორ-აქლემის აკიდება საგანძურის შეძენაზე, დიბა-ფარჩისა და ხალიჩების შოვნაზე ასწილ უმჯობესია მეგობრების მოპოვება, სადაც უსაყვედუროდ გადაითენებ ლამეს, თვეობით, წლობითო... თუმცა ასეთნაირი გონებისანი ჩვენ ვინა გვქმნა საკუთარ კედლებში ჩაკეტილები, წიწილის ძალისხმევაც რომ არ გაგვაჩნია, ნაჭუჭი გამოვანგრიოთ და თვალეში გამოვიხედოთ?!

ზემოთ გაგაცანით ბესო მესხიას დღიურიდან ამონარიდი, სადაც იგი სილასავით გაგვაწნავს სახეზე ჩვენი გულცივობა-გულგრილობის ჯილდოდ სამყაროსიეულ განაჩენს და ათავსვისაც რომ დაგვიბრუნონ ზურმუხტი აფხაზეთი, მეექვსე ვივარგოთ თხლებმა მის პატრონად, რამეთუ საკუთარი სულის ვერმოდარაჯე კაცი, მამულის ბჭეების მეციხოვნედ ვერ გამოდგება.

მე სიტყვა მიშველის, პოეზიის მათრობელა ბუნება; შემოქმედებითი უნარები გადამატანინებს აურ-წყვ უყურადღებობას, სიცივეს, გაუცხოვებას, რომლისკენ სნობიზმით შეპყრობილი ქართველი მერვე წელია მეგა-სიჩქარით მიილტვის და რომელსაც კაპიტალისტური ურთიერთობა ხჭვია პოლიტიკონომიის ენაზე, ანუ საკუთარ ბაკანში გამოკეტვა, საკუთარ სისხლში ჭყუმპალაობა, იქვე მოსაქმება, სადაც გვისადილია; ხოდა, გაფრთხილებთ, მაგ სენმა მოინელა რაინდული სულის ჯარისკაცი ბესო მესხიაც.

დიახ, ამ ყინულეთის და ნიხილიზმის სინდრომმა და არა — ცხელმა ტყვიამ! მერე და ვისგან? თოფის დანახვაზე კურდღლებივით რომ ცახცახებენ. არადა, თავისუფალ აფხაზეთში კი სწადიათ საუკუნო დამკვიდრება.

არა, შვილოსა! ჯერ თომა გელენავას უნარს გამოუხმეთ თქვენი მობოშებულ-მობლაგვებული სულებიდან; ერთმანეთის გასაჭირს სანთლები დაუნთეთ, ძვირფასნო; ერთმანეთის სატკივრებს მიაყურადეთ, ჩემთავმკვდრებო; გაჭირვებული თვისტომის წილ შეილები კუთვნილი ლუკმა გაიღეთ, და მხოლოდ მერმე, მხოლოდ შემდგომ ეღირსებით მშობლიურ აფხაზეთს! წინააღმდეგ შემთხვევაში, ვერანაირი კანონი აღგიდგენთ უფლებას იმ კურთხეული ცის ქვეშ, ვინაიდან ვისაც არ უყვარს, იმას არც სძულს და ამ ურთიერთ გადაჯაჭვული გრძნობის უქონელს, მეექვსე სამშობლოს დაცვა ძალუძდეს, მეექვსე გადარჩენა შეეძლოს.

ვინც იძახის, „მან ხაუზ იზ მან ქასტლ“-ს*, ბარემ განვმარტოთ რისთვის ვერ გაუძღეს ამ კედლებმა აფხაზ-სეპარატისტთა, გნებავთ — დაჭირებული ბოვიკების გულმოცემულ შემოძახებასა? რისთვის ჩომოიქცევა თქვენი ბრჭყვიალა ნივთები, დიბა-ფარჩა, მოწკარუნე ბროლის ჭურჭლეულობა ამ შეწრიალებასა შინა?! იმიტომ, ჩემთავმკვდრებო, რომ რამდენადაც თქვენ მოგინამქერდათ გულები ერთმანეთის მიმართ, იმდენად ესათუთებიან ერთმანეთს ოდესღაც ჩვენი ძმები — აფხაზები...

დიახ, ჩეხურ უნიტაზებს, ფინურ შპალერს, იტალიურ ხელსაბანებს და მისთანებს დასდევნენ, ამ საყოველთაო წარღვნის შემდეგაც, ვინიცობა აფხაზეთში დაბრუნება დაგვიანდეს, თავიანთი უფალი გავა-თეძოსთვის საპატიო ადგილი ამთავითვე დაიჯავშნონ. ასეთები, მენდეთ, ველარასოდეს შევლენ ქანაანში, ვინაიდან მოსეს მრეველი სარგებლიანობისა თუ მამონასმიმდევრობისგან, იგივე საზიზღარი მონური ფსიქოლოგიისგან, დიახაც, ორმოც წელიწადს უდაბნოში ხეტიალით უნდა განიწმენდოს და მხოლოდ მერმე დააბიჯებს ფეხს აღთქმულ ქვეყანას.

იქ მარტოდენ მამულისთვის გულანთებულნილა შევლენ, ლერი და თენგიზ ფეტელავები, ძუძუმტე თუ ბესიკ მესხიანაირები ჩვენი სანათესაოდან, მაგრამ რადგანც ორასეულის ფონზე ოთხი პიროვნება ორი პროცენტია მხოლოდ და ეს მაჩვენებელი ვიდრემდის არ გაათმაგდება, გაცმაგდება... მოგვიწვეს გვარიანხნობით დახლებთან კოლოტკებისა და ბარაქიანი კურობების ფრიალი ეროვნული დროშების სანაცვლოდ.

ეს ყველაფერი ზოგადი შტრიხებისთვის, სინამდვილეში კი საქმე გაცილებით სერიოზულად გამოიყურება, ვიდრე რეალურად ილანდება, იმ აისბერგის მსგავსად, მესამედითაა რომ მოჩანს წყლის ზედაპირიდან, დანარჩენი კი, ორჯერ მეტი მასა, ოკეანის უკიდველობით გარინდებულა.

რალა შორს მივიღვართ. აგერ, ჩვენს თვალწინ, ნახევარი წელიწადია ზეზეურად დნება და იღვენება ამბროსის ერთ-ერთი შვილიშვილი, ისკალონის უფროსი ვაჟი, ვალერი გელენავა. ეს ენერგიული ახალგაზრდა კაცი, ორი შვილის მამა, რალაც ბიზნესს იძულებით გადაგებულ-დადარაჯებულა. ექვს თვეზე მეტია სიო არსაიდან ფაჩუნობს. ხპირდებიან, დღეს იქნება, ხვალ, ზეგ, მასზეგო, მაგრამ დრო გარბის და პრაქტიკული შედეგი არსაიდან ჩანს.

რა ქნას, რა წყალში ჩავარდეს? შვილებს ტელეფონით ესაუბრება მაკიეეკვაში. ტანსაცმელი შემოაცვდა. კვლავ თომას სისხლისანი გაუმართავენ ხოლმე ხელს, მაგრამ თითო-ოროლას გამოსარჩლება რას უშველის აწიოკებულ მის მდგომარეობას? ლობიოთი და დამადლებული პურით სული ვერ უცხონებია ოდესღაც მომლხენს და გალადებულს.

იყო დრო, როდესაც ვალერი გელენავას ფინანსურ ლელოში ფორტუნა სწყალობდა, ისკალონოვიჩით მიმართავდნენ, საკუთარი მალაზიები და სასადილოები ჰქონდა, მაგრამ აიყრებიან სამურზაყანოდან ლტოლვილი მისიანები და როგორც ბუზი — თავლს, ისე დაესევინა ბოლომდე ამოსაწუწუნად.

ერთ ბიძას ციკანს დაუკლავს და მეორეს გოჭს რომ აკადრებს, ეს უკანასკნელი აუფხუკიანდება, ხოლო მესამეს უკრაინულ ბორშჩს რომ მიართმევს ყუათიანი არაყანით, მთლად გაწიწმატდება მავანი. არადა, ისე გაიზარდება ეს მთაკაცი, ცხვირსახოცის საფასური ვინმეს იშვიათად ეწყალობოს. იქ, კი მოგეცათ ლხენა, ყველა მოინდომებს მხრებში გაშლას, ფეშენებელურ ბინებს, სარფიან სამსახურს, მანქანას. ყველა მოითხოვს ცოტამატა ფულს ბიზნესის ასალორძინებლად და რომ დაესევინა და დაესევინა, ბღღვირს ადენენ წელიწად ნახევარში, როგორც ყუდნათ შარაშისა მოურავ ძვაძვლას გვაჩ გელენავას არშინიანი გოჭები. საკუთარი რომ შემოეღვევა, გულმართალი კაცი აქეთ ივალებს, იქით მანქანას გაყიდის, მერე სავახშო ფულის სესხებაც მოუწევს მეზობელი ყვეერისგან და საქმე იქამდე მიუვა, რომ გულა-ნაბადს აიკრეფს სახლ-კარიდან. ხოდა, ჩარჩენილა ახლა ზუგდიდ-ქალაქში, რალაც აბსტრაქტულ ბიზნესის გამართლების მომლოდინე, ზუგდიდში, სადაც ლორჯოს ყურებიდან გროშებს ფხეკენ და ყოველი მეორე ოდიშელი საქმიანი კაცია, ცხადია, ლაქარდიანი ენით, სინამდვილეში სამი წელიწადია ლობიოსა და მწნილს იქით მის სტომაქს არ უხეირია.

რომელ ბიზნესზეა საუბარი, როცა ყველაზე წელგამართული ზუგდიდელიც კი მეჩეჩზე გარჩენილ ხომალდს ხგავს და ამაოდ ელის წყლის მოქცევას, ვინიცობაა მეც ამიყოლიოს იმ ნაკადის დინებამაო. ამისთანა სიტუაციაში მართლაც გულუბრყვილო უნდა იყო რაიმე რეალური მიღწევისა გჯეროდეს.

ერთ-ერთ ნათესავს, რომელსაც შედარებით უკეთ მიუღის საქმე და ითავოს — შეუძლია სისხლ-ხორცის გასაჭირიდან ამოყვანა, ვეკითხები:

- რა იქნება ყველამ მოვინდომოთ, ცოტ-ცოტა გავიჭირვოთ და რაიმე ვუშველოთ-მეთქი.
- სად არის თორემ, მილიონიც მქონდეს, კაპიკის მიმცემი არ ვარო, — გამიშლის ხელებს, — სულ ერთია დაღვეს, მიაპრადალეხსო, — და ასე მოუძებნის გამართლებას საკუთარ წუწურაქობას თუ მოყვასის სახვალის პერსპექტივებს, — უმჯობესი არ იყო ამდენი ხანი რაიმე სარფიანი საქმისათვის მოეკიდა ხელიო?!

— კი, მაგრამ რითი?! თავის დროზე თქვენ რომ მოგახარჯათ ის ფულები ხომ ოთხ კედელს შორისაა გამსხლტარი -მეთქი.

— არ ვიცო, — მოსჭრის და ვითომ სიმჭრისგან თავის კანტურით მიღეთ ხალხში თვალს მიეფარება. ეხ, როგორ ჩასვენებულა თომა გელენავას, მიშა ფეტელავას თუ ნაპო ხუფენიას ურთიერთგატანის, ქომავობის მადლი?!

მანმადიანი ასე არ იზამს, უსამართლოდ ურჯულოს რომ ვეძახით ქრისტიანები: ქუდზე კაცს შეკრებს, უკანასკნელ პერანგს გაყიდის და სისხლ-ხორცს გაჭირვებას მოარიდებს, მაგრამ სად არის მსგავსი განცდა?! ის ხომ დიდი ხანია დაუკარგვს მხოლოდ პირადულს, მხოლოდ საკუთარს გამოკიდებული ბრბოს თახსირ ბუნებას?!

არა, ამისთანები ქანაანში ვერ შევლენ, გნებავთ ასჯერ ორმოც წელიწადს ხეტილობდნენ აღმადამა უსულგულობის ყიამეთ უდაბნოში!

ბორჯი მესამე

აქამდე ჩვენს ქუჩას გადავავლეთ თვალი ზერელად, აწი ცოტათი წინ წავიწიით:
გზაჯვარედინი ოტობაიას არა აქვს. სოფლის ცენტრისკენ დაადგები თემშარას. სკოლის ეზოს წინხედი მესერიოთაა შემორაგვული. სასექტემბროდ ცისფრად იღებება იგი.

დიდი მოედნის მშვენიერება კინოთეატრია. ვერც კი მოვასწრებ თვალის დახამხამებას, ისე აშენდება. დანადგარებს მოიტანენ, დაამონტაჟებენ, საღამოობით ხალხის ტევა არ არის. განსაკუთრებით ინდურ ფილმებზეა ზედახორა. ოთხასზე მეტ კაცს იტევს დარბაზი და ყოველთვის გადაჭედელია. ელექტრო-მონტიორი, ანუ სენსის გამშვები ორია— გუსტა ალფენიძე და ვაგი იზორია. შუქი როცა გამოირთვება, ხალხი დიდ ჭირ-ვარამშია.

ტელევიზორი ჯერ იშვიათი ხილია. სამეზობლოში მხოლოდ იაშა აშორტიას, ქანქანას, აქვს მუშ-ტისისხო ეკრანიანი. ფეხბურთის რეპორტაჟის ტრანსლაციისას ასამდე კაცი იკრიბება მათსას.

კინოთეატრი კი მართლაც ჩინებული გამოგვადგება. მისი დირექტორი, ახმახი, გრუზათმიანი უკუ ქირთბაია აქაურობის ბატონ-პატრონია. თვალის ჩინივით უფრთხილდება ახალთახალ ინვენტარს. ბიჭებს აფრთხილებს: სკამები არ დაჩიჩქნონ დანებით, სიგარეტი არ მოწიონ დარბაზში; თუ ვინმე ურჩი მოიხელთა, მიაბრძანებს ქუჩაში.

შაკუს ასულების ლაშქარი ახვევია. მეუღლე ნელი ახუბა სათნოების განსახიერება მანდილო-სანია, წარმოშობით აფხაზი, რუსულს გვასწავლის. ჩემი გულის მესაიდუმლე, მისი კოლეგა პლატონ თაკალანძე, პუჭიკო, ნოჩოს ძმისშვილია. ამ უკანასკნელს ვაჟი გალში დაუსახლებია, სახანძროში მუშაობს. მამას იშვიათად აკითხავს და თუ მოინახულა, „პრიმას“ მოუტანს, რამდენიმე კოლოფს. ნოჩოს „პრიმა“ არაფერში ეპიტნავენ. თომა ბაბუასავით თვითონ ამზადებს წეკოს და დღემოსწრება ყალიონს აფუილებს.

ამას წინებზე ეწვევა მემკვიდრე ქესეტად. წევს ნოჩო ტახტას მუთაქაზე თავმიდებული.

ორთვლიანი ფიცრულია მისი ავლა-დიდება. ჭერი ისლით გადაუხურავს. მზის შუქი ატანს აქა-იქ. დიასახლისი სადილს ახაზირებს. მანათობლის სხივები ორლესულებივით მოისწრაფვიან ნოჩოს მიმრეტილი მხედველობისკენ. ბიჭი თავმომწონეობს მეხანძრის პროფესიით. დეტალურად ჰყვება, თუ სად ვისი სახლი, რომელი დაწესებულება გადაარჩინა დანახშირებას, „გექვაქვალუას“.

— აგერ, ქობი გეწვის რა ხანია და სხვის დვარეცებს აქრობ, ოჯახქორა?! — ცხარობს ნოჩო.

მიწატკეპნილ აივანზე გამოდის. ჯორკოზე მოკალათებული მოსუსტებული მზერით მისჩერებია ალაგესთან ჭრელი კრუხის გააფთრებულ ბრძოლას ქორთან. თავგანწირულია დედა. პირდასისხლული მოძალადე უკუგდებულია. გვიანია „ეხა, ეხას“ ძახილი. კრუხი დაუხმარებლად დაიცავს შვილებს.

— მომგვარე აქ, — ეუბნება სოვლაყია ვაჟიშვილს.

— კრუხი რომ არ იჭმევა? — გაცეცებით პასუხობს ქალაქელი მეხანძრე.

— გააკეთე რასაც გეუბნები! — მბრძანებლობს ნოჩო.

სხვა რა ჩარაა?! კრუხი იფხორება, ინისკარტება. აგერ, მიაჩეჩებს შვილი გაავებულ დედალს.

ნოჩო მომზადებულია დაჯილდოების ცერემონიალისთვის. ზონარზე გამოუბამს ნიკოიას ჯვარი. კისერზე ჩამოხკიდებს ქათამს სახლეულების გასასახტებლად.

— მე რა ღირსი ვარ ამ მენდალის, — მისძახის თავის კანტურით წაფარფატებულ კრუხს, — ცეცხლმოკიდებული ჯარგვალისა და მეხანძრე შვილის პატრონი!

ოხუნჯობის დიდოსტატები გვეყვანან კიდევ, მეწისქვილე დოროთე ძაძუა, რომელიც სულ ხიტლერელების თემატიკაზე იჭინთება;

გერო ტაბაღუა, ძუძუსწოვაში რომ ჩაეზიარება გაჯიუტებულ ბავშვს და დაილეწება კიდევ გათარანებული დედაკაცისგან;

არდა დგებია, სიმღერა-სიმღერით რომ დაჩლახუნობს სოფელში და ხმის ამოუღებლად ახარხარებს დიდ-პატარას.

ნოჩო მაინც განსაკუთრებულია, თითოეულის ნიშან-თვისების შემკონავი, გამაერთიანებელი გრიშა იზორიას წამატებით.

კინოთეატრის ხელმარჯვნივ, ქსენია ალფენიძეს ბიბლიოთეკა განთავსებული. ანჩაბაძეების ოდასახლში, ცოტა ზემოთ, ფინურ შენობაში — სასოფლო საბჭო. აღმა გამისონიების შუკაა. ჩემი თანაკლასელი თამაზის დედა, ნათელა საჯახე, მამის თანაშემწეა აფთიაქში, ხოლო ვეშაპკაცი ალიოშა — შეუდარებელი მონადირე, მეთევზე და მომლხენი. აქვე ცხოვრობენ გითოლენდიები.

გაცდები ამ შუკას და ქუჩის კიდესთან ჩონჩორ ჯოჯუას ჯიხურია. მუდამ თავგადაპარული ჩონჩორი ოქროსხელება ხარაზია.

არდადეგების დროს სოფელში ჩამოსული ძუძუმტე იმასლა იხილავს დილაბნელზე საქმეს შემდგა-

რს. შეიპატიჟებს ჯიხურში. სკამს მიართმევს. ფეხსაცმელებს აუთვალეირ-ჩაუთვალეირებს. რაიონულ გაზეთ „ლენინელში“ საქებარი წერილი დაბეჭდილა იმ დღეებში თურმე ძუძუმტეზე სათაურით „სასახლო შვილი“. იქიდან შეუტყვია უნივერსიტეტის სტუდენტი რომ არის, ეკონომისტის სპეციალობას ეუფლება. გამოუტანს ყველს, პურს, ორნახად არაყს. ჩამოუსხამს მგელაძის ჭიქაში მესამედზე:

— მაშ, ეკონომისტი უნდა გამოხვიდე, არა?

— დიახ, — მოკრძალებით პასუხობს ძუძუმტე.

— თუ არ მიწყენ, ერთ სამახსოვროს გეტყვი. ახლოს ვიცნობდი ბაბუაშენ თედოს და მის ძმებს: ბეგის, კირილეს და დომეს. ოტობაიას მიწების ნახევარი მათი იყო, ადლისხელა კი ეკმარათ. ფულებს მუთაქაში ტენიდნენ, ცხოვრების სიამტკბილობასაც არ იკლებდნენ სხვათა შორის. მთავარი მინდა გითხრა. ვერავინ დაასწრებდა მათ დუქნების გაღებას. მეც იმ დროისა ვარ, სანამ საყოფაცხოვრებო ხალხი მოლაყუნდება, მე ცალი შიპლეთი კალაპოტზე მექნება უკვე დაჭიმული. რატომ? ისინი სახელმწიფოსია, მე — კერძო.

— გასაგებიაო, — მიუგებს ძუძუმტე.

ჩონჩორი ქეიფის მაზანდის პირველი ამგორებელია. ნახევარ ლიტრიან არაყს შემოდგამს სუფრაზე. ორ-სამ მუჭა თხილს, ჯანჯუხას. სხვები სხვას წაუმატებენ.

მათი თანამეინახეა კბილებწართმეული მზარეული პართე აბშილავა, ჩლოფინა პირით.

მამაჩემი და სილოვან ხუფენიაც იმ სუფრის დოსტები გახლავან. ილხენენ გვიანობამდე. მამას ადრე მოუსწრებს სიმთვრალე. მარცხენა თვალის მოკიყვის შემდეგ მარჯვენაც აუხამხამდება, შემოსძახებს „ჭუკო-ჭუკო“ და მალე მაგიდაზე მითვლემს.

გაიკრიფებიან. ყველაზე წინ, შუასუფრიდან, ჩონჩორ ჯოჯუა აიპარება, ვითომ ფიზიოლოგიური საჭიროებისათვის. წაცქვარუნდება ლილინ-ლილინით, ილლიაში გაჩრილი გულგამორუტნული პურით. მას მიხყვება ავქსენტი გითოლენდია, შალიკო წარაღბაია, გივი გამისონია, ცალფეხა მისაკ ჭანია ყვარჯნების ჭრაჭუნით და ვაჟიკო მარღანია.

დარჩება მამაჩემი მარტო, მაგიდაზე მიძინებული. ნავაჭრით გამოტენილი აქვს ჯიბე, მაგრამ არავინ აკადრებს ამოცლას. მიმტანებმა თუკი გამოადვიძეს, დანახარჯს მამას გადაახდევინებენ, არადა, დედას ვინმეს პირით შემოუთვლიან:

— დათვრა შენი ქმარი და იქნება რამენაირად წაიყვანო.

ამ შემთხვევაში გამცილებელი მე ვარ.

სილოვანის სიკვდილის შემდეგ კისერი ნოდარ გამსახურდიას სამოსახლოსკენ მელრიცება, არლენ ელიავას მამულისკენ, იქითობისას — მარჯვნივ, აქითობისას — მარცხნივ.

ოდნავ მოფხიზლებული მამა მხარზე მაწვება, რაღაც გაურკვეველს მელულლულდება. ბიქტორევიჩს ძილში აბოდებს ხოლმე, თანამეინახეებს მიმართავს, ჰყვება მთისას და ბარისას, ასე რომ, კარგად თუ მიუგდებ ყურს, ქეიფის პერიპეტიები ცხადლივ გადმოგეშლება.

ჩონჩორის ჯიხურს ოდესღაც ხუფენიების დუქნები ემიჯნება, სადაც ამჟამად სასადილო და მაღაზიებია განთავსებული. შემდეგ ხვინგიების შუკაა, ნახევრითა და ჭადრებით დაბურული საავადმყოფო და ქირთბაიების ორლობე.

პატარა ოტობაიას გადასახვევთან ძველთაძველი სასაფლაოა.

ამ ტერიტორიის გავლისას ღამ-ღამობით კისერი დასახელებული პოზით მომღრეცვია.

სასაფლაოს გასწვრივ თაკალანძეების ქუჩაზე დედაჩემის ძმა ნოდარი დამკვიდრებულა, ნიჩბისხელა ტორებით და გულისხმიერი მსჯელობით გამორჩეული. სულ თამადობა უწყევს ბიძაჩემს. მშობლები ვერაფრით გადმოუყვანია ფიჩორიდან და არიან აღმა-დაღმა მიმოსვლაში.

სასაფლაოზე ოდესღაც სამლოცაო ყოფილა, სამრეკოც. აქ ბაბუაჩემის ბიძა ვასილი დიაკვნობდა თურმე. ქრისტიანული რიტუალების თეორიულ ცოდნას სწორედ მისგან დააპრაქტიკებს ბიქტორ ბაბუა.

ჩემი ჯიშ-ჯილაგი მარტვილიდან, თამაკონიდან იწყება.

ქესქიამ შვა სიკოია, სიკოიამ შვა ბეკოია, ბეკოიამ შვა ნიკოია, ნიკოიამ შვა ვასილი, ალექსი და კოსტა — ცეკვის ჯადოქარი.

ვასილმა შვა ბართლომე, რომლის სახლ-კარში მალე შევიხედავთ, ლენა ლავილავებისა, ზინა ქირიებისა, ომშიდალუპული კლიმენტო და ტერენტი;

ალექსიმ შვა ბიქტორი, კაპტო, დომე, პელაგია ჯღარკავებისა და აგრა უბილავებისა;

ბიქტორმა შვა მამაჩემი მიხეილი, ლუბა ჯაბუბისა, ლენტო მეფორიებისა, იაშა, თამარა შამათავებისა, პაატა და შაქრო.

უმცროსი მაზლები, მულიშვილები სულ ჩვენთან დაფრთიანდებიან, მაგრამ ამაზეც მოგვიანებით.

სასაფლაოს ხელმარჯვნივ ბართლომეს სამოსახლოა. ორსართულიანი ქვიტიკირის სახლი ქათქათებს ევკალიპტების ხეივნიდან. ბოკოს ასული მანერა ზანთარაიხე ფილოლოგია, დამამთავრებელ კლასებს ასწავლის ქართულ ენასა და ლიტერატურას.

ბაბუის ბიძაშვილი ბართლომე გამორჩეულია საზოგადოებაში. სულ ცინცხალი „ვოლგებით“ დაიარება. სოფლის ექიმი. პერანგის გულისჯიბიდან ფონენდოსკოპის მილი ამოჩრია. მემამუბა ტანსრული ნათლია. მთელი სხეული შავი ჯაგრით დაფარვია. ვიდრე მამამისი ვასილი ცოცხალია, ცანცარა წვერს შვილიშვილი ნუგზარი უმოკლებს. მიეჩვია მაკრატელს და ახლა მამას აცილებს ზედმეტ ბალანს მშობლისვე თხოვნით.

— ფეტელავების თავაკცი იქნებაო, — იტყვის ხოლმე ჩემზე.

მათ უშველებელ კარ-მიდამოს უშვილო მაკარ პატარაია ემეზობლება.

გამოცდები ტრიფოლიატას ღობეს და ელეგანტური პატენტი და მადიშა ბაგათელიების სამკვიდრობელში აღმოჩნდები. მდიდრულია მათი ოდა-სახლი, ფართო ეზო, საჩრდილობელი ლაფანი, ანკარა ჭა, რომლისგანაც წყურვილს იკლავს სოფლის ცენტრი; არის ოწინარის გაუთავებელი წოწიალი.

მაღალი და ტანწვრილი პატენტი ნარდის დიდი გულშემატკივარია. გრძელი თითებით მიმზიდველად ურევს კამათლებს, შთამბეჭდავად გადააქვს ქვები. გაუბზარავი ხმის ჭარმაგი კაცის ასული — თამარა ჩიქოვანებისა — მამაჩემის თანაკურსელია. ამიტომაც ბაგათელიებთან მისვლას არაფერი მირჩევინ. წყლისთვის ვედროებით მეზავნის ხოლმე მამა. მივუჩოჩდები ნარდის თამაშით გართულებს. პირველივე გაგორებაზე დუ შაშით ოთხი ქვა მოხყავს მასპინძელს ფანჯის კარიდან.

— რატომ ასე-მეთქი, — ვკითხავ ერთხელ.

— იმიტომ მიხას ბოჭო, რომ მოწინააღმდეგე სწრაფად შებოჭო.

მაინც არ მესმის მჭექარეხმიანი პატენტი ბიძიას თამაშის ლოგიკა.

გადმომძახებენ აფთიაქის ფანჯრიდან და მეც გამოვფხიზლდები, წყლით გაესებულ ვედროებს მოვარბენინებ.

ბაგათელიების საცხოვრისსა და აფთიაქს შორის ნადე დგებუაძის მოციცქნული ოდაა, ცემენტის დაბალ სვეტებზე შედგმული. ოდესღაც უმშვენიერესი ქალიშვილი წლების სიმრავლეს ლოგინად მიუჭაჭვავს. მსმენელად თუ მოგახელთა, მშვიდობით მოუსვენრობავ! ცხრაჯერ მოგიყვება ერთსა და იმავეს, ოღონდ — ყოველთვის განსხვავებულად, თუ როგორ მოიტაცა ცხრაკლიტულიდან მისმა მბრძანებელმა.

აფთიაქი ქვიტიკირისაა.

შესასვლელთან ბოგირია, ბეტონის მოსასვენებელი მერხებითურთ. ასწლოვანი ჭადრებია წინარე და მოჩხრიალუ დეღე. მას მოსდევს საყოფაცხოვრებო მომსახურების სახლი, კოლმეურნეობის კანტორა. პირველი სართული ფოსტას უკავია, გაბელია ცოლ-ქმრის დაწესებულებას. მეორე სართულზე თავმჯდომარისა და მისი გუნდის საგანია.

ჩამოსულ მესვეურებს არ სწყალობენ ოტობაიელები და არც თავიანთ წინამძღოლს ეთანაწყობიან მაინცდამაინც.

გალიდან გამოგზავნილს უთქმელი საჩუქრით გაუმასპინძლდებიან.

კიკინია ზანთარაია აქაურია, ნოჩო თაკალანძეს იუმორის გმირი, ორი ხუთწლელი საკვირველად მოუტოვებია ზურგს უკან, მესამეს მიახრიგინებს.

განცხადებების დაფაზე მიუწერენ გამკილავ სტრიქონებს:

**ტათე ჩქინი კიკინია,
მუუაშუშა იტინია?!**

**ეგე ჩვენი კიკინია,
როდემდინა იქნებაო?!**

კიკინია ჩონჩორ ჯოჯუასი არ იყოს, ყვავების დაჩხავლებამდე ასწრებს სოფლის შემოვლას; კანტორაში საანგარიშოს რომ ურაკუნებს, ჩონჩორის ჩაქუჩი პირველით ეხმინება აზიურების ლანჩებიდან და კიდევ მამია რატიას სამჭედლოდან ებანება გრდემლზე უროს გუგუნე თუ საბერვლის ქშენა.

ნახავს კბენია სტროფებს. მოაძრობს დაფიდან ფურცელს და ზედ ახალს მიაკრავს:

**ტათე თქვანი კიკინია,
ირიათო იტინია!**

**ეგე თქვენი კიკინია,
ყოველთვის იქნებაო!**

კანტორის ვარდისფერ შენობას მიწატკეპნილი შუკა აედევნება ტრიფოლიატებითა და ძეძვით

დაძეძგილი.

მარცხნივ ხუტა ხუფენიას ფურნეა. აქ მუშაობენ შენაცვლებით იაშა აშორტია, ქანქანესა და ჭუკა ალფენიძე ნუგზარ ბერანძის მხარდამხარ.

მარჯვნივ სკოლის ტერიტორიაა რამდენიმე ასეული მეტრით, საიდანაც მუქმწვანე ზღვასავით მღელვარებენ ასწლოვანი გიგანტი ნაძვები. პანტაპუნტით ცვივიან გირჩები ქარიშხლიან ამინდებში, ხოლო დილდილაობით კოჭებამდე დაფუყულა რუხი, ნემსა წიწვები.

ერთხელ გრიგალი რისხვასავით გადაუღმუხვლებს სოფელს. ორ გიგანტ ნაძვს წააყირავებს სკოლის ეზოში. დანარჩენსაც იგივე ბედი რომ არ ეწიოს, დირექტორის, ონერ ზანთარაიას მითითებით, შალიკო გუნჯუა არმატურათი დააბმევენებს ოთხივე მხრიდან.

იმ რკინის ბაგირზე შეყვარებულის თავის მოსაწონებლად მე ვიწყებ სრიალს მავთულისვე სახელურით, როგორც ეს ეგზოტიკურ ფილმებშია ხოლმე გაბუქებული. ვიწვნევ კიდეც მარცხს, შუაწელიდან მოვწყდები აბსტრაქტული სამკუთხედის ნიპოტენუზას და ერთიანად გადავიყვლეფ იდაყვ-მუხლისთავეს.

უშველებელ ეზოს გამუდმებით ცოცხავენ ჩემი თანაკლასელის, ვალერი ბაგინსკის დეიდა-დედა და სკოლის დარაჯის, კოჭლი თომა სონგულიას მეუღლე თუ ასული. კოჭლობა დიდ ცოდვად არ მიიჩნევა სოფელში. ეს თანდაყოლილი თუ შეძენილი ნაკლი არარაობაა ნამუსიანი ცხოვრების ფონზე.

საერთოდ ფიზიკური ზადი ფსიქიკურთან ერთად მიტევებულია სულგრძელი ოტობაიასგან ერთხელ და სამუდამოდ. აი, მორალურს, ზნეობრივ დაცემულობას კი — ნურას უკაცრავად, ჩურჩულთ, ირონიული ღიმილით, მოღრეცილი ტუჩებით, მოწყურული თვალებით გააყოლებენ მზერას და აქ სამუდამო განაჩენია გამოტანილი შენი დაცემულობისთვის. ამიტომაც მორალურად წაბორძიკებული ოჯახი დიდხანს ვერ ძლებს ოტობაიაში. მათი ნამოსახლარები წლობითაა მიგდებული პირუტყვისა და ეკალ-ჯაგის საჯიჯგნად.

კოჭლი მარტობაში მოსათმენი რომ არის, დუეტში ღიმილისმომგვრელია და სიმრავლეში — სახარხარო. გვყვანან ამგვარი თანაკლასელები: ენაკვიმატი ოთარ ცირდავა და ქობალიას ბიჭი. ერთი მარჯვნივ კელენაობს, მეორე — მარცხნივ. ფიჩორის საზღვრიდან მოდიან, ყოველთვის გვერდიგვერდ, ერთნაირი წყობით.

— საკმარისია მდებარეობა შევიცვალოთ, ერთმანეთს თავებით მივენარ ცხებითო, — ოხუნჯობს ოთარ ცირდავა.

შრომის გაკვეთილზე ტანდემურად ესენი დაარბენინებენ ნიჩაბს, ბიჭაკიას და სილა გზადაგზა ებნევათ.

გაცდები რეზო ბაგათელიას, ბაგინსკების ფიცრულებს, რამდენიმე ნამოსახლარს და საჯაიების უუკასთან ისევ ნაპო ბიძიას სამკვიდრობლით ჩემი სამოქმედო არეალიც შემოიხაზება.

ოტობაია ერთადერთი სოფელია სამურზაყანოში და, ალბათ, მთელს კოლხეთშიც, სადაც ჩაის ბუჩქი მტკაველ მიწაზე არ ჭაჭანებს. ყოფილა შემოტევა რაიონული ცენტრიდან, მაგრამ ძველი თაობის წარმომადგენლები მყარად დამდგარან: ცხვირბარაქიანი ნოჩო თაკალანძე, ღვაწლმოსილი მასწავლებლები იპოლიტე ქირთბაია, პილა სექანია, რომლის მუშტი მოსწავლური ანონიმური ლექსით „სამი კილოგრამია“, რომ ჩაგარტყამს, თვალებს დაგბინელებს და ალგებრაშიც არაფრისდინდებით გაღირსებს სამიანს; ტრიფონ, ივლონ და ანდრია ალფენიძეები, მუდამ ორბორტიანი კოსტუმით გამოწყობილი, კალოშებში ჩადგმული ჩონჩორ ჯოჯუასეული შიპლეთებით; შეიკრიბებიან კოლმეურნეობის კანტორაში და შემოჩეჩებულ ჩაის კულტურას სამისდემშიოდ გადააშენებენ.

ამ დარგის სიძულვილს ერთი რეალობა ასაზრდოვებს ოტობაიელებში — მონური შრომით ადამიანის ფიზიკური გადაგვარების საშიშროება, მაგრამ მერე და მერე, როგორც დავინახავთ, ვაის გაცილებები მთლად უის შევეყრებით — მებოსტნეობას შეაკვდება სოფლის ძირითადი ენერგია, თუმცა ყველაფერზე — თანამიმდევრულად:

„უხსოვარ დროში, კოლხურ სოფელში ცხოვრობდა თურმე მწყემსი მზეჭაბუკი ოტობაია.

იმ ხანად ჯერ კიდევ არ იცოდნენ რა იყო ქაღალდი. მგოსნები ჩანგზე უკრავდნენ, მღეროდნენ და ის ხმები, ის ხანგები, მერე თაობიდან თაობას გადაეცემოდნენ უკვდავ ლეგენდებად.

მწყემსი მზეჭაბუკის საკრავს ჯადოსნური ძალა ხქონია. მისი უღერა გვაღვაში წვიმას მოიყვანდა თურმე, გაძმარ ხეს გაანედლებდა, იმედგადაწურულ ავადმყოფს მთაბრუნებდა, ბოროტ ადამიანს სიყვარულს ჩაუსახავდა გულში.

ჩანგს ასეთი მომწესხავი ძალა იმისთვის გამოხევა, რომ მასზე ჩვეულებრივი სიმების

ნაცვლად მზის სხივები ყოფილა გაბმული, მაგრამ თითების შეხება ნიაგის სუნთქვას თუ აღემატებოდა, უსიამოდ აჟღერიალდებოდა სოლმე და მწყემსი ოტობაიაც ჯადოსნურ საკრავზე ზღაპრულ საგალობლებს აღაფლენდა, მუსიკაში ატყვევებდა ოქროცურვილ მითებს და ლეგენდებს, აქვე ენგურის ჭალებში მამულის ოქროსმატყლიან ცხვრის ფარას ამოვებდა.

როდესაც ჩანგი ხშიანებდა, მომხდურს თუ ქურდ-აგაზაკს თავიანთი მგლური ბუნება ავიწყდებოდათ და მრავლდებოდა ფარა, ბედნიერად ცხოვრობდა სოფელი, ქვეყანა.

სასწაულმოქმედმა ჩანგმა ისე გაათამაშა მწყემსი მზეჭაბუკი, რომ თავი უძლეველი ეგონა.

ერთხელ ოტობაიას კოლხების წარმართული ღვთაება — ჟინი ანთარი შემოსევდრია ტყეში.

— ვინა ხარ? — უკითხავს ოტობაიას.

— სიკვდილზე ძლიერი! — უბასუნია ჟინი ანთარს.

— სიმღერის მომრევი არ დაბადებულა! — უთქვამს მზეჭაბუკს.

დანიძლაგებულან.

გამარჯვება იმას დარჩებოდა, ვინც ზღვის ღელვას და ენგურის დინებას გააჩერებდა. ბრძანა ჟინი ანთარმა და ზღვის ტალღები გაქვავდნენ, მაგრამ ენგური ძველებურად მოგრიალეებდა.

ასლა დაუკრა ოტობაიამ ჯადოსნურ ჩანგზე, ჯერ ზღვა დაშოშმინდა, დაცხრა, გაიღურსა, მერე ენგურიც გაჩერდა, დადგა სუნთქვაშეგუბებული და ასე, ორივე სტიქია მოთვინიერებული ღლომებივით გაწვა მზეჭაბუკის ფეხებთან.

საშინლად განრისხებულა მაშინ დაჯაბნილი ჟინი ანთარი.

„ადამიანის ნაშეიქნა როგორ მაჯობათ“, გაუფიქრებია გაცოფებულს. უშიშგლია ელვის მახვილი, დაუქუნებია, დაუქექია და მას აქეთ, სად გაქრა მზეჭაბუკი ოტობაია, ან მისი ოქროსმატყლიანი ცხვრის ფარა, არაგინ უწყის.

გაბოროტებულ ჟინი ანთარს ჯადოსნური ჩანგის გაცამტყვრებაც მოუწადინებია, მაგრამ საკრავს რაკი ველარაფერი დააკლო — ვერც სიმები დააწყვიტა და ველარც ბუდე მოუშალა, აი, მაშინ, უარესად გახელებულს, არიქა, სხვა ვინმემ არ მოიხელთოსო და ენგურის გიჟმაჟ ტალღებში მოუსროლია ზღაპრული ინსტრუმენტი“.

— სწორედ ამიტომ ხგავს ენგურის შესართავი ჩანგსო, — ამტკიცებს თანამემამულე მწერალი ვლადიმერ ალფენიძე, — ის კი არა, ხანდახან, როცა მდინარე აღიღდება და უკვდავი სიმები პერმოდებულ ჩქერალებში გაეხვევა, თითქოს პატრონის სული შეხებოდეს, საამურად აჟღერდება მძლე-თამძლე ჩანგიც და ხელად წყალი იწყებს დგომას. საძირკველს გამართავს ჩიტი ჩიორა. მინდორში გუთანი გახროტინდება. ხორციით ივსება ბალანშეცვლილი საქონელი. ადამიანს მომავლის რწმენა და სიხარული გადასძალავსო, — ხყვება უხსოვარი ღროის ამბებს ზეფირებში ჩემი წამტყუებელი, მამაჩემის ნებიერი ტარასის ძე, იგივე ლადო ბახტრიონელი თუ ივერ ვერისელი.

ქვეყნიერება მოვლილი შვილისგან ზურგმოცემული მსცოვანი ხალხი ამასაც არ კმარობს:

— ოტობაიას სახელი ბიბლიური ტობიას წიგნის სამყოფელს უკავშირდებაო, — დაუჟინია.

— ოტობაია ბერძნული წარმოშობისაა და პონტოს ბაიას ანუ ზღვის ყურეს ნიშნავსო, — ამტკიცებს ბევრი.

— გეკადრებათ, ზღვის ყურე რას მიქვია, ოტობაია ბოტოს ბაიაა, ესე იგი ვერძის უბეს, ოქროს საწმისს — კირბების ნავსაყუდელს გულისხმობსო, — იძახიან სხვები, — ცნობისთვის „ბაიოს“ პატარას ნიშნავს ბერძნულში, პატარა ვერძს, იგივე კრავს, კირბისო, — დასძენენ.

— არც ერთი და აღარც — მეორე, ოტობაია იგივე პროტოს ბაიაა, რაც პირველადს, უმთავრესს, ყოველივეს საწყისს, წინარე საბადისს ეტოლებოაო, — არ ილევა ვარაუდები.

აკადემიკოს არნოლდ ჩიქობავას თუ ვერწმუნებით: ოტობაია ნაწარმოებია მეგრულ-ჭანური სიტყვიდან — ტობადან, რაც ტბის იდენტურიცაა და ღრმა ადგილისაც.

მოკლედ, როგორიც უნდა იყოს წყაროები ოტობაიას წარმომავლობის თაობაზე, ერთი რამ ცხადია, ყოველ მათგანში რაღაც განსაკუთრებული, რაღაც ამალღებული, რაღაც უკვდავი აზრია ჩაქსოვილი. სინამდვილეს კი სულ სხვა განზომილებანი ასაზრდოებენ, სულ სხვა კანონზომიერებანი წარმართავენ და ჩვენც, დიახაც, ამ მასშტაბებზე, ამ წინააღმდეგობებზე ვისაუბრებთ გზადგზა, რომელიც თვალმისაცემად მოგროვებია როგორც პირველ-მეორე ოტობაიის მაცხოვრებელს, ისე — სამურზაყანოს სრულიად საქართველოს რადიუსით.

შემთხვევით კენჭიც რომ კენჭია, ისიც არ ჩამობზრიადლება პიტალო კლდის ბუმბერაზი მკერდიდან. მექანიკის კანონების წყალობით თუ ღვთის განგების მეოხებით წონასწორობა დარღვეული კენჭი როგორც კი კუნტრუმ-კუნტრუმით გაწკრივდება ლოდებს შორის, ჯერ თანატოლი კენჭების ამაღლს აიყოლიებს, მერმე — ყვინჩილებს და მამლაყინწებს; მალე მხიარულ ლაშქარს თვით ყველაზე აუღმღრველი ბაყბაყდევნიც აღდევნებიან. ლავიწს იდაყვი მიეზილება. მუხლი შუბლს მიეხლება. განიავდება ხავსის ბიბინა ქულაჯები, დარაიები და საერთო სრბოლაში სადღაც ჩაიკარგება მეთაური ციცქნა კენჭი; ზორბა-ზორბა ნაბიჯებით ჩაუქროლებენ აქამდე გულდინჯი ლოდები, ჩაუქროლებენ ბუხუნით, ხაფხაფით და ზოგჯერ ხდება იმნაირადაც, რომ ორომტრიალის მედროშე კენჭს ზვავის ძმათა სასაფლაოზე უკანასკნელს უწევს მიბარება.

ნეტავი შენ, ციცქნა კენჭო, პირველი ჩაებმები ხოლმე ხელჩართულ ბრძოლაში და ასპარეზსაც უკანასკნელი ტოვებ უგვირგვინო, დაუტირებელი მოყმე.

არის რაღაც საერთო ზვავის დაცურებას, მდინარის დაბადებას, ფიქრის აზვირთებასა და ნაწარმოების შექმნას შორის.

ახლა, ამდენი წლის შემდეგ, მიძნელება იმ უნებლიე წინადადების გახსენება, რომელიც რომანტრიადის განხორციელების პროცესში კენჭის მისიას იტვირთავს იმჟამად, მაგრამ ჩემი შემოქმედების ბიძგისმომცემ ფრაზას სიტყვა „ენგური“ რომ ნამდვილად მეთაურობს — უეჭველია. სხვანაირად წარმოუდგენელიცაა, რამეთუ, დასტურ, ენგურია ის პირველი საოცრება, რომელსაც ხაბოსპირიდან ვიხილავ მამის მკლავზე მოკალათებული მზის ჩასვლისას.

ხელის გაწვდენაზე მიგრიალებს ენგური, მიგრიალებს რაღაცნაირად გაჯავრებული, მედიდური. დასაჭედად დახლართული კამეჩივით ქშინავს, დორბლი გადმოსდის ლაშებიდან. ტალღები მზის სხივებზე ქურდიდან გადმოღებულ ნალებივით ვარვარებენ. არ ვიცი ჩემს ცნობიერებაში ენგური რატომ მიემსგავსება მამია რატის სამჭედლოში კამეჩების დანალვის სცენას, ოღონდ გრანდიოზულს, ბავშვური გონებისთვის მიუწვდომელს და მიუხედავად შინაგანი თრთოლვისა, მე მაინც გავიწვდენ ხელს მისკენ.

იმ დღიდან ჩემს ცხოვრებას ენგური მჭიდროდ გადაენასკვება.

სადმე დროს თუ ვიხელოებ, მყისვე საბანაო ადგილებისკენ მოვცოცხავთ, გვაძი ანჩაბაძისა და მამაჩემის ნათლული ვაჟიკო მარლანისა საცხოვრისის გავლით. მერმე იქ იმართება შეჯიბრებანი ხაბოდან უმარჯვეს ხტომაშია ეს თუ გადაგდებული თეთრი ქვების მდინარის ფსკერიდან ამოკრეფაში.

მშიშრები ჭადრის ძირას მისხდებიან, შედარებით თამამნი — ბაკვა და ზიმულ სახეივნილები, ხალვაშები, მესხიები და შენგელიები, ფარულავეები და ახალაიები — ფეხზე დგომელანი ეშვებიან ფაფალადან. ხოლო წყალს შეზრდილი გულადები: თენგო და ჯუმბერ თორღუები, ვახტანგ ხუფენია, ნუგზარ ყალიჩავა, სხვანი და სხვანი წამახული სარივით ჩაერჭობიან მგლისფერ დინებაში, მართუესკენ თავურით წაფრენილები და არის ერთი მითქმა-მოთქმა, მოწონების ყიჟინა, გამარჯვებულის გამოვლენა თუ ყვავილების გვირგვინით შემკობა მოყურადე ასულებისგან.

ამას ზედ ერთვის „პეტრეს პარონთან“ გამუდმებული თავყრილობა.

ხანდაზმულები ბორნის სიახლოვეს გამართულ გრძელ მერხზე სხედან, აპლაკუნებენ ყალიონს და ნება-ნება ხყვებიან მთისას და ბარისას. აცოცხლებენ გარდასული დროის სურათებს. მათგან ზოგიერთს ვიცნობ! მომშვილდულ წარბებიან კაპტო ლოგუას, გოლიათ ფაცურია ძმებს — ნოჩოს, ავქსენტის და ჯაკოს, არჩიკო შამუგისასავით ხმაჩახლეჩილ ანმახს, ვალშა ტუფურისას, პირწავარდნილ ფრანტს — არდაშელ ჩიკვატიას, მოგვიანებით მეგობრად ქცეულ გურია შონისას, მათემატიკის მასწავლებელს, ცხვირკეხიან პილა სექანიას, მამაის განუყრელ თანამეინახე არუშანგ უზარაშვილს, ჩიტაიებს, გაბელიებს, თაკალანძეებს...

იმართება ტაშ-ფანდურა, შაირობაში გაპაექრება. ჩაღდება ფანტი, რომელ თამაშსაც კუნთხოტობაიელები რატომღაც „გორჩქინუას“ ეძახიან.

ხშირად ტყეებიდან გამოკრეფილი ფიჩხით კოცონს დააგიზგიზებენ, ჭყინტი სიმინდის ტაროებს მიუფიცებენ და მთელი სოფელი გვიანობამდე მხიარულობს; მაგრამ გადის წლები, ენგურის მიმზიდველი ნაპირები დიდ-პატარა ოტობაიას შორის, ჯერ ახალგაზრდებს დახკარავს მიყოლებით, მერმე — ჭარმაგებს და სულ ბოლოს — თვით ყოვლისმომწრე ხანდაზმულებსაც.

საქმე ის არის, რომ სოფელში სოკოებივით მომრავლდება რადიო და ტელევიზორი, რაც ხალხს ზურგს შეაქცევინებს საუკუნოვანი წეს-ჩვეულებებისთვის, დაათითოვებს, დაკენტავს.

ახლა მას ენგურზე დამის თევას ფეხბურთის რეპორტაჟის ყურება ურჩევნია. ვერაფრით ვურიგდები ამ უცნაურ მეტამორფოზას. გულით მწაღია რამენაირად შევაფერხო ერთიანობის დამამხობელი ტექნიკური პროგრესი, თუმცა საამისოდ არც ძალა შემწევს და მით უფრო — გამოცდილება.

თავს იმითლა ვინ უგეშებ, რომ კვლავინდებურად ენგურის დუდუნს მივაყურადებ, ხაბოსპირიდან გავესაუბრები მდინარეს:

— ნუ მოიწყენ ჩემო, სხვებმა თუ დაგივიწყეს, მე ხომ დაგრჩი ერთგული-მეთქი. ისიც ყურს მიგდებს თითქოს. მომცრო მართუებს დამიტრიალებს წრეებად თვალწინ მადლობის ნიშნად.

ბევრჯერ ვცდილობ თანატოლების აყოლიებას, ზოგჯერ მივალწევ კიდეც მიზანს, მაგრამ თანდათან ვრწმუნდები, რომ ჩემი ყოველი მეცადინეობა ცერცვისა და კედლის ანდაზაა, ვინაიდან უმცროსებსაც, უფროსებსაც ფეხი სხვა ცხოვრებისთვის აუწყიათ.

ფულის რეფორმის დღეებში სოფელს ახალი საოცრება ალაპარაკებს.

ყველას ენგურის გადაკეტვის ამბავი აკერია პირზე. როგორც საქმეში ჩახედული თუ არამკითხე მოამბე ირწმუნება, ჯვართან რაღაც უსაშველო კედლის აღმართვას აპირებენ და მოსახლეობაც მოისვენებს. აღარ დასჭირდებათ დღენიადავ დამბებისა და ჯებირების აგება. დავიწყებას მიეცემა წყალდიდობის გამუდმებული შიში.

ამ განწყობილებისანი განსაკუთრებით კუნთხობობაიელები არიან, მაგრამ მოსაუბრეებში იძებნებიან ისეთებიც, ენგურის გადაკეტვას ეროვნულ ტრადიციად რომ მიიჩნევენ, ვინაიდან მათი მტკიცებით, მდინარის დაშრობა მთელს კოლხეთს გადაასხვავებებს; გადააშენებს მის ფლორას და ფაუნას, ზღვა შემოუტევს ნათესებს, გახშირდება წვიმები.

ჩემი საფიქრალიც ამათ მხარესაა, თანაც ვერაფრით წარმომიდგენია ადამიანის ხელი ენგურის მოთოკვას რანაირად შეძლებს.

— ხიდი ვერ გაუდვიათ, რა ხანია ბორნით ცოდვილობენ და კაშხალის ამგებია ეს ხალხი-მეთქი, ასე ვამხნეებ დედამდინარეს, ასე ვინ უგეშებ თავს. მაგრამ მოლით, ამჯერად თვალი მივაღვენოთ ორლობეში ველოსიპედით ძუძუმტეს ქოლგებს.

უკვე „რამას“ ზემოთ მოქცევია ჩვენი ბრიკეტა. დედაწულიანად აყრილ თანასოფლელებს ჩაუსრი-აღდება სოფლის ცენტრისკენ. უშველებელ ჭადრებზე გაკრული აფიშები ფეხბურთის მატჩის დაწყებას იუწყება დღის ხუთ საათზე.

სტადიონი კოხტადაა მოვლილი. აქ პირუტყვს დიდი ხანია არ აჭაჭანებენ. კონტურები ახალთახალი ნახერხით გავლებულა დაჭიმულ ბაწარზე. ფრენბურთის მოედანი კირითაა შეთეთრებული, ასევე ფაქიზადაა მოკოპწიავებული კალათბურთის სივრცე.

მე ფრენბურთის დიდი გულშემატკივარი ვარ. ადრინად რომ ესტუმრობ სკოლას ამის თაობაზე მითქვამს. ბუხარი რომ დაგუგუნებულა, ესეც გამიცხადებია. გაივლის ცოტა ხანი და ფრენბურთის მოყვარულებიც ჩამობარგდებიან. სამნი ვეპაექრებით ექვსს: ანზორ გუნჯუა, ედნერ პაპასქუა და მე. თამაში ნიძლავზეა, ჩინური ავტოკალმებია ეს თუ ხურდები საჩაიეში საპურმარილოდ. მოწინააღმდეგენი რიგში გვყვანან. ჩვენი სამეფლის მთავარი კოზირი ბურთის მოწოდებაა. ამ მხრივ სამივე თანაბარი სიძლიერით ვაყუმბარებთ მოწინააღმდეგეს. იშვიათია, მაგრამ უკანმოზრუნებულის დაურვება უკვე გაცილებით ადვილია. წინა ხაზზე ანზორი აგვირგვინებს კომბინაციას. ბურთი სარივით ერჭობა მიწატეპნილზე და გულშემატკივარი ქალიშვილების ჟივილ-ხივილიც ფრთებს შეგვასხამს. დამარცხებული უფროსკლასელები სიმწრიანი თავისქნევით ახალ გუნდს უთმობენ ადგილს.

ბურთები სამასწავლებლოში ინახება. სასწავლო ნაწილის გამგე კაკო, აკაკი შენგელია თუ მორიგეობს, თავი ქუდში გვაქვს. აჩქარა ზანთარაიაც, ილიკო ცეკვაშვილიც არ დაგვიჭერს ბურთს სათამაშოდ, მაგრამ ოდეს სამკილოგრამ მუშტიანი პილა სეჭანია მიჯდომია საკონტროლო რვეულებს სქელჩარჩოიანი სათვალთ, დაღუპულია საქმე. ამისთანა შემთხვევაში გაჭირვების ტალკვესი ან მე ვარ, ან კიდე — ძუძუმტე. მას ფრენბურთი არაფერში ეპიტნავება, კალათბურთსაც ცერად უმზერს. აი, ფეხბურთი კი მისი ნამდვილი სტიქიაა, ვერცხლისწყალივით მოუხელთებელია და ფინტების ჯადოქარი.

ლილიდანვე საზეიმო განწყობილებაა. ხუთი საათისთვის დარჩელებს ვმასპინძლობთ, მანამდე კი მთელი საუკუნეა. დარჩელში ფრედ დაგვიმთავრებია ამხანაგური მატჩი და ახლა აქ, შინ თუ ვივარგებთ, სალაპარაკოდ რამდენიმე თვეს გვეყოფა. მაგრამ როგორ გინდა გაიყვანო დრო ქარონის სადარი პილა მასწავლებლის მორიგეობის პირობებში?!

— მიდი, — მეუბნებიან ბიჭები, — არ გაგაწილებს, კარგ ხასიათზეა დღეს, ლილინით აიარა კიბეები.

სხვა რა ჩარაა. ძუძუმტე ფეხბურთის სტადიონზე ტრიალებს, რამდენიმე ამხანაგის დახმარებით სილას ყრინ მოტიტვლებულ კარებთან „ნასილკებით“.

კალათბურთის მოედნის გვერდით მრგვალი საჭიდაო ალაგია, ისიც ახალთახალი, სურნელოვანი

ნახერხით დაფუყული. აქ შეუდარებელია კოკროკინა ვალერი ხარჩილავა, გველების მომთვინიერებელი ჭიჭას შუათანა ბიჭი. სწავლისკენ მაინცდამაინც დიდად არ მიუწევს გული და მეშვიდე კლასიდან გვიგანებს. საჭიდაო არენას დღენიდაგ უტრიალებენ ჩემი ძმადნაფიცო სერგო გაბელია, ლუსი ჩაჩიბაიას ძე, სახეიშვილები, მესხიები.

სერგო, იგივე კაჯილია, კუნთხობობაიელია, მაგრამ ჩვენ ლამის აკვნიდან ვმეგობრობთ. მისი ცერ-მოწყვეტილი ბაბუა, სილოვან ხაფავა, თომა პაპას კარის მეზობელია. ბაბუაჩემს რომ ჩამოასვენებენ ოტობაიაში ფიჩორიდან, ხაფავები მარტოკა დარჩებიან ბორსუს უბანში. გვიკინკლავია ერთხელ შაშვის კვერცხების გამო. ვაჟა ხაფავა და ნოდარ გელენავა წაგვაქეზებენ საჭიდაოდ დისშვილებს. დიდხანს ვეძიძგილავებით ერთმანეთს ტოლისტოლნი და როდესაც ჭიდაობა ცემა-ტყუპაში გადაგვეზრდება, ჭიდან მომავალი გოგუცა ბიცოლა, მიხელ ქარდაშ მოთა,* მთელ ვედრო წყალს გადმოგვასხამს გასაზავებლად. გადაგვაკოცნიებენ ერთურთს. მამასავით ხუჭუჭთმიანი კაჯილია სწრაფად შემომირიგდება და იქიდან მოყოლებული ერთად ვეძებთ შაშვის ბუდეებს. სათევზაოდაც გვერდიგვერდ დავიარებთ ჯერ მახლობელ ლელეებში, მერე ზღვისკენაც მოვცოცხავთ, ბოლაზისკენ. ენგურისპირას გაზრდილი კაჯილია ცურვაში მჯობნის, გადაუღდებ თეთრ ქვას ზღვაში და რამდენიმე წუთში ამოგირბენინებს.

შაშვის ბუდეს კინალამ ვემსხვერპლები. მამია რატის ავთასგან რამდენიმეგზის თავგახეთქილს ბიძაჩემი კინალამ კეფას ამათლის.

— უხანე, — მეუბნება ჩიმალი,* — შენ აქ ჭკვიანად იყავი და მე შაშვის ბუდეს მოგიტან.

საკმარისი შეპირებაა დაშოშმინებისთვის, მაგრამ რა ბედი ეწევა მერე დაწინწკლულ ლილისფერ კვერცხებს? კაჯილიას ხომ უკვე ოცზე მეტი მოუგროვებია? ავედევნები ცქვარუნით ზღვისპირეთისკენ აბარგებულს.

ბიძიას მხარზე წალდი გაუდვია. თხმელის წკნელების მოსაჭრელად მიემართება. ლელვის ტოტი უწნოდ გამოჩრილა თურმე ცხენოსანი მგზავრის საზიანოდ. შევასხებო იაზრებს და მოქნეული წალდის სიბასრე გულს შემიღონებს.

წამოყვირებაზე დამეტაკება ბიძა. ჭრილობიდან ხელს არ მიშვებს. მარჯვენათი მკერდზე მივუკრივარ, მარცხენათი ლაგამს ჩაფრენილი ბიჭტორ ბაბუასკენ მიქრის. მისინჯავს იარას ფერშალი პაპა, მაგრამ შეხორცებულია საკვირველად და სიტყვაკაზმული მწერლობაც შვებით ამოისუნთქავს.

ეს ყველაფერი დროებით მოვიტოვოთ და ქარონის ძმადნაფიც პილა სეჭანიას მივაშუროთ, რომელიც სამასწავლებლოს მძიმე კარებზე დაკაკუნებას ყრუდ შემოეხმინება:

— რომელი ხარ, შემოდი!

ბიჭები ლაფაროსთან შეგგროვებულან. კაკუნს ვიმეორებ. ახლა ფეხის ხმა მესმის და გავიტრუნები.

— რატომ არ შემოდიხარ, მიხას, ბიჭო?!

— პილა, მასწ. — გაფუჭებული გრამაფონივით ერთ ხმაზე ვალირწკინებ მემბრანას.

— ამოღერდე, ადამიანო, საკონტროლოები მაქვს გასასწორებელი!

— პილა, მასწ, ოლიმპიადისათვის ვემზადებით და სატრეინოვკოდ ბურთი გვჭირდება! — ჩავამთავრებ რის ვაივაგლახით.

— ახლავე, ახლავე! — გულუხვია პილა სეჭანია.

ბიჭებს ხელებით ვანიშნებ, ყველაფერი წესრიგშია-მეთქი. იქ მოგუდულ ყიჟინას დასცხებენ.

ორიოდე წუთში კვლავ მომეახლება პილა მასწავლებელი. ბურთი არა ჩანს. ხელები ზურგს უკან დაუწყვია. მერე გამოაელვარებს ორმტკავლიან ცარცს დირიჟორივით.

— აგერ, შენი ბურთი და იტრაინოვკე რადმენიც გენებოს!

ჩამოშვებულია მხრები. ბიჭები ხედავენ ჩემს გასაჭირს. აქა-იქ სიცილი იფეთქებს. ცარცის მართ-კუთხოვნობა ზოგიერთში სხვა იმპულსს შესძენს გაბედითებულ ფრენბურთს.

იატაკქვეშეთისკენ!

ზარი ძაღლის ძვლებისაა.

აქ ლიდერები ზიმიული და ბაკვა სახეიშვილები არიან ტუტუ ეჯიბიას მხარდამხარ. კამათლებს ენერგიულად ურევენ, ქუდში ყრიან, წვივებზე იტკაცუნებენ ხელისგულებს, ანდა — მკერდში. ყველა ჩაყუნცულია, ვინაიდან სკოლის უშველებელი შენობა ოთხმოცამდე სანტიმეტრის ბეტონის სვეტებზე დგას. ოდესღაც ეს სრასახლი ანჩაბაძეების ყოფილა პატარა სკოლასავით, რომლის წინარე ლელეში არეკლილი გაბადრული მთვარე სულგუნად მოსჩვენებია კიკინიას მოგვარეს. კიდევ კარგი, აჩქარა ზანთარაია ჯერ არ გამოჩენილა, თორემ კარგ დღეს დაგვათენებდა. მისი უფროსი ძმა კარლო შეუდარებელი ისტორიკოსია, ზეპირად იცის მარქსის „კაპიტალი“, თანაც — რუსულად. ხშირად შეივლის აფთიაქში და ჭუკჭუკებენ მერმე პოლიტეკონომიაზე ის და მამაჩემი ბახუსის ოქტავებით.

იატაკქვეშეთი აკრძალული ზონაა, აქ შატალოზე გასულნი აფარებენ ხოლმე თავს. შპარგალკე-ბითაა წალეკილი მისი სივრცე. კოჭებამდია მტვერი. წელიწადში რამდენიმეჯონის გამოცოცხავენ მის აღმატებულებას ვალერი ბაგინსკის დეიდა-დედა, მაგრამ ღრიჭოიანი იატაკი ცხრილივით ატარებს სასიყვარულო წერილებს თუ ვალმოხდილი შპარგალკების ახალ ნაკადს და დარდუბალა ფენიქსივითაა.

აჩქარა ზანთარაიამ ტურასავით წამოპარება იცის. სკოლის შენობის შუაგულში მოაჯირიანი აი-ვანია, მოციცქნული ღია სივრცე. ზოდა, იქიდან წამოგადგება თავზე, „ლოქმზე“ დაყენებულ უმც-როსკლასელებს ყურადღება თუ მოუდუნდათ.

თამაშში მე არ ვმონაწილეობ, მაყურებლობას ვჯერდები. ტუტუ ეჯიბია ცაციაა და კამათლების დასმის დიდოსტატი. გაზეთზე მასთან დაჭიდება აბსურდია. იციან ეს ბაკვა და ზიმულ სახეიშვილებ-მა, ამიტომაც მოუწოხებიან წინაფრიანი ქული. ფორტუნა ტუტუს მხარესაა. ცალი ყური მაინც აჩქარას ნაბიჯებს დარაჯობს. კატის თათებით დაიარება. თანაც იმისი იმედი აქვთ, დღეს დიდი შეჯიბ-რია და რომც მოიხელთონ, მარცხენა გარემარბ ტუტუ ეჯიბიას მიუტევენ იატაკქვეშეთში საყომარ-ბაზოდ უმცროსკლასელების წატყუებას. აზარტულ თამაშებს პატარა სკოლის იატაკქვეშეთი — კა-ზინოც ასრულებდა გუშინ თუ გუშინწინ. იქაური სამორინეს ბატონ-პატრონები ახმახი ჯუმბერ გამისონია და ჩაჯიკვინებული ონერ ბელქანია გახლავან. ანდა თამაშის გუნება-განწყობილება თუ გაკრფილა, ეწვეიან გაზეთში შეხვეულ თუთუნს და გაკვეთილების ქრონომეტრაჟს ასრერიგად ამოკლებენ. ზოგჯერ კიდევ ტრიფო ალფენიძეზე იძიებენ შურს, ყურზე ხელის ტაცება რომ უყვარს. გამოძებნიან სადმე ნახევარმეტროიან ხელჯოხს და სადაც მისი ჭრაჭუნა სკამი განთავსებულია, მოფამ-ფალებულ იატაკს მისცხებენ.

— ძუიკები! ძუიკები! — ყვირის საკლასო ოთხიდან ტრიფო ალფენიძე და სკამიანად ხტუნავს ქვემოური ვიბრაციით.

ოთხმეტკავლიანი ხორიზონტიდან ძუძუმტეს ველოსიპედის ბორბლები დატრიალდება. ზარს აწკა-რუნებს, სამჯერ დაარტყამს წრეს სკოლის შენობას. ინფორმაცია გადმოცემულია, რომ საგანმანათლე-ბო სივრცეში აჩქარა ზანთარაია გამოჩენილა.

ტუტუ ეჯიბია მაინც არ იტეხს იხტიბარს. ჯერ ბოლომდე არ გამოუცარიელებია სახეიშვილების-თვის ჯიბეები.

მოსწავლე-მასწავლებლის ხმა მშვენივრად აღწევს საფრთხეგაჩენილ ჩვენს სმენაში.

წრიალებენ ანზორ გუნჯუაძე და ედნერ პაპაშვილიც. ანზორი ორმაგად შეფუცხუნებულია. ეს ზომიერად სახეჭორფლიანი ყმაწვილი სიმალღეში გავარდნილა მამასავით. მის ქვეშეცნულ ორჭო-ფობას მშობლების მახლობლობა კვებავს. წაბლისფერთმიანი დედამისი თალიკო დაწყობით კლასებს ასწავლის. მამა ფიზალზრდას და შრომის გაკვეთილებს ითავსებს მომმარაგებლის პროფესიასთან ერთად.

— სვანივით გული აქვსო, — იტყვიან შალიკო გუნჯუაზე, — თუკი გაბრაზდა, ათი კაცი ვერ დააკავებსო, — ზოდა, ამისთანა მამა-ბატონის კლანჭებში ჩავარდნა ენდომება სწორედ მშვილდით მოქნილ ჩვენს ფრენბურთელს?!

ედნერის კრთომას კი მათი ნათესაობა ასაზრდოებს, — აჩქარა ზანთარაია ბიძად ერგება.

ძუძუმტე ახერხებს ფიზკულტურის სახიფათო მასწავლებლის დროებით განმუხტვას ყომარბაზე-ბის საუფლოთა მოსათვალისწინებლად.

— სილა უკვე დაყრილია, მასწ! — აწეული ხმით განუმარტავს სახელაჟლაჟა კაცს სტადიონის ტექნიკურ მდგომარეობას, — თხუთმეტი ელიავებისკენ დავყარეთ და ამდენივე — აქეთ. დავტკეპ-ნეთ მერე „ტრამბოკვით“.

— მშრალი თუ იყო? — ეკითხება აჩქარა და ველოსიპედის კორპუსით იატაკქვეშეთისკენ გზამოჭ-რილი მოუსვენრობს.

— ხიხილასავით! — მსწრაფლ პასუხობს ოთარი, — ბაგინსკების მისადგომებიდან ავიღეთ. ჯუმბერ ზანთარაია ჩამოსულია, მასწ?

— აქ არის! — ეუბნება აცქმუტებული აჩქარა, — შენ ჯუმბერის მაისურისკენ გიჭირავს თვალი! შაქროც იქნება ფეტელავა. ჩვენი გუნდი ახლა გაცილებით ძლიერი შემადგენლობით გამოვა. დარ-ჩელები აშკარად გვჯობნიდნენ პირველ თამაშში, უბრალოდ ბედი არ სწყალობდათ თორემ. ჯუმბერი თბილისის „დინამოში“ არ მიუღიათ, უკვე გვიანია შენთვის ძირითად შემადგენლობაში თამაში, სათადარიგოში კი თავად იუკადრისა. საათი ხომ არ მატყუებს, კაციშვილი რომ არ ჭაჭა-ნებს, რა ხდება ნეტავი?

— დიდი თამაშისთვის ემზადება ყველა მასწ., სტუმრების ღირსეული დახვედრა უნდათ ჩვენებს.

თამაშის შემდეგ, ვფიქრობ, პოლიას სასადილოში პურ-მარილის გამართვას აპირებენ. კუკური ბუი-ნავამ მუხლი იტყინა. ბეკი ვინ გვეყოლება, ეგ თუ ფორმაში ვერ იქნა?

— სერიოზულია?

— კი, კოჭლობდა წელიწადი ალეს წისქვილთან.

— ხუთ საათამდე გაუვლის, — აჩქარა ზანთარაია სამასწავლებლოსკენ დაძვრას არ აპირებს. იცის, ქალები ჯერ არ გამოჩენილან და რატომ ისულსწრაფოს? ჭანიების სიძეა, ანგელოზი ცოლის პატრონი; მართალია, შვილი არ ხყავთ, მაგრამ არც ზრდიან ვინმე უპატრონოს თუ გნებავთ ნათესავისას. აჩქარა დიდი მექალთანეა და მასთან სიახლოვე თავსაფრიანებისთვის სარისკოა, — კარში ზაურ ჯოჯუა ჩადგება, ნამდვილი კატაა.

— ავშენებულვართ და ეგ არის, — ტაშს შემოხკრავს ძუძუმტე.

— სიგარეტზე გამეგზავნები?

— რას ამბობთ, მასწ?

— აგერ ფული, ორი კოლოფი „კოლხეთი“ მომიტანე!

— სამასწავლებლობში იქნებით, მასწ?

— ხო, სამასწავლებლობში!

ოციოდე წუთში სამასწავლებლობში რომ მობრუნდება ოთარი, ყველანი იქ შეეყრილვართ. მაგიდაზე დახვავებულია „პუგაჩები“, ასანთის ფოსფორით რომ ვტენით და ვაბათქუნებთ გოგონების გულის გასახეთქად; ლამაზტარიანი შურდულები, კასტეტები, დაწყლეთილობლოიანი გოგებაშვილის თუ ჩინური „პეროები“, ხურდები, რამდენიმე წყვილი კამათელი, მინჭყრეულ-მონჭყრეული სიგარეტები.

კედლის გასწვრივ ჩამწკრივებულნი ვცახცახებთ, დაგვახვევენ თავზე მშობლებს, თუკი აჩქარამ მოიგუნება. თვითონ რომ გვეცემოს, შაქარყინულია. აჩქარა არ სულსწრაფობს ჩვენს დასჯას. ძუძუმტეს „კოლხეთის“ კოლოფებს ართმევს, თან დავალებასაც მიაყოლებს:

— მიშას დამიძახე და კიდეც — ხერიკო პაპასქუას. შალიკო სადაც არის გამოჩნდება, დანარჩენს მე თვითონ მოვუვლი.

— ამ ერთხელ გვაპატიე, მასწ, — თავჩაღუნულია ნაფოტივით თხელი ტუტუ ეჭიბია.

— შენ სხვანაირად დაგსჯი, დღეს სათადარიგო სკამზე დაჯდები, თუნდაც ათით ნოლი ამოგვტენონ დარჩელებმა. აბა, თქვენი დასილაქებით გავიფუჭებ ხელებს?

— ამ ერთხელ, მასწ. მერე თუ დასჯა, ჩვენ დაგვსაჯე, ბაკვა, ზიმული და მე, ეგენი რა შუაში არიან?

— „ეგენს“ განახებ მე შენ, სათადარიგო სკამზე რომ მიგალურსმავ დღეს! თვითონ გაფუჭებული რომ ხარ არ კმარობ და სხვიც გინდა წაახდინო?

— „ცეპი“ გამიფუჭდა, მასწ.? — აიტაცებს სიტყვას თავჩაღუნული ძუძუმტე.

— ფეხით წადი, ფეხით! წასვლა და მოსვლა ერთი იყოს!

— ველოსიპედს რომ მომპარავენ, მასწ!

— ამოიყვანე ბიჭო, სკოლის აივანზე. აქ არ არის თომა სონგულია?

სხვა რა გზა აქვს ოთარ ხუფენიას, ვერაფერს საზრიანობს, ვერანაირად გვაშორებს აჩქარა ზანთარაიას რისხვას.

უკვე საკლასო ოთახებში გაქანებული მეცადინეობაა. სამასწავლებლო სავსეა პედაგოგებით. აქ ბრძანდება დირექტორი ონერ ზანთარაია, არლენ ელიავა, ბიყინტია — კაკო თაკალანძე და პუჭიკო, მისი მოგვარე რუსულის მასწავლებელი. მოსულია აკორდეონის ჯადოქარი, ოქროსთმიანი ხერიკო პაპასქუა, რომელიც მთელი ათი წლით ეუფროსება ძმას. მათი ერთადერთი და ნელიკო რამდენიმე წლის გასვენებულია. ამ მწყაზარ ქალიშვილს გათხოვება არ დასცალდება, ისე ამოღდება ზეცად. სისხლის გათეთრებით მოკვდება. მათი ზანთარაიხე დედა ლოგინად ჩავარდნილა, მას მერე ფეხები წართმევი უსაზღვრო გლოვისგან. მობრძანებულია შალიკო გუნჯუა, ყოველ დალაპარაკებაზე ფანჯრის მინებს რომ აზანზარებს. მამაჩემიც სადაც არის გამოჩნდება. პუჭიკო ნაალაფარში იქექება. ელეთ-მელეთი მომსდის, ვინაიდან იქ ლექსად გადმოღვრილი ჩემი მიჯნურობა ფართხალებს. სტრიქონები მიძღვნიითა, კლასის დამრიგებლის ასულის მიმართ, საკმაოდ თამამი და ქვეტექსტის გაშიფრვის შემთხვევაში ავღრუბლიანი:

**მა დო ჩქიმი ელხესუ
ნირსეფ მუშოგუძუნა,
ინგირ ბიჯის ნოტეღით
დოყურშილი თხუმწკუმა.**

**მე და ამ ჩემს კლიხეს
ნისლები მოგვისხამს,
ენგურის ბირას ვდგავართ
დაბურულ თხმელასთან.**

**მართუს მეთხოზ მართუ დო
ხუმინუნსუ ფაფაღა,
გასურებუ სერწყუმა
დღაში ეკონთხაფაღა.
რცხონილ აფუ ზღოურსუ
მესხიეფიშ ნაჭაღი,
სამთხიოს მეჭყვადრე
ბადანეფიშ ჭაჭაღი.
ხერზელ ცურა მინჭუაფ,
შუმილ მითნჩგაღანსუ,
ხვალე თოღ რე ქვერსემელ
კინ თოღიში ჩაღამსუ.**

**მორეგს მისდეგს მორევი
და ბუყბუყებს ხაბო,
დასრულებულა ღამესთან,
დღის ჭიდილი.
დაგარცხნილი აქეს ზღვაურს,
მესხიების ნასიმდინდრები,
სამთხიოში შემწყდარა
ბავშვების ჟრიაბული.
ფხიზელი შინ მიჩქარის,
მთვრალი გზად მიაბოტებს,
მარტო თვალია დამეწბრილა
ისევე თვალის უფსკრულში.**

პლატონ ესტატევიჩი ნაალაფარიდან ნალმივით განმუხტავს ჩემს სატრფიალო სტროფებს. ფანჯარასთან მიმდგარი კითხულობს, მერამდენედ ამათვალიერ-ჩამათვალიერებს, ისევ სტრიქონებს მიაჩერდება. თავსაც აქნევს ირონიული ღიმილით.

ძუძუმტე ვერ ანღობს ველოსიპედს თომა სონგულიას, ხერიკოსა და მიხას მოსაყვანად სხვები დაფაცურებულან.

აგერ, მამაჩემიც შემოტეულა სამასწავლებლოში.

ანზორ გუნჯუას ჭოლოკივით სიმაღლე უკვე ყველასთვის ნათელია, ისე ჩაფრენია ყურებში მშობელი მამა და ახტომიალებს ცერებზე.

ედნერს თითისქნევას აკმარებენ;

ჯერი ჩემზეა. ოთხად გაკეცილი ფურცელი ხელიდან ხელში გადადის. ბოლოს დამრიგებელთან ჩერდება გვარიანხობით. გაშიფრულია ჩემი ვნებათაღელვანი. წინ გამჩერებია ქართული ენის ბაირახტარი. ხელს შემომიქნევს გაცეცხლებული. მიზეზად ლექსს კი არა ყომარბაზობის თვალთვალს მისახელებს სასიძოდ შეღერილს. მაჯას დაუვჭერ მასწავლებელს და როცა გათარანებული ამიყვრდება, გიჟივით გავვარდები სამასწავლებლოდან.

არავინ გამომეკიდება.

სტადიონის ალაგესთან ძუძუმტე შემომეფეთება. ველოსიპედი მარღანიებთან დაუტოვებია.

— მოიყვანეს მიშა ბიძია? — მეკითხება დაღვრემილი.

— ხო, შეუტყობინებიათ, — ვეუბნები არანაკლებ გაფითრებული, — ის ლექსი დამიჭირეს, ყველამ წაიკითხა, ნელი მასწავლებელმაც.

— ნელი მასწავლებელმაც? — თვალს დააჭყტს ოთარი.

— უნდა გადავიკარგო!

— რაებს ბოდავ, — მაწყნარებს ძუძუმტე? — მაინც ვერ მიხვდებიან. აი, გამოვლენ ბიჭები და ყველაფერს შევიტყობთ.

— მე მამიას სამჭედლოში დაგიცილი! — ვეუბნები ცოცხალ-მკვდარი.

— კეთილი, — მხარზე დამადებს ხელს ძუძუმტე. — მალე ფეხბურთი დაიწყება და ყველაფერი მიავიწყდებათ.

მამიას სამჭედლოში ხალხმრავლობაა. კამეჩები დაუჭედათ. საბერველთან ერთმანეთს ეცილებიან კაჩუბ აფაქია და ვალერი ბაგინსკი. რევდენ ზანთარაიაც აქ არის, ავთა რატიაც. მამია ბიძია დღეს რატომღაც იგვიანებს. ნოდარ ჭედია არაკუნებს უროს. ესენი გაკეთილებიდან გამოძევებულან საშინაო დავალების შეუსრულებლობის გამო.

უილაჯოდ მოდიან ედნერი და ანზორი. ძუძუმტეც მათ გვერდითაა. ეს მეოთხედი მეორე ცვლისაა და დრო თავზესაყრელად აქვს ბრიკეტას.

სამჭედლოს კუტიკართან მივეგებები ამხანაგებს.

— მაგრად გადარჩი! — მეუბნებიან ბიჭები, — ნელი მასწავლებელმა იტირა. მამაშენი დასაბმელი გახდა.

— რა ვქნათ? — ვეკითხები ძმაკაცებს.

— ერთი ლიტრი არაყი მეგულება სახლში, — ამბობს კაჩუბ აფაქია. მჟავესაც მოვძებნი, პურსაც.

— კონსერვისთვის და პეჩენიასთვის ფული მეყოფა, — შემოგვეხილება ავთა რატია.

— მაშ, რაღას ვუღდევართ, — მოსჭრის რევდენ ზანთარაია, — ბრიკეტა, წამოხვალ ჩვენთან?

— ზედ გადაგყვებით ახლა! სკოლას წრეებს რომ ვურტყამდი ველოსიპედით, მაშინ უნდა გეზრუნათ

უსაფრთხოებისთვის. რამდენ ხანს ვეტირტინე აჩქარას! არაფერმა გიშველათ! ბედჭვილეფი,* ლოთობაც მომინდომეს! თქვენ — თქვენთვის, მე — ჩემთვის!

ფიქორის მიმართულებით მივეშურებით. ჯერ თორმეტი საათიც არ არის. ჩვენი პურ-მარილი ტყავის ჩანთებშია მოთავსებული. თადარიგი გულუხვადაა დაჭერილი. აფაქიებისას შევივსებთ მარაგს და ლევანის მინდვრებით გაგიდისაკენ მივეშურებით.

აქედან ზღვა ორ ნაბიჯზეა. ტლაპოებში კამეჩები ქმინავენ გამხმარი ტალახიანი ზურგებით. ჩაყურყუმელავდებიან ონტუოლაში და ასე ენებვივრებიან თაკარა ამინდს.

ცხენების რემა დაფეთებული მირბის თხმელიანების გასწრივ.

ზღვის სუნთქვა მალე შეიგრძნობა. საჩრდილობელს გავმართავთ ისლიანების მოშორებით, სადაც ბოლახის მიდამოებია. ბალახმოკიდებულ ქვიშრობსა და ფიჩხებს შუა, მზინვარე, გავარვარებული სილაა.

დათრობა ცეროდენობიდანვე დამებეღება.

დიდუდა მარი ჯალაღონხეს ყოველთვის მოეძეება წინსაფრის ჯიბეში ჯიშინი ნიორი და მწვანე მინის სირჩა. გადმოიღებს თაროდან ვასაკსფერ ლიტრიანს, ჩამოისხამს „მუცლის ტკივილის წამალს“, გადახკრავს და მიაყოლებს ნიორს.

ერთხელ, „მაისის ვარდად“ მონათლული ვაშლებისთვის ბალჩისაკენ დილაუთენია წახეტებულს ზღვაური დამცდის სავალალოდ. ერთიანად მიტრიალებს შიგნეული. ჰოდა, გამახსენდება ამ დროს ბებუას „უკვდ ავების წამლად“ მონათლული ბოთლი სამზადში. შევებობდები გაჭვარტლულ თაროს, გადმოვიღებ იმ საჯინეს და ჩაის ჭიქაში სანახევროდ ჩამოვისხამ. ორიოდე ყლუპით გამოვაცარიელებ სითხეს. დამითბება გულ-გვამი. ძლივს ავალწევ კიბეებზე, ისე იატაკზე გავიშლართები და მერე მალვიძებს ვაი-ვიში, „უხანეს“, „ურდუს“ მიქვესკნელება. თომა ბაბუას „ებჭყვიდ, ებჭყვიდ“.

კვლავ ბიქტორ პაპასთან მიმაქანებენ. იქ სწრაფად ამომირეცხავენ კუჭს, ცხელ რძეს მაყლუპებენ „მამის გზაზე ნაადრევად დამდგარს“.

თოლიების ფარფატია.

უკაცრიელია სანაპირო.

გამახარიების ბიჭები გამოჩნდებიან მოგვიანებით. ისინიც გვიწყალობებენ ოჯახიდან ერთ გრაფინ მსხლის არაყს, ცოტა ხანში იმ ერთს მეორეც მოხყვება და როცა მზე დასავლეთისკენ გადაიხრება გვარიანად შევქანავდებით ყველა.

აპოშა ძაძუას ოჯახში რევდენ ზანთარაიას განვათავსებთ, ვახანიებისას სახსარამოცლილ ბაგინსკის, დანარჩენი მოვიჩქარით ფეხბურთის სტადიონისკენ.

აქ უკვე პირველი ტაიმი დამთავრებულია. მოედანი გადაჭედილია ხალხით. სიგრძივ გამართულ მერხებზე ქალები და მოხუცები სხედან, ბავშვები მოლზე დაყრილან, კაცები ფეხზედგომილანი გულშემატკივრობენ თავიანთ გუნდს.

კუკურ ბჟინავას მუხლი მართლაც მორჩენია. ზაურ ჯოჯუა კატასავით იგერიებს აბსანძეებისა და კოლუების შემოტევას. ბიგვავებმაც აიწყიტეს, მირდიკოსიანებმა. ორი ავტობუსით ჩამოსულან ყორშიები, თოდუები, ხუფენიები, არნანიები, ჩანგელიები, სხვანი და სხვანი.

ოტობაიელების თამაში ინდივიდუალური ხელწერისაა. დარჩელებებისაა — კოლექტიური, შეთანხმებული. ერთი ბურთის სხვაობით ვაგებთ. მოუსვენრობა შესჩენია დამსწრე საზოგადოებას. მსაჯი ილიკო ცეკვაშვილია, ოტობაიელების ზედსიძე, მაგრამ — მიუყერძობელი.

დაარტყამს ბურთს ბეკი კუკურ ბჟინავა და მოხუცები ნიშნისმოგებით გადახედავენ ერთმანეთს: — მეხია, მეხი! — დასცხებენ ყუჩინას პატარები.

მატჩის მიწურულს შაქრო ფეტელავას და ჯუმბერ ზანთარაიას დუეტი იმარჯვებს, ოსტატობა ბოლოს და ბოლოს შედეგს გამოიღებს. წონასწორობა აღდგენილია. სიმინდის შეტეხილ ყანაში გადავარდნილი ბურთის მოსატანად გაქანდებიან მალხაზები. აქ ტოლს ვერავინ უდებს ძუძუმტეს.

თამაში სამით სამი მთავრდება. კვლავ ფრეა. საერთაშორისო წესების მიხედვით გამარჯვება დარჩელებს ეკუთვნით, ვინაიდან პირველი მატჩი იქ ნოლით ნოლი დამთავრებულა, მაგრამ ახლა ამას არავინ დაეძებს.

იცვლება მაისურები. ხელიხელგადახვეულნი მივეშურებიან სოფლის ცენტრისკენ. თავი მიბრულებს, თუმცა სიმთვრალეს არ ვიმჩნევ, ან როგორ მიმესვლება შინ, სანამ მამას გარკვეული დოზა არ მიუღია?!

სუფრა ქუჩაშია გამოტანილი. ერთ მხარეს დარჩელები სხედან, აღმოსავლეთით. მათ პირისპირ მასპინძლები მოკალათებულან: ენვერ ჯოჯუა და კოკი ოყუჯავა, გიგლა და გურგენ ძაძუები, როგავე-ბი.

ხერკო პაპასქუა აკორდონს აღულუნებს. მამაჩემს თვალები მოკიჟია.

გადა მესხია ეს წუთია მოსულა ყანიდან, სიმინდის ტაროებით დატვირთული ურმით, საწყობში ჩაბარება განუზრახავს, მაგრამ ვალიკო საჯაიას ქეიფის ეშხში შეუტოპავს. ოტობაიელებს თავის გამოჩენა უნდათ დარჩელებთან, ამიტომაც გადა მესხიას დაყოვნება სწადიათ.

— სად მიგეჩქარება, შემოგვიერთდი კაცო, — ანამუსებს ვალიკო საჯაია, — შეირგე პურ-მარილი. საერთო ზეიმი კულმინაციამდეა აჭიმული.

— წუწობისთვის სად მცალია, მეორე ურემია გამოსატანი შებინ-დებამდე; ამისვე მოთითბრული ვედრო და დამეხსენით, — როხროხებს გადა მესხია.

— ოლონდ შენ ეგ დალიე და ორივე ურემი სიმინდი მიპატიებია, — სიხარულისგან ვარსკვლავებს წყვეტს დარჩელებს წინაშე თავის მოსაწონებლად ვალიკო საჯაია.

გადა მესხია ჩამოქვეითდება. ფიცარივით ხმელ-ხმელია, ბავშვობიდანვე დისიდენტი — მეშვიდეკლასელს მოაშორებენ სოფელს „ჩქინ ლავრენტი ბერიას“ საზოგადოდ დამღერებისთვის. მოურბენინებენ გაკრიალებულ ვედროს ტანსრული ეთერ აბშილავას ასულები. თორმეტი ბოთლი ჩაყურყურ-მელავდება იმ სტადიონისფერ ჭურჭელში. სტუმრებიცა და მასპინძლებიც ცნობისმოყვარედ მიადევნევენ თვალს გოლიათი კაცის საქმიანობას.

— საჭყუმპალაოდ სად მცალია, — როხროხებს გადა მესხია. სამი ლუკმა ძლივს უნებებია და ისე აპირებს ამ კასრთან დაჭიდებას. — ერთი ამოსუნთქვის უფლებას ვიტოვებ, — მხიარულობს ოტობაიელი ლომკაცი.

პირთამდე გალიბლიპებულ ვედროზე დაიხრება გადა მესხია. გურჯინ-გურჯინით დაიყვანს ხელისდადებაზე, მერმე აიტაცებს ზემორე და სამიოდე წუთი გასუსულ მრევლში ისმის ზორბა ყლუპების ხმიანება. დადგამს ვედროს, მიაყოლებს ყველის ნაჭერს, პურს, ცოტაც და ისევ წამოსწევს სანახევროდ დაცლილ ჭურჭელს.

— ის პირველი ნახევარი თქვენი სადღეგრძელო იყო, დარჩელო ძმებო, ახლა ამ მეორეს ოტობაიელებს ვუძღვნი, და რადაგანაც ერთნი ვართ ჩვენ სულით და ხორციით, ამ ერთიანობის უკვდავებისა იყოს! — აგუგუნდება შეფოთლილი ჭადრების ხეივანი.

დაიძრება ღვინო დეკაკის სტომაქისკენ, შეუსვენებლივ, ნება-ნება, ზმორებ-ზმორებით, თითქოს აწ შინაურთა სადღეგრძელებელი საჩქარო არ გახლდეს; ახა, უკანასკნელი ყლუპიც და დასცხებენ ტაშს დარჩელებიცა და ოტობაიელნიც. კვლავ მიატანს რამდენიმე ლუკმას გადა მესხია, მერმე აუწევს ხელებს მოპურმარილეთ, მოაჯდება სიმინდის ტაროებით დაჭაპანებულ ურემს და ვალიკო საჯაიას ჯილდოთი ხელდამშვენებული უტევს გზას სოფლის შემოსასვლელისკენ.

იმ საღამოს გვიანობამდე გასტანს პურობა. მამა, შაქრო ბიძია და მე დროულად დავემშვიდობებით ქეიფს. მიხილი გვიძალიანდება თავიდან, მაგრამ მალე მიავიწყდება დაუმთავრებელი სუფრა.

შაქრო ინდუსტრიული ტექნიკუმის სტუდენტია ზუგდიდში. ჩვენს ოჯახში როცა ამთავრებდა სკოლას, გამუდმებით ლეღვის ძირას ამართულ ზვინზე მეცადინებდა ხოლმე, ვინაიდან პაატას პაპალურს ვერაფრით ეგუებოდა.

პაატა თბილისშია უკვე, ბიოლოგიას ეუფლება.

იაშა ბიძია საშუალო განათლებით მოიჯერებს გულს, ეგრევე იქორწინებს და ცხოვრების უღელს თამამად შეებმება.

ციალა ჯაბუაჯ კოკში გათხოვილა, ბიჭების ტოლისდამდები აღქერქუა და იშვიათი წკრიალა ხმით დაჯილდოებული. მამას გიტარაზე დაკვრა ემარჯვება. როცა მხიარულობის განწყობილებაა, შეწყობილი ხმები აქარწყლებს წუთისოფლის სიღუბჭირეს.

ორთვლიანში ვეტევიტ ყველა. ერთ ოთახში ჩვენი ჯალაბი განთავსებულა, მეორეში — ხიზანი ბიძები. ჯადოქარი ხურო პროკოფი პაკატილოვი, დაუმთავრებელ ოთახში ბინადრობს. ბურბუ-შელებში, ოქროსფერ მტვერში ათენებს და აღამებს. აფთიაქის კარ-ფანჯრები მზადდება იქ. პარალელურად ჩვენს სახლსაც დასტრიალებს ღიმისთვის გაჩენილი ადამიანი. ას გრამზე მეტს ველარაფრით დაალევიანებ.

— მამალიკა, ლობია, გამარდჟობა გოგია, — ახსენებს წარამარა. რუსულს ვახლავოროთებთ მის წინაშე თავის მოსაწონებლად. არასდროს გაეცინება ჩვენს ცოდვილობაზე, ყოველთვის შეგვისწორებს და ასე ნაბიჯ-ნაბიჯ ვითვისებთ უფროსი ძმის მაგიურ ენას.

შაქრო მხიარულ გუნებაზეა.

კიბის საფეხურს აჭედებს ფიჩორში. ფიცარი თელისაა. ლურსმანი იღუნება, გარანდავს გაზით და ჩაქუჩით, ისევ მისცხებს, ისევ გამრუდდება სამსჭვალე. ფერშალი ბაბუა გაღიზიანებულია.

— ქონი წაუსვი, ქონი! — ეხმიანება აივნიდან.

შაქრო წითურია — ბაბუას გაცხარებულ ჩარევებს აინუნშიაც არ აგდებს. შიგადაშიგ წაეჭირქი-
ლება. ისევ მარწუხს ახრჭიალებს. დააჭედებს. როგორღაც შვებით ამოისუნთქავს ოჯახის უფროსი,
ნაბოლარა ძე კი ღორის ქონს დაატაკებს თითს, და თავს წაუპოხავს საიმედოდ დარჭობილ ლურსმანს.

მომდევნო დღეს ფეხის ალაგს აჩინდრიკებს შაქრო ბიძია. ხუროობა უფრო იამას ემარჯვება, მაგ-
რამ მოინდომა, ფეხბურთს შეეშვა, თიაქარისგან თავი დაიზღვია და აბა, რომელი აუკრძალავს საო-
ჯახო საქმეს?

მე ბაბუა ბიქტორის წინ მოკვალათებულვარ ჯორკოზე. სხვები ბურთს დასდევენ ფართო ეზოში.
ბაბუას უხარია თამაშისკენ გული რომ არ მიმიწევს. მიყვება თავისი მოსწავლეობის წლებზე, გიმნა-
ზიაში ყოფნისას რანაირად უჭირდათ ხოლმე რუსული ტექსტების დაზუთხვა. ვიღაც ღვთისნიერი
მასწავლებელი ხყოლიათ, რომელიც ბავშვებს მეგრულად უთარგმნიდა კრილოვის იგავ-არაკებს,
პუშკინის პოემებს და შეგირდებიც სწრაფად ითვისებდნენ თურმე საკუთარ კილო-კავზე გამართულ
სტრიქონებს:

სოდე რდუ დო სოდე ვარი,
ჟი გვალა დო თუდო ბარი,
კოჩი რდუ დო მუთუნ შხვანი,
კვარიას მეჩუ ნოჭკერ ცვალი,
კვარიას მეჩუ ნოჭკერ ცვალი.
ჯაშა ეშელ ქიონით,
ჭკუმუა ოკო ხიოლით,
მარა ჩე რე, ჭკუმუას ორწყე ცოდათ,
ნინძგით მარგება მიორჩქ მოდათ.
მუ დროს კვარია აზრენს თეს,
ტურა ორწყე შორშე ჩეს,
მოტყობუნს, უმარდ ბრელს,
ვოურქენს კუჩხ დო ხეს.
ტურა კვარიას მარდს ოგანს,
ცქუმალათ გურს ურძღანს,
თიმ ცოროფა-ცქუმალას,
ცათენერო რაგადანს:
— კისერ-დუდამო ხანტურელი,
ფსუა გვალო ჭარჭულერი,
მუ გიწუა მა სი ბრელი,
სი თელი დო შხვა ღურელი.
ხონარ ანგელოზი ცალი,
მიჩქუ მითა გიჯგუ შხვანი,
ძირემიარო, ჯგირი დღანი,
ქიგმაგონი ბირა სქანი.
კვარიას მუ დროს უჩქუდ ბირა,
პიჯ განჯუ დო დიძახ: რირა,
გოუტუ ცვალს პიჯდო ნინა,
ტურას ოკოდუნი თინა,
ცვალიშ ხვამილაფა დო ნტინა.

ლექსებით მარი ჯალაღონხეც არანაკლებ მანებვირებს. ჩემთვის გაუგებარია საიდან იტევს ამ
ადამიანების გონება ინფორმაციის ესოდენ მარაგს?! ამიტომაც ყოველგვარ თამაშზე მიმზიდვე-
ლი მათი მოსმენაა. მარი ბებიასგანაც უამრავი სტრიქონი დამხსომებია. აი, ერთ-ერთი მათგანი—
„აბრაგის ნათქვამი“:

სამოხიოს კიჟინი რე
დიდი ომალურეთია,
ციქვლა ქიმეფურცქინუნსუ
კუჩხი უჩაფულეთია:

სამეზობლოში კივილია,
სასიკვდილოდ, ერთის ამბით,
ციქვლა გზა-გზა მიჩურჩულებს
ფეხშიშველი, უქალამნოდ.

— არქა, ძღაბი, ვაკიჟინა,
კოჩი ვეკომკათუა,
სი ურჯულე ცოფექ, მარა
ჩქით მიჩქუნა ნათუა,
შინკაცალო მიმორჩქუნა,
კოჩიშ დუდიშ კვათუა.

— ეხა, გოგო, ნულარ კივი.
ხალხი აღარ შემიყარო,
შენ ურჯულო ყოფილხარ, თუმც
ჩვენაც ვიცით მონათველები,
ნესვისმაგვრად მიგვანჩნია
კაცის თავის მოკვეთა.

მოახლაფორთებს როგორღაც შაქრო ჩეჩმას. კარი ჩამოკიდებულია, გვერდითა კედლები— მიჭედებული, ჭერი უკანაზეა. საკაკუტე ლურსმანს აწვალებს თითებში წითური ბიძაჩემი.

— მაგი რისთვის გინდა, სადუმოვკე აიდე! — ჭკუას ასწავლის ბაბუა ბიქტორი აივნიდან.

— ეტკინება? — ქირქილებს შაქრო ბიძია.

— გადაჭერი ქე მაინც, თორემ დახეთქავს ფიცარს.

— ქონს წავუსვამ!

— გადაქლიბე, კაცო!

— კარგი, მასე ვიზამ, — ყაბულდება ნაბოლარა ფეტელავა. სინამდვილეში ყურს არ ათხოვებს ბაბუაჩემის შეგონებას. დაადღეზს ლურსმანს და მტკაველზე გამოაშვერინებს წამახულ წვერს.

— ალექსევიჩ, ნახე, როგორია?

ბიქტორ პაპა ხვენემით წამოიმართება. ხომ უნდა შეუფასოს შვილს ნახელავი? გამოაღირწკინებს ტუალეტის კარს, მოათვალიერებს შიდა სივრცეს. გამოშვერილი ლურსმანი უხსენებლის კენტი ლაკარტივით ეცემა თვალში.

— ეგ რაღაა, ბიჭო?! ტვინს მიანთხვეს მთვრალი კაცი, — ბრაზობს ბაბუა.

— გეკადრება, ალექსევიჩ, შენი ცილინდრის ჩამოსაკიდა.

მეცადინეობის ჟამს ზაურ ელიავას მოუხმობს ბიძაჩემი. ზაური რამდენიმე წლით ეუმცროსება. შემოიშველიებს ზვინზე ჩემს ამოყვანაში, მერმე ხელს გაუწოდებს ამოსამაღლებლად და სანახევრომდე რომ ამოაღწევინებს, ჩამოაზღართანებს ძირს სევერიანის უმცროს ვაჟს. მე კი ამგვარი დიალოგით მახიბრებულს:

— სტალინი გირჩვენია თუ ლენინი?

— სტალინი, — ვიტყვი მიამიტად.

— სტალინს წვერი რომ არა აქვს?

— მაშინ — ლენინი, — არ ვცხრები მე.

— ლენინს თმა რომ გასცვენია?!

— აბა, რომელი? — ვერ ვმაღავ გაოცებას.

— ბაბუაშენი ბიჭო, ბაბუაშენი.

— რომელი, ბიქტორი თუ თომა?

— შენ ამოარჩიე.

— ბიქტორი! — მოვჭკრი გვარიანი ყოყმანის შემდეგ.

— ბიქტორს რომ ბუზინი უყვარს.

— აბა, თომა.

— თომას რომ ჩუქინი ემარჯვება?

შაქროს ხასიათის სიბასრე მრავლად გააკაფვინებს გზას ცხოვრებაში: ორმოცდაათი წლისას შეეძინება პაპაჩემს, თითქმის შვილიშვილად ერგება. ამიტომაც მარტოკას უხდება ლელოს გატანა. ორ უმაღლეს სასწავლებელს დაამთავრებს მიყოლებით, უთვისტომო, ურეპეტიტორო, უფულო, მაგრამ თავის თავში დარწმუნებული. წარბს ვერ შეახრევინებ ჩხუბისას; უსულგულო ლექტორებს მისაღებ გამოცდებზე თვალებს გადმოაკარკვლინებს ყელში წაჭერით. სამართლიანია. სარძლოებს მზითვით და მზეთუნახაობით არ დაეძებს, მთავარია ერთმანეთი სწამდეთ ახალგაზ-რდებსო. არც მძიმე სამუშაოს დაუფრთხება დევნილობის ჟამს, მაგრამ ჭერ ხავერდოვანი წლებია.

მოვისვენებთ სანახევროდ მომთავრებულ ოდა-სახლში. პირველი სართული კვლავაც ფარღალა-ლაა. მართალია, ცემენტის ქათქათა სვეტებისთვის დედაჩემისა და სამეზობლოს ბიჭების დაჩურგულებული ბლოკები შემოუშენებია შოთა ანჩაბაძეს, მაგრამ შელესვა და მოპირკეთება ვერ მოგვისწრია. კიბეები ხისაა. სახელურები ყოველთვის ყანყალებს. სამ-ოთხ წელიწადში საფეხურები გამოსაცვლე-ლია.

ღარაბებს მართლაც ჩინებულს გარანდავს პროკოფი, მაგრამ რად გინდა ხელოსნის ოსტატობა,

როცა ბრიდის პროფილით მოხიბლულს სამიზნედ მიქცევია და ყოველი გოჯი დანის წვერით უმოწყალოდ დასვრეტილა. მიმასიკვდილებს გელენახე, დამამწყალობნებს ბიქტორევიჩი, თუმცა ახირებას ვერაფრით მომამლეინებენ. გადახრილი, მეწლე მსხლის ძირას ვაყენებ უმცროს და-ძმებს რიგ-რიგობით და ცირკის არენაზე გამოსულ ოსტატივით ვასობ და ვარჭობ გარშემოწერილობაზე. მალე ერთითად გავიუმჯობესებ ხელმარდიანობას. ასაკეცი ლოგინის, „ლეჟანკას“, ალუმინს გადავხერხავ ქლიბით, ამოვტენი ფიჭვის ჯოხით, ერთი მხრიდან ქოლგის ფოლადის ჩხირს ჩავარჭობ სადგისივით, მეორე ბოლოს გახურებული ლურსმნით გავუხვრეტ ბატის ფრთის მისამაგრებლად და მოგეცა ლხენა! კომკავშირის საწვეროების ანაკრეფს ახლა ამ საოცარი იარაღის საფასურიც დაემატება. კლიენტურა უამრავი მყავს და გოგოების გამასპინძლებითაც შეუდარებელი ვარ დგებუაძის საჩაიეში.

კომკავშირში გასაწვევრიანებლად მოსწავლეები მე დამყავს გალში. იქ უამრავ უფროს მეგობარს გავიჩენ: რუდიკ ჯანაშიას, პავლიკ ქვაჩახიას, ზოია გოცირიძეს, „ლენინელის“ რედაქციის თანამშრომლებს: ბერიებს, სალაყაიებს, შონიებს, ფოტოკორესპონდენტ ლერი შენგელიას, დომენტი ჩაკაბერიას, მირიანე ჭკადუას.

მიბეჭადვენ წვრილ-წვრილ წერილებს, ლექსებსაც, რომლებშიც ჩემი სიტყვები სანახევროდ შენარჩუნებულია და თავჟარიანი სოფლკორის სიხარულს საზღვარი ძნელად ეძებნება, თუმცა ჯერ საზარელი დამე არ გათენებულა.

დილაუთენია თავზარი დაეცემა მთელს სოფელს — ხერიკო პაპასქუას სასიკვდილოდ დაჭრის ჟოკერ როგავა. ერთად პურმარილობდნენ დარჩელებთან, შინ მიიპატიჟებს, იქაც სვამენ ორნახად არაყს, მერმე შელაპარაკდებიან და ამ დროს პურის საჭრელ დანას მუცელში გაუყარის ძმაკაცს ფიცხი ჟოკერი. თვითონ მოიკიდებს ზურგზე სისხლისგან დაცლილ მეგობარს. სოფლის ცენტრამდე მოაღწევენ, საავადმყოფოში მოათავსებს გულშელონებულ ამხანაგს. ბართლომე ფეტელავა სასწრაფოდ გალში გაწერს მომაკვდავს. ჟოკერი მილიციაში გამოცხადდება და მერმე ის უბედურის შვილი ციხიდან ვერ გამოაღწევს საგანგებოდ ცხრაკლიტულში ჩამჭდარი ალიოშა პაპასქუას შემწევობით.

შავი კატა გაირბენს როგავებსა და პაპაშვილებს შორის. ჯერ კიდევ არის იმედი, მთელი კვირა სიკვდილს ებრძვის ხერიკო. სოფლის ბიჭები უშურველად გაიღებენ სისხლს: საჯაიები, რატიები, ზანთარაიები, მესხიები... მოწამლვას ვერაფერი შველის, სანთელივით დნება ისედაც ოქროსფერი ჭაბუკი, სევდანარევი ღიმილით იღვავა.

ოტობაიაში აყლმყალი, გამოწვევები და ერთი ერთზე დარტყმები ჩვეულებრივი მოვლენაა. ძალას ისინჯავენ ჭეღვლები, ზედმეტი სისხლი უნდა გამოუშვან.

ამბროსი ბაბუას ნათქვამია:

— გურგენ ძაძუას ბარძაყს მიწაზე დამდეგი არ დაბადებულა, მაგრამ ხომ ხედავ, ლოთობამ როგორ დააბეჩავაო?

მუშტი-კრივში შეუდარებელი რამდენიმეა: გიგლა ძაძუა, ენვერ ჯოჯოუა და კოკი ოყუჯავა. ესენი ხელდაუჯარებლებად არიან მიჩნეული. ერთხელ ენვერი და გიგლაც დაეჯახებიან ერთმანეთს. სასაფლაოს სიახლოვეს ღელემდეც კი ჩაედევნებიან ურთიერთს. ენვერ ჯოჯოუას თავური ემარჯვება, გიგლა ძაძუას კი ახლო ბრძოლაში ვერავინ დაუდგება. კოკი ოყუჯავა აერთიანებს ორივეს ღირსებას. ჯიქსაც ამიტომ ეძახიან. დაცხრებიან ბიჭები ბათქაბუთქით. გადაუკოცნიან დასისხლიანებულ სახეებს. ჩავლენ ეგრევე დაღლეტილები პოლიას სასადილოში და დილაამდე მოუღებენ, მკლავის სიძლიერეს უჭებენ ერთურთს.

პაექრობა შეყვარებულების გამოც იმართება არცთუ იშვიათად. ჩხუბობენ ბელქანიები, ჭანიები, ქირთბაიები და ბოხუები, მესხიები, თორღუები და ხალვაშები, მაგრამ ბოლო ყოველთვის მშვიდობიანია, ვინაიდან ჩხუბში დანა არ მონაწილეობს. აქ კი ცივმა იარაღმა ტრადიცია დაარღვია, სანთელივით ხერიკოს სიცოცხლე თვალსა და ხელს შუა ქრება.

სოფლის ცენტრში ძუძუმტე მხვდება. ხალხმრავლობაში ავტობუსისკენ გზას ვიკავავთ. ყველანი სისხლის ჩასაბარებლად მივიჩქართ რაიონული საავადმყოფოსკენ, მაგრამ გვიანია უშურველი დონორობა. ნაბაკევის გადასახვევთან მანქანების ესკორტი შემოგვეგებება. მოასვენებენ სოფლის მშენებელ ოქროსთმიან ხერიკოს. ავტობუსი ერთადერთხელ დაარღვევს განრიგს და უკან მოაბრუნებს აქვითქვითებულ საზოგადოებას.

პაპაშვილების ტრაგედია მთელს ოტობაიას დაარეტიანებს. ძაძვებით შევიმოსებით ნათესავებიც, მოყვრებიც, მოკეთენიც, სრულიად უცხონიც. მთელს წელიწადს გახუნებული სატინით დავიარებით.

უკვე მშობლიური ხდება სოფლის სასაფლაო. უკვე თავი არ მელრიცება სამშვიდობო სივრცეებისკენ; უკვე ჩვენი ოქრო ხერიკო განისვენებს სამარადისო ალაგას და შიშიც უკუდგება. მამას რომ

გავაბატონებ მოგვიანებით, ეს შიში საერთოდ გამოვრდება გულს და ამიერიდან სასაფლაო განუყოფელ ერთეულად მოველინება ჩემს არსებას.

უამრავ პიროვნებას გავაცილებთ ამ გზაზე: მალერ აფაქიას და რენცო ბახტაძეს. პირველი აუჩქარებს თავის სიცოცხლეს, გადაჭრილი თოფით მოისწრაფებს საწუთროს. სკოლის სტადიონზე რამდენიმეგზის შემოვატარებთ მის ცხედარს.

რენცო სუხიშვილების ანსამბლში ცეკვავდა ერთ დროს, მერმე „რუსთავში“ გადაინაცვლებს. დატალღულთმიანი თანასოფელიც აქ დაბინავდება, ამ ყურადღებამ არემიდამოში, და კიდევ მრავალი გულისწამლები მოყვასი, ხანდაზმულნი თუ ძუძუთა — ბახვა ელიავას პირში, წავლენ, წარიტანენ გულის ნაწილს, გამშობლიურდებიან საუკუნო სავანეში. მარმარილოს თავსასთუმალზე მიასვენებენ დალილი-დაქანცულ სხეულებს თუ ნაკადულივით მოჩუხჩუხე სიცოცხლეს.

მამლები კი ყვიან. ბუხრებიდან ძველებურად ამოდის კვამლი. ძაღლები ღავლავენ. ველოსიპედები დავიწყებას მიეცემა. ავტომობილები მოგროვდება ოტობაიის მოასფალტებულ გზებზე.

ახლა თეთრეულს უმფოთველად გამოფენენ აივანზე ქალები. მტვრის ფენილების მზე ჩაესვენება, მხოლოდ აყვავებულ ალუბლებს და ტყემლებს შერჩებიან ისინი წარსულის მონუმენტად და კიდევ — სისხამის ჯანღებს ძვალ-რბილამდე რომ შეანოტიოებს ხოლმე თხილის ქვექვერია ბუჩქებს და ბოლოს უმთავრესს — შემოქმედის სულს, რომელიც დღენიდაგ რაღაც ხელშესახების დასაპყრობად შესჩენია თვალშეუდგამ სივრცეებს თუ ყურისძირას მოჩქაფუნე წუთისოფელს.

ბორჯი მეოთხე

საქართველო ნამყნ ხესა ხგავს, რომლის საძირე კოლხეთია, ხოლო კვირტი — ქართი — ამერ-იმერი ჩვენი.

უერთმანეთოდ ამ ორ ეთნოსს არსებობა არ უწერია, პირველის ცხოველმყოფელობა ზეცისკენ მიაწრაფებსმეორეს, თუმცა ამის თაობაზე უფრო გამოწვლილვით ვიმსჯელებთ ქვემოთ.

ახლა კი ისევ ჩვენს ორლობებს მივუბრუნდეთ, ჩვენს გაჭირვებებს და სიხარულთ, ცრემლის მომგვრელთ ორივე შემთხვევაში.

ოქროს თუ ვერცხლის მედლის მოსახელთებლად თვით დედაჩემის ორანი და შიშიც უძლური აღმოჩნდება, ვინაიდან მათემატიკის ტურში ლოგარითმული ამოცანის ამოხსნის ნაცვლად არშინიან სატირულ ლექსს გავაშანშალებ მიკერძოებულ ოლიმპიადაზე გალში და დავრჩები უჩინმედლოდ, თუმცა სავესებით წარჩინებული — ფრიადოსანი; აკორდეონის, გიტარის, კრივის ხელთათმანებისა და უკარება შეყვარებულების მეპატრონე, წინ მომლოდინე ქარიბდასა და სცილას სრუტით, იგივე საწუთროთი, დღენიდაგ ქვიშის საათივით რომ ჩამოგმარცვლავს და ხელისგამწოდებელიც ნაკლებად გამობრწყინდება საადამიანოში; მაგრამ, რადგანაც ვალდებული ხარ ათრიო წარმავალი სხეული სამნათობო საქმეთათვის, ვინაიდან მოწადინებული ხარ აჯობო საკუთარ გულნამცეცობას მარადისის სახელით, მოჭიმულ-მოშვებული ერთდროულად მიემართები გაურკვევლობისაკენ და გეიმედება: საბედნიეროდ მართო არა ხარ.

უკვე გელენახე უნივერსიტეტში ვერ მმფარველობს „სოფლელ ბაღანას“ და ჩემს ჩათვლის წიგნაკში მიყოლებით ჩამწკრივდება „კარგები“ და „დაძაქმყოფილებლები“ ეული „ფრიადების“ გვერდით.

მაღე მამაც გარდამეცვლება. ესეც აღმართში მოწეული ქვა.

უნივერსიტეტის წლებიდან ლიტერატურული საღამოები მომყვება.

მახსოვს, ჩემი ლექსების პირველ საჯარო განხილვას კრიტიკოსი ბესარიონ ჟღენტი ხელმძღვანელობს. წასაკითხ ლექსებში რატომღაც გვერდიგვერდ აღმოჩნდება ორი მინიატურა — „წვიმა“ და „ქოლგა“. აქამდე მთვლემარე ალბინოსი მეტრი უცებ გამოცოცხლდება:

— შენ რა გიჭირს, ძამია, წვიმაში ქოლგა გქონია, ეს ჩვენ ვიკითხოთ თორემო, — ბრძანებს. ქვეტექსტი ისედაც ნათელია და ირონიით თავმოყვარეობა შელახული კათედრას მივატოვებ, აუდიტორიასაც; დაკვუჭავ იმწამამდე ლამის შედეგრებად შერაცხულ ავლადიდებას და აბოლებულ სანაგვე ყუთში ვდურთავ.

ლექსებს მერეც ვწერდი და ვწერ. ესეც ცალკე საუბრის თემაა. დავსძენ იმას, რომ ჩემს სტრიქონებს ხელოვნურობის ელფერი დახკრავდა ყოველთვის. არადა, რატომღაც მწამდა უსათუოდ შევქმნიდი ფასეულს.

მოგვიანებით ვხვდები, უმთავრესი მიზეზი ჩემი პოეზიის არაბუნებრიობისა ენობრივი ბარიერია.

ჩვენ, სამეგრელოში დაბადებულებს და გაზრდილთ, სულმუდამ გვიძნელებოდა გულისნადების

პოეტური ერთი გამოხატვა, ცხადია, ვგულისხმობ სალიტერატურო ქართულს.

ვკითხულობ ტერენტის, ჩიქოვანს, საჯიას, დიდ კონსტანტინეს და ვააშკარავებ, რომ პოეზია ნასწავლი ერთი თავისუფლად ვერ ნაფარდობს. იმჟამინდელ სამეგრელოში კი მშობლიური ქართული ჯერაც ძუძუენად არ აღიქმება. მხოლოდ გაკვეთილებზე ვსაუბრობთ ქართულად, დანარჩენ დროს მთელი სამეგრელო მეგრულად ფუსფუსებს შინ თუ გარეთ, მეგრულად აზროვნებს, მეგრული კონსტრუქციის წინადადებებს პირდაპირ თარგმნის მეტყველებისას და დედაქალაქში უმეტესწილად მასხარავდება რბილი „ლას“-ების გამო.

ჩემი კუთხის უკუღმართი ბედისწერა დამდასავით მეც თან დამყვება წლების მანძილზე და ბუნებრივია, სწორედ ეს მიბიძგებს ლექსების წერა მეგრულად დავიწყო.

ახლა იმ ლექსებს აქა-იქ მღერიან კიდეც, მაგრამ საქართველოს გათიშვის ფასად მოპოვებული დიდება პროვანსელი მისტრალისაგან განსხვავებით ხელს არ მძღვეს და ჭირთათმენით როგორღაც დავიურვებ ცთუნებულ სულს. ისე, იმ ლექსების ადეკვატური გადმოქართულება თუ კი ოდესმე მომიხერხდება, მიმიხვდება მრავალტანჯული სამშობლო, როგორი გენია-ცეცხლი მიბარბანჯებდა გულში თურმე, რა მდულარე მითუთქავდა სულს, რა ხალასია ძუძუენაზე ვაჟისაებრ დაქვითინებული, ან კიდე რანაირ საუნჯე-სალაროზე მითქვამს უარი ნებაყოფლობით.

გვიჭირს. ობლობა. დედა ბაზარში ხუთფუთიანი სიმინდის ფქვილის ტომრებით. ზამთარში ჩალის ფასად გაყიდული მომავალი შემოდგომის თხილის გროშები. ამის დიდოსტატი ამირან ხუფენიაა. ხუთივე და-ძმა მეურნეობის ფართობებში კომბოსტოს ჩითილების დასარგავად. მონური შრომა უფროსი ძმის უძღები მადისთვის.

ფოსტაში ოცმანეთიან კაცად მცნობენ. დედამ იცის ჩემი დარდიმანდული ხასიათი, ჩემი ხარისხარალობა. აკი, ქაქალინოსაც მეძახიან ნათესაობაში, და ფულს ამიტომაც მიგზავნის დანაწევრებით.

პრეფერანსსა და პოკერში ყისმათიანი რომ ვყოფილიყავი შრომის გზას ნამდვილად არ დავადგებოდი. გამოსავალიც გამოჩნდება. რკინიგზის სადგურში ქვანახშირით დატვირთულ ვაგონებს ვცლით სამოც-სამოც მანეთად ორნი, ლექციაზე კი წარამარა მეთვლიძება და ჯგუფელების ქირქილი წამომათარანებს ხოლმე.

კურსზე ნამდვილ „ფილოსოფოსებთან“ ვხვდები. ისინი წამადაუწუმ მალალ მატერიებზე მსჯელობენ. სულ ჰეგელის, ზაიდეგერის, შოპენხაუერის ხსენებაში არიან. გადაკარგვა მინდება ცოდნის ვეშაპებში ჩავარდნილს, თუმცა იგივე ლაყობა-მასლაათი გრძელდება მომდევნო წლებშიც და როცა ერთხელ ხეგელზე კამათისას, აბსოლუტურ გონს, დიალექტიკას, ტრიადასა და მისთანანს ვახსენებ, თვალებს დააჭკეტენ. გაირკვევა, რომ იმ ჩემი ცოდვით სავსეებს, სახელებილა ცოდნით ცნობიერების ამ მართლაც გიგანტი მკვლევარებისა.

ზოგი ჭირი მარგებელიაო ამაზე ითქმის, ვინაიდან უნებლიეთ ზერელობას გადამარჩენენ; რადგანაც ფილოსოფია, ფსიქოლოგია, სკოლაში ჭირით მოძულებული ბიოლოგია არსებითად განსაზღვრავს ჩემს შემოქმედებით პალიტრას — რომან-ტრიადა ესე უამრავი ვარიანტისა და რამოდენიმე ასეული სპეციალური ლიტერატურის დასინთეზების შედეგია.

უნივერსიტეტში კუნტრუში სწრაფად ჩაივლის და იწყება დიდი უსახსრობისა და უპერსპექტივობის წლები; უნუგემობის, უსაშველობის ნალველნარევი განცდა; ჟურნალ-გაზეთების რედაქციებში კარების ჯახუნი, უმიზნო ხეტიალი ჯერ საქართველოს კუთხე-კუნჭულებში, მერმე — მის ფარგლებს გარეთ: ბუხარა, სამარყანდი, კუმისი და ყაყაოსმიერი ხალუცინაციები; ბალტიისპირეთი, ნევის პროსპექტი, კიევი, მოსკოვი, ტიუმენის ყინვა და ჭირხლი, ლუკმაპური ტყისმჭრელებთან და მებაღურებთან.

ცოტაც და ჩემს არსებობას მიზანსწრაფულობა დაეზურგისქარება — მწერალთა კავშირი მშობლიურ კოლხეთში გამგზავნის შემოქმედებითი მივლინებით. იქ, განუმეორებელ ზუგდიდში, ქველმოქმედებიც გამომიჩნდებიან და ჩემი ცხოვრებაც მოჩხუბარიძის ყისმათს დაეტყუპისცალეზაგარკვეულწილად.

ბუნება, ხელუხლებელი სივრცეები, კეთილი მწყემსები: იპო ფაჟა, ნუგო ბიჭია, ვალიკო ფიფია, მოტორიანი ნავი, ლერწმოვანები და ნამდვილი ტყაჩუ* იროდი სართანია; ქალალდი და საწერ-კალამი, ყურადღება, ერთუთქმელი ყურადღება.

ტრიადა გამიჯანჯლდება. დედა წუწუნს უხშირებს. ხელმოცარული შვილის თვალთვალს, ცხადია, როგორც უმეტეს მშობელს, სავარძლიანი, ბინიანი, დაწვრილშვილებული მემკვიდრის სუფევა ურჩევნია. ერთხელაც მკვახედ მომახლის:

— ეტყობა მწერლობის ნიჭი არ მოუმაღლია შენთვის მამაზეციერს. გირჩევდი ექიმობას, მაგრამ არ ინებე! შენი წამების შემხედვარეს მეტის მოთმენა არ შემიძლია. წადი, დედაქალაქში და მუშაობა დაიწყო, — წამში წყალში ჩავუყრი ამაგს ნაჯაფარ დედას. შეგკრავ ხელნაწერებს, ზუგდიდის შალვა

დადიანის სახელობის თეატრის დირექტორის, ცხონებული ალექსანდრე □საშა) ეგუტიას ნაჩუქარ საბეჭდ მანქანას და თბილისს მოვაშურებ.

ოცი მანეთით გამოვესწრაფები შინიდან. ათი მანეთი გზაში დამეხარჯება, ხოლო მეორე ათით როგორ ვივაგლახებ სტუდენტულაქში მთელი ასერგასი დღე, სხვა დროისათვის შემოვიწინოთ სათქმელად: ორთქლზე დაღობილი პური და ჩაი, სტუდენტების მოსაკითხი, გულწრფელი ცნობისმოყვარეობა და თანადგომა. „ცისკარში“ „სიცოცხლემისჯილის“ პირველი წიგნის საჟურნალო ვარიანტის გამოქვეყნებაც უკიდურესი ხელმოკლეობის ნაყოფია. მაინც ვებრძვი სიტყვას, ჯიუტად მივუყვები ერთხელ არჩეულ გზას, რომლის კვალობაზე ჩემი კოლხეთის, ჩემი საფიცარი საქართველოს ორმოცსაუოვანი ისტორიის ზნეობრივი მათიანეს განხორციელება დამისახავს მიზნად. ასე გაიყრება მერამდენედ ჩვენი ბილიკები, რათა კვლავ ვპოვოთ ერთმანეთი, მერამდენედ აღმოვაჩინოთ ერთურთში დანაღმული საგანძურები. უნებურებით მოძალებულ სევდას კი ვერაფერი გამინელებს, ვერც — მტკვრის დუღუნი, ვერც — მთაწმინდის მთვარე და ველარც — სულმნათ ადამიანებთან გაბაასება საქართველოს უმაღლეს პანთეონზე.

სიყმისეული დიალოგი ისევ გრძელდება ჩემსა და ენგურ-მდინარეს შორის, ძილშია ეს თუ ღვიძილში. იკინძება ენგურპეის კაშხალთან დაკავშირებული მასალები. უბრალო ინფორმაციასაც არ ვუშვებ ხელიდან, ამოვჭრი და სათუთად ვინახავ. ვიხელებ მერმე დროს, მოხერხებულ ალაგას მოკვალათდები და შორიდან გავესაუბრები მშობელ-მდინარეს. ერთხელ მე ხომ იგი მთლად გადაქათქათებული მესიზმრება დედის რძით სავსე, წამოდულებული თანაც, ნაპირებს რომ აწყდება. ხოდა, მივძალებივართ ამ უკვდავ წყაროს ორივე ხაზოდან მე და ძუძუმტე: აბა, რომელი დავასწრებთ ამოხვრებას, მაგრამ ჩვენი გულმოდგინე მეცადინეობა-ჯიბრი უსუსური; რაც მეტს ეწაფები, უფრორე ბევრდება და ზავთდება ტირიფიანი უბებების ასაწიოკებლად.

დღითი დღე იზრდება ენგურხესის დოსიე, როგორც ღვიძლი მდინარის სიკვდილში მამხილებელი უტყუარი საბუთი.

წელიწადში ორ-სამჯერ მშობლიური სოფლისაკენ გადმოხვეწილი, ბორნით გადავცურავ საყვარელ ენგურს, გავხედავ თვალსა და ხელს შუა მოდონიერებულ ოტობაიას.

— რაც აქ რკინა-ბეტონია, სულ კაშხალის მშენებლობიდანაა დაცინცლული. ხომ ხედავ სურამის ციხესავით როგორ ჭიანჭურდება შენი მოთოკვა?! — ვეჩურჩულები მდინარეს ნოჩო თაკალანძეს სიტყვებით.

ხანდახან გამამართლებელ სამხილად წინამორბედი მწერლის, ნოდარ წულეისკირის მოქალაქეობრივ პოზიციასაც შემოვიშველიებ, რომელიც შრომის გრანდიოზულ რიტმს მსხვერპლად შესწირავს ორი უმწიკვლო ახალგაზრდის, ზესნახესა და ბუძგურის უმანკო სიყვარულს და ამით მორალურ საფუძველს გამოაცლის ნებისმიერი რეზონანსის მშენებლობას, თუკი იგი ზოგადკაცობრიულ ინტერესებს უპირისპირდება.

იქ, სადაც ადამიანური განზომილებები, ფასეულობანი მარცხდება, რკინა-ბეტონის ზეიმი აბსურდიაო, იკითხება ნოდარ წულეისკირის რომანის მორალიდან და მეც იმ სირაქლემასავით ვმშვიდდები, აშკარა საფრთხე რომ მოსდგომია კარზე, მაგრამ დიდის მოხერხებულობის წყალობით თავი ქვიშაში უდურთავს.

ამ აღრიან გაზაფხულზე გაზეთები დაუჯერებელ ამბავს მაუწყებენ, გამენდობიან, რომ ენგურს ძველ კალაპოტში დინება შეუწყვეტია და ამიერიდან გალის რაიონში გაჭრილი არხით გაიკვლევს გზას შავი ზღვისკენ.

ვერძნობ, რაღაც მშობლიური, რაღაც მახლობელი წამერთმევა ერთხელ და სამუდამოდ, მაგრამ იხტიბარს მაინც არ ვიტყვ, ვერ ველოვი სულზე ძვირფასსა და სანატრელს. დაახლოებით ამგვარი გრძნობებით შეპყრობილი მივადგები ორსანტიიდან დედა-მდინარეს.

ჩემს სულს ამაზრზენად აშმორებული სივრცე და სანახები მოეყრდნობა სავალალოდ.

ენგურის ორდინარი უხმოლო ქარქაშვიით აგდია.

წარმოსახვა ვერ აღავსებს ნაკლულ ნაპირებს, გონებას ეუძღურება დანაცრული-დაშრეტილის ფენიქსივით მკვდრეთით აღდგენა, სამაგიეროდ გაცემა იფეთქებს ჩემში, გაცემა და ცრემლის კრიალოსნები.

ალაგ-ალაგ დაგუბებულ მდინარეს ფერადი ზოლივით გასდევს ფაბრიკა-ქარხნების გადმონთხეული დორბლი და დარდუბალა.

გაღმა ნაპირზე დარიყული ბორანი არვეს გაუესია.

უკაცრიელობა, უთვისტომობა მოერევა ჩემს ნებისყოფას...

იმ დღიდან მოყოლებული შურისძიებით აღივსება ჩემი არსება.

სამსახურს დაავადებ. ზუგდიდის რაიონის ზღვისპირა ჭაობნარში, ჭურის მწყობრებში გავრევი. საუკუნეს მიტანებულ მეტყვეს, იროდი სართანას დაუძმაცადები.

ჩაუჯდები დაიწყების მტვერმოყრილ მითებს, არქივის სიყვითლე გამჭდარ მასალებს, რათა „უნი-კალურ, უბადლო თალოვან კამხალს“ რაღაც მატერიალური, სულიერი განზომილება დაუპირის-პირო.

ტრიადა „სიცოცხლემისილებს“ პირველი წიგნი როგორღაც გასრულდება. აქ სამი თაობის ადამიანების გვერდით ბინდისფრად რბის ენგური; ებრძვის ნაპირებს, არღვევს დამბებს, ჯებირებსა და გაბანებს, ატრიალებს წისქვილებს, ანოყვრებს სახნავეებს, აწიოკებს ფრინველ-პირუტყვს, რათა ძე-ხორციელმა სიფრთხილე არ დახკარგოს, არ მოღუნდეს, არ გადაჭიმდეს, თუმცა საბოლოოდ იქამდე მიკნინდება, იქამდე მისაბრალოვდება იგი, რომ კოჭლი ჭოფია ანთარის ბორნის თრევაც გაუძნელდება.

ასე და ამგვარად დასრულდება მისოუსტის მომტაცებელი სტიქიის ქვემო დინების სევდანარევი ისტორია;

ამგვარად დაირიყება მის ფსკერზე ბორნებიცა და არაბიას ფაფარსწაბლაუჭებული წარსუ-ლიც; ასე მინებდება იგი „ინდუსტრიული საქართველოს მხურვალე მაჯისცემას“; ასე გაპარტახ-დება ჩვენი უმწიკვლო, უანგარო მეგობრობა.

„პეტრეს პარონი“ გაუქმებულია. ხიდისთვის თანადროულად იჩალიჩებენ ოტობიანელები, მაგრამ ამჟამად გარემოება მიძულებს გზა ოციოდე კილომეტრით გავიბევრო, განმუხურის რკინის ხიდით შემოვუარო ჩემს სამკვიდრობელს, ოდაბადეს ჩემსას, მექას და ოაზისს ჩემი სიტყვიერებისას.

განზე მრჩება მდინარის უშველებელი, საწნახელივით გავეშებული ტანი. განვერიდები ორსანტიას, დედისიანების საუფლოს, საგელენაოს; განველტვი კოკს, საუკუნოვან ნალიმას და გივი ესართიას მითხოვებულ მამიდაშვილ ციალა ჯაბუას საცხოვრისს; გვერდს ავუქცევ ახალ კახათში დაფუძნებულ სისხლხორცთ — გოგიჩაიშვილებისა და ჯალაღონების საბრძანისს.

მაკვარანცხა ლუარა ბიძაშვილად მერგება. განმუხერელია, ფილოლოგი, აბელის ასული, ეთერ დეის ძმისშვილი, ბებია მარის თარგი ფესვი. ფიჩორში მასწავლებლად ჩამოსულა.

ზამთრისპირია. ოტობაიდან ბაბუა თომას საუფლოსკენ მივაცილებ. მთვარე ჭიოტებს ზემორე და ავყია ძაღლების წამოშლილი ლანდები აქა-იქ ჭინჭარზე უმწვავესად იკბინებიან.

ლუარამ ხუთი თითივით იცის ჩემი გატაცებანი და შეუფერხებლად მაქაქანებს, ოღონდაც რამე-ნაირად შემოკლდეს ცხრაკილომეტრიანი თემშარა და მათხოჯი სტრიქონი უფლისწულად შეფასე-ბულა.

ვახშობის მიწურულს ჩავაღწევთ ბორსუს უბანში ძაღლების ასაგნისებლად და ქანდარაზე შე-მომსხდარი ქათმების ასაკრიახებლად.

— სასაფლაოსთან გამაფრთხილეო, — მეხვეწებოდა ლუარა. თოვლს მივაჭრაქუნებთ. ხელმარცხნივ ამოვდგომივარ თვისტომს და მივერეკები კოჭლი მერნებითა და ჯაგლაგა როსინანტებით.

შენგელიების სამოსახლოებს რომ გავუთანასწორდებით, ალექსანდრე ბერიშვილის, ამ ცალფეხა დევგმირის (ნებისმიერ ჯანსრულ ადამიანზე უკეთ რომ ჩაგრაგნის ღობეებს თხმელის წკნელით), მო-სახვევთან შეყოვნებულს, კვლავ ჩამეკითხება ბიძაშვილი ლუარა:

— ვხედავ, მოვედით, მაგრამ სასაფლაო? სასაფლაო სადღაა?

— საუბარში გამოგავიწყე! — ვუცინი და აქედან მოყოლებული სამუდამოდ ვმეგობრდებით.

მისი გაბედნიერებაც თომა ბაბუას წყალობაა. ეთერ დეისა და ნაპო ბიძის შეუღლებაზე მომიხ-სენებია. აწ სიკვდილის პირას მისული ნაბოლარა ამბროსის ანდერძად უტოვებს:

— უკან მომდევნებოდეს ყველა, ვინაც ლუარასა და ბორისის ერთად ყოფნას ხელს შეუშლისო, — დაიბარებს და რომელი გაბედავს აღუსრულებლობას?

ბორის გოგიჩაიშვილი, როგორც ჩვენში იტყვიან, ყვავილია, ბაბუა თომას დის შვილისშვილი; ლუარა — ბებია მარის ძმისა. ორივე მენათესავება ტრადიციისამებრ და ერთხელაც ახალკახათში ახლობელ ადამიანებს წვეული გაჩაღებულ ბუხართან რომ გავლაღდები, დალოცვისას სიძეს ვუწო-დებ ბორისს, რითაც გვარიანად გავანაწყენებ ლუარაზე არანაკლებ მოყვასს, თუმცა ახლა, მშობლი-ური ოტობაიისკენ დამიზნებულს, აღარ მცალია გოგიჩაიშვილებთან ჩამოსახლოვანად; არც დარჩ-ელებ თოდუებს და ყორშიებს ესტუმრობ — ბებია მარის დისშვილებს, თუმცა მანქანა სახალტურო-ზეა გამოჭერილი ავტონისპექტორ სერგო როგავას მიერ და სადღელამისოდ ნაბოძები.

დარჩელის გადასახვევთან დედაბერს წამოვეწვი. ტროტუარზე მიდგება მკვლავდაძაგრული მან-დილოსანი. უკანა კარს გამოვუღებ, შემოვპატივებ და ხელის ერთი მოსმით ძუბა ჭანისა პროტოტიპ-საც წავაწყდები პელაგია მიქახეს რეალობით.

ცისფერთვალეობა, დაღარული სახე — როდენის ნაოსტატარი. კობლებიანი მანდილი გვაუწყებს, რომ მწუხარება დაღვინებულა მის გულში და ქუსლში ჩარჩენილი ეკალივით დღემდე ფეთქავს შვილიშვილების ქრამულის ფონზე, მაგრამ მეტ სითეთრეს არ გაიკარებს ის ლეჩაქი, რამეთუ ტერენტისა არ იყოს, შავეთით იქამდე გაჭერებულა, ისეთი წკვარამიდან მოაბიჯებს, რომ ძლივს ღამემდე მოღწეულა; და რადგანაც ერთხელ შემომიკედლებია უვასამრჯელო მანქანაში, მისი გზასავალით — განმუხურით შემოვდივარ ოტაბაიაში; და ვინაიდან ჩემი ბედისწერაც ცაშია გადაწყვეტილი ცაბაოთისაგან, მიმოზა გელენახეს, ამბროსის ერთ-ერთი წითური ასულის, დედამთილი შემრჩება ხელთ, გულმართალი კუყურის დედა, სოფრომისგან ოცი წლის ასაკში სამი ბაბალუათი დაქვრივებული პელაგია მიქახე.

სხვა რა ჩარაა, ვგრძნობ გვარიან ხანს ვერაფრით გავცდები მის მაგნიტურ არეს; ჯალაღონებთანაც მომიწევს დაყოვნება, რამეთუ უკადრისობაში ჩამომერთმევა ხუფენიებთან ნასტუმრები მშობლიური კერიისკენ უჩუმრად გავიპარო.

ქარზე უკეთ ვინ უწყის გაფრენილი ფოთლების მისამართები? სად დაანეშოებს სადაურს, რომელს ნაკადულს მოუფრესკავს ფსკერთა?! არის მათში ცისკენ წაწეულიც.

დედაზე უკეთ ვის ეცნაუროს შვილის ნაბიჯების ჩქამი?!

აი, აქ, ამ ალაგესთან გაიმარგეს მუხლი მისმა ბოკვერმა თუ ასულებმა; აი, აქ, ამ ანწლისა და ჭინჭრის გვერდით. მერმე როგორ გაფართოვდა გზა იგი?! როგორ აიზვირთა და გაიმრავლა მგზავრი? როგორ იქცა შიშველი ტერფების ტყაპუნი მტკიცე ნაბიჯების ხმად? განუწყვეტილად ფეთქავს ეს ტუტტუკი დიდი ქალაქების გუგუნში. აყურადებს მშობელი, მისით იგებს შვილის საწუხარს თუ სასიხარულოს და ფარვანასავით უფართქალებს გული. ზოგჯერ მზერა გაუშტერდება ჭიშკრის მიღმა, შარაწვრილისკენ.

მისი თვალბმორდილული სილუეტი ახლობელია ყველასთვის, ვინც ორიოდე ზაფხულით მაინც მოშორებია მშობლიურ ფუძეს და ახოვანი თუთის ხის ძირას ამოფეთქილი ბაო მონატრებია. დედას კი, შვილის მოლოდინით თვალბამოღამებულ დედას, ნიავის ყოველი გაფაჩუნება შეწკვარამებულ სარკმელს მიაცივებს... ეგ რაღა ამოსაცნობია?! განარჯიის მუხურულ თუ ოტობაიელ დედებს, ეს საკვენესელი უღრღნით გულს. აქაური ახალგაზრდების ერთმა ნაწილმაც ხომ დიდ ქალაქებს შეაფარა თავი ამბროსისიანებისა არ იყოს. დაივიწყა მშობლიური ნანინა, მადლი მიწისა და ცისა. შემოდგომითლა მიაშურებენ კერიას, როცა ხოჯითხილა და დედოფლისთითა დაბერტყილია; როცა ფინიკიური ლედვი მოდუღებულა, მავთულებზეა გაფენილი ტკბილისკვერებად; როცა სიმინდი შეტეხილია და ბედელში შეზიდულა; როცა საგვირგვინო დაფნას მზრუნველობით დააბინავებს კოლხი მედეას შთამომავალი.

ისინი კი, ვინც ყოველდღიურ გარჯასთან, თავიანთ უმწიკვლო სინდისის მეზობლად დარჩენ თენგიზ ფეტელასავით, უპატრონოდ მიტოვებული დედების ეზოებშიც შეიხედავენ ხშირად. ხან შეშას დაუჩიხენ, ხანაც წყალს მოურბენინებენ მოშორებული ჭიდან; აქა-იქ კიბეს შეუკეთებენ და იშვიათად გაბზარულ გულს მოუფონებენ ჭეშმარიტი მემკვიდრის კვალობაზე. ჰოდა, ქვეითად აედევნები მოდუღუნე ენგურის ნაპირებს, რომლის სიკამკამეში ვარსკვლავებივით ჩაკინძულან საუკუნოვანი ლოდები და თვალჭყტია კენჭები; თუკი შეუწყობ ფეხს მის სრბოლას და მაჯისცემას, თუკი გაგემეტება წუთი მის სიგრილეში შესაცურებლად, თუკი აქოჩრილი ძეწნების და გადაჭადრული ხაბოების სულისმოსაბრუნებელ ნიავს ესანდომები, აქვე — შამბიანის გავლით გემშობლიურა ნეტარ კორტოხი ყოველი, შენი წარმოსახვაც უსათუოდ აჩქარდება, მკითხველო, ჩემო, მურყანების ხერხემლიანი ტყეებით მოზღუდული დობადონასკენ, იგივე ოდაბადე-ობადიშისკენ, გნებავთ — ციბედულისკენ, ლარდასკენ თუ მემლექეთისკენ სვანურ-აჭარულად, იმ თავდაპირველი საწყისისაკენ, წყალში ჩავარდნილი კენჭისმიერი რგოლივით რომ ვრცელდება უკიდურესი ნაპირებისკენ, იგივე ოტობაიასკენ, რადგანაც დაუსაბამოდ გეყავარჯნება უმეტყველო მელოდიები ამ უანკარესი დინებისა.

სამხრეთით ათიოდე კილომეტრით მოყრდნობია კუნთხოტობაიას დედა-ენგურის ხატაურები. მერმე განმუხურია, განარჯიის მუხური; ეს მიჯნები ტრიალი მინდვრებით მიაბოტებენ ნაკარდალისკენ, ფიორის სანახებისკენ. შემდგომ ზღვაა, ფარღალალა და ხაეროვანი: ჯუჯა კაქტუსები, ქვიშროვანები, წვერნემსა ჭილები ბუჩქურად შეკონილი, დათითოვებული, ქორფა ნაყოფშემოჭმული კამეჩების ჯოგისგან, და კიდევ — ხაიები, ლანცეტა ფოთლებით, კოკორინების გაუთავებელი ყიპყიპით ზამთრობით, სადაც თოლიების შეუსვენებელი ფარფატია ბოლახსა და პოსეიდონის გადაღურვებულ ნახნავებში; ზღვისპირას გაღარული ტელეგრაფის მავთულების ზუზუნია, ახორხილი ალიანჩალიანი ნაფოტნაგავისა, ლაქვათივით დამჩატებულის და მარილის სუნდაკურულის, რომლის წიაღში სილით ამოგლესილი ალისყურებია, პეშვისოდენა ნიჟარები, ზოგჯერ სალი, და ხანაც — მღელვარების ჟამს დაჩიჩ-

ქვილი, დამსხვრეული სრულებით.

გაგიდა ტყისა და ეკალ-ლიჭის ნაჯვარია, მინჯორაიების მინდვრებამდე. მოსახლეობა მაინც გზის-პირისკენ შექუჩებულა, როგორც ყარყარა ყელზე მარგალიტების ასხმულა. პერიფერიები თხილნარებსა და აჩალულ ნასიმინდრებს მოუხელთებიათ. მჟავე, ძორგო მიწები გატყლარქულა ჩრდილო-აღმოსავლეთით ნაბაკევისკენ, სადაც მომცრო საზღვრად შვერნიკის უბადრუკობაა. გაავლებ წარმოსახვით წრფეებს კვლავაც სამხრეთისკენ და ხურჩის მეზობლობის წვეტებით ენისთვის გამოუთქმელი გეომეტრიული სხეული აილანძება, რომლისთვისაც უცხოა წრეწირის კეთილშობილობა, მისი უკვდავი ფორმულა — $Pi = 3, 14$. არც რომბებისა და კვადრატების, აღარც სექსტოგრამებისა და ტრაპეციების კანონზომიერებას ემორჩილება ჩემი შურობუმუ-ოტობაიას კონფიგურაცია, თუმცა იგი ხელშეუვალი მუყაითობით მკვიდრობს აბსტრაქტულ გალავნებში და ბიჯსაც არ იზამს სამნებიდან. ასე რომ, თამამად შემეძლება შემდგომ განვაცხადო: რუსეთი ოტობაიის ჩრდილოეთ პროვინციას-მეთქი, ჩინეთი — აღმოსავლეთი, თურქეთი, ირანი-ამერიკა-აფრიკა — სამხრეთი და კიდევ დასავლეთი — ევროკავშირი მთელი.

ჩვენ შელამებამდე ვეცდებით ჩავაღწიოთ შურობუმუ-ოტობაიამდე, ქვეყანაც რომ დაიქცეს, რამენაირად დაეუსხლტებით პელაგია მიქახეს დედობრივ მადლს. ჯალაღონების თავგადაკლულ მასპინძლობასაც მოვიგერიებთ შეძლებისდაგვარად. კუნთოტობაიელების უშურველ პურ-მარილსაც შევიტკობთ ზომისად. თვალს გავუსწორებთ საუკუნოვან სასაფლაოს ოტობაიას შუაგულში, წამიერდ მივეფერებთ მიხფეს, ნაპო ბიძიას დაღვრემილ სამფლობელოს, ხერიკო პაპასქუას ოქროცურვილ სამკვიდრობელს და ომობდილი მეომარივით ჩამოვხდებით ვალებით მოხრილი, ნაცხვაბარა გელენახეს გატყვებულ არე-მიდამოში.

ამჯერად კი კოლხური ჟინჯლიანი ნისლების თრთოლა გადამდებია, მათი მკლავებია მაკლია, რათა ერთჯეროვნებით ჩავეკონო ყველა ეზოს, ჩუქურთმებიან აივნებს თუ მუჭისტოლა ჯარგვალიებს: თითქოს იისფერი სიზმრებიდან მიხმობდეს ქვეყნის მარჩენალი, მასპინძელი ჩემი. იქ დავახანებ, იმ ქვექვერია ოდა-სახლის არილში. ბომბორას წაყვებას აუცაცხანდება პელაგია მიქახე. სამზადისკენ მიფრატუნებს დედაბერი, თანაც გამყვანი ხმით გასძახებს მეზობლებს:

— შურა! თინა! ვანო! ხუნტულიი!

მიმქრალ ბუხარს მალე დაებერება ფილტვი, მალე ამოიდგამს ენას ცეცხლზე შემოდგმული ქვაბები.

— ნუ გერიდება შვილო, ნამგზავრი ხარ, — მუხლებზე დაწყობილ დამქნარ ხელებს დროდადრო გაატოკებს დიასახლისი, რათა ცოტათი მომიახლოვოს სახელდახელოდ გახაზირებული საუზმე, — მიირთვი, თოლიგე, თამაზისა და მათიას დეიდაშვილი ხარ. სტუმარი და მასპინძელი ვინ გაგვყო, განა ღვთისშვილი არა ვართ?! — ამოიხრებს ერთს, თითქოს ელვისებრ გაკვესებულ სიყრმის სურათებს ჩაქროლოს მეყეულად, — თუთის არაყია, ჩემს ქმარს უყვარდა ცხონებულს. არც კუკური და შვილიშვილები წუნობენ. გაამოს ბუნების გამჩენმა ძალამ!

ამოუწურავია კოლხი მასპინძლის გული, თუ თითოეული კერძი არ გაუსინჯე, იწყენს, არ შეიმჩნევს კი...

— თქვენია ქვეყანა, შვილო, ჩვენი გაჭირვება და სიდუხჭირე გაშოროთ ღმერთმა! ოღონდ ეგაა, მეტი მოხედვა გვჭირდება დედებს, სოფელს, — ამბობს და დანაოჭებულ სახეზე ღიმილი გაუკრთება, როგორც კი ფუძეს ვუდღეგრძელებ, ჭერს ავუმაღლებ, ქონგურებთან მერცხლების მომლოდინე ბუდეებს დავულოცავ.

მზის აღმაცერ უუქზე, იმ ღიმილში, მაინც გაიღვებს თვალთაგან წამოგორებული კურცხალი. დამნაშავესავით მომაჩრდება, ლეჩაქის წვერს მიაშველებს მალულად.

— იქნება შეგაწყინეთ სტუმარი, მაგრამ იმ მერცხლებმა გამახსენეს თოლიგე, თუმცა რა დროსია, მოვესწრებით ოდესმე, — გააგრძელებს მისუსტებული ხმით. არ მოვეშვები, ვაფიცებ ჯალაბს და სასაუბროდ განვაწყობ.

— თექვსმეტი წლისა მომიტაცა ცხონებულმა, — ვგრძნობ წამისად რარიგად გადახკრავს სიწითლე, — შევეწყვეთ თითქოს, დავწვრილშვილდით. ჩქარა ომიც დაიწყა...

ახლა მე ვერიდება მის ცრემლს, მინავლულ ცეცხლს მიშტერებული. ეს უიოლებს გულის ამოთქმას, იქნებ კიდევ გრძნობს ჩემი კითხვების მიზანს — რაც შეიძლება მეტი შევიტყო დიდი ტრადიციების მქონე კარის მეზობელი სოფლის ავანჩავანზე: რამ მოსწყვიტა ახალგაზრდობა კერიას, რამ გააუსაქმურა, რამ მიატოვებინა მშობლიური სახლი; დავანახო ქვეყნიერებას უმისო განმუხური თუ ოტობაია, სინაკლულე ჯელებისა, რათა გონებადაუნჯებით მივაბრუნო სიყრმის უბოროტო დღეებისკენ, უკეთესი მერმისისკენ, სადაც მამია რატიას სამჭედლოსი არ იყოს, მიყოლებით იწრთობა დაფო-

ლადებული კვერ-სახნისი და ნამგალ-წალღუნა.

— იმ დღეს წვიმდა, — თითქოს ხმამაღლა ფიქრობს ქალი, — წვიმდა გამეტებით და კაბის კალთას ჩაბლაუჭებული პატარების ცრემლი ქრებოდა იმ თქარუნში. შლიდნენ, არღვევდნენ ჩვენს ძველისძველ ოდას. ბუხრის ყლი ჭერაც ბოლავდა, თითქოს სამუდამოდ ეთხოვებოა ოჯახს.

შედით მაინცო, სამზადში მაინც შედიოთ, მეხვეწებოდა სახლის ახალი პატრონი. მას ხომ თავიდან თვითონ ჩავუვარდი მუხლებში, ოღონდ ეყიდა, ოღონდ გავენთავისუფლე მევალებებისგან, ხანდახან შუალამითაც რომ მომიკაკუნებდნენ სარკმელზე.

არ უძუნწია, არა! ვებრალებოდით, ზედმეტსაც გვიხდიდა, მაგრამ, იმწუთას ეტყობა სიკვდილი ერჩინა ყველაფერს.

ფორიაქობდნენ თავგზაბნეული მერცხლები. მახსოვს, როგორი სიფაქიზით ჩამოხსნეს სარტყელი. ათიოდე ბუდეში ჭყლოპინებდნენ ყვითელნიკარტიანი ბარტყები.

ამათ ვერ წავიყვანო, თქვა მობუზულმა. ორკაპა სარებზე შეაყენებინა, გადაახურვინა სახლის კუთვნილი კრამიტით და დავრჩით ჩემი პატარები, მე, მერცხლები, დედაბოძი და სახლწართმეული სვეტები.

მიშლიდნენ მეზობლები ამ ნაბიჯს.

შეგიგროვებოთ ფულს, მპირდებოდნენ. ამას რას გვიშვებო განარჯის მუხურელებს, ცოცხლად გვმარხვინებო პატარებს?! მაგრამ მეც სიმწარე მამჩატებდა... ეტყობა, დაგლალე, აპატიე დედაბერს, — წამოფრატუნდება, ფართე აივანზე გადმოდგება, ამდლებული მანათობლის შუქზე მოიჩრდილავს და მობოხებული ხმით ისევ გასძახებს მეზობლებს:

— შურა! თინა! ვანო! ხუნტულით!

მერცხლების აბსტრაქტულ ჟღერტულს ავყვები. კაკლის ახოვანი ხეების მიღმა, უილაჯო მზიანეთში მოსჩანს აკვამლებული ბუხრები. მოგვიანებით რუებზე შემოდგმულ მუჭა წისქვილებსაც ვიხილავ გელენახესკენ მოსულსწრაფე, ხოლო თვალსაწიერზე რემათა მიმტაცებელი ნასვენი მინდვრებია.

ძროხების ზმულია. ჩამოწველილი კამეჩები ნებიერად ყროყინებენ და მზრუნველობით სლექენ ცურმინებებულ ზაქებს. ფრუტუნებენ ცხენები. უგულოდ დავლავებენ ძაღლები და ყვიან ქანდარიდან ჩამოშლილი, აცხადებული ალიონით გულმოცემული მამლები.

საჯალღონიაოსკენ მოვჭრივარ. მეგონას ბორანი ჟამთასვლას მიუთვლია.

ენგურის ქვემო წელში ხიდი ჭერჭერობით ხუთია — დაბა ჭვართან, ოცარცესთან, შამგონა-ოდაბადეში, ოტობაიასა და განმუხურში. აქედან უმეტესი სულ მალე აყირავდება, მაგრამ ამაზეც — მოგვიანებით.

ჯალღონიების გვარი ძალისა და ღონეს კომპოზიტია. ძალა კამეჩსაც აქვს, ღონე კი მხოლოდ ადამიანისათვისაა დამახასიათებელი. ასე რომ, სტიქიურსა და გონიერ საწყისს აერთიანებენ ისინი საკვირველად.

ჯალღონიებს საგვარეულო სასაფლაო გააჩნიათ, შემდლებული ბორცვი — ნახუტურუ, ნაძვებით დაბურული, პრეისტორიული დიხაგუმბა. მომჭირნობა და ხელგაშლილობა, შეტევა და დათმობა, ჭაფა და დასვენება, სიკვდილი და სიცოცხლე ჯალღონიების უტყუარი სავიზიტო ბარათია. ამიტომაც ვინაც თანადროულად იაღლოიანებს წუთისოფლის მათებურ გაგებას, უმაღესად ეზიარება წარმატებებს სამსახურებრივ სარბიელზე.

ჩვენი სანათესაოსგან განსხვავებით ამ მოსაზრებას მათი ფესვების ყოველდღიურობაც ადასტურებს: ძუძუმტე ოთარ ხუფენიას, ოდიშელი თენგიზ ჭინჯოლავას, იგივე ჭინჯიბის, გალელი გიმერ ბაგათელიას, ტამიშელი რიურეკ კაკუბავას წაღმართიანობას ჯალღონიების სამყაროსეული ქმედება კვებავს ხელგაშლილად. მეც მათი ჯილაგისა ვარ, მაგრამ — მეოთხედით, დანარჩენი სამოცდათხუთმეტი პროცენტი ზეფირების კუთვნილებაა, საუკუნის მერმე რომ აღმოცენდება უკვდავებად გაჩხინკულ ჩონჩხზე, მივიწყებული საფლავიდან.

მაქსიმე ჯალღონიამ მეფისდროინდელი ოფიცრის კვლობაზე ერთადერთი ვაჟიშვილი, აბელი, იარალს შეათამამა, ამიტომაც გამოხყოლია ფოლადისებური გამოხედვა და ხასიათი.

გაიღიმებს და მარი ბებიას შუაზე გაყოფილი ბროლის წინა კბილები შემომანათებს. როგორ ინახავს ჯიში განსაკუთრებულ ნიშან-თვისებებს?!

ყველას დამზრდელი ცარო ჯალღონხეც ამ ყაიდისაა, დებს, ძმისშვილებს და სამოხიოს გადაყოლილი, მესიაკონი ქალბატონი, რომელიც საკუთარ ოჯახზე უარს იტყვის და სხვათა ბედნიერებას ხელისგულს მიაფარებს სითბოს შესანარჩუნებლად.

შემომეხვევიან ჩემიანები. აბელისათვის მამიდის შვილიშვილი ვარ. ონერი და გოგისათვის სიძის დედისძმის მოთა. ექოსავით გრიალებს ჩემსა და ჩემს გარეთ ნათესაობის მირონ-მადლი, მაგრამ არა

ინდივიდის საზიანოდ, როგორც ეს დიდგვაროვნებს ემართებათ.

ყუნათ შარაშის ფიჭორიდან აბარგებაზე მომიხსენებია. ოტობაიას სკოლები და ქოხ-სამკითხველონი ანჩაბაძეების საკუთრებანი რომ გახლდათ, ისიც.

რკინის დროება მუსრს გაავლებს ამ ყირმიზსახიან და გოლიათ ხალხს. მათ მთვარესავით ქალბატონებს თუ ასულებს „პუტანკებად“ აქცევს ჯარისკაცული ჩექმები ფალიკური აღვირახსნილობით, მაგრამ უკვდავი გენის გადაჯიშებას მაინც ვერ შეძლებს, ვეღარ მოახერხებს ბუნების კანონების რევოლუციურ გარდაქმნას, და დღესაც ანჩაბაძეთა, შერვაშიძეთა, ემუხვარების თუ მარშანიების ჩამომავლობა აღვასავით ატყორცნილი დაიარება დუნიაზე. მართალია, კანტიკუნტად, თუმცა ლომები ქოფაკთაგან განსხვავებით თითო-ოროლას შობენ და თანაც — მთვარისფერს, ან კიდევ — ნილოსისპირა თუ უდაბნოთა ქვიშნარების კოლორისას.

ბატონ-ყმობას ვიდრე კანონი ასაფუძვლინებს სამურზაყანოში, ამ დახვეწილი მოდემის არსებობისათვის ხუმუსი ნოყიერია, თუმცა მეფის რუსეთის ლტოლვა მოსახლეობის ზუმანიზაციისაკენ, პლებსის არტახებში მოაქცევს საჯიშე ეგზემპლარებს საბედიანოსისა და იწყება უნებლიე მიგრაციები სოფლებიდან დაბა-ქალაქებისკენ.

ასეული ურმით გადაინაცვლებს ანჩაბაძეების მკვიდრად ნაგები სასახლენი ოტობაიადან, ნაბაკევიდან, თავილონიდან — გალისკენ, ოჩამჩირისკენ, სოხუმისკენ.

დარჩებიან შედარებით მოქნილები, თართაყანის მემკვიდრენი, პეტრე ანჩბეია — მოსახლეობისათვის ბეგარის ხუთი წლით ადრე მომხსნელი რეფორმამდე; გუთნებით, მედიკამენტებით, წიგნებით უგასამრჩებლოდ გადაგებული ხალხის სიდუხჭირეს.

ფორთო, ციცი, ბურღუ ანჩბეიხები, რომელთა დასასურათებლად რენესანსის ფერწერა უკმარია, გაუხუნარ ტილოებად შერჩებიან ნოჩო თაკალანძეთა თუ ლადი კვაშილავების სხარტულებსა და ჩონგურზე დაკვნესებულ მელოდიებს.

ანჩაბაძეებს-შერვაშიძეებს-მარშანიებს-ემუხვარებსა და ჩხოტუებს შორის დადიანების მესვეურობით განუხრელი მიმოცვლაა ქალ-ვაჟებისა სიძე-პატარძლებად. ერთ წრედშია ჩართული პრივილეგირებული ამ ექვსეულის სისხლი, გენი და ინტელექტი. მხოლოდ და მხოლოდ ჯიშინობა, სახიერობა, დიდბუნებოვნებაა კრიტერიუმი მოდემის გაგრძელებისა და თამამად შეიძლება ითქვას: მათი სვე-ბედობის განმსაზღვრელი ზიარი ჭურჭლის პრინციპია. ექვსნაირად გამოითქმის მათი აბსტრაქტული მთლიანობა, როცა სინამდვილეში სხეული ერთია, მსგავსი მასალისგან მოხეილ-ნაშენ-ნაგები, საკუთარ თავში მოხარშული და დაწვევებული.

სკითხავენ ერთხელ ფორთო ანჩბეიხეს, გამოუსწორებელ სამურზაყანოელ ხანუმას, ათ დღეს მაინც ახალშობილს თვალითაც რომ არ დაანახებენ, შეასწრებს მზერას და ჩვილი სულს განუტევებს მყისვე. გულით კეთილზე კეთილია ფორთო ანჩბეიხე, მაგრამ ისეთნაირ ენერჯის მოუყრია თავი მის ბუნებაში, ელვასავით ანადგურებს ქორფას და თოთოს:

— კი, მაგრამ დეიდაშვილი ემუხვარი თუ გყავს, მამიდაშვილი ჩხოტუა, რძალი — დადიანი და მული — შერვაშიძე, როცა დასახელებული თითოეული გვარი იგივე სანათესაოში ტრიალებს ოდნავი სახეცვლილებით, ხომ არ ნიშნავს ეს ყოველივე სისხლის აღრევას ქრისტეს რჯულის საწინააღმდეგოდო.

ფორთო ანჩბეიხე ღიმილით მოწყურავს მუქ-მწვანე თვალებს:

— აბა, ყაზაყისგან ვიყოლიოთ შვილები? ყაზაყი თოხისთვის გაუჩენია ღმერთს და კიდევ — მამაკაცურ საქმეთათვის, მაგრამ არავითარ შემთხვევაში — საჯიშედო, — ბრძანებს და ამით წერტილი დაესმება საბედიანოს გენეალოგიის წარმომავლობას შარავანდედიანთა ხაზით.

დუშა ანჩბეიხესაც ენგურისპირას იმიტომ წაიტყუებენ ძმები საზვარაკო კრავივით ყელის გამოსაღარავად, რომ შეუვალ კანონს ზურგს შეაქცევს და მიმცხრალი სისხლის მამრის ბანოვანობას ცხოველმყოფელი გლეხუჭას თანამეცხედრობას ამჯობინებს, ვაგლახ.

ლევან დადიანისგან შერვაშიძესათვის ნარდში მოგებული განმუხური მომცროა, ენგურის მარჯვენა ნაპირზე ბაშლაყივით გაჭიმული, უბნად თუ გამოადგება ოტობაიას, თუმცა მასზე და კიდევ ორ სოფელს აზნაურებზე ნაკლებად როდი ეჩემებიან ხუფენიებს. ძუძუმტეს ასაკმოყრილ მოგვარეებს რომ ჰკითხო, დარჩელი, განმუხური და ოტობაია სამი ძმა ხუფენიას დაფუძნებულია.

— დარჩელში პირველად დარჩია ხუფენია დამკვიდრდო, — გეტყვიან, — განმუხურში განარჯია ხუფენიამ გაკაფა უწინარესად უღრანი ტყეებიო, — განგიცხადებენ მთელის დამაჯერებლობით, — ოტობაიაში უადრესი მოსახლე ოტო ხუფენია იყო, — გაგისწორებენ თვალში თვალს და ბიჭი ხარ, ნუ ერწმუნები სადადიანო-სამურზაყანოს ისტორიაში ჩაუხედავი! ვლადიმერ ალფენიძე უფრო შორს მიდის და სახელ „ხიფას“ თუ გვარ „ხუფენიას“ ეგვიპტელ ფარაონ ხუფუს უკავშირებს. შუმერული

და ეგვიპტური თავზესაყრელია კოლხურში და დაუჯერებელიც არაფერია.

ჯალაღონები შორს არიან ამისთანა ყოყლოჩინობისაგან. ისინი ხომ ძალას და ღონეს აერთიანებენ თავიანთ თავში, ბაყბაყდევსა და ნაცარქექიას. ან რამდენი მიცვალებული ეყოლებათ გაცილებული ქვეყნის ოთხივ კუთხით?! მებორნეობა, ქარონის ნათესაობა ოდითგან მოსდგამთ. ამ გვარის ხალხს ცურვაშიც ვერაფერს შეედრება. მეგონა ჯალაღონია იხვებს ჯაბნის ტივტივში და მისი სისხლხორცილი გოგი და ონერი — კოკორინებს უფრთხობენ ეშმაკებს. რამდენჯერ გამოუთრევიათ ნაპირზე სვანეთში გადაჩეხილი მოყმე თუ ჯვართან გადავარდნილი ასული?! ჭირისუფალი, როგორც ბოლო ნუგეშს, ჯალაღონების ჭიშკარს მოადგება და აქაც თუ ვერ დაიგულეებს თვისტომს, უილაჯო ლასლასით გაუტევეს შავი ზღვის გამეხებელი არეებისკენ. წელაწადში ორ-სამ მიცვალებულს მიაწვ უცილობლად მიბარებენ ნახუტურუსს, როცა გაპატიოსნებულს პატრონი არ გამოუჩნდება ცხრაღლიანი პარაკლისის მერმე.

რაც შეეხება გადარჩენილ სიცოცხლეს, უამრავზე უამრავია მათი ჯიშ-ჯილაგის მადლეგრძელებელი ენგურს გაღმა-გამოღმა.

ბრძენკაცივით იტყვის ხოლმე ჩემი კბილა ონერი:

— დამამხრჩვალს უკნიდან უნდა მოუარო. საკმარისია ხელი სადმე წაგავლოს, რომ უმაღლესკერზე ამოგაყოფინებს თავს. სიცოცხლის წყურვილი ისეთია, კაცს კი არა, ბორანს დაძირავს. ძმაც რომ იყოს, არ უნდა დაინდო, გაუქანო ყბაში და გათიშო. წაავლებ მერე ქოჩორში ხელს და ნაშველებია უბედურიშვილიო, — მაგრამ ახლა დროებით დავეხსნათ ძალისა და მოხერხების ძარღვებით მოწულ ხალხს — ჯალაღონებს და ვუტიოთ ოტობაიისკენ; მოამაგე გელენახეს ორი წლით განრიდებულს, ალბათ, გამეგება.

ოცდაოთხი თვის შემდეგ მშობელი დედისკენ მოვეშურები მწერლობაში უნიჭობაწაყვედრებული შვილი. „ციცკრის“ ნომრები მომაქვს, სადაც ჩემი ბელეტრისტული ნათლობა როგორღაც შემდგარა.

ძაღლის ბედი მაქვს სწორედ.

თბილისის რკინიგზის სადგურში, ჩანთებით დაგრუზული მგზავრების გნისაში, ფიჩორელ ზურაბ ხასაიას შევეფეთები. ფილოსოფოსია, მაგრამ პოეზიის სიანკართაც იმწყურვალებს სულს. გორის პედინსტიტუტის ლექტორია. ლუდს და მწირ საუზმეს მივუჩოჩებთ.

— არაფერია, — მხარზე დამადებს მარჯვენას, როცა გასაჭირს გავუმხელ. ზურაბი ბაბუა თომას სამეზობლოდანაა, ნაკარალიდან. ასე რომ, სარჩულამდე იცის ჩემი ასავალ-დასავლისა.

— ბინა დასაჭირავებელი არ გექნება, — მიცხადებს, რაჟამს „სიცოცხლემისჯილების“ პასაჟებს წაუვუკითხავ და ტრიადის მიზანდასახულობას გავაცნობ.

გასაღების ასხმულას მაწვდის.

— ასპირანტთა კორპუსში სიმყუდროვეა. შუქი და წყალი არ მოგაკლდება, — გორის მატარებლის ჩამოდგომას იუწყებიან და ფეხზეც ამიტომ წამომართულა, — ბევრი არ არის, მაგრამ უნდა იმყოფინო, — ოცდახუთმანეთიანს მიკუჭავს ჯიბეში, — თვეში ერთხელ აუცილებლად შემოგვივლი. იმედია, მიმიღებ! — უშურველად იცინის და ეს ღიმილი ექვსჯერ შემონათებს მერმე ბაგების ცათამბჯენში.

ძუძუმტეს ელსმენით შევეხმიანები.

— ასპირანტთა კორპუსში ვარ, — ვუმხელ ბრიკეტას, — ვიცი, დამიწებს გელენახე ძებნას. კარზე თუ მომაყენებ, მამის სულს ვფიცავ, მეცამეტე სართულიდან გადმოვეშვები!

— გალაკტიონს ეჯიბრები?! — ცხარობს ჩვეული დამრიგებლობით, — შენ ღვინო კი არა, რძე უნდა სვა, ბიძია! ცოტათი თავი მოგეთოკა, დიდი ხნის დამთავრებული გექნებოდა! არ აკმაროთ რამეფრად დეიდაჩემს საკუთარი საზრუნავი და საფიქრალი! ფული თუ გაქვს, ოხერო?!

— ზურაბ ხასაიამ მომცა წელან ოცდახუთი მანეთი!

— გიცხონებია სული ხვალამდე! — უშედავათოა ძუძუმტე, — გინახულებ საღამოთი და შენი ფეხის მოცვლა არ ვნახო იქიდან! კი, ბატონო, არავის მოგაყენებ კარზე, თვით კლარა დეიდასაც, მაგრამ შხამად შემრგებოდეს შენი წილი რძე, წიგნის გასრულებამდე ღვინოს თუ გაეკარო!

— ეგრე იყოს! — ვბურღლუნებ.

ნახევარ წელიწადში ექვსჯერ მომიკითხავს დედუღეთელი ზურაბ ხასაია. ბინის ქირას პუნქტუალურად მიტოვებს. საბრალო მშობელიც ათგზის ჩამოზიდავს პურ-მარილს ამ უბრობის ჟამს, მაგრამ ბაგებში ამოღწევა ეხიფათება იმისთანა სიტყვის დახეთქების შემდეგ და ძუძუმტე მომჭირნეობით მასაზრდოებს გელენახეს კუპატებით, ეთერ დეის ყაურმით, კაგებე ლინა ჯალაღონხეს ნა-ზუქ-დარიგებებით თუ პატიოსანი ხელფასის ნეხევრით.

გზა, ორლობე, თემშარა, შუკა, პროსპექტი ჩემი ბედისწერა-ყისმათია. იაშვილს რომ არ დაეს-

წრო ქუჩიშვილობა, ოტობაიას ნამდვილად არ დავირქმევდი, მაგრამ ოტობაიაც ხომ ხელისგულზეა მორთმეული უსასრულო ავენიუსავით?

— ადამიანის ცხოვრება გზაზე უნდა ელვარებდეს, ბიხვი, ქვაზე დადებულ სიკეთესავით, — მახსენდება ნოჩო თაკალანძეს შეგონება სამესხიოდან მობრუნებულს და თითოეული მოკვდავი ჩემი წიაღიდან თუ სრულიად უცხო ვიგვამებიდან აწ მარაზე გამოფენილია რაღაც გამორჩეული თვისებანიშნის წყალობით.

ნოჩო თაკალანძეს ცხვირი ოტობაიას გზას კი არა ზღვიდან ზღვამდე წვდება კავკასიონის მთარეხილივით. შუბლიდან ამოზეგანდება, ცალკუზიანი აქლემივით უცებ ავარდება სიმაღლეში და ასევე სწრაფად დაქანდება ბარისკენ. მერე მიიწელება და მიიგრანება ვიღრე ულვაშის უღრანთან პიტალო კლდესავით ჩამოკონცხდებოდეს.

ერთ კალთამაღლიან ქალბატონს ემცხეთება მისი ბარაქიანობა გადატენილ ავტობუსში ამოღწეულს და მგზავრების იდაყვ-მუხლისთავებით ნაჯგვლემი მაინცდამაინც ამ მსცოვანის ცხვირს არ დააცხრება მთელის გააფრთებით?!

— გასწიე, ყაზახო, იქით ცხვირი, კავივით რომ მომსდგომიხარ!

— მიბრძანდით, ქალბატონო, — თითოთ მოიღუნავს ნოჩო ცხვირს გაქეჩილი მანდილოსნის გასატარებლად, მაგრამ იქვე დასძენს, — აკაციის სოლებს თუ შეეღვევი.

ღიახ, ნოჩოს ცხვირი სათაკალანძეოდან დაწყებული სამაძაშოსთან მთავრდება, და მის აღმატებულობის ჩრდილქვეშ დილიდან საღამომდე იჭრება სხარტულათა მონეტები აურწყავ უხალთუნებად.

გზაზეა გამოტანილი ჯაკა სექანიას ხერაკლესებური ფალიკური ავლადიდება. ისე ვერ დამთავრდება ჩხუბი სამურზაყანოს დაბალ ზონაში, ერთხელ მაინც არ ამოტივტივდეს ჯაკა სექანიას სახელი სრული დიაპაზონით და სადაც ჯამპის სოლები უძლურია, სწორედ ჯაკა სექანიას მოშველიება გვირგვინთა გვირგვინი, გულდელად მოწინააღმდეგესაც რომ გააფთრებს ხოლმე. ვაყბი რწყობები ჯაკა სექანიასთან შედარებით და როგორც კი ამ საშინელებით დაემუქრებიან მეტოქის დედას, გათარანების მეტი რაღა დარჩენია მემკვიდრეს — ეგრევე ყელში ებრღვენება მოპაექრეს.

— მაგრამ არის ჭა, რომელსაც ჯაკა სექანიაც ვერ ამოავსებს, — ესეც ნოჩო თაკალანძეს სიტყვიერი სალაროდანაა, — ბიხვი, ერიდე იმ ჭას!

უძირო ღარტაფის ბატონ-პატრონი რამდენიმე მანდილოსანია ოტობაიაში, და რაღა მანცდამაინც ჩვენ ვიქცეთ იმ უსასრულო ხაროთა ამოქოლვის ამო ზვარაკებად?

მზე აცდენია ორლობებს, თამამ კენწეროებს; ცარგვალის შუაგულისკენ მიიკვლევს გზას, ჩაღწევს უსიერი ტევრების ფსკერამდე, სადაც ველური დაფნა და ნეკერჩხალი უნაზესი დაიბივით გადაწვნიან ერთიმეორეს. ეს კუნძული — კორომები თვალსაწიერიდან შორს მიმობნეულა აქა-იქ ვრცეული მინდვრების გარემოცვაში.

ორ წელიწადში ეკალ-ჯაგი შეუმუსრავთ, არხებით დაუსერავთ, წყალსაწრეტების ბაღეა ტრამალ და ტრამალ.

„მიწა ადამიანთა სამსახურში“! ასეთია განვითარებული სოციალიზმის დევიზი დასალიერს და დასალიერს შუა მოფუსფუსე ადამიანების საქმიანობა იტაცებს მზერას. იქითკენ მივიჩქარი, იქითკენ, რომელსაც ორი წელიწადია ვაკლივარ. მეც ხომ შემეძლო მათ გვერდით ტრიალი? ჩემი ოფლიც რომ შემატებოდა საერთო ნაკადულს, ხომ წამორუვდებოდა მეტი სიცელქით? ჩემი სიხარულიც რომ ჩაწვნიდა საერთო ზეიმს, ხომ უფრო გაციკროვნდებოდა თავიანი ცათა?

გზაზე გამოფენილ განძეულობათაგან ოტობაიელების უმთავრესი სიმდიდრე ნაწილობრივ გამოგვიმზეურებია — ენა — ხვრელიდან რომ ამოიყვანს უხსენებელს და ხენემ ნაპრაღში გადაკარგავს თვით ქვეყნის მეუფე მამაზეციერსაც კი.

ოტობაიას ღობეები ვარდისფერი ენითაა დაწნული თხმელის წკნელის მაგივრად. დროთა მსვლელობაში გახუნებულა ის ფერი, წუთისოფლის მტვერი აუტვირთავს და ოდესღაც გადაისებული შემღვრეულა გვარიანად.

ენა თავიდან ძვლიანი იყო ექვმიუტანლად, მაგრამ, ალბათ, ოტობაიელებმა ამოაცალეს მოუხეშავს, როგორც ვაზს — ჭიგო და ამიერიდან მიიგრანება უმისამართოდ აღმოსავლეთ-დასავლეთ თუ ჩრდილოეთ-სამხრეთით ქარზე მჩატე და ორლესულზე ბასრი.

არ გჯერათ? ახლავე დაგიმტკიცებთ:

„პრესა — რეალური, ობიექტური... მხოლოდ ასეთი წარმომიდგენია მე იგი, — ამგვარად გამომეხმაურება ერთ-ერთი ჩვენებური ქალწული, რომლის მოსახლეებით სავსეა რენესანსის ფერწერა ჩვილატატებული პოზით, — მაგრამ სამწუნაროდ ხშირად ვკითხულობ გაზეთის ფურცლებზე რაღაცას, ისეთს, რომელიც საერთოდ სინამდვილეს არ შეესაბამება... კომენტარი

აუცილებელი არ არის, არამედ, მინდა დავსვა კითხვა იმის შესახებ, თუ ვინ მოჩმასა, რომ თითქოს მეორე ოტობაიაში „რა ხანია მწყობრში ჩადგა საბავშვო ბაღი...“

საინტერესოა, როცა წერილი გამოსაქვეყნებლად მზადდებოდა, მის სისწორეში დარწმუნებული იყო თუ არა ავტორი?! დასანანია, რომ ბატონმა გ.ფეტელავამ ზერელე ფაქტები წარუდგინა მკითხველს, როცა იგი ერთმანეთს ადარებდა ორ ოტობაიას. მართალია, პირველ ოტობაიას საერთოდ არ გააჩნია საბავშვო ბაღი, მაგრამ სჯობს ასე, ვიდრე — მეორე ოტობაიაში, სადაც რამდენიმე წლის უკან აშენდა არახარისხოვანი შენობა, რომელმაც ერთ ჟუჟუნა წვიმას და დასავლურ ნიავს ვერ გაუძლო და უწყლოდ, უღმერთოდ ჩამოდნა, ჩამოინგრა, ჩამოიხრია; ჯერ კიდევ მაშინ, როცა იგი ბავშვებისთვის უცნობი იყო, როცა თანამდებობაზე ხალხი ინიშნებოდა ე.წ. ჩვენებური ანუ ქართული აურზაურით... მე მეორე ოტობაიელი ვარ და რა თქმა უნდა, მწადია ჩემი სოფლის ცენტრიც ისეთივე ლამაზი და კეთილმოწყობილი იყოს, როგორც პირველი ოტობაიისაა, ან რატომ არ უნდა იყოს ასე, თუ კი წერილის მიხედვით ვიმსჯელებთ, მეორე ოტობაიის მეურნეობა უფრო შექლებულია, სოლო პირველი — ვალეებშია?

რატომ უნდა იყოს ფოსტა სკოლის შენობას შეფარებული, ან ის ქობისა კლუბი სკოლის ეზოში თვალუბრაქვეტილი?! როდემდე უნდა იწვოდეს სინცხვილით საყოფაცხოვრებო, მედბუნქტი, ბიბლიოთეკა? □რომლებიც ერთ ფიცრულში შეყუჟულან), არც ის ერთადერთი მაღაზიაა ბედოვლათიანი, რომელშიც ერთადაა თავმოყრილი სამრეწველო, სასურსათო თუ სამეურნეო საქონელი. მშვენიერა არც კანტორა და მუშათა სასაბჭოა, მაგრამ პატარა, ახალი შენობებია. სოფელი დამით ჩაბნელებულია. ვფიქრობ, საქართველო ცენტრალურ ქუჩებში ლამპიონები, ეს კარგი მომსახურება იქნებოდა ტრანსპორტისათვის და მგზავრებისათვის!“

დემოკრატიის პრინციპებიდან გამომდინარე, მადონა, ჩვენებური, ოტობაიის ბედ-იღბალზე გულ-დამწვარი ჭირისუფლის ხმა ლაღადებს, რისთვისაც უაღრესად გემადლიერები, — ვენიანები ფიქრებში ენამქვერ თანასოფელს, — ამბობ ამდენი და ამდენი წელია ის საბავშვო ბაღი აშენდაო, თათა-ქარიძეების საკადრის ყოფაში ვართო;

ნაკლის მხილება დიდუბულია, მე სხვა რაღაცაზე მწყდება გული: ესოდენ ბასრი ენა საკამათო პუბლიკაციის შემდეგლა რომ გასარჯე. ისე ნუ გამიგებ, თითქოს ნაწყენი ვიყო. არამც და არამც, მით უფრო ჩვენებურისადმი სიტყვა ცერად როგორ გამექცევა. ეს მე ვარ ყოველდღიურობაზე მაღლა, თორემ უფალ იესოს თუ მიუგდებ ყურს, მოძღვარს მხოლოდ საკუთარ სოფელში, ნაზარეთშიდა არ შეუნდობენ. ალბათ, ესეც არის ერთ-ერთი მიზეზთაგანი იმისა, რომ საპოლემიკო წერილს აბსოლუტური გულგრილობით, დუმილით შეხვდება როგორც პირველი, ისე — მეორე ოტობაია.

ამას წინათ ერთ თანასოფელს შევხვდები თბილისში ნათესავის გასვე- ნებაზე. საუბარს შევწყვიტო. მერმე ვიტყვი:

წიგნს ვწერ თქვენზე-მეთქი.

ვინ დაგავალაო, ამომამტერდება შეცბუნებული.

მამაშენმა-მეთქი.

მამაჩემი რომ ოცი წლის მკვდარიაო.

ეგ თქვენთვის, თორემ ჩემთვის დღესაც ცოცხალია-მეთქი.

პასუხს მთხოვ და ორიოდ სიტყვას როგორ დაგზარდები? ამ ოთხიოდე წლის წინათ ჩავებმები მართონულ ბრძოლაში, რომელსაც ოტობაიელების აქილევსის ქუსლი, ანუ ჭარბად დაგვემილი ბოსტანი ხქვია.

ამ საკითხს ორმოცდახუთწუთიან სატალევიზიო გადაცემასაც მივუძღვნი, სათაურით: „ორი მეურნეობა, ორი შედეგი“. მეგონა საქმეს ეშველებოდა, მაგრამ როგორც ამჯერად, არც მაშინ გაფაჩუნებულა ბუჩქიც კი ორივე ოტობაიაში.

იმედს მაინც არ გადავიწურავთ, მივდგებ-მოვდგებით. ზოგი მეტად გაირჯება, ზოგი — ნაკლებად და აი, გაერთიანებული ძალით შეუძლებელს მოვახერხებთ — ოტობაიის მებოსტნეობის საბჭოთა მეურნეობას პროფილი შეეცვალება, სუბტროპიკული კულტურების მწარმოებელი გახდება, თუმცა გვარიანხლობით მეურნეობამ ძველებურად უნდა წიკოს ქანცისგამწყვეტი ტვირთი — 2500 ტონა ბოსტნეული!

ძუღუმტე მეტყვის: ამადარმა ბრიგადირმა, ხუჭუჭთმიანმა ხუტუშმა ძაძუამ, სამუშაოს თავი დაანება, ვინაიდან აწი ცარიელი დაპირებებით ოტობაიელებს პლანტაციაში ვერაფრით შეიყვანო.

ზურგი შეუქცევიათ სამსახურისთვის მკლავმოუღლელებს: დინარა გამისონიას, უფ-

როს-უმცროსი და-ძმის მოამაგე თენგოს, თენგიზ ფეტელავას. მუქთად ოფლისღვრა არავის ეხალისება, შინ ჩხირკედელაობს.

ასეთია თურმე ჩვენი საერთო სატკივარი. ასეთი ატმოსფეროს დახატვას ვისახავდი მიზნად, როცა კალამს ხელს გვიდებდი; ასეთი სულისკვეთებით დავმუხტულვარ ახლაც, შეუდარებელ შურობუმუს ორი წლით მოშორებული, და მეპატიება, ალბათ, ოტობაიას ყველა პრობლემისთვის თუ ვერ მოვიცალე მაშინ-მეთქი, — ვებასები ფიქრებში უცნობ ოპონენტს, — აწ უშუალოდ ჩემს გამრუდებულ ფაქტებზეც მოგახსენებ, მადონა, ჩვენებურო, — ვაგრძელებ კამათს აბსტრაქტულ თანასოფლელთან, — საბავშვო ბაღის ის შენობა სატელევიზიო გადაცემის მომზადების პერიოდში ჯეირანივით გამოიყურებოდა, მაგრამ რადგანაც სასმელი წყლის პრობლემა ვერ მოგვარდა, □პროექტი არტეზული ჭის გათხრას არ ითვალისწინებდა, სოფელს კი ცენტრალიზებული წყალგაყვანილობა არ გააჩნდა), საზოგადოებამ არ ჩაიბარა, და თუ ახლა ხსენებული დაწესებულება მართლაც შენს სიტყვებს შეესაბამება — პარტახია, ბარაქალა ჩვენ, დიდი შეცდომა მოგვსვლია, უპატრონობით დაგვიღუპავს.

ხომ გაგიგონია, უპატრონო ეკლესიას ეშმაკები დაეუფლნენო და გასაკვირი რა არის წლობით გამოკეტილი, ადამიანის უზრუნველობას მოკლებული შენობა გავერანებულებო-მეთქი. მე სხვა რამეზე მწყდება გული, მადონა, ჩვენებურო: მაინც და მაინც ამ ბორბლებზე ამხედრებული კაცის წერილის გამომზევებას უცდიდი, რომ მამულიშვილობის ძარღვი აგტოვებოდა? რატომ ქვეყანა არ შესძარიო?

როცა ენგურზე გადასასვლელ ხიდს მოითხოვთ, ქუდზე კაცი ფეხებში ჩაუვარდებით ცეკას იმდროინდელ მდივანს, ბატონ ედუარდ შევარდნაძეს.

განა სკოლაც მსგავსი ერთსულოვნების შედაგად არ აშენებულა, ან — ის ჯვარცმული ბაგა-ბაღი, მაგრამ რა აზრი აქვს ყოველივეს თუკი არსებულს მოუვლელიობით დავაქცევთ-მეთქი.

მერედა, პირველი ოტობაიას ცენტრს რომ შეხხარი, მადონა, ჩვენებურო, ჩაეკითხე დარბაისელ ხალხს; მართალია, უხუცესი ნოჩო თაკალანძე გასულა გაღმა, მარილზე, საკუთარი ცხვირის მთაგრეხილებით, მაგრამ სხვებმა ხომ იციან: სამკილოგრამშუშტიანმა პილა სეჟანამ, ხარისთვალემა ყირმიზმა ბრძენკაცმა კაპტო ლოგუამ თუ თითებმოლუნულმა კუკუთა მესხიამ თუნდაც, დღენიდაც ქარვის კრიალოსანს რომ აწვეთებს დაბამბულშარვლიან მუხლებთან, რომ ჩვენი რაიონული ცენტრი გალი □რაც მდინარე დალისის, ლალიძგას, იგივე დელისპირის რუსული წაკითხვაა, „Алде“), ჯერ მოგონილიც არ არის, როცა აქ, ფესვებმაგარ ოტობაიაში საარაკო ბაზრობები იმართება?! გამოფენენ დუქნებში ფართოლელს და აბრეშუმელს ძმები ხუფენიები — თედო, ბეგი, კირილე და დომე, თოვლივით ქათქათას თუ ზაფრანასავით წითლებს;

გამოიტანენ დახლებზე ირანულ რაჰათლუკუმს და თურქულ შაქარ-ყინულს, ძაძამიძეების ნაოსტატარ ქამარ-ხანჯალს, ჩანგელიების დალიანდაგებულ ჩოხა-ახალუხს;

გამოამზევებენ ოტობაიელის მეცადინეობით ენასა და პირს შუა თუ რამე ითქმება: არის ჯირითი ლევანიას მინდორზე, სადაც აწ კამეჩების სანებივრო ტლაპოების სიმრავლეა. აქ პირველობას არავის დაუთმობს კუჭუ გელენა მოციცქნული, კვერცხივით შეკრული მერნით;

ცხენის მორქიას თარჩია ენაცვლება.

ტრიალებს გიგანტური კარუსელი. თურქული სანდლები თუ ოჩხომელურანი იტვირთება თხილით, კაკლის, წაბლის ხის მასალით. მოკლედ, ცხოვრება დულს და გადმოდულს.

მეორე ოტობაია, იგივე კუნთხუოტობაიად წოდებული კი — სულ რაღაც ათი წელიწადია გამიჯვნია პირველს და შედარებით მოკრძალებული იერსახის თუა, საგანგაშო არაფერია, მოსკოვიც ხელის ერთი მოსმით როდი აშენებულა; უცებ ცათამბჯენებს ნუ მოვსთხოვთ სიპ ქვაზე დასახლებულს, სულის მოთქმა ვადროვოთ, ჯერ ფესვი მოიკიდოს, დაეფუძნოს, ადრე თუ გვიან ქარვასლების აღმართვის ჟამიც დადგება-მეთქი.

ლიმონი რომ სათუთი კულტურაა, მადონა, ჩვენებურო, არ გესწავლება. მასზე დამლუპველად მოქმედებს ყინვა, ამიტომაც გამოეყოფა თუ არა დიდ ოტობაიას პატარა, იმთავითვე ლიმონარიუმების მშენებლობას შევუდგებით. ამისი მოწმენი ორივე გახლავართ, მხოლოდ ნოჩო თაკალანძე და სამარადისში გადაბრძანებული ზოგი ჩვენი თანასოფლელია ჩამოშორებია საერთო ფაციფუცს.

დახურულ გრუნტში ოცდაათამდე ხექტარი ფართობი მიწა მოქცეულა. ნავარაუდევია მარტივი თუ რთული კონსტრუქციებით აღნიშნული სავარგულების ზედმიწევნით გადახურვა.

ჯოტო ყალიჩავს ვაჟიშვილი, ვერცლისწყალივით დაუდგრომელი ნუგზარი, იგივე ვაჩი მეტსახელად, ცირკისმიერი მალაყბით რომ დაგვაჭყტინებდა ხოლმე თვალებს სტალიონზე, მექანიზაციის სულისჩამდგმელია.

მართალია, ბაღდადიდან ჩამოყვანილი ვირისა არ იყოს, ძალზე ძვირია მათი აშენება, მაგრამ ხელ-

მძღვანელობის რწმუნებით, ფონდუკუგებას სრული მსხმოიარობიდან მესამე წელს მიიღებენ. ლიმონარიუმების მშენებლობასთან დაკავშირებით ოტობაიელების წინაშე ერთი მოუარჩენელი პრობლემა მაინც რჩება — მორგებული ტექნიკა ...

— აი, რა გვჭირდებაო — მეუბნება მეურნეობის დირექტორი იგორ გადელია, — გარკვეული ეკონომია მოგვცა შარშან შექენილმა რვა მიკროტრაქტორმა. აღსანიშნავია ისიც, რომ მეურნეობაში მხოლოდ 15 ხექტარზეა გაშენებული პროფესორ მამფორიას მიერ გამოყვანილი ყინვაგამძლე ჯიში „დიოსკურია“. დიდი სურვილი გვაქვს დავნერგოთ სხვა ჯიშებიც, მჭიდრო კონტაქტები დავამყაროთ მეცნიერ-მუშაკებთან. აგრეთვე ფართოდ გამოვიყენოთ მეციტრუსეობის დარგში საზღვარგარეთ არსებული გამოცდილებაო.

ლაპარაკის ნომენკლატურულ სტილს ძვირად ვეთანაწყოები. ნოჩო თაკალანძეებისა და გრიშა იზორიების დაბაზზე აღზრდილს მეხამუშება კანცელარული სტილი.

აკი, თქვა კიდევ ცხვირის პარამეტრებით გინესის წიგნში შესატანმა თანასოფელმა:

— ყოველ დილა ოცდათხუთმეტი კილომეტრიდან რომ მოლაყუნდება კაცი შენს ასაშენებლად და სალომთი კვლავ ოცდათხუთმეტი კილომეტრით წაგვანგვალდება გვარიანად ჯიბეგასქელებული, იმისთანა სოფელს მომავალი უწერია?!

— მეურნეობაში ფართოდ ინერგება კოლექტიური იჯარა, — ჩამესმის ყურში იგორ გადელიას როდის თქმული, — სადაც კი მუშაობის ეს პროგრესული ფორმა დამკვიდრდა, სიმინდის სახექტარო მოსავლიანობამ 45-50 ცენტნერს მიაღწია. საიჯარო რგოლები აგრეთვე შექმნილია მეციტრუსეობაშიც. მოვლენებს რეალურად თუ შევხედავთ, ოტობაიელები ციტრუსებმა მართლაც რომ ამოიჭვანაჭაობიდან. შარშან 16 ტონა ლიმონი მოგკრიფეთ. წლეულს ეს ციფრი გაათმაგდება. საპნის ბუშტივით გასკდა სკვპტიკური შიში იმის თაობაზე, რომ ჭარბტენიან ზოლში ციტრუსები ვერ გაიხარებდნენ. იქნებ სწორედ ციტრუსების გაშენებაა ერთადერთი მართებული გადაწყვეტილება ზღვისპირა მწირი ნიადაგების ათვისების საქმეში, — განმანათლებს, — ცხადია, თუკი მათი ყინვისგან დაცვის საკითხიც მოგვარდება.

ეს პრობლემა ახლო მომავალში უფრო სიღრმისეულ დაკვირვებას საჭიროებს თურმე, მაგრამ ჩვენთვის ახლა არსებითი ის გახლავთ, რომ ოტობაიის საზოგადოების ნაწილი თავის დროზე სწორ არჩევანს გააკეთებს, არ მოერიდება ბიუროკრატიულ გალავნებს, წინა პლანზე ხალხის სასიცოცხლო ინტერესები წამოსწევს და თითქოს დაუჩერებელს შეძლებს: ნაჭაობარ ნიადაგზე კოლხეთის ისტორიაში პირველად გაშენდება ციტრუსები. დანარჩენი უკვე შრომის ორგანიზაციის გერგოლიან წარმართვაზე იყო დამოკიდებული, მუშაობის იმ სტილზე, რომელმაც „დროთა მსვლელობაში მოსახლეობაში ერთსულოვანი მხარდაჭერა ხპოვა.“

მე სულ სხვანაირად წარმომისახავს კოლხეთის მომავალი. ჩემი კრედიო იროდი სართანას, ნოჩო თაკალანძეს თუ ჩონჩორ ჯოჯუას შეგირდი ძუძუმტეს პრაქტიკა-თეორიის ურღვევი კავშირითაა ნა-საზრდოები, ანუ მარტივად რომ ვთქვათ, ხუთი თითივით წარმომიდგენია მარილისთვის სხვენზე ხარის აყვანა რა სამოთხესაც მოგვიტანს.

უკვდავების წამალი ლაფაროსთან რომ ხარობს, ესეც ჩინებულად გამიცნობიერებია, ოღონდ არ გაგვაჩნია ამ წამლის მოძებნის ძალისხმევა. ცხრა მთას იქით ვხხირკედელაობთ, როცა ყურისძირასალმოცენებულა და კიდევ უმთავრესი, ფორმულა ჩვენი არსობისა: რამაც მოგვლა, მანვე მოგარჩინოს!

პირველ ოტობაიაში კრებაა დანიშნული.

რაბო შონიას სახელმწიფო მანქანით მოვეშურებით შურობუმუსკენ. აღმასკომის თავმჯდომარეა. შოთა შარანგიასთან ორმოცწუთიანი საუბრის შემდეგ მთავრობის წარმომადგენლად მომყვება.

ჩვენს დელიკატურ მასლაათს უსწრებს წერილების ციკლი სამთავრობო გაზეთებში. იციან, ცეკას მდივანი, ბატონი ნოდარ ჭითანავა დაინტერესებულა ჩემი პუბლიკაციებით და დამოკიდებულება შინაური მღვდლის კვლობაზეა: ორივე მანქანის უკანა სალონში ვსხედვართ.

ოტობაიაში შესვენების საათი ჩაგვასწრებს, მაგრამ ვინაიდან მალაზიის მშენებლობისთვის ბეტონის ხსნარი მიუღიათ, მეურნეობის აპარატის თანამშრომლები, კოოპერატივის მუშაკები თუ ილიკო ცეკვაშვილის მიერ ფიზკულტურის გაკვეთილს მოწყვეტილი მოსწავლეები, ერთად შრომობენ.

ხალხის მხარდაჭერა რომ ხპოვოს, მეურნეობის დირექტორი გურია შონია იმთავითვე სოფლის კეთილდღეობისკენ დაუმიზნებს და ეს გასაგებიცაა, მაგრამ ცოდვა გამხელილი სჯობია და საამისოდ ოტობაიის მებოსტნეობის მეურნეობას არანაირი სახსარი გააჩნია.

ვალებითა და გრძელვადიანი სესხებით დამძიმებული მისი ბიუჯეტი გასაქანს არ იძლევა, თუმცა

ისიც ნათელია, რომ ურისკოდ ნებისმიერი დიდი საქმე ჩანასახშივეა მკვდარი, და ოტობაის მებოსტნეობის მეურნეობაში ყველასთვის სასიხარულო შრომის რიტმი რომ გამეფებულა, უწინარესად გურია შონიას დამსახურებაა, მადონა, ჩვენებურო.

ნაშოვნი აქვს კაცს საშვილიშვილო და ტკბილ სიბერეს დადარაჯებია თანასოფლელების მეხსიერების კაბადონზე საცისკროვნოდ. არ უთაკილია რუსთველს სახელის მოხვეჭა ყოველთა მოსახვეჭელს შორის და გურია შონია წამიერად თუ მიაყურადებს სულმნათი წინაპრის საგულისფიცრე შეგონებას, ჩავქოლოთ ბიძად საკადრისი კაცი?!

გზისპირებზე ქვის დეკორატიული ღობეები აღმართულა. აშენებულა კაპიტალური სასიმიწე, საწყობი. განახლებულა მეცხოველეობის ფერმა. დასასრულს უახლოვდება მალაზიის მშენებლობა. მალე მწყობრში ჩადგება მეურნეობის კანტორა. ახალმოსახლეობა უზეიმია ფოსტას, აღმართულა ომში დაღუპულების უკვდავსაყოფი ობელისკი, მაგრამ ეს ყველაფერი ზღვაში წვეთია იმ პერსპექტივასთან შედარებით, რომელიც ხვალ-ზეგ ოტობაიელების თვალწინ გაიშლება თურმე.

ძუძუმტესგან ვიცი: პირველ ოტობაიას სამჯერ მეტი სავარგული მიწა ერიცხება, ვიდრე — მეორეს.

პირველ ოტობაიაში 900 კომლზე მეტი ცხოვრობს, ანუ ხუთასით მეტი, ვიდრე — მეორეში.

პირველ ოტობაიაში 300 ქალის შრომა გამოუყენებული საბავშვო ბაღის უქონლობის გამო, მეორე ოტობაიაში კი რა ხანია მწყობრში ჩამდგარა 200 ადგილიანი ბაგა-ბაღი; □ესეც ჩვენი საკამათო თემა, მადონა, ძვირფასო!).

პირველ ოტობაიას მილიონობით მანეთის დავალიანება აქვს სახელმწიფო ხაზინიდან, როცა მეორე ოტობაია დღითი დღე მომგებიანი ხდება იგორ გადელიას სიტყვებით. აღნიშნული ჩამორჩენის მიზეზები ჩვენც გვიძებნია და დაგვეთანხმებით მოგვიანებით, გვიპოვნია კიდევ.

თანასოფლელებთან საუბარში გარკვეულა ერთხელ და სამუდამოდ, რომ ადგილობრივი მუშახელის პლანტაციამ გაყვანა უკვე თვით ყოვლისშემძლე ბრიგადირს, ხუჭუჭთმიან ხუტუშა ძაძუასაც კი უჭირს. აქამდე მუყაითობით განთქმულ ოტობაიელ გლეხკაცს მებოსტნეობასთან დაკავშირებულმა პრობლემებმა ლამის არის მამაპაპური მიწისთვის ზურგი შეაქცევინოს.

იბადება კითხვა, კი, მაგრამ რატომ? რა საბაბით? იქნებ ამ სოფლებში მიწები განსხვავებულია, ერთგან — მწირი, უვარგისი, მეორეგან — ბარაქიანი?! ნოყიერი სავარგულები ორივე სოფელს თანაბარი ღირსების მოეპოვება, ცაც საზიარო ხურავთ, მაგრამ ოფლნაკურებ ფართობებზე გაშენებული კულტურებისა და შრომის ორგანიზაციის სხვადასხვაობა შედეგსაც განსხვავებულს მოგვაშაგებს, ვაგლახ.

გალის რაიონს შემთხვევით როდი ეძახიან აფხაზეთის ბელელს. სამურზაყანოელები საქვეწოდაა შექმნილი ჩაის, ციტრუსის უხვი მოსავლებით. მეცხოველეობაში ტოლს არავის უდებენ. თავი უსახელებიათ მესიმიწეებს: ჯოტორია ალფენიძე და ვენერა ჭანია შრომის გმირებია ჩვენი შურობუმუდან. მეაბრეშუმეებს ცა ქუდად მიაჩნიათ და დედამიწა — ქალამნად, მაგრამ მებოსტნეობა გალელებისთვის კვლავინდებურად აქილევსის ქუსლად დაშთენილა.

აფხაზეთში მებოსტნეობის ოთხი საბჭოთა მეურნეობაა. მათ შორის ერთი — გალის რაიონში, ოტობაიაში.

გალის რაიონს ყოველწლიურად სახელმწიფოსთვის ჩასაბარებელი აქვს 3500 ტონა ბოსტნეული, ზუსტად იმდენი, რამდენიც — გაგრისა და ოჩამჩირის რაიონებს; მარტივად თუ ვიტყვით, ჯერ გალის რაიონისათვისაა ბოსტნეული ჭარბად დაგეგმილი, მერე აქედან გამომდინარე, კარგი დღე არც ოტობაიელებს ადგათ — ყოველწლიურად 2500 ტონა!!!

ძნელია ახლა არკვიო, თუ რა მოსაზრებით აკისრებენ ოტობაიელებს აფხაზეთის საერთო გეგმის ორ მესამედს! იქნებ ამ მეტად შორსმჭვრეტელურ ღონისძიებას აქაური მოსახლეობის შრომისოყვარობისა და თვინიერების იმედით განახორციელებენ?! არავინ იცის, ერთი კი ცხადია, რომ მეთორმეტე წელიწადია ზღვისპირეთის საბორში და სასუბე ბოსტნეულის გეგმას კატორღულად უმკლავდებიან ოტობაიელები, წელში წყდებიან, თუმცა შედეგი მაინც არ ჩანს.

ხალხი იმდენი მოზღვავებულა, ხვდებიან, დირექტორის კაბინეტი ვერ დაიტევს და პირდაპირ, ღია ცის ქვეშ, ფეხზედგომელანი ჩავერთვებით პაექრობის ფერხულში. ჩემიანების გარემოცვა ზურგს მიმაგრებს. პუბლიკაციები მომიმარჯვებია. მთავარი არგუმენტი ბოლოსთვის შემომინახავს.

— შედარებით ადვილია თავი გამოიჩინო მეცხოველეობის ფერმაში. რიგიანად თუ მოუვლი საქონელს და საკვებს არ მოაკლებ, წველადობაც იმატებს, — მეცნაურება გვაძა გეჭუას უფროსი ვაჟიშვილის, ანტიფოს ხმა. თანაკლასელი რევაზის ძმაა, ერთი ყალიბისანი არიან, მომცრონი, ჩაკირულები, დიდრონი თვალებითა და თავშეუკავებელი სიცილით.

— ჩაის პლანტაციაში სისხამზე გამოხვალ, აავსებ კალათებს დუყებით, გაირჯები, სამაგაეროდ

სიმდიდრითაც აივსები, — დაიჩივლებს აფსიორებული იამზე შამუგია. ჩემი თანაკლასელის დაა, სრიალა თმითა და შრატისფერი თვალებით.

— სიმინდს მოთოხნი, გამარგლავ, გამაოროდებ, სასუქს დროულად შეიტან, წყრთა ტარობით დააკაპანებ ნალიებს, მაგრამ, აბა, აქაურ ჭინჭყლ პირობებში სცადე და იგივე გმირობა მებოსტნეობაშიც გაიმეორე?! — თვითმომქმედი ანსამბლის ხელმძღვანელს, დაუდგრომელი აჩქარას სიდედრს, ვენერა ჭანიას, ისედაც ყირმიზს და ზომაზე მეტად წამოჭარხლებულს, კისრის ძარღვები დაბერვია, — გაწბილდებით, ბატონო, რაბო და მერე როგორ?! თორმეტი წელიწადია, რაც ოტობაიის ერთი მებოსტნეც არ წარდგენილა ქვეყნის უმაღლეს ჯილდოზე; თორმეტი წელიწადია, რაც პრემიის სახით ერთი მანეთიც არ გახარჯულა ოტობაიელი მშრომელების წასახალისებლად.

— ბოსტნეული რომ საჭიროა, ამაზე ორი აზრი არ არსებობს, — დამაჯერებელია ჯიშადი ნოდარ გელენავას ტემბრი. წინაფრიანი ქუდი ხელში მოუკუჭავს. ზენაქართ აწეწილ თმას, რომელსაც გულმოდგინედ იწებებს მოტვლეპილ კეფაზე, არაფერი შველის. ხშირად შემომხედავს მადლიერის იერით, ეამაყება წლების წინათ კოპეშია-თავი მთლად რომ არ წამაცალა თხმელის წკნელებისთვის ტყისკენ დაძრულმა, — თუმცა ამ საყოველთაო მიზანმა, არანაირად უნდა გათელოს ერთი სოფლის სასიცოცხლო ინტერესები. აქამდე რაღაცნაირად ხერხდებოდა მოსახლეობის გაჩუმება, მაგრამ დღეს, საერთო გარდაქმნის, დემოკრატიისა და საჯაროობის პირობებში, ძნელია პირში წყალი დაუგუბო ადამიანებს, — ბიძაჩემიც ნომენკლატურის წარმომადგენელია, სანერგე მეურნეობის დირექტორი. სხვებზე ნაკლებად არც მას ემარჯვება განრიგების მიწვევ-მოწვევა, თუმცა ჭეშმარიტება პიროვნულზე მაღალია, — ეს ყველაფერი ბევრჯერ დაიწერა გაზეთებში, ითქვა მაღალი ტრიბუნიდან, სატელევიზიო გადაცემაში მიქდღნა სათაურით: „ორი მეურნეობა, ორი შედეგი“, მაგრამ ბოსტნეულით ჯვარცმული სოფელი კვლავაც ერთადერთი — მებოსტნეობის მიმართულეებისაა.

სიტყვა „ჯვარცმულის“ ხსენებაზე, ხარაზი დათიკო საჯაია დაბნევიტ მიმოიხედავს — აშკარაა, მის ცნობიერებაში უცებ კუნძულ ტექსელის კომპარები ამოტივტიდება, ორ კედელს შორის გაკვეხებულს რომ სძინავს თვეობით, ოდეს აჯანყების მონაწილეებს ნაბიჯ-ნაბიჯ ეძებენ საცხოვრისებში, დანებით ჩხვლეტენ იმ თხელ ფირფიცრებს და ერთი ძეგრება ფერდშიც კი გაუვლის, თუმცა ყუხუს უთქმელად აიტანს ყოველივეს მეამბოხე კაცი.

— როცა დაგეგმვაა, ბარემ ჩვენც ჩაგვეკითხონ, თორემ ეს რაღა დემოკრატიაა?! — ხელებს გაასავსავეებს ახმახი, ენაკვიმატი და მუდამ წვერმოპარსული ვანჩქა კვარაცხელია. ფიქროსი საზღვართან სახლობს, ბოხუების გადასახვევთან, ტაბალუებისა და ძაძუების გარემოცვაში. უფროსი ვაჟი ოთარი აბასთუმანის ობსერვატორიაში გაუმწესებია ვარსკვლავების დასათვლელად.

— ჩვენ წარმოებული ბოსტნეულის ნახევარი, ბატონო, რაბო, — დაიხსომე, ეს სიტყვა, მადონა, ჩვენებურო, პირველადაა თქმული გასაბჭოების შემდეგ ვაჟა ხუფენიას მიერ სოფლის თავყრილობაზე. დირექტორის მოადგილეა, მისი ბიჭუნა და მე გალში დავამხანაგებულვართ, ქორწილშიც მომიღებინა მათსას, — ტრანსპორტირების დროს გაფუჭდა. ვიდრე დანიშნულ პუნქტამდე ჩააღწია, დასკდა, დაიჩიქვა მონჯღრეულ გზებზე ჯაჯაყით. ახლა საკითხავია, ვინ, რომელი უწყება დაუბრუნებს ხალხს დაღვრილი ოფლის საფასურს? ცხადია, არავინ! ხშირად იმნაირადაც ხდება, რომ ადგილებზე ჩატანილი პროდუქცია შელახულია და აქ დამკვეთ-გამსაღებელს შორის ვაჭრობა იმართება, ამ სიტყვის პირდაპირი მნიშვნელობით, ვინაიდან ის კარნახობს პირობებს. მოკლედ, ოტობაიელების ინტერესები თვალსა და ხელს შუა იწირებოდა და იწირება დღესაც.

— ათი წელიწადია ბოსტანს ვამუშავებთ, — ამბობს გივი ალფენიძე, — ხელფასი იქამდე დაბალია, რომ ყოველთვიურად გამომუშავებული ფული პურსა და სიგარეტს ძლივს მიყიდის, მანეთიან პურს და „პრიმას“ ვგულისხმობ.

— სამუშაოებს ხელით ვასრულებთ, — სიტყვას ჩამოართმევს კოკო ხუფენია, — ბევრი დედაკაცი და მამაკაცი წელში ნამგალივით მოხრილა. ზოგჯერ ისეთ კულტურებსაც გვიგეგმავენ, რომელიც საერთოდ არ მოდის ჩვენთან, მაგალითად, ზაფხულის კომბოსტო. ეს ოხერი დიდი სიცხეების გამო თავს არ იხვევს რატომღაც.

— იჯარის შემოღების შემდეგ ჩვენ მოწეული მოსავლის მიხედვით მოგვეცემა ხელფასი, — დაიჩივლებს დინარა გამისონია, — ცხადია, გაცილებით ნაკლები, ვიდრე დღემდე გვქონდა, რადგანაც მოგვყავს ისეთი კულტურები, რომელთა გასაღება ჭირს, მალე ფუჭდება. არც შესანახი მაცივრები გავაჩნია და აღარც — ბოსტნეულის თუნდაც კუსტარული ხერხით გადამამუშავებელი საწარმო. ერთი სიტყვით, ვცოდვილობთ.

აზეითებული სახალხო კრება ერთხელ და სამუდამოდ გაარკვევს, რომ სანერგეში დასაქმებული

მუშახელის გამოკლებით დიდი უმრავლესობის ყოველთვიური გამომუშავება 30-40 მანეთს შეესაბამება. განა იმიტომ — გარჯა ეზარებათ, ან თოხის მოქნევა დაავიწყდათ?! გამოდის, რომ „ისნის“ მარკის წყვილი ფეხსაცმლის საზღაურს ვუნდლებთ ოტობაიელებს თორმეტი წელიწადია. ბარაქალა მათ გამძლეობას! ჩვენ, დიხაც, გვჭირდება მაღალხარისხოვანი ბოსტნეული, გვჭირდება მისი სასარგებლო ვიტამინები, ცილები და ნახშირწყლები, მაგრამ, ბუნებრივია, არა— ოტობაიელების სიცოცხლის ხარჯზე.

— მოგვეციტ სამუშაო! — აბაბანდებიან ახალგაზრდები.

რაბო შონია ყურებამდე გაწითლებულა. ასეთ შემოტევას ნამდვილად არ ელის, თორემ წამოიძლოლიებდა თავად რაიკომის მდივან შარანგიას.

ხელებს ასავსავებს. დროდადრო მტევნებს შემოიშველიებს დამსწრე საზოგადოების დასაშოშმინებლად, მაგრამ ააფრინე ალალიო, ხომ გსმენიათ და არის ერთ გაწამაწიაში.

— ჩვენ სიმინდისა და თხილის ქვეყანა ვართ, — მისუსტებული ხმით ამბობს ანდრია ალფენიძე. უფროსი პლეადიდან ისლა შემორჩენია ოტობაიას სახელოვან პედკოლექტივს და კიდევ — უბერებელი პილა სექანია, — მამა-პაპური ადათ-წესის ლალატი, იცოდეთ, ძვირად დაგვიჯდება, წარვწყმდებით. არავის ეგონოს ჩაისა და ციტრუსის კულტურები აგვაშენებს! დროის გამოცდილს მივხედოთ, აჯობებს! — სიცხარე ემატება თანდათან პენსიონერი პედაგოგის საუბარს, მაგრამ მისი ქადაგებანი უკვე ჩემთვის „ნატურის ხის“ პერსონაჟი ციციკორა პაპას ჭინთებაა, — რას მოგვიტანს პლანტაციები?! ჩვენს ქალებს და ბავშვებს გადააჯიშებს, — ჩასჩინებს მრევლს, თუმცა ვინ არის ყურის მგდებელი?!

ჯერ არის და შარშან ანასეულის სანერგე მეურნეობიდან „კოლხიდის“ მეტად ძვირფასი ჩაის ნერგებს შეიძენენ ოტობაიელები 10 ხექტარზე გასაშენებლად, თუმცა ახალ წამოწყებას იმდენი მხარდამჭერი აღმოუჩნდება, რომ ფაქტობრივად სამჯერ მეტს დარგავენ.

ხალხი გვიან ღამით დგება მეზობლების გადმოცემით. განსაკუთრებით მანერა პაპასქუა აქტიურობს ამ მასლაათში. მახარაძის რაიონიდან ჩამოტანილ ნერგებს გზაში ეგებება მოსახლეობა, რათა მეტი შეიხვედროს და გასამრჯელოც სოლიდური ერგოს. „დაგუბებული ენერგიის გამოვლინების აქამდე უჩვეულო მაგალითი“ მაცეცხს.

— ახლა ჩვენი ჩაის პლანტაციები ავ თვალს არ დაენახვებო, — მიმტკიცებს ბარლებელი ქალი და რა ჩარაა ფეხით არ შემოვიარო დრენაჟ-დრენაჟ, მიჯნა-მიჯნა?!

— თქვენი სატიკვარი, ოტობაიელებო, სინამდვილეს შეეფარდება, — მუჭში ჩახველებით წამოიწყებს რაბო შონია. მადონა, ჩვენებურო, ვაჟა ხუფენიას ჩამოხგავს, მასავით პირმრგვალია, ყირმიზი სახის, — ნიადაგური და კლიმატური პირობებით მეტად ხელსაყრელი სოფლის შესაძლებლობანი დღემდე გამოუყენებელია. მთავრობა ძიებაშია, ამ ათი წლის მანძილზე რამდენჯერმე ამიტომაც შეგეცვალათ პროფილი.

— დალოცვილებო, ამ ძიებაში ხულის* მეტი ვერაფერი იპოვეთ? — ხეოფსის მუმიასავითაა ულვაშაგარა გრიმა იზორია, ხალხი კი ირწევა სიცილისგან. საერთო მხიარულება რაბო შონიასაც გადაედება და აქამდე შებოჭილი რაიადმასკომის თავმჯდომარე ხელად გამოიცვლება.

— ჯერ თავიდან მეხილეობის სპეციალიზაცია მოგეცათ. შემდეგ გადაგაკეთეს ეთერზეთების მწარმოებელ მეურნეობად, დაბოლოს, ყოველგვარი დასაბუთების, შესწავლის გარეშე ბოსტნეულის მწარმოებელნი გახდით. მეურნეობის სპეციალიზაციის განსაზღვრისას რესპუბლიკური დონის არც ერთმა ხელმძღვანელმა და სპეციალისტმა არ გაითვალისწინა წარმოებისათვის ძირითადი საშუალების, მიწის პირობები. წარმოებისთვის მთავარია მიწა, ჩემო, ოტობაიელებო, და სწორედ მიწა არ გაგაჩნდათ დასახული ამოცანების გადასაწყვეტად. დაუშრობელი კოლხეთის მიწაზე 2500 ტონა ბოსტნეულის წარმოება არც თუ ისე იოლი საქმე იყო.

— თუნდაც დაშრობილზე, — ისევ ჩაუნისკარტებს გრიმა იზორია და კვლავაც სიცილის ფთილა გადაუჭროლებს აზვითებულ კრებას.

— ასე რომ, აგროსამრეწველო გაერთიანებამ სოფლის აღორძინება მიწების დაშრობით დაიწყო. ამჟამად მეურნეობისთვის გადმოცემულია 400 ხექტარი დაშრობილი ფართობი. დაშრობითი ღონისძიებები მომავალშიც გაგრძელდება და ხუთწლედის დასასრულს ის მთლიანად დამთავრდება. აგროსამრეწველო გაერთიანების სპეციალისტებს არც ის გამოჩენიათ მხედველობიდან, რომ ოტობაიის მიწაზე საუკეთესოდ ხარობს უნიკალური ჯიშის თხილი და ამ მიმართულებითაც გადაიდგმება ნაბიჯები. მიმდინარე ხუთწლედში ჩაის კულტურის პლანტაციები მიაღწევს 150-200 ხექტარს. მომავალი წლიდან მეურნეობის დაგეგმვა მოხდება მისი საწარმო შესაძლებლობების გათვალისწინებით. შევემცირდებით ბოსტნეულის გეგმა-ვალდებულება. ყველაფერს გავაკეთებთ, რათა მაქსიმალურად დასაქმდეს მუშახელი, რათა მეტი ყურადღება მიექცეს თქვენი საყოფაცხოვრებო პირობების ღონის

ამაღლებას...

— თქვენს პირს შექარი, ბატონო რაბო, — ვაწყვეტინებ სიტყვას მშობლიური სოფლისკენ დამეგზუ-
რებულ ფუნქციონერს, — ეს გაზეთი ხვალამდე ვერ ჩამოაღწევს სამურზაყანოში, ამიტომაც თავს
ნებას ვაძლევ პირველად თქვენ გაუწყობთ მისი შინაარსი. ჩემი წერილის წაკითხვით არ შეგაწყენთ, აი,
რედაქციის მინაწერს კი ხმამაღლა მოგახსენებთ ბატონ რაბოს ნებართვით.

მოზღვავებული ხალხი გასუსულია. გატრუნულა თავად ოფლშიგაწურული აღმასკომის თავმჯ-
დომარეც.

— **„ოდეს ყველაფერი დაზუსტდა, როცა ყოველი ფაქტი შეჯერდა და გაანალიზდა, კომენტარისთვის საქართველოს „სახაგრომრეწვეს“ მიემართეთ და ჩვენს გაოცებას საზ-
ღვარი არ ხქონდა, როდესაც შევიტყვეთ, რომ ამა წლის 15 მარტს, — თარიღს დაუკე-
ირდით, ვეუბნები ხალხს მეტი სიფხიზ- ლისთვის, — ოტობაიის მებოსტნეობის საბჭოთა მე-
ურნეობისათვის სპეციალური დადგენილებით პროფილი შეუცვლიათ: იგი სუბტროპიკუ-
ლი კულტურების მწარმოებელი გამხდარა, მაგრამ ამის შესახებ სოფლელებმა არაფერი
იციან, ვინაიდან აღნიშნული დოკუმენტი მკვიდრად დაბინავებულა რაიონის ხელმძღვა-
ნელობის ცენტრგამძლე სეიფში. როგორც ჩანს, მათ ხელს არ აძლევთ ოტობაიელების
2500 ტონა ბოსტნეული სხვა მერუნეობებს გადაუნაწილონ. ურჩევნიათ ერთმა სოფელმა
ზიდოს ავტონომიური რესპუბლიკის გვერდის ძირითადი ჭაბანი! მერე, რა თუ ფაქტობრი-
ვად არ შესრულდება, არასტანდარტული პროდუქციით იქნება ეს (მომწიფებელი ნედ-
ლეული ფერმებს მიეყიდება), თუ ქაღალდის წყალობით, სომ მაინც გაგვლენ ფონს?!
ბლატონი ჩემი მეგობარია, მაგრამ ჭეშმარიტება უფრო დიდი მეგობარია, ნათქვამია,
ამიტომაც პირდაპირ მოვჭრი: დროა, გაღის აგროსამრეწველო გაერთიანებამ, რაიონის
მესვეურებმა რიგობად შეაფასონ არსებული ვითარება, ყურად იღონ მოსახლეობის გუ-
ლისტკივილი და მისცენ ხალხს არჩევანის უფლება, რადგანაც ეს უფლება ოტობაიის
მწრომელებს კარგა ხანია მოპოვებული აქვთ.“**

გაფითრებული რაბო შონია მხრებს იჩივავს. ოტობაიელები ტაშს დასცხებენ ფოთლების შემარ-
ხველს. ერთმანეთს ზურგში უბაგუნებენ მუშტებს ცუცას და ლუბაშას მიმსგავსებით.

საკმარისია, მადონა, ჩვენებურა?!

კუნთხუტობაიას ქარით გადახრილი ევკალიპტების კორომში მივირწევი. ახლა, ამ ორი წლის
შემდეგ, კერიას ბალღური ბუტიობით მოშორებულმა ჩინებულად ვუწყობ, თუ ვის უმაგრებდა
ზურგს ერთბუნებოვანი და ერთარსი ოტობაიას ორად გახლეჩა, ორ დამოუკიდებელ ერთეულად
დანაწევრება, მაგრამ ჩვენებურთა თვითგამორკვევისათვის ფაციფუცი მაშინ უკიდურეს ხელმოკლე-
ობას, უნუგეშო მდგომარებას მიეწერა, თორემ სოფლის ცენტრში წარმოება-დაწესებულებათა კონ-
ცენტრაციით გამოწვეულ უკმაყოფილებასაც ეშველებოდა, უგზობასაც მოევლებოდა და ბაგა-
ბალის უქონლობასაც.

ოტობაიის გათიშვის მიზეზებსა და აბსურდულობაზე ცალკე მოგახსენებთ მოგვიანებით. ამწუთას
კი, იმას დავსჯერდეთ, რომ მებოსტნეობის უპერსპექტივობით წელში გაწყვეტილი სოფლის შედარე-
ბით ინიციატივიანი, მოპატრიოტო ჯგუფი, პატარა ოტობაიელების სახით, სეპარატიზმის გზას დაად-
გება. საამისოდ მრავალი მეცადინეობა, მრავალი თანამდებობის პირის გადმობირება და საქმოსნის
ჯიბის მოშველიება გახდება საჭირო. ისე რომ, ოთხმოციანი წლების დამდეგს ოტობაიის მებოსტნე-
ობის საბჭოთა მეურნეობის ნიადაგზე ორი ოჯახი აღმოცენდება, ძველი — საკუთრივ ბოსტნეულის
მწარმოებელი და ახალი — ციტრუსების დამამზადებელი.

ხალხი ისეა გაწამებული, რომ ოღონდაც ბოსტნეულისგან იხსნას თავი და ციტრუსები რა სახსე-
ნებელია, თვით ბამბისა და ბრინჯის მოყვანასაც კი არ შეეპუება. მაშინ არავის უფიქრია ლიმონის
სათუთი კულტურა გაიხარებდა თუ არა ნაჭაობარ ნიადაგზე. არავის უაზრია ვაის გარიდებულნი
შესაძლოა უის შეფეთებოდნენ, მაგრამ როცა თავდახსნისათვის იბრძვი, როგორც ჩანს, მასალებია
მიზნის საშუალებით მაკიაველისეული გამართლება.

ჩვენც გვედგა ეზოში ქართული ჯიშის ლიმონის ვეება ხე, ისეთი ახოვანი, იმდენად გაფოშფოშე-
ბული, რომ ყოველწლიურად 2000 ცალს იხსამდა, თითოეული ნაყოფი ორას-სამასი გრამი რომ
იქნებოდა, იმნაირს, მაგრამ მოშლივინდა უკულმართი ზამთარი და ერთიანად შემუსრა არათუ ლი-
მონი, თვით შედარებით ყინვაგამძლე გრეიპფრუტისა და მანდარინის ნარგავებიც კი, ისე რომ, მთელი
წელიწადი შეშისთვის ზღურბლს არ გავმცდარვართ, თუმცა ესეც ცალკე საუბრის თემაა, და ახალი
ცოცხის კვალობაზე უპროგნოზოდ გულუხვად დაფინანსებულ მეურნეობაში ლიმონარიუმების მშე-
ნებლობის ფართო კამპანია გაჩაღდება — მიყვლებით ჩამწკრივდება გიგანტური სათბურები; ჩამწე-

რივდება ეპითეტია, იქტიოზავრის ჯოგის ნამარხი ჩონჩხივით წამოეყუდება ჭაობისგან გამოტაცებულ მიწაზე და წარმოიდგინეთ, დღესაც ასეთი მიუსაფარი წამოგესვეტებათ თვალწინ ლითონის აბლაბუდასავით.

საქმე ის გახლავთ, რომ თავის დროზე ვერაფრით მოხერხდება ძვირადღირებული გათბობის მოწყობილობის დამონტაჟება დინოზავრისჩონჩხს სათბურებისათვის. იქ, ცხადია, საბჭოური რეჟიმის მესვეურთა ჩვევებისამებრ მრავალზე მრავალი თანხა მიიდრიკება ხელმარცხნივ ოტობაიაში, ოცდათხუთმეტი კილომეტრიდან მოლაყუნებულ-წაგვანგვალეული ხალხისგან. მოკლედ, რთული კონსტრუქციის ლიმონარიუმები ყოვლად მოუხერხებელი აღმოჩნდება ადგილობრივი კლიმატური პირობების ფონზე, ვინაიდან მოშარიშურდება თოვლი, ჩამობარდნის, ჩამოლევწავს შემინულ სახურავს და ერთიანად მოაშთობს ნაყოფით დახუნძლულ მცენარეებს.

თუკი ღია ცის ქვეშ მოკრუნჩხულ ლიმონებს დეკემბერ-იანვრის სუსხის წილ, ფოთოლცვენა და წაყინვებიდა ემუქრებოდა ახლა მთლად აღიგვება მიწის პირისგან დონდლო კონსტრუქციის ზვავ-ქვეშ მოყოლილი და ფრიად შეჭირვებული სოფელი მარტივი ტიპის გადახურვის იდეას მიემხრობა, რადგანაც საქართველოში, ამ სუბტროპიკულ ქვეყანაში ლიმონარიუმებს, იმდენივე სახსრებს თუ შევალევთ, რამდენიც ეს სუსხიანი ჩრდილოეთისთვისაა საჭირო, მაშინ საერთოდ მეციტრუსეობას რაღა გამართლება ექნება კოლხეთში, კერძოდ, ოტობაიაში, თუნდაც ნაჭაობარ, გაოხრებულ მიწაზე?!

მოუქნელი ლიმონარიუმების დილემასთან ერთად კუნთხოტობაიელების წინაშე მეორე პრობლემაც წამოტივტივდება — მორგებული ტექნიკის დეფიციტი. თავის დროზე შეძენილ რვა მიკროტრაქტორს დაუდევარი მექანიზატორები ხელად გაცვეთენ, ახალი კი, მოგეხსენებათ, ასე იოლად არ ჩაღიწდება. ვერც შეპირებული მონორელსების დამონტაჟება მოხერხდება, ვეღარც — გადასახურავი მასალის შოვნა და თავიდან ტაშფანდურათი დაწყებული საქმე მოეშვება, თვითდინებას მინებდება. რენტაბელობას, შრომის ნაყოფიერების ამღლებას მოწინავე ტექნოლოგიების დანერგვა თუ მეცნიერულ აზრთან მჭიდრო კონტაქტები განსაზღვრავენ ხოლმე, რაც მიუწვდომელი ხურმა აღმოჩნდება მათთვის.

მოკლედ, მადონა, ჩვენებურო, როცა უფროს-შემცროსობა პირადულ სიკეთესაა გადაგებული, რა გაგვახარებს, საიდან დაგვებდება წინსვლა და წარმატებანი?!

ეხ, რისთვის ვიტყვივებ აუტკივარ თავს? ეხ, არის კი საჭირო ძარღვების აშლა?! ხომ დარწმუნებული ვარ, არავინ გამოიმეტებს გულიდან ამოსულ სიტყვებს, რომელიც წინ წასწევდა ჩვენი სოფლის მომავალს.

მომიტვეე პილპილმოყრილი მადლი, მადონა, ჩვენებურო, მაგრამ ოტობაიელი რომ ვარ ტიალი?! მეც რომ მიღრღნის გულ-გვამს მისი ბედი თუ უბედობა?!

როგორ მოვიქცეთ, „ვინ დაგავალას“ ავტორებს სერაპიონის დასტურ-ლამალი ვაახლოთ საიჭიოდან თუ ვენდოთ ლათინურ სენტენციას და გონებაში მყარად ჩავიბეჭდოთ მარად ურყევი ჭეშმარიტება: არ გაჩუმდე, როცა ვალდებული ხარ ილაპარაკო-მეთქი, ვემუსაიფები ფიქრებში მშვენიერ ოპონენტს ჯავშანტრანსპორტიორთათვის პოლიგონად სავარგის გზაზე ხუთბალიან ლელვაში მოქცეული.

აგერ, გონიოსავით მოსახვევი. აქედან ოტობაიას ცენტრამდე გაილარება თემშარა. აქ, წლების მერმე ჩასაფრებული ბანდიტები უსულგულოდ ჩაცხრილავენ „ეიგულში“ განუყრელ მამა-შვილ ძაძუებს, თხილის დამამზადებელ შაქროს და მის ერთადერთ მეხუთე ძეს. გამწარებული ოტობაიელი ბიგვახე დედა ნეკა თითს მოიჭრის სახლიკაცების დაკრძალვის დღეს, სამარეში ჩაატანს წაბლისფერთმიან მემკვიდრეს. რკინის ქალამნებს ჩაიცვამს, რაღაც მანქანებით შეიტყობს მათი ოჯახის დამამხოვლის ვინაობას და ზუგდიდის ბაზრის წინ ტყვიით გაჭედილი „ნაგანით“ წესს აუგებს არამზადას.

ელექტრო ქვესადგურია აქვე. შუასაუკუნეების ხომალდის მსგავსად უთვალავი სადენით დაქსელილი.

გლგეკაცს საკუთარი თუ წაართვი და მომავლის თვალსაწიერი დაუშრიტე, მოდუნდება, გულბოკვი ამოეცლება, და საერთოდ, უღიმღამობა დაისადგურებს გარშემო, მაგრამ ყოველ სოფელს, ყოველ სულიერს ასაზრდოებს მარად ღვთაებრივი, ზენაარული ნიჭით დამპურებელი ძალა და ეს ყველაფერი ერთ უმარტივეს ფრაზაში გამოიხატება: წყალი — მდინარე.

ჩვენ ნაენგურალზე ვსახლობთ, და რომელი ლეთა დამავიწყებს მამაჩემის გარჯას ჭების თხრაში?! ამ სცენებს მოგვიანებით რომან-ტრიადაში გამოვიყენებ კიდევ, ჭოფია ანთარია ამოდ რომ მრჯება დღენიდაგ კამკამა წყლის მოსახელთებლად. ჩვენთან კი ჭის წყალი ძუძუმტესგან განსხვავებით ავვისტოდან მოყოლებული ზაფრანისფერს დაიდებს და იძულებულნი ვართ სილაჩაყრილი ვედრო-

ებით ვფილტროთ ხოლმე, მაგრამ მთავარი ის არის, მდინარე დიდია თუ მცირე, განსაზღვრავდა და განსაზღვრავს ადამიანთა ბედ-იღბალს, მათ ფსიქიკას.

შეუძლებელია დონისა და თერგის პირას მაცხოვრებელთა ხასიათები იდენტური შინაარსისა იყოს. გამოორიცხულია ენგურს თანშეზრდილი მისედაგოს განგისა თუ ნილოსის მკვიდრის ზნეობას, რამეთუ პირველი განაპირობებს მეორეს. ბუნება ხომ ბრძანებელია, ვაჟას თქმით, თუმცა იქვე დაემატება: იგივე მონაა თავისაო.

ბევრი რომ არ გავავრძელოთ, უხსოვარი დროიდან ადამიანები მოდიან და ტანმძიმე თუ ტანმჩატე მდინარეთა საიხლოვეს დასცემენ ხოლმე კარვებს. მდინარე არის მათი არსებობის უშრეტეი წყარო, იმისდა მიუხედავად, რომ ზოგჯერ გველეშაპივით მოიქნევენ კუდს, აიფაფრება, მიჩვევს-მორეგვავს იქაურობას, გააპარტახებს, გაანიავენს ნაჭირნახულევს, ნაოფლარს, მაგრამ მაინც მის უბერებელ სასიცოცხლო მაჯისცემას მიუბრუნდება როსმე ბუდემოშლილი გლეხკაცი.

სოფელი და მდინარე ორი განუყოფელი ცნებაა. უფრო სწორად, თემი, სოფელი, დაბა, გნებავთ— ქალაქი, დიდია თუ პატარა, თავისთავში გულისხმობს მდინარესაც. ჩემში კი სიტყვა „ინგირი“, ენგური რომ ეთანაბრება დედაქართულად, იწვევდა და იწვევს საერთოდ მდინარის ასოციაციას.

მართლაც, მეგრელი ცხენისწყალზე, მტკვარზე, რიონსა თუ კოდორზე სახელით კი არ მიუთითებს, არამედ: რა კარგი ინგირიაო, ესე იგი, რა დიდებული მდინარეაო.

სიტყვა ენგურის წარმოშობა ბურუსითაა მოცული; მისი ახსნა ვერც ზოგად-ქართულით ხერხდება, ვეღარც — სვანურითა და მეგრულ-ჭანური ენებით.

ცნობილ შუმეროლოგს, ზურაბ კიკნაძეს თუ ვენდობით: „ენგური — წინარე მდინარეა, წიაღი, რომლის ამოურწყავი მარაგიდან მოსჩქეფს დედამიწის ზურგზე არსებული ყოველი მედინი წყალი“.

ცხადია, ენგური სხვა არაფერია თუ არა აპსუ:* ენგურ — „მტკნარი ოკეანე“ და ა.შ. აქ და სხვაგანაც ენგური შუმერის მიხედვით მამრის სიმბოლოა, ფალოსური საწყისი, რომელიც მსჭვალავს ზღვას, ანაყოფიერებს ყოველივეს.

ახლა, კერძოდ ორი წლით მოშორებული ნაჯაყაყარი მგზავრისთვის, ძნელი ასახსნელია თუ შუმერულ მითოლოგიაში დამკვიდრებული ენგური, რისთვის იღებს სათავეს უხვანი-შხარის მყინვარებიდან, და სპარსეთის ყურეს ნაცვლად, შავ ზღვაში რისთვის ჩაედინება 221 კილომეტრის სრბოლის შემდეგ?! ამისი ახსნა ან ყოვლად შეუძლებელია მასალათა სიცოცხლის გამო, ან რაღაც სასწაულებრივ აღმოჩენას უცდის და ბედნიერი მომავლის საქმეა.

დედაქალაქში ვარ. ძუძუმტე შემომივლის მისგანვე ნაჭირავებ ბინაში, ფულს მისახსოვრებს ჩვეულებებისამებრ.

— დეიდა კლარა გაცივებულა. წადი დროზე და მუხლებში ჩაუვარდი!

მატარებლის გასვლამდე შორჟამია. ვფურცლავ უნიკალურ ქართულ ენციკლოპედიას. „**ენგ... ენგ... ენგელსი, ენგლერი, ენგური, მდინარე დას. საქართველოში, კავკასიონის მთავარი წყალგამყოფი ქედის სამხრ., კალთაზე და კოლხეთის ბარში. სათავე აქვს მყინვარ ენგურზე, ზ.დ. 2614 მ-ზე. სოფ.ანაკლიასთან (ალნარკია უფრო ზუსტია, გამიეღვებს გონებაში), ერთვის შავ ზღვას. სიგრძე 213კმ, აუზის ფართ. — 4060 კმ². მთავარი შენაკადებია — მარჯვენა: ადიშის ჭალა, ხაღდე ჭალა, მუღსრა, დოღრაჭალა, ნაკრა, ნენსკრა; მარცხენა: თხეში, სუმფრერი, ლასირი, მაგანა, ჯუმი და სხვა. ე.წ.მთოში კვეთს სვანეთის ქვაბულს, შემდეგ კი დრმა და ვიწრო ხეობაში მიედინება. ზემოთსა და შუა დინებაში მდინარის კალაპოტი ზოგან ჭორომიანია. დაბა ჯვართან მდინარე გამოდის კოლხეთის დაბლობზე და ქმნის ფართო ხეობას და იტოტება. სოფელ რუხთან იყოფა ორ ტოტად, რ-თა შორის მთავსებულია 12 კმ სიგრძისა და 0,5 - 2,0 კმ სიგანის კუნძული. მასზე გაშენებულია სოფ. შამგონა, („სიცოცხლემისჯილები“ ეპიცენტრი, იგივე ოდაბადე, შურობუმუ, რომელიც კრებს, ითავსებს ოტობაიელების თუ ფიჩორელების, ნაბაკეველების თუ თავილონელების, კახათელების თუ დარჩელებების, რუხელებს თუ ერგეტელების ზოგად-ადამიანურ სატკივრებს, გ.ო.) ე. შერეული საზრდობის მდინარეა: ზემოთში წლიური ჩამოდენის...“**

„მაინც რაა ცხოვრება? — ვფიქრობ მატარებლის გასვლის დროის მოახლოების მოლოდინში, — რვა წლის წინათ, ანაკლიას ერთვისო, იუწყა ენციკლოპედიამ. აი, გავიდა ორჯერ სამი წელიწადი და ენგურმა იერსახე იცვალა, ანაკლიის მაგივრად გალში ჩამდინარდა, 213 კილომეტრისა მთელი 8 კილომეტრით გაიზარდა სიგრძეში, არც სიგანეს უზარალოა მისას. მოკლედ, უცნაურია წუთისოფელი, ერთსა და იმავე მდინარეში მართლაც არ შეისვლება თურმე ორჯერ. ესეც შენი ფილოსოფია“.

„**ენგურის სიდროელექტროსადგური, — კვლავ ენციკლოპედიას მივაცივდები, — უდიდე-**

სი სესი ამიერკავკასიაში, შენდება მდ.ენგურზე 1961 წ-დან.. ენგურხესი სიდროელექტროსადგურების კასკადია, რომელშიც შედის თვით ენგურხესი, რომლის დადგმული სიმძლავრეა 1300 ათ.კვტ □ 5 აგრეგატი, თითოეული 260 ათ.კვტ სიმძლავრის), ვარდნილხესი №1 □ სიმძლავრე 1640 ათ. კვტ და სამი 40 ათ.კვტ), საშუალო წლიური გამოთქმა — 5,46 მლრდ კვტ.სთ.ხესის ნაგებობაში შედის 271,5 სიმადლის უნიკალური თაღოვანი კაშხალი...“

ისევ სიყრმის წლები მახსენდება, მამის მკლავზე მოკალათებული როგორ ვუქნევ ხელს ჩამავალი მზით დაფოთლილ მდინარეს. ახა, ხაბოსპირიდან ისინდივით მივექანები ღრმაფსკერიანი საბანაო ადგილისკენ.

„ ე.ხ.-ის მთლიანი სიმძლავრის ამუშავება გათვალისწინებულია X ხუთწლედის დამლევს“ (ენციკლოპედია ისევ ცდომილობს, იქნებ თვით ცხოვრება, წუთისოფელი ცოდავს, ქალაღზე რომ ერთია და სინამდვილეში — მეორე. ახლა XI ხუთწლედია და კიდევ მრავალათეული თვეა საჭირო ენგურხესზე სამუშაოების მოსამთავრებლად: კაშხალმა რომ საპროექტო სიმადლეს მიაღწიოს, იგი დამატებით უნდა შეივსოს 20 ათასი კუბური მეტრის ბეტონითო, — ვკითხულობ ენგურხესის მშენებლობის უფროსთან, ნოდარ შარტავასთან ჩამორთმეულ ინტერვიუში). ვფურცლავ,, ენგურხესის“ დოსიეს.

ტელევიზიის საგანგებო გამოშვებაა. უბედურების მაუწყებელ ინფორმაციას შემზარავი ცნობები ენაცვლება. კვლავ ასობით ფუძე-ჭერი მოეშლებათ მესტიელებს და ლენტეხელებს.

თოვლი. თოვლი. თოვლი.

სანამ თენგო და ომარი შინ მეგულება, ვიცი, დედას არაფერს გაუჭირვებენ. ეს მაიმედებს, ეს მანუგეშებს. არც მშობელთან ხელების ფშვნეტით მისვლა ეგების.

ზვავებმა მოსპო სიცოცხლითა და სიყვარულით სავსე სოფლები. მხოლოდ სვანურ კოშკებს ვერაფერი დააკლო. იქნებ ეს ყოველივე ენგურის მიზეზიცაა?! აბა, რა, ცის სიახლოვეს ხელოვნური ზღვა შევქმენით და?!

ცნობას ცნობა მოსდევს რაჭიდან, დუშეთიდან, სამაჩაბლოდან. ყოველ ნაბიჯზე ზარალი, ყოველ ნაბიჯზე ტრემლი, მშობლიურ კერიასთან განშორება და ულონოდ ჩამოყრილი მხრები.

სტიქია ამასაც არ გვაკმარებს. გადაირევა რიონი. მოსახლეობის ევაკუაცია კი მოხერხდება, მაგრამ დოვლათს არაფერი ეშველება. ყველაფერი ჯანდაბას ადამიანების მსხვერპლი რომ არ იყოს. წყალდიდობასთან ბრძოლას მამაცურად ეწირება რიგითი მამედოვი.

საბჭოთა ავიაცია ხაზზეა.

სვანეთი გლოვობს.

დაზარალებულთა დასახმარებლად გახსნილია მე-700-ე ანგარიში.

მთელი საქართველო თითის წვერებზე დგას: ძმა ლუკმას უყოფს გაჭირვებაში ჩავარდნილ ძმას...

და უცებ... ენგური!

თითქოს აქამდე არც მიფიქრია ძმანაფიც მდინარეზე, რომელმაც ნებსით თუ უნებლიეთ კალაპოტი შეიცვალა, ზურგი შემაქცია და მეც უმადურ წუთისოფელზე გაბოროტებულმა მივივიწყე, სიყრმის მეგობარი გავწირე.

ახლა სრულიად საქართველო ენგურის უნიკალურ თაღოვან კაშხალს მისჩერებია.

— გაუძლებს კი?! გაუძლებს კი?! — გორავს ჭორი აღმა-დაღმა. ნუთუ წყალში ჩაგვეყრება ამდენი წლის ოფლისღვრა, ამდენი წლის კატორღული შრომა?!

და აი, 10 თებერვლის „**Ī īîîääæ Åðçèè**“-ს სტატია „**Ī ī ðà ýäâè üäâè ñ â í àñòîí è ð**“. თვალს არ ვუჭერებ რკინიგზის სადგურის მოსაცდელ დარბაზში დაჩხაპნილ მერხზე მისვენებული. გაოგნებული ვკითხულობ თეთრზე შავით ნაწერს, მეორედ, მეათედ: „, ესეც შენი მოწონებული კაშხალი! ნუთუ მოვარდნილი პელაგონი ვერაფერმა შეაკავა? ნუთუ ენგურმა შური იძია და იქაურობა პალეოსტომად აქცია?! მაგრამ არა! არა! მეწურება გული მტევანივით. რას ვიფიქრებ, ესოდენად გადამტერებულს, მახლობლად თუ გავიხდი ოდესმე! მართალია, კაშხალს იმთავითვე შევაქცევ ზურგს, როგორც ენგურხესზე გამწყრალი ადამიანი, მაგრამ ცოტა მსმენია და წამიკითხავს განა მის უნიკალურობაზე?! კაშხალის ტანში ხომ სპეციალურადაა დატანებული ოთხი წყალგადამგდები სარქველი, რომელიც ავტომატურად იხსნება და ერთდროულად ძალუმს წამში 2400 კუბური მეტრი წყლის გატარება. ასეთი მოცულობის ნაკადის შემოსვლა კი ენგურში ყოველად წარმოუდგენელია.

მაშ, რა მოხდა, რა?

იქნებ შეეშალათ ჟურნალისტებს და კაშხალის ოთხივე წყალგადამგდები სარქველიდან მოშვებულნი ჩანჩქერი იხილეს ვერტმფრენიდან?! რას გაუგებ პრესას! თუმცა ასეც რომ იყოს, რა ეშველებათ

ძველი კალაპოტის ზოლში დასახლებულებს?! მდინარის სანაპიროზე განლაგებულ სოფლებს: რიყს, რუხს, შამგონას, კოკს და ორსანტიას, განმუხურს, ოტობაიას ბოლოს და ბოლოს?!
უნგურობამ მართლაც გაათამამა ბარის მაცხოვრებლები. გაითავისეს მდინარის მიერ იძულებით დატოვებული ადგილები და სასოფლო-სამეურნეო სავარგულებად გადააქციეს; მოაწყვეს მეცხოველეობის ფერმები. ესეც რომ არა, წყალდიდობის დროს თავისებურად გადაირევა ხოლმე მაგანა, რომელიც ენგურის ძველ კალაპოტში ჩაედინება კაშხალს ქვემოთ.

მოკლედ, ვივიწყებ ძუძუმტეს ქოთებს, დედის ავადმყოფობას, მატარებლის ბილეთს საერთაშორისო ვაგონში და ორსაათიანი ლოდინის შემდეგ რის ვაივავლახით ვუკავშირდები ჯვარზენს.

— არაფერი მაგის მსგავსი, — ბუხუნებს ელსმენიდან იქაური თავკაცი იური წოწერია. ჩემიანების სოფლიდანაა, ოქტომბერიდან, თარგამულიდან, — რომელმა გაზეთმა დაბეჭდა, რომელმა ჰკუთამყოფელმა?! — შემომიტყვეს, — ამხანაგო, მწერალო, როგორც ჩანს, იდილიური ცხოვრება გაგიტკბა, თორემ ამისთანა ციებ-ციხელების დროს განზე გადგომა იქნება?! მიდი, იმ ხალხთან და ენგურხესელების გულისწყრომა მიაწვდინე. ენგურხესის კაშხალი წისქვილი ხომ არ ხგონია ზოგიერთს, წყალდიდობა რომ მოსრავს არჩილ სულაკაურის მშვენიერ მოთხრობაში?! თალოვანი კაშხალი ეს თითქმის საქართველოა, ძვირფასნო-თქო. ისე, სიზუსტისთვის თუ გნებავს, ნამქერმა იმდენი მოახერხა, რომ ახლა ენგურზე სულ ცოტა შვიდ ადგილას მაინც გადაისვლება ერთი ნაპირიდან მეორეზე უხილოდ და უშიშრად. ხქენი სიკეთე და ეს ინფორმაცია იმ თქვენს კოლეგებს იქნებ რამენაირად მიაწოდო, თან გადაეცი, ხონორარში არ გეცილებიან-თქო. მადლობის მეტი რა გვეთქმის შემოხმინებისთვის, მაგრამ სიმართლის გამო ნუ მიწყენ: დროა თვალში გამოიხედო, ჩვენს გვერდით დადგე, დადგე იქ, სადაც ნამდვილი ცხოვრება დღეს. შენ „სიცოცხლემისჯილებში“ მედალიონის მხოლოდ ერთი მხარე გვანახე — ალჩუ, ავერსი, როცა ენგურს იდილიური სურათებით წარმოგვიჩენ. აწი საჭიროა თოხანის, რევერსის ჩვენებაც. როგორც რუსები იტყვიან, ó èàæäíé ì àèèè äàà èí íò.

ცხრა თვის შემდეგდა გადაწყდება ყოყმანი: ჩემი ცხოვრება ხელახლა უნდა მიუბრუნდეს ენგურს, ოღონდ არა კოლხეთის გაშლილ ჭალაკებში მობუბუნეს, ხაბოსპირიდან რომ დამანახებს მამა ამ ოცდაათიოდე წლის წინათ, არამედ — ახალს, კაცის გენიის მიერ დამორჩილებულს და ისევ ადამიანების სამსახურში ჩამდგარს.

ვიწრო თვალთახედვით, ენგურის ხეობის მაცხოვრებლის პოზიციიდან, იქნებ არც კი ვცოდავთ მე და ჩემი გმირები; იქნებ უსაფუძვლო არ ეთქმის ჩვენს სატკივარსა და სამდურავს, მაგრამ ზოგადკაცობრიულის თვალსაწიერიდან ბრძენკაცს სასაცილოდაც არ ეყოფა საკითხებისადმი ჩვენებური მიდგომა-მეთქი, ვეკამათები საკუთარ თავს:

მაშ, არ უნდა გათხაროს არხი ფაუსტმა?! არ უნდა დაარღვიოს მოხუცი ცოლ-ქმრის წალკოტის მშვენება?! არ უნდა მიანიჭოს ბედნიერება ჭაობით გაწამებულ ათასებს უმცირესის გაწირვის ფასად?!
მაშ, არ უნდა გასცეს იუდამ ქრისტე. არ ეამბოროს რაბის ძახლით და უღვთოდ დატოვოს უფსკრულის პირას მისული კაცობრიობა?!
მაშ, არ უნდა მოაწეროს გეორგიევსკის ტრაქტატს ხელი ერეკლე მეორემ და ფიზიკური განადგურებისთვის გაიმეტოს მრავალტანჯული ქართველობა-მეთქი; რამდენიმე კვირას ამგვარი კითხვები მირიალებს გონებაში ძილგამტყდარს; დაბოლოს, როგორღაც გადამძლავს ზოგადი, საერთო საქმე მიმიხრობს და რაღა გასაკვირია 271,5 მეტრის სიმაღლის თალოვანი კაშხალიდან გადმოვყურებდე ახლა კოლხეთის ფირუზისფერ სანახებს?! ეს გაცემა, ცხადია, მხოლოდ ნაწილობრივ თუ გადაფარავს წლების მიღმა განცდილს. მაშინ, სრულიად ცეროდენა, ენგურის ტალღათა გრაფილებს მამია რატიას გაჩაღებულ სამჭედლოს შევადარებ, სადაც დახლართული კამეჩები საბერველივით ქშენენ დაბერილი ნესტოებიდან და მზესავით ვარვარებენ გაღვივებული ქურიდან მარწუხებით გამოღებულ ნალები. რამხელა სხვაობაა ამ განცვიფრებათა შორის?!
პირველად ჩემი გაფაციცებული თვალები შავი ზღვის მიმართულებით მიაცილებს მზის სხივებით გალიციციცებულ დინებას. ამჯერად კი ამომავალი მანათობლისთვის მიმიპყრია მზერა. დათოვლილი მთებისა და ულურჯესი ტალღების აბლაბუდაში იმნაირად გავხლართულვარ, რომ ვეჭვობ თავდალწევა გამიიოლდეს და მეც უნებლიეთ ხზავ ზღვაშიელს ვიწვდი ენგურისკენ და მელიმება, სევდიანად მელიმება აქამდე გარდახდილ მცირე ომზე, რომელსაც „ეთნოგრაფიული ხასიათის რომანილა მოხყება“, იური წოწერიას სიტყვებით.
მოშვებულია ერთი წყალგადამგდები სარქველი.
ცისფერი ბურუსით იფარება ხეობა.
ჩანჩქერის თავზე შარავანდედივით იბადება თვალის მიმტაცებელი ცისარტყლა და იური წოწე-

ჩავუდგები სათავეში, ჩვენ უფრო რე დავუახლოვდებით ერთმანეთს. ეგ ერთი მყავს ქომაგი მთელს სადალიანოში, ბატონი იური და კიდევ ვერცხლისწყალივით დაუდგრომელი გურამ გუნავა. დიდი ჯოტო ჯერაც ცოცხალია. გუგუჩიების განსაკუთრებული ყურადღება მარგუნა უფალმა და ვშიშობ, ამოვალ კი ოდესმე მათი უანგარო ვალისგან?! ჩვენი საუბრები ზოგჯერ საათობით გრძელდება. ყურისძირას 1300 მეგავატიანი „ენგურჰესი“ აღმართულა სამეგრელოს თავზე და ზუგდიდი სრულ წყვლიადშია. მჭედელს დანა არ ჰქონდაო, ამაზე ითქმის. სარემონტო სამუშაოები ჩაუტარდება სადერივაციო გვირაბს. აქაც ბატონი იურია მესვეური, დიდთან დიდი და პატარასთან — პატარა. არ ვიცი, მერე რომელ ჰკუთამყოფელს მოაფიქრდება ენერგეტიკის არეალიდან მისი მოკვეთა, ცხადია — ქვეყნის მათხრებელს. მილიარდები შემოსულა საქართველოში ენერგეტიკის ასაღორძინებლად და ენგურჰესი კვლავაც გაუსაძლის სიღუბსიერეშია, სამეგრელო კვლავაც ჭრაქითა და ფატმანის ლამპით დახელფათურობს წკვარამ ყიამეთში. საიდან ამომიტივტივდება ახლა „ფატმანის ლამპა?!“ პატარაობისას ვეტყვი ხოლმე დედაჩემს „ვეფხის ტყაოსნის“ ილუსტრაციების დათვალეირებისას, „ფატმანის ლამპაჯურა-მეთქი“, ფატმანის ლამპარის მსგავსი-თქო. ჩვენი შექვარტლული და შუშაფამფალა სანათი მაქვს მხედველობაში. მივყანყალეებ ოტობაიის დამეხილ გზაზე, თან თვეების წინათ **სმპ**-ას მდივანთან, ბატონ ნოდარ ჭითანავასთან გამართული საუბრის დეტალებსაც ვიხსენებ.

ხელმწიფის ტოლი პიროვნება „ახკომში“ გამოქვეყნებული წერილის გამო შეხმინებია რედაქტორ პაატა ნაცვლიშვილს.

ლამის საათს ვიმუხსაიფებთ სოფლის მოწყობის თაობაზე. გამაოცებს აქამდე ფუნქციონრად მიჩნეული კაცის ერუდიცია, მაგრამ ენთუზიაზმი ერთია და სინამდვილე — მეორე. განა დონ კიხოტის აზრები უნიკალური არ გახლავთ განხორციელების რეალური ნიადაგი რომ ეძებნებოდეს შუა საუკუნეების ესპანეთსა თუ ქვეყნად საერთოდ?

ქვემოთ მოსათხრობი წერილი დემეკარგება. ახლა გონებით მიძნელება მისი ზედმიწევნით აღდგენა, მაგრამ დაბეჯითებით მახსოვს, რომ იქ მოშველიებულია ის ჟინი და გამუდმებული გარჯა, რომელსაც აწ განსასჯელი თემის გაცნობიერებას შევალე.

ჩვენი ქვეყნის სოფლის მოწყობის პრობლემას ხუთ სატელევიზო გადაცემას მივუძღვნი ხანგამოშვებით; ათიოდე წერილს დავბეჭდავ რესპუბლიკის ჟურნალ-გაზეთებში, თუმცა ყურს არავინ შეიბერტყავს.

მოკლედ, გულით მინდა ამწუთიერი ფრაზა ადრინდელს ორგანულად გადაეხას და რადგანაც ის ტექსტი ხორაციუსით იწყება, მივყვით ჩვენც აზრის დაღვინებულ მდინარებას...

ღვთაებრივ ხორაციუსს თუ დავესესებები, ჩვენი ყბადაღებული ბაქიბუქიდან დაიბალება სასაცილო წრუწუნა, ამიტომაც ტელეხედვის მაგიურ ძალას არ დავსჯერდები და იგივე თემატიკაზე ყოფილი „ახლგაზრდა კომუნისტისთვის“ ვრცელ პუბლიკაციას მოვამზადებ, სადაც უკვე ბელეტრისტის პოზიციიდან შევეცდები მეკამეჩობაში არსებული პრობლემების წარმოჩენას.

რედაქციის მინაწერში ვკითხულობთ: **„ამ საუკუნის დამდეგს საქართველოში 160 ათასი კამეჩი იყო, რაც მსხვლფება რქოსანი პირუტყვის 15 პროცენტს შეადგენდა. სამწუხაროდ დღეს მესამედზე აღარ არის... ამ ვითარების გაუმჯობესებას ისახავდა მიზნად საქართველოს მინისტრთა საბჭოს 1985 წლის 11 აპრილის დადგენილება, რომლის განხორციელება ამ დარგის მუშაკთა, მეცნიერთა და სპეციალისტთა საშური საქმეა“.**

წერილს რამდენიმე საყურადღებო გამოხმაურება მოხყვება. ისინი ხსენებული გაზეთის ფურცლებზე დაიბეჭდება კიდევ და ახლა მათზე საგანგებო შეჩერება უადგილოა, მაგრამ თანდათან, დღითი დღე, როგორც მკითხველთ, ისე სპეციალისტებს, კვლავ დაეუფლებათ ჩვეული ლეთარგიული ძილი და რადგანაც ჩვეულება რჯულზე უმტკიცესია, მეკამეჩობის აღორძინების საქმე ისევ სწრაფმკერების უსულგულო ყბებში მოექცევა.

გულს მტკენს ისიც, რომ იმ პუბლიკაციებსაც, როგორც ზემოთ ნახსენებ სატელევიზიო გადაცემებს, არავითარი პრაქტიკული შედეგი მოხყვება. გაძნელება და მერე როგორ, ამ სავარძლიანი — კამეჩისტყავუშულა ხალხის ადგილიდან დაძვრა?! მაგრამ განა გაცვდება ოთარაანთ ქვრივის რკინის ქალამნები?! ან ხავსს მოიკიდებს განა წიწამურელი რაინდის ღვთითკურთხეული კალამი და ვინ იცის, მერამდენედ გამოწვლილვით ვუბრუნდები შესწავლილ საკითხს — ჩემი ჭირნახული მამულის გადარჩენის ერთადერთ გარანტს.

შემოვიკრებ ცნობილ სპეციალისტებს, მივუსხდებით მრგვალ მაგიდას, ვისაუბრებთ, ვიმსჯელებთ. ძველი გადაცემების შთამბეჭდავ კადრებსაც შემოვიშველიებთ თვალსაჩინოებად. შიგადაშიგ დასახელებულ პუბლიკაციებსაც მივადვენებთ მზერას. შევიმუშავებთ, დავსახავთ კონკ-

რეტულ ღონისძიებებს, მაგრამ გაივლიან წლები და ქარავნისა და ქოფაკის ანდაზა კვლავაც სტარტზეა.

თავს ზემოთ ძალა აღარ არის, თუმცა ფარ-ხმალის დაყრა რას მიქვია! ისევ ვახმინებ კალამს, ისევ ვავსებ ფარატინა ქალაღს, ვინძლო ამ გულისძახილს მაინც მოხყვეს სათანადო რეაქცია. ბოლო დროს საქართველოში ხომ მართლაც ბევრი რამ შეიცვლება: თეთრად გასაღებულ შავს როგორც იქნა თავისი ჭეშმარიტი სახელი დაუბრუნდება. 9 მარტ-აპრილის გარიჟრაჟთაგან, უცოდველი და-ძმების გადახსნილი მკერდის აისებიდან მოვაბიჯებთ ჩვენ, საფიქრალ მომრავლებულნი. მომავლის ფრთებიც ილანდება ცა-ლაჟვარდიდან.

გზა კი მანჯღრევს მშობლიურ კერას ორი წლით მოსხლეტილს.

წარმართული პერიოდიდან მოყოლებული ხარი მართლაც მიიჩნეოდა ღვთაებად. უხსოვარი დროიდან ნიშას და ნიკორას მთვარე მიმოაქვთ ალაწოდა-ალაწოდა რქებით. წიქარა-ხარს კი მთლად გმირად გვიქცევს ქართველი კაცის ფანტაზია. იგი წარმოგვიდგება, როგორც სიკეთისა და ერთგულების სიმბოლო. აბა, წამით გავიხსენოთ ხელიოსის ხარები, ცეცხლს რომ აფრქვევენ ნესტოებიდან და რიყზე გავლისას ნაპერწკლებს სტყორცნიან დაჭედილი ჩლიქებიდან. მათ სიფიცხეს რას დაიურვებდა გადამთიელი იაზონი, რომ არა მედვას სიბრძნე და თავგანწირული სიყვარული?!

ოდითგანვე ხარის გამწვევი ძალით აითვლება საქართველოში ეროვნული სულის ცხოველქმედება;

თავად სიცოცხლის, ყოფნა-არსებობის ცნებას მოიცავს მისი სახელი „ხარ“-ი; უპერსპექტივო წლებში მხოლოდ ხარს, ქედდადრეკილ ლაბა ხარს, გავსაუბრება დიდი ილია, ერის საკურთხეველიდან, როგორც იმედს და ხსნას;

„ხარს ვგავარ ნაიალადარსო“, ბუხუნებს ვაჟა ფშავიდან და მაინც სამართლიანი ქართველი ჭეშმარიტებას თვალს ვერ დაუხუჭავს: კამეჩის მორკინალ ხარს რქები არ შერჩებო, ბრძანებს.

ხელეწიფება ქართველს კეისრისთვის კეისრულის ბოძება და ღმერთისთვის საღმრთოს აღვლენა.

კამეჩი მცოხნელი ძუძუმწოვარა ცხოველია. იგი განეკუთვნება წყვილჩლიქოსანთა რიგის ძროხისებრთა ოჯახს. კამეჩები გავრცელებულნი არიან სამხრეთ აზია-აფრიკაში. ისინი ჯგუფურად ცხოვრობენ. მათი მაკეობა ათ თვესა და ათ დღეს გრძელდება. მყივრალობის პერიოდში კამეჩები პარტნიორს ოცდაათი კილომეტრის მანძილიდანაც კი გრძნობენ. მათ არ გააჩნიათ საოფლე ჯირკვლები. პაპანაქება ზაფხულში ამიტომაც ეტანებიან ტლაპოს. ცნობილია კამეჩის ოთხი სახეობა: ინდური კამეჩი — „ბუბალუს არნე“, ფილიპინური კამეჩი — „ბუბალუს მინდორენსის“, ფსიტარქიანი კამეჩი — „ანოა“ და აფრიკული ანუ კაფრული კამეჩი — „სინკერუს კაფრერ“-ი.

ინდური კამეჩის გამოკლებით დანარჩენ სამ სახეობას ამჟამად სრული განადგურება ემუქრება: ერთს უშველებელი რქების გამო სპობენ კოლექციონერები, მეორე სპორტული ნადირობის ობიექტია, მესამეს ავადმყოფობა მუსსრავს, ასე რომ, ზოგი სახეობა იქამდე შემცირებულა, დღეს დღეობით რამდენიმე ასეული ეგზემპლარია შემორჩენილი.

„არქეოლოგიური მასალების მიხედვით კამეჩის მოშენებას ჩვენში 2600 წლის ისტორია აქვს“, მაგრამ საოცარია, ამ უთვინიერესი პირუტყვის შესახებ თითქმის არაფერს გვეუბნებიან ადგილობრივი ისტორიული წყაროები. გარდასული დროის ლეგენდები, როგორც აღვნიშნე, აღმერთებენ ხარს და ტურს, კამეჩზე კი სდუმან თვით „გილგამეშის“ ეპოსი თუ „ილიადა“. ჩანს, წარმართი თუ ქრისტიანი ხალხი შავი ფერის გამო კამეჩს სრულიად უმართებულოდ სატანურ საწყისს, ბნელ ძალას, გნებავთ — სიკვდილს უკავშირებდა.

ფოლკლორში მოგვიანებით, ალბათ, ამიტომაც გაიდგამს ფესვებს კამეჩზე შეთხზული სტრიქონები და ხანგები. რომელ გულქვას არ შეძრავს თეთრშუბლიან ჩელასა და ბუსკაზე (ამ ლექსს ხარებზე შექმნილად მიიჩნევს ზოგი სპეცი-ალისტი), დაკვნესებული მეგრული სიმღერა, უკუნეთ შუალამეს ველარ გადაცდებიო, რომ შეხგოდებს ბედისწერას საწუთროსგან დაბეჩავებული მეურმე?! მაგრამ ყველაფერზე — თანამიმდევრულად.

ვინ იცის, თავისი მრავალსაუკუნოვანი ისტორიის მანძილზე რამდენი განსაცდელი დატყდომია თავზე საქართველოს მიწა-წყალს, რა ძნელბედობისთვის გაუსწორებია თვალი, როგორი შემართებით გაუწვლდავს სამომავლო ბილიკები, მაგრამ ჯერეთ არასდროს სმენილა ძროხისთვის მიწა ეხვნევიანებინათ ქართლოსიანთა მხარეში, ფურ-კამეჩს კი, იმდენი სიცოცხლე ჩვენ, რამდენი გუთანი გაუხროტინებია ყამირ მიწაზე და რამდენი უღელი გაუთრევია გახეხილი ქედით.

უხვი რძით გამორჩეული ძროხები „ველის წითელი“ თუ „შავ-ჭრელი“ ახლოსაც ვერ მივლენ წველადობით ფურ-კამეჩთან, რადგანაც მათ რძეში 3-4 პროცენტიცა ცხიმის შემადგენლობა, კამეჩის რძეში კი ცხიმისა 9-10 პროცენტამდე აღწევს. ერთი სიტყვით, დიდი კამათი არ სჭირდება იმას,

რომ ყოველი 100 ლიტრი კამეჩის რძისგან იმდენივე მოცულობის ყველი და კარაქი იწარმოება, რამდენიც 200-300 ლიტრი ძროხის რძისგან.

საიდუმლოებას არ წარმოადგენს მეცხოველეობის საბჭოურ ფერმებსა და კომპლექსებში რა ძვირად ღირებულიცაა მსხვილფეხა რქოსანი პირუტყვის შენახვა. აბა, რა იქნება, როცა ბედლაფ-ყველილ ძროხას გომბეშოსავით ჩაფრენია ცურში გამგე-დირექტორის აფუფეხული მადა, ეკონომისტი დავთრებს ამღვრევს, მექანიზატორი კომბინირებულ საკვებს ცინცლავს, მწველავი რძეს აწყალწყალავებს და შიმშილით მისავათებულ ხბოებს კუნტრუმის სურვილი წართმევიათ?!

ითვალისწინებდნენ რა აქილევსის ქუსლება საბჭოურ ეკონომიკას, ბოლო დროს აქა-იქ საოჯახო იჯარამაც მოიკიდა ფეხი, თუმცა ცდაბედისმონახვერეობის მეტი რალა ახსოვს ექსპერიმენტების პოლიგონად გადაქცეულ საქართველოს?! მოკლედ, ძროხისგან განსხვავებით კამეჩის გამოზამთრება უხეში საკვებითაც მშვენივრად ხერხდება. ასეთი უხეში საკვების დიდძალი მარაგია ამერიკის ყოველ კუთხე-კუნჭულში, მდინარისპირა ჭალაა ეს, ტბისპირა ლერწმოვანები თუ ზღვისპირეთის ჭაობიანი ლელიანები.

როგორც კი მარტის თვე მიიწურება, სამურზაყანოელი, ოდიშელი, ხობელი, სიღნახელი თუ ლაგოდეგელი მწყემსები კამეჩებს საძოვრებზე მიერეკებიან, სადაც თავზე საყრელადაა ახლად ამობინებულ ლერწმები. ოღონდ საკვები მოიგულვოს და კამეჩი არც ტლაპობის გადატოპავს მოერიდება, არც ფამფალა ონტყოლაშეთა გადალახვას და აღარც ღრმაფსკერიანი წყლების გადაცურვას. იქნებ სახარებისეულ თქმულებას შემთხვევით არ გამოუცდია იგი ასერგასი დღე-ღამე ნოეს კიდობანს მიღმა?!

— კამეჩის შესანახად ოთხი-ხუთი თვის საკვები მარაგი სრულიად საკმარისიაო, — მეტყვიან ზუგდიდის რაიონში ერგეტელი მეკამეჩეები, — საველე პირობებში კამეჩის წონამატი შვიდას გრამს აჭარბებსო — მიმტკიცებენ და მაშინვე გამახსენდება სიყრმისდროინდელი უხვთოვლიანი მარტი, დედულეთი ფიორი, ბორსუს უბანი, ძვალკანა პაპაჩემი თომა გელენავა, რომელიც კამეჩებს ძროხების დაწუნებული სიმინდის ლეროებით გამოაზამთრებინებს.

— დავუშვათ ერთი წუთით და სულხან-საბა ორბელიანის არაკის ღარიბს იმ ქილაში ერბოს ნაცვლად კამეჩის მაწონი ხქონოდა, ნამდვილად არ იზარალებდა ბედოვლათი, რადგანაც კამეჩის მაწონი კი არ იღვრება, თათარასავით მკვრივია, დანითაა საჭრელიო, — ბრძანებს ხატოვნად ბატონი ნიკო ყოჩიაშვილი და მაშინაც ცხონებული დიდდეაჩემის, მარი ჭალაღონხეს ნაფუსფუსარი ამოტივტივდება გონებიდან:

— კამეშიში ბუაშე ეშალაღირ ყვალს გექიმინუა ვასაჭირ, ნანაგე, მარა იშენდოიშენით გამასქიდიდა, პიჯშა უჯგუმის მუს მილეზიმუა?!*

გამოცდილება ადასტურებს, რომ მეექვსე ლაქტაციის მერმე ძროხის წველადობა მკვეთრად ეცემა, მეშვიდეზე რძის ცხიმინანობაც კლებულობს, მერვეზე აშკარა ზარალია. ამიტომაც ნაცადი მეურნე კაცი, არაფრისდიდებით დაუშვებს ძროხის მეცხრე ლაქტაციას, რაგინდ ჰიშინიც იყოს იგი. კამეჩისთვის კი სწორედ მეცხრე ლაქტაციის პერიოდიდან იწყება ნამდვილი გაფურჩქნის ხანა, ვიდრე მეთექვსმეტე ზაქს გასლექდეს. დაბოლოს, ყველაფერს რომ მოვეშვათ, როგორც ფურკამეჩი, ისე კუროკამეჩი ორჯერ მეტს იწონის ძროხასა და ხარზე, ორჯერ მეტია მათი სიცოცხლის ხანგრძლივობა, ქმედითუნარიანობა, ორჯერ მეტი გამწევი სამუშაო ძალა გააჩნია თითოეულს, მაგრამ ეს ყოველივე რომ დაინახო და შეაფასო, დაუნჯებული გონებაა საჭირო, რომლის დეფიციტს მეთორმეტე ხუთწლედია განიცდის ზემო ეშელონი.

„— ყველაზე ძვირფასს, რაც ვაგვარნია, — წერს ერთგან მწერალი ნოდარ წულეისკირი, — საქართველოს, ქართველს, ქართლს, მეცნიერები საქონლის სადგომს, შემოზღუდულ და შემოღობილ ადგილს, „ქართას“ უკავშირებენ, ხოლო კამბეჩოვანი, ოძროსე, ლანჩხუთი, საღორია, უამრავი ცხენისჭალა და კამბეჩის ვაკე ნახევარი საქართველოა. ეს შემთხვევითი არ არის. ქართველ კაცს შვილივით უყვარდა პირუტყვი, ცხვარი, ძროხა, ცხენი, კამეჩი...“

როგორც ბავშვობიდან ვიცო, კამეჩი გვაძლევს იშვიათ რძეს. კამეჩის რძე ორჯერ უკეთესია, ვიდრე ძროხისა... კამეჩის ძირითადი საკვები ხომ ბალახია, ხოლო რაიონის ჭალაში ერთი მწყემსი მთელს ჯოგს სყოფნის მომვლელად. მაშ, რატომ არის კამეჩი წამებებიანი?! — კითხულობს მწერალი და იქვე დასძენს, — თურმე ანაკლიის მეურნეობაში კამეჩებს არ წველიან. ბატია, ზაქი, უჩინოდუ, ფურკამეჩი და ბუღა ერთად ძოგს მინდროში ბალახს. ბატია ბუბუზუა მიშვებული. ეს კამეჩის იაფი ხორცის წარმოების ამერიკული წესი ყოფილა. ყოველივე ამაღ ღრმად ჩამაფიქრა, — ჩივის ნ. წულეისკირი,

— რას ნიშნავს კამეჩის რიპეზე უარის თქმა?! აქამდე კამეჩი თავისი ძვირფასი რძით იყო ცნობილი, თორემ კამეჩის ხორცს ქართველი კაცი არ ჭამდა. რა ახალი მეთოდია ეს შეკამეჩობაში?!

მე ჯოჯის დათვალიერებას შევუდექი, — განაგრძობს მწერალი, — თითქმის გაველურებული ათასი კამეჩი, ერთად თავშეყრილი, ისიც ასე ვიწრო ქართაში, იშვიათი სანახავი იყო. ზღვასავით ღელავდა ჯოჯი. ხან ერთ მხარეს მიაწყდებოდა, ხანაც — მეორეს. გადათელეს, გადაჯეგეს ყველაფერი.

— შეხედათ, თრი ზაქი წოვს ერთ ფურს, — გაგიკვირვე მე.

— თრი კი არა, სამიც წოვს, — მშვიდად მეუბნება მწყემსი, — ეს განლაგოთ ის ახალი მეთოდი, გელური გაზრდა.

გაოცებული, პირდაღებული შევყურებდი საცოდავ ფურკამეჩს, რომელიც გააფრთხილებით ებრძოდა თრწლიან ზაქებს, ბუბუზე მისეულთ. როცა მათ შემოტყვას ვეღარ გაუძლო, თავი მაღლა აიღო, ზეცას შებღავდა საწყალობლად, — ნოეთ, და დაწვა“.

ჩვენი ჭირნახული მამულის დემოკრატიზაციის ფსევდოთერაპიით მოტანილი თანამედროვე სიტუაცია, ქართული მწერლობისგანაც დიდად დავალბულა. მართლაც, წლების წინათ გამოქვეყნებული პამფლეტი „ნოე“ სულ სხვა რეზონანსისა იყო. მწერალს ედავებოდნენ, თითს უქნევდნენ, მოკლედ, მარტივად რომ ვთქვათ, კაბინეტისა და სავარძლის ხალხმა ლამის არის ანათემას გადასცეს. მერედა, რისთვის?! სიმართლეს რომ თვალი გაუსწორა, კახაბერს — კახაბერი უწოდა, კეისარს კეისარისა მიაგო და ღმერთს — ღმერთისა!

რასაკვირველია, გაველურების გზით ძნელია რაიმე პერსპექტიულ შედეგს მიაღწიო მესაქონლეობაში, განსაკუთრებით მეკამეჩობაში. საქმე, რომელსაც ადამიანის ხელი მოაკლდება, იმთავითვე განწირულია დასალუბავად. კამეჩის ხორცის წარმოების ამერიკული წესი კოლხურ სინამდვილეს ვერ ხეუბს, ისევე, როგორც ტრადიციული მომთაბარეობის სანაცვლოდ დანერგილი ჩრდილოური კომპლექსიონია.

როგორც იქნა ვხვდებით: ბუნებას მოფრთხილება სჭირდება. არ შეიძლება ხელალებით მოსპო და გადაასხვადფრო ის, რაც საუკუნეების მანძილზე ისტორიულად ჩამოყალიბებულა.

კოლხეთს თავის კოლორიტს თუ წაართმევ, კახეთს თავის იერსახეს თუ წახვკრი, რალაც შეჩვენებულს, უცხვირპიროს დაემსგავსება საქართველო და აქ ბუნების კანონები კი არ დადანაშაულდება, არამედ — ადამიანი, უგუნური და უმეცარი ადამიანი! გაოცებას ვერ ვმაღავ, ვერაფრით გამიგია ასე მამასისხლად რისთვის ვემტერებით ჭაობს?! მოგებას და გეგმებს გამოდევნებულები მარილისთვის სხვენზე პირუტყვის აფხანას არ ვკმარობთ და ნაბან წყალს ბავშვსაც მივაყოლებთ ხოლმე — მითაჟამინდელ კოლხეთს უსულგულოდ ვუმახინჯებთ სახეს, მაგრამ გარდასულს აღარაფერი ეშველება. ის ღია ჭრილობასავით დიდხანს ინათებს სასოწარკვეთილ გაფრთხილებად:

— კმარა! გონს მოდით! შეჩერდითო!

ჭურჩის მისადგომებთან „კოლხილმშენის“ მესვეურები ათეულ ათასობით ხექტარ მიწას „ითვი-სებენ“, კაფავენ საუკუნოვან უღრანებს, ტრიალ მინდვრებად აქცევენ აქამდე გაუვალ მუხნარებს თუ თხმელიანებს.

ქარმაც ენა ამოიდგა.

ზღვამ შემოუტია ნაპირს. მილიონებს ვხარჯავთ ახლა ნაპირგამაგრებითი სამუშაოებისთვის. ძვირადღირებული ტექნიკით ხრეშს ვიღებთ ენგურის კალაპოტიდან და ზღვაში ვყრით, ვჩალიჩობთ იმას, რასაც მდინარე ბუნებრივად აწესრიგებდა. ხოლო მხცოვან მეტყვევს, იროდი სართანის თუ ვერწმუნებით, ათვისებულზე ორჯერ მეტი მიწა წაგვართვა ზღვამ ანაკლია-განმუხურის მისადგომებთან.

იმის ნაცვლად, რომ სახალხო მეურნეობა ადგილობრივ კლიმატურ პირობებს შევუხამოთ, ბიუროკრატი და დოკლაპია მესვეურთა გაუმართლებელ ნება-სურვილს ვუქვემდებარებთ საქართველოს სოფლის მეურნეობის განვითარების საქმეს — ლამის არის ჩაის ნარგავებს შევაჭამოთ მთელი კოლხეთი, წარმოიდგინეთ, თვით ის მიწებიც კი, სადაც ეს კულტურა სრულ მოსავლიანობას ვეღარაფრით ეღირსა.

ამომავალი მზის ქვეყანაში, იაპონიაში, სადაც მიწის ყადრი მართლაც ესმით, ვიდრე უცხო კულტურას მასობრივად დანერგავდნენ, მას სულ მცირე რამდენიმე ათეულ წელიწადს მაინც დააყოვნებენ კარანტინში თურმე; ჩვენ კი, სოციალისტური საქართველოს არსებობის სამოცდაათი წლის მანძილზე თვალის დაუხამხამებლად გავაშენეთ ჩაი, მანდარინი, ფორთოხალი, ლიმონი, ფეიხოა, გრეიპ-ფრუტი, ეკვალიპტი, ტუნგი და ვინ მოსთვლის! ახლა შედეგს არ იკითხავთ?!

გამეჩხვრანებულია ათასობით ხექტარი ჩაის პლანტაცია. ყინვამ მოსრა ასობით ხექტარი მანდა-რინი. თავის დროზე კოლხეთის ეკოსისტემის თავისებურებანი მეცნიერული თვალსაზრისით რომ შეგვეფასებინა, აქაურობა დღეს მეკამეჩვობის სასახლო მხარე იქნებოდა, მაგრამ სად მეცნიერული თვალსაზრისი და სად — ჩვენი?!

სრულიად ცნობილი ჭეშმარიტებაა, რომ ყოველ საფურაჟე ძროხას მთელი წლის მანძილზე გამო-საკვებად ერთი ხექტარი საძოვარი მაინც სჭირდება. ამჟამად საქართველოს მეცხოველეობის ფერმე-ბსა და კომპლექსებში კერძო სექტორითურთ მილიონ ნახევარზე მეტი მსხვილფეხა რქოსანი პირუტყვია თავმოყრილი. აქედან გამომდინარე, მეცხოველეობის დარგი მომგებიანი, რენტაბელური რომ იყოს, სულ ცოტა მილიონ ნახევარი ხექტარი საძოვარია საჭირო, როცა 352 ათასი, ესე იგი მეხუთედი სავარგული ძლივს მოგვეპოვება. გამოდის რომ მეხუთედიტლა ვიკამყოფილებთ მოთხოვნილებებს. ამიტომაც ჩვენი წარმოებული რძე და ხორცი სამჯერ და ხუთჯერ ძვირია, ვიდრე ბალტიისპირეთის რესპუბლიკებში, რომ არაფერი ვთქვათ მოწინავე კაპიტალისტურ ქვეყნებზე. ისეთი მცირემიწიანი რესპუბლიკისთვის, როგორც საქართველოა, არც 352 ათასი ხექტარი სავარგულის სათიბისთვის დათმობა იყო იოლი საქმე, მაგრამ აღნიშნული რაოდენობის პირუტყვის ხელოვნურმა კონცენტრა-ციამ, ეგრეთწოდებულმა კომპლექსომანამ, გვაძულა ერთი ხექტარი მიწა 2000-3000 ლიტრი რძისთვის მოგვეცდინა წელიწადში, რისი საერთო ღირებულება 800-იოდე მანეთით განისაზღვრება და თუ აქედან გამოვკვეითავთ პირუტყვის მოვლა-პატრონობისთვის გახარჯულ თანხებსაც, მთლად მიზერული მაჩვენებლები შეგვჩრება ხელთ.

რა იაფია თურმე ჩვენი ხექტარი საძოვარი?! რა იაფია თურმე მეცხოველეობის სამსახურში, უკეთ — უღელში, შებმული ქართული მიწა?! მამაპაპური სიბრძნე კი თოფი მეთოფესო, გვასწავლის, მაგ-რამ შეაყარე ცერცვი კედელს!

ახლა შევხედოთ თუ როგორი სურათია მეკამეჩვობაში?

ცენტრალური სტატისტიკური სამმართველოს მონაცემებით (1988) მთლიანად რესპუბლიკაში ირიცხებოდა 54000 სული ფური და ხარი კამეჩი. საზოგადოებრივ მეურნეობაში 15200 კამეჩია თავმოყრილი, მოსახლეობას კი 35200 სული კამეჩი ხყავს.

კამეჩი დიდი რაოდენობით ხყავთ განსაკუთრებით იმ რეგიონებში, სადაც ხელსაყრელი ბუნებრი-ვი პირობებია მისი მოშენება-შენახვისთვის. ასე მაგალითად, ზუგდიდის რაიონში 4886 სული კამეჩი ბინადრობს, გალში — 4858, სიღნახში — 3608, ლაგოდეხში — 2841. კამეჩების რაოდენობა ათასიდან სამიათასამდე მერყობს სენაკში, ოჩამჩირეში, ხობში, ხულოში, დედოფლისწყაროში, თელავში, ლან-ჩხუთსა და მარტვილში. ასე რომ, აღმოსავლეთ საქართველოში კამეჩების რაოდენობა ოციათასზე მეტია, ხოლო დასავლეთ საქართველოში ოცდაათიათასზე ნაკლები. როგორც შევნიშნეთ, კამეჩებს თავი მოუყრიათ კლიმატური პირობებით რამდენიმე განსხვავებულ რეგიონებში. ამასთანავე განსხ-ვავებულია მათი მოშენების პრინციპ-ხასიათი: დასავლეთ საქართველოში კერძო სექტორი მძლავ-რობს, აღმოსავლეთში — საზოგადოებრივი.

იბადება კითხვა — დასავლეთი საქართველო მაინც დასავლეთი საქართველოა. აქ ყოველ ნაბიჯზე გვხვდება ლელიანები, ტლაპობები და ისლიანები; აქ უნიკალური პირობებია მეკამეჩვობის ინტენსი-ური განვითარებისათვის, მაგრამ ინტერესს მოკლებულია განა იმისი გაგებაც, თუ როგორ უხერხდე-ბათ ამ პრობლემის გადაწყვეტა სიღნახის, ლაგოდეხის, დედოფ-ლისწყაროსა თუ თელავის საზოგა-დოებრივ მეურნეობებს?!

მოსახლეობის გულისხმადები დამარწმუნებს, რომ მეკამეჩვობა განსაკუთრებით ხელსაყრელია საზოგადოებრივ მეურნეობებში. ჯოგში მყოფი კამეჩი უფრო პროდუქტიულია, სიცოცხლისუნა-რიანი, დაკენტებული კი მალე ჩაჩანაკდება.

მეკამეჩვობა განსაკუთრებით რენტაბელურია იქ, სადაც მდინარეთა ატეხილი ჭალებია გაშლილი, სადაც უხვადაა ლელიანები, ეკალ-ბარდის გაუვალი კორომები, სადაც ნაკლებად მიუწვდება ხელი ტექნიკას. არც მთიანეთის ნოყიერი საძოვრებია მისთვის პრობლემა, მთის კალთების დამრეცი იალა-ლები, იქაური მსუსხავი ქარი კამეჩისთვის აუღებელი ციხე-სიმაგრე როდია, ოღონდ გასაგრელებელი წყალია მოაპოვებოდეს ახლომანხლო. გამოდის, რომ აქამდე გამოუყენებელი მიწის ფართობები, აქამ-დე ხელუხლებელი უბნები, ვიტყვადი — ოქროს უზალთუნები, ტყუილუბრალოდ მოგვიცდენია წლე-ბის მანძილზე.

— ყველა მდინარის ხეობას თავისუფლად შეუძლია სულ ცოტა ორმოცდაათიდან ხუთასამდე სული კამეჩის გამოკვება მაინცო, — განმიმარტავს ცნობილი მეცნიერი ელბერდ ბატიაშვილი და თუ იმასაც გავითვალისწინებთ, რომ საქართველოში 25 ათასზე მეტი დიდი და პატარა მდინარეა, ჩემს კითხვაზე ხუთიანხეა ნაპასუხები — გასაგები გახდება თუ რა მძლავრი პოტენციური შესაძლებლო-

ბაა მეკამეჩობის განვითარებისთვის. აღნიშნული რეზერვების მაქსიმალური ამოქმედება საქართველოს მოსახლეობას დღემდე არსებულზე ათჯერ მეტის, ანუ მიახლოებით ხუთასი ათასი სული კამეჩის გამოკვებას შეაძლებინებს, რაც რვაას-ცხრაას მილიონ ლიტრ რძეს ნიშნავს წელიწადში ყველაზე ზერელე გაანგარიშებითაც კი.

შავი ზღვისპირეთის რომელ რაიონს, ან ალაზნისა და მტკვრის აუზის რომელ კოლმეურნეობას არ ძალუძს მეკამეჩობის კომპლექსის მოწყობა? სოხუმიდან მოყოლებული ბათუმამდე და მის იქითაც — აჭარა-მესხეთსა თუ კახეთში ამგვარი მიმართულების რატომ ოცი-ოცდაათი მეურნეობის შექმნა მაინც არ არის შესაძლებელი დროთა მსვლელობაში, რაც საქართველოს გადააქცევდა რძისა და ხორცის წარმოების მძლავრ რესპუბლიკად.

აქვე დავსძენ, რომ შესყიდული, შემოყვანილი კამეჩებით ჩვენ ფონს ვერ გავალთ. საჭირო იქნება მთავრობამ გარკვეული თანხები დააბანდოს მეკამეჩობის ეროვნული სანაშენე კომპლექსის შესაქმნელად, რაც მაღალპროდუქტიული კამეჩების კვლავწარმოების საწინდარი გახდება. ეს ხომ უტოპია არ არის, ან რაიმე ილუზიურ მოლანდებებს გამოდევნება?

საქართველო მიკროკლიმატის ქვეყანაა, ამიტომაც აუცილებელია ჩაისთვის სასარგებლო ადგილას ჩაი მოვაშენოთ, ციტრუსებისთვის სავარგულ მიწებზე ციტრუსები გავაზაროთ, ქვიშარ ფართობებზე — თხილი და დაფნა, მთიანეთის ეკალ-ლიჭებში — არვე, ახოებსა და იალაღებზე — კვარაცხელიას ჯიშის რქასვიტალი ძროხები, ხოლო რაც შეეხება ტლაპობებსა და ჭორომებს, გვიჯობს მის ათვისებას ნუ შევალევთ საშვილიშვილო ენერჯიას, კამეჩებს დავუთმოთ, ეკოლოგიურ წონასწორობასაც შევიწინააღმდეგებთ, სოფელიც მაღლიერი გვეყობება და ქალაქიც.

ამას წინათ ხრიოკი დაშუშუ გვიმასპინძლებს აზერბაიჯანის რესპუბლიკაში.

იქ ტელევიზიის მივლინებით ჩავალ გადამღებ ჯგუფთან ერთად.

დასამალი რაა, დაშუშუელების მეცხოველეობის კომპლექსის დათვალიერება მრავალ საფეხრალს გამიჩენს. ექვსასი ათასი მანეთი დახარჯულა მის ასაშენებლად, რაც ექსპლუატაციის მეხუთე წელიწადს დაფარულა. კომპლექსი ზედმიწევნით მექანიზებულია. მექანიზებულია საკვების და წყლის მიწოდება, ჩამოწველა, სადგომების დასუფთავება. მოწესრიგებულია გათბობის რეჟიმი. ის კი არა, დაშუშუელებს კამეჩის ზიგიენისთვისაც უზრუნიათ და მათთვის საშხაპეებიც მოუწყვათ. ასე რომ, ტლაპოდან ამოსული კამეჩი ჩამოწველის წინ არხეინად ნებივრობს გრილი შხაპის ქვეშ. ეს პროცედურა, როგორც სადილობისას გაგვიმხილეს მასპინძლებმა, დადებითად მოქმედებს თურმე რძის ხარისხზეც და რაოდენობაზეც.

მართალია, ბუნებრივი პირობებით დაშუშუ ვერც კახეთს შეედრება და ვეღარც — კოლხეთს; დაშუშუ ხომ დამ — ქვისა და უზუ — სახის კომპოზიტია, ხრიოკის სინონიმი, მაგრამ მონდომების წყალობით მეკამეჩობა მათთან სასახლო საქმეა — მეკამეჩობის პრობლემებს საერთაშორისო რანგის კონფერენციებს და სიმპოზიუმებს უძღვნიან. ინდოეთთან ამყარებენ კონტაქტებს, სელექციას ავითარებენ, კავკასიურ კამეჩს ტურთან აჯვარებენ და თეთრი კამეჩის გამოყვანას ლამობენ. ბარაქალა მათ!

ეხ, რამდენად შეგაწყინე თავი, გულისხმიერო, მკითხველო, მაგრამ ერის ხვალინდელი დღის უკეთესობის მცდელობისთვის მივუტევოთ ერთმანეთს. დროა, აწი მაინც დავარქვათ საგნებს საკუთარი სახელები. დროა, ერთხელ და სამუდამოდ დავასკვნათ, რომ ქართულ სინამდვილეში კამეჩს ძროხასთან შედარებით გარკვეული უპირატესობა ახასიათებს.

მაშ, რატომ ვერ წავწეულვართ წინ? რა ბარიერი გვაბრკოლებს? რა წინააღმდეგობა გვიბორკავს ხელ-ფეხს?! აქ პასუხი უკვე ერთმნიშვნელოვანია, ცალსახა. უმთავრესი სიძნელე თვით სამეურნეო მექანიზმშია საძიებელი. საქმე ის გახლავთ, რომ სახელმწიფო წარმოება მეცხოველეობაში ათვლის ერთეულად ძროხის რძეს მიიჩნევს და სტატისტიკური აღრიცხვის დროს კამეჩის რძეც ძროხის რძის ტოლფასად ბარდება, როცა პირველისა ორჯერ და სამჯერ აღემატება ცხიმინობით მეორისას.

— სწორედ დაბალი წველადობა იქცა კამეჩისთვის დამოკლეს მახვილადო, — გონებაში ისევ ცხარობს ღვაწლმოსილი მეცნიერი ელბერდ ბატიაშვილი, — არადა, რა გადაუჭრელი პრობლემა ეგ არის ტრანსკავკასიისა და ხულონხესის მშენებლობათა შემჩერებელი ხალხისთვისო?! განა შეუძლებელია ძროხის რძე ცალკე აღრიცხოს და კამეჩისა — ცალკე? ერთზე სხვა ფასი დაწესდეს და მეორეზე — სხვა? განა ოქროსა და ვერცხლს საზიარო სასწორით აღარ არწყვენ ხოლმე, მაგრამ შეფასება-ანაზღაურებისას პერი მოედება აშიშინებულს.

საბეჭდ მანქანას ვარაკუნებ თავდადახობრილი. წარბებსაც შეველევი, ოღონდ რამენაირად შევძლო შინ ჩაკეტვა. სარკეში ჩახედვა მეზარება. ბოხოსს უშუბლზე ჩამოვიფხატავ. თუ ვინმესთან გადავალ,

ისიც საღამოობით, იაშა აშორტიასთან, ქანქანესასთან, ნარდის სათამაშოდ. უფრო ხშირად კი ეთერ დეის და ნაპო ბიძიას მივაკითხავ ახალგადაბეჭდილი თაბახებით.

ძუძუმტე და ქეთინო — აფონ-ბრატი, თბილისში არიან; უმცროსი, დიდრონთვალეა ნინო ჯერაც სკოლის მოსწავლეა, დარიკოსავით მამის სიცოცხლის კენწეროზე მოვლენია საწუთროს.

ბიქტოროვიჩის საფლავისკენ გვიან ღამით წავეხეტები. ძვირფასი ბორცვი უკვე ხელისგულივით გასწორებულია. ამ დროს თემშარა უკაცრიელია, სოფლის ცენტრი — უარვინო.

კინოთეატრში მოძველებული დანადგარები გაფუჭებულია და დიდ-პატარა საკუთარ წილში გამოკეტილ-გამოხარშულა.

აქა-იქ ბეჭუტავს ობოლი ნათურა. ლამპიონები ჩაბნელებულია უმეტესწილად, გამომცვლელი არა-ვინ ბოგინობს.

სასაფლაოს შემოვლა ტერენტი გრანელის მეღანქოლის გადმომდებს. გავსაუბრები ზეცაში მყოფ ხალხს. უმეტესი უფალთანაა და ამდენად, მეადვილება გულის ამობერტყვა, რამეთუ იქ უდანაკარგოდ აღიქმება უხინჯო აზრი.

პეტრეს ბორანთან ოტობაიის ხიდი გვარიანი ხანია გადებულია და ახლომახლო სოფლების ხვა-ბარაქა შეუფერხებლად მიედინება ზუგდიდ-ქალაქისკენ, ჩემი ქაბისკენ. პეტრე ანჩაბაძე დრო-ჟამის კუთვნილება მრავალი ჭკუამოსაკითხი კოლხივით.

ნეპმანობის ჟამს, როცა კაპიტალიზმის ნაწილობრივი რესტავრაცია განხორციელდება, ძმები ხუფენიებივით ბაბუაჩემი ბიქტორიც ათობით დესეტინა მიწას შეიძენს, ცალკე — დიაკვნობით და ცალკე — ფერშლობით.

ბიძამისი ვასილი გადმოიყვანს ოდიშური თარგამულიდან და ფიჩორის მრევლს ჩააბარებს სამეურვეოდ.

ბესარაბიაში უმსახურია პირველი სამამულო ომის წლებში. რამდენიმე ენა აუთვისებია ბუნებით გონებაგახსნილს. საველე პირობებში დაჭრილ-დასახიჩრებულებს ომის გაგანიას გამოარიდებდა თურმე. მერმე საფერშლო კურსები დაუმთავრებია იქვე და ლანცეტ-სკალპელს დასტრიალებია.

ასე გაცვლის თეთრ ხალათში სასულიერო სემინარიის ანაფორას, თუმცა წირვა-ლოცვას გამუდმებით მისდევს. მოგვიანებით, ღმერთთან სიახლოვის გამო, კინალამ ციმბირი ზურგს უკან დარჩება, თუმცა ბედზე თანაგომნაზიელი ლავკილავა გამოესარჩლება და შერჩება სული ფაფარშეკრეჭილი ცხენით სოფელ-სოფელ სახეტილოდ.

წელიწადში ერთხელ მაინც უცილობლად მოაწყობს ხვამას, სადაც ახლო ნათესავებში მხოლოდ სიძეები არ მონაწილეობენ თომა გელენას ხელწერისგან განსხვავებით.

ცხენით სავალი კი ათობით კილომეტრია, ზოგჯერ ავადმყოფთა სამკურნალოდ, სხვა დროს — სამედიატორად. შუაკაცობის, საზოგადოებრივი პროფესია დიდ პატივად მიაჩნიათ სამურზაყანო-ელებს. ყველა სოფელს ხყავს გამორჩეული შვილი, რომელიც ცხენზე ამხედრებას არ დაიზარებს ერთმანეთს სამკედრო-სასიცოცხლოდ გადაკიდებულ ადამიანებთა შესარიგებლად.

მარტოკა გამოეშურება ფიჩორიდან ბიქტორ ფეტელავა, გამოუვლის თედო ხუფენიას, რომელსაც საამისო საქმეებისთვის ყოველთვის დაურახტავს ხშირფაფრიანი ტაიჭი. პეტრე ანჩაბაძეს უკვე სინიბზე აზეითება წყნს, მუხლში ღონე მოაკლდა, თვალში — სინათლე, შინაურ პრობლემებს აგვარებს. სათაკალანძმოსთან ვერეხი ნოჩო დემეგ ზავრებათ; ნაბაკევს როცა გაუპირდაპირებენ, ასჯერ თოკიდან გამოძეკრალი, ყირმიზსახიანი ყარა თორია და წარბებგადახ-ლართული ჭანჭახი კოსტა ბერაია შემოუამხანაგდებათ; ქვემო ბარლებთან ლაბუაჯვირიანი, თაფლისთვალეა, თხელულვაშიანი ლადი გოგობია შემოუერთდებათ; თავილონიდან ნაუ აბლოთია მოთოხარიკდება, ჭუბურხინჯიდან — ნეტო ყოლბაია და ასე, ათიოდე გაქაფულმერნიანი შუაკაცი, დინჯის საუბრით მიაშურებს ხან შეშელეთს და ხანაც — ოქუმს.

ოტობაია და ოქუმი ტყუპისცალი ძმებივით ამყოფენ თავიანთი ტრადიციებით, სტუმართმოყვრობით, ადამიანებისათვის თავდადებით. გზა კი მომქანცველია. სისხამზე გამოსული რაზმი შინიდან წამოტანილი საგზლით საზიარო სუფრას გამართავს მოხერხებულ ალაგას. ორნახანად არაყსაც ინებებენ ზომიერად და ისევ უტევენ დანიშნულების ადგილისკენ. შესვენების დროს, პურობისას თუ ცხენდაცხენ წათოხარიკებისას, ყველა ასწრებს თავისი სატკივარ-სალხენელის გამომწეურებას. საკამათო არაფერი აქვთ სამურზაყანოელ მედიატორებს. სხვათა ოჯახების დამზავებლებს აწეული ხმით დალაპარაკება არც ეკადრებათ. თანაც ასეთი შეკრება ყოველთვის როდი ხერხდება: ზოგჯერ წელიწადი ისე გაირბენს, საშუაკაცო არაფერი გაფაჩუნდება მთელს არე-მიდამოში.

ოხუნჯობის ყველა სადავე ნოჩო თაკალანძის ხელთაა, ლაგამივით მოუბოჭავს ძარღვიან მარჯვენაში;

— ასეა, ბიხვიო, — მიწურავს სხარტულას და კაცების ჯანსაღი სიცილი დააფრთხობს თხმელიანებში მიუჩინარებულ შაშვებს.

თედო ხუფენია ტანწვრილია, თმა პირწმინდად გასთეთრებია ცისფერთვალემა ჭარმაგს. დაიჩვილებს აბრაგების მომრავლებასა თუ კარზემომდგარი დროების ცვლილებაზე. არც თურქების სანდლები აკითხავს ახლა ზღვისპირეთს. გაძვირებულია შაქარი და მარილი, აბრეშუმეული. ფულს ყავლი გასვლია. სახელმწიფო მოხელეები წურბელებივით ასხედან კოოპერატორ-მეპაიეთა ძარღვებს.

— მალე სოფელში არ დაიდგომება, — ცქმუტავს უზანგზე ფართოსახიანი ყარა თორია, — გლეხკაცს ნორმალური ცხოვრების პირობები წართმევია. ალბათ, სოხუმისკენ გაუუტევ ადრე თუ გვიან, — დაასკვნის და უცხუნებს მათრახს ფეხათრეულ ოჩანს.

ლადი გოგოხია შიგადაშიგ ილიმის თხელ ულვაშში. დაიჭერს თანამოაზრის გამოხედვას ნოჩო თაკალანძე და ამგვარად ჩაეკითხება:

— ეგ როგორ იყო კოოპერატივის თავჯდომარეობაზე უარი რომ განაცხადე, ჯერ ნაადრევიაო?

— აი, როცა დედაგაღლეტილების ჟამი დადგება, მოგიწევს ენის დამოკლება, ბიხვი, — მოუქცევს ნოჩოსებურად მხედარი, — ჯერ ყველა ეკლესია როდი დაქცეულა. გაავლებენ მუსსრს შენს ხატებს, ჯვრებს და ანაფორებს. გააკრეჭენ ვასილ ფეტელას თუ გიორგი რურუას და იხტუნე მერე; გინდა გულწრფელად გითხრა? კაი დედის შვილი იქნები რამე სამსახურს შემოგთავაზებენ და სიტყვას ბანზე აუგდებ.

მართალიც გამოდგება ლადი გოგოხია. ეკლესია-მონასტრები თითო-ოროლა დარჩება სამურზაყანოში — ბეღია, ილორი, დანარჩენი — ხისა თუ ქვიტკირის — დაიცხრილება. ზარები სასაფლაოს თავზე დაენარცხება, სახურავს ქურდ-ბაცაცანი გაძარცვავენ ღამ-ღამობით. ფიცარ-ფიცარ წაიღებენ ქარს და ცეცხლს გადარჩენილს.

ანჩაბაძეების სიძე რურუა შორეულ ციმბირში ამოხყოფს თავს. ვასილ ფეტელავა თვითონ შეიმოკლებს წაწვეტებულ წვერს, ან კვიმატი შვილიშვილი ნუგო გაუწევს სამსახურს;

მართალი გამოდგება ლადი გოგოხია, გაღლეტილები კვლავაც აღზევდებიან. ახმაურდება მაუზერი. მედიატორობისთვის სავალალოდ ვერავინ მოიცლის, ვინაიდან ყველას საკუთარი ტყავი გაუხდება გადასარჩენი;

ბიჭტორს ხომ თანაგიმნაზიელი ლაგვილავას წყალობა შეუნარჩუნებს სიცოცხლეს, და თავად ოთხი ძმა ხუფენიას ნარუდუნებ-ნაღვაწი დუქნები ოტობაიას ცენტრში, მალე გაფარლალდება: კედლებს ქარ-წვიმა ჩამოიტანს. ჩამოართმევენ ნახირს, რემას; საგვარეულო თოფ-იარაღს მოხალიჩებულ კედლებს ააღლეტენ ნოხებთან ერთად, მიწებსაც, ცხადია, ოთხივე კუთხით და რკინის ხელი ყანყრატოში წაუჭერს კულაკს თუ ნააზნაურალს შეძლებული გლეხითურთ.

უარაფრონი თავიანთი ნამარხულევი სტომაქებით დაესევიან წლობით დაგროვილ სარჩოსაბადებელს და უყარათობის ჩვეული სენით მსწრაფლ წირვას გამოუყვანენ;

მართალი გამოდგება ლადი გოგოხია: თავმჯდომარეობას შესთავაზებენ ამღვრეული ჟამის რამდენადმე დაწდევების მერმე. წვეულ ორათეულ სტუმარს არაჟს ვერ გამოუტანს ხილისას. ხორცი, მჭადი და ყველი კი დახვადება ჩეროვანში მიმყიდროვებულ სუფრაზე და ვიდრე გაღმა-გამოღმით დაგზავნილი ბიჭები ღვინოს მოასწრაფებენ, ჭიდან ამოღებული გრილწყაროთი შეუღებებიან მამა-პაპურ სადღეგრძელოებს, და რაჟამს ჯეელები ღვინო-არაჟს მოაშველებენ პურობას, ფსიქოლოგიურად მთვრალია სტუმარიცა და მასპინძელიც.

ეცოდინება ამის თაობაზე ნოჩო თაკალანძეს დამიანე გოგოხიას რაიკომის პირველმდივნობის ჟამს, მაგრამ ბრძენკაცისთვის ენას კბილები ტყუილად როდი შემოვლებია გადაულახავ გალაგნად?! ცხიროგალს გამოცდებიან მზის აზენიტებამდე.

ახალი მთვარის გავსებამდე მესამედ მიეშურებიან ოქუმისკენ.

ფარფალიებსა და ემუხვარებს შორის გაუთავებელმა ხანჯლისტრიალმა ლამის მუსრი გაავლოს ამ ორი ძირძველი გვარის შთამომავლობას.

დედაბრების თვალეში ცრემლი გამჭრალა აქეთაც და იქითაც. საშველი კი არა და არ ჩანს.

აჩიგვარასთან ათ ცხენოსანს კიდევ ათი შემოაღურთდება. წვრილი, კირქვიანი გზით მიეშურებიან.

მედიატორებმა კარგად იციან, რომ იოლი არ არის ერგასობით შეწირული სიცოცხლის გადავიწყება, ხელის ერთი მოსმით დაზავება, სამაგიეროს გადახდაზე უარის თქმევენება შურისმაძიებლობის ადათით თვალდაბნელებული ხალხისთვის; ბევრი სვანეთში გახიზნულა, მორღუებთან; ზოგი ქმარმკვდარი მანდილოსანი შვილს გაასხვისებს: ემუხვარები ჯგუბურიებად გარდაისახებიან. ფარფალიებიც აქა-იქ თავს შინაყმებს მიაყრდნობენ. მთლად წარბშეუხრელნი ისევ ბერდანკებსა და კარაბინებს ჩაფრენიან. შანსი კი მაინც არის.

ბიქტორ ფეტელავას მოუფიქრებია უკანასკნელი ცდაბედისმონახევრობა. ჯერ არ უმხელს თანამგზავრებს, მაგრამ ოქუშმამდე ხომ სავალიც საკმარისია.

იშვიათია სოფელს მასზე გამავალი მდინარის სახელი ერქვას. ქვიან ადგილადაც აღიქმება შემოგარენი ესე, მაგრამ ენათმეცნიერებს რომ ჩაეკითხო, ქუმელის სიმრავლის ბრალია ყოველივე.

მედიატორები გუმანობენ, რალაც მენცარული მოუსაზრებია ბიქტორ ფეტელავას, თუმცა კონკრეტულად რა, უცნობია ყველასთვის და არც ვინმე ჩაეძიება საჭიროებამდე ნადიაკვნარ ფერშალს.

ხუთიოდე წლის წინათ გაგიდელ გამახარიებს ფარსავი დამართა.

ცივ ქვაზე შედგება მეჯოვე ბაჯგა, ნორჩ ასულს, რომ მოსტაცებს ორჟონია ქვრივი. არც ისინი არიან გულდელდები, თუმცა ბაჯგა მთლად შიშტიგინია, ხუთი თითივით ცნობს ზღვისპირეთის უღრანებს.

ჯაგარა ტანს მუგუშლით შემოიტრუსავს. დაიგინებს და დაიქანდება სიძის მისამართით, ობლად დარჩენილ ბავშვებს გადაუბუგავს, ზედ მიაყოლებს თავის ქალიშვილსაც, ჯერ ჩვიდმეტისაც რომ არ გამხდარა: მამისტოლ კაცთან სარეცელი გაიზიარა, თავსლათვი გადმოსახა პათიოსან ოჯახს.

ბაჯგა გამახარიას ქადილის წაყრუება იქნება, მუხურთან გამოხიზნული კაცისა, შემოფეთებულ მგელს ყბებით რომ ხლჩს?

მიუდგომელია მათი ეზო-კარი შუაკაცებისთვის. ჭურჭელი არ გაჩხარუნდება, ჭიშკრამდე არავინ მოგაცილებს, ხმასაც არ გაგცემენ.

მოხეზრდებათ მედიატორებს გამახარიების შუკის ატალახება.

— შვილიშვილი შეეძინება და მოლმობიერდებაო, — დაასკვნინან.

ბიქტორ ფეტელავა კი ცოტა შორს იხედება: საკმარისია ორჟონიას წვეთი სისხლი დაიღვაროს, რომ ნათესავს ნათესავი ამოუდგება, თვისტომი თვისტომს გამოეჭომაგება, მთელი სოფელი ჯაგარს აიყრის და მშვიდობით მერმე უზრუნველო ცხოვრება?

ქრისტეშობა გადასულია. დაკლულია ბურვაკები. მალე საახალწლო ჩიჩილაკები აბზინდება მიბნელებულ კუთხეებში. ჯერ მამლები ქანდარიდან არ ჩამოსულან. კავკასიონის მწვერვალებს საიმედოდ მიფარებია მანათობელი. ფაფარშეკრეჭილი და ძუამოკვეცილი ცხენით შემოეტევა გამახარიების შუკაში ბიქტორ ფეტელავა.

მარტოდმარტოა. განუყრელი აბგა თან ახლავს. ამჯერად წამლებთან ერთად საგზალიც წამოლუმძღვარებია. ქისა გამოტენილია წეკოთი. კვესი და აბედი განიერი შარვლის ჯიბეში უდევს. საჭიროების შემთხვევაში აფუტებს ხოლმე, თორემ თამბაქო ჭირივით ეჭავრება. ყფენ ძაღლები, მაგრამ რადგანაც მასპინძელს არავინ ეხმიანება, შინაურებიც იყუჩებენ. იგუმანებენ — შუაკაცები მოსდგომიან სისხამზე შერიგების დასტურ-ლამალის დასატყუებლად. ცხენს ჯარგვალის აივანზე აშვერილ, დავგარჯნილ სვეტზე მიაბამს ნადიაკვნარი ფერშალი.

საცხოვრისი ტიპიურია აქაურობისთვის, ხვეწით კანგაცლილი თხმელისგან აგებული. სახურავი ისლისაა, უფანჯრებო. ზამთარ-ზაფხულ კვამლი ტრიალებს შენობაში, რომლის იატაკი მიწატეპნილია. ოთახის შუაში დღემოსწრება მხრჩოლავი კერიაა თვალებს რომ ავიწროვებს და შაშხ-სულუგუნს ყვითელ წვეს გამოუყვანს ძალუმად.

ლოგინები კედლის გასწვრივ ჩამწკრივებულა და თავფეხშექცეულ ბავშვებში მშფოთვარე ძილს მისცემია ბაჯგა გამახარია. სტუმარი ზრდილობის გულისთვის ჩახველებს ბოხად, მათრახის ტარს ორგზის მიუკაუნებს მძიმე კარს, მიაწვება და შეაღებს სიტყვებით:

— აქა მშვიდობა, ბიქტორი ვარ, ფეტელა!

სად არის ჭრაქი, მხოლოდ გამომშრალი ჭადარი ღუის ოდნავად. მიუჭდება კერიას და მოვლენების განვითარებას დაუცდის მედიატორი პაპაჩემი. დრო ავისმომასწავებლად იწელება. უკვე ქანდარებიდან ქათმები ჩამობარგებულან. ეზოში კრიახია, ზმუიან ბაკიდან ძროხები და კამეჩები. ზაქები და ხბოები მთელის გულაჩვილებით უხმობენ დედებს. დამშეული ღორები ჯგირჯგინებენ, ცხენების ხვიხვინია.

ბაჯგა გამახარია თავს იმძინარებს.

დიასახლისი კედლისკენ მიტრიალებულა, ცერით ხაზევი გამოხყავს დაჩრჩილულ მორზე, მაგრამ იცის, ხმის გაღება არაფრით იქნება. შეპასუხება აშკარა თანხმობაა ორჟონიებთან შერიგებაზე.

ღღის სინათლე ნემსებივით დაუვლის მთელს ჯარგვალს, ჭუჭრუტანებიდან თითებს შემოხყოფს მანათობელი და საკმარისად გამოაშკარავებს გლეხკაცის ოჯახურ ხელმოკლეობას.

თაროზე კერამიკის დოქებია. მოშორებით მოჩანს მაღალი დერგები და კავებზე ჩამოკიდებული გაჭვარტლული ქვაბები.

ნაჭაზე აწეულია წუკალა, რომელშიც ნავახშმევი ღომებია თავდალმა ჩამხობილი, მარო გაბისკი-

რიას რომ უყვარს, ისეთი, სამსართულიანი ღომები. ჭყორი ჩხაპელიას სტომაქისთვისაც სამყოფი, მაგრამ მასპინძლის საუზმის მარაგს ხელს არ ახლებს ბიქტორ ფეტელავა. ამოალაგებს აბგიდან ღორის კისრის ნაწილს, მოხარშულს. ფიცხინიას დაბერტყავს ყვებზე, გამოჩხრეკს ნაკვერჩხალს, დასერავს ღომს საკუთარი მარაგიდან. ომის დროინდელი მათარა ორნახადი არყითაა გალიბლიპებული. გად-მოისხამს ხრახნიან ხუფზე და პირველი სადღეგრძელოთი ფუძის ანგელოზს დაულოცავს მასპინძელს შესაშური გულწრფელობით.

ამ ბალაჭუჭებში გათხოვილი ასულიცაა ნაგულისხმევი. დაცლის მაღიანად, ფიცხინიაზე აშიშხინებულ ხორცს ჩამოითლის, მიაწობს სურნელოვან აჭიკას, მიაყოლებს კანშემოტკიცინებულ ღომს, რომლის მეზობლობაში შებოლილი სულუგუნის ნაჭრები აბზინებულან.

ბავშვები ლოგინში წრიალებენ. განსაკუთრებით უმცროსების მუცელშია ხანჯლების ტრიალი, მაგრამ წვანან გამახარიები გაუნძრევლად. მიეგებები სტუმარ შუაკაცს და ფარ-ხმალი დაყრილია — შერიგებას წინ არაფერი დაუდგება. არადა, არც ფერშალი ფეტელას მომდურება ეპრიანება მაინცდამაინც წვრილშვილის პატრონ ბაჯვას.

ყალიონი გამართულია, ნოჩო თაკალანძეს ცხვირსაც რომ შებურავს ჯანლიანი ამინდით.

ნაკვერჩხალს შიშველი ხელით იღებს შემოჩენილი კაცი და ეგრევე უკიდებს. ამისთანა მოთმი-ნება მხოლოდ ჩემს მომდევნო ძმა თენგოს ემარჯვება სანათესაოდან და კიდევ — არსენა მარაბდელს ბელეტრისტიკიდან.

აბოლებს ჯალაბის მიმართულებით. გამოღებული კარი კერის კვამლთან ერთად მაღიანად შეუ-ლიტინებს ცხვირში ბაჯვა გამახარიას. ხმის ამომღები არ არის, მაგრამ თუთუნი თავისას შვრება, მწვევლი კაცის ფილტვები აიჯაგრება ნაპო ხუფენიას ხველებათა ლაშქრით, სასთუმალზე თავი არ უჩერდება. უკვე ეზოში დიდთურქობის შესადარი ალიაქოთია. გადარეულან პირუტყვები, ფრინვე-ლები ლამის კუტიკარში შემოცვივდნენ, წვრილ-წვრილ ღრიჭოებში ყოფენ კისრებს დაპურების მოლოდინში. იქით ნაბოლარა ჩართავს კრინით, შემდეგ სოლო კვარტეტად იქცევა და ახლა ბაჯვა გამახარიას ჯარგვალში პატარათა დისხარმონიული ქოროს უკანასკნელი რეგისტრით იფხრიწება ჩაქვარტლული კედლები. ჩაახველებს ცოლი და ბაჯვაც ჯგვლემს იდაყვს ფერდში!

შარვლის ტოტებში ჩახყოფს საკუთარი ჯარგვალივით გაფისულ ბარძაყებს. წამში შეიმოსება. მასპინძლის ჩაცმის კუთხეს ზურგს შეაქცევს სტუმარი, თანამეცხედრეთ სივრცეს უთავისუფლებს აღსაკაზმად. ბავშვები ყირაზე გადადიან ლოგინში. ელიმილება ნადიაკენარ ფერშალს. ზის ჯორკოზე ბაჯვა გამახარია. თავადაც აფუტებს ყალიონს, გულისპირიდან ბალანი ტახვიით ამოჯაგრვია, ზედმი-წევნით შეხამებია არსებულ ყოფას. ბავშვები კი კალთაზე ებლაუჭებიან დედას: გვშია, გვშიას, ძახი-ლით!

და აქ მუხლისთავზე დაირტყამს ხელს მომუშტულად ბაჯვა გამახარია:

— დედაკაცო, ბლარტებს მიხედე! — შეუბღვერს, თითქოს დიასახლისი რამეს ცოდავდეს, — შენზე ილოცოს, ალექსევიჩი, იმ ხრონცმა! არ გავისვრი ხელებს მისი სისხლით, აი, ამ ცეცხლს და ნაკვერჩხალს ვფიცავ, რომლითაც ტანი შემიტრუსავს, მაგრამ ჩემსკენ მოუხედავთ და ამ მუგუზლის წერად ვაქცევ უბედურებს!

იციან ეს მედიატორებმა და რამდენადაც უახლოვდებიან წამომარჩხებულ, თეთრი ქვებით ამოვ-სებულ ოქუმწყალს, ყველა ბიქტორ ფეტელასკენ იმზირება. ისეთი რა უნდა მოიმოქმედოს, დადრა ფარფალიას ფეხი გადმოადგმევინოს ჭიშკრისკენ?! უკანასკნელი ვაჟიშვილი განუგმირეს ემუხვარებ-მა. ახლა ჯერი მისიანებზეა. მოიხელთებენ სადმე მოჭიშპე თავადის ნაშიერთ, ქორწილისკენ მიმავლებს, თუ სანადიროდ წამგზავრებულთ და შურისძიებით წონასწორობასაც აღადგენენ; კიდევ ერთი ადამიანი გამოაკლდება სამზეოს, რათა შავეთმა მაღიანად მოცოხნოს მისი სახსენებელი; კიდევ ერთი ჩაუქის მზე ჩაესვენება. ასეთი განწყობილება გამეფებულა საფარფალიაოში. ჭაბუკის ორმოცამდე უნდა მოხერხდეს ყოველივე, ცხონება თუ უწერია მნათშემოკლებულს.

ხოდა, შებინდების მაუწყებელ ნიავექროლვაში ჩამობარგდება მედიატორთა ოცეული ფარფალი-ების ფანჩატურიან ჭიშკართან.

მერნებს ლაგამებით მიბამენ მესრებზე. იციან არავინ შემოეგებება მათ სიმრავლეს, არავინ დაუყ-რის თივას ლაგამის მხრავ სინიბებს, არც მათი სტომაქისთვის იზრუნებს სტუმართმოყვრობით გან-თქმული ოჯახი — შეუძლებელს სთხოვენ, შეუთავსებლთა შეთავსებას — ხელი გაუწოდოს ვაჟიშვი-ლის აღმსრულებელ მოსისხლეს.

წინ, რამდენიმე ნაბიჯით დაწინაურებული ბიქტორ ფეტელა მიუძღვის შუაკაცებს.

ფართოაივნინან ოდამდე ასიოდე მეტრია.

ეზო ხეხილით გადაჭედლია. ოდესღაც ხასხასა მოლი ცხენების ფლოქვებს გადაუთქერავს, მას-

პინძელთა უბედურების მაუწყებელია აზუნზლული მიწა. ხოდა, აივანზე გამოშლილი ფარფალი-ების თვალწინ, თითქოს მოფარდაგებული იატაკი, ორივე მუხლზე დაეშვება ნადიკვანარი ფერ-შალი.

თავზარი ეცემათ შუაკაცებს, მაგრამ მოწინავე ჩაკვებულა ფამფალა ტალახში, თავდახრილი, მკერდზე მიხუტებული მარჯვენათი და გაუძელი ამ სურათს კაცთმოყვარეობის სახელდადებულმა მთელს სამურზაყანოსა თუ მის ფარგლებს გარეთ, ლეკუხონიდან გუდავამდე და ჭუბურხინჯიდან ფსოუმდე.

მომდევნო ჩამოუხლებელი ამბროსი გელენავაა, მესამე — ნოჩო თაკალანძე, მეორეს ხელმარჯვნივ. ხელმარცხნივ ლაღი გოგონია იყოჩაღებს, შემდეგ — კოსტა ბერაია და ასე რიგრიგობით, დათქმული-ვით იხრება და იღუნება მუხლისთავები დადრა ფარფალის წინაშე.

აივანზე ჩოჩქოლი შექმნილა. ჯერხანობით ქალებს ხმა გაუკმენდიათ, მაგრამ როცა უკანასკნელი მედიატორი თედო ხუფენია ატალახებულ ეზოში ჩაიკეცება, დედაკაცების მოთქმა დამშეული სვაგი-ვით გადაუქროლებს იქაურობას.

კაცებს ყამაზე ჩამოდებული მკლავები ჩამოუცვივდებათ;

გადაწყვეტილია შურისძიების ბედ-იღბალი: უარესი შერცხვენა ელის ოჯახს, მუხლზე დავარდნილ ოც მამაკაცს უნუგემოდ თუ გაისტუმრებს, მთელს სამურზაყანოს მოედება გაუგონარი ამბავი: ფარ-ფალიებმა ჩამოუხლებულ შუაკაცებს ზურგი შეაქციესო, მერე და რომლებს — ორ კვირაში მესამედ რომ მოსულან გადამტერებელი ოჯახების დასაზავებლად, საერთო მშვიდობის დასამყარებლად ოქუშს; მოსულან, რათა წერტილი დაესვას უაზრო კაცთაკვლას, პაპებისა და მამების სითარანე-სიფიცხე შვილიშვილებთან მაინც შეწყდეს; იმათ მაინც იბედნიერონ უკუნეთი უკუნისამდე. წავა მათ საგვარ-რეულოებს შორის ნორმალური მეზობლობა, შეიძლება მორდუობის მაღლიც გადაესხათ, ან ქორ-წინების ძაფებიც გაიბას მერე და მერე, და ამ ფიქრებით გონებაშეძრული ფარფალიების თავკაცი წვერზე ხელის ჩამოსმის შემდეგ ჩამოსვლას იწყებს ოცდაათხარისხიან კიბეზე.

უკან მოსდევნენ ძმისწულები, ბიძაშვილები, ახონები და ჩასხმულები. სათითაოდ თუ არ შეეხო მასპინძლის ხელი მათი ბედნიერებისთვის თავდამცირებულ შუაკაცებს, თავსლაფი განაღდებული აქვთ საზოგადოების თვალში და მედიატორებიც ნელ-ნელა იმართებიან წელში.

მარცხენა მხარზე ამბორი მოსდევს ხელისჩამორთმევას. დამშეულ-მწყურ-ვალე ცხენებისკენ ჯეე-ლები მიიბიჯებენ. ქალები ჭურჭლეულს აკრიახებენ ხანგამოშვებული მოთქმა-ქებითინით, მაგრამ ფარ-ფალიებსა და ემუხვარებს შორის მშვიდობის ჩამოვარდნის ბედ-იღბალი გადაწურულია, გადაწყვე-ტილია დროებით მაინც, ვინემ შუამავლობის მაღლი ტრიალებს სამურზაყანოში, სანამ დედაგაღლე-ტილთა კასტას კულის რიკამდე გაუჩხოტია საუკუნოვანი ტრადიციები; ვიდრე ენა განსხვავებული მეზობელი მეზობლისთვის წაუკიდებია უფრო ჭკვიან მტერს, და დედის ძუძუზე კბილის დაბიჯებას თუ შუაკაცის ჩამომუხლებას ზურგს შეაქცივდეს თავმოყვარე ოჯახი.

თოვლი კი უფრო ადრე მოვა, ვინემ ბოხოხის გადაგდების პირობები შემექმნებოდეს. აწ მეტი სითამამით გაისვლება გარეთ. საღამოსპირზე გაურევს ფანტელს ზეცა და მთელს არემარეს გადაპენ-ტავს სავანშმოდ. მამაჩემის გასვენების დღეებშიც უხვად ჩამობარდნის ცარგვალი. მივაცილებ პრო-ცესიას და სულ თაკარა აგვისტო მიტრიალებს თვალწინ.

ყველა გამოცდა ჩამიბარებია, თექვსმეტი ქულა მომიგროვებია, ჩარიცხვა უეჭველია, მაგრამ გელე-ნახე მაღლივი კორპუსის საგამოცდო სიებს მანამდე არ მოეშვება, ვიდრე საკუთარი თვალით არ იხილავს იქ სიტყვას შეჭიდებული ვაჟიშვილის გვარ-სახელს; მე დილის ავტობუსში მოვკალათებულ-ვარ მძლოლის მხარეს. პახმელიიდან გამოსული მამა თვალს შემასწრებს ფანჯრიდან, მაგრამ უცებ მომეჯარება დედის გაწამებული სახე, შინიდან რომ ავდებს ან თოფს უმიზნებს შესაშინებლად და არ ვიკადრებ ფეხის წადგმას სპირტის სურნელისკენ. კიბეზე ჩამოიშლებიან დოსტები: ჩონჩორ ჯოჯუა, შალიკო წარაღბაია, ავქსენტი გითოლენდია, გულიკო საჯაია, შაქრო ძაძუა, ჯუჯა ხუფენია, სხვანი და სხვანი. მამა პროკოფის ნალოლიავებ კარებს აბოქლომებს, მაგრამ ნურას უკაცრავად, მე არხეინად მოვკალათებულვარ სავარძელში და დაძრული მანქანიდან ხელსაც არ ვუქნევ გულშემატკივრებს.

იქმნება შთაბეჭდილება, რომ ყოველგვარი გარჯა წყალში ჩაყრილა, ჩავჭრილვარ. მშობელს გული შეკუმშვია. ბრიკეტა შემოეფეთება და ველოსიპედს ენათხოვრება აცახცახებული. ძუძუმტე თავადაც ჩინებულად გამომეკიდებოდა ვითარების გასარკვევად. ამ ავტობუსს ჩვენს სახლამდე სამჯერ გადაას-წრებდა, მაგრამ სულშეჭირვებულ მამაჩემს ვერ დაუჭერს სახელგანთქმულ ტრანსპორტს და როცა ავტობუსის კუდი მოსახვევში მიიმალება, მამაც მოამუხრუჭებს ჩვენს ღირწკინა, ცალფა ჭიშკართან. მე და-ძმანი მეხვევიან. ყველანი აქ არიან დარიკოთურთ დედის მოლოდინში, თუმცა ჩემი გამოჩენაც

ნაკლებ სასიხარულო როდია, მით უფრო, რამდენიმე პარკით ხელდამშვენებული ჩამოვსულვარ. მამა სულს ძლივს ითქვამს.

— როგორ არის საქმე? — მეკითხება თავზე ხელის გადასმით, — დედაშენი სად არის?

— ჩავაბარე და სიებს უცდის. მგონი მოვხვდები, — ვიზღვევ თავს.

მამა ცახცახებს, მკერდში მიკრავს, მე კი მის მიერ დაუმსახურებლად გამოვლილი მანძილი დუქნიდან ჩვენს ჭიშკრამდე სინდისის ქენჯნასავით მაწვება დღემდე და ალბათ — მის იქითაც.

თოვს და თოვს. გაიხედავ აივნიდან და საწიერზე წყავებს მიღმა არაფერი ილანდება. უკვე ნახევარ მეტრომდე ჩამოზვინულა. დრეკადი დაფნები მიწაზე გართმულან, მაგრამ ხეხილს შეშველება სჭირდება, სახურავსაც, აქა-იქ რომ გაიჭრაჭუნებს უჩვეულო ტვირთით დაჯორგოლი.

თენგო ჩალახვეტით კუნწუხოსთან აცოცებულა, სადაც ბუხრის ალიბჭეა.

ბათქა-ბუთქით ცვივა ნამჭერი ლაფაროსთან. ომარი და მე მანდარინებს ვარხევთ. სამუშაო სინქრონულად მთავრდება.

მხარზე გადებული ბამბუკისტარიანი სახვეტით უმწიკვლო თოვლს მიკვალავთ ეთერ დეის სამოსახლოსკენ.

თბილა. უქარო ამინდია. მანდარინების ჩამოთოვლვა ამისთანა პირობებში დასაშვებია, თოვლი ყინვისგან იცავს ციტრუსებს.

ნაპო ბიძიას დამბლამ ჩაუქროლა და მარჯვენა ხელ-ფეხს ძველებურად ვერ ამოძრავებს მამაჩემის მსგავსად. პირველ სართულზე ამჯობინებენ მოსვენებას, სადაც უშველებელი ბუხარი სადღეღამისოდ გუგუნებს.

შუალამე გადასულია. აივნიდან ლამპას გვინათებს ეთერ დეი. ვიცი მისი გულჩვილობის ამბავი, ალბათ, ცრემლით ეღარება სახე. განთავისუფლებიან ხეები და ახლა ჯერი თუნუქით დასრულებულ სახურავზე მიდგება. სიმალღეს უმცროსები დაუტრიალდებიან. შევლაგდებით გათარანებულ ღუმელთან, ჯორკოებით მივუსხდებით ტაბლას.

მაჯის სისხო პრასის მწნილი, სურნელოვანი ლობიო, ყველი, შემწვარი კუპატი, ფუმფულა პური და დასერილი ღომი, არაყი მომცრო, ვარდისფერი გრაფინით და თავანკარა ადესათი გავსებული ხელადა.

ეთერ დეი ზურგით მიფიცხება ბუხარს. ვახსენე, ეს კვირები, თვეები ნაპო ბიძიას ხშირი სტუმარი ვარ-მეთქი. საუბრის დასასრულს რომანის გადაბეჭდილ ფურცლებს დავუტოვებ და ვიდრე ახალს მივაშველებდე, ძველი გულისყურითაა წაკითხული.

— „დათა თუთაშხიაზე“ უკეთესი გამოსულიყოსო, — მიდღეგრძელებს თხზულებას ნაპო ბიძია. არაყს მოწრუპავს ცოტაოდენს, სიგარეტს კი ძველებური სიშმაგით ქაჩავს.

— მე არავის ვეჯიბრები, თედოევიჩ. მე ჩემი სამყარო უნდა შევქმნა, რომანი-ტრიადა, რომელიც დროსა და სივრცეში მოიცავს სრულიად საქართველოს.

— ოდაბადე ამიტომაც შეარქვი შამგონას? — მომაჩერდება ნაპო ბიძია.

— სამშობლოს გაგებით, რადგანაც ერთადერთი კუნძულია საქართველოში მდინარეზე, დიდი ქვეყნის პატარა უჯრედი.

— ჩვენი შუკა ვიცანი მე იქ. ჯერ ზანთარაიების სამოსახლო, ანთარაიებისად რომ გარდაიქმნება. მერე შენ სიმბოლოებით აზროვნებ და ეს ართულებს ხოლმე ქარაგმებიდან ნამდვილი ცხოვრების დანახვას. გამსახურდია და ამირეჯიბი კი პირიქით, წამითაც არ გაურბიან ბუნებაში რეალურად მოცემულ ტოპონიმებს: ოქუმს, ოტობაიას, ზუგდიდს, თბილისს, მაგრამ ელა და მინაკაში მყისვე ამოვიცანი ცუცა და ლუბაშა, — ნაპო ბიძია ფაქტობრივად არც შეკამათება. ჩვენ ძალდაუტანებლად ვსაუბრობთ „სიცოცხლემისჯილის“ პირველი წიგნის გარშემო, რომელმაც თეზას როლი უნდა იტვირთოს ტრიადის განხორციელების გზაზე. ოდაბადე-შამგონა კუნძულია, უჯრედის ტოლფარდი, რომელიც შემდგომში ანტითეზის სახით მამულის გარკვეულ დრო-არეალს გაითავისებს სრულიად ოდიშის ფონზე. დაბოლოს, სინთეზისას მოხდება მიკროს და მეზოს მაკროში გადმოსვლა. აი, ჩემეული მსჯელობის ძირითადი მონახაზი. ნაპო ბიძია მაინც კონკრეტუზაციის მომხრეა და რადგანაც შესაძლოა კამათი გამწვავდეს მასპინძლის ჯანმრთელობის საზიანოდ, თვინიერი გამოხედვით თავს ვუქნევ თანხმობის ნიშნად.

მიმიხვდებით, რომ ეს სიტუაციები თბილისში გულდა-ნაბადის აყრამდეა, ვიდრე თმა ამოჯეკილდებოდეს, წარბები ამეპრიხებოდეს და გელენახესგან მწერლობაში ნიჭიერება შეეკურთხებულ იოცი მანეთით მივაშურებდე დედაქალაქს. ჩაწვდებით, ალბათ, იმასაც, რომ ჩვენი თხრობის სტილი და მანერა ასოციაციურ მეთოდზეა აგებული, რომელიც რამდენადმე უახლოვდება „ცნობიერების ნაკადს“.

— მე ზღვამ მაქცია მოაზროვნედ, — ჩამომამორებს ფიქრების სპირალს ნაპო ბიძიას ხმა, — აღარ მახსოვს მომიყოლია თუ არა, ჭერჩის მისადგომებთან როგორ დაგვბომბეს და რანაირად ვიტივტივე მერე გამთენიამდე ნაპირისკენ.

ზამთარია. ზღვა შედარებით თბილია დეკემბერში, ამიტომაც შეეღვევი ყველაფერს: შინელსაც, დაბამბულსაც, ჩექმებსაც, ქამარი კი აუცილებელია წელზე შემოსაჭერად, მით უფრო, როცა ხელში პლასტმასის კალისტრა მოგყვება. გაუჭრი სახელურში თავმოხუფულს და რამდენადმე შეიმსუბუქებ ქვესავით დამძიმებულ სხეულს. პელაგონში მოხვედრილი სწრაფად აუღებ ალღოს ცხოვრებას. ნაპირამდე კბილებით მიგიტანია სული და ამის შემდეგ აღარაფრით დათმობ, გნებავეს აკოპში მომწყდევულს თავზე „ვეფხვები“ დაგტრიალებდეს მუხლუხობით.

— აღამიანის მამოძრავებელი ფენომენი არსებობისთვის ბრძოლაა, — ჩავერთვები.

— ეგ მალთუხის თეორიიდან, დროის შედარებით მოკლე მონაკვეთში, მაგრამ თაობების გადარჩენას საფუძვლად ბუნებრივი გადარჩევა უდევს.

გეხსომება, მურმანი ცოლს ირთავსო, რომ მითხრეს, გავთავდი კაცი. ჩემს დაუკითხავად რანაირად შევბა-მეთქი. განა სარძლოს სიმდიდრეს დავეძებდი, ან ოჯახურ მდგომარეობას? არამც და არამც! უწინარესად მისი წარმომავლობა მადარდებდა. ცოტათი მეც გავუმართავდი ხელს ობოლ ძმისშვილს, ეს ჩემი მოვალეობა იყო, მაგრამ უჯიშო თუ შემოეჩიებოდა, ხომ წყალში ჩაიყრებოდა ყველაფერი?! შემოსარიგებლად მომგვარეს უკვე ზრდასრული სისხლხორცი. აწურულია, აი, ამ ბუხრის კიდესთან მეზობლები შემომპარებენ მრავლისგან მოტანილ ამბავს: ცოლის მოყვანის ნებართვას ითხოვს შენგანო. მეტყვიან, ასეთი და ასეთი ოჯახიდანააო. მიქებენ შესახედაობით, ზნეობრიობით.

გიყვარს-მეთქი, მივუბრუნდები ძმისშვილს და ბუხრის კიდეს თავს რომ მიუჩაბუნებს, იქ ჩემთვის ყველაფერი მისახვედრია. მერჩივნა თავიდან მცოდნოდა, მოვიკითხავდით რძლისიანებს. არავინ წაართმევდა, იცხოვრებდნენ ბედნიერად, მაგრამ თავისით რომ გაჭრა და შეკერა, იქ ჩემი დასტური მოჩვენებითი ნებართვა და მეც გულით დავლოცე. ნატომ გაამართლა, ჭვამაკა გამოდგა, ყირათიანი, მაგრამ ხომ შეიძლება სხვანაირი შეხვედროდა, ფეთხუმი, წასაგებელი?! შორს გამექცა სიტყვა. ზღვიდან ნაპირზე გამოლწეულ კაცს თმა ჩემსავით ერთ ღამეში უთეთრდება და გონებაც სხვანაირად აუმუშავდება.

მახსენდება ბიჭტორ ბაბუას ცოფები ქალიშვილების გათხოვებისას. ზოგან ბაჭვა გამახარიასმაგვარი დაემართება თავად, სხვაგან კოკაში ჩატენილი კაბით გაეპარება ასული. ჩემთვის კი სრულიად გაუგებარი რჩება, აქამდე თუ რატომ მოითხოვენ მშობლები შვილების მორჩილებას, განსაკუთრებით ოჯახის შექმნისას?! აკი, დედაჩემს ნებით მიათხოვებენ პროვიზორ სიძეს, მაგრამ სიამტკილობას მაინც არაფრით არგუნებს მამაზეციერი. ზღვა აქ არაფერ შუაშია, ვასკენი ჩემთვის, და არც — ბუნების კანონების მოშველიება.

არაფერი მირჩენია მე მამიდების სიახლოვეს ტრიალს. ერთ ღამეს უფროსთან რომ დაყოვნდები, მეორე შუათანასთან უნდა გაათენო და მესამე — ნაბოლარასთან, სხვანაირად დაგემდურებიან. მერედა, ჩემი კბილა მამიდაშვილები ხომ გასაოცარი ოსტატობით ისვრიან ანკესებს ბოლაზში, ხესქვრით დაუყვებიან სათავედან მორებითა და ტალახით გადაკეტილ გვადიას ღელეს. ხელაობის ოსტატი რამზეა. შეგაყოფინებს ჭილეში მტევანს და გატრუნული თევზით რომ გამოხვალ ნაპირზე, ზეიმი მაშინ ნახე. ერთხელ კი უხსენებელსაც ამოგათრევიანებს ზემორე, რომელიც ახლაც დაუსრულებლად იწელება და იგრიხება ერთდროულად, თუმცა ბუნებასთან ესენი გაცილებით ახლოს არიან და აბა, გული საითკენ გაგიწევს უფრო?!

— მიხო ბესას გუ!* — ამ ფრაზით დავქრი ცხენ-ჯოხით ბაბუა თომას ეზოში, სადაც მართლაც ვინმე ბესა ხყოლიათ სტუმრად. ელიმილება იმ კაცს, მაგრამ ოჯახაშენებულმა რა იცის, ჩემი მამიდაშვილი მიხო ჯაბუა მართლაც ბაბუამისის ალი-კვალი რომაა?

ან ბებაღე გითოლენდიას ფათერაკი დაგავიწყდება მისდღემში? აქეთკენ მოეშურება სათევზაოდ, ალიოშა გამისონისთან, ორღე იზორაიასთან და კიდევ რამდენიმე ოტობაიელთან ერთად. ღელეს ამღვრევამდე ბებაღე წყლით განწმენდას მოიწადინებს იოანე ნათლისმცემლის კვალობაზე. ხელკეტებით შეიარაღებულან სხვები, წყრთა კობრები გოჭებზე უმსხვილეს თავებს რომ ამოხყოფენ, აი, მაშინ სდრუშავენ. ბებაღე სამმოსთანაა და სრულიად ტიტლიკანა ნებივრობს მოცისფრო ნაკადში. ამოტრიალდება, ჩაყვინთავს, და ასე რამდენჯერმე. კაცებს მობეზრდებათ მეგობრის ნავარდი და საქმისთვის თადარიგს დაიჭერენ. ერთხელაც ამოვეშაპდება ბებაღე, ზორბა, საჯიშე ჭირკვლებილა გაიღვებს მერმე თევზის მიმსგავსებით წყლის ზედაპირზე და დასცხებს რომელიღაც მრავალი ლუფის დამყუჟავ ხელჯოხს. ამოხყოფს თავს ბებაღე საცრისხელა თვალებით, რომელიც მზადაა მოწინააღმდეგეს შესასანსლად, ხელკეტისანი კი ჯიქურ აესვეტება ღამის სიცოცხლეწართმეულს:

— ვერ მოგართვის! გგონია შენია? — დარწმუნებულია თევზზე ეცილებიან უბედურიშვილს.

ან თავთხელად მოჩვენებული ცქრორებისკენ რომ წაგიყვანენ ბოჩია მეფორია, ვალერი ჯაბუა და ილუმა შამათავა; ახლახან დამაყრუებლად დაგიქუხებია თოფი მამიდაშვილის ყურისძირას, თანაც გამსხლტარ ტყისქათამას საფლობ და საფლობ მისდევ ნადირობის ჟინით გადარეული:

— ნუ წახვალ, იქითკენ, ღრმაა, დაიძირები, — გიყვიან შუა დეკემბერში. შენ კი მაინც კიუტად მიდგაფუნებ ჩალამისკენ, სანამ ყელამდე ამოილუფებოდე. კიდევ კარგი, სწრაფად მოგაშველებენ ახალმოჭრილ ჭოლოკს და რის ვაივავგლახით გამოგათრევენ აქამდე „ნიშ, ნიშ“-ის მოლულლულეს გაოცების საწინდრად.

ან კიდევ ზღვაში რომ გაიშლება სიგრიძე დაბანდლილი ბადე და ვარდიშას ბიჭი ბონდო ყალიჩავა, თავისი ბოკვერებით მედუზების სიმრავლეს გიყიჟინებს, შენ კი იყოჩაღებ ვითომ და ერთიანად დასუსხული ცალ ფეხზე ხტუნაობ სიმწვავის ზღვაურით განსაქარვებლად, ღმერთმა უწყის, რატომ შემოაცურებს ნაპო ბიძის ზღვის ხსენება შენს არსებაში?

ამაზე ადრეც მითქვამს სხვაგან: ფოლკნერისა არ იყოს, ყოველი ადამიანი საკუთარი წარსულის ჯამია და მსგავს სიტუაციაში, რაც შენში დალექილა, ელვისებურად გაირბენს ათწლეულებს, კილომეტრთა ათასეულს, ტყე ხარ იმ განცდათა, ოღონდ საკმარისია მინავლული ფერადოვნების სიმები შეირხას.

ეთერ დეის ეთვლიმება. გელენახეს ძილი გაკრთომია. ამ ორ განზომილებაში დაჭიმული, ემშვიდობები გულის ამოსაბერტყად მომართულ პიროვნებას, კარელია-ფინეთიდან მოყოლებული მანჯურიამდე რომ აღსდგომია ბოროტებას ზოგადად და ტკბილი სულის გადარჩენას — კონკრეტულად.

მეათე კლასს ვამთავრებთ. გრიგალი უამრავ ხეს წააყირავენს ჩვენი სამოსახლოს გაყოლებაზე. ოთხკუთხა, ქათქათა სვეტებზე შემდგარი ჩვენი ოდა სასწაულად გადაურჩება მისი მძლავრი ფრთების დგაფუნს. ძირს ჩამოვბარგდებით, დაუმთავრებელ პირველ სართულზე. ბევრს აჭრიალებს, ბევრს აკვნესებს კედლებს ქარიშხალი, მაგრამ მკვიდრად შეკავშირებულ ნაჭდევებთან როცა ვერაფერს გააწყობს, კულამოძუებული გაგვეცლება.

ადრე მეხიცი გამოსცდის ჩვენს საცხოვრისს, ბუხრის თავზე, ფირფიცრით აჭედოილ ჭერს ნეკისის-ხო ნახვრეტს დაუტოვებს. კერიასთან მიმდარ დედას მხარმარცხნით ჩაუქროლებს და იმ თავსხმაში კინოსეანსიდან მობრუნებულებს სწორედ პირველ სართულზე დაგვიხვდება მიწაზე გართხმული გელენახე. ედისონს შეცილებია ელექტროობის ცოდნაში, „ზაზემლენიე“-თი უშველია თავისთვის, მაგრამ მოვუბრუნდეთ წაქცეულ, უშველებელ აკაციას, რომელსაც მოპირდაპირე ეზოში წააყირავენს ზენაქარი, გზას გადახერგავს, ელსადენებს დაწყვეტს.

ფეხბურთის დღეა. „დინამოს“ მძიმე წუთები უდგას. ხოდა, სკოლის დირექტორი, არღენ ელიავა გაკვეთილებიდან გვათავისუფლებს მეათე კლასელ ყველა ბიჭს, ოღონდაც ეს ხე მოვაშორით შუქის დამზიანებლის წყაროს, თან დეტალებში მაფრთხილებს კომკავშირის ექსმდივანს, მე ხომ წელიწადზე მეტია თანამდებობა ძუძუმტესთვის გადამილოცნია:

— ნწუ, ორმა მონტორი მოძებნეთ, ტრანსფორმატორი გამოართვევინეთ. იქ ორი დარჩეს და სანამ თქვენგან მისული ორი წარმომადგენელი არ აუწყებს ელსადენის აღდგენას, არ ჩართვევინოთ! გასაგებია, პოეტო?!

— გასაგებია, მასწ... — მელიმება.

— რა იყო? — ჩამეძიება სკოლის დირექტორი.

— არაფერი, გამახსენდა ერთ-ერთ გაკვეთილზე დაფასთან გასული ცარცს რომ ვაწვალე ამოცანის ამოხსნაში გაჭედილი და სიტყვა „გაყოფილს“ მეათედ ვიმეორებ, თქვენ კი ბრაზი მოგსდით ჩემი თავმოუბმელობის გამო და მოჭრილად გამირითმავთ; „გაყოფილს კი არ გინდა — კარტოფილსო“. გამაყრუებელი სიცილი იფეთქებს კლასში, ლოგარითმები გვავიწყდება და ამასობაში ზარიც დაირეკება.

აკაციის ხეც დაახლოებით ეგეთია.

— გულთმისნობას მოეშვი, საქმეს მიხედე!

გაკვეთილების ჩაშლის დიდოსტატი ვარ.

პუტიკო თაკალანძესთან პრობლემები არა მაქვს, ვინაიდან ჩემი გულის მესაიდუმლეა და თუ რომელიმე რუსი კლასიკოსის ლექსის დაზუთხვა ვერ მომიწვრია, კარებთან შევხვდები, განზე გავიხმობ და თავდახრილი ვეტყვი:

— გრძობები მომაწვა მასწ. და კითხვას გული ვერაფრით დაუვლდე. სამაგიეროდ ეს ლექსი შემით-

ხზავს, — მივაწვდი და მერე ისე წარიმართება გაკვეთილი, რომ სულ სიყვარულის თემა ტრიალებს საკლასო ოთახში, უნიადაგო ვნებით გათანგული მოსწავლეების დასაშოშმინებლად.

ონერ ზანთარაიას ალიყურები მტრისას! გავა დაფასთან ქიმიური ფორმულების ჩამოსამწკრივებლად. მოჭარბებული ენერგიით გამოირჩევა და ცარცი წარამარა ეფშვნება ფიცარზე მიჭერისას! ნატრიუმის ფორმულა განსაკუთრებით ბარაქიანი გამოსდის. სიცილი წამსკდება.

— რომელი იყო? — მოტრიალდება ბოკოს ძე მსწრაფლ.

— მე, მასწ! — ფეხზე წამომდგარი მერხის ასაკეცს ვაწვალებ.

— მაინც რატომ გაგეცინა? — ჩამაჟინდება.

— აბა, რა მექნა, მასწ, როცა N-ი თქვენს ცხვირზე გრძელი გამოგივიდათ?!

სამად გაიკვეცება ბართლომეს ცოლისძმა და წავა მერე ღადავი ნოჩო თაკალანძეს ცხვირსა თუ ანზორ ჩიტაიას ფეხებზე, აივანზე გამხლართულს ჭიშკრებიდან რომ უჩანს ონავრების სალუტუნებლად.

უფრო ცუდად წამივა საქმე ზაირა გითოლენდიასთან.

— კიდეც არ მოგიზადებია გაკვეთილი?

— სრული სიმართლეა, მასწ?

— სამჯერ დავტოვე შენს გამო კვერცხურჯედის განაყოფიერება. მეტი რაღა ვქნა, პროგრამას როდის დავეწიო?

— პრაქტიკულებს არ გვიტარებთ მასწ. და რა ჩემი ბრალია? ხომ ვითვისებთ კაკო თაკალანძის ქიმიას?! თვალსაჩინოების ძალას ეხუმრებები?! — ფრაზა რიგიანად არც დამისრულებია და ჩვენზე რამდენიმე წლით უფროსი ქალიშვილი მდუღარე ცრემლით აქვითინდება. გაკვეთილი კი ჩაიშლება, მაგრამ ვაი ასეთ ჩაშლას: ცალკე ონერ ზანთარაიას ალიყურები, ცალკე დამრიგებელი ნელი შამუგიას ყურზე წვდომა, ცალკე თვალმოკიჟული მამაჩემის გამოჩენა! ამიკრავენ გულა-ნაბადს შინისკენ, იქ კი არ გინდა გელენახეს რისხვას გადაურჩე?!

გაკვეთილის ჩაშლას ვისთან არ ვახერხებ: არშაკო გამისონიას პოლიტიკაზე ჩამოვუგდებ საუბარს და მოგჭამა მერე ჭირი „საზოგადოებათმცოდნეობის“ პასაჟებმა; ვენერა ციკოლიას დარვინის „მოგზაურობა გემ „ბიგლით“-ზე გავუბამ ბაასს და მსოფლიოს ფლორა თვალსაწიერიდან ქრება გიგანტური გვიმრებითურთ.

ერთადერთი, ვისთანაც ჩემი ოინები არ ჭრის, აკაკი შანიძის ოდნავ ენაბრგვილი უმცროსი ძმა, ჟორა რურუაა. კაი დედის შვილი ხარ ნუ დაიზუთხავ სერიებსა და მწკრივებს, სინტაქსისა და მორფოლოგიის საკვანძო საკითხებს, ფონეტიკის ალქიმიას.

— შუალამეც რომ წამოგადონ ლოგინიდან, უნდა ჩაახაბასხუპო, — ასეთია ჟორა რურუას კრედო.

გასათხოვარი დედაჩემისკენ სჭერია თვალი ბიჭობაში, მაგრამ გადაუჯოჯრეს ფეტელავებმა და ჩემს საქილვაშეს კარგი დღე არ ადგას. საკმარისია სადმე წავბორძიკდე გრამატიკული ნორმების გადმოლაგებისას, რომ ეგრევე თითისწვერებზე შემაყენებს. ამიტომაც ვითარებას სწრაფად ვამულამებ და მისაკ ჭანისას „ნოლმაშინკათი“ ავასუფთავებინებ „ბაკებს“, მაგრამ დასჯის ობიექტი წაერთმევა ხექტარიანი თავის პატრონს? და ციცრის სააღდგომო კვერცხის დამტვრევი, მუშტიდან გამოჩრილი შუათითი მომინისკარტებს დროდადრო, როცა „სატყარო“, იგივე ბალანი თურქულ კეხსაც შემოეცლება ქოჩრიანად ვაჟიკო ხვინგიას წყალობით.

ასე რომ, გასაკვირია განა დღესაც საკაკუტე ლურსმანივით ჩამქედვოდეს გონებაში გრამატიკის შეუვალი ფორმულები. სამაგალითოდ ვცადოთ: **„ენა არის საზოგადოებათა ურთიერთგაგებინების საშუალება ანუ აზროვნების იარაღი. ეს იმას ნიშნავს, რომ ადამიანი თავის განცდას გააგებინებს მეორე ამხანაგს თავისი ენის საშუალებით“...**

ჩვენი ჭიშკრის წინ ვტრიალებთ. ვალერი ბაგინსკი და რევენ ზანთარაია ტრანსფორმატორთან დაყუდებულან სასაფლაოს მოპირდაპირე მხარეს, საქირთბაიოს პორტალთან. მოვიძიებთ ნაჯახებს, განის ხერხს, ფიწალს, წალღუნებს, ურიკებს.

აკაციის კბენია ტოტებს ვსხებთ, ვახანიების ყოფილ ეზოში ვყრით. ადრე აქ ჭელიძეებს უცხოვრიათ. ვერ გამოდგება ბედნიერი სამოსახლო, ფეხს ვერავინ მოიკიდებს.

მორებს ჩვენსკენ მივართევთ. რამდენიმე საათში აკაციის სახსენებელი გაქრება სამანქანო გზიდან თუ ღელისპირიდან.

სამუშაო ზედმიწევნითაა განაწილებული: თამაზ გამისონია, სერგო გაბელია, ზურა თაკალანძე და ონერ ბჟინავა ხერხავენ;

ზაურ ბოხუას, თამაზ სონგულიას, კაჩუბი აფაქიას, როინ ალფენიძეს ტოტები და მორები დააქვთ;

გოგი ფაცურია ნათხოვარი რკინის კაუჭებით ცუცვას და ლუბაშას ეზო-კარის კუთხესთან ამარ-თულ ბოძზე აცოცებულა. დაჭიმულია ორი ზედა ელსადენი, ფაზა. ჯერი მესამეზეა.

ფეხშიშველანი დაეტანტალებთ ასფალტზე. აღუმინის მრავალძარღვა მავთულს „პლოსკოთი“ ვეჭიდები ბიჭებამდე გასათრევად. სული წამძლევის, მარცხენასაც მივაშველებ და ხდება სასწაული, შვიდი სიტყვადა გამიელვებს თავში: „ოლონდ ახლა გადავრჩებოდე და ელექტრონს აღარასდროს მივეკარები“-“მეთქი. ფიქრი აქ მიწყდება. უკუმგდები ძალა გაუაზრებლად მომისვრის თემშარის ერთი კიდედან მეორემდე. ეგრევე ლელეში მოვადენ ღვებანს.

ამხანაგები თავიდან იცინიან. მერმე გაოგნებულები შემომეგუფებიან, მანჯღრევენ, გადარჩენას მილოცავენ.

ყველაფერი მალე გაირკვევა: ტრანსფორმატორთან დატოვებულებს სამუშაო მორჩენილად მიუჩინევიათ და ჩვენსკენ გამოშურებულან. მონტიორს კი, როცა არავინ უხილავს, ელექტროენერგია ჩაურთავს და ძაღლის ბედად წოდებული იღბალი რომ არა, გინესის წიგნში შესატანი სალტო-მორტალეთი გადავეშვებოდი დღემდე გაურკვეველ მარადისში.

ოდნავ განსხვავებული, მაგრამ მსგავსი ბედისწერისაა ძუძუმტეს ყისმათიც. გაქანებული ტაქსი დაეჯახება გადასასვლელთან. ინსტინქტურად წაებლაუჭება ბრიკეტა ბუფერს და რამდენიმე ათეულ მეტრს გაათრევს ქვეშმოგდებულს. ხერხემალი დაუზიანდება. მარჯვენა ფეხი წაერთმევა. ხელები ამოეთუთქება. გახდება, ჩამონაცრდება. სწავლა მთელი წლით გაუცდება უნივერსიტეტში. თაბა-შირსა და კორსეტში ჩამჯდარი მოსკოვსაც მიაშურებს სამკურნალოდ. რიურიკ კაკუბავას მეცადინეობით მარილის აბაზანაში ინებივრებს. ქალებს ძველებურად არ მოიკლებს. ჯერ აცაბაცათი გაივლის კასტელებით, მერმე ხელჯოხს დაეყრდნობა და წლისთავზე გაირბენს კიდეც, მაგრამ ჩაესვენება ძუძუმტეს „ყაზბეგურის“ და ფინტების მზე, თუმცა მაგიდის ჩოგბურთსა და ნარდში მაინც შეუღარებელია ყანწთან ერთად.

ვერასდროს ვივიწყებ ეთერ დეის სასოწარკვეთილ სახეს კვირების მანძილზე. იატაკზე გაუხდელად წევს ვაჟიშვილის ფეხრთით. ჩვილსავით უტარებს წყლის პროცედურებს და ერთხელ გაღიმებით რომ იტყვის:

— აწი არა გვიშავს ...დაუმსხვილდაო, — შვებით ამოვისუნთქავთ, თითქოს ძუძუმტეს სიცოცხლე ბებულე გითოლენდიას წყლის ზედაპირზე გაელვებული ავლადიდებისა არ იყოს, მრავალი ლუფის მჟეჟავი ხელკეტით რომ დაიბეთქება, კვლავ მწყობრშია და კაცის ფეხზე წამოდგომას წინ რაღა დაუდგება?!

მშობელი ლუკმას როგორ დაგაყვდრის, მაგრამ მუქთამჭამელის პოზა სინდისს მიწუხებს. დედულეთისკენ ავიბარგები, თუმცა რაღა დედულეთია, როცა ბაბუა თომას ნამოსახლარზე სანთლითაც რომ ეძებდე თანშეზრდილ ერთ ხესაც ვერ იპოვი.

ჯერ კოკოშა შენგელიას ჩალის ფასად მიხყიდიან ჩემები ეზო-კარს ქვექვერია ოდითურთ. იგი თავის მხრივ არქეოლოგიურ პარტიას გადაულოცავს უფრო სარფიანად. ეს უკანასკნელნი ბულდოზერებით პირწმინდად გაათიარებენ საუკუნოვან ბაღია-ბოსტანს.

ცხადია, ჩვენი წარსულის მიწის წიალიდან ამოშუქმეტება გაცილებით ძვირფასია, ვინემ დაღვარკნილი ხეების შრიალი, მაგრამ რანაირად უწამლებ გონებაში მკვიდრად ჩახსტულ სანახებს?! სადღაა ხუჭუჭა თხმელების კორომი?! სადღაა აჩხოტილ ოთხ აკაციაზე აღმართული სათვალთვალო პუნქტი მოჭრაქუნე კბოდეთი?! აქ საზამთროებისა და ნესვების სიმრავლე იტაცებს ყმაწვილურ გონებას.

მოვა სტუმარი. გაიხარებენ გელენავები. ტომარას და სანამყნე დანას მომაწოდებენ.

— უხანე, წადი და ჯიშიანი ნესვ-საზამთრო მოიტანე, — მეტყვის ბაბუა თომა.

ბურვაკივით ტანსლიპინა ნესვის ამოცნობა ადვილია, ას მეტრში აფრქვევს დამატორობელ სურნელს ბალახებში მიწოლილი, მაგრამ საზამთრო განსხვავებული აღნაგობისაა, ჭრელი, მყიფე, მრგვალი, სფინქსის გამოცანა, ჰოდა, ჩაჭრი დანით ცერისხელას ჩასაჭკრიტინებლად, ერთს, მეორეს, მესამეს. ბოლოს ბედი გაგიღიმებს მომდევნო გამთენიამდე. აქ კი სათიბიდან სახარე წკნელით მოსულწრაფობს ბაბუა თომა:

— უხანე, ურდუ, ებჭყიდ, ებჭყიდ!

აყროლებულა მაჯაგასინჯული ხაბურზაკი. სწორედ ამ ბეჭობზეა განლაგებული არქეოლოგების ორსართულიანი შენობა.

უკაცრიელობაა.

ზაფხულამდე არავინ შეიწუხებს თავს ჩვენი პრეისტორიული ცხოვრების დიხაგუძბადან ამოსაქე-ქად.

თომა ბაბუა ნათელშია, მისი პერანგის სუნი კი კვლავაც მილიტინებს ცხვირის ნესტოებში.

ამბროსი დამიმარტოხელებს ერთხელ, ბელეტრისტიკაში უკვე გვარიანად კალამნაცადს.

— წიე, წიე, საზგადო კაცი იქნები, ცოტა სმას რომ მოუკლებდე! დედაშენი ჩემი გაზრდილია, შაქარყინულით ვანებიერებდი, ძმები ხუფენიების აბრეშუმით ვმოსავდი. ქომ, ჭიგი, შანტალიო,* მეტყოდა და უსაჩუქროდ მისვლა იქნებოდა?! ცხონებული მამაშენი, წამებიერი კაცი იყო, არაყმა მოულო ბოლო თორემ. ჩვენს ნამოსახლარში მინდა როდისმე წაგიყვანო. ხვნის დროს გუთანი რაღაც უჭიათს წამოედო. ლაგვანი შეგვრჩა ხელთ, შაბიამნისფერი სამუშაო იარაღებით სავსე; ორპირა ცულები, წერაქვები, ვინ მოსთვლის, რამდენია. გავწმინდეთ, გავაპრიალეთ, ბზინავს საკვირველად. ოქრო გვგონია, მაგრამ სპილენძი არ ყოფილა?! ხოდა, მალულად გადავიტანეთ სხვაგან, იმის შიშით, არიქა, აგვასახლებენ აქედან, წაგვართმევენ სარჩო-საბადებელსო. მე მგონი მივავნებ იმ ადგილს. იქნებ რა საგანძურს ფარავს ჩვენი დიხაგუძბა?!

ალექსანდრეს დავემგზავრებით. დიდხანს ვეძებთ ქვევრის ადგილსამყოფელს, მაგრამ — ამოად.

მალე განცხადებით მიემართავ მწერალთა კავშირის მდივანს, უიშვიათეს იოსებ ნონეშვილს. ის თავის მხრივ არქეოლოგებს შეეხმინება და დაიძრება ადგილიდან ჩემი ბავშვობის სამკვიდრობლის იავარქმნის საქმე. თუმცა მეხსიერების დანგრევა არაფერს შეძლებია. ცაბაოთს მიტომაც არ უჭირს, ალბათ, სამყაროს წარმოსახვით აშენება, გაცამტვერება და კვლავ მკვდრეთით აღდგენა სულში წარუშლელად ჩაჩნეულის მეოხებით.

კვლავ გალში ვარ. რაბო შონიასთვის ჯერ ოტობაიური ოინი არ გამიკეთებია, მებოსტნეობის გადაშენებასთან მიმართებაში და დაზიანებული სახლის შესაკეთებელი თანხის გამოყოფის განცხადებისთვის სარეზოლუციოდ არც კალამი ენანება და აღარც — მაჯა.

დედას არაფერი გამოსდის, თავლებად ვერავის დაიყენებს, ვერც — საკუთარი სისხლხორციდან და ველარც — ქმრისიანებიდან.

დგას თვალცრემლიანი გელენახე ბანკის რიარიაში და ამ დროს ღვთისნიერი ჭარმაგი გრიშა ბერაია შეეხმინება ყარა თორიას სოფლიდან, ნაბაკვიდან. მისი გასხვისებული ვაჟიშვილი ვახტანგ მიშველია ჩემი პერანგის ამხანაგია. მის ასულ ნონას, მოგვიანებით ფრენბურთის თანაგუნდელი ანზორ გუნჯუა დაეწყვილება, ანზორა გუნჯალათი რომ ვცინებ მამია რატიას დალილას და ყურებამდე ვაწითლებ კოჭებამდე დალალებით გამორჩეულს, ის ანზორი.

გამოკითხავს გაჭირვებას, ვინაობას, და როცა შეიტყობს პროვიზორი მიშა ფეტელავას მეუღლეა, მთელი ბანკის წინაშე დაუდგება „აპეკუნად“ სესხზე. კი, საბუთები მომზადებულია, მაგრამ ბიუროკრატიული იერარქიის კიბე გალშიც მოიძებნება და სანამ რაბო შონია მწვანე შუქს არ აუნთებს ჩვენს დახმარებას, ვართ გულხელდაკრეფილები.

ხელად შედგება პროექტი სათანადო სამსახურში. ოცი ათასი მანეთიც მსწრაფლ დაჯდება დედის ანგარიშზე და მამისეულ სახლს ძირს ჩამოვამბრძანებთ ცოკოლზე მოსასვენებლად — იკმაროს რაც ქანდარიდან ზღვაურმა და ზენაქარმა უქიქინა.

გალი ცივილიზაციასთან შეხების პირველი აკვანია ჩემს მეხსიერებაში. რემიკო გელენავასთან ქორწილში თანწარტანილს რკინიგზა გამაოცებს, გვირაბში გამავალს ზედ რომ მატარებელი გადამიხრიგინდება და მეც მხრებში ვლუნცავ თავს. ზუგდიდს მოგვიანებით ვიხილავ და ჩხოუშმის ვალალი ვერ გამიქარწყლებს ენგურის სიზვიადით მონიჭებულ ნეტარებას.

და მაინც ჩემი სახტად დარჩენის ობიექტი გუთიკოა, ტუჩებს რომ მოღრიცავს წარამარა და ორთქმავლის საყვირის ხმებს გამოსცემს ფორნებს შებმული ჯაგლაგების დასაფეთებლად. გუთიკოს დალანდვა მოპირდაპირე ტროტუარზე გადამისვრის. სკედების ზონარს ისწორებს ყსილად. წაიწვევი ცოტას და ჩართავს მომაკვდინებლად განგმირავ სირენას.

კომკავშირის რაიკომი ზედ ბაბუა ამბროსის საცხოვრისის კუნწუნხოზეა. იქამდე შემიძლია ფერდობ-ფერდობ ჩავიბინო. ოქუმის ქუჩა ტალახნარეგია, მაგრამ მომცრო გუბეები რას დაგაკლებს ბორსუს საფლობებს გამოლწეულს?! დაფასებულია მამის სალაროდან შევსებული საწვეროების რეგულარული გადახდა.

კომკავშირული საგზურით მგზავნიან გუდაუთას.

სოხუმში საბოლოოდ დაკომპლექტდება ჩვენი რაზმი.

გალიდან ოთხნი ვართ: ლადი გოგოხიას საუფლოს მკვიდრნი — გურამ შამუგია და თამაზ ჯოლოგუა; საცრისხელა თვალებით გამორჩეული, წაბლისფერთმიანი მეოთხე სკოლეელი დალილა ხორავა და მე.

სიმწვანეში წაკლავნილ გზებით ჩავალწევთ გუდაუთამდე.

ახალი ნაკადი განსხვავებული ხელწერით შეაფერადებს ბრეზენტის კარებს. ვანკა-სტანკას და

მატროშკებს ჩოხაახალუხიანი ონავრები ცვლიან. ასაკეც ლოგინებზე გვიძინავს სამეულს. აკრეფილია კარვის კალთები, ვინაიდან სულ ერთია გურამ შამუგიას ხვრინვა და სირლალი ფეხები მაინც შეიწირავს აქამდეც ზღვაურთაგან მრავალგზის ნანჯღრევს. თამაზ ჯოლოგუა მოციცქნულია, თომა ბაბუას სალეს ქვასავით გაღეული, მე კი შუალედური ამ ორ განზომილებას შორის.

მაღალი სვანეთის ქალ-ვაჟების სიმრავლეა: ხაფთანები და გულედანები, მერლანები და კვიციანები — სწრაფად გვიმოყვრდებიან. ძირითადი გასართობი ფრენბურთია, წრეში ჩაჯდომა და მოშვერილ ზურგებზე ბათქაბუთქი. კავენის გამართვასაც მოვასწრებთ თხუმეტ დღეში ორგზის.

სოფელში მობრუნებული სწორედ ამ კავენს ჩავაჟინდები.

— ალბათ, პროექტორი! — მეუბნება კურატორი არლენ ელიავა იდეოლოგიის განხრით. უკვე დრანდაში გადასული ონერ ზანთარაიას სკამ-კაბინეტის მესაკუთრეა. კაკო შენგელია კვლავინდებურად სასწავლო ნაწილის გამგის პოსტს ჯერდება. ჩემი დამრიგებლის მეუღლეა, თანაც მიმიხვდებით — ვისი მამა და ურთიერთობა ჩვენს შორის ყოველთვის მამაშვილურია.

— არა, კავენი! — ვჯიუტობ მე, — იგივე საზრიანთა და გონებამახვილთა კლუბი!

— პროექტორი ხომ არ აჯობებს?! — ჩამჩინებია დირექტორი, მაგრამ ჩემს ახირებას საშველი რომ არ დაადგება, ხელს ჩაიქნევს, — ნწუ, პროგრამა, პროგრამისთვის ვიზრუნოთო.

ორ კვირას საკლასო ჟურნალში გამოძახებას ვინ გვაკადრებს. მეცადინეობაზე თავარიდების რეკორდს მოვხსნი. ზოგჯერ შებინდებამდე ვრჩებით. კლასებს შორის შუღლი რომ არ ჩამოვარდეს ძალები გადაჯგუფდება. არლენის იზოლდა და მე ბარიკადის ერთ ნაპირზე ვდგავართ, ნელის ცუცუ და ჯულიეტა ძაძუა — მეორე მხარეს.

იქქება ენციკლოპედიები. იძებნება მახვილგონივრული კითხვები. მოყურიადეთა მთელი ქსელია შეგზავნილი ჩვენთვის საკმაოდ ცნობილ იატაკქვეშეთში. წაუყომარებენ კიდევ ზოგჯერ მონდობილი პროფესისის შესანიღბად. იხატება პლაკატები, კარიკატურები გადამწყვეტი მომენტისთვის. ითხზვება მეგობრული შარაჟები, რომლებშიც ხშირად დარღვეულია პოეტური ლიცენცია.

მაღე საერთო ორომტრიალში მასწავლებლებთან მშობლებიც ჩაერთვებიან. მოგვიანებით უბანი უბანს დაუპირისპირდება, ქუჩა — ქუჩას, როგორც ამას რეალურად აღვიქვამთ ათწლეულების შემდეგ და ახა, ჩვენი სკოლის ფართო ეზოში, გიგანტი, დინოზავრების ქერეჭიანი ტანით აღჭურვილი ნაძვების ძირას, მთელს სოფელს წრე შეუკრავს. გულშემატკივრებიანად წარმდგარა ერთმანეთის პირისპირ ორივე გუნდი ქალაღდისგან გამოჭრილი, მოვარაყბული აღკაზმულობებით, კომიკური სიუჟეტების ნიღბებით, გიტარა-აკორდიონით. რამდენადაც პომპეზურია ჩვენი იერსახე, იმდენად წრფელია შინაგანად წარმოდგენის ყოველი დეტალი.

უმიკროფონოდ, უმეგაფონოდ, ბალრია ჩიტების ჟღერტულში, სოფლის ძირითადი მოსახლეობის თანდასწრებით ვეტოქებით ერთიმეორეს. იცვლება პოზიციები, ქომაგობა;

ჟიურის თავმჯდომარე მსცოვანი ჯოტო ყალიჩავაა. მსაჯულთათვის სასკოლო მაგიდებია გამოტანილი შინიდან წამოდლოიებული სუფრებით, ლარნაკებითა და გეორგინას გაქუჩუჩებული თაიგულებით. როდის-როდის დამთავრდება პაექრობა და მსაჯულთა სიმპათიებიც გაწონასწორდება: ფრე— ოღნავი მიკერძობით, მაგრამ ერთმანეთის სამოყვროდ გამიზნული. მომდევნო დღეს კომკავშირულ მოღვაწეობას დელიკატურად ჩამოვშორდები. გაცდენილი საათების სიმრავლით გავამართლებ გადადგომას. რეკომენდაციას ძუძუმტეს გაუწევ, როგორც ორგანიზატორული ნიჭით ყველაზე მეტად მომადლებულს და დაიწყება სერიოზული მეცადინეობა ყველა მიმართულებით.

ჩაესვენება დრაზობაიას მზე. დავიწყება მიეცემა ფრენბურთის არენა. ახლა ნებისმიერი შტრიხი ძუძუმტეს აღზევებას ხმარდება. მასაც ხომ ხყავს ხორბლისფერი გულისწორი, ათასი წეს-ჩვეულებითა და ოჯახური ტრადიციით თავმოზღუდული?!

მოგვიანებით შემთხვევით მესიზმრება განა აბობოქრებული ენგურ-მდინარე, გაპიპინებული, დედის რძით ავვარგვასებული, რომელსაც გაღმა-გამოღმა ნაპირიდან მივსდგომივართ ამოსახვრეპად მე და ჩემი ბრიკეტა, მაგრამ ამაოდ ვცდილობთ ამ მაუკვდავებელი ნექტარის ამოსრუტვას და ისიც მყარად შემეგნია, სწორედ ამ წერტილებზე დაიდგმება ოდესმე დაუნგრეველი ხიდის ბურჯსაყრდენები უსაწყისო შთამომავლობის სამიმოსვლოდ.

ცრის. ირიბია კაფანდარა წვიმის ნეკნები. მატარებლის ჩამოწეული სარკელიდან თავისუფლად დაითვლება ის სუსტი ღერები.

დედა სასაფლაომდე მომაცილებს. თავმობოჭილ ჩანთას ხელში შევატოვებ. ოც მანეთს ვიკმარებ ვენებგადიდებული წინდიდან ამოცოცებულს.

უკვე დავმშვიდობებივარ ფილთა თოფის მაგვარი ხველებით გაჯერებული ნაპო ბიძიას წამობურცულ მკერდს.

ეთერ დეის თავზე ხელი შემოუვლებია. თვალებით მივუალერსებ ყრუ-მუნჯი დების, ცუცას და ლუბაშას ბუტბუტს. მანდარინ-კარალიოკით ჩრდილოეთს წამგზავრებული ნუგზარ ელიავას ჩიქორთული დეპეშა წინადლითაა მიღებული:

— მანდალინი დამპალდა. ვშიო, ჩემგან ალაფელს ელოდეთ! — მაგრამ ვიცი, ჩამობრუნდება ბახვა სადაც არის და კვლავ სატივრთო მანქანის ძარას დაეჯაჯგურება.

გავცდები შამუგებს და აშორტიებს;

გავცდები რატიებს და ხუფენებს; ჯამბული სამხედრო სამსახურიდან დაბრუნებულა, პოპო და გელა რაიკომის „გაზ-24“-ს უკირკიტებენ.

ანზორა გუნჯალას დაძახილზე ყურის ბიბილომდე ასჯერ განაწითლები დალილა რატხე თერჯოლაში გათხოვილა, ჩვენებური კილოს მალე ამთვისებელი ბიცოლა გულის სამოყვროში.

მურმანს შვილები წამოსწრებია, სახურავს მოარგებს ბელეტაჟ სახლს. . იზო თბილისში დაქმარშვილებულა. სოსო და თამაზი სოხუმში ტრიალებენ.

თამაშუქ მარლანისა ლექსის პერსონაჟ ვახტანგსაც წვრილშვილი შემოჯარვია, ასევეა — რეზო და ნათელა.

სოფლის საყობში დაკენტებული ლაფეტი დგას; ბუფგი საჯაიას საყარაულო ჯიხურიდან კვამლი ამოდის; მეგონა ბუინავას ეზოში ილეწება შეკვირებული ტოტები სახლიკაცის ხვრინვაზე.

მერე — სოფლის ცენტრი. შემდგომ — მამაჩემის დაობლებული აფთიაქი, რომელსაც ვერაფრის-დიდებით ელევა გელენახე: ქმრის ნათელში დამლაგებლად მუშაობა ურჩევნია. მოგვიანებით — უეკლესიო სასაფლაო, მამის სახურავჩაზნეჭილი მომცრო სახლაკი. ცოტაც და გზავასაყართან თავმობოჭილი ჩანთით მიტოვებული დედა, და არმინიანი ნაბიჯებით სწრაფვა კუნთხობობაიასკენ, რომლის იქით ჩემი ძმანდაფიცი ოდიშის ანიაგანია უმეგალითო თანადგომებით, მაგრამ იქაც არ დაყოვნდება კალამდაწუნებული შვილის გული და ახა, მატარებლის ჩამოწეული სარკმლიდან მორბის და მოთოხარიაკობს შურობუმუ ჩემი, ყრმობის თუ სიჭაბუკის საბრძანისი, აწგარდასული თუ დღესაც მოელვარე სახეთა დამტევი;

დანისლულია სათანჯოს მთები, სატანჯოდ რომ ჩამოსახლებულა ზღვისპირა ჭურიაში და სხვა მრავალი — მაგნიტივით მონახვეტი უმცირესიდან დაწყებული უდიდესით დამთავრებული.

მთვარეული ხარტონ გამისონიაც ამ სიკამკამეშია — გუთიკოს მორიდებული თანამოლაშქრე და გნებავთ თავად — ვო, სოხუმე, სოხუმე, თოლცუ ვავორწყქია,* — დღემდე რომ არავინ იცის მისი ალიანჩალიანისა, თუ წიგნებით ჩანთადატენილი ფიჩორის სკოლის მასწავლებელი ბროლა, პეტრარკასა და დანტეზე რომ გაგობამს გულმხურვალე საუბარს, ლაურასა და ბეტრიჩეს სიყვარულს მისტირის ნიადაგ და კალთამადლიანი ქალბატონების მხიარულ შეხმიანებაზე თავჩალუნული დაადგება უკაცრიელ გზას.

მატარებელი კი მიქრის მოცრიატე უკუნში.

— დახერხილ შემას ძლივს ავალაგებდი თავილონში მატარებლის ვაგონზე, — მეტყვის პაპა ბიქტორი, — ვეშმეშოკივით ზურგზე მოგდებული, ბურვაკებით გაძეძგილი ტომრით სახელურზე კვიდივარ მერე.

ასე არჩენს სტუდენტ უფროს შვილს.

ბაზარში შეივლიან ერთი ბურვაკის გასაყიდად. მემკვიდრეს დახლთან დასტოვებს, თვითონ რალაც საშოვარს გადაეგება.

მობრუნდება ცოტა ხანში, მაგრამ პირმშოს მხრები ჩამოუყრია. თურმე თანაკურსელები დაულანდავს და დახლში ჩამძვრალა. ამოუყვია თავი მოგვიანებით, მაგრამ სად არის გვაჩ გელენას კოლტის დამამშვენებელი ღრუტუნია?! ვილაც მოხერხებულის სალოკ თითს ასდევნებია მიუნხაუზენის ბრმა ტახივით.

ბიქტორ ბაბუა შეუდარებელია გალობა-მჭევრმეტყველებით ქუთაისის სემინარიაში მოსწავლეობისას. ოთხივე სახარებას მუხლ-მუხლად ჩაარაკრავებს. სემინარიის მნათე ათასნაირი საცთუნებლით გამოცდის თურმე სენაკებში განცალკავებულ შეგირდებს. შემოწირულ ვერცხლის ფულს ლოგინში უყრის მუჭა-მუჭა. მხოლოდ ალექსევიჩის სული არ წამოეგება იმ ანკესზე და უკლებლივ მიართმევს ვითომცდა „ღვთის“ მოწყალებას. დიდბატონებით რომ დაელუბება ზრდასრული ქალ-ვაჟი, უმცროსების გადასარჩენად ნიკაპთან ცრემლაგანასკული მღერის წმინდა გიორგის ხატთან.

ბევრს ეცდება, მაგრამ მამას და არაყს ველარაფრით განაშორიშორებს ერთიმეორისგან. რომელიდაც სისხამზე ბნედა დარევს ხელს ნაბახუსევ მიხფეს. ახლა ვიცი, თეთრი ციებ-ცხელების შედეგია ყოველივე, დილერიუმ ტრემენსისა. დედა მეზობლებს შეყრის კვილით. კუთხეში მიყუყუალ პატარებს თავზე გვადგანან ახლობლები: ქათქათა ბებია პისტი, ბიძები.

გაფითრებული მამა საწოლზე ზის, საბანშემოხვეული. ყველა ჭკუას ასწავლის, ბაბუა ბიქტორის მეთაურობით და მხოლოდ ნაპო ბიძია მიაწოდებს სირჩა არაყს, მომცრო, ვარდისფერი გრაფინიდან. მამა ხელის კანკალით მიიტანს ტუჩებთან, სულმოუთქმელად დაცლის და მისვე სახე გაულაყლაყდება. ბაბუა ბიქტორი მარჯვენას მოწყვეტით ჩაიქნევს და ტარიან ხელჯოხს დაყრდნობილი იქაურობას გაეცლება. ავედევნები. ელიავებთან მომაბრუნებს თვალცრემლიანი.

— რა გეშველება ჩემს შემდეგ? — ამას იტყვის და წაბარბაცდება.

— შინ მოსვლამდე ვერ უნდა მოითოკო, ბიჭო თავი, — ეუბნება მომჯობინებულ მამას ნაპო ბიძია, — აფთიაქის სპირტი, იცი, ეთილისაა, ორგანიზმის დამანგრეველი. მოდი, ოჯახაშენებულო ჩემთან, მსხლის არაყი არ გამომეღვევა, დაესხდეთ და ვისაუბროთ.

— ასე ვიზამ, — პასუხობს ბალიშზე თავამომალეებული მამა, მაგრამ მოახლოვდება მორიგი საღამო, შემოაღწევს შინ ორკილოგრამიანი პურით, გამომკითხავს გაკვეთილებს, ნასმურევი ტანსაცმლიანად მიწვება ლოგინში და მოხყვება განუყრელ ბოდვებს.

შუალამე გადაივლის და ახალ ჩვენს ჭიშკარს მუხლებზე დავარდნილი, ნადირობისას ფეხის თოფით დაზიანების შემდეგ ნარკომანად ქცეული ბოჯო ახალაია აუხირდება:

— კაცი, არა ხარ, მიშველე, მისა!

წამომადგებენ ლოგინიდან. მამა ჯერაც ბანცალეებს. გავივილით ჩაბნელებულ ქუჩას. ლამპის შუქზე აფთიაქში „A“ უჯრიდან ამოაცოცებს საჭირო მედიკამენტს. ტუხტის სურნელი მილიტინებს ცხვირში. სინჯარებთან მისული მამა აბსოლუტურად გამოფხიზლებულია. თავისი საქმის ნამდვილი პროფესიონალია. კალიგრაფია ისეთი აქვს, აფხაზეთის საფთიაქო სამმართველო მის ნაწერებს სანიმუშოდ დააფრიალებს. იშვიათად შეკრული ასოები გამოხყავს პლაკატებზე. აღწერის სიაც მისი ხელიდან გამოდის. კალიგრაფიით გამორჩეული კიდევ არის სოფელში რადიონ ცხონდია, დასტობით რომ გადაუწერია ჩემი დახასიათებანი, ერთმანეთში ჩაწნული ასოების დიდოსტატს. უნივერსიტეტში წაღმარებულმა ატრიალებენ ჩემს დავთრებს, მაგრამ მამის ასომთავრული განსაკუთრებულია. გულს ამოიღებს ადამიანისთვის, ქვრივ-ობოლს არასდროს გააცულებს, ხურდის დატოვებას როგორ იკადრებს:

— მერე რა თვალთ შეეხედო საზოგადოებასო, — გვებაასება დედის წუწუნზე. რაც შეეხება მის გაკეთებულ წამალს — უკვდავებისაა. მრავალგზის იტყვის გაღიმობით:

— ზოგიერთი ექიმის გამოწერილი რეცეპტით წამალი რომ გავუმზადო ავადმყოფს, ნახევარს სული არ შერჩებაო.

ბიძაშვილ ბართლომეს სცემს პატივს განსაკუთრებით, რადგანც სულ წიგნებშია თავჩარგული ჩემი დაუსწრებელი ნათლია.

ჯერ კიდევ ფეხაუდგმელს წამიყვანენ ილორში. მღვდელს რიტუალის ჩამთავრებამდე წვერში ვებრდღვნები თურმე და ვერაფრით მომაშორებენ. კვლავ თავიდან დაიწყებს ანაფორიანი საზეო საქმეს, მაგრამ როგორც კი ხელს გავიწვდენ ბრჭყვიალა ჯვრისკენ, გულგადაქანებული გავარდება ტაძრიდან და მირონწაუსმელად შემატოვებს მშობლებს.

იცის ამის თაობაზე ზეციერმა და განსაკუთრებით ამიტომაც მომაპყრობს მზერას, მონათლული ხომ ისედაც მის მოსასხამქვეშ მოთვინიერებულა. აი, ძე ცთომილი კი ზენაარის ყოველდღიური ზრუნვის საგანია;

შექველად ესეც გახლავთ უმთავრესი მიზეზი, დღენიადაგ რომ გამომეცხადება ხოლმე მაცილის ჩამოსაშორებლად, ბელზებლის გზების შესაკრავად, ხან — ვის და ხანაც — რომლის სახით.

რაც შეეხება ძუძუმტეს, ისედაც მთელი ორი თვის აჩქარებით გამოსტყორცნის მზის ნათლად ჩემს ვარშემო მოჯარული წკვარამების დასაწიოკებლად.

მიჭრის უკუნეთში მატარებელი. თბილისის რკინიგზის სადგურში ზურაბ ხასაია მელოდება გასაღებების ასხმულას ჩხარუნით და ტკიცინა ოცდახუთმანეთიანით, მაგრამ უფრო შორეულ წრეებს, ძნელმოსახელთებელ რგოლებს რომ შევასწრებ მზერას, აქ არჩივი გაცხადებულია;

ღიახ, ყველგან და ყოველთვის ჩემთანაა ადამიანების ხორცში გადაცმული უფალი, სხვადასხვა გამოხედვითა და კორპუსით, გამორჩეული აურათი დაჯილდოებული:

ქობულეთის აღმართი შემოცურდება. ძიძიგურების ბინა. ტანშვართი გულქანი და გობეჯიშვილების სამრევლო, მურმან ლებანიძესთან მეგობრობით რომ ხარობენ. სულ მალე ზუგდიდელი ნოდარ ტიბუა შემოეხეტება იმ ჩიხში, იგივე ჭკოლა და დღელამეში მუჭისსისხო ოთახში დავბინავდებით. მოგვიანებით გაირკვევა, რომ ჭკოლას მშობელი მამა გრიშა ტიბუა და ბიქტორევიჩი განუყრელი მეგობრები არიან: ეს კაფანდარა კაცი, მუშაშქუათი რომ ესიტყვება ნაცნობ-უცნობს, ტყუილად დააგორებს ოდიშში, სვანეთსა და სამურზაყანოში, აფთიაქის სპირტის განუყრელი სტუმარია. ეკონომიკურს უმიზ-

ნებს ჩემი პირველი მეგობარი. არღენ ელიავას ლოგართმული შტუდირების წყალობით მეგზურობას ვუწვევ ჭერხანობით, მაგრამ მერე და მერე დაწინაურდება. რის ვაივავლახით გავსტუდენტდებით.

ოჯახის უფროსს, კავშირგაბმულობის ძველ მუშაკს, სიმბოლურ ქირას ხშირად გამოვსთხოვთ უკან, მაგრამ არის შემთხვევა, როცა უკვე პერსონალური პენსიაც შემოშველიებულია და აქედან იწყება კუპრისფერი „ალჟირულის“ გამოწრუპული ბოთლების რაწკარუწკი. ესეც მალე განქარდება და ამიერიდან ჭერი როსტოკაკა წიგნებზე მიდგება ბუკინისტურ მაღაზიაში ოცდახუთი პროცენტის ფასდაკლებით. ცოტაც და საზამთროდ განწესებული დათვის თათები გამზადებულია პირში ჩასალაგებლად.

ქვაბში ცხრაპეში სიმინდის ფქვილი ფითქინებს. ჭკოლა დილის ცვლაა, მე — შუადღისა.

მჭადი გამოაცხვეო, დამელრიგება. ამასობაში ამანათის უწყობაც ამოფრინდება ლუდა ფოსტალიონის აბგიდან.

ყველაფერი გახაზირებულია, მაგრამ მეგობრის მოსვლამდე რანაირი სინდისით დააკარებ პირს მაღიან ლუქმას?

იღება კუტიკარი, მოზანდალებს შიმშილით მისავათებული ჭკოლა, გამოცდება აივანს და შორიდან მომამახებს:

— წიე, დოჭვიო ჭკიდი?!*

გაფაციცებული ყნოსვა უცებ აღიქვამს სამზარეულოს სასწაულებს. ვილუკემებით და ცრემლი უცი-აგებს თვალებში, რადგანაც იცის, რომ მის მეგობარსაც არანაკლებ უმარხულია კუპატების გამაბრუნებელ სურნელში.

მერე და მერე ჩვენს გარშემო შემომჭიდროვებიან გივი, იგივე ბურდლუ — უნჩაშ-ფაშა თუ გენოტიბუები.

ეს უკანასკნელი წიგნის ყუაში მალავს ბოლო თუმნინას ბურდლუს გემის სასარგებლოდ.

შემომჭიდროვებიან კატალა, „პირველად მიმიწვი ქალთანო“ რომ ეხვეწება უნჩაშ-ფაშას, „შენს შემდეგ რა გემო ექნებაო“.

აქვე არიან იგორ მესხია, „ლოსიონით“ რომ იზოხავს ქოჩორს წარამარა, მაგრამ არაფერი შველის კატასტროფულ ფოთოლცვენას. მზევარ ადამიაც ჩვენს სამოშია, ონანის პროფესიაზე მსჯელობისას გაბუნწული პოზით მჯდომარე. ასახელებენ ციფრებს ასერგასიდან ათასერთ ლამემდე.

— შენ რა, ანგელოზი ხარ? — მიაჩერდებიან ბიჭები.

— მე ბუღალტერი არ მყოლია შტატში! — დაასკვნის.

ჩვენი დოსტია მოხო და თემურ თოდუები, გაჭირვების ტალკვესი ივანიჩი, სულზე რომ მოგისწრებს უბედურებაში გაკვეხებულს.

შემომჭიდროვებულან ამქარში ბორის ქარჩავა და გრიშა იზორიას შორეული ფესვი აბესალომი, ქლიბების დიდოსტატი ბურდლუსთან მიმართებაში; გურმანობს მოდათა კანონმდებელი ხელმარჯვე ოსტატი ჭამბოვ-სკი — ნუგზარ ტიბუა თეატრალი ასულების ამალით და ყიყი ჩვენი, ჯამბულ ნარსია. ვერები ძმები წოწონავებიც მხარს გვიმშვენებენ. არჩილ რაფავას ბიჭების ერთობაა, ბიძაჩემი პაატა ფეტელავას თანამეცხედრე რაისა გელენიძეს სანათესაო. თავზე დაგვეტორიალეებენ განუმეორებელი გუჯო ხუფენია, ძუძუმტეს მოგვარე განმუხურიდან, აწ ზუგდიდის მკვიდრი და ქისაულევი აბელის პირმშო თუ ტუკა — არაბული ცხენის გულის პატრონი ირაკლი ჩიქავა. უანკარესი პოლიფონიური ხარმონიით შემოგვჯარვია, ყანყრატოიანი კოლკა მალაზონია; ძმები სორდიები — ბორის და იგორ; ფითულ ზარქუაც აქ ბრძანდება, ტანთხელი და ღიმილმოუშორებელი, ჩემი მოგვარე რძალი რომ უვის ოჯახში; განუყრელობაა ტუზა შეროზიისა და გივი ანჩაბაძესი, ყირმიზი ხალხის, არყისგან დაყენებული ხმებით; მოცქაფუნდება ჩაპო ჩემინავა, მირიანი და გოლიათი, რკინის მუშტებიანი გადი ლომია მეზღვაურული ზმორებ-ზმორებით. მოგვიანებით ამ ამქარს შეავსებენ იური მაკალათია — ექვსიმიანი გიტარის ფაზისელი სანტანა; ნუგზარ ანთელავა — საფირმო სიმღერით: „ვამ საით გაფრენილა ჩემი ჟღალი მიმინო“.

ახლა ყველანი, აქ ჩამოთვლილნიცა და მეხსიერებიდან ამოსატივტივებელნიც ვემალ პაჭკორიას ერთოთახიანი ბინისკენ დავიძრათ. ფეხის მოსაცვლელი ადგილი მოიძებნება კუთხე-კუნჭულში. სუფრა საზიაროა. ალფენიძეების ბიჭი ბუზლუნებს მხოლოდ ჩემი სოფლიდან:

— ხო, დალიე ზუგდიდი, ჭამე წალენჯიხა, ჩაცეცხლე სენაკი და ხრაკე და დაასხი გალი!

წელიწადნახევარს ვიცხოვრებ მერმე ამ ბინაში იატაკამდე ჩაზნექილ „ლეჟანკაზე“, სერაპიონოვიჩის პატიოსანი ასოთხმოცი მანეთით.

ძუძუმტე, თენგო ჯინჯოლავას — ჯინჯიბის შეკედლება ქეთინო — „ფონ-ბრატთან“ ერთად და

კაგებე ლინას ხშირსტუმრიანობის წყალობით ჩემი რეპუტაციის ნათესავისთვის იქ გამოჩენა რამდენადმე სახიფათოა.

არა, ღმერთის ხელი ურევია-მეთქი ჩემს გაუთავებელ ბორიალს ბორბლებიდან ბორბლებზე, სტეპიდან — სტეპ, ტრამალ და ტრამალ, ქარბუქ და ქარბუქ — სულის გასაწრობად.

ჯემალ პაჭკორია მარქსის „კაპიტალს“ დამაჭიდებს იაკობსავით და დამიფასეთ გარჯა ორივე ფეხით რომ არ ვკოჭლობ ტრელი. აქ მისი შუათანა ძმა ჯუმბერიც მობუნჩულდება სივრცეში გაჭრილი თვალებით და როცა ადამიანის არსზე საუბარი ქარტეხილებს წამოჭრის, ნარდის ქვებსა და ფუთიან წიგნებს მხამრიდვით იზიდავს ჟორა რურუსასგან მრავალნაცადი ჩემი კეფა თუ საფეთქლები.

მატარებელი კი მიჭრის ნათურებით აქა-იქ გამოჭმულ ღამეში, თითქოს ბნელეთი ათამანგის გავეშვებული სხეულია და კუბეში არაკრავებული არყისკენ არც მეხედება.

დღეს ფეხზე უნდა დავუდგე ხსომიერებაში ერთგული ჯარისკაცებივით გაჭიმულ დაუვიწყარ წუთებს.

მიჭრის მატარებელი მოწყავწყვე წკვარამეთში.

სადღაც მოლითთან, ნუნისის მათა კომპლექსისგან რამდენიმე ათეული სტადიონის მოშორებით, მიაკივლებს სადგურს და ისევ უტევს გზას.

თავად დედამიწაც ხომ იგივე შემადგენლობაა ირმის ნახტომის წიალ წამში ოცდაათიოდე კი-ლომეტრით მსწრაფველი, ექვსამდე მილიარდი მგზავრით დატვირთული და იოტისოდენა სხვაობას ვერ ვპოულობ მოხასხასე პლანეტას, ხვლიკისფერ მატარებელსა თუ ულურჯესად გადახვევრდებულ მესხიერებას შორის. ისინი თავიანთი ბუნებით ერთი გლობალურის განსაკუთრებული გამოვლინებაა განზომილებებში — მიკროს, მეზოს და მაკროს ურღვევი სამერთიანობა.

მიჭრის მატარებელი ბერთაკლდის აღმოსავლეთით და ყოველივე „მობილე ინ მობილედ“ წარმო-მესახება, მოძრავი — მოძრავში ან უფრო ხატოვნად: შეუთავსებელთა შეთავსებად. განსხვავება მხო-ლოდ მგზავრების დაჯგუფების პრინციპშია, როგორც დაბეჭდილი კარტი, მასტების მიხედვითაა დალაგებული, ასევე რეალური მატარებლის მგზავრთაგან განკერძოებით ჩემი ხსომიერების შემად-გენლობაში, ადამიანებიც გარკვეული ნიშან-თვისებით განლაგებულან — მსგავსი მსგავსის მეზობ-ლობაში.

აკი, გვაძა გეჯუას ვაჟებითურთ გამოჩენაზე, უყვარდა სხარტულას მოშველიება ნოჩო თაკალანძეს:

**კუშ სქუა კუ იტი,
აბა, მორთ მუ იტი?!**

**კუს შვილი კუ იქნება,
აბა, მეტი რა იქნება?!**

— ჭინჭრისგან ჭინჭარი აღმოცენდებაო, — ამნაირადაც იგულთმისნებდა ის მენცარკოჩი, მაგრამ სიტყვა „აღმოცენდა“ ვერ გამოხატავს ნაკვესში ჩაქსოვილ ნიუანსს, ვინაიდან დედანში მოშველიებულია „ელაფალუნს“, რაც უთარგმნელია ფაქტობრივად.

პერსონაჟები ხომ ლაგდებიან და ეწყობიან ტოლძალოვნების პრინციპით, როგორც დედამიწის ქერქში ქანები კუთრი წონის შესაბამისად — მჩატენი ზედაპირისკენ ქვაბში ჩაგდებული ფილტვის თვისებით, და მძიმენი — ცენტრისკენ, ფსკერისკენ მდინარეში მოსროლილი კენჭის მსგავსად. უმოყ-ვრდებიან ჩემს მესხიერება — მატარებელში: გვაძა გეჯუას — ტარას ბახტანძე, პირწავარდნილი ქოლერიკი ბონაპარტეს პროფილით; ვალოდია მესხია, ენასწრაფი „ტეტესგან“ გასროლილი ტყვი-ებივით; ვაჟიკო ბიბლაია, დღენიადაგ განუყრელი ფრაზით მოლილინე :

**გონწყემ ოსური კურთაშმ ზორტი,
ქუმოძირი პირველმ სორტი.**

**გახსენ ქალო ნიფხვის ბაღთა,
დამანახვე პირველ ხარისხისა.**

თანამეინახობენ გვერდიგვერდ სახეფართო ერა სოსელია ნაჭკადუდან; ქიქი ქობალია ბორსუდან — ნაცარქექიას ალიკვალი ბაყბაყდევის მხარზე, როცა ურმის კოფოზე მოკალათდება და ოჩან ხარკამე-ჩებს სახრეს მისცხებს ზოლებით ასაჭრელებლად;

ძვები გიდელია ამ უკანასკნელის ძმადნაფიცია პროფესიის თვალსაზრისით, სამაგიეროდ მისი ქვედა ტუჩი ყველაზე პრეისტორიულ ქვევრს შეშურდება მესხეთიდან, გადმობარბაცებულს, გადმო-ლურჯებულს შავი ზღვის თვინიერი ზვირთივით.

ძვების ეპითეტით მიბედილებენ პირველი სიყვარულის ჟუჟუნა წვიმას და კიდევაც ამოუშანთავი ბელტებით მომსდევს ჩვენება ესე ამ ცხოვრების ნახევარგზაზე, დანტესებურად.

მიხელ ქარდაც ამ ქარავნისაა, ქარვის გაუხუნარი კრიალოსნით, შელოცვების მაესტრო, ბიცოლა-

ჩემი გოგუცას უმრწემესი ბაბუა, გახუნებული სვანური ქუდით, უკვდავების წამლებით რომ მოათვინიერებს თანასოფლელების ბნედიან სულებს:

— შუი, შუი, ფუი თამ გაქარი!* — ჩიფჩიფებს უკბილებო ტუჩებით მიხელ ქარდა. ველოცვების დასტაქარია. შავტარიანი დანა და ნახშირი დახვეება ბრეზენტის ბოხჩით, საიდანაც პაციენტის ნაბოძებ წითელებილიანი მამლებს ამოუცქვიტინებიათ ყვილის სურვილდაკარგული თავები.

სულ მალე ჩაგრაგნილი ღობეებიდან ყუილიყოს შემოძახება დავიწყების ნიავექარს მიეცამა. აფხიანებული მომცრო დანით დაუტრიალდება მათი სიფიცხის სათავე — მდოგვისხელა კაკლებს მიხელ ქარდა და შემდეგ კრუხების შესაშური მზრუნველობით დაუწყებენ მწყემსვას ღაბუა წიწილების სიანცეს.

— შუი, მამლის ხორცზე გემრიელი არაფერია, დაკვლის წინ არაყს თუ გადააყლუპებ, — იტყვის ყალიონის პლაკუნით ბაბუაჩემის კოლეგა. სხვა რა ჩარაა, უნდა ერწმუნო. ან კიდევ სადღაა ამდენი მამალი საექსპერიმენტოდ?! ან კიდევ მამაჩემის პატრონს არაყი ბოთლში გაუჩერდება?

**ადგომილ დადგა,
დადგომილ დადგა,
მიწა დადგა, ცა დადგა,
ქარი დადგა, ზღვა დადგა,
შუშანიკას მუცელში
ნაყოფი ჩადგა.**

მიხვდებოდით მიხელ ქარდას ლოცვის მიზანდასახულობას. ამგვარი ლექსემა ბერწთა გასანაყოფიერებლადაა განკუთვნილი. ვინ იცის, რამდენი ქარავანი გალარულა ბიცოლაჩემი გოგუცას ყურებთან ბაბუამისის შთაგონებული ფაციფუცით, მაგრამ მშობლიური ჩვილის ჭყლოპინს გელენავების ჭერი ვერაფრით ეღირსება.

რაც შეეხება მომწესხველ სტრიქონებში მოხსენიებულ შუშანიკას, ვარსკენ პიტიახშის თანამეცხედრე არ გეგონოთ, ისიც ქარდავაა, მხცოვანი აქიმის მოგვარე. კორპის, მაღალძირიანი ლაკის მოჭრაჭუნე ფეხსაცმელებით დაიარება. მიწა ტორტმანებს მის ჩავლისას და საშენგელიოდან საავადმყოფომდე უფრო ამიტომაც დამსგავსებია პოლიგონს თემშარის მონაკვეთი. კბილის ექიმია შუშანიკა ქარდახე, სტომატოლოგი. ვინძლო ბედმა გაგიღიმა და ერთხელ მაინც მოგიწია მის ბზრიალა სავარძელში განცხრომამ, მერწმუნეთ, შენი ჭიანი კბილი ვერანაირად დაუსხლტება ნიკელნაპკურებ მარწუხს და იღბლიანად დაიგულვე თავი, სალიც თუ არ მიხვდა მტკივანის წკმუტუნს წრუწუნების დასაპურებლად.

ვიდრე უშვილობის საბაბით ქმარი გაეყრებოდეს, ტორტმანებს შუშანიკას ფეხქვეშ აღმოსავლეთ ოტობაია, ნოჩო თაკალანძეს საუფლო, მაგრამ განქორწინების შემდეგ, სემიპალატინსკისა და ნევადას ბიძგები ჩრდილოეთით გადმოინაცვლებს, ჩვენი სამოსახლოს ზურგს უკან და დილა-სადამო შტორმიან გემბანს ემსგავსებამთელი სამოხიო. გული კი ჩაწიკვიკებული კბილებივით ბაჯაღლო ოქროსი აქვს შუშანიკა ქარდახეს. ხშირად შევუვლი ღრძილების მკურნალობის საბაბით. სატრფოს ექსბიცოლაა და ჭერაც გარკვეული ზეგავლენებით სარგებლობს. რაც შეეხება თავად კბილებს, აღმასისას მომიბოძებს ზეციერი. იაშა ბიძიასი არ იყოს, ღმერთმა უწყის, რამდენი ფუჟერი და მგელაძის ჭიქა გადახვეება მის სიბასრეს.

ქესეტა სტუდენტები ხშირად ვსტუმრობთ გამყრელიძეებს. იქ აულებელი სუფრებია ორშაბათიდან მოყოლებული შაბათ-კვირა.

— აამლერე ჩვენი ბროლიო, — იტყვის ოჯახის უფროსი, ბატონი ირაკლი.

თანაკურსელი მზია, სიმაღლის მიხედვით ჩამოარიგებს საგვარეულო ბროლეულს. ამ ხაეროვანი მწყრივის მეთაური საცურაოდ ეყოფა ჭიქი ქობალიას, ხოლო დამამთავრებელი გადაყლაპვისას ყლშიც არ გაეჩხირება გადა მესხიას.

თითოეულში მესუთედზე ჩაასხამს წყალს ხორბლისფერი დედოფალი. სველი სალოკი თითით წრეებს შემოავლებს სასმურთა ბაგეს აღირწკინებამდე და გასაოცარი ხანგებით აგუგუნდება ბროლის დივიზიონი.

პირველად ეგზოტიკაა, მეორედაც, მეთედაც, მაგრამ მეერგასედ მოსაწყენია და ათასმეერთედ — მოსაბეზრებელი. როცა გამყრელიძეები ტრადიციას არ მოიშლიან, შუაღედურს დავწვდები, აი, ნოჩო თაკალანძეს ცხვირის პროპორციულს, კოჭამდე შევახრამუნებ თვალეგადმოცვნილ სახლეუ-

ლებში და სადესერტოდ ოქტავის ბოლო კლავიშითაც რომ ჩავიკოკლოწინებ ყელს, ბროლის მასკა-რაღი სამისდღემშიოდ აღიკვეთება იმ მაგიდიდან, ცხადია, ჩემს ფეხთან ერთად.

ჭიქებისადმი გაფაქიზებული მიდრეკილება სავალალოდ იქედან დამებედება და ჩემს გამოჩენაზე თრთიან, ცახცახებენ ფუჟერები თუ ფიალები სიფრიფანა-მოუხეშავი სხეულებით.

მეგობრები წინასწარ მაფრთხილებენ ხოლმე: აქ ყველაფერი ბროლისაა და არ დაგვლუპოო.

ერთგან ბახუსის ეტლებით მიღმეთში გაქროლებულს დამავიწყდება ზღურბლთან დადებული პირობა და რაჟამს ჭურჭლის სრული აღნაგობა შეაჩარივითაა დაფქული დოლაბთა შესაშურად:

— დამლუპო, — იკივლებს კვარაცხელიას ბიჭი, — ხომ იცოდი, ყველაფერი ნათხოვარი იყო, — ცოფიანი ქოფაკივით დამადგება თავზე. მე კი ლმობიერი ღიმილით დავამშვიდებ:

— ნურაფერი გედარდება, ვალერი დავიდოვიჩ, მეგლაძისაა, — დავაჩუმებ და დამამტიციებელ საბუთად სანახევროდ მორჩენილ ჭიქას ვუწვდი დიდის ამბით.

ჩემი თანაჯგუფელიც არ იბნევა, მომიბრუნებს ჭიქის ნამუსრევს:

— მაშინ, გააგრძელო!

ჭიქებთან მიმართებაში მეგობარი მწერალი ზაურ კალანდიაც კინალამ მიმისავათდება. ერთადერთ ჭურჭელს რომ ვებრძვები და მის მკვიდრად აშენებულ კედლებს წამში ცოკოლამდე დავიყვან, თანაც გემოს ჩასატანებლად რიხიანად მივუბრუნებ პატრონსვე, ვალოდიას ძეც წყლით მოსაბრუნებელი გაუხდება შუკო ჯიქიას.

მიხჭრის ადა უზუ — დედამიწის მატარებელი მეღიავასებურად, კოსმოსში.

ჩვენი შემადგენლობა კი პლანეტის 43-42 კვადრატს მიაპობს თავგამოდებით და უჩინარი ბორბლებით მოსრიალებს ჩემში მეხსიერების მახინა — წარსული, გარდახდილი, ნამყო.

ვისგანაა ნაბოძები ასეთი ფოტოგრაფიული სიზუსტე, ვის გამოუწვევია ყლი თითებით, არიქა, გინდა თუ არა დატოვე ჩემში თავის სამტვრევალო?!

ახლა უფრო ვგრძნობ ბესიკ მესხიას სიტყვების ძალას, რომ ამაოა ყოველი მეცადინეობა: გარდასულის დავიწყება იოტისოდენადაც არ ხელგეწიფების. ხმ, იოტისოდენა! ატომის მემილიარდებით ხერხდება ვითომ წარსულის თავიდან მოშორება?! ან როგორი ტყვე ხარ სრულიად უმაქნისი წვრილმანებისა?!

რა ჩემი გონების საქმეა მიშა ძაძუს ლანჩამდე რომ ეცვითება ორივე ქუსლი ჩონჩორ ჯოჯუას ჩაქუჩების საზეიმოდ?

ვინ მაძალებს გონების პირღია სარკოფაგში მოვლენების და საგნების ზედახორა გორგალივით ტრიალებდეს განუწყვეტლივ?!

ან რომელი შემნახავი საკნის მესვეური მნახეს ამდენი რეკვიზიტი მუქთად, უგასამრჯელოდ რომ მომიბარებია?!

მამია რატიას მოფამფალებულ გადმოფერდილ ღობეს შემოდგომის წვიმებით გაზიზინებული ღელე მუხლებამდე შესდგომია;

აივანზე ფართხუნა ტრუსებით გადმომდგარი არჩიკო შამუგია, ივინება მანხეტემის სართულებით და სამშობიარო ჭინთვებით გაწამებული გული სალაყახივ, მოსულსწრაფობს ჩვენი ტრიფოლიატას ღობისკენ გამოროდებული სიმინდის ყანით:

— ვო, გულადი! ვო, გულადი! — პოპოს გაჩენის წკიპზე მისული ქალი მშველელად მიხმობს მეანი მარო ბულისკერხეს დანათლული სახელით. ამ დროს იქვე, მეწლე მსხლის ძირას მოპუტუნე „ტიტოვი“, ჩემი შუათანა ძმა, თენგო, არხეინად ეპასუხება:

— მა გულადი ვაბრექ!* — თითიქოს მოლოგინე დედაკაცს სანოტარო ბეჭდებით სწადდეს ჩვენს შორის განსხვავების დადგენა. რაც შეეხება „ტიტოვის“ სახელდებას, ამგვარად იმიტომ შერქმევია თენგოს, მეორე სართულის ფანჯრიდან გადმოფრენილა გაფოშფოშებული პალტო — პარაშუტით კოსმონავტის აღკაზმულობის მაგივრად და იშვიათი ყისმათიანობით ჩაშვებულა დასაპობი მორების ღარტაფებში.

ენამოჩლექილი საუბრის განსახიერებაა „თენგულია დო ბოშეფი“*, გელენახეს სამუსიკო რეპერტუარით. ამასწინებზე ღელედან ამოათრევენ კატის კნუტივით გაზუნზლულს. ბონდის ხილით ბექობისკენ წაბობლებულს ხკითხავენ სახიფათო მოგზაურობის მიზეზს და ეს უკანასკნელიც თავს ამნაირად იმართლებს:

— იდი სუდასთვის თხილის მოკრეფვა მინდოდაო. — „იდი სუდა“ კი გეგუმანებათ, ალბათ, ჩვენი კარ-ფანჯრების სულისჩამდგმელი, სალოკთითმოდუნული ხურო, პროკოფი პაკატილოვია.

აგერ, ქანქანესა, იაშა აშორტია, მუშმალის ძირას. ჯიბეში ჩატენილი მარცხენათი დაუსრულებლად არაკუნებს უჩინარი კრიალოსნის წყვილ- ეულს და აქვე, ნარდში გაწაფული მარჯვენათი ყვითელი

ნაყოფით დაგვერგვილი ტოტი მოუახლოვებულა ტარსრიალა კავით. კალუის* აღნაგობით ბევრი ვიწონებთ თავს, განსაკუთრებული — მოტოციკლიანი ჯანიკო და კიდევ — ორი რეზო, ბაგათელია და ოყუჭავა.

ძარღვების ამშლელია პირდაპირ! რომელი ჭკუათმყოფელი ინებებდა ამისთანა ჩალის საფასური ნამცეცების გენერლობას?! ბალზაკის ანტიკვარი ახლოსაც ვერ მოვა ჩემი მეხსიერების საცავებთან და — ვერც ლუვრის თუ ერმიტაჟის გალერეანი დრეზდენის მიმატებით.

ეს-ეს არის მორჩნენ ჭიჭა ხარჩილავას თანამეცხედრის ოპერაციას ვალერი ჯოჯუა, ცხვირბაჭუა ანია ექთანის მემკვიდრე და ვანტანგ რურუა, ჩემი სატყარო-საქილვაშეების უბადლო მომთვინიერებლის ალი-კვალი ვაჟიშვილი. მკვდრების გამპატისონებელი ჭიჭა, ვინაც არშინიანი ნემსით დალაყუნობს ჭირისუფლებში მიცვალებულთა დასაბალზამებლად და რომლის მისამართით შეშფოთბულად იტყვის მოგვიანებით ბახვა ელიავა:

— არა, გენამცვალე, დედაჩემისთვის მუცლიდან არავის დავარჯიშებინებ, — ეს მერე, რაჟამს ერთ-გულებით ნამუსშენახული ნარმანხე თამამად წააბიჯებს მეუღლე სევერიანისაკენ, მაგრამ ახლა, ჭიჭა ხარჩილავა ჯანიკოს კიდურების შეჭირვებულობით ატუზულა საოპერაციოს პირველი სართულის ფანჯარსთან და მოადგება თუ არა სარკმელს განგებ სახემოღრუბლული ახმახი შალიკოს შთამომავალი დასისხლულრეზინიანი ხელის გამალებული ქნევით:

— რა იყო, დავიღუპეთ? — მოთავებულა ცხედრების ჯადოქარი.

— შეხედე ამას, — ამოკვეთილ სიმსივნეს ანახვებს დასტაქარი ჯოჯუა.

— თქვი, რა ჯანდაბაა! — სულსწრაფობს ჭიჭა ხარჩილავა.

— აი, რამხელა კაკალი ამოვაცალეთ საშვილისნოდან. შენია?

ჭიჭა ხვანჯარს ებრდღვნება.

— სამი მქონია?! — დაიღრიჯება და წყვანაქამისმაგვარ კბილებს გადმოყრის ცოლის სიწმინდის შესანახად.

ვინ მაიძულებს ხსოვნის ცეცხლგამძლე სეიფში ვამყუდროვო ათასი არაფრისთქმელი უღიმღამობა?! რატიებთან ასფალტი ამოღრანტულა და მამბანკუნა ბუბცას ეზოს ნაგვით ამოუვსია დილიდანვე, აივანზე გადმოფენილ ლეიბებს კი ზორბა წრეები ატვიფრია — მამიას წუხანდელი წვიმების კვალი;

ბოჯო იზორხეს ჩხაზე გაქათქათებული ლუფები წამოაუცვამს და საზიარო დეღედან ისმის ხელჯოხის ბათქაბუთქი მურმანის მყვანა ხმაზე: ფეხბურთზე არ უშვებენ, ხოლო კიკინებიანი, კაფანდარა ციალა ურიკელათი ეზიდება დედისკენ მწყაზარი თუთურის გარეცხილს; სანამყნე დანით ხეჭექურის ხორკლიან მსხალს თლის კირილე, თანაც ცოლის თხოვაზე რაღაც მსუნაგურს ებაასება სახელო-აკარწახებულ მარო ლურწკაიხეს. ამასობაში ღია კემულარიას კისკისს ლურჯად შეღებილ ხის ჭიშკართან შეუყვანდება თანკალასელი ბიჭების ამაღა გიგლა ზანთარაიას გასაგნებული იერით; ლიზიკოს საკერავი მანქანის გუგუნზე ლოპლოპებენ მამალი ინდაურები, ნათელას დღეობასთან დაკავშირებით მალე ქვაბში რომ ელით თუხთუხი მარო ლურწკაიხეს სუნელების ამბროზიაში გახვეულთ; წალდი გამიცურდება ხელიდან ტუტუ ბუინავასთან შელაპარაკებულს და ყანყრატოზე ეძვერება ყუათი; სამთვლიანი საპირფარეოდან ტუსტუსით გამორბიან მასწავლებლები წიწაკაწასმული ქალაღების წყალობით, მაგრამ არავინ ამჟღავნებს გარდახდილ სიმწარეს სხვათა გასაბედნიერებად;

მთელი სამედიცინო პერსონალი უტრიალებს ბათიას — ბართლომე ფეტელავას დაფნარს: ვალო-დია ფაცურია, კლიმენტო ფეტელავა, ანზორ ჩიტაია, სხვანი. სამზადისკენ მიაქროლებენ შეკონილ ნედლ შიმალებს, ხოლო ამბულატორიაში გაფითრებული ქალების რიგია კვარტალში სამჯერ მთავარი ექიმის საამებლად—რაიონში პირველობას არავის უთმობენ ოტობაიელი დონორები; დედის ამნახატია კინტიკო ფიფიას უმცროსი ასული ანა; კიკული ქირთბაიას ხშირად მიაქვს საფეთქელთან მაჯასთან მოწყვეტილი მარჯვენა.

— ბაბა, ჭაკ ტორს ინჭანს, — მამი, ჭაკი ტლინკებს ყრისო, ბლავის კოტე ქირთბაია და ვერაფრით აოკებს საზიდარს შებმულ ოჩანს.

კოტე ქირთბაიას მოგვიანებით კრივი გავევიბრები. სკოლის ეზოში გვარიანად შემომეღილა-ვება რინგის წესების კვალობაზე, მაგრამ ჩქარა სიფიცხე წამოუვლის და გულის მოსაფხანად მოყურადეთა წრეში დამედევნება შიშველი, ტყვიასავით მუშტებით. სისხლის გამოშვება ამათი ხელობაა, განსაკუთრებით ნუგზარ ბოხუასთან ფაცურიების ქალი გამო.

კრივის ხელთათმანებით კოკი ოყუჭავასაც შევეტოქები საკლასო ოთახში აჩქარა მასწავლებლის თანდასწრებით. დარტყმა მოუზომავი გამომივა ნებაზე მოშვებულს, მერხებზე გადავარდება ჭიჭად წოდებული ჩხუბისთავი, ყბას ათამაშებს ტაკატუკით, მერმე ღიმილით მაკოცებს უშუბლზე.

რა მრჯის ამეების დახსომებას? ვერ გამიგია ჩემი ტყვეა ეს ყოველი თუ პირიქით, მე ვარ მათი

მარადიული ტუსალი? ხმ, მარადიული! განა შეიძლება ამ სიტყვის მატერიალურ განზომილებებთან წარამარა მისადაგება?! უბადრუკ ყოველდღიურობას მოვეშვათ, თავად ციური სხეულებიც ხომ ვერ თავსდებიან მარადიულობის საზღვრებში? სამყაროს კანონები რუდუნებით ნათალ ლოდებს, ერთმანეთზე მიჯრით დაწყობილებს, მომუჭავენ როსმე და დავიწყებისას უამურ წვენს გაადენენ.

მაშ, რომელია ნაღდი, აქამდე არსებული და მდინარესავით ჩავლილი, ხაერს რომ შეუნახია ვაჟა-საებრ, თუ ჩემი სიტყვებით დარახტული და ამოშუქებული მზესაბრძანისში, მასაც რომ დაჭმუჭნის ოდესმე ცეცხლიანი გრიგალების მოძალება?!
რომელ სიდიდეშია საგანთა თავისუფლება ფორმის და შინაარსის თვალსაზრისით?

ვინ მიპასუხებს ამ კითხვაზე უფლის გარდა, ჯერხანობით ადამიანების აღნაგობით რომ გამომეცხადება ხოლმე და მათგან მომაწვდის სულისთვის საჭირო არსობის პურს, მაგრამ მიხდება ხანი და მედიუმი ძე ხორციელი ამოვარდება საკრალური ურთიერთობიდან, თავად ინებებს მობრძანებას, შემცირდება მანძილი ჩემსა და ცაბათს შორის.

ექვსჯერ მომველინება იგი ამ ცხოვრების ნახევარგზაზე და ხელისგულზე გადმომეშლება სამყაროს აგებულება აქამდე უჩინარი კონტურებით.

ლიანა შამუგხეს ფოსო უჩნდება ლოყაზე გაღიმებისას.

მირიანე შონიას ჯიბეში მოუყუჩებია ხელი ნაკლული ფეხის მხარეს და დაუინებით გვეჩიჩინება გეოგრაფიულ გრძედებსა და განედებში ხელმოცარულთ:

— თქვენთვის მინდა, თორემ მე რა?!

ტოტოშა მესხია ცალი ხელით ბლუჯავს ბურთს და ცენტრიდან ათავსებს დაბოწოწებულ ბაღში.

რეკვა ქირთბაია პეტროსიანთან და ტალთან პაექრობაზე ოცნებობს, არადა, პირწავარდნილი სტენინცია.

ზაურ ელიავა ლია კემულარიას კაბით იმოსება თანატოლებთან საანგლოდ და ბიძია კირილეს ხელკავით დააპროწიალებს მოლით გადახასხასებულ ეზოში;

უკვე „ტუღორაში“ იზოლდასკენ თვალს გამოაპარებენ ასაკოვანი ტრისტანები და ჩემი უღლის-გამწევი „კავენიში“, ფერ-უმარის წაეტანება ვალიკო ზანთარაიას ვალერის ოფოფების მოსამრავლებლად.

სამენოვან ფირნიშებს ჩამოკიდებენ ყველგან. თავში „ამაგაზინაა“ აფხაზურად, შუაში — „მაგაზინ“ რუსულად და ბოლოს ქართული — „მალაზია“. ჯერჯერობით ჩემში აფხაზი შაკუ ქირთბაიას მეუღლე ნელი ახუბათი შემოდის, მუდამ აღერსიანი, თხელი და შავთვალწარბა ქალბატონით.

ჟორჟ რატია ცინცხალ „გაზ-24“ ჩამოიყვანს რუსეთიდან, ნიკელის კალბაკებიანს და ერთბაშად გადაუჯოკრავს ჟონგლერ ჩიკვატიას თუ ვალშა ტუფურიას.

შუშანიკა არ მოეშვება ბითქუბათქუს და შენგელიებს კოვზსაც არ დაუტოვებს ჩაის სახვრეპად, ისე წამოხვეტავს ყველაფერს საქარდაოსკენ;

ზარენი ფეხით იჭერს ყანაში შესულ ღორებს და კეფასთან მისხეპილი ყურებით ისტუმრებს უკან;

ხელით სარაკუნებელ სკოლის ზარს, ენაზე ზონარგამობმულს, ელექტროზარით შეცვლიან, მაგრამ დრო-ჟამის ყურებს მაინც არაფერი ესმის, მიშლიგინებს თავის ნებაზე ბერთაკლდეს აღმო-სავლეთით მოჩაქჩაქე შემადგენლობასავით და სულაც არ ედარდება როგორ გამიმართავენ ხელს უფლისგან თბილისის რკინიგზის სადგურში საგანგებოდ დაყოვნებული ზურაბ ხასაია თუ ორი თვით დედის წიაღიდან წამოსულსწრაფებული ძუძუმტე ბრიკეტა, ჩემი ოთარ ხუფენია. მაცხოვრის ხელი მაფარია-მეთქი, ჯერაც წარმავალ ჭურჭელში რომ კიანთებს — ადამიანში პროზაულად, მაგრამ მალე ექვსგზის გამომეცხადება მეუფე იგი და კურაშიაიტების ნაშიერავით საკუთარ გოდოლში მოვიზლუდები.

**„რა მექნას“ ციხე აგაგე,
ჯაგრი შეგაბი კარადა,
საიქითდან მოიდნენ
იმ ციხის სანახავადა,
ბევრი უარეს გარშემო,
კარ ვერ ვატყნეს ძალადა,
ბოლოს თქვეს: დრო რომ გაგაღის,
კარ გაიღება თაგადა.**

ეს გულისშემძვრელი სიმღერა ახლაც მიგუგუნებს ყურთასმენაში.

ჩემი „ტორტილა ფლეტიდან“ ხმინებს იგი, მარინა მაჭავარიანის აყაროსხელა ბინიდან. აქ ყავის-ფერ დისკო-ტაბლას პირისკანი ძვრება ბანქოს ტკლაცუნით.

გულფიცხელია ბეწვიანი ვალერი ვაშაკიძე, „ვაჟავეიჩი“, ტყუპი ბოკვერის მამფალი, კოლხეთის ოქრონაპკურები მითების მჩხრეკელი დღემოსწრება; და თავად ამირანის შუალა ძმა ბადრივით სანდომიანი გურამ აღნიაშვილი, ოქროს ნამცეცების შემკონავია პროფესიით, ქიმიკოსი, მაგრამ რაჟამს „კახურის“ აღმური ძვალ-რბილში დაურბენს, თავად ბულა კამეჩის სადილად არმკმარებელი გმირთავმირიც უკუდგება მისი სითარანის წინაშე;

და კიდევ პირწვარდნილი „პოდპოიანის“ მემკვიდრე, ნაძალადეველებით თავმომწონე ნუკრი ცისკაძე, დინჯად მოსაუბრე თითქოს დამაჯერებლობის დასტურ-ლამალით, სანამ პარტნიორს „ჯოკერი“ უხეიროდ გაუხარჯავს.

და კიდევ დათო სართანია, ციხე-ქალაქი გოჯიდან, ცხვირსახოცივით რომ გიფრიალებს ხელისგულ-ლებს თვალწინ „აკადემიური“ ტონით კამათისას.

ერთმანეთს რომ გადააკონო „ფლეტელთა“ ფარღალა ჯიბეები, ჯელალ ედ დინს ეყოფა კარვად და სიუს თუ კამანჩის ტომს — ვიგვამად, მაგრამ მაინც გამოიქეჩება საიდანმე დასანაყრებლად საკმარი.

დამლამობით კი ზაურკალანდიას, მაჭავარიანებისაზე არანაკლებ მოციცქნულ ბინაში, პერსეფონეს ხელებს მივენდობი „ლეჟანკას“ ჟანგინი ძვლების ხრჭილში, ოდეს მიკროსკოპული ხელნაწერი თაბახზე გადააქვს საბეჭდი მანქანით მასპინძელს და კარისმეზობელი ანიკო ვეება ჩაიდანს დაფრატუნებს კოლეგა ძმაკაცის უდაბნოეთის თაკარა სულის დასამწყურვალეზლად.

კუს ტბის სიახლოვეს, დუმბაძეების საცხოვრისის არილში დანთებული კოცონი კი ისევ გიზგიზებს. ნესტიანია საღამო. შალმობურულ მარინა მაჭავარიანს ლოყა ხელისგულზე დაუყრდნია, როგორც ეს გახმაურებულ ფერწერულ ტილოზეა, ჯაგარა „ჩუნჩო ბარაბანჩიკი“ — ნუგო ანთელა ქადაგად დამდგარა და დაუდგრომელ ჩემს სულსაც წვრილ-წვრილი ვარსკვლავების ბაწრეულით მიეზიდება ნაზარეთიდან აღმოსკდარი კაცობრიული წყარო.

ვინ დამაწყველა თითქოსდა ყოფითი ნამცეცების მექარავენობა, გამახარიების კერიასავით მიდაისებული მათი დაუსრულებელი ჩქამი და მდუმარება?! როინ პაპავაც აქ გახლავთ, რომაელის ელფერით, კირცხელი იროდიონის მემკვიდრე: ბიძამისი საშა სრული ხუთი წელიწადი მამაჩემთან მიენახეობდა თურმე. მუჭისხელა პური ვერ გაუყვია სამეულს. შოთა შამათავა ესტუმრებათ სასტომაქოს დანაწევრებაში მოყუყმანეთ. პრობლემას უცებ გადაჭრის ოდიშელი მონ რასტინიაკი, ოთხად გაამტვრევს, სიმბოლურ ჯვარს გამოსახავს ჩვენი არსობის საგანზე და ჩვეული მოხერხებულობით გააზავებს უმცროსკურსელებს.

რაც შეეხება ზაზა ფეტელავას ახლაც მებლაუჭება ორბორტიანი, პიჯაკის კიდზე პაწუა თითებით. ეგზიუპერის უფლისწულის ტყუპისცალია. ბიძებთან ვეღარ გაეჩერებულვარ, მამიდაშვილებთან გადალამებაზე ხომ ფიქრიც ზედმეტია. იდაყდაყრდნობილი ლურსმნის მაგვარი თვალებით უცდის ჩემი ორგების დასრულებას ტყომლის არაყთან. გნებავს გონება დაგბინდვია, გნებავს მუხლი დაგმძიმებია დიონისეს ბალზამებით, არაფრით ეთმობი სხვისი საბან-ლეიბისთვის.

— ჯინჯ ცუდეს ოკო გისერუე, — ძირეულ სახლში უნდა გადაიღამო, მეტიტინება ნიადაგ. ჭადრაკის დალაქავებულ არენათი მეპაექრება. ღრანჭი მოქცევია „ცხენს“; მეფეს და დედოფალს გვირგვინები წავგვრია, მაგრამ შეუპოვარია ზაზას ჟინ-წადილი. დაუთმობ? მიხვდება და ატირდება. მოუგებ? უფრო რე ამოესკვნება გული. დილით მაგიდის ჩოგბურთით შეეცდება შეღახული ღირსების აღდგენას. დაჭიმული ბადიდან ხოტორა თავილა მოუჩანს, ბიქტორ ფეტელას კინკრიხო, როცა ქუთაისის სასულიერო სემინარიაში მნათე ვერცხლის წვრილი ფულით გამოცდის მის სათნოიანობას.

წამოფრენილ პლასტმასტის ბურთს ჩოგანს უმიზნებს, მაგრამ ეშმაკურად მოჭრილი დაბზრილდება და როცა ორიენტაციას შეიცვლის ათწლეულობით გაწაფულობის კვალობაზე, მიწაზე დავარდნილი ცრემლებს გადმოყრის კვლავაც. არა, დათმობით ვერ აფხიანდება ჩემი ჯილაგის სული. რაც მეტი იქნება მომთხოვნელობა, მით უფრო გაიზრდება მონდომებაც. უპირატესობას როდი ვუმტკიცებ ცეროდენას, მისთვის უკეთესია ეტალონში არ შეეჭვდეს, მისაბაძი არ გაუბედითდეს, იდეალი არ გაუცამტვერდეს ჩემი სახით. მოვაბოტებთ შუალამე მეფორიებისგან, ჯაბუებისგან, შამათავებისგან თუ გელენავებისგან. ჯვარს დაასვამენ ნახშირით ბიქტორის ალი-კვალ შუბლზე, ავსულებმა რომ არ გათვალონ, მაგრამ თხისჩლიქება რას დაგვაკლებს ზენაარის აურათი გარემოსილებს?!
ანგლობის იშტაზე მოვსულვარ:

სი ყოყოლი ჩქიმი ზაზა,
ბატყალო გილაკვაზა,
მუსხი ოცლოთი ამჭუნანი,
ღუმანერი გინაკასა?!

შე ღლაპუნა ჩემო ზაზა,
ზაქივით რომ დაკუნტრუმობ,
თქვი, რამდენი გაისროლე
წუხანდელი დატენილი?!

— სხვანაირად თქვი, სხვანაირად თქვი! — გამომიწევს ყელს ბაკულია თითებით.
— კეთილი, — დავიბოხებ ხმას:

სი ყოყორო წიე, ზაზა,
ჭოლით რექო გინათხვასა
მინ მარგალ ძღაბ დოიცალურუ,
მინ — რუსი დო მინ — აფხაზა.

შე ღლაპუნა, ბიჭო, ზაზა,
ჭორფლით რომ ხარ დაპენტილი,
ზოგჯერ მეგრელს უქაქუნებ,
ხან — რუსსა და ხანაც — აფხაზს.

დავასრულებ კაფიას და მყისვე დამაცხრება.
— ხო, მართლა, — მეტყვის ფეხის შენელებით, — ცოლს რომ მოიყვან, ჩვენთან დასვი!
— მერე სად გაქვს შენ უჭრაჭუნო საწოლი?
— როგორ არა, შარშანწინ არ გამზითვეს დედა?!
— მაშინ ხვალვე მომიგვრია პატარძალი და ეგ არის.
— ასე ჩქარა საიდან? — ამომხედავს მთვარიანში.
— აი, თუნდაც ფოფო.
— ფუფ, ფოფო კიბირ რისალიო? *
— ცალიჩახე რომ იყოს?
— მაგას არა უშავს რა, მაგრამ მაინც ვარდიშას შევილიშვილია. შენ მზეთუნახავი უნდა ჩამოიყვანო, აი, იქიდან, იქიდან, ხელმწიფეს ქალიშვილი. სხვაზე თქვი რა, ლექსი...
— მაინც რომელზე?
— ვთქვათ და მიხოზე.

მიხო რექო ჯაბუა,
ჩუანს გიგორჩხაფუა,
ნაჭკადუშა მიდაიტუნა,
ჭაკის დიგონჭყაფუა.

მიხოი ხარ ჯაბუა,
ქვაბებს გაგარეცხვინებ,
ნაჭკადუში წაგიყვან,
ჭაკ ცხენს გაგახედნინებ.

— ხა-ხა-ხა-ხა, — ტყარცალებს ზაზა, — კიდევ, კიდევ მითხარი, ბოჩიაზე.

ბოჩო რექო მეფორია,
წიე, მუჭო გებორია,
ქვარა ეთემ ვიბიზანსუ,
ვითომც რყინტკო ჩხე ბორია.

ბოჩია ხარ მეფორია,
ბიჭო როგორ გასულელდი,
იმოდენა მუცელი გაქვს,
თითქოს ყლაპე ცხელი ქარი.

— ხა-ხა-ხა-ხა, — ზეიმობს ნაბოლარა ფეტველავას სული, — კიდევ თქვი, ტუკულიზე.
— ტუკული სათამაშო სახელია, მურთაზზე არ ჯობია?
— იყოს მურთაზზე, — მყაბულდება ხელად.

თე შამათა მურთაზე,
განთხის ეთემ ურთანს,
მემიჩქ მალას ეიოფშანს
ბაბმუშიშო კურთას.

ეს შამათავა მურთაზი,
ბარძაყს ისე ატრიალებს,
მგონი მალე აავსებს
ბაბუამისისთვის ნიფხავს.

— ხი-ხი-ხი-ხი, — მღულარებს ზაზა ფეტველა. ხვალ უკვე მთელს სოფელს მოსდებს მამიდაშვილებზე გამოთქმულ კაფიებს. ფეხაწყობით მოვიარებთ.

— ვისი ღორინი გირჩევნია, ბიჭტორ ბაბუისა თუ ღადასი? — ველადავები გზადაგზა წითური მამის ოდინდელი იერნაცვალ სიტყვებით.

— ბიქტორის, — მიპასუხებს პიჯაკის კიდეს ჩაბლაუჭებული.
 — ბიქტორი რომ ბუღინაა? — დაუდინჯდები მე.
 — მაშინ ლადასი, — მეტიტინება ვერცხლისწყალი ფესვი.
 — ლადა რომ ჩუღინაა?! — ვეპირქუშები განუყრელ თანამგზავრს.
 — აბა, ვისი? — უსაგნოა ცნობისწადილი.
 — ღორინი არც მამაშენისაა ვინმეზე ნაკლები, — მივახვედრებ ქარაგმას.
 ისევ მეჯგვლიმება ჭაჭა.
 — ეგენი იქით იყოს. შევრიგდეთ, — ცაცს ჩამოვართმევთ ერთმანეთს, — აბა, მაგარზე მაგარი იქნები, თუკი მიხვდები რომელი სჯობია, ხრუშოვი თუ ბრეჟნევი?
 — ხრუშოვი! — მომიგებს მკვირცხლად.
 — ხრუშოვი, რომ ქონიანი ღორია? — ვეკამათები ყსიდად.
 — მაშინ, ბრეჟნევი! — მომახლის სხარტად.
 — ბრეჟნევი რომ ბალნიანი გორილაა?! — დავასკვნი და უწყინარ მუშტს კვლავაც მომიბაგუნებს ქამარს ზემოთ, თირკმელთან.
 ხელში ავიტაცებ. მხარზე დამაყრდნობს თავს. მივირწევით უხმოდ და ვიდრე პაპისეულ ძველისძველ ქიშკარს გადავცდებოდეთ, ძილისგან ამჩატდება მოხელთებული ჯიმ-ჯილაგის სიახლოვით უსაზღვროდ ბედნიერი.

ბორჯი მემკვსა

სამშობლო რამდენადაც გიყვარს, იანვარში გამოიცილება მთელი სიღრმე-სიმაღლით, რაჟამს დელში წყალი გაბროლებულა, მამალს დაყვლების ეშინია: არიქა, ნისკარტზე არ შემახმეს სანაქებო ყიყიყო; როცა მიცვალებულთა მზე ბუზანკალივით იკბინება, ღამე არშინებით ხვართქალებს და ქიქი ქობალიას ცილისხელაა მობუზული დღე;

შეჭირხლული მიწა ჩონჩორ ჯოჯუას ახალნაკერი აზიურებივით ჭრაჭუნებს ფეხქვეშ.

გადასარკული გუბები გაუპატიოსნებელი ცხედრის თვალებით მოგაშტერდება.

ქარს ვეღარ მოუსწრია თხმელის დავგარჯდნილი ტოტებიდან ეული ფოთლის მოტაცება, მიკემსვია შტოებს ყნვის უბასრესი სამსჯვალეებით.

ბუხრების კვამლი კი მიბურღავს და მიბურღავს კუნწუხობებამდე ჩამოდაბლებულ ცარგვალს.

სამშობლო რამდენადაც გისენავს გულს, იანვარში, იანვარში მოიძიე, ყიამეთში მიაკითხე მის შეთრთვილულ ჭალაკებს და ნაყანარებს, წამახვილებულ ბოლოიან სიმინდის ღეროებს, ადრე გაზაფხულზე რომ დაუწყებენ ღვინკუას; ალაგ-ალაგ შექუჩებულს ცეცხლს წაუკიდებენ და ფუმ-ფულა ბოლი შეგინგლულ ველობს გაეკვრება ნახტომისთვის გამზადებულ მწვევარივით, თანაც თვალთა გუგასაც ამოგიშანთავს ზომიერად უტყუარი ცრემლის მოსაგვრელად.

აი, იმის წინამორბედ იანვარში მოისაკლისე დედულეთის ანიაგანი და იოტისოდენა თანავრძნობა თუ გიკამკამებს ძვალ-რბილში, ერთიანად ამოხორცმეტდება სულის ორწოხებიდან სამამულო შემართება შენი.

სამშობლოს სინონიმი ჩემი ენასაწიერის ღამის ათეროვნებას ნაკლებად ეძებნება, ან თუ გააჩნია — თითო-ოროლა და ისიც — უიშვიათესად:

გერმანელები — „ჰაიმატს“ ეძახიან ჩვენი მსჯელობის საგანს, ინგლისელები — „მადერლანდს“, ლათინები — „ფრატრის“, რუსები — „როდინას“, სომხები „ჰაირენიკს“ და ვინ მოსთვლის, მაგრამ შეხედეთ ქართულს: „სამშობლოს“ ცნებას ოდითგანვე „მამული“ დაწყვილებია უღლისგამწვევ სინონიმად. აჭარაში ამ სიდიდეს „მემლექეთ“-ს უხმობენ, და ოდნავ მოშორებით, წავგრილ ლაზისტანში, „დობადონად“ ეღვარებს მისი აღნაგი, თუმცა ოდეს ჩვენებური ფილოსოფიურ მწვერვალთა დალაშქრვას მოგუხნებებს, ყოვლისმომცველ „ოდებადეს“ ამოაწიალებს სიტყვათსაცავიდან ჯოჯოხეთი იგი, რომელსაც საფეხურით ქვემდგომი „ობალიშიც“ ჩაენაცვლება აქა-იქ, საბადისის ქვეტექსტ-ნიუნანით; მუშვანისთვის სამშობლოს კრებითობა ფონემა „ლარდა“-ში ჩამოინაკვებება თეთნულლის სპეტაკი მკერდივით და როსმე აზრის გაბუნდოვანება დაგჭირდეს დრაკონული ეპოქების კვალობაზე, „ციბედულს“ დაიკვნესებ შალვა დადიანისებურად — დაჭვრივებული დედულეთის სიმბოლოს; მაგრამ რაწამს იანვრებით იწუნებდა სული; რაწუთს შემომსხვრეულია ვარჯი შტამბამდე დედაწულიანად; რადღეს ფესვებიანად ამოყრავდები საცხოვრისიდან და მიწამოწყურებული საცეცებით ებრძვი ქართუნილების მოთავსხმეობას; რათვეს გამაოგნებელი ყმულია სოფლიდან ჯაჭვზე დაბმული ნაგაზ-ქოფაკებისა მეოტი პატრონის წყალობით და არავინაა ცისქვეშეთში მისავათებუ-

ლსთვის ცხელი ტყეის მოწილადე; რაწელს ზამბარებვით იკუმშებიან მიწის წილში ეკალ-ჯაგის უბასრესი ღოჯები და მამრის ნიკაპს საქვითინო სახსარი გამოცლია; რასაუკუნეს სული ამოგდის ფოლკნერის რომანის გმირებვით და ორაგულების თავგანწირვით მიესწრაფვი მტკაველ მიწას სამ-უდამო დავანებისთვის, სამშობლოს ეკვივალენტური სიტყვა დედაქართულში კოლხური მეტყველებიდან შემონივთებული „შურობუმუა“.

შურობუმუ — იგივე სულის სათხვეელი, სულის გარდამტევი, სულის გადასადგრელი ალაგ-სავანე და ქალის მიჯნურობაში ძირისძირამდე გარკვევა თუ გწადია, ეგეც იანუსის თვეს გამომქლავნდება უცილობლად, რამეთუ აბსოლუტურად შემოძარცულია ვარდ-ყვავილობის პერსპექტივა. ცივი უდაბნოეთი დაითვლის გულის ფსკერში დაძირულ უზალთუნებს და მოჩვენებით ხაიხუის კარი მიესშობა.

სილაში გაბნეული ვარდფურცლობის ჟამს, სილაჟვარდესა და ტატანი ტანის ტალანებში მიმოდენისას, იოლია გრძნობებისთვის თვალმიდევნება. აი, იანვრის გაგანია ყინულეთში, ყვავის ბოლოსავით გადალურჯებული სტიქიის წინარე, უსაშველოდ დაარტახებულს თუკი აღმოგაჩნდება ღონე შორეული სატრფოს ეული საცხოვრისის კედლების დასაკოცნად, ჭეშმარიტი ყოფილა მონატრება ესე.

თექვსმეტი წლისაა დანე, გაფრენილი წარბებით, ატმის მიღმიერი ბუსუსებით ზედა ტუჩზე და მომაჯადოებელი ღიმილით ალისფერ ბაგეთა კუთხესთან.

ყელი შემართულია სევდიანი ფიქრების გულქანთა შესამკობად. იასამნისფერი სინორჩე იფრქვევა წამობურცული მკერდიდან და გავაზივით მოქნეული წელი დამტყვევებელ ლასოებს გესვრის არამხუტუს ნებაყოფლობითი ჯაჭვების საჩხარუნოდ; და წყვითალი ბროლის წვივები, ნუკრებს რომ შეშურდებთ მზითევ-განძად, როდენის საჭრეთლისთვის მიუწვდომელი ხაზებით იქარგება გაშტერებულ მზერაში.

მხარაქეცული მოკვალავ თოვლს. იცი, სრული მდუმარებით შემოგეხმანება მისი ფუძე-საბრძანისი, და მხოლოდ იმიტომ გამოშურებულხარ ამ ბარდნაში კილომეტრებიდან, რომ ჭიშკრის დაბამულ ქულაჯებს ვერავინ დააკაროს ხელი შენზე უადრეს და ბედნიერი ხარ, აზვირთებული, მარადიული ძალის შეხებით... მე ძლიერ მიყვარს იისფერ თოვლის ქალწულებვით ხილიდან ფენა... აი, განცდათა სრული თან-ხვდომა.“

ჯერ შენ უფალთუფალი არ გამოგცხადებია ექვსგზის, ჯერ ძეხორციელთა სხეულებრივი აღნაგობით წარმოჩინდება შენს წინაშე ცაბაოთი, რათა ბელზებელმა გზები არ დაგიხვანჯოს უმაღლესი მწვერვალისკენ დამიზნებულს. ეს ადამიანები მიგიკაფავენ დაშამბულ, გავერანებულ წავარნებს ზესახიერი განზომილებებისაკენ მანტუელ წინამძღოლს ადევნებული ალიგერივით. მაგრამ დანე?! მილიარდში ერთი ნიჟარიდან გამოცისკროვნებული მარგალიტი, ჩემი ესმერალდა, კვაზიმოდოს კორძინი სხეულისთვის ვერგასამეტებელი და ჯიშტის თოვლივით საბრალოდ მიწურვილ-მიშრეტილი დედოფლის ყურთბალიშთან.

ელზე... მარადიული კვნესა ჩემი სულისა, წელამდე ჩამოშვებული ქართმისატაცებელი სრიალა თმით, ლორელავით ხარცის მთაზე გადმოდგარი ოქროს სავარცხლის სანავარდოდ მებადურთა დასაბრმავებლად თუ ხომალდების რიფებზე მისამსხვრევლად.

ელზე... სამოხიოს მწყაზარი ასული, დაურეტელ ენერგიად გადმოღვრილი უზეშთაესისგან ორჭოფი სულის ასაბასრებლად.

ელზე... შვება ატლანტისა ოდეს აფროდიტე შეეხიდება — სამყაროს გამგებლისგან მომადლებული ღვთაებრივი სიკეთე საგნების და უფრორე — საკუთარი მეობის დასამკვიდრებლად.

სად მიმოფანტულან და განქარვებულან შენი სიყრმის ჟამინდელი სიყვარულების თავნება წყარონი?! ცუცუნები თუ დანელიები, დგებუაქეები თუ გოლიაქენი, კანდელაკები თუ ვეკუანი, ფილიპოვეები თუ ოქრომელიძენი, თორდიები თუ ცხოვრებაშვილები, გოცირიძეები თუ კემულარიანი, ასი და ათასი სერაფიტა საირხეს სამაროვანიდან, ათიათასი ჯულიეტა და ერგასჯერ მეტი ოფელია გრეთხენებისა და ლაურა-ლინორთა ამალით, აურაცხელად გამრავლებული და შენივთული ერთარსში, ერთმთელში, ერთხატში ცხოვრების მიზნად და ნუგეშად.

ელზე... გადაულაზავი საზღვარი კოსმოსიდან, მაცხოვრის ხელით გამოწვდილი ფილა უკდავების ჩქერალით სავსე.

ახლა ჩემს სიფიცხეს ორი მერანი მიაქროლებს — პოეზია და სიყვარული, შემოქმედება და მიჯნურობა, გარდასახვა და ტრფიალი, მოხანგეობა და ყოროფა, ჭოროფასაც რომ ერთმეება და გოლოფასაც, ანუ წყლიდობა-გვალვას ერთდროულად, და მართლაც ერთბაშად გარგარებს ჩემში წყალმეტობა-უდაბნოეთ-საკირეთი — არსთაგამრიგეს წინმსწრაფველობის უმთავრესი ძალა-ღონე — ჯალღონიების გვარში შედუღაბებული ერთ ცნებად.

ენგურის პირას, რომელიც ეს წუთია გამოვ-ვლე, მავანი ქურდბაცაცა და ანტო ჯალღონია

სხედან. მავანი ქვირქვეუა, ცხენებისა და კამეჩების გაუჩინარების გენია. მოადგება ერთხელ დაკარგული საქონლის პატრონი ბოჭაულებით. ეს უკანასკნელი დედას ფეხებს გააჩაჩხვინებს, გაუძვრება ლაჯებს შუა და რაჟამს თავზე დაატყდება მომხდურის რისხვა, მშობელს ოდა-სახლიდან წმინდა გიორგის ხატს ჩამოასვენებინებს, აკოცებს სამგზის და ამნაირი სიტყვებით შეხფიცებს:

— რაც დედის ლაჯებიდან გამოვძვერი, მას აქეთ ქურდობისკენ ხელი თუ გამქცევია, წმინდა გიორგის ბორჯალი დამცემოდესო! — და დაკარგული საქონლის პატრონიც ირწმუნებს მისი სიტყვების სიწრფელეს კანონიერების დამცველებთან ერთად.

აი, ამ მავან ხარიპარიასთან ზის სკამმერხზე მღინარისპირას რკინისფერი შეფერილობის ნაოფიც-რალი მაქსიმეს ძმა, ანტო ჯალაღონია. მესამე დღეა მათ ოდა-სახლში ასვენია ენგურის ჩამოტანილი უპატრონო დამხრჩვალნი ყმაწვილი. ტანსაცმელი შემოძარცვია. საკუთარით შეუმოსავთ. ჭირისუფალი კი არა და არ ჩანს. ეტყობა მაღალი სვანეთიდანაა უჭირისუფლო უწვერული... მესამე დღეა საჯალაღონიოში ჭირის სუფრა გაშლილა. ჩვეულებისამებრ პატივს მიაგებენ მოყვასის ცხედარს. ამჯერად ანტოს ძმისშვილი იმარჯვებს. გადარეულ ენგურს შეერკინება და ნაპირზე რის ვაივაგლახით გამოიყვანს. ეს რიგით მეორეა ყმაწვილკაცობის პერიოდში. პირველი ასულია, კოკელი, ნარმანხე. მოგვიანებით აბელს უბედურება დაატყდება თავს. ერთ-ერთ ქორწილში თამადის მოპასუხე იარაღით მოიწადინებს შეზარხოშებულ თანამეინახეთა დაწყნარებას, გაისვრის ხაერში და ბრეზენტის დამკავებელ რგოლზე ასლეთილი ტყვიით მექორწილე განიგმირება. ეს მოურჩენელი იარა სამუდამოდ გახყვება მის ცხოვრებას. ადამიანებს კვლავაც იხსნის აბობოქრებული ენგურიდან აბელ ჯალაღონია, მაგრამ მისივე თქმით, გამქრალ ერთ სიცოცხლეს ქვეყნიერების გადარჩენაც ვერ გააბათილებს თურმე. ხოდა, სხედან აბობოქრებული ენგურის პირას მავანი ხარიპარია და ანტო ჯალაღონია. ბორანი ჯაჭვზეა დაბმული. იმხელა მორებს მოაგორებს სტიქიონი, ბორნის აშვება ყოვლად გამორიცხულია, მასაც ჩაკარგავს შავი ზღვის მართუ-ჭურღმულებში.

— არ გირჩევნია, — ეუბნება თანასოფელელს ანტო ჯალაღონია, — ხიდის იმ თავში შენი ძეგლი იდგას, აქეთ — ჩემი და სულაც არ ვიყოთ ამ ქვეყნად?

— არა, ჭირიმე, სიცოცხლეს არაფერი ჯობია, — პრაქტიკულია ხარიპარია მავანი.

— ეხ, შურკუნტა* ხარ, უბედურო, აქ უჩვენოდაც გადებენ ხიდს ადრე თუ გვიან. ჩვენი სახსენებელიც გადაშენდება წლების მერე. კარგ რამეს გთავაზობდი, ღმერთმანი.

ყველა თავისებური იარაღით აღჭურვილა.

აბელისა და ნაპო ხუფენიას სამაგალითო სიძე-ცოლისძმობა ცნობილია. ახალთახალი „ტეტეთი“ სწვევია უმცროს დას აბელ ჯალაღონია. ძუძუმტეს ჩაგზავნიან დაბლა, ვინემ იარაღის დაშლავწყობაა. ბრიკეტა საკეტურების ჩხაკუნით გუმანობს ყოველივეს.

— სქვამ რე, ლამაზია, — ღიმილით იტყვის ნაპო ხუფენია. ის „ნაგანის“ ერთგულია. გამოცდიან კიდევ ერთმანეთს ჩუბინობაში. აბელი თავისი „ტეტეთი“ სილაყრილზე განთავსებულ სამიზნე ასანთის კოლოფსაც ვერ დააზიანებს, ქვიშაყრილს აფუტებს მხოლოდრე გზასაცდენილი ტყვიებით, ნაპო კი იმ კოლოფიდან ამოშვერილ ასანთის ოთხი ღერიდან ორს წაწყვეტს თავს.

— ლამაზია, სქვამ რე, — სიღინჯეგარეული ირონიით ებასება თედოს ძე ცოლისძმას.

იარაღი უთვალღვია. კარაბინები და ბერდანკები ბეგი ხუფენიას სტიქიაა. ყარა თორიასთან მეგობრობს. უცვლელი თამადაა სოფელში. ანჩაბაძეების ქორწილში ტოლუმბაშად სხვას არ გააჭაჭანებენ.

შებინდებულზე მოკრძალებულად მოადგება მათ სანაქებო ვრცეულ ეზოს მავანი ნაბოლარა ძმა. გაყრილან. მამისეული ფუძე უმცროსს რგებია წესისამებრ. ხოლო შუათანა და უფროსი ვერაფრით მორიგებულან, წილში ედავებიან ერთმანეთს. შელაპარაკების ნიადაგზე ასაკოვანი ხელსაც კი დააკარებს მომდევნოს დამამცირებელი სიტყვით და ახლა თედოს წყლის წისქვილის მოშორებით ჩასაფრებულა ქორწილიდან მომავალი ნაღვინევი ძმის ჭკუის სასწავლებლად.

ყოველ შემთხვევაში ასე გაუმხელს ბეგის შეძრწუნებული მავანი ნაბოლარა.

— ჩემს წილს ვუთმობ, ოლონდ საშვილიშვილო ცოდვას ნუ აგკვიდებს, ბეგის ჭირმა, — ამბობს თავჩაღუნული კაცი.

ათ წუთში ბეგი აღკაზმულია საიერიშოდ. მთავარი თემშარათი დაურბენს სოფელს ჩოხა-ახალუხში გამოწვართული.

შავფაფრიან რაშს ლაშებზე ქაფი მოსდებია გამალებულ ქროლვაში. გაუპირდაპირებს ჩასაფრებული შუათანა მავანის სამალავს ბეგი ხუფენია და შორიდან გადასძახებს:

— გერა, ვიცი სად და რისთვის იმალები! ვაჟკაცი თუ ხარ მე მესროლე, ბეგი ხუფენიას. ძღინიანი ძროხის და ტურტლიანი ლეიბის გულისთვის ვინც ძმას ტყვიისთვის გაიმეტებს, იმას ამქვეყნი-

დან აღარც ჩემი გასტუმრება გაუძნელდება, მაგრამ გახსოვდეს, ვიდრე ჩახმასხს შემართავდე, ორჯერ გაგიხვრეტ შუბლს მოკლელულიანი კარაბინით.

მეტი რა ჩარაა. ეკალ-ბარდიდან ნაბლიანი შუათანა მავანი გამოაბიჯებს. მაჯებზე დანა რომ გადაუსვა წვეთი სისხლი არ წამოუვა.

— იცი, რა მითხრა შენმა ნაბოლარა ძმამ? — გამომცდელად ჩააშტერდება თვალებში ბეგი ხუფენია, — ოღონდ მაგ საქმეებზე ხელი აიღოს, აპატიოს საჯარო შეურაცხყოფა და მამისეული ეზო-კარი დამითმიაო.

— მოსაკლავად როდი ჩავსაფრებივარ, შეშინება კი მინდოდა, დიახაც, — თავს იმართლებს მავანი შუათანა ძმა.

— უკეთესი, — მხარზე დაადებს მარჯვენას ნაბლიანს ბეგი ხუფენია, — მე დავავალე შენს ნაბოლარს, საუკეთესო ხარს ყელში დანა გამოუსხვას, როგორც კი დათქმულ ნიშანს მივუწვდენ. ამაღამვე უნდა ჩაეხუტოთ ერთმანეთს. წელში გასამართად კი, ათი ოქრო მისესხებია მომავალ შემოდგომამდე. — ჩაუჩხრიალებს მონეტებს კინაღამ კაენის მოლიპულ გზაზე შესრიალებულს ბეგი ხუფენია და მიეგებებიან შუკაში წამოთოხარიკებულ ცხენს.

— მეტით ვეღარ მოგეწიენით, — ეუბნება აწურულ უფროს მავან ძმას ბეგი ხუფენია, — მაგრამ აი, შემინდნენ შენი ძმები, სადავო და გასაყოფი არაფერი გვაქვსო. უცოლშვილო უმცროსმა მამისეული კერა შუათანას დაუთმო და არც მე დამიკლია ზრუნვა, ათი ოქრო მისესხებია ერთი წლის ვადით. ამოუდევით მხარში ერთმანეთს და ჯუჯღუნ-წუწუნი არ გამაგონოთ! ხარია ჩამოკიდებული თქვენსა და ვიჩქაროთ, მარტოკაცს მიხმარება სჭირდება, — ამ სიტყვებზე კარაბინს ზედიზედ სამჯერ ამჭებარებს ბეგი ხუფენია და ნაბოლარა მავანი ძმისთვის ყველაფერი მისახვედრებელია, რომ საავდროდ აწეწილი ვითარება ნაშველებია, გადაგდებულია თავიდან, გარდატევებული.

ოტობაიას წარმომავლობის თაობაზე გვითქვამს რამდენადმე, დილეტანტური თუ პროფესიული პოზიციიდან, მაგრამ მისი გეოგრაფიული მდებარეობა დამატებით გვაგარაულებს, რომ ამ სოფლის პარამეტრებს მნიშვნელოვანწილად განაპირობებს მდინარე ენგურის კალაპოტის ცვლა.

მსცოვანი ხალხის ხსომიერება ათერგასეულ წელიწადს მაინც წვდება, რომლის გათვალის-წინებით ენგური ანაკლიის ნაცვლად სოფელ გაგიდასთან ჩაედინება, გამახარიების საუფლოში, ნაპო ბიძიასა და ეთერ დეის სასაპარეზო სივრცეში. ამ ფაქტს იმითაც ადასტურებენ, რომ კუნთხოტობაიაში ჭები, როგორც წესი, კამკამაა, ღრმადირიანი, კერამიკის გვიმებითა და ოწინარებით დამშვენებული, ხოლო პირველი ოტობაიას სასმელი წყლის „გამოხდის“ ჩვენეულ მეთოდებზე გვიმსჯელია ზომიერად — სილაჩაყრილი ვედროებით როგორ ვფილტრავეთ ნიადაგ.

ჩანს, მდინარე ასწლეულობის მანძილზე სამხრეთით მიიჯერება, მაგრამ ეს ყოველივე აბსოლუტურ სიმართლედ ვერ გაცნაურდება.

საქმე ის გახლავთ, რომ ენგურისპირა ორსანტიაში დღესაც ოტობაიას უწოდებენ მომცრო უბანს. არსებული ვითარების ანალიზით ძირითადად სამი ვერსია შეგვრჩება ხელთ:

პირველი ის არის, რომ მდინარე, ოდიშის ტერიტორიის გარკვეულწილად დალაშქრის შემდეგ, კვლავ უკუმდგარა, და იქ დარჩენილ მოსახლეობას შეუნახავს ტოპონიმი ესე;

სხვა მოსაზრებით ენგურის მარცხენა ნაპირას ჯერაც მფეთქავი ოტობაია არსებითად მიგრირების შედეგია;

დაბოლოს, მესამე შეხედულება — ოდიშური ოტობაია სამურზაყანოულის სათავეა.

ჩემი კალმის წვერი კი ჭკუა დაუნჯებულთა ნასაუბრებს ეფუძნება არსე- ბითად. მათი დაუცხრო-მელი ლტოლვა ზუგდიდისკენ, ცხადია, მხოლოდ სათავესთან მიბრუნებას არ უნდა ასახავდეს, ვინა-იდან ენგურზე ხიდის გადების შემდეგ, ოთხმოციან წლებს ვგულისხმობ, იქაური მაცხოვრებელი გალს ლამის მიივიწყებს, ადრე თქმულისამებრ და ეს არ გახლავთ გენეტიკური ნათესაობის ძიების დეტალები, არამედ — უწინარესად ცხოვრების გაიაფებით, გაიოლებით აიხსნება.

ჯერ ერთი, საკოლმეურნეო ბაზრამდე მანძილი განახევრდება. მეორე კუნთხოტობაიელნი ზედმეტად თავმომწონენიც არიან: ამაყნი, იარაღისკენ გაურბით ხელი. მიმტეველობაც შეხფერით საჭი-როებისას, მაგრამ შეურაცხყოფას არავის აპატიებენ. დავიხსოვოთ ეს სენტენცია: აკი, გალში, ჩემთან ჭიდაობაში დამარცხებულ მეტოქეს, ავსიტყვაობის გამო ცხვირით მიწას ახვნევიანებს ძმადნაფიცი სერგო გაბელია. თუმცა უმჯობესია ჯერ ხიდის და სკოლის აშენების პერიპეტებზე ვიმსჯელოთ თანადროულად და შემდგომ სათქმელიც თავისთავად წაედინება.

სამოცდაათიანი წლების მიწურულს ენგურის კალაპოტში მერამდენედ მიუშვებენ კაშხალთან მოზღვავებულ წყალს. გაუფრთხილებელ მოსახლეობას პირუტყვი და სარჩო-საბადებელი რომ გაუ-ქარწყლდება — არაფერი, ადამიანებსაც იმსხვერპლებს სტიქია. მოღვარცოფებული პელაგონი პე-

ტრეს პარონს გადააბრუნებს და მდინარის ფსკერზე დაძირავს; რის ვაივავლახით გააღწევს ხალხი გაღმა-გამოღმა ნაპირზე, მაგრამ დედა-შვილის გადარჩენას არაფერი ეშველება. ოტობაია ხომ აფხა-ზეთის სანაქებო სოფელია და რუხის მეგობრობის ნაძალადევი ზეიმებით მოლომობიერებულ მოსახლეობას მთავრობის დელეგაცია ესტუმრება ვეტმფრენით. შვეულმფრენის გამოჩენას კუნთოტობაი-ელნი მიჩვეულნი არიან. სოფლის ულამაზესი ქალის, ლუშა კვარაცხელხეს, ძმისშვილი სერაპიონის ქვისლი, იმდენჯერ ჩამოფრენილა მათსას, რომ ზოგს „უიგულით“ არ გაუვლია, ალბათ, იმ ოღრო-ჩოღრო გზებზე. მუხურელი ემზარ სვიმონია გეოლოგიური პარტიის უფროსია და შეუფერხებლად დაფრინავს მშობლიური სამურზაყნოს ცაში წიაღისეული სიმდიდრეების საჭვრეტად. როცა საბადოთა მაძებარ ბიჭებს მობეზრდებათ „ივასისა“ და „კილკას“ კონსერვებით დანაყრება, აქეთკენ გადმოუხვევენ — კვარაცხელიებისკენ. სრული მდირანესპირეთი გამორბის ვეტმფრენის გამოჩენი-სას წაგრძელებული მინდვისკენ. თავიდან ბოჩო კორკელიას ოჯახი შეშინდება ლაჟვარდოვანი მახინას ჩამოდაბლებით: ეგზეკუცია ხომ არ არისო, მაგრამ როდესაც ემზარ სვიმონიას შვეულ-მფრენი ოტობაიელების გამასეირნებელ ფუნქციას შეიძენს, წარმოიდგინეთ, თვით ფეხმძიმე ცოლ-საც მოუნდება მისით „გაგულავება“ და ვეტმფრენის ზანზარ-გუგუნში, დიხაც, ოტობაიის ცაში დაიჭყვივლებს ბოჩო კორკელიას პირმშო. როცა ახლები საპაერო ოდისეით გულს მოიჯერებენ, მშობ-ლიური სოფლის სიმაღლიდან მოხილვის რიგში ხანდაზმულებიც ჩადგებიან.

ფეხქვეშ ყრია უზალთუნებად სექანიების თუ თაკალანძეების, ბაგათელიების თუ ბესელიების, ფა-ცურიების თუ ლოგუების მსხმოიარე კარალიოკები, ხურმები, მანდარინები და ლიმონ-ფორთოხალი.

უხუცესები ყლიონს გამართავენ, მაგრამ ასანთის გაკვრას არავენ ლამობს: ეხუმრები, ოტობაიის ცას გამოკერებულხარ, თანაც ოტობაიას თავზე და უცებ რაიმე ფარსაგი დაგემართოს, საითკენ მიხვალ?! ნათესავები დასამარხავად ვერ მოგკრეფენ.

გამორჩეულ, კაცურკაცობით ნაქებ დამიანე თაკალანძეს, ნოჩოს გარებიძაშვილს და ბონდოს მამას, კი დამგზავრებიან პილა სექანია — ცხვირნავარდა, საცრისთვალეებიანი კაპტო ლოგუა, მემპარავი ხმით მოსაუბრე არსენა ბაგათელია, ქვაბუნა ქუდიანი, წოწოლა არუშანგ უზარაშვილი, არწივისებუ-რი გამოხედვის ლავრენტი ბესელია — შვეულმფრენის პატრონის ქვისლის ბიძა; სევერიან კვარაცხე-ლიაც აქ გახლავთ, რომელსაც ძლივს დაიყოლიებენ საპატიო სტუმრის ტრანსპორტზე ასაბრძანებ-ლად; რაც შეეხება ფაცურია ძმებს: ნოჩოს, ავქსენტის და ჯაკოს (თამაშუქ მარლანის ლექსით: ნოჩო, აქსენტი დო ჯაკო, კვირკვეს ინგირს მინნოცვენა, ანჭუდეს თინეფი დო — მანგო)*, ყველაზე ტანმაღალ ოტობაიელებს, აივანზე გამოვლენ თუ არა, მოშორებით გათხოვილი ქალიშვილების, ფაციკოს, ქიო-ნიას, ვალიას, კატოს... ბუხრის ალიბჭეები შეუიარაღებელი თვალითაც ამჩნევენ, თავად იმ კვამლთა მოძრაობით ადგენენ მშობლიური სოფლის ტოპოგრაფიულ რუკას და აი, მსცოვანი კუნთოტობა-იელების ოცეული რომ აუხირდება ფაცურია ძმებს, წელში მოღუნვა საქმეს ვერ უშველის, ლამის სამად გაიკეცონ, მაგრამ ახლა, როგორ გინდა შვეულმფრენის მერხზე ჩამოჯდე?! საკმაოდ შეთხლე-ბული თხემი შენს განუყრელ კოლხურ ქუდთან ერთად ხომ ამოეშვირება, ამოანგრევს თუნუქის სა-ხურავს სამგზის?! აქ კი უსაფრთხოების გარანტიები დაირღვევა და განსაკუთრებული სიამბაზით გამორჩეული კუნთოტობაიელები რუკაზე ჩამოსხდებიან, ისე რომ, თვალეები ილუმინატორს მა-ინც ზემოდან ჩასცქერის.

თანდათან პატარავდება კოპწია ოდა-სახლები.

ეფექტისთვის პილოტი გარკვეული სიმაღლის დაპყრობას აპირებს ემზარ სვიმონიას ეშმაკური მითითებით.

გაბმულია ბაწარივით სოფლის ორღობეები. ბუზებს ემსგავსებიან ცხენები და ტრიალ მინდორ-ზე გამოშლილი კამეჩები. თანდათან იკუმშება ოტობაია, ახალ მასშტაბს იძენს, როგორც ეს სა-სოფლო საბჭოთი მონიჭებია, განუყოფელს, გამთლიანებულს, კვერცხის ბუნებით შეკრულს.

თვალისმიმტაცებელია ნაყანარების კონტურები, როგორც მიკროსკოპის ქვეშ დანახული უჯრე-დის მოხაზულობანი, გასაოცარი წესრიგით აშენებული, და არასდროს დაქვემდებარებული გეო-მეტრიულ პედანტურ აღნაგობებს: პენტაგრამებს, რომბებს, კვადრატებს თუ სამკუთხედებს თუნ-დაც. აწ ორიენტაციითდა აღიქმება თანასოფლელთა საცხოვრისები.

მხედველობით ჩუბინი რამდენიმე ურევია ასაკმოყრილ ოცეულში და სწორედ ისინი აფიქსირე-ბენ ერთმანეთზე გადაჭდობილ ეზოებს. ოტობაიას ცენტრით ადვილდასადგენია უბნების ადგილ-მდებარეობა. ფიჩორის ლარივით დაჭიმულ გზას მისდევენ. ჩვენი სამოხიოს მონაკვეთთან ნოჩო ფაცურიას გული ვერ მოუთმენს და ლულულულით იტყვის:

— ჩემი ფაციას სახლო! ეტყობა ღმერთიც ასეა, დაცურავს ზეფირებში უჩინმაჩინი და ხალხის ჭირ-ვარამის გამო გული ეწურება, მაგრამ რად გინდა, ადამიანი იშვიათად აიხედავ ცისკენ, როცა

ელქეტი გაკვესავს, ან გვალვით დამსკდარ მიწას წვიმა სწყურია, ან კიდევ რაიმე გასაჭირი დაატყდება თავს და საშველი არსაიდან ჩანს. დაილოცოს მისი განგება!

გადაუფრენენ ჩვენს სამოხიოს. უფლის დასადგენია სად ვყოლებ მე იმ დროს. თბილისში ვიმყოფები, ჭურიაში ვარაკუნებ საშა ეგუტიას ნაჩუქარ საბეჭდ მანქანას, თუ სულაც ნაპო ბიძიასთან გაჩაღებულ ბუხარს მივჯდომივარ ნამუსიანი ადგისით აფერადებულ, წელშიგამოკვანილი ჭიქით. საორიენტაციოა ყოველივე, ხიდის და სკოლის მშენებლობებს შუა ხდება, შემოდგომის პირას, თუ რაჟამს ზამთრის თადარიგს შესდგომია მეურნე კაცი, მაგრამ მთავარი სხვა რამ გახლავთ: სრულიად ოტობაიის ზემორე არწივივით ირავს კრავს ემზარ სვიმონიას შევულმფრენი და ამ ბარაქიანი წრეწირის შემორკალვამდე, როგორც შორ გზაზე გასაგზავნ ვილს თავზე ხელს შემოავლებს მშობელი დედა, მხცოვანთა ოცეული მუსაიფს განაგრძობს ჭერაც გაუჩაღებელი ყალიონების ალერსსა თუ სიგარეტების სრესვა-ჟღვლემაში.

— იცი, რა გამახსენა უცებ შენმა ნათქვამმა, — სიტყვას ჩამოართმევს ნოჩო ფაცურის კაპტოლოგუა, — ვერეხი ბახვა ბიძაშვილად გერგებოდათ. არ გეწყინოთ და მთელი ცილით მაღალი იყო თქვენზე. ბეჭებიც მტკავლით განიერი ხქონდა. მართალია, ამ სიმალიდან არასდროს შეუხედავს ცხოვრებისათვის, ისე აღესრულა, მაგრამ არანაკლები სიტყვა წამოსცდენია, ვფიქრობ. პეტრეს ბორნის ამბავს ვიხსენებ. ყველამ იცით, თუმცა გამეორება ცოდნის დედააო, თქმულა.

ჩამობრუნებულია ბახვა ფაცურია ზუგდიდიდან ნავაჭრით. მიმიხვდებით ახლა ბახვას ფეხზე წამოდგომა რამხელა მანძილს მოიქცევს თვალქვეშ.

ხოვ, შეაბრუნე ბორანიო, ეუბნება ხოპს ჩაბლაუჭებულ თანასოფელს.

მებორნე იცნობს ბაგირთან აქაფებული ცხენით მოსულსწრაფებულ თედორია გაბელიას. ერთმანეთის მოსისხლენი არიან ბახვა ფაცურია და ეგ. გაება შარში ყაზაყი. მაინც და მაინც მის ბორანზე უნდა დახოცონ ერთმანეთი მოქიშპებმა?! შეხედავს მგზავრს ტუფურია მებორნე და როცა ვერანაირ შინაარს წაიკითხავს ბახვა ფაცურის გამომეტყველებიდან, სხვა რა ჩარაა, მიაწვება ორთაყირს. ამასობაში, ხაზალიების შუკიდან, შავცხენოსანი მხედარიც გამოჩნდება. მებორნე ახლა ამჩნევს მდევარს, თორემ ბახვა ფაცურისა ჭერ კიდევ ნარმანიების სამოსახლოსთან გაურკვევია შავწვერიანში არსენა შონია. ეს უკანასკნელი თედორია გაბელიას დაუძინებელი მტერია.

— აბრაგი არსენას შვილიშვილი, — ჩაერთვება საუბარში ავქსენტი ფაცურია.

— ცხადია, — დაუმოწმებს კაპტოლოგუა, — მაგრამ, მაინც არანაკლები მტერი, და ახლა მიხვდება ყველაფერს ჩვენი ტუფურის ვაჟი, რომ ცეცხლი გასამკეცებელია, სამი მტერი შეყრილა ბორნის სივრცეში. მერედა, რომელი ჩუბინების გარემოცვაა, თუმცა დახანება არ ივარგებს და ნაპირისკენ მიაგეღვებს ბორანს. ახა, უყოყმანოდ შემოახტუნებს ცხენს ტუფურიაზე არანაკლებ განცვიფრებული თედორია გაბელია. ჩამოხტება, ამოფარება ოთხფეხს და უკვე მდინარეში მესამედით შემოცურებულ ბორანს თოფის სამიზნეზე მაინც მოუსწრებს არსენა შონია. არც ამისთვისაა თედორიასა და ბახვა ფაცურის მტრობა უცნობი და უფრორე ამით გაოცებული მოკლეულუიან კარაბინს ძირს რომ დაუშვებს, ბახვა ფაცურია დაიროხროხებს:

ხო, მასე სჯობია, დიდი არსენას ფესვო. შენ რომ ახლა ეგ შემომაკლა ხელში, უნებურად მტრად გადამექცევი, ვინაიდან მე შემიფარებია მოქიშპე და ვეღარ დამიცავს სხვა მომხდურისაგან. ნუ გეშინია, აქედან გაღწეულები, ჩვენ მაინც ძველებურად მტრებად დავრჩებით, მოსისხლეებად. თედორია დამასწრებს?! ბედნიერი იქნები, ვინაიდან ყოველთვის შეგეძლება სამაგიეროს გადახდა. მე აღვასრულებ თედორია გაბელიას?! შენ, ბუნებრივია, მთლად ხელ-ფეხი გაგეხსნება საუფლო საქმეთათვის და ეშმაკეულის თავგზაბნეულობას სამისდღემშიოდ გადაურჩებიო.

ხაიტ, სამგლევ, მათრახს დაარტყამს შავ მერანს არსენა შონია და გავარდება ხაზალიების შუკით.

ხაიტ, გერიშ ოძირძონალი,* შემოსცხებს აქეთაც წაბლას თედორია გაბელია და ასკუპებს ცხენს მოდიდებულ ენგურში.

ბორანზე კი დარჩებიან ვერეხი ბახვა ფაცურია და გაოგნებული ტუფურიების ვაჟი.

აი, შენეული უხილავი ღმერთი სად ტრიალებს ნოჩოს ჭირმა, — დაასრულებს საუბარს ილუმი-ნატორისკენ მიბრუნებული კაპტოლოგუა.

გასახტებულია საუბრით ვერტმფრენის მეპატრონე სერას ქვისლი. უამრავი საინტერესო ამბავი სმენია შუაგულ სამურზაყანოში, ფარფალიებისა და ემუხვარების შერიგების თაობაზე თუ სხვა მომნუსხავი, მაგრამ ეს მთლად სასწაულია. ამიტომაც მოთმინება დაკარგულს სულსწრაფობით ხკითხავს მოტორის გუგუნში კაპტოლოგუას:

— კი, მაგრამ მერე?! მერე როგორ დასრულდება ბახვა ფაცურისა და თედორია გაბელიას

მტრობა? — სახეზე მიაჩერდება პირისპირ მოკალათებულ კაპტო ლოგუსს მუხურელი ემზარ სვიმონია.

— ეგ მთლად ფარსაგი ხელოვნებაა. დატრიალებიან შუაკაცები: ნოჩო თაკალანძე, ბიქტორ ფეტელავა, ყარა თორია, ლადი გოგოხია, სხვანი და შეკრავენ ძმობის მტკიცე ფიცით.

— შონია? შონია სადღაა? — ვერ ითმენს ემზარ სვიმონია.

— ეგ უკვე სინდის-ნამუსის საქმეა. გაიგებს თუ არა მოსისხლე მტრები შერიგებულანო, მიხვდება, რომ ასე იოლად ვერ შეძლებს თედორია გაბელიას მოკვლას, რადგანაც მსგავსი საქციელით ამიერიდან ბახვა ფაცურისას გადაიმტერებს და ერთ მშვენიერ დღეს ულამაზესი დის ხელის სათხოვნელად მიადგება კარზე. ამის შემდეგ ხომ მაინც გარკვეულია ყველაფერი, ჯიმაჯამი?!*

— მდააა, — გააბამს სიტყვას ცნობისწადილ დაკმაყოფილებული ემზარ სვიმონია.

ვერტმფრენი აეროდრომად ქცეული მინდვრისგან განსხვავებით სოფლის ცენტრში ეშვება მსცოვანი ოცეულის საპატივცემლოდ.

და აი, სწორედ, იმ ადგილზე რომ დაფრინდება სამთავრობო დელეგაცია ბატონების: ედუარდ შევარდნაძის, ზურაბ პატარიძის, ვლადიმერ ალფენიძის (იმჟამად ქვეყნის მესვეურის რეფერენტი), „საქტელერადიოს“ კომიტეტის თავმჯდომარის არმაზ სანებლიძის და კიდევ სხვათა შემადგენლობით, მთელი სოფელი მოაწყდება ჩვეულების თანახმად, მაგრამ ამჯერად ვიზიტი წინასწარაა ცნობილი სატელეფონო კავშირებით და თანაც ოტობაიელებს გული მოყრჭებიათ შვეულსფრენით სეირნობებისგან. უფრო სერიოზული საქმეა გადასაწყვეტი — ასაშენებელია სკოლა და გასადებია ხიდი ენგურზე, რათა სამურზაყანო-ოდიში კიდევ ერთი ძარღვით გადაენასკვოს ერთურთს.

ყოფიერების უბადრუკობის ამსახველ ზოგადსაგანმანათლებლო სურათს დახატვა არც სჭირდება. უბორნოდ დარჩენილი სოფლის პრეტენზიებიც გასაგებია. დედა-შვილის ჭირისუფლის განცდებსაც თანაგრძნობით მიეხედება. ყველაფერი გარკვეულია, მაგრამ არც მაშინდელი მთავრობის თავზე თქლამუნებს ათასების წვიმა. ხოდა, ეს წუთია წააბიჯოს უნდა დელეგაციამ შვეულმფრენისკენ, მაგრამ შეუვალაა წრე, არ ირღვევა! თავმოდრეკილია თითქოს გარემომცველი სახეები და მაინც პიტალოსავით უკარება.

კვლავ კაპტო ლოგუა იმარჯვებს და ამისთანა ამბავს ამოქექავს მეხსიერების სკივრიდან:

— ბატონებო, ჩვენთან, კუთხნუ ოტობაიაში ცხოვრობდა ერთი სახელგანთქმული მეურნე კაცი, კოწია ბესელია, თქვენებურად კონსტანტინე, რომელსაც ხუთი ვაჟიშვილი და ერთიც ასული ხყავდა. ყველანი წესიერებით ცხებულნი, მაგრამ მათ შორის გამორჩეული მაინც იასონი გახლდათ, რომელიც სახმელეთო ჯარებს უფროსობდა სოხუმში. ჩვენი უგზოობის ამბავი მოგვეხსენებათ, ბატონებო, ბორნით ტონობით თხილს ვერ გადაიტანს ზუგდიდში, თანაც სადადიანოს ბაზარი იმ დროს სოხუმისაზე ნაკლებად ხელსაყრელია და აი, იქ ჩალწეული თხუთმეტოდე ოტობაიელის თხილით კი დატვირთავენ გემს, მაგრამ პატრონები არავის გაახსენდება: მიაყვირებს პარახოდი „ბუმბუმო“ და უტევს გზას ოდესისკენ. დროის წართმევისთვის მომიტევეთ ცოტა, — ჩაურთავს კაპტო ლოგუა, როცა დელეგაციის წევრები მაჯის საათისკენ მერამდენედ გააპარებენ მზერას, — რა ქნან ოტობაიელებმა, ცარიელი ურმებილა დარჩენიათ, ყულამდე სირცხვილით სავსე, — სტუმრებიცა და მასპინძლებიც აქა-იქ ჩაიციინებენ, განსაკუთრებით, როცა სიტყვას ხელსაც მიაშველებს მოსაუბრე და ამით უფრორე გათამამებული კაპტო ლოგუა ხმას აუწევს უბორნო-უხილო გამეხებული ენგურის მჩქეფარების გადასაფარად, — ნირწამხდარი ოტობაიელები დაადებენ თავს, ბატონებო, ამსუბუქებულ ურმებით სახმელეთო ჯარების თანასოფლელი უფროსის, იასონ ბესელიას მიმართულებით და აუწყებენ თავიანთ გასაჭირს დიდის მორიდებით. ხარხარით გულს მოიჭერებს კოწიას მემკვიდრე, თანაც აქა-იქ აქილიკებს თანამომხმეებს:

მოგეკითხეთ ქე მაინც, ოჯახაშენებულებო! მოხუცი დედის ამბავს მეტყოდით, მეც გამახარებდით, არც თქვენ გაწვალდებოდით ამდენს, მაგრამ შინაურ მღვდელს შენდობა რომ არა აქვს?! ეძებე ახლა შავი ზღვის შუაგულში ნაცხვაბარა თხილი! იმ ტომრებზე „ოტობაია“ თუ იყო მიწერილიო, აშკარად აბიაბრუებს თანასოფლელებს.

როგორ არაო, პასუხობენ გულუბრყვილოდ.

რომელ ენაზეო, ხითხითებს იასონი.

ქართულადო, სიმწრის ოფლში იწურებიან, ჩვენ-ჩვენ გვარებიანადო.

მაშინ დაღუპულა თქვენი საქმეო, დაუნდობელია ჩაბჭირებული იასონი. აფხაზურად მაინც მიგეწერათ, ოჯახაშენებულებო, თუ რუსულზე მწყრალად იყავითო. მერე დასერიოზულდება უცებ. დაუძახებს თანაშემწეს თუ აღიუტანტს, მისცემს რადიოგრამას, თან თანასოფლელებს დამაჯერებლად ეუბნება:

წადით პორტში, დაუცადეთ გემის დაბრუნებას, ურმებიანად ნუ აბარგდებით ზედ. მთლად ოდესაში ნუ დარჩებით. ცოტა ფული ოჯახისთვისაც შემოიტოვეთო. ხო, კიდევ, ერთი, ტომრების და რამდენიმე კილოგრამი საჭანჭუხე თხილის წამოღება არ დაგავიწყდეთ ჩემთვის. აქაური კერკე-ტია, შველიყურა კი, ხომ იცით, თითის მოჭერითაც იმტვრევაო.

მიმოავლებს საცრისხელა თვალებს კაპტო ლოგუა მსმენელებში და როდესაც საერთო გულისყურს ძარღვს დაუჭერს, კვლავ განაგრძობს ოდნავ ჩახველებით:

— ასეთია ჩვენი ვითარება, ბატონებო. ის გემი მართლაც დაბრუნდება პორტში, მართლაც დაემგზავრება თხუთმეტიოდე ოტობაიელი. თითო-ოროლა ჩაესიძება ადმირალ-კაპიტანს, დანარჩენი მოლაყუნდება ქესეტად, იასონ ბესელია კი კვლავინდებურად არავის გაახსენდება, არც — მოსაკითხი რამდენიმე კილოგრამი თხილი, მაგრამ გემის უკანმობრუნების ამბავი თაობებს საარაკოდ დარჩება. ორ სიტყვასაც დავამატებ და დავასრულებ. აგერ, ჩვენი კარის მეზობელი ვაჟიკო შონია მიდის ურმით თემშარაზე. გზისპირას წაქცეულ მორზე ჩამოსვენებული სერაპიონ უზარაშვილი დაუძახებს თანასოფელს:

თუ ღმერთი გწამს, ერთი წუთით გააჩერე ურემი, სოფლის ცენტრამდე დამიმგზავრე მუხლწართმეულიო, მაგრამ ვაჟიკოს ხარები სამგლეგებია. ამაოა, „ორე-ხის“ ძახილი. არაფრით ემორჩილებიან მეურმეს. სახრეს ტყლაშუნზე ხომ აეშვებიან მთლად. შეესწრება ამ ამბავს ელი კვარაცხელია და ამგვარად გაამასხარავენს გაწბილებულ მსცოვანს:

სერაპიონ, პატენი, კოწიას ვაჟმა, იასონ ბესელიამ, გამლილ ზღვაში პარახოდი გააჩერა, უკან დააბურნა და შენ ვაჟიკო შონია წამითაც ვერ შეგიყოვნებია, რალა კაცობა ეგ არისო.

წამოიმართება სერაპიონ უზარაშვილი, მოწკურავს თვალებს ჩვეულებისამებრ, ამოაცოცებს სათმოს, თქვენებურად — ყალიონს, ბატონებო, მესამედ უკიდებს ასანთით ქარიან ამინდში, გააჩაღებს და აი, ასე გაეპასუხება წინ გაჩერებულ თანასოფელს:

შე, სულელო, იმ გემს კაპიტანი მართავდა, ამ ხარებს კი ზოგიერთივით რქიანიო.

ბატონებო, ვფიქრობ, მისახვედრებლად ვთქვი ყოველივე; რამდენი ძვირფასი დრო წაგართვით, მაგრამ დარწმუნებული ვარ, მთლად უშედეგოდ — არა, ვინაიდან დაბეჭითებით ვიცი, ისეთი მესვეური გვარგუნა უფალმა, მდინარის მიერ მოტაცებულ ბორანს გარიწკინებული ხილით დაგვიბრუნებს ხვალ-ზეგ და წიხლსაკრავ ხუხულებს — დვარეცი სკოლითო. იმდენი სიცოცხლე ჩვენ, რამდენიც კაპტო ლოგუას ნაწინასწარმეტყველებით ორ წელიწადში შემოაბიჯებს ოტობაიაში გაკრალებული ხილი თუ სამსართულიანი სკოლა-სასახლე, რომელსაც მოგვიანებით აფხაზები დანაცრავენ ორგზის და ჩვენებურებიც ორგზისვე განაახლებენ. ნაპო ბიძია ვერ მოესწრება მხოლოდ იმ ხიდზე გადავლას. თქვენთვისაც სავარაუდებელია, ალბათ, რომ პელაგია მიქახესგან შემობრუნებული, ჯალაღონიებთანაც ჩამოვმხდარვარ გვარიანხნობით. მას აქეთ კუნთხუოტობაიას შუკებში შემომიხეტებია სერგო როგავას მოხელთებული ჭიჭიკო სახალტუროდან.

გავმცდარვარ სეჟანიების სამოსახლოს, ქარით გადახრილ ეკვალბტების კორომს, გონიოსმაგვარ მოსახვევს, ბესელიას მობრუნებული ხომალდის ანძების შესაშურად დაქსელილ ელექტროქვესადგურს;

გავმცდარვარ მოსახვევს, სადაც ძაძუა ქმარ-შვილს მანქანაში ჩაუცხრიავენ ბიგვახეს და ოტობაიელი დედა ნეკათითს ჩაატანს მემკვიდრეს სამარეში, რათა ზუგდიდის ბაზართან აღასრულოს სამართალი;

გავმცდარვარ ბოკუჩავეებს, რატიების სამკვიდრობელს, ბერანძეებს, საალფენიძეოს, ვიტალის კარგამოხშულ ეზო-მამულს.

სასაფლაოსთან ჩამოვქვეითდები. მაშველ რგოლებად მომეგებებიან მიხეილ ფეტელავას განსასვენებელი, მარი ჯალაღონხესა და თომა გელენავას სავანე, ხერიკო პაპასჭუას, რენცო ბახტანძის, ნოჩო თაკალანძის სამკვიდრობელი და როდესაც ნაპო ბიძიას ვერცხლისფრად შეღებულ მოაჯირებს მივაჩერდები, არ აზვირთდება ეს აივანი გინესის წიგნში შესატანი ხველებით, მხრებჩამოყრილი ქვეითად გავუდგები გზას შინისკენ.

...აჰა, ოთხსაათიანი მუსიაფით მოაჩერებულა სული გელენახესთან; ნაყლურწია დუჟინი სირჩა მსხლის არაყი, ხანძარი წაკიდებია დასალიერს, ჩანაცრებულა, ჩანამჭერებულა.

გაცისკროვნებული თვალებით, ეთერ დეიც აქ მოკალათებულა, გამლილ სუფრასთან, ოდეს მამლები ვახშმისპირულს დასცხებენ და ღამე დილის საარისკენ გადაიზნიქება; როცა ჩამოტარებულია „ცისკრის“ ნომრები დაწუნებული მწერლობის გასაბათილებლად; როდესაც მთელი სამოხიო, სიმღერა-სიმღერით აღმა მიუყვება იაშა ამორტიას, ქანქანესას, მოძახილს, შენ კი ეთერ დეის მიაცილებ გადატიხრულ ეზომდე.

ეს ყველაფერი ამირანის წყალობაა. მის ქორწილში არლენ ელიავა თამადაობდა, მოპასუხედ კი აბელ ჯალაღონიას დაუყენებენ. მაშინ ეზო ჯერ კიდევ მთლიანია, ვრცეული, ცხენისგასაჭენებელი, გადაახასხსებული და ზურგდახავსული ხეხილით დარაზმული.

ამირანს აქა-იქ ემდურთან სამოხიოში და შესაძლოა პურობა უცხვირპირო გამოდგეს, მაგრამ როცა ქორწილის დღეს ნაპო წაღდუნას დასწვდება და სარების წათლას შეუდგება, უბრაოდ მყოფი მეზობლები უსიტყვოდ დატრიალდებიან. თავად ქორწილი კი ჩინებულად ჩაივლის. ძუძუმტე ვერცხლისწყალივით დაგორავს სეფაში, ბილბაშ ბიძიას ქომავობს.

ზამთარია ოტობაიაში. შეთრთვილულია არემიდამო. ამისთანა შემთხვევისათვის ჩვენეული ტრადიციული სუფრისწყობა მოიკოჭლებს რამდენადმე კახურთან, გნებავთ — იმერულთან, ვინაიდან სამეგრელოში ცხელი კერძი მხოლოდ ღომი შემოდის და კიდევ — ენა-სასის ამგლესავი ცხარედ შეკმაზული კუჭმაჭი; იქით კი, აღმოსავლეთში, არათუ ქორწილში, თვით — ქელეხშიც, ყოველი სადღეგრძელოს შემდეგ ცხელ-ცხელი კერძის ქარავნებია.

ნუ გადამაშლევინებთ ახლა კულინარიული ცოდნის არსენალს შემჩატებული სტომაქის ჭირისუფლებისთვის! ხოდა, მიუზრბენინებს გახურებულ აგურებს ბიძიას გაცივებული ფეხების დასათბუნებლად ძუძუმტე, ძველმანებში შეფუთნილს თვალის ასახვევად, მაგრამ დისშვილის სიკეთეს იუკადრისებს აბელი:

— ონჯლორე რე ბიძია!* — ეტყვის დინჯად, აკოცებს შუბლზე და გაწბილებულს გაისტუმრებს უკან.

ხოდა, ეს ეზო გადატიხრულია ახლაც გავლენიანი ქალების შემწე-ობით. მხოლოდ დრო-ჟამი აღადგენს ოდინდელ კანონზომიერებას: შურობუმუდან პირველი გამობუნძურების მერმე უკლებლივ აიკრიფება ის მავთულბადე, — ვილაც ღვთისნიერი გააყოლებს ხელს და შემდგომ ოტებულებს ვინ მიაშავებს მისი აღდგენის სახსარ-ლონეს?

პირველი სიტყვის თქმა, საქმეში დასწრება, ნაპო ხუფენიას ზღვისგან ნასწავლი სიბრძნეა, ოდეს ფართე ქამარში სახელურით კალისტრაგაყრ-ილი გააღწევს ნაპირს ათიოდე საათში თმაგათეთრებული.

თამაშუქ მარღანიას სატირალზე ცხელი წყლის უქონლობის გამო, ყიამეთში, მამაკაცები კი არა ქალებიც იუკადრისებენ ნახმარი ჭურჭლის გარეცხვას. წაიკაპიწებს მკლავს ნაპო ბიძია და როცა ღრმა თეფშს დას-წვდება გასაკრიალეზლად, დაბზრილდება დიდ-პატარა.

დაისხომებს ამ სცენას თამაშუქ მარღანიას შუათანა შვილიშვილი, სამხედრო სამსახურიდან ახალ დემობილიზებული რეზო, და ნაპო ბიძიას გასვენების დღეებში არავის გააკარებს სამი ათასი საინის გაღვარწყალებას. ასეთია ჩემებურების ყსმათი ოთხივ კუთხით.

ვუახლოვდებით ეთერ დეი, თვალეზბრიალა ნინო და მე ორი წლით უნახავ ჭიშკარს. ოდესლაც ერთ პორტალს მარჩბივის დარად უბარტყა. ამათ თავიანთი შესასვლელი აქვთ, ამირანს — თავისი.

არ მეგონა რამე თუ მოერეოდა ნაპო ბიძიას, კაცს, რომელსაც შვიდი წელიწადი უტივტივი ზღვაში, ტყვიების წვიმასა და ტალღების გრაგნილებში; ნიკოტინს ფუთობით რომ გადაიტარებს ფილტვებში; ყოველდღიურად ათობით კილომეტრს რომ გადასერავს სისხამ-შუადღე-შებინდებულზე, მაგრამ ყოფილა ადამიანის გამანადგურებელი განზომილება, რომელიც სულის უმთავრეს ცხრაკლიტულშია გადანახული თურმე და საკმარისია იმ სიდიდეს რაიმე საფრთხე დაემუქროს, მსწრაფლ დანაცრდები შენც. ამნაირი პარამეტრი კი ნაპო ბიძიასთვის, როგორც უმეტესი მშობლისთვის, შვილის უბედურება გამოდგება — ზემორე გაკვრით მოხმობილი ძუძუმტეს ავტოკატასტროფა, და რადგანაც მისი პორტრეტის მოხაზვის შესაძლებ-ლობაა, მენდეთ, უკეთეს დრო-ალაგს, ვერც შევირჩევ.

ჩამომართმევს თუ არა ესტაფეტას კომკავშირული ხაზით ბრიკეტა, შენი კავეენები თუ პროჟექტორები დავიწყებას მიეცემა.

რაზმეულებს შექმნის დაორმოვებული შუკების შესაკეთებლად. ველოსიპედი ხომ ისედაც მის ხელთაა, მთელს სოფელს დაუვლის თავიდან ბოლომდე. სადაც საქმის დამში მოყვანა ვერ მოხერხდება, დავალების ვერშემსრუ-ლებელი კომკავშირის რიგებიდან გარიცხვის ქანდარაზე შემოსკუპდება.

ჩვენ ახლა გვეცინება ამ ყბედია ორგანიზაციაზე, მაგრამ ხალხისთვის სიკეთის მოტანა თუ შეუძლია, გნებავთ ბელზებელთა ასოციაცია დარქმევია, ოლონდ გაჭირვებულთა თანადგომას გაუხსნას გზა-შარა. აკი, ფაუსტიც განაცხადებს ერთგან: მე ის ძალა ვარ, ბოროტს რომ ეყრდნობა და სიკეთეს მოიმოქმედებსო.

მომიტევენ ახლა გოეთეს გენიალური პოემის მთარგმნელები, გერმანულად თუ გამომიფრიალ-

დება თავიდან დასახელებული სტრიქონები, ესეც გასაგებად ჩამომერთმევა, მით უფრო — საოჯახო ბიბლიოთეკა დანაცრულს; პლუს ყოველივეს რამდენიმე წელიწადს წიგნების ფულით სულგამოდ-წეული შვილების მშობელს. მაგრამ მგონი მთავარი მარგანიზებული ძარღვი შეენიშნეთ ძუძუმტეს საზოგადოებასთან შეხებისას.

ნადე დგეუბაძე გეხსომებათ, მამია ბარიტონის მამიდა, ცქრიალა სამანას, სექანიების რძლის დიდ-ბებია, მოლაყუნე არდას და მისი ხმაწკრიალა ყოყოჩიას მოგვარე?! ხოდა, დგეუბების დედაბერთან ამ ჩემს სოლო ვიზიტებს ძუძუმტე ქოროდ გადააქცევს: მორიგეობას დაუწესებს მის უპატრონო ეზო-კარს, მის მიხრწნილ ქვეშაგებს, ჟანგით გაჯერებულ სამუშაო იარაღს თუ ობმოკიდებულ ჭურჭელს. შეშა დაბალ სვეტებქვეშ დალაგდება, სადაც პოლიას სასადილოს წყალობით მუცლის გვრემათე-ხილი მაწანწალა ძაღლები აფარებენ ხოლმე თავს.

იმ შემას აქა-იქ მაღაზიის დარაჯები ააწაპნიან ხოლმე. ამასაც არ კმარობენ ისინი და მარყუჟიანი ჯოხით გისოსებიანი ფანჯრიდან კონიაკებს და არაყს იპარავენ ოსტატურად, მაგრამ შემის მარაგის ასეთი განიამამაჩემი მისი ნაბიჯების დიდი მოყურადეა თურმე. თავად არასდროს, მაგრამ უფროს კოლეგას უთქვამს მოგვიანებით, რომ ხელმოკლე სტუდენტს ხშირად მეხმარებოდა ხოლმე ფინანსურად.

მოსკოვში ჟურნალისტიკას ეუფლება. ინგლისურსა და გერმანულში ხან ზვიგენივით ცურავს, ხანაც — დელფინივით. საგაზეთო სტატიების მეფეა. ეს-ეს არის მომცრო პოეტური კრებულიც გამოუცია, „ალიონის“ სახელწოდებით. მერე და წარმოიდგინეთ, ვინ ულოცავს გზას, თვით გიორგი ლეონიძე, გოგლა, — „ყოვალის პაემანისა“ და შიგნიდანვე შხამით გამომწვარი მარტოხე „ოლეს“ შემოქმედი. ჰოდა, დაუდე გული ახლა ზაირა გითოლენდიას ბიოლოგიას და მიეცი საბაბი მშობლებს სამედიცინო სასწავლებელში განსამწესებლად! მიდი და არ უხსენო ლამის თანატოლ ქალწულს: შენს გაკვეთილებს იმიტომაც ვერ ვითვისებ, ნაკლები თვალსაჩინობააო, და მეცადი-ნეობის ჩამშლელი ფიანდაზად გაეგები ონერ ზანთარაიას შეუდარებელ ალიყურებს, ერთ ყბაზე რომ მოგილაწუნებს, მიიტაცებს მარჯვენა ყურს, შემოუვლის კეფას, შემოწერს ნახევარწერს და თითების კონცხებით მერე ყურის ნიჟარის ღრმულობს ააგუგუნებს კვირის სამყოფად. მაგრამ თავს ზემოთ ძალა არ არის, მით უფრო, როდესაც ორბორტიანი კოსტუმით აღკაზმული ვიტალი შენი ახალ-თახალი ზალის სტუმარია, თორმეტიოდე ადამიანი თავმოყრილა — აფხაზეთის სააფთიაქო სამმართველოს უფროსის, შოთა ქირთბაიას მწყაზარი ლეილა, იპოლიტე ქირთბაიას მზიანა თუ სხვანი და სხვანი.

სუფრა, ცხადია, სამაჰანკლოა და ამას ქვეტექსტებით ამჟღავნებენ შიგადაშიგ, მაგრამ ოტობა-იელი ჯონ რიდის პროფილს ბევრი მისჩერებია შინ თუ გარეთ. გვარ-სახელების ჩამოთვლა სახამუშოა ნაწარმოების დოკუმენტურობის გამო, თუმცა დავსძენთ, რამდენიმე წლის მერმე ყველას ბაბუაჩემის ბიძაშვილი ბართლომე გადაუჯოკრავს და შეიკვრება კიდეც ამ ორი გვარის ერთიანობა, უხანე-ურდუს გონების მოსაწამლად ხელოვნების მწვერვალების დალაშქრის გზაზე.

გაივლის რამდენიმე წელიწადი და კაგებე ლინას მხოლოდშობილი თენგოს გენიოსობებზე ვაგონებით ჩამობაქანდება შექსპირული ტრაგედიის ფლატეები: მაცი ხვითიაზე პიესა შეუქმნია ჩემი ცოდვით სავსეს და მეც სისხლი მიყვივებს ძარღვებში. ასახვის ობიექტი ხომ არენაზეა დამრიგებლის უკარება ასულის სახით. გულისმურაზი მასწავლებელიც მხარში მიდგას ხორაც-ოსავით — პლატონ თაკლანძე, იგივე პუჭიკო, კვირაში ორათეულ ლექსს რომ ხარშავს რუსული განსწავლულობით გაკრიალებულ ცნობიერების ქვაბში.

ეხ, მოვარდება მოგვიანებით მესამე მერე-მეხი — ხომეროსი, მაგრამ ამიერიდან ჩემი შეჩერება დაგვიანებულია სავსებით.

საიდან სად გამექცევა სიტყვა?! აგერ ვართ ჯინჯოლავებ-ბერულავებ-ხუფენიების ტორტილა ფლეტში. ოთარი სამჯერ გარბის გარეთ ფანჯატურიანი ტელეფონისკენ. დორონინას ტყუპისცალი გამოუჭერია — ვინმე კურცხალხე. 31-60-71. ყველამ ზეპირად ვიცით ამ ტელეფონის ასავალ-დასავლისა, ვინაიდან იქ ჩემი ერთი ციფრიც ურევია — 6 — ჩემი სიმბოლო საერთოდ, ჩემი დაბადების დღის ეკვივალენტი, და როგორც ადრე აღმინიშნავს — ბედისწერა ჩემი მერკურთან მიმართებაში.

გვიანობით სიგარეტისთვის გავა გარეთ ვარჯიშობებს შეგიჟებული ძუძუმტე. ჩამოვილის ოთხი.

— ქართველს შხამს როგორ დაგიკავებთო, — დაანუგეშებენ და აქ ოთხივეს ყბები დაეღეწება ძალუმად. ხმაურზე გამოვცვივდებით. ოცლაყ ბერულავას ბაბუას ჟანგიანი მაუზერი უშიშვლებია და იმნაირად მისდევს დაბეგვილებს, თითქოს დაზარალებული ჩვენიანი იყოს. მერე გამოჩნდება კაგებე ლინა და სათადარიგო კარით გავცქვარუნდები კვალის დაუტოვებლად. დასწყევლოს ლოთის რეპუტაცია, ღმერთმა! თვეში ოთხგზის მიწვევს დალევა, ისიც ხა და ხა ათი ლიტრი, როცა ესენი

ყოველდღიურად ფუთობით ნთქავენ ჰერეთ-ალჟირულს, მაგრამ რადგანაც ჯიშით მომსდგამს ალკოხოლისკენ მიდრეკილება, ამათი დამღუპველი მქვია და სულელი ვარ ყულფში თავი საკუთარი ნებით გავყო?!
უბედურების დღეც შემზადდება. გადასასვლელთან გამოქანებულ ტაქსს დალანდავს ძუძუმტე — AAI 02-68: წინმდგომ გოგონას აიტაცებს, გადაისვრის მანქანიდან, სისწრაფეში მეტს ვერ მოახერხებს, „ვოლგის“ ფართუკს ჩაეჭიდება თითებით და ასე გაათრევენებს თავს რამდენიმე ათეულ მეტრზე.

ქუსლები გადაყვლივია. ხერხემალი დაზიანებია, საჯიშეები დაწვრილებია. ამის თაობაზე გვითქვამს და არ გავმეორდებით, მაგრამ მთავარი ის გახლავთ, რომ გადარჩენილი ქეთი ფურცელაძე იშვიათი შესახედაო- ბის აღმოჩნდება, ანტონის მოგვარე, ჩემი მეორე გამგეყვბლის პერსონაჟის მერომანეს ფესვი.

დამშვიდდება ყველაფერი თითქოს. დიდხანს უმაღავენ ნაპო ხუფენიას ვაჟიშვილის ბედისწერას, მაგრამ ინფორმაცია მაინც გაჟონავს საიდანდაც, და თბილისს ცახცახით ჩაღწეული, როცა შემკვიდრის საცოდაობას იხილავს, კედელს მიურახუნებს თავს ძმისშვილის მსგავსად.

ჩამობრუნდება ოტობაიაში, დაჭიმული, გალანდული. მუდამ გაპარსულს ხელი არ მისდის სამართებლისკენ. მოციციქნის ლუქმას, მსხლის არაყსაც იგუნებებს აქა-იქ, ხველებით კი ძველებურად ბურღავს სამოხიოს ყურთასმენას ოთხივ კუთხით და ვიდრე შვილი ჩამოსვლია ოჯახში, ჩამოუჭროლებს დამბლა, ტყვიით მომტვრეულ ფრთასავით ჩამოეკიდება მარჯვენა ხელ-ფეხი. თუმცა ჯერ ნუგეში წინ არის — მოსკოვიდან მოსაბრუნებელი ძუძუმტეს გამოჩენა — და ახა, ბრიკეტაც მოახლოვებია ოტობაიას.

კასტელებს თავი გამოუყვია უკანა ფანჯრიდან. ამირანის „ჟიგულით“ მოდის. ორმაგი სიდუხჭირე უკმაყოფილებას მიაფუჩჩებს, თუმცა გავლებული ღობის თუ და გაორებული ჭიშკრის აკრეფას მაინც ვერაფრით შეძლებს..

აჩერებენ გზა-გზა. ულოცავენ გადარჩენას ქუჩის მარჯვენა თუ მარცხენა ჭიშკრებიდან დაძრული მეზობლები. მორღუსთანაც შეყვინდება, ცხადია. ცხარე ცრემლებიგან იხრჩობა ისედაც გულჩვილი გელენახე. კოცნის საკუთარზე არანაკლებ საყვარელს და თანაც გაუგონარი ზღუქუნით ამას ეხვეწება:

— ქოიცორქდა, ართ მაჭუკ ვარა გეგნაქათი, სქუა.*

იცის ძუძუმტემ მაჭუკი რაც არის, იგივე კასტელი, ყვარჯენი ქართულად, მისაკ ჭანია რომ დააჭრაჭუნებდა და კიდეც — ბოჯო ახალაია.

მეტს ვერ გაუძლებს ძუძუმტე, ავაზას ბეწვივით მბზინვარეს იქვე, გალიბლიპებულ დეღეში მოისვრის. ხელს არავინ ახლებს იმას მერმე. მიივიწყებენ. იხვები უმღვრევენ გაანკარებულ სილუეტს. ლიფსიტები ამაოდ ეხვევიან თავზე, წურბელებიც გაუჭდებიან ფულურო ძვალში და წლისთავზე, გაგანია ზაფხულში ძმები რომ დაიწყებენ თხრილის ამოსუფთავებას, ისეთი ჟანგინი ამოხყვება ნიჩაბს, ვერავინ დაიჭერებს ძუძუმტეს გადაგდებული ყვარჯენიაო, მოსკოვში რიურეკ კაკუბავას მიერ საგანგებოდ შექმნილი, ძვირადღირებული, გერმანული წარმოებისა სხვათა შორის.

მეორე ყვარჯენის გადაგდება ძუძუმტეს ზედ ჭიშკართან მოუწევს. ორივე მოხერხებულად ნიღბავს, რომ ერთმანეთისკენ ხელგამლილად სირბილი აღარ შეუძლიათ. სვეტს მიყრდნობია სალი მარცხენათი და მტკივანი მარჯვენა ღამის ქარმა აუფრიალოს.

მარო ლურწყაიხე მანქანიდან წვალებით გადმოსულ ბრიკეტას ყურში უჩურჩულებს:

— ქიდამბალე მაჭუკი ღორონთ ქორწანსდა,* — ეტყვის და რა ჩარაა.

მხარში ამოუდგებიან. საკუთარი ფეხით გაატარებენ განახევრებულ, დახვერდებულ მინდორზე. მცირდება ნაბიჯები ნაპო ხუფენიასკენ და ოდეს ერთმანეთს გადაეკონება მამა-შვილი, მოგუდული ქვითინი მოდიდებული ენგურავით ჩაშრიალდება აივნის გასწვრივ.

მას აქეთ რამდენიმეჯერ იცვლის ზნეობას წელიწადი. მოაკითხავენ ძუძუმტეს ფურცელაძეები მწყაზარი ასულითურთ, სიძეობას სთხოვენ, მაგრამ ოთარი ხორბლისფერი სატრფოს ერთგულია.

ცოტაც და ჩვენს სამეზობლოში სამუდამოდ ჩაქრება გინესის წიგნში შესატანი ნაპო ბიძიას ხველება.

მათ შუკასთან მთელი ქუჩის გაყოლებაზე გაიჭიმება ადამიანების ცოცხალი რიგი. ხელზე ატატებულს წაასვენებენ ჩვენთვის საკმაოდ ცნობილი ადგილისკენ და მარადისის სუნთქვას შეუერთდება კიდეც ერთი მამულიშვილის პატიოსანი მეობა. ჩაუხვევს პროცესია შუკის თავიდან, იმ გონიოსმაგვარ გასაყართან მანქანების სამწყება კოლონის შესაყოვნებლად, თითქოს ულაგბაუმი ჩამოუშვიათო. დამტირებელთა საწყისი შაკუ ქირთბაიას კინოთეატრთან რომ ინაკვთება, ბოლო ჯერაც

ვერ გაღწეულა განახევრებული ეზოდან. ტრიფოლიატას ტოტებით დაჯავშნულ ხის ჭიშკართან, გულხელდაკრეფილი ცუცა და ლუბაშა დგანან.

გეორგინების სისხლია ყოველ ნაბიჯზე. სასახლეს მარჯვენა მხრით შევდგომივარ. ვერავინ წამართმევს ამ ტვირთს დანიშნულ ადგილამდე.

ფეხდაფეხ მომსდევნ მოვიშვიშე ქალები, რაჟიკო ხუბუას მითხოვილი ლოყბდაკაწრული და — ველიო, ბიძაშვილ-მამიდაშვილები. სანთელივით გაცვილისფრებულ ეთერ დეის კი ილლიაში შესდგომია ძუძუმტე. მამისთვის ხელს ვერაფრით შეახებინებენ.

— საოცრად თბილი იყო მუდამ და მისი ქვაყინულოვანი სიცივე სამუდამოდ წამართმევდა მამასო, — თავს იმართლებს მოგვიანებით ძუძუმტე.

მე კი თავად გავაპატიოსნებ ბაბაჩიას და მიცვალებულისადმი რიდს თუ გლოვას იქ დაგასრულე.

პროცესიაზე საერთოდ მთელი რომანი დაიწერება. აქ უკეთესად ჩანს ადამიანთა სახეები, მანამდე შენიღბული თუ დაგრიმასებული, უტყუარი სარკიდან არეკლილივით კამკამებს.

ოთარი სეფიდან რომ გააძევენს გაღეშოლ მოგვარეს, სიტყვებით: „როდის იყო ხუფენია ქელეხში გამოტყვრებოდაო“, ზოგი ვერ გაუგებს, მაგრამ ჩემთვის ცასავით ნათელი ხდება: ღმერთად შერაცხული მშობლის სახელს ძუძუმტე არავის მიუგდებს ფეხქვეშ გასათელად.

ახლაც ყურში ჩამესმის მისი ათრთოლებული ხმა ზურგს უკან:

— დედა, მამას არ წაჰყე!

მუდარაგარეული ეს კილო უმალ გელენახეს ამოატივტივებს ჩემში, ოდეს მამის გაცილებისა და ქელეხის შემდეგ, ციციქნა ოთახში მოვიჭუჭ-კებით. ყველას ღვიძავს, ცეროდენა დარიკოსაც კი და აქ ქვითინისა და კლარა ნარმანხესმიერი მოთქმის სანაცვლოდ თვალებს ამოგვიკოცნის გელენახე სათითაოდ, კრუხივით შემოგვიყუყუებს მკლავებში:

— ნურაფრის გეშინიათ, შვილებო, აგერ არ გყვართ! — ამასლა ჩურჩულებს და წაეწყობა მერე დღეები დღეებს.

— კოლხი ოთარაანთ ქვრივი! — ვასკვნი ჩემთვის.

უკან მობრუნების დროსაც ძუძუმტესა და ეთერ დეის სიახლოვეს მოვა- ბიჯებ და აწ ჯალალონხე უმწეო ცრემლის ფრქვევით ამოიგოდებს ერთს:

— მარტო არ უნდა დაგვეტოვებინა, ნანა!

ჭირის სუფრაც უცნაურია. თბილისელი უთვალავი საპატიო სტუმრის, მამის აურაცხელი მეგობრის თუ სოფლის მრავალრიცხოვანი დამფასებლის მოპასუხედ თავად ძუძუმტე დადგება. ღვინოსაც ბლომად შესვამს. ხოლო მოასვენებენ თუ არა მეორე სართულზე, აბელ ჯალალონია აგუგუნებულ ბუხართან დარჩება ოდინდელი ლაპლაპა „ტეტეთი“. ამოიღებს მჭდეს, ჩამოკენჭავს ტყვიებს, ისევ მუხტავს, თითქოს მუსულმანი კრიალონით ერთობაო.

— მოისვენეო, — ეტყვიან სახლეულები, მაგრამ თვალს რა მოახუჭვინებს აბელს?! აბზრიალებს ტეტეს, ალაპლაპებს ცხვირსახოცით და სულ ნაპო ბიძიას სიტყვები ჩაესმის ყურში:

— სქვამ რე, სქვამი, — ლამაზია, ლამაზია, რომ გაუქილიკებს იარაღს წლების წინათ ჩუბინობით თავმომწონე ცოლისძმას ნიშნის გაბედითების გამო. ცხადია, ნასაუბრებით ჩვენ ცვრისხელადაც ვერ ამოვსრუტავთ ოკეანე — შურობუმუს, ვინაიდან წინ მრავალზე მრავალი ჭირთათმენაა კვლავაც. აქ პირობითი საზღვრის გავლებაც შეიძლებოდა წამით — ბუნობისმაგვარი, თუმცა ვინაიდან წელიწადს თავისი კანონზომიერებანი აფერციაგებს, უკეთ პლანეტა დედამიწის ოცდაათკილომეტრიან ფრენას წამში მზის გარშემო, ათასწლეულები რომ აფიქსირებენ ქურუმები შუამდინარეთ-ეგვიპტე-კოლხეთისა, არაფერი დაშავდება — ერთგვარ გადასასვლელ ხიდს გავსდებდეთ აღქმულ სინამდვილესა და განსაცდელს შორის: რამდენადაც მკაცრი პერიოდი შერჩეულა ჩვენი თვითმყოფადი მეობის წარმოსაჩენად, იმდენად მცხუნვარე დღეებია მოსალოდნელი წავგვრილი, გათელილი თავისთავადობის გასაცნობიერებლად. ასე თუ ისე, ხან სევდით, ხანაც — გულისტკივილით შეგვისისხლხორცებია ჩვენებურების განუმეორებელი ხასიათები, ამიტომაც თამამად შემოძლია „სუფევის“ მრავალწინგულს ჟანრობრივად ფოლკსრომანი დავარქვა, რომლის შემოქმედი ხალხია, ჩემი შურობუმუს მკვიდრი ათასწლეულებიდან; ჯერ კიდევ მანამ, ვიდრე ენგური კავკასიონიდან დაეშვებოდეს, ხიპერბოლურად, გამგონესთვის, ჩვენი ძირძველი კოლხის ჭიში და ჯილაგი, ოტობაიელებში განივთებული, განსულეიერებული და გამობრწყინებული ათას სახე-იერად და თუ მისი მამოძრავებელი იმპულსი ძუძუმტეებია აქა-იქ, ლამის მარჩბივი ძველქართულით, განა დაბადებულა ოდნავ თავმისაყრდნობი ნაწარმოები, რომელსაც რაიმე კანონზომიერება, რაიმე არტახი თუ ულო არ კრავდეს გაუფანტველობის თვალსაზრისით?!

ჯერ კიდევ თხზულების კარიბჭესთან მთვარიანში ნაპო ბიძიას ნაყანარში აჭრილ სიმინდებს ქამრებად მაფატიები შემოსჭერია, რათა მერმე ჭოლოკებით ადვილად აიტაცონ ხაერში ტოტებზე ჩამოსაკონწიალებლად. ხოდა, ისეთ უპრეტენზიო მცენარეს, რომელსაც პირუტყვი იშვიათად ეტანება ხალისით, თუკი სჭირვებია შემკონავი ძალა, ნაწარმოებს — მით უმეტეს.

ეს მეთოდიკა არც მომავალში განელდება იოტისოდენად, ვინაიდან იშვიათია ღონისძიება აფხაზეთში, სადაც ძუძუმტეს ჩემთვის არ ჩაესწროს, ან — პირიქით.

ორი კუთხიდან შეგვიხედავს ერთი და იმავე მოვლენა-ვითარებისთვის: როცა ერთი სანგრებში დაიარება, შიმშილით მისავათებულ პენსიონრებს არსებობის მცირე საშუალებას უწილადებს მეორე; როცა მასიელი პარლამენტარებთან არკვევს პოზიციებს, ძმადნაფიც მწერლებთან ალაღმართლად ამოიფერ თხავს გულს მომავლის უპერსპექტივობით შეშფოთებული სექტემბრელი, მაგრამ მოსალოდნელია „მეიროხანში“, „ფადა ასსა“ თუ სხვაგან მეტის ცხოველმყოფელობით წარმოჩინდნენ უშუალოდ სიტუაციის გამირები, თუნდაც სოსო ელიავა — აფხაზურ-ქართული ომის კომპიუტერული გონება, ნოჩო ფაცურიას შვილიშვილი დედის მხრიდან, თუ წვერმოკვეცილი ვასილ ფეტელავას დასტაქარი უფროსი მოთა ვალერი, დღეს — ღამეს რომ გადააბამს დაჭრილების თავსათუმალთან; არც ნეიროქირურგი ნაპო მესხიას მენცარული ბუნება დაგვაიწყდება გზადაგზა და აღარც — პარლამენტარ ჯემალ გამახარიას უტეხი ხასიათი; ნაბიჯ-ნაბიჯ უამრავ მოკეთეს მიეგება პატივი პრინციპით: კეისარს კეისრისა და ღმერთს — ღმერთისა, ჯერ კიდევ მაჭარივით მბორგავს ჩემში.

ოტობაიაში კი ისევ ყვიან მამლები; ისევ აბზენენ კბილებს უყანგავი მავთულბადის ღობეებს ადევნებული ქოფაკები; ისევ მიზოზინებენ ლევანის მინდვრისკენ ჩემი სამოხიოელების კამეჩები; ისევ დაკუნტრუშობენ განმუ-ხურ-ნაკარღალის თუ ხურჩა-ნაბაკევის ტრამალებზე სერაპიონის უფროსი ვაჟის, ბაგეკბილწამტვრეული, ნაცხაცხელი ვახტანგ ხუფენიას ცხენების თვალწინ ფაშატკვიციები; ძველებუ-რად ამოდის კვამლი ბუხრების ყლიდან; ჭრიალებენ ოწინარები კერამიკის თუ ბეტონის გვიმების თავზე და იჭირხლება მთვარისგან ყველგამოსახული ზანთარაიების ღელე; ძველებურად მეჭუჭლუნება უცოლობაზე დაბამებულით გაგვაჯული გელენახე; ძველებურად ამღერებენ ნარდს იაშა აშორტია, ქანქანესა და ნოდარ გამსახურდია ამ უკანასკნელის წყლით გასატიკნად ან „კოლხეთის“ თუ „კოსმოსის“ ღერების დასაცინცლად; ადრინდელივით ამოდის მზე ჩვენი ოჯახისთვის დასავლეთიდან და ჩაესვენება აღმოსავლეთით; კვლავინდებურად მიქილიკებს ბუტიაობის პერიოდში გამოგზავნილ ამანათებს გელენახე, სამახარობლოს რომ მოსთხოვს თავიდან თამშუქ მარღანის ენამოკიდებული ვახტანგი, მაგრამ იქიდან ჰომეროს-დანტეები და შექსპირ-გოეთენი რომ ამონათებენ, თავს ჩალუნავს, შარვლის ტოტს წინდაში ჩაიტნევს, მოაჯდება ჭიშკარზე მიყუდებულ ველოსიპედს და უტევს მორიგი ბარათის თუ დეპეშის ჩამოსარიგებლად. დიახ, სამშობლოს ზედმიწევნით შეტკობობა თუ გწადია, იანვარში მიაკითხე მის გადაბროლილ სანახებს, იანვარში მოისაკლისე დედუღეთის იისფერი ლაჟვარდების უსამნობა, იანუისის თვეში იცოტავე გაძვალულ ძეძვებში შაშვების გაჭახჭახება და ზღვაურის ამობერტყილი ღრუბლების მოჭარება შურობუმუს ჭირთამძლე ცაზე.

1997 წ.

მეიროზანი

მართუ კირველი

ამინ, უკვდავება შენი!

დიახ, ნაბდით დაჭედული ბედაურებით ჩაიჭროლებენ ცხრაასოთხმოცდაცამეტი... თოთხმეტი... თხუთმეტი... თექვსმეტი... ჩაიჭროლებენ კბილების ღრჭიალით, პოლიტიკური ბატალიებით; მრავალ უმწეო მზერას და უნუგეზოდ გაწვდილი ხელის სევდას გაიყოლებენ თან... საკუთარ მიწა-წყალს მოწყვეტილი 300 ათასი ქართველის სიმწრის ოფლის ნიაღვარში მივტოპავთ ჭერაც. ძახველივით ანათებს აქა-იქ მშობლიურ კერას მალულად მიბრუნებული თვისტომის მკერდიდან გულბოროტი მტრის ხელით გადმომსკდარი სისხლი.

მძევლები... მძევლები... პოტენციურ მძევლად ორმოცდაათი ათასი სამურზაყანოელი. საშველი კი მაინც არსაიდან ჩანს. არც გვირახის ბოლოს კიანთებს რაიმე ნაფლეთი შუქ-ნათლისა. ამ ოთხი წელიწადის მანძილზე რამდენიმე ათეული კაცილა მიუბრუნდება კონსტიტუციურად მამულს თავისას ლტოლვილთა დივიზიონიდან. თანაც გაურკვეველია ჭეროვნად, რომელ მაცილს გადაუშლოცავთ მათ სვეს, მათ ბედ-იღბალს. მივაბიჭებთ შემკვრივებულ წკვარამში, ისე რომ, თვალთან თითის მიტანა ჭირს და არც ხავსი ილანდება სადმე ხელჩასაჭიდ ბოლო ნუგეზად, მაგრამ გაუტეხელია ქართველის ნება: როგორც ორაგულები ესწრაფ-ვიან მშობლიურ მდინარეთა ძვირფას სათავეებს უფრო ჯანსაღი შთამომავლობის გასაგრძელებლად, ისე კუნაპეტი ღამიდან ფურკამეჩ-შებმული ურმებით, ჯაგლაგცხენიანი საზიდრებით, ურიკების ყანყალ-ჭრიალით, მიედინება და მიედინება პრეისტორიული სისხლი ივარქმნილი ნაფუძრებისკენ.

იციან, დიბა-ფარჩებითა და ჭეჭიმებით იქ მათ არავინ შეეგებება: პარტიზანთაგან დახოცილი ყოველი სეპარატისტის სანაცვლოდ ათი მშვიდობიანი ქართველის სიცოცხლეა სასწორის პინაზე შეგდებული, მაგრამ იოანე ზოსიმესი არ იყოს, უკვდავია გეორგიანელის სული, და შენი ეკლიანი გზებით, იარე ღვთისმშობლის წილმხვდომილო ქვეყანავ! შენი ბილიკ-წავარნა ათადან და ბაბადან მოყოლებული ორ ურჩხულს შორის წაკლაკნილი ვიწრობია ჰგავს ფეხშიშველა მგზავრისთვის დაკბილული და გათარანებული უსაზმოდ...

მეკითხებიან ოტობაიელები — თანასოფლელები ჩემნი — გური ოტობაიას:

— სადაც არის ხუთი წელიწადი მიიწურება, რაც მამის საფლავი არ მოგინახულებია, საკუთარ მამულში არ გაგივლია. აფხაზი სეპარატისტები რომ ბობოქრობდნენ, ჰო, საშიში იყო შემოსვლა, საფრთხილო, მაგრამ ახლა, როცა ყველაფერი მიწყნარებულა და განმუხურის ხილით ორი „პაზი-კიც“ კი დიაირება ჩვენსას, მშობელი ხალხის სატკივრებს რისთვის გაურბიხარო, — და ამისთანა მიამიტებისთვის ყოველთვის ხელთა მაქვს მათეს შეგონება: ნუცა დაუგებთ მარგალიტსა თქვენსა წინაშე ღორთა, რამეთუ გათელონ ფეხით და წაბილწონ დინგითა იგი. ესეც რომ არა, გური ოტობაია, რუსეთის მიერ ოკუპირებულ სამშობლოში, ან იარალით უნდა შევიდეს, ან კიდევ — კანონის ძალით. სხვა მხრივ, მალულად, იჩქითად ცრემლს ვერ დააპკურებს მამის უკაცრიელ საფლავს; მანამდე კი იგი იბრძვის სიტყვით და როგორია პაექრობა ესე, გზადაგზა თავად განსაჭეთ: მოკლედ, წინ, ქართული ჯილაგის აღსაზევებლად ჭიშო, ჩემო! წინ, უდაბნოში აბსტრაქტულ მოსეს ადევნებულო მრევლო! წინ, ქანაანისკენ და საუკუნო სასუფევლისკენ! ჩემი სული ცისფერი ოაზისია წყურვილით დაშაშრულ შენს ბაგეთათვის! ჩემი სული სავანეა უძილობით ჩადაისებულ თვალთათვის შენთა! ჩემი სული კვარცხლბეკია საუკუნის უღელტეხილებში ნაწრთობი შენი სხეულისთვის! ჩემი სული ბუდეა შენი ყაშყაშა მართველების ასაფრენი!

მაშ, წინ და მხოლოდ წინ, მამულო ჩემო! სხვა საშველი ისედაც არსაიდან ფაჩუნობს სცილას და ქარიბდას შორის მიმავალი მარადიული მგზავრისათვის! მაშ, წინ, წინ და მხოლოდ წინ, საკუთარ სისუსტეებზე გადაბიჭებით, საკუთარ ტკივილებზე გამარჯვებით და ამინ, ამინ უკვდავება შენი, დედა საქართველოვ!

რეანიმაციული სამი წელიწადის შედეგ

აპერიოდული გაზეთი „ოდოია“ რეანიმაციული ოცდათექვსმეტი თვის შემდეგ თავაწეული ეთხოვება სიცოცხლეს ჟურნალ „კირბისის“ სასარგებლოდ, პრინციპით: „კეისარს — კეისრისა და ღმერთს — ღმერთისა“.

საქმე ის გახლავთ, რომ ეფემერული სპონსორობის იმედით „ოდოიას“ ერთადერთი ნომრის გამოცემადა მოხერხდება.

წინდებული პუბლიკაცია ფაქტობრივად ჩვენი მომავალი საქმიანობის პროლოგ-ეპილოგია. ცხადია, დაცულია „ოდოიას“ პირველი ნომრის პრინციპების გენეტიკური მემკვიდრეობა, თუმცა საწუთრო შავ-თეთრი ტილოებით გაძევილა და მკითხველი საზოგადოებაც გაგებით მოეკიდება, ალბათ, იმ აზრს, რომ საგაზეთო ჯიხურებში არასოდეს გამოჩნდება იგი ახალი აღთქმის შეგონებისამებრ: „არის ქვების შეგროვების და არის ქვების სროლის დრო“. და რადგანაც „ოდოია“ ვერ შეძლებს მრავალი ორგანიზაციული საკითხის მოგვარებას, ბუნებ- რივია, პერიოდული გაზეთის იერსახის უქონელი, ციციანათელას ელვარებით სიარულს არ ინებს.

უტრანსპორტო და უკავშირგაბმულო კოლხეთში საფოსტო მტრედებით მასალების მოძიება- მოხელთებაც, დაგვეთანხმებით, ერთობ გაჭირდება და, უდაბნოში გაჩენილ მდინარესავით უდაბნოშივე დაიშრიტება ოკეანეში ჩაულ- წვევლად.

„ოდოიას“ მატერიალურ-ტექნიკურ ნიუანსებზე, ვგონებ, საკმარისად ვილაყფეთანით, მაგრამ მკითხველისთვის არანაკლებ საინტერესოა, ალბათ, ჩვენი პოლიტიკური პლატფორმის გაგებაც.

ჩვენ კვლავაც ჯიუტად მივუყვებით თავდაპირველად არჩეულ გზას მოვლენათა შეფასებისას: ეს გახლავთ ზომიერების გრძნობა, ოქროს კვეთის კლასიკური განცდა — Aurea mediocritas, რადგანაც გულთმისან ბერძნებს თუ ვერწმუნებით: ჭეშმარიტება სწორედ რომ შუალედური მოსაზრებაა. ამას ზედ ერთვის სამხარეო გაზეთ „კოლხეთის მაცნეს“ („ენგური“) მიწიერი გამოცდილებაც:

„მოგვდით განსაწმენდავად, განსანათლებლად და არა — შურისგებისთვის ჰერაკლეს ერთ-ერთი გმირობის კვალობაზე ავგიას მიმართებაში“.

მაშინ, იმ ამღვრეულ პერიოდში, არ დაკონკრეტდება „ავგიას მიმართებაში“ რასაც ვგულისხმობთ, ვინაიდან დასახელებული საჯინიბო ყველასთვის ცნობილ ფენომენად წარმოგვისახავს. თუმცა, როგორც ჩანს, კომენტარები საქმეს არც ამგვარად აწყენს:

„ჰერაკლეს უამრავი გმირობიდან ყველაზე გაუკაცურ და მამულიშვილურ საქმედ მიჩნეულია ავგიას თავლების დასუფთავება, რომელი თავლებიც წლობით არ იწმინდებოდა ფეკალური მასისაგან. მხოლოდ ჰერაკლე არ ითაკილებს საჩოთირო შრომას; ერთი მხრიდან მისმიერვე გათხრილი არხით მდინარე ალფეის ტალღებს მიუშვებს საჯინიბოში, მეორიდან მკერდით მიაწვება იმ ამაზრზუნ მასას. მარტივად რომ ვთქვათ, გულზე გადაიტარებს სამშობლოს დამამცირებელ დარდუბალას და ნაცარქექიები მიმსგავსებული საქმეებისთვის თუ მოგმართულვართ, დაე, საქმემან ჩვენმან გამოგვაჩინოს ჩვენ!“

როგორც აღვნიშნეთ, სექტემბერში სამი წელიწადი შესრულდება „ოდოიას“ პირველი ნომრის გამოსვლიდან. ბუნებრივია, ჩვენ იმთავითვე ვითვალისწინებდით საქართველოში შექმნილ ურთულეს სოციალურ-პოლიტიკურ ვითარებას და აქედან გამომდინარე გაზეთს აპერიოდულსაც კი ვუწოდებთ, მაგრამ მთლად სამის- დღემშიოდ თუ მოგვიწვეს პირის მომუშვა, ნამდვილად ვერ ვიაზრებდით.

ტანის ხანის ერთ-ერთ ჩინელ პოეტს იმპერატორის მოხელენი ეწვევიან. ის პროვინციელი მგოსანი სათევზაოდ წაბრძანებულა და სტუმრებს დიასახლისი უმასპინძლებს საკადრისად, თუმცა შეკითხვაზე: წავა თუ არა მისი თანამეცხედრე მეფის კარზე სამსახურად მწიგნობართუხუცესის ხალათით, ანუ ლებანიძისეულად თუ ვიტყვით, ჩაჯდება თუ არა ხელმწიფის ნავში, ცალსახად აუხსნის:

— ტყუილად უცდით, რადგანაც დაბეჯითებით ვიცი, ჩემ კაცს ხელისგულსოდენა ხორცის ნაჭერი ჰყოფნის და ამის გულისთვის იმპერატორის კარზე წაბრძანება უაზროა, როცა აქაც საკმარისად მოიპოვებო, — იტყვის ამას და დაიფერთხავს კაბის კალთას.

არ დაუფერებენ დიასახლისის და საკეს მიძალბებულნი დაელოდებიან პოეტის გამოჩენას. და აი, მობრძანდება იგიც, კონკია, სამყაროს შვილი, ისეთივე პირველყოფილი, როგორც თავად უკვდავი ბუნებაა.

გაცვლიან საღმებს და გადასცემენ სტუმრები იმპერატორის დანაბარებს, თანაც ცოლის პასუხსაც აუწყებენ გამომცდელის მზერით.

— სწორი ყოფილა ჩემი მეორე ნახევარი, — ჩაეღიმება ოჯახის უფროსს, — და იმედს გადაუწურავს იმპერატორის მოხელეებს.

მაშინ გაწბილებულნი სთხოვენ პოეტს აზრის გამოთქმას ძალა-უფლებაზე.

ისედაც ვიწრო თვალები ახლა მთლად მოეწკურება მგოსანს და ბრძანებს დაუფარავად:

— პოლიტიკა რა ხილიცაა ძნელია ჩემთვის განსამარტად, მაგრამ პოლიტიკაში ყოფნა რაც გახლავთ, მესმის, და თუ არ მიწყნთ, გაგიმხელთ: არაფერი ისეთი საგანგაშო: ორ კალთამადლიანს შორის წოლა, — აღმოსავლელს ეყოფა გამოცდილება სიტყვა „მეძავის“ ნაცვლად „კალთამადლიანი“ მოიშველიოს, — მარჯვნივ მიბრუნდები?! კალთამადლიანი შეგრჩება ხელთ. მარცხნივ მიტრიალდები?! კალთამადლიანის სიყვარულის მორევში აღმოჩნდები ისევ.

სად ჩინელი პოეტის სიბრძნე და სად ქართველი გური ოტობაიას უბადრუკი სუფევა, მაგრამ უდაბნოსა შინა ღაღადით ქრისტეს ბილიკების განმზადება როგორი უმადური შრომა ყოფილა, ისტორიაც დაგვანახებს.

„საცა არა სჯობს, გაცლა სჯობს, კარგისა მამაცისაგანთ“, გვასწავლის გულთმისანი მოშაირე და იქვე დასძენს: **„ზოგჯერ თქმა სჯობს არათქმასა, ზოგჯერ თქმითაც დაშავდებისო“** და უკეთ რომ გავერკვე საწუთროს ალიანჩალიანში, კვლავაც კოლხეთს მოვუბრუნდები — ჩვენი ყოფიერების ეპიცენტრს მრავალი ასპექტით, ეპიცენტრსა და პასუხს ამავდროულად ჰაერშიგამოკიდებულ უამრავ ამოცანაზე.

არავის ეგონოს სამსაათიანი პურის რიგებს გამოვექცევი დედაქალაქიდან, ან ის რწმენალა მომასწრაფებს დედულეთში, რომ ჩვენს ფანჯრებში ვითომ ნაკლებად აკაკანდება კალაშნიკოვის ავტომატი?!

სამეგრელოში ჩამოსული მართლაც თვალის ერთი შეველებით აღვიქვამ „ერთიანი“ საქართველოს სატკივარს, უკეთ დიდი ილიას დასესხებით, ჩამოვალ სამეგრელოში და ვიხილავ სრულიად საქართველოს, ვიხილავ ნაწილში მთელს, როგორც მიკროსკოპქვეშ შეგორებულ წვეთში — ვრცელი ოკეანის ბობოქრობას.

ათი ათასი ტირაჟით დასტამბული „ოდოის“ „სოიუზპეჩატის“ ჯიხურებში შეტანა უაზრობაა. მარტივად რომ ვთქვათ, ხალხს გაზეთის ფული კი არა პურის გროშები ძლივს უჭყავის ჯიბეში და მეც წარბის შეუხრელად გავასაჩუქრებ. „ოდოის“ ერთი ნომერიც არ გაჰყება მაკულატურას. იგი უკლებლივ მიუვა ინფორმაციული ვაკუუმით ბაგედაშაშრულ მკითხველს და ჩემდა ჭირად ერთობ პოპულარული შევიქნები არა მხოლოდ კოლხეთში: „ოდოის“ პირველი ნომერი ხომ გური ოტობაიას ბენეფისსაც ჰგავს რამდენადმე, რადგანაც მისით ფაქტობრივად ზედმიწევნით ეცნობა ერთმანეთს მკითხველი თუ გამომცემელ-რედაქტორი.

უამრავ მეგობარს შევიძენ ერთბაშად, ასევე — მოშურნეებსაც, რომლებიც დაუფარავად მიმხელენ:

— ნუთუ მართლაც ესოდენი წარმოდგენა გაქვს საკუთარ თავზე?!

— გამუდმებით საკუთარ თავზე წერს, თავისთვის წალდავსო, — გამკენწლავს ერთი მეგობარი პოეტი.

მავანი მოუკრეფავში გადავა და „საშიშზე საშიშ პიროვნებას“ მიწოდებს, რადგანაც მისი ჭკუით, „ნახევარ სიმართლეს ვამბობ“, სიკეთესა და ბოროტებას ერთ სინჯარაში ვაზავებ.

სხვა, ფრიად განსწავლული და წუთისოფელზე ჩაფიქრებული ხელოვანი, „ამიერიდან ნუ მომესალმებიო“, შემიბღვერს და იქიდან მოყოლე-ბული ამ სამოთხეთა გამოჩენისას გაჭკვარტლულ შუშებს ავიკრავ თვალისჩინზე, გნებავთ მოქუფრული ამინდი ბაბანებდეს გაერთ. მეათასე მთლად ირონიით დამცეცხლავს:

— შენ რა, ილიაობა მოგინდა?!

— რატომ, ძმობილო, ნუთუ ჩემი უშუბლი ვიწროა სამამულო ტყუილისათვის? — გავიოცებ ყასიდად.

— დაგავიანდა და ეგ არის, — კბილებში გამოსცრის იგი, — ილია 24 წლის იყო, როცა სამშობლოში „მგზავრის წერილებით“ ჩამობრუნდა.

— ჭემმარტებას ღაღადებენ თქვენი ბაგენი, — შევაგებებ მოჭარბებული პათეტიკით, — ზოგი 24 წლის ასაკში იღვიძებს და ზოგიც — 42 წლისას-მეთქი.

მოკლედ, სამი წელიწადია ვაგროვებთ კენჭებს და ვეძებთ ხელსაყრელ დროს მათ განსაზღვრავდ. აჰა, ამისი ჟამიც მოახლოებულა. მართალია, ამ გამოცხადებას უსწრებს წუთისოფლისგან მომდღიერებული თუ საკუთარ წილში გაცისკროვნებული უამრავი აღმოჩენა, მაგრამ ყველაფერზე — თანამიმდევრულად...

მეცენატები ჩემი...

ვალერიან მიხაილოვიჩი

სპონსორების ძიებაში დაქანცულს, მეტყვიან:

— შენი მშველელი ფოთის ნავსადგურის უფროსის, ვალერიან გეგიძის, მეტი არავინ არისო და მეც მაშინვე ისტორიული ფაზის-ქალაქისკენ ავიკრავ გულა-ნაბადს.

ბინდბუნდია.

ნავსადგურის ადმინისტრაციული შენობის უფროსის მოსაცდელთან ორმოცდაათამდე პიროვნებას მოუყრია თავი. ვის, რანაირი ჯურისას არ შეხვდებით აქ?! გაიგონებთ რუსულს, ინგლისურს, აზერბაიჯანულს, სომხურს და ვინ მოსთვლის. მომლოდინე ხალხში უმეტესი იარაღსმულია, სამოქალაქო ტანსაცმელში გამოწყობილებს ილიაში თერმომეტრით გაუჩრიათ „მაკაროვი“ თუ „ბრაუნინგი“. ამ სმოგსა და სიმჭიდროვეში ძლივს მოვიძიებ ჩემთვის მოხერხებულ ყურეს, ტენიკური მდივნის ხელმარჯვნივ. ეს ქალბატონი მეტად ყურადღებიანია, წყალსაც კი დამალევენებს მოთხოვნისამებრ. მე ჩავაწერინებ გეგიძესთან ვიზიტის მიზანს და მოვლენების განვითარებას დავუცდი.

დერეფანში ექსტაზიანი საუბარია იტალიურ პურის ფქვილზე, ბულგარულ შაქარზე, ბრინჯსა და ბენზინზე. არის ბაასი პროცენტებზე, „მერსედესისა“ და „BMW“ მარკის ავტომანქანებზე. სოხუმიდან რაღაც თვეების წინათ სამარცხვინოდ გამოვქცეულვართ და თვალსა და ხელს შუა დაგვივიწყებია ეროვნული ტრაგედია.

გაღელილი, ბანჯგვლიანი მკერდიდან მოუჩანთ ოქროს ზორბა ჯვრები. უტიფრად ფარჩხავენ თითებს და მოუზომავად იცინიან. მათი შემხედვარე ივრძნობ, რომ ადამიანს ჭიანჭველადაც არ აგდებენ. იარაღსა და ფულს პუჭურა „ღმერთის“ იერსახე მიუნიჭებია მათთვის და გასაკვირია განა, საქართველოში შემოსულ ნებისმიერ ქარავანს ესენი აკონტროლებდნენ?! საქონლის საერთო ღირებულების ათი-თხუთმეტი პროცენტი მათ ჯიბეში მიჩხრიალებს. თავად მათი ტვირთი ბაჟისგან განთავისუფლებულია. ესენი ხომ რეკეტთა რეკეტები გახლავან?!

„მიხაილოვიჩი“ იგვიანებს. ასე ეძახიან ახლობლები ნავსადგურის უფროსს, ბატონ ვალერიან გეგიძეს. მე არ ვიცნობ მას. ხოლო დერეფნის ორსაათიან ყურყუტში ყურმოკრული საუბრების მიხედვით თუ ვიმსჯელებთ, ჯიგარი კაცი უნდა იყოს:

„გაჭირვებულ ადამიანთათვის ხელგამართვა მისი სტიქიაა. ფოთში ის განაგებს ყველაფერს. მელია ჩექმაში ჩასვა, რადგანაც მელია მარიაყოფდა ზვიადსა და შევარდნაძეს შუა“.

რას არ მოისმენ დერეფანსა თუ მოსაცდელში ხელგამართვის მომლოდინე?

ფოთში უკვე სრული სიბნელეა, უკიდევანო წკვარამი. კაბინეტიც საესეა საეჭვო ტიპებით. საქმიანი ხალხი მძიმე სავარძლებში სხედან და ელექტრო-ფანრის შუქზე უცდიან ფოთის ნავკოსალარს.

სიგარეტის კვამლი ღრუბელივით ჩამოწოლილა ნავსადგურის უფროსის კაბინეტში. მდივანი ქალი საფერფლეების დაცლას ვერ აუღის.

ამასობაში მოსაცდელში ტელევიზიის ხალხი შემოდის. „პანასონიკის“ საკონტროლო ნათურის შუქზე ვცნობ ტელეკომპანია „კავკასიის“ პრეზიდენტ დათო აქუბარდიას. იგი ამას წინათ დიდ პატივს დაგვდებს და საკმაოდ მიმზიდველ რეკლამას გაგვიწევს „ოდოილებს“. შემდგომ ამას სხვა ტელე-პროგრამებიც აუბამენ მხარს.

გეგიძეც კოლეგების გარემოცვაშია. შევლენ კაბინეტში და ჩაიკეტებიან. წუთი წუთს მისდევს. მოთმინების ფილაავსებული მოთხოვნელები, რომლებიც უმეტესად ოჯახური სიდუხჭირის გამო მოსულან და რამდენიმე დოლარით ხელგამართვას ელიან, ფეხს არ იცვლიან კვლავინდებურად. ხოლო შეიარაღიანებულნი, მდივნის დაუკითხავად, უდიერად შეალაჯუნებენ კაბინეტში, ან სწრაფად გამობორუნდებიან კმაყოფილის იერით, ან კიდევ რამდენიმე წუთის დაყოვნების მერმე, საქმიანი გამოხედვით მედიდურად მიხურავენ ფუმფულა კარს და ასე შემდეგ და ასე შემდეგ.

ღამის თეთრმეტი საათია. მდივანი ამჩნევს ჩემს შეჭირვებას, მაგრამ თვალებით მანიშნებს: რა ვქნა,

უფროსის მყუდროებას ვერაფრით დავარღვევო, და აი, ზარის წკრიალიც: მესმის ჩემი გვარი, პასპორტის ტრანსკრიპციით კი არა, სწორედ რომ ფსევდონომით:

— მოუხმეთ გური ოტობაიას, — ბრძანებს სელექტორი და მეც მისდაუნებურად კაბინეტისკენ მივაბიჯებ. როგორც ჩანს, თავიანთი საქმის მოსტუმრების შემდეგ, ტელეკომპანია „კავკასიის“ მესვეურებს გაავახსენდები. ჩემი წარდგინებაც მათი ინიციატივიდან მოდის. არ იშურებენ ჰიპერბოლურ შტრიხებს. მეგრული პოეზიის უგვირგვინო მეფეს მეძახიან და მეც თავს ვიჭაჩლებ. ერთი ფრაზა მახსენდება რომელიღაც ტრაპეზიდან:

როდესაც მავან პიროვნებას უზომო ქება-დიდებათი გულს აუჩუყებენ და ცრემლსაც აღვრევენებენ ჯეროვნად, სამადლობელ სიტყვისას ეს გვამი ამნაირად შეეხმიანება თანამეინახეთ:

— ბატონებო, ის კი არ მიკვირს, ყველა რომ ამდენს მაქებდით და მადიდებდით, არამედ სიმართლის ნიშნად მეც დიდის ამბით გიქნევდით თავსო.

ბატონი ვალერიანი გახარებულია ჩემი გაცნობით. მე ვჩუქნი მას „ოდოის“ პირველი ნომრის ეგზემპლარებს, რომან-ტრიადა „სიცოცხლე მისჯილების“ პირველ წიგნს მსუყვე წარწერით; მრავალტომეული „ნობელის პრემიის ლაურეატების“ სასიგნალო გამოცემას — უ. ფოლ-კნერს. ასეთივე მსუყვე წარწერით მიმასპინძლდება ნავსადგურის უფროსიც. გადმომცემს სავიზიტო ბარათს, ბურთულებიან კალმისტარს ქაღალდის საჭრელითურთ.

ყველა პრობლემა მოგვარებულია. აშენებულია ცათამბჯენები. ჩემს ფეხრთით ყრია შავი ზღვის აუზის მთელი ავლა-დიდება. კოლხეთის აღორძინებისთვის თავგადადებული გაზეთი და მისი რედაქტორი საარაკო კვარცხლბეკზეა ატყორცნილი.

უშუქობაა, მაგრამ რა ჭირი დამაძინებს?!

დოლბაიების ოჯახში საკადრისად მიმასპინძლდებიან. საუზმეს, სადილს და ვახშამს ერთად ვავარებ. იმავე ღამით შევთხზავ ხელშეკრულების ტექსტს, (მიმართვის ტიტულიან წერილზე უკვე დაფიქსირებულია სასურველი ვიზა) და გათენებას მოუთმენლად ველი. ვაყალიბებ კონტრაქტის პირობებს, რომ ნავსადგურის უფროსი სესხად მაძღვეს ათი ათასი აშშ დოლარის ეკვივალენტ კუბონს ერთი წლით, უპროცენტოდ. სანაცვლოდ „ოდოის“ რედაქტორი უფასოდ უწევს რეკლამირებას ფოთის ნავსადგურს და აქვე უსასყიდლოდ გადასცემს გაზეთის ყოველი ნომრის 1000 ეგზემპლარს. ეს გახლავთ აღნიშნული ხელშეკრულების ალფა და ომეგა.

ჩემი ვარაუდები ასეთია: თუკი ნავსადგური აღნიშნული ოდენობის თანხას მართლაც გადმომირიცხავს, (ანგარიშები კი იცოცხლეთ, უამრავი გამაჩნია „ინდუსტრიაბანკში“: სავალუტოც, სარუბლოც, საკარბოვანეცოც და ვინ მოსთვლის), ჩემს სანუკვარ ჩანაფიქრს განხორციელება ნაღდად უწერია: ბოლოს და ბოლოს დაარსდება მაღალპროფესიული გაზეთი — ერთი ბელეტრისტის ტრიბუნად წოდებული, რედაქტორის ხელწერითა და მსოფლგანცდით ცხებული; გაზეთი, რომელიც მთელი ქვეყნის ჭირ-ვარამს ხელისგულზე მიართმევს სრულიად საქართველოს.

დილით ჩემს გულშია მასპინძელს ვეახლები. კვლავაც იგივე ხალხმრავლობაა, კვლავაც იგივე ბაკქანალია. ხელშეკრულების ტექსტი გადაბეჭდილია და ყოველგვარი ინსტანცია შემოვლილი. აჰა, ხელმოწერის ცერემონიალიც! დაესმება ბეჭდები და თითქოს თავი ქუდში მაქვს, თუმცა როგორც ქვემოთ დაინახავთ, უბედურებაც სწორედ რომ აქედან იწყება.

უკვე ჩვენი ერთობლივი ხელშეკრულების რამდენიმე ქსეროასლი არსებობს. ჩემი განცხადებანი და თავად ორმხრივი ხელშეკრულება ჩაბარებულია სათანადო სამსახურს. ბუხვალტერია გაფრთხილებულია. ეს ქალბატონი ტომით ჰაიასტენელია. ფერიც ერთობ შემღვრევეია და ხასიათიც.

მეუბნებიან: ასი დოლარი უეჭველადაა მოსამზადებელი მისი მადისთვისო და მეც ყვერის ვალს არ ვუშინდები. რეკვიზიტების დაზუსტება ვერანაირ ნუგეშს მარგუნებს. ფული არ აღმოაჩნდებათ ნავსადგურელებს. ბატონი ვალერიანი თავის იმართლებს, ცოტა ხანიც მაცალე და ყველაფერი რიგზე იქნებაო; მოგვისხსნიან ყადაღას და საქმესაც ეშველებო.

ორშაბათს სამშაბათი მოსდევს, სამშაბათს — პარასკევი, პარასკევს — მომდევნო თუთაშხა და ასე შემდეგ და ასე შემდეგ. „ყადაღას“ კი ვერანაირად მოიცილებს ფოთის ნავსადგური. არადა, აღმოვაჩენ, რომ მათ თბილისშიც გააჩნიათ ბანკი, რომლის მეშვეობით თავისუფლად შეუძლიათ ფულის გადმორიცხვა, მაგრამ სადღაა ახლა თავად გეგმი? ხან ამერიკაშია, ხანაც — ინგლისსა თუ ესპანეთში; ან თავად მისი ხელქვეითები დაიარებიან თურქეთს თუ ბულგარეთს, უმათებოდ კი ჩემი საქმე ვერაფრით მოგვარდება. საკმარისია თუნდაც ერთი კომპონენტი აკლდეს ამ პროცესს, რომ ჩემი მეორმოცე თუ მეერგასე ვიზიტო წყალში ჩაყრილა.

ტექნიკური მდივანი მოუშინაურდება ფოთის ნავსადგურის უფროსის მისაღებად ჩემს გეგმა-

ზომიერ მიმოსვლებს. მე უკვე ზეპირად ვცნობ გეგიძის კაბინეტის შეჭირვებულ მრევლს. ამას ემატება მრავალი ხელმოცარული კალმოსანი თუ სპორტსმენი, ავადმყოფი თუ ბიზნესმენი. მოდიან, მიდიან...

გულს უფრო ის მიხეთქავს, რომ გეგიძე ყოველთვის ახალ-ახალი დაპირებით მისტუმრებს. დახმარებაზე უარს მტკიცავდეს, კიდევ ჰო, ავიკრავდი გულა-ნაბადს და ჩემს გზას ვეწეოდი, მაგრამ გაგონილა! კვლავინდებურად მეგობარს მიწოდებს, კვლავინდებურად რაღაც საბანკო საქმიანობით შეფორხილებას იმოწმებს და ამასობაში წელიწადიც მიიწრიტება.

ფოთში უთავბოლო მიმოსვლები ბატონ ტარიელ ქანთარას ბოძებულ მილიონ რუბლსაც შემოიფლანგავს და სხვათა შემოწირულობებსაც მოინელებს, მაგრამ მაინც ჩემსას არ ვიშლი: „ქავა გუტტა ლაბიდემ“*-მეთქი, ვიმხნევებ თავს და იობის მოთმინებით ველი აღთქმულის აღსრულებას, მაგრამ, როგორც იტყვიან — თან საქმე.

ორ ზღვას შუა...

— ყველაფრის თავი და თავი იყო, არის და იქნება საქართველოს გეოპოლიტიკური მდგომარეობა, ზემლიაკ, გური, ძამა, რელიგიათა, ტერიტორიათა, სავაჭრო საშუალებათა გზაჯვარედინზე ყოფნა, რაც ცხადია, ზედმიწევნით განაპირობებდა და უნდა განაპირობებდეს წესით მისი პოლიტიკური ორიენტაციის საკითხს.

ჯერ ერთი, გუბაზ მეფის ზეობის ხანაში ფარტაზისა და აეტის ცნობილი რიტორიკიდან მოყოლებული, საქართველო დროსა და სივრცეში იყო ორ ზღვას შუა საომარი ლელო. ქვეყანას ჩვენსას, იშვიათი გამონაკლისის გარდა, ვგულისხმობთ დავით აღმაშენებლის, თამარის ეპოქებს, დამოუკიდებელი აზროვნების საშუალება არასდროს ჰქონია. ის ან რომის ვასალობას ამჯობინებდა, ან — მუსულმანურ სამყაროსთან კონტაქტებს.

ეს დილემა უფრო გამოკვეთილად XVIII საუკუნეში ამოტივტივდა ერეკლე II-ის მეფობის ქამს. ცნობილ პოემაში ბარათაშვილმა თვალსაჩინოდ დაგვიხატა ქართული სულის მდგომარეობა: თავისუფლებასაც ვერ ვეღვივით (სოფიო, ლიონიძე), მაგრამ არ არსებობს ამ თავისუფლების რეალურად შენარჩუნების გარანტიები ერის შიგნით. საჭიროა ქვეყნის დამცავი მექანიზმის პოვნა ფიზიკური განადგურებისაგან.

კვლავ დილემის წინაშეა ქართველი კაცი.

ვისთან? რომელთან? მუსულმანურ სამყაროსთან, შენს თვითმყოფადობას იავარქმნით რომ ემუქრება, თუ ერთმორწმუნე რუსეთთან, რომელიც ყოველნაირად შეეცდება შენს ასიმილაციას, თუმცა ფრთხილი პოლიტიკის წყალობით შენი თავისთავადობის გადაარჩენის რაღაც შანსი არსებობს?!

აჰა, ჩვენი მოღვაწეობის პერიოდში უკვე მერამდენედ ამოტივტივდა საქართველოს პოლიტიკური ორიენტაციის საკითხი:

ვისთან? ისევ რუსეთთან თუ მუსულმანურ ქვეყნებთან?!

სხვანაირი ახსნა წინდებულ ალტერნატივას არ უწერია. გამოდის, რომ მთელი თავისი არსებობის მანძილზე საქართველოს დამოუკიდებლობის განხორციელებისათვის ეროვნული ენერჯია არ ჰყოფნიდა.

ცხრაასჩვიდმეტი წლის რუსეთის წაბორძიკებით მოპოვებული ჟორდანიასეული თავისუფლება და ცხრაასოთხმოცდაათი წლის საბჭოეთის წაბარბაცებით მოხვეჭილი გამსახურდიასეული თავისთავადობა, ტყუპისცალივით ჰგვანან ერთმანეთს, ვინაიდან, როგორც პირველ, ისე მეორე შემთხვევაში, ჩვენს თავისუფლებას გარეგანი ფაქტორები უფრო კვებავდა და არა მხოლოდ შინაგანი კანონზომიერებანი.

თავისუფლება ჩვენ რევოლუციის გზით, სახალხო აჯანყების მეოხებით არ მოგვიპოვებია. ისტორიული გამოცდილებით კი ადვილად მოპოვებულს ადვილადვე თმობენ.

გამოდის, რომ თავისუფლების ცნება საქართველოსათვის ფრიად ფუფუნების მსგავსი აბია, შორეული ოცნება, რომელიც სხვათა გუნება-განწყობილებაზე ჰკიდია სავალალოდ. საქართველოს საკუთარი ძალებით აღარ ძალუძს ფეშქაშად ბოძებული დამოუკიდებლობის შენარჩუნება, ვინაიდან ჩალმიანი მუსულმანეთისა და ჩექმებიანი რუსეთის წინეში მომწყვდეულებს აღარ ხელგვეწიფება პატროფილური ხაზის გატარება.

შესაძლოა მოვიშველიოთ რობაქიძე-მიწიშვილის ურთიერთ გამომრიცხავი პოზიციები, საქართველოს როგორც მისიის თაობაზე; ან მოვუხშოთ დამატებით ჰეგელის, ვახუშტი ბატონიშვილის

ანალიზს, ვიტყვით, ჩინებულს, ქართულ ფენომენზე. ჩვენ რომ საკუთარი პოლიტიკის წარმოებისათვის მზად არა ვართ ჩვენივე გაორებების წყალობით, ეჭვსგარეშეა. აქედან გამომდინარე, ჩვენი პოლიტიკური კურსის წარმართვა ექვემდებარება გადაულახავ წინააღმდეგობებს, რომელიც ასჯერ და მეტწილად აღემატება რეალურად ჩვენს ხელთ არსებულ რესურსებს.

გასარკვევია ვინ უფრო ნაღდია, ჭეშმარიტი, ის, რომელიც „შერევი-ლების“ მოფამფალეული ურმით მთვარეზე აფრენას გვპირდება, თუ, ვინაც იმავე ურმით ტალახიანი და აშშორებული გზიდან გაღწევას გვიქადის?!

ჩვენ არ ვივიწყებთ დონ კიხოტის პასაჟებს, როცა დროებით თავისუფლებამოპოვებულ ყმაწვილს ორმაგად გააძრობენ ტყავს, მწუხარე სახის რაინდის წასვლის შემდეგ.

რეალიზმი და არა — ფერადი სათვალე. ჩვენ ხომ სცილას და ქარიბდას შორის ვიყავით და ვიქნებით კვლავაც ბარე რამდენიმე ათეულ წელიწადს, სანამ თავად რუსეთსა თუ მუსულმანურ სამყაროში არ დამკვიდრდება ჰუმანიზმის კეთილშობილური იდეალები.

მანამდე კი თავის შენახვა, დიახ, თავის შენახვა გვმართებს: ფრთხილი საგარეო და აქტიური საშინაო პოლიტიკის გატარება, როგორც ამას ახერხებდა ჰომეროსის რჩეული გმირი ოდისევსი, ვინაიდან მხოლოდ იგი შეძლებს ულვევი ჰკუსის, გნებავთ — ცბიერების წყალობით, სიცოცხლის შენარჩუნებას და შინ უვნებლად მისვლას მრავალწლიანი სახიფათო ხეტიალის შემდეგ.

ილიას „მაშული, ენა, სარწმუნოება“ — ჩვენი არსებობის ფორმულაა, მაგრამ ბარემ გადავავლოთ თვალი და ვთქვათ გულახდილად, როგორია ჩვენი ეროვნული კუთრი წონა ამ დებულების თვალსაზრისით?!

ტერიტორიული მთლიანობა ჩვენი, თავის დროზე მრავლად დაინაღმა ნელი მოქმედების დენ-თით, უკეთ — ავტონომიური ფორმირებების შექმნით: სამხრეთ ოსეთის, აფხაზეთის თუ აჭარის სახით და პოტენციაში სავარაუდო — სამეგრელოს, სომხეთისა თუ აზერბაიჯანის ავტონომიების შესაძლებლობით — დასავლეთ საქართველოში, მესხეთში, ქვემო ქართლში.

მამასადამე, ჩვენი ტერიტორიული მთლიანობა წყალმყენებულია. კიდევ ოდნავი წაბორძიკება და საქმე ასწილ გაგვირთულდება ვიდრე სამაჩაბლოსა და აფხაზეთში. ესე იგი ჩათრევას ჩაყოლა უნდა ვამჯობინოთ!

მოვა სანატრელი დრო ადრე თუ გვიან, მანამდე კი ჩვენი შინაგანი რეორგანიზაციით, დემოგრაფიული ბალანსის გაუმჯობესებით, ქართული სულის გამართლებით, მსხვილი ქალაქების დეურბანიზაციითა და მამა-პაპური კულტურების აღორძინებით სოფლებში, მივალწევთ სანატრელ თვითმყოფადობას — ჯერ შინაგანს და მერე — პოლიტიკურ თავისუფლებასაც.

ახლა შევხედოთ რა ვითარებაა ენობრივი თვალთახედვით?! საქართველო, დიახაც, გახლავს ქართის ტომის ენაზე მოსაუბრე ქვეყანა საუკუნეების მანძილზე, მაგრამ ჩვენი უგუნური პოლიტიკის წყალობით ვერ მოვახდინეთ მეგრულ-სვანური ელემენტების შერწყმა დედაქართულთან.

— ჩვენ არ უნდა დაგვეშვა მათი განვითარება, მათი ჩამოყალიბება ენობრივ ფორმებადო, — გაიგონებთ აქა-იქ, და ახლა, როცა ერთიან ქართულზე გვიხდება მსჯელობა, — ეს „პატუა“ ენები პრეტენზიას აცხადებენ დამოუკიდებელი არსებობისათვის, — ჭინჭულობენ.

მამასადამე, აქაც დარღვეულია მონოლითურობის პრინციპი. ჩვენ თუ არ შევეცდებით ჰკვიანური პოლიტიკით მეგრულ-სვანურის შემოკავშირებას დედაქართულთან, მაშინ მოსალოდნელია მეგრულის გადანასკვა ლაზურთან.

შეხედე, ლაზეთში თავი წამოჰყო უკვე ეროვნულმა თვითშეგნებამ და ჟურნალიც კი გამოიცა, როგორც მოსალოდნელი იყო, რეაქციული, ანტიქართული სულისკვეთებისა, „სქანი ნენა — ოგნი“-ს სახელწოდებით. ასე რომ, მეგრულმა შესაძლოა გენეტიკურად ახლომდგომ ლაზურთან ამჯობინოს მომავალში კონტაქტი და ათასი ხათაბალა გაგვიჩინოს ამ მხრივ.

ამიტომ ზემლიაკ, გური, ძამა, მთლად უსაფუძვლოდ როდი გამოკვეთავ პოზიციას, როცა საკითხს წამოწევ ქართველურ ენათა სინთეზური ლექსიკონის შექმნის თაობაზე, სადაც მეგრული, ლაზური და სვანური დაფიქსირდებოდა, როგორც ძირძველი ქართულის სინონიმები.

მომავალი, ალბათ, გაითვალისწინებს შენს მოსაზრებას „გოგოს“ პარალელურად მეგრული „ცირას“, ლაზური „კულანისა“ და სვანური „დინას“ დამკვიდრების მხრივ. ეს ენობრივი რეფორმა ჩანასახშივე ჩაახშობს ლაზურ-მეგრულის შეერთების ხარჯზე ქართულისგან გამოცალკეების საშიშროებას. ამასთანავე ასწილად გაამდიდრებს ჩვენს სასიქადულო სალიტერატურო ენას და რაც მთავარია, მოგვევლინება ჩვენი ქვეყნის თვით ეკონომიკური თუ პოლიტიკური აღმავლობის საწინდრადაც.

რაც შეეხება სარწმუნოებას, ნუ ზემლიაკ, გური, ძამა, აქაც იგივე სურათია, იგივე დაქსაქსუ-

ლობა და დანაწევრება:

ვიყავით წარმართები, ციურ სხეულებს ვეთაყვანებოდით: „**მზე დედაა ჩემი, მთვარე — მამა ჩემი, გაბადრული ვარსკვლავები — და და მამა ჩემი**“-ო, ვიძახდით ოციოდე საუკუნის წინათ.

ქრისტეს მიმდევრებს 1300 წელიწადია ისლამი გვიპირისპირდება და კოცონზედაც გავდიოდით არც თუ ისე იშვიათად ქეთევან დედოფალსავით, რისი წყალობითაც ვინარჩუნებდით კიდევ თვითმყოფადობას ჩვენსას.

მოგვიანებით ასოთხმოცი გრადუსით შემოვტრიალდით მატერიალისტური მსოფლმხედველობისაკენ და ახლახან კვლავ დავლევით ჩვენი კერპები.

ასეთია ქართველი კაცის შინაგანი ზიგზაგიანი ცხოვრება თეოლოგიისა თუ ათეიზმის გზაზე; ე.ი. ქართველი თავისი გენეტიკური ნატურით წარმართიცაა, ქრისტიანიც, მატერიალისტიც და ისლამის მიმდევარიც. ამდენად, მისი გამოცხადება მხოლოდ ქრისტეს მრევლად წინდაუხედავი პოლიტიკაა. აქ სამაგალითოდ გამოგვადგება დავით აღმაშენებლის შორსმჭვრეტელური გენია, როცა მეზობელ რელიგიებს შემწყნარებლობას გამოუცხადებს და ფაქტობრივად იხსნის საქართველოს რელიგიური წარღვნისაგან.

დასკვნისათვის შეგვიძლია დავძინოთ, რომ საქართველო სამივე განზომილებაში — „მამული, ენა, სარწმუნოება“ — რამდენადმე დანაწევრებულია, დაქუცმაცებული ურთიერთგამომრიცხავ ელემენტად და თუ არ განხორციელდება ქმედითი რეფორმა თითოეული მიმართულებით, მართლაც დასადუბავად გავიწირებით — ბუნებით ნიჭიერი, მაგრამ საყველპურო სიბრძნეს მოკლებული ვართ.“

05.20.1994 წ.

„ენგური“, №1, 1996 წ.

Mingrelia, Maranne, Gueguidze.

„ოდოისა“ გამოცემაზე უკვე ხელი ჩამიქნევია. სამხარეოს ვეგაზეთიკები. დღეების წინათ გამიგზავნია ვალერიან მიხაილოვიჩისათვის ნომრის ეგზემპლარები. რიხიანად ახლა ამ პუბლიკაციის გამო ვარ.

იგივე გულისწამლები სმოგი მხვდება გეგვიძის კაბინეტში. ჩემდა საკვირველად სრულიად მართა, მისაღებში ატუზულ რამდენიმე აბეზარ მთხოვნელს და ჯარასავით მოტრიალე მდივანს თუ არ ჩავაგდებთ სათვალავში.

ხელით ვკითხავ მასპინძლის გუნება-ხასიათს.

ისიც მიმიკრით შეეპასუხება, ცხვირს ჩამოიბზუებს, ფოთის წვიმიან ცასავით ჩამოიქუფრება.

მანც გაუპირდაპირებ. დასაკარგავი ისედაც არაფერია. განზრახულისამებრ ბოლო მცდელობაა. მომივა ფოთის ნავსადგურისაგან შეპირებული დაფინანსება და ჩავერთვები კვლავ პოლემიკურ ორომტრიალში, არადა, „ენგურითაც“ გავალ ფონს.

საჩუქრად დამატებით ბოროზდინის „სამეგრელო და სვანეთი“ მომაქვს, ლამის საუკუნოვანი გამოცემა. დროის მოგების მიზნით ჩანიშნულია 299-ე გვერდი, სადაც ვალერიან მიხაილოვიჩისათვის ფრიად სანუკვარი ინფორმაცია აღმომიჩენია.

თამბაქოს კვამლში გახვეული ხელს მიქნევს შორიდან.

გადავკოცნით ერთმანეთს. თვალში მეცემა აქა-იქ შავი მელნით გახაზული „ორ ზღვას შორის“. რატომღაც გული ამიკანკალდება.

დათვური სამსახური ხომ არ გავუწიე-მეთქი, გამიელვებს გონებაში, მაგრამ ჩემდა სასიკეთოდ ცერს მალლა შემართავს.

კარადას მიაშურებს, სომხურ კონიაკს, სირჩებს და ფილა შოკოლადს გამოიღებს. წინ დამიგდება.

არ მინდა ხელშეკრულება შევახსენო. გულგახსნილ მასლაათში ავიყოლიო მიჯობს. წიგნს გადავუშლი მაშუქის სიახლოვეს და მიამიტურად გავენდობი:

— ვალერიან მიხაილოვიჩ, შეხედეთ რა ბაჯალლო მასალა მომიპოვებაია.

კონიაკს თავგადაწეული გადახკრავს. მუჭით მოიხოცავს ტუჩებს. ვატყობ, წიგნისკენ გული მაინცდამაინც არ მისდის და მეტი შთაბეჭდილებისათვის დავსძენ:

- მიხაილოვიჩი, გეგიძეების პირველსაწყისს მივაკვლიე.
- დროულად ვერ მიიხარე, შე კაცო. გური, ძამა, ზემლიაკ, აქედან დავიწყო?
- ხო, აქედან, — ვეხმინები და გადაშლილ წიგნს ხელში ვაჩეჩებ.

სავარძლის საზურგეს მიეყრდნობა. შუქი სანახევროდ სცემს სახეზე. ეგზალტირებულს თვალები სინარულისგან უბრწყინავს. კონიაკს ვასხამ ხმაურით. ამ ხმას ქვეშეცნეულად აფიქსირებს იგი, რადგანაც სასმისი სანახევროდ გაივსება თუ არა, შეჩერდით მანიშნებს ხელით.

ჩამთავრებს პირველ ფურცელს და ახლა თავად წამაქეზებს ნება-ნება გამოწრუპული სითხის შესავსებად. კიდევ ორგზის განმეორდება ასე. თუმცა უმჯობესია ამჯერად თავად ბოროზდინს მივუგდოთ ყური:

„მაისის ოციან რიცხვებში სამსახურის გამო ისევ მომიხდა ორპირში წასვლა. ვეწვიე სტუმრად ისევ პატივცემულ მოხუცს იაგორა დავითის ძე გეგიძეს, რომელსაც არ შემიძლია რამდენიმე სიტყვა არ ვუძღვნა.

გეგიძე გურული იყო, თავად მაჭუტაძის აზნაური, სამის წლის ბავშვი, დედ-მამით ობოლი, ბატონის სასახლეში აუყვანიათ და იქ იზრდებოდა, როცა იმერეთის მეფე სოლომონი გურიის მოსაზღვრე სოფელ საჯავახოში მოსულა. თავადი მაჭუტაძე გაქანებულა მეფესთან თაყვანის საცემად. მეფე მეტის-მეტად მოფერებია და საჩუქრად რიონში დაჭერილი უშველებელი ცოცხალი ზუთხი უბოძებია. ასეთი წყალობა მეფისა მაჭუტაძესათვის ფასდაუდებელი იყო. იმან კარგად იცოდა, რომ მეფე სულმუდამ თავისს უშვლობას უჩივოდა, ასწია და მოიყვანა თავისი აზნაური პატარა გეგიძე და მეფეს მიართვა. მეფეს ძალიან გაუხარდა ბავშვის ჩუქება, დედოფალი, ხომ ცასა სწია. ობოლი მათთან დაბინავდა, როგორც საკუთარი ღვიძლი შვილი მათი და იზრდებოდა თავის დედობილისა და მამობილის გულის გასახარებლად. 1820 წელს როცა სოლომონ მეფე ოსმალეთში გაიქცა და იმერეთში რუსის მმართველობა იქმნა შემოღებული, გეგიძე, უკვე 18 წლის ყმაწვილი, სამსახურში შევიდა იუნკრად მეგრელთა ლეგიონში და მალე, ყველა თავის თანამემამულეთა მსგავსად, მშვენიერი რუსის ოფიცერი გამოვიდა.

გეგიძე უკვე კაპიტანი იყო, როცა, ორმოციან წლებში, კავკასიაში რუსეთიდან გამოგზავნეს საჭურისები, მათგან შეადგინეს ინვალიდების 96-ე როტა, დააბანაკეს რიონისა და ცხენის წყალის შესართავთან და გეგიძეს ამ როტის კომანდირობა ჩააბარეს. ეს თანამდებობა მისთვის სწორედ რომ ზედმოჭრილი იყო, რადგან მაინც და მაინც კარგი ტანსიმრთელე და ჯან-ღონე არა ხქონდა; სამწყობრო და საომარი სამსახური მისთვის მეტის-მეტად ძნელი იყო, აქ კი გასაკეთებელი და სადავიდარაბო თითქმის არა ხქონდა რა და თავიდათავი ის იყო, რომ სამშობლოში უხდებოდა ყოფნა. საჭურისები პირველში 380 კაცი იყო, აქ მშვენივრად მოეწყვნენ, ხელი მიხყვეს ნავების კეთებას, იცოდნენ სხვადასხვა გვარი ხელობა და იქაურობისათვის, როგორც ეს მეხუთე თავში ვსთქვით, დიდი სარგებლობა მოხქონდათ. გეგიძე კიდევ მათ ხელს არ უშლიდა და მათს შორის ნამდვილი მამამთავარივით ცხოვრობდა. ეზოში რამდენიმე პატარა სახლი ხქონდა გაშენებული, და ვინც კი გამოივლიდა ტფილისიდან ყულევში ან ყულევიდან ტფილისში, უეჭველად აქ უნდა მოხყოლოდნენ სტუმრებად და ყველას გულუხვად უმასპინძლებოდა ჯერ კაპიტანი, მერე მაიორი და, ბოლოს ლეგიონის უფროსის მოადგილე გეგიძე. ტალახისა და ცუდის გზების გამო მგზავრები ზოგჯერ იძულებულნი იყვნენ აქ მთელის კვირაობით დარჩენილიყვნენ ხოლმე და მერე თავის დღეში არ ავიწყდებოდათ პატარა ტანის, დაჩივებული მოხუცი, რომელიც სულ თავს ევლებოდათ, ცდილობდა გაერთო, საჭმელ-სასმელი არ მოეკლო და მგზავრობისათვის რაცა სჭიროდათ, ყველაფერი ეშოვნა. ერთხელ მასთან როგორღაც მოხვდა ერთი ინგლისელების ოჯახობა ბავშვებიანათ, თეირანიდან ტფილისზე გამოევიდნენ და ყულევში უნდა ჩასულიყვნენ, და სწორეთ ორპირში ბავშვებს წითელა გამოაჩნდათ; გზის გაგრძელება შეუძლებელი შეიქმნა. გეგიძეს-კი მხოლოდ ის აწუხებდა, რომ ინგლისური ორპირში ყველასათვის გაუგებარი შეიქმნა და ამ გზადგამვლელ სტუმრებთან მხოლოდ ხელების საშუალებით უნდა გაეგებინებინა თავისი აზრი. ბოლოს გეგიძემ გადასწყვიტა თურმე, ქუთაისში ეტლი გაეგზავნა და ჩამოეყვანა გერმანულის ენის მასწავლებელი ბორნი ინგლისელებთან სათარჯიმნოდ, მაგრამ ბორნი რომ ჩამოიყვანეს, აღმოჩნდა, რომ სტუმარ-ინგლისელთათვის გერმანული ენაც ისევე უცხო იყო, როგორც რუსული. აქ რამდენსამე კვირას დარჩენილან და როცა ბავშვები სულ მოკეთებულან, წავიდნენ და თავისი მადლიერება სახის ალერსიან გამომეტყველებით და ხელებით გადასცეს. გეგიძე სულ იმასა ნაღვლობდა, რომ მათთან გამოლაპარაკება ვერ შეეძლო.

— კაი ხალხი-კი უნდა ყოფილიყვნენ, — იტყოდა ხოლმე, როცა მათი სტუმრობა მოაგონდებოდა, — მათთან ოთახში რომ შევიდოდი, ერთმანეთს ხელს ჩამოვართმევდით, მერე ხელებს ვავშლიდით,

თავებს გავაქნევდით, გავიცინებდით... და ერთმანეთს გავშორდებოდით...

სტუმართმოყვარე სახლი გეგიდის ამიტომაც ცნობილი იყო როგორც ლონდონში, ისე პარიზში, და ვინც იქიდან კავკასიაში ან სპარსეთში წამოვიდოდნენ, ჩვეულებრივ ასეთს მისამართს აძლევდნენ ხოლმე:

Mingrelie, Maranne, Gueguidze. და ღმერთმა დაიფაროს, რომ ვისმეს პოლკოვნიკისათვის ფულის მიცემა განეზრახა ღამის გათევის ან გამასპინძლებისათვის, ეს მისთვის უდიდესი შეურაცხყოფა იქნებოდა; გამვლელებს კი არ უშლიდა, რაცა სჭიროდათ, ორპირის ბაზარზე ეყიდნათ, ხოლო როცა თვითონ უმასპინძლდებოდა, იმ შემთხვევაში თავს მოიკლავდა, ვისმე რამე სასყიდელი შეეძლია.

და განა ვინმე იფიქრებდა-კი, რომ ამ საუცხოვო და უწყინარ მოხუცის ცხოვრებაში კინალამ მეტად საშინელი ხასიათის დრამა არ დატრიალებულა...

ორმოციან წლების დასაწყისში გურიაში ხალხის აჯანყება მოხდა. მის დასამშვიდებლად ჯარები გაგზავნეს. ამ ჯარების უფროსად იყო ცნობილი კავკასიელი გმირი თავადი მოსე ზაქარაძის ძე არღუთინსკი-დოლოგორუკოვი. აჯანყება ჩაცხრობილ იქნა და მთავარ დამნაშავეთაგანი, თავადი შალიკაშვილი, სავლელე სასამართლოს დადგენილებით, კატორღაში გაგზავნეს. სანამ ეს უბედურება დაემართებოდა, შალიკაშვილმა ცოტა ხნის წინად ცოლად შეირთო ერთი მშვენიერი ქალი, თავად ტიმოთე მიქელაძის ასული ანა. ცოლი, რა თქმა უნდა, ქმარს არ გახყვა კატორღაში და ცოლ-ქმარი განაქორწილეს. ამის შემდეგ ორიოდ წელმა განვლო, ისე გეგიდეს შეუყვარდა ეს ქალი, ცოლობა სთხოვა და ჯვარი დაიწერა.

უკვე რამდენიმე წელიწადი იყო, რაც შალიკაშვილი სასჯელს იხდიდა კატორღაში, აღმოსავლეთ ციხეში, სადაც მაშინ გენერალ-გუბერატორად მისულა ნიკოლოზ ნიკოლოზის ძე მურავიოვი. ერთხელ როგორღაც კატორღელთა სიებს ათვალა იერებდა თურმე, ისე თვალი მოუკრავს შალიკაშვილის გვარისათვის და შეჩერებულა. ამ გვარის კაცს სიკვდილს გადაურჩენია ამ ათიოდ წლის წინად მურავიოვი, როცა ის შავი ზღვის სანაპირო ხაზის მესამე განყოფილების უფროსად ყოფილა; ეს მომხდარა ერთ-ერთ მის გალაშქრების დროს მთიულების წინააღმდეგ. მურავიოვს უბრძანებია დაწვრილებით გამოეკითხნათ ამ კატორღელის ამბავი, და გამომდგარა, რომ სწორედ ეს კაცი ყოფილა მისი მაშინდელი მხსნელი. რა თქმა უნდა მურავიოვისათვის, როგორც გენერალ-გუბერნატორის ათვის, დიდი არაფერი ბედენა იყო შალიკაშვილის გამოხსნა უბედურებისაგან, შესდგომია გულმოდგინედ შეუამდგომლობას. შალიკაშვილი, როგორც კატორღელი, დანაშაულის ერთი ხარისხიდან მეორე ხარისხში გადახყავდა, ბოლოს სრული პატივება გამოუთხოვა ხელმწიფის წინაშე და ამავე დროს სამშობლოში დაბრუნების ნებართვაც.

და ერთბაშად მშვიდობიანს, თავის ქორწინებით გაბედნიერებულს და უკვე რამდენისამე შვილის პატრონ გეგიდეს წინ გამოეჭიმა კაცი, რომელმაც ცოლის დაბრუნება მოსთხოვა და მერე ვინ კაცი? — ერთი თოკიდან აწყვეტილი ვინმე. თანაც იძახდა — ჩემთვის არ არსებობს რაღაც კაცობრიული კანონი, რომელსაც შეეძლოს დარღვევა ქორწინებისა, რომელიც ნაკურთხია ღვთიური კანონის მიერო. მიქელაძეთა გვარი ძლიერი გვარია იმერეთში, საბედნიეროთ გამოესარჩლა საწყალს გეგიდეს და მხოლოდ მათს ჩარევას და სერიოზულ დამუქრებას შეეძლო ანას პირველ ქმრისათვის ხელი აეღებინებინა თავის მოთხოვნაზე. საქმე მაინც იმით გათავდა, რომ გეგიდე შალიკაშვილის მოხარკედ გახდა და მთელის წლების განმავლობაში თავის ჯამაგირის ერთს ნაწილს აძლევდა, მაგრამ გეგიდის ოჯახის საბედნიეროდ, შალიკაშვილი ავად გახდა და გარდაიცვალა. და აი, რა მწარე დღენი გამოუვლია გეგიდეს, და ერიდებოდა კიდევ ამ ამბის მოგონებასა.

მე რომ გეგიდე გავიცანი, იმ დროს საჭურისების რიცხვის მხოლოდ ნახევარი იყო დარჩენილი, დანარჩენები დახოცილან და გულკეთილი პოდპოლკოვნიკი ნაღვლიანად მიამბობდა, რომ რამდენჯერმე მივიწერე და მოვითხოვე შემცივებული როტა შემივსეთ-მეთქი, მაგრამ დღემდე შეუვსებლადააო. საკვირველის შორსმჭვრეტელობით ხედავდა, რომ სულ მოკლე ხანში საჭურისები სულ ამოსწყდებოდნენ.

ამგვარად, მაისის 23, როცა მე სტუმრად ვიყავი გეგიდესთან, მის სახლის აივანზე იჯდა რამდენიმე მგზავრი, ფოთში მიმავალი. ლაპარაკობდნენ მეორე დღისათვის ნავის დაქირავების შესახებ. ამ დროს შორი-ახლოდან ზარბაზნის დაცლის ხმა მოისმა. ნეტავ, რა ამბავი უნდა იყოს? აქ ზარბაზანს რა უნდოდა?

ცოტახანს სიჩუმეს შემდეგ, ვიღაცამ სთქვა: „აღბათ, თოფი დასცალეს, დიდი ხმა იმიტომა ხქონდა, რომ წყლის ზედაპირს გახყვა ხმაო“. მაგრამ ზარბაზნის ხმა განმეორდა და ეზოში ჩოჩქოლი ასტყდა და იძახდნენ: „ორთქმავალი! ორთქმავალი!“

თვალის დახამხამებაში გამოვცვივდით ნაპირზე და დავინახეთ პირველი და სრულიად მოულოდნელი ორთქმავალი გემი, რომელიც დიდის ხმაურით მოაპობდა რიონის ტალღებს.“

ქველმოქმედება წვეთ-წვეთობით

ლამბერტისა არ იყოს, ბოროზდინიც ჩინებული მთხრობელია. მიხსენებია სადღაც: მათი ნაწარმოებების სახით, იშვიათი ბელეტრისტული მასალა დევს ახალ საქართველოზე მხატვრული ტილოს გამოსაძერწად-მეთქი.

— აქამდე ჩემი თავი სამურზაყანოელი მეგონა, თავილონელი. ზემლიაკს ტყუილად გეძახდი თურმე, — მიმზერს აღმაცერად. გაურკვეველი მუხტის ღიმილი დასთამაშებს სახეზე. შემელოტებული თხემის მფარავი თმის თხელი ფენა ყურთან ჩამოშლია, — ევნუხებისა და სკაპცების კომანდირობა რა დიდი ბედენაა, მაგრამ მასპინძლობით შეუდარებელი რომ ყოფილა იაგორა, ფრიად მეამა. აი, თურმე საიდან მომსდგამს სტუმრების დახვედრის ნიჭი?! რამხელა ამბავია, შენი გვართ იცნობდნენ მთელს დუნიაზე შენს ხალხს და კუთხეს?! დააღებენ პირს პარიზელები თუ ლონდონელები და ყველაფერი გარკვეულია: მინგრელია, მარანი, გეგიძე.

დიდად გამახარე და ეგ არის. საგიჟეთია პირდაპირ. ეს დღეები შენთვის ველარაფრით მოვიცალე, მაგრამ თავად ხარ მოწმე, რა გაწამაწიაშიც ვარ. უსაშველო არაფერია. თანაც გაზეთში გაგიწერივარ, ბრატ! გუშინწინ დილით მომიტანეს მთელი შეკვრა. კვითხულობ სტატიას და აქა-იქ სარკისკენ გამექცევა თვალი: ფილოსოფოსად გადაგიქცევივარ მარსკოი ვოლკ! კი, ბევრი გვისაუბრია ჩვენ ამ საკითხებზე, უფრო მწვავედ და ღიადაც. ვგონებ, ეს ანალიზიც ჩემი პირუთვნელი დამოკიდებულებაა შენს გაზეთზე.

ამ სტატიაში ზემლიაკ, გური, ძამა, ზოგი სიტყვა ნაკლებად დამახასიათებელია ჩემი მეტყველებისათვის, — გახაზულ გაზეთს მოიმარჯვებს, ცხვირზე ჩამოწეული სათვალთ მიაჩერდება, — მე უბრალოების მომხრე ვარ, თანაც ჟარგონიც მომიმრავლდა ბოლო დროს. სადაც შენ „წინდებულის“ გიწერია, მე „მოცემულს“ ვამჯობინებდი. „მეოხების“ ნაცვლად „მეშვეობის“ გამოვიყენებდი. „პატუა“ რაღაა? — დაჟინებით მიყურებს ჩემსკენ სანახევროდ გადმოხრილი.

— ადგილობრივი კილო-კავია, მიხაილოვიჩ, — მივაგებებ ხელად. დაახლოებით იგივეა, რაც ქართლური ქართულისათვის, გნებავთ — კახური, იმერული, გურული თუ მეგრული.

— მერე და თქვი გულდიად, ადამიანო, — ფართოდ გაშლის ხელებს.

წაგრძელებული მაგიდისკენ დაიძრება. ზარის ღილაკს აახმიანებს და მდივანიც მყისვე შემოაწათებს.

— ბუღალტერს დამიძახე! — იბღვირება მოსაცდელში მოჯგროვებული ხალხის შემსწრე.

— ბუღალტერი წასულია უკვე, მიხაილოვიჩ, — მორიდებულია მდივანი.

— დაურეკე და მოვიდეს ჩქარა! ხომ მითქვამს, სანამ აქ ვარ, საჭირო სამი-ოთხი კაცი სამსახურში დუზასავით ჩაშვებული იყოს-მეთქი?!

მდივანი მოიხურავს ტყავგადაკრულ კარს და კაბინეტში უხერხული სიჩუმე ჩამოწვება.

— ზემლიაკ, გური, ძამა, რევოლუციას გავუძელო. ათბალიანი შტორმებიც ვერაფერს მაკლებს. აქეთ აზერებს და სომხებს ვუმკლავდები, იქით — ფაცაცის როხროხს, მაგრამ აი, შენი კონტრაქტი, შენი მორიდებული მიმოსვლები მომინელებს, ღმერთმანი! ფაცაცია ვახსენე და გაქო, იცოდე. შენი ლექსის რომელიღაცა სტრიქონი მიხსენა. ჯიბის მონტუ ჭიჭე ფარაო*, თუ რაღაც. ტიტულიანი წერილებიც მომსვლია შენზე სამხარეოდან, ლომინაძის თუ კვარაცხელიას ხელმოწერით. მოკლედ, მიტევ მარჯვნიდან და მარცხნიდან. აქამდე მარსკოი ვოლკად ცნობილი პიროვნება, კენინსბერგელ კანტს დამატოლე. აქვე მეუბნებიან, გულისწამლები ჩასტუშკა გამოგიტქვაო. სიცილით დავიხოცეთო. ქვეყანას მოფინე და მე მიმალავ?

ყურებში უხეილი ჩამიდგება. თვენახევრის წინათ იყო, ფოთში ჩემი მარათონული მიმოსვლების წლისთავზე. რომელიღაც სუფრაზე საკმაოდ ეგზალტირებული ექსპრომტებით გავქენდები და აგერ, შედეგიც — ენაი ჩემი მიმტრობს მე. კონიაკისკენ გამექცევა ხელი. ჩამოვიწურწკურებ ბოლომდე და სულმოუთქმელად გამოვცლი სითამამის მოსაკრებად.

— ნუ, ზემლიაკ, გური, ძამა, მეტყვი თუ არა? — არ მეშვება ვალერიან მიხაილოვიჩი. — შეილებს ვფიცავარ არ მეწყინება.

— ფუნაგორია გაგიგონია, მიხაილოვიჩ? ერთგვარი ხოჭოა, აგუნდავებს ჩონჩორიკს და ასეთნაირად ბუღისკენ მიაგორებს ხოლმე.

— ზღვის ნაპირას მაგის მეტი რა მინახავს, კაცო!

— ხოდა, იმ მწერსაა მიმგვანებული კაფია-ლექსის ერთ-ერთი სახეობა, ვგონებ — ლადო ასათიანისაგან. სამაგალითოდ რამდენიმეს გავიხსენებ:

**აგიაშვილისა ნიკასო,
არ ნაყვარება პიკასო,
გადარეულა პიკასო:
რა დაფუშავე ნიკასო.**

— ციგანი! — გადაფიჩინდება ვალერიან მიხაილოვიჩი, მერე უცებ დასერიოზულდება, — ასათიანი არ მინდა მე. შენეული მითხარი...

— ცნობილია აკაკის ენამოსწრებულობა, — ვაგრძელებ საუბარს, მაგრამ არ გინდა მოხერხებულად მიუახლოვდე რიფებიან ნაპირს? — ფუნაგორიას არ გააჩნია ლიტერატურული ფასეულობა. ლიტერატურულ ფაქტად ეგ არ გამოდგება, თუმცა აქვს გარკვეული მორალური ზეგავლენის ძალა. ათიოდე კაცი ვჭეიფობდით და ვაჯახე კიდევ პილპილიანი სტრიქონები სათითაოდ, — უკვე ვგრძნობ სათანადო მხნეობას, — დაახლოებით ასეა, მიხაილოვიჩი:

მიყულებით ჩავამწკრივებ ერთს, მეორეს, მესამეს.

ვალერიან გეგიძეს გაბმული ხითხითი დარევს ხელს.

— დაგიმარხია ცოცხლად და ეგ არის. — ახალი, გაუხსნელი კონიაკისთვის მიეშურება კარადისკენ. მოთმინების ძაფგაწყვეტილი ზოგი მთხოვნელი კარს გოჯზე გამოაღებს, შემოიჭვრიტება, მაგრამ მიხაილოვიჩი საქმიან თადარიგს იჭერს, ხელით ანიშნებს: დამიცადეთო, და რომელი ჭკუათმყოფელი ნავკოსალარს განრისხებულ ხახაში ჩაუვარდეს?!

— ჩემთან რა უხალთუნები დაყარე, გური, ძამა?

— არ ვიცი სხვამ როგორ და რანაირად მოგიტანა ამბავი, მაგრამ სინამდვილეში ამნაირადაა მიხაილოვიჩი-მეთქი და ამოვიბერტყავ გულს.

მიმზერს დაბინდული თვალებით. ჩემს მიღმა, ჩაწყვარებულ შორეთში იკარგება მასპინძლის გუნება-განწყობილების ნამდვილი შინაარსი. ყოველ წუთს ველი ვალერიან მიხაილოვიჩის აფეთქებას და თავის დასაცავად ხაეროვან ბარიკადებს ვაკოკოლაავებ.

მისდაუნებურად კონიაკს წაეტანება, ხრახნიან საცობს მოხსნის და ჩამოასხამს თანაბრად.

— ეხ, ზემლიაკ! ეხ, გური, ძამა! ეს მე მაქვს ბიჭო, გრძელი ენა? ერთი ხელით ათიათას დოლარს მთხოვ და მეორეთი ნაგავი ჩამომიყენე ვაგონებით?!

წასასვლელად წამოვიმართები, მაგრამ მხარზე მსუბუქად დამადებს ხელს და შემაყვნებს.

— შენს ჩასტუმკაზე უფრო უწმაწურად მომიტანეს ამბავი. სიკეთე რომ არ მდომებოდა, თვალი-თაც დაგინახებდი? რომანებს წერ და ვერ ყოფილხარ სათანადო ფსიქოლოგი, ძამა. ესეც შენი ოტობაიელი! ესეც შენი თანამემამულე! ვალერიან მიხაილოვიჩის, ზემლიაკ, ცხრამეტი ზვიგენი ძიძგნის დილიდან საღამომდე, ზამთარ და ზაფხულ. ყველას ფულისთვის გაუწვდია ხელი: მსახიობია ეს, სპორტსმენი, ავადმყოფი, სახელმწიფო მოხელე თუ რეკეტი. რამდენს უნდა იწველებოდეს ეს საწყალი ნავსადგური? საქართველო ხუთი მილიონია, ფოთი კი — ერთი. შენი თვალით ხელდავ მთხოვნელების ჯარს. ორი იმდენი სამეზობლოში მეღის. ზღვა ხომ არ არის ბოლოს და ბოლოს ჩვენი ხაზინა, თუმცა ისიც ნათქვამია, ზღვა კოვზით დაილევარო. სატირალში ვერ მივსულვარ, ქორწილსა და დღეობაზე. ყველას ხელი გამოუშვერია. — თავდახრილი ვუსმენ, მაგრამ აღმური სახეზე თანდათან მეღება. ქარაგმულად ლამის არის ბოგანო მათხოვრად მაქციოს.

— მიხაილოვიჩი, ლექსი თუ გამოვთქვი შენზე, მთლად უმიზეზოდ არა. მართალია, მე უპროცენტო ფული ვთხოვე ნავსადგურს, მაგრამ ამავე დროს უფასო სარეკლამო მომსახურებასაც შევპირდი. გაზეთის ყოველი ნომრის ათას ეგ ზემპლარს უსასყიდლოდ გადავცემ, ვჭუქნი. მეტი რა შემიძლია ხელმოცარულ ჟურნალისტს, რომელსაც გულწრფელად განუზრახავს სიტყვით მაინც ამოუდგეს მხარში მრავალტანჯულ სამშობლოს?! სად არის აქ მათხოვრობა, მიხაილოვიჩი, პირდაპირი თუ ირიბი მნიშვნელობით?

— ზემლიაკ, გური, ძამა, რეკლამები მაკლია მე? აქამდე ათიათასი დოლარის ეკვივალენტურ კუპონს რომ გაძლევდი სესხად, კიდევ არ ვიყავი გარკვეული შენს პოლიტიკურ პლატფორმაში, მაგრამ ახლა საბოლოოდ დავრწმუნდი, რომ შენი ფინანსური უზრუნველყოფა იგივეა, რაც შიზოფრენიკს ატომური იარაღი ჩაუდო ხელში. თავხედობა ორგვარია, ნიჭიერი და უნიჭო. უნიჭო თავხედის გასაჩუმებლად უამრავი საშუალება არსებობს: ქალი, ფული, იარაღი, მაგრამ, აი, ნიჭიერი თავგასულობაა ყველაზე სახიფათო და უმეტესად — თვითონ პიროვნებისათვის.

გრძელი ენა გაქვსო, მომდექი. ესე იგი, ბევრის დაპირება გიყვარს და შესრულებით ნაფოტსაც არ გამოიმეტებო. ამისთანა უსამართლო ბრალდება გავგონილა?! მოვა ბულალტერი და შენი თვალით ნახავ რანაირი ძუნწი და ხელმოჭერილიც ვყოფილვარ. განა ფული მენანება მე კარგი საქმისთვის?! მაგრამ ერთხელ და სამუდამოდ დავრწმუნდი, ზემლიაკ, გური, ძამა, შენთვის დიდი ფულის მიცემა წმინდა სისხლის დანაშაულია. ჯერ ერთი სახელმწიფოს წინაშე, ერის ინტერესებიდან გამომდინარე. მერე — თავად შენს მისამართითაც.

ხომ ხედავ ცხოვრება როგორ ამღვრეულა: დედა შვილს ვერ აიყვანს ხელში, გაიხლიჩა და გაიყვლითა საქართველო. საზოგადოების ერთი ნაწილი მეორეს დევნის, მეორე — მესამეს და ასე დაუსრულებელ პაექრობაში სამშობლო დაგვექცა, გავგვიანავდა. ყოველ მეორეს იარაღი გაუჩრია ქამარში. ყოველი მესამე წმინდანის ანაფორაში შემძვრალა. ყოველი მეოთხე მამულის გულდამწარი ჭირისუფალია. ხოდა, ამისთანა ვითარებაში, ზემლიაკ, გური, ძამა, შენი ტემპერამენტისა და გაქანების კაცს ხელში დიდძალი მყუთი ჩაუდო თავისუფალი მოქმედების გარანტიად, უეჭველი სიკვდილია და სხვა არაფერი.

ბიზნესმენი იყო, ჯაროს და ხე-ტყის უკირკიტებდე, თვალსაც არ დავახამხამებდი, როგორც გუშინ-წინ თუ გუშინ. იყო მეცნიერი მათემატიკის განხრით ჩვენს ვეკუსავით, ან პერსპექტიული სპორტსმენი კანდელაკივით, ორივე ხელს ავწევდი, მაგრამ რედაქტორი ხარ ეს ოხერი და თანაც სიტყვა სამართებელივით გიჭრის. ის სამი პიროვნება, შენ რომ ჩასტუშკა მიუძღვენი, ჩემგან განსხვავებით კბილებს აკრაჭუნებენ, ძამა. შეიძლება პირად ურთიერთობაში არ გამოამყდებონ ბოლმა, მაგრამ ყოველთვის შეეცდებიან შენს გაბითურებას, შენს წაქცევას, ესეც უეჭველია.

მისაუბრია შენზე ედიშერთან, ჩვენ სადღაც ვენათესავეებით ერთმანეთს.

თბილისიდან ტაქსით მომადგა კარზე გატრეტილი და აბანო მომთხოვაო, მითხრა დაუფარავად. თავიდან შემოგზავნილი მეგონა, მაგრამ მერე დავრწმუნდი, უღალატო კაცია, ოღონდ ესეც არის, თამაშის წესები ნაკლებად იცისო. მოკლედ, ამისთანა არაორდინალურ პიროვნებას ბომბზე უარესი გაზეთი დაგიფინანსო, ხომ დაგლუპე ჩემივე ხელით და ეგ არის. ისე გაიჭყლიტები ზემლიაკ, გური, ძამა, ვერც გაიგებ. ქიმშექყანჭყუქ.* ხოდა, მოვიფიქრე მგონია შენთვის ხელგამართვის სათანადო ფორმა. შენ ჩემგან პადდერჟკა არ მოგაკლდება, მაგრამ ერთბაშად კი არა, ნაწილ-ნაწილ. სახელის მაძიებლად მიცნისხარ, მაგრამ გაზეთიკობისათვის გახვრეტელ მაშურისნაც არ მოგცემ. აი, მწერლობა — მესმის. წერე რომანები, გური, ძამა, და იცურავე მერე ვეშაპივით მშვენიერების ოკეანეში.

— ოტობაიას კონტრაქტი და პარუჩენია მოიტანე, — ეტყვის კაბინეტში მორიდებულად შემოსულ ბულალტერს.

რამდენიმე წუთში ისიც აქ გახლავთ. ნაძალადევად იღმინჭება, თითქოს ვალი მმართველს მისი ან ყურადღება მომეკლოს დარიგებისამებრ.

— ა, შეხედე, ზემლიაკ, მომიწერია თუ არა ხელი პარუჩენიაზე?! გამომართვი, გამომართვი, დაიტოვე სამახსოვროდ. — ერთს მიწვდის, დანარჩენს გადახვეს მესამედზე. კონტრაქტს მიიჩოჩებს. ბულალტერს მიაჩერდება. ისიც უსიტყვოდ მიუხვდება და ბურთულიან კალმისტარს მიაწვდის. გამალებით დაადებს რეზოლუციას. ხან ერთს ამოგვხედავს სათვალისდან, ხანაც — მეორეს.

— აქ განკარგულებაა გაცემული ათიათას დოლარზე. დღეს კუპონი დოლარზე მეტია, მაგრამ არავინ იცის ხვალ და ზეგ რა ბალაგანი დატრიალდება და საქმისათვის ამგვარად ჯობია. თვეში ხუთასზე მეტი მიგიცია და დაემშვიდობე სამსახურს! გასაგებია?! სხვა დოკუმენტების გაფორმება შენთვის პრობლემას აღარ წარმოადგენს. ფოთზე წიგნს გვიწერს კაცი და არ შევუწყოთ, აბა, ხელი? — ისევე გააჩხაკუნებს ღილაკს.

შემოწრიალებულ მდივანს, მძლოლიო, უბრძანებს მოუსვენარი ხელის მიშველიებით.

— ჯერ ბულალტერს გაიყვანს სახლში, მერე... შენ ვისთან გაჩერებულხარ? — მომამტერდება.

— დოლბაიებთან, ვალერიან მიხაილოვიჩი, თემურ დოლბაიასთან.

— მოვრჩით, აბა, საქმეს. შემოლაგდეს ყველა. რიგი და თავპატიჟი არ დამიწყონ. დილაადრიან თბილისში მივემგზავრები. აბა, მარდად, მარდად! — ჩახლართულ თითებს ატკაცუნებს ზურგისკენ გადაზნექილი.

გადავეხვევი ერთიანად შეძრული.

ყურისძირას მტკიცავს მსუბუქად, მერე სალოკი თითის ქნევას მოაყოლებს გაფრთხილების ნიშნად.

სხვა არავითარი ხმა. სხვა არანაირი მოძრაობა. ჩაეშვება სკამზე მაშუქის ალმაცერი ნათებით იანუსივით გაწონასწორებული და ფიქრის ნისლეულში გემივით შეცურდება.

დიახ, ზურგისქარი უამრავი მახსოვს ამ ერგასი წლის მანძილზე, უცბადედი, ეფემერული თუ ნელთბილი, მაგრამ ვალერიან მიხაილოვიჩისეული შეუდარებელია.

დიდი ჯოტო

ოთხმოციანი წლების დამდეგს საქართველოს მწერალთა კავშირი ზუგდიდში მიმავლენს. ეს ის პერიოდია, როცა ბელეტრისტიკას გარკვეულ ანგარიშს უწევს პარტოკრატია, მაგრამ სიტყვის ოსტატი რამდენადმე ცნობილი უნდა იყოს. სრულიად ახალბედებს, ცხადია, ხელს არავენ გაუმართავს. ჰოდა, მაშინდელი რაიკომის მდივნისგან, ივლიანე თოდუასგან, დელიკატურად ჩამოშორებულს, ბოჰემური ცხოვრების ტალღა გამიტაცებს.

შემოდგომის ერთ, ანკარა დილით, ფოსტატის წინ ბატონი ჯოტო გუგუჩია შემხვდება. თავდადრეკით მივესალმები, რადგანაც შორიდან ვიცნობ და ჩავუვლი, მაგრამ დიდი ჯოტო. მკლავზე წამეტანება და გასაოცარი ღიმილით მეტყვის:

— საით, ყმაწვილო?

დავიბნევი. მღელვარებისგან ტყუილსაც ვერ მოვახლავთ და გულლიად გავუმხელ:

— წუხანდელი ნაბახუსევი ვარ და პახმელიიდან ლუდით ვაპირებ გამოსვლას-მეთქი.

— მეც მაგიტომ შეგაჩერეო, — გამომცდელად ჩამხედავს თვალებში, — ბიძია, ღვინო ხომ იცი, ჯოჯოხეთია, ქვევრებს ხეთქავს. მერედა, ზუგდიდი ძლიერია, სტუმრის დაფასება იცის. მასპინძელს რა გამოგილევს შენ, სადადიანოში?! ყველას ფეხი თუ აუწყვე, დაილუპები და ეგ არის. მაქვს მე შენთვის ჩინებული ადგილი. მითხრეს: ნიჭიერი ყმაწვილიაო და მართლაც, სიკეთე თუ გწაღია ჩვენი კუთხისთვის, ქვეყნისათვის, ჰა, ბურთი და ჰა, მოედანო.

არ ჩავეძიები, რა ადგილი გამოუწახავს ჩემთვის ბატონ ჯოტოს, უყუყუანოდ დავთანხმდები, და როცა მკითხავს, მზად თუ ხარო, არც ამაზე დავიხვე უკან, ჩემი ბარგი-ბარხანა ხომ სპორტულ ჩანთაში ეტევა — რამდენიმე პერანგი, ქაღალდები, ორთოგრაფიული ლექსიკონი თუ მისთანანი.

წელიწადზე მეტს დაყოვნდები ზღვისპირა ჭურიაში, კახათელების ახალშენში, როგორც საპატიო სტუმარი. გუგუჩიების საბან-ლეიბზე მძინავს. ქალბატონი ნათელა გაქათქათებულ თეთრეულს მიგზავნის თვეში სამჯერ. კვირაში ერთხელ უთუოდ მომიკითხავენ განსაკუთრებული კერძით. არ მაკლია ახალ-ახალი ჟურნალ-გაზეთები. ხუთი ძროხა იწველება ჩემთვის. ხუთი ჰექტარი მარწყვის მორევში ვცურავ.

ამ ხნის მანძილზე, როგორც ტექნიკაში გაუწაფავი, ორი მოტორიანი ნავის გაფუჭებას მოვასწრებ, მაგრამ ამის თაობაზე საყვედური ერთხელაც არ დასცდება ნეტარხსენებულს. ისე კი თავის გარაჟში საგანგებოდ ჩაკეტილი, (რომლის გასაღები იპო ფაჟას აბარია) ხელუხლებელია ყველასათვის. აქვს ნათქვამი:

— ამ მოტორიან ნავს ნურავინ დაქოქავს, რადგანაც როცა სტუმრებს მოვიყვან, გაკრიალებული უნდა დამხედესო.

ერთხელ, წვიმები იმძლავრებს ჩვენში, ინტენსიურ დნობას იწყებს კავკასიის ფერდობებზე ჩამოზვინებული თოვლიც და ჯუმის ხიდს ერთიანად წაიღებს აბობოქრებული მდინარე. მთელი ათი დღით მოვწყდებით კონტინენტს. შემოგვაკლდება პური, სიმინდის ფქვილი. მხოლოდ ყველით თავის შენახვა კი შეუძლებელი ყოფილა თურმე. გამოგველევა სიგარეტი, გაზეთები.

ჩვენგან, კახათელების ფარეხიდან ხუთიოდე კილომეტრის მოშორებით, კიდეც არის იროდი სართანის კარემ, მაგრამ იქამდე ხმელეთით ვერ მიალწევ. არადა, დიდი ჯოტოს მოტორიან ნავზე როგორ დავჯდე?! ვიდავებთ, ვიკამათებთ, და მანუგეშებენ:

— ხუთი კილომეტრის გავლისას რა ჭირი უნდა დაგემართოს?! თავდებად დაგიდგებიო, — შემავლუნიანებენ და ტაბუდადებულ ნავს დამაქოქებინებენ.

მშვიდობიანად ვიმგზავრებ იროდი სართანიამდე. ის გასაოცარი ტყაჩუხ ღვინითაც გამიმასპინძლებდა. ათიოდე ბოთლსაც გამომატანს ამდენივე პურთან და ორჯერ მეტ „პრემასთან“ ერთად.

ბინდისპირია.

ჩამავალი მზე ფარავს ყველას და ყველაფერს.

ნაპირთან მისვლა მომიხდება.

ტალღები ლიცლიცებენ და თვალს მიჭრელებენ. თურმე ვილაც ბრაკონიერს მთელი ჭურისის სიგანეზე ბადე გაუშლია და გავიხლართები კიდეც იმ ქსელში.

ტექნიკაში გამოუცდელი ვახსენე. გაუჯიუტდი ჩემს მდგომარეობას და ძრავას გადავწვავ. ბევრს ვიჯახირებ ვიღრე თავს დავალწევდე აბრეშუმის ბადეს.

ამასობაში დაღამდება კიდეც და მწყემსები აქეთ მომეახლებინ ანთებული ჩირაღდნებით. იგუმანებენ თურმე ჩემს გასაჭირს, რომ დიდი ჯოტოს მოტორიან ნავსაც გამოვუყვანე წირვა. ვვა-

რაუდობ, მომდევნო დღეს ზუგდიდში წავილა „ვიზრ-65“, შევაკეთო, ან ახალი ვიყიდო, ისე რომ, სახლიკაცმა ვერარა შეიტყოს, მაგრამ მეორე დღით აქეთ გვეწვევა სოფლისთავი მეგობარი ქალების ამალით.

გავშრებით, გავხვევდებით აქამდე აწრიალებულები. არ ვიცი სად წავიდეთ, რა მოვიფიქროთ. ბატონი ჯოტო გარაჟის გასაღებს მოითხოვს. დიდხანს ეძებენ კახათელი მწყემსები იმ კლიტეს, მაგრამ როცა ყსიდად ვერაფერს იპოვიან, გუგუჩიების თავკაცი მსუბუქად წაახემსებს თავის მრევლს და უხმოდ ზუგდიდში მიბრუნდება.

არც მე დავრჩები დიდხანს, რამეთუ გასაგებია, რომ ბატონმა ჯოტომ ყველაფერი იყოსა და კახათელების ფარეხში უკვე შინაგანადაც არ დამედგომება დამნაშავეს. მობარებულს ხომ მგელიც შეიფარებს?! რამდენიმე კვირას ნათესავ რაფავებთან ჩავიკეტები. იქაც მიპოვის განუმეორებელი კაცი. ჩვეული ღიმილით და მოჭუტული თვალებით დამიცაცხანებს:

— აიკარი გულა-ნაბადი, მწყემსები გელიანო, — მეტყვის. მოტორიან ნავს არც ახსენებს, ან რა სახსენებელია, როცა მომდევნო დღეს ახალი ჩაუტანია მწყემსებთან.

მოდით და განსაჯეთ, როგორი შესაფარებელია მთელი წელიწადით პიროვნება, რომლის ძმაკაცები კვირაში ერთხელ უსათუოდ დაბრძანდებიან მუქთა პურ-მარილზე?! ან როგორი შესანახია ოტროველა კალმოსანი, ვისი უნარები ჯერაც დაუდგენელია და აქა-იქ უცილობლად გაუტევეს დედაქალაქისკენ მასპინძლის ჯიბეს მიჩერებული?! ან კიდევ პიროვნება, ვისაც სამი მოტორიანი ნავი გაუფუჭებია მეურნე კაცისთვის?! დიახ, დიდი იყო ბატონი ჯოტო გუგუჩია...

ბატონი საშა ეგუტია

მეორეს ვიტყვი: უკვე ზუგდიდში ჩამოვბრუნებულვარ. მერამდენედ გადამიწერია „სიცოცხლისმი-ჯილების“ პირველი წიგნი, მაგრამ გადასაბეჭდი ფულის უქონლობის გამო გამომცემლობაში ვერ მიმიტანია. ვიცი შალვა დადიანის სახელობის ზუგდიდის სახელმწიფო დრამატული თეატრის დირექტორს, ბატონ საშა ეგუტიას, ორი საბეჭდი მანქანა აქვს და გაგებდავ რამდენიმე კვირით დავენათხოვრო.

იმხანად ბატონი საშა ავადმყოფობს. დიდად გაახარებს ჩემი სტუმრობა. თავსასთუმალთან გაუშლის სათნო მეუღლე სახელდახელო სუფრას. ბევრს ვისაუბრებთ პოეზიაზე, მომავალ წიგნზე, გვემეზზე. წამაკითხებს ლექსებს. ბოლოს სატკივარსაც შევაპარებ.

— ისეთი კალიგრაფია მაქვს, ბატონო, საშა, უჭირთ მბეჭდავს ჩემი ხელნაწერის ამოკითხვა. იქნებ ათიოდე დღით საბეჭდი მანქანა მათხოვოთ-მეთქი.

— გაგჩენია პრობლემაო, — ბრძანებს. მეუღლეს კალმისტრისა და ქაღალდის მოტანას დაავალებს. ბალიშზე თავამომადლებული გაკრული ხელით დაწერს ბარათს. მერმე კონვერტს მოსთხოვს თანამეცხედრეს. ისიცმოუტანს. მახსოვს, კარგად მახსოვს, ცერს დაინერწყავს ბატონი საშა, კონვერტის წიბოებს წაუსვამს და გულმოდგინედ დაწებავს. გამიკვირდება, ისეთი რა წერია, ამდენს რომ უფრთხილდება მეთქი.

— ჩემს ბუღალტერს მიუტანე და მოგცემსო, — ამ სიტყვებით გამომემწვიდობება.

იმავ დღეს მივართმევ სანდომიან მანდილოსანს ბატონი საშას წერილს. ბუხპ-ალტერი ჩაიკითხავს, ამხედ-დამხედავს და მოგუდული ხმით მოჭრის:

— ხვალ მობრძანდით, სამი საათის შემდეგო.

დამწყდება გული, რადგანაც სამუშაოდ ავღრენილვარ. უკვე მომიმარაგებია ფურცლები, 13-მილიმეტრიანი ლენტაც. დღეს რამდენიმე გვერდის გადაბეჭდვას მოვასწრებდი-მეთქი, მაგრამ რას გავაწყობ და აჰა, ბატონი საშას ბუხპალტრის კაბინეტში ვარ ისევ. ოთხის ათი წუთია. მანდილოსანი ღიმილით მიმზერს და თვალებით მანიშნებს ნივთზე:

— ეგეც თქვენი საბეჭდი მანქანა.

შევხედავ და ფერი მეცვლება. საბეჭდი მანქანის კლავიატურიდან რუსული შრიფტი მეპირქუშება.

— ქალბატონო, კი, მაგრამ როგორ? მე ჯერჯერობით ქართულად ვწერ საბედნიეროდ და არა რუსულად-მეთქი.

— მოიცათ, მოიცათ, ეგ საშამ „გიპადარკათო“, — ასე დამიკონკრეტებს.

თმა ნემსებივით დამადგება თხემზე, იმდენად მოულოდნელია ყოველივე. „ერიკა“ ჰქვია ქათქათა საბეჭდ მანქანას.

ბუხპალტერი თავისკენ მიხმობს და მშვიდი ხმით მეუბნება:

— აქ მომიწერე ხელიო.

მეც ინსტინქტურად ვემორჩილები ქალბატონის მითითებას და ჩემი გვარის გასწვრივ უწყისზე ხელს ვაწერ, სადაც გარკვევით ანათებს: „220 მანეთი“.

არ ვიცი როგორ მოვიქცე, ტელეფონით ვუთხრა მადლობა ბატონ საშას თუ კვლავაც შინ ვესტუმრო.

— მოიცა, საით ჩქარობ, — მიწყრება უკვე ბოლომდე გაშინაურებული ბუხპალტერი, — მეორე უწყისს ამოაცოცებს უჯრიდან, — ხელი აქაცაა მოსაწერი, — მბრძანებლობს.

ახლა მთლად ვიბნევი, კვლავ ჩემი გვარის გაყოლებაზე ვაწერ ხელს, სადაც „280 მანეთია“ ღუზაჩაშვებულნი.

— ეს ფული ამ საბეჭდი მანქანის გადაკეთებისაა. ასოცი მანეთი უნდა მაგ ამბავს. დანარჩენი სამგზავროდ უნდა იმყოფინო, — მეუბნება და კვლავ მებურძღვლება თმა კინკრისოზე. დიახ, დიდი იყო ბატონი საშა ეგუტია...

1997 წ.

ფულის ანბალის აზრად

ადამიანებთან ურთიერთობისას განსაკუთრებული ქუდბედიანობა მმფარველობს. ამის თაობაზე მეტის სიცხადით ვისაუბრებ გზადაგზა, მაგრამ დღემდე ვერაფრით ამიხსნია რისი მიზეზითაა ყოველი, თანამოქმეთა გულქართლობით თუ სულაც გამოსადეგი ადამიანის მოლოდინით ქვაზე დადებული სიკეთის მსგავსად, გამოივლი და წინ რომ დაგხვდება. იქნებ უფლის კალთა მაფარია-მეთქი, ამიჩქროლდება ხოლმე გული, თუმცა უმთავრესი ის გახლავთ, რომ კიბის ქვეშ სულამოხდილი ფიროსმანის მამულში, განჯელი ყაჩაღების დევნით დაფერფლილი ტატოს სამშობლოში, საფლავ-საფლავ სამადლო ტრაპეზს ჩასაფრებული ტერენტის დობადონაში, წინდების კერვით გაწიწმბებული გალაკტიონის მემლექეთში, სულზე მომისწრებს ხოლმე მოყვასის წელში გამმართავი მეოხება.

ტარიელ ქანთარია „ფათოხლის“ პურის ფქვილით ყოველთვიურად მომიკითხავს მარტოხელა დედას;

ირაკლი ჩიქავა, ჩვენი ტუკა, ხელგაშლილად დამიფინანსებს ბილინგვა ლექსების კრებულს — „გვიმარა“;

რევაზ ფაჩულიას ფინანსური მხარდაჭერა რის ვაივავლახით დამიხსნის მაქინატორი ბიზნესმენისაგან.

თამაზ ლომაია, გიორგევიჩი...

ახლაც მისი საცხოვრისისაკენ მივეშურებით ორნი, მე და სიყრმის მეგობარი ვახტანგ მიშველია. სოფელ კოკის გადასახვევამდე გზა გაკრიალებულია, ქუევეითის პროგრამა დარჩელის მისადგომამდე თვალგასახარად წაადგება აქაურობას. მერე ზურგის ქარი მოაკლდება იმ ძალისხმევას და ოთხივ კუთხით შენარჩუნდება ათწლეულის დამაოხებელი ოღროჩოღრო.

ვახტანგი მოსკოვიდან ჩამოსვლისას აქაური გზატეხილების შესადარ „ჯაგლაგს“ შეიძინს ხოლმე ზუგდიდის მანქანების ბაზრობაზე და მისით დახრიგინებს შუკა-შუკა, მოიჭერებს დედულეთში ხეტიალით გულს და უსახსროვრებს მერმე რომელიმე ნათესავს.

სიყრმის მეგობრები გვეთქმის სამოცდაათიანელების კვალობაზე. სახელმწიფო უნივერსიტეტის პირველ-მეორე კორპუსში აქა-იქ საზიარო სემინარებიც გამოგვეჩიბება. განსაკუთრებული ინტერესი აკადემიკოს შოთა მესხიას ლექციებისკენაა. ხან სტუდენტურ პურობაზე შევეხილებით ერთურთს. მამით აღრე დაობლდება ჩემსავით, მაგრამ ამაზეც — შემდგომ.

ორსანტიისკენ მეორედ მოვეშურებით. 14 იანვარს თამაზ ლომაიას წლისთავი იყო. ახლა მარტის მიწურულია, მისი საფლავისკენ მივირწევით ნალიმას გავლით. აქ, კოკთან, ომერ ფაშას ასკერებს კუდილთ ქვას ასროლინებს სამეგრელოს სახალხო ლაშქარი, ეკატერინე ჭავჭავაძის წინამძღოლობით. ცოტა ზემოთ, ენგურის მარცხენა სანაპიროსკენ ორსანტიის სანახებია; გავცდებით რემიკო ბესელიას საარაკო სამოსახლოს. აქაურობას ოტობაიასაც ეძახიან რატომღაც. ოტობაია ორი გამეგონა დღემდე — დიდი და პატარა, პირველი და მეორე; აგერ, მესამეც გამომტყვრალა. როგორც ხანდაზმული ხალხისაგან შევიტყობ, საუკუნეების წინათ მდინარეს კალაპოტი მკვეთრად შეუცვლია, მარ-

ჯენივ მიჯრილა, ნარდში წაუგებლად უფეშქაშებია ოდიშელებისათვის სამურზაყანოს ნოყიერი მიწები. ამას იტყვიან მხცოვანნი, მაგრამ ვის ახსოვს ახლა შენი ოტობაიის ნაბდისგაშლა ტერიტორია? ორსანტიას შერწყმია, მის საყანე-სავენახეს, მის ეზოებს და სასაფლაოებს.

ვახტანგის დედა, ანეტა კანსტანტინოვნა ბერაიხეა, ნაბაკეველი, ენგურსგადაღმელი და ჩემი მედაჩხირე მეზობელი. აქაც უამრავ წვრილმანს მოეფინება ნათელი ნარდის ჭახაჭუხში გავარკვევ თმასპეტაკი მანდილოსნისაგან, რომ მამაჩემის ბიძაშვილს ხეყარებია, მირონის წამცხებ მორღია ბართლომეს. თუმცა ეს თემაც განშტოებითია და თავის ჟამს დაუცდის.

— მე არ ვიცნობდი თამაზს, არადა, მაგარი ბიჭი ყოფილა, — მეტყვის დაღვრემილი იერით ვახტანგი და ისედაც დაღარულ სახეზე ახალი ნაოჭები დაასხდება.

— ჭკოლასთან მინახულა წლების წინათ ცუგრუმელა ასულთან ერთად, — მხრებჩამოყრილი ვარ მეც, სიკეთის განსახიერება იყო სწორედ. ჭკოლა ხომ იცი როგორი უგულისყურაა, მომიცადეო გეტყვის, ორ საათში მოვალო, დაგიბევეს და 24-ის მერმე თუ მოტრიალდა, უფალს მადლი შესწირე. ჯერ კიდევ როდის გისაყვედურებია ჩემთვის: მშურს თქვენი მეგობრობაო. გამუდმებით ერთად რომ ვეთრეოდით, ეს გიწიწკნიდა სულს. იმხანად ჩემთვის აღარც ჭკოლას ეცალა და აღარც — შენ. მწერლობაში ეს-ეს არის ფეხს ვიდგამ. ტიტე მალაშხიას პროფტექნიკუმის საერთო საცხოვრებელში შემჩურთავენ. სერგო რიგვავა თავის სისტემაზე სარომანოდ მაქეზებს. ბორის ლომაიას ფინანსური მხარდაჭერით ნახევარ წელიწადში რაღაცას მოვახლაფორთებ, მაგრამ გამოცხადებულ კონკურსში, აწ მოძრაობა „მძლეველის“ სასძლო აკაკი ჯორჯაძის რომანი „ანგელოზი დადის მიწაზე“ მიიღებს პირველ პრემიას. აბა, რა იქნება, როცა ფაბულა ენგურით შეიცვლის კალაპოტს და გადი ლომაიას ბიძის პროფორიენტაციის პრობლემებს ოტობაიის მიწის ნაგლეჯით წერება ხელში ტკბილ-მწარე სინამ-დვილე, ოდაბადე რომ ხეკვია სახელად, წუთისოფელი, კუზიანი საწუთრო. შევთანხმდეთ: ბრალეულობა თანაბარია ჩემო, იზლერ, — სტუდენტობის პერიოდის სახელით მივმართავ, — ნაკლებად ვიცლიდით ერთმანეთისათვის. აი, გიორგევიჩი კი შეუდარებელი იყო. ტიტე მალაშხიას „ფეხეოს“ სხვენზე შეკვებულს რომ მიხილავს, ხელს წამოავლებს გაქერქილ ჩანთას და საკუთარ ბინაში მომათავსებს; ეგერ, დამწვარი მილიციის შენობის პირდაპირ გამომითავისუფლებს სივრცეს, სანამ ზღვისპირა ჭურიაში კახათელების ფარეხში გადავბარგდებოდე.

თამაზი დაუსწრებლად სწავლობდა იურიდიულზე, მაგრამ პოეზიის ნამდვილი ტრფიალი გახლდათ. განსაკუთრებით ჩემს მეგრულ ლექსებზე ეკეტებოდა გონება. სად არ დავყავდი, ვისთან? სამოწყალოა ბენზინის ფული ცინცხალი „ჟიგულისათვის“, რომელსაც ნიდაგ აღმა-დაღმა ბობლილი რამდენიმე თვეში შენს ბეხრეკ „ოცდაოთხს“ დაამგვანებს ტაოტიან მანქანას: წალენჯიხა, ჩხოროწყუ, ჯვარი, სალხინო, იმერეთი და გურია. კვირაში ორგზის ორსანტიაში დავყავარ. არა, ზნეობის განსახიერება იყო ნამდვილად. ხარის თვალები ხეონდა ბეჭებგანიერს და აშოლტილს. მისი გარდერობი მონომახისაა ჩემთვის, მაგრამ მოიძიებს სამეგრელოში რამერუმე სადაგს და მივაცილებთ ამნაირად დღეებს, კვირებს, თვეებს. განსაკუთრებით ციური ქირიას ჯიბეს ვეიმედებით და კიდევ — თამაზის შუათანა დისას. აქ, ამ შუაგულ ქალაქში, ლომაიებისას თავყრილობენ ქვარცხავეები, ბერიშვილები, ახალაიები, კიტიები... სხვანი და სხვანი; დიახაც, უშურველია ჩემი ძმობილი. სოფლიდან რძე და ყველი ჩამოაქვს, თხილი და თაფლი. ნადარაიებთან მეფური სუფრა გაიშლება ხოლმე. თვითონ რა აბადია და ჯიბეს ამოიცარიელებს. ამგვარად გავახათაბალებთ წელიწადზე მეტს. მერე ჭურიაში გადავიკარგებთ-მეთქი, მიხსენებია. იქაც მომაკითხავს გვარიანად შერყეული „ნოლშესტი“. ოთხმოცდახუთში დედაქალაქისაკენ რომ ვუტევე, წელიწადში ერთგზის უცილობლად მომძებნის სტუდენტალაქსა თუ მიყრუებულ გარეუბანში. ბავშვივით ხარობს ჩემი „წარმატებებით“. ჩამოვფუძნდები ზუგდიდში და აქაც გამონახავს დროს უკვე ოჯახური პრობლემებით დატვირთული და ამავედროულად საშინელი სენის უღელს შემბმული თურმე. გვიან შევიტყობ მის ავადმყოფობას, მძიმე ოპერაცია გადაუტანია. ერთხელაც ვერ ვინახულებ. მერე მთლად უარესი — მთვარიან ღამით აღესრულება.

ყოველ შემთხვევაში ასეთნაირად დამამუშნათებს ერთი აყარო ოდიშარი ფილარმონიის საკონცერტო დარბაზთან შემოფეთებულს.

მეგობრებს მაგრად გაგვიტყდა შენზეო, ამგვარად მომაცივდება.

კი, მაგრამ რის გამო-მეთქი.

რისთვის და გიორგევიჩის სატირალში რომ არ ჩამოხვედიო. სულ შენს ხსენებაში ამოხდა სული, შურს სქანდა მიშუხედუა. უთარგმნელია ეგ სიტყვა.

მერე და ვიცოდი-მეთქი. სისხლი ამასხამს ტვინში. ვინ შემატყობინეთ, რომელმა? მისამართი თუ

არ გქონდათ, მწერალთა კავშირისათვის მაინც გედებეთ, ვინმეს მომიგზავნიდნენ-მეთქი.

დავიჯერო, არ იცოდით.

მტყუანის-მეთქი და შევიკურთხები მრავალ სართულიანს.

— სამაგიეროდ ხომ დასაჯე წლისთავზე ყველა საკადრისად?!

— დავსაჯე და, როგორ! იმ დღეს მანქანიდან შენ არც ჩამოსულხარ. სპორტულებში იყავი, როგორც ამჯერად. ქურქი მოგესხა ზედ, ჭიჭიკოს როლი შეიშნოვე. სანთელი ისედაც ანთებული გვქონდა საფლავზე. ოჯახში შესული საკმევლს ვუკმევ საკურთხს. ჭიქას წავუქცევ. გამოვესაუბრები შავოსან დებს, მეუღლეს, შვილებს. ჭირის სუფრა ბაბანებს. განმარტოების საბაბი უამრავი გამაჩნია: წელიწადზე მეტია არ ვეკარები ღვინოს. მომაკითხავენ გაქანებული ქელებიდან ბიჭები, მაგრამ ყველას გავაწბილებ:

თქვენთან პურის გამტეხავი არა ვარ-მეთქი. თუკი მეგობრად მიმიჩნევდით, თამაზის აღსასრული რატომ არ შემატყობინეთ? ან თუ მოუცლელივით ვერ მოგიხერხდათ ჩემი გაფრთხილება, უსამართლო საყვდურები მაინც რა იყო-მეთქი და იქაურობას გავეცლები.

ლომაიების სასაფლაოზე სიწყნარეა. მარმარილოდან სევდიანად ილიმის დაუტირებელი ძმობილი. ღვინოს მოვასხურებთ მოწყნარულ ყვავილებს. გავაბოლებ და კარგა ხნის დუმილის შემდეგ ანაკლიისაკენ დავეშვებით. ზღვისპირა ჭურიაში სოლივით გახეშილი მერომანე ძმაცაცისათვის ვახტანგს რამდენიმეგზის მოუკითხავს. გვითევზავია კახათელების არხებში. ახლა ზღვაში ბანაობა მოგუნებებია და ხასიათი უმჩატდება. ჩვენც გვქონია სიხლოვე და წყვეტა. ბოლო ათი წელიწადია მოსკოვში გადაბარებულა. ბიზნესში მერკურის მფარველობს და „ნადსმენობის“ მიუხედავად საწუწუნო არაფერი აქვს: უფროსი ასული და სიძე სამი შვილიშვილითურთ დანიაში დაუბინავებია მიშველიების გვართ. უმცროს შოთიკოს ჟურნალისტიკა დაუშთავრებია „ემგეუში“ და ახლა დიპლომატიურზე აგრძელებს სწავლას. მემკვიდრის დაწუნებული მობილურები და „ინომარკები“ მის გამგებლობაშია. ჭაბუკობის წლებში ერთი ქალი გვხიბლავდა ორივეს. მერე პოლიტიკოსობას მოუსინჯავს ფხას გურამ ყორანაშვილის თანამეინახეობით. მოგვიანებით ლეიბორისტებისაკენ გაუწევს გული, მაგრამ დიდხანს ვერც იქ დამკვიდრდება და გადაეშვება მოსკოვისაკენ. აქ, სადალიანოში, წელიწადში ერთხელ მაინც უთუოდ შემომხმინანება, როცა ძარღვებში ნერჩის მადლი შეუსუსტდება; როცა სულში ფუძის ანგელოზის აურას მაგნიტური ზემოქმედება გაუნელდება.

ორი წელიწადია რამდენიმე კვირით გადავენასკვებით ხოლმე ერთურთს. არ ილევა მგზავრობები სამეგრელოს კუთხე-კუნჭულში. ნათესავ-მეგობრის ცვენაა მის ჭიშკართან. თითით ყელს გამოუწევინ დახმარებისათვის: ვის სამარშრუტო ტაქსის შეძენა უნდა, ვის — „იკარუსისა“; ზოგი აღებ-მიცემობასაა ჩასაფრებული და საქმის წამოსაწყები თანხა სჭირდება. არავის გააწბილებს, ოღონდ მთავარია საამისოდ თავი დაუდრიკონ.

— თანდათან ვკარგავ ნათესავებსო, — მიმხელს მოჟამული — ამხანაგებსაცო, — დასძენს, — ხელი გამიმართავს ყველასათვის, და რადგან ვალის დაბრუნება ჯოჯოხეთია, თავს მარილებს დიდ-პატარაო, — წუხს.

თუთაშხიას იგავს შევხსენებ, უკეთ მორდობის ეპიზოდს — როგორ დაუკლებს ბიჭს ხალათში აბაზს თუ შაურს და ისიც გაყიდის თხას შელავათიანად. საგანგებოდ გამოკვეთავ ფორმულასავით ჩამოქანდაკებულს: „**ვისაც ჩავაცვი, სწორედ იმან გამხადა**“.

მე სათხოვარი რა უნდა მქონდეს ვახტანგთან, მესიტყვე კაცს, თავზე სხვისი ჭერი რომ მახურავს და ბედუინებით ვხეტილობ პარტახ მამულში? ქალაღლისა და კალმისტრის გროშებს ყოველთვის მოაკოწიწებს გური ოტობაია. ან როდის ყოფილა დახმარებისათვის მუცელზე ეხიხილა? დილით ხაშის და ზედ ლავაშის ფული მეც მიჭყავის ჯიბეში. თვითმფრინავის და ერმიტაჟის ყიდვას ნამდვილად ვერ გაწვდება ჩემი ბიუჯეტი და თავი ტყუილუბრალოდ რისთვის წავხარო?! ეგ არის და ეგ. ხო, მართლაც შარშან „სიცოცხლემისჩილებს“ პირველი წიგნის ნორა ნეიმანისეული რუსული თარგმანი ჩამიბარებია ჟურნალ „დრუჟბა ნაროდოვში“ მისატანად. უკეთ მისი რედაქტორისათვის, ბატონ საშა ებანოიძისთვის, გამიგზავნია იგი რამდენიმე წლის წინათ, მაგრამ მოსკოვში გულშემატკივარი არავინ აღმოაჩნდება, რომელიც ჩემს რომანს უქომაგებს, არც —ნათესავი, აღარც—მეგობარი.

— მებორნის ზღაპარი თუ გაგიგონია-მეთქი, ვეუბნები ღიმილით.

— აბაო, — და მომაჩერდება სახეში.

— ვილაც ბოგანოს მებორნეობა მიესჯება ზეცით. ერთხელ უფალი ესტუმრება მის დაწყველილ „ზავდენიას“ და რაჟამს გაღმა ნაპირზე გადაიყვანს ცაბაოთს, სთხოვს, ურჩიოს, როგორ, რანაირად დააღწიოს თავი ქარონის ჯოჯოხეთურ საქმეს. ზოდა, მაცხოვარიც არ დაახანებს:

როცა ვინმე მართლხელა მგზავრს შემოიკედლებ, შეეშვი ორთაყვირს, უბიძგე ბორანს მდინარი-საკენ, შენ კი ნაპირზე გადმოხტი და ეჯაჯგუროს მერე რამდენიც ნებადღესო. ამისა არ იყოს, იზღერ, ძმაო, ჩამიბარებია რომანის ბოლო ეგზემპლარი. გადმოხტარვარ მე აქეთ, საქართველოში, ახლის ასაკოკოლავებლად და აწი დანარჩენი შენზეა, გინდა გამოგიცია და გინდა — არა-მეთქი.

— ნეტ პრობლემ, ეშვევლობა საქმესო, — დამაიმედებს.

დღეების წინათ შემოგვივლია ჯვარი, წალენჯიხა და ლია. სად მარმარილოს ეძებს ეზოს მოსაპირ-კეთებლად, სად წაბლის და მაკაგონის ფიცრებს. ვეწვევით ბატონ ოთარ ფაცაცის, ქარჩავეს — ოირემეში; ფოთს; აბაშაში — გამსახურდიების სახლ-მუზეუმს. ახლა კი, აგერ, ანაკლიისკენ მივჯაყ-ჯაყბთ მარტის მიწურულს. ზღვაში ბანაობა მოსურვებია. თბილა თითქოს, მაგრამ ზენა ქარი ისე შემპარავად უბერავს ურთიდან, ფილტვების ანთება განაღდებულა სახვალიოდ.

ანაკლიაში მოხერხებულ ეზო-კარს დაეძებს. თადარიგს იჭერს ხანდაზმულობისთვის. რამდენიმე დღეში სოჭისკენ გაუტევეს ვახტანგი. იქ საძიკველშივე ჩამქრალი ქართული ეკლესიის განახლება განუზრახავს. გადაბარგდება „ფრთოსან კომეტაზე“ და ოდინდელი სამშობლო მიწიდან მიაშურებს მესამე რომად წოდებულ მოსკოვს. თუმცა ჯერ მთავარზე მთავარი პრობლემაა მოსაგვარე-ბელი — საოპერაციოდაა დასაყოლიებელი ერთადერთი დაი — ნონა ბერაიხე.

აქ გვარების სხვადასხვაობა ნუ გეხამუშებათ. წლების წინ ჩემთვისაც უცხოა ვახტანგ მიშველიას ასავალ-დასავალი. ძუძუთა ბავშვი მამიდას უშვილებია, შოთა მიშველიას ძე გამხდარა. გრიშა ბერაია რა კაციცაა, ვისაუბრებთ ქვემოთ: სანათესაოსაგან ზურგ შექცეულ დაქვრივებულ დედაჩემს როგორ დაუდგება თავდებად სესხის აღებისას.

— ყველაზე მნიშვნელოვანი ნერჩის წყალობა ყოფილა, ფუძის ანგელოზის აურა, — მოსჭრის და გამოცდელ მზერას მომაპყრობს, — წელიწადში მანც რომ მოვაშურებ აქაურობას, მთლად უმი-ზეზოდ როდია. რაღაც უთქმელი განცდა მომაწვება ყელში. სულს მიხუთავს, დიასპორელები ნოს-ტალგისაც ეძახიან. დიახ, „ი დიმ ატეჩესტვა სლადოკ!“ ნეტარებაა სიცოცხლის მომნიჭებელ ძალასთან მისვლა. გეხსომება ანთეოსი მითოლოგიიდან. ხერაკლე ვერაფერს უხერხებს დაჭიდებისას ამ დევ-გმირს, სანამ მიწიდან არ მოწყვეტს და ხაერში არ მოახრჩობს. დაწყებით კლასში შევიტყობ აყვანილი რომ ვყოფილვართ. უარესი თავზარდამცემი ამბავი ცეროდენა ბავშვისთვის გამორიცხუ-ლია. უცებ იმსხვრევა შენს გარშემო ლამაზად შემოშენებული გარემო. ფერი უხუნდება ხასხასა ბალახს, კედლებს. აქამდე დედად მიჩნეულ მშობელს სახე ექმუხნება. ხმა ებზარება მამას. ჭაში წყალი ტყიასავით მძიმდება. ჩაწვები ლოგინში და კედელზე კაცუნები აცეკვდებიან. დამცირებუ-ლი ხარ, გათელილი, განწირული. ბატკანს ემსგავსები სამსხვერპლოდ გამზადებულს, რომელსაც, სადაც არის ყელში დანას გამოუსვამენ უსულგულოდ. ამიერიდან უღრანივით შორეული ხდება დედა, რომელსაც თამარას ეძახდი წლების მანძილზე და და-ძმებიც რიგითებზე უნდელი გეჩვენე-ბა. ორი გვარი იწყებს სასწორის პინაზე ბოლოქანქარასავით მერყობას, მიშველია-ბერაია, ბერაია-მიშველია. გჯავრდება, გძულდება „შ“ და „რ“ ბგერები, რადგანაც განსაკუთრებით მათ გაგონებაზე გესუსხება ყურთასმენა დაჭინჭრულივით. წიგნებში ეძებ ნუგეშს, თუმცა იქაც არაფერია სახეირო. ცხრა მთას იქით გადაკარგვა გწადია. შურიანობა დაგრევს ხელს. თავის გამოჩენას ლამობ, რათა შენს მშობელ დედასა და და-ძმებს უპირატესობა დაუმტკიცო, რომ არჩევანში შეცდნენ, განსა-კუთრებული გაუსხვისებიხართ და შედარებით თვინიერები შეუმყუდროვებიათ. საქმე იმგვარადაა, როგორც ერბომოხდილ მაწონთან. ხანგრძლივია ეს პროცესი. ფუმფულა ლოგინში გძინავს. თითქოს ხალიჩები და ფარდაგებია ირგვლივ, სითბო და სიმყუდროვე, სინამდვილეში — სავსებით დაუცვე-ლი ხარ უარყოფითი ენერგიების შემოტევისაგან. შენი მეხამრიდი, შენი ნერჩი, შენი დედაბოძის აურა სხვაგანაა, კილომეტრების იქით, შენამდე ვერ წვდება და ასე განძარცვულს გთანგავს და გწინხავს მაცილის ძალმოსილება. ეს განცდა უცხოა რიგითებისათვის. სამშობლოს მოშორებულმა კაცმა უკეთ უწყის ამის თაობაზე, როგორც — ხე ჯი ჯანმა ჩხენკელისეულ თარგმანში:

**ყრმა ვიყავ, როცა დაგაგდე სახლი
და ჰა, ბებერი დაგბრუნდი ახლა.
ისეგ ისე უღერს მშობლური სიტყვა,
მე კი, ბერიკაცს, ჭადარა მანლაფს.
და ჩემი უბნის გოგო-ბიჭები —
ვერა, ვერ იცნეს სტუმარი მსხემი —
მთხოვენ, ავუხსნა — საიდან მოველ
ან საით არის სამშობლო ჩემი.**

— ექვსი და-ძმა ვართ ჩვენ. უმცროსი ომარის შვილად აყვანას მოიწადინებს ბიძაჩემი, მაგრამ გელანახე ბვას აადებს და თავს შეუშვებს: გოჭი ხომ არ არისო. გავუძლებთ ობლობას, ლობიოთი გამოვზრდი და ნერჩს არაფრით მოვაშორებო.

— სწორედაც მაგ ნერჩზე მოგახსენებ, ძმობილო. შენ რა გიჭირს, ხუთი წელი დედის მკერდით გისულდგმულია, მე კი ხელად მომწყვდიტეს იმ აურას და სოსკა ჩამჩარეს პირში. გგონია გაორებებს იოლად დავეხსენი?

გმირობაზე მეტია საკუთარ თავს გადაახტე, როცა ჩანასახშივე დამარცხებისათვის გაწირულ-ხარ. აქედან იბადება ეგოიზმიც. ჭკოლასა და შენი მეგობრობის მშურდა. ჩვენ არ გვეთქმოდნა ურიგო ძმაკაცები, მაგრამ გამუდმებით ერთად რომ ტრიალებდით, სული მეხუთებოდა. არ არის ეგ მხოლოდ ბიბლიური შური, მეათე მცნების არტახები, რომელზეც საბა იტყვის: ესე არს ბოროტება მოყვასისა კეთილსა ზედაო. რაღაც ამგვარი, ხელის ჩაქნევის მსგავსი ყოველსა და ყველაფერზე. ეს, აურის მადლისა რა იცი შენ, დღემოსწრება მის ფრთებქვეშ გალაღებულმა? აი, მე მკითხე, წლობით იმ მადლის უქონელს. ამიტომაც ერთხელ მაინც თუ არ ჩავვხუტები ჩემს ცას და მიწას, ერთხელ მაინც თუ არ ვიბანავებ ჩემს ზღვასა და მდინარეში, სული ამომძვრება, გავთავდები!!! რუსეთს როგორ არ უნდა ვუმაღლოდე მე. დანიას რანაირად არ უნდა ვეთაყვანებოდე. დიახაც, ამ ფიზიკურ-მა სიშორემ შემძინა მშობელი დედა და ღვიძლი და-ძმები. ჩემს გამზრდელ მშობლებს ნამდვილიც მიემატა და სიყვარული გამიორმაგდა. ნამყენი უსუსურია ბუნებრივთან შედარებით. მართალია, შეეწყობა იგი საძირეს, ადრე თუ გვიან სასურველ ნაყოფსაც გამოისხამს, მაგრამ საჯიშედ უვარგისია. მხოლოდ დიდ მანძილს შესძლებია ამ სიცარიელის ამოვსება. მაშინ აყმუვლდება სულში რაღაც უთქმელი, რაღაც უხილავი და თავს ზემოთ ძალა აღარ არის: უნდა ჩამობრუნდე შენს ნერჩთან, შენს ფუძის ანგელოზთან, რათა ჯავშანივით ტანზე მოისხა შემოჩვეული სტრესების უკუსაყრელად. შეხედე როგორ კამკამებს ზღვა?! უკაცრიელია ნაპირი.

— ამ ყაბეთში ბანაობა ვის მოაფიქრდება შენს მეტს? — ვიტყვი ერთიანად შეძრული.

— მოდი, ტიტლიკანებმა შევცუროთ. გასამშრალელებელი ისედაც არაფერი გვატიალია.

— ვიბანაოთ, კაცო, ჭაჭებისკენ გავაქციოთ კაკლები.

ნაპირი მართლაც უდაბურია. დიდღელვებს უხვად გამოურიყავს ფიჩხი, ნიჟარები. ტალღებში ვდგაფუნებთ. ხაერი შედარებით სუსხიანია, მაგრამ წყალი გასაოცარ სითბოდ გვეღვრება სხეულში. დედიშობილანი ვართ, დიახაც, ხემინგუეი და ფიცჯრადლი რომ შემეყუდროვდებიან აბანოში, იმგვარად. ჯერაც არ დაწყებულა ძარღვები მაჯებზე, წვივებთან. ვახტანგს ქვედა კიდურების ვენების გაგანიერება აწუხებს და წურბელებით მკურნალობას ვურჩევ.

კოკონის დანთებისთვის ვერ ვიცლით, ვინაიდან სანაპიროზე სოფლის გოგო-ბიჭების გუნდი შემოეხეტება და მანქანაში შევლაგდებით. ღუმელი ჩართულია. სწრაფად შეგვაშრება მომლაშო წყალი. ბენზინის სუნს განდევნის ზღვის ხაერი. დასალიერზე მზე კრუხივით ეშვება აქოჩრილ ტალღებში. ზგ თბილისში ჩამოვბრუნდებით. ნონა ბერაიხე ღირწკინ-ღირწკინით გადაიტანს ლანცეტის სიბასრეს.

ბატონ ჭაბუა ამირეჯიბსაც ვესტუმრებით ვაკის პარკის სიახლოვეს, თამარაშვილის მომცრო ხეობაში. ეს შეხვედრა სხვა დროის სასაუბროდ შემოვინახოთ, ჩვენ კი უმჯობესია ფუძის ანგელოზს აურას მიეუწოხდეთ ერთხელაც.

ლაინერი სისხამზე მიფრინავს. მთელი ღამე მთისას და ბარისას ვისაუბრებთ. ტახტაზე წამოწოლილს წამთვლემს თურმე და ვიგრძნობ მეგობრის გამგზავრებას. წამოვფეთდები. ტაქსს დავიჭერ უკაცრიელ ქალაქში და მძღოლს გავარეკვინებ აეროპორტისაკენ. ბილეთის რეგისტრაციის რიგში მივუსწრებ ძმობილს.

— დამენანა შენი გაღვიძებაო, — მეტყვის ერთიანად აღგზნებული. დუბლიონკა მოგახურე. ფული თუ შენიშნეო, — ჩამაცქერდება თვალებში.

— რა ფული, რისი ფული-მეთქი, — შევყრი წარბებს.

— მცირეოდენი დავიტოვე. შენს შემოქმედებას მიხედვ. ცოტაც მადროვე და კიდევ მოგიხერხებ რამეს. ხელის გამშვებს შენ არ გავხარ, არადა ვიცი, როგორ იჭირვებ, წელებზე ფეხს იდგამ. ჭაბუასთანაც მიდი აქა-იქ, მოფერება ახლა მისთვის წამალია.

მისხენებია, ძაღლის ბედი მაქვს-მეთქი, უფლის კალთა მაფარია, იქნებ ნერჩის ძალმოსილება, ვახტანგ მიშველიასებურად, ფუძის ანგელოზის აურა?!

— ხო, მართლაც, — სახეზე მომამტერდება გაკვირვებით, — ის ხორცმეტი რა იქნა?

— რომელი ხორცმეტი? — დავიბნევი და ინსტინქტურად ნიკაპზე ჩამოვისვამ ხელს.

— კირკინტივით რომ გქონდა, კაცო. დიაგნოსტიკის ცენტრში რომ გარბენინა. ერთიანად რომ დაგაფეთა, არიქა, რაიმე უსაშველო არ იყოსო?!

სარკისკენ მივეშურები.

თვალებს არ ვუჯერებ. ორი წლის მანძილზე ნიკაპსა და ქვედა ტუჩს შუა მექექვივით ამოზრდილი ხორცმეტი იმნაირად მომცილებია, წერტილისხელა ნაკვალევიც არსად ჩანს. წვერი მოპარსული მქონდეს, სამართებელს დავაბრალებდი მის გაუჩინარებას.

— სიზმარი ვნახე წუხელ, — ვეუბნები მორიდებით, — დიდი ხელი შემოცურდება სიბნელიდან, უშველებელი, ქათქათა, ლამის ნიჩბისხელა. ამგვარი რამ ხუთჯერ დამმართნია უკვე, ოღონდ განსხვავებული ფორმით. ნურაფრის გეშინია, იარე წინო, ჩამესმის შორეულზე შორეული ხმა და ჩამომისვამს თითებს ჟრუანტელისმომგვრელად.

— მიდი, საქმეს მიხედე, გულადი ძვირფასო, გულადი დარაგოი, — მომძახის ვახტანგი და აწეული მარჯვენით აეკიდება ტრაპისკენ დაძრულ მგზავრებს.

ბამონხაშრმაბანი

აი, რას წერს „ოდოიას“ პირველ ნომერზე 1994 წლის 22 სექტემბერს „საქართველოს რესპუბლიკა“ მომცრო რეცენზიაში „ოდოიას“ — ოდოია“:

„ახალი გაზეთი „ოდოია“, რომელიც ამ დღეებში გამოჩნდა დედაქალაქის ჯიხურებში, არ ჰგავს სხვებს, ტრადიციული არ გახლავთ. ეს არის გაზეთი-აღმანახი, ერთი ბელეტრისტიკის ტრიბუნა. ჭაშნიკად წარმოდგენილია ავანგარდისტი მწერალი გური თტობაია, რომლის რომანმა „სიცოცხლეშისჯილმა“ გამოცემის უმაღლესი მიიქცია მკითხველის ყურადღება ზნეობრივ-ფილოსოფიური პრობლემატიკითა და წერის უჩვეულო მანერით.

გაზეთის თექვსმეტივე გვერდზე ინტერვიუს, პუბლიცისტურ თუ კვლევით-ანალიზური წერილებით გური თტობაია გვაშინებს თავის მწერლურ კრედოს: დამოკიდებულებას ყოფიერებისადმი — დღევანდულობისა და წარსულისადმი, ქართული სინამდვილის მსოფლგანცდას.

საინტერესოა მისი პოზიცია სალიტერატურო ენაში, მეგრული და სვანური ლექსიკის ფაქიზი, მართებული შემოტანის მნიშვნელობაზე ზოგადდროვნული ფსიქიკის ჩამოყალიბებაში, ძველკოლხური სიმღერის „ოდოიას“ ფესვების ჰიპოთეზური ძიება პომპროსის „ილიადაში“ და დაასკვნა, რომ ეს სიმღერა თავიდან სალაშქრო იყო და შემდეგ იქცა შრომის ჰიმნად. იქცა მშვენივრად გადმოქართულებული მეგრული ხალხური ფოლკლორის ნიმუშები.

შეიძლება ზოგი რამ სადავო იყოს, მაგრამ წაკითხული გულგრილს ნამდვილად არ გვტოვებს.

„მაშ, ერთად, ჩემო სისხლო და ხორცო, საქართველოსთვის ყველა და ყველაფერი!“ — გური თტობაიას ეს ცხოვრებისეული დევიზი „ოდოიაში“ დაბეჭდილ მის ყველა წერილსა თუ ფილოსოფიურ მსჯელობას გასდევს.

გაზეთმა პირველი განაცხადი უკვე გააკეთა: — დაველოდოთ შემდეგ ნომრებს — უფრო სწორედ, მის სტუმარ ქართველ მწერლებს“.

არანაკლებ საინტერესოა ჩვენთვის ამავე გაზეთში გამოქვეყნებული ავთანდილ გველესიანის რეცენზია „ფერადი სიზმრების“ სათაურით.

ფერადი სიზმრები

„— რთული, ამოუცნობია ადამიანის გონება, მისი გუნება-განწყობილება, ასოციაციური აზროვნების უნარი.

ქართველის გრძობად-ემოციური მუხტი ისტორიზმს, დაკანონებულს, ზოგჯერ ნაკლებად ეპუება, ჯებირებს ენეთქება, ანგრევს, ლეწავს, მერე, მერე, ისევ აშენებს, შემდეგ ისევ ანგრევს...

ამ დღეებში დამფუძნებელი-რედაქტორის, ბატონ გულადი ფეტელავას ახალი გაზეთის „ოდოიას“ პირველი, თავისი არსით „შუამავლის“ კეთილშობილური პატრიოტული მისიის მაღალპროფესიულ დონეზე გამოცემული ნომერი ჩამივარდა ხელთ. გაზეთ-

მა მრავალმხრივი, ურთიერთსაწინააღმდეგო შთაბეჭდილება დატოვა. მის ირგვლივ გამოწველილვით, ნაადრევი საუბარი შორს წაგვიყვანდა. ამჯერად, ვფიქრობ, ახალმა გაზეთმა აზრისა და სიტყვის ყადრი გაამჟღავნა. ამჯერად მთავარზე, არსებითზე, ჩემი სუბიექტური აზრი მსურს მოგახსენოთ, რომელიც ოფიციალურ და ოპოზიციურ მხარეთა შორის „შუამავალი“ გაზეთის დაინტერესებული წაკითხვის შემდეგ გამიჩნდა, უფრო შექმენსვა.

ოცნება და ასეთი?!

კვირაძალ ღამეს, 10 სექტემბერს, კარგა ხნის წარსული ყმაწვილკაცობიდან მოყოლებული უხილაგი ფერადი სიზმარი ვნახე: დიდ დარბაზში, მამა-პაპისეული, ოთხკუთხა, გრძელი გაწყობილი მაგიდის თავში ყველასთვის ცნობილი პიროვნება — ედუარდ შევარდნაძე იჯდა, თი, საოცრებაგ! კაცი რაღას არ ნახავ?! მაგიდას აქეთ-იქიდან, ასევე ყველასათვის ნაცნობი მუსრან მაჭავარიანი, გურამ ფანჯიკიძე, ჭაბუა ამირეჯიბი და ნოდარ წულუისკირი, ელიზბარ ჯაგელიძე და თამაზ წიგწიგაძე, მამუკა წიკლაური და რევაზ მიშველაძე, ენკერ ნიჟარაძე და ჯანსუღ ჩარკვიანი, კიდეგ მრავალი სსვა, ჩვენი საზოგადოებისთვის ასევე ცნობილი (ღამის არის წამომცდა — „ცთომილი“) პიროვნება ეჯდა.

ოქროსფერ შანდლებში სანთლებით გაჩახახახებულ მაგიდასთან მჯდომნი (სტილი დაცულია, გ.ო.) თითქოს ერთმანეთისათვის თვალეში შეხედვა ეთაკილებოდათ, თავჩაღუნულები პირჯვარს იწერდნენ, ტუჩების მოძრაობაზე ეტყობოდათ, — უსიტყვოდ ლოცვას ადაგლენდნენ.

ამ დროს, ნაუცბადევად, ღამის სარკმელში რაღაცამ თვალისმომჭრელად გაიელვა, შემდეგ შორს ყრუდ დაიგრუნუნა, სადღაც მესი გაგარდა, მოულოდნელი წარღვნა წამოვიდა, ქარმა დარბაზის ღია ფანჯრები ხმაურით გამოაჯახუნა და მაგიდაზე ჩამორიგებული სანთლები ერთიანად ჩააქრო.

რაღას არ ნახავ კაცი?!

წარღვნა და ქარი, მოულოდნელად, როგორც ამოვარდა, ასევე მოულოდნელად, ნაუცბათევად, მეორე წუთში უმაღვე სანთლებთან ერთად ჩაქრა.

მაგიდასთან მჯდომებმა, ჯერ ერთმა, მერე მეორემ, მესამემ, ყველამ ფეხზე ადგომით, მათ წინ შანდლებში ჩადგმული სანთლები უხმოდ აანთეს. ერთი, მეორე, მესამე... სანთლების შუქზე დარბაზი თანდათან ნათდებოდა. როცა ყველა სანთელი აინთო, გარეთ სარკმლებშიც ცისკარი იღებოდა. ამ დროს მაგიდის შუაგულიდან ყანწით ხელში შოთა ნიშნიანიძე წამოდგა, მაგიდის წვერებს მიმართა:

— ბატონებო! მაქვს პატივი... — ფანჯრებში რიჟრაჟი იბადებოდა...

სიზმრით გაოგნებულმა, დილაუთენია ერთი გაზეთის მეგობარ მთავარ რედაქტორს სახლში დაგურეკე:

— გეტყობა, არ გამოგიძინიაო... — სარკაზმნარევი იუმორით მითხრა.. მერე დააყოლა, — ბატარა ხანს კიდეგ წაუძინე, სიზმარი განაგრძე, მეც დამასვენე, მერე მოდი და ნასიზმრევის „დეგუსტაცია“ ერთად შევაჯეროთო.

გერა და გერ დაგიძინე, ამდენად სიზმარიც აღარ გამიგრძელდა.

მთავარ რედაქტორს მაინც ვეახელ.

მის სამუშაო ოთახში ბატონი შოთა ნიშნიანიძე იჯდა...

ა. გ.

ასეთნაირად აღიქვამს ბატონ ავთანდილ გველესიანი „ლოიას“ პირველ ნომერს — კონფრონტაციით გათანგულ მამულში მედიატორობა -შერიგებისკენ, ერთობისკენ ჩვენს მოწოდებას. მოვლენების განვითარება მერე და მერე ნათლად დაგვანახებს, რომ მთლად ამოდ არ გავრჯილვართ: მრავალი კატაკლიზმის, ღამის სამოქალაქო ომის მიუხედავად, (რომლის ლოგიკური შედეგია აფხაზეთის უთანასწორო ომში ჩვენი სავალალო კრახი), დაიწყება ძალადღაზავების პროცესი — და ღღეს ერთ საკანში შეყრილა, ბარიკადის სხვადასხვა მხარის ლიდერები — „მრგვალმაგიდელები“ თუ „მხედრიონელები“.

ჰომეროსის გმირებს შორის ერთადერთი ოდისევსი გადარჩება უვნებლად.

ფეხმარად აქილევსს ვერ უშველის ჰეფესტოს გამოჭედილი აბჯარი თუ მოელვარე ზუფი — პარისის ისარი განგმირავს; ვერც მეფეთ მეფე აგამემნონი შერჩება წუთისოფელს დიდხანს — მეუღლე კლიტემნესტრა და მისი კურო ეგისტე ბაგაში დაბმული ხარივით დაკლავენ აბანოში მონებივრეს;

სიკვდილის მსახვრალი ხელი შემუსრავს ტროას მცხოვრებლებს თუ მის დამაქცევართ, მარტოოდენ ოდისევსი, ბრმა აედის სიტყვებით — ჭკუაუხვი და ცბიერებით ცხებული, ცხოვრებისგან ნაგვემ-ნათრევი ოდისევსი, მოუბრუნდება ითაკაში მშობლიურ კერას, მაგრამ — სულიერად მხნე და იმძლავრებს კიდევაც პენელოპეს სასიძოვებზე მოხერხებულობის, ნაცარქექიაობის წყალობით — ბრძენი უნდა იყო და სულელივით ვლიდე; მამაცობა გმოსავდეს და ხელმოცარულად მოგქონდეს თავი — თითო-ოროლამ, უკეთ ერთეულეზმალა აითვისეს საწუთროს ლოგიკიდან: ზნეობრივი თვალსაზრისით ბევრჯერ გაუმართლებელი ქმედება, პოლიტიკის ენით აუცილებელი და უმთავრესი პირობაა თურმე.

ამჟამად კი ორი მომცრო წერილსაც შემოგთავაზებთ საკმაოდ მწირი ჩვენი ფოსტიდან:

ავტორთა სტილი დაცულია

ფრაგმენტი მასალიდან კონკურსისა:

„ათი ზელირსეული ქართველი“:

„ნათქვამია: „შიში ვერ იხსნის სიკვდილსათ“.

ძვირფასო რედაქცია, ძალიან სასიხარულოა თქვენი გაზეთ „ოდოიას“ არსებობა და თქვენი მონა-მორჩილი, ერთ-ერთი რიგითი პატრიოტის რჩევა-დარიგება ასეთია: გაზეთი უფრო სტრატეგიული და ბრძოლისუნარიანი რომ იყოს, ამისთვის საჭიროა, მის ყოველ სტატიასში პირდაპირობა, ყოველგვარ მიკიბულ-მოკიბულის გარეშე მოწინააღმდეგის სააშკარათზე გამოტანა, მტრის მიმართ სასტიკი და დაუნდობელი ბრძოლის მეთოდთა გამოყენება და ქვეყნის უდიდეს ნაწილს შეაგონოთ და შეასწავლოთ ბრძოლის თუნდაც ის ერთადერთი მიმართება, რომელსაც რუმინული ვარიანტი ჰქვია.

სხვა გზა არა გვაქვს, სხვა გზით საქართველოს სამუდამოდ გადაყლაპავს კომუნისტურ კანიბალთა მანქანა!

ბოდიშს ვიხდი, განუპარტავ, მოკლე და ბუნდოვან საკითხებზე, იმედია, გამიგებთ. ვიპოვებ, თქვენ შეგიძლიათ გადაარჩინოთ საქართველო, თუ სწორი და მართალი გზით წარმართავთ პრობაგანდა-აგიტაციას, საიდანაც წარმოიშვებიან მუბრძოლი ლიდერები!“

გ. ქარჩავა,

ძნელია ახლა ბატონ გიორგი ქარჩავას თავიდანვე ავუხსნათ ჩვენი მისია: შეკავშირება — კონფრონტაციის ნაცვლად, თანხმობა — ბრძოლის მაგივრად, თანამშრომლობა — დაპირისპირების წილ, ანუ შეუთავსებლის შეთავსება! აკი, ვამბობდით და ვიმეორებთ: პლუს-მინუსის ერთიანობის მიუღწევლად არ გვექნება შუქი წკვარამ ღამეში-თქო.

მამალმერთი ოდაბადეს გაჩენის კვირაძალში მიუყვარებელი სიყვარულით ქმნის უსულლო თუ სულიერ არსებათა ერთობლიობას და არაფერია გასაკვირი, თუ სამყაროში ხელაღებითა დაშვებული ვასაკას მორჩილება გიურზას აგრესიის გვერდით. თვით დანარცხებული ანგელოზიც კი, სათანაელის სახელით რომ ისწავლება თეოლოგიაში, სათნოების ალტერნატივაა და, ცხადია, უაზრობაა ბოროტის კეთილ საწყისთან შეგვარება. მათი სინთეზი ძნელი საგარაუდებელია იდეალურს მიუახლოვდეს, თუმცა ჩვენი მიზანი უარყოფით ემოციათა დადებითი მომენტების სამსახურში ჩაყენება! ბოროტის მოსპობა კი არა — ძლევა, როგორც უხსენებელის შხამის გამოყენება, ისევ და ისევ კაცობრიობის საკეთილდღეოდ და თუ არჩეულ პოზიციაში ვცდებით, კვლავაც მზად ვართ პოლემიკისათვის.

მომდევნო წერილი შედარებით ვრცელია, რომელსაც პირობითად შემდეგნაირად დავასათაურებთ:

მეგობარ მწერალს!

„ვით ძმასა და მეგობარს, მწადს ორიოდ სიტყვა მოგაწოდოთ თქვენი პუბლიკაციის, „შუაკაცის“ თაობაზედ.

მართალი ვთქვა, ისე აღმაფრთოვანა მცნება — შუაკაცის თქვენს მიერ წარმოჩენამ, რომ სიხარულს ვერ ვმაღავ, ვგრე ესადაგება ჩემს გულის ნადებს.

შუაკაცი... რა დიადი, ღრმა და საიდუმლოებით აღსავსე თქმულია. ჩვენს მრავალჭირნახულ ერს, თანამედროვეთაგან ათასგზის წელში გატეხილს, გაბითურებულსა და მარტოდ დარჩენილს, დროზედ რომ შეშველებოდნენ შუაკაცი, ვინ იცის, იქნებ სხვაგვარად დატრიალებულიყო ბედის ბორბალი. შუაკაცი — კაცი მიწასა და ცას შორის, ღვთიურსა და მიწიერს, ხილულსა და უხილავს შორის; შუაში მდგომი ადამიანთა დაპირისპირებულ ჯგუფებს შორის. მდგარი სხვებზე მაღლა, გადმომდგარი მაღლიდან, მნახველი ყოველივესი დაწვრილებით. ამასთან ზეგარდმო მაღლით მოსილი დაშორიშორებულთა გამაერთიანებელი და სულიერი მკურნალი ამავდროს.

თქვენ ამბობთ: „გია აბესაძის მიერ საქართველოს ერთიანობისათვის ზვარაკად შეწირვამ მთელი არსებით შემძრა, შეფვიცე მის სულს, არაფერს დავიშურებდი საქართველოს ერთიანობისათვის“.

თვითშეწირვაა, ალბათ, ყველაზე უფრო მისასადაგებელი შუაკაცისათვის. ქრისტეს გზაც ხომ ეგაა — ადამიანსა და ღმერთს შორის შუამავლობა. თვითტანჯვითა და თვითგვემით.

მეგობარო, აცხადებთ რა შუაკაცობაზე პრეტენზიას, ამით საკუთარ თავზე მსჯავრი გამოგაქვთ — ეწამოთ და დაუღალავად ზიდოთ გოლგოთას ჯვარი.

მწერლის მოვალეობაც უთუოდ, უპირველესად ეგ არის, მაგრამ ამ ეშმაკისეულ საუკუნეში მიავიწყდათ სიტყვის ოსტატებს თავიანთი უპირველესი მოვალეობა. შუაკაცის რა გითხრა და შუამხლეჩელის როლი სანაქებოდ შეასრულა მრავალთაგან უმრავლესმა. ბუნებითგან ზეგარდმო მაღლით მოსილი სიბრძნე — შუაკაცი, მივიწყებული, შეურაცხყოფილი და ფეხქვეშაგათელილი აღმოჩნდა. ქართველთაგან მერაბ კოსტავა დაიბადა ერთადერთი ამ გზით მოარული და ისიც სიკვდილის შემდეგ გაიხადა მრავალმა სათაყვანოდ. ცოცხლებს ვერ ვგუობთ რატომღაც თანამედროვენი. კონსტანტინესი არ იყოს — თუ ერთი კაცი გამოგვერია...

შემინდე როს არ მოგეწონოს ქვემოთ თქმული, ვფიქრობ შუაკაცი არ უნდა აღმოჩნდეს შემფასებლის როლში. მისი სასწორი არ უნდა გადაიხაროს წვრილმან კითხვაშიაც კი. თქვენ ამბობთ: „ჯერ ერთი, უზენაესი საბჭოდან პრეზიდენტისაგან ხალხის მიერვე არჩეული კომპარტიის წარმომადგენლების დათხოვნამ არსებითად განსაზღვრა საქართველოს სადღეისო ვითარებაო“. ვითომც მართლა ასეა? იქნებ თბილისის ქუჩებში ბარიკადის აგება იყოს სათავე ჩვენი უბედურებისა? შესაძლოა მსგავსი ბედისწერა დასდევს ბიზანტიელების, ირანელების, არაბების, მონღოლების, თურქების თუ სხვათა და სხვათაგან ნაოხრალ ქართველებს.

მე თქვენი პატივისცემელი ვარ და თქვენთან ერთად მეცა მწადს ღრმად შთავიდე შუაკაცის არსში, რომ როგორმე „დემოკრატიზანას“ თამაშის მსგავსი რამ არ შეგვემთხვას.

შუაკაცობაზე პრეტენზიამთქმელი უღვევი სიყვარულით აღსავსეა უსათუოდ, რაც თქვენში ჭარბობს კიდევ და მოსიყვარულე კაცის ხელში მათრახი მიუღებელია, რანაირი წრფელი გრძნობით და კეთილი განზრახვით იყოს ეს ქმნილი.

შუაკაცი ხართ? ე.ი. თქვენ სიყვარულს სთავაზობთ შევარდნაძესაც და კიტოვანს, ქობალიას; ჭანტურიასაც და წერეთელს; გამსახურდიას, მის მომხრეებსა და ნარო კოლხარსაც ამავე დროს. საკუთარი ერის სხეულის ნაწილებია ისინი და როგორ შეიძლება მათთან „პოლემიკაში“ ჩაბმა?! შუაკაცი მოკამათის როლში ვერ ივარგებს. ის ხომ შემრიგებლობაზე სდებს თავს. მითუმეტეს, თქვენი გულისტკივილი ნიშანდობლივია ამ მხრივაც, როდესაც ამბობთ: „თუკი დაუსრულებელი ყოჩობანა გაგრძელდა... ორ ძიძას შორის დაკარგული ბავშვის ბედი გველისო“.

მეოცე საუკუნის მიწურული ქრისტეს მეორედ მოსვლის დროდაა მიჩნეული. განსაკუთრებით რთული იქნება 1993-1996 წლები. ეზოთერული მოძღვრების თანახმად რკინის ხანის აღსრულების ჟამია საუკუნის ბოლო. კაცობრიობა თავის განვითარების ახალ ეტაპზე გადადის. მომავალი სრული აღმასვლისაა, მხოლოდ ნებისმიერი გარდამტეხი ეტაპი დიდი კატაკლიზმებითაა ნიშანდობლივი და მსგავს ჟამს შუაკაცობის ინსტიტუტის შექმნის იდეასაც უნდა ჰქონდეს უთუოდ წინსვლა და გასავალი.

კარგად ამბობთ, ორ აჩემებულ „სიმართლეზე“ საქართველოს აწმყოდ წოდებულ მოულოდნელ ჯოჯოხეთზე... და თქვენი გულის ტკივილიც გათავისებული მაქვს, როცა შესძახებთ: „ბარაქალა

რომ კიდევ შეგვწევს უნარი ავუჯანყდეთ უსამართლობასო“.

შუაკაციც ხომ უსამართლობის წინააღმდეგ აჯანყებულია, მხოლოდ სხვაგვარად, არა მახვილით, არა ცეცხლით, არა ზარბაზნებით, არა ავტომატით, არამედ სულის სინათლით, სულიერი ძალმოსილებით, იმგვარად, რომ ავტომატაკიდებულის გულისწუხილიც გაიზიაროს, შიმშილობაგამოცხადებულსაც გაუგოს, ტყეში გაჭრილსაც და მთის მწვერვალებიდან გადმომხედვარის მსგავსად მთლიანობაში ნახოს სატკივარი და სათავე წუხილისა.

დღეს ხომ ეგრეა: საწუხრის ვაშლი თითქოს ძმებს გაუყვიათ, თავთავიანთი წილი საწუხარი მიუღიათ, მერე დაბნელებულან და ეშმაკშეჩენილებს ყველაზე უფრო მტკივნეული საკუთარი წილი საწუხარი, მართებულ და ნამდვილ საწუხრად მიუჩნევიან.

მსგავსი სიბნელის უამს საქართველოში ვერც სარწმუნოების, ვეღარც ერისა და ბერის წარმომადგენელი ამალდა შუაკაცობის სიმაღლემდე და ვბოცეთ კიდევაც ძმებმა ერთმანეთი დიდის მონდომებით. სხვათა შორის, ვისაც სიტყვა უჭრიდა, სიძულვილის თესვას მოუხდა უფრორე. სიძულვილშეყრილი კაცის ადგილი სათავეშივე უნდა მოიკვეთოს.

ჩვენ ორივე სამეგრელოს კუთხის შვილნი ვართ, ორივეს დედის რძესთან ერთად შეთვისებული გვაქვს სიყვარული მეგრული სიტყვის, მეგრული ყოფის, მეგრული კაცის ჰუმანიზმი და სიბრძნე; გათავისებული გვაქვს ამავე დროს თუ როგორ უერთდება სამეგრელოს წმინდა მდინარე საქართველოს „ბაზალეთის ტბას“.

მეგრული კაცისთვის იმაზე მეტი შეურაცხყოფა რა უნდა იყოს, როდესაც ბრალს დასდებენ, მენ ქართველი არა ხარო და შეუგინებენ მეგრულს?!

დედის ძუძუ, მარცხენაც და მარჯვენაც, განა ერთნაირად შესარგისი არ არის? მხოლოდ, მეგობარო, ჩვენი საქმე არ უნდა იყოს, მეგრელებზე ამხედრებულთა წინააღმდეგ „გალაშქრება“. თუ შუაკაცობაზეა საუბარი, მეგრელთა მოძულეც ჩვენი სიყვარულით უნდა გათბეს, რომ განიკურნოს დროზე როგორმე.

მე შენი მეგრული ლექსები, მეგრულ სიმღერებთან ერთად ქართველი ერის სადიდებლად მიმაჩნია, ისევე, როგორც სადიდებელია ქართველთა სვანური სიტყვა, მოხვეური თქმა, იმერული ნანინა და თუ ვინმე გონთ ბნელდება ქართული სიტყვა-თქმის სიმდიდრის და მრავალფეროვნებასთან შეყრისას, ნუ გამოვეკიდებით მას, საკუთარი ჭკუის გასაჭირიც ჰყოფნის საცოდავს. შევიცოდოთ სამეგრელოს დამოუკიდებლობის შიშით შეპყრობილნიც და გულში ჩავიკრათ, თანაც ხმას ნუ გავცემთ, უბრად ყოფნა უპირველესი დასტურია მოძულეთა მიმართ სიყვარულის გამოვლინებისა.

ყოველივე ამაზე თავად მეტყველებ და თუ მეც ვმეორდები, მხოლოდ იმიტომ, რომ ერთხელაც ხაზი გაესვას სანაქებო აზრს:

ნეტავი ერის რომელ ნაწილს ეკუთვნის მუხრან მაჭავარიანის პოეზია, ბარიკადის იქით მდგარს თუ აქეთას?

ვის, რომელ ნაწილს აქვს უფლება იკითხოს „დათა თუთაშხია“?

ბუბას სიმღერები რომელი ნაწილისთვისაა განკუთვნილი?

ვისთვის მღერის ნანი ბრეგვაძე?

ვისთვის თამაშობს როლებს მეღვინეთუხუცესი?

კონსტანტინე გამსახურდიას ძეგლის ყვავილებით მორთვა და მისი ეზო-კარის გადაბუგვა-გადაწვა როგორ თავსდება ერთმანეთში?...

არა, ბატონებო, თქვენ ვისთვის წერთ, ერის რომელი ნაწილისთვის მღერისხართ, თამაშობთ ფილმებში, არ ვიცი, მაგრამ ესაა ჩემს სისხლად და ხორცად რომ მიმაჩნია, თითოეული ნიჭიერი ქართველის ზოგადეროვნული შემოქმედება.

ყოველგვარი უფლების აულებლად დიდი გულისყურით ვუსმენ ჯანსუღ კახიძეს, კკითხულობ „დათა თუთაშხიას“, თაყვანს ვცემ ზვიადის „ვეფხისტყაოსნის“ სახის მეტყველებასა“ და „საქართველოს სულიერ მისიას“.

ბუბა, რომელ ბარიკადზედაც უნდა იდგეს და მღეროდეს, მოვუსმენ მას... განა მთელი ერის საკუთრებანი არ არიან ისინი და შუაკაცობაც უპირველეს, მათი სატვირთი იყო.

მე ამგვარად გავშალე შენგან თქმული და მომიტევე თუ რამე სწორად ვერ აღვიქვი; თავადაც კარგად შენიშნავ: „მოღალატე შეიძლება იყოს ინდივიდი, ადამიანთა ჯგუფი, მაგრამ მილიონნახევარი ქართველი, ერის მესამედი ძალა, როცა სხვანაირად ფიქრობს, ამას ლალატი კი არა მსოფლმხედველობა ჰქვია“.

ბრძემის მიერ სპილოს აღმწერელი იგავი, ქართველებზეა ზედგამოჭრილი.

არა მგონია სარწმუნოებათა სიმრავლე ერის გაუბედურების მიზეზი იყოს, მოსკოვი ცდილობს

ცენტრად იქცეს, როგორც ქრისტიანული, ისევე მუსულმანური რელიგიისა... ყურად იღოს ქართველობამ ეგება.

არც პარტიათა სიმრავლეა უბედურება, არც — მილიონმეტასე შეხედულება და აზრი, თუ ერის ინტერესებს მოემსახურება.

რომელი ფიგურაა ჭადრაკის დაფაზე ზედმეტი?!

ყველა საჭიროა თავის დროზე და თავის ადგილზე, მიპასუხებს მავანი. მაშ, რატომ ვსდევთ და ვკლავთ ერთურთს, ქართველნი?!

ან პოლიტპატიმრების სიმრავლე და ამ ფაქტის უარყოფა საქართველოსთვის საკადრისია? ციხეებში ვერ ჩავსვამთ სიმართლეს, ის მუდამ გარეთ, თავისუფლებაში რჩება.

ხმას ვუერთებ, ოტობაიელო, შენს ტკივილებს გაბარჩხალებული დილის ლოდინში! საწადელი აგსრულებოდეს, ძმობილო, შუაკაცობის ლამპარში ნავთი არ გამოგლეოდეს-მეთქი და ასემც ყოფილიყოს ნიადაგ!

თამაზ პაჭკორია,

ფოთი, 1994 წ.

მართუ მემორე

დასაბამი

საქართველოს სამოქმედო პროგრამის დასახვა ილია-მართლის საკუთრებაა. ჩვენ, ხელმოცარულებმა, შესაძლოა განმარტებულა მოვახერხოთ ამ ფენომენისა — **„მამული, ენა, სარწმუნოება“**. რაც შეეხება მართლის- მთქმელის მანტიას, მთლად ცაბათისგან ბოძებულა იგი და აწჷმმარტების დადადისზე კრულვით დადასმული სათანაელი ხელს ველარაფრით ამალებინებს.

მივყვით საქმეს.

გერმანელი ფიზიკოსის ალფრედ ვეგნერის წიგნის „კონტინენტებისა და ოკეანეების წარმოშობის“ (1913) მიხედვით, (რომელსაც მოდრეიფე კონტინენტების თეორიასაც უწოდებენ), ზოგიერთი მატერიკის სანაპირო ხაზები ისე ავსებენ ერთურთს, როგორც დამსხვრეული დოქის ნაწილები. მაგალითად: სამხრეთ ამერიკის ჩრდილო-აღმოსავლეთი კუთხე და აფრიკის გვინეის უბე; ასევე ჩრდილოეთ ამერიკის აღმოსავლეთ კიდე, ჩვენს წარმოდგენაში ევროპის დასავლეთ სანაპიროს თუკი მივატოლებთ, მივიღებთ ერთმთლიანს.

ეს უკვე პიპოთეზა არ არის. როგორც ირკვევა, დედამიწაზე ოდესლაც ერთი მატერიკი არსებობს, ე.წ. გონდვანა. იგი უძლებს ათასგვარ გლობალურ ძვრას, მეტამორფოზას. დინოზავრების ტიტანური ბრძოლები, თუ მოაზროვნე ადამიანის წარმოშობა გუშინდელი კულინარიაა. გახლეჩა, მანტიის გადაადგილების პროცესი შემდეგშიც გრძელდება, აგერ, კაცობრიობის გარიჟრაჟზეც, რასაც მეტყველებს ბუნდოვანი წარმოდგენები მითიურ „ატლანტიდაზე“, რამდენიმე საუკუნეში □ან ერთბაშად) რომ ჩაიძირება ცისფერ ოკეანეში. ატლანტიდელების განბნევა მთელს დედამიწაზე, ეგებ წარღვნის ბიბლიური დადასტურებაცაა, რომელიც **დასაბამიდან ნწმ წელს მე-4-ე თვის მე-4-ე რიცხვში მოხდება!**

ადამიანის ასაკი კი ვაცილებით ბებერია, ვიდრე ბიბლიური წარმოდგენები. სფინქსივით გამოუცნობია დღესაც 4000 მეტრის სიმაღლეზე აზიდული ქალაქ ტიახუნაკუს ნანგრევები. ის ოდესლაც პორტი ყოფილა, მაგრამ გეოლოგები ვარაუდობენ, რომ ანდების ამოწევა მესამეულ პერიოდს ეკუთვნის, როცა დედამიწაზე ადამიანი არც კი ჭაჭანებს.

ან კიდევ, კოსმოდრომი გერმანული ფილმიდან „მოგონებანი მომავალზე, ანუ უკან ვარსკვლავებისაკენ — მიქცევა წარსულისაკენ“, რომლის კონტურები ქვეითად მოსიარულეთათვის უშინაარსია, მხოლოდ გარკვეული სიმაღლიდან აღიქმება.

ან კიდევ, ცოლკინი, დაფა-იეროგლიფი, ახლახან რომ გაიშიფრება და ბორბლის უქონელი მაიას ცივილიზაცია შემოუნახავს მსოფლიოს, როგორც გენის სტრუქტურის სქემატურ ჩანაწერს. ამას წინათ ბატონი არნოლდ გეგეჰკორის უნიკალური ფოტოების დათვალიერებისას მაიელების ტაძრის გამოსახულებას მოვკრავ თვალს და ფრიზებზე 13 ფიგურას რომ დავითვლი, გამეღიმიება. მეცნიერი ჯერაც არ არის ზიარებული ამ ეზოტერიკას, მაგრამ ნათქვამია: ყველაფერს თავისი ჟამი მიითვლისო.

ჩვენ უკვე აღმოჩენილი გვაქვს ნეანდერტალელი, დრიოპითეკი, პარაპითეკი, ავსტრალოპითეკი, სინანთროპი, და ბოლოს, თვით რწქწ თფზშუტთ-ი — მარჯვე ადამიანი — პრეზინჯანტროპი. ჩვენი წარმოდგენები სავალალოდ კოლხეთის მითიურ სამყაროს იქით ვერ მიდის, თუმცა იგი ისეთივე მსცოვანია, როგორც გილგამეში და ეგვიპტეს პირამიდები. თვით ხალიძონების პრობლემა განაგამორიცხავს იმ ფაქტს, რომ უძველესი ცივილიზაციის მემკვიდრე საქართველოს (რაც არიულ ტალღას ჰირივით ეჯავრება საერთოდ), სიდიადე რომ არა, ფეხით გათელავს, დიახაც, მაგრამ რადგანაც წინამორბედი დიდია, იძულებულია ანგარიში გაუწიოს მის კაპრიზებს:

ოქროს მოპოვების სიბრძნე, რკინის გამოდნობის საიდუმლო, კირბები ანუ გზათა მაჩვენებელი ნიშნების ავტორობა, რომელიც იგივეა, რაც დამწერლობა, ანბანი, ცოტას მეტყველია განა?!

პირველად კირბების შესახებ ცნობებს გვაწვდის აპოლონ როდოსელი — ეს უნიკალური სქოლიასტი პოეტი. „არგონავტიკის“ IV თავში 278-279 სტროფები შემდეგნაირად იკითხება:

კოლხებს „**შენახული აქვთ მამაპაპური ძველი კირბები, წერილსვეტები, და იმ კირბებზე ნაჩვენებია გზები ყოველთა ზღვათა და ხმელთა.**“ ერთი სიტყვით, აპოლონ როდოსელის ხანაში ძველ კოლხებს შემორჩენილი ხქონიათ სამანძილო კირბები, რომლებიც, ალბათ, კარტოგრაფიის მნიშვნელობას ასრულებდნენ. ისინი სხვადასხვა წარწერის შემცველი მაღალი ბოძებია.

სვიდას ლექსიკონი კი შემდეგს გადმოგვცემს: **კირბები ქვისგან აღმართულ სვეტებზე მიკრული სამწახნაგა დაფებია. ამ დაფებზე სასულიერო და საერო კანონები იწერებოდაო.**

კირბების შესახებ საყურადღებო ცნობებია დაცული აპოლოდორე ათენელის თხზულებაში „ღმერთების შესახებ“. აპოლოდორე ამბობს, რომ **კირბები შეიცავდნენ ნაწერ კანონებს, რომ „ყველა საზოგადო კანონსა და საბუთს კირბისი ერქვა; რომ ძველები ქვებს აღმართავდნენ და ზედ გადაწყვეტილებებს წერდნენ... რომ კირბისი წმინდა წარწერათა შემცველი ბოძებია. რომ აქსონები და კირბები ბუტროფედონით იყო ნაწერი“.**

განსაკუთრებით საინტერესოა ის ფრაგმენტი, სადაც აპოლოდორეს კირბების სახელი კორიბანტებისგან გამოხყავს, რადგანაც კირბების აღმოჩენა კორიბანტებს მიეწერება.

სტრაბონის ცნობით კი, კორიბანტები კოლხთაგანნი არიან და მჭიდროდ უკავშირდებიან ლემნოსელ კაბირებს. და რაკი კირბების აღმოჩენის ხელოვნება კოლხებს მიეწერებათ, ხოლო კორიბანტები (კაბირები) კოლხთა ღვთაებებად და ქურუმებადაა მიიჩნეული, სამართლიანად გვეჩვენება გ. მელიქიშვილის შეხედულება იმის თაობაზე, რომ ეს უძველესი ჩანაწერები უნდა მივაკუთვნოთ ძველკოლხეთის სამეფოს (პროფ. აკ. უშრუშაძე). მოდით, ვიყოთ შორსმჭკრეტელნი და გავაანალიზოთ: განა შეიძლება დიდებით მოსილი კოლხეთისგან არ დარჩენილიყო ფარატინა ქალაქი თუ ფირფიტა?! განა ძნელი მისახვედრია რატომ ეწოდებოდა იმ წერილსვეტებს და მათზე წარწერილ კანონთა ერთობლიობას კირბისი, კირბისი, იგივე კირბისი?! კოლხური კირბი განა კრავი არ არის ქართულად, ცხვრის შვილი, იგივე საწმისი (ბ-ნ მილორდ სიჭინავას ვერსიის თაობაზე ქვემოთ უფრო დაწვრილებით ვისაუბრებთ), აიეტის მუხაზე რომ ეკიდა და ცეცხლმფრქვეველი დრაკონი იცავდა ზამთარ-ზაფხულ?!

კირბი და ოქროს საწმისი იდენტური ცნებები რომ არის, ამას მრავალი მომხრე ჰყავს დღესაც და მეტი გამოუჩნდება მომავალში ახალ-ახალი მასალის მოპოვების მხარდამხარ; მაგრამ თუ გავიხსენებთ, რომ აიეტის დროინდელი კოლხეთი 3600 წლის წინათ ზეობდა და მქუხარებდა; თანაც თუ გავითვალისწინებთ იმასაც, რომ იმდროინდელ კოლხებს უკვე გააჩნდათ დამწერლობა, წერილსვეტები, საეჭვოა, წარმართულ მესამე საუკუნეში ქუჯისა და ფარნავაზის კოალიციის ჟამს, საქართველოს სახელმწიფოებრიობას ანბანის შექმნა-გამოგონება დასჭირვებოდა, უბრალო ჭეშმარიტების გათვალისწინებით: კოლხეთს უკვე გააჩნია ეს სიმდიდრე, ოღონდაც შედარებით დაუძლურებულს. ქართლის ახალგაზრდა ტომი კი მკერდში ჩაიხუტებს წინაპართაგან ნაბოძებ საუნჯეს და მოგვიანებით საკუთარ აღმოჩენადაც კი მიითვლის, რითაც სავალალოდ ქართული დამწერლობის 5 ათასწლიანი წლის (და შესაძლოა მეტისაც), ისტორია ლამის გამესამედდება.

აქილევსის პელაზგობა, ოდოიას წყალობით ილიონის შენარჩუნება 9 წელიწადს (ციფრ 10-ზე, ყველგან საკრალურად რომ ფიგურირებს „ილიადაში“, ჩვენ ქვემოთ უფრო საფუძვლიანად ვიმსჯელებთ), უკეთ, კოლხეთის იარაღის მონაწილეობით ამ ომში; ამირანის მიერ ცეცხლის მოტაცება მამა-ღმერთისგან და თავად პრომეთეოსის ნაირსახეობა ბერძნული გაფორმებით, გრეკის მძვინვარება ძველი, პელაზგური ცივილიზაციის მოსაშობად; პლუს ამას, იოანე ზოსიმეს „ქებაი“ — მისი წინასწარმეტყველებანი, რომ უფალი ქვეყნიერებას განიკითხავს ქართული ენით (ეთნოსით); რომ

ოთხი დღის მიძინებული ლაზარე, სიმბოლო ქართული ენისა, (ეთნოსისა), აწ დაწუნებულია და ყველასგან მივიწყებული, ხომ არ მიგვანიშნებს კოლხურის პრიორი- ტეტულ შტრიხებზე?

აბა, ახლახან აღზევებულ ქართულს რა აქვს მისაძინებელი, მით უფრო დასაწუნებელი? იქნებ კოლხურ ენაშია დამარხებული მსოფლიო სიბრძნე, რომელიც საუკუნეების მანძილზე მოახდენს ენობრივ სრულყოფას, სინთეზს, შექმნის დამწერლობას; ქურუმთა მეშვეობით ელაპარაკება მეუფეს თვისას. რაც შეეხება ფრაზას: „ენაი ქართული არის ლაზ(ი)არე“, ადვილმოსალოდნელია კოლხეთს, კოლხურს გულისხმობდეს სწორედ, და იმასაც, კაცობრიობის მსცოვანი ჟამთააღმწერლის, აიას ბოლო მეციხოვნე ქუჩი თვალის დაუხამხამებლად თავს დაუდრეკს მისივე წიაღიდან ამოფეთქილ ახალ ფენომენს — საქართველოს შემოქმედ ქართის ტომს ფარნავაზის მეთაურობით, რათა დაიწყოს ხელახალი წრებრუნვა, ხელახალი თანამშრომლობის პროცესი მორიგი სინთეზისკენ?

ოდეს პროტოქართული ცნობიერება, უკეთ პროტობერული, გნებავთ კოლხური სამყარო ჯერაც გაუბზარავია; ოდეს ჩვენს წინაპრებს არაფერი აქვთ საძებარი პირინეებში, სკანდინავიაში, დიდ ბრიტანეთსა თუ კავკასიაში; ოდეს მთელს მატერიკს მონოლითური სული შთანერგვია, ბასკს (ბჟაშ სკუა — მზის შვილი, გ.ო.), თუ კოლხეთის მრავალრიცხოვან ტომს, რაღაც საკრალური რამ აერთებს და ეს მენცარობა ერთ ხალხში დასინთეზებული მსოფლიო სიბრძნეა. მერე კი გლობალური კატასტროფის შედეგად მიმოიბნევიან, გაიფანტებიან, დაკნინდებიან ოდესლაც აზეითებულნი, ნუთუ ვერ მოხერხდება ყოველივეს აბსტრაქტული რესტავრაცია თუ რეგენერაცია?!

განა ბიბლიური იონა და მამლის ყიონი, ანუ მახარობლის მოვლენა, იდენტური არაა?! (ზაურ მესხია) ან კიდევ თვით სიდონიას ჩაბლუჯული ქრისტეს კვართი საქართველოში რომ მარხია და მარიამ ღვთისმშობლის წილხვედრად იწოდება ქვეყანა ჩვენი, ცოტა ფიქრის აღმძვრელია?!

იგურუ, (გურუ მასწავლებელია ჰინდუსტანში) ქურუმ — გურაფა საღვთო საქმეთა და სწავლა ანუ წაულა ტექნოკრატის გასაკვილად, ხომ არ მიგვითითებს საქართველოს თეოსოფიის სულის სამჭედლობას?! (ზაურ მესხია).

ისე არ გამოგვივიდეს, თითქოს ყველაფრის კოლხეთთან მიტმასნა გვწადდეს ზოგი ერივით, მაგრამ სხვანაირი ახსნაც რომ არ ეძებნება მომწიფებულ საკითხთა წყბას?

საქართველოს გეოგრაფიული კოორდინატების დადგენისას (43-42 კვადრანტი) მისი აბორიგენობის თუ ავტოქთონობის დასაზუსტებლად უთუოდ წაგვადგება ვლადიმერ ჩუბინიძის „სასწაული“ და გივი ალაზნისპირელის „მსოფლიოს დასაბამისეული აღმოჩენა“. დასახელებული ორივე ნაწარმოები სენსაციური მიგნების პრეტენზიითაა ნაკვები.

პირველი თხზულების ავტორი აუმღვრეველად აცხადებს, რომ იგი აბსოლუტური ჭეშმარიტების მფლობელია, თუმცა 4000-მდე სტილისტური და გრამატიკული შეცდომა გააპრავია მოხმობილ წიგნში აზრობ-რივის მხარდამხარ. ესეც რომ არა, კაჭარავების ოჯახის ცნობით, „სასწაულის“ მამოძრავებელი რამდენიმე ცენტრალური პოსტულატი მათ უკითხავად „კოლხეთის ცისკრის“ ტყმალივით, ზოგჯერ შეცდომებითაც, აბსოლუტური ჭეშმარიტების მფლობელი კაცის მონოგრაფიაში დამკვიდრებულა. მაგრამ მთავარი ჩვენთვის სხვა რამ გახლავთ — აბსოლუტური ჭეშმარიტების ნამდვილი მატარებელი ლაო ძი გენიალური „დაო დე ძინის“ მიხედვით ყბადღებული როდი ბაქბუქობს, ჩრდილში დგას და თაფლით სავსე ფიჭასავით მისცემია მარადიულ ნეტარებას.

ასევე მაღალფარდოვანია გივი ალაზნისპირელის კატეგორიული ტონი მსოფლიო დასაბამისეული აღმოჩენის თაობაზე, როცა ეს მკვლევარიც არ არის დაზღვეული ლაფსუს-ხარვეზთა რიგისგან. ჩვენთვის სასიხარულო სხვა რამეა — როგორც პირველ, ისე მეორე შემთხვევაში, შეურყვევლი რწმენით, გნებავთ ზეგარდმო ინტუიციით ზოგადკაცობრიული საიდუმლოება კოლხეთის არეალში ტრიალებს.

ვლ. ჩუბინიძის სწავლებით (სასწაული მისებურად სასწავლს შეესატყვისება), მეგრული ენაა სწორედ დასაბამისეული, თავდაპირველი, კოლხური განსწავლულობის მახასიათებელი, რადგანაც კაცობრიული კატასტროფის ჟამს, დიხაც, ამ ენაში ჩაკოდირება ყოველი ზემატერიალური ინფორმაცია. გივი ალაზნისპირელიც კოლხეთის ტერიტორიას წარმოაჩენს ცივილიზაციის ჭიპად, გონიერი სულის მკვებავ ქვეყნად, სადაც პროექტირდება კოსმოსური ნათება, თუმცა კი ამ ტერიტორიას ჯიუტად და დაბეჯითებით იმერეთად, იმერეთის კუთვნილებად მიიჩნევს, როდესაც მშვენიერი იმერეთი ბებერ კოლხეთს მეორასე თაობად ძლივს ერგება.

ვლ. ჩუბინიძესთან სამყაროს სურათი, ადამიანის ანატომია, გააზრებულია თეოლოგიისა და დიალექტიკის მიმართებათაგან განსხვავებული გზით, (?) მესამე პასუხს ეძებს ტერენტი გრანელივით და ადამიანს ღმერთკაცად ამკვიდრებს, (თუმცა, არ ჩაეძიება ამ ღმერთკაცის წარმოშობის ძირისძირს), რომელსაც გააჩნდა ღვთიური მდგომარეობა, ფლობდა აბსოლუტურ ჭეშმარიტებას, ხოლო იმ უნი-

კალურ აპარატურის მოსპობის, განადგურების შემდეგ უეცრად ქვის ხანაში აღმოჩნდება.

გასაოცარი დებულებაა პირდაპირ, რადგან თუკი ღმერთკაცი გამაოგნებელ კატასტროფას რა-ღაც მანქანებით დაუსხლტება ხელიდან, და არ მოისპობა სრულებით, როგორც ბიოლოგიური არსება, ლოგიკურია, ხომ უნდა შემორჩეს წელზე ვერცხლის ქამარი თუ ოქროს ბალთა მაჯაზე, ან სპილენძის სავარცხელი მაინც, რათა ეგრევე რიყის ქვებს არ დარიოს და წამახული კაჟი ბუნიკად არ მიაკრას ხელშუბს; რათა საჭიროების შემთხვევაში მამონტების ჯოგს ამ უნიკალური იარაღით შეებას?!

დიახაც, პარადოქსულია ჩუბინიძისეული ღმერთკაცის მდგომარეობა, რომელიც აგერ, ახლახან კომპიუტერებით მართავდა სამყაროს და უცებ, გნებავთ ზეკოლოსალური ბიძგების თუ წარღვნის მეოხებით, ტექნიკურ საშუალებათა აბსოლუტურად დამკარგავი, რობინზონის გონიერებასაც კი ვერ იჩენს და ცივილიზაციის ათვლის წერტილს ნეოლითიდან იწყებს?!

თუკი ადამიანი, როგორც ბიოლოგიური არსება, გადაურჩებოდა ჰიროსიმისა და ნაგასაკის ტოლფას კატასტროფას, მას ხელალებით არ შემოეძარცვებოდა მისმიერვე, მის გონებაში დაპროექტებული საგნები, ფორმულები, ახლის შექმნის კოლოსალური მზითევი ცნობიერების სახით და შიშველი ხელებით არ შეეჭიდებოდა წუთისოფლის ყოველდღიურ პრობლემებს, თუმცა ამდაგვარი ღმერთკაცი ვლ. ჩუბინიძეს სხვა მოსაზრებისათვის სჭირდება, რათა ქართული, კონკრეტულად კი მეგრული ენის ზოგადკაცობრიული მისია გაამართლოს; რადგანაც ნუ იტყვით და, ამ ენაში ფიქსირდება თურმე კაცობრიობის ცოდნა სამყაროზე, მის კანონებსა და წესებსზე.

ჩვენეული, აბსოლუტურად ჭეშმარიტი შენიშვნა, ვფიქრობ, ვლ. ჩუბინიძის თეორიას ჩიხში მოაქცევს, თუმცა მისი თხზულება სულ სხვა რამით არის გენიალური: კონკრეტულად რიცხვი „13“ გაშიფრვით და გასაოცარი სისტემის აღმოჩენით. ამის თაობაზე ჩვენ დაწვრილებით მოგიტორობთ თხზულების მეორე საწმისში, აქ კი შეგვიძლია თეზისების სახით მოგაწოდოთ, რომ ნებისმიერი ნატურალური რიცხვის 13-ზე გაყოფისას ვლებულობთ რაღაც მთელს და ექვსნიშნა პერიოდს; მაგ.: 1:13 ტოლია 0,076 923. ეს ბოლო ექვსი ციფრი პერიოდულია, და ასე შემდეგ.

დავუბრუნდეთ ადამიანის თუ ღმერთკაცის წარმოშობის საკითხს.

ავტორი შეგვიძლია დავამშვიდოთ იმით, რომ ადამიანის გაჩენის ორი გზა — თეოლოგიური და დიალექტიკური, კვლავაც ძალაში რჩება. ჰომო საპიენსი ვერაფრით გაეჭევა დემიურგს თუ ბუნების მატერიალისტურ კანონს, სხვანაირად გამართლებას ვერ უპოვი მის ბიოლოგიურ სუფევას დროსა და სივრცეში. დედამიწაზე მოსვლამდე ჩუბინიძისეული ღმერთკაცი უთუოდ ან ღმერთის ხელისგან უნდა გამოიზილოს და გამოცხვეს ინდივიდალად, ან კიდევ ერთუჭრედიანი ამებისგან დაიწყოს ხვანცალი, რათა ოდესმე მაინც ეზიაროს ნიცშესეული ზეკაცის გონების ძალმოსილებას. „სასწაულის“ ყურადსაღებ დებულებებზე ჭვემით მრავალგზის ვისაუბრებთ, და აბსოლუტური ჭეშმარიტების მფლობელი ავტორის მოსაზრებებიდან თუკი გამოვხშირავთ მეტაფიზიკურ მომენტებს — ქვიშის გროვისგან ოქროს მარცვლებს ვჯერდებით, მოგვიტევენს, ალბათ, მისი ყოვლისმომცველი ბუნება.

გივი ალაზნისპირელის ქვაკუთხედი რამდენადმე ზომიერია სამყაროს, ადამიანის ბედ-იღბლის გააზრებისას, ოღონდ აქ არის დაშვებული არაქართველთათვის ფრიალ გამაღიზიანებელი დებულება: **მთელი კაცობრიობის ეპიცენტრი საქართველოა**, უფრო კონკრეტულად კი ხარაგაულის რაიონის კოპწია სოფელი ნუნისი, სადაც პროექტირდება კოსმოსური ნათება, იგივე სამყაროსეული ველი — სვეტიცხოველი. თურმე ჩვენს წინაპრებს გონიოს პრინციპით ჩაჰყავდათ დასახლებული ციალი ნუნისთან არსებულ ჭაში, ამიერკავკასიის ქვეშ მდებარე უკიდევანო სიცარიელეში; ზედმიწევნით იმორჩილებდნენ გრანდიოზულ ძალას, რომელიც ბერძენის სამკუთხედში დღესაც მოქმედებს ერთობ დაუდგენელი და ამოუხსნელი ხასიათით.

ამ ველში მოხვედრილი ადამიანი უმალ აღიდგენს სხეულებრივ თუ სულიერ დეფექტებს, ხელად განიკურნება ყოველგვარი უარყოფითი ემოციისგან და ეძლევა სამყაროსეულ ჭკრეტას, შემოქმედებით კულმინაციებს.

გივი ალაზნისპირელისა და მისი სულიერი მოძღვრის — გიორგი იონთა იბერიონის, იგივე გიორგი მაზიაშვილის ამ განცხადებას ესაფუძვლება ნუნისში აღმოჩენილი მთათა კომპლექსი, რომელსაც ოთხივე კუთხით 3-3 შესასვლელი გააჩნია. აქვეა გამოთქმული ჰიპოთეზა, რომ ეს კომპლექსი ადამიანის ხელითაა აშენებული და შეესაბამება ნოეს კიდობანს. ნოეს კიდობანი მათი მტკიცებით შეუძლებელია ძელთაგან შეკრულიყო, რადგანაც ბიბლიაში მოკირწყლაზე, კირით შედუღაბებაზეა საუბარი. ხოლო შესასვლელი ამ ქვის კიდობანს გააჩნდა ქვემოდან, ვინაიდან ფიზიკის კანონიდან გამომდინარე, ჰაერით სავსე ჭურჭელში წყალი ვერ აღწევს, თუნდაც მთლიანად

ჩავძიროთ სითხის მასაში, და თურმე ნოე მთელ თავის ჯალაბს, ნათესაობას და სამიათასამდე წყვილულ სულიერ არსებას, წარღვნისაგან დასახსნელად, სწორედ რომ ნუნისის ქვის ნაგებობაში შეყრის — 300ჩი:ჰჩ“%, 450 ათასი კუბური წყრთის ვრცეულობაში.

წყრთა იდაყვიდან შუა თითის ბოლომდე მანძილის იდენტურია, დაახლოებით 48 სანტიმეტრი, ან უფრო უხეშად თუ ვიტყვით, ნახევარ მეტრს შეესაბამება. 450 ათასი კუბური წყრთა დღევანდელი გაგებით 225 ათას კუბმეტრია, რაც თბილისის ოპერის თეატრის მოცულობას რამდენადმე აღემატება, თუმცა მთავარი სხვა რამ არის. ეს ქვის კილობანი თურმე ნოეს განგებ ჩაუშენებია მიწაში, წყალს რომ ზევით არ ამოეტყორცნა; აქვე ეს ნაგებობა არა მხოლოდ საკუთარი ოჯახისა და ჯიშთა წყვილულის გადასარჩენი მოწყობილობაა, არამედ იმ მიწისეული წილის ჩასავლელი ქის, სამყაროს საშოს, დასაფარი, ამოსაგმანი დანადგარიც, რომელი ზვრელის მეშვეობით საქართველოს მიწისქვეშა სიცარიელეში კოსმიური ნათება, სვეტიცხოველი პროექტირდება. ამ ხაროს დახშობა ნოეს იმიტომაც დასჭირდება, რომ საქართველოს, უფრო ზუსტად — ამიერკავკასიის მიწის წილისეული სიცარიელე სხივონობდა არა მზისა და მთვარის შუქით, არამედ — კოსმოსური ელვარებით, და მთლიანობაში სამოთხეს, ედემის ბაღს რომ ეფარდებოდა, თანდათან წყლით ამოივსება. წყლის თვისებამ კი იმ ენერგიას მუხტს შეუტვლის და შიგ ჩასული ადამიანები ადრე თუ დადებითი სულისკვეთებით იმუხტებოდნენ, უკვე გველის, დრაკონის, ლუციფერის კანონებს დაექვემდებან, სასიკეთოს ნაცვლად ბოროტი ძალით აღიჭურვებიან, და რადგანაც ღმერთის რჩეულმა ნოემ იცის აქ გაცხადებული ამბის ანი და ჰოე, ხელოვნურად გამოიწვევს დედამიწაზე კატასტროფას, ხელოვნურად მოაწყობს ჩვენს პლანეტაზე წარღვნას, რათა ჯერ დედამიწის ბრუნვა შეჩერდეს, შემდგომ წაღმა დაატრიალოს.

შეხედეთ, როგორი მასშტაბის ქმედებებზეა საუბარი, რაც გივი ალაზნისპირელის მტკიცებით, ფრიად ხელეწიფებოდათ თურმე ჩვენს წინაპრებს, მიწისქვეშა სიცარიელეში ჩამავალი, სპირალისებური კიბეების წყალობით.

მარტივად რომ ვთქვათ, ჯერ დედამიწის მოძრაობის შეჩერება, მერე მისი ბორბლის წაღმა დატრიალება, კალაპოტებიდან გადმოღვრის მსოფლიო წყლებს და მოიშობს ნოეს ქვის კილობანს შეფარებულთა გარდა ყოველ სულიერს. თავის სამსართულიან ნაგებობაში იაფეტის მამა ლამის დაუჭერებლად მოახერხებს მსოფლიოს ფაუნის ეგზემპლართა შემოკედლებას, მაგრამ ჩვენთვის ძნელად აღსაქმელია სამყაროს მოძრაობის შემჩერებელ და უკუღმა დამტრიალებელ კაცს, ე.ი. კოლოსალური ცოდნის პატრონს, რისთვის დასჭირდება ქვის კილობანში ცხოველთა და ფრინველთა წყვილულების ფიზიკური შემოხიზნვა, როცა ნაწარმოების მიხედვით ნოე ამ საქმისთვის საკმაოდ დიდხანს ემზადება?!

განა მისთვის უფრო იოლი არ არის ბიოსამყაროს ეგზემპლართა მხოლოდ გენეტიკურ მასალას დასჯერდეს, რათა ევგენისტიკის (გნებავთ კლონირების) კვალბაზე წარღვნის მერმე მათი ხელახალი შეგვარებით სრულყოფილად აღადგინოს ციქვეშეთში არსებული ყოველი ინდივიდუალი?!

მოკლედ, ნუნისის მათათა კომპლექსის ნახვრეტის ალაზნისპირისეული ნოეს კილობნით ამოქოლვის მერმე, დედამიწა ერთხანობას გაირინდება, მოგვიანებით უკუმობრუნდება, გადმოიღვრება ნაპირებიდან მსოფლიო წყლები და წარმოიღვინეთ, ყოველივე ეს გრანდიოზული მუშაკობა ნოეს იმისთვის დასჭირვებია, რომ ადამიანის უკუღმართად მომართულ გონებისგან მიწისქვეშეთში შექმნილი ავზნიანი ცოდნა წაშალოს.

ჰიპოთეზა ჰიპოთეზის წილ, ჩვენ კი მივყვით მსჯელობას. ნუნისის შვიდრიცხოვობრივი მათათა კომპლექსის სპირალური გვირაბებით გონიოს პრინციპს ხაროში ჩაჰყავს სამყაროსეული სული, რაც ალაზნისპირელის ვერსიით ყოველი ცივილიზაციის მოდელია, მაკეტი, დასაბამი, როგორც ახლახან ამერიკის კონტინენტის აღმოჩენის მერმე მსოფლიოს გეოგრაფიული სახელებით გადაინათლება იქაურობა, იმდაგვარად: გაჩნდება მეორე იერუსალიმი, მეორე შუამდინარეთი, მეორე ეგვიპტე და ასე შემდეგ.

არ გამოვედევნებით ბატონ გივის ცთომილებებს თუ მართებულობებს. ერთი რამ კი ნამდვილად გადაუდებელია: ნუნისთან არსებული მათათა კომპლექსი დროა ცნობილ მეცნიერთა კვლევის ობიექტად იქცეს. გამორიცხული არ არის იგი დიხაბაც ემსახურებოდა რაღაც საკრალურ საქმეებს?! გავიხსენოთ სიცოცხლის ხეზე ჩამოკიდებული აიეტის ოქროს საწმისი, რომელსაც ცეცხლისმფრქვეველი დრაკონი იცავს ზამთარ-ზაფხულ. ვინ იცის, კოლხეთის სამეფოს აღმოსავლეთით იქნებ მართლაც არსებობდა მსგავსი პანთეონი, ქურუმთა მექა?!

ერთი სიტყვით, ამჯერად შემოთავაზებული დოზით ვიკმართ „სასწაულსა“ და „აღმოჩენაზე“ მსჯელობა, რადგანაც დასახელებული წიგნები, როგორი სენსაციური თუ ფანტასტიკური ფორმით ასახავ-

დნენ სინამდვილეს, საქართველოს ტერიტორიას, მის გენს, მის სულიერ განზომილებებს; რანაირი პარამეტრებითაც გვთავაზობდნენ კოლხეთის ბებერი ცივილიზაციის ეპიცენტრად, გნებავთ მოძრაობის არისტოტელესეულ ბიძგად, ამ მიმართებით კვლევა-ძიების ფართომასშტაბიანი შტურმი XX საუკუნის ფინიშის გადაუღებელი ამოცანაა.

ახლა კი დავეშვით დაბლა და შედარებით ვიწრო თემატიკით — პატროფილური მსოფლგანცდით შემოვისაზღვროთ.

კოლხეთის ისტორია, სრულიად კაცობრიობის, სრულიად ცივილიზაციის ტრაგიზმით სავსე ქრონოლოგიაა, რომელსაც აითვისებს და საკმაოდ ცუდადაც გადაიმღერებს ახალი (გრეკი — ელინი, ქართი — საქართველო). ქართის ტომის მისია (ქართა — წრე, რგოლი, შარავანდედი, გარსი) შემოიკრიბოს გარშემო ყოველივე მშობლიური და თვისტომი, ღვთით ნაკარნახევი ძალისხმევა უფროა, ვინემ შემთხვევითობა, მაგრამ მიგვაჩნია, ქართიზაცია დასჯერდება მხოლოდ საკუთარ ძალებს და არ ეცდება წავიდეს სინთეზის იმ გზით, რომლითაც მისი ღირსეული წინაპარნი ვლიდნენ. ჰეგემონური გახდება მისი მოღვაწეობა, ამიტომ მრავალწახნაგა ცივილიზაციის სატკივრების სრულფასოვნად აწევას ვეღარ შეძლებს ერთი ტომის მხრები. არადა, საჭირო იყო უფრო გლობალური მიდგომები საკითხთა წრესთან, გლობალური სინთეზი — უწინარესად კი სვანურისა და მეგრულ-ქანური (ლაზური), იგივე ზანური მონაპოვრების, ენობრივი ფენომენის ათვისება. თვალსაჩინოებისთვის აქვე შევნიშნავ „სუფევის“ მესამე წიგნში მეტი სისასვსით გაშლილს — ქართულს 14 ზმნისწინი გააჩნია, კოლხურის უშუალო მემკვიდრეს, მეგრულს კი — 83, ანუ 6-ჯერ მეტი, ე.ი. ლექსიკური მარაგიც შესაბამისად ამდენჯერ აღმატებულია.

ჰეგელი იზიარებს შეხედულებას, რომ ცივილიზაცია კავკასიური რასისგან, იბერიული გენისგან იწყება; რომ ევროპოიდულ აღნაგობას ესაფუძვლება პროტობერიული — თაღოვანი შუბლითა და პროფილით. ჰეგელს აქ, ცხადია, მხოლოდ ინტუიცია როდი კარნახობს ყოველივეს. ის, როგორც ჰეგელიტი მეცნიერი, უწინარესად ანთროპოლოგიურ მონაცემებს ეყრდნობა, რომლის მოშველიებით რამდენადმე შესაძლებელია ზოგადქართული ხასიათის დადგენა.

ვახუშტი ბატონიშვილს თუკი ვერწმუნებით, ქართველი არის ყირმიზი, ახოვანი, გამბედავცა და ლაზარიც, სულგრძელიცა და მამონას მოთაყვანეც, ესე იგი — გაწონასწორებული, გაორებული ბუნებისა.

გავიხსენოთ არქანჯელო ლამბერტი: როგორ მიყიდის თურქებს 12 გაპარსულ მღვდელს თავადი ჭილაძე, სანაცვლოდ რანაირად დაუთმობს მამველ რგოლს ზანგ გოგონას პროფესორი იოსებ ჟორდანი.

პარადოქსების ხალხი ვართ სწორედ. იქნებ ამას გარემო პირობებიც გვკარნახობს მეტნაკლებად?! ჩვენ ხომ მეიროხანის, ბუნიობის მსგავსი ზნეობის მემკვიდრენი ვართ რამოდენიმე ათასწლეულის მანძილზე?! უეჭველია, ზოგადქართული ტიპის თვისება, ხასიათი, ერის ცნობიერების მასშტაბური ფსიქოგრაფიდან მომდინარეობს, სადაც კრებითიც გაორებულია ყველა განზომილებით. გუბაზ მეფის მკვლელობაც ამისი დასტურია. ლაზიკის მპყრობელი (როგორც მისი უამრავი შთამომავალი), იძულებულია ორ საჩოთირო რეალობას შორის უკეთესი ამოირჩიოს. ის ალტერნატივის წინაშე დგას, როცა ბიზანტიელებს ემხრობა სპარსელების წინააღმდეგ ბრძოლაში, თუმცა ლაზთა მეუფეს არაფერში ეპიტნავება რომაელთა სამხედრო წარმატებანი. მისთვის მთავარია სახელმწიფოს სცილას და ქარიბდას შორის გამოტარება.

განა იგივეს არ გვიმტკიცებენ კოლხეთის გენიალურ მჭევრმეტყველების, აეტისა და ფარტაზის საშვილიშვილო სიტყვა-თქმანი?!

ალტერნატივა გამუდმებით დგას ქართლოსიანთა წინაშე. საქართველოს ანექსია ვერაფრით მოხერხდება, ÀÉÑÒÑÐ-ს წევრ ქვეყნებმა საერთო ენა რომ გამონახონ, მაგრამ აზერბაიჯანელი მუსავატელების, სომეხი დაშნაკებისა და ქართველი მენშევიკების ალიანსი კრილოვის იგავ-არაკის თემა აღმოჩნდება.

თავად განსაჯეთ:

გ. ი. ლენინი — ორჯონიკიძეს
20 წლის 17 აპრილი.

„ბაქოს აღება ჩვენთვის უადრესად საჭიროა. მთელი დონისძიებანი აქეთ წარმართეთ. ამასთან აუცილებელია განცხადებებში უადრესი დიპლომატიურობა გამოიჩინოთ და მაქსიმალურად დარწმუნდეთ მტკიცე ადგილობრივი საბჭოთა ხელისუფლების მომზადებაში... იგივე ენება საქართველოს. თუმცა გირჩევთ მას კიდევ უფრო ფრთხილად მოეპყროთ“.

სტალინი — ორჯონიკიძეს

„შენ, ალბათ, უკვე მიიღე დეპეშა ლენინისა და ჩემი ხელმოწერით, რომ ცეკა გავალებს შენ მიიღო ყველა ზომა გაიყვანოთ სამხედრო ნაწილები რუსეთისა აზერბაიჯანის საზღვრებისკენ და ხელი აიღოთ საქართველოს წინააღმდეგ რაიმე შეტევით მოქმედებაზე.

მე მივედი აპარატთან იმისთვის, რომ გავიმეორო ცეკას ეს მოთხოვნა. მხედველობაში მქონდა, რომ ცეკას მოთხოვნა ნაკარნახევია საერთაშორისო მდგომარეობის თანამედროვე ვითარებით. გარდა ამისა, პოლიტიურს სურს იცოდეს აჯანყებულთა მდგომარეობა, რომლის შესახებ შენ გვაცნობდები და მივიღოთ მათ შესახებ, რაც შეიძლება დაწვრილებითი ცნობები.

ურატაძეს საუბარი ჰქონდა გეგეჭკორთან, რომელმაც დაამტკიცა მისი მანდატი და მისცა მას ხელშეკრულების დადების უფლება, რომელიც შეიცავს საბჭოთა რუსეთის ყველა მოთხოვნას საქართველოს კომუნისტების ლეგალიზაციამდეც კი. ხელი რომ არ შეეშალა ჩვენი პოლიტიკის გატარებისათვის ჩვენი ნაწილების, ასევე აზერბაიჯანის ნაწილების ზოგიერთ გამოსვლებს, ხელშეკრულება უკვე იქნებოდა დადებული, ველი პასუხს აპარატთან.“

ცეკას პოლიტიურს დავალებით სტალინი.
20 წლის 6 მაისი, ღამის 0 საათი და 30 წუთი.

ორჯონიკიძე, კირთვი — ლენინს, სტალინს, ჩიჩერინს
სრულიად საიდუმლოდ (შიფრით)

„თქვენს ბრძანებას ზუსტად შევასრულებთ. წინა მოსაზრებების გარდა მოგვყავს შემდეგიც:

1. თუ საქართველოს არ დავეუფლებით, თითქმის შეუძლებელი იქნება იმის უზრუნველყოფა, რომ აზერბაიჯანი საბჭოთა რუსეთის იყოს. საქართველო უკვე ახლა ყველაფერს აკეთებს იმისთვის, რომ აზერბაიჯანში კონტრრევოლუცია ასაზრდოოს. აგრეთვე ინტრიგებს ეწევა მთიელთა შორის, მილიონებს ყრის იქ, აქეზებს მთიელთა დამოუკიდებლობისათვის.

2. საქართველო სამხრეთში კონტრრევოლუციის კერად იქცა, უთუოდ განუწყვეტლივ ასაზრდოებს კონტრრევოლუციას ჩრდილოეთ კავკასიაში, დონზე, სადაც მალე ვერ შევძლებთ მის ჩაკვლას. ამ მხრივ საქართველოს არავითარი ხელშეკრულების, არავითარი განცხადების ნდობა არ შეიძლება. საქართველოში თავი მოიყარეს თეთრების მასებმა, იარაღმა, რასაც გადაისვრიან ჩრდილო კავკასიაში, ყირიმში.

3. საქართველოში არის ფართოფულობა, რომლითაც შეგვიძლია მოვამარაგოთ ყუბანი, სტავროპოლი და გამოვიტანოთ პური, რომელიც თერგს, დაღესტანს, აზერბაიჯანს, საქართველოს სჭირდება.

4. თუ საქართველოს დავეუფლებით, ინგლისელებს გავაპანდურებთ შავი ზღვის აღმოსავლეთ სანაპიროდან, გზას გავხსნით თურქეთისკენ.

5. საქართველოს მეზობლ ძალთა მდგომარეობა ერთობ ხელსაყრელია ჩვენთვის. აქ შესაძლოა მცირედი ცვლილებებით იგივე განმეორდეს, რაც აზერბაიჯანში მოხდა.

და, ბოლოს, აზერბაიჯანის დაპყრობა და საქართველოს დატოვება უაღრესად ცუდ შთაბეჭდილებას მოახდენს მუსლიმანებზე, მით უმეტეს, რომ აზერბაიჯანის ძველი მთავრობა მზად იყო ყოველგვარი დათმობისთვის, ოღონდ კი ზავი დაედო ჩვენთან. **მარტო იმის გარდა, რომ ჩვენ ძალგვიძის არ გავილაშქროთ საქართველოს წინააღმდეგ, მომაკვდინებელ შთაბეჭდილებას დატოვებს.** მეამბოხეთა რაიონებია: **სამსრეთ ოსეთი** (ხაზი ყველგან ჩვენია, გ.ო.), დუშეთის მაზრა, ლაგოდეხისა, **აფხაზეთი** და თითქმის მთელი ქუთაისის გუბერნია. თუ ჩვენ საზღვრებისკენ დავიძრებით, აღნიშნულ რაიონებში აჯანყება გარდუვალია, რას გვიბრძანებთ — მხარი დავუჭიროთ მას თუ არა?! ჩვენი აზრით საქართველოსთან დასადები ზავის პირობებში აუცილებლად უნდა იყოს მოთხოვნა: საბჭოთა ხელისუფლების გამოცხადება საქართველოში. ჩვენი ცნობის მიხედვით თუ ვიმსჯელებთ, მენშევიკები მზად არიან ამისთვის, ოღონდ ძალიან ივაჭრებენ. 7.V.20 წ.“

ლენინი — სტალინი

„...მიგაჩნიათ თუ არა თქვენ შესაძლებლად საქართველოსთან და სომხეთთან მშვიდობიანი ურთიერთობის დამყარება, და რა საფუძველზე? შემდეგ სწარმოებს თუ არა სავსებით სერიოზული მუშაობა ბაქოს მისადგომების გამაგრებისთვის?“

სტალინი — ლენინს

„გაცნობებთ ორიენტირისთვის: საქართველო შევიდა ეროვნებათა ლიგის შემადგენლობაში, სადაც იგი წარმოდგენილი იქნება გეგეჭკორით — ბათუმის დათმობა, თუ ეს დასჭირდა ანტანტას, სავსებით შესაძლებელია, მიუხედავად საქართველოს მთავრობის შიგნით მერყეობისა... საჭიროა საქართველოს მიეცეს ნავთი მცირე დოზით იმისთვის, რომ გაძლიერდეს საქართველოს მთავრობის შიგნით უთანხმოება და გაგრძელდეს მერყეობის პერიოდი დროის მოგების მიზნით... მეთერთმეტე არმია სუსტია, ვერ გაუძლებს ბრძოლებს. თუ ანტანტა დაიკავებს ბათუმს და დაიძრება დასავლეთისკენ, ჩვენ უნდა გადავიდეთ შეტევაზე, დავიკავოთ თბილისი და ავაფეთქოთ გვირაბი სურამის უღელტეხილთან. ე.ი. საჭიროა მივმართოთ აქტიურ თავდაცვას... წინააღმდეგ შემთხვევაში შეიძლება დავკარგოთ ბაქოც.“

1920 წლის 17 ნოემბერი“.

ორჯონიკიძე — ლენინს, ტროცკის

„ბაქო. 15.XII.20. თათბირმა კავკასიის ბიუროსთან, რომლის შემადგენლობაში არიან სტასოვა, ნარიშკინი, მდივანი და ორჯონიკიძე, ელიავას, ლეგრანის, სტარკის, დუმბაძის, ოკუჯავას, არმიის სარდლის გეკერის, არმიის რევოლუციური სამხედრო საბჭოს წევრის მიხაილოვის თანდასწრებით ერთხმად და საიდუმლოდ გადაწყვიტა გარიჟრაჟზე საქართველოს საზღვრის გადალახვა. ყველაფერი მომზადებულია“.

ლენინი, ტროცკი — ორჯონიკიძეს

„ეს-ეს არის წავიკითხეთ პირველი ნომერი დაშიფრული წერილი. აი, პასუხი: ეს ძირეულად ეწინააღმდეგება ცენტრალური კომიტეტის გადაწყვეტილებას. შეიძლება დამლუბველი შედეგები მოჰყვეს, ცენტრალური კომიტეტი არაფითარ შემთხვევაში არ გრთავთ ნებას. კატეგორიულად მოვითხოვთ შეაჩეროთ შესრულება და გააუქმოთ გადაწყვეტილება“.

სრულიად საიდუმლოდ რეპე ცენტრალური
კომიტეტის ყოველ წევრს,
ასლი ამხ. ტროცკის

„მოკლედ გაცნობებთ ჩვენს მოსაზრებებს იმაზე, თუ რატომ მიგვაჩნია საჭიროდ მენშევიკური საქართველოს ახლავე გასაბჭოება.“

ბირგელი. აზერბაიჯანის გასაბჭოების მერე აღვნიშნავდი, რომ მაშინვე უნდა გავგვესაბჭოებინა საქართველოც, როგორც კონტრარევოლუციის ბაზა. ამის მერე კავკასიაში დატრიალებულმა ამბებმა უცილობლად დაამტკიცეს ეს: საქართველოს მთავრობამ დახეული ყველა დენიკინელი ყირიმში გადაისროლა. ჩრდილო კავკასიასა და აზერბაიჯანში მომხდარ ყველა აჯანყებაში საქართველო უშუალოდ მონაწილეობდა, კერძოდ. ახლანდელ დაღესტანის აჯანყებას საბჭოთა ხელისუფლების წინააღმდეგ ხელმძღვანელობდნენ საქართველოს აგენტები — აჯანყებულთა შტაბი ლაგოდენშია (საქართველოში, სიღნაღის მაზრაში) ჩრდილო კავკასიაში გახსნილ ყველა კონტრარევოლუციურ შეთქმულებას განუხრელად მივყავართ საქართველოსთან კავშირამდე. ჩრდილო კავკასია რომ მტკიცედ დავიმკვიდროთ (პური და ნავთობი), საჭიროა საქართველო გავასაბჭოოთ.

მეორე. საქართველოს მთავრობა, რომელიც ყოველნაირად მხარს უჭერს და აწყობს აჯანყებებს ჩრდილო კავკასიასა და აზერბაიჯანში, იმედოვნებს რომ ამით ჩვენს ყურადღებას ჩამოაშორებს მას და წარმატებითაც გვიტყობს სახელს მუსლიმანთა თვალში იმით, რომ უსაშველოდ აზვიადებდა ჩვენი ჯარების მოქმედებას აჯანყებათა ჩაქრობის დროს. მაგალითად, აჯანყების ჩაქრობა განჯაში, რის შედეგაც ანგორაში შეიმჩნეოდა გარკვეული გაცივება ჩვენს მიმართ საქართველოს პრესის გაძლიერებული აგიტაციის წყალობით.

მესამე. საბჭოთა სომხეთი საბჭოთა საქართველოს გარეშე ფაქტობრივად უფრო თურქეთის გავლენის ქვეშ რჩება, ვიდრე ჩვენი გავლენის ქვეშ, იმის წყალობით, რომ სომხეთისკენ მიმავალი რკინიგზა საქართველოზე გადის (ნავთლულიდან), **ამყაბად საქართველო სომხეთისკენ პურსაც არ ატარებს.**

მეოთხე. არსებულ ვითარებაში თურქებს ადვილად შეუძლიათ შეიქმნან ბუფერი ნახჭევანის რაიონში, სადაც განზრახული აქვთ ცალკე სახანოს შექმნა, რომლის ხელში იქნება თავრიზისკენ მიმავალი რკინიგზა. ეს მოგვწყვეტს ჩვენ სპარსეთს და დაანაწევრებს სომხეთს.

მეხუთე. ამიერკავკასიაში შექმნილი ვითარება გვაიძულებს მნიშვნელოვანი სამხედრო ძალები ვიყოლიოთ აზერბაიჯანში, რაც ერთობ არასასურველია მოსახლეობისთვის. ასეთმა ვითარებამ შეიძლება სახიფათო ფორმები მიიღოს და გართულებები შექმნას თვით აზერბაიჯანში.

მექვსე. ჩვენგან საქართველოს გასაბჭოება, ბათუმის დაკავება, ანტანტას წაართმევს უკანასკნელ ჩვენს საწინააღმდეგო ბაზას სამხრეთში.

მეშვიდე. საქართველოს გასაბჭოება ახლა მიტოვაც არის საჭირო, რომ ანტანტამ ჯერ ვერ მოასწრო ვრანგელის არმიის ნაშთების ორგანიზება და არ ჰყავს საკმაო ძალები ჩვენს წინააღმდეგ.

მერვე. იმის იმედი, რომ თვით საქართველოში შიგნიდან მოხდება გადამწყვეტი აფეთქება, არ უნდა გვექონდეს. ამას ამტკიცებს ის ამბები, რაც საქართველოში ხდება. საქართველოს ჩვენს დაუხმარებლად გასაბჭოება არ ძალუძს.

მეცხრე. **საბაბი საქართველოს საქმეებში ჩვენი ჩარევისათვის გვაქვს. საამისოდ საჭირო არ არის აშკარად თავს დავესხათ საქართველოს, გვაქვს შესაძლებლობა, რომ დაგიწყოთ მოძრაობა აფხაზეთში, აჭარაში, ბორჩალოს მაზრაში, სადაც საამისო ნი-ადაგია, ამ მხრივ ჩვენი დახმარება შეუძლია აგრეთვე თურქეთსა და სომხეთს და შესაძლებელია შეიქმნას ისეთი ვითარება, რომ მხსნელებად მოვევლინოთ საქართველოს, რომელიც იხრწნება და ანარქიას ეძლევა.**

დასასრულ, საჭიროა კიდევ ერთხელ ხაზგასმით აღვნიშნოთ, რომ თუ მთელი ამიერკავკასია არ გავასაბჭოეთ, ვერავითარ შემთხვევაში მტკიცედ ვერ ვიგრძნობთ თავს ჩრდილო კავკასიასა და აზერბაიჯანში და თუ ყუბანსა და თერგზე შედარებით სიმშვიდეა, ეს მხოლოდ პირველ შემთხვევამდე, ვიდრე კაზაკობა გონს მოვიდოდეს ჩვენგან მიყენებული გადამწყვეტი დარტყმების მერე, ხოლო საქართველოს მთავრობა ყველაფერს იღონებს, რათა კაზაკობას და მთიელებს დაეხმაროს ჩვენს წინააღმდეგ გამოლაშქრებაში.

რკპ ცენტრალური კომიტეტის კავკასიის ბიურომ უკვე არაერთხელ წარმოგიდგინათ თავისი ერთმხრივი გადაწყვეტილებანი, რომ საჭიროა საქართველოს გასაბჭოება.

**რკპ ცენტრალური კომიტეტის
კავკასიის ბიუროს წევრები
ორჯონიკიძე, ს. კირთვი.
2. 1. 21.**

სტალინი — ორჯონიკიძეს

„ახლა გადმოგცემ ცეკას დაშიფრულ პასუხს, აგრეთვე წინადადებას გაძლევ ესლაგე შეუტოო, დასტურია, აიღე ქალაქი.“

15. 16 საათი.

ორჯონიკიძე — სტალინს

„ჩვენ მივიღეთ ფრიად დიდმნიშვნელოვანი ცნობები, შიმშილითა და საქართველოს მთავრობის ძალადობით გაწამებული საქართველოს მშრომელები აჯანყდნენ ბურჟუაზიის აღვირახსნილი ღრეობის წინააღმდეგ... და მძლავრი ნიაღვარივით დაიძრნენ თბილისისაკენ... და ახლა წითელი ნიაღვარი უახლოვდება თბილისს, ბურჟუაზიული ღრეობის ამ საძულველ კერას. თბილისის საათები დათვლილია, შესაძლოა, ამ წუთს თბილისის თავზე უკვე ფრიალებს პროლეტარული დიქტატურის წითელი დროშა“.

როგორც იტყვიან, კომენტარი ზედმეტია.

დაახლოებით ამგვარი შინაარსისაა, ალბათ, სუვერენული საქართველოს ხელმეორე ანექსია 1992 წლის 6 იანვარს. უბრალოდ გვარები და სახელები შეიცვლება მხოლოდრე, ხასიათი კი იგივე დარჩებ ა მცირეოდენი ნიუანსობრივი სხვაობით.

როგორ ფიქრობთ, შევძლებდით ჩვენ კავკასიური ოჯახის შექმნას იმ პირობებში, როცა გუშინ ტყაპუჭიდან გამომძვრალი შანიბოვი მორალს გვიკითხავს ქართველებს, თითქოს საშვილიშვილო სირცხვილს გადაგვარჩინეს, რაჟამს მუჟა აფხაზებს გენოციდს ვერ მოვუწყობთ მათი ზეწოლის ძალისხმევით, თან მენტორულ ტონს არაფრით თმობს:

— როდის მოეშვებით ქართველები ღვთის რჩეულ შვილებად თავის წარმოსახვასო. — დაბოლოს, უფრო გულდამშვიდებით რომ ვიყოთ, თბილისის ერეენად გადაქცევასაც გვიპირდება.

ამას გვთავაზობს რესპონდენტისგან ინტერვიუერი, ქალბატონი ნაირა გელაშვილი, რომელიც ცნობილ მოვლენებთან დაკავშირებით „ხელისუფლებ- ბისგან“ სამგზის ბარბაროსულად დალაშქრულ სამეგრელოს აფხაზეთის ომში „მთავრობის“ თანაუდგომლობისთვის მოლალატეს უწოდებს (ეპითეტებს არც სხვები გვაკლებენ იმ ხანად — ზოგი ბერმუდის სამკუთხედს ამგავსებს სამეგრელოს, სადაც ყველაფერი იკარგება თურმე; მაჟანი „ტაკუნა ტაკუნაიებს“ გვეძახის და ვინ მოსთვლის) ამას წინათ, მერვეკლასელი გოგონას პოზით წარსდგომია წინ კონფედერაციის მესვეურს და იქ თუ ვერა, სამშობლოშიც უჭირს საქართველოს ივარქმნით დამქანებელი კაცისთვის საკადრისი პასუხის გაცემა.

ეროვნული მოძრაობის აქცენტი კავკასიური ოჯახის შექმნისაკენ მოუმწიფებელ კონცეფციად მიგვაჩნდა და მიგვაჩნია ამ რელიგიურ თუ მიზნობრივ სხვადასხვაობაში, მით უფრო ისეთი საერთო იმპერიული წნეხის პირობებში, როგორც ველიკორუსული შოვინიზმია.

ბარათაშვილის „ბედი ქართლისა“ გაჭრილი ვაშლივით იმეორებს ჩვენს დღევანდლობას, ოღონდაც მაშინ პატარა კახი „პატარ-პატარა“ უფლებებით აღჭურვავს თავის ტახტისმტეებს მეფე ლირის მსგავსად და რაწამს რეალური განადგურების საფრთხე დაგვემუქრება, თითქოს დავსჯის მემკვიდრეებს, ოდეს სამეფო რეგალიებს წაჰგვის მათ — ერეკლეს ქმედება, როგორც ჩვენი ცხოვრების გენეოლოგია გვანახებს, ერთადერთი მართებული აღმოჩნდება იმ ეპოქასა და იმ სიტუაციაში, ვინაიდან თურქეთის ლაზეთის თუ ირანის ფერეიდნის ორსაუკუნოვანი მოწყდომა ეროვნულ თვითშეგნებას, მოსპობს ფაქტობრივად მათ პატროფილურ მსოფლშეგრძნებას.

გვიკვირს ერეკლეს პიროვნების უმართებულო განქიქება ქართულით, რომელი ენაც მისი გონივრული გადაწყვეტილების ერთადერთი უტყუარი ნაყოფია.

**სიტყვისგება
ბუბაზ-მეფის კავლელებს**

აქტი

„— რომაელები რომ სიტყვებითა და გეგმებით გვეპყრობოდნენ უსამართლოდ, ჩვენც კარგს ვიზამდით, რომ მუდამ ამგვარივე საშუალებებით დაგვეცვა თავი, მაგრამ ეხლა ნუთუ მისაღებია, რომ, იმ დროს როდესაც ისინი ყველაფერში საშინლად გვექცევინან, სამაგიეროს გადახდის შემთხვევას ვკარგავთ იმაზე, რომ ვყოფნაობთ და ვთათბირობთ? ხომ არავის შეუძლია იმის მტკიცება, თითქოს მტერი ბოროტ ქცევაში ჯერ არ იყოს შემჩნეული, და თითქოს მხოლოდ ეჭვები არსებობდეს, რომ ის ამგვარ აზრებსა და ზრახვებს ატარებს; არც საბუთების მოგონებაა საჭირო მისი, ვითომც დაფარული, ვერაგობის დასამტკიცებლად: საკმარისია გაიხსენოთ სახელოვანი გუბაზი, რომელიც ასე საცოდავად იქნა მოსპობილი, თითქოს ის ჩვეულებრივი ადამიანი ყოფილიყოს.

იმათ, ვინც ემორჩილება, ისინი, რა თქმა უნდა უფრო თავხედად ეპყრობიან და, ჩვეულებრივ, ქედმაღლურად უყურებენ მოსამსახურეებს. მეფეც გაიძვერა ჰყავთ, რომელსაც ყოველთვის უხარია ცხოვრების პირობების არეულობა: და ეს ბოროტმოქმედება რომ ასე ერთბაშად იქნა სისრულეში მოყვანილი, ცხადია, იმის წყალობით, რომ მეფე მხურვალედ მოუწოდებდა ამას, ხოლო სხვებმა ეს გულმოდგინედ შეასრულეს. მარტო ის კი არ არის, რომ მათ გაგვანადგურეს, თუმცა ჩვენ არც უსამართლობა ჩავვიდენია და არც რაიმე მტრობა ყოფილა ჩვენს შორის, არამედ, რა ჩვეულებაც წინაც ჰქონდათ, იმასვე მისდევნენ, თითქოს ერთბაშად შეეპყრას ისინი სიმხეცეს, სიგიჟეს, სიძულვილს და ყველა ამგვარ მოვლენას.

სპარსელები კი ასეთი ხასიათისანი არ არიან: ისინი შორს არიან ამისგან. თუ ვინმე გაიხადეს თავში მეგობრად, ისინი ცდილობენ უთუოდ დაიცვან სიყვარული, ხოლო მტრის მიმართ რისხვას განაგრძობენ მანამ, სანამ ის მტრად რჩება. მე ვინატრიდი კოლხეთის სახელმწიფოს ჰქონდეს მისი ძველი ძლიერება, რომ მას არ დასჭირვებოდეს უცხო და გარეშე დახმარება და რომ ყოველგვარ საქმიანობაში, როგორც ომიანობის, ისე მშვიდობიანობის დროს, საკუთარ თავს ეყრდნობოდეს, მაგრამ, როდესაც ჩვენ ჟამთა ტრიალის, ან ბედის უკუღმართობის, ან ორივეს წყალობით ისეთს უძღურებაში ჩავვარდით, რომ სხვათა ხელქვეითნი გავხდით, მე ვფიქრობ უმჯობესია იმათ ხელში ვიყოთ, ვინც უფრო კეთილის მსურველია, ვინც ურყევად იცავს კეთილგანწყობილებას თავისიანებისა და მოკავშირეთა მიმართ, ამრიგად, ჩვენ გავიმარჯვებთ ჩვენს ნამდვილ მტერზე, თუ არავითარ შემთხვევაში არ დავტოვებთ დაუსჯელად იმ ჩადენილ ბოროტმოქმედებას და მივიღებთ საჭირო ზომებს, რომ უზრუნველი გავხადოთ ჩვენი მომავალი ცხოვრება.

ზედმეტი და უშედეგო იქნება ის გაიძვერობა და ფლიდობა, რომლითაც ისინი მზაკვრული პირფერობითა და ხელოვნური მოპყრობით იყენებენ იმათ მიმართ, ვინც მათ დაენდო და რომელთა საშუალებით ისინი უსამართლო საქციელს სჩადიან, და ისინი ვეღარ გამოიყენებენ იმათ ჩვენ წინააღმდეგ, თუ მტერთან საერთო აღარაფერი გვექნება და აშკარად გამოვეთიშებით მას. თუ ისინი სცდიან ჩვენთან შეომებას, მათ მოუხდებათ ბრძოლა ერთსა და იმავე დროს ლაზებთან და სპარსელებთან, ისიც მტრის მიწა-წყალზე, ესე იგი აქ და ცხადია, მათ შემოტევას ვერ გაუძლებენ.

აი, ეხლახან არ იყო, რომ მიდიელთა მცირეოდენ ჯარს შეებნენ მთელი თავისი ჯარით და მაშინვე სასირცხვილოდ გაიქცნენ ისე, რომ დღემდისაც კი ვერ მოუთქვამთ სული იმ რბენისაგან? ისინი, ასე ვთქვათ, ყველაფერში დამარცხდნენ. მხოლოდ სისწრაფით აჯობეს დამდევნებლებს. ამის ცხად და აშკარა მიზეზად შეგვეძლო ჩავვეთვალა მათი სილაჩრე და ის, რომ შეუფერებელ გეგმებს ადგენენ. ეს ცუდი თვისებები ხომ ახასიათებთ მათ, როგორც ჭეშმარიტად მათი კუთვნილი და თითქოს თანდაყოლილი. გარდა ამისა ამ ბუნებით თანდაყოლილ, ცუდ თვისებებს ემატება თავისი ნებით ჩადენილი ბოროტმოქმედება და უსამართლოდ სისხლის დაღვრის გამო უზენაეს მფარველობას მოკლებულებს უორკეცდებათ უბედურება. გამარჯვებას იარაღი კი არ განამტკიცებს ხოლმე, არამედ სათნოებიანობა. მაგრამ არა მგონია ბოროტმოქმედი და სისხლში გასვრილი ადამიანები ოდესმე ეზიარონ ამ კეთილ საწყისს.

არ შეეფერება გონიერ ადამიანებს, რომ ჩვენ სრულის მოდრეკით ავიტანოთ უდიდესი ვნებანი და აუნაზღაურებელი ზარალი, რომელთაც ჩვენ გვაყენებენ და არაფრით შევებრძოლოთ ამ უწ-

მინდურ და შეუფერებელ საქმეებს: ეს უფრო შეეფერება მხდალ და ლაჩარ ადამიანებს, რომლებიც თავისი უქნარობით სახელმწიფო საქმეებისადმი დაუდევრობას ამტკიცებენ.

რაც შეეხება ამ უკანასკნელ მკვლელობას, არა მგონი სხვაგან სადმე მომხდარიყოს მაგაზე უფრო დიდი უბედურება, ან რომ მომხდარიყო, ასე იოლად ჩაეგლო. ამიტომ არც ჩვენ უნდა დავტოვოთ უყურადღებოდ ეს საქმე: სასირცხოვო იქნება, თუ ჩვენ მეფეს დავივიწყებთ და მის მკვლელებს პირფერობას დაუფუჭებთ. ის რომ ეხლა აქ იყოს, საყვედურით აგვავესება და დაგვძრახავდა ჩვენი დაუდევრობის გამო, რომ ეს ბოროტმოქმედნი, იმის მაგიერ რომ დიდი ხნის წინათ ყოფილიყვნენ გაძევებულნი, ჯერ კიდევ დაიარებიან ამ მიწა-წყალზე. მაგრამ ვინაიდან ამიერიდან ის ვეღარ გამოჩნდება ჩვენს შორის და ვერც სიტყვით მოგვმართავს, თქვენ თვითონ წარმოიდგინეთ ეს კაცი: დე ის წარმოუდგეს თქვენს გონებას, თითქოს ის ამ კრებაზე იყოს და მიგიითიებდეთ თქვენ თავის ჭრილობაზე, მკერდსა და კისერზე და თვისტომთ თხოვდეს ეხლა მაინც გადაუხადონ მტერს სამაგიერო, მერმე რომელი თქვენგანი დაუჭერს მხარს იმათ, რომელნიც ყოყმანობენ და კიდევ მსჯელობენ იმის შესახებ, სამართლიანია თუ არა კოლხების მხრით გუბაზის გლოვა? თუ ჩვენ შეუფერებლად მივიჩნევთ რომაელებისაგან გადადგომას და შევშინდებით, სიფრთხილე გვმართებს, რომ ამ ბოროტმოქმედების მონაწილეებად არ ჩავთვალონ, ვინაიდან დაუდევრობას ვიჩინთ და მიცვალებულის სისხლის ალებას ვაყოვნებთ.

მაშ, სხვა ფიქრი რაღა საჭიროა, სასწრაფოდ შევუდგეთ საქმეს და გამოამჟღავნეთ თქვენი გულის ნადები: რომ გავაკეთებთ იმას, რაც სწორია და სამართლიანია და რაც სარგებლობას მოგვიტანს, — ამით ჩვენ უდიდეს სახელს მოვიხვეჭთ. ისიც უნდა ვიკმაროთ, თუ მივალწევთ იმას, რომ ძალიან არ დაგვჩაგრონ იმათ, ვინც წინათ ჩვენი ქვეშევრდომი იყო, ნუთუ უკიდურეს უგუნურებას არ წარმოადგენს ის, რომ იმათ შესახებ, ვინც ეს ჩაიდინა, ჩვენ ვზივართ (სტილი მთარგმნელი ნ. კანდელაკისაა, გ.ო.) და ვმსჯელობთ, მტრებად მივიჩნით ისინი თუ მეგობრებად?“

ფარტაზი

„— ჩვეულებრივი ამბავი დაგემართათ, კოლხებო, რომ მეტად მოხერხებულად და წარმტაცად თქმულმა სიტყვებმა გონება შეგირყიეს.

უძლეველი რაღაც არის მჭევრმეტყველება და ის თითქოს ყველას ამარცხებს, განსაკუთრებით კი იმათ, ვისაც წინათ მისი ძალა არ გამოუცდია. ნათქვამი იმიტომ კი არ უნდა მოიწონოთ თქვენ, რომ ის თავისი მოულოდნელობითა და უჩვეულობით მიგაჩნიათ დამარწმუნებლად, არამედ მხოლოდ მაშინ, თუ ის მიზანშეწონილია და სასარგებლო. კარგად უნდა შეიგნოთ, რომ, რაგინდ სასიამოვნო არ იყოს ნათქვამი, უნდა ამოირჩიოთ იქიდან ის, რაც უმჯობესია: იმის აშკარა საბუთად, რომ თქვენ მოტყუდით, ის გამოდგება, რომ თქვენ ასე ადვილად დაარწმუნებინეთ თავი აეტს. ვინც **ყალბ რჩევა-დარიგებას იძლევა, მას ესაჭიროება სიტყვების მეტი მოკაზმულობა და სიჭრელე**: რაც უფრო მეტ წარმტაც სიტყვებს იხმარს ის, მით უფრო სწრაფად მიიზიდავს გულუბრყვილო მსმენელს. ასე დაგემართათ თქვენც: აეტი რომ მაცდურსა და შემპარავ სიტყვებს მოგახსენებდათ, ვერც კი შეამჩნიეთ, როგორ მოსტყუდით. სხვა თუ არაფერი, ის კი მაინც ნათლად უნდა შეგემჩნიათ, რომ მან იმთავითვე წამოაყენა სულ სხვა საკითხი, სრულიად განსხვავებული იმ საკითხთაგან, რომელთა გამო ჩვენ აქ მოვსულვართ.

მისი სიტყვებით ის გამოდის, თითქოს თქვენ ყველანი ამტკიცებდეთ, რომ მომხდარი ამბავი არ იყოს საშინელება, რომ ამ საზიზღარ მკვლელობას არ კიცხავდეთ და მხოლოდ იმის შესახებ მსჯელობდეთ, დამნაშავენი არიან თუ არა გუბაზის მკვლელები; თვითონ კი მკვლელების დანაშაულს არ ეხება და უამრავ სიტყვას ხარჯავს იმაზე, რაც ცნობილია. მე კი ვამბობ, რომ წყეული და შეჩვენებული არიან ისინი და რომ მე უდიდესი სიამოვნებით ვუყურებდი მათ საშინელ სასჯელს, ვუყურებდი არა მარტო იმათ დაღუპვას, რომელთაც განგმირეს გუბაზი და საკუთარი ხელებით ჩაიდინეს ეს მკვლელობა, არამედ ყველა იმათაც, რომელთაც შეეძლოთ შეეფერებინათ ეს მკვლელობა და არ შეაფერხეს და აგრეთვე იმათაც, რომელთაც ეს მკვლელობა გაეხარდათ და არც თუ ისე აღშფოთდნენ. თუმცა მე ამას ვფიქრობ, მაგრამ სპარსელების მხარეზე გადასვლა მაინც არ იქნება სასარგებლო: არავინ მიიჩნევს საჭიროდ მივილოთ და გავიზიაროთ ის აზრი, თითქოს, თუ იმათ (რომაელებმა) ჩაიდინეს უკანონობა, აუცილებელი იყოს ჩვენც გამოვეთხოვოთ მშობლიურ წესებს და იმ ვერაგებს კი არ გამოვუცხადოთ ჩვენი გულისწყრომა, არამედ თვითონ მოვიპოვოთ ამგვარივე სახელი. ეხლა აღარ არის საჭირო იმაზე ფიქრი, რაც მოხდა და დასრულდა, და უკვე აღარ შეიძლება დაბრუნებულ იქნას (თითქოს არ მომხდარიყოს); ნუ ავკვებით, მსჯელობის დროს

მოწოლილ ბოლმას და გულისტკივილს, რომ არ დაგვარგოთ მოსაზრების უნარი და არ დავაბუნ-
დოვნოთ ჩვენი მსჯავრი: შევინარჩუნოთ უნარი უკეთესის არჩევისა. გამოვაჩინოთ ჩვენი მწუხარება,
რამდენადაც ეს საჭიროა იმის დასამტკიცებლად, რომ დაუდევრობას არ ვიჩენთ, და მოვისაზროთ
მომავლისთვის, თუ როგორ მოვაგვაროთ საქმეები უფრო უკეთ.

უგუნური ადამიანები სულ მუდამ დასტირიან განვლილ უბედურებას, ხოლო გონიერი შეი-
ცნობენ ბედის უკუღმართ ტრიალს და მათ არ აღაშფოთებთ ცვლილებები, და როდესაც წინანდელ
მდგომარეობას ჰკარგავენ, არ ისპობენ მომავლის იმედებს. მაგრამ ეს მრჩეველი (აეტი), რომელიც
დიდი ხანია მიდიელების მომხრეობას იჩენს და მოწადინებულია ჩვენც გადაგვიყვანოს მათ მხარეზე,
ცდილობს შეგვაშინოს — თითქოს ბავშვები ვიყვით — და გვიმტკიცებს, რომაელები არ იკმარებენ
იმას, რაც გაბედეს, კიდევ მეტი უბედურება მოგველისო. ამბობს იმასაც, რომ მათ დიდი გაიძვერა
მეფე ჰყავთ, რომელიც თვითონ არის ამ მკვლელობის სულის ჩამდგმელი; დიდი ხანია ეს მკვლელობა
მომზადებული და მოფიქრებული იყო. ამას ამბობს ის და აქებს და აღიდეხს სპარსელებს; ის ფიქრობს,
რომ ამ გზით დაგვარწმუნებს ჩვენ და ჩვენც ეხლავე საკუთარი ფეხით ვეახლებით აშკარა მტრებს და
ხვეწნას დავუწყებთ. ამ მიზნისთვის ხმარობს ის ყოველგვარ საშუალებას; იმთავითვე იღვწის და ცდი-
ლობს იმისთვის, რომ განახორციელოს ის, რაც მას განზრახული აქვს; მოუფიქრებლად გვიდგენს
გეგმებს, არღვევს და ანგრევს კრების წესრიგს და ამ კრებას მიზანს უკარგავს. კრება ხომ, ჩვეულებ-
რივ, წინასწარ იხილავს მუდამ და მსჯელობს, რომ კარგად გასინჯოს ის, რაც არ არის ნათელი. ხოლო,
როგორც კი მიაგნებს იმას, რისი გაკეთებაც არის საჭირო, მაშინ გვმართებს გამოვიჩინოთ სურვილი
და შევასრულოთ დადგენილება. ამან კი ბოლო თავში გადაიტანა და, ვიდრე ჩვენ საბოლოოდ რასმე
გადავწყვეტიდეთ, ის უკვე შეუდგა შესრულებას. რაღა აზრი აქვს კრებას, თუ ჯერ დადგენილება იქნება
და მერე კრება?

უმართებულო იქნებოდა, ჩემი აზრით და ამასთანავე ერთად მიზანშეუწონელიც ერთი ან ორი
კაცის დანაშაულის გამო შევსწყრომოდით საზოგადოებრივ კანონებს, რომელთა დაცვა აგვიღია
ჩვენს თავზე, და ასე იოლად შეგვეცვალა მთელი სახელმწიფო წყობილება და ცხოვრება, რომელ-
საც მშვენივრად შეგვეგუეთ, იმათ მიმართ კი, რომლებიც ამ ქვეყანას სდარაჯობენ და მრავალნაირ
ხიფათში ვარდებიან იმის გულისთვის, რომ ჩვენ უდარდელი ცხოვრება მოგვანიჭონ, გამცემლები
გამოვსულიყავით; ყველაზე უფრო უწმინდური საქმე ის იქნება, რომ ასეთი საქციელით ჩვენ შევბ-
ღალავთ მართლმორწმუნეობას და წმინდა საიდუმლოთა უმწიკვლოებას. აბა, სხვა რას დაემსგავ-
სება ჩვენი საქციელი, თუ მივემხრობით უზენაესი არსების სასტიკ მტრებს? თუ ისინი აგვიკრძალა-
ვენ ჩვენ საღმრთო წესების შესრულებას და თავიანთ წესებზე გადაგვიყვანენ, ამაზე უფრო სამძიმო
რა უნდა განვიცადოთ ჩვენ, რომლებიც ცოცხლები ვიქნებით და ამავე დროს მკვდრებიც?

ნურავინ ცდილობს წარმოგვიდგინოს აქ მიცვალებული გუბაზი, სრულიად არა ვაჟკაცურად
მოტირალი, რომელიც თითქოს თავის ჭრილობას უჩვენებს თვისტომთ და ევედრება მათ, შეიბრა-
ლონ იგი. იქნებ ეს შეეფერებოდეს საცოდავ და სუსტ არსებათ, მაგრამ ეს არ შეეფერება მეფეს, ისიც
ლაზთა მეფეს, მით უმეტეს გუბაზს. ის რომ აქ იყოს, უეჭველია ის, როგორც ღვთისნიერი და გონიერი
ადამიანი, გაგვიცხავდა ჩვენ ამგვარი ზრახვებისთვის; მოგვიწოდებდა არ მივცემოდით სასოწარკვე-
თილებას და გულაჩუყებას, და მონების მსგავსად კი არ მოვქცეულიყავით, არამედ აღჭურვილიყავით
კოლხის თავისუფალი შეგნებით, ვაჟკაცურად აგვეტანა უბედურება და სასირცხვო და მამაპაპური
წესების შემბილწველი არაფერი ჩაგვედინა, არსებულ მდგომარეობაში დავრჩენილიყავით და იმედი
გვქონოდა, რომ უზენაესის თვალი არ მოაკლდება ერს.

მე იმ აზრისა ვარ, რომ საჭიროა რომაელთა მეფეს ვაცნობოთ მომხდარი ამბავი, რათა იგი
სათანადოდ მოეპყრას იმათ, ვისაც ამ მკვლელობაში მთავარი დანაშაული მიუძღვის, და თუ ის
ამას იზამს, ამიერიდან მოისპობა ჩვენი უთანხმოება რომალებთან: კვლავ ერთად ვილაშქრებთ,
ძველებურად ერთად გავწევთ ცხოვრების ჭაპანს. თუკი ის უარყოფს ჩვენს თხოვნას, მაშინ უნდა
მოვითათბიროთ, მიზანშეწონილი იქნება თუ არა მეორე გზას დავადგეთ. თუ ასე მოვიქცევით,
იმასაც დავამატებთ, რომ ცხონებული გუბაზი არ დაგვივიწყნია და იმასაც, რომ საქმეებს
მოფიქრებით ვაგვარებთ და არა წინდაუხედავად.

ადამიანები ვერ იწყნარებენ ხოლმე აზრთა სხვადასხვაობას და მაშინაც კი, როდესაც გაჭირვება
ან რაიმე, მოპირდაპირეს მიერ ჩადენილი კეთილი საქმე აიძულებს, მათ კავშირში ყოფნას, მათ შორის
ნდობა არასდროს არის მტკიცე, ჰოდა, აბა, რის გულისთვის გადავიდეთ, კოლხებო, სპარსელების
მხარეზე, თუკი ისინი მაინც ჩვენს მტრებად დარჩებიან და ასეთ ვითარებაში მხოლოდ ისლა გვექნება,
რომ ისინი უფრო ადვილად მოგვაყენებენ ვნებას, ვინაიდან ფარული მტრისგან უფრო ძნელია თავის
დაცვა, ვიდრე აშკარისაგან.“

რიტორთა ერთგული სკოლა

ბიზანტიის კეისარმა იუსტინიანემ, რომელმაც მშვენივრად უწყის, თუ რა სტრატეგიული მნიშვნელობისაა კოლხეთთან კავშირი, 554 წელს, არქეოპოლისში მოაწყო გუბაზ მეფის მკვლელობა გასამართლებას. ორატორთა სახელები ისტორიას არ შემოუხნახავს, მაგრამ გასაოცარია მათი თანამიმდევრული შეუპოვრობა და მაღალი პროფესიონალიზმი.

თვითონვე დარწმუნდით:

„ — ჩვენ რომ არაფერი ვთქვათ, მსაჯულო, თავად ჩადენილი ბოროტმოქმედება საკმარისია იმისათვის, რომ მის ჩამდენთ უდიდესი სასჯელი მიეზღოს... რა გამართლება შეიძლება ვუპოვოთ იმათ, რომელთაც ასე შეუპოვრად მოკლეს ასეთი დიდებული კაცი, თქვენი მეგობარი და მოკეთე, მოკავშირე თმინობის დროს და მშვიდობიანი ცხოვრებისა და ზავის დროს, უზენაესის შესახებაც თქვენნაირად მოაზროვნე და თქვენი წესების მიმდევარი... მოკლული ხომ მეფე იყო, მსაჯულო, არა დაბალი გვარისა, და გატყაცობით განთქმული, და რომაელთა საქმეებისთვის მუდამ იყო მკვლელებზე უფრო ერთგული?!

ისინი ისეთ უსამართლობამდე მივიდნენ, რომ განსვენებულს აბრალებენ მედიზმსაც: საბრალო! სიკვდილის შემდეგაც ვერ განთავისუფლდა უბედურებისგან, და ესლაც, როდესაც მას აღარ შეუძლია თავი იპართლოს, მოღალატეობაში ედება ბრალი. რომელი კანონი — თქვენი ან ბარბაროსებისა — მოიწონებს ასეთ მდგომარეობას, რომ ჯერ განაჩენი გამოუტანოს ადამიანს და მერე წამოუყენოს ბრალდება?... ვინ იყო რომ სპარსელთაგან დანაპირებ სიმდიდრესა და ყოველნაირ სიკეთეს ამჯობინა თქვენდამი კეთილი განწყობილება? ვინ იყო რომ ზონსროს მეგობრობა უკუაგდო და ამ დროს, როდესაც ეს მეგობრობა უდიდეს სიმდიდრეს უმზადებდა მას, თქვენგან მცირედსაც დასჯარდა? ვინ იყო რომ წინათ, როდესაც ეს ქვეყანა დიდი ხნის განმავლობაში მიდიელების სათარეშოდ იყო გამხდარი და თქვენი დამხმარე ჯარები იგვიანებდნენ, მაშინვე გამოიცვალა საცხოვრებელი ადგილი და თვით კავკასიონის მწვერვალებზე გადასახლდა, სადაც თითქმის ველურ ცხოვრებას ეწეოდა, და მან ეს უფრო ამჯობინა, ვიდრე მტრის მეგობრობა გამოეყენებინა, შინ ჩასულიყო და განცხრომით ეცხოვრა? ვინ იყო ეს? ეს იყო გუბაზი, რომელიც არ უშინდებოდა არავითარ გაჭირვებას, თუკი თქვენი გულისთვის იყო ეს აუცილებელი.

სად ხართ კანონებო, სად არის სამართალი!“.

ასეთი ექსტაზითა და პათოსით აგვირგვინებს თავის საბრალდებო სიტყვას ორატორი და რომაული სასამართლო, ცხადია, იუსტინიანე კეისრის დასტურ-ლამალით, იძულებულია ტელეფასის ციხესთან, (551 წ.) თავიანთი უგერგილობის გამო ძლეული ბიზანტიელი სარდლები, (დამარცხების ნამდვილი მიზეზი გუბაზ მეფის მოგონილი ლაღატი რომ მიჩქმალეს), სიკვდილით დასაჯოს. სამართალი პურის ჭამს!

ასეთი წინაპრები გვყვანან ჩვენ ჯერ კიდევ ქრისტეს აქეთ VI საუკუნეში.

ჩვენთვის გაურკვეველია „ქართული მჭევრმეტყველების“ ავტორის, ბატონ ნიკოლოზ კანდელაკის, ერთი ფრაზა, როცა იგი აღნიშნავს: „**აქტისა და ფარტაზის სიტყვები წარმოითქვა ლაზიკაში“**, კერძოდ, „**კავკასიის ერთ ხეობაში“**, სადაც „**შეყარეს დიდძალი ხალხი“**, ცხადია, კოლხები და მამასადამე, ორატორების ენა მშობლიური უნდა ყოფილიყო კოლხებისთვის და იქვე „**აქტისა და ფარტაზის სიტყვები თავდაპირველად ითქვა ქართულ ენაზე“!**

არა, ჩვენ არ გამოვეკიდებით ამ ფრაზას, არც იმ ფაქტს, თუ VI საუკუნის ლაზიკა რომელი ენით საუბრობს, ჩვენთვის უფრო მთავარია ერთი ურყევი ჭეშმარიტება: ლაზეთის საერთო ძალისხმევით კეისარი იუსტინიანე იძულებულია რჩეულ სარდლებს თავები გადაბალოთ „ბარბაროსი“ მოკავშირის გულისთვის, აქ კი, მეოცე საუკუნის საქართველოში, ჭაქვინჯის ტერიტორიაზე გაურკვეველ ვითარებაში მიცვალებული საქართველოს პირველი პრეზიდენტის სიცოცხლის თვითმოსწრაფვის თუ გაანგარიშებული ხელყოფის გამოსამზერებლად თითოც არ გატოკდება. გვეპატიება ვითომ ამგვარი გულგრილობა ოცდამეერთე საუკუნის საღად მოაზროვნე გონებისაგან?

ერთ-ერთ სატელევიზიო გამოსვლაში ცნობილი მწერალი ჩინგიზ ათამათოვი მოკრძალებით განაცხადებს:

— ვლელავ, მეშინია, ვაითუ სწორად ვერ გამიგონ ჩემმა ქართველმა ძმებმაო.

უნიჭიერეს მწერალი გულისხმობს „საქონდაქრეს“ („I ÈÀÒÀ“) ეპიზოდს, რომელსაც პირობითად შეიძლება „ქართული სინდრომი“ ვუწოდოთ.

თითქოს ენას ეყვილოს ხელოვანისთვის. იმ სიტყვის წარმოთქმიდან რაღაც წელიწადნახევარში დავერიეთ ერთმანეთს ქართველები და ვქუყეთ, ვმუსრეთ ანგარიშმიუცემლად. თუმცა უმჯობესია თავად მწერალს მივუგდოთ ყური. როგორც ჩანს, უცხო თვალი მეტი სიზუსტით იჭერს ხოლმე ჩვენს მანკიერ მხარეებს, ხშირად შინაურთათვის შეუმჩნეველს თუ გაუცნობიერებელს.

ჩინებო აითმათოვი

„ქმისი და მეშვიდე“

ფრაგმენტი რომანიდან

„საქონდაქრეს“ („I ÈÀÒÀ“)

„მდინარეზე საშინელი ქლეტვის შემდეგ გურამ ჯოხაძე, რომელმაც ხეობების თითოეული გასასვლელ-გამოსასვლელი იცის, იმავე დღეს, საღამო ხანს ერთ მიუვალ ადგილზე — თურქეთის საზღვრის მახლობლად მთაზე შეფენილ ტყეში ჩერდება და ცხენებისთვის უნაგირის მოხდისთანავე დადლილობისგან მიწაზე ეცემა ყველა — ექვსი და მეშვიდე. ხუთი იმავ წუთში იძინებს მკვდარივით, ხოლო ორს რული არ ეკიდება. რული არ ეკიდება ჩეკისტ სანდროს, სატანჯველი გასჩენია, ფიქრობს — რა ქნას, უკეთ როგორ აისრულოს საწადელი, როგორ მიაგოს მისაგებელი გურამ ჯოხაძეს. არც მამაც გურამ ჯოხაძეს ეკიდება რული დამლუპველი კატასტროფის შემდეგ — განიცდის რაზმის განადგურებას. სტანჯავს ხვალინდელი დღე, და მხოლოდ ღმერთმა უწყის, კიდევ რაზე ფიქრობს რევოლუციის მიერ გათიშული ეს ორი შეურიგებელი მტერი.

მათი სასთუმლის მარჯვნივ სავსე მთვარე იდგა. ტყე ღამისებრ გულდამძიმებულად და დაყურსულად ირხეოდა. ქვემოთ მდინარე დაუყუჩებლად მიდგაფუნებდა ქვებზე და მთები ირგვლივ ქვის მღუმარებაში გარინდულიყვნენ. უცებ გურამ ჯოხაძე ზეზე წამოხტა, თითქოს რაღაცით შეშფოთებულად.

— არ გძინავს, სანდრო? — გაკვირვებით ჰკითხა მეშვიდეს.

— არა, შენ რაღას წამოხტი? — იქით ჰკითხა სანდრომ.

— ისე. არ მეძინება, ამ ადგილზე რატომღაც გული არ მიჩერდება. მთვარე ნამეტანი ანათებს. წავალ, გამოქვაბულში დავწვები, — ჯოხაძემ თავისი ნაბადი, იარაღი და უნაგირი წამოკრიფა და წასვლისას დასძინა: — დანარჩენზე ხვალ მოვილაპარაკებთ. დიდი ხანიც აღარ დავგროხა სალაპარაკოდ.

იგი წავიდა და გამოქვაბულის პირას მოიწყო დასაწოლი — აქ მწყემსობისას ბევრჯერ შეუფარებია თავი ცუდ ამინდში. ახლაც შეაფარა ან იმისთვის, რომ უზომო უბედურება გამოეგლოვა, ან წინათგრძობამ უკარნახა, ისე მოეკალათებინა, ვერსაიდან მიდგომოდნენ, ხოლო თვითონ, პირიქით, ყველა დაენახა, ვინც კი გამოქვაბულს მოუახლოვდებოდა. სანდრო შეშფოთდა: როგორ გავიგო მეთაურის ეს თითქოსდა საზრიანი საქციელი? რაიმეს ხომ არ ხვდებოა?

ასე გაილია მათთვის ეს ღამე, დილით კი გურამ ჯოხაძემ ბრძანა, ცხენები შეკაზმეთო. და არავინ უწყოდა, რას ფიქრობდა, რას იზრახავდა, როცა ცხენები უკვე შეკაზმული იყო, როცა უკვე ყველა მღუმარედ იდგა მის წინ და ცხენები აღვირით ეჭირათ, გურამ ჯოხაძემ ამოიოხრა და თქვა:

— არა, არ ვარგა მშობლიური მიწიდან ასე წასვლა. დღეს გამოვემშვიდობებით მიწას, რომელმაც გვზარდა, შემდეგ აქეთ-იქით წავალთ-წამოვალთ, ჯერჯერობით კი აქა ვართ და ისე მოვიქცეთ, როგორც საკუთარ სახლში.

მან ორი მხედარი ღვინის და საჭმლის მოსატანად ჩაგზავნა უახლოეს სოფელში, სადაც ერთგული ხალხი ჰყავდა, ორიც, სანდრო და მეორე ჭაბუკი — აქ დატოვა საკოცონო ფიჩხის მოსაგროვებლად და ცხენების სადარაჯოდ. ხოლო თვითონ სხვა ორთან ერთად სანადიროდ წავიდა — უნდოდა, თუ ღმერთი კეთილი თვალთ გადმოხედავდა, გამოსამშვიდობებელი ვახშმისთვის რომელიმე გარეული ფრინველი მოეკლა, იქნებ შველიც.

რა ექნა ჩეკისტ სანდროს — ჯოხაძეს უნდა დამორჩილებოდა და დალოდებოდა შესაფერ დროს, როცა ბრძანების აღსრულებას შეძლებდა. ჯერჯერობით კი საქმეს საამისო პირი არ უჩანდა.

საღამოს ექვსი და მეშვიდე კვლავ შეიყარნენ: ტყის განაპირას, გამოქვაბულთან ცეცხლი გააჩაღეს, სოფლიდან ამოტანილ ხამ ტილოზე დააწყვეს გურამ ჯოხაძის ერთგული ხალხის მიერ ამოგზავნილი პური, ღვინო, მარილი, საჭმელი. კოცონი გიზგიზებდა, შვიდი ცეცხლს მიუახ-

ლოვდა.

— ყველა ცხენი შეკაზმულია და ყველა ჩვენგანი მზადაა ცხენს მოახტეს? — იკითხა გურამ ჯოხაძემ.

პასუხად ყველამ მდუმარედ დაუქნია თავი.

— მისმინე სანდრო, — შენიშნა გურამ ჯოხაძემ, — კარგი შეშა მოგიქუჩები, რიგიანად ეკიდება ცეცხლი, მაგრამ ასე შორს რად დაგიწყია?

— ნუ წუხხარ, გურამ, ამ საქმეს მე მოვუვლი. ცეცხლზე მე ვაგებ პასუხს. შენ კი შენი თქვი.

და გურამ ჯოხაძემ თქვა:

— მეგობრებო, საქმე წავაგეთ, როცა, მხარეები იბრძვიან, რომელიღაც იმარჯვებს, რომელიღაც მარცხდება. ამიტომაც იბრძვიან ისინი. ჩვენ სისხლს ვღვრიდით, ჩვენს სისხლსაც ღვრიდნენ, ამ მხრიდანაც და იმ მხრიდანაც ბევრმა სანუკვარი სიცოცხლე გასწირა. რაც მოხდა, მოხდა. პატივებს ვთხოვ დალუპულ მეგობრებს და დალუპულ მტრებს. როცა მტერი ბრძოლაში იღუპება, იგი მტერი აღარაა. ახლა ბრძოლის განგრძობა რომ შემეძლოს, მაინც ვთხოვდი პატივებს დალუპულებს. მაგრამ ბედმა ზურგი გვაქცია. ამიტომ ხალხის უმრავლესობამაც გვიგანა. მიწასაც კი, სადაც დავიბადეთ და გავიზარდეთ, არ სურს აქ დავრჩეთ. აქ ჩემი ადგილი აღარაა და არც არავინ შეგვიწოდებს. მე რომ გამემარჯვა, ჩემს მტრებს არ შევიწყალებდი, ამას გულზე ხელდადებული ვამბობ. ახლა ისლა დაგვრჩენია, უცხო, შორეულ მხარეებში გავალწიოთ. აი, ამ დიდი მთის გადაღმა თურქეთია, ყურის ძირშია. ოდნავ განზე, იმ ქედის იქით, მთვარე რომ ამოდის — ირანი, ამოირჩიეთ, ვის საით გინდათ წასვლა. მე თვითონ თურქეთში, სტამბოლში მივდივარ. იქ მტერთაგად ვიქნები გემებზე. ახლა ყოველმა ჩვენგანმა უნდა გადაწყვიტოს, სად მოიღრიკოს ქედი. ჩვენ შვიდნი დავრჩით, და რამდენიმე ხნის შემდეგ ერთიმეორის მიყოლებით გავსწევთ შვიდ უცხო მხარეს. ამქვეყნად მიმოფანტულთ ყველას მოგვიწევს საკუთარი მწარე ფიალის გამოცლა, ამიერიდან ვეღარ შევხვდებით. ეს უკანასკნელი დღეა, როცა ჩვენ, ცოცხლად გადარჩენილი შვიდი კაცი, ერთად ვართ, ერთმანეთს ვხედავთ, ერთმანეთს ვუსმენთ. მაშ, გამოვემშვიდობოთ ურთიერთს და გამოვემშვიდობოთ მიწას ჩვენსას, გამოვემშვიდობოთ ქართულ პურსა და მარილს, გამოვემშვიდობოთ ღვინოს ჩვენსას. ასეთ ღვინოს ვერსად დააკარებ პირს, გამოვემშვიდობებოთ და ჩვენ ჩვენი გზით წავალთ. თან არაფერი მიგვაქვს, ნაფხვენიც კი ქართული მიწისა. შეუძლებელია სამშობლო წაიღო, შეიძლება მხოლოდ სევდა წაიღო, სამშობლოს თან წაღება რომ შეიძლებოდეს ტომარასავით, მაშინ იგი ფეხის ფრჩხილადაც არ ეღირებოდა. მაშ, დავლიოთ უკანასკნელად და უკანასკნელად ვიმღეროთ ჩვენი სიმღერები...

ღვინო ტიკისა იყო, გლეხური, გაჯერებული მიწიერით და ზეციერით, ტვინს მწველად შეუღიტიანა და დარდ-ვარამის გადმოშლის საღერღელს პირი მოუხსნა. სულში ხელახლა შეეჭიდა ერთმანეთის მხიარულება და ნაღველი. და თავისთავად წარმოდინდა სიმღერა, ისე როგორც მთის ფერღობზე ქვებში უცებ წყარო გამოატანს და ყველაფერი აყვავდება და გამრავლდება, რასაც კი მისი წყალი გზადაგზა შეეხება და წყნარად გააბეს მამა-პაპათა სიმღერა, და წყნარად ძლიერდებოდა სიმღერა იგი, ძალუმად რაკრაკებდა ფერღობიდან ჩამომდინარე წყაროსავით. შვიდივე ჩინებულად მღეროდა, ვინაიდან არ არსებობს ქართველი, რომელიც არ მღეროდეს. მღეროდნენ ხმაშეწყობილად, ყველა თავისებურად და თავისი შეძლებისამებრ, და სიმღერა დაიგზნო, როგორც კოცონი, რომლის გარშემოც ისინი იდგნენ.

ასე იწყებოდა გამოსამშვიდობებელი საგალობელი შვიდისა. უფრო სწორად, ექვსისა და მეშვიდესი, რომელსაც წუთით არ ავიწყდებოდა თავისი საქმე. არც ერთ მათგანს, უპირველეს ყოვლისა, გურამ ჯოხაძეს დაუსჯელად ფეხი არ უნდა გაედგა საზღვარგარეთ, მას, ჩეკისტს, არ შეეძლო ამას შერიგებოდა — ასე მიუთითებდა ბრძანება და ეს ბრძანება უნდა აღესრულებინა.

ხოლო სიმღერა სიმღერას ენაცვლებოდა, ისმებოდა ღვინო, რომელსაც რაც უფრო მეტს სვამ, მით უფრო მეტი ხალისით ისმება, მით უფრო ეკიდება ცეცხლი სულს, ისევ და ისევ რო სწყურდება ღვინო და სიმღერა.

წრეზე მდგომნი ხელებს თანდათან ერთმანეთს გადახვევდნენ, ხანდახან წამისწამად ისევ ჩამოყრიდნენ ძირს, ცისკენ აღაპყრობდნენ, როცა სურდათ მათი ხმა მისწვდნოდა ღვთაებრივ ძალას, იდუმალსა და აურიდებელს, მაგრამ ყოვლისმხილველსა და ყოვლისმცოდნეს. როგორ, თუ ღმერთი ყველაფერს ხედავს და ყველაფერი იცის, საით მიერეკება მათ თავიანთი მიწიდან? და ცხოვრება რატომაა აგრე მოწყობილი, რომ ადამიანები ერთმანეთს ეომებიან, ებრძვიან, იღვრება სისხლი, იღვრება ცრემლი და ყოველ მათგანს თავი მართალი ჰგონია, სხვა კი — მტყუანი. სადღაა ქვეშა-რიტება, და ვისა აქვს უფლება მისი წარმოთქმისა? სადაა ის წინასწარმეტყველი, ვინც მათ სამარ-

თლიანად განსჯიდა?.. ხალხის მეხსიერებაში შემონახული ეს ძირძველი სიმღერები ხომ არ უბნობდა ამას, ხომ არ გადმოსცემდა ჰანგში გაცხადებულ ტანჯვას, რომელიც მამა-პაპებმა ძველისძველად იგემეს, კეთილისა და ბოროტის დასაბამიერ ჭირნახადობად გაიაზრეს, მისივე სილამაზითა და მარადიულობით იგრძნეს. ამიტომაც იმ შვილის ბაგეებში ერთი სიმღერა მეორეს შობდა და მომღერალნი არ იშლებოდნენ. მეშვიდე, სანდრო კი დროგამოშვებით ტოვებდა წრეს, რათა შეშა მოეტანა და კოცონისთვის შეეკეთებინა, მართლაცდა, ტყუილად (ყველაფერს ხომ თავისი მიზეზი აქვს ცხოვრებაში), ტყუილად კი არ დაახვავა ტყეში უამრავი ფიჩხი. სამაგიეროდ ახლა თვითონ განაგებდა ცეცხლს. მღეროდა კიდევაც სხვებივით, მთელი არსებით — სიმღერები ხომ ყველას თანაბრად ეკუთვნის. არ არსებობს სიმღერები, მხოლოდ მეფეთ სამღერალი და სხვათათვის აკრძალული, ისევე როგორც არ არსებობს მარტოოდენ მდაბიოთა შესაშვნი სიმღერები, იმღერე და იმხიარულე, ინალვლე და იტირე, იცეკვე, ვიდრე ცოცხალი ხარ...

გიყვარდა და თრთოლვით ელოდი პაემანზე, გადაგიყვარა და რარიგ იტანჯებოდი, რარიგ გეწადა, სული ამოგხდომოდა, რადგან გული არ გაგიზიარა. გინდოდა სიკვდილის წინ გემღერა და ეს სიმღერა მას მოესმინა. რარიგ გეფერებოდა დედა ბავშვობაში, სად აღესრულა მამა, როგორ ბრუნავდნენ სისხლისმღვრელ ბრძოლაში შენი მეგობრები, რომელ ღმერთებს უშლიდი გულს უბიწო და სპეტაკი ალტკინების ჟამს და გიფიქრია, რა არის ადამიანის დაბადება, გიფიქრია, რომ სიკვდილი მუდამ შენს გვერდითაა, ვიდრე სულს არ განუტევებ, ხოლო სიკვდილის შემდეგ სიკვდილი ქრება. სიცოცხლე კი სიკვდილზე მაღლა დგას. სიცოცხლეზე დიდი სასწაული სამყაროში არ არსებობს. — ამიტომაც ერიდე კვლას. მაგრამ თუ მტერი მოგიხტა, დაიცავი მიწა შენი; და მშობელი მიწასავით გაუფრთხილდი სატრფოს პატიოსნებას. თუ გამოგიცდია, რომ უსატრფოდ არაფერი გგვრის სიხარულს: არც ყვავილი, არც სინათლე, არც ხვალისდელი დღე — და, კიდევ ვინ იცის, რას უბნობენ სიმღერები — განა ყველაფერს გადმოსცემ...

და განშორების ჟამს გულდამძიმებულად და აღმაფრენით მომღერალი შვიდი ქართველივით ერთმანეთისთვის უფრო გულისგული და ახლობელი ადამიანები იმ ღამეს ქვეყნად არ არსებობდნენ, მათ კიდევ უფრო აღუდაბებდა სიმღერის სტიქია. წინაპრებმა მაინც რა ბევრი რამ განიცადეს და უკვდავი ჰარმონიით აღსავსეს, რამდენი გულითადი სიტყვა მოიგონეს შთამომავლობის სასიკეთოდ. როგორც შეიძლება ფრინველი ფრენით გამოარჩიო, ისე ქართველი ქართველს სიმღერით გამოარჩევს ათ ვერსზე და იტყვის, ვინაა, საიდანაა, რა სჭირს, რა უტრიალებს სულში — მხიარულ ქორწილში იყო თუ დარდ-ვარამი კლავს...

მთვარემ უკვე საკმაოდ აიმაღლა მთებზემოდ. მთვარე მკრთალ შუქს ჰფენდა მთელ დედამიწას — ქარის აქროლვაზე ტყე შემპარავად არხევდა ხეთა შავ კენწეროებს, დახშული ხმით ხმაურობდა მდინარე, ბზინავდა, ვერცხლისფრად ციაგებდა სველი რიყის ქვებზე. ღამეული ფრინველები ლანდებივით უხმაურად გადაქროდნენ კოცონთან მომღერალი ადამიანების თავზე და შეკაზმული ცხენებიც, მოთმინებით რომ ელოდნენ თავიანთ პატრონებს, ფხიზელ ყურებს ცქვეტდნენ, თვალეში ცეცხლის ათინათები უცეკვავდათ... იმ ცხენებს გზა ედოთ უცხოეთისკენ და წასვლის ჟამიც ახლოვდებოდა...

მაგრამ სიმღერები, ეტყობა, არ დასრულდებოდა, გურამ ჯოხაძეს თითქოს ყველა სიმღერის ჩამოთავება სურდა. „აბა, იმღერეთ, მეგობრებო, სვით ღვინო, ამიერიდან ველარასოდეს ჩავდგებით წრეში და სმენას ველარასოდეს დაგვიტკობს ქართული ჰანგები“... ხან ცალ-ცალკე მღეროდნენ, ხან ერთად, ხან საკუთარ სიმღერაზე ცეკვავდნენ გულდაგულ და გააფთრებით, როგორც სიკვდილის წინ ცეკვავენ და ისევ დგებოდა წრეზე შვიდი, უფრო სწორად ექვსი და მეშვიდე. ხოლო სანდრო წამდაუწუმ ტოვებდა წრეს — შეშას აყრიდა კოცონს — და კოცონსაც მცხუნვარება ემატებოდა.

გადაწყვიტეს, ბოლო სიმღერა ეთქვათ, შემდეგ — კიდევ ერთი, კიდევ ერთი გამოსამშვიდობებლად. ვერა და ვერ წყნარდებოდნენ. ისევ შექუჩდნენ წრეზე, ჩაჰკიდეს თავი და ქვესკნელიდან მომდინარე გუგუნვით ფიქრიანად, ძალუმად ზღვაგდებოდა ჰანგი. ხოლო სანდრო ისევ წავიდა შეშის მოსატანად. თუმცა კოცონს ბრიალი გაუდიოდა. ყოველივე ზედმიწევნით ჰქონდა აწონილ-დაწონილი — შეშის ნაყარიდან თვითონ ნათლად ხედავდა ექვსივეს. წრეზე მდგომთ, ხოლო ისინი, თვალისმომკრელ კოცონთან მომღერალნი, ცუდად ხედავდნენ მას... მძიმე მაუზერი გამზადებული — ჩახმანშეყენებული ჰქონდა. დადგა ანგარიშსწორების გარდაუვალი ჟამი, მისაგებელის მიგების ჟამი. ასწია მრავალმუხტიანი სწრაფმსროლი მაუზერი, ხელზე დაიყრნო და სიბნელეში მეხვიით დაქუხებული პირველი გასროლით ძირს დასცა მეთაური გურამ ჯოხაძე, და ბაგეთაგან აფრენილი სიმღერის სიტყვები ჯერ კიდევ არ გაცეიბულიყო, რომ უმალ ზედიზედ მიაწვინა დანარჩენი, რომელთაც ვერც კი მოასწრეს იმის გაგება, რა მოხდა. და ამრიგად და კიდევ ერთხელ მოკვდინების

ბიწიერ ჩარხის ტრიალში, კიდევ ერთხელ დაღვრილი სისხლისთვის სისხლი დაიღვარა.

ღიახ, ადამიანთა ურთიერთობების კანონები მათემატიკურ გამოთვლებს არ დაგიდევს და ამ აზრით დედამიწა სისხლიანი დრამების კარუსელის ბრუნავს... ნუთუ ამ კარუსელმა ქვეყნიერების დასასრულამდე უნდა იბრუნოს, ვიდრე დედამიწა მნათობის ირგვლივ ტრიალებს?

ტყვიები მიზანს არ ასცდენია. მხოლოდ ერთი რაზმელი უცებ გაშმაგებით წამოიწია ხელებზე, მაგრამ სანდრო მიეჭრა, კეფაში ესროლა და ისევ დააწვინა... დაბმულ ცხენებს ელდა ეცათ, განზე გახტნენ და ისევ გაირინდნენ.

ისევ ენთო კოცონი, ხმაურობდა მდინარე. თავ-თავიანთ ადგილებზე იდგნენ ტყე და მთები. მთვარეც თავის ადგილას იდგა უღრტევიველ ცარგვალზე. მხოლოდ სიმღერა შეწყდა, ასე დიდხანს რომ ჟღერდა იმ საღამოს...

სანდროს სახე გათეთრებული ჩანდა ღამეში. ჰაერი არ ჰყოფნიდა, დასწვდა ტიკს და შიგ ჩარჩენილ ღვინოს მიეძალა, რათა გულგვამში დაგზნებული ცეცხლი გაენელებინა... ისე სვამდა, ღვინო ეღვრებოდა, სული ეგუბებოდა... შემდეგ დაცხრა, მშვიდად დაუარა კოცონის გარშემო სხვადასხვანაირად მიმოყრილ მოკლულთ, იარაღი ახსნა, მათივე უნაგირების კოტაზე ჩამოჰკიდა, ცხენებს ლაგამ-აგმარა წააძრო და ყველა გაუშვა. შვიდივე გაუშვა; მათ შორის თავისი ქურანაც და გასცქეროდა, ცხენები, რომლებმაც თავისუფლება იგრძნეს, ერთმანეთის მიყოლებით როგორ ჩაჰყენენ მდინარეს, მთისძირა სოფელს, ადამიანებს მიაშურეს... მაგრამ აი, ნაღების ჭახაჭუხიც მიჩუმდა და ქვემოთ დაწალიკებით მიმავალი ცხენების ლანდები მთვარის შუქდაფრქვეულ მონანავე ფოშფოშში გაუჩინარდნენ...

ყველაფერი მოთავებული იყო. სანდრომ კიდევ ერთხელ მდუმარედ ჩამოუარა იქვე განგმირულ ექვსს, მათ ოდნავ მოშორდა და მაუზერის ლულა საფეთქელზე მიიღო. მთებში კიდევ ერთხელ დაირხა გასროლის მეყსეული ნახმევი. ახლა უკვე მეშვიდემ შეწყვიტა თავისი სიმღერა.“

თარგმანი აკ. ბაქრაძისა

ასე გასრულდება ის ქართული ბალადა და ბუნებრივია, შვიდივე რაღაც უცხო ძალის მიერ განადგურებულად გამოჩნდება ალიონიდანვე მიაშიტი სოფლის თვალში, ან იმ შავბნელ წლებში, რომელი ექსპერტიზა მოიცლის ჭეშმარიტების, რეალური სურათის აღსადგენად?

ჩინგიზ ათიმათოვის „საქონდაქრეს“ მოვუხმეთ აქ წინასწარმეტყველურ აპოკალიფსად. როგორც ვახსენეთ, შემოქმედში არის შორსმზიარალი ღვთიური ნიჭი, განჭვრიტოს ინტუიციურად ესა თუ ის მოვლენა. იგი ფაქტობრივად საკუთარ მეობასაც კი კრიტიკის ნიაღვარს დაატეხს, რაჟამს მან-ქურთის სინდრომით დაისნეულებს თავს რუსულ ენას ჩაბლაუჭებული ყირგიზი ხელოვანი.

ჩვენთვის ამოსავალი წერტილი მაინც სხვაა, კერძოდ, გრიგოლ რობაქიძის ზეპატროფილური პოზიცია და ნიკოლო მიწიშვილის ქართველოფობიური მრწამსი, ორი ურთიერთ გამომრიცხავი პლასტი, სადაც პირველი გაიძახის:

— **რაც კარგები ვართ, ქართველები ვართ**, — ხოლო მეორე აბსოლუტურად აბათილებს ამ დებულებას და მოსჭრის:

— **რაც ბითურები ვართ, ქართველები გახლავართ**. — იქნებ ამ ორ მაქსიმალისტურ პლატფორმას ვემსხვერპლებით, ოდეს მუშტშემართული ნაცარქექიები ბაყბაყდევს ავუმხედრდებით და ჩვენს რეალურ შესაძლებლობებს დავივიწყებთ, რომ კერიის მჩხრეკელნი უფროვე გვეთქმის, ვინემ გველვეშაპის შემმუსვრელი ჭეგე მისარონები, ჯგრაგები, წმინდა გიორგნი.

შესაძლოა ჩვენ XXI და შემდგომ საუკუნეთათვის დავსახოთ კიდევ ოპტიმალური გზები ქვეყნის აღმშენებლობის არენაზე, დღეს კი ამაოდ ვცდილობთ რენანიმაციაში მყოფი სამშობლოს გაჯანსაღებას თერაპიის მეშვეობით, როცა შესაძლოა ქირურგიული ჩარევაც საქმეს ვერაფერს შევლოდეს. და უმთავრესი — რანაირად უნდა წარმოვსახოთ მეორე ათასწლეულის მიწურულს ქართლოსიანთა გამაერთიანებელ დევიზად ტრიადა: „**მამული, ენა, სარწმუნოება**“, როცა ქვემოთ მოტანილის- ამებრ, ერთიანი არც „მამულია“ ჯერეთ, არც „სარწმუნოება“ და აღარც სათაყვანებელი „ენა“ — დედაენა ჩვენი?

შუაგანი მსაჯულის განთითი (I)

ახლა, როცა სპექტაკლი გათამაშებულია, უმეცრების პოლიტიკური ურემი გადაყირავებულა და ოპოზიციის ე.წ. დემოკრატიისთვის გაჩაღებული მარათონული ისტერიკებით რესტავრირებულია კომუნისტების ღირსებააყრილი არმია;

ახლა, როცა მთავრობის სახლთან მოგრუხუნე ესკადრილის ექო ჩემი ბავშვების საძინებელშიც შეიბრენს აკაკანებული ავტომატის ნიღბით და ფლეიტას მიმსგავსებულ სულს დამიტოვებს ვაგლახ;

ახლა, როცა ხალხის ნებას ნამდვილი დიქტატურა დაპირისპირებია სურნელოვანი ბალახით — Cannabis-ით, იგივე კანაფით, გიბაშ კიფით გაბანგული;

ახლა, როდესაც სიტყვა „დემოკრატია“ პანდორას ყუთში გამოკეტილ იმედს დაუწყვილებს ხუნტაძე ტელევიზია და მორჩილავა პრესა;

ახლა, როდესაც ჩრდილოეთიდან მზესავით ამოანათებს „პერესტროიკა-გლასტნოსტის №2 რაინდი“ და ისტორიული ბაზალეთი ყოველდღიურობის ნორმად დაგვიმკვიდრდება დედაქალაქსა თუ კოლხეთში;

ახლა, როდესაც უტყუარ რეალობად მოგვევლინება პრეზიდენტის შეგონებანი:

— მე კი გადავდგები, მაგრამ ამით ფაქტობრივად ქაოსსა და სიდუხჭირეში ამოვყოფთ თავს; ავტონომიები თავთავიანთთვის გაიწვევ-გამოიწვევიან; დაიწყება გაუთავებელი ბრძოლები პირველობისთვის, სავარძლებისთვის, უფსკრულში გადაწეხავთ დედა-საქართველოსო, — ჩემს სულს ერთიანად მოეძალება კომარულ დღეებში დანახულ-განცდილი და როგორი სიმწუბრითაც შევეცდები სათქმელის გადმოცემას, ვეჭვობ სიტყვას ლარში მივსდიო, თუმცა რაყამს შენს არსებობას ბობოქარი ზღვა და თავკერძა ქარიშხალი დაეუფლება, მომიტევებდეთ ჩემებურნო, რომელი მხრიდანაც უნდა მივუდგე ამ სტიქიონს, მაინც განსასჯელად ქალაღზეა გადმოსახაბი მომავალ თაობათათვის, და კიდევ უფრო იმისთვისაც — ერთი რიგითი კალმოსანიც დავუსხლტე ყოველდღიურობის დაწოლას, წნეხს; ვაჭობო მოსალოდნელ ხვალინდელ ხიფათებს, ინკვიზიციურ წამება-მწვალებ ლობებს ჟურნალ-მულეებში და ჭეშმარიტება ყველაფერია-მეთქი, განვაცხადო თავაწეულმა, არა მხოლოდ იდეალიზმის მამის — პლატონის გასაგონად; და რადგანაც მედიატორის, მომრიგებლის როლი სრულიად ფუჭი, უსაგნური აღმომაჩნდება კენტავრასტიკის ინჟინერიით, მსაჯულის მეწამულ ტოგას მოვისხამ, მიუმხრობლობის გადასახედამდე ავმალდები, იქიდან შევავასებ ყოველივე მრუდსა თუ სწორს, დემოკრატიულსა თუ ანტიხალხურს; ერთხელაც განზე გადავდებ პირადულ სიმპათია-ანტიპათიებს და უშეღავათო პროცესს ვმართავ წამებული მამულის სასიკეთოდ; მაგრამ უმჯობესია, ჯერ „რესპუბლიკაში“ გამოქვეყნებულ წერილს გავეცნოთ, რომელმაც ავტომატების ჯერისთვის გამწირა, და მერმე სათქმელიც თავისით წარედინება:

წინ, სინთეზისკენ!

ანუ ნეიტრალიტეტის პოზიციიდან

ვეჭრობ, სათაურშივე მინიშნებულია, რომ არცერთი პოლიტიკური პლატფორმიდან ვაპირებ გულის ამობერტყვას, რამეთუ კალმოსანს, დიახაც, ეს მიუყერძობლობა განარჩევს მავანთავან; რამეთუ თავად შემოქმედებითი პროცესის ხასიათი ვერაფრით ეგუება ე.წ. „პროლეტარი-ატის ბელადისეულ“ კონცეფციას ლიტერატურის პარტიულობა-ტენდენციურობაზე, (ამის კლასიკურ მაგალითად გამოდგება მაქსიმ გორკის — ამ დიდი გაქანების მწერლის ხელისუფლების სასარგებლო გადმობირება და თითქმის ტრაქტატების მოცოდვილება, თუ მაიაკოვსკის — პოეტი-ტრიბუნის ლოგიკური ესთეტიკური კრაზი ფსევდო-აღიარებების პირობებში), რომ არა ფრიად ფეთქებად-საშიში სადღეისო პოლიტიკური ვითარება-გარემოებანი — სამოქალაქო ომის დილემა, ათას ყულ-ფგამოვლილი მამულის საბედისწერო განსაცდელი.

დასამალი არაფერია, მეკითხებოდნენ და მეკითხებიან კვლავაც, თუ რომელ პარტიას ვეკუთვნის, ან რომელი ხალათით ვაპირებ მომავალში სიარულს. ვიმეორებ, რომ ჩემი მოკრძალებული შემოქმედებითი პალიტრა თავისუფალია ნებისმიერი პოლიტიკური ხუნდისგან თუ ჩარჩოსგან, ვინაიდან

მიმაჩნია: მწერალი გაცილებით მაღალი მცნებაა, ვინემ ყოველდღიურობის ცოფი და ხვანცალი. მისთვის თანაბრადმნიშვნელოვანია ქრისტეს ძვლის მკვნეტელი თუ ქვეყნის აღმაშენებელი, თანაბრად- მნიშვნელოვანია, ოღონდ, როგორც ასასახი ობიექტი, ვინაიდან ტენდენციური დასურათხატება პერსონაჟისა ფორმულით: „**მოვიდა მგელი იგი ვარსკენ**“; უკვე გამჟღავნებული პოზიციია, ანგარებიანი დამოკიდებულება და ამდენად — ჩანასახშივე დამარცხებული, ბაბუაწვერას უსუსურობით შეძრული ჟამთასვლის წინაშე.

საყვედურობდნენ კიდევ „**რუსეთის რევოლუციის სარკეს**“ — ტოლსტოის თავის მიუმხრობლობას ამა თუ იმ მოვლენისადმი, მაგრამ ბუმბერაზ ხელოვანს ტოლფასად უყვარდა ბატონი და ყმა, ომი და მშვიდობა, ოქროლილა და არყის ხე, როგორც სამშენებლო მასალა და ის ყველასთვის მისაბაძია ამ მხრივ. თუმცა არის ხანდახან წამი, წუთი, დრო, როცა მწერალს მოქალაქეობრიობა გმართებს — პუბლიცისტის ბასრი კალმის მომარჯვება; როცა თუთაშხიასეული „**არავის საქმეში ჩავერევი მე**“, აშკარა გულდედლობაა, ერის ღალატი.

სტუდენტებს თითქმის გმირობად მიგვაჩნია დისიდენტურ ჟურნალ „**ოქროს საწმისში**“ ჩაჭვრეტა, ხოლო თუ მოიხელთებ, მთლად წმინდა გიორგის თეთრონზე ამხედრებულს ემსგავსები თანაკურსელების თვალში, მაგრამ უნივერსიტეტის ლიტერატურული გაერთიანება „**პირველი სხივის**“ ხელმძღვანელობა რატომღაც გულმოდგინე დუმილს ამჯობინებს მასზე;

წვიმასა და ქოლგაზე მსჯელობას საათებს ვუთმობთ, ბუდეშურ თვალეებსა და ომბალო-პიტნის სურნელზე ლაქლაქით ვათენებთ, ბუკოლიკურ და რუტინულ განწყობილებებს ვერგაქცეულნი ლიტერატურულ ფორმა-ხერხებზე დისპუტებს ვსჭერდებით, ხოლო აშკარა ეროვნული სულისკვეთების პერიოდიკას კეთროვანსავით გავურბივართ.

ვანახებ როსმეერთს, ახლა ფრიად მორჭმულ პროფესორ-ნოველისტ-პარლამენტარს დასახელებულ თვითგამოცემა. შეათვალეირ-შემოათვალეირ- რებს, აწონ-აზომავს, სარჩევს დახედავს და მენტორული გაღიმილებით დამიბრუნებს უკან.

მოკლედ, კულისებსა თუ კულუარებში ხმაპარვით, თითისწვერებზე, თვალის ცეცებითა და გადაჩურჩულებით აღიქმება იგი წლობით და ცხადია, უშუალოდ ჟურნალის სათავესთან მისვლა გამიჭირდება. ან რანაირად მომიხერხდება ყოველივე მონურ გარემოში აღზრდილს?! დასტურ, მე დიდი კონსტანტინეს მემკვიდრეობა როდი დამეხედება?! მე ხომ რიგითი პროვიზორის ძე ვარ, ვისაც ტყვიით ნატუსალის ნაცვლად კატაბალახას სურნელში უტრიალია; ვის ოჯახში „დიდი საბჭოთა ენციკლოპედიის“ ტომეულები თვლემენ წიგნის კარადაში, რომლის გვერდებზე ბევრგან იპოვით ტუშის საგულდაგულო ნაკვალევს, განსაკუთრებით „ბან“-ისა და „სან“-ის სივრცეებში, იმდენად ოსტატურს, რომ ლუპითაც ძნელდება იქიდან ბერია-სტალინის ამოკითხვა. ესეც არაფერი, მე იმდაგვარი წიაღიდან მოვდივარ, სადაც მოჭარბებული სიფრთხილით უმზერენ პიროვნებისა და სახელმწიფოს ურთიერთდამოკიდებულებას. არაერთგზის მსმენია სასაკლაო ომებში ნათრევი პაპაჩემი ბიქტორისგან:

— ბაბაგე, გური, არასდროს შეხვიდე პარტიაში, თორემ ამით არსებითად შეიბორკავ თავსო. — პარტიაში კომუნისტურს გულისხმობს ის მრავლისმომსწრე გუთნისდედა-ფერშალ-ნაღიაკვანარი და მეც პირნათლად შევუსრულე დაანაპირებს. ის კი არა, უფრო შორს გავუტევე მგონია და ამ პარტომანის ხანაში მეყოფა ლამის ანდერძად ბოძებული თავდაჭერილობა — არავის ბაქანთან შეეჩერდე, არავის ნავსაყუდელთან ჩავუშვა ღუზა; არავის ფიალიდან ვსვა წყალი მწყურვალმა, თუმცა ღალიძგის დღეებში, სასტუმრო „**ოდიშის**“ მკვიდრს, სახელდახელო სუფრასთან მრავალი პარტიის ლიდერი შემომთავაზებს სათანადო პოლიტიკური თავშესაფარს. თუმცაღა ეს როდი ნიშნავს, რომ, როგორც მასა, როგორც საზარბაზნე ხორცი, ვაკლივარ მე საქართველოს ჭირვარამს. დაწყებული სამოცდათვრამეტი წლის აზვირთებიდან, ძნელია ღონისძიებისა და აქციის დასახელება, რომლის რიგითი მონაწილე არ ვიყო. მოკლედ, გულწრფელობაში თუ ჩამომერთმევა, ქართული ეროვნული მოძრაობის სამოცდაათ-ოთხმოციანი წლების მემტიანედ რამდენადმე გამოვდგები.

ახლაც მშვენივრად მახსოვს გახმაურებული ის პროცესი, კაფანდარა პროკურორი იოსავა, ორასკაციანი დახურული დარბაზი. მე ჩემი ყბადაღებული განმანათლებელი ორგანიზაციის — „**ცოდნის**“ ხელმძღვანლის (ბატონი დამიანე გოგოხია, გ. ო.) სპეცსაშვით მოვხვდები იმ სასამართლოზე ბოლო ორ დღეს, ამბის მომტანად.

ვერაფრით დავივიწყებ აწგანსვენებულ მერაბ კოსტავას შემართულობას თუ ბატონ ზვიად გამსახურდიას წამიერ თრთოლვას. განსჯიან ორ თანამემამულეს, სოლჟენიცინის „**გულაგის არქიპელაგის**“ და მისთანათა გადმოქართულებისთვის; განაქიქებენ ოფიცოზთან კრიჭაში დგომის

გამო, დავით გარეჯის სამონასტრო კომპლექსის მეურვეობისთვის, ადამიანთა უფლებების დაცვისათვის. ლამის ამერიკის ჯაშუშობა ბრალდებათ, რამეთუ აქაურ დარიწკინებულ ამბებს უკუღმართად აწვდიან თურმე დასავლეთის ინფორმაციულ სამსახურებს; ასამართლებენ, მაგრამ მოსარჩლე არავინ ჰყავთ, თვით დამცველიც კი შამფურისა და მწვადის ანდაზის კვალობაზე ადვოკატობს.

ჩემი კოლეგა ჟურნალისტებიც მეცნაურებიან იქ, თუმცა მერე და მერე იმ პროცესზე სულ ცალსახა, სულ ერთმნიშვნელოვანი სტატიები გაშანშალდება. შედარებით „ნამუსიანები“ ერთიანად მოვმუწავთ პირს. რაც შეეხება მართლისმთქმელს — შეკაზმული ცხენი რა ბედენაა უმხედროდ?!

შფოთავს კალამლიქნიათა დინასტია.

მარჯნიდან და მარცხნიდან მოედინება ცილისმწამებლური წერილების წყება და ბუნებრივია, ეს ორი ადამიანი ხალხის ძალადმოწამულ ფსიქიკაში ავანტურისტად აღიბეჭდება: ვითომდა, ესენი შებლაღავნ ყოველივე წმიდათა წმიდას, შეარცხვენენ სასიქადულო წინაპართა საფლავებს, ცოცხლებს, წარსულს, აწმყოს და მომავალს, ასე შემდეგ და ასე შემდეგ.

ახლალა ვანალიზებ სხვანაირი აზროვნებისთვის შერაცხულთა განცდებს. განაჩენის გამოტანის შემდეგ, თემიდის გამრუდებული სასწორის შეჩერების, მოსამართლის ხალათის კალთების დაბერტყვისა და პილატესმიერი ხელების გადაბანვის მერმე, ქუჩაში გამოსულს ჰაერი არ მყოფნის.

სამად სამი მოქალაქე დავლანდავ უმაღლესი სასამართლოს ალყაფის კარებთან. მხოლოდ ერთს ვიცნობ, პოეტ რამინ თბილელს, როგორც იმ დროს იბეჭდება რამინ ამონაშვილი.

— გამოუტანეს განაჩენი?

— რამდენი მიუსაჯეს?

— თავი როგორ ეჭირათ? — ანტერესებს მას და იმ ორს, ჩემთვის უცნობს.

მეც ვპასუხობ. რამდენადაც შემიძლია ვამუქებ სასამართლო პროცესის ნიუანსებს ბრალდებულთა სასარგებლოდ, რადგანაც მათი სახით ბაირონსა და პეტეფს მოითხოვს ჩემი სული. ბატონი ზვიადის იმჟამინდელი აგულჩვილება კი კერპის ნატურას მიცამტვერებს.

ამას აქეთ, ამდენი წლის მერმე, ამ ძმათა სისხლისღვრის ზღურბლამდე მისული, ვხვდები ყოველივეს, თუ რა ათრთოლებს მის მეობას — ეს სულიერი ძვრები თითქმის იგივეა, რაც ვატერლოოს გამირის მეღანქოლია, რადგანაც მამულისთვის თავდადებულის ბედისწერასთან კამათი ორასკაციან ოპონენტურ დარბაზს და სამად სამ გულშემატკივარსლა ჰპოვებს მამულისგანვე რამინ ამონაშვილის მეთაურობით.

ექსპერიმენტების ლაბორატორიად გადაქცეულ საქართველოს კი არ აცლიან თვითშეგნებისკენ სწრაფვას. პირში ქვას ჩრიან. აქა-იქ ალევგორიულ ნაწარმოებს თუ გავაპარებთ ცენზურას, ესეც დიდ ვაჟაკობად გვერთმევა და ვწერთ ჩვენც სტრიქონებს, როგორიცაა:

„სხვა ქვეყანას არ გაფრინდე, ჩემი ქვეყნის მაფშალია“, სადაც მაფშალია-მესვია — იგივე ბულბულ-იადონი, მშობლიური ენის სიმბოლოა;

ვთხზავთ მოთხრობებს „უცხო ქალაქში“-ს მაგვარს, სადაც ქაფა ჯაო, იგივე პროლეტარიატის აწშერისხული ბელადია — საშვილიშვილოდ გაკოტრებული პოლიტიკურ-ზნეობრივად;

ვიღებთ „გიორგობის თვეს“, სადაც ჟელატინით წახდენილი ღვინისგან ენამოკიდებული რუსი ექსკურსანტები „სულიკოს“ ერთ ხმაზე მღერიან;

ვამუსიკებთ „რწყილსა და ჭიანჭველას“, რომელიც აღვირახსნილ მექრთამეობის ციტადელად ქცეულ მამულს, მეგობრის დასახსნელად მოხტუნავე-მოკუნტრუშე მწერის დოზით კბენს;

ვასცენიურებთ „კავკასიურ ცარცის წრეს“, სადაც მართალმოსიტიყვე აზდაკის გზა სახარობელისკენ მარადიული სვლაა;

ვაქანდაკებთ „კიდევაც დაიზრდებიანს“ — დედასაქართველოს უღონო ხელებისკენ რომ მიაქვს დაცურებული ორლესული ალგეთელი ბოკვერების მეოხებით, მაგრამ ეს ყოველივე ხომ ენაბრგვილის ნახევრად თქმულს ჰგავს უმთავრესად?! უსირცხვილოდ იარება შიშველი მეფე — ქართული სინამდვილე, თუმცა ამისი განმცხადებელი არც ბავშვი ჩანს სადმე და მით უფრო — ბრძენთაბრძენი მხცოვანი.

რესპუბლიკა გვემებს ასრულებს ციხეებში წარგზავნილი პოლიტპატიმრებითა და ქურდბაცაცაკომბინატორებით;

ცხენის ვერმომრევენი უნაგირს ვამტვრევთ დუჟმორეულები;

ფესვებში დასნეობვებულ სოციალიზმის საბჭოთა იმპერიალიზმის ხე — ანჩარს ტოტების თერაპიით ვკურნავთ;

კომპლექსომანია აგვიტანს ხელისუფლების ეშელონის მემანქანეებს თუ უბადრუკ მგზავრებს;

აბაშაში მოხდენილი „სასწაულებით“ ფრთაშესხმულები კავკასიონის მთაგრეხილს მივადგებით გასაბურღადად — ლამის მეორე კატას გამოვთხრით წრუწუნას გულმოდგინებით, ლამის მეორე არტერია-მაგისტრალს გადავხსნით საქართველოს გულიდან საკუთარი მეობის, საკუთარი ნაოფ-ლარის ნებაყოფლობით განსაძარცვად;

„ლაზარეს“ სულისჩამდგმელი გეგა კობახიძეს და მის თანამესაგრეებს სრულიად უდანაშაულო მღვდელი ჩიხლაძითურთ საგილიოტიინედ გავწირავთ; ზოლებიან ხალათს ვუბოძებთ ასობით შამა-ნაურს.

ვის სინდისზე, ვის ნამუსზე ეს ყოველივე?!

ასე ვათრევთ წუთისოფელს ლამის ათ წელიწადს.

მერედა, მოვა გასაოცარი აბობოქრების ჟამი. პერესტროიკისა და გლასტნოსტის მამამთავრის სადავეების მოშვება თუ კომუნისტური იდეოლოგიის კრაზი სარდაფებიდან ქუჩაში გამოგვამზე-ურებს.

ცხრა აპრილი.

ძლივსგასაგონი ჩურჩული მიკროფონთან ყოვლადწმინდა ილია II-სა და ბატონ ზვიადს შორის:

— მართლაც გვესვრიან?!

და პასუხად:

— შეიძლება გვესროლონ!

შემდეგ სამარისებურ სიჩუმეში, ჯავშანტრანსპორტიორების ნელ სვლაში წერეთლის ომახიანი ხმა:

— რას გაჩუმებულხართ, ხალხნო! მამაო ჩვენო, რომელი ხარ ცათა შინა? — და გაოგნებული საზოგადოების ერთი ბაგით ამეტყველება, ერთ მუშტად შეკვრა; მერე ცეკვა-თამაში, ბრმათა ტრი-ოს **„დაუკართი, ჯერ ხომ სისხლი გვიდღეს ძარღვში“** და შმაგი დოლიძის ჯოხით მიხტომა რკინის ურჩხულზე.

ქარის წისქვილებთან მებრძოლი სულისკვეთება.

ორღესული ნიჩბები!

ჩვენი დებისა და დედების ვერდალეწილი ნება.

ჭყლეტა და გვარგვასი, „სი-ე-სი“ და „ჩერიომუხა“.

თამრიკო ჭოველიძის უკვდავებაში შეცურებული ოცეული.

ამაო დავა განგებასთან.

გიორგი ხაინდრავას მამხილებელი ფირი.

ლანა ლოლობერიძისა და ელდარ შენგელაიას პრესკონფერენციები.

იური როსტის წარუშლელი ფოტორეპორტაჟები.

პროფესორი ადვანე მაღალ კათედრასთან კედელზე ცერცვის შესაყრელად.

თანაბარი ტაში აკადემიკოს გამყრელიძეს და ჯალათ როდიონოვს.

სატაბელო იარალასხმული მოსახლეობა, მილიცია მუნდირისა და სიფითრის ამარა.

დოსაათის მანქანების გრუხუნნი.

მერაბ კოსტავასა და ზურაბ ჭავჭავაძის სპეტაკ ნეშტებთან თავმოყრილი სრულიად საქართველო. მთაწმინდის კურთხეული მიწა ეროვნულ გმირს; საგვარეულო ძვალთშესალაგი ილიას შთამო-მავალს და სანაცვლოდ ძირს დაცურება, დემონტაჟი ზოგი საუკუნო გვამისა.

იპოდრომის აქციები.

ხელშიატაცებული ზვიადი.

პირველი ეროვნული ფორუმი.

პირველი განხეთქილება.

ქუჩა-სკვერების ხელახალი ნათლობა.

პირველი მრავალპარტიული არჩევნები.

პირველი უსისხლო რევოლუცია — კომუნისტების პირველი კრაზი.

პირველი ეროვნული პარლამენტი.

საბჭოური კონსტიტუციის კონსტიტუცია — 1918 წლის 26 მაისის თავისუფალი საქართველოს საჭვეწოდ აღიარებული დოკუმენტის მაგივრად თეთრად შეღებილი წითელი უღელი.

ჯვაროსნული ლაშქრობა ყოველგვარი სოციალისტურის წინააღმდეგ.

პირველი უზენაესი საბჭოს თავმჯდომარე.

პირველი დანიშნული პრეზიდენტი. პირველი ზედმეტი ხელმოწერანი ეროვნულ დოკუმენტზე.

პირველი ნება ხალხისა — საქართველოს პირველი პრეზიდენტი ამომრჩეველთა თითქმის ოთხ-მოცდაშვიდი პროცენტი ხმის უმრავლესობით.

უფრო წინ — ვოვა ვეკუას უმანკო სისხლი და მოგვიანებით ცხინვალის შესასვლელის პიკეტირებით გულმოცემული ოსი ექსტრემისტების ჩვეული განდგომა.

იარაღჩაბლუჯული მაიორ ქირიას ნეშტი ლიახვის პირას თუ ცეცხლში დაფერფლილი რაინდები...

„მხედრონის“ გაგვარდილება.

აქამდე კერიასთან მოფუსფუსე დებისა და დედების ჟანა დ, არკისეული ამბოხი და მათი მღვდრიონად სახელდება...

პირტიტველი თუ პოგონოფორამ ყმაწვილების განუკითხავი გამინისტრება.

ძეგლთცვენანი მოედნებიდან.

კადრების დენადობა ზევიდან ქვევით, მინისტრების წარამარაული გადაყენება თუ ნებსითი გადადგომები.

რუსული პუტჩი.

გვარდიის დროებითი ფერისცვალება მოსალოდნელი მსხვერპლის ასარიდებლად.

ქართველი ქართველის პირისპირ იარაღით ხელში მეთათსედ.

დაახლოებით ასეთია, არაქრონოლოგიური, მეტნაკლები მშრალი ინფორმაციული სტილით დანახული საქართველოს პოლიტიკური ვითარება.

ბარიკადების ერთი მხრიდან: „ზვი-ა-დი“...

მეორე მხრიდან — „ჩა-უ-შეს-კუ“...

ბოლოს შეწყობილი: „სა-ქარ-თვე-ლო“!

ღიას! წინააღმდეგობრივია დღევანდელი სულსკვეთება.

მადლობა უფალს, პრეზიდენტს ჩვენსას, არ უღალატებს მაშინ ფარსმან სპარსის წინდახედულება, რუსთველის შეგონებას ენდობა: **საცა არა სჯობს გაცლა სჯობს კარგისა მამაცისაგანო**, მიჰყვა გენიოსის მცნებას და წამით ჩაქინდრავს, რაინდი ჯაბანად მოგვაჩვენებს თავს — **„მონანიების გრძელი სიტყვით“** გადაურჩება ფიზიკურ განადგურებას, შემოინახავს, შეინარჩუნებს სიცოცხლეს ერის საკეთილდღეოდ, უფრო ბობოქარი ბორჯალის საწინდრად.

ქართველი ხალხის გუშინწინდელი, გუშინდელი თუ სადღეისო მღვლავარებანი უწყის უმეტესობამ, რომ ოდენ ცხონებული მერაბ კოსტავასა და ბატონ ზვიად გამსახურდიას სულის განვრცობაა, ამ ორი ეროვნული გმირის გაათასკეცება და მომიტევონ ქრისტეს ასაკში გაპროფესორებულ-გადისიდენტებულთა.

აქამდეც ბევრი მიფიქრია ქართულ ფენომენზე, მის ინდივიდუალობაზე, ყველა ჯარისკაცში რომ გენერლის პრეტენზიაა.

„უჩვენოდ ვით იმღერეთაოს“ კომპლექსი გვაქცევდა სულ მუდამ.

საერთოდ, ცნობილია, რომ დოღში მხოლოდ წმინდა სისხლის ცხენები დაიშვებიან. იქ მხოლოდ ახლო გენების შერწყმით გამოყვანილი ჯიშის ქურანები ჯირითობენ, ჰიბრიდულს კი სათოფეზედაც არ გაიკარებენ. ევროპაში ბიძაშვილ-მამიდაშვილების შეუღლება ჩვეულებრივი მოვლენაა. კუზინების დაწყვილებას მარკუს ავრელიუსისა და იულიუს კეისრის ეპოქებიდან მოყოლებული გააჩნია მერკანტილური საფუძველი — ქონების შენარჩუნების ავადმყოფური ფსიქოლოგია, უზრუნველი ცხოვრების გარანტიები გენეტიკური დეგრადაციის ხარჯზე. ეს ტენდენცია არც ატომის საუკუნეში განელდება. ინბრიდინგი კაპიტალის გაბევრების ერთ-ერთი წყაროა დღესაც. ქართველი კი ოდითგანვე ცოდვად მიიჩნევს სისხლის აღრევას, ახლო ნათესაურ ქორწინებებს ტაბუსადებს, შერეულ ჯვრისწერას აკანონებს და უნებლიეთ თავიდან იცილებს ინბრედულ დეპრესიებს. აქედან გამომდინარე, თუ ყოველი ქართველი არა, უმეტესი მაინც ჰიბრიდულია, პროგრესული, ცხოველმყოფელი თავისი ნატურით. ალბათ, ესეც არის მისი თხემით ტერფამდე პირველობის მოსურნეობის მიზეზი, მაგრამ ერთ ქარქაშში ჩაეგება ორი მახვილი განაა?!

ნაწილობრივ აი, სწორედ ეს დილემაც დაგვაყენებს ბარიკადების გარდიგარდმო. და კიდევ — ყოველ აღზევებულს, თუკი ასეთი გამოგვერევა ხოლმე, მეფე გიორგის თქმულისამებრ, დაკორტნით.

სადღაც ავტობუსში ყურმოკრული ანეკდოტი მახსენდება:

ერთხელ ზეციურ იდილიაში მორჭმულ ცაბათს მოსწყინდება მარადიულ ზეფირებში სუფევა და გადაწყვეტს მის მიერვე დაგუზგუზებული ჯოჯოხეთის მონახულებას. ლუციფერ-მეფისტოფელის სული წარუძღვება უფალს და ერთ ალაგას მიიყვანს, სადაც ცეცხლზე შედგმული, ფისით სავსე სამი

უშველებელი ქვაბი თუხთუხებს. პირველს მთელი ეშმაკობა დარაჯობს. მეორეს თვით იმ ქვაბში დახრუჭულნი შთაუგზნებენ ცეცხლს და ისევ მდულარეში ტუცავენ თავს. მესამესთან კი ჩამიჩუმიც არ ისმის.

გაიოცებს მამამერთი დანახულს და მოახსენებენ:

— პირველში სომხები არიან. საკმარისია ერთიც ამოძვრეს ქვაბიდან, რომ ყველას დაიხსნის. ამიტომაც მთელი საჯოჯოხეთო ძალები მათთანაა მობილიზებული.

— მეორეში რუსობაა, თვითმომსახურებაზე არიან გადასულნი.

— მესამეში კი ქართველები გახლავან, მაგათ მცველი რაში სჭირდებათ, ვინმე თუ მოიწადინებს ამოსვლას, მაშინვე კოჭებში ებრღვევა ათასი და უკან ჩამოათრევენო.

გვენიშნება?!

რუბიკონის გადალახვით მოიპოვებს იულიუსი კეისრობას და აღმოხდება კიდევ მეგობრის მიმართ: „შენცა, ბრუტუს?!“ მაგრამ ეს რუბიკონი ჩვენს პრეზიდენტს თვითნებურად ხომ არ გადაუტოპავს. იგი ყოველივეს ჩვენ მოგვანდობს განსასჯელად, ასაწონ-დასაწონად: რომელს ვამჯობინებთ, ძლიერი ხელისუფლების ინსტიტუტს თუ მრავალთა მმართველობის აპარატს. ჩვენ წილს ვუყრით და ჩვენს ბედ-იღბალს მივანდობთ მმართველობის დღევანდელ ფორმას, რადგანაც გვწამს — ეროვნული ინტერესებისათვის მოვლენილ არაფრით მოემოქმეებს რაიმე ქვეყნის დამაქცევარს.

ახლა ყველა გასაჭირს — ეკონომიკურს, პოლიტიკურს, სოციალურს, ვაბრალებთ ერთი კაცის დიქტატს, როცა თვით ხესაც კი თუ შესძახებ გამუდმებით „გახში, გახშიო“, გოგლასეული ოლესი არ იყოს, შესაძლოა მართლაც ჩამოებრწდეს, ჩამოხრიოკდეს.

ცულით დაკოდილის ანდაზის შესხენება არავის გვჭირდება, მაგრამ სამეტყველო არსენალიდან „დიქტატორი“ და „მოლალატი“ რომ გასაძვებელია — ეჭვსგარეშეა.

კიდევ ერთი ადგილი მახსენდება სახარებიდან, როცა ფარისეველნი და მწიგნობარნი ვინმე მეძავით წარსდგებიან ქრისტეს წინაშე.

მოსეს სჯული ჩაქოლვას ითვალისწინებს ასეთი დედაკაცისას და ჩაეკითხებიან უფალსაც, ერთ-ხელ, მეორედ, მესამედ. ბოლოს, როცა ჩაუყინდებიან ბაგედადუმებულს, ბრძანებს მოძღვარი:

— ვინც თქვენს შორის უცოდველია, იმან ესროლოს ქვა პირველმაო. მიხდება ხანი და რომ მიმოიხედავს უფალი, მობუზული სიძვის დედაკაციდა შთენილა მის წინარე და იტყვის ზეციერი:

— არავინ განგიკითხა?

ქალი უპასუხებს:

— არავინ, უფალო.

— მაშინ, არცა მე განგიკითხავ შენო, — დაასრულებს იესო და ამით ფაქტობრივად გაამყლავნებს საკუთარი მეობას, რომ მას, ღმერთს, უზენაესს, არსთა გამრიგესაც კი არა გააჩნია ამ დედაკაცისთვის ქვის დაკარების მორალური უფლება, ვინაიდან აღარც ისაა უცოდველი.

მაშ, როგორ შეიძლება მოკვდავს — ამ შემთხვევაში ვინმე ზვიად გამსახურდიას — არ მიუტევოთ მიწიერი, ადამიანური შეცოდებანი, რომლისგანაც დაზღვეული არავინაა, მით უფრო თუ ეს ყოველივე განგებ არ ჩადენილა, უნებლიეა, გამოცდილების უკმარისობის ბრალია. რომელი პარლამენტული ტრადიციების ქვეყანა ჩვენ ვართ, რომ არსად წავბოროძიკდეთ, არსად გადავამეტოთ უფლებებს ჩვენსას, არსად წავგვცდეს ზედმეტი სიტყვა. განა ბატონ ზვიადს პრეზიდენტობა დედის მუცლით გამოჰყოლია? განა ისიც ჩვენთან ერთად არ სწავლობს დიპლომატიის ანბანს? განა ისიც ჩვენთან ერთად არ მკვიდრდება საერთაშორისო პოლიტიკურ სარბიელზე?

იყო თუ არა დიპლომატიურად გამართლებული ბუშის მისამართით თითის ქნევაო, ვკითხულობთ ჩვენ, რომელ ბუშისგანაც ხშიადებს ველოდებით სამერმისოდ, და აქვე რალაც წინდაუხედავ, უტაქტობისმაგვარ ქმედებად ილანდება პრეზიდენტის საქციელი, თუმცა ისიც ხომ ნათელია, რომ ბატონ ზვიადის უკომპრომისობით ფარდა აეხადება ოკეანისიქითა პოლიტიკას — პატარა ერების თავისუფლებისკენ მისწრაფების იგნორირებას, თუკი ყოველივე მის სახელმწიფოებრივ ინტერესებს მიღმაა.

აქ დემოკრატიის უქონლობის ბრალდება წმინდა სისხლის დემაგოგიაა, სხვა არაფერი.

ბუშს კუვეიტის ნავთობი რომ არა, შესაძლოა, თითიც არ გაეტოკებინა ჰუსეინის სისხლიანი კლანჭების დასაძრობად. ამერიკის საგარეო პოლიტიკა ყოველთვის გამიზნული ხასიათისაა: იგი წიაღისეული ნედლეულის პირველი იმპორტიორია და მისით წარმოებული პროდუქცია-საქონლის უმთავრესი ექსპორტიორი. საქართველო რომ ურანის საბადოების მქონე ერთადერთი ქვეყანა რომ იბოს, იგი დღეს არათუ აღიარებული, მერწმუნეთ, ზომაზე მეტად დაფასებულ-ნალოლიავები გვეყოლება.

ისევ ნოემბრის აქციებს ვუბრუნდები.

სახალხო ფრონტი.

მოსახლეობის მღელვარება ზენიტს აღწევს.

მთავრობის სრასახლის კიბეებზე შიმშილობა პიკზეა მისული.

დერეფნები, დერეფნები და ირაკლი მენალარიშვილის ექსპრეს-ინტერვიუები.

სასწრაფოები, თეთრხალათიანები.

კინოს სახლში ნაღები ქართველობის თავყრილობაა.

სცენაზე ერთმანეთს ცვლიან ბატონები გიორგი (ლალი) ჯავახიშვილი, ნოდარ ნათაძე, აწგანს-ვენებული რევაზ თაბუკაშვილი.

გარემო ისტერიკული დაძაბულობით დამუხტულია. ყველაფერი იქითკენაა მიმართული, რათა მთავრობის ულტიმატუმი დროულად შესრულდეს, აქცია შეწყდეს და მოსალოდნელი სისხლილ-ვრა საშოშივე აღიკვეთოს, მაგრამ ვერაფერი ჭრის მომიტინგეებთან, ვერც — სიბრძნე, ვეღარც — შორსმჭვრეტელობა.

ქუჩაში, მტვერში, სიცივეში სხედან ქართველი ასულები და ჭაბუკები.

ჩემს „დასაშოშმინებლად“ მიყრუებული ოტობაიიდან ჩამოსულ გელენახეს პლაკატი გაუშლია მოშიმშილე ათასეულის წინაშე და მიკროფონისკენ გზის გაკვლევას ამაოდ ცდილობს.

უშედეგოა დელეგაციების მიმოსვლა კინოსა და მთავრობის სასახლეებს შორის.

არის უნუგეშო წინასწარმეტყველებანი, ვარაუდები, მარჩიელობა, ხალხი კი არ იძვრის. ხალხი მზადაა თვითგანწირვისთვის და ბატონი ზვიადის მხოლოდ სამად სამი სიტყვა :

— გამარჯვება ჩვენი! შინისკენ! — საკმარისია მოშიმშილე-მომიტინგეთა დასაშლელად.

მოლით, მეგობრებო, ნუ წავართმევთ ათასებს ამ რწმენას, ნურც თავად პრეზიდენტი და ნულარც — მისი ოპოზიცია.

რკინა მაშინ იჭედება, როცა ცხელია. მართალია, საგანგაშოა სადღეისო დაპირისპირებულება, მაგრამ ჭეშმარიტება ხომ მხოლოდ კამათში, აზრთა შეხლა-შემოხლაში იბადება. არ არსებობს აბსოლუტურად მართალი და აბსოლუტურად მტყუანი მხარე. სიცოცხლე და სიკვდილი ისეთივე განუყრელი და-ძმაა, როგორც — დღე და ღამე, მატერია და იდეა.

ჩვენ ვასამართლებთ ხალხს, უწინარესად რაიონებიდან ჩამოსულებს — ვითომ თბილისურ პრობ-ლემებში ჩარევისათვის, და ვივიწყებთ ანბანურ ჭეშმარიტებას: თვალში როგორ გამოიხედოს, თავა-წიულმა რანაირად იაროს ქართველმა, თუ სამი თვის წინათ არჩეულ თავის პრეზიდენტს ზურგს შეაქცევს?! განა ამაზე დიდი დანაშაული იქნება ქვეყანაზე?! აქვე საკითხავია, იყო თუ არა საჭიროება ქუდზე კაცის მოსახმობად?! როგორც ჩანს, იყო, ვინაიდან ბოლო დღეების აქციები და ზარბაზნის ბათქიცი ამის დასტურია.

საქართველოს აღიარება პრეზიდენტთან სამშობლოში იქნება ეს თუ პერლამენტიანში, გარდაუ-ვალია, რადგანაც ყოველივე ისტორიული აუცილებლობითაა ნაკარნახევი, ხოლო რაც შეეხება თავისუფლება-დემოკრატიას შორის პირველადობას, ყოფიერება განსაზღვრავს ცნობიერებას-მეთქი, ვიტყვი; ჯერ ღრუბელია, მერე — წვიმა; ჯერ ორსულობაა, შემდეგ — ნინობა-ძეობა; ჯერ ავადმყო-ფობაა, მოგვიანებით — წამალი.

მონურ პირობებში მცხოვრები, ქედმოხრილი ადამიანის სულიერი მდგომარეობის ადეკვატუ-რია, ხოლო თავისუფალისა — ლალი, თავისთავადი. აქედან გამომდინარე, დიდი მიხვედრილობა არ სჭირდება იმას, რომ თავისუფლების მოპოვების აქტი განაპირობებს თუნდაც ერთი ნაბიჯით უს-წრებს, ამა თუ იმ ქვეყნის სამერმისო სტრუქტურებს. დემოკრატია, ღიახაც, ჰაერით სჭირდება ჩვენს საზოგადოებას.

აზრის თავისუფლება გვიხსნის ჩვენ, აზრის თავისუფლება და არა — აზრის განუკითხაობა. სწორედ აზრის ლიბერალიზაცია ააღორძინებს ელადას ოლიმპომდე, აზრის თავისუფლება და განსხვავებული შეხედულების დაფასება. აბა, რა ფასი ექნება ქეთელაურის საფიხვნოს თავში ჯდო-მას, თუ იგი მუცალის ცხედარს შეურაცხყოფს? ან ალხანსტაიძის მეობა გაიმარჯვებს ზვიადაურის ხელისკვრით? ისიც კარგად გავიხსენოთ პირტიტველი მოყმის მშობელი როგორ იარება შვილმოკ-ლული ვეფხის დედის მისასამძიმრებლად.

დღევანდელ საქართველოში მეტი საჭიროებაა სხვათა აზრების მოსასმენად, სხვათა შეხედუ-ლებების დასანახად, სხვათა პიროვნებების პატივისცემად.

ევას მაცდუნებელი მაშინ იკბინება, როცა ფეხს დააბიჯებენ, მაგრამ არსებობს ეტიკეტი, არსე-ბობს მორალი, კანონი, რომელიც ზღვარს დაუდებს კამათსა და ბილწსიტყვაობას;

ტკბილად მოუბარი ენის ფენომენზეც გვსმენია. ვერც პრეზიდენტის მმართველობა გვიშველის

და ვეღარც პარლამენტური — მრავალში განაწილებული ერთი ძალაუფლება, თუ კი არ განხორციელდება ურთიერთშეთანხმება. ათასი კუროზის მოხმობა შეიძლება სენატის ისტორიიდანაც და პრეზიდენტთა მოღვაწეობიდანაც, მაგრამ არსებითი კანტისეული მრავალერთიანობისკენ ლტოლვაა, დიახაც, ისეთი მმართველობისკენ, როგორც ქართულ პოლიფონიურ საგალობლებშია.

განუმეორებელ ჰამლეტ გონაშვილს უთქვამს:

— ჩვენი სამომავლო ასპარეზის პროგრამა ქართულ სიმღერებშია მოცემული, რადგანაც განსაკუთრებით აქ მუდამდებია ერის ქვეცნობიერი მეობა: უკიდურესად ინდივიდუალური ერთეულების მთლიანში ჰარმონიული თავმოყრა, სადაც პირველიც პირველია, მეორეც პირველია, მესამეც, მეოთხეც... მეშვიდეც; სადაც ზოგადის სრულყოფას ემორჩილება ნაწილი; სადაც გადარჩენილია პიროვნულიცა და საქვეყნოცა.

ასევეა ორკესტრიც, მაგრამ იმ ჰარმონიას ხომ დირიჟორი წარმართავს უწინარესად?! და ჩემდა საკვირველად, ასეთი მაღალი, იშვიათი მუსიკალური სმენადობის ერს, უცნაურია, ესოდენ დაუჯერებელი დისჰარმონია რომ გვახასიათებს სცენის, სუფრის მიღმა — ყოველდღიურ ცხოვრებაში!

დაე, სამაშუთისოფლო სარბიელზე მხოლოდ ვიოლინებისა ნუ იქნება ეს კონცერტი, ნურც — ვოლტორნებისა და ფლეიტებისა! დაე, ნურც ორკესტრანტები აუმხედრდებიან თავიანთ დირიჟორს, აქაოდა, არ ვსაჭიროებთ თქვენეული ჯადოსნური ჯოხის ტრაექტორიებსო. ნურც ეს ჯოხი ჩააჩუმებს აუცილებელ საყვირებსა და დაფდაფებს — მრავალერთიანობა, მრავალერთიანობა და მხოლოდ მრავალერთიანობა! აი, ჩვენი ხსნისა და უძლეველობის ერთადერთი უტყუარი გარანტია.

პრეზიდენტს — პრეზიდენტობა, მართალ-მტყუფნის გარჩევა, საუკეთესო თვისებების ამოკრეფა თავისი ერის სულიერი საგანძურისა; ყოველნაირი ქმედება თანხმობისკენ, შეკავშირებისკენ, ერთობისკენ;

პარლამენტს — პარლამენტარიზმი, კომპეტენტურობა და კომპეტენტურობა! ხელები არა მხოლოდ მანდატების ასაწევად, არა მხოლოდ მიკროფონის ჩასაგდებად, ან ცხვირწინ სატრიალებლად, არამედ — მართალი საქმეების კეთებისთვის!

კინემატოგრაფს თუ გუთნისდენას, პოეტს თუ ხარატს, კრიტიკოსს თუ ფეიქარს — გულმოდგინება, ფუტკრის ფუსფუსი და რუდუნნი, საერთო ბედელის ასავსებად სულიერი თუ ხორციელი ჭირნახულით!

ვიკმაროთ რაც გარდაგვხდენია! თვალი გავუსწოროთ საქართველოს ერთობას ზვარაკად შეწირული გია აბესაძის ჩირაღდანავით აგიზგიზებულ სულს. სხვა ალტერნატივა გამორიცხულია...

„ჩვენ ვინ მოგვცა გასაწირი, საქართველო საფიცარი!“

მოვიგონოთ ნაპოლეონს ზურგ შექცეული გენერლები და მერე ისიც, ბონაპარტი როგორ აღუდგენს მუნდირის ღირსებას ამ უკანასკნელთ, ან რანაირად უერთგულეებენ ისინიც ვატერლოოსას იმპერატორს თავისას.

ღმერთმა ნუ ქნას მოღალატე ქართველი! დიდგულანი, თავაწეულნი, ბუტიები, ჯუღლუნები კი — თავზესაყრელად, მაგრამ რა გაეწყობა, მათ ხომ გენებით მოსდგამთ პირველობის სინდრომი?!
დაბოლოს, წერილს ვამთავრებ დეპეშის ტექსტით, რომლითაც თავის დროზე ჩვენს პრეზიდენტს თანადგომა გამოვუცხადებ — ვუსახსოვრებ ჩემს ნაცოდვილვარ რომან-ტრიადა „სიცოცხლე მისჯილის“ პირველი წიგნს და რომელსაც ოდნავი გადასხვაფერებით მოვუხმობ აქ:

ბატონო, ზვიად, გუ ოგკუ-დ თავისუფალი საქართველოს პრეზიდენტი ბრძანდებით და ხვალ-ზევ გუ აფსეწ-დ თავისთავადი, კრიან-ბერიანად შეკავშირებული, ლიბოძლიერი და მართალმოსიტყვე, ყურისმიმგდებელი და სმენამთხვეჭილი მესია მამული გვენახოს ამორჩეულსაც და ამომრჩეველსაც-მეთქი — და, ამინ, დავამატებდი კვლავაც.

წერილი აწყობილია დასაბეჭდად, როცა ერთგვარ შვებას იგრძნობს ჩემი აფორიაქებული სული: **პრეზიდენტის შეპყნარებლური ბრძანებულება, რომ რეპრესიებს არ მიმართავს, ბოლოს და ბოლოს შედეგს გამოიღებს-მეთქი, ვიფიქრებ; გვეშველა-მეთქი, სიხარულისგან მიკანკალებს გული. რახან სმალი ქარქაშში ჩაგებულია, რახან საავდრო ღრუბლები გაფანტულა, ჩვენი ერთგული ენერგია აწი მაინც მოხმარდება თავზესაყრელ ათას საქმეს-მეთქი: დასათმენს დაუთმენენ, მისატყვებელს მიუტყვებენ, მაღალი ჩამოისრება, დაბალი აიწევა, ფართო ასპარეზი გადაეშლება თანამშრომლობას, თანადგომას, კონსენსუსს-მეთქი, მაგრამ ყვავილების ნაცვლად ისევ ტყვიები ზუზუნებენ ჩვენს ფანჯრებთან; ისევ გაბმული საყვირით მიმოქრიან მანქანები ქუჩებში; ისევ ბობოქრობს ალტერნატიული აზრი, მოითხოვს არსებობისთვის დროს, სივრცეს, მოქალაქეობას, ჩვენ კი, გვინდა თუ არა, ინგლისურის ცოდ-**

ნას ვიღრმავებთ „სუპერ არხის“ გადაცემებით. კვლავ ბნელდება ადამიანის ისედაც გაძალღებული სიცოცხლე! როდემდის? როდემდის!

ალბათ, უმრავლესობას გვახსოვს ტარკოვსკის გენიალური „ანდრეი რუბლოვი“. ამ ფილმში ერთ-ერთ ბოლო ნაწილს „ზარები“ ჰქვია. რუსეთი როგორღაც გადაიგდო მონოლ-თათართა თითქმის სამსაუკუნოვან ბატონობას. ეკლესიებში აღსდგება ლოცვა-წირვანი, თუმცა მტრის მიერ დაღწეული ზარები კვლავაც დადუმებულან. საჭიროა განადგურებულის განახლება — ხელმეორედ ჩამოსხმა, მაგრამ ამისი ერთადერთი შესაძლებელი ოსტატი გარდაცვლილია. და, აი, თოთხმეტ-თხუთმეტი წლის ყმაწვილი მამის ხელობას დაიბრალებს და შეუდგებიან კიდეც საქმეს; ზოგს წითელი მიწა მოაქვს ახლებიდან, ზოგს — ნახშირი. სხვები ხარაჩოებს აღმართავენ. არის განსაცვიფრებელი შეთანხმებული დინამიკა და ამ საყოველთაო ზეიმში, საყოველთაო აღმაფრენაში, გულამოსკვნით ქვითინებს ეკლესიის ყურეს მიყუდებული ის ყმაწვილი. მივა ვინმე მოხუცთაგანი, ჰკითხავს მწუხარების მიზეზს და ბიჭიც გაენდობა:

— ვიცრუე მამინ. მე ზარის ჩამოსხმა არ ვიცოდი, ეს თქვენ, ხალხმა მოიმოქმედეთ ყოველივეო.

თუკი უხეშ პარალელად არ ჩამომერთმევა, არც ჩვენი პრეზიდენტი და აღარც ჩვენი პარლამენტი ცალკ-ცალკე, დღეს სრული დანამდვილებით, სააფთიაქო სასწორის სიზუსტით ვერაფრით დაგვიხატავენ ხვალინდელი საქართველოს მომავლის აშენების ოპტიმალურ გზებს, ფორმას; ეს თანამშრომლობის, დროის ფაქტორის, სიტუაციათა ცვლილებების, პოლიტიკური კლიმატის, ერის ფსიქიკისა და ათასი სუბიექტურ-ობიექტური მიზეზის შეხმატკბილებული მოქმედების მერმინდელი შედეგია.

ქვეყნის ჩამოქანდაკება, ცხადია, გაცილებით ძნელია, ვინემ თუნდაც ცარგვალისოდენა ზარის ჩამოსხმა. ამიტომაც, როგორც არასდროს, სწორედ ახლა საჭირო მოსახლეობის ყველა ფენის შეხედულების შესწავლა, მშრომელი მასების იქნება ეს, ინტელიგენციისა თუ ოფიციალური და არარეგისტრირებული ოპოზიციისა; აუცილებელია მათი პრეტენზიების გააზრება, განხილვა;

იგნორირება, ჯერ ერთი, უზნეოა და მეორე — დამღუპველი; როგორც არასდროს, თანადროულია ახლა ოპონენტთა ნააზრევში გაფანტული დადებითი მომენტების ამოკრეფა, უარყოფითის უკუგდება; საჭიროა გლობალური სინთეზი.

მეგობრებში სულ გამშველებლად მცნობდნენ, და ჩემივე გამოცდილება მალაპარაკებს: მედიატორობა უმადური უმადური შრომაა დღემდე. სულცხონებული პაპაჩემი ბიქტორ ფეტელავას შეგონება მახსენდება:

— ვინ იცის, რამდენი ჰკუთახლესათვის მომიხრია მუხლი, რამდენი უღირსისთვის და ვიგინდარასთვის; განა საკუთარი ცხოვრების გამო — გულღედლობით?! მაგრამ სოფელში სიმშვიდე რომ ყოფილიყო, მდურვას და აყალმაყალს არ დაესადგურა, სისხლი არ დაღვრილიყო, ობლობას არ დავეთრგუნეთ, ჩავუხრიდი ხოლმე მუხლს წაკიდებულებს და უეჭველად შევარიგებდიო, — ასევე მეც წაქიშვებულ ამხანაგებს შორის ჩამდგარს, ყოველთვის გაცილებით მეტი მხვდება, ვიდრე — დანარჩენს, რადგანაც წაკინკლავებულებს ეს გაზავება უფრორე გააფთრებთ ხოლმე, ჩხუბის ახალ-ახალ ჟინს უღვიძებთ და იბეგვება ჩემი გულ-მკერდი თუ მხარ-ბეჭი. ის მუჯღუგუნები ჯანდაბას, ორ დოლაბს შორის მოქცეულ სიმინდის მარცვალს რომ არ ვგავდეთ ამ წუთას. უმწეოა ჩემი ხმა და გაორებულს მექვითინება ბალანაშლილი სამშობლოს გამო.

ღმერთო, ძლიერო, მოგვხედე ამ გაჭირვების ჟამს, მოგვმადლე ურთიერთშერიგების, ურთიერთშეწყალების ძალი! არადა, ვეზუვისმაგვარ საწუთროში ყოფნას შუბლში ცხრა გრამი ლითონი მიჯობს!

1991 წ.

ასეთი და ამგვარია ჩემი დამოკიდებულება პრეზიდენტის საშინაო თუ საგარეო პოლიტიკის მიმართ გასული წლის აგვისტო-სექტემბრის თვეებში. ზემოთ მოხმობილი წერილის მიხედვით ზვიადისტობას რამდენადაც ვიმსახურებ, განსასჯელად მკითხველისთვის მიმინდვია. მე სიმართლის თქმისათვის მოვლინივარ ქვეყნიერებას და გასაკვირი არაფერია თუ ვითარების შეფასებისას სასწორის იმ პინაზე აღმოვჩნდები, საითკენაც მეტი ჰეშმარიტებაა.

პოლიტიკურ ციებ-ცხელებაზე ენკენის 23-ს „რესპუბლიკაში“ წარდგენილი მასალა გიორგობისთვის ათსლა გამოქვეყნდება, მაგრამ უმადურობაა ჩემს მხრივ ამის გამო რედაქტორს დავემღუ-

რო. გულს არც ის ჩარევები მისერავს მაინცდამაინც — წინადადება თუ შეიკრიჭება, ზოგი ფრაზა და ტერმინი შერბილდება დასკვნებისას; ესეც გასაძღისია ქართული პრესის ალამდარი, ზურგშექცეული მეგობრების ფონზე.

აღნიშნული წერილი და კიდევ ადრინდელი „ღვთიური სამების“ მაკულატურისთვის განწირულ დედნებს, კოლხური თავაზიანობით შემკული ყმაწვილი — მამუკა ვაშაკიძეს შემოინახავს თურმე და მიხარია: ავტორისეული დანაკარგები აღდგენილა ორიგინალის დონეზე.

ვაგრძელებ ხუთი თვის წინათ დაწყებულ საუბარს და ათასი პასუხგასაცემი კითხვა ფუთფუთებს ჩემს სულში ახლა:

— რატომ ერთგულობს პრეზიდენტს უბრალო ხალხი? — ვკითხულობ ჩემთვის, — რატომ აღაზრდებენ მას მრავალი შეჭირვებულობის ჟამს და რისთვის აღივსება ქართული ინტელიგენციის გული გამსახურდიასადმი განსაკუთრებული სიძულვილით?!

— რა გამართლება აქვს პერესტროიკასა და გლასტნოსტს თუკი ორივეს აკვანშივე მოშობა უწერია, თუკი მათი სულისჩამდგმელი პრეზიდენტი და საგარეო საქმეთა მინისტრი თამაშგარეთ აღმოჩნდებიან **ÑÍ Ā**-ს სავალალო შეკოწიწებით-მეთქი, ვეძებ ხელჩასაჭიდებელს.

— ჰქონდათ თუ არა მორალური უფლება თავად მდებარებითი სქესის ხალხს: ირინე სარიშვილს, იზა ორჯონიკიძეს, ლუიზა შაკიაშვილს თუ სხვათა, „მდებრიონის“ დამამკირებელი იარღიყი მიეკრებიანთ კერებიდან ქუჩებში გამოფენილ მანდილოსანების ლევიონისთვის?! პოლიტიკაში გარეულებს რატომ ეჩოთირებათ მათსავით კოლგოტკიანებისა და გრძელთმიანების საქვეყნო საქმეებში მონაწილეობა?! ასეთი დამოკიდებულება ხომ აბსოლუტურად გამოაცლის ნიადაგს მათ ასპარეზს?! თუმცადა გვსმენია: ქაჩალმა იგივე მდგომარეობის ხვლეპუსას სიმელოტე წამოაყვედრაო;

— გამართლებულია განა თავისუფალი, დემოკრატიული ეწოდოს გაზეთს, რომელიც „კრონოსს“ დაირქმევს ქართული ვერსიით, იმ მოტივით, რომ ისინი მეფობენ და არა მეფენი; რომელიც გზას გაუხსნის პასკვილებს:

„თბოზიციურ მიტინგებზე იშვიათად, მაგრამ მაინც გაისმის მოუხთმაყვი ფრაზები ზვიად გამსახურდიას გასამართლების შესახებ, არა ვარ მომხრე. დემოტა დაგვიფაროს რეპრესიებისგან. ჩემი ნება იყოს, გადადგომის შემდეგ ზვიადს დაუცველად დოქტორის ხარისხს მივანიჭებდი, პროფესორად ავირჩევდი და უზენაესი საბჭოს ერთ-ერთი მრჩევლის თანამდებობასაც შევთავაზებდი“ (მიშველაძე)— მსგავსი თავდასხმებით შეიკლავენ ხელში თვეების წინათ ხმათა უმრავლესობით არჩეულ პრეზიდენტს, თან დემოკრატია არ გვაქვსო, დემაგოგობენ-მეთქი, ვკამათობ.

— დაიბანს თუ არა ხელს ოპოზიცია მას შემდეგ, რაც დეკემბრის აქციების მერმე, აღვზნებულ თანამზრახველებს ჩახერგილი რუსთაველის პროსპექტიდან ავტობუსებისა და „კამაზების“ რიგს გაათრევენებს, მზაკვრული ხერხებით გაუკაფავს გზას შეიარაღებულ ფორმირებებს მთავრობის სასახლისკენ, თვითონ კი იმ წუთში უკუდგება, ისევ პოლიტიკური მოთვალთვალის პოზას შეინარჩუნებს და საკუთარი ქვენა ქმედებებს გაამართლა ფრაზით: „**ჩვენ რა შუაში ვართ, როცა განხეთქილება მრგვალებს შიგნითაათ**“, — რილებენ ფიქრები გონებაში.

— იქნებ ჯობდა პრეზიდენტი გადამდგარიყო?! არც მმათა სისხლი დაიღვრებოდა და აღარც საფიცარი გამზირი გაპარტახდებოდა. მაგრამ მეორე ხმა მედავება: მაშ, ელატა საკუთარი პრინციპებისთვის? უგულებელყო ხალხის ნება? დაეშრიტა უმრავლესობის ნდობის ლამპარი?! უზნეობასთან ერთად უგუნურობა არ არის განა საზოგადოების წინააღმდეგ წასვლა, ვინაიდან სტიქიას აღმა შეჭიდებული დედამიწას მოწყვეტილი ანთეოსია-მეთქი, განვსჯი, ვეორჭოფები მეობას ჩემსას.

— ანდა შეძლებდნენ ოპოზიციონერები მთავრობის სასახლის თუნდაც კოშმარული შტურმებით დალაშქვრას, ციხე შიგნიდან რომ არ გამტყდარიყო?! როდიდან გაიბზარება ეს ციტადელი, რა მომენტიდან, რა ეტაპიდან-მეთქი, მეწმახნება სული.

— ამბოხი მოინათლება ვითომ სახალხო აჯანყებად, მით უფრო, როცა პრეზიდენტისა და პარლამენტის დასაცავად მილიონკაციან დედაქალაქში ორასათასიან დემონსტრაცია-მიტინგებს მიყოლებით დახვრეტენ დემოკრატია-თავისუფლების დასამყარებლად მოღვარცოფებული ხუნტელები-მეთქი, ლამის თავისქალა ამეხადოს.

თვალწინ მიტრიალებს პრეზიდენტის აღზევებისა და დაცემის ნიუანსები. კადრი კადრს ენაცვლება. სახეები სახეებში ითქვიფება. ფრაზები ფრაზებს ერწყმის და რაღაც უფორმო, ძნელადგასარჩევ მასალად იკვრება, იკონება.

აგერ, ბატონი თენგიზ სიგუა:

— გამოვიდეს ხალხში, ბუნკერიდან, თქვენი კურდღელი პრეზიდენტი! გამსახურდია ხელახალ არჩევნებში მონაწილეობას ვერ მიიღებს, ვინაიდან იგი ფსიქიკურად ავადმყოფია. არსებობს ამისი 1956-69-78 წლებით დათარიღებული სამხილი მასალა. შესაბამისად უკანონოა მისი დასჯაც.

— ყველანი „იკარუსებში“ ჩავსხედით. პრეზიდენტმა სულ ბოლოს დასტოვა ბუნკერი, — ეს ნემო ბურჭულაძეა.

— ჰიტლერმა ბუნკერში მოიკლა თავი, დე გოლი გადადგა, ნიქსონმა თავის დანიშნულმა ერთმა მინისტრმა რომ ვერ გაუმართლა (ლოთი გამოდგა), პოლიტიკას ჩამოშორდა, გამსახურდიას კი ყოველმა არჩეულმა მინისტრმა უღალატა და სამარცხვინოდ გაიქცა სამშობლოდან, — მეჩინებთა ტელევიზიის პოლიტიკური მიმომხილველი ცინცაძე.

— პრეზიდენტმა, მართალია, მემბოხეთა ალყა გაარღვია, მაგრამ მან ვერ შეძლო მთავარი — ქალე-ბის ალყის გარღვევა, — ერთსა და იმავეს იმეორებს „ავღანელი“ გიორგაძე.

— პრეზიდენტის მომხრეებს ძირითადად ორი არგუმენტი მოჰყავთ მის დასაცავად: „87 პროცენტი“ და „ვაცალოთ“, მაგრამ ნუ დაგვაიწყდება, რომ ეს „87 პროცენტი“ მას წილად ხვდა, როგორც პრეზიდენტობის კანდიდატს, ნდობის სახით, და არა — პრეზიდენტს; მერედა, სამი წლის ბავშვი თუ ხმას არ იღებს, არასდროს იტყვიან: ვაცალოთ, ალაპარაკდებო, არამედ მაშინვე ექიმს მიაშურებენ.

— ვერაფრით ვიხსენებ რუსთაველის სახელობის თეატრის ამ მსახიობის გვარს; ვიცი რომ დუმბაძის „მარადისობის კანონში“ რედაქტორის როლი უთამაშია, ფანჯიკიძის „თვალი პატიოსანშიც“ გარდაისახებოდა მაყურებელთათვის მოსათმენად.

— საქართველოში პრეზიდენტობის ღირსი კაცი არ მეგულება, — მერამდენედ გვთავაზობს ერთუცნობიან განტოლებას მინორული ხმით ბატონი აკაკი ბაქრაძე. ე.ი. ამონახსნი მის ფარგლებს გარეთაა.

არა, რალაც მოჯადოებულ წრეში შეგდებულ, სიბნელეში დაყოვნებულ ხარს ვგავარ, წითელ ხელსახოცებს რომ უფრიალებენ თვალწინ და ზურგსუკან დამალულ დაშნებს სადაც არის ოსტატურად უმარჯვებენ ამბოხებულ ქედში.

განხეთქილება

ჯერ კიდევ, თავზედამტყდარი უბედურებანი სადღაც ცხრა მთას იქით იმალება, როდესაც ფილარმონიის სააქტო დარბაზში გამართულ ეროვნულ ფორუმს ბზარი გაუჩნდება. ამის ძირითად მიზეზად ასახელებენ შეიარაღებული ფორმირებების დაწოლას, კერძოდ, იქ გამართულ სროლას — ზვიად გამსახურდიაზე თავდასხმას, თუ უფრო მნიშვნელოვანს — აზრთა სხვადასხვაობას საქართველოს განთავისუფლების საკითხში: გამსახურდია ამჯობინებს მშვიდობიანი, საპარლამენტო გზით მოპოვებულ თავისუფლებას, რასაც არსებითად უპირისპირდება ფორუმის მონაწილეთა დიდი უმეტესობა.

ბალტიისპირელი ხალხების უიარაღო ბრძოლა თავისუფლებისთვის მათ უტოპიურად მიაჩნიათ, და გათიშულობა, ცხადია, მოქმედების ორ სტრატეგიას დასახავს.

პირველ ხანებში ცხოვრების ზედაპირზე ამოტივტივდება ეროვნული ფორუმი. ზვიად გამსახურდია და „მრგვალი მაგიდის“ წევრი პარტიები ნაწილობრივ მიიჩნდილება, თვალს მიეფარება და იქმნება შთაბეჭდილება, რომ ყოველივე კონგრესის სულისკვეთებით გაისჭვალება, მაგრამ სინამდვილე დაგვანახებს — ფორუმის იდეას კომუნისტური რეჟიმის ბატონობისა და ზვიად გამსახურდიას განზე დგომის პირობებში გამარჯვება არ უწევია.

კვირას დილა-ადრიან მივალ ედპ-ს შტაბბინაში რუსთაველის პროსპექტზე. თვეების წინათ იქ კომკავშირის რაიკომი ბინადრობს, მაგრამ ენერგიულ-აგრესიული კასტა კინწისკვრით გარეკავს ყავით გაჭყპილ ჰალსტუხიან კომსომოლებს. აი, სწორედ აქ მდებარეობს ერთ-ერთი საარჩევნო უბანი. მომწოდებენ ბიულეტენს. მე ეროვნულ-დემოკრატიებს ვუყრი კენჭს გიორგი ჭანტურიას სასარგებლოდ. უფრო მეტიც, მე ჩემი ფეხმძიმე მეუღლის სახელითაც გამოვუცხადებ ნდობას ამ პარტიას და მის ლიდერს. გრაფაში უზუსტესად ჩავაწერინებ ჩემსა და ჩემი თანამეცხედრის ვინაობებს, სხვა აუცილებელი მონაცემებს.

მოკლედ, ეროვნულ კონგრესს, ფორუმის იდეას, ერთი ხმით მეტი აღმოაჩნდება ჩემი ოჯახიდან. ეს განწყობილება სრულიად ბუნებრივია, ვინაიდან ცხრა აპრილის შემდეგ ნებისმიერ ალიანსს მივყიდდი სულს, გნებავთ — თვით მეფისტოფელსაც კი, ოღონდ ჩვენს ბედკარულ ქვეყანას რამე შევლებოდა, მაგრამ იმ ბუზლუნა კვირადღას, იმ როსტოკაკა ამომრჩევლის შემხედვარეს, შემეგუ-ვება ფორუმის იდეის გამარჯვება.

მაშინაც მიერთვულეს გუმანი. არჩევნები მომდევნო დღესაც გაგრძელდება, თუმცა საჭირო რაოდენობის ხმა ველარაფრით მოგროვდება.

ზოგიერთი ლიდერი სატელევიზიო გამოსვლაში შეეცდება შავის თეთრად წარმოჩენას: კვორუმი შედგაო, რაც მერე და მერე წმინდა წყლის სიცრუე აღმოჩნდება; საერთო განწყობილების და უფრო სარწმუნო მასალის — არჩევნების შედეგების მიხედვით, ფორუმის იდეა ჩაფლავდება.

იწყება ახალი ეტაპი ქართულ ეროვნულ მოძრაობაში, ახალი ერა ქართულ საარჩევნო პრაქტიკაში. მართლაც, განა ცოტა ომი და გაწამაწია დასჭირდება ჩვენში მრავალპარტიული არჩევნების ორგანიზებას პირველად სსრკ-ს ტერიტორიაზე?! და თუ გუმბარძის მთავრობა წავა ამ დათმობაზე, ისევ და ისევ ცხრა აპრილის აჩრდილის მომწუსხველი ვიბრაციით დამფრთხალი; ვინძლო, ცალსახა კომპარტიის არჩევნებიც გაბითურდეს ფორუმის მსგავსად, მთლად ცარიელ-ტარიელზე აღმოჩნდებოდებიან ისინი და ეროვნულ ძალებს მმართველობის აპარატისკენ გზა მისდაუნებურად ეხსნებათ. აბსოლუტურ კრახს კვლავ გარკვეულ დანაკარგებს ამჯობინებენ ფუნქციონერები და აი, დაიწყება მრავალპარტიული საარჩევნო კამპანიაც.

მართალია, ბრძოლა უთანასწოროა, მაგრამ ერთუზიაში — დაუოკებელი, ენითუთქმელი. დიდი შეხლა-შემოხლის შემდეგ არაფორმალების სასარ გებლოდ განისაზღვრება დეპუტატების რაოდენობა. დამტკიცდება არჩევნების პრინციპიც — მაჟორიტარული და პროპორციული.

მოკლედ, უკუდო ხარის მსგავსი კომპარტია თავისას ჩალიჩობს, ეროვნული მოძრაობის ლიდერები თავისას ცდილობენ. სატელევიზიო ეთერიც შესაბამისად განაწილდება. გაჩაღდება ისტერიული თავდასხმები „მრგვალი მაგიდა — თავისუფალი საქართველოს“ სპიკერისა და მისი ქვეშევრდომი პარტიების პროგრამათა მიმართ.

ამას არც „სახალხო ფრონტი“ ერიდება და აღარც — „რუსთაველის საზოგადოება“. სხვები შედარებით კორექტულობას იჩენენ, ვთქვათ, მაგალითად, როგორც ფედერალისტი ირაკლი შენგელაიაა, მაგრამ ყველასდა გასაოცრად, თვალსა და ხელს შუა გამოიძერწება სწორუპოვარი პიროვნება — ზვიად გამსახურდია, ერთი — ყველას წინააღმდეგ.

შედგმაც არ დააყოვნებს — „მრგვალი მაგიდის“ დამანგრეველი ძალა თვალსაჩინო შეიქნება: ისინი პარლამენტში თითქმის ორ მესამედ მანდატს გაინაღდებენ, რაც ფაქტობრივად ერთი ინდივიდუუმის, ერთი ავტორიტეტის — ზვიად გამსახურდიას წყალობაა.

აქედან გამომდინარე, პირველსავე შეკრებაზე, ბატონ მუხრან მაჭავარიანი უზენაესი საბჭოს თავჯდომარედ ზვიად გამსახურდიას კანდიდატურას შესთავაზებს პარლამენტს და მტერი თუ მოყვარე ერთსულოვნად დასცხებს მრავალწუთიან ტაშს, იმდენად ძლიერი აღმოჩნდება მისი ზემოქმედების მაგნიტური არე, იმდენად დამმუხტველი და ზეამწვევი, რომ ძნელია იმ აპლოდისმენტების სიყალბეში შეეჭვება, მით უფრო, როცა აქა-იქ წამოძახებულ „ზვი-ა-დის“ ფეხზეწამომართული აპყვება მთელი დარბაზი. ეს დღეები, ეს კვირანი ჩემთვის აღიქმება, როგორც ხალხის სულში დაგუბებული საუკუნოვანი ბოღმის ამონთხვევის, გულის მოოხების უნეტარესი ხანა.

ყირამალა წამოტივტივდება პროლეტარიატის ბელადის ძეგლი თავისუფლების მოედანზე. არსად დარჩება საქართველოში მისი სახსენებელი ცხინვალსა და სოხუმს გარდა.

ჩამოიზლიტება ქუჩებიდან აბრები და ფირნიშები. მშობლიურ გამზირებზე პირველად განათდება სათაყვანებელი სახელები: დავით აღმაშენებელი, თამარ მეფე, მერაბ კოსტავა, კონსტანტინე გამსახურდია თუ ათასი სხვა.

აქ უპრიანია სამი მომცრო წერილის შემოშველიება, რომელთაგან ერთი „ახალგაზრდა კომუნისტში“ დაიბეჭდება 1988 წლის 22 ნოემბერს, ხოლო მეორეს არქივის მთვარეულ მასალებში აღმოვაჩენ ახლახან, მესამეს კი მოგვიანებით შევქმნი, ოლიგარქიული აზროვნების პერიოდში:

ბაილშია ღა ღაიარა (1)

სულ რაღაც ორი კვირის წინათ გამოქვეყნდა პრესაში „ქართული ენის სახელმწიფო პროგრამის პროექტი“, რომელ საშვილიშვილო კურსს რა ხანია ამკვიდრებს ლევან ღვინჯილიას ტელესიუჟეტი „მოამბის“ გამოშვებაში — „ენა დედაა ერისა“.

ვიტყოდი გულწრფელად, რომ ერთსულოვანი ველარ გამოვდექით, თორემ აქამდე არსებული მრავალი კურიოზი დღის წესრიგიდან მოიხსნებოდა:

არ გამოიცემოდა ტელეფონების ცნობარი რუსულ ენაზე;

რკინიგზის სადგურის სასაუზმეს არ დაასახიჩრებდა ფირნიში „ბისტრო“;

არ მიეწებებოდა რძეს და მაწონს უცხოენოვანი იარაღები;

ჩვენი მოურჩენელი გულგრილობა რომ არა, აქამდეც მოვნათლავდით ღირსეული სახელებით დედაქალაქის უამრავზე უამრავ ქუჩას, როგორცაა: ანაპის, დივიზიის, არარატის, ახალარსენალის, ენგურ-ჰესის, ზედამეტალურგის, ინტერნატის, ინდუსტრიული ინგურის (!) კამოს (?) კოლექტივიზაციის, კომკავშირის, კომუნისტური შრომის, კონსტიტუციის (საინტერესოა რომელი კონსტიტუციისა), ლიბანის, მაღაროს, მუშკორის, ოქრომჭედლების (სადღაა ბეჭა და ბეშქენ ოპიზარები), პიონერის, პრავდის, პროლეტარის, რევოლუციის, საბარგო დასახლების, საზენკლოს, სანერგის, საყვირის, სახალხოსი, სკოლის, სტამბის, ტრანსპორტის, ფერშალის, ფიზკულტურის, ფოსტის, ღვინის, შავი ზღვის, წყალსადენის, ხაზინის, ხრამჰესის, ხუთწლედის, როცა აქამდე არ მოგვეპოვება არისტოტელეს, ავიცენას, ბაირონის, ბეთჰოვენის, ბალზაკის, გოეთეს, დოსტოევსკის, დანტეს, ვიონის, შექსპირის, სერვანტესის, ჰომეროსის სახელობის ქუჩები.

ამახდევინა ერთი იმ ნათლიმამათა თავისქალანი წამით, ქალაქის აღმასრულებელ კომიტეტში რომ ბულრაობდნენ და მერე არარას ვჩივი!

ახლა, რაც შეეხება ტელესიუჟეტს „ენა დედაა ერისა“:

მოსაგვარებელია მისი პერიოდულობის საკითხი. საჭიროა ეს სიუჟეტი ყოველდღიურად თუ ვერა, კვირაში ერთხელ მაინც გადიოდეს ეთერში. მასალების დაგროვებას კი არ უცდიდეს, არამედ წვეთ-წვეთობით გვაწვდიდეს ინფორმაციას, წვეთი კი, ლათინებს თუ ვერწმუნებით, ქვასაც ხვრეტს.

ჟურნალისტი და ენათმეცნიერი ლევან ღვინჯილიას მამულიშვილობის მეოხებით ფეხადგმულ საქმეში ერთი გაუხსნელი შტრიხიც ნამდვილად მოითხოვს ამეტყველებას. ვგულისხმობ სიუჟეტის ვიზუალურ ქუდს — დედა-ენის სიმბოლოს — ცაში აჭრილი ბიჭის სკულპტურას, თავისთავად მორგებულსა და მშვენიერს, მაგრამ ჯერ კიდევ ბოლომდე გაუშიფრავს. აღნიშნული სიმბოლო-თვალსაჩინოების გვერდით ზედმეტად მიმაჩნია ნებისმიერი მუსიკალური ჩარევა, უმჯობესია მას ნამდვილი ზარის ჩამორეკვის ხმა შეენაცვლოს, მით უმეტეს, რომ ცაში აფრენილი ყმაწვილიც სწორედ ამ დადუმებული ზარისკენ, ერის გასუსული სულისკენ მიილტვის, მაგრამ თუ მაინცდამაინც სიმღერა „ო, დედა-ენის“ გარეშე ვერ გვისულდგმულია, დაე, მის ფონზე სამჯერ გაისმას: — **ძიინ! ძიინ! ძიინ!** რაც ტოლფასია ცნებისა: **ეროვნულმა თვითშეგნებამ გამოიღვიძა და დაიძრა!**

რაბ სახელი?!

სადიბლომო თემაზე მუშაობისას ჟურნალ „ცისფერ ყნწებში“ წავაწყდები გრიგოლ რობაქიძის ესსეს „სიტყვის როია“, რომელშიც მეტად ორიგინალურადაა გაშუქებული სახისა და სხეულის (ალბათ, სახლისაც), ურთიერთმიმართების საკითხი.

სახე-სახეული-სხეული, ასეთია რობაქიძისეული დაკვირვებით სხეულის წარმოშობის ლინგვისტიკური სურათი. დავსძენდი, რომ წესით იგივე გზა უნდა გაევილო სახელსაც — **სახე-სახეული-სახელი**.

პირველ შემთხვევაში სხეული სახის ფიზიკური, სპეკულატური, ტელარული გაგებაა, ხოლო მეორეგან — მისი შინაარსი, იმანენტურობის დამადასტურებელი. სხეული სახის გარეგნული გამოხატულებაა, სახელი კი შინაგანი ბუნების აღქმა. სახელის მოხვეჭა შოთასთან გაიგივებულია უზენაესთან, უმაღლეს კატეგორიასთან, რადგანაც მხოლოდ მისითაა შესაძლებელი თვითმყოფადობის, სხეულებრიობის დამკვიდრება ცისქვეშეთში. ამიტომაცაა თავად სახელოვანი სიკვდილი ნაზრახი სიცოცხლის დამთრგუნველი, რამეთუ სახელი აღმატება სხეულს და მთელი სიზუსტით გადმოგვცემს ყოველი ტანის სახეში დაფიქსირებულ აზრს.

ექვსი ათეული წლის წინანდელი კუროოზია: ავყრით კაპიტალისტურ ლიანდაგებს და სოციალისტურს დავაგებთ, გადავნათლავთ ქალაქებს და სოფლებს, მოედნებს და ქუჩებს, მაგრამ თანასწორუფლებიან საზოგადოებას მაინც ვერაფრით ავაშენებთ.

დავწურავთ ახალი ღვინოს და ჩავასხამთ ახალ ტიკებში, თუმცა სულის აღმაფრენას ვერანაირად ვეზიარებით — გამოცდილის, ძელგის სანაცვლოდ თავთხელსა და უჟმურს გავაყოველთავეთ. დავარქმევთ შვილებს, ვილენს (ვლადიმერ ილიჩ ლენინ), ლესტას (ლენინ-სტალინი), რევდენს (რევოლუციონნი დენ), რევდიკს (რევოლუციონნაია დიკტატურა), მაგრამ თითიდან გამოწოვილი ნეოლოგიზმები სიზიფეს შრომა გამოგვადგება, ფორმა შეუთავსებადი აღმოჩნდება შინაარსთან.

აღარც სნობიზმი და სიბეცე მოგვიწოდებ ნაკლებად. დღეს ირონიულ ღიმილს იწვევენ ჩემში ქართველი ჰამლეტები თუ ფაუსტები, იაგობები თუ ტრისტანები, ოფელიები თუ ჯულიეტანი.

უნიკალური ჩვევა ჰქონდათ ევროპელებისგან ჯვარცმულ ინდიელებს, ისინი პატარაობისას ბიჭუნათი და გოგონათი მიმართავდნენ შვილებს, მხოლოდ ხასიათის ჩამოყალიბების შემდეგ მიაკუთნებდნენ ზედწოდებას დამსახურებისამებრ.

მოკლედ, ნუ ჩავაყენებთ შვილებს უხერხულ მდგომარეობაში, ნუ მოვნათლავთ ყბადაღებული სახელებით, როგორცაა: გულადი, არველოდი, არდალიონი, მეგონა, მისრული და კიდევ ვინ მოსთვლის.

ან მოსათმენია განა აქამდე რომ ვეღარაფრით აღდგენილა ისტორიული სინამდვილე და მარტვილს გეგეჰკორი ჰქვია დღესაც, (მარტვილი ტანჯული, მოწამეა ბერძნულად, გეგეჰკორი — გეგეს, წმ. გიორგის ყმა, მეგრულად), სენაკს — ცხაკაია, ოზურგეთს — მახარაძე, ხონს — წულუკიძე, ბაღდათს — მაიაკოვსკი?! მაინც და მაინც რევოლუციის რაინდების გაუკვდავება თუ გვეწადა, ხომ შეგვეძლო მათი გვარ-სახელები ამ ქალაქთა მთავარი ქუჩებისთვის მიგვეკუთვნებინა ლენინის სანაცვლოდ?! წარსულსაც ვუერთგულებდით და მომავალსაც.

იუმორის თემაა ჩვენი რესტორნების სახელები, ხოლო ღვინოები ხომ მთლად კუთხე-კუნჭულიანად აყრილან უგემოვნო და არაფრისმთქმელი იარლიყებით ჩრდილოეთისკენ თუ მის ფარგლებს გარეთ. რა საჭიროა „ჰერეთი“, „იმერეთი“, „კახეთი“ (უკეთეს შემთხვევაში უნდა იყოს ჰერული, იმერული, კახური), როცა სამასი ჯიშ-ჯილაგის ვენახი ხარობს საქართველოში?! მაშ, მოვეშვათ გამოდგონებლობას და მივაგოთ კეისარს კეისრისა — რქაწითელს რქაწითელი ვუწოდოთ, ჩხავერს — ჩხავერი, საფერავს — საფერავი, ოჯალეშს — ოჯალეში. ხომ მოგსდგამდა ამისი გამოცდილება ოდითგანვე?! ჰოდა, ბოლომდე ვუერთგულოთ, ჯანსაღ ტრადიციებს, ბატონებო!

* * *

სათანადო კოსმეტიკა ჩაუტარდება აქამდე მოპარპაშე კომუნისტურ კონსტიტუციას. სანთლით საძებარი გახდება შიგნით სიტყვა „სოციალისტური“ და ამ იდეოლოგიასთან დაკავშირებული ტერმინები, მაგრამ არც ის არის დასამალი, რომ სტრუქტურა იგივე დარჩება, ახალ ღვინოს კი ახალ ტიკებში შთაასხამენ ხოლმე სახარების რწმუნებით და მოგვიანებით, როგორც მოსალოდნელია, ქუჩის ოპოზიციად მონათლული პოლიტიკური ძალა, ხელზე დაიხვევს ყმაწვილი მთავრობის გაუბედავ ნაბიჯებს — უკუგდებულა ცხრაასთვრამეტი წლის კანონმდებლობა, კონსტიტუცია, რომელიც ცივილიზებული მსოფლიოს მიერ საქართველოს აღიარების სრული გარანტიაა, როგორც დე-იურედ, ისე — დე-ფაქტოდაც.

ხელისუფლება დუმის ამჯობინებს აღნიშნული აქციების გასანეიტრალებლად და რამდენადაც ახლა ვსაზღვრავ, სხვანაირად მას აღარც ძალუძს; ჯერ კონკრეტული მიზანი — საქართველოს თავისუფლებაა განსახორციელებელი, ხსენებული კონსტიტუციის მიღება კი ფაქტობრივ დაპირისპირებას ნიშნავს მეზობელ ქვეყნებთან; ეს იგივე ომის გამოცხადებას გულისხმობს, საზღვრების გადასინჯვას, სადავო, მამაპაპურ მიწებზე პრეტენზიების გამჟღავნებას.

მიძნელდება ახლა ოპოზიციის მოთხოვნების გაზიარებაც, რომლის დაჟინებული მტკიცებით ეროვნულ მთავრობას საერთოდ არ სურს საქართველოს თავისუფლება; რომ საბჭოეთიდან გასვლას არც კი აპირებს, მზადაა ახალ სამოკავშირეო დოკუმენტზე ხელის მოსაწერად; რომ განუხრებლად ხორციელდება საქართველოს ლიბანიზაცია, კარჩაკეტილობა და მასთან დაკავშირებული აურაცხელი ეკონომიკური თუ პოლიტიკური შეზღუდვა.

ამასობაში წარმატებით ჩატარდება რეფერენდუმი, რომელიც თვალნათლივ ცხადყოფს საქართველოს მოსახლეობის ერთსულოვან მისწრაფებას სრული დამოუკიდებლობისკენ.

საქართველოს რესპუბლიკის მომავლის კონტურები დღითი დღე იკვეთება. მისი საშინაო და საგარეო პოლიტიკის ირგვლივ კვლავინდებურად გველს ანთხევს TNÍ -ი, „ერემია“. უცხოეთის პრესა წაილეკება არსებული ხელისუფლების „ცხვირს იქით გაუხედავი“ პოლიტიკის „მხილებით“.

ამას ზედ წაემატება საერთო აღმშენებლობით საქმიანობაში იგნორირებული ჭრელი ძალების (თუმცა მთავრობა არაერთგზის შეეცდება მათთან საერთო ენის გამონახვას), დაუღლეი მუშაკობა ხელისუფლების ლიბოს გამოსაშლელად.

ბუნებაც გვიმტყუნებს. მიწისძვრა ნამოსახლარად გვიქცევს ასობით ოჯახს რაჭაში; წყალდიდობა იავარქმნის მთიან აჭარას; სამხრეთ ოსეთის, ძირძველი სამაჩაბლოს, სეპარატისტულად განწყობილი წრეებიც, დროს იხელთებენ, როგორც საუკუნის დამდგეს და საჯაროდ რესპუბლიკად გამოაცხადებენ ფეშქაშად ბოძებულ შიდა ქართლს ჩვენსას; კომუნისტების ინტერნაციონალიზმის

ბეცი თუ ცბიერი პოლიტიკა ბუმერანგით დაგვიბრუნდება.

საჭირო ენერჯიას მოვიძიებთ სისხლხორცეული მიწა-წყლის დასაცავად; საჭირო გახდება სამხედრო პოლიტიკის მოშვლება, რათა სამაჩაბლოს ქართველობა ჯაყოს ხიზნებად არ იქცნენ. და ბუნებრივია, უკვე პარლამენტისგანვე პრეზიდენტად შერაცხული უზენაესი საბჭოს თავჯდომარე, უკიდურეს ფორმას მიმართავს — კომენდანტის მმართველობას შემოიღებს შიდა ქართლში.

მოგვიანებით ამ აქციას ულტიმატუმის შემცველი უკაზიც მოჰყვება გორბაჩოვისგან, რომელსაც ზურგს უმაგრებს ვინმე ღამურა ბუჩუკურის „ვრემიასთვის“ მიცემული ინტერვიუ.

იმავე საღამოს საკმაოდ ვრცელ წერილს მოვამზადებ სსრკ-ს პრეზიდენტის სახელზე და ორასმანეთიანი ღებებით მოსკოვს ვაფრენ. „საქართველოს რესპუბლიკასაც“ წარვუდგენ მის ასლს დასაბეჭდად, მაგრამ ვერც ამჯერად მოვიპოვებ ამ პირტიტველი მამუკელა-რედაქტიორის ნდობას. ახლა ოპერატიულობაზე ვერაფერს მეტყვის: ქანდარიდან ქათმები ძლივს ჩამოშლილან, ისე ვაახლებ წერილს.

— ვრცელია, ვრცელიო, — დამისხლტება ხელიდან კუდიტ დაჭერილი თევზის მსგავსად და ასე მიჩუმდება ერთ-ერთი ქართველი მწერლის ხმა საზოგადოებისათვის.

შესაძლოა, აქ, ოთხმოცდაათიანი წლების ეროვნული მოძრაობის ჩვენებისას, ზოგს უაღვილოდ მოეჩვენოს მისი მოხმობა, მაგრამ რადგანაც იგი მეტნაკლებად უკავშირდება დასახლებულ თემს, მცირეოდენ ლირიკულ გადახვევად ჩამეთვალოს:

ღია წერილი

პრეზიდენტ ბორბაჩოვს

ბატონო, პრეზიდენტო, ბოლომდე გულწრფელი რომ ვიყო, მიუკიბ-მოუკიბავად ვიწყებ: თითქმის კოლეგები გვეთქმის — თქვენ ლაურეატი ბრძანდებით იმ პრემიისა, რომლისთვის, აჰა, ღამის საუკუნეა იბრძვის ჩვენი ქართული მწერლობა და ცხადია, მათ შორის თქვენს მონა-მორჩილსაც უღიტინებს სულში სტოკჰოლმის მეტად საპატიო კათედრაზე ამაღლება. აქ საჩოთიროს ვერაფერს ვხედავ, ვინაიდან ჩემი სულმნათი წინაპარი რუსთველიც ამას გვიქადაგებს: სჯობს სახელისა მოხვეჭა, ყოველსა მოსახვეჭელსაო. მოკლედ, ბევრი რომ არ გავაგრძელოთ, ბატონო, პრეზიდენტო, ჩემი აღმატებულების ლიტერატურული ფსევდონომი გახლავთ გური ოტობაია. ისე კი ცნობისათვის, მეც მიხეილის ძე ვარ, ოღონდ — ფეტულავას გვარით. ეს ფსევდონომი ჩემი მშობლიური სოფლის სახელის ანარეკლია — ხალხის ინტერესების მნათეობა მწადდა გვართაც და ამიტომაც მიმიმართავს აქამდისაც მრავლად ნაცად ხერხისთვის; თანაც საამისოდ ჩემი დიდი თანამემამულის, ბატონ კონსტანტინე გამსახურდიას, შემოქმედებაც მაქეზებდა. მის უკვდავ რომანში „დიდოსტატის მარჯვენა“ ჩემი ფსევდონომი შემდეგნაირად მოიხსენიება:

— **ხარაჩოებიდან ჩამოვარდა მეფის მხატვარი ოტობაიაო.**

ქვეტექსტი ასეთია:

— **ხელოვანი იღუპება ტირანის ბირთბუშიო,** — აცხადებს სწორუპოვარი მწერალი, რომელი ბელეტრისტიც სხვათა შორის, თვით პროლეტარიატის ბელად ლენინსაც კი სამარცხვინო ბოძზე აკრავს ცხრაას ოცდაერთი წლის ვანდალური აქციისათვის — სუვერენული, დემოკრატიული საქართველოს მუხთალი ანექსიისათვის. სიცხადისათვის, სწორედ ამ მწერლის ძე გახლავთ ჩვენი ხალხის რჩეული, საქართველოს რესპუბლიკის უზენაესი საბჭოს თავჯდომარე — ბატონი ზვიად გამსახურდია.

ვიცი, დეპეშაში ძნელია სრულყოფილად ჩავტოვო სათქმელი, და მაინც ცოტა შორიდან დავიწყებ. თქვენეული სიტყვის თავისუფლებით საშუალება მომეცემა საკუთარი ხარჯით რომანი დავსტამბო. ასე რომ, ფინანსური მხარეები ნაკლებად მაწუხებს. თქვენც ხომ იქმთ ხშირად ქველმოქმედებას, როცა კუთვნილ ჰონორარს გაჭირვებულ და ულუკმაპურო საბჭოელებს უწილადებთ ხოლმე. ჩემი საქმეც დაახლოებით ასე.

დამერწმუნეთ, ბატონო, პრეზიდენტო, რომ მას შემდეგ, რაც თქვენ მობრძანდებით ქვეყნის მეთაურად, დავილუპები კაცი, რადგანაც საკუთარი პროფესია გადამავიწყდება, დამავიწყდება, რომ დღენიდავ უნდა ვწერდე, კალამს ვაწრიპინებდე, ვშლიდე და აღვადგენდე, რადგან იმდენ სიკეთეს მოველი ე.წ. პერესტროიკიდან და გლასტნოსტიდან, ტელევიზორის ეკრანს მივეჯაჭვები მე უბედური.

სესიებს სესიები გადაებმეა, ყრილობებს — ყრილობები, მოგზაურობებს — მოგზაურობანი, (ისე ღმერთს მართლაც დაუჯილდოებინართ ციციკრონის ენამჭევრობით) და რა გამოდის, საუბრობთ

თქვენ მთელი ხუთი წელიწადია, გისმენთ მე ადეკვატური ქრონომეტრაჟით. ერთი სიტყვით, მიგელ დე საავადრას განუმეორებელი გმირის — მწუხარე სახის რაინდის სიტუაციაში თუ არ ვარ, იმ ცხვრის ფარის რიგით წევრს რამდენადმე ვემსგავსები, გამხმარ გუდაში კატას რომ ჩაუსვამს მოხერხებული მწყემსი და სხვენზე ჩამოუკიდებს ცოხნის შესაწყვეტად, სულის შესანარჩუნებლად.

ბატონო, პრეზიდენტო, ვიწყებ საფრანგეთში თქვენი ვიზიტით. როგორ დამავიწყდება მაშინდელი თქვენი თავგამოდებული მტკიცებანი, თითქოს შეუდარებელი საზოგადოების წიაღიდან საუბრობთ, საზოგადოებისა, რომელსაც უფასოდ ატილია სწავლა-განათლება, სამედიცინო მომსახურება. ის კი მიიჩქმალება მაშინ, რომ ეს სიკეთენი თითქმის ფარსია ჩვენეული სინამდვილიდან გამომდინარე, მაგრამ მე უფრო გლობალური საკითხი მაინტერესებს.

ბატონო, პრეზიდენტო, ნუთუ მართლაც სერიოზულად მიგაჩნიათ დებულება — „უფასო მომსახურება?“ მაშინ გეკითხებით, საიდან აჩალიჩებს სახელმწიფო სათანადო სახსრებს ამ საქმეთათვის, მამა ღმერთისგან ხომ არა ციურ მანანას მიმსგავსებით?!

ცხდია, მარცხენა შემოსავალი ერთადერთს, სახელმწიფოსდა, არ უნდა გააჩნდეს წესით, თუ იგი ავადსენებული იარაღით არ ითბობს ხელებს, ვთქვათ და ისეთი პროფაზისტური ქვეყნისაგან, როგორც სადამ ჰუსეინის ერაყი; ჰოდა, იმას ვამბობ, რომ ვინ, რომელმა გონებამ შეითხნა სახელმწიფოსაგან თავისი ხალხის უფასოდ მომსახურება?! განა საბჭოთა მოქალაქეს სრულყოფილად უნაზღაურდება გასამრჯელო, ხელფასი, ჯამაგირი თავისი რეალური შრომიდან?! ეს ხომ თემა კომედისა „ვაი ჭკუისაგან“?

ასე რომ, ბატონო, პრეზიდენტო, უმჯობესია ვალიაროთ: ჩვენ საწყლები ჩვენი ნამუშევრის ერთ მეხუთედსლა ძლივს ვინაღლებთ, როცა ამ ფულის ოთხი მეხუთედი იმპერიალისტური მიზნებისკენაა მიმართული და ხშირად ხერხდება კიდევ მისი რეალიზაცია ავლანური გენოციდების, ქართული ცხრა აპრილების თუ აზერბაიჯანული იანვრების სახით.

მადლობა უფალს, მსოფლიო ჩაღით არ არის დახურული! მადლობა უფალს, კრახს განიცდის რუსული ჩექმითა და ხიშტით ქვეყნიერების საყოველთაო გაწითლების გეგმა. ამ საქმეში უთუოდ ყვანტალებს თქვენეული წვლილიც ავლანეთიდან თუ ევროპის ქვეყნიდან საბჭოთა უკანდახვევაში, მაგრამ ამისხენით ღვთის გულისათვის, რისთვის უხმობთ რესპუბლიკებიდან კიდევ ათასობით წვევამდელ ახალგაზრდას, როცა ტვინნაღრძობი აღქმნის სიტყვებს თუ დავესესხები, ასეულ ათასობით უსახლკარო სამხედროსთვის ვერაფერი მოგიხერხებიან?!

ბარემ აქვე გაგანდობთ, სამხედრო სამსახური რანაირადაც მესმის. თითქმის უმეტეს სამხედრო ნაწილში უფუნქციო არსებობაა წლების მანძილზე. ჩვენი ყაზარმული ცხოვრება „სბორებზე“ (სამხედრო ნაწილის ნომერს არ ვასახელებ სახელმწიფოებრივი უშიშროების მიზნით), იმით ამოიწურება, რომ გორაკი-საფარი მოვხსნათ ერთი პოზიციიდან და სხვაგან გადავიტანოთ-გადავწეროთ. მოკლედ, ასეულის მეთაურის დაწყებულ საქმეს გენერალი აგვირგვინებ. ასე რომ, მათი გემოვნებისა და სტრატეგიული შეხედულების შესაბამისად, ხეტილობს ეს გორაკი პომეროსისა არ იყოს, სამხრეთიდან ჩრდილოეთით და აღმოსავლეთიდან დასავლეთისკენ.

რაც შეეხება ავლანეთიდან დემობილიზებულებს, სისხლში ხელგასვრილებს და ამდენად, დასახიჩრებულებს, როგორც ფიზიკურად, ისე — სულიერად, კეთილი ინებონ და AËI -ის ნაცვლად ბარს და თოხს მოჰკიდონ ხელი! რა, ვითომ, ნაოფიცრალს არ ეკადრება პროფესიის გამოცვლა?! შტატების შემცირების გამო ხომ ინერგება პრაქტიკაში ინჟინრის გაეჭიმება და ექიმის გაბეითლება, ან ხარაზის გადალაქება და დალაქის გაყასბება?! (სპიდის საშიშროება პარიკმახერებსაც დაატყო თავის მსახვრალ ხელი, წვერის მოპარსვა რომ აიკრძალება. მალე შესაძლოა პეტრე დიდის ნაჯახებიც დაგვჭირდეს, ქოსათა გამოკლებით). ერთი სიტყვით, კეთილი ინებონ და იმ დემობილიზებულმა თუ დემონტაჟებულმა ამხანაგებმა დროა იზრუნონ თავიანთი კვალიფიკაციის პროფილის შესავლელად, მაგრამ ფუქია ყოველივე, ბატონო პრეზიდენტო, თუნდაც იმიტომ — ეს უკანასკნელნი არაფრით დათმობენ ღვთიურ პრივილეგიებს.

პრივილეგიებს-მეთქი, რომ ვამბობ, ამასაც გაგიმხელთ და თავად განსაჯეთ: ოცდაორი წლის ასაკში მხარზე მოციმციმე ორი მომცრო ვასრკვლავი, სამას მანეთამდე ხელფასი, უფასო კვება, უფასო ბინა, უფასო ჩაცმა-დახურვა; დაუშმატოთ ყოველივეს ნებიერი ცოლი, რომელიც წელიწადში ერთხელ მაინც უთუოდ იკაჟებს ჯიგრებს სამხრეთის ზღვისპირეთში. მიუმატეთ ამას ორი მიბნედილი ასული და დანაზოგი ფულით შეძენილი „ვიგული“, რომელსაც გაყიდვის მოსურნეს, საკომისიო ფასებში ცინცლავენ, ე.ი. გადაადგებენ იგივე თაღლითი სამხრეთელები; ჩვენ კი, ბატონო, პრეზიდენტო, კლიმატი გვიფუქდება ჭარბი გამონაბოლქვით, ეკოლოგიური კატასტროფა გვიტევს, მაგრამ მთავარია, რომ სულ რაღაც ორმოცს მიტანებული ქუდბედი სიკვდილის ბოლომდე გარანტირებუ-

ლია საკმაოდ სოლიდური პენსიით, და მეყოლეთ ვარდივით, რამდენიც ასეთნაირი ცხოვრებით გა-
ზულუქებულმა უკან დაიხიოს, ნებაყოფლობით უკუაგდოს ციდან ჩამოვარდნილი განცხრომა?!

ანდა გენეტიკურად სახელმწიფო კაცად ჩამოყალიბებული ამ კაცუნა-რობოტისათვის, რა დი-
დი ბედენაა რუსთაველის პროსპექტზე ბარ-ნიჩბის სამიოდე შემოქნევა?! შრომის ნოსტალგიასაც
ხომ უნდა მიეგოს პატივი ხანდახან?! აი, ჯულბასია ძაღლის თავი სად ამორიხვინდა?! აი, სად
ამოტივტივდა საფრანგეთში ხსენებული უფასო მომსახურების კუდი და ეშვები! მაშინ, თქვენ,
ბატონო, პრეზიდენტო, საქართველოში ექსპერიმენტების რაინდად ცნობილი პიროვნებაც გახლ-
ავთ და თავს გიქიციანებთ მომეტებით, მაგრამ იმას ეყოფა აღმოსავლური სიბრძნე, ბოლომდე
გაუხსნელი გაგცლოდათ უკიდურესობის ჟამს, სრულებით რომ არ ამოირეცხოს ერის ცნობიერე-
ბიდან! ისე კი მეტი ერთგულება მართებდა, მეტი გულწრფე ლობა უანგარო პატრონის წინაშე,
თუმცა მაშინ სუფთა ჰაერიც ხომ უნდა ჩაეყლაპა?! ასე რომ, ცეცხლთან თამაშის მიუხედავად,
ცხენიც შეკაზმული მყავს და საგარეო ტანსაცმელიც, მაგრამ მე არისტოტელეს სიტყვები უფრო
მეძვირფასება, როცა ეს უკანასკნელი პლატონთან მეგობრობას ჭეშმარიტების სახიფათო სამსა-
ხურს ამჯობინებს.

მოკლედ, ჩვენი ნამუშევრის ოთხი მეხუთედით შენახულ მუნდიროსნებს თავზე რომ დავისვამთ
მოლოქივით, ბუნებრივია, დემოკრატიის განხორციელების სურვილი ინფანტილიზმია მხოლოდ;
მიუხედავად ამისა, ბატონო, პრეზიდენტო, თქვენ უეჭველად შეხვალთ კაცობრიობის ისტორიაში,
როგორც სოციალიზმ-კომუნისმის „მაცდური იდეოლოგიის ბალავრის მომწველი, უტოპიური
თეორიული ახლომხედველობის მამხილებელი“, თუმცა შიგადაშიგ საბჭოური მონაპოვრებიც
გწამთ გულუბრყვილოდ. ასე რომ გაორებულ ყოფნას გარგუნებთ იღბალი.

მართლაც, რა დიდებული იდეალებს დასახავს ჩვიდმეტი წლის სოციალსტური რევოლუცი?!
რა მაცდუნებელია პუშკინისეული ამ ანჩარის: თანასწორუფლებიანობა, ინტერნაციონალიზმი,
ძმობა და ერთობა, მაგრამ მე უფრო ტოლსტოის „აღდგომის“ პათოსი მხიბლავს და ის ბუნებრი-
ობა, რაც ცხოვრებას ახასიათებს საერთოდ, ყოველგვარი შელამაზებისა და ტენდენციურობის
გამოხშირვით, რუპორი მაიაკოვსკისა თუ ძალადპარტიელი გორკისგან განსხვავებით. ამდენად,
ბატონო, პრეზიდენტო, ნათელი გახდება ჩემთვის, თუ რა ძვირადღირებულია ეს „უფასო მომსა-
ხურებანი“; სწავლა, განათლება, ჯანდაცვა; ჩვენი უმთავრესი ნაოფლარი კი ისევ ჩვენს სამტროდ
კონცენტრირდება თურმე სახელმწიფოს ხელში უთვალავი შენაერთის შესანახად; ჩვენი ნაამაგარი
ჩვენვე გვიჭერს ყელში, ჩვენი ნაჭირნახულებით ლამის მონებად ვიქცეთ.

ახლა, რაც შეეხება ჩემს ეროვნულ პოზიციას: დიახ, მე ტომით ქართველი ვარ, მაგრამ
ამავდროულად მთელი კაცობრიობის შვილი, მსოფლიო მროქალაქეც, ვისაც თუშური ქუდი რომ
არ ხურებოდა იმ კვიმატი აპრილის სისხამს, ვინძლო ამ საუბრისათვის მოცლოდა: ალესილი
ლითონი ვერ მოერევა ერის მიერ ჭირ-ვარამში გამობრძმედილს! (მწერლური ჰიპერბოლა) აქვე
ერთ წინადადებას ვთავაზობ თქვენს უზენაესობას, რათა ეს ქუდი მასობრივად დავენერგოთ
წარმოებაში. შესაძლოა ხვალ-ზეგ ყველას დაგვჭირდეს, ლიფსიტებით დაწყებული მთლად ვე-
შაპებით დამთავრებულს. მოკლედ, ქართველი ვარ და ამით მომაქვს თავი, როგორც თქვენ —
რუსობით, ან ლანდსბერგის — ლიტველობით.

საქართველო ავგაროზივით ასვენია ჩემს გულთან და ეჭვსგარეშეა, ვერაფრით გავხდები ოსი,
თუნდაც ხეთაგუროვის გვარისა და ვერც დამურა ბუჩუკურობა მეჭაშნიკება მაინცდამაინც, ახ-
ლახან მაღალი ტრიბუნიდან ნაბჟუტურალით დიდებულ გვარ ლაფში რომ აყურყუმელავეებს,
თუმცა მე ხომ ვიცი მის ზურგს უკან ვინ მართავს მარიონეტების სპექტაკლს?!

ერთი სიტყვით, ქართველად დარჩენას ვაპირებ, ბატონო, პრეზიდენტო! ვერავითარი გარდაქმნა
და პერესტროიკა უშველის ამ საქმეს! ქართველი ვარ და ასეც აღვესრულები! თვითონ ქართვე-
ლობა კი შემდეგნაირად წარმომესახება: ღირსეული მასპინძელი — ძმისკვლელ სტუმარსაც შეივ-
რდომებს, მაგრამ არც გადამთიელ ყივჩაღს შეალანძლინებს თანამეცხედრის მანდილს და აღარც
სამშობლოს მტკაველ მიწაზე შემოცილებულ შენი ქვეყნის ხიზნებს გაატანს რამეს.

თქვენი წინამორბედები ახერხებენ ყოველივეს მზაკვრობით, ინკვიზიციური მეთოდებით, და დღემ-
დე ვიშკით მათ მიერ დათესილ ღვარძლს, თუმცა არ გაუმართლბს ფოლადის კაცად წოდებულს და
ფვიქრობ, პროლეტარიატის ბელადსაც დიდ ხანს არ უწერია უკვდავების წინაშე თავმომწონეობა
პედესტალიდან. ისე კი, რამდენადმე შევასრულებდით ძძიმე მეტალურგიის ჩავარდნილ გვემებს ორი-
ვე მონუმენტის ლეგიონისათვის უძირო ხრამ-უფესკრულების ნაცვლად მარტენის ლუმელებში რომ
გვეკრა თავი!

არ ვაპირებ-მეთქი ქართველობაზე უარის თქმას! პირიქით, ბატონო, პრეზიდენტო, პირიქით!

თქვენი ნაუცუბადევი უკაზის შემდეგ მთლად ხელ-ფეხი შემეხსნება. უნეტარეს სულიერ თავისუფლებას განვიცდი, რადგანაც მართლისმთქმელს, შესაძლოა ფეხმარდი სინიბი შესაკაზში არც გამიხდეს გრძელი ქვეყნის გზაზე შემდგარს; რადგანაც ჩემი ქართველი ძმების გვერდით ვდგავარ, ოღონდ არა ტყვიანობითარა ჟილეტითა და ჩაფხუტიანი მუზარადით; არც კალაშნიკოვისეული ავტომატი მეკავება ხელთ, ვინაიდან ჩემში პუშკინის სულის მეტნაკლები გარდმოვლენაა, იმ არაბის შთამომავალის, უიარალოდ რომ გავა დუღელში რუსეთის სინდისის გადასარჩენად.

მე მწერალი ვარ და ვერ ვესვრი პოტენციურად ჩემს მკვლელ ალან ძმობილს,, სხვათა შორის თქვენი უკაზის მერმე ნადირივით გაცოფებულს! ჰოდა, დავდგები მე ჩემი ქართული მიწის დასაცავად, ისე რომ, ჩემგან მოზიდული სასხლეტი ვერ აატირებს მრავალტანჯული ოსი დედის გულს, თუმცა იმასაც ვათქმევინებ მსოფლიოს: **ოსმა ხალხმა და გორბაჩოვმა მოკლეს ქართველი ბელეტრისტი, რომელსაც თავად პრეზიდენტივით, ვინ იცის, იქნებ ნობელის პრემიისათვისაც კი გამოუკრა ხელით**, და მე — ბარიერის მეორე მხარეს — გიხსნით თქვენ სამუდამო დავიწყებისაგან.

ხოლო, რაც შეეხება ჩემს ბრძენ რუსეთს, ჩემი პუშკინის, ტოლსტოისა და დოსტოევსკის რუსეთს, თვითონ გამოუტანს განაჩენს თქვენსა და ჩემს მამაშვილურ ფილოსოფიას, (თქვენც ხომ ფილოსოფია უფრო გიტაცებთ, ვიდრე პოლიტიკონომია?! რომელიდაცა ინტერვიუდან გამაჩვენდით უცებ), ჰოდა, ბატონო, პრეზიდენტო, გამორიცხულია თავისუფალი იყოს ერი, რომელიც სხვას იმონებს; გამორიცხულია თვალახელილი იყოს ერი, რომელიც სხვას აბრმავებს; გამორიცხულია ამალღებული იყოს ერი, რომელიც სხვას უქრობს მყოფადის რწმენას (ჩაიხედეთ ლაო ძის — „დაო დე ძინში“), თუმცა უკვე შემომთენებია, თქვენს უკაზსაც ვადა გასვლია, და ისლა დამრჩენია, კვლავ აღმოსავლურ გონიერებას დავეცესხო: **უმაქნისია ლექსების ჯღაბნვა, როცა სამშობლოს კარიბჭეს მტერი მოსდგომია!**

უსაფუძვლო ავტონომიის შენარჩუნებასთან დაკავშირებით კი იმას დავძენდი, რომ , თქვენებურად ცეზარი იულიუს კეისრის „დავიდე ეტ იმპერას“ ყვლგასულია, ნილაბახილი და გა რადგანაც მშვენივრად მოგვეხსენება ყველას — რასაც დაჰყოფ და დაანაწევრებ, მეტოქედ ვერ გამოგადგება ხელოვნური შინაგანი წინააღმდეგობების წყალობით, თუმცა წარმოიდგინეთ, ბატონო, პრეზიდენტო, მე მიყვარს და ვაფასებ შემოქმედ ალან ხალხს — ნართებს, როგორც ბუნების ჯილდოს და თითო-ოროლა რაგინდარა პოლიტიკანის წყლების ამღვრევით მათი განქიქება არანაირად გამართლდება.

ითქმის განა ძვირი გერმანელ ერზე შერეკილი შიკლ გრიუბერის ოსვენციმ- ბუჰენვალდების გამო; ან დადნაშაულდება ვითომ რუსობა ამბიციური ტახტისმტეების ორსაუკუნოვანი მონღოლური ჩვევების წილ?!

დარწმუნებული ვარ, ბატონო, პრეზიდენტო, რომ ნებისმიერ მოძალადე ერში ოდესმე უცილობლად გაიღვიძებს ღვთაებრივი ნიჭი — ჯერ თავის უმეცრებას დაგმობს საჯაროდ, შემდგომში სრულფასოვნად აღიარებს სუვერენიტეტს, განუმეორებლობას ადრე დამონებულისას, სხვანაირად თვითონაა დასალუპავად განწირული.

ახლა, კი მშვიდობით, ბატონო, პრეზიდენტო! მშვიდობით-მეთქი, იმისათვის გშორდებით მწუხარე სახის რაინდის იერით, რომ, როგორც დონ კიხანოს ერთობ შეანჯღრებს რაინდული რომანების კითხვა და გონებასაც საგრძნობლად აუმღვრევს, ისე ამ მართონული ტელედებატების, სესიებისა და ყრილობების ჭვრეტა-თვალთვალის მეც საკმაოზე მეტად შემაჭანჭყარებს და თუ რაიმე ისე ვერა, მიეტევოს თვინიერების სახლის ბინადართათვის ხუთი თითივით ცნობილ, ჩემს ამჟამინდელ მდგომარეობას.

ბარაბას არჩიზი

როგორც ჩანს, გორბაჩოვთან შეხმიანება მეტჯერ აღარ მომიწევს — ამაო გამოდგება ორ ცხენზე ჯირითი დემოკრატიზაციისა და ცენტრის შენარჩუნების მარულაზე. ველარ გაითვლიან გონებადაუნჯებით, რომ პირველი გამორიცხავს მეორეს, და მართლაც, რალაც თვენახევარში 15 რესპუბლიკის ნაკალაპოტარში 11-და მიედინება ახლა NÍ Ā-ს სახელწოდებით, 11 სუვერენული სახელმწიფოს სტატუსით, ოღონდაც ერთიანი ეკონომიკური სივრცითა და სამხედრო სტრატეგიით.

გარდასახვას ნუ იკითხავთ: უკრაინა ჯიუტად ებლაუჭება ყირიმს, შავი ზღვის ფლოტს; ელცინი ყველასაგან დაუკითხავად ადგილმდებარეობას შეუნაცვლებს სტრატეგიული მნიშვნელობის ორი

ათსზე მეტ რაკეტას, ისე რომ, კრავჩუკი მხრების აჩეჩვასაც ვერ ასწრებს; მოლდავეთში მეთოთხმეტე არმია ბანაკდება მშვიდობის მისიით.

ყველაფერი ნათელია. ტოტალიტარული რეჟიმის სსრკ-ს მაგივრად მივიღებთ ვითომ ნაკლებად აგრესიულს, ვითომ ცენტრის მაჯისცემას მოკლებულს, მაგრამ უკვე აშკარად რუსეთის ყბებში მოქცეულ იმპერიას და ამისთანა ვითარებაში, ბუნებრივია, სამოკავშირეო ხელშეკრულების დაუქინებელი მტრისათვის — ზვიად გამსახურდიასთვის პოლიტიკური ასპარეზი ყოველად დაუშვებელია. ჩვენ ამ საკითხს მოგვიანებით უფრო დაწვრილებით მივუბრუნდებით, ახლა კი უშუალოდ მოვლენების განვითარებას მივყვით.

საჭირო შეიქნება საქართველოში ჩამოყალიბდეს შეუვალი ძალაუფლების ინსტიტუტი, საპრეზიდენტო მმართველობის სახით, მაგრამ ამისათვის პარლამენტის დასტურ-ლამალი არ კმარა, აუცილებელია ხალხისგან ნდობის გამოხმება და უკვე იურიდიულად პრეზიდენტი თავის უფლებამოსილებას ერთხელაც შეაგდებს სასწორის პინაზე — გამოცხადდება საყოველთაო საპრეზიდენტო არჩევნები. და ჩვენც ქართველი ინტელიგენციის ნაწილის არნახული ისტერიკის მოწმე შევიქნებით.

პრეზიდენტობის მაძიებელ ზოგ პიროვნებას შესაძლოა გარკვეული წარმატების იმედი უფხაკუნებს სულში, მაგრამ ყველა კანდიდატს სრულიად ცალსახა მიზანი ამოძრავებს: რაც შეიძლება მეტი ხმა წაართვას ბატონ ზვიად გამსახურდიას; ოღონდაც გამსახურდიამ არ გააღწიოს პრეზიდენტის პოსტზე და არაფერს ჩივიან. ისეთი პასკვილებისა და ცინიზმის ნიაღვარი დაიძრება ტელევიზიის ეკრანიდან, რომ ჰერაკლეს მკერდსაც გაუჭირდებოდა იმ წუნწახოს შეჩერება.

ვინ, რომელი არ იყოს კენჭს, თავიანთი მერმინდელი განმარტებით, საპრეზიდენტო მმართველობის გასაუქმებლად:

სახალხო ფრონტის თავმჯდომარე, ბატონი ნოდარ ნათაძე;

„საზოგადოება რუსთაველის“ ვიცე-პრეზიდენტი, ბატონი თამაზ კვაჭანტირაძე;

სსრკ უმაღლესი საბჭოს დეპუტატი (როცა საქართველომ დამოუკიდებლობა გამოაცხადებს და დე-იურედ მაინც საერთაშორისო სამართლის სუბიექტია), ბატონი ვალერიან ადვაძე;

საქართველოს კომპარტიის სახელდახელო ლიდერი, ბატონი ჯემალ მიქელაძე;

ლიბერალურ-დემოკრატიული პარტიის მესვეური, ბატონი მიხეილ ნანეიშვილი;

ფედერალისტების ფლაგმანი, ბატონი ირაკლი შენგელაია, თუ ჰომეროსის ჩინებული მთარგმნელი ბატონი რომან მიმინოშვილი.

ნდობით აღჭურვილი რამდენიმე პირი აიღესავს ენას საპრეზიდენტო მმართველობის ჩასაფუშად. ის კი არა, ამჯერად სრულიად არამკითხვ მოამბე, სედპ-ს თავმჯდომარე, ბატონი ირაკლი წერეთელი, უკადრებელს იკადრებს — იარაღის ჟღარუნით ხელში ჩაიგდებს ეთერს და უკვე ამომრჩევლებისადმი ზვიად გამსახურდიას გამოსვლა-მიმართვის მერმე, ლამის უშუალოდ, ხალხს მოუწოდებს: უზურ-პატორი გამსახურდიას არ მიეცეთ საშუალება თვითნებურად იპარპაშოსო.

მოგვიანებით, 87 პროცენტი ამომრჩევლისაგან აღიარებული პრეზიდენტი, ერთ-ერთ ინტერვიუში მადლობასაც კი მოუხდის მრისხანე ოპონენტს უნებლიეთ გაწეული სამსახურისათვის:

— მისმა გათათხვამ დაახლოებით ოცი პროცენტი ხმა შემძინაო.

ოცდაექვს მაისს ხალხი დილაადრიან დაიძრება საარჩევნო უბნებისაკენ.

ამჯერადაც შეუძლოდაა ჩემი მეუღლე, მაგრამ ეროვნული ფორუმის არჩევნების გამოცდილება არ გამომადგება. ჩემს ბიულეტენსლა იკმარებენ. დამპირდებიან, რომ შინ მიაკითხავენ ლოგინად ჩავარდნილს, თუმცა დღის თორმეტი საათისათვის ყველაფერი გადაწყვეტილია და ოთხკედელ-შუა გამოკეტილი თანამეცხედრის ხმისათვის ვინ მოიცილის?!

წარმატება მართლაც ყოველგვარ მოლოდინს გადააჭარბებს: ოთხმოცდაექვსი მთელი და რალაც მეათედი, ანუ ფორსირებული ტრიუმფი.

მილოცვები.

საერთო ზეიმი.

აწეული განწყობილება, რომ ხალხი და პრეზიდენტი ერთიანია; რომ ხალხისა და პრეზიდენტის გულისთქმა იდენტურია; რომ გამსახურდიას გზა ქრისტესმიერია ყოველდღიურობის გოლგოთიდან სამერმისო მარადიული სასუფევლისაკენ.

ოპოზიცია მაინც არ ცხრება, მოითხოვს სიტყვის, პრესის თავისუფლებას, მოითხოვს ტელევიზიის დეიდეოლოგიზაციას; მოითხოვს პრივატიზაციის დაჩქარებას, საბაზრო ურთიერთობაზე გადასვლას, პრეფექტურის ინსტიტუტის შეჩერებას, იმისდა მიუხედავად, რომ პრეზიდენტი სათანადოდ განმარტავს საქართველოში მისი დანერგვის აუცილებლობას:

— ქართული ხასიათი ფრანგისას უახლოვდება რამდენადმე. ფიცხი ბუნების ქართველებისთვის უცხოა ქვეყნის მართვის გერმანული წესი, სადაც ინტელექტი, ცივი გონება, კანონის უზენაესობა განსაზღვრავს ყოველივეს.

ოპოზიციური გაზეთები: „დრონი“, „საქართველო“, „ახალგაზრდა ივერიელი“ დაუღალავად იღვწიან მიწის რეფორმის დაჩქარებისათვის, რაც პრეზიდენტის განცხადებით ფრიად სათუთი საქმეა ისედაც მცირემიწიანი ქართველებისათვის. ჯერ ერთი, მზადდება პროექტი, მერედა, მიწა გლეხს სრულ უფლებამოსილებაში თუ გადაეცემა, მესხეთი, მარნეულის რაიონი ავტომატურად უცხოტომელთა ხელში აღმოჩნდება. დრო კი არ ითმენს. საქართველოს აღიარებას სასიკეთო პირი არა და არ უჩანანს.

— ვერც ველირსებითო, — დაუფარავად აცხადებენ მიტინგებზე, — ვინემ დიქტატორი გამსახურდია გვაზის თავზე, საქართველოს დამოუკიდებლობა ფუჭი ოცნებააო, — მწარობენ.

ქართული მწერლობა სდუმს.

საქილიკო თემად იქცევა მთავრობათა სასახლის წინ აღმართული კარავები და ტელეფონითა და სახაზინო კვებით უზრუნველყოფილი მისი „შტატიანი“ ქალები, ხან „მედერიონს“ რომ უწოდებენ აგდებით და ხანაც — „ზვიადის ბეტეერებს“.

გამოიძებნება სახსრები ეროვნული გვარდიის ჩამოსაყალიბებლად. შეწყდება საკავშირო კომისარიატის ქართველი წვევამდელებით მომარაგება. გაუქმდება არაკანონიერ ფორმირებებად წოდებული „მხედრიონი“, სხვანი და სხვანი, მაგრამ მოსკოვის ინსცენირებული „პუტჩი“, რომელსაც ერთი დღით გამოვასწარებ ცოლ-შვილთან ერთად, დამანგრეველ დარტყმას აგემებს უკანსკნელ იმპერიას. ცენტრის გასამტკიცებლად გამოიზნული ამბოხი, კარდინალურად საპირისპირო შედეგს გამოიღებს. გორბაჩოვის ზეასატყორცნად გათვლილი გადატრიალება, რიკოშეტის პრინციპით ელცინს დაუდაფნავს შუბლს. იანაევის ხელების კანკალის საწინააღმდეგოდ დარაზმულ ინტელიგენციას ედუარდ შევარდნაძეს კრაველის ქუდიც მიუძღვის თეთრი სასახლისაკენ.

ჰუგოს და პავლოვის „თითმკვლელობა“, ალბათ, მრავალ საიდუმლოს ჩაიტანს შავ სამარეში. პრეზიდენტის სავარძელი მთელის განწირულობით აჭრაჭუნდება.

მოსკოვური მოვლენები საქართველოშიც გაამწვავებს პოლიტიკურ კლიმატს. ზვიად გამსახურდია ეროვნულ გვარდიას სტატუსს შეუცვლის, შინაგან საქმეთა სამინისტროს დაუქვემდებარებს, იმ მოტივით, რომ ახალგაზრდობა მოვარიდებ მოსალოდნელ მსხვერპლსო! გვარდიის გენერალიტეტი კი ამ ქმედებას პრეზიდენტს პუტჩში თანადგომად ჩამოართმევს. ასახელებენ კიდევ მემამობეებთან კონტაქტის დამყარების „ფაქტებს“. გვარდიის ძირითადი ბირთვი ფიცმიცემულ თავის პრეზიდენტს გაემიჯნება, შავნაბადაზე დაბანაკდება. ასე რომ, პოლიტიკურ დაპირისპირებულობას ახლა სამხედრო კონფრონტაციაც დაემატება.

ორი სექტემბრის მშვიდობიანი მიტინგის იარაღით დარბევა ხომ ნაპრაღს უფსკრულად აქცევს. არადა, ისერიან მაშინ, როცა პრეზიდენტი საქართველოს დამოუკიდებლობის აღიარებისათვის ჩამობრძანებულ ამერიკელ კონგრესმენებს მასპინძლობს. ეროვნული მილიციის საბოტაჟს, პროვოკაციული ხასიათის გასროლებს, უკვე მასები არაფრად დაგიდევს. და, ცხადია, აქამდისაც ჩასაფრებული ოპოზიცია მთავრობის ანკესზე წამოგებას აწი ხელიდან არაფრით გაუშვებს. მით უფრო, რომ აღნიშნულ ვნებათა დელვას წინ უსწრებს ედპ-ს თავმჯდომარის, ბატონი გიორგი ჭანტუიას „მოსსოვეტში“ გამსახურდიას „მაკომპრომე-ტირებელი“ პრესკონფერენცია: ოდესღაც ზვიადის გამო სხვათათვის „ტყვიით შუბლის გამხვრეტელი“ პოლიტიკოსი, წარამარა მოიშველიებს სიტყვიერ საბუთებს „ფალსი ფიცირებული არჩევნების“ გასაბათილებლად.

ოპოზიცია ბობოქრობს. ყოველგვარი ეფექტს დაჰკარგავს პრეზიდენტის მხარდამჭერთა მიტინგების თითქმის შეუცვლელი კონფერანსიეს — ავთანდილ რცხილაძის ბზარშეპარული ხმა.

კრიტიკოსი თამაზ წივწივაძე მედოლეობას და ჯუღაშვილზე შეთხზული სიმღერებით ქორწილ-ქორწილ პროწილას წააყვედრის ხელმწიფის ტოლ კაცს — პრეფექტს, რის გამოც დაზარალებული სასამართლოში უჩივლებს ბრალმდებელს და პილპილმოყრილი სტრიქონების ავტორს, ვინ უწყის, რა ბედი ეწევა, მომჩივანის სასამართლოზე გამოუცხადებლობა რომ არა.

წამოვა ურთიერთდამაკნინებელი და ურთიერთდამთრგუნავი წერილების წვიმა. ზოგი ახალგა-მოჩეკილი მწერალიც აჰყვება ამ ფეხის ხმას. ადრე პრეზიდენტის ხელებს მიჩერებული, ახლა ოპოზიციის წისქვილზე ასხამს წყალს. პრეზიდენტის გაკიცხვა გმირობას გაუტოლდება. ჰუმანურობის კომპლექსით შებოჭილი გამსახურდიას პოლიტიკა ოპოზიციის მიმართ დაბალი ღობის იერით წარსდგება. წინ კი ხუთი ოქტომბრის განსაცდელი ელით მთავრობის სასახლის დამცველებსაც და თავდამსხმელებსაც. ამ ურთიერთ შეხლა-შემოხლას, ადამიანების ერთი ბანაკიდან მეორეში ლახტს

მომსგავსებულ გადათრევებს, მალე ტყვიების სეტყვა მოჰყვება, რომელიც სრულებით არ ჰგავს პრეზიდენტის შეპირებულ **გარდებს** და უკვე ქართველების სულში გაჩენილი ხრამის გამთლიანება სასწაულმოქმედსა თუ ძალუმს.

რუსთაველის პროსპექტს ბარიკადების წყება გადახერგავს. მეგაფონებიდან და ხმის გამაძლიერებლებიდან უკვე აშკარად მოუწოდებენ პრეზიდენტს გადადგომას. ოპოზიციის მხრიდან მთავრობის სასახლის რეალური დალაშქვრის საშიშროება შეიქმნა და ბატონი ზვიადი ერთხელაც მოუხმობს თავის ამომრჩევლებს;

სოფლებიდან, წარმოება-დაწესებულებებიდან მერამდენედ დაიძრება ისედაც გაწამებული ხალხი, მერამდენედ დაირაზმება მთავრობის სასახლის მისადგომებთან. ამასობაში დაატიმრებენ კინოპერატორ გიორგი ხაინდრავას და ედპ-ს თავმჯდომარე გიორგი ჭანტუაშვილი. ეს ყველაფერი ცეცხლზე ნავთის დასხმას მიემგვანება.

საზოგადოების ნაწილი უფრო ქმედით ღონისძიებებს მოითხოვს მთავრობისაგან. სხვა ფენები კი პოლიტიკური მოღვაწეების ხულიგნობის მოტივაციით დაპატიმრებებს მასობრივი რესპრესიების ყლორტებად წარმოსახვენ.

ოპოზიციას ახალ-ახალი საფუძველი ეძლეოდა მოქმედებისათვის.

საერთო მღელვარებას გარკვეულწილად გააძლიერებს პრემიერ-მინისტრის, ბატონ თენგიზ სიგუას ნებაყოფლობითი გადადგომა და საგარეო საქმეთა მინისტრის, ბატონ გიორგი ხოშტარას სამსახურიდან დათხოვნა.

ირგვლივ სასოწარკვეთილი განწყობილება მკვიდრდება, განსაკუთრებით საქტელერადიოს დეპარტამენტთან გამართული აქციების მერმე და როგორც კი იმ შენობას „ქართული დემოკრატიის შვარცკოფი“ — ბ-ნ თენგიზ კიტოვან — დაიკავენ, დაძაბულობა კულმინაციას მიაღწევს, მაგრამ ისევ და ისევ საზოგადოების ძალისხმევით, ისევ და ისევ ალალ-მართალი ხალხის თავგანწირული თანადგომით, რუსთაველის პროსპექტი არათუ გაიწმინდება ოპოზიციური ძალებისაგან, დაიხურება კიდევ მათი შტაბბინები, განადგურდა მათი არქივი და ა.შ. ეს ყველაფერი ხალხის ნებით აღსრულდება. აქ სამხედრო ფორმირებები უმნიშვნელო როლი ითამაშებენ, თუმცა მიტინგებზე, პრესაში რატომღაც ზუგდიდის ბატალიონის სახელი წამოტივტივდება, როგორც თბილისელი კაცის დამსჯელისა.

მთავრობა აქტიურად მოქმედებს. შანებადაზე სამი პირტიტველა ყმაწვილის განიარაღება, რაინდული სულის მედიკოსის, გია აბესაძის თავგანწირვა — ბენზინს რომ გადაისხამს ტანზე და ზეზეურად აბრიალდება სიტყვებით: **დაე, მე ვიყო უკანასკნელი მსხვერპლი საქართველოს თავისუფლების გზაზე**; გვარდიელი ჩეჩელაშვილის დაუდგენელი მხრიდან დაღვრილი სისხლი და ოპოზიციის თქმით, პრეზიდენტის კულტით გონებამოწამლული ბრბოს არნახული ერთგულება, დროებით უკან დაახვენიებს „დემოკრატიულ“ ძალებს.

სამხედრო შენაერთები ქალაქიდან გაიხიზნება. არტილერია მომავალი კონცერტის უვერტურასავით მხოლოდ ერთხელ დაამთქნარებს მთავრობათა სასახლის მიმართულებით. მინების ზრიალით დასრულდება ეს ფუჭი გასროლა. თითქოსდა დადგება საერთო შერიგება-მიტევების ხელსაყრელი წუთი. მიტინგებზე მოიხსნება ლოზუნგები პრეზიდენტის გადადგომის მოთხოვნით.

საპარლამენტო ოპოზიცია ისევ ჭიჭყინებდება, რადგანაც ახლა მას ქართულ პუტჩში მონაწილეობა ბრალდება პრეზიდენტისაგან, რასაც პარლამენტიც დაადასტურებს ხმების აბსოლუტური უმრავლესობით. ბატონი ვჟა ადამია პირველად წამოჭრის სესიაზე პრეზიდენტის გარემომცველი სამეული მანდილოსნის — დები არჩვაძეებისა და ჯანდაცვის მინისტრი ძოძუაშვილის ალაგმვის აუცილებლობას, ვინაიდან მისი მტკიცებით, ყოველგვარი სიავე მათგან მომდინარეობს. და ახლა, როცა ოთხასიათასი კომუნისტობა სავარძელგამოცლილი უთვალთვალებს ძმათა შეხლა-შემოხლას; როცა კომპარტიის სიით გასულ 73 ამხანაგ-დეპუტატს („მათ შორის 14 უპარტიო, ნადები ელიტა,“ ა. მარგიანი), პარლამენტიდან დაითხოვენ, ხოლო სანაცვლოდ ხელახალი არჩევნები დაინიშნა და აწვანცდილი ფაციფუცი შეიქმნება, ოპოზიციაც ჩვეულებისამებრ ჩაიხრინწიანებს ყელს: ისევ წამოსწევს დაზეპირებულ ლოზუნგებს, ისევ მოუღერებს მუშტს მთავრობათა სასახლეს.

მინისტრთა საბჭოს ახალმა თავმჯდომარე, ბატონ ბესარიონ გუგუშვილი ორგზის მოახსენებს პარლამენტს სამოკავშირეო ხელშეკრულებისა და სატელევიზიო პრობლემების შესახებ. დასაბუთებული მსჯელობიდან აშკარად ჩანს, რომ მთავრობა არაფრით დაუშვებს კრემლის დიქტატს, თავისუფლების გზაზე იგი არანაირი ვალდებულებით შეიკრავს ხელ-ფეხს, მაგრამ ოპოზიციისათვის საეთერო დროის გამოძებნა მაინც ვერ მოხერხდება, რაც უმთავრესად სექტემბერ-ოქტომბრის აქციებისას ტელევიზიის ძვირადღირებული აპარატურის გაპარტახებით გამართლდება.

ამასობაში მოვა პირველი ცნობები საქართველოს აღიარების თაობაზე: უკრაინა, მოლდავეთისა და სომხეთის შემდეგ, სოლიდარობას გამოუცხადებს თავის ისტორიულად მეზობელ სახელმწიფოს. როგორც მთავრობა ირწმუნება, უახლოეს ხანებში ევროპის მთელი რიგი ქვეყნები გამოგვიწვდიან დახმარების ხელს, მაგრამ მათივე თქმით, ისინი თურმე განგებ არ უსწრებენ მოვლენებს, ვინაიდან ამისთანა განცხადებებს ყოველთვის ახლავს ისტერიკული გააფთრებანი ოპოზიციის მხრიდან, შინ თუ გარეთ, საელჩოების კარიბჭეებთან.

იმ დღეებში რუსეთის ცენტრალური ტელევიზია ვრცელი ინტერვიუთი წარუდგენს აუდიტორიას საქართველოს პრეზიდენტს. საუბარი მეტად გულწრფელად წარიმართება. სამახსოვროა ჟურნალისტის ბოლო შეკითხვა და რესპონდენტის ლაკონური პასუხი:

— როგორ ფიქრობთ, მე თქვენ მოღვაწეობის დასაწყისში მოგისწართ, ზენიტსა თუ ფინალში?!

— ეგ არავინ იცის, — დაახლოებით ასეთნაირად დასრულებს ზემოთ აღნიშნულ საუბარს და უნებურად კეისრისდროინდელი დიალოგი წარმომიდგება თვალწინ რომელიღაც კინოფილმიდან:

— როგორი იქნება თქვენი სიკვდილი?! — ჩაეძიება ერთი სენატორი იულიუსს, და „მოულოდნელი, უეცარი!“ — არ დააყოვნებს ისიც. თუმცა იქვე, მწერლის გონება ათასნაირ პარალელს დაუძებნის ხოლმე ნებისმიერ ჭირვეულ ფაქტს და მერეც ხალხის სიბრძნისამებრ, როგორც ქუსს ისე არ წვიმს-მეთქი, გავივლებ გუნებაში, მაგრამ მთავარი მოვლენები თურმე კარზე მოგვდგომა.

კონტრპოლიცია

დავდივართ დაცარიელებულ რუსთაველზე.

მთავრობათა სასახლეს რა ხანია ავტობუსებისა და ბეტონის ფილებით დატვირთული „კამაზების“ სამფა მწკრივი შემოერკალება.

ბაზარში გეომეტრიული პროგრესიის სისწრაფით მატულობს ფასები სასოფლო-სამეურნეო პროდუქტებზე. და მაინც ვიტანთ ყოველივე სიდუხჭირეს, ვინაიდან ძმათა შორის სისხლისღვრას რაღაცნაირად ავიშორებთ, რაღაცნაირად მივალწევთ ესოდენად სანატრელ კონსენსუსს.

ოპოზიციის ეროვნული გვარდიის შენაერთები ისევ თბილისის ზღვაზეა დისლოცირებული, რომელსაც იქაური ჭრელი მოსახლეობა „გულთბილად შეხვდება, პურს და მარილს გაუზიარებს“: როცა ლაფაროსთან, ყურისძირას იარაღს გიჟდარუნებენ, ბუნებრივია, იხელგაშლილებ. სამთავრობო ოპოზიციის მრავალი წარმომადგენელი აფარებს თავს „ქეშმარიტი დემოკრატიისათვის“ მომართულ ამ ციტადელს, როგორც შემდგომში გაირკვა, თუმცა ხელისუფლება არაფერს მოიმოქმედებს მათ განსაიარაღებლად, მშვიდობიანად განაგრძობს საქმიანობას, მოსალოდნელ განსაცდელს არხეინად უმზერს. ვითარების ზერელე თვალთ შემფასებელს შეიძლება ეჭვი შეგეპაროს მთავრობის მიამიტობაში, უგუნურობასა თუ გნებავთ, გაუბედაობაში, მაგრამ მრავალჯერადი ანალიზის შემდეგ დავრწმუნდები, რომ პრეზიდენტისათვის უმთავრესი საკუთარი სამწყსოს წინაშე **სამართლიანად** იერსახის შენარჩუნებაა; ცხოვრების, წუთისოფლის საჭადრაკო დაფასთან დაპირისპირებულ პოლიტიკურ ძალას, რომელსაც ზურგს უმაგრებს პრეზიდენტისვე თქმით, კორუმპირებული ინტელიგენცია, პატივყრილი კომუნისტობა თუ იმპერიის „მოვლემარე“ ბრჭყალები სამხედრო შენაერთების სახით, ნებაყოფლობით უთმობს პირველ სვლას.

კარზემომდგარი ზამთარი ურჩხულივით იზმორება. საჭიროა ევროპის ქვეყნებისაგან დაუყოვნებელი აღიარება. საგარეო ურთიერთობათა კომისიის ახალი თავმჯდომარის, ქალბატონ მედეა თუშმელაშვილის საფრანგეთში ვიზიტიც ამ მიზანს ემსახურება ძირითადად. ყველაფერი კეთდება სიტუაციის გადასარჩენად. ყოველნაირად შეეწყობა ხელი ბარტერულ გაცვლებს: ღვინო, ჩაი, ციტრუსი, მარგანეცი კოლოსალური მასშტაბით ჩაენაცვლება ხორბალს. სადაც პურია, იქ სიცოცხლეა. პურია ჩვენი არსობის თავი და თავი.

ამასთან ერთად მთავრობა აღრინდელი ცოდვების ლიკვიდაციის გზას დაადგება. სოფლის მეურნეობის მინისტრად ფრიად ერუდირებული სპეციალისტის, ბატონი ნოდარ ჭითანავას, მოყვანა მიზანდასახულს გახდის ქვეყნის გამოზამთრების საქმეს, და რაც მთავარია, აღიარებებს აღიარებები ემატება.

აწ თვალნათელი შეიქნება, რომ ხელისუფლება დაძლევს კრიზისს, სულიერი წონასწორობას აღიდგენს, და მუშაობის კომარტული წელიწადიც სადაც არის ისტორიას ჩაბარდება.

უკვე არავინ მალავს პრემიერ-მინისტრის, ბატონი თენგიზ სიგუას მავნებლობას საკუთარი ერის წინაშე. მოიშველიებენ ათასობით მამხილებელ ფაქტს: არსებული სავალუტო ფონდით, რესურსე-

ბით თუ სხვა საშუალებით, საზოგადოებისათვის აუცილებელი პროდუქტების ნაცვლად დიდძალი მასშტაბით შემოიზიდება საღებავი რეზინი, ლუდი, სიგარეტი. მათ საქმიანობას ამიტომაც ეძლევა ძირგამომთხრელის კვალიფიკაცია. იგივე ბრალდებით ფორსირებულად გამოცვლება კადრებისაბანკო სისტემაშიც.

კვლავინდებურად გრძელდება ედუარდ შევარდნაძის — „ჩრდილოეთის თეთრი მელიის“ ერის მოღალატედ შერაცხვა. წარსულის ცოდვებთან ერთად ცენტრში მის ანტიეროვნულ მოღვაწეობას მიეწერება საქართველოს აწეწილი პოლიტიკური ვითარებანი. იმდროინდელი საინფორმაციო საშუალებათა მასალების ზერელე ანალიზითაც ვარკვევთ, რომ თურმე „შევარდნაძე უშლის ხელს საქართველოს აღიარება-ცნობას საზღვარგარეთის ქვეყნებისაგან.“ კორუმპირებულ ოპოზიცია-საც თითქოს იგი მართავს გეგმაზომიერად და საქართველოს თავისუფლებას უკვე მერამდენედ ემუქრება აშკარა საფრთხე.

თავად ბატონი ედუარდი პრეზიდენტის პოლიტიკური კურსის შეფასებისას მომეტებულად თავდაჭერილია.

— სახელმწიფო მოღვაწე ხალხში უნდა ტრიალებდესო, — დასკვნის ერთხელ და ამით არსებულ ხელისუფლებას მოსახლეობისგან მოწყვეტილად, კაბინეტში ჩაკეტილად წარმოსახავს.

— შევარდნაძის საერთაშორისო ავტორიტეტი ჩინური კედელივით აესვეტება ეროვნულ ხელისუფლებასო, — ბრძანებენ და ივიწყებენ, რომ ყველაფერი როდი გაკეთდება ამ კოლოსალური ენერჯის სამშობლოს სასიკეთო კალაპოტში ჩასაყენებლად. პირიქით, ამათრახებენ, და თანაც საზოგადოებას თხოვენ:

— აღარავინ გყავთ ნათესავები, რომ რალაცნაირი ზეგავლენა მოვახდინოთ ამ კაცზეო, — იხვეწებიან, — ჩვენი გინებითა და ცილისწამებით წაილეკა უცხოეთის პრესაო, — წუხნან.

შეუთავსებელი აღმოჩნდება ყოფილი დისიდენტისა და ფუნქციონერის თანამშრომლობა. თითქოსდა ეს ნაბიჯი შეურაცხყოფს ეროვნულ მოძრაობას საერთოდ, რადგანაც შევარდნაძის ზეობის პერიოდში ციხეებში გამწესდებიან კოსტავა, გამსახურდია, ჩხეიძე და კიდევ ათობით პოლიტიკური მოღვაწე.

ბედის ირონიაა სწორედ. განგება მაინცდამაინც ეროვნული თვითგამორკვევის საბედისწერო ჟამს, ისევ ქართველს წამოატივტივებს საერთაშორისო ასპარეზზე გადაულახავ ბარიერად, და ამდენად, პრეზიდენტსაც ერთადერთი გზა დარჩება — გახსნილი კარტებით პოკერის თამაშის გზა, კომპრომეტირების გზა, რაც განსაკუთრებით დეკემბრის დამდეგს მიიღებს მწვავე ხასიათი.

მანამდე ბატონ ზვიადის გაპრეზიდენტებისათვის ყელმომართული ერთი ჩემი თანაკურსელი ლერწამაძე, ახლა აშკარა მტრად მოველინება „დრონის“ ფურცლებიდან ოდესღაც მისთვის რჩეულს და მოსკოვში, ემიგრაციაში გადაიხვეწება — პროკურორობა ცუდად ჩამოერთმევა ვეჭილს.

ამასობაში ოპოზიციური განწყობილებები უმაღლეს სასწავლებლებშიც შეაღწევენ. სწორედ აქედან დაიწყება მთავრობათა სასახლის შტურმის პირველი აკორდები.

პარლამენტი და მისი დამცველები ქვიშაში თავჩარგულ სირაქლემას დაემსგავსებიან, რადგანაც ავტობუსებისა და ბეტონის კონსტრუქციებით დატვირთული „კამაზების“ სამფა გალავანი კინკლაობის ახალ თემად იქცევა. უკვე რუსთაველის პროსპექტის გადაკეტვის გამო აბიაბრუებენ ხელისუფლებას. თავიდან ხომ ამ ბრალდებით დაპატიმრდება ედპ-ს თავმჯდომარე გიორგი ჭანტურია: პოლიტმოღვაწეს ხულიგნობის მუხლი შეეფარდება.

პრეზიდენტის მხარდამჭერნი კვლავაც გროვდებოდებიან, მაგრამ მათ სიმრავლეს ტელევიზია ამჯერად უკვე ახლო ხედებით ქმნის. დილით, შედარებით მშვიდობიან ვითარებაში, ბარიკადის აქეთა მხარე მასიური მერხებით შემოსხდომა ცარცის წრეს და შაურიანებს ესვრის შიგ დიდი ოსტატობით ჩახატულ ფიგურებს: პეტრიაშვილს, ქორიძეს, გუგუშვილს, გამსახურდია-არჩვაძეს.

მომდევნო დღეს სატირულ გაზეთ „კუჭკუჭელას“ დაიტაცებს თბილისის მოსახლეობა. შარეებს მეგობრულს ძნელად უწოდებ: ბაზალეთის ტბის ძირას მოთავსებულ ოქროს აკვანშია ჩაკრული ჩვილის ტანიანი ზვიადი, ერთობ შეუფერებელი და უხერხული პოზით და იქიდან მის ამოყვანას ამაოდ ცდილობენ კოლგოტკებიანი ქორიძე თუ არლეკინო ასათიანი.

ამავე საღამოს შეურიგებელია ყოფილი პრემიერ-მინისტრი თენგიზ სიგუა, რომელიც თავის კოლეგას — ბატონ ბესარიონ გუგუშვილს იწვევს სადისკუსიოდ, გულდღელობას სწამებს პრეზიდენტს და მრისხანებით აცხადებს: მთელს თბილისს გამოიყვანს ქუჩებში და ქართველი ერისადმი საახალწლო მილოცვას არ დააცლიან ისე გადათელავენ.

მართალია, მთავრობის სასახლის დალაშქვრა თითქმის ორ კვირას გაგრძელდება და მხოლოდ ექვს იანვარს დამთავრდება, მაგრამ პრეზიდენტი მართლაც ვერ მოახერხებს მშობელ ხალხთან

მისალმნბას, თუ რადიოგადაცემას არ ჩავაგდებთ სათვალავში. მოძრავი სატელევიზიო სადგური მწყობრიდანაა გამოსული დაბომბვისას.

სამხატვრო გალერეის კუთხესთან მიყენებულ საზენიტო ქვემეხთან რამდენიმე ახალგაზრდას შევესწრები, რომლებიც ყლგამოწეულნი ეხვეწებიან სახეშლემიან გვარდიელებს:

— სასიკვდილოდ ნუ გავწირავთ პირველ ეროვნულ პარლამენტს! საშვილიშვილოდ მოგვეტრება თავი! ბარემ ჩვენც ჩავგზოცეთ აქვეო, — მაგრამ ჭიჭინები ვის ენაღვლება, როცა ღლავ-ვეშაპებზე ნადირობენ?!

გვიან გამოვა ხალხი შოკიდან. საარტილერიო ცეცხლის ინტენსივობისა და სიმძლავრის მიუხედავად, როგორც პრეზიდენტი, ისე პარლამენტი გადადგომას არ აპირებს. შეტევის დაწყებამდე სატელევიზიო მიმართვები მკრთომარე და გაუბედავი თუა, ცეცხლის გახსნის შემდეგ ალყაშემორტყმულები ერთ ბირთვად შეიკვრებიან. მოგვიანებით ხელისუფლების დამცველები თავდასხმელების უკუქცევასაც მოახერხებენ. ერთხანობას თვითონ ოპოზიცია აღმოჩნდება ოტებულის როლში, მაგრამ იმპერიის ფარული ზურგის ქარი აშკარაა და საზოგადოების მხარდაჭერის ამარა დარჩენილი ხელისუფლების გადარჩენა უკვე თვით მამაზეციერსაც აღარ ძალუძს.

მთავრობის დამცველების შეუდრეკლობით იმედმოცემული ხალხი მეტროს შესასვლელებიდან ტროტუარზე გადმოვა, ტროტუარიდან შუაქუჩაში იწყებს სიარულს.

კაკანებენ ავტომატები და ამ ხელჩართულ ომში ყოველ ნაბიჯზე იხილავთ აქა-იქ შეგვუფებულ მოკამათებს, რომლებიც აღგზნებულად განაქიქებენ ამა თუ იმ მხარეს, თუმცა არავინ აზრობს შუაში ჩაუდგეს სამკვდრო-სასიცოცხლოდ წაკიდებულ ძმებს და ძირშივე ალექვეთოს უკანონო ქმედებანი, ბოროტება, ლვიძლთა შორის სისხლისღვრა. ხოლო დეკემბრის მიწურულიდან მოხშირდება მასობრივი მიტინგ-მანიფესტაციები.

დაუვიწყარია ჩემთვის უნივერსიტეტთან გამართული აქცია, რომელიც მტკვრის მარჯვენა სანაპიროდან ლამის იუსტიციის სამინისტრომდე გაიჭიმება. დაახლოებით ასოცი ათასი კაცი მონაწილეობს იმ მსვლელობაში. წინ თეთრ ცხენზე ამხედრებული სახელმწიფო ცირკის მხატვრული ხელმძღვანელი მიგვიძღვის ეროვნული დროშით. დემონსტრაცია ძირითადად მოსახლეობის გამხნელებას ისახავს მიზნად. ღია ფანჯრებიდან ვხედავთ შეფიქრიანებულ სახეებს, აცრემლებულ დედებს, მომუჭულ, ზეაწეულ ხელებს, გამოფენილ ბაირაღებსაც, ცბიერ ღიმილსაც, ირონიასაც.

დავით აღმაშენებლის გამზირზე, ფოსტამტთან ძვალკანა მეგობარს დავლანდავ, ერთიანად შეძრულს ხალხის სიმრავლით. თუ ასე გაგრძელდება, მისი იერიდან გამომდინარე, ლეგიტიმური მთავრობის გამარჯვება უეჭველია, და დარწმუნებული ვარ, იმ წუთას სული უკანკალებს სექტემბრის დღეებში კანონიერი ხელისუფლე-ბისათვის თითის ქნევის გამო.

აქცია ეროვნულ მილიციას გადაჭრით მოსთხოვს შექმნილი ვითარებისადმი ცალსახა დამოკიდებულების გამოხატვას და ვინიცობაა, კანონიერ მთავრობას მხარში არ ამოუდგება, მაშინ იარაღი გადმოსცეს მოსახლეობს და მერე ის თვითონ განსჯის საითკენაც მიმართავს ლულას.

ასე გაგრძელდება შემდგომში მეტრო „დელისთანაც“, რკინიგზის სადგურთანაც, სააკაძის მოედანზეც, თუმცა პირველი დღისაგან განსხვავებით მსვლელობები უკლებლივ ავტომატის ჭერით დაიცხრილება, რაც ხალხს უფრო და უფრო მატებს გამბედაობას. მოკლედ, პრეზიდენტის მხარდამჭერთა ინიციატივა ნელ-ნელა ოპოზიციონერთათვის საგანგაშო მასშტაბებს შეიძენს. რაიონებიდანაც დაიძრებიან მასები და ახლა მათ მოპიკეტები იარაღით ვეღარ უმკლავდებიან.

უღმობელია სტიქიის ძალა და ფრიად მომართული გონება, რომელიც ჭადრაკის გადადებულ პარტიასავით საგულდაგულოდ გამო ჩხრეკს ოპტიმალურ ვარიანტებს, ვერსიებს, აქამდეც გამბედავი ხელწერით წარმართავდა მოვლენებს, მსწრაფლ იწყოსავს მოსალოდნელ საფრთხეს, უკანასკნელ, გადამწყვეტ იერიშს მიიტანს მთავრობათა სასახლეზე, თუმცა დილის ექვსი საათისათვის დატრიალებულ ჯოჯოხეთს საპასუხო სროლა არ მოჰყვება.

მაღე ყოველივე გაირკვევა: ალყაშემორტყმულები მოახერხებენ გაქცევას, კერძოდ, პრეზიდენტის ამაღლას სამხმრვი ცეცხლი მიჰყვება წითელ ხიდამდე. იქით კი სასურველი მასპინძელი ცერზე დგას — სომეხი ხალხი და მისი მთავრობა მანამდე შესთავაზებს მასპინძლობას დევნილებს, ოღონდ ჰაიასტანი ამჯერად სატრანზიტო ფუნქციას შეასრულებს, თუმცა როგორც მერმინდელი მოვლენები დაგვანახებს, ჰაოსის ხალხი ვერ ისახელებს თავს მაინცდამაინც, საკადრისად ვერ უმასპინძლებს სტუმარს; პირიქით ტერ-პეტროსიანი ერთხელაც არ ეწვევა რომელიღაც პროვინციულ ქალაქ ივევანში იზოლირებულებს. ოტებულებს არათუ გადაადგილების, თვით უცხოელ ჟურნალისტებთან შეხვედრის საშუალებაც მოესპობათ, და დასავლეთ საქართველოში სახელდახელოდ შექმნილი ეროვნული დაუმორჩილებლობის კომიტეტი ლამის ნოტას შინაარსის შემცველი წერილით

მიმართავს სომხეთის პრეზიდენტს, რომ ბატონი ზვიადის შევიწროება თუ არ შეწყდება, (რომელიც პროტესტის ნიშნად მიმშობლობს), თვითონ სომხეთი აღმოჩნდება სრულ იზოლაციაში: სასიცოცხლო მნიშვნელობის პროდუქტები რა სახსენებელია, ჩიტიც ვერ ჩააღწევს იქამდე, რასაც მომდევნო დღეებში პრაქტიკულადაც განახორციელებენ.

სომხეთი, რომელიც სამართლიადან თავმოქმედებას უძველესი, თვითმყოფადი არქიტექტურით, გმირული ისტორიითა და შესაშური ხელოვნებით; სომხეთი, რომელსაც მძლავრი ემიგრაცია უმაგრებს ზურგს მიკირტუმ-გასპარიჩების თანდაყოლილი ხელოვნების წყალობით; სომხეთი, რომელიც არაერთი დიდებულ რძალს გვაჩუქებს ქართველებს შუშანიკის მეთაურობით; სომხეთი, რომლის არარატის მწვერვალებს ნოეს კიდობანი შეახებს ქიმს (თუმცა არსებობს გივი ალაზნისპირელის ალტერნატიული აზრი, ნუნისის ქვის ვეშაპის სახით), და განახლებული სიცოცხლის ბაქნად მოევიწიება ქვეყნიერებას; სომხეთს, რომელსაც ეროვნული ტრაგედიის დღეებში, (სპიტაკისა და ლენინაკანის მიწისძვრით იავარქნას ვგულისხმობ), ორას გრამ სისხლ ვუწილადებ უშურველად, ამ ამბების შემსწრე, ცალკვად შევცინებ ჩემს გიჟვრაცუულ საქციელს, ვინაიდან დავრწმუნდები, უკიდურესი გაჭირვების ჟამს ყოველთვის უმადურად გარდაგვეხდება გადამეტებული გულქართლობა; თუმცა ძმათაგან ტყვიანაკრავ ჩვენსავე პრეზიდენტს უცხოტომელი ვითომ რისთვის უნდა შევეგებოს დიბა-ფარჩითა და ჭეჭიმების დაფოთილი ბილიკებით-მეთქი, მიხურს გონება.

დასაველეთ საქართველო ყალყზე დგას თავისი პრეზიდენტის ღირსების დასაცავად, ისე როგორც — აღმოსავლეთი და ქვეყნის შუაგული — თბილისი. მშვიდობიან მომიტინგეებს თავიდან ჰკერში გასროლით თუ აშინებენ, მალე უდანაშაულოთა სისხლიც დაიღვრება. ესეც „დემოკრატიის“ პირველი საიანვრო ყვავილები. გამსახურდიას ორი სექტემბრის ინსცენირებული გასროლები თუ წამწარდება, ძნელადდასაჯერებელია უკანონო მთავრობას სისხლის წვიმები შერჩეს! დეკემბრის დღეებში რუსთაველის პროსპექტზე მონაწილეული ორად ორი ჯავშანტრანსპორტიორი რომ დაჯაყ-ჯაყებს, სადღეისოდ მათი რაოდენობა რამდენიმე ათეულს აჭარბებს, თანაც სრულიად მოდერნიზებული, წინ რომ ვერც მდინარე დაუდგება და ვეღარც — კლდე-ღრე.

საკითხავი ერთია, ხელის ერთი მოსმით საიდან მოუგროვებია ოპოზიციას ესოდენი სამხედრო არსენალი, რომ არა იმპერიის ჩვეული მფარველობა?!

— ვინათხოვრეთო, — წამოცდება ინტერვიუს დროს ერთ გენერალს, და ჩვენც ნუ ჩავეძიებით, თუ რა მოცულობისაა იგი, ან როდემდე გასტანს აღებ-მიცემობის ქლესური ტრადიციები. უმჯობესია, კვალში მივსდეთ სათქმელს.

ასე და ამგვარად, ზუგდიდში ჩამოყალიბებული ეროვნული დაუმორჩილებლობის კომიტეტის ზეწოლა რომ არა, ბატონი ზვიადი შესაძლოა მიმშობლით სიკვდილს ემსხვერპლა, ან სამოკავშირეო ხელშეკრულების სასარგებლოდ ფარ-ხმალი დაეყრა, გამტყდარიყო, საკუთარი ნებით პრეზიდენტობიდან გადამდგარიყო, ან კიდევ შორეულ ემიგრაციაში წასულიყო, საფრანგეთია ეს თუ შეერთებული შტატები, მაგრამ, როცა სომხეთს მკიდროდ შემოეჭირა ქამარი წელზე, მაშინვე გამოჩნდება ცინცხალი ლაინერი მისი ოჯახის წევრებისათვის თუ თანამესაგრეთათვის (ავი ენების მტკიცებით ეს ლაინერი თურმე სუკის წყალობაა?!)

უმეგობრო კაცი განწირული რომაა, მტკიცება არ სჭირდება და მერაბ კოსტავას დამკარგავს, განაწყენებული ოპოზიციისაგან ჩაქოლილს, ჩეჩენი ხალხი უბოძებს თავშესაფარს. სწორედ ჩვენი სისხლხორცეული ძმების, ჩვენი ერთარსი კავკასიელი რასის თანადგომით, ბატონი ზვიადი უვნებელია დღეს, ისე რომ, ჯოპარ დუდაევთან ბილიარდის სათამაშოდაც იცლის ხანდახან. უვნებელია მისი იდეა, იმისდა მიუხედავად, ბარბაროსულად დალაშქრულა მთავრობათა სასახლე, დათხოვნილია პარლამენტი, რომელიც გროზნოშილა მოახერხებს შეკრებას, და მისი თავმჯდომარე ბატონი აკაკი ასათიანი ბურიდანულ გაორებას განიცდის კვლავაც; იმისდა მიუხედავად, დაპატიმრებულნი არიან დეპუტატები; დახვრეტილია მშვიდობიანი მიტინგები; დასჯილია ურჩი ქალაქები: ფაზისი, სენაკი და ზუგდიდი, მორალური მხარე, გამუდმებული კომპრომეტირებისა და განჩინების ფონზე, ბატონ ზვიადის ეკლიან გზას რომ ახლავს, კოლოსალურია.

გუშინ საქართველოში ეროვნული დაუმორჩილებლობის ნება სუფევდა ყველგან, წარმოება-დაწესებულებებში, საგანმანათლებლო სისტემაში, მთასა თუ ბარად; გუშინ ქარაგმული საუბრები თუ იმართებოდა ბატონ ედუარდ შევარდნაძის ჩამოსვლის თაობაზე ბეიკერის თანხლებით, დღეს იგი სამხედრო საბჭოს თავმჯდომარეა; გუშინ რესტავრირებული პრემიერ მინისტრი ბატონი თენგიზ სიგუა მეთვალყურის როლში რომ იმყოფებოდა მოსკოვში **NI A**-ს ერთიანობაში შემავალი

ქვეყნების წარმომადგენლებთან, აფორმებდა ცალკეულ ხელშეკრულებებს, ხოლო შეკითხვაზე: შევიდოდა თუ არა საქართველო განახლებული იმპერიის შემადგენლობაში,

— ეს ყოველივე მომავალი მთავრობის საქმეაო, — აცხადებს ახლა და ივიწყებს, გამსახურდიას რანაირად გადასჭამენ თავს „კრემლის აგენტობით“, თუმცა მაშინ პრეზიდენტი ბრძანებს:

— თქვენგან განსხვავებით ბილწით არ შევეკვრი ზავითო, — დღეს სამხრეთ ოსეთიდან რუსეთის ჯარი პრაქტიკულად გაყვანილია და საქართველო თავის ტერიტორიულ მთლიანობაში აღდგენილია თითქოს;

გუშინ კილომეტრიანი რიგები რომ იმართებოდა პურზე, უსინათლობითა და უტრანსპორტობით ეწამებოდა ხალხი, ოჯახს გიწიოკებდნენ, გართმევდნენ სარჩო-საბადებელს, თითქოს ქართველები კი არა ჯალალედინის ამალისანი ყოფილიყვნენ, დღეს შედარებით სიმშვიდეა.

დასავლეთ საქართველო თითქოს ცხრება. თორმეტჯერ გაზრდილ ცხოვრებას გაორმაგებული ხელფასებით ვუმკლავდებით.

ბატონი ედუარდი აჭარაში, ფოთსა და ქუთაისში ჩასვლით ნიადაც უმზადებს სადალიანოს მოსახლეობასთან შეხვედრას. მოკლედ, საკითხში ჩაუხედავ ადამიანს, გენშერისა და უკვე დანიშნული რამდენიმე ელჩის თვალსაწიერით, შეიძლება მოეჩვენოს, კრიზისი დაძლეულიაო, მაგრამ ჩემი ღრმა რწმენით, არავინ იცის ხვალ-ზეგ პოლიტიკური კლიმატი რაფორმით წარმოჩინდება.

მართუ მიკოტხე

ერთგნული მოძრაობის მეორე ფორპოსტი (I)

დედაქალაქში თებერვლის მიწურულს ჩამოვბრუნდები. განცდილ-გარდახდილი ქუსლიდან ამოძრობილი ეკალივითაა ხოლმე. სიტყვა ფრიად უძღურია მის თუნდაც მიახლოებით აღსადგენად.

ზუგდიდი, ბატონი მერაბ კოსტავას ბრძანებით, ერთგნული მოძრაობის მეორე ფორპოსტი თბილისის შემდეგ, აბოპოქრებულ ზღვას ჰგავს. მთელი დასავლეთ საქართველო, ქუთაისიდან მოყოლებული, სოხუმითურთ, მაჭარივით დულს.

პირველსავე პრესკონფერენციაზე ბატონ თენგიზ სიგუა ჟურნალისტებს საჯაროდ განუცხადებს, რომ ჭკუანაღრძობ პრეზიდენტს მხოლოდ სამეგრელო ექომაგება, ვინაიდან ისიც ჩემსავით ტომით მეგრელიაო. კოლხურ წარმომავლობას მეგრელების მოსალმობიერებლად მოიშველიებს, თორემ ეს სიმდიდრე არავის გაახსენდება კანონიერი ხელისუფლების დამცველ ზუგდიდის ბატალიონს ავტობუსებში რომ ყუყუავენ. თუმცა თავად გამსახურდიაც ორიოდ წლის წინათ სიტყვა „მეგრელს“ საკმაოდ უდიერად მოიხსენიებს „ლიტერატურულ საქართველოში“: „მარგალი“ მისი მტკიცებით გაუნათლებლის, გლეხის, რისამე დამრგველის იდენტურია და არა — ენათმეცნიერების პოზიცია: ეგრის, ეგრისის, ენგურის ცივილიზაციის მკვიდრი.

— თავად-აზნაურობა ქართულად საუბრობდა, მეგრული გლეხების ენა იყოო.

საკითხავია, მაშ, რატომ გამოუცხადებს ილია ერისთავების სალონურ ენას უარს, და სანაცვლოდ ხალხის მეტყველებას რისთვის ჩაიხუტებს გულში?! მშობლიური კუთხის დატუქსვა აქ უვერტურაა თურმე შემდგომში მოსალოდნელი სეპარატიზმის აღსაკვეთად.

საუკუნის დამდეგს მაფალუისტები ავტონომიას რომ მოითხოვენ, ამას ერთგვარი გამართლება ეძებნება, ვინაიდან მასას, სამეგრელოს მოსახლეობის აბსოლუტურ უმრავლესობას, ქართული არ ესმის.

რალა შორს მივდივარ, ცხონებული პაპაჩემი თომა გელენავა და დიდდა მარი ჯალალონხე იმნაირად აღესრულებიან, რომ გაქცეულ იმერელს ველარაფრით მოაბრუნებენ. ისე კი, ისტორიული სიმართლე რომ აღსდგეს, ჩვენი დედასაქართველოს, ჩვენი სანუკვარი ერთიანობის წინაშე ზუგდიდს არაერთი სიკეთე მიუძღვის. მთავარზე უმთავრესი მაინც მეოცე საუკუნის ოცდაათიან წლებს ემთხვევა. საქმე ის გახლავთ, რომ კრემლში, სადაც მოჩვენებითი ავტონომიების გუჯრებს გულუხვად არიგებს რკინის კაცად წოდებული იოსები, საქართველოდან წარგზავნილთა შორის სამეგრელოს წარმომადგენლებიც არიან, „ყაზაყუმ გაზეთის“ რედაქტორის, ისაკ ჟვანიას მეთაურობით. ისიც წარუდგენს ბელადს სრულიად სამეგრელოს გულისხმად გასაღებელი მაფალუისტების ურაპატრიოტულ მოთხოვნას, რომლის მიხედვით სამეგრელო თავისი შვიდივე რაიონით საქართველოს ერთ-ერთ ავტონომიურ რესპუბლიკად ცხადდება. რამდენადაც ვიცი, წარმოდგენილ დოკუმენტზე დადებითი რეზო-

ლუცია დაფიქსირდება წითელი ფანქრით და მხოლოდ შემდეგ, ოდნავ მოგვიანებით იკითხავს ის რკინის კაცი:

— დედაქალაქი სად გექნებათო.

ისაკ ჟვანია უყოყმანოდ ზუგდიდშიო, უპასუხებს. დაასაბუთა კიდევ ისტორიული სადადიანოს ფლაგმანობას სხვებთან შედარებით, მაგრამ ფოლადის კაცი არ იჭაშნიკებს არჩევანს. დადიანების სატახტო ქალაქში კლასობრივად საშიშ საფრთხეს იწყოსავს და სამეგრელოს ავტონომიური რესპუბლიკის ცენტრად ფოთს შესთავაზებს. ცხადია, საამისო არგუმენტებსაც მოიშველიებს. გაიხსენებს ანტიკური ფაზისის დიდებით მოსილ წარსულს, არგონავტებს: ოქროს საწმისს, მედეას, სახელგანთქმულ აკადემიას. დაასაბუთებს იმასაც, რომ ავტონომიური რესპუბლიკის ცენტრს ზღვაც ესაჭიროება, მდინარეც, რკინიგზაც, რაც ხელს შეუწყობს მის ინდუსტრიალიზაციას, სწრაფ წინსვლას, რომელსაც ზუგდიდი არსებითად მოკლებულია კონტინენტური გეოგრაფიის წყალობით, მაგრამ საბედნიეროდ, ისაკ ჟვანიას არ ეყოფა დიპლომატიური მოქნილობა, თავისას დასჩემდება, აყრის და აყრის კედელს ცერცვს.

ბოლოს მოთმინებიდან გამოსული ჩიბუხიანი, მომიცადეთ, მოვიფიქრებ და პასუხსაც მოგახსენებთო, დაუბარებს დელეგაციას და როგორც წყაროებიდან ვგებულობთ, ისინი დიდხანს, დიდხანს ელიან თურმე კაცი-ფოლადის გამოჩენას, ელიან, მაგრამ — ამაოდ.

ასე გადაურჩება საქართველო კიდევ ერთი პოლიტიკური ერთეულით დანაწევრებას. სამეგრელოს ავტონომიის შექმნა თუ რა სავალალო შედეგს მოუტანს საქართველოს, ქართველ ერს, სტალინის იოტისოდენადაც არ ანაღვლებს, ვინაიდან, მეგრულიც, სვანურიც, აფხაზურიც, ოსურიც თუ საკუთრივ ქართულიც მას დიდი ხანია ზვარაკად მიეუტანია კომუნიზმის მშენებელი საზოგადოების ერთიანი ენის — რუსულის სამსხვერპლოსთან, თუმცა იღბალიც გვწყალობს ხოლმე საბედნიეროდ

მტრისას! ავტონომია რომ ჰქონდეს სამეგრელოს, კატასტროფა გარდაუვალია, იუგოსლავიური ძმათაკვლის მასშტაბები სანატრელი გაგვიხდება. ასე რომ, იმ დღეებში ჟვანიასაც ვემადლიერები თავისი ხეპრულობის წილ და სტალინსაც ვეთაყვანები საქვეყნოდ აღიარებული სიკვრპე-სიჯიუტის გამო, მაგრამ უმთავრესი ის გახლავთ, რომ „ეროვნული გვარდიის“ მიერ სამეგრელოს ორგზის დალაშქრის მიუხედავად, სამარცხვინოდ დაწიოკებულ მშვიდობიან მოსახლეობას სეპარატისტული განწყობილებანი წამითაც არ გაუჩდება, ვინაიდან მეგრულს უწინარეს ქართველად მოაქვს თავი და საკუთარ მეობას, აბა, რომელი ჭკუათმყოფელი გაქცევია?!

ვინმე ტეტია ტელეჟურნალისტი, ადრე გაზეთიკი და სიყრმის წლებში ხელმოცარული ხელოვანიც, დაქოქვასთან წილნაყარი გვართ, გაცხარებით მიმტკიცებს:

— რომ ხტუნაობთ, რას ხტუნაობთ ნეტავი?! ხომ იცით, მეგრელები მეომარი ხალხი არა ხართ, წამოვალთ აღმოსავლეთიდან და „კატოკივით“ გადაგივლითო.

„კატოკი“... კატოკი... შესატყვისს ვერ ვუძებნი ქართულში, თუმცა რა დროს ლექსიკონებში ჩხირკედელაობაა, როცა გაბრტყელებით მემუქრება ეს ინტელიგენტ-ყბედი?!

ვეტყვი კიდევ დაუფარავად:

— სამი-ორი საუკუნის წინათ კიდევ არა გიშავდათ რა-მეთქი, ერეკლეს დროშის ქვეშ დარაზმულეხს, მაგრამ ახლა თქვენც, ჩვენის არ იყოს, ღვინით გაბერილი ტიკ-ჭორები უფრო ხართ, ვიდრე მამულის ერთიანობისათვის გულანთებული რაინდები-მეთქი.

ჩემს ასეთნაირ გაწიწმატებას გაზეთ „შარავანდში“ გადმობეჭდილი ლაფთაცვენანიც ესაძირკვლება უცხოეთის პრესიდან: რომ არავინ ვიცავთ ქუჩაში მოძრაობის წესებს — დიდიც, პატარაც, სპორტსმენიცა და ინვალიდიც, ხულიგანიცა და პოლიტიკოსიც; რომ სადარბაზოები ავგიას თავლას ეჯიბრებიან ყოველ ნაბიჯზე შარდის შეუკავებლობის სინდრომით შეპყრობილი მოქალაქეების წყალობით; რომ ტროტუარზე ორკუთხიანი აქლემის კვალობაზე ვიფურთხებით; ვბერტყავთ ქვეშაგებს და ფარდაგებს აივნებიდან, თითქოს დაბლა თანამემამულენი კი არა ჭიანჭველები დაცოცავდნენ.

მეც ბევრჯერ მიფიქრია ჩვენს დაუდევრობებზე, ჩვენს ამაზრზენ ქცევებზე საზოგადოებაში, კინოთეატრსა თუ სტადიონზე. წერილიც მომიზადებია წლების წინათ, მაგრამ იმ წუთას უცხოელი ჟურნალისტის მკვახე შეძახილით შეძრულს, მომეტევება.

— ქართველები ერთმანეთის ხოცვა-ჟლეტაში არიან გულმაგრებიო. საკმარისია სიგარეტი ან სანთებელა არ აღმოგაჩნდეს და დანა მუცელში განადღებული გაქვსო, — როცა, იმ რეპორტიორისვე მტკიცებით, — ორმოცამდე „იკარუსით“ სამაჩაბლოში ჩასულ ქართველთა ლაშქარს მოპიკეტე ოთხი ათეული ოსი ყმაწვილი კუდით ქვას ასროლინებსო. მეტი კულამოდუებით გამოეძურ-

წება შეიარაღებული ქართველების მრისხანე ბრბო აფხაზების აკაკანებულ ავტომატებს ღალიძ-გასთანო.

უცხოელი ჟურნალისტი ქვეტექსტს დასჯერდება, ფრაზას ბოლომდე არ დაასრულებს, ლერმონ-ტოვის საუკუნის წინანდელ მსუსხავ სტრიქონს — „ბეჟალი რობკიე გრუზინის“ მრავალწერტილში იგულისხმა.

სახელმწიფოებრიობის დაკარგვა, როგორც ჩანს, მძორად აქცევს ჩვენს ეროვნულ თავმოყვარე-ობას. აკვნიდანვე ჯარისკაცად, მხედრად, მეციხოვნედ ნაწრთობი ქართველის სანაქებო ღირსებები სამუზეუმო ექსპონატებად დახვავდება ჟამთა მსვლელობაში: ხანჯლების ტრიალი, თვლებიდან ნაპერწკლების ფრქვევა, ფერხულის სიმწყობრე და ხორუმის სიფხიზლე, მხოლოდღა სცენას შე-მორჩება რეკვიზიტად და რალა გასაკვირია, ყოველდღიურობაში საზოგადო სილაჩრე გვჯაბნიდეს? ცხადია, მამაკაცებს ვგულისხმობ, თორემ ჩვენი დედები ცხრა აპრილსაც ისახელენ თავს და ამჟა-მდაც ამჟად ეგებებიან მეკრდით ვიღების მოღერებულ ლულებს.

ქართველს დიდი ხანია ქვეშეცნეულად უყნოსია საკუთარი ქალაჩუნობა. ის სხვა ეროვნების მოწინააღმდეგესთან შეჯახებას მოხერხებულად თუ არიდებს თავს, გულზვიადი სწორედ თანამოძ-მესთანაა, რადგანაც მშვენივრად უწყის როგორი ჩუტლაყიაცაა, განსაკუთრებით მამლის გამო-საწმენდად ვარგისი ჯაყა მინც თუ მოუბღუჯავს, არაფერს ვამბობთ ცეცხლსასროლ იარაღზე. ასე რომ, უცხო ტომელთან შედარ-ებით თანამემამულის დაჩაგვრა გაცილებით უსაფრთხოა. ვასაკასავით მონუსხული მსხვერპლი წინააღმდეგობის მაგივრად ტყავის გადარჩენაზე ფიქრობს მარტოოდენ, რადგანაც ოდესღაც ფოლადი გული, ცვილზე ურბილესი გახდომია. გავიხსენოთ ეროვნული გვარდის არწივები რარეგ მოთვინიერდებიან ზუგდიდური ტყეობის ჟამს. ოხ, რო-გორ ცხონდებოდა დარლას სული ქისტებს ზვიადაურის ნაცვლად ჩვენნაირები რომ მოეხელთები-ნათ?!

ახლა კი, იმაზედაც ვიტყვი, 16 იანვარს რისთვის წარვსდგები ზუგდიდელი ასიათასი მომიტინგეს წინაშე. ამ ქმედებას არავინ მკარნახობს საკუთარი სინდისის გარდა. თბილისში სამგზის გვესვრიან მშვიდობიანი აქციის მონაწილეებს. მოგვიანებით დედაქალაქს გარიდებულს სახლსაც დამიცხრი-ლავენ. ფლეიტას მიმგავსებული სულით დავიარები, მაგრამ მე უნდა მეთქვა საჯაროდ, ფიცის მსგავ-სად, უზნობას და სიცრუეს არ შევეკვროდი; კახბერს ვერ ვუწოდებდი მავანს; ჯალათს მსახურად ვეღარ დავუდგებოდი; რომ კანკალისა და კბილების კაწკაწის საყმაწვილო სენი მოხდილია; რომ ოთ-ხჯერ მოკლულს სასიქადულო წინაპრების სული და მხნეობა მომიხვეჭავს საკუთარ გულნამცეცობა-ზე აზეითებით.

მეგრული ლექსით დავასრულებ იმ გამოსვლა.

ამ ათიოდე წლის წინათ „ცისკარში“ გამოქვეყნებულია „გვიმარას“ ჩემული თარგმანი. ფრედერიკ მისტრალს პროვანსული ენის გადარჩენის გამო ფრანგები რომ დადაფნავენ საუკუნის დამდეგს, ჩვენ მეგრელობა წავგვმწარდება; შურისძიების საბაბად ჩამომავლობას წავგაკლავენ, და სალიტერატურო ქართულითაც რომ წავუკითხავ იგივე ლექსს დემონსტრატებს, ერთადერთი მოსაზრებით — სეპარა-ტისტულ მოწოდებაში არ ჩამომერთვას სადადიანოს მრევლისადმი ძუძუენაზე შეხმინება.

დედაქალაქში ჩამობრუნებულს ათასნაირი ხმებს დამახვედრებენ, თითქოსდა თვითგამორკვევი-საკენ მოვუწოდებდი სამეგრელოს მოსახლეობას; თითქოსდა ავტომატმომარჯვებული ხალხს თბი-ლისის დასალაშქრავად ვრაზმავდი; თითქოსდა ზვიად გამსახურდიას მშობლიურ ოტობაიაში ვმა-ლავდი. ხატი, რჯული, სულ ორჯერ შევხვედრივარ ჩვენს პრეზიდენტს. ერთხელ სასტუმრო „აჭარის“ წინ, პრესკონფერენციიდან გამოსულს ხელს ჩამოვართმევთ მე და მწერალი ზაურ კალან-დია. მეორედ — მთავრობათა სახლში რომანი რომ ვუსახსოვრებ მსუყე წარწერით. ისე კი, ვინ აღირსებს თორემ, ჩემი ღარიბული ქოხი ყოველთვის ღიაა დიდი კონსტანტინეს შთამომავლის გასამასპინძლებლად, თუმცა აქვე დავსძენ: ბევრისაგან გამორჩევით, გამორჩენის მიზნით მე არას-დროს მივტმანნივარ მთავრობას. დღესაც ქირით ცვხოვრობ; დღესაც ქვეითი მოქალაქე მქვია; დღე-საც ხანდაზმული ვალეები კანტიკუნტად შემახსენებენ თავს... ჰოდა, იმას ვამბობ, მწერალთა კავშირ-ში, გამომცემლობებში, ჟურნალ-გაზეთების რედაქციებსა თუ ტელე-რადიო კომიტეტში ჭორების გაქანებულ პერსონაჟად ვიქცევი თურმე. არადა, იყო მომენტი, როცა ხალხს ვარწმუნებდი: ისინი სამეგრელოში ვერ შემობედავენ-მეთქი; მთლად უგნურები თუ არ არიან, საქართველოს რეალურ გახლეჩას არაფრით დაუშვებენ-მეთქი, მაგრამ მოვლენები, დიახაც, ჩემი მტკიცების საპირისპიროდ განვითარდება და ყელში ბურთი გამეჩხირება.

ფეთქდება მამასისხლად აშენებული ხიდები ცხენისწყალზე, ჟუმზე, ენგურზე.

ავლებენ ტრანშეებს, ჭადრაკულად აწყობენ სილით დატენილ ტომრებს.

თვალის დახამხამებაში განიარაღდება ანაკლიასთან დისლოცირებული რუსეთის ჯარის ბატალიონი.

ქალაქის თავზე დაუდალავად ირაოს კრავს რაკეტებით აღჭურვილი ყვითელი შვეულმფრენი.

მოსახლეობა ერთსულოვნად მოითხოვს კანონიერი პრეზიდენტის ჩამოსვლას. ზვიად გამსახურდიასა და მერაბ კოსტავას პორტრეტებით მთელი კოლხეთი ზუგდიდისაკენ დაიძრება. არ ილევა ხალხით დაძევილი ავტობუსების წყება ფოთიდან თუ სენაკიდან, ხობიდან თუ წალენჯიხიდან, აბაშიდან თუ ჩხოროწყუდან, გალიდან თუ მარტვილიდან, ოჩამჩირიდან თუ სოხუმიდან. ერთიანი საქართველოს იდეით ნასაზრდოები ტრანსპარანტები ამათრახებს ხუნტას. სამხედრო საბჭოს პირისხლიანს და ერის მოღალატეს უწოდებს. სამაგიეროდ კვლავინდებურად პარლამენტის უზენაესობას ეთაყვანება.

არის ეჭვიმუტანელი მტკიცებანი, რომ საქართველოს თავისუფლება ყოველთვის კოლხეთიდან იწყებოდა; რომ კოლხეთი იყო და იქნება კუთხეებად დანაწევრებული დედასაქართველოს შემკონავი მარადიული ულო.

წამდაუწუმ გესმის საქართველოს ერთიანობისათვის თავდადებული ქუჩის და ცოტნეს სახელები.

ყოველივე ამის შემხედვარეს სული მითრთის, მეგობარი პოეტის, შერმადინ ქალდანის, ჩვეული ღიმილით ნათქვამი მახსენდება:

— ზვიადი თუ დამარცხდა, მეგრელებს ხომ დამგარხავენ ერთიანად და სვანებსაც ზედ მიგვაყოლებენ გვირგვინებადო. — ისეთი ხუმრობისა რა ვთქვა, სადაც ნახევარი თუ არა, მესამედი სიმართლე არ ურევია.

სწორედ იმ დღეებში შეერევა ჰაერს „კამაზი“ და ყოფილი ხელისუფლების ქუჩა-ქუჩა მაგინებელი სამი გვარდიელი. აფეთქების სიმძლავრე წირვას გამოუყვანს ასობით ოჯახის ფანჯრის მინებს, დაწყვეტს მაღალი ძაბვის სადენებს, არ დაინდობს გზის პირას მობალახე საქონელს თუ მაწანწალა ძაღლებს. უბედური მშობლები ცხვირსახოცში ახვევენ შვილების აქა-იქ ნაპოვნ წმინდა ნაწილებს.

სოფლის ორღობეებში პრიმიტიული შლაგბაუმები აღიმართება და მკვიდრი მოსახლეობა ქვეყნის სადარაჯოზე დადგება, მაგრამ ნათქვამია, ძალა აღმართს ხნავსო, და თარხვანტიათიმ შეიარაღებული კოლხეთი რას გაუმკლავდება იმპერიის ყველგანმავალ ტანკებსა და ჯავშანტრანსპორტიორებს?!

ცხოვრება აუტანელი გახდება. სამხედრო საბჭო თბილისიდან მოყოლებული ზუგდიდითურთ განურჩევლად აღვირს ამოსდებს ხალხის ნებას.

როგორც აღმოსავლეთში, ისე დასავლეთში პრეზიდენტის მომხრეებს გასაქანი არ მიეცემათ მშვიდობიანი პოლიტიკური მოღვაწეობისათვის. სიტყვას, თავისუფალ აზრს, იარაღი დაუპირისპირდება ყოველთვის.

მაროდორობა, ყოყლოჩინობა ზენიტს მიაღწევს.

დაბეჯითებით შემიძლია განვაცხადო, რომ სამხედრო საბჭო ხელს იბანდა მათი ქმედებისაგან. დარწმუნებული ვარ, პირიქით, აქეზებდა კიდევ ძარცვა-გლეჯისაკენ, რადგანაც სამხედრო გადატრიალების პერიოდში შეპირებული თამაშუქების განაღდება, აურაცხელი საომარი ტექნიკის შემქმნის, აღარ შეუძლია. ძმათა სისხლზე დაგეშილი ბანდის გაწბილება-განაწყენებაც არაფრით იქნება და მშიერ-მწყურვალ გიჟსაც ნებას მიუშვებენ.

მოთმინების ფიალა აივსება. ხალხი თვითონ გამოუტანს განაჩენს ზნედაცემულთა ხროვას და ცეცხლს წაუკიდებს მათ ადგილსამყოფელს სასტუმრო „ეგრისსა“ თუ მილიციის შენობაში. ტელევიზია მერე ჩვეული ტენდენციურობით აბრალეებს მეგრელებს, თითქოს დაჭრილები ეწამებინოთ, მკვდრები ხელახლა ჩაეყაროთ ცეცხლში. „მეგრელთა სასიძოების“ თავმომწონეობით წამოსულებს ახლა რატომღაც წარამარა ეპარებათ ზურგზე დაწყობილი ხელების სიახლოვეს.

თითქმის უბრძოლველად განიარაღდება ვერტმფრენით მოახლებული გენერალი ყარყარაშვილისა და ტელეანძის დამცველი ბესიკ ქუთათელაძის მაშველი ძალა. ტყვეებს მშობლების თვალწინ სიცოცხლემოსწარაფებული დედისერთა გოჩა ჯიქიას ოჯახში დააბინავებენ, რომელი ახალგაზრდაც ორმოცამდე ზუგდიდელივით უაზროდ გაიწირება იარაღით გადიდგულელებული თანამოძმის ხელისაგან. გაუბედურებული ოჯახი კოლხური გულუხვობით უმასპინძლებს მომხდურს და ამით მთელს ქვეყნიერებას აუწყებს მეგრელების დიდსულოვნებას, რომ ვეფხვისა და მოყმის ბალადა მხოლოდ პოეზიის ფენომენი როდია.

პრეზიდენტის მომხრეები სახელმწიფო საბჭოდ ტრანსფორმირებულ ხუნტას გვარდიის დაუყოვნებელ გაყვანას მოსთხოვენ რეგიონიდან. ამასთანავე მოლაპარაკება ითვალისწინებს მომავალ არჩევ-

ნებში „მრგვალი მაგიდის“ პარტიებისა და ზვიად გამსახურდიას სწორუფლებიან თანამონაწილეობას, თუმცა პრესაში გამოქვეყნებული ეროვნული დაუმორჩილებლობის კომიტეტის მოთხოვნაში კანონიერი პრეზიდენტის საარჩევნო კამპანიაში ჩართვაზე სიტყვა არ დაიძრება, და რადგანაც პრინციპული შეთანხმება ძირისძირშივე დაირღვევა, ვითარება ისევ აიწეწება.

შეიარაღებული, მიმოფანტული ძალები ისევ შეერთდება. ზემოდან დასმული გამგებლებ ცენტრისკენ მოკურცხლავენ; ისევ აღსდგება პრეფექტურები; ისევ დაიღვრება სისხლი მალთაყვასთან, ცხენისწყალთან.

კვლავ დაიქოქება გვარდია სამეგრელოს დასალაშქრად. კვლავ დაიხვევენ პრეზიდენტის მომხრეები და ცხოვრების ნორმალურ რიტმს საშველი არ უჩანს.

დასავლეთ საქართველო ფაქტობრივად მოწვეტილია აღმოსავლეთს. რკინიგზის პარალიზებით რესპუბლიკის დანაკარგი ექვს მილიარდ მანეთს გადააჭარბებს. სახელმწიფო საბჭო „კომპეტენტურობის“ მიუხედავად, საქმეს ჯერჯერობითთავს ველარაფრით ართმევს.

ორდღიანი ვიზიტი პოლიტიკური გედის სიმღერა აღმოჩნდება გენშერისათვის. როგორც ჩანს, პრესკონფერენციაზე ჯერ კიდევ როდის გასაიდუმლოებული გარიგების უნებლიეთ წამოცდენა ნიღაბს ჩამოგლეჯს ბერლინის კედლის დანგრევის საკითხს.

მობრძანდებიან ელჩები კომენდანტის რეჟიმის ქვეყანაში, მაგრამ ჰუმანიტარული მოწყალე-ბანი ოცმაგად გაძვირებულ ცხოვრებას ველარაფრით აიოლებენ.

მოკლედ, თავისუფალი და დემოკრატიული საქართველოსათვის სამოქალაქო ომს მიახლოებული ვითარება პრეზიდენტის ნაწინასწარმეტყველები უფსკრულისაკენ მიგვაქანებს დღითი დღე.

1992 წ.

მწვანე ჯიხურები

რუსულ პუტჩამდე ექვსი თვით ადრე მე ლიტვას ვეწვევი.. კვირაზე მეტ ხანს დავრჩები იქ და მოსახლეობის გასაოცარი ერთსულოვნება-თანადგომა, პოლიტიკურად დაქსაქსული ჩემი უბედური ქვეყნის მომავალში შემაეჭვებს.

კაუნასში ჩაფრენილს „კაუნა ლაიკას“ (კაუნასის დრო) კორესპონდენტი აუდრონე ვაიტკაუტე მმეგზურობს. მისი წყალობით ყველა კარი ღია აღმოჩნდება ჩემთვის, მუზეუმებისაა ეს, ქალაქის მერისა, მის ლიტვასი — გაიოზ ბარდაველიძის ასულის — ბარდავეიტესი, თუ რესპუბლიკის პრეზიდენტის, ბატონ ვიტაუტას ლანდსბერგისისა.

ჩვენი დანაგვიანებული ქუჩების შემდეგ იქაურ სკვერებსა და ქვაფენილებზე გავლა წმინდა წყლის ლირიკის თემაა. საღამოს ექვს საათამდე ჩიტების იდუმალი გალობებით დასტკებები. მერე კი მაღალ ქუსლებზე ამხედრებული ჯიშინი ფეხების კაკუნით გაბრუვდება ყოველი.

კაუნასში მეორე ტელეანძაცაა, რომლის არსებობის შესახებ, სამხედროებმა შესაძლოა არაფერი უწყობდნენ, და ვილნიუსის ტელეხედვის ბლოკირების შემდეგ, როგორც ზუგდიდი საქართველოსათვის, ისე კაუნასი გახდება ლიტვის თავისუფალი ხმის მეორე ფორპოსტი. მისი დირექტორი ჩემი მეგზურის ძმა აღმოჩნდება სწორედ. მრავალ სამხილ მასალას მაჩვენებენ, თუ იმპერია მუხლუხობით როგორ გადათელავს თავისუფლებისმოყვარე სულს. ვიდეოკასეტაც მისახსოვრებენ. სანაცვლოდ ქართველი ერის სახელით ხუთასმანეთიანი პრემიას გამოვაცხადებ „კაუნა ლაიკაში“, რომელიც ეროვნულ-გამათავისუფლებელ მოძრაობაზე შექმნილ წლის საუკეთესო პუბლიკაციის ავტორს მიენიჭება.

დაუკავშირდებიან ბატონ ლანდსბერგისის რეფერენტს, ქართველ მწერალთან შეხვედრის დროს სთხოვენ, რომელ კალმოსანს ეროვნულ მოძრაობაზე მართალი წიგნის დაწერა განუზრახავს. თვრამეტი საათისათვის დამიბარევენ მომდევნო დღეს.

ამ წერილში გაძნელებული ლიტვური იშვიათი სტუმართმოყვარეობის თუნდაც მიახლოებით წარმოჩენა; ვერც ინდივიდუალური არქიტექტურის თავისებურებებზე ვიტყვი რამეს, წამახულ კონუსებს ანტენებივით უკვდავებისაკენ რომ მიაქვთ ამ თვითმყოფადი ერის ერთიანი ძალისხმევით ნაჭედი თავისუფლება; ვერც ქვეყნის პრეზიდენტთან შეხვედრის ნიუანსებზე დავწვრილმანდები, ვინაიდან უფრო მნიშვნელოვანი სათქმელი მომჩერებია თვალებში — მწვანე ჯიხურები, ანუ ის ცოცხალი ძალა, ლიტვის აზატობას რომ უდგას ფხიზელ დარაჯად.

იმპერია მოახერხებს ლიტვაში ინტერფრონტის შექმნას კომუნისტების სახით, საქართველოში კი კომუნისტების რეიტინგი ზნეობრივ სკალაზე ნულს ქვემოთაა ცხრა აპრილის შემდეგ და ამრიგად, კანონიერ მთავრობას დემოკრატიის უქონლობას გამოუძებნიან აქილევსის ქუსლად, დე-

მოკრატისა, რომელსაც ორასი წელიწადია ჩემულობს ამერიკის შეერთებული შტატები და დღემდე სანახევროდაც ვერ განუხორციელებია.

ვილნიუსში ესკორტით ჩაცილებული დათქმულ დროს ბატონ ლანდსბერგის ველარ შევხდები. მრჩველი თავად ჩამოვა ვესტიბიულში, მომიბოდიშებს:

— ხვალ ამა და ამ საათზე რამდენიმე ჟურნალისტთან ერთად.

სასტუმროში ნომერი დაუჯავშნავთ, მაგრამ იმ საღამოს კომფორტისათვის ნამდვილად ვერ მოვიცილი. მწვანე ჯიხურები მომნუსხავს. სწორედ იქ ვიხილავ ჭეშმარიტ ლიტვას. ათვალწუნებული ჩვენი კარების ფუნქცია მაცნეს როლითდა თუ ამოიწურება, მავანთა საქირქილოდ წამოჭიმულა იგი, ვინძლო ოპოზიცია მთავრობათა სასახლის კიბეებზე არ დამჯდეს საშიმშილოდ და ნოემბრის აქციები თავიდან ავიშოროთ, სამ ათეულზე მეტი ლიტვური მწვანე ჯიხური პარლამენტის გარშემო, ხელისუფლების უსაფრთხოებისათვის ფხიზლობს დღედაღამ.

ნაჩქარევ ხელს შეუკოწიწებია ისინი. არავის უზრუნვია მათი არქიტექტურული სრულყოფილებით-სათვის. არც ოღროზოლო ფიცარი გაურანდავს ვინმეს. აღარც შალაშინი შეხებია მათ ხორკლიან ზედაპირს. ღრიჭოში ქარი წუის. თავხეებიდან გამოჩრილ საკაკუტე ლურსმნებზე სხვადასხვა გაბარითისა და სიჭრელის პარკები კონწიალებენ.

გადაპრიალებული, ხის გრძელი მერხების შუაგულში, რკინის კასრი დგას, ვარდისფრად გათარანებული. ავუგუნებულ ცეცხლს მიფიცებებიან მოქალაქენი. მოდიან ხანდაზმულები, ჭარმაგნი, ყმაწვილები, ორივე სქესისა და ამ მარადიულ კოცონში დურთავენ ხოლმე დამტვრეული სკამის საზურგეს, კამოდის ფეხს, ნაპობ შეშას თუ მარქსიზმ-ლენინიზმის კლასიკოსების ტომეულებს.

— აბა, როგორ, ეროვნულ მონაპოვრებს მოფრთხილება სჭირდება. მარტო მიტინგებით ფონს ვერ გავალთო, — მიხსნიან, — მგზნებარე სიტყვებით კი აბრიალდები ჩალასავით, მაგრამ სამაგიეროდ ხელადვე მინავლდებიო, — მებაასებიან და იქაურობას კარგად რომ დავაკვირდები, მაშინვე დავასკვნი, რომ ჩვენი მთავრობის საზოგადოებრივი აზრის შექმნის სტრატეგია საკმაოზე მეტად მოიკოჭლებს. ლაყობის ნაცვლად ლიტველები თავიანთი პარლამენტის გარშემო ერთგულების მარადიულ კოცონს დააგიზგიზებენ და მიემედება, ქართული მწარე გაკვეთილები გამოირიცხება მათთან.

იმ მწვანე ჯიხურებში არც ყაზარმული პედანტური წესრიგი მინახავს და აღარც პირატული ბაქქანალია; ლალი, შინაგანი თავისუფლებით გამსჭვალული ცხოვრება დუღს ირგვლივ. ზოგს საგზალი მოაქვს, ზოგს — ახალი გაზეთები. მიდიან ერთნი და სხდებიან მეორენი. არავითარი დაგვემვა, არანაირი სიები, ოღონდ ერის განუწყვეტელი მოძრაობა თავისი ხელისუფლების გარშემო.

მოდიან აუცილებლობის შეგნებით. მერხებზე ადგილი თავისუფალი თუ არ დახვდებათ, ათთხუთმეტ წუთს იმუსაიფებენ და წავლენ, წავლენ კმაყოფილნი, თავისთავში დაჯერებულნი, რომ მათი პარლამენტი უთვისტომოდ არაა მიტოვებული.

მე იქ წავუწერ ჩემს რომანზე ბატონ ლანდსბერგის არანაკლებ თბილ და შთამბეჭდავ სიტყვას, ვინემ ბატონ ზვიად გამსახურდიას. იქვე ვათარგმნინებ კოლეგა თავთუხის დალალებიან ლიტველს, მაგრამ ჯიხურში სხვა ეროვნებისანიც აღმოჩნდებიან: უკრაინელები, სომხები, აზერები... და რომანტრიადა „სიცოცხლემისჯილის“ პირველი წიგნი ბარემ ათორმეტი ერის გულისძახილის უმესვეურებს.

დიახ, იქ ცეცხლით დარაჯობენ მოსალოდნელ ცეცხლს; დიახ, იქ რაიონის მოსახლეობაც მიმოდის, მაგრამ ძირითადი მასა ქალაქელებისაა; დიახ, იქაც ჯუჯლუნებს კორუმპირებული ოპოზიცია, და წრფელი ცრემლი მერვეა ახლა, ჩვენთან ელიოტისეული ნაცრის გარემო რომაა. ამასთან საესებით ვიზიარებ ვახუშტის სიტყვებს ქართველებზე დადებითის გამოკლებით; თანაც ვერაფრით მიმიტევებია აკაკისათვის ერთადერთი შეცდომა, აგრერიგად რომ შეურაცხყოფს საქართველოსთან გაიგივებულ ნერწყვის პირმშოს.

დაახლოებით ასეთია სადღეისოდ საქართველოს შიდაპოლიტიკური თუ საგარეო ვითარება.

ჯერ კიდევ მთავრობათა სახლის შტურმების დროს ოცდაორზე მეტმა ქვეყანა ცნობს ჩვენს სუვერენიტეტს. ეს ტენდენცია სამხედრო საბჭოს მმართველობის პირობებში კვლავაც გაგრძელდება. თითქმის გაორმაგებულია საქართველოს აღიარება, მაგრამ უმთავრესი სხვა რამეა: ძნელი მისახვედრი როდია უბრალო მშრომელი მასები ადამიანურ პარამეტრებში რისთვის ველარ ატევენ ბატონ ზვიად გამსახურდიას პიროვნებას, რისთვის სახავენ მას მერაბ კოსტავასთან კონტექსტში ქართული ეროვნული მოძრაობის პატრიარქად, პანკაკვასიური ორიენტაციის სწორუპოვარ ბელადად, და ხშირ შემთხვევაში — ღმერთკაცადაც კი, ადამიანთა მაუკვდავებელი სულიერი ცეცხლისათვის ციურ ძალებს შერკინებულ ამირანსავით. ეს რწმენები და სიმპათიები, ცხადია, ცარი-

ელ ნიადაგზე ვერ აღმოცენდებოდა; მისი მარათონული ბრძოლა მამულის განთავისუფლებისათვის, მეწამულ მოსასხამში ჰხვევდა და ჰხვევს, ვითარცა ერის მხსნელ რაინდს. ხალხის ფართო ფენები ზვიადის სახით აღავლენდნენ და აღივლენენ აუხდენელ-განუხორციელებელ ოცნებათა ქოროს, ხოლო კლანურ ინტელიგენციას, პირიქით, აღიზიანებს რიგითი მოკვდავის ღვთაებას მი-ახლოებული პიროვნება.

შინაურ მღვდელს შენდობა არა აქვსო, იტყვიან; მარტოოდენ ნაზარეთში არ ირწმუნებენ მაცხოვრის ძე-ღმერთობასო, ესეც გამოცდილია, მაგრამ სიმართლე რომ ითქვას, ესოდენ პოპულარული პიროვნება თითზეჩამოსათვლელი გვჯოლია ქართველებს; თანაც ყოველივეს ზურგს უმაგრებს მზითვევით ბოძებული დიდი კონსტანტინეს მემკვიდრეობაც.

მერედა, მას, როგორც ინდივიდუალს, არასდროს დასჭირვებია ეთაღლითა, მოექრთამა ან მოქრ-თამულიყო; ემოლიქნელა, ან კიდევ მშუცელზე ეხოხილა იერარქიულ კიბეებზე გადანაცვლებისას; აქვე, ბატონი ზვიადი შეუფარავია საგნების შეფასებისას. მას არაფრად ეპიტნავება გამომცემლობის დირექტორ-პოეტთან კულის ქიციანი ქეციანი წიგნის გამოსაცემად. ის ჯერ ქვებს აგროვებს, რადგანაც იცის, ოდესმე მათი სროლის ჟამიც მოაწევს. ის ჯერ წერს, ქმნის, ელოდება თავის ბორჯალს და ამდენად, დითირამების ნაცვლად იმ ჩინოვნიკის ციებაშეყრილი პოეზია, ადრე თუ გვიან გვჭკრო-დეს, შესაფერისი გვირგვინებით შეიმკობა.

1992 წ.

ინტელიგენცია

გამსახურდიას მშვენივრად მოეხსენება ინტელიგენციის აქილევსის ქუსლებისა, (გვულისხმობთ ქართულ ფსევდოინტელიგენციას), რომ თითქმის ვერ იპოვით მოხელეს, რომელსაც რაღაცნაირად არ შეეცოდოს თავისი იმპულსური სისუსტეების წყალობით; ძნელია დაასახელო თანამდებობის პირი, რომელიც დღეს ეროვნულ მოძრაობაში ტრიალებს და გმირობის ჭინჭილებს მოითხოვს მამულისაგან, სამი-ოთხი მანქანა არ გამოეყვანოს საბჭოურ ხუთწლედში; სათითაოდ ორმაგ-სამმაგ ფასში არ გაეყიდოს სამშობლოსა თუ მის ფარგლებს გარეთ; გარიწკინებული ბინებით არ უზრუნველყოფს სანათესაო თვისი; დაუმსახურებელი საზღაური არ წარეტაცოს სახალხო დოვლათისათვის და აქედან გამომდინარე, საკუთარ თავთან დარჩენილს არ ქეჭნიდეს სინდისის ნატამალი.

ეს პიროვნების გადაგვარების ერთი მხარეა, რომელიც ეპიდემიასავით მოსდებია საზოგადოების ნაღებ ფენას და ვაჟას საუკუნის წინანდელ სიტყვებს თუ დავესესხები: ინტელეგენცია მომწყვდარია ეროვნული არსებობის ხის ძირებს.

ერი, საქართველო, სამშობლო, დედაენა მეკრდში საბაგუნებელი ფრაზებია, ნიანგის ცრემლები მოჭირნახულე მამულიშვილის პოზის შესანარჩუნებლად.

ინტელიგენცია ერისაგან მიიღებს მაქსიმუმს და გაცემს მინიმუმს. ესაა ერთგვარი სწრაფვა კომ-ფორტიზმისაკენ; ესაა ცრუპატრიოტული მსოფლმხედველობა, როცა რეჟისორის შვილები აუცი-ლებლად კინემატოგრაფისტები უნდა იყვნენ, პოეტებისა — პოეტები, მხატვრებისა — მხატვრები, რადგანაც დღეს საქართველოში „თვითდამკვიდრებისათვის“ უფრო იოლი გზა არ არსებობს, როცა ფიროსმანი კიბის ქვეშ აღესრულება, ტერენტი გრანელი ლაზარეთის კედლებს შეჰგოდებს, ფშაველა იაიას ნატრობს მოწყალების დის ხელებს მისვენებული, გალაკტიონი წინდებს აკერებს, სამადაშვილს რუტინა, გულგრილობა მოილევს, არაფერს ვამბობ ბარათაშვილის სიდუხჭირის წნეხში გატარებულ სულზე, მაგრამ ნურავის ეგონება, თითქოს შემოქმედებითი წვის აუცილებელ პირობად მხოლოდ და მხოლოდ ხელმოკლეობა, წუთისოფლის არენაზე გამუდმებული ხელმოცარვა და თარსი იღბლიანო-ბა გვესახება.

ამ ჩემი ცხოვრების ნახევარგზაზე, ალიგიერისა არ იყოს, გამომცემლობით საქმიანობასაც შე-ვეჭიდები, შევექმნი ჩემი გემოვნებისა და სტილის კოოპერაციულ ფირმა „ოდებადეს“ და მიზნად დავისახავ ნობელის პრემიის ლაურეატების თხზულებათა მრავალტომეულთან ერთად, ქართვე-ლურ ენათა (ქართლურ-მეგრულ-ლაზურ-სვანურ) სინთეზური ლექსიკონისა და ქართული სულის ანთოლოგიის დასტამბვას; ეს უკანასკნელი ზედმიწევნით შეისრუტავს ყოველივე ქართულს — ფოლ-კლორული ნიმუშებიდან მოყოლებულს, თვითნაბად ზღაპრებს ჩვენსას, რეპროდუქციებს მონუ-მენტური, ხუროთმოძღვრული, იუველირული ხელოვნებისა. ძირითადი მოტორული ძალა კი, ცხადია, სიტყვაკაზმულ მწერლობას დაეკისრება.

ჩვენ წინ დავილაგებთ სვეკურთხეულ კალმოსანთა კრებულებს თუ ტომეულებს და გული

მომიკვდება პირდაპირ, რამეთუ ეროვნულ მგოსნად თავმომწონე კოლეგას იოტისოდენა ძლივს აღმოაჩნდება ესთეტიკური მუხტისა. არადა, რამდენი ქალაქი რამდენგზის გახარჯულა თურმე თითებიდან გამოწოვილ ამ მათხოვებზე?!

დაახლოებით იგივე სურათია პროზაშიც.

ლექსების მთხვევლებად მოგვაქვს თავი და ნამდვილი ლექსი იშვიათად მოგვეპოვება. მოთხრობების წყობით ვყოყნობთ და მოთხრობას ვერ გვიძებნიან. მკერდში ხელების ბაგუნი კი ლამის დათვებს დაგვიფრთხობს ხუდადოვის ტყეში.

აი, სწორედ, უნიჭობასაც რომ გადაწვდება ბატონი ზვიადი უზნეობასთან ერთად, აქამდე პათვიგივებულ ინტელიგენციას უზომოდ შეერყევა პრივილეგიებიცა და ფუყედ მოხვეჭილი სახელიც. ჰოდა, იმას ვამბობ, სიმდიდრე როდი ლახავს შემოქმედის კალამ-ღირსებას-მეთქი. ქონებას არავინ თაკილობს გოეთესეულს, თუ იგი ფაუსტისმიერი გენია-ცეცხლით მოხვეჭილა.

მერედა, სიმართლე გამხელილი სჯობია, დასამალი რაა?! ზვიად გამსახურდიას საკმარისად არ ურბენია სოფლის ორღობებში, არ დაკაწრულა ეკალ-ბარდში ძრომიალით, არც მისი მდინარე-ჭალის მშვენიერება შეუტკბია წელიწადის ოთხივე დროის გაუხუნარი აკვარელით; აღარც გუთნისდღის თვინიერი სახრეთი მისდევნებია ნიშა ხარებს და ტყისმჭრელების ნაჯახთა ჭახა-ჭუხისათვის მიუგდია ყური მზერაშეულწევად უსიერში; აღარც ბირდაბირით მისდგომია მერმე საფიცრე მუხებს და წაბლებს; მას არ უხეტიალია ჭრიჭინების კრუალით მოქსოვილ ბინდ-მიძალებულ შუკებში და კოლხური კოშკის აივნის ტახტაზე თავქვეშ ხელამოდებული ოცნებობდა თუთარჩელა ღამით საქართველოს მერმისზე; სიყმაწვილეში მას ნაკლებად განუტყლია ფიზიკური დაწოლა ცხოვრებისაგან თავისი რეალური მასშტაბებით.

ის დღემოსწრება ქალაქში ტრიალებდა, ურბანისტული თემატიკა და ინტელექტუალური განწყობილებანი აპურებენ მის მეობას; ის სიყრმიდანვე არსაკიდის სულისკვეთებით იზრდება, ბოროტებას ებრძვის წმინდა გიორგის თეთრონზე ამხედრებული, როცა შესაძლოა ჯერ ურა კვიციც არ გაუხენდია; მას არ უწვენევია ჭაობნარში ჩაფლულობის სიმძიმე ზამთრის ღამით; არც აკანკალებული ხელით დაუნთია კოცონი და ზედ შეფიცხინებული პურის ყუათი დაუკმაყოფილებია აყმუვლებული სტომაქის ნება-სურვილი.

იგი შიმშილობათა დიდოსტატია, მაგრამ არც ციხეში მჯდარა ხეირიანად და აღარც იქაური მგლური კანონებისათვის გაუსწორებია თვალი წლების მანძილზე ნენსონ მანდელასავით თუ ვერა, კოსტავასავით მაინც. მას აკლდა ცხოვრების კუნჭულების შეგრძნება, ის აუცილებელი, რაც ყმაწვილ დავით აღმაშენებელს მიაწურთინან და ამდენად, წარმოსახულს სჯერდებოდა. ნებავდა თუ არა, უნიჭო მრჩველთათვის უნდა გაეწია ანგარიში, მათი უდღეური ნააზრვისათვის დაეკრა კვერი, და უფრო მეტიც, მათი შეცდომები ეტვირთა უნებლიეთ, როგორც წუთისოფლის არსში ძირისძირამდე გაუთვითცნობიერებელს; ასე რომ არა, შეუძლებელია პრეზიდენტს ჩვენსას დაევიწყნოდა ნაცარქექიასეული ეშმაკური ბუნება, განსაკუთრებით ბაყბაყდევებთან ბრძოლის ქამს: შეუძლებელია მუბლით შეტაკებოდა ოპოზიციის წარამარა აღმართულ კედლებს; წარმოუდგენელია ფსევდო-ინტელიგენციაზე გაგულისებულს ბატონი ნოდარ დუმბაძის დიდებული სული შეეწუხებინა საფლავში, გაფრენილ სიტყვას კი ქამანდს ვერ მოსდებ.

ტყუილად როდი უწოდებენ მას საკუთარი მეგობრების საკუთარ მტრად გადაქცევის დიდოსტატს. თუმცა ისიც უნდა ითქვას, რომ ქრისტე ფარისეველებს და მწიგნობრებს კი არა რიგით მეთევზეებს და მიწის მუშაკთ შეიამხანაგებს გოლგოთის გზაზე შემდგარი.

ამდენად, ღმერთმა უწყის, იქნებ ყოველივე უფლის განგებით წარიმართება, იქნებ მისი იდეალი დეგოლისა არ იყოს, ზვიად გამსახურდიასაც ბედი ფენიქსის ყისმათს, ფერფლიდან აღსდგომას არგუნებს?! იქნებ კანონზომიერიცაა ეს წაფორხილება — სამშობლოდან დევნილის იღბალი?! ბატონი ზვიადი ხომ ძირითადად თეორიულად, წიგნიერი სამყაროდან, ქრისტესმიერი დოგმებიდან განიხილავდა საწუთროს ავანჩავანს?! სამაგიეროდ ჯოჯოხეთურ ცეცხლში გამოათარებს განსაცდელი; ტყვის სუნს და ყუმბარის დამანგრეველ ვიბრაციას გაუსინჯავს მაჯას; თვალნათლივ დაინახავს ერთგულს და ლიქნიას.

იქნებ ზემიზნისეულია, დიალექტიკურიც ეს დანარცხება, ვინაიდან გარემომცველი სნებოვანი სინამდვილის განკურნებას მეტი პრაქტიციზში სჭირდება: აღვირი დროულად უნდა ამოსდო ჭკუ-ამოკლეს და თმაგრძელს; არც საკუთარი ბოკვერები უნდა აღაზვეო ეროვნული დროში.

გავიხსენოთ რკინის კაცის კონცეფცია მტერი გენერლისა და შვილი ჯარისკაცის თანაფარდობაზე, რამეთუ საკუთარის წინწამოწევა აკნინებს ზოგადს და კიდევ სხვა მრავალი წვრილმან-მსხვილმანი, რომელთა მიტევა შეიძლებოდა წესით, იმ იდეის წილ, კავკასიური ცივილიზაცი-

ის გადარჩენისათვის ამბოხი რომ ჰქვია სახელად; ცივილიზაციისა, რომელსაც ოდიოზანვე მხარ-
დამხარ ჰქედნენ ქართველები და ვაინახები, ალბანები და ბალყარელები, ინგუშები და ყაბარდო-
ელები, კიდევ რამდენიმე ათეული თვითმყოფადი ხალხი.

კავკასიური სამყარო ხომ თავის დროზე ამირანს ცეცხლს წაართმევინებს ღმერთისათვის და
პრომეთეოსის თემატიკით დაამკვიდრებს მერმე მსოფლიოს აზროვნებაში;

სწორედ აქ, კავკასიაში, კოლხები მოავა რაყებენ პირველად ოქროს ქვიშით ხუჭუჭა საწმისებს
და აღმართავენ წერილსვეტებს — კირ- ბებს, კირბისებს;

სწორედ აქ, კავკასიაში, გამოკვეთავენ პირველ ფოლადს ხალიბები და პირველ მალამოს დაა-
დებენ მედეას ხელით ნაიარევ მკერდს. კიდევ ათასი რამ, იმპერიების შემოტევებით რომ დაქუცმა-
ცებულა, გაფანტულა, იავარქმნილა, და შამილის ოცდახუთწლიანი ომების შემკვიდრეს, დემოკრა-
ტიის უქონლობის ბრალდებით ხახამშრალი ზარბაზანი ესროლო, უზნეობასთან და მკრეხელობას-
თან ერთად, ღალატითაა უთუოდ ზოგადსაკაცობრიო იდეალების წინაშე.

ბატონ ზვიადს ისლა დარჩენოდა, შიშველი ხელებით შეჭიდებოდა დრაკონს. მსოფლიოს თვალ-
ში პატარა იმპერიის დიქტატორად მონათლულს უმნიშვნელო ღონისძიებების გატარებაც არ
ძალუძდა ოპოზიციის წინააღმდეგ. ბუზისოდენა ქმედება ხელად აქლემად აღიქმებოდა და იგი
მთელი არსებით ალალ-მართალ ხალხს მიენდობა, მაგრამ უკვე ნებსით თუ უნებლიეთ, მტრის
დაკრულზე ცეკვავს, მტრის ტაქტიკით მოქმედებს, არ ითვალისწინებს ალიენდეს გუშინწინდელ
გაკვეთილებს:

ყურძნის უხვი მოსავლის მიღებას აპირებდა ვენახის გაუსხვლელოდ;

სიმინდით ნალიების გაძეგვას ლამობდა გაუმარგვლავად და გაუმოროდებლად;

ქაობით გათანგული ხალხის გადარჩენას ცდილობდა მოხუცი ცოლ-ქმრის წალკოტში არხის
გაუტარებლად ფაუსტის კვალობაზე. სამაგიეროდ შედარებით კონსერვატორული კონცეფცია —
ურუსეთოდ ვერ ვიარსებებთ, ოკეანესგაღმელი სუბსიდიების გარეშე დავიღუპებით, არათუ გამო-
ირჩეოდა ჩასაფრებული ღონისძიებით, იარაღითაც იმუქრებოდა და ჯაჭვი გაწყდება სწორედ იქ,
სადაც რგოლი სუსტი აღმოჩნდება — მშვიდობიანი რევოლუციით მოპოვებულ საქართველოს
თავისუფლებას ქრისტესმიერი მორალი ალიყურთან მიმართებაში დამცველად ვერ წაადგება.

ბატონი ედუარდ შევარდნაძეს ფენომენის ზერელე, სწორხაზოვანი ინტერპრეტაცია ან პოლიტიკურ
სიბეცედ მიმაჩნია, ან საერთოდ წაყრუებდა ტალანტისა და ნიჭის მიმართ, მაგრამ საკითხავია, რას ემსა-
ხურება ეს უნარი, ერის ღირსების დამაქცევარია თუ საღი რეალიზმით ნასაზრდოები?! თავი რომ დავა-
ნებოთ მის ელასტიკურ სვლას, თანდათანობით და დამაჯერებელს, შთამბეჭდავს ამავდროულად, სატა-
ნისა და ღმერთის თანაბარი ექსტაზით ნინალუსაშ, ნიკიტა ხრუშჩოვის მოთიმთიმე ლოყბის დაკონცას
თუ რეიგანის ყურის აწევას ვაჟი შვილიშვილის მილოცვის ჟამს ქართული ადათ-წესის შესაფერისად,
მისი მოღვაწეობით ჩვენს თავისუფლებას თავისებური ვერსია ეძებნება.

არის გზა ბატონ ზვიადის მიერ არჩეული: რთული, ეკლიანი, მართალია, უსისხლო, მაგრამ უთვა-
ლავი წინაღობის გადალახვის მერმინდელი გზა — ორმოცწლიანი ხეტიალი მოსესი უდაბნოსა შინა:
წყურვილი და შიმშილი, ციურ მანანათა ეფემერული ცვენა, სამაგიეროდ საკუთარი მეობის, თვითმ-
ყოფადობის შემნარჩუნებელი ულტრანაციონალური პათოსი, კოსმოპოლიტური წარდენის სანაცვ-
ლოდ.

არის გზა შევარდნაძისეული, გზა მსოფლიო პროცესებთან გადაჯაჭვული, გზა მატერიალური
კეთილდღეობის მოხვეჭისა ეროვნული დანაკარგების ხარჯზე. თუკი დავუშვებთ, რომ ბატონი
ედუარდი მხოლოდ თანამდებობისათვის ჩაბრძანდება მოსკოვს და მას არავითარი ქართული მისია
უწიოკებს სულს, ეს უწინარესად თავად საქართველოს ტრაგედიაა, მაგრამ მწერლური ალლო
მალაპარაკებს: უთუოდ შევარდნაძის ძალისხმევის შედეგითაა ევროპის ქვეყნებისაგან რუსული
ბორკილების უმტკივნეულო შეხსნა, რაც თავისთავად ახლებურ სტრუქტურებს წარმოშობს შინ,
საბჭოეთში — ამ კატასტროფულად დამშეული, კვადრატში ახარისხებული დრაკონის წიაღ.

ან ქართულ ეროვნულ მოძრაობას ესოდენ მშვიდობიანად, ესოდენ ტრიუმფალურად მოუხერ-
ხდებოდა კი სახელმწიფო მმართველობაში მოსვლა, რომ არა დამანგრეველი რეფორმატორული
ღონისძიებანი უზენაეს ეშელონებში?! ეს ჰგავს ერთგვარ შურისძიებას ცენტრის მიმართ წლების
მანძილზე დედა-საქართველოს დაბეჩავების წილ, და თუ შევარდნაძის პიროვნება, როგორც ასე-
თი, სხვანაირ ახსნას ექვემდებარება, იგი ჩემთვის არარაობასთან წილნაყარი კარიერისტიკა; მაგრამ
დარწმუნებული ვარ მის ფენომენზე მთელი წიგნი დაიწერება, რომელ უნართაგან ჰომეროსის
რჩეული გმირის, ოდისევსისა არ იყოს, უმთავრესი ცბიერი გამჭრიახობაა.

ჰომეროსი ამყობს კიდევ ამ ეპითეტით. ფეხმარდ აქილევსს ჰეფესტოს გამოჭედილი ფარი და მახვილი ველარ უშველის, პარისის ისრები იმსხვერპლებენ დევმირს;
საკუთარი მეუღლის ხელით გაიწირება ტროის დამლაშქრავი მეფეთ მეფე აგამემნონი აბანოში;
მოკვდება ილიონის ზღუდე — ზუჰმოელვარე ჰექტორი და ჰალიძონების გოლიათი წინამძღოლი ოდიოსი;

მრავალზე მრავალს წააფარებს თვალზე ბინდს აგასფერი სიკვდილი. კიდევ ვინ მოსთვლის, რამდენი შინ მშვიდობით მოისული ჩავარდებოდა ჰადესს, ოდისევსის ბედ-იღბალი რომ ეწვნია.

ცბიერება, გველის გონება იხსნის ლაერტიდს ციკლოპისაგან;

მოხერხებულობა, ეშმაკობა გამოარიდებს სცილას და ქარიბდას;

ულევი ჰკუა გამოაღწევენებს სირინოზების გალობებიდან, მამაკაცის ხმით მოსაუბრე კირკეს ჯადოსნობისაგან;

საზრიანობა, წინდახედულობა სიმამაცესთან ერთად, დაამარცხებინებს ოჯახის გამჩანაგებელ სასიძოვებს.

ღიახ, ბერძენი ამყობს ცბიერებით, რომელიც სრულფასოვანი გამარ-ჯვების ერთადერთი გარანტიაა, ცხადია, თანდაყოლილი გამბედაობის თანხლებით.

გავიხსენოთ სამოცდათვრამეტი წლის თოთხმეტი აპრილი. მხოლოდ ქუჩის მღელვარებით ქართული ენის შენარჩუნება გაძნელებოდა ფრიად. რამდენიმე ავტომატის აკაკანება იმ ვნებათაღელვასაც გაფანტავდა თამარ-დედოფლის გამზირზე დაშლილ ამას წინანდელ ორას ათასკაციან მსვლელობასავით. შევარდნაძეს სჭირდებოდა ერის მძვინვარების ფაქტი, რომელიც გონივრულად გამოიყენებს ქართული ენის ღირსების დასაცავად.

გავიხსენოთ აფხაზური ექსცესები, სამი-ოთხი წელიწადიც არ გასულა იმ კონფლიქტიდან და აქამდე ძარღვებაშლილი ხალხი რძლებად და სიძეებად მოგვეკიდება.

გავიხსენოთ მრისხანე სტადიონის მიერ დაპანდურებული უსამართლო მსაჯი. არც ტენდენციურობის წყალობით წაგებული იმ მატჩის გადათამაშება გაძნელებდა.

გავიხსენოთ მოსკოვური პუტჩი: შევარდნაძე არ მოერიდება ქუჩაში, ხალხში გასვლას ჩახმახზე შეყენებული იარაღის წინაშე, არ მოერიდება ბარიერთან დადგომას, იმისდა მიუხედავად, რომ შესაძლოა ეს ნაბიჯი საბედისწეროც გამოდგეს.

როგორც ჩვენს პრეზიდენტს, ისე ბატონ ედუარდსაც ორგზის შევხვედრივარ. პირველად ოთხმოციან წლებში ზუგდიდის რაიონში, ზღვისპირა ჭურიაში, კახათელ მწყმსებთან განმარტობული. იგი მაშინაც გამოირჩევა იშვიათი გულისხმიერებით. ფოტოსურათს მსცოვან მეტყვევსთან, იროდი სართანისთან გადაიღებს და არა მეჩაიე შრომის გმირებთან თუ პარტიელ ამხანაგებთან. მდიდრული სუფრის გალაღებულ წევრთაგან განსხვავებით, მხოლოდ იგი მოგვეკითხავს უაზნონთ — მწყმსებს, მებაღურებს, მზარეულებს, მძლოლებს. მოგვიანებით სხვებიც გამოიშლებიან, შემოგვეხმინებიან კიდევ, მაგრამ ეს ქმედებანი ახლა სველი წერტილის საჭიროებით უფროა ნაკარნახევი. გამორიცხული არ არის ქვეყნის მეთაურის მიერ მდაბიოთა მონახულებას ერთი ზუგდიდელი ფუნქციონერის შეკითხვაზე გაცემული ჩემი პასუხიც განსაზღვრავს რამდენადმე.

მწვადების ჩამორიგებას ძლივს დავამთავრებ, რომ ცნობისმოყვარეობით ჩამეძიება:

— რას მწყმსავთ ერთი, აქო. — მემწარება და მემცხეთება მეოცე საუკუნის ყაზბეგის უმადური მდგომარეობა:

— ბატონო, კლიმენტ, კაბინეტური შრომით დაქანცული თქვენისთანა ხალხი, უგზობას, ჭირვეულ კლიმატს რომ არ დაერიდება და უბრალო მშრომელების ჭირ-ვარამის მოსახილველად წელიწადში ერთხელ მაინც მოაშურებთ აქაურობას, ამისთანებზე რომანს ვმწყმსავ, აჰა, ბარემ თერთმეტი თვეა-მეთქი, და მოვიქეჯავ ხანდაზმულ წვერს.

მეორედ სამხედრო საბჭოს თავმჯდომარის ამპლუაში შევხვდები ბატონ ედუარდს. დელეგაცია კოლაბორაციონალისტურია სავსებით, თუ გამოვრიცხავთ ჩემს სულს, რომელიც უკვე ოპოზიციონაში უდგას სსრკ-ას უფლებაყრილი საგარეო საქმეთა მინისტრის მშვიდ იერს.

ვისაუბრებთ ზუგდიდის, საერთოდ სადადიანოს, სატყვივრებზე, რომ იარაღის ჟღარაუნი არათუ სამაჩაბლოს და აფხაზეთს, თვით სამეგრელოსაც დაგვაკარგვინებს; რომ ტელევიზიის ხუნტაძე ხელმძღვანელობა დროა გონს მოეგოს, დემო(ნ)კრატობა იკმაროს და ალტერნატიულ აზრსაც აღირსოს საეთერო დრო; რომ დღეს მშვიდობიანი მიტინგების მისამართით გადასროლილი ყოველი კენჭი ხვალ-ზეგ ლოდებად დაუბრუნდება ადრესატს.

ბატონი ედუარდი ყურადღებით ისმენს შეხედულებებს. აქა-იქ მოინიშნავს ხოლმე ფრაზას, აზრს. კითხვები ძირითადად გადატრიალების მერმინდელი თემატიკით ამოიწურება, რადგანაც ჩამოხ-

რჩობილის სახლში თოკზე არ საუბრობენ. ის კი უხმოდ, თავის კანტურით, გაღმილებით, დამრგვალებული თვალებით წვრილად იწერს მეღნის ავტოკალმით. ლამის მთელ ფურცელს გადააშავებს.

— დაბრძანდითო, — ხელით მიუთითებს ფეხზე წამომდგარს. შინაურულ ატმოსფეროს ქმნის. მერე ზუგდიდში ჩასვლის აუცილებლობას ახსენენ.

— საზოგადოებრივი აზრის ჩამოყალიბებაა საჭიროო, — შესთავაზებენ და ისიც ჩვეული ბაგეპობით, — დიდად მაღლიერი დაგრჩებითო, — ბრძანებს. ზარანდიას მიმსგავსებით დელეგაციასვე დასტყუებს საკუთარ გულისთქმას.

შუაზე გადაკეცილ ფურცელზე დევს დახურული ავტოკალამი. შევარდნაძე აზიეთებული მსჯელობს.

ბატონი კიტოვანი ყურს მიუგდებს ამ საუბარს, თან პეგასებისა და მერნების ნაცვლად ახლა სტუმრებს გვაპორტრეტებს. და სწორედ მაშინ გავაღვლებ პარალელს მუშნსა და შევარდნაძეს შორის — ერთის ქმედება მამას მოაკვლევინებს შვილს, მეორის ღვაწლი ამბიციურ წრეებს კანონიერი პრეზიდენტისათვის წესს ააგებინებს-მეთქი, დავასკვნის.

საგარეო საქმეთა მინისტრის პოსტიდან გადადგომა მაშოკირებელი რეზონანსისა თუა, იმავე თანამდებობაზე მიბრუნება და თვენახევარში სავარძლის გამოცლა თქვენი ალლოიანი უნარების მოჩლუნგებაზე ხომ არ მიუთითებს, ბატონო, სამხედრო საბჭოს თავმჯდომარე-მეთქი, ვეკამათები გონებაში ჩრდილოეთის იმპერიიდან მზესავით მოვლენილს;

იქნებ გიორგი სააკაძის პატივმოყვარეობას ენათესავება თქვენი ნატურა, ბაზალეთისას ქარქაშინი ხმლით რომ ბალთავს თანამომეებს?! არც თქვენ ჩანხართ ავანსცენაზე, თუმცა ეს მარიონეტები ვის თითებს გამობმული ძაფებით ფაციფუტობენ ცნობილი ბატალიებისას-მეთქი, ვაგრძელებ დავას.

ცხრა აპრილის ტრაგედიის ჟამს, პატიაშვილის ადგილას თქვენ რომ ყოფილიყავით დარწმუნებული ვარ, ის სისხლისღვრა აგვმორღებოდა, რადგან თავად აქცია გამოირიცხებოდა. საკადრისი ლეონობას გაუწევთ ადრინდელი ბჭენების გამო ჯუმბერს, მაგრამ მას მერე, დავით აღმაშენებლისა და თამარ-დედოფლის ჩამომავალი ნაცარქექიები თოხსა და თითისტარს ზურგი შევაქცევთ, პოლიტიკაში გავერევთ, კერპს მოითხოვს ჩვენი სული, რომელ ბომონდსაც დანდობილად მივედევნებით აღთქმული ქვეყნისაკენ, და თითქოს აღვისრულებთ კიდეც საწადელს: რჩეულ ერთ შვილს ზეადვტყორცნით ღრუბლებისაკენ მეორის მიწაზე ჩამონარცხების ფასად და ამირეჯიბის რომანის ფინალიც არ დააყოვნებს-მეთქი.

ღმერთმა უწყის, რას მივედ-მოვედები, თუმცა ახლა დაბეჯითებით შემიძლია დავასკვნა, რომ საქართველოს ბედი და უბედობა არსებითად გამსახურდია-შევარდნაძის პოლიტიკურ პლატფორმათა მიმართებაზე ჰკიდია:

ითანამშრომლებენ?! მთებს დავძრავთ ადგილიდან!

დაპირისპირდებიან?! ალვიგვებით მიწის პირისაგან!

როგორც არასდროს, დიახაც, აქ არის საჭირო შეუთავსებლის შეთავსება!

ივო ანდრიჩის „დრინის ხიდის“ დილემა მაგონდება ჩვენეულ ძიძგილობანას მიყურადებულს.

ვიშევრადელი სოკოლი ქრისტიანია სიყმაწვილეში, მაგრამ თურქეთში წატყვევნილს რჯულს შეუცვლიან და ამდენად, ორი რელიგიის, ორი ბატონის მსახურის როლს არგუნებს იღბალი — ვერც იესოს სამწყსოს ელევა და ველარც — მუჰამედისას, ამიტომაც გასდებს ხიდს ორივე მრევლის სამოყვროდ და სამიმოსვლოდ.

ქართველ ხალხსაც სოკოლისა არ იყოს, სხვაგვარი არჩევანი არ გააჩნია. მოჩვენებითი სადღეისო პარტიული სიჭრელე სინამდვილეში ძირითადად ორ პოლიტიკურ ერთეულამდე დაიყვანება.

პირველი — ეროვნულ-გამათავისუფლებელი მოძრაობაა, რომელიც უზენაესია, კანონიერი, მაგრამ ამავდროულად — იარაღით დამხობილი, პირდაპირ ქუჩიდან, მიტინგებიდან მოსულა სახელმწიფო მმართველობაში და მოჭარბებული ენერგიულობის მიუხედავად უმწეო, მოუხეშავი აღმოჩნდება მოზღვავებული პრობლემების გადაწყვეტისას. ასე რომ, კომუნისტური პარტიის ხალხისავე არჩეული დეპუტაციის პარლამენტიდან დათხოვნის შემდეგ, ქართველთათვის ესოდენი სანუკვარი ოცნება — ერის ერთ მონოლითურ სხეულად შემთლიანება ვერაფრით განხორციელდება.

ლეგიტიმური მთავრობისაგან ცხვირსახოცის გადაგდებას მოჰყვება კიდეც დეკემბერ-იანვარში ძალისმიერი პოლიტიკის სუსხი! მოკლედ, აქა-იქ ბალასტიან ეროვნულ-განმათავისუფლებელ მოძრაობას უკვე აშკარად დაუპირისპირდება ათასი ცოდვა-ბრალის მტვირთველი, ქამელეონისა და იანუსის იშვიათი ჰიბრიდი — საყოველთაო კეთილდღეობის იდეას ამოფარებული

კომუნისტობა და მიკვირს დემოკრატიული გარდაქმნების მომლოდინე საზოგადოების გულუბ-
რიყილობა — ყოფილი ფუნქციონერებით აავსო მთავრობაო, რომ საყვედურობენ შევარდნაძეს.

ამის თაობაზე სამხედრო საბჭოს ფორმირებამდე გამოამქვანებებს ხვაშიადს რესპუბლიკის ში-
ნაგან საქმეთა მინისტრი, ბატონი რომან გვენცაძე:

— პოლიტიკურ პარტიებს, სახალხო აჯანყებისას(!) შორიდან რომ უთვალთვალდნენ ჩვენს
სისხლისღვრას, გაშლილ სუფრასთან მისხდომის იმედი ნუ ექნებათო.

იმ წინადადებაში ნაცვალსახელი „ჩვენ“ დღეს მეტი სიზუსტით იშიფრება. როცა ლეგიტიმური
მთავრობა ჩამოგდებულია და ეროვნული მოძრაობის შენაკადები იგნორირებული, ვის რჩება ბუ-
რთი და მოედანი, თუ არა კომუნისტებს?! ერთი სიტყვით, დამხობილი კანონიერი ხელისუფლების
ზოგი წევრის ანგარებიანი სულისკვეთება, სიყვყჩე და გაუთავებელი ძახილი: „მგელი“! „მგელი“!
ინიციატივას პროკომუნისტურ ძალას ჩაუგდებს ხელში. ასე რომ, კომპარტიის ცოდვიანი წარსული
თუ ანტიხალხური ხასიათის მოღვაწეობა ვერაფრით გაამართლებს ეროვნული მოძრაობის მესვეურ-
თა უგერგილობას, ხშირად უმეცარ საქმიანობასაც კი.

გუშინ ძარღვების დასკდომამდე უკიჟინებდნენ გამსახურდიას დიქტატორობას, ანტიდემოკრა-
ტიულობას, საკადრო პოლიტიკის ხარვეზებსა და ქვეყნის ეკონომიკური მართვის ნაკლოვანებებს;
პრესის, სიტყვის თავისუფლების დეფიციტს. აქსიომაა, რომ უმეტეს შემთხვევაში ჰიპერბოლურად
წარმოსახავდნენ რეალურ სინამდვილეს, მაგრამ შევხედოთ რა ვითარებაა ცეცხლითა და მახვი-
ლით დამკვიდრებული ხელისუფლების რეჟიმის ქამს?!
ახლა შეუიარაღებელი თვალთაც დიდებულად საჩინოვდება დათრგუნვილი პოლიტიკური
ორგანიზაციების უკიდურესი დევნა. ტერორსა და რეპრესიებს ბოლო არ უჩანს. ხელის აუკანკა-
ლებლად იხვრიტება კანონიერი მთავრობის მხარდამჭერი მასობრივი დემონსტრაციები თუ მი-
ტინგები. რესპუბლიკის სხვადასხვა რაიონის მოსახლეობის დაუმორჩილებლობას განსაკუთრებუ-
ლი სისატიკით გაუსწორდება თვითმარქვია ხელისუფლება — მშობელ ერს საჯიჯგნად და საძარ-
ცვად მიუქსევს გაღლეტილ-დამშეულ გვარდიელობას. მასობრივი ინფორმაციის საშუალებათა
ტენდენციურობის წყალობით დღითი დღე ღვივდება დაპირისპირებანი: ქალაქი სოფელს გადაეკი-
დება, შუღლი და უნდობლობაა დათესილი ოჯახებში, მეზობლებში, თანამშრომლებში; ამრეზით
უმზერენ ერთმანეთს „გენეტიკური თბილისელი“ და „გუშინ ჩამოთესილი“, ელიტა და ბრბო,
კრიმინალები და პატრიოტნი. ნელ-ნელა თვალნათელი ხდება ექსკომუნისტთა ჰეგემონიის ნიშნები.
უკვე ნაკლები სიფრთხილით მსჯელობენ იმპერიის საოკუპაციო ჯარების ახალი შენაერთების შე-
მოყვანისა და სამხედრო მოსამსახურეთა ოჯახების საქართველოში დამკვიდრების თაობაზე. უახ-
ლოეს მომავალში რეპატრიანტი თურქი-მესხების პირველ ნაკადს (დაუზუსტებელი მონაცემებით
50 000 მოქალაქე) აღუთქვამენ ჩამოსახლებას, როცა „ბამისა“ და სხვა დამკვერელურ მშენებლობაზე
წატყუებული ათასობით ქართველი სამშობლოში დაბრუნებაზე ამაოდ ოცნებობს. პოლიტიკური
ცხელი კერების ჩაქრობას გადაყოლილი მთავრობა საერთოდ მიივიწყებს ძირძველ სამაჩაბლოს და
უიარაღო ქართველობას ოს ბანდიტებს გადაულოცავს კოცონების ასაბრიალებლად.

— ყველაფერი გასაყიდად! — ასეთია სამხედრო საბჭოს იდეოლოგი ერთი ყიამყრალი ფილოსო-
ფოსის რეცეპტები. ე.ი. ვაზეიმოთ კუჭი ეროვნული სულის გაცამტვერების წილო!
იქმნება შთაბეჭდილება, რომ ხელისუფლება არაფერს იშურებს ეროვნულ-განმათავისუფლე-
ბელი მოძრაობის ლიდერთა დისკრედიტაციისათვის, და ამით, ფაქტობრივად მიწასთან ასწორებს
ქვეყნის დამოუკიდებლობის, თავისუფლების იდეას საქართველოში. ელიტარული უმცირესობის
თანადგომით იმპერია კვლავაც ახერხებს ქართველი ხალხის ნების ფეხქვეშ გათელვას, რაც თავის
დროზე რეფერენდუმით, პარლამენტისა და პრეზიდენტის დემოკრატიული არჩევნებით გამოიხა-
ტება. ძალადობის მეოხებით ქართველი ერის თავმოყვარეობა შელახული რომ არის, თვით საზღ-
ვარგარეთის პოლიტიკური წრეებისთვისაც დღესავით ნათელია, მაგრამ უსამართლობის წაყრუ-
ება და აქა-იქ აშკარა მხარდაჭერაც კი, საგონებელში გვაგდებს თითოეულს — საექვო გარიგებანი
ხომ არ ილაშქრება ერის ზურგს უკან?!

განსაკუთრებით შემამოთხებელია პოლიტიკური მიზნებისათვის ქართველის მიერ ქართველის მოკ-
ვდინების ბარიერის უმტკივნეულო გადალახვა. თვითმარქვია ხელისუფლების პოზიციის გასამტკიცებ-
ლად სამიათასამდე კრიმინალისათვის ნაფეშქაშები თავისუფლება დანაშაულობათა ახალ ტალღას აავო-
რებს. განუხრელადაა დაქვეითებული ადამიანის მაღალი ფასეულობანი. ეროვნული გვარდიის სახელის
გატეხვა ქართველ ახალგაზრდობას გულს აუცრუებს ყველაზე წმიდათა წმიდა მოვალეობაზე — სამშობ-
ლოს დაცვაზე.

უკიდურესი სილატაკის ზღვარამდეა მისული მოსახლეობის მნიშვნელოვანი ნაწილი, მაგრამ შრო-

მისმოყვარე ქართველის მათხოვრის როლში წარმოჩენა — საზღვარგარეთისაკენ ხელის გაწვდენა ჰუმანიტარული დახმარებისათვის, დიახაც, რომ შეურაცხმყოფელია. დახმარებას არავინ თაკილობს კრედიტების, გრძელვადიანი სესხების ფორმით, მაგრამ მოწყალეობა ამცრობს ჩვენს ეროვნულ თვითშეგნებას.

აფხაზეთის სეპარატისტული მთავრობა მოხერხებულად იყენებს ამღვრეულ შიდაპოლიტიკურ ვითარებას — ხელისუფლების არალეგიტიმურობას და ღორჯობის დაჭერა უიოლდება. ენგურს-გალმა ტერიტორიებს კრასნოდარის მხარედ აცხადებს უტიფრად; საქართველოს დროშებს ძირს ჩამოყრის და სანაცვლოდ ცნობილი ორიენტაციის, ხელის მტევანამოსახულ ბაირაღებ ააფრიალებს.

ჩვენი მოსწავლე ახალგაზრდობა გოგებაშვილის გიგოლას დაემსგავსება, მაგრამ არც მარქენალი ბეკეკა ჩანს სადმე. (შეხრამუნებულა ძვლიან-ტყავიანად არცთუ ძნელადამოსაცნობი ხალხის მიერ) მიგდებულა ათეულათასობით ჰექტარი სახნავ-სათესი. საქმოსნები აიშვებენ, გაუგონრად იყვლიფება ეროვნული სიმდიდრე.

— ძალღვივით დამკლეს! — ლამის განწირულობით ვიბღავლო კაფკას „პროცესის“ გმირვით.

რა ვქნათ, რომელ წყალში გადავცვივდეთ?! კანონიერი მთავრობის ქომაგი დუბინკებითა და ტყვიებით აღიკვეთება. თვითმარქვია ხელისუფლების ყოველგვარ მცდელობას სტაბილიზაციისკენ, გარდაქმნისაკენ ფარული თუ აშკარა დაუმორჩილებლობა უპირისპირდება უმეტეს რეგიონში.

— მოგვეცით ნორმალური მუშაობის პირობებიო, — ანამუსებენ დღევანდელი სიტუაციის მესვეურნი ტყვიანაკრავ გუშინდელ მმართველობას, რომელსაც ასპარეზზე გამოსვლის პირველსავე დღიდან ყელში წაუჭერენ სამოთხის დამკვიდრების პრეტენზიებით. ჩვენ კი გაცილებული მშობლების იმ შვილებს ვემსგავსებით, უდღემამოთა თავშესაფარში რომ ყურყუტებენ ოცდაათნი საათი. ბედიც ამას ჰქვია! უკვე კეთილდღეობას ჩვენსას ხან ფეთხუმი დედაა გადაყოლილი და ხანაც — ლოთი მამიკო! მოვა ქალი, ფოჩიანი კანფეტებით აგვავსებს, მიწაში ჩააქვესკნელებს „ბედნიერი ოჯახის დამანგრეველ“ მესუფრია და ჩხუბისთავ ექს-მეუღლეს. მიხდება ხანი და ახლა გაღეშილი კაცი გვლოშნის, ხელგაშლილად გვიბოძებს გროშებს ფუნთუშებისთვის. ისიც ოჯახის დამაქცევრად შერაცხავს ყოფილ თანამეცხედრეს; ჩვენ კი, გვინდა თუ არა, საფლავის ქვასავით გვაწვეს თავშესაფრის კედლები, ჭერი, და ბუნებრივია, ნებაყოფლობით ობლობას ისევ ჯამ-ჭურჭლის ლაწალუშში ყოფნა გვირჩევენია!

ნათესავ-გულშემატკივრიანად ერის მესამედი კომუნისტების გარიყვით ცდილობდა ბატონი ზვიადი საქართველოს განთავისუფლებას.

უფრო მეტი მოწინააღმდეგის იგნორირებით განუზრახავს ბატონ ედუარდს ქვეყნის აღმშენებლობა. საქართველოს მომავალს კი ეს ცალმხრივობანი არაფრად ეპიტნავენა. იგი პიროვნული ამბიციების მოთოკვის ღირსია, არადა, მართლაც უდღემამოთა თავშესაფრისათვის გაუწვირირვართ უფალს.

განა სხვანაირადაა ბუნებაში?! განა პლუს-მინუსის ერთიანობა არ კრავს ატომგულს?! განა დღელამის თანამშრომლობის უარყოფით ილავდავებს წუთისოფელი?! ან სიკვდილ-სიცოცხლის ჰარმონიის მიღმა გავიჭრებოდით კოსმოსში?!

ვირი ბაღდადში თუმანი ღირს, ჩამოყვანა ფასობს თავისი წონა ოქრო თორემო, უთქვამთ.

სახლის აგებისას ყოველთვის ხელმისაწვდომ მასალას ეპოტინება კაცი.

შუმერები გამომწვარი თიხის ზიკურატებში მკვიდრობენ;

ინდიელები — ტყავის ვიგვამებში;

ეთიოპელები ლერწმის ქოხებს ამჯობინებენ;

კოლხები — თხმელის ოდას, მაგრამ მურყანის ფიცრებით შეკრული საცხოვრისი არაა საშვილიშვილო-საწმომოხუნო, მალე იჩრჩილება, მალე გაუჯდება ძარღვებში ქარ-წვიმა, მალე იჯაბნება საწუთროსაგან, თუმცა რადგანაც არჩევანის სხვა საშუალება არ გავგაჩნდა, ისევ არსებული მასალით ვცდილობდით შეუძლებელს და გენიოსი წინაპარიც მალელობად თხმელას წყალში დაძირავს ორსამ წელიწადს, რათა გააძელქვოს იგი — პრობლემას ხალხური სიბრძნით მოთოკავს, შეუთავსებელს შეათავსებს, მორიელის ნაკბენს მორიელის შხამსვე მოარჩენინებს; რითაც მოკვდება მითვე იმარადისებს.

იქნებ ჩვენც მსგავსი დამოკიდებულებით ვუწამლოთ მამასისხლურ პოლიტიკურ დაპირისპირებას?! კონფრონტაცია მოგვინელებს და კონფრონტაციავე გადაგვარჩენს, ოღონდ არა იარაღის ენით მოსაუბრე — ჯანსაღი, საპარლამენტო! რასაც ვერც ეროვნულ-განმათავისუფლე-ბელი მოძრაობა მოახერხებს იზოლირებულ და ვეღარც რესტავრირებული კომუნისტობა შეძლებს გან-

ცალკეებულ, და საერთოდ, როცა ერის ყოფნა-არყოფნაზე საუბარი, უმჯობესია მოვეშვათ იარ-ლიყებს: ეროვნული ძალები, კომუნისტები და ა.შ. ნუ დავივიწყებთ, რომ უწინარესად ერთი სის-ხლხორცისანი ვართ — ქართველები; რომ ოცდაცხრა პროცენტი (1988წ.) უცხოტომელი შემოგვი-ხიზნავს, რომელთა მომავალზეც თანაბრად ვაგებთ პასუხს თითოეული; რომ ეს მესამედი ძალა ნეიტრალურია და სწორედ მას მიემხრობა, ვინც უფრო ჰუმანურ პროგრამას წამოაყენებს და განახორციელებს ცხოვრებაში; რომ ეროვნულ-განმათავისუფლებელ მოძრაობაში ყოფნა ყო-ველთვის როდი ნიშნავს იდეალის ეტალონს და არც კომუნისტობა უდრიდა მაინცდამაინც ქვეყნის დამაქცეველს, დამანგრეველს. მათ რიგებშიც მრავლად არიან ერის კეთილდღეობისათვის თავდადებული ადამიანები. კომუნისტობა ხომ უწინარესად ადგილზე დამკვიდრების, ლუკმა-პურის მოპოვების საშუალებად იქცევა?! ის იყო ნილაბი, შირმა. სხვანაირად ვერც იმეცნიერებ-დი და ვეღარც იბელეტრისტები. ესეც რომ არა, ბოლოს და ბოლოს როგორ საზოგადოებას ვაშენებთ ჩვენ?! როცა დიალექტიკურ და ისტორიულ მატერიალიზმს ზურგს შევაქცევთ, რო-გორც მოქმედების ფილოსოფიურ-ეკონომიკურ სტრატეგიას, ხომ უნებლიეთ კაპიტალისტურ წეს-წყობილებას ვუკმევთ გუნდრუკს, რაც იმთავითვე ყვითელი ეშმაკის ომნიბუსით შეგვასრი-ალებს საბაზრო პოლიტიკაში, გვიკანონებს ფასების ლიბერალიზაციას და აქედან გამომდინარე, აღიარებს ძალისმიერ პოზიციას?!
გულხელდაკრეფითა და მუხლზე მუხლის გადადებით არც კომუნისტური რეჟიმის დროს გვიდ-ღეგრძელია და მით უფრო, ვერც კაპიტალის პირობებში ავშენდებით.

სსენებული პოლიტიკური ძალების დაჯახება არსებითად ქვეყნის მოწყობის ორი კონცეფციის შედეგია: ზვიადისეული თვალსაწიერი — კავკასიური ერთიანი ოჯახის შექმნა, საკუთარი მეო-ბის, ინდივიდუალობის შენარჩუნება (რაც მოგების ხასიათის გათვალისწინებით, ევროპის და სა-ერთოდ, მთელი რიგი კაპიტალისტური ყიდის ქვეყნებისათვის, ნაკლებად მტკივნეულია) — დია-მეტრალურად ეწინააღმდეგება შევარდნაძისეულ არჩევანს, ვითომ რუსოფილურს, რომელიც გარ-კვეულწილად ემთხვევა **NI A**-ს მიზნებსა და ამოცანებს, მაგრამ მაინც აისბერგული შინაარსის. ჰოდა, ხიშტით მოპოვებული კავკასიის თვითგამორკვევას, მისთვის სასიცოცხლო მნიშვნელობის დანაკარგებს, დაუშვებდა კი თვითმპყრობელობა?! იმპერიას ამ ეტაპზე საქართველო ჩინური კედ-ლივით თუ აესვეტებოდა, კავკასიაში ძველებურად თუ ვერ იპარპაშებდა, საშვებთა და სავიზიტო ბარათებით თუ მოუხდებოდა სიარული, რაღა დარჩებოდა რუსეთს — პეტრე დიდის გაჭრილი ერთადერთი სარკმელი ბალტიის ზღვაში?! შეეგუებოდა კი თვითმპყრობელობა ამისთანა ახლომ-ხედველობას და თუნდაც აკრძალული ილეთებით მოერიდებოდა მსოფლიოს ჭიპის — კავკასიის დანარჩუნებას?! მაგრამ ქვეყნიერების თვალში ეს ყველაფერი დელიკატურად უნდა გამოჩენილი-ყო. რუსეთს მოსალოდნელია გაეჭირავენინა ჯავშანტრანსპორტიორი, ტანკი; გაეყიდა ან გაეჩუქე-ბინა შვეულმფრენი, თუმცა თვითონ მისი ჯარისკაცი არაფრით უნდა გამოჩენილიყო არენაზე, და თუ მაინც და მაინც პარტნიორის უგერგილობის გამო კონტიგენტის ამოქმედება აუცილე-ბელი შეიქნებოდა, მაშინ შალის შლემები ამოიდგამდა ენას ქერა თმისა და აპრეხილი ცხვირების დასამალად. ძნელი დასაჯერებელია რუსეთი ასე იოლად შელეოდა ტერიტორიებს, სივრცეებს, სიმდიდრეებს და პლაცდარმებს ახალი ზეგავლენისათვის.

ბატონ ედუარდს რა კოზირები მოუმარჯვებია საქართველოს მერმისისათვის, უცნობია ჩვენ-თვის. ფლემ-როილის მაგივრად სტრიტით თუ ბლუფობს, ესეც მალე გაირკვევა. მისი პოპულა-რობა საერთაშორისო სარბიელზე ადვილი მოსალოდნელია საპნის ბუშტივით გასკდეს. აკი, უმ-ტყუნებს ერთხელ ალღო, უარყოფილ პოსტს რომ მიუბრუნდება და რაღაც თვენახევარში უფუნ-ქციო აღმოჩნდება რუსული პუტჩის კრახის მერმე?! მაშ, რომელ იდეას მიჰყვება ქართველი — ღვთისმშობლის წილხვედრი ქვეყნის შთამომავალი, იდეას, ინდივიდუალიზმის ბილიკებით რომ მიიწალდავს წავარნებს ზოგადკაცობრიულისაკენ, თუ რუსულ პრიზმაში გარდატეხილს ევ-როპულ ფასეულობებს?!
ბატონი ზვიადი მარტოკაცი როდია ამ ნარ-ეკლიან სავალზე, ათასები თანაუგრძობენ მას კვლა-ვაც, მაგრამ არც ბატონი ედუარდია გალოკილი თითვივით. ის, რაც პროგრესიულია ლეგიტიმუ-რი მთავრობისათვის, მომავდინებელია საქმიანი წრეების პოზიციიდან: ფარული (გნებავთ აშკა-რა) ბიზნესის მესვეურნი ისევ შეჩვეულ საუკუნოვან ჭირთან ყოფნას ამჯობინებენ (იაფი ნედლეუ-ლი, ენის ბარიერი). ამას თან ერთვის ახლის გაუთვითცნობიერებელობა, დღევანდელი კვერცხის უკეთესობის მორალი ზვალინდელ ქათამთან. ყოველივე თქმულის გათვალისწინებით, წინდებული გადატრიალება ვერაფრით მიიჩნევა დემოკრატიულად, სახალხოდ და გამორიცხული არ არის დეკემბერ-იანვრის ამბოხის მესვეურთა ჯიბეში ოცდაათი ერთეულის ნაცვლად ექვსნულმიმატებუ-

ლი ვერცხლი გადაჩხრიანებულყო რუსეთის მოდერნიზებული იმპერიის ხაზინიდან, ბაქოს ნავ-
თობის, სომხური მარმარილოს, ქართული მარგანცის და კიდევ ვინ მოსთვლის, ჩალის ფასად
არსებული რამდენი სიამე-სიკეთის დასანარჩუნებლად.

დასაშვებია, რომ მწერალი ცდებოდეს ფაქტების ინტერპრეტაციისას, მაგრამ ნახევარი წლის
წინათ სრულიად ძალდაუტანებლად ამორჩეულ პრეზიდენტს საკუთარი რეზიდენციიდან რომ
გამოაბუნძურებენ, შიგ უღრმეს სულში ჩააფურთხებენ ახლახან საკუთარი ნების გამომხატველ
ერს, თანაც „სახალხო აჯანყების“ სახელით ხალხსავე მიუშვერენ ლულას, კომენტარი ადვილდება.

სინქრონული ბიძგების წყალობით იმპერიის შეტორტმანება, როგორც ზემოდან, ისე — ქვემო-
დან (აგრეთვე გვერდებიდანაც), განაპირობებს ეროვნული ძალების გამარჯვებას ჩვენში და სხვაგა-
ნაც, მაგრამ თვითმპყრობელობა დროზე მოეგება გონს. იგი ხელად მიხვდება, რომ დემოკრატიზაცია
ერთიანად გააცამტვერებს მის სუფევას, ამიტომაც ახალ ამპლუაში აღსდგება **წი ა**-ს სახით და
საქართველოში გამართული სისხლის კალოც ამისი უტყუარი დასტურია.

ლეგიტიმური მთავრობა თუ ეროვნულ-გამათავისუფლებელი მოძრაობის განშტოებანი, როგორც
იტყვიან, პირში ჩალაგამოვლებულნი დარჩებიან. ეს უკანასკნელნი ახლა დუმილის პოლიტიკას ამჯო-
ბინებენ შემოდგომის არჩევნებში გამარჯვების იმედით, მაგრამ ისიც ცხადია, წიწილებს შემოდგომით
ითვისებენ, და ეს მეცადინეობანი წყლის მონდომებით ნაყვია. ასე რომ, იმედის საბოლოოდ გადაწურვის
შემდეგ ისინი უსათუოდ გავლენ ბარიკადებზე!

თუკი იოტისოდენად მაინც გვიყვარს ჩვენი ჭირნახული საქართველო; თუკი ფრჩხილისოდენად
მაინც ვგმობთ ყოველგვარ მასონურს თუ მესიანურს — ერთადერთობის პრეტენზიას ქვეყნის გა-
დარჩენის საქმეში, უთუოდ მოვძებნით ოქროს შუალედს — მთლად უცხოური ბიზნესისათვის არ
გავწირავთ თვითმყოფადობას ჩვენსას და არც ლიბანურ კარჩაკეტილობას გარდავეგებით, ანუ
გონებაშავილ- ურად შევათავსებთ შეუთავსებელს!

საქართველოს თავისუფლებისათვის ასპარეზი ვრცელია და არა მხოლოდ სადღეისო, მრავალი
წინალობისა და დაბრკოლების გადალახვის მერმინდელი, საერთო ძალისხმევის სფერო.

შევარდნაძისეული ახალი პოლიტიკური აზროვნების ანტურაჟს პლუს ზვიადისეული სანგვის-
ტიკური პატროფილია — აი, ჩამოწკვარამებული ჩვენი დღევანდლობის სწრაფი გაცისკროვნები-
სა და გავეშებული უფსკრულებიდან ერის ამოღწევის უებარი მალამო, რომ არა პიროვნულში
გადაზრდილი ბედი ქართლისა და კიდევ — მოურჩენელი ჭირი კაცობრიობისა: „აქა ვდგავარ და
სხვაგვარად არ ძალმიძს“.

ჩემო თვალნათელო ქართველო, ჩემო დამაშვრალი და ძმისაგან ზურგში ლახვარდაკრული
მრავალგზის, ერთხელ მაინც მომაპყარი დაუნჯებული მზერა, ერთხელ მაინც შეაყარე თვალში
ნაცარი ნებსით თუ უნებლიეთ შენი ანკარა წყლების ამამღვრეველთ, მომაპყარი მზერა, რათა
შეგახსენო: ბაღვაშების ზეობის ჟამს, შენ, ერთადერთი მოისაკლისებ დავითს და აღისრულებ
კიდევსაწადელს — გადაგვარებული, დაქსაქსული შენი სხეული აღიარებული გათიშულობის წყა-
ლობით, სინთეზური წეს-წყობილების ლიბოძლიერ ქვეყნად გადაიქცევი, სადაც ქრისტიანული
მონასტრების გვერდით სინაგოგა-მეჩეთებშიც შეუფერხებლად აღავლენენ უცხოტომისეულ რი-
ტუალებს, ოღონდ სამშობლოს საზღვრების საიმედოდ განმტკიცების მერმე;

ჩემო თვალნათელო, ჩემო დამაშვრალი და ძმისგან ზურგში ლახვარდაკრული მრავალგზის,
ახლაც, ამ მეოცე საუკუნეში, მეჯღანუაშვილების ზეობის ეპოქაში, შენ ერთადერთ მოისაკლისებ
ეროვნული მთავრობა და აღისრულებ კიდევსაწადელს, მაგრამ დევნილი პრეზიდენტის მამულში
ჯერ ძმის თავზე აღმართული ძმის მახვილია ქარქაშში ჩასაგები. შემდეგ ერთმანეთის გულებისაკენ
მიმავალი გზები თავისით გამოჩნდება. ძლიერი ხელისუფლება გადაგვარჩენს მეთორმეტე საუკუნეში
და კონსტიტუციის ფარგლებში შეუვალი მთავრობა გვისხნის მეოცეში ახლა!

ჩემო თვალნათელო, ჩემო გაპოლიტიკოსებელო პროფესორობავ, ცენტრისტებო და მემარჯვენე-
მემარცხენენო, სულის მსახურნო, ოსტატებო სინთეზური თუ მონუმენტურის ხელოვნებისა, უკ-
ლებლივ ყველა — ხელმოცარულნო თუ ღვითთ კურთხეულნო, თქვენც ფულის მხვეტავნო მამონას
შეუბრალებელი ჯადო-თილისმით, გეაჯებით, გემუდარებით; კრილოვის იგავის კვალობაზე სიარუ-
ლი მოგვაშობს ნაწილ-ნაწილ; გედის, კიბორჩხალისა და ქარიყლაპიას გზებით ქმედება-სწრაფვა
უძირო უფსკრულში გადაგვიჩხავს თვითმყოფადობას ჩვენსას. მოვერიოთ ვნებათა ღელვას, ჭრი-
ლობაზე მარბილი მოვიყაროთ, ცერა თითზე ვიკბინოთ საკუთარი უნებისყოფობისა და გათიშუ-
ლობის წილ! დავივიწყოთ ჩვენი დამაქცეველი შური, რომელიც სულხან-საბას თუ ვერწმუნებით,
„... **არს მწუხარება მოყვასისა კეთილსა ზედა**“. განა გაუთავებელი ქაოსი წაგვწევს წინ?!
ქარიშხალი ხომ არ მოვიმკეთ ნიავის მაძაგებლებმა?! განა ყოველი სტიქია არ საჭიროებს სათანადო

კალაპოტს?! განა მძლეთა მძლე ზღვას ძალუძს ციციქნა წისქვილის დოლაბის დატრიალება, ან თუნდაც ბობოქარ მდინარეს, თუ მას თანაზომიერ ღარში არ მივუშვებთ?! ან იქნებ ათი ძიძა მივუჩინოთ თავისუფლებას ჩვენსას, ჭირვეული ბაღლივით აკვნის არტახებში ჩაკრულს ჯერაც?!

ვამბობდი და ვიმეორებ, მწერლურ ალღოს ვენდობი უწინარესად-მეთქი, რადგანაც დაცდილი მაქვს, იშვიათად მღალატობს იგი მოვლენების შეფასებისას: როდესაც კაცი ერთხელ ხანჯალს იშიშვლებ და მისი წყუთი პირი მზის შუქზე ალაპლაპდება, მერე ქარქაშში ჩაგება ძნელია, რადგანაც ერთ წინააღმდეგობას მეორე წაემატება ხოლმე და შეიკვრება ბარიერების ჯაჭვი.

კანონიერი ხელისუფლების დამხობა ჯერ კიდევ როდი მოასწავებდა დღევანდელი მთავრობის „ტრიუმფს“; ჯერ მრავალი წინააღმდეგობის დაძლევა იყო საჭირო, განსაკუთრებით — სამეგრელოში, რომლის სამჯერადი ეგზეკუციით ზედმიწევნით განხორციელდება ეროვნული თვითმკვლელობა ჩვენდა სამარცხვინოდ, თუმცა ესეც არ ნიშნავდა მთავარს — აფხაზეთის დაუჩოქებლად არსებულ რეჟიმი ვერაფრით დაიმკვიდრებდა თავს — „დემოკრატიული“ არჩევნების გაუთამამებლად მას ხუნტის ჟარგონით უნდა ესაუბრა არისტოკრატიულ მსოფლიოსთან, რაც ცხადია, ვალპურგის ბალ-მასკარადის ფარგლებს გარეთ დარჩენას ეთანაბრებოდა ქართველი ნეოკომუნისტებისათვის. ასე რომ, კროსინგოვერი — არჩევნები აფხაზეთის გავლით — ბიოლოგიურ „სუმმა სუმმარუმად“ წამოვლანდება შემღვრეულ გონებას.

აფხაზეთში საქართველოს სული რომ გადანახულა, არძინბამაც ჩინებულად უწყის. ის ხომ საქართველოს კარიბჭე, მისი არსებობის უმთავრესი წინაპირობაა?! ამასთან, აფხაზეთის პოზიცია განსაზღვრავს საბოლოოდ სამეგრელოს ორიენტაციასაც და ვინძლო პუტჩიანელები ვერ შეძლებდნენ საზღვაოსნო არტერიების დაუფლებას, გამოგორდებოდა რობესპიერის საჯალათო კუნძი.

ბუნებრივია, მაღალ ეშვლონებში მოესხენებოდათ ამის თაობაზე, მოესხენებოდათ, რომ მრავლად ნაგვემ სამეგრელო ადვილმოსალოდნელია მოკავშირედ გენეტიკურად თვისტომს ამოსდგომოდა მხარში, თუნდაც იმიტომ, რომ სოხუმში ყოველდღიურად ხელისშეუშლელად იმართებოდა პრეზიდენტ გამსახურდიას მხარდამჭერი მიტინგები, და შარის მხრეკელივით გაფაციცებით ექებდა საბაბს აფხაზეთში შესასვლელად.

კონფრონტაციის მიზეზს რა გამოლევს, მით უმეტეს, როცა რუსეთიდან დაძრული შემადგენლობანი მოხუცი სანტიავოს თევზივით გამოაღწევენ აფხაზეთ-სამეგრელოს გადასარბენიდან, და გამოვიგონებთ შარებსაც: ზუგდიდში მოსალაპარაკებლად ჩასული ოციოდე დეპუტატის დატყვევებას და სამურზაყანოში გახიზვნას, თუმცა ღიმილისმომგვრელია ეს ქმედებანი. განა აფხაზეთის უღრანების გაუვლელად სადადიანოს ან სვანეთის უსიერ ტყეებში გაძნელებოდა „დემოკრატიული საქართველოს მშენებელი“ ოცეულის გადამალვა, მაგრამ სამხედრო შენაერთებს მეტი საფუძველი რომ გააჩნდეთ მხრების გასაშლელად, მძევლებს აფხაზეთის ტერიტორიის კლანჭებში მოამწყვდევენ საზოგადოებრივი აზრის გასამძაფრებლად. და დაიძრება საომრად აღრენილი მძიმე ტექნიკა აბშილეთისაკენ, არა მარტო აფხაზ-ქართველის, არამედ იქ მცხოვრები ყველა ეროვნების ადამიანის საბედისწეროდაც.

შესაძლო შედეგები ამ შემთხვევაში, განსჯის თემას ნაკლებად წარმოადგენდა, ვინაიდან, ნებისმიერ ვითარებაში, ჯერ ერთი, პრეზიდენტის მომხრეთა ერთუზიანობა წყალი შეუდგებოდა, მეორეც, თუკი გვარდია ბრძოლაში გაეხვეოდა, აფხაზეთის მკვიდრ ქართველობას ჩაითრევდა ორომტრიალში და რუსეთთან ხელშეკრულების დადების შემდეგ, თუნდაც მოსახლეობის განახევრებით არ გაძნელებოდა მთლიანი ტერიტორიის დარეგულირება.

აკი, დაუგამისის 3 სექტემბრის პოლიტიკურ „მონაპოვრებზე“ მკერდში მჯილის ცემით ვაუწყებთ მსოფლიოს ეთნოკომფლიქტის გადაწყვეტის ქართულ ვარიანტზე, რომელიც თურმე საკუთარი ეროვნული ინტერესების იგნორირებით პრობლემის მოგვარების გასაოცარი მოდელია.

ამას ახლა ვწერ, პარლამენტართა და მაღალ ჩინოსანთა ნიანგის ცრემლების შემდეგ, თორემ მაშინ ძნელია ჩანასახიდან წიწილის თუ დინოზავრის განჭვრეტა. ხელისუფლება, რომელიც იარაღით დათრგუნვილ გარემოში ბინადრობს ნასაკირალის ტყეებში გაჭრილ ფირალსავით; მთავრობა, რომელიც 24 საათში გისოსებს აიფარებს თვალებზე (იმელის შენობის პირველი სართულის ფანჯრების გაუსაფრთხოებას ვგულისხმობ); მმართველობა, რომლის რეზიდენციის ფრიზებიდან წაიშლება პროლეტარიატის ბელადთა ბარელიეფები და 4 ვაკანტური ადგილია გამოთავისუფლებული ახალი სახეების დასატყვევებლად, არც ისე გულუბრიყვოლა, რომ თავის კანტურს მოჰყვას. მას ჰყოფნის წლების მანძილზე გამომუშავებული ისტორიული ცბიერი გამოცდილება: შეინარჩუნოს წონასწორობა ყველგან და ყველა სიტუაციაში ყველაფრის ფასად; და ცხადია, როცა სამაჩაბ-

ლო ხელიდან გამოცლილია; როდესაც სამეგრელო სიმწრისაგან თითებს იკვნეტს; როდესაც აჭარა ყარსის საზავო ხელშეკრულების აჩრდილს მოისხამს მხრებზე ხელშეუხებლობის ნაბდად, წყალწაღებულისათვის ერთადერთი ჩასაჭიდებელი ხავსი ისევ და ისევ აფხაზეთი დარჩება.

ომის გაჩაღების დებიუტში ჩავალწევ იქ, მეგობარ პოეტთან, ავთო ჩხაიძესთან ერთად. ის განწყობილებანი დაფიქსირებულია ქალაღზე და დაიბეჭდება კიდევ „საქართველოს რესპუბლიკაში“. ასე რომ, ცარიელ მსჯელობებს იქნებ უშუალოდ მისი მოხმობა სჯობდეს:

ჯიმაგე

ცოტა შორიდან ვიწყებ სისხლითა და ცრემლით შეზავებულ ამ ბარათს ძმანაფიცო, ჩემო, ჯუმა ახუბავ! შენი სახელი ხომ ძმას ნიშნავს მეგრულად?! ესეც რომ არა, უკეთესს ვის მივმართო, თუ არა შენ, რჩეულთა შორის ურჩეულეს აფხაზს, ავტორს „აბზუსი“ — თავისუფლებისათვის და სამართლიანობისათვის დარახტული მერნისა?!

ორიოდე კვირის წინათ გახლდით ჩვენს დიდებულ აფხაზეთში. მოგეხსენება, სამურზაყანოელი ვარ, გალეელი, ოტობაიელი, იმ ძირძველი მიწის შვილი, მარადჟამს ქომაგად რომ ედგა აფხაზი და ქართველი კაცის უკუღმართ ბედისტრიასს.

მოგიკითხე, შინ, მეგობრებში, მაგრამ რას გიპოვიდი ჩამოქუფრულ ქალაქში?! ძმისათვის ფეხი მოეკვეთათ. ალბათ, გუდაუთაშიაო, მითხრეს ახლობლებმა — თანამოკალმეებმა შენმა, სიტყვის ჩინებულმა ოსტატებმა ალექსი გოგუამ და შალოდია აჯინჯალმა, მწერალ გენო კალანდიას ბინაში სახელდახელო სუფრაზე თავმოყრილებმა.

დაუნჯებული სახით, გულდამძიმებულნი, ალაღმართლად ვიტყოდით მთისას და ბარისას. ჩვენი ხვალინდელი დღის გადარჩენაზე ვმუსაიფობდით, ჩვენი ბედკრული ხალხების მერმისზე ვსაუბრობდით. უფრო დიდი უბედურება კი კარზე მოგვდგომოდა თურმე — მშვიდობიანი ქართული მოსახლეობის სისხლიანი კალო გაგრაში.

ახავაი, ავაჰმე, ჯიმაგე! ვაი, ჩვენს თავს, უბედურს!

პატარაობიდანვე მოწიწებით მზრდიდნენ აფხაზი კაცის მიმართ პაპაჩემი და დიდედა. რამდენი ზღაპარი, რამდენი სიბრძნე გამიგონია მათგან ამ სისხლით და ხორციით ნათესავ ხალხზე. ჩემს ცნობიერებას სიყრმიდანვე აპოხიერებდნენ აბრკილი, სათანზე გვაშა, ინი ჭკვეტერია, ჰაჯი უსუბი თუ კაც ზვამბაია.

— შენი არ გაცოდინა და სხვისთვის არ მოგესმინოსო, — აფხაზური წყველაა.

— ზრდილობის, თავდადების, სამართლიანობის განსახიერებაა აფხაზიო, — მეჩიჩინებოდნენ გამუღმებით.

განსაკუთრებით კი ერთი ზღაპარი დამახსოვდება დღემდე ეშმაკსა და ახალგაზრდა რძალზე თქმული.

თურმე, ჯალაბით და საქონლით სავსე ოჯახის უფროსს, დილაუთენია მაცილი აუჩნდება თვალწინ ბაკში გამოსულს.

— ხრონცო, ბერიკაცო, — აგდებით შეესიტყვება მოხუცს ღობეზე წამოპლაკული ავსული, — ამოირჩიე ერთი რამე, ქონება იქნება ეს თუ სხვა, დანარჩენს ამთავითვე შეეღიე, ნაცარტუტად გიქცევ ყოველივესო, — დაეჭადნება და მრავლისმომსწრე მხცოვანიც ოჯახის ჩაუკითხავად არჩევანს ველარ გაბედავს.

— მადროვე, ჩემიანებს დავეთათბირობიო, — ამ სიტყვებით გაეცლება ეშმაკს.

— ჩქარა, ჩქარა, ხრონცო, ბერიკაცო! ფეხს ნუ ითრევ, მართო შენს ასაოხრებლად როდი მოვსულვარ! — მისძახის ბნელი ძალა.

შეფიქრიანებული მოხუცი უკლებლივ შემოიკრიბს ნათესავეებს და დაუფარავად გაუმხელს თავს დატეხილი უბედურებას.

იმსჯელებენ, იდავეებენ, იკამათებენ.

ზოგი საქონლის ილბალი დაგვებედოსო, ბრძანებს.

სხვები ტაროსიან ამინდებ ისურვებენ;

რას არ მიედ-მოებინან: ჯანმრთელობას, ხანგრძლივ სიცოცხლეს. ბოლოს აქამდე კუთხეში ატული ახალგაზრდა რძალი, რომელსაც წესით უფროსების თანდასწრებით ხმის ამოღება ეკრძალება, „მამავ, ბატონო, თუ შეიძლება მეც ვიტყვი ერთსო“, ძლივს-ძლივობით ამოთქვამს ერთიანად აყირმიზებული. ასეთი საბედისწერო წუთი რომ არა, ისვრიან კარში კინწისკვრით,

როგორც თავკერძას, გაუზრდელს, მამაპაპური ადათის შემბლალავს, მაგრამ მამამთილი მორჩილად დაუქნევს თავს თანხმობის ნიშნად.

— ერთმანეთის დაყოლის ნიჭი გვიბოძოს, მამავ, ბატონო, იმ წყულმა, — დაიჩურჩულებს რძალი და კვლავ გასაგნდება.

— ხრონცო, ბერიკაცო, — მოჰყვება ხელების ფშვნეტას მოხუცის გამოჩენით შეფუცხუნებული ეშმაკი, — მოიფიქრეთ ბოლოს და ბოლოს?! აბა, ჩქარა, ამოშაქრე, მარტო შენს ასაოხრებლად როდი მოვსულვარ!

— ბევრს არაფერს ვითხოვთ ჩვენ, — ქისას და ყალიონს დააძრობს ოჯახის უფროსი, — ერთმანეთის დაყოლის ნიჭი გვიბოძე მხოლოდ.

შეტკვდება თხისჩლიქებიანი, თვალები გადმოეკარკლება, ღრანჭი მოექცევა, დორბლი დაუფარავს მყრალ ლაშებს.

— ჰაიტ, ხრონცო, ბერიკაცო! ერთმანეთის დაყოლის ნიჭს თუ მოგცემთ, მერე რისი დამკლები ვარ მე?! — გამოსცრის გამოხრულ კბილებში და კოჭლობ-კოჭლობით დაუყვება ორლობებს მორიგი საკბილოს საძებრად.

რატომ გავიხსენებ მაინცდამაინც ყმაწვილობის ჟამს მოსმენილ მომხიბვლელ ზღაპარს?! უთუოდ გენიშნება, ჯიმაგე, რადგანაც ურთიერთ დაყოლაზე უკეთესი ჯილდო ჯერეთ არაფერი მოუზრებია განგებას, არათუ სისხლით და ტომით ახლობელი, არამედ სრულიად განსხვავებული ზნე-ჩვეულებისა და სარწმუნოების ადამიანების შესაკავშირებლად; თუმცა, როგორც ჩანს, იმ გონებანათელ რძალს ვეღარაფრით შემოვიყვანთ ოდესაც ბელელსავსე ჩვენს ძმურ ოჯახში, და მესამე ძალა, ცხრაასჯერ მეტი ჩლიქი და ეშვი რომ მოუმაღლებია უკუღმართ ყისმათს ბერიკაცს შემოჩენილ იმ ეშმაკთან შედარებით, მუსრს გაგვავლებს თვალსა და ხელს შუა.

ოცი წლის წინათ ბაკურიანში გამართულ ახალგაზრდულ შემოქმედთა სიმპოზიუმს ვიხსენებ. ჩვენ იქ შევხვდებით ერთმანეთს პირველად. მე თბილისის უნივერსიტეტის ჟურნალისტიკის მესამე კურსის სტუდენტი, შენ — უკვე საკმაოდ აღიარებული მწერალი, მაგრამ ორივე — ერთი მიწა-წყლის შვილი, მზიური აფხაზეთის მოდგმა.

ძმანაფიცობას ჩვენსას სანოტარო კანტორების დასტურ-ლამალი არ დასჭირდება, არც — ეგზოტიკური ფიცვერცხლის ჭამა. თავისთავად, ძალდაუტანებლად მოხდება ყოველივე. მე ეს თვითნაბადი ძმანაფიცობა ყოველთვის ნათლის სვეტივით მიმიძღვის აფხაზეთისაკენ დაძრულს, მაგრამ ახლა ერთი დიალოგი მაგონდება, რომელიც სხვანაირ ელფერს სძენს დღევანდელ ვითარებას.

საქმე ის გახლავთ, რომ ბაკურიანის ახალგაზრდა შემოქმედთა სიმპოზიუმს ჩრდილოეთ კავკასიის წარმომადგენლებიც ესწრებიან ჯეროვნად, მაშინ ჩემთვის ზოგადად — ლეკები და დალესტენელები, თუმცა მერე და მერე შევიტყობ — ხალხური შემოქმედებითა და სიბრძნით ცხებული უამრავი თვითმყოფადი ტომის ნაშიერი.

განსაკუთრებით შენი პოლიგლოტობა გამაოცებს, ჯიმაგე. მიკვირს, ჩვენი მზიური აფხაზეთის ცის ქვეშ გაზრდილი, როგორ გაესაუბრები მათ სათითაოდ, და ჩემი განცვიფრება რომ გააქარწყლო, „ჩვენ ხომ ერთნი ვართ“, იტყვი უშურველად.

მართალი გითხრა, რაღაცნაირად სული მომეწიწვნება, რადგანაც იოტისოდენად არ მემეტები სხვისათვის, ვინაიდან ძმანაფიცად მეგულვი ათადან და ბაბადან, ჩემი სამურზაყანოს, ჩემი საქართველოს უშფოთველი ძილის ყურისმიმდებლად, ჩემ ჯუმა ახუბად!

მას აქვთ მრავალი ხანი გამოხდება. ჩვენ არაერთგზის შევხვდებით სოხუმსა თუ რუხში, რედაქციებსა თუ მარულაზე. შევიყრებით ოდიშის კურთხეულ მიწაზე, წამოვრეკავთ დარახტულ აბზუებს და ყურებაცქვეტილ სინიბებს, მეგობრობის ყბადღებულ ტრანსპარანტებით ავაჭრელებთ იქაურობას. ციცირონისებურ ცეცხლს შევუნთებთ მიკროფონებს. შევმუსრავთ ხონჩით და ბარქაშით მორთმეულს. მკერდში მჯილის ცემით და კოცნა-პროშნით დავცილდებით ერთმანეთს და დოპინგით წლისთავამდე ძლივს გვეოფნის გაბუქებული ფიცის მადლი და სითბო.

მსოფლიოში ერთადერთი უნივერსიტეტი გეზოძებთ ეროვნული ნიშნით ცხებული.

არ დაგხარბდებით რადიომაუწყებლობას, ტელევიზიას ოღონდ აფხაზებად დარჩეთ, აფხაზეურად იაზროვნოთ, აფხაზეთისათვის ილვაწოთ; ოღონდ ბზარი არ გაუჩნდეს ჩვენს ოდინდელ ძმობას.

ხუთიოდე წლის წინათ, ჯვარში, ფეშენებელურ კოტეჯში საკუთარ თავთან განმარტოებულს, ნალები აფხაზობა „მეწვიეთ“. ქართველ მწერლებს, შოთა აკობიას და ელიზბარ უბილავას, იუბილეს უხდინან თურმე წალენჯიხელები. მასპინძლები სტუმრებსაც ამიტომ წინამძღვრობენ ბუნების წიაღისაკენ. ჩემი არსებობა იქ არავის ახსოვს, კოტეჯი აინტერესებთ თორემ. რა დამავიწყებს იმ

სალამოს. ვმღერით შეწყობილად, ერთი ჩანგივით მომართულები. მე კვითხულობ მეგრულ ლექსებს და თარჯიმანი არ გვჭირდება.

— მორჩები თუ არა რომანს, აფხაზურად ავაჟღერებო, — მპირდები.

დრო კი რბის. ის მესამე ძალა, მსცოვან აფხაზს ეშმაკის სახით რომ გამოეცხადება გამთენიისას, არ ცხრება, ახალ-ახალ ხაფანგებს გვიგებს, ბაღლამს გვაწვევთ სულ ში, უხსენებელსავით გვისისინებს გამუდმებით.

მერეა და ვოვა ვეკუსას თავზარდამცემი, მუხანათური მკვლელობა მთელს საქართველო შეძრავს. მიზეზს რა გამოუღევეს ჩასაფრებულ კაცს?! აფხაზური უნივერსიტეტისაგან ქართული სექტორის გამოყოფა, აფხაზური თეატრის გახლეჩა, მწერალთა კავშირის განცალკევება დიდსა და პატარას გონება დაგვიბნელებს. არადა, რამდენადაც ვიცი, ქართველები იქამდე იზარებოდნენ ხსენებულ დაწესებულებებში, რომ არ დაედგომებათ იქ ერთადერთი საბაბის — ქართველობის გამო.

ქართი — დედათბილისი თქვენებურად, ქართველი, რაღაც უსაშველოდ აუტანელს გაუიგივდება თქვენს წარმოდგენაში, რომელიც თითქოს დაღუპვით, გაქრობით ემუქრება თვითმყოფადობას თქვენსას, როდესაც ამ ჭირნახულ მიწაზე როსტოკაკა ეროვნებებსაც განაღებულნი აქვთ კულტურული ავტონომიები: სოკოებივით მომრავლებულან მათი გაზეთები, სკოლები, თეატრები.

პირისპირ აღმოვჩნდებით ღალიძგასთან. აზვირთებული, განრისხებული ხალხის ტალღა მიმაგდება იმ ნაპირს უიარაღოს, შიშველი ხელებით, მაგრამ როგორც იტყვიან, მე ძმადნაფიცთან მახვილით ვეღარ დავადგენ ჭეშმარიტებას. თვალის თვალში გასწორება მწადია მარტოკა, თუმცა იმ ცოფმორეულ ორმხრივ დანხალში შენს მხერგს როგორ დავიჭერ? მაინტერესებს კი, რას ამოვიკითხავ იმ გამოხედვაში, მოსისხლე მტერს თუ უზენაესი ფიცის ერთგულს?!

მას აქვთ ვერაფრით მოგიხელთებ, ჯიმაგე; ტელეფონით შეგეხმიანები ორგზის. იმ ხმაში, საბედნიეროდ, არ გვრძნობ საყვედურს თუ ქარაგმას. ან რისთვის უნდა შემომხედო უნდობლობით ჩვენი ძმობის გადასარჩენად სანთელივით ანთებულს — ძმას, დადრა დირმიტის, დიდი დიმიტრი გულიას ლექსები რომ მითარგმნია აქა-იქ; ძმას, რომელსაც „ვარადა“ „ოღოია“ — „ლილეოსავით“ შემოუძახია აცამხევების თუ სულთაპყრობის ჟამს; ძმას, რომელსაც მშობლიურივით სტიკვა ყოველი აფხაზური — ჭირში მოზარეა და ლხინში — ბანისმომცემი?!

ისევ სოხუმში გაჯახირებულ ამასწინანდელ დღეებს ვუბრუნდები. იქ, მწერალ გენო კალანდიასთან, თავზარდამცემ ამბავს შევიტყობ: თურმე ვინმე კოზმიდს გალისა და ოჩამჩირის რაიონების დატბორვის გეგმას აღმოუჩინენ სრულიად შემთხვევით, რომელიც ენგურჰესის წყალსაცავის აფეთქებას ითვალისწინებს სამურზაყანოს ტერიტორიაზე. მაშინ ვერ ვერწმუნები იმ ინფორმაციას, გადამეტებულია-მეთქი, გავივლებ გულში. ნუთუ მართლა ასე გაგვწირავენ აფხაზი ძმები-მეთქი. იგივეს გვიმტკიცებს ბატონი შალოდია აჯინჯალიც:

— ჭორია, ამისი გამფიქრებელიც კი შეუძლებელია მოიძებნოს მთელს აფხაზობაშიო, — ღრუბელი გადაურბენს სახეზე, — ის არშბაც ფიქტიური პიროვნებაა, ასეთი სინამდვილეში არ არსებობსო! — მოსჭრის და შუბლს ხელისგულს დააყრდნობს.

— შენს პირს შაქარი, — შეეხმიანება სამზარეულოდან ქალბატონი ლუნა.

— განუმეორებელია, — ხმას დაუწევს ბატონი ალექსი გოგუა, — ეს დღეები პირველი დგება პურის რიგში, დაიტივრთება, ამოაღწევს კიბეებს და კარის მეზობლებსაც ჩამოგვირიგებს. გაჭირდება გამოგცდის თურმე, გაბრძენებს კიდევ. შეცდომა ბევრი დავუშვით ჩვენ, წარსულშიც, დღესაც, მაგრამ ახლა განკითხვის დრო არ არის. როგორც არასდროს ახლა გვჭირდება მეტი სულგრძელობა. ჩვენივე ხელით უნდა ამოვშანთოთ ყოველგვარი შოვინისტური და სეპარატისტული. გენოს თანადგომა რომ არა, ვინ იცის, რა დღეში ჩავცვივდებოდით: „შემოწმებებს“, „ჩხრეკებს“ საშველი არ დაადგა, მისი გამოსარჩლების წყალობით ვერაფერი გააყოლეს ხელს. კაცი კაცითაო, თქმულა.

— ეგ რა სახსენებელია, — თავს დაიმდაბლებს ბატონი გენო, — შემძრა ლორიკ მარშანიას მიმართვამ აფხაზი ერისადმი. ხელოვნება, ჰუმანიზმი, მართალი სიტყვა გადაგვარჩინს ყველას, აფხაზსაც, ქართველსაც ... ახლაც თვალწინ მიდგას ერთი ხანდაზმული აფხაზი მანდილოსანი, ყალიონით ხელში, ციცქნა ბავშვს ფეხზე რომ წამომიღებოდა ყოველი სტუმრობის ჟამს. ერთმანეთის დაფასება ჩვენი უძლეველობისსაწინდარია.

სროლა მთელი ღამე არ ცხრება. კოკისპირული წვიმა დაუშვებს. დილით შოთა აკობიას ბიჭი ამოვარდება.

— გვიშველი, გენო ძია, გვარდიელები უბრაგუნებენ მეზობელი აფხაზის კარსო.

სასიკეთო საქმისათვის მოსულეებს მართლაც არ ჰგვანან ის სულამღვრეული ჯეელები. ავტომატის საკეტს აჩხაკუნებენ, ხელყუმბარას გამოაჩენენ წარამარა, პასპორტებს მოითხოვენ მასპინძლე-

ბისგან. არ შევდრკებით, არა. არ დავუშვებთ ჩვენ სისხლისმიერი ძმების ისედაც აფორიაქებული სულების აწიოკებას. ამასობაში ქალაქში წესრიგის დამცველი პოლიციელებიც მოიჭრებიან და ვარდისფერი ფარდებიდან შეშფოთებული თვალებით მოყურად ბავშვებიც დაშომინდებიან.

ასე იქცევა უმეტესი ქართლოსიანი სოხუმიდან არძინბას მთავრობის ოტების მერმე, მაგრამ ჯიმაგე, ჯუმა, გაგრის მშვიდობიანი ქართველების სისხლიანი კალოს შემდეგ მიჭირს ვინმე კოზმიდის ბინაში აღმოჩენილი ჩვენი მასობრივი ამოყუჩვის გეგმა-პროექტის წაყრუება.

ომი — ომია, გულზე ხელებს დაუკრეფს იგი მრავალ თოფიან კაცს აქეთაც და იქითაც, თუმცა მშვიდობიან მოსახლეობას სტადიონზე რომ შეყრი დროებით გამარჯვებული, ქართველობის გამო ფაშისტების შესაშური გულმხეცობით დახვრეტ, დაწვა და საშემოდგომოდ შექუჩებულ სიმინდის ღეროებსავით ჩაფლავ მიწაში, არ ვიცი, რა ვუწოდო ყოველივეს?!

ან ორსულ ქალს მუცელს რომ გაუფატრავ და ჯერაც თვალაუხლელ ჩვილს ხიშტზე ააგებ ცოფმორეული, რა ცოდვისტრიალია ნეტავ?!

ან ყვლს რომ გამოჭრი ცოცხალ ადამიანს, ენას ჩამოუზღუტ ყანყრატოდან და ჰალსტუხივით გადმოუგდებ მკერდზე, იქნებ ესაა კაცთმოყვარეობის ეტალონი?!

ან ქართველების თავებით ფეხბურთს რომ ითამაშებ სტადიონზე, ჰუმანიზმის ნიმუშებთან გვაქვს საქმე უთუოდ.

სისხლი მეყინება ძარღვებში, ლამის თავისქალა ამეხადოს. მიკვირს ისლამის კლანჭებს როგორ ეთანაწყობა ქრისტიანი აფხაზის სული.

რელიგია ყველა პატივსაცემია თუ იგი კაცთმოყვარეა, ჰუმანური. აქ ქრისტიანობის ჰეგელისმიერი აბოლოგია არ უპირისპირდება მუჰამედის სჯულს, მაგრამ როგორი ადამიანური განზომილებით გამართლდება გონების შუა საუკუნეობრივი სიბნელე, ოდეს ქრისტიანის მოკვდინებისათვის სამოთხეს ჰპირდება მის ზედმიწევნით აღმსრულებელს?!

კონფედერაციის დაქირავებული ჯარისკაცები ჭიქებს, პეშვებს ივსებდნენ გაკოჭილი ადამიანის ნაიარევიდან მოჩქაფუნე სისხლით და უკვდავების წყაროსავით ხვრებდნენ მერმე მომაკვდავის თვალწინ. ბარაქალა მათ ღრეობას!

მთიელთა კონფედერაცია კავკასიის მთების ალყაში მომწყვდეულ მდინარესავით ბორგავს. სამაჩაბლოს გავლით კასპიის ზღვისკენ გზების გაკაფვა რადგანაც ჩაფუშვია, ისეც აფხაზეთის მეურვეობას ჩაებლაუჭება, აფხაზი ხალხის ინტერესების დაცვას ამოფარებული აფხაზური პასპორტებითა და ბოხობებით მოხიხავს ჯერ ქართველების იავარსაქმნელად, მერმე — თავად აფხაზების დასანთქავად. აფხაზი ერის მისიაც იქნებ ეგაა, ჯიმაგე, იმ შორეული წლებიდან, იმ ჩამოვაკებიდან მოყოლებული — საკუთარი მეობა სალამანდრასავით ანაცვალოს პანისლამიზმის ლავისებრ გასრიალებას კავკასიონის გასწვრივ.

კი, ჩვენ ვიცნობთ დიდი ილიას გზას, რომელიც მთელს კავკასიას ერთ ცივილიზაციად განიხილავს, მაგრამ შეიცვლება დრო, პრობლემები და ზვიადაურის სადისტური წამება დღეს მასობრივ ხასიათს შეიძენს არა მხოლოდ საქართველოში — სარაევოში, ყველგან. ნუთუ მსოფლიო რელიგიური ანგარიშსწორების უფსკრულამდე მისულა?!

— ჩიტსაც აქვს თავისი ბუდე, — გითქვამს შენ, — ბაიაზე დამთავრებული ყოველი ქართული გვარი: ყოლბაია, ეზუგბაია, ქეცბაია, ლაკერბაია, და კიდევ მრავალი სხვა, აფხაზური წარმოშობისაა, (მოგვიანებით, „სუფევას“ მესამე წიგნში ჯ. ჯ. კაკულიასთან დავინახავთ, რომ „ბა“, „ბაია“ შვილს შეესაბამება ქართულად), ძალად გაქართველების მეოხებითო, — შემკამათებხარ.

— მაშინ წერეთლების აფხაზობა ვინ თქვა, „გამზრდელი“ რომ დაწერა მისმა დიდმა წინაპარმა და ჰაჯი უსუბის დიდსულოვნებას გუნდრუკი უკმია?! მეგრელების მასობრივ გააფხაზებას სწორედ აფხაზურმა პრივილეგიებმა შეუწყვეს ხელი თავის დროზე. აფხაზი ჯარში რომ არ მიჰყავდათ, დღეს ამის წყალობით ერთი ძმა ქართველია და მეორე — აფხაზი, — შეგპასუხებივარ მეც, მაგრამ მთავარზე მთავარი ისაა, ჯიმაგე, წყალნი წავლენ-წამოვლენ, ქართველები და აფხაზები კი გვერდიგვერდ იცხოვრებენ მარადის, როგორც მშვიდობისა და სიკეთის დამამკვიდრებლები; და ვერც იმას ვირწმუნებ, ძმადნაფიცო, ჩემო, რომ ოქროსთმიანი ქართველი ქალ-ვაჟების მუხლუხობით გადათელვას თვალს უხუჭავდი; რომ ადამიანობების სადარაჯოზე არ იდექი მწერლის მოვალეობისამებრ.

არა, იარაღით არ მოვალ შენსას; არა, არ აგესვეტები ყინჩად, კითხვიან მზერას მოგაპყრობ მხოლოდდა და თუ მოიძებნება სადმე დანა ჩემს ყელში გასაყრელად, მიუხედავად დიდი ხათრისა, ველარაფრით შევეწირები დარლას, ჯიმაგე! წუთისოფლით ისედაც ნაგვემი ჩემი სული ველარაფრით უზიდავს საიქიოში წყალს და შემას მის აღმატებულებას!

წერილში მოცემული შემადრწუნებელი ფაქტები, რომელიც იმ დღეებში ორმხრივი კაცთ- მოძულეობის ნიშნით განხორციელდება მთელს აფხაზეთში, წარუხოცელ ლაქად გაჰყვება ამ ორი ერის ძმურ თანაარსებობას ასწლეულების მანძილზე, მაგრამ ამწუთას ჩემთვის ძნელი ამო- სახსნელი არ არის მოძალადე ხელისუფლების ზრახვები: იგი შეძლებს მთელი საქართველოს ყურადღების გადართვას პოლიტიკური ბრძოლიდან ფაქტობრივ ომში. ძაძები, გლოვა-ზარი მოუმრავლდება ქართულ და აფხაზურ ოჯახებს. ისედაც თავკომბალა თბილისის სასტუმროები, პანსიონატები გადაიჭედება სამაჩაბლოსა და აფხაზეთის ლტოლვილებით, რომელთა საერთო რაოდენობა სამას ათას გადააჭარბებს და უზენაესმაღა უწყის, რა უბედურებას შობს ხვალ-ზეგ მრავალი სნეულებით ფეხმძიმე ქალაქი.

მე აქ მწარე სინანულით მახსენდება ჭადრაკის სასახლეში გამართული ქართველ მწერალთა ყრილობა. ამ ფაქტს ოდესმე ცალკე წერილს მივუძღვნი უთუოდ. ამჯერად კი იმითღა შემოვიფარ- გლები, რომ ინტელიგენციის ნაღები ფენა სასურველი მასალა აღმოჩნდება ბოროტების წამყუ- ებელი ხალხის გამოსაძერწად. ზოგი სიტუაციის შესაფერისად მოკეკლუცდება, ზოგს შიში ხე- ლისგულეებს დაუცვარნამებს, მაგრამ უგმირო ეპოქა სად თქმულა და ბარაქალა მუხრან მაქავარი- ანს ვაჟკაცურად რომ დაგმობს ყოველგვარ ამორალურ-უზნეოს; ბარაქალა მწერალთა იმ ჯგუფს, თავაწეული რომ დაირაზმება ბერძნულ კაცის გარშემო, თუმცა მე ისედაც სამართლიანობის მხა- რეს ვდგავარ ნიადგ, როგორც სიტყვით, ისე — საქმით, და თუ წერილებს გაზეთების მიმართუ- ლება-პლატფორმის განურჩევლობით ვებჭდავ, მხოლოდ და მხოლოდ ერთი მოსაზრებით: სწორი აზრი ბერბეცი ღამის შემანგრეველი ძალაა თუთაშხიასეული სანთლის მიმსგავსებით.

არ უხარია ჩემს სულს, არა! ბაწარალებით ვწრიალებ, ოთხ კედელშუა მომწყვედული სიკვ- დილმისჯილივით, და მაინც ხელი კალმისკენ გამიბრის.

შემოქმედებითი აღმაფრენა თითქოსდა ზურგს შემაქცევს. განსჯას, მშრალ პუბლიცისტიკას დაენდობა ჩემი ხმა და მრავალი ისტორიული პარალელი დაეძებნება სადღეისო სანგვინოფილიას. მხოლოდ „ასავალ-დასავალში“ მოვახერხებ იმ წერილის დაბეჭდვას, „მითაჟამის“ სათაურით რომ შობილა. მოვახერხებ-მეთქი რომ ვიძახი, იმდენადაა გამჭდარი სისხლში ტყვიისფერი სიკვდილის შიშნეული აჩრდილი, რედაქტორები აუტკივარ თავს ნაკლებად იტკივებენ. ერთადერთი „იბერი- სპექტრზე“ არ ითქმის ეგ, სამართლიანობისათვის უხორცოსავით თავდადებულ პერიოდიკაზე.

ამ გამოცემას მალე მხარს აუბამენ აფხაზეთში — „აღდგომა“ და დედაქალაქში — „საქართველოს სამრეკლო“; სხვა გაზეთებიც აწკავეწკავდებიან ასეული სახესიჭრელით, მოუსავლეთისაკენ, არამარ- თებული უდაბნოეთისაკენ დაძრული ქარავნების გამო, მაგრამ ვამბობ: ყველფერს თავისი დრო და ადგილი აქვს-მეთქი, და მცირეტირაჟიან გაზეთში რომ მოვათავსებ საკუთარ რომანს დასესხებულ მასალას — არჩევანის უქონლობის წიად.

ამასთან, ვფიქრობ, მკითხველი მომიტევეებს სიმბოლოებით აზროვნებას, ვინაიდან, როდესაც ძალადობაზეა საუბარი, განა არსებითი მნიშვნელობისაა პერსონაჟს ოდოია დაერქმევა, თენგიზი თუ ჯაბა? განა მკითხველის გონება განზოგადებულს ვედარ გარდაქმნის რეალურ სახეთა გალერე- ად?! ასე რომ, ქარავნებით, მინიშნებებით საუბარი სირაქლემას პოზად, ან პირწყლიანი თევზის მდგომარეობად, ვიმედოვნებ, ნაკლებად ჩამომერთმევა.

როცა ზემოთ ვაცხადებ: მე ვერ ვესვრი თუნდაც ჩემს პოტენციურ მკვლელს, გონებაარეულ ოს ძმას; ან აფხაზეთში იარაღით შემსვლელი არა ვარ-მეთქი, შესაძლოა ზოგმა დეზერტირად ჩამაგდოს, მაგრამ არავის დაავიწყდეს, მწერლის მიერ გასროლილი სიტყვა სამარადჟამოდ იზუ- ზუნებს კაცობრიობის ყურთასმენაში და დანაფლეთებულ გულს ხომ არასდროს მოასვენებს ამირანის ღვიძლისმკორტნელ არწივის ნისკარტივით.

ამიტომაც მოვუწოდებდი შთამომავლობას, ვაგულიანებ კვლავაც და არც მომავალში დავილ- ლები სამყაროსეული მისიისაკენ მოძახილით:

—ზეთისხილის რტოთა სურნელისაკენ თითოეული-მეთქი, შეუთავ- სებლის შეთავსებისკენ, ხალხო!

ამ მოსაზრებით ვააშკარავებ „მითაჟამში“ ტროას ათწლიანი ომის აბსურდულობას, როგორი მოტივითაც მართლდებოდეს იგი: მოტაცებული ელენე მშვენიერის გამოხსნისათვის თავდადებაა ეს, სარაევოში მოკლული ერცჰერცოგისათვის შურისძიება, თუ დეკემბერ-იანვარში დამხობილი ხელისუფლების მომხრეთაგან პარლამენტარების დატყვევა და აფხაზეთში გადამალვა;

როგორც წლების წინათ ერთხელაც მიკვილია:

— დამანგრეველი ომიდან ვერავინ, იხეირებს, ძმებო! მით უფრო, როცა ზესოლიდური ხელ-ფასიც კი ვერ აკოწიწებს ოსეთ-აფხაზეთში მომქმედი ძალების გასანეიტრალებელ შენაერთებს, ვინაიდან ხალხს ეს ომი სამართლიანად არ მიაჩნია; ვინაიდან არსებული წინააღმდეგობების გადაჭრა დიპლომატიის გზითაც მშვენიერად მოგვარდებოდა; ან პარადოქსული არ არის განა დღევანდელი საქართველოს სიტუაცია?! ვამბობთ, თავსმოხვეულ ომში ვიბრძვითო, ვაცხადებთ მტრის აურაცხელ დანაკარგს და მათ მიერ გამოსროლილი ჭურვები რწყილებზე ნაკლებად იკბინებიან ჩვენი ბიჭებისათვის! მერე და მერე კი პარაკლისების დრო რომ მოახლოვდება, გვერდები არ ჰყოფნით „თბილისს“ და კიდევ მრავალ კომერციულ გაზეთს, ნეკროლოგებისათვის. ესეც რომ არაა, ზნეობრივია ვითომ ცალი ყბით მღეროდე და მეორეთი მოთქვამდე?!

იმის ნაცვლად საკაცობრიო ზარებს ვარისხებდეთ, საქართველოში, ამ გასაოცარ ქვეყანაში, ამ უჭუმანურეს თვალ-მარგალიტში, სადაც ცა — ფირუზია და ხმელეთი — ზურმუხტი, დღისით, მზისით, მეოცე საუკუნის მიწურულს, საკუთარი მიწა-წყლისათვის მებრძოლ აფხაზს თრგუნავს ასევე საკუთარი ტერიტორიული მთლიანობისათვის თავგადაკლული ქართველი; ვიდრე ვით, ვიღვეით იმავ მიწისათვის, ხვალ თუ ზევ თვითვე რომ ვიქნებით, მაგრამ რას მოვიმოქმედებთ როსმე ნაპო-ლეონივით თუ გვევიწროვება ეს ხელისდადება მიწა?! ვატყობ სიტყვა განზე გამიბრის და გაქაფულ მერანს სადავეებს ვუშოკლებ. მაშინ არ მომეძვებოდა ინფორმაციათა ის წყება, რომელიც დღესაა ჩემთვის გაცხადებულ-გაცნობიერებულ, თუმცა თავდაჯერებული ვადასტურებ: აფხაზეთში ომის წამოუწყებლად ვერაფრით განხორციელდებოდა საქართველოში „დემოკრატიული“ არჩევნები. ურომლისობა კი დასავლეთ საქართველოს სრულ ამპუტაციას ნიშნავს მემამოხე მთავრობისათვის. ამდენად, იგი მსოფლიო პარტნიორების წინაშე ლეგიტიმური აღნაგობით ვერაფრით წარსდგებო-და; ასე რომ, იურიდიულ საფუძველს მოკლებულს არა რა დარჩენოდა მარწუხების მოჭერის გარ-და, რაც ბოლოს და ბოლოს გილიოტინით მთავრდება მისი სულისჩამდგმელებისათვის ყველგან და ყოველთვის.

არჩევნებს ვახსენებ და ბარემ ამ თემასაც აქვე მოვისტუმრებ.

ბატონი ედუარდ შევარდნაძე უმეტოქედ წარსდგება სახელმწიფოს მეთაურის პოსტზე, თანაც ისეთნაირად, რომ ამომრჩეველთა მესამედის დასტური (?) გამარჯვებულის გვირგვინით უდაფნავს თხემს! მოკლედ, მე ვარ და ჩემი ნაბადიაო, ბრძანებს. რას ვერჩით, გაუვა, თუმცა ღმერთმა უწყის, მართლაც ხუთი ერთეულია აკლია ვითომ მის ძლევა მოსილებას ხმათა გასასპროცენტებლად?! ფრიად უჩვეულოა ჩემთვის აგრეთვე დეპუტატობის კანდიდატა ხმების გადანაწილ-გადმონაწი-ლების მეთოდი: თუკი ერთ საარჩევნო უბანს ან ოლქში, ვთქვათ, ასარჩევ პიროვნებას ოცი პრო-ცენტით მეტი ხმა მოუგროვდება, ეს ოცი პროცენტი შეუძლია მისმა თანაპარტიელმა წაიმატოს ნაკლები ქულების შესავსებად და ამდაგვარი, დაუჯერებელი ხერხებით, აკი შეკოწიწდება კიდევც პარლამენტი.

არანაკლებ განსაცვიფრებელია ის ფაქტიც, რომ არჩევნები აფხაზეთში ტყვიების წვიმის თქრი-ალში ჩაივლის. ჯავშანტრანსპორტიორებით გადაჰყავთ ხალხი საარჩევნო ყუთებიდან ყუთებს დამ-სგავსებულ (ქართველ მაროდიორთაგან გამოცარიელებულ ბინებს ვგულისხმობ), კორპუსებს შო-რის. მიკვირს, როგორ მოახერხებენ ისინი ყოველივეს უბენზინობისა და ტექნიკის დეფიციტის პირობებში, მაგრამ ნათქვამია: ძალა აღმართს ხნავსო და არ დააყოვნებს სახნისიც ქართველების თავზე: პორცია-პორციობით არჩეულ აფხაზეთის დეპუტაცია წართმეგია თავმოყვარეობის გრძნობა — მეოთხე მოწვევის კანონმდებელია და სიწითლის ნატამალი არასად უფაჩუნებს — ჯიბის მარადმწვანე ვასაკაა მოახლოებული ავი ტაროსის უტყუარი ბარომეტრი.

რაც შეეხება ეროვნულ მოძრაობას დემოკრატიულ ელემენტად მაინც წარმოსდგება ამ არ-ჩევნების შედეგებით. თავის დროზე ბოზოქარ ოპოზიციურ პარტიათა ლაშქარს თითო მანდატი და მეტიც გაუჩაღიწდება „დემოკრატიის“ დამკვიდრების გზაზე, თუმცა იუმორის თემად უცილობლად მისი სადღესო ვითარება: გამართლდება ჩემი პროგნოზი, წიწილებს შემოდგომით ითვლიან-მეთქი; რომ ისინი უსათუოდ გავლენ ბარიკადებზე, როცა პირში ჩალაგამოვლებულნი დარჩებიან-მეთქი.

უკვე პარლამენტში აშკარად იგრძნობა ორი ფრთის არსებობა: უმრავლესობა — პარტოკრატია მენტორული ტონით უცაცხანებს უმცირესობა — ეროვნულ მოძრაობას. მოკლედ, გასაკვირი არა-ფერია თუ ზოგი დეპუტატი სინდისის ქენჯნას განიცდიდეს და ნებაყოფლობით ცდილობდეს დატ-რილებული ალიანსიდან გასვლას, მაგრამ უკვე თითზე კბენა გვიანია.

პრეზიდენტი გამსახურდია სრულიად უბრძოლველად, თავის თავზე დიდძალი დარტყმების მიღებით, შეძლებს ყველას გაშიშვლებას, კომპრომეტირებას, რაც სიკვდილითა სიკვდილის დათ-რგუნვის ტოლ-ფასია ჩვენს პირობებში, ჩვენი სინამდვილისათვის.

ყველაფერს თავთავისი სახელი დაერქმევა: გამოცალკევდება ნათლისაგან ბნელი, სწორისაგან — მრუდი, მართლისაგან — მტყუანი, კეთილისაგან — ბოროტი, ასე რომ, პუტჩში მონაწილე თითოეული პასიური თუ მძვინვარე ძალა ნიღაბახდილია აწ და ხელისგულზე გამოსახულა შემდგომი მოქმედების თვალსაწიერიც.

ცხადია, ერის ფიზიკური გადარჩენის საშუალებად კონფრონტაციისაკენ მოწოდება — ცეცხლზე ნავთის დასხმა — გულმხეცობასთან ერთად ლალატიცაა, ალბათ, ჩემს მხრივ მრავლადნაგვემი სამშობლოს წინაშე; უეჭველია ისიც, რომ წინააღმდეგობათა მშვიდობიანი მოგვარება კონსენსუსის, პარტნიორობის პრინციპიდან გამომდინარე, საყოველთაო ბედნიერებას გვაზიარებს თითოეულს, და რადგანაც ხსნის უფრო ოპტიმალურ გზას ჩემი გონება ვეღარაფრით პოულობს, ურთიერთ-შემრიგებლური, კომპრომისული წერილების ციკლს გამოვაცქეწებ „ქართველ ერში“, რომლებშიც სინთეზური აზროვნებისაკენ მოვუწოდებ ორივეს — უსამართლოდ გაძევებულ და სამართლიანად მოძულებულ ხელისუფლებებს, თუმცა მათ გთავაზობთ იმ ფორმით, რა ფორმითაც ერთი ბელეტრისტის ტრიბუნა „ოდოიში“ გამოქვეყნებულა.

მართუ მიხუთე

შუაგანი მსაჯულის პანტიით (II)

ამ დღეებში გაზეთ „აღდგომაში“ დაგმობილია ჯერ კიდევ ახალფეხადგმული საზოგადოება „სამეგრელო“; მოგვიანებით იგივე წერილს გადმობეჭდავს „საქართველოს სამრეკლო“, ხოლო ამას წინათ „იბერია-სპექტრი“ 12-19 იანვრის ნომერში მოათავსებს ქალაქ ზუგდიდის ოთხმოცდაცამეტი წლის ექვსი იანვრის, (ვისთვის ეროვნული ტრაგედიის (!) და ვისთვის ეროვნული ზეიმის (?) დღეს), მიტინგის დადგენილებას, რომლის ძირითადი სამი პოსტულატი შემდეგი შინაარსისაა:

- საზოგადოება „სამეგრელოს“ დაუყოვნებლივ დაშლა;
- მისი ინიციატორების ერის მოღალატეებად შერაცხვა და სისხლის სამართალში მიცემა;
- სამეგრელოს რეგიონში საზოგადოება „სამეგრელოს“ პირველადი ორგანიზაციების აღკვეთა;
- დაბოლოს, მოწოდება მთელი ქართველი ერისათვის კუთხოვრივი ნიშნით ჩამოყალიბებულ საზოგადოებათა მასობრივი გაუქმება (ოპერატიულობის ნიშნით — თითქმის ორი წელიწადია არსებობენ საზოგადოებრივი ორგანიზაციები: „ქართლი“, „კახეთი“, „რაჭა“, „იმერეთი“, „ეგრისი“...)

წარმოდგენილ მასალებში მსჯელობა უმეტესწილად სწორია — საქართველოს საზოგადოებების რესპუბლიკად გადაქცევა მართლაც რომ დამღუპველია (რასაც ავტორიც შენიშნავს „ქართველი ერის“ დეკემბრის პუბლიკაციაში — „მეიროხანი თუ სინთეზი“?!). მაგრამ გური ოტობაიას მოღალატეობა კონტექსტში მოხსენიება, ცხადია, მემცხეთება (საზოგადოების გამგეობის წევრი ვარ), ამიტომაც დაუოკებელი სურვილი გამიჩნდება ვეჭილად დავუდგე ჩემს პერსონას, როგორც ასეთს. ამასთან გადავწყვეტ, სხვა მრავალ საკამათო საკითხსაც მოვფინო ნათელი.

პუბლიცისტურ წერილებს სამოცდაათიან წლებიდან ვწერ, მაგრამ პოლიტიკური ჟღერადობას ისინი მხოლოდ 1988 წლიდან შეიძენენ. ჯერ კანტიკუნტად გამოვეხმაურები ხოლმე ცხოვრებისეულ პრობლემებს, ხოლო, როცა კანონიერი ხელისუფლებისა და „ქუჩის ოპოზიციის“ დაპირისპირება საანგარიშო მასშტაბს შეიძენს, სული მიკივლებს;

გია აბესაძის საქართველოს ერთიანობისათვის ზვარაკად თვითშეწირვა მთელი არსებით შემძრავს: შევფიცავ მის საფლავს, რომ არაფერს დავიშურებ საქართველოს ერთიანობისათვის.

„ნეიტრალიტეტის პოზიციიდან...“ ჰქვია „რესპუბლიკაში“ გამოქვეყნებულ წერილს, სადაც შეძლებისდაგვარად ვცდილობ ეროვნული მოძრაობის ლიდერების, აწგანსვენებულ მერაბ კოსტავასა და პრეზიდენტ ზვიად გამსახურდიას დამსახურებათა მიუკერძოებელ წარმოჩენას. არ მივჩქმალავ ექსპერიმენტების ლაბორატორიად გადაქცეული საქართველოსათვის პირში ქვის ჩაჩრას თუ რუსოფილურ ტენდენციებს. არ გამომრჩება 9 აპრილს ბ-ნ ზვიადსა და პატრიარქს შორის სამიტინგო მიკროფონთან ჩურჩულით გამართული დიალოგის — („მართლაც გვესვრიან?!“ და პასუხად: „შეიძლება გვესროლონ!“) — ფონზე ირაკლი წერეთლის ომახიანი „მამაო ჩვენო“. შევეცდნები ქართული ფენომენის გახსნას — თითოეულ ინდივიდში გენერალი და მეფე რისთვის ზის, ან „უჩვენოდ ვით იმღერეთოს“ კომპლექსი როგორ გვაქცევს მუდამ.

იმ პუბლიკაციაში არის საუბარი ზედმეტ ხელმოწერებზე, ავტომატის ლულებიდან გამოტყორ-

ცნობილი ყაყაობებზე, კიდევ მრავალსა და მრავალზე, რაც აგრერიგად გვთიშავს, რაც აგრერიგად გვათითოებს ოდითგანვე და დავსახავ გზებს კონფლიქტის მშვიდობიანი მოგვარებისათვის. სცილასა და ქარიბდას შორის მოქცეულს კი თითოეული მხარე სრულ მომხრობას მთხოვს, რაც ჩემს ძალას აღემატება, ვინაიდან მაშინაც და დღესაც მყარად მწამს: არ არსებობს აბსოლუტურად მართალი და აბსოლუტურად მტყუანი მხარე; ცდომილიცა და ყურადსაღებიც, ცხადია, ორივეში ერთდროულადაა მოცემული განსხვავებული დოზით.

მერმინდელ წერილებში უფრო და უფრო შევეცადები საგნის არსში ჩაწვდომას და ლოგიკურად ერთ ჭეშმარიტებამდე მივალ: სინთეზური აზროვნების მოუმარჯვებლად — შეთავსებელთა შეუთავსებლად — საქართველო დაღუპულია აწ და მარადის.

ჯერ ერთი, უზენაესი საბჭოდან პრეზიდენტისაგან ხალხის მიერვე არჩეული კომპარტიის წარმომადგენელთა დათხოვნა არსებითად განსაზღვრავს საქართველოს სადღესო ვითარებას, ვინაიდან 400 ათასი კომუნისტობა, თავის სიღღრ-სიმამრიანად მილიონ ნახევარს რომ აჭარბებს, აშკარად თუ ფარულად „ქუჩის ოპოზიციის“ მოკავშირედ გადაიქცევა. ჩვენ ვერ შევძლებთ მაშინ დიდსულოვან მიმტევებლობას — წელში გადამსხვრეული, კომპრომეტირებული პოლიტიკური ძალის ერის სამსახურში ჩაყენებას.

ანალოგიურ შემთხვევასთან გვაქვს საქმე დღესაც, როცა ავტომატის ლულიდან აღმოცენებული პარლამენტის ორგანიზმიდან უგულვებელყოფილია ერის თითქმის მესამედი — მრგვალმაგიდელები თავიანთი სამწყსოთი. ე.ი. გამოდის რომ, ორივეს მეტნაკლებად შეუცოდავს კონსოლიდაციის თვალსაზრისით.

არის კიდევ მესამედი ძალა, ქვეყნის არაქართული მოსახლეობის სახით, რომელიც ზედმიწევნით ინდიფერენტულია პოლიტიკური ბატალიებისას, ლერწამივით იქითკენ იხრება, ქარი საითკენაც დაუბერავს. ასე რომ, თუკი დაუსრულებელი ყოჩობანა გაგრძელდება, ვამბობდი და ვიმეორებ: ორ ძიძას შორის დაკარგული ბავშვის ბედი გველის, როცა ჩვენ ერთი, მოამაგე და მოსიყვარული მშობლები გვჭირდება.

ჩემეული კონცეფცია არსებითად ისტორიულ გამოცდილებებს ეფუძნება.

ცნობილია, რომ სამყარო, როგორც ასეთი, გმობს ცალმხრივობას. იქ, სადაც სინათლეა, აუცილებელია სიბნელებიც; იქ, სადაც სიცოცხლეა, სიკვდილიც გარდუვალია; იქ, სადაც სიბრძნეა, სირვევენესაც უნდა შეეგუო, ვინაიდან ისინი ერთ მთელს ავსებენ. წარმოიდგინეთ, ტლუშიც აურაცხელი საჭირო ელემენტია გენიალურის გამოსავლენად. სიბრძნე თავისი ტელარულობით პასიურია, რაჟამს ყუყში ფიზიკური ენერგია მჩქეფარებს. ჩვიდმეტი წლის ყმაწვილის თავი ცხელია, ოთხმოცი წლის ბერიკაცის სხეულებრივი სიძაბუნე კი — საწუთროსეული სიცხადითაა გაბრწყინებული. როგორ მოვიქცეთ ამ კონკრეტულ შემთხვევაში?! ყმაწვილის უმწიფარ გამოცდილებას თუ დავენდობით, სულსწრაფობით სადმე უფსრკულში გადაგვჩეხავს, ხოლო განსწავლული მოხუცის მოფამფალებულ სიარულში მატარებელი გაგვასწრებს. მოსაძებნია ოქროს შუალედი. სხვა გზა აღარ გვაქვს, ხანდაზმულის გონიერება და ჭეღვლის ცხოველყოფილობა უნდა შეირწყას, შეგვარდეს. ძალ-ღონით აღსავსე ჭაბუკის მხრებს ხრონცის განსწავლული თავი უნდა გამოეხას, მაგრამ მსგავსი ქირურგიული ოპერაცია ჯერჯერობით მხოლოდ ფანტასტიკურ წიგნებში თუა შესაძლებელი და ჩვენ, მიწიერნიც, იძულებულნი ვართ მივყვეთ ბერიკაცაკიდებულ მოყმეს; აი, ჩვენული სინთეზი! აი, ჩვენული შეუთავსებლის შეთავსება! აი, ჩვენული კენტავრისტიკა!

სულ გარემო პირობების პირმშოა აფრიკელის პიგმენტაცია, მონგოლოიდის თვალის ჭრილის ოვალურობა, იაპონელის ლაკონიზმი, ქართველის დარდიმანდობა: კენიელს ტროპიკული მზის მცხუნვარება რუჯავს; ტიბეტელს — უდაბნოს ქარების განუწყვეტელი ქროლვა აჭუტვინებს თვალს; ამომავალი ქვეყნის შვილს — საარსებო სივრცის სივიწროვე უბიძგებს მიკროსამყაროსეული ძიებებისაკენ; ქართველს მადლიანი მიწა-წყალი ადუნებს და აზულუქებს. მარტივად რომ ვთქვათ, ნებისმიერი ერი ზედმიწევნით უხამებს გარემომცველ ლანდშტაფს თავის მოთხოვნებს და მიზნებს.

მთელი კაცობრიობის ოცნებაა კოსმოსში სწრაფი გაჭრა, ახალ-ახალი პლანეტის ათვისება, მაგრამ რადგანაც ჯერ კიდევ ატომურ აზროვნებას ვერ გავცდით, წამში 13-ოდე კილომეტრის სისწრაფეს ვჯერდებით.

ერი უკუაგდებს მეცნიერის დონკიხოტურ ფანტაზიორობას. მისი ქმედება ყოველთვის სანჩო პანსასეულია, პრაქტიკული, ყოველდღიურობით ნაკარნახევი; ხოლო წინამძღოლი, რომელიც თავისთავში არ აერთიანებს მჭვუნვარე სახის რაინდისა და მისი საჭურველმტვირთველის თვისებებს, განწირულია, დამარცხებული.

რუსთაველის პროსპექტის ავადმოსაგონარი აქციები მახსენდება.

ორი უმცროსი ძმა მესტუმრება ერთი და იმავე სოფლიდან, ოღონდ — სხვადასხვა მატარებლით, თითო საათის ინტერვალით, ორივე დატვირთული; ალერსითა და სიყვარულით ჩავიხუტებ თითო-ეულს. ყოველდღიურობის აღრენილ-აყაყანებულ ღრინაჭში მოქცეული გავიხარებ, გავლადებო. დავსხდებით სახელდახელო სუფრასთან, მაგრამ უმაღლესედაც, რომ ჩვენი საზოგადოების უკუურნებელი სენი — პოლიტიკომანია, ჩემს ძმებსაც შეჰყრია.

გახელებული გახაზირებული სუფრიდან წამოვყრი ორივე ძმას, ჯერ მთავრობის სასახლესთან გამართულ მიტინგს დავასწრებ სისხლხორცს, მერე — ტელევიზიასთან გაჭენებულ სამხედრო აღლუმს და როცა ერთსა და იმავე სინამდვილეზე ორი აჩემებული „სიმართლეს“ მოვასმენინებ, აქეთ იქით მხარში ამომიდგებიან. დავნაყრდებით იმ გონქირაფილიმ პურ-მარილით. დაიხურავენ ქუდებს და მშობლიურ ორლობეს მიაშურებენ, მე კი შემატოვებენ ხელში საქართველოს აწმყოდ წოდებულ ამ მოუნელებელ ჯოჯოხეთს.

ადვილია შიშველი მეფის დანახვა, ხმამაღლა თქმაა ძნელი თორემ. მლიქვნელის მოქნილი ხერხემალი და ცბიერის იქედნური ნააზრევიც ვერსად გაგვექცევა თუ გულში გამბედაობის ნასახი კიანთებს.

ათასწლეულები დასჭირდება წკნელის ორი ბოლოს შეერთებას, რომელიც გვაზიარებს ახალ რეალობას — ბორბალს;

ათასწლეულები დასჭირდება რკინის ნაჭრისა და ჯოხის შეკავშირებას, რაც მესამე განზომილებას — ცულს გვიბოძებს;

ათასწლეულები დასჭირდება პლუს-მინუსის თანამშრომლობას, რომელიც მაცოცხლებელ სინათლეს მოგვივლენს;

სიკეთისა და ბოროტების თანამეზობლობა კი ათადან და ბაბადან მოყოლებული, ყოველთვის გვაძლევს რინას, ცხოვრებას, სიცოცხლეს, ეგზისტენცს, მაგრამ საკითხავია, რანაირია ეს ყოფა — კომარული, უნაითო თუ შემოქმედებითი, რაც პროგრესულ და რეაქციულ ძალებს შორის არსებული პროპორციებით არის განსაზღვრული: თუ სიკეთე სჭარბობს ბოროტებას, ილხინე სულს — თაფლისა და რძის მდინარე გადმოგვედინება თავზე; თუკი ამ ორ სტიქიას შორის სასწორის პინა გათანაბრებულია — ლუკმა-პურის სიმწრით შოვნა მოხერხდება აქა-იქ, მაგრამ როცა ვილანდი ზეობს, გულში — შიშია, ცაზე — წკვარამი და მუცელში — შიმშილის ყმუილი.

ჩვენი სადღეისო ვითარება მეიროხანს, ბუნობას მომაგონებს რამდენადმე, სადაც დღე-ღამის გარჩევა ჭირს; სადაც მართალ-მტყუანი თანაბრად ფასობს; სადაც სრული განუკითხაობაა ყველგან და ყველაფერში.

როგორც ჩანს, ცაბათი შემთხვევით არ მოგვივლენს ქრისტეს გვერდით მაცილს. უფალთუფალი ხომ მარადიულ ძალას განასახიერებს, სადაც სატანური და ღვთაებრივი ერთ წრედშია ჩართული და ჩვენ, თიხის ფეხებით მოარულ მოკვდავებს, ბარაქალა რომ კიდევ შეგვწევს უნარი ავუჯანყდეთ უსამართლობას!

გლობალური პროცესების დაწყება ჩვენს პლანეტაზე მრავალს თავისი დაუცხრომელი საქმიანობის შედეგი ჰგონია — ზოგი იმპერიებს დაანგრევს, ზოგი მსოფლიოს საერთო სახლად გადააქცევს, მაგრამ ეს პიროვნებანი მოსივებსა და ნოეთ იმდენად ჰგვანან, რამდენად განსაცდელის ძალისხმევით შეჩქვიფებული საზოგადოებრიობის სასოწარკვეთილ დესპანებს.

ცივი ომის მოთოკვა დედამიწაზე არსებული სიცოცხლის ასჯერად მომსპობი ენერჯის განმუხტვის ცხოველური ინსტინქტის პირმშო უფროა, ვინემ ამა თუ იმ ინდივიდუუმის დამსახურება.

კარზემომდგარი მეორე ათასწლეულის ფინიში გულს შეუკუმშავს მსოფლიოს, ჯიგარს შეუტრიალებს და აქამდე რკინის ფარდით გათიშულები გვერდიგვერდ აღმოვჩნდებით უდაბნოში წყურვილით გათანგულ ცხოველებსავით; გვერდიგვერდ აღმოვჩნდებით ლომი და შველი, მგელი და კრავი, კატა და წრუწუნა, ასპიტი და ვასაკა; იმდენად რეალურია მოსალოდნელი კატასტროფა, იმდენად ხელშესახები და თვალნათელი, რომ დავთმობთ უკლასო საზოგადოების შექმნის მანიაკურ იდეას, დავთმობთ ქედმაღლურ ამერიკანიზმს, განსხვავებულ ინტერესებს მიგუაზლოვებთ ერთმანეთს, გავკაპიტალისტდებით ერთნი, გავსოციალისტდებით მეორენი, რადგანაც შემდგომი კონფრონტაცია სამარადჟამოდ გაანაცარტუტებს: „ილიადას“ და „ფაუსტს“, „მეხუთე სიმფონიას“ და „მადონას“, „ზევისს ქანდაკებას“, პირამიდებს და რაც მთავარია, დინოზავერთაგან განსხვავებით, ნამარხ ფორმებშიც კი ვერ მოვიძიებთ მზის სისტემაში ადამიანის არსებობის ნატამალს: ქვეშეცნეულად შევათავსებთ შეუთავსებელს!

ღიახ, გენები სასოწარკვეთით კივიან ჩვენს წიაღში, „სახარებისა“ და „ყურანის“ ფანტიკური დოგმებით: სიმართლე მხოლოდ ჩემთან არისო! ეგზალტირებული მილიარდნახევარი ქრისტეს

მრევლი თვალწინ ასვეტებია მუჰამედის ამდენსავე მიმდევარს და დედამიწა მზად არის სისხლის ნიაღვრებისათვის, არაფერს ვამბობ დაქირავებულ შრომასა და კაპიტალს შორის დაბუდებულ ოდინდელ ანტაგონიზმზე.

ასე რომ, საქართველოს პრობლემების განხილვა იზოლირებულად, მის სოციალურ-პოლიტიკურ და გეოგრაფიულ ჩარჩოებში მომწყვედევით, ზემოთხსენებულ დილემათა გაუთვალისწინებლად, ახლომხედველის პროვინციული გულდამწვიდებაა და სხვა არაფერი. დასკვნებს ფინალში შემოგთავაზებთ, ახლა კი ვიტყვი იმას, რომ დაახლოებით ამგვარი სულსკვეთების წერილებს დავბეჭდავ ჩვენი გათიშულობის ფარულ მიზეზებზე: სრულიად საქართველოს სახელწიფო ენისაკენ გზები რომ შეუკრავთ მავანთ სისხლხორცეული მეგრულ-სვანურისათვის („ღვთიური სამება“, „რესპუბლიკა“, „ახალგაზრდა ივერიელი“, „ლიტერატურული საქართველო“);

კონფრონტაციის, ომის დამანგრეველ აბსურდულობაზე, („მითაჟამი“, „ასავალ-დასავალი“);

სხვადასხვა ეთნოსის ჰარმონიულ თანაარსებობაზე ერთ ძმურ ოჯახში („ჯიმაგე“, „საქართველოს რესპუბლიკა“);

შემოქმედის მოქალაქეობრივ ვალზე, როცა იარაღი ჟღარუნებს და მუხები გაჩუმებულან, („გამონათებისათვის მოველ“, „აისბერგი“);

საზოგადოებრივი ორგანიზაციების ბუმზე ისედაც დაქუცმაცებულ მამულში, და ყველაზე ბოლოს შექმნილ „სამეგრელოს“ დადებით თუ უარყოფით მომენტებზე, („მეიროხანი თუ სინთეზი“, „ქართველი ერი“);

მოვიშველიებ ამ უკანასკნელის ფრაგმენტებს:

მეიროხანი თუ სინთეზი

„მიუკიბ-მოუკიბავად მითხრეს, (იგულის- ხმება სამეგრელოს მოსახლეობის სხვადასხვა ფენა), ჩვენ ჯერ არცერთი საზოგადოების არცერთი წარმომადგენელი არ გვიხილავსო თვალით; (საქველმოქმედო საზოგადოებებს ვგულისხმობ. სტილი რესპოდენტებისაა, გ.ო.), გამათრახებულებს, განწირულებს მოძმის ხელისაგან და რა უფლებით და მორალით იმაღლებენო ხმას ჩვენი სახელით!

საზოგადოებისათვის „სამეგრელო“ რომ გიწოდებით, წინგადადგმული ნაბიჯია ფრიად, ვინაიდან წლების მანძილზე მრავალი კუთხის წარმომადგენლისაგან განსხვავებით, მხოლოდ ჩვენ გვიწევდა და გვიწევს ეგრისს, კოლხეთს, ლაზიკას ამოფარება! დაე, ყველამ იცოდეს, არის ასეთი ხალხი — ტომით მეგრელები, მაგრამ ნამდვილქართველები. 300 ათასი მეგრელი მზადაა მამულის მკურდით დასაცავად, თღონდ მთაფრობამ სწორი პოლიტიკა გაატაროსო აქ. არ აპარბაშოს დედის თვალწინ არქიტექტორ ჯიქიას მკვლელისნაირები. ბოლოს და ბოლოს გამოძვოს კომპეტენტური კომისია და სამართალი დაუდგინოს გაუბედურებულ ოჯახებსო.

ღტოლვილებით რომ აგვეცხოვრო ეზო-კარი, საქმიანი თუ ვერა, სიტყვიერი მოხედვა სომ მაინც გვჭირდებაო.

მრგვალი ბეჭდისა და ოთხკუთხა შტამპის გამოტანას რაღა უნდა, მთავარია ხალხში ტრიალით, ამიტომ ისეთებთან ურთიერთობას მოერიდეთ, თავიანთი აგსიტყვიანობის წყალობით სამეგრელოში რომ არ ჩამოესვლებათო!

იქნებ შეშეკამათოს ვინმე, ეს სიტყვები რიგითი მეგრელებისაგან არ თქმულა, გუთანს, სენა-თესვას მონატრებულ ხალხს არ ამოსვლია პირიდან, რომლებიც თავიანთი ბუნებით პოლიტიკისაგან შორს დგანან, უფრო სწორად — პოლიტიკა მათთვის კერძასთან სამასლაათთ თემაა მხოლოდ?!

ახლა უშუალოდ შევეცდები აგხსნა ის ვითარება, რაც ნიადაგს შეუშინადებს საზოგადოება „სამეგრელოს“ ჩამოყალიბებას.

მართალია, ზუგდიდში აქამდეც უწყოდნენ სხვა საზოგადოებრივი ორგანიზაციების არსებობის თაობაზე, მაგრამ მაგიური სიტყვა „სამეგრელო“ ზოგ პოლიტიკურ და საზოგადოებრივ ერთიანობას ფრიად სახიფათო კონკურენტს მოუვლენს: ყველამ მშვენივრად იცის XX საუკუნის მიწურულს ქართულ-ეროვნულ თვითშეგნებაში მეგრული სუბარატიზმი ყურით მოთრეული განგაშია. მით უფრო ძნელად დასაჯერებელია ასეთი ქმედება მშობლიური სიტყვიერების მსახური ხალხისაგან: და რადგანაც სხვაფრივ მასთან ბრძოლა წაგებულია, უნდა დააბრალდო, დიასაც, ის, რაც არავის მოლანდებია,

მაგრამ გარკვეული აუდიტორიის წინაშე ეფექტიანი და გასაგლიანია. საზოგადოება „სამეგრელო“ თუკი განახორციელებდა ეროვნული ფსიქიკის გამთლიანებას, ეს სომ მრავალთათვის წართმეული ლუკმა იქნებოდა?! ასევე საზოგადოება „სამეგრელოს“ განზრახული ჰქონდა ემოქმედა ერთადერთი მამულიშვილური კრიტიკერიუმით: პატივისცემა და თავისუფლება ყოველ აზრს. სრულიად საქართველო ყველასა და ყველაფერზე მაღლა!

მოკლედ, საზოგადოება „სამეგრელოს“ შექმნის იდეა ერთიანობის უზენაეს თვითშეგნებას, მრავალთაგან განსხვავებით კომერციულ საქმიანობაზე უარის თქმას, შემწყნარებლობას, ეროვნული კონსოლიდაციის დამკვიდრებას, მედიატორობას, შუამავლობას, შეუთავსებელთა შეთავსებას ეფუძნებოდა მამასისხლად დაპირისპირებულ ძალთა შორის; საზოგადოებაში არ გაწვევრიანდებოდნენ პოლიტიკური და კუთხური ნიშნით, ვინაიდან სამეგრელო სრულიად საქართველოს კუთვნილებაა, როგორც გულია მთელი ორგანიზმის ბურჯი და ეს გული შემდგომში თავისი კეთილშობილური თუკი სანაშინრო მისიას დაუდებდა სათავეს, საკითხავია, რისთვის უნდა გაეშვა ხელიდან ამისთანა შესაძლებლობა?! თუკი სადმე ბუტყავდა ერის გადარჩენის შანსი, ჩვენი გახლეჩილი საქართველო ღირსი არ იყო განა გვეტვირთა ფრიად უმადური შრომა — არ მოვრიდებოდით წაღმა-უკულმა ნასროლ ტალახს, მით უფრო, როცა დღემდე არსებული ნებისმიერი პარტია, კვლავაც ძალის პოლიტიკას ამჯობინებს, რამაც ტაძრამდე ვერაფრით მიგვიყვანა?!

საზოგადოება „სამეგრელოში“ ჩემს მოსვლას სხვა მიზანიც ამომრავებდა — შექმენა გაზეთი, რომელიც ხელს შეუწყობდა ტერიტორიულად უთვალავ მიკროორგანიზმად დაყოფილ; ენობრივად: ქართლურ-მეგრულ-სვანურ სამ ნაკადად განშტოებულ; პოლიტიკურად ორ ძირითად ფრთად — ბატონების; ზვიად გამსახურდიასა და ედუარდ შევარდნაძის ორიენტაცია-ტაქტიკით გასწავლეთ საქართველოს სინამდვილეში მომენახა უმთავრესი მაცოცხლებელი ძარღვი, რომელსაც ორგანულად გუერთდებით. ეს არის სამშობლო — ფენიქსი ტ ხარისხში; მისი გმირული წარსული, მისი ამღვრეული დღევანდელი, მისი ნათელი მომავალი — თანაბრად საზრუნავი ყველასათვის და არა თითო-ორთლას გასატანი ლელო.

აქედან გამომდინარე, ჩემეული გაზეთი გადაიქცეოდა განსხვავებულ აზრთა პაექრობის სანიშნო არენად, ყოველგვარი მაკრატლისა და შლაგბაუმის გამოუყენებლად. რედაქტორი კი მომრიგებლად, მსაჯულად მოეგლინებოდა ორივე მხარეს;

ეს გაზეთი იქნებოდა ერთგვარი ლაბორატორია საერთო-ეროვნული კონცეფციის შემამუშავებლად. აქვე გამოქვეყნდებოდა აფხაზი და ოსი ხალხების ხმები, მათი პრეტენზიები, მათი სატყვირები, რომლებიც ჩვენი პრესის ფურცლებზე ფაქტობრივად უგულვებელყოფილია. მოკლედ, მთელი არსებით მეწადა შექმენა სამაგალითო დიალოგის ატმოსფერო.

ღიას, ამგვარად აღტკინებული მივალ საზოგადოება „სამეგრელოში“, მაგრამ ამავე დროს ყოველმხრივ წინააღმდეგი ვიყავი იმ ფაციფუცის, იმ თავპირისმტყრევისა, რაც მის ჩამოყალიბებას თანხვდება წილად: მაფიქრებდა ის გამალებული ტემპებიც, როგორითაც რეგისტრაციაში გატარდება საზოგადოება. ჩემი მრავალჯერადი ცდა სამეგრელოს რეგიონსა თუ მის ფარგლებს გარეთ არსებული ყოველი საზოგადოებრივი თუ პოლიტიკური ორგანიზაციის (ასეთი დღესდღეობით ცამეცია) ერთობლივი ყრილობის გამართვისა და საჯაროობის პრინციპიდან გამომდინარე, სმათა უმრავლესობით გადაწყვეტა: რა სახელი შერქმეოდა საზოგადოებას, ვთქვათ, „ეგრისი“, „სამეგრელო“, თუ კიდევ სხვა, ამათ გამოდგება.

აქვე, უყურადღებოდ დარჩება უმთავრესი ფაქტორი, რომელზედაც ზემოთ მოგახსენებდით — სამეგრელოს რეგიონის თითოეული ფენის შესედულების, ყოველი პოლიტიკური ძალის აზრის გაუანალიზებლად, მათთან საერთო ენის გამოუნახავად, იქაური მოსახლეობის ლოცვა-კურთხევის მიუღებლად, პირველადი ორგანიზაციების შეუქმნელად და დელეგატების ჩამოუსვლელებად, სამეგრელოს სახელით მოქმედება, მით უფრო — ყრილობის მოწვევა, არ წაადგებოდა, როგორც საზოგადოებას, ისე — მის კეთილშობილურ იდეასაც.

ასევე უმართებულოდ მიმანდა განუკითხავად კარის გამოღრიალება ყველა ბი-

როვნებისათვის: მწერლის, მსახიობის ყბადაღებული ტიტულები, ნათესაური ძაფები, ვერ გაამართლებდა საზოგადოებაში მათ ყოფნას: იქ გასაწევრიანებლად სავსებით იკმარებდა ერთადერთი ფასეულობა – საქართველოსათვის თავდადება სიტყვით და საქმით.

საინიციატივო ჯგუფის წევრები ჩავიტანთ ინფორმაციებს ადგილებზე, მაგრამ მიზნითა გამო ვერ ვაქცევთ მას ფართო მსჯელობის საგნად და შეძახილიც არ დააყოვნებს.

რაც შეეხება ნარიმან იაშაღაშვილის „ტორონჯს“, ეს მართლაც მრავალი ეჭვის აღმძვრელი უნიკალური შემთხვევაა.

დავიჯერო, რომანებისა და პიესების ავტორი ნართ კოლხარი, იმდენად გულუბრიყვილობა, რომ საჩოთირო საქციელს ჭკუა ვერ დაატანოს?! ან ვინ მიუბოძა მას უფლება, გნებავთ – იურიდიული, გნებავთ – მორალური, ჯერ კიდევ დაურეგისტრირებული გაზეთი მისთვის აბსოლუტურად უცნობი საზოგადოების ყრილობას მიექვანას! დავეუშვათ, როგორც თვითონ ასაბუთებს, კეთილისმყოფელობა მოამოქმედებინებს ყოველივეს, მაგრამ სომ უნდა მაუწყებელ ბატონს, ვინემ ჩემი სახელით საჯაროდ გამომაჭენებდე?! როგორც ჩანს, უფალი კოლეგა მაცდუნებელ პოპულარობას დახარბდება და ლოქის დაჭერაში გაუწაფავ ბონდოიაზე (ანკესზე ჭიაყელის ნაცვლად პურის ნამცეცი წამოუცვამს) ყბედობას გადაგვაცოლებს.

დაგკონკრეტდები: ადრეც უჩუქნია ჩემთვის ნართ კოლხარის მოთხრობების მომცრო კრებული – საინტერესო პასაჟებით, მსუბუქი იუმორით შეკონილი ორენოვანი წიგნი, მაგრამ აშკარა მაფალუისტური ნიშნით ცხებული: პროგრესიულია ის, რაც მთელი საკენ ისწრაფის და არა – პირიქით. როცა ჩვენ მეგრულიდან ქართულად ვთარგმნით, მაშელს ერთ თაველად შეგკონაგთ სოლმე, მაგრამ თუ უკუშექცევადია ეს პროცესი, გაძუხრუჭებთ სინთეზური საქართველოს შექმნას. ვგულისხმობ პროზაული ნაწარმოების მეგრულ ენაზე შეთხზვის ტენდენციას. ჰა და ჰა, პოეზია მოსათმენია სადღაც, მელოდიის, სიმღერის დედაა. ლექსს თავისი უბადლო კანონები ახლავს, თავისი მეტრიკა და ინტონაციები, განუშეთრებელი პოეტური სახეები, მინანქრული სისადავე (რითაც განთქმულია საქართოდ მეგრული პოეზია), მშვენიერების ავტონომია, დამოუკიდებელ სხეულებრიობას რომ ანიჭებს, და ამგვარად – არსებობის იურიდიულ უფლებასაც, მაგრამ ისეთი რა გაგვჭირვებია, ორლობის საყველბურთ ლაყაფი დედაქართულზე ვერ გავმართოთ?! აქ ტოსკანური და პროვანსული გამოცდილების მოშველიება არაფრად წაგვადგება. ნუთუ სამაგალითოდ ვერ იკმარებს ვაჟას შემოქმედებითი გენია: აკაკის დაწუნებულ კილოზე მარგალიტების მთესველი მგოსანი, შეუდარებლად ანკარაზე ანკარა სალიტერატურო ქართულით რომ ქმნის შგლის ნუკრის, ბესრეკი წიფლის, მაღალი მთების სულისშემძვრელ ტრაგედიებს?!

ჩემი მიზანი სულაც არ არის ნართ კოლხარის გაკილვა ან გულის დაწყვეტა. მიგუთითებ უბრალოდ, რომ მისთვისაც და ერისთვისაც აჯობებს თავისი პროზა ქართულ სიმბზე ააჟღეროს, სოლო მეგრულ ზღაპრებს თუ გვითარგმნის ბრეგაძეებისა და ჩხენკელების სხივმოსილებით, მაღლობის მეტი არაფერი გვეთქმის. ან მოსათმენია განაკერიის „პოეტებს“ შორის „გეფხისტყაოსნის“ მეგრულად თარგმნაში გამართული გაცხოველებული ჯიბრი?! საჭირო ყოფილიყო ვერავინ დამასწრებდა ამ საქმეს! ის კი არა საკუთარ პოეზიასაც მოვბოჭავ, (აქა-იქ რომ იმღერება კიდევ), საქართო საქმის სასარგებლოდ.

აბა, დაგუკვირდეთ, ვინ უმართავს ხელს შანაგას ვაითარგმანის სოლიდურტირაჟიან საუცხოო გამოცემას? არაფრით დამიჯერებთ, თვით საქართველოს დაუძინებელი მტერი, ვლადისლავ არძინბა!

„გეფხის ტყაოსანი“ რუსთველზე უკეთესად ვერავინ დაწერს, ვერც ცხონებული კაკა ჟგანია და ველარც – უორდრობი, ნუცუბიძე თუ თქვენი მონა-მორჩილი გური ოტობაია! მეგრელებისათვის კი იმაზე მეტი ბედნიერება რა უნდა იყოს, ორიგინალში რომ ძალგვიძს ამ მართლაც და უკვდავი ქმნილების ადეკვატური აღქმა?!

მასსოვს, ერთხელ, გამომცემლობა „სამშობლოს“ დერეფანში გაზეთ „ტორონჯს“ მისხენებს ნართ კოლხარი და წარმოიდგინეთ, თანამშრომლობასაც კი შემოთავაზებს.

მე თავაზიანად მოუცლელობა მოვიმიზეზებ, რაც თანამოსაუბრეს არ ეჭაშნიკება და უფრო ღირსეულად წარმომიჩენს თავს:

– გინესის წიგნში ვარ შეტანილით, – გამუნდობა.

გავითცებ, როგორ-მეთქი?

– როგორ და 78 საათში (მომიტევოს ადრესატმა, დროს თუ ზუსტად ვერ ვასახელებ), რომანი დაგწერეთ.

თვალეებს დაგჭყეტ:

– მწერალი თუ გეთქმის, შენ, კმობილო! მე საწყალი ათი წელიწადია ჩემს „სიცოცხლემისჯილებს“ გეჯახნირები და ჯერაც ვერ გამიმართავს რიგიანად-მეთქი.

ბევრი რომ არ გაგაგრძელოთ, ნართ კოლხარის სტახანოვური ტემპით წერა რა ჩემი სადარდებელია, მისი ნამოქმედარის გამო ტალახს რომ არ მესროდნენ.

ერთი სიტყვით, საზოგადოება „სამეგრ ელოს“ ყრილობა (უკეთესია ვუწოდოთ შეკრება), ნაჩქარევად, პრესინგში ჩატარდება (შექმნილ ექსტრემალურ სიტუაციაში რაღაც სასარგებლო წვლილის შეტანის საბაბით), რეგიონის საზოგადოების ფსიქოლოგიის შეუსწავლელად და გამოგვეკეთავ, გარკვეულწილად სამართლიანად მიმაჩნია 1993 წლის 6 იანვრის ზუგდიდის მიტინგის რეზოლუცია, ცხადია, მოუზომავ ბრალდებათა გამოსწორებით.

ამასთან ცრემლი მერევა უნებლიეთ: ზუსტად 1992 წლის 6 იანვარს ავტომატების ჯერით დაიცხრილება ჩემი ბინა, ჩემი ბავშვების ციდამტკავლა ლოგინები, და აჰა, წლისთავზე არანაკლები ჯილდო – კაკალ გულში ნასროლი სიტყვა „მოლაღატე!“

საოცარია, მინორულ განწყობილებას ჩემსას, რატომღაც დედულეთის იავარქმნის დღეებში შეთხზული სტრიქონები მოეჯარებიან დასეტყვილი მესსიერებიდან:

ღამორჩილი

შემოდგომა

მეურს ურემი, დამორჩილი რე,
გინძე სერი დო დლა მორჩილი რე,
ჯათ გორჩილი რე თავრენ ცურენი,
საქორთუოშო მოკო ბლურენი!
მეურს ურემი დო მირსიოლუ,
ცოროფაქ დუდი მომირსიოლუ,
ტან მარზიოლუნ, აკა მუ რენი?!
საქორთუოშო მოკო ბლურენი!
ემერ სქუა დო ემერ ჩილე რე,
შურ ფურცელეფით მოფორჩილე რე,
ფოფორჭვილი რე ვეფანდურენი?!
საქორთუოშო მოკო ბლურენი!

შემოდგომაა, მიდის ურემი,
დღე მოკლეა და ღამე — უღვევი,
ვერას დამაკლებს ჟამი ტიალი
თუ სამშობლოსთვის აღვესრულები!
მიდის ურემი და მისრიალებს,
ტრფიალი თვალეებს მინისლიანებს,
ვერას დამშლიან ლეთა-სულეები
თუ სამშობლოსთვის აღვესრულები!
ამ საზვარაკე შვილებს მზე შობდა,
სული ფოთლებით გადაწვავდა,
ფაფარი დამწვარი? არ იმღერება?!
თუ სამშობლოსთვის აღვესრულები!

გამთიძებნა სამიზნე! მაგრამ მე მაინც კვლავინდებურად ვიბრძოლებ ერთიანი საქართველოსათვის, რომელიც სამ წელიწადში სამი ხელისუფლებას შეიცვლის, ცხოვრება კი ძველებურად უფსკრულისაკენ მიგვაქროლებს გრუნუნ-გრიალით. თრმოცდაათ მილიარდ რუბლზე მეტი ვალით დავიმშვენებთ შთამომავლობის სამერმისო გადასახედს! არც სანაქებო უცხოეთიდან ილანდება მუქთად ხელგამმართველი ძია სემი თუ პაპა ჰანსი; შვილებისათვის შაქარი და კარაქი ვერ გვიყვია სამოწყალო ხელფასით! ჯანდაბას, დოზანას ყველაფერი, საჯიშე ბიჭებს სამიწე ხელებით რომ არ გუნუჭავდეთ საქართველოწართმეულ თვალეებს!

დიახ, როგორც არასდროს სისხლის უკანასკნელ წვეთამდე ვიბრძოლებ ერთიანი საქართველოსათვის! სხვებზე ნაკლებად როდი მტკივა დიდი კონსტანტინეს ბოკვერა შვილიშვილების სამშობლოს კალთისაგან მოწყვეტა! არც იმ კოლხური კოშკის ჩამოშლილი ქონგური მიმზიანებს სულს მაინცდამაინც! ვიკმართო ლევილის მიუსაფრობა! იმპერიის უკანასკნელი მოპიკანის ჯანგატენილი იერიც ამ სულის წრიალ-კაეშანია.

ამას წინათ ვაკე-საბურთალოს პანთეონს მიბარებული სისხლ-ხორცი ზაზა ფეტვლა-
ვას გვემუღი სხეულიც დაუღვრელ ცრემლს მთხოვს წარბშეკრული გამოსდგოთ.

დაიხს, კვლავინდებურად ვიბრძოლებ ერთიანი საქართველოსათვის! საკუთარი ძმების
შემრიგებელს, დაიხსაც, შევალეება პირისპირ დავსხა ბატონები: მუხრან მაჭავარიანი და
გურამ ფანჯიკიძე, ჭაბუა ამირეჯიბი და ნოდარ წულუისკირი, ელიზბარ ჯაგელიძე და
თამაზ წიგწივაძე, მამუკა წიკლაური და რევაზ მიშველაძე, ენვერ ნიჟარაძე და ჯან-
სულ ჩარკვიანი; დავსხა და იმისდა მიუხედავად ერთმანეთი ჭირივით გვეჯავრება,
ერთმანეთს მამასისხლად გადაგვიდებივართ, კაცთმოყვარეობის პრინციპები თუ ჯერაც
არ წაუშლია ჩვენი გონებიდან იუბიტერს, ვაუწყო:

მწერალთა კავშირში გაჩენილი ნაპრალიდან იწყება საქართველოს შეშზარავი უფ-
სკრული, რომელ ღრიჭოს ერთეულთა სხეულები ვერ ამოავსებენ სავალალოდ, სხვა
უფრო ნოყიერი და ბარაქიანი უღუფაბა საჭირო — საქართველო რომ ჰქვია სახელად,
საქართველო კი როგორც ზემოთ აღვნიშნეთ, ორივე მხარესაა. რა შეფარდებითაა ეს
საქართველო თითოეულთან, სამერმისო წუთისოფელი განსჯის. სიმცდარეც ხომ საკ-
მარისად მოგვეძველება ხურჯინის ორივე თვალში?!

დაიხსაც, შევალეება დავსხა მუშტშეკუმშული კოლეგები, მუხათა საუფლო რომ
გადაივიწყინათ და ლამის პლაკატების ენაზე მეტყველებენ, თუმცა შეშეკამათება
ზოგიერთი: რა დროს მშენიერსა და ამაღლებულზე ფიქრია, როცა თთხივე მხრიდან
ცეცხლი გვიკიდიათ, მაგრამ იმ ცეცხლს სულის შებურვის ნაცვლად ვედროების მო-
მარჯვება და წყლის მისხმა რომ სჭირდება, ბალღმაც უწყის.

დაიხსაც, შევალეება დავსხა და ვაუბნო ერთხელაც: საქართველოს თუ გადაარჩენს
რამე, უწინარესად სიტყვა „მოღალატის“ ქარქაშში ჩაგება. მოღალატე შეიძლება
იყოს ინდივიდი, ადამიანთა ჯგუფი, მაგრამ მილიონნახევარი ქართველი, ერის მესამე-
დი ძალა, როცა სხვანაირად ფიქრობს, ამას ღალატი კი არა, მსოფლმხედველობა ჰ
ქვია, შესაძლეთა კონსერვატორული, საზიანო, მაგრამ მაინც მსოფლმხედველობა და
ჩვენზე წონადობის აზრს ნაგავს კი ნუ ჩავახუტებთ, ბემურაზნო, არამედ მოგუსმინოთ
ერთურთს და მერე დამაჯერებლად, დასაბუთებულად დაფუძვლილთ მავნებლობაა ეს
თუ დამაქცევრობა.

გავისხენოთ, პასეჟის დღეს ებრაელი ხალხი „ბარაბას“ რისთვის იღრიალებს „მაც-
ხოვრის“ ნაცვლად. განა ისრაელეებმა ნაკლებად უწყიან ქრისტეს ღვთაებრივი სხივ-
მოსილებისა, მაგრამ ნაზარეთელის მკერდში ჩახუტება მთლიანად ერს აკრავს რომა-
ული მახვილის გიგანტურ ჯვარზე და მცირე ზვარაკს ამჯობინებენ საყოველთაოს. ეს
ქმედება ურიების სინდის-ნამუსზე იყოს, ჩვენ ჩვენი ვთქვათ, ჩვენი ვიტყვით. განა
შესამეცნებლად არ კმარა გარდასდილი, რომ ერთ ნაგში ვსხედვართ, უკან მეწყერი
და წარღვნა?! დაძღვრული ტალღა დღითი დღე გვეწევა, შენაგეთა ერთი ჯგუფი
გამალებით უსვამს ნიჩბებს, ხოლო მეორე — ან გულარხეინობს, ან პირიქით — აფერ-
ხებს კიდევ ამ სწრაფვას. ასე დაგვებდება თავიდან, სანამ წყალი აიძღვრება, და ასეა
დღესაც. იცვლება ხალხი, ბრობლემა კი იგივე რჩება და აღარც ნაპირი ჩანს
თვალსაწიერზე.

გავისხენოთ, როგორ დასჯის მითიური რაჯა მენადარე და მეწინწილე ტყვეებს
მეაბჯრეთაგან განსხვავებით:

— შუბოსანი შუბს უღერებდა, ფარს იფარებდა საკუთარი სიცოცხლის გადასარჩე-
ნად, ესენი კი ადამიანებს აქეზებდნენ სამკვდრო-სასიცოცხლოდო — დავისსომოთ,
ვინაიდან როდესაც ერთს ვექიმავებთ, მეორეს ვწირავთ, როცა გამარჯვებისათვის
ორივე ხელ-მუხლია საჭირო; როდესაც ორივე შეხედულებიდან ამოსაკრეფია თითოეული
ფასეული და შესადულაბებელია ერთ მთელად.

დაიხსაც, შევალეება დავსხა პირისპირ და ერთხმად ვაღიარებინო: პრეფექტების ასე-
ულიც მამონას ისეთივე მოთაყვანე გახლდათ, როგორც ახლანდელი გამგებლობა და
უწინდლის უწინდელი რაიკომმდივნები, ჩვენ კი ერთგული იდეის სპეკულაციით სა-
მთხეს ვერ ავაშენებთ. რა, ერთგული იდეით მოსულს ეკადრება მანკიერებასთან
კუდის გადანასკვა?! ჩვენ ერთობლივი ძალისხმევით ნიადაგი უნდა შევუმზადოთ სა-
ერთო ერთგული კონცეფციის შექმნას, სადაც შემარჯვენე, შემარცხენე თუ ცენტრის-
ტული შეხედულებანი ერთი მიზნისაკენაა მიმართული. ჩვენ უნდა შევეწყოთ ხელი

ეროვნული აღმსარებლობის დაძვინდრებას, სადაც ქრისტიანი, მაჰმადიანი, წარმართი თუ თავად ნაკომუნისტარიც, თუკი ქართველადაა გაჩენილი — ქართველია (ისე კი ღმერთმა უწყის, რომელი სარწმუნოებაა უფრო ჭეშმარიტი: ბუდაც ერთადერთობს, ზარატუსტრაც, ქრისტიც და მუჰამედიც, მაგრამ საბოლოო ჯამში ოთხივე დიადი ღვთაების ჩამონატყნია პარტოოდენ და თავად დიალექტიკური მატერიალიზმიც რა-ღაც გლობალური მთელის ნამსწერევაა), მაშ, თავს რატომ ვიმტვრევთ ჭეშმარიტების ჩვენეული მოდელის განზოგადებით?!

ეს სომ იგივეა, რაც ბრძებს სპილოს აღწერას სთხოვენ და სხვადასხვა ნაწილზე ჩააგლებინებენ ხელს, სადაც ერთი ხორთუმის ელასტიურობით ახსნის მის ფენომენს, მეორე — კუდის ბანჯგვლიანობით, მესამე კი ფეხების მონუმენტურობით. ჩვენ კი გველიძება — სპილო სომ სპილოა, გოლიათი, ბრძების „დანახ-ული“ ნაწილების ჯამზე ასწილ მეტი. რატომ გვგონია, რომ ჭეშმარიტების დადგენა უფრო იოლი ამოცანაა და იმ ბრძებზე უკეთეს პოზაში ვიმყოფებით?!

ჩვენ უნდა დავსხდეთ ერთად, გვნებავს თუ არა ეს, ეწინააღმდეგება თუ არა ჩვენს პრინციპებს, მორალს, უნდა დავსხდეთ და ვაღიაროთ, რომ კანონიერების გზით მოსული ეროვნული მთავრობა ვერ გამოგვადგება თავდაცვისუნარიანი, დემოკრატიის ნაკლებობის ბრალდება-ანკესს წამოყვება და ხელიდან გაუშვებს სიტუაციას; აქ წყალს სწორედ ის მეორე ძალა ამღვრევს, რომელსაც ვერაფრით ამოიყენებს ხელისუფლება გვერდში, და პრესინგში მოღვაწეობის პირობებში მრავალი ტაქტიკური შეცდომის მერე, მთლად მიუტყვებელ ცოდვას წამოვიკიდეთ ზურგზე — ზარბაზანს დავახალით მოძმეს, სისხლხორცს, მოკეთეს, ჩვენზევე ხელით კურთხეულს: მარჯვენა მოიძულეს მარცხენას, ბოროტება წაღვეკავს სრულიად საქართველოს; დროთა ვითარებაში არც საკუთარი თავის დაკანონებას ითაკილებს ეს უხეში ძალა და ვკანკალებთ გამჭოლ ქარში მოხვედრილები, ისინიც, ერთხელაც რომ არ გვისარგებლია სახაზინო ბინების წყებით, მანქანების რიგით, უცხოეთში მოგზაურობებით, შემოქმედებითი მივლინებებით, აგარაკებით და ისინიც, ეს მუქთა განძეული-ჯილდო ზედმიწევნით რომ აუთვი-სება; ამიტომ აღვიკვეთთ იულიუსის სიტყვებზე სრბოლა — გვლარ გვიმეგზურებს ზვე სფუთფებ ფვე ტშრშდ! ჩვენ სხვა მორალი გვჭირდება, რომელიც წინდებული წინააღმდეგობის ორივე ბოლოს მაგრად შენასკვავს, შეუთავსებულს შეათავსებს და საერთო ჭირ-გარამის ღარში მიუშვებს ერის მთლიან ენერჯიას.

დიახაც, ვაღდებული ვარ განმეცხადებინა ეს ყოველივე, ძვირფასო კოლეგებო, რადგანაც აზროვნების თქვენეული ცალმხრივი მოდელითაც ზომაზე მეტად გვაღა-ლებთ ყველა! ამიტომ გვინდა თუ არა, ეთანხმება თუ არა ჩვენს მრწამსს და სულის-კვეთებას, ამართლებს თუ არა ჩვენი სულის პრეტენზიებს, ხელი უნდა გავუწოდოთ ერთმანეთს, რამეთუ თქმულა: რამაც მოგვლა, მანვე მოგარჩინოსო; ან უფრო მარტი-ვად, ძაღლის ნაკბენს ძაღლის ბაღანი ჰკურნავსო. ჰოდა, ერთმანეთი მოვარჩინოთ ერთმანეთის შემწეობით, ჩემო ცალმხრივანო ქართველებო!

დიახ, დავსტამბავ ქართული ხალხური პოეზიის ანთოლოგიას, ქართველურ ენათა სინთეზურ ლექსიკონს, ქართლურ-სვანურ-მეგრულ-ლაზურ საუნჯეთა საკაცობრიო გა-ცისკროვნებით, და რადგანაც საამისოდ წაყვედრებულ თუ ჯვარცმულ საზოგადოება „სამეგრელოში“ ყოფნა აუცილებელი არაა, ვისხნი მოვალეობას მისი გამკვობის წეგ-რობისაგან, და ვრჩები ერთადერთი უკვდავი საზოგადოების რიგით ჯარისკაცად, რომელსაც თავისუფლებისა და თანასწორობისათვის მებრძოლი საქართველო ჰქვია.

მაშ, იყივლე ჩემო დილის გამთენებელი მამალი, იყივლე და გაგვიბარჩხალე იმე-დისმოძცეში დილა! არა რომელიმე მხარის ან ჯგუფის მამებელი, არამედ თითოეუ-ლისათვის თანაბრად შუქმფენი, ღალი, თავისთავადი, ურთიერთმიტყეებლური; დილა სომ თვით თუთარჩელა ღამეზეც ასწილ ბრძენია?!

აი, ჩემი ყოფიერების ანი და ჰოე, დამტირებელი დედულ-მამულთ, და ვინიცობაა, საჭირო შეიქმნას, ნუ წააყვედრებ ხელისგულისოდენა მიწას „ორგულ“ შვილს, რა-მეთუ ისიც მამაპაპური თინისაა საფიცარი საქართველოს ჭურჭლის გამოსაძერწად რომ იზილება ახლა, სისხლივით წებოვანი, ოდესღაც სამების პირველი იბოსტასი სულს რომ შთაბერავს მთელის ძაღლისხმევით და კინწისკვრით ისვრის სამოთხის წაღკოტიდან.

**ჯამების ჯამი —
SUMMA SUMMARUM**

მოარული თქმა: ნებისმიერი გაზეთი ერთი დღით ცხოვრობს, ერთი დღით სულდგმულობს, როგორც პეპლები ესიფარულებიან მაცოცხლებელ მანათობელს, ან ბაბუაწვერანი და ეფემერები თრთიან ალიონიდან ალიონამდე, იმგვარად;

ყოველი გაზეთი ერთი დღით დადგმულ თოვლის ძეგლსა ჰგავს, მხოლოდ „ოდოია“ არ ეპუება ჟამთა ტრიალს, ვინაიდან წამის შეჩერების ჟინი უცხოა მარადიულ თემებს შეჭიდებულისათვის ასე რომ, მოგვეტევება რამდენადმე თუ მოვარაყბულ ყდაში ჩამჭდარი წიგნების გვერდით უშფოთველ ცხოვრებას გმირულ სიკვდილს ვარჩევთ, ოდეს ერთი ადგილისაკენ გააქანებენ, თუმცა უმჯობესია ჯერხანობით სათაურში მოქცეული სიმბოლიკების გაშიფვრას დავჯერდეთ, რათა გული-მა გული იცნოს და ღონემ — ღონე.

დავიწყებთ უმარტივესით — თავისუფალი ფასით, რამეთუ იგი დღეს ბოთლიდან ამოსულ ღინს დამსგავსებია და ცხრაათასი მკითხველისათვის 150 000 კუპონი ელირება, ცხრაასი მეჭლანუაშვილისათვის, (თითები ფულის თვლაში რომ გალაპლაპებია), 300 მანეთი, ხოლო ასამდე ფრანტისთვის — სულ რაღაც 15 ცენტი. ამასობაში ვფიქრობთ, რედაქტორის კალმის სურნელიც საკმარისად გამოიფრქვა **კელიანი ვარდებისაგან**, რომელი არომატიც რამდენადმე შეეფარდება ერთი კოლეგის წერის მანერას, იმ განსხვავებით, რომ თქვენი მონა-მორჩილი ყველასათვის საფიცარი ქუთიას თუ იმერეთს არასდროს მიამსგავსებს ბერმუდის სამკუთხედს, გნებავთ მთელი ჰავანის შაქარი და აფრიკის ბანანი ჩაიკარგოს შიგ.

„ერთი ბელეტრისტის ტრიბუნა“ დიდ ახსნა-განმარტებას არ საჭიროებს, ალბათ, რადგანაც ერთი მსახიობის თეატრის გონივრული გამოცდილება მრავალ ამბლებულ წუთს გვაზიარებს ბატონ კოტე მახარაძის თაოსნობით.

არც სათაური „ოდოიას“ განქიქებით შეგაწყენთ თავს მაინცდამაინც, ვინაიდან გაზეთის მეორე გვერდზე გამოწვლილივითაა გაშუქებული ამ ძველკოლხური საგალობლის ესთეტიკური პარამეტრები — ჩვენი საფიცარი საქართველოს უკვდავებისათვის ზურაბივით ზეზეური ჩაშენებას ყოველდღიურობაში.

რაც შეეხება ჰორაციისეულ „ოქროს შუალედს“, დიახაც, რომ ზომიერება, სინთეზური აზროვნება მიგვიჩნევია მთავარ ფასეულობად. პირში ქვის ჩაჩრის მაგივრად ყურის მიგდება, შეუთავსებლის შეთავსება, პატივისცემა განსხვავებული აზრისადმი, თანააღმობა, სხვაგვარი შეხედულებისათვის მტრად და ჯაშუშად გამოცხადების ნაცვლად შეგნება იმისა, რომ ისიც ბედკრული საქართველოს შვილია, ოღონდ თავისებურად მომართული, ჩვენი ხსნისა და გადარჩენის განსხვავებული თვალთახედვით მჭვრეტელი.

დიახ, სინთეზური აზროვნება აგვიჩნევია ჩვენი გაზეთის დედაბოძად, გამნათებელ ლამპარად, რამეთუ ვერაფერი უშველის ჩვენს შურობუმუს, თუ არა ურთიერთგაგება, ურთიერთმიტევება, ურთიერთთანადგომა; რამეთუ საერთო ძალისხმევით ერთადერთი, სწორი და მართებული გზის ძიების მოუწადინებლად, უპერსპექტივოა ჩვენთვის XXI საუკუნის გადასახედი.

გაცილებით მეტს შევყოვნდები ფირმა „ოდობადე“-სგან დავალებულ სიმბოლიკაზე: ყურადღებით თუ დააკვირდებით მითითებულ კრიპტოგრამას, ადვილად შენიშნავთ, რომ იქ პიკასოს მტრედსა და ედგარ ალან პოს ყორანს კაცობრიობის გადასარჩენად ერთი მიმართულებით მიაქვთ ზეთისხილის რტო. ჩვენ ამით ჯიუტად ვამტკიცებთ, რომ დღე და ღამე განუყოფელია! სიკვდილ-სიცოცხლე მარადიული და-ძმაა! პლუს-მინუსის თანამშრომლობა აჩახახებს მონმარტსაც და ჩუღურეთსაც. ასე იყო ათადან და ბაბადან მოყოლებული, ოღონდ აქამდე სულ დაპირისპირებაში განვიხილავდით მათ დამოკიდებულებას, იმისდა მიუხედავად, კანტისეული მრავალერთიანობის კანონი გვარიანად გვილოდნია ყმაწვილობის ჟამს და ხანდახან ჰეგელისეული ტრიალის ბუნებაშიც ჩაგვიჭვრეტია სიჭარმაგეში შიგადაშიგ. თუმცა რადგანაც ფირმა „ოდობადე“ ვახსენეთ ერთხელ, აქ ცოტა ხანს შევჩერდებით მოგვიწვეს მიზეზთა გამო.

ჯერ ერთი, როგორც „ოდოიას“ ფურცლებიდან გვეუწყება, ტერმინი „ოდობადე“ ფაქტობრივად გური ოტობაიას შემოტანილია ქართულ ცნობიერებაში, ვინაიდან რომან-ტრიალაში „სიცოცხლემის-ჩილები“ სწორედ რომ ოდობადეში, (როგორც მაკონდოში მარკესთან და იოკნაპატოფაში ფოლკნერთან), ტრიალდება ასწლიანი წუთისოფლის ვნებათა ბატალიები. ესეც რომ არა, „ოდობადე“ ხსენებულ თხზულებაში გააზრებულია, როგორც ყოვლისმომცველი სამყარო, სადაც უნდა გაჩნდეს, იშვას ახალი

რეალობა, ახალი მრწამსი. ფირმა „ოდაბადე“-ს დაარსებაც ჩვენი სტუმრის ახირებაა. ნობელიანტების სერიალის გამოცემას დაისახავს მიზნად, (ალბათ, უკულო ხარის ანდაზა სჭირს ბედოვლათს), თუმცა ისიც მართალია, მხოლოდ ფოლკენერის ერთადერთი ტომის დასტამბვას და კიდევ ცხრა წიგნის გამოსაქვეყნებლად მომზადებულა მოუხერხდება ოთხი წლის მანძილზე გამომცემლობა „სამშობლოს“ დიდი „ჭაპანწყეტა“-„რულუნების“ გამოცემით.

ბევრი რომ არ გავაგრძელოთ, გური ოტობაიას გმირების სამოქმედო სივრცე იმდენად მოსვლია თვალში ზოგ პოლიტდაჯუფებს ჩამავალი მზის ქვეყნიდან, რომ მისი სახელით სეპარატისტული განწყობილების პროკლამაციებიც კი ამოუმზეურებია იატაკქვეშეთიდან.

პოპულარობაც ამას ჰქვია!

შეხედეთ რა ძნელადდასაჯერებელ ამბავს გვატყობინებს ამა წლის 24-31 მაისის „მსგეფსი“ „ფრთხილად ქართველებს“ სათაურით, რომელიც საქართველოს პოლიტიკურ პარტიათა და ორგანიზაციათა — „მრგვალი მაგიდის“ განცხადება-შოლტია, „სამეგრელოს ხსნის კომიტეტი“ „ოდაბადეს“ პროვოკაციული გამოხდომის წინააღმდეგ, და ერთი პირის საწარმოო ფირმა „ოდაბადეს“ რეპუტაციის საზიანოდ:

„უკანასკნელ პერიოდში დასავლეთ საქართველოში, — გვითხვლობთ აღნიშნულ განცხადებაში, — კერძოდ, სამეგრელოში, ვრცელდება პროვოკაციული შინაარსის პროკლამაციები ქართულ და რუსულ ენებზე, რომელთა ავტორებაც წარმოგვიდგება საზოგადოებისათვის უცნობი ორგანიზაციები: „სამეგრელოს ხსნის კომიტეტი“ „ოდაბადე“. (რუსულად იგი მოიხსენიება, როგორც "Èî ððð ïî ãñáí èÿ î áî ðî í ù Ì áí ãðãèè È äððãã", გ.ო.) **„კოლხთა ერთიანობის ასაბლევ“, აგრეთვე ამ ასაბლვის გაღის რეგიონული ორგანიზაცია. პროკლამაციების ავტორები ვითომდა შევარდნაძის რეჟიმის დანაშაულებრივი პოლიტიკისაგან თავდაცვისა და გენოციდის თავიდან აცილების მიზნით, აცხადებენ სამეგრელოს რესპუბლიკის შექმნის აუცილებლობას, რაც მათივე თქმით „მოშავალში იქნება სრულიად საქართველოს ქვეშარიტი დამოუკიდებლობის, მის კავკასიაში და მსოფლიოში, როგორც საერთაშორისო სამართალსუბიექტის, თვითდამკვიდრების გარანტი“ (სტილი დაცულია, გ.ო.).**

ალბათ, აჯობებდა განცხადებაში ეს პროკლამაცია მთლიანად დაბეჭდილიყო თვალსაჩინოებისათვის თუ დამაჯერებლობისათვის და კომენტარიც მერმე უკეთ მოერგებოდა სათქმელს, მაგრამ ვაგრძელებ ციტირებას: **„მათი აზრით, საქართველოში არსებული პოლიტიკური დაპირისპირებულობა აიხსნება არა სათკუპაციო კოლაბორაციონალისტურ რეჟიმთან სახელწიფთებრივი დამოუკიდებლობისათვის ბრძოლით, არამედ აღმოსავლელი ქართველის დასავლელი კოლხებისადმი სიძულვილით, მათი ეთნიკური შეუთავსებლობით, რისი გამოხატულებაც იყო ვითომდა შევარდნაძის ბანდიტური ფორმირებების მიერ სამეგრელოს სუთგზის დალაშქვრა“.**

ვინაიდან განცხადების მთლიანი გადმობეჭდვა ჩვენი გაზეთის შესაძლებლობას აღემატება, თანაც „მსგეფსის“ 24-31 მაისის №6 შოვნა გადაულახავ სიძნელეს არ წარმოადგენს საკითხით დაინტერესებულ პირთათვის, ჩვენი ძირითადი სათქმელით შემოვიფარგლებით, (ისე კი გონებაამღვრეულ დედას, თუნდაც დაუმსახურებელი წიხლის გამო, ფეხს არ ჰკვეთენ). მოკლედ, როგორც იტყვიან, ფირმა „ოდაბადეს“ და კომიტეტი „ოდაბადეს“ შუა უზის დიდი ზღვარი.

სამეგრელოს სამომავლო მოწყობა ფირმა „ოდაბადეს“ სრულიად ნათლად წარმოუდგენია — იგი იყო, არის და იქნება „საქართველოს ხერხემალი“, როგორც ამას წინათ ეწოდება მაღალი ტრიბუნნიდან.

არაფრით გავცვლით ჩვენ სალსა კლდეებს უკვდავების ხეზედა, რადგანაც სამეგრელო წარმოგვესახება საქართველოს უკვდავი სულის მშენებელ უტად და აღარც მოკვეთილი მარჯვენის გამო წავგვდება წუწუნის დედის ძუძუზე ტკბილი სამშობლოსადმი. მარტივად რომ ვთქვათ, ფირმა „ოდაბადეს“ მიზნები დიდად არ წაადგება ჩვენს სახელს ამოფარებულ კომიტეტს, ვინაიდან, სამეგრელოს ნებისმიერი ხელშესახები ფასეულობა, მატერიალურია ეს თუ სულიერი, ერთიანი საქართველოს აღსაშენებლად გადაგვიღია აწ და მარადის.

ჩვენი გაზეთი ერთი ბელეტრისტის ტრიბუნის ეგდით რომ აპირებს სარბიელს, ამაზე უკვე გაუწყობთ ზემორე, რაც არითმეტიკის ენაზე წელიწადში სულ ცოტა თორმეტი სასურველი პიროვნების მოძიებასაც ნიშნავს. ამის თაობაზე გაზეთის მე-16-ე გვერდზე უფრო დაწვრილებით შეიტყობთ 10 ზელირსეული ქართველის გამოსავლენად გამოცხადებული კონკურსის შინაარსიდან, მაგრამ რადგანაც გური ოტობაიაც შორიახლო ასდევნებია გოლგოთის გზაზე შემდგარ

სამშობლოს გვემულ სხეულს, შეჩვეულ ჭირთან გასაუბრებას ვამჯობინებთ, უფრო — იმიტომაც, რომ ნიშნის, თვალსაჩინობის, თუნდაც ლაბორატორიული ჩხირკედლობის გარეშე შევქმნათ; დავანახოთ ყველას თუ როგორ, რანაირად ვაპირებთ ამა თუ იმ პიროვნების წარმოჩენას, რაფერ განგვიზრახავს თემატიკის გაშლა და გაანალიზება.

ესეც რომ არა, გური ოტობაია ხომ ოთხ წელიწადზე მეტია, რაც საყდრის ჩიტივით უსტვენს მოკვდავი გულადი ფეტელავას თიხის ჭურჭლიდან?! მერედა, იცი, მკითხველო, ეს ოთხი წელიწადი რა ოთხი წელიწადია?! ჯერ ერთი, მთელი საუკუნეა მისთვის, ვინც ჰამლეტის დანიისმაგვარ სამშობლოს (სადაც ზეზეურად დალბა ზოგი, უკეთ ნაგავმა წაღეკა), არ მოსცილებია. ფილოსოფიური წიგნების კითხვა, თეზა-ანტითეზა-სინთეზის კირკიტი და ბოდვა, დღენიდაგ მამულის გადარჩენაზე ფიქრი, უბედურს სერვანტესის მწუხარე სახის რაინდს დაამსგავსებს, იმ ცვლილებით, რომ საავედრას კიხანოს გვერდებზე უფრო ჩემსა და სანჩო პანსას ფერდებს გაუდით ლაწალუწი სრული ორმოცდარვა თვის მანძილზე, მაგრამ ბედისწერას გაქცევია ვინმე?! და თქვენი მონა-მორჩილი იძულებული შეიქნება, პირველ სტუმრადაც □ვიდრე ათი ზედირსეული ქართველის ვინაობა გარკვეულა), ეს დამთხვეული მოიწვიოს.

ახლა არ იფიქროთ, მთლად გადაწეულთან სასაუბროდ გავუწირივით „ოდოილეტსო“. ასეთები იმდენი მოგვძალებია ტელეეკრანიდან, რომ ყვითელ სახლში ზოლებიან ხალათით მოსეირნეთ დავემსგავსებით დროთა მსვლელობაში, თუმცა ხშირად იმდაგვარ სამახსოვროს და გულში ჩასადებს გამოურევს შეჩვენებული, რომ მზად ხარ თვით ქარების წისქვილებთან საომრადაც აედევნო. მოკლედ, როცა ზოგი რამ გარკვეულა ჩვენი გაზეთის მიმართულების, მიზნისა და სტუმრის შესახებ, ბარემ გური ოტობაიას პუბლიცისტიკის რეტროსპექტივასაც მივადევნოთ თვალი, თუნდაც იმიტომ, აქა-იქ თითი შევუქნიოთ სხვათა დასანახავად, ხალხური შეგონების: კოკას ეუბნებოდნენ და ლიტრავ, შენ გესმოდესო, კვალობაზე.

„მითაჟამი“: გური ოტობაია ამ წერილში საჩაროდ აცხადებს, რომ „ოდოი“ თავიდან სალაშქრო სიმღერა იყო. შრომის ჰიმნად მას ხალხი მონათლავს, ვინაიდან საზოგადოებას მმართველი ძალებისგან განსხვავებით, არაფრად ეპიტნავება სისხლისღვრა, ომიო. აქვე იმასაც გვიმხელს გულგახსნილად, რომ კოლხეთს იარაღით ვაჭრობა, იარაღის ქლარუნი მოინელებსო, რადგანაც ზურგს შეაქცევს ტრადიციულ კულტურებს და საკუთარ ფესვებს მოწყვეტილი ქვეყანა გაპარტახდება, გაჩანაგდება, როგორც ზნეობრივად, ისე — მორალურად.

„გამონათებისთვის მოველ... და არა მოხმარებისთვის“ — გვიმქვავანებს გური ოტობაია მომდევნო პუბლიკაციაში.

„ღვთიური სამება“: გური ოტობაიას მყარად სწამს, რომ ტერმინი ქართველი, ქართული, საქართველო მხოლოდ მაშინ შეიძენს სრულყოფილებას, როცა ჩვენი მამულის ტერიტორიაზე მცხოვრები ყველა მონათესავე ეთნიკური ჯგუფი მისი სულიერი ტაძრის აშენების ფერხულში ჩაებმება მაქსიმალურად; რომ სანამ ქართულ-კახურისა და იმერულ-გურულის გვერდით ჩვენი სიტყვიერება თანაბრად არ დაესესება მეგრულ-სვანურ ფორმებს, სრულფასოვან ქართველად ვერ ვივოდებით. დაახლოებით იგივე აზრს გამოხატავს „მზე დედა ჩემი“, „პოუ ნანა“. გური ოტობაიას დაბეჯითებული მტკიცებით, ხელახლა შესაკონია ქართული ხალხური პოეზიის ანთოლოგია, სადაც „ვეფხისა და მოყმის ბალადას“ მხარს დაუშემვენებს სვანური „თამბი“ თუ მეგრული „ბორჯი“.

სულ სხვა სურათი წარმოგვიდგება ცნობილი უკაზის გამოტანის დღეებში პრეზიდენტ გორბაჩოვისადმი გაგზავნილ დეპეშაში. მართალია, თქვენს მონა-მორჩილს ჯერ მისი გადარუსულება და შემდგომ მოსკოვს გაგზავნა უკიდურესად შემოაჭერინებს სამ კვირას ქამარს, რაც ლამის ორჯონიკიძის ელვა-ინფორმაციის შებრუნებული ვარიანტია: თბილისის თავზე თავისუფალი საქართველოს სამფეროვანი დროშა ფრიალებს, მაგრამ უფრო ნიშანდობლივი ის გახლავთ, რომ გური ოტობაია ოსტატურად ამოხსნის იმპერიის გაუმადლარ ბუნებას, რუსის გენეტიკურ ლტოლვას სახელმწიფო კაცად ყოფნისკენ. აქვე იმასაც უწინასწარმეტყველებს ჩრდილოეთს, (საიდანაც მზე არასდროს ამოსულა), რომ ლაო ძისა არ იყოს, შეუძლებელია სხვისმა დამონებელმა თავისუფლად ისუნთქოს ცისქვეშეთში; ვინაიდან, სწორედ მისი უძლები ბუნებაა ბორკილი, საკუთარ ხელ-ფეხისთვის გამოჭედილი ხუნდები.

რაც შეეხება „ჯიმაგეს“, ძმაო, გენაცვალედ, ძმაო შემოგველედ ითარგმნება ქართულად. გური ოტობაიას არ გაუძნელდება ამ წერილში სამი უმთავრესი მომენტის დაფიქსირება: პირველი და უმნიშვნელოვანესი ის გახლავთ, რომ იმპერია ჩვენი დონკიხოტური სითამამისთვის სამ არათანაბარ ნაწილად გაგვითმავს, გაგვხლეჩს საკუთარივე სულმოკლეობითა და უმეცრებით. აბა, ტკიპას სიფიცხეს და ბობოქრობას დაუდგება წინ მუხლმაგარი მგელი, როცა ლომის ფაფარიდან გებრძ-

ვის?! ტკიპას ფაფხურს არაფრით აღემატება ოსებისა და აფხაზების „ჯანყი“ ქართველების წინააღმდეგ, მაგრამ რუსეთი ამ საქციელით საქართველოს, (რომელიც დენთის როლს ითამაშებს საბჭოეთის დაქვევებაში შევარდნაძე-გამსახურდიას ბიპოლარული ქმედებით, ვოლტერის დიპლომატიითა და კამიკაძის თავგანწირულობით), თვალნათლივ დაანახებს, თუ რა ყოფილა ტერიტორიების დაკარგავა.

— თქვენი ცბიერებისა და ხტუნაობის წყალობით ხომ დამაქციეთ, დამაქუცმაცეთ?! იწვინეთ ახლა ჩემი ბედით, — გვეტყვის ნიშნის მოგებით. ამასთან, რუსეთი აფხაზურ-ოსური კონფლიქტის წამოგორებით ერთგვარ საზრდოს გადაუგდებს მთიელთა კონფედერაციას, □ნაძიებია შური მოძმე ხალხის დამონებაში გრიგოლ ორბელიანის დაბლაგვებული ხმლის უგუნური ქნევის წილ), სადაც ჩვენზე გაცილებით მაღალი აღმოჩნდება ეროვნული თვითშეგნება, ეროვნული თავისუფლებისკენ სწრაფვა.

ეროვნული მოძრაობის ეპიცენტრი საქართველოდან ჩინეთში გადაინაცვლებს ცნობილი მიზეზების წყალობით და შამილის შთამომავლობა ვულკანივით ბუფბუფებს ახლა პომპეის თავზე.

რუსეთი აფხაზეთის მოხელეებით, შავი ზღვის ზოლის ხელში ჩაგდებათ, ერთხელაც გზა მოუჭრის თავისუფალი სივრცეებისკენ მათ ლტოლვას. თანაც ხელდაბანილი გამოვა კონფლიქტიდან, ვინაიდან ფაქტობრივად დამპყრობელს მშვიდობსმყოფლის სტატუსს მივუბოძებთ. რუსეთი თვითონ შექმნის წყლულსაც და მალამოსაც. ასე რომ, იმპერია, რომელიც ორასი წელიწადია ხვეწს, ამუშავებს პატარ-პატარა ერების დამორჩილების მეთოდებსა და საშუალებებს, ასე იოლად არ დავისხლტომიებს ხელიდან. მით უფრო, როცა მამულისთვის გულანთებული ელგუჯა კი ხარ, მაგრამ — გვარიანი მოტლუვოც. ჩვენი აზვირთება რუსეთის იმპერიის წინააღმდეგ ჰგავს იმ იაჟუჟუნას მძვინვარებას, რომელიც ათი თაობა ვეება მუხის ჩეროს შეფარვია და ეს მიბნედილ ნესტან-დარეჯანიც ერთბაშად მოინდომებს თავს ზემოთ აღმართული გიგანტური ფრთების ჩრდილიდან გასვლას.

„ოდოიას“ სტუმრის გაორება ქართველობას რამდენადაც წაგვადგება, მეტროპოლიტენის სადგურების შესასვლელებთან ყუთებითა და ვედროებით დაყრილმა ბარე სამას ათასმა ლტოლვილმა უკეთ უწყის.

აფხაზები გვარიანი ხანი ილლიდან რომ სუნთქავდნენ, დაფარული არ ყოფილა ჩვენი საზოგადოებისთვის, მაგრამ რა გვედონა?! ხელის გულზე ერბო-კვერცხს შევიწვით თარსი არძიმბასგან გონებადაბინდულ ერისთვის და ახია ჩვენზე საკუთარ სამშობლოში ლტოლვილებად თუ ვქცეულვართ.

გური ოტობაიასნაირთა უსაზღვრო ტოლერანტობითა და ალტრუიზმით შესაძლოა, მართლაც ისტორიის კუთვნილებად იქცეს ჯიშ-ჯილაგი, თვითმყოფადობა ჩვენი.

რამდენ ნუკრი ცისკაძეს და გურამ აღნიაშვილს იმსხვერპლებს დადარაჯებული ტყვია?!

რამდენ კოკი ოყუჯავას, პლატონ თაკალანძეს და აკაკი შენგელიას ამოგვიტუგავენ საკუთარ სახლ-კარში?!

აფხაზი დღეს ქართველის სისხლითაა მთვრალი და გური ოტობაიას „ძმადნაფიც“ ჯუმა ახუბას სამოსს ყსბის ფეშტამალი უფრო მოუხდება ჯალათის ნილაბთან ერთად, ვინემ ადამიანური სამოსელი.

აღარაფერს ვამბობთ „სისოცხლემისჯილების“ სინოფსისსა, და მის მიხედვით ფილმის შექმნის პერიპეტეიებზე, რომელიც ილბლიან შეხვედრებზეა დამოკიდებული, მაგრამ გაცილებით მეტს ვისაუბრებთ „შუაკაცის“ ავანჩავანზე.

ეს დღეები ფრიად „პოპულარულ“ პიროვნებად ვიქცევი: რედაქციებში, გამომცემლობებში, „საქტელერადიოს“ დეპარტამენტში, სხვაგან, მეკითხებიან ერთსა და იმავეს:

— მართალია, რასაც ამბობენ: გური ოტობაიას ფანჯიკიძის მწერალთა კავშირი მიუტოვებია და მუხრანთან მისულა, „მარტი-92“-შიო.

— როგორ გითხრათ... — დავაღებ პირს და მაშინვე, — გასაგებია, გასაგებია, — არ მაცლიან ფრაზის დასრულებას, მხარზე მიტყაპუნებენ ხელებს და დაჩუტული ჩანთებით გარბიან. არადა, რანაირად აუხსნი დუხჭირი ცხოვრებით გაწამებულთ, რომ გური ოტობაიას საქციელი, როგორც ლომს კატა, რაღაცნაირად მიმსგავსებია რაინდი ქართველი მზეჭაბუკის, გა აბესაძის ცოტნესეულ ქმედებას, რომელიც ზეზეურად შეწირვია საქართველოს ერთიანობას სიტყვებით: „**დაჟ მე ვიყო უკანასკნელი მსხვერპლი საქართველოს თავისუფლების გზაზე**“.

დაახლოებით იგივე სწადია გური ოტობაიას გვემულ სულსაც, რადგანაც გათიშულობა, დაპირისპირება კულმინაციას მიაღწევს: იქამდე შეგვძლებია, იქამდე წავკიდებოვართ ერთმანეთს,

რომ აშშ-ორებული ტალახის სროლა, თავზე ლაფის გადასხმა, ხბოსტოლა ნაგაზების მიქსევა თუ ღუბინკების ბაგაბუგი ზურგზე, ნორმად და წესად ქვეულა ბევრზე ბევრისთვის. შემრიგებელი კი არ ჩანს; დედის მანდილიც იგვიანებს; მედიატორი სდუმს, ჩუმათობს, დამუნჯებულია და ეს ხმაგაქმენდა, სამწუხაროდ, უკვე აღარაა საბასეული ოქრო.

ამ კომპარულ ოთხ წელიწადში გური ოტობაია არაერთ წერილს მიუძღვნის საქართველოს ჩინიდან გამოღწევის გზებისა და საშუალებების ჩხრეკას, ქარონის პერმოდებულ ლეთაზე ფონების ძიებას, ასე რომ, მის სიტყვებს თამამად ვიმეორებთ:

ჩვენი ერთადერთი ხსნა საყოველთაო სინთეზური აზროვნებაა — შეუთავსებლის შეთავსება! და რადგანაც „ლიტერატურულ საქართველო“ ამას წინათ გამოაქვეყნებს ინფორმაციას გური ოტობაიას მწერალთა კავშირიდან გამიჯვნის თაობაზე, თანაც მკითხველს ასეთნაირად მიაწოდებს ინფორმაციას: **„სოსო სიგუამ წაიკითხა გური ოტობაიას განცხადება საქართველოს მწერალთა კავშირიდან გამოსვლისა და „მარტი 92“-ში შესვლის შესახებ“.** (თურმე ნუ იკითხავთ, ერთი ბანაკიდან აყრილი გური ოტობაია მეორეში გადაბარგებულია). ჰაი, დედასა, მავანნი რა პრიმიტიულად აფასებენ გური ოტობაიას?! ქართული მწერლობის, და ზოგადად, მთელი ერის შეერთება-შეკავშირებისთვის ხმალ შემართულს, დაქუცმაცების, გათიშულობის გაღრმავება ბრალდება! ბედის ირონია სრული! სხვა რა ჩარაა, იძულებული ვხდები სრულიად საქართველოს ვაუწყო მისი პიროვნების საღარდელ-საკვანესელი, რომელიც კონსტანტინე გამსახურდიას საზოგადოების კონფერენციისადმი მიძღვნილ წერილში გამოიხატება არსებითად და რომლის წაკითხვა ვერაფრით მოუხერხდება იქაურობას ნიაღვარივით მომწყდარი ხალხის გამოისობით:

„ძვირფასო, მეგობრებო, — აცხადებს გური ოტობაია აღნიშნულ წერილში, — მოწიწებით თავს ვსრის აქ დამსწრე თუ საქართველოს სხვადასხვა კუთხიდან მოჩერებული ათასების წინაშე; მუხლს მოგუყრი უშანკოდ დაღვრილ ქართულ სისხლს, ვზადაგზა ავბედითი შავი ყორნის მიერ შესწრებილს უხვად და სიტყვას ვიწყებ წერილის ფრაგმენტების მოშველიებით, რომელიც „ქართველი ერის“ 12-13 ნომრებში გამოგაქვეყნე წლეულს „შუაკაცის“ სათაურით და რომელსაც მცირეოდენი სახეცვლილებით შემოგთავაზებთ აქ. (გამეორებას რომ გავუქცეთ, სხენებული წერილის მონაკვეთს გამოვტოვებთ, გ.ო.) თებერვლის ამ ბუბლიკაციით მე დემონსტრაციულად დაგტოვე სრულიად საქართველოს (?) საზოგადოება „სამეგრელო“, როგორც სინთეზური მამულის კონცეფციისთვის გამოუსადეგარი ორგანიზაცია. ახლა კი ასევე გადაჭრით უარს გუცხადებ საქართველოს მწერალთა კავშირს, ხაზს ვუსვამ, დაფლეთილი საქართველოს გახლეჩილ მწერალთა კავშირს, მაგრამ ვტოვებ რა მესიტყვეთა ერთ ბანაკს, ეს როდი ნიშნავს ვწვევრიანდები შემოქმედთა მეთრე ოლიგარქიაში, არამედ ყველაფერს ვიდონებ მათ შესაკავშირებლად, მათ შესაერთებლად. ასე რომ, ჯერჯერობით ვრჩები ერთადერთი, განსაცდელში მყოფი, მაგრამ უკვდავი საზოგადოება-კავშირის რიგით ჯარისკაცად, მწერლად, რომელსაც სამართლიანობისთვის, თავისუფლებისთვის და თანასწორობისთვის მებრძოლი საქართველო ჰქვია“.

ასეთია გური ოტობაიას მსოფლგანცდა ქართული სინამდვილისადმი ჯერ კიდევ შარშანდელი თებერვლის თუ 14 მაისის მიჯნაზე. მაგრამ რადგანაც ცხოვრება ახალ-ახალ სიურპრიზს გვიმზადებს ნიადგ და ვინაიდან საქართველოს ტერიტორიულ მთლიანობას რეალური საფრთხე შექმნია ოსურ-აფხაზური „პრობლემების“ წყალობით, აუცილებლად მიმაჩნია ზოგიერთი მომენტის დამატებით დაკონკრეტება:

„მწერალთა კავშირში რა გამაჩერებდა, — აცხადებს გური ოტობაია, — როცა სამშობლო იქცევა, სამაჩაბლო და აფხაზეთი სისხლისგან დაწრეტილა, თბილისის სასტუმროები, პანსიონატები, პროფსასწავლებლები გადაჭედულია ქართველი ემიგრანტებით; მოსახლეობა დამშეულია, ამ სიტყვის პირდაპირი მნიშვნელობით. კუბონი ვერ კუბონობს. მთავრობა ვერაფრით იკიდებს მიწაზე ფეხს ხმელეთს მოწყვეტილი ანთოისივით?!“

მწერალთა კავშირში რა გამაჩერებდა, როცა სირაქლემასავით ქვიშაში თავი ჩაურგია გუშინწინ დემოკრატიის მაძებარ ბელეტრისტს, ჩირად არ უღირს დაუყაჩაღებენ თანამომემთ, აუწიოკებენ თუ სიცოცხლეს მოუსწრაფებენ სულაც. თვითონ სომ გაუნადგებია ერთხელ უსაფრთხოება, რადგანაც ოფიციალურად შეკერა უზრუნველი ცხოვრების გარანტიაა. ბაზარში სორცი ოთხი ათასი მანეთი ფასობს, როცა რეალური ხელფასი ათასი მანეთიც არ არის კუბონის პიპერინფლაციის გამო, ნუთუ უკმარია გახლეჩილი მწერალთა კავშირიდან კი არა თვით ქართველობაზე ხელის ასაღებად?!

ამისთანა სიტუაციაში ხელისუფლებას თავზე ქუდის დახურვის მეტი აღარაფერი დარჩენია, მაგრამ დარწმუნებული ვარ უკვე ეს მომენტიც ვერ უშველის უკიდურესად ჩახლართულ საქმეს, უფრო გონივრული ქმედებაა საჭირო: მოვა მართალ-მტყუვნის გარჩევის დრო; დადგება განსჯის, განვლილი გზების გადაფასების, მონაწილების თუ მიტყვევების შუამი, მანამდე კი უკლებლივ ყველას ერთად დგომა გვმართებს საბას არაკისამებრ, ერთად დგომა ჩვენი სამშობლოს გადასარჩენად.

ამ საქმეში კი ქართულ მწერლობას ისტორიული მისიის განხორციელება ძალუძს და ევალება კიდევ. ზურგის შექცევა, გაბუტვა, შერისხვა იოლია, ჭრილობათა მოშუშებაა ჯოჯოხეთი თორემ. და რადგანაც ვაღდებულნი ვართ თვალი გაუფსვლოთ სინამდვილის ბნელხვეულებს, ზეადამიანური მისიისკენ უნდა წარგვიძღვს ყისმათი ჩვენი, ზეკაცურისკენ, რამეთუ ნუთმილიონიან საქართველოში ოთხი წელიწადია ვარვარებს ძმათა შორის გაჩაღებული ხანძარ-ფორიაქი და ამხელა დროის მანძილზე სიტყვიერებას ჩვენსას მამასისხლად გადაკიდებულ ღვიძლთა შესარიგებლად იშვიათი გამონაკლისის გარდა, თითიც არ გაუტოკებია. პირიქით, კონფრონტაციის, დაპირისპირების მუხტად მოგვეგვლინება, საკუთარი პოზიციის ერთადერთობის მქადაგებლად.

ჩვენი ლიტერატურულ სარბიელს, „მიმომხილველის“ მუჯღუგუნებიდან მოყოლებული, უხამსობა წაღვეკავს. დაირღვევა ბრინციბი მთავრის, არსებითის პოზიციის შემოქმედის პალიტრაში. ბატონ ხუტა ბერულავას პოეზიის განქიქებას ვერ გაცდება ეს ოთხი წელიწადი ჩვენი მწერლური პოტენციალი. გამართლდება რუსთველის სიტყვები კოკასთან მიმართებაში. უფრო მეტიც, თვალში დირეგაყრილები ბეწვის ძებნას შეგუდგებით დანარჩენში და ჩვენდა სავალალოდ ეს ჩვეულება დღემდე ვერ მოგვიშლია.

ბატონებო, ხალხნო, ქრისტიანნო, არ დაიღალეთ?! ამ ხელმოკლეობის შუამს ან ქაღალდი არ გამოგვლიათ, ან — მელანი?! ჭარბი ენერგია თუ დაგანათლათ განგებამ, მე მიგასწავლით საასპარეზო სივრცეებს. ნუთუ გვღარ ამჩნევთ ხელიდან რომ გვეცლება მამული?! რა დროს ჭინჭებზე კინკლაობაა, როცა გეპენიაში გვეთუთქება დედა-საქართველო!

დემპარტიულობა, კომპარტიის მანდატების ტყლაშა-ტყლუშით გადაყრა ვერ უშველის ჩვენს ლერწამ სულებს, ზოგი მარჯვნივ მიიდრიკება და ზოგიც — მარცხნივ, როცა მამული კაკალ გულშია!

— სადღაა მისი გენეტიკური მეკვიდრე?!

— ისევ შესმატებულ ქართველებში, ძვირფასებო!

ჩვენ დღის სიყვარულის გამო ღამეს ვერ გავაძეგვებთ სამყაროდან და ვეღარც სიცოცხლის თაყვანის წილ ავუგებთ წესს სიკვდილს და ვერც ეთნიკურ წმენდას დაგიწყებთ ზოგიერთი ყუმი ხალხივით, რადგანაც ქართველის მრწამსი გამოკვეთილია ფრაზაში: თათარიც დედის შვილია!

ვთქვათ და ხვალ-ზევ, საზოგადოების გარკვეული ფენის ძალისხმევით შეიცვალა ჩვენში პოლიტიკური კლიმატი, ხელისუფლების სათავეში უსამართლოდ განდევნილნი მობრუნდნენ ისევ, გადასხვაფერდება ვითომ სიტუაცია თუკი ოპოზიცია კვლავინდებურად გააგრძელებს კრიჭაში დგომას და აქა-იქ წაბორძიკების გამო ზარბაზნითაც დააფინთისებს?! ამდაგვარი გზა სომ გავიარეთ ერთხელ?! არადა, ისიც ნათელია, რომ კანონიერი ხელისუფლების გულშემატკივარი მრევლის დაუმორჩილებლობის წყალობით არსებულ მთავრობას აურაცხელი საქმისთვის თავი ვერაფრით გაურთმევია და ვერც განახორციელებს იგი მოღვაწეობის დებიუტში შეპირებული თამასუქების შეათედსაც კი; თუ საქართველო თვითონ არ აწარმოებს სიმინდს და ღვინოს, თავად არ მოკრეფს ჩაის და არ მოაბეგრებს რძე-ხორცს, გარედან ჩამოტყვნილი უფლისეული მანანებით წელში ვერასდროს გავიმართებით. მაშასადამე სურათი სრულიად გამოკვეთილია. ამას მეოთხეკლასელი გიგლა ბიჭიც უბასუსებს ფრიადზე. მოკლედ, ამ ორ ძალას ცალ-ცალკე აღარაფრით ძალუძს ქვეყნის აღმშენებლობის გზაზე კუს ნაბიჯის-ხელა მანძილის დაძლევა, რადგანაც დაპირისპირება, შუღლი და ქიში ზენიტზე ასულა. ესე იგი, როცა დაგინახავთ საქართველოში პოლიტიკური ვაკუუუმის ძირითად მიზეზს, სომ უნდა დავსახოთ რაიმე ღონისძიება ამ ჩინიდან გამოსალწევად? ხსნა ყველგან არის და ასეთ ხსნად გური ოტობაიას გლობალური სინთეზი მიაჩნია, შეუთავსებლის შეთავსება!

ვთქვათ და გადადგა შევარდნაძე, ამით გვეშველება ვითომ უკვე ზედმიწევნით გაესენგვებულებს?! საზოგადოებაში არსებული შინაგანი წინააღმდეგობა მოიხსნება ვითომ დღის წესრიგიდან? ათასობით კლუბტომანი და მაფიოზური ელემენტი გადადებს კი მისი არსებობის ერთადერთ გარანტს – იარაღს? – კითხულობს გური თტობაია და იქვე პასუხობს:

„შავ სამყაროს“ მშვენივრად მოეხსენება მისი ბარაბასეული მოღვაწეობა წლების მანძილზე. იგი არაფერს დაერიდება მოზოგებულები პრივილეგიების შესანარჩუნებლად. ათასგვარ ხერხს და ღონეს მოიშველიებს, რათა ქვეყნის მმართველი ძალები საკუთარი ზეგავლენის სფეროში იყოლოთ. ზოგიერთი სარბიელწართმეული პარტიის განცხადება, რომ მხოლოდ მშვიდობიანი მეთოდებით იბრძოლებს სამართლიანობის აღსადგენად, ქარაგნისადმი გამართულ ღაფღაგს მიმსგავსებია მარტოოდენ.

ერთი სიტყვით, ცივილური ფორმებით ცხრაას თხმთოცდაათი წლის მთავრობის რეანიმაცია უტობიურია, დროის ფაქტორის მერმინდელი აქტი, სანამ ხალხი უკიდურესობამდე არ გაწამდება, ვიდრე ტყვეით სიკვდილის შიშს არ დასძლევეს შიმშილით სიკვდილის რეალობა.

რჩება ძალადობის ფაქტორი, უკეთ, მორალი: მახვილს მახვილი მიაგებო, თვალის წილ თვალის ამთარიდო მოწინააღმდეგეს, მაგრამ გაუძლებს კი ამისთანა დაჯახებას ისედაც წელში გაწყვეტილი ჩვენი სამშობლო?! ის შესამედი ძალა – უცხოტომელი, სოროებში შემეგრალი დაგვიწყებს თვალთვალს სამკვდრო-სასიცოცხლოდ წაკიდებულებს და როცა სისხლის რუები წარედინება, აღმოჩნდება რომ იგი საქართველოს მოსახლეობის ოცდაათი პროცენტი კი არა თრმოცდაათზე მეტიც ყოფილა ჩვენი ურთიერთ გამუსვრის წყალობით.

მოჭრილად რომ ვთქვათ, მშვიდობით არა თუ საქართველოს თავისუფლებაც, – თვითონ საქართველოც, ღამაზოთო!

გური თტობაიას მარათონული შეგონება სინთეზური აზროვნებისკენ მთლად შიმშველ ნიადაგზე აღმოცენებულს არ ჰგავს. სამყაროს მამოძრავებელ ძალად ფუჭად როდი მიიჩნევს იგი დადებით-უარყოფითის, მყიდუ-თხიერის, სინათლე-სიბნელის, ცხელ-ცივის და კიდევ უამრავი დაპირისპირებული ცნების ერთობლიობას.

ბუნებრივია, ეკვატორს და ანტრექტიდას ერთ ხელისგულზე ვერ დაიტყვ. ისინი მოსპობენ, გაანადგურებენ ერთმანეთს. საჭიროა მათ შორის დისტანცია, რათა დაბალანსდეს ძალები, რათა თანამშრომლობაში ჩაებას ორივე მხარე.

– სამყაროს აგებულების დადასტურება არ არის განა ბოროტ-კეთილის დაუსრულებელი ორომტრიალით, – შეგვახსენებს გური თტობაია.

ბოროტსა სძლია კეთილმან, არსება მისი გრძელიათ, მოიშველიებს რუსთველის შეგონებას, სძლია და არა გაანადგურათ, ვინაიდან ძლევაში აქ დაქვემდებარება იგულისხმება და არა გაცამტვერებაო; ვინაიდან უსუნებლის გადაშენებით სასარგებლოს ვერაფერს მოიპკის სამყარო, რამეთუ ამ ქვეწარმავალისთვისაც კი რაღაც მაღლი დააუნათლება განგებას, რომელიც აუცილებელი კომპონენტია სიკეთის გასამარჯვებლად.

მეფისტოფელ-ფაუსტის კავშირი აბურებს დამაშვრალთ;

მარილი ციცქნაა, მაგრამ უმისოდ დაზნექილი სუფრა ყელში გაგვიჩნდება;

ჩვენ ყველაფერში ან მტერი უნდა დაგინახოთ – მოლაღატე, ან მოყვარე – მხოლოდ კეთილისმყოფელი, რაც წმინდა წყლის ნონსენსიათ, გვმოძღვრავს.

აღამიანი გარკვეული თვალსაზრისით, მისივე ბიბლიური ოსტატის – ცაბათის მოდელია, ანუ–უარყოფით-დადებითის თავისთავში გამაერთიანებელი, შეუთავსებლის შემთავსებელი.

დავუშვათ, გავაძვევთ დედამიწიდან ღამე, ხომ ერთ კვირაში მუსრს გაგვაგლებს ესოდენ საქებარი ნათელი?!

აღამიანი იმით არის ბედნიერი და უძლეველი, შეგვაგონებს გური თტობაია, რომ ამ ორი საწყისის წარმართველი გენიაა. დიას, შემოქმედი გენია და არა– გულუბრყვილო მომხმარებელი.

შენ გაგიმარჯოს სიკვდილო, სიცოცხლე ხარობს შენითაო, გვაძალღებს ვაჟა. ამ გასაოცარი პიროვნების პოემები იმიტომაც იკითხება ესოდენი ინტერესით, რომ სიკვ-

დილ-სიცოცხლეს განუყრელ და-ძმად მიიჩნევს; რომ ბუნება მბრძანებელიცაა და საკუთარი თავის მონაც, ანუ ერთდროულად — ბატონიცაა და ყმაც; რომ შვილდაბინდული მოყმის დედაი ბოკვერმოკვდინებული ძუ გეფსვის მშობლის თანასწორუფლებიანია და თუ რომელიმე არ წააბიჯებს მისასამიძრებლად მეორისკენ, თავად ცხოვრება ჰკარგავს შინაარსს, როგორც უმიზნო და უსაგნური აგვიას თავლა;

ვარდსა და ჭინჭარს ერთად ჰქონდათ ბინაო, ნათქვამია ერთ მეგრულ ხალხურ ლექსში, ვარდს თუ კოცნა ხვდა წილად, ნუთუ ჭინჭარი შეხედვის ღირსიც არ იყო, და სწორედ აქ არის ნაგულისხმევი ჩვენი თავსატეხი დილემა, რომ თრივე ბუნების შვილია, სამყაროს აუცილებელი შემაღვეელი ნაწილი; მაგრამ როგორ გინდა ურთიერთგამომრიცხავი ეს ორი ფენომენი ერთ საცხოვრისში ასულდგმულთ?! ნუთუ ჩვენ ვერ დავსახავთ მიზანს, რომელსაც ეს ორი განზომილება თანაბარი ექსტაზით შეისისხლსორცებს?! ვუპასუხებთ გური ოტობაიას რიტორიკულ შეკითხვას და ჩვენეული დაძაბული ცხოვრებაც გააღწევს ფონზე.

იმპერიული ძალები, გელიკორუსული ხრიკები საქართველოს ერთიანობას ათასნაირ კაკანათსა და ხაფანგს დაუგებს, ვინძლო ერთ მთელში განსხეულება მოგვეს-წრაფოს. ჯერ კიდევ XIX საუკუნის გარიჟრაჟიდან მესხეთსა და ქვემო ქართლში ქართველი ერის დაუკითხავად ჩამოასახლებს ხალხებს. ორ საუკუნეზე მეტია ისინი შრომობენ, იღვწიან აღნიშნულ ტერიტორიებზე და მათი მსოფლშეგრძნება უკვე აღმაცერად უმზერს ყოველივე ქართულს. ჩვენს ეკლესია-მონასტრებს ბოსლებად გაიხდის, საკუთარ „ანბანთქებას“ ამოტვიფრავს ოფლ-ცრემლ-სისხლით შეზავებული ჩვენი ტაძრების პერანგებზე. განდევნილია ამ რეგიონებიდან ქართული ენა, ქართული სული. ეს არის ფაქტობრივად ოკუპირებული მიწა-წყალი, სადაც ეთნიკური წმენდა ზედმიწევნითაა განხორციელებული ქართველების საზიანოდ.

იმპერია ლოკალურ მასშტაბებს არ იკმარებს და შემდგომ პერიოდში დამატებით შექმნის ახალ წარმონაქმნებს: ეგრეთ წოდებულ სამხრეთ ოსეთის, აფხაზეთის, აჭარის ავტონომიებს; ცდილობდა და ცდილობს სამეგრელოს გამოცალკევებას დედასაქართველოსაგან. იმპერია ყველაფერს აკეთებს იმისათვის, რათა ფეხი ვერაფრით მოვიკიდოთ მოლიბულ ბილიკზე. მოლიბული გზებით მთარული ქართველი, დიახაც, ხელს აძლევს თვითმპყრობელობას, უკეთ — შოვინისტურ რუსეთს, რომელიც ამაცობს კიდევ ერმაკის, ერმოლოვის, ტოტლებენის „ექსპედიცია“-ლაშქრობებით, ხიშტით მოპოვებული ტერიტორიებით, რადგანაც მისი ფსიქოლოგია „გლადეთ“-იდან გამომდინარეობს. დანარჩენი სულ ერთია მისთვის თუ რას მიუმატებს ამ „გლადეთ“-ს — „გოსტოკს“, „კაგეკაზს“, „სევერ-იუგს“ თუ „მირს.“ მისთვის მთავარია ფლობა, რასაც ინგლისი იარაღის მეშვეობით ახერხებდა ინდიელებში და საფრანგეთი — სპირტითა და ქალებით.

როგორია ამ გარე და შიდა პრობლემებისადმი ეროვნული მოძრაობის დამოკიდებულება?! ან რას ნიშნავს კავკასიური ოჯახის პრინციპი — თვითშენარჩუნების მკაცრ მოთხოვნას კატასტროფული დემოგრაფიული ვითარების გამო, თუ ლიბანიზაციას, საკუთარ ნაჭუჭში ჩაკეტვას, როგორც ამას ზერელედ, ვულგარულად წარმოაჩენენ ზოგნი.

რა გზებით დაუსახავს დღევანდელ ხელისუფლებას საქართველოს მერმისის მშენებლობა?! მართალია, დაგვიანებით, მაგრამ მაინც გამოქვეყნდება მთავრობის ვრცელი პროგრამა ქვეყნის ტერიტორიული მოწყობის სტრატეგიაზე, თუმცა როდესაც ევროპული სახლის აგებაზეა საუბარი, საგარაუდებელია ის სოციალურ-პოლიტიკური შედეგებიც, ამ სახლის წამოჭიმვას მოჰყვება წესით — ევროპული სახლის მშენებლობა ხომ საერთო ბაზარს ითვალისწინებს უწინარესად, სადაც მთავარი მოთხოვნა ურთიერთხელსაყრელი პირობების შექმნაა კონტინენტზე წარმოებული პროდუქციის სარეალიზაციოდ?!

აი, სად არის საჭირო გური ოტობაიას მანიაკურად აკვიტებული სინთეზური აზროვნების მეთოდი — შეუთავსებლის შეთავსება!

ცოცხალი ორგანიზმის განაცოფიერებისას დედისეულ-მამისეული გენები გასათვარ ჰარმონიას ამყარებენ ხოლმე, რაც შეიძლება სრულყოფილი ინდივიდის გამოსავლენად. ეს ყველაფერი ინსტინქტის ბირობებში წყდება, არაცნობიერ სამყაროში, ხოლო

ჩვენ, ცივილიზებული სნობები, ვერაფრით ავმადლებულვართ პრიმიტივების დონეზე. თვისება, რომელიც ამა თუ იმ პროცენტითაა ტიპში მოცემული, კი არ ქრება, კი არ იკარგება, არამედ წამით მიიწოდება, წამით მიეფარება თვალს, რეცესიული ხდება. ბირთვების გარეგნული იერი ჩვეულებრივი ფორმით რომაა გამოვლენილ-გაბატონებული — დომინანტურად წარმოგვესახება და დაუსრულებელია მათი მონაცვლეობა შემდგომ თაობებში. ასეა ბიოლოგიაში, მაგრამ დახეუთ, ცხოვრებაში როგორ ვერ ურიგდება თავის უმცირესობას ესა თუ ის კლანი! მას ამწუთასვე სწადია გაასპარეზება, აუჯანყდება საყოველთაო ფორმას და ძალადობით, ლომის ფაფარს ჩაფრენილი ტკიპასი არ იყოს, ამსობს მის ერთადერთობას. ამით ხომ თვით სამყაროს კანონების წინააღმდეგ იბრძვის უმეცარი იგი და ამისთანა ინტრიგების მატარებელს, უკვე აღარ ძალუძს მომავლის შექმნა, ვინაიდან უარყოფს განვითარების ბუნებრივ გზას და საკუთარ თავს უმწიფრობაში მოიწყვეტს.

დავუშვათ და სინთეზის არენაზე გაგვიყვანია ორი პოსტულატი: კავკასიური და ევროპული სახლი. დაგაკვირდეთ თუ რა აერთებს თითოეულ კონცეფციას. გცადოთ შუალედური შესვლულების მოძებნა.

ორივე მოსაზრებაში უეჭველია ფიგურირებს საქართველო, როგორც ცოცხალი ორგანიზმი დროსა და სივრცეში, როგორც ცივილიზაციის გოლიათი სხეულის სულდგმული უჯრედი. რა შეიძლება ისესოს ევროპული მოდელისაგან კავკასიურმა?! შეეწყობა თუ არა ისტორიულ „დიდი აბრეშუმის გზას“? ყოველ შემთხვევისათვის ქართული ერთგული პოლიტიკა კავკასიონის მთაგრეხილივით არაფრისდიდებით გადაეკობება საერთაშორისო ინტერესებს. ის მეტ ელასტიურობას გამოიჩენს მომავალში, რათა შემაკავშირებელი ხიდის მისია იტვირთოს აზია- ევროპას შორის.

— ჩვენ ერთდროულად პატრონული პოლიტიკასაც უნდა გემხრობოდეთგამტარებელნი და კოსმოპოლიტიურნიცო, — გვასწავლის გური ოტობაია. — ჩვენ უნდა გაშენოთ ჩვენი სამშობლო ქართველის ჯიშ-ჯილაგის გაჯანსაღების ნიშნით, მაგრამ არა — უცხოტომელთა გენოციდის თუ ეთნიკური წმენდის ხარჯზე.

გური ოტობაიას აზრით, ამჟამინდელ ხელისუფლებას არ ძალუძს მოძალეებული პრობლემების გადაწყვეტა ერთგული მოძრაობის ფრთის წინააღმდეგობის ბირობებში, როგორც ადრინდელი ლეგიტიმური მმართველობა ვერ განასორციელებს ერის დაწინაურების პროგრამას „ქუჩის ოპოზიციის“ კრიჭაში დგომის ძალისხმევით.

ბევრი რომ არ გავაგრძელოთ, გური ოტობაიას რწმუნებით, საქართველოში თბილქტურად მომწიფებულია სინთეზის ხანა, შეუთავსებლის შეთავსების ეპოქა.

განგლილია თეზა — მაქსიმალისტურ-ზეპატრიოტული ჟამი.

განგლილია ანტითეზა — სხვათამომიედობის, საკუთარ ძალებში შეეჭვების ბორჯალი. ორივე ვითარება გამოცდილია, გერც ერთი მიგვიყვანს სრულ ჭეშმარიტებამდე.

მაშასადამე, საძიებელია ახალი, მესამე განზომილება, რომელიც ამ ორი სიდიდის გონივრული შერწყმით მიიღწევა მხოლოდ.

ჩვენ იარაღით ვერაფრით დავთრგუნავთ ქართველი ერის ნებას, გერც ტალახის სროლითა და ავსიტყვაობით მოვიმკით სასუფეველს. ასეთნაირი კონფრონტაციის ვითარებაში გოჯისხელადაც ვერ წავიწევთ წინ უკვდავების წყაროსკენ, რომელიც აგერ, ხელისგაწვდენაზეა, რაც ორჯერ ორივით მეტყველებს მშვიდობიანი თანამოსაქმეობისათვის საუკუნო მოუცლელობას.

როგორც წინა, ისე დღევანდელ ხელისუფლებას გური ოტობაია ზუსტ განსაზღვრებას უსადაგებს და მათ ცალუღელა ხარებს ამსგავსებს, ანუ საქართველოს ადარებს იმ ურემს, რომლის აბეურებს ხან ნიშა შეებმება ჯიქურ, ხანაც — ნიკორა, ურემი კი, ამ დაკენტიებულ ოჩანთა თავდაუზოგავი მეცადინეობის მიუხედავად, მაინც ადგილზე ბზრიალებს. ტყლაშუნებს სახრე, ერთ-ერთი ხარი კი შეშველების ნაცვლად არხეინად ბულრაობს იალაღზე, ან „გამოეცალე იმ აბეურებს, მე მიმიშვი ურემთან და ნახავთ ყველაფერსო,“ იქადნება. დაახლოებით ასეა ჩვენი საქმე!

გამოსავალი ერთია: უნდა გამოცხადდეს მორატორიუმი! უნდა გამოცხადდეს რეფერენდუმი ჩვენი ქვეყნის პოლიტიკური შეკავშირების თაობაზე! უნდა დაინიშნოს საყოველთაო, თანასწორუფლებიანი არჩევნები თითოეული პოლიტიკური ძალისა და მოღვაწის გათვალისწინებით, რომელიც მოგვევლინება თვისებრივად სრულიად ახალი მმარ-

თველობის ჩამოყალიბების საწინდრად, და აქედან გამომდინარე, საქართველოს მართებული, გეგმაზომიერი აღმშენებლობის გარანტიად.

ნუ შეგვაშინებს მკაცრი სიმართლის მოსმენა. იქნება თავის ჩაღუნვები; დაიცვარება შუბლები თფლით, მაგრამ მაინც ყველაფერს გააბათილებს ერთად დგომის სურვილი სამშობლოს სასოწარკვეთის გასაცამტვერებლად.

გავა დრო და მომავალი არავის დაუკარგავს კუთვნილ დაფნის გვირგვინებს, დღეს კი მხარდამხარ უნდა შევეჭიდოთ მამულის ზღურბლთან გაწოლილ ურჩხულსაო, აი, გური თტობაიას ადრინდელი თუ სადღეისო საწადელი. აი, რისთვის მოითხოვდა და მოითხოვს მწერალთა კავშირის გამოცხადებას ერთიანი საქართველოს სამჭედლოდ, რომელიც უნდა გახდეს ყოველი პოლიტიკური ძალის შეკავშირება-შემთლიანების მძლავრი ბიძგიო.

აი, რისთვის მოითხოვდა და მოითხოვს საყოველთაო სინთეზს.

აბა, დაუგვირდეთ, რა გადაგვარჩენს ამდენი იმპერიის გარემოცვაში მომწყვდეულ ქართველობას?! განა მხოლოდ ხმლის ქნევა?! არა, ძვირფასებო, სწორედ ის, რომ დიდი დავითი მოწიწებით უხრის თავს სინაგოგასაც, მეჩეთსაც, გრიგორიანულ ეკლესიასაც, ცხადია, ყველაწვართული სიონის თამადაობით.

მესმის, ძნელია, ძალზე ძნელი საკუთარი შეხედულების გადასინჯვა. ამას ბუნებრივია, დრო თავად მოაგვარებს წლების მერმე, თუმცა ჩვენ, ცაიტნოტში ჩავარდნილ ესენგეველთა, მოცაღუობის უამი გინ მოგვაშავა?! ამიტომაც ამთავითვე ოდნავ მაინც თუ გადავიბერტყავთ მხრებიდან ერთადერთობის ავადსახსენებელ ილუზიას, ყველაფერი თავისი კალაპოტით წარიმართებაო, არ იშლის თავისას.

ჩვენ რომ სინთეზური აზროვნების მოდელს მოვიმარჯვებდეთ უმცირესობა-უმრავლესობას შორის არსებულ წინააღმდეგობათა დასაძლევ საშუალებად, ყოველგვარი პრობლემა უსწრაფესად მოიხსნებაო, გვიმტკიცებს.

ან ფანჯიკიქს რა მიზეზით უნდა დაემდუროს იგი?! ცოლ-შვილი შიმშილით ეხოცება, როცა ერთადერთი ბატონი გურამი გამოუწოდებს დახმარების ხელს და დავით აღმაშენებლის საზოგადოებიდან ათას მანეთს უწყალობებს. ის სოლიდური თანხა გური თტობაიას ნაკლებად ეკუთვნის; წესით, უფრო გაჭირვებულ მრავალ-შვილიან ოჯახს უნდა შეხედეს, მაგრამ ხელოვანი კაცს კოლეგას გამოექო- მაგება: „ერთ წელიწადში ორი შვილი შესძენათო“, ბრძანებს და პრეზიდენტს გადაიბირებს. მიდი და ამის წემდეგ აუგი აკადრე! გაგახარებს ღმერთი?!

ან ბერძენსა მუხრან მაჭავარიანისგან რა უნდა სწადდეს ყველასთვის უღნობ ბელეტრისტ-მედიატორს?! მისი უშურველი მხარდაჭერა რომ არა, ხომ გვღარაფრით ეღირსება გური თტობაიას რომან-ტრიადა „სიცოცხლეშისჯილების“ ბირველი წიგნი დღის ნათელს?! შეჭპირდება, მოინდომებს, გამოარიდებს ცენზურის კლანჭებს და წელში გამართავს, როგორც ეკონომიკურად, ისე – მორალურად.

განა ვინმეს ემართლება გური თტობაია, კონკრეტულს, ხელშესახებს, მაგრამ ერთგნული მწერლობის ბედ-იღბალი, სამშობლოს მერმისი და აქამდე უნდობლობით მოწამლული ატმოსფერო, ჯიგარს უტრიალებს.

მწერალთა კავშირიდან გასვლის მისეული ზეპირი განცხადებაც, ხომ გიცით, პროტესტი, შეძახილი უფროა გაჯიქებული შემოქმედი ხალხის გონზე მოსაყვანად, ვინემ საერთო სატკივრებისგან გაქცევა. ამ საქციელით გური თტობაია მოქიშვე თანამოკალმეებს კონსენსუსისკენ მიუთითებს:

– მოვეშვათ კონფრონტაციას, ერთმანეთის წეწვა-გლეჯას, ერთმანეთის ტალახის სროლას, თორემ ხრამში გადავიჩეხებით ყველაო, – გმინავს, მაგრამ ვინ შეისმენს?!

გური თტობაიას მწერალთა კავშირიდან გასვლის თაობაზე უსტარი არ მიურბენინება ბატონ გურამ ფანჯიკიქსთვის და აღარც ბატონ მუხრან მაჭავარიანისთვის მიურთმევეა არზა „მარტი-92“-ში დასაფუძნებლად. ამ ორ ბირთვებას და მათ მრეგლს საერთო ენის გამოძებნისკენ მოუწოდებდა, თორემ მაჩაბლის 13-ში, სადაც ჩვენი სულმნათი წინაპრების გენია-ნათელი ბრდღვიალებს კვლავაც, თავისი თავისთვის სიარული დღემდე არ აუკრძალავს.

ასე რომ, სანამ საქართველოს მწერალთა კავშირი არ აღიდგენს ოდინდელ ბირველსახეს – ერთი ოჯახის დედააზრს, რომელიც სრულიად საქართველოს მონოლითურ-

ბის მინიატურული მოდელია; სანამ ერთმანეთს თვალში თვალს არ გაუსწორებენ თდესლაც თანამეინახე კალმოსნები; ვინემ უდროოდ წასულ, პოლიტიკური მოსაზრებით დაუტირებელ ძმებს ჩვენსას: გოდერძი ჭვიშვილს, ბერდია ბერიაშვილს, მორის ფოცხიშვილს, თენგიზ ბუაჩიძეს ცრემლს არ დააწვეთებენ აქედან და იქიდან; ვიდრე დაკენტებულნი თვინიერად არ შეებმებიან საშვილიშვილო ტვირთს და საერთო ძალისხმევით არ ასწვევენ საქართველოს დადაბლებულ ცას, გური თტობაია იქნება გალოკილი თითივით, შუაკაცის, მედიატორის, შეპრიგებლის უმაღურ წანწალს გამოკერებული.

თუცა საქართველოს მომავლის ყოველთვის სჯეროდა და სჯერა გური თტობაიას, განსაკუთრებით მას პერმე, რაც დაახლოებით თვეწახვერის წინათ უსაყვარლეს ქრისტესმიერ თანამოკალმეებს, თრივე ჩინებულ პოეტს, ადრე ერთმანეთისთვის თავგადაკლულებს, მოგვიანებით ყინად მოშინრალთ, ერთს ერთგულ-დემოკრატიული პარტიის წევრს, სოლო მეორეს კონსტანტინე გამსახურდიას საზოგადოების ამქრიდან — მურმან ჯგუბურიას და ნომადი ბართაიას რუსთაველზე გეება ჭადართან დაუნჯებულად მოსაუბრეებს რომ იხილავს, ისე აუბგერდება გული, ისე აუჩქროლდება სისხლი, კინაღამ საქვეყნოდ იყვირებს:

— მორჩა, უგუნურობის ამღვრეული მზე ჩაესვენა! მოახლოებულია ყველა ტკივილის მომშუშებელი დრო-ჟამი! — ესეც შენი სინთეზური აზროვნების ცხოვრებისეული გადაწყვეტა! ესეც შენი შეუთავსებლის შეთავსება: პოლიტიკურ განსხვავებულობას, მოვლენების ალტერნატიულ აღქმას და მის ნიადაგზე აღმოცენებულ ზურგ შექცევას, ბოლოს და ბოლოს აჯობებს ჭეშმარიტი განცდა — პოეზია, მეგობრობის მადლი; რომ ყველანი ქართველები ვართ და ერთსა და იმავე კედელს ვამაგრებთ, ზოგი ბინდის-ბირისას და ზოგიც — სისხამზე.

— მაშ, ერთად ჩემო სისხლო და სორცო! საქართველოსთვის ყველა და ყველაფერი! — გური თტობაიას ეს ფრაზა დეგინად უნდა ავითაცოთ თითოეულმა! — დღეს განსაცდელში სამაჩაბლო და აფხაზეთი კი არა, სრულიად საქართველო! დღეს გადასადება პოლიტიკურ-ლიტერატურული ანგარიშსწორებანი და გვერდიგვერდ დადგომა გემართებს სათითაოდ, როგორც კრამერის „გადაჯაჭვულის“ გმირებს. საჭიროა? მუნელიც უნდა მოეუხართ ერთურთს, თონდ დედასაქართველოს ეშველოს. დღეს ჩვენ, ჩვენი ზარი გვიხმობს თითოეულს დედასაქართველოსთვის და აქ გულგრილობა, ზურგ შექცევა, ნამდვილი ღალატის ტოლფასიათ, — გვიკიჟინებს იგი, — მაშ, ერთად ჩემო მარჯვენაგ და მარცხენაგ! მაშ, ერთად, ჩემო ამერ-იმერო! მაშ, ერთად ჩემო ღვინიაგ და ლაბაგ, ჩემო ბუსკაგ და ჩელაგ! ერთად, ერთად შეგებათ ქედდადრეკილი მამულის საშვილიშვილო ტვირთს! ჩვენ სომ, პოეტისა არ იყოს: დაგბადებულვართ, რომ ვიყოთ მონა და საქართველოს გვედგას უღელი! — ესეც ტიცინის სტრიქონის პერიფრაზთან ერთად, გური თტობაიას სიტყვებია“.

— მოჭარბებულად გიწერიათ გური თტობა- იაზეო, — შემბლვერს დედაქალაქში ერთი გამობრძმედილი რედაქტორი, მართლის თქმაც რომ სწადია, მაგრამ აღარც გამბედაობა ჰყოფნის.

მკითხველი კი მიმიხვდება, რომ ეს ყოველივე ლიტერატურული ფორმა მხოლოდ — მედიატორობა, გამმარეგებლობა, შუამავლობა, შუაკაცობა შუაზე გახლჩილ საქართველოს გონებაამღვრეულ შვილებს შორის.

— გვაცალონო, — იძახიან პუტჩისტები.

— ჩვენ დაგვაცალებს? — გააფთრებით პასუხობენ დამხოზილნი.

და ასეთ ვითარებაში, ფიზიკურ შეურაცხყოფას, ლაფთაცვენას, აბუჩად აგდებას და განქიქებას თუ აკმარებენ სამეგრელოში ჩასულ ჟურნალისტებს: ლევან ღვინჯილიას, მერაბ ბერაძეს, „მანსელებს“, მწერლებს გენო კალანდიას და შუკო ჭიქიას მთლად კედელთან მისაყენებლადაც გაიმეტებენ.

— უარესის ღირსნი არიანო, — დამანუგემებს ერთი უზენაესელი, იდეოლოგიის ატმოსფეროს რომ განსაზღვრავს რესპუბლიკაში თავის დროზე. მაგალითსაც მოიშველიებს:

— მე მივალბინე შუკოს ბინა და მანქანა მწერალთა კავშირიდან, მან კი, აი, რანაირად დამიფსა ამაგი:

მივიღვარ ქუჩაში. უცებ მანქანამ მომამუხრუჭა. ხელებგამოლილი მივეგებე უმცროს კოლეგას. მგონია დეპუტატობას მილოცავს, და წარმოგიდგენია, არც აცია და არც აცხელა — გამოლილი სილა გამაწნა. თურმე ზვიადთან ყოფილა მწყრალად.

— მოვეშვით სამაგიეროს გადახდას, თორემ ვერასდროს დასრულდება მართალ-მტყუენის გარკვევა-მეთქი.

— დასრულდებაო, — მხარზე მომიტყაპუნებს ხელს. აღრინდელ პუბლიკაციებს შემიქვებს. — უფრო მეტს მოველით შენგანო. ჩამოდი ზუგდიდში, ჭეშმარიტი ქართველის ადგილი აქ არისო, — დამმოძღვრავს.

ოჯახურ პირობებს და მისთანებს მოვიშველიებ, თან ვერაფრით ვამხელ ოდიშში ჩემი ჩამოსვლა ცეცხლზე ნავთის დასხმას რომ უქადის საქართველოს, თუ შუამავლობის გზიდან გადავცდები და წონასწორობას დავკარგავ.

დრო, ვითარება, სიტუაცია, მაინც თავისას გაიტანს და მეც, აჰა, კოლხეთში ვარ.

ვეწვევი ლოთი ქობალიას შტაბს ქალაქის ცენტრში, რომელიც აქამდე ფირმა „ეგრას“ ეკუთვნოდა.

კოოპერატორები მშვენიერად გაარემონტებენ პრივატიზებულ „გრენქარხანას“ და ასე, გაკრიბულ კაბინეტებს ჩააბარებენ კანონიერების ქომაგთ.

საკმაო ლოდინის შემდეგ შემიყვანენ ბატონ ვახტანგ (ლოთი) ქობალიას რეზიდენციაში. თითქმის საათნახევარს დავყოვნდები იქ. გენერალი როდის-როდის მოიცლის ჩემთვის. დაინტერესდება ჩემი შემოქმედებით, ცხოვრებით. ბევრს ვისაუბრებთ ქვეყნის აწმყოზე, მის მომავალზე. მე გულგახსნილად გავუმხელ და დავუსაბუთებ ჩემებურად კოალიციური მთავრობის შექმნის აუცილებლობას. ამასობაში წნევა აუწევს და მისდაუნებურად შევესწრები თბილისელებისთვის ლეგენდად ქცეული კაცის კარდიოგრამის გადაღების სცენას. სამუდამოდ დამამახსოვრდება ქობალიების ძე ჭაბუკური აღნაგობით, ბრინჯაოსგან ნაქანდაკები ტანით. მოგვიანებით მის ოჯახშიც მოვხვდები სინწის მისადგომებთან, სადაც ფუძის ანგელოზი დიასახლისი — „უტუ მიქავას ღირსეული მემკვიდრის თანამეცხედრე“ საარყე ქვაბებით ამზადებს ყოველდღიურ სადილ-ვახშამს საქართველოს სხვადასხვა კუთხიდან მოჯარებული ლაშქრისათვის. დამასაჩუქრებენ აურაცხელი ვაზნით, სამხედრო ფორმით, მაგრამ ყოველივე განცდილი ღირსეულ ინტერმეცოდ წარმოვისახოთ მოვლენების ელვისებური განვითარების ფონზე.

მართუ მიეპქსა

ცარიელი აუზის დირექტორი

აჰა, მიიწურება თაკარა ზაფხულიც. ჩრდილოეთის დათვის ბუნისმაგვარი ბურტყუნი და დატორვა წკავწკავით მიმოფანტავს ჩვენს სამხედრო ძლიერებას. მთავრობა ცხრა ტყავში ძვრება, რათა როგორმე გააუმჯობესოს სიტუაცია, ბირჟაზე კი ათასი რუსული რუბლი თექვსმეტ ათას კუბონად იყიდება და ამკარად ვამჩნევთ ყველა, რომ შიმშილის ცოფიან ხახაში უგზო-უკვლოდ მივეხეტებით.

ამ პოსტსკრიპტუმისგან თავს უთუოდ შევიკავებდი, რომ არა ზემორე წერილის ფაქტების რამდენადმე მოძველება. მერედა, ამ თვენახევარში მრავალი კანის გამოცვლასაც მოვასწარებთ. დაბოლოს, ერთხელ და სამუდამოდ ხომ უნდა გავერკვეთ საითკენ მივდივართ, რა პერსპექტივა გველის?! დათხოვილია, უკეთ — გადამდგარი მინისტრთა კაბინეტი.

ბატონ ოთარ ფაცაცის პრემიერად დანიშვნა განსხვავებულად შეფასდება პარლამენტარებისგან თუ რიგითებისგან. ერთი დეპუტატი ამბაკოვეიჩს ცარიელი აუზის დირექტორს შეადარებს მოსწრებულად.

მე ვიცნობ ბატონ ოთარ ფაცაცის, როგორც ქველმოქმედს და ხელგამმართველს, როგორც ფრიად გამჭრიახ გონების ადამიანს.

პეტრე პირველი სწორედ ამისთანებს აწინაურებდა ტლუ რუსეთში. ბატონი ოთარი თეორიებს ნაკლებად დაგიდევთ. მისთვის უმთავრესი სასურველი შედეგია.

დიახაც, ამნაირი უნარების წყალობით ხატოვნად ზუგდიდელები ქალაქში არსებულ ქალაქს ეძახდნენ „ენგურქალაქკომბინატს“, სადაც მართლაც ევროპის დონეზე მოისვენებდი სასტუმროში, ევროპის დონეზე გიმკურნალდნენ საავადმყოფოში, ევროპის დონეზე მოგემსახურებოდნენ მაღაზიასა თუ რესტორანში, მაგრამ შესძლებს კი ბატონი ოთარი სიცოცხლისუნარიანი მინისტრთა კაბინეტის შეკვრას?! ან კიდევ, მოახერხებს იგი ძალადობით დამხობილი ხელისუფლების წარმომადგენლებთან საერთო ენის გამონახვას და ქვეყნის კრიზისიდან გამოყვანას?!

— სამეგრელოს გულის მოსანადირებლად დაინიშნა პრემიერადო, — წაისისინებენ აქა-იქ, სინამდვილეში კი დღეს ლოთი ქობალიას შენაერთები აკონტროლებენ რეგიონს ცხენისწყლიდან მოყოლებული ენგურამდე.

მომინელებს, მომსპობს ჩვენი პრესის ქამელეონობა. ჭალარაწვერიანი, კვერცხივით შეკრული, სამშობლოსთვის დაკოკლებული, პრინციპების ერთგული პიროვნება, გვჭირდება?! — ბატონი ვახტანგია, გენერალი. გვჭირდება?! — ბანდიტი და ნაძირალა. მამულისთვის იბრძვის ტამიშთან?! — გმირია. გზას გვიკეტავს?! — ყაჩაღი. ჰოდა, საქმეს იქამდე ავწეწავთ, „იბერია სპექტრის“ ინფორმაციით, ფოთთან ლიანდაგებზე ვაგონებს დაადუღებენ!

„საქართველოს რესპუბლიკა“ ბატონ რომან მელიას სიტყვებით აბათილებს ამ ბრალდებას, და იქვე აკონკრეტებს, რომ ჩვენ ხორბალი სხვა მოტივებით ვერ ჩაგვიტანია თბილისსო; უკეთ, გზაში გაძარცვისგან ვიზღვევთ თავსო.

ახლა სამეგრელოს მიმართ მორიგი ისტერიკებია გამართული. □ გეხსომებათ სატელევიზიო პასკილები: დახოცილი მეომრების ცეცხლში დაწვის „მხეცური მაგალითები“ ზუგდიდელებისგან). ვრცელდება ხმები დედაქალაქის მერამდენედ დალაშქრვის თაობაზე.

„საქტელერადიოს“ დეპარტამენტში ერთი ხეპრე რეპორტიორი აფოფრილი მიმტკიცებს, რომ თუ უფრო გამწვავდება იქით, (იმედია, ადრესს უკომენტაროდაც მიხვდებით), უკლებლივ გაგყრით რიკოტის მიღმაო.

მერედა, ვგონებ ორას ათასზე მეტი მარტო თბილისშია ასეთი ჰუმანური სანქციის სუბიექტი და ბარაქალა ჩვენ, თუ ცეცხლზე ნავთის დასხმა განგვიზრახავს-მეთქი, ასე ვეტყვი. „ნავთის დასხმის“ ნაცვლად გულში გავლებული „ლოთი ქობალიას ლაშქრის გაძლიერება“, ცხადია, ხუმრობაში არ ჩამომერთმევა.

ქვეყანაში სიტუაცია შემდეგნაირია: გადამდგარია მთავრობა. ზუგდიდში ფაქტობრივად აღდგენილია კანონიერი ხელისუფლება.

ყოფილი პრემიერის თქმით, დღევანდელი მმართველობა გამოწვეულია მშვიდობიან ეკონომიკურ შეჯიბრში.

ბატონ ასლან აბაშიძესთან, მედიატორად რომ მოვევლინება დაპირისპირებულებს, კონფრონტაციულ მხარეთა წარმომადგენლების დიალოგი რა შედეგს გამოიღებს, უცნობია ჩვენთვის, მაგრამ თამამად შეიძლება განვაცხადოთ: დღევანდელი ხელისუფლების მოქმედების არეალი უსულგულოდ გაკრეჭილ ფარშავანგის ალი-კვალაია. მისი იურისდიქციის ფარგლებიდან გასულია სამაჩაბლო, აფხაზეთის ტერიტორიის ნახევარი, სამეგრელო, აჭარა. რა დაგვრჩენია?! ქართლ-კახეთი, გურია-იმერეთი და დედათბილისი ვახტანგ გორგასლის სანადირო ადგილებითურთ.

პარლამენტისა და მთავრობის მეთაურის საუბარში ნელ-ნელა გამოჟონავს ხელახალი არჩევნების აუცილებლობა. ამ უკანასკნელს მრავალი პიროვნება ემხრობა, როგორც ყოფილი, ისე არსებული პლატფორმიდან, მაგრამ ვთქვათ და, რომელიმე მხარემ წააგო კენჭისყრის მერე, გვაქვს კი დამარცხებულთა დაშოშმინებისგარანტიები?! რომ მშვიდობიანად, თვინიერად იმოღვაწიებენ მომავალ არჩევნებამდე?! ამიტომაც ძველებური დაჟინებით გავიძახი: სინთეზი, მეგობრებო!! შეუთავსებლის შეთავსება, ძმებო!

საილუსტრაციოდ ერთ გენიალურ ფილმს შემოვიშველიებ — კრამერის „გადაჯაჭვულს“.

გაგვახსენდება: საპყრობილედან გამოიქცევიან საზიარო ბორკილით შეკრული ზანგი და თეთრკანიანი პატიმარი. ისინი თითქოსდა მოიპოვებენ თავისუფლებას, მაგრამ მათდა სავალალოდ, კვლავაც დამონებულნი არიან ერთმანეთის ზიზლით და სიძულვილით. ათასი ფათერაკისა და განსაცდლის მერმე ფილმის გმირები ახერხებენ ავბედითი ჯაჭვის გაწყვეტას. მოსალოდნელია, რომ ისინი დამოუკიდებლად გააგრძელებენ ცხოვრებას, ბოლოს და ბოლოს დაშორდებიან მაინც ერთ-ერთს.

თეთრკანიანი დაზღვეულია უზრუნველი ცხოვრებით — ქერის ორმოში ჩავარდნილა — ლამაზმანი ქერივის გარდერობს ზედმიწევნით მორგებია, მაგრამ ხელალებით უარყოფს ცის გახსნასავით მოვლენილ სიკეთეს — ვნებიან დიასახლისს და მისგან პოლიციაში დასმენილ, ანუ ჩაშვებულ ფერადკანიანს გამოეკიდება. ასე რომ, კრამერის გენიალურობის წყალობით, აქამდე ურთიერთგამომრიცხავი რასის ეს ორი წარმომადგენელი ხელისხელგადახვეული გაუყვება ზოგადსაკაცობრიო იდელების მშვენიერ, მაგრამ მძიმე აღმართს. ახლა ისინი გადაჯაჭვულნი არიან კვლავაც, ოღონდ არა ასხმული რკინის რგოლებით, არამედ — ყოვლისმომცველი სიყვარულით.

რაც შეეხება ჩვენეულ ზაფრას, შედარებით დაბალი ხარისხისაა:

ივანე ქინილი სამშობლოს პატროფილური მისიით მოვლენილი მიაშიტი კანონიერი

ხელისუფლება დაემხოთა კოსმოპოლიტური, პროკომუნისტური, მრავალნაცადი ძალისგან და მათ შორის არსებული მართონული წინააღმდეგობის მეოხებით საშვილიშვილო ტვირთი ადგილიდან ვერ აფრით დაგვიძრავს. ისინი ბაგირის ბოლოებს ჩაბღაუჭებული მძლეოსნებით ცდილობენ ბედნიერი საქართველოს საკუთარი სახელის ნათელში შექოსრიანებას, ანუ აუჩქებიათ:

— საქართველოს თავისუფლება მაინცდა- მაინც ჩემს მიერაა მონეტასავით მოჭრილი, — რაც აუნდენელი ოცნებაა. სანამ მეტოქეები ერთ მხარეს, ერთი დამიზნებით არ მიმართავენ ჭკუა-გონებას, წინდებულ საბაკებს გაჩოჩიანება არ უწერია.

ჩვენ სასწრაფოდ გვჭირდება მაღალპროფესიული პერიოდული ორგანო, რომელიც გზას გაუხსნის ალტერნატიულ აზროვნებას: ერთსა და იმავე პრობლემაზე შეულამაზებლად აუნთებ სმწვანე შუქს ორივე შეხედულებას. სხვანაირად, ცალმხრივობით, ჭეშმარიტებას ვერასდროს დავადგენთ. დღემდე არსებული ნებისმიერი გაზეთი, კერძოა თუ ოფიციალური, პოპულარულია თუ ნაკლებად ცნობილი, ხომ მოვლენის მხოლოდ ერთ მხარეს ასახავდა და ასახავს პარტიულობის არტახებით შებოჭილი?! ამდენად, ცალუღელაშვილია, ცალქალამანიძე.

ამასთან, აუცილებლად მიმაჩნია შუამავალი ინსტიტუტის შექმნა საპატიო ადამიანებისგან, რომელნიც ითავებენ და უზრუნველყოფენ დაპირისპირებულ ძალებს შორის კონსტრუქციული დიალოგის წარმართვას.

მთავარი შუაკაცი დასახელებულია — ბატონი ასლან აბაშიძე. იმედია, სანთელივით მართალ ათიორედ ღელთლუნისადაც მოვუყრით თავს როგორმე. ესეც რომ არა, დროა რეალობას თვალი გაუფსწოროთ და საქართველო ყველაფერსა და ყველაზე მაღლა-თქო, დავსტექოთ. აქედან გამომდინარე, მეტი პასუხისმგებლობით უნდა ვაჟღარაუნებდეთ იარაღს. რანაირი სიმწრის ნაყოფს გვაგემებ სმისი ჩქამი, თვალსაჩინოებისთვის სამისდღემშიოდ კმარა!

მაშ, კიდევ ერთხელ, ჩემებურნო! მეტი ვიფიქროთ ერთიანი საქართველოსთვის, მეტი ვიფიქროთ გლობალური სინთეზისათვის, შეუთავსებლის შესათავსებლად! ურთიერთმიტევების ქრისტიანულ მორალს მივანდოთ ჩვენი ბორგნეული სულები და მერწმუნეთ, საყოველთაო ბედნიერებაც მხარზე იობივით დაგვაფრინდება!

შაღრმვანო

ბოლო კვირის მოვლენებს შეუძლებელია სულის შეუკუმშველად მიაღვენო თვალი, რომელშიც უფლის ხელი ურევია უქველად ჩვენს გაორებულ ცნობიერებაში სინთეზური აზროვნების სხივის გამოცრიატების თვალსაზრისით, მაგრამ ვიდრე კონკრეტულ ფაქტებს მოვიშველიებდე, ბარემ აქვე ვიტყვი: მაცხოვარი ოთხჯერ თუ ხუთჯერ, მინიშნებით, ქარაგმულად აქამდეც დაგვიდასტურებს თანადგომას.

პირველად ეს ბატონი ედუარდის ჩამოსვლისთანავე გაცხადდება, როცა სამხედრო საბჭოზე პრეზიდენტ გამსახურდიას საქართველოში ჩამოყვანის საკითხს წამოჭრის, თუკი ეს ნაბიხი ქვეყნის ინტერესებისთვის აუცილებელია... მართალია, აღნიშნულ წინადადებას ჟესტად, ნიადაგის მოსინჯვად აღიქვამს მოსახლეობა. კამერულ წრეებში კი ფრიად სუსხიანი ჟარგონითაც გაიკიცხება სახელმწიფოს მეთაურის განცხადება.

ზეციერის არანაკლები გამობრწყინება ბატონი ზვიადის დასტური შევარდნაძესთან დიალოგის შესაძლებლობის თაობაზე, თუკი ეს უკანასკნელი მოახერხებს პუტჩისტებისა და მაფიოზური ელემენტების ზეგავლენისგან გათავისუფლებას. ფხიზელ თვალს არ გამოეპარება დღევანდელი ხელისუფლების გეგმაზომიერი სვლა დასახელებული ვითარებისკენ. წელიწადზე მეტია მიმდინარეობს მთავრობის განუხრელი კათარზისი და სადღესოდ მის რიგებში ამბოხების პირდაპირი მონაწილე თითქმის სანთლითაა საპოვნი. ამდენად, პრეზიდენტის წინაპირობა თითქოსდა განხორციელებულია.

მოძღვარი აღარც შემდგომ მიგვატოვებს: ცნობილი დაპირისპირების მიუხედავად, „ლოთი ქობალიას ხალხი თავგამეტებით შეებრძოლება მომხდურს ტამიშთან, ზურგზე ზურგს მიაყრდნობს სისხლხორცს და ერთობლივი ძალით მტერს კუდით ქვა ვასროლინებთ! მართალია, ამ ფაქტს მეტი განზოგადება სჭირდებოდა, მაგრამ 16 სექტემბრის ამბების შემდეგ შეიძლება თამამად დავასკვნათ, რომ საქართველოს ყოველი პოლიტიკური ძალა ფაქტობრივად გაერთიანებულია. ნებსით თუ უნებლიეთ გადალაზულია წინააღმდეგობა, რომელიც ოთხი წელიწადია გვამხობს და გვაჩანავებს. მიღწეულია ესოდენ სანატრელი კონსენსუსი. იარაღის ლოკალური ჟღარაუნი ლანჩხუთში, ცხენისწყალთან, იმდენად უმნიშვნელოა მოპოვებულ შეთანხმებასთან შედარებით, რომ სათქმელადაც არ ღირს.

ორ დაპირისპირებულ მხარეს შორის ბატონ ასლან აბაშიძესთან წამოწყებულ დიალოგს (რომლის აუცილებლობას ოთხი წელიწადია თავგადაკლული ქოთქოთებს გური ოტობაია), იმთავითვე შედეგი არ მოჰყოლია ზოგიერთი უმწიფარი მინისტრის წამხედურებით, მაგრამ მკვდარი წერტილიდან დაძრულ საქმეს შეუძლებელია მორიგი შეხვედრების მოთხოვნილება არ წარმოეშვა. მოკლედ, ზეციური თუ მიწიერი ძალების შემწეობით ჩვენ მისდაუნებურად შევსულვართ სინთეზის ფაზაში.

ყოველ კუთხეს ჯაგარი აუშლია აფხაზეთის გადასარჩენად.

ბანკირები და ბიზნესმენები შეუნანებლად გაიღებენ უკანასკნელ დოლარებს.

მანდილოსანთა ათასეული (გურანდა გაბუნიას მეთაურობით), ფეხშიშველა მიემგზავრება ფრონტის წინა ხაზისკენ.

კაპიტულაციას მოითხოვს შევარდნაძისგან საკუთარი ერის დამაქცევარი არძინბა და წბილდება თარაშ ემხვარის სიტყვებით: **ჩვენ იმ გვარისანი ვართ, რომელთაც უკან დახევა არა სჩვეიათ.**

ამასობაში პრეზიდენტი გამსახურდიაც სამეგრელოშია ჩამოსული და მოსახლეობას აფხაზეთის დასაცავად მოუწოდებს. ბევრი რომ არ გავაგრძელოთ, საქართველო მთელი კაცობრიობის წინაშე წარსდგება სამართლიანი ქვეყნის იერსახით. მერამდენედ გაშიშვლდება იმპერიის აგრესიული, ცბიერი პროფილი. აფხაზეთში თავმოყრილი მძიმე საომარი ტექნიკის დემონტაჟი ქართველების მხრივ და ათასობით ლტოლვილის მობრუნება ივარქმნილ ოჯახებში, სეპარატისტ აფხაზებსა და მის დამქაშებს სოხუმის ვერაგული მოხელეების ილუზიას შეუქმნის, მაგრამ ქართველი რომ ყველგან ქართველია, დაავიწყდებათ.

არა გვყავს ასობით ნუკრი ცისკაძე და გურამ აღნიაშვილი, თუმცა საქართველო მაინც დგას და იდგება, სანამ დედაწულიანად უშველებელ სტალიონზე შეგვყრიდნენ... ყოველივე ზემოთქმულიდან ერთი მეტად ნიშანდობლივი შტრიხი იკვეთება: ბუნებრივია, პრეზიდენტ გამსახურდიას მომხრეებს გულზე არ ეხატებათ დღევანდელი ხელისუფლება და მისი პოლიტიკა, მაგრამ ისიც აშკარაზე აშკარაა, რომ აღარც იმდენად გაუწირავთ, კბილებამდე შეიარაღებულ დუშმანს ხელში შეატოვონ ეულად, უთვისტომოდ. ძმა მისთვისო, ამაზე ითქმის. ერთი გობიდან გაზიარებულ ლუკმას კი რა ფასიცა აქვს, მომავალი დაგვანახებს.

მწერალ გურამ პეტრიაშვილს აქვს ჩინებული ზღაპარი-ნოველა, რომელშიც ლაკონურადაა მოთხრობილი გიგანტური შადრევნის გამართვის ხათაბალანი, და როცა წამოამხოვნენ კიდეც ამ გოლიათს და მის ვეება ძარღვებში ჩქერალებს მიუშვებენ, დასიცხული ქალაქი უწყლოდ დარჩება. სულ მეშინოდა მსგავსი რამ არ გადაგვხდენოდა თავისუფლების გზაზე შემდგაროთ, ვინაიდან დაპირისპირებულ მხარეებს შორის გაჩაღებულ კონფრონტაციას ლამის არის გადაჰყვეს საფიცარი დედულ-მამული, თუმცა დღეს საერთო მტრის წინააღმდეგ მერამდენე შეკავშირება თვისებრივად ახალ პერსპექტივას გადაუშლის ჩვენს მერმისს. ამას ზედ ერთვის ანაკლიაში, ბატონების: ასლან აბაშიძის, ოთარ ფაცაცისა, ავთანდილ მარგიანის, ტარიელ გელანტიას, გურამ აბსანძისა და სხვათა, გაშლილ ზღვაზე ხელისმოწერით დადასტურებული შეთანხმება ერთობლივად მოქმედების თაობაზე, ასე რომ, უკიდურესად აფორიაქებულმა ლამის ვიბლავლო:

— ხალხნო, თავები მალლა! გადარჩენილია ჩვენი სამშობლო, ჩვენი ლარდა, ჩვენი დობადონა და ოდაბადე! სიხარულ-სინანულის ბევრი ცრემლი იქნება, სიმწრისაც, მაგრამ სიტყვაკაზმული მწერლობის მსახურებს, წესით ჰუმანიზმისთვის თავგამოდებულ ხალხს, ენაწაგდებულს თუ ბაგედადუმებულს, ისევ სანგარში მხარიმხარს მიყრდნობილი დაპირისპირებული ძალა გვიჩვენებს თანადგომის გასაოცარ მაგალითს!

ღიას! იქნება, ბევრი რამე იქნება დუნიაზე! შესაძლოა მხოლოდ ჩვენ ვერ მოვესწროთ ნეტარების იმ წუთებს, მაგრამ გია აბესაძის გვემული სხეული ხომ დაგვადგება თავზე სამშობლოს შეწირულთა ამალით?! იქ მერაბ კოსტავას ახოვანი ლანდიც შეგვიმყუდროვებს მერმე თითოეულს — გაგრის სტალიონის ზვარაკებს, ღვიძლის ხელით მოცელილებს თუ გუშინწინდელ თავდადებულ ოცეულს ქოველიძისას და მერიოხანად წოდებული ჩვენი საწუთრო დაემსგავსება ქვეყანას, სადაც უტყუარი მზებუდობა ისახება უეჭველად; სადაც ძველებურად წითლად ღუის ამირანის დაკორტნილი ღვიძლი; სადაც უშგულის კოშკები ზარბაზნის ლულეებივით ყალყზე შემდგარან საქართველოსთვის დაყრუებული სამყაროს მისამართით, მაგრამ განთიადს მაინც თავისი გააქვს, მონდომებით არღვევს მამულის თვალსაწიერზე ასვეტებულ წკვარამებს, და საბედნიეროდ ყოველივე, ისევ და ისევ აღმოსავლეთითაა.

დრამონის ნაღიმის თვე!

27 სექტემბერი...

სისხლი მოჟონავს გატეხილი პურიდან.

აფროდიტეს სინორჩით ქათქათებენ ზღვის ტალღებიდან ჩვენი დების და ასულების ნაჭიჯგნი სხეულები! სამუდამოდ დაფხრეწს გრიგალი ოცნების აფრას და ხბოს კუნტრუშს, ილუზიას, ველური ყმული დაეუფლება.

ჰოი, წმინდა გულუბრყვილობავ! შერიგების, ჰარმონიის გჯეროდა გური ოტობაია, ბალო! საყოველთაო სინთეზისთვის იღვწოდი და ეშმაკი ჭეშმარიტებისკენ სავალ გზებს მუხთლად აგიბურდავდა თურმე! ძმამ მერამდენედ უჩვენა ზურგი ბრძოლის ველზე დაკენტებულ ძმას. არადა, როგორ ელოდნენ დახმარებას?!

— აჰა, გადმოლახეს კოდორი!

— ეს-ეს არის მოვლენ!

— ცოტაც გაუძელოთ ბიჭებო, და გამარჯვება ჩვენიაო, — ამოშმინებდნენ მერამდენედ უთავო მეთაურები განწირულობას მიხვედრილ ლომგულ რიგითებს და მაინც პანიკა თავისას გაიტანს.

ყველა საკუთარი ოჯახის გადარჩენისთვის ჩალიჩობს, ყველა საკუთარ ტყავს წაეპოტინება, თავზარდაცემული გარბობს ნაალაფართო და უკვე აფხაზეთისთვის არავის სცხელა.

ვაი, სირცხვილო, საუკუნოვ! ხარხარებს ურჩხული, ჭეგე მისარონს კი ამირანის ჯაჭვი ადევს და არც მისი თეთრონი ჭიხვინებს სამზეოდან.

ფეიერვერკები აჩახახებს დაცემული ქალაქის ჩამოუკუნეთებულ ზეცას.

დედაწულიანად აყრილები მეგრდში მჭიდის ცემითა და ქვითინით დასტოვებენ ჯვარცმულ სოხუმს და ლტოლვილების უშველებელი მასა გოლგოთის გზას შეუდგება სვანეთისკენ.

მოგვიანებით ამ ხალხს საკუთარი მიზნებისთვის გამოიყენებს ზოგი. სამეგრელოს მისადგომებთან ჩასაფრებული მოპიკეტები იარაღის ჩაბარებას მოსთხოვენ მეომრებს და აქ გენერლობა საკუთარი ქურქის გადასარჩენად მეგრელებისგან დაყჩაღებით დააშინებს ისედაც თავგზაბნეულ მოსახლეობას. შორი სავალით შინ მშვიდობით მისვლას ურჩევს, თითქოს ეს „შინ“ სამეგრელოს არ ეხებოდეს, თითქოს ამ საეჭვო სამეგრელოში ასოცდაათი ათასი ლტოლვილი არ ბინადრობდეს სარდაფ-შუაცეცხლ-სხვენიანად.

არც ავსიტყვაობას დააკლებენ სადადიანოს აქამდეც ზომიერად ენაგესლიანი პიიტები. ხოლო შუბლისძარღვაწვეტილნი, „სამეგრელოს დედაქალაქისკენ“ მიაწავლიან ყველა მოლალატეს. ჰო და, დევნილი ადამიანების გოლიათი სხეულიც შეუყვება ძალად გამრუდებულ, ძალად გაჭიანურებულ გზა-სავალს სამშვიდობოსკენ, ასობით გათოშილი ჩვილის ფასად.

თავიდან აქლემის ტვირთით დაძრული ლტოლვილები ნელ-ნელა შეეღვევიან ტყვიასავით დამძიმებულ ნივთებს, დაამტკრევენ, ან ბენზინს გადაასხამენ და დაწვავენ. ასე განიავდება სახალხო დოვლათის ნაწილი. დანარჩენს — გალოკილი თითივით შთენილებს პირწმინდად წაჰგვრის „ლილეოს“ ტომის სახელით საგანგებოდ ჩამოხდომილი გარეწრობა და მაინც ბედნიერად ჩაადებს მერამდენედ წაკვეთილ თავს! მიდი და ამის შემდეგ, ლერმონტოვის სიტყვებს ნუ ერწმუნები! ამათ ძმადნაფიცვი ჯუმა ახუბა დამიხვრიტეს (სულიერად) იმათ — მეგობარი ჟიული შარტავა (ფიზიკურად), დრაკონს კი კვლავინდებურად შია და სწყურია აფხაზ-ქართველობა!

გიორგობისთვის პირველს დედაბულიანად აიყრება სამურზაყანოს მოსახლეობაც. გალში პრეზიდენტის მიტინგებით დამოშმინებული ხალხი ასოცი ასტრონომიული საათი საკუთარი ეზო-კარიდან ფეხს არ მოიცილის, მაგრამ შუალამე ატყდება განგაში და პერანგისამარა ჯამათი გავარდება ენგურისკენ.

პრეზიდენტის შეპირებანი, რომ აფხაზები სამურზაყანოში არ შემოვლენო, ყინულზე ამოქარგული აღმოჩნდება. ჩაესვენება ვარდისფერი სათვალის ხანა:

— ენგურამდო, — დააყრანტალებს თვალბგადმოქაჩული კაზაკი, — იქ უნდა დავლიო თავანკარა ღვინო — და გამსახურდია-მეგარდნაძის ჯიბრზე გადმოალაჯებს ლალიძგას, აისრულებს საუკუნის საწადელს.

უპატრონოდ ჩარჩება მამაჩემის საფლავი ოტობაიაში. ვისაც ტრაქტორი ჰყავს სართულებად აჰკიდებს ადგილიდან ძვრადს. ურმისა და საზიდრის ჭალებზე თავდაღმა ჩამოაკონწიალებენ გადაბარულ, აკრიახებულ ქათმებს, აყაყნებულ ბატებს, აპლოპინებულ ინდაურებს. უბენზინო ავტომობილებს გა-

მოაბამენ იმ ტრაქტორებს, ან გამოაგორებენ ხელით და ძალადდაქვრივებული მამლების ყვილს შერჩება ძირძველი სამურზაყანო.

სისხლგამშრალი საზოგადოება დაუტევებს ფარღალა ჭიშკრებს, აუღებელ სიმინდის ყანებს, მობუზულ ეზოებს. ველარ წაუკიდებენ ცეცხლს წლობით ნაჯაფარ, გამოგლოვილ სახლებს — ოდესმე უკან მობრუნების იმედი ბჟუტავდა და ბჟუტავს დღესაც. ზოგი ფეხს აითრევს, აფხაზი რას დამაკლებსო, დაიტრაბახებს; ველარ დაუჭერებია ადამიანისგან ესოდენი გულმხეცობა. ბევრი მათგანი დახვრეტილია უკვე და საერთაშორისო სამართლისთვის სამხილის მოსპობის მიზნით, დახანძრულია საკუთარ სარჩო-საბადებელთან ერთად, ან თვინიერად ახლაც აგროვებს ლიმონს, მანდარინს და კარალიოკს აფხაზთა ნალიებისათვის.

ცერზე დგას გასაქცევად ერთადერთი ბარის სოფელი აფხაზეთის ტერიტორიაზე — განმუხური, რომელსაც ნარდში მოუგებს დადიანი საუკუნის წინათ მურზაყან შარვაშიძეს და ზუგდიდს ეკუთვნის დღემდე, მაგრამ ძაღლის ძვლის კამათლების იგავს დაგიდევს რამედ აფხაზთა დაქირავებული ძაღლთავე რუს-ჩეჩენ-კაზაკობა და ჩემს სანაქებო ოტობაიას, ალბათ, სხვა სახელს მოაზომავენ პირსისხლიანი ნათლიმამებო, იმის იმედით, ჩემს ფსევდონიმშილა ისულდგმულს ჟამიერ.

მოკლედ, არძინბასგან გონებაარეული ლორიკ მარშანიას ერი ბელზებელს მიჰყიდის სულს, ზურგს შეაქცევს მორღუობის წმიდათა წმიდა საუნჯეს, ათიათასწილად გადაუხდინან „მეგრელებს“ საქართველოს ერთიანობისთვის მკერდში მჭიდის ცემას ღალიძგასთან, მაგრამ მშვიდობიანი ქართველობის მიმართ გაუგონარი სისასტიკის გამო რა სიკეთესაც მოიხვეჭს ხვალ-ზეგ, ნახავს მთელი მსოფლიო. განა შემთხვევით აკერია ახლა ყველას პირზე პარტიზანული ომი?! სეპარატისტი აფხაზები და მათი დამქაშების ხროვა სულ მალე იხილავენ თუ როგორია სასაკლავო მოწყობა სტადიონებზე. აღდგომა და ხვალეო. მალე იმასაც შევიტყობთ, ალბათ, მშვიდად რაფერ დაიძინებენ ისინი ფუმფუმულა ბალიშებზე, როგორ მომკიან ყანას, ან რანაირი გულდინჯობით გამართავენ ქორწილს თუ ქელეხს!

მე, როგორც მოქალაქეს და მემატინანეს, აქამდეც არ გამძნელებია ამ არნახული ტრაგედიის მთავარი თუ მეორეხარისხოვანი „გმირების“ მხილება, მაგრამ ერთხელაც თავს მალა ვწევ ცოდვათა მიმტევებლის იერით და დინების წინააღმდეგ მიმავალი მეთასვედ შევძახებ:

— ჰეი, თქვენ, მამულისათვის ზეზეურად დაფერფლილნო თუ ცეცხლის წამკიდებელნო ჭერხოთათვის და ნაცრისშემყრელნო თვალში! ჰეი, თქვენ, კურდღლებივით ოტებულნო თუ გასალკლდევებულნო ტყვიების წვიმაში! ჰეი, თქვენ, კრწანისელებო თუ ბაზალეთისანნო, ამირანისა და ნაცარქექიას მოდგმავ! ჰეი, თქვენ, ამერნო და იმერნო, ზედმეტად გულგრილნო თუ თავგამოდებულნო ერთდროულად, მაინც ფერი ფერისანნო და ხორცი ხორცისავ, ყველანი ა ქარა-საკენ-მეთქი, ჩვენი ბედისწერისაკენ, ბატონ ასლან აბაშიძისკენ-მეთქი, შეწვეტილი დიალოგის გასაახლებლად.

ვერაფერი ნუგეშია პრეზიდენტს დაფორაჯებული მუნდირი თუ ჩაუცვამს და **„დრანგ ნახტიფლისენო“** მოუწოდებს მრევლს. აკი, ბრძოლის მშვიდობიანი ფორმებით ვაპირებდით სკიპტრა-გვირგვინის დაბრუნებას?! მოაცებს პოლიტიკოსთა ფენომენი. რა იოლია მათთვის რუბიკონის გადალახვა, გორდიას ნასკვის გახსნა, ჰიროსიმასა და ნაგასაკის გადახაზვა, გადადგომა-გადმოდგომები, ქარს გატანებული სიტყვების გამოდევნება?!

თავის დროზე ჩვენ ნონსენსად მივიჩნევთ მომხრეთა ძიებას ქალაქის უბნებისა და ქუჩების მიხედვით. ვირწმუნებთ, რომ პოლიტიკა მოზარდთა შორის ტყავის ბურთის ჩემპიონატი როდია, მაგრამ არანაკლები ცდომილებაა უთუოდ საქართველოს ხსნა-გადარჩენად თბილისის გამოცხადება, თუმცა ჯანდაბას ყოველივე! მთავარია ხელს ნუ ვკრავთ კონფრონტაციის პოლიტიკური გზით მოგვარების შესაძლებლობას; ნუ მოვნათლავთ ამ ღონისძიებას მოწინააღმდეგის წისქვილზე წყლის დასხმად.

სამაჩაბლოსა და აფხაზეთის უთანასწორო ბრძოლებს ღვთის განგებით გადარჩენილ ჩვენს საჯიშე ბიჭებს ნუ დავაყენებთ პირისპირ. ღირსებით შემკულმა ადამიანმა საკუთარ ძალაუფლებას არ უნდა უმსხვერპლოს ერის მომავალი! აკრძალული იღეთებით ხელისუფლებაში მოკალათებას თუ მობრუნებას შეაჩვენებს ოდესმე სამშობლო! მანამდე კი ორი ჯიუტი ყოჩის იგავს დამსგავსებია ჩვენი მამულის ბედ-იღბალი: ისედაც ფრთაშეჭრილი, ახლა მთლად შუაზე გახლჩის რეალობის წინაშე დგას. გონს თუ არ მოვეგებით, დასავლეთ საქართველო მოსწყდება მის ორგანულ ნაწილს — აღმოსავლეთს და უნდობლობა-სიძულვილის ზვავე ჩამოწვება რიკოთზე წლობით, ვიდრე ახალ გმირს წარმოშობდეს ყელში ლუკმაგაჩხერილი საქართველოს წიაღი, დავით აღმაშენებლის მაგვარს, რომლის მსგავსი ამჟამად სკოლის მერხს უცილობლად გამოიმცდარა.. ამიტომაც დღეს გამოჩნდება ცხადლივ ქვეყნის მერმისი გულთან ახლოს ვისაც მიუტანია — კავკასიური პოლიგონის წრეში შეგდებულ თვისტომს რომელი არ გაიმეტებს, არათუ შუაზე გასაგლეჯად, არამედ — გასაყუყუად საერთოდ.

შეჩერდით! დაე, პატროფილურმა გრძობამ გადასძალოს პატივმოყვარეობა ჩვენი!

შეჩერდით! წინ რუბიკონია — ერის ყოფნა-არყოფნის ზღვარი და მისი გადალახვა არავის ეპატიება, არც პრეზიდენტს ინტერნაციონალური ლაშქრითურთ და აღარც სახელმწიფოს მეთაურს — ადგილობრივ ურდოებიანად.

შეჩერდით-მეთქი, სანამ კიდევ შეიძლება საქართველოს შველა! აჭარისაკენ, ასლან აბაშიძისაკენ იბრუნეთ ყველამ პირი! იქ უთვალავი მაგიდაა, მრგვალიც, მართკუთხადაც. კეთილი ინებეთ, ამოირჩიეთ, მიუსხედით და თქვენი აწეწილი საქმეები თქვენვე მოაგვარეთ! დანარჩენს კი, გატოლვილებულ და გაღლეტილ მასას, გვაცალეთ ლუკმის ლოდნაში მარაზმით სიკვდილი!

სინთეზი, გლობალური სინთეზი! ფილიანქაინთ — მრავალერ- თიანობა! კენტავრასტიკა — შეუთავსებლის შეთავსება! აი, ჩვენი ერთადერთი ხსნა-მეთქი, ვკიოდი და ვკივი კვლავაც ხმის ჩახლეჩვამდე, კარზემომდგარი საერთო განსაცდელით ჯიგარშეტრიალებული.

სინთეზი-მეთქი, არადა, ახია აკაკის გაასკაცებული სიტყვები დამსახურებულად აგვეტვიროს საუკუნო სასჯელად!

სახელდახელო პასუხი ბაზემ „ფენომენის“ პრეზენტო კითხვაზე

ამა უსტარს დიდხანს ვაწანწალებ რედაქციების კარდაკარ, მაგრამ დღის სინათლეს ველარაფრით ვაღირსებ. ჩანს, ჩემი შეგონება პილპილმოყრილი მადლია, როგორც მრგვალებისათვის, ისე — იმეღელთათვის.

ამას წინათ „ფენომენის“ რედაქტორი (გიგლა გობეჩია) მთხოვს ოპერატიულად ვუპასუხო ანკეტის ერთადერთ კითხვას: „**მოსალოდნელია თუ არა საქართველოში სამოქალაქო ომი?**!“ დავალება დროულად შევუსრულებ მეგობარს, მაგრამ მოვლენები აქაც დამასწრებს და სავალალოდ კვლავაც — ჩემი პროგნოზების საწინააღმდეგოდ:

სამოქალაქო ომს ყველგან, ყოველ დროში — საფრანგეთშიც, ამერიკაშიც, რუსეთშიც ძირითადად ერთი მიზეზი აჩაღებდა — სოციალური უთანასწორობა. აბა, ეთნიკური გონებაშეზღუდულობას ჩვენ მეცხრამეტე საუკუნის მიწურულისათვის დავძლიევთ. ფეოდალიზმის პარტიკულარული ხანა ერთხელ და სამუდამოდ ჩაესვენება თითქოს. ამიტომაც ვიწოდებით დღეს ქართველ ერად და არა კუთხეების: ქართლ-კახეთ-იმერეთ-გურია-სამეგრელო-სვანეთის... მათემატიკურ ჯამად. რაც შეეხება სოციალურ საფუძველს, მართალია, დღევანდელ საქართველოში, როგორც არასდროს, გვიჭირს, შიმშილის წკიპზეა მიწვეტილი მოსახლეობის ძირითადი ფენა; ნახევარი მილიონი ადამიანი ძალით მოშორებია მშობლიურ კერას, მაგრამ რადგანაც მათ გააჩნიათ საარსებო მინიმუმი, და ნერჩის — ფუძის ანგელოზის რედუქციის ბუნდოვანი პერსპექტივა, საქართველოში შინაგანი წინააღმდეგობა თუკი არსებობს — უწინარესად კლანსა და მასას შორის, ჭუჭყიან ბიზნესსა და უმწეო ჯამაგირს შორის, რაც სამოქალაქო ომის საფუძვლად ნაკლებად გამოდგება ოქტომბრის რევოლუციის საბედისწერო შედეგების გათვალისწინებით.

ჩვენში იუგოსლავიისაგან გამორჩევით არც რელიგიური ვენდეტაა ნოციერნიადგინანი. ქართველი თავისი ბუნებით აღმსარებელია, ყოველი საარწმუნოების შემწყნარებელი, რის დასტურადაც ძველი თბილისის ხელისგულისოდენა ტერიტორიაზე აზიდული მეჩეთი და სინაგოგა იკმარებს მართლმადიდებლური, სომხური თუ კათოლიკური ეკლესიების მეზობლობაში. მოკლედ, არესს აქაც მოცარვია ხელი.

ქართველი არც გამოკვეთილი ქრისტიანი ყოფილა ოდესმე. იგი წმინდა გიორგისა და იესოს შუა მერყობდა გამუდმებით და აქედან გამომდინარე, აღარც ათეისტური იდელებისათვის დამშვრალა მანცდამანც.

სამოქალაქო ომისათვის ჰუმუსს ვერც ცალსახად დასმული საკითხის — საქართველოს თავისუფლების სხვადასხვანაირი გადაწყვეტა — გაამართლებს ჩვენში. „ესენგეს“ არც ესენი მიაყრდნობდნენ თავს (გარეგნულად, ამტკიცებენ ავი ენები. არ დასცალდათ თორემ უკიდურეს წამს თანახმა იყვნენ სამოკავშირეო ხელშეკრულებაზეო, გაიძახიან), და აღარც ისინი უტალახანებენ კარს ჯერჯერობით, (პარლამენტის სპიკერის კაპიტულანტური კალიგრაფია, შესაძლოა ხვალისათვის უფრო სადაგი ბორკილის უვერტიურად მოგვევლინოს).

კერძო საკუთრებას, საბაზრო ურთიერთობას, მოკურ თერაპიას, რაც ბოლოს და ბოლოს ძალადობის დაკანონებაა, მრგვალმაგიდელებიც აღიარებდნენ და პროკომუნისტებიც.

უნიჭობები არც იმათ კლებიათ და ამათაც მოეძევებათ საკმარისზე მეტად. ქრთამს პრეფექტებიც იჯიბავდნენ სინდისის უქეჭნავად და მამა აბრამის ბატკნებად აღარც გამგებლები გამოგვადგებიან.

მაშ, სად არის უთანხმოება?! კარდინალური განსხვავება კავკასიური ოჯახის პრინციპსა და ევროპული სახლის აშენებას შორისაა საძებარი უცილობლად. პირველი (გნებავთ ფორმალურად) უარყოფს დამოუკიდებელ სახელმწიფოთა თანამეგობრობას, როცა მეორე (უკვე უცერემონიოდ) თანდათან მიჩოჩავს მისკენ.

დასასრულ, გენეტიკური კოდი — ვახუშტი ბატონიშვილისაგან კონგენიალურად შენიშნული ჩვენი კლასიკური გაორება და ყველაფერთან ერთად მარადუკურნელი სენი ქართლოსიანთა — ერთი ქარქაში და ორი ხმალი!

მაშ, როგორ უნდა დასთმოს კავკასიური ოჯახისა და ევროპული სახლის იდეამ წინააღმდეგობის კრამერისეული ბორკილი და რანაირად შეიკრას თანამშრომლობის სტენლისეული ხუნდებიოთ?!

სმოკინგითა და ჩოხა-ახალუხით ერთდროულად ვერ შეიმოსები, მაგრამ დილემა-ალტერნატივას გაგებით თუ მივუდგებით, თითოეულს განესაზღვრება მოქმედების ადეკვატური დრო და სივრცე, ვინაიდან ზოგადკაცობრიულსა და ეროვნულს შორის ანტაგონიზმისათვის ადგილი უნაყოფოა, ოდეს ორივე ჭეშმარიტის გადასახედიდან მეტყველებს.

სინთეზური აზროვნება ეპოქალური აღმოჩენების აღმა მატერია — მაწოვარი დედა. ასეთ გრანდიოზულ გამონათებებს თითზე თუ ჩამოითვლის კაცობრიობა. ცივილიზაციები ევოლუციურად, მომქანცველი სპირალური თანდათანობით — ცოტა წინწაწევითა და ნაკლები უკანდახევით — აღწევენ ხოლმე სასურველ შედეგს.

წამახული ქვის შეკავშირება გაჩორკნილ ჯოხთან ფრენის უნარს მიანიჭებს ჰოროლს და ადამიანიც შუბივით გაიმართება წელში.

ადამიანი! ამაყად ჟღერს სიტყვა ესე, განსაკუთრებით მისი საგმირო და ალტრუისტული საქმეების წარმოსახვისას, მაგრამ საკმარისია კაენის ღრუბელი ჩამოწვეს საუბარში, რომ თავს უნებლიეთ ჩავეჩინდრავთ.

უკვდავი ჰიმნების სათავე ჰომეროსიც კი მილიარდი ბაქტერიით მორყული ბერიკაცია, რომელიც ჩვეულებრივ სვამს და ჭამს, იქეჩავს სპეტაკ წვერს, მალიმალ მიაკითხავს ერთ ადგილს, სადაც ხელმწიფენიც საკუთარი ფეხით ვლიან.

დიახ, უფლისეულს და ცხოველურს აერთებს თავისთავში ადამიანი და უძლეველიც ამითაა.

არა კავკასიური ოჯახი ცალკე, ან ევროპული სახლი განკერძობებით, არამედ — ერთისა და მეორის გავლით მსოფლიო საცხოვრისისაკენ, ანუ ეროვნული თვითმყოფადობის მძლავრი მოთხოვნით ზოგადკაცობრიული იდეალებისაკენ, რის ნიმუშადაც გამოდგება მეოცე საუკუნის მონაპოვარი იაპონია.

ქვეყნიერებაც რომ დაიქცეს, მართლმსაჯულება უნდა აღსრულდესო, ბრძანებენ ლათინები და ყველაზე სწორი ნაბიჯი, იქნებ კანონიერი ხელისუფლების აღდგენაა ჩვენში, პატივყარილი სამართლიანობის საზეიმოდ, მაგრამ დღევანდელი მმართველობა უსაფუძვლოდ როდი შიშობს მოპირდაპირე ძალის რევანშიზმს, რომ ამბოხების ბევრ მონაწილეს და თანამზრახველს თავებს გადაბალთავენ.

აქვე დასავლეთ საქართველოში, ანუ ცხენისწყალს გაღმა, როგორი ეპითეტიცა მიმართავს სამეგრელოს ზოგი ბელეტრისტ-პარლამენტარი, პრეზიდენტის მომხრეთა გააქტიურება, მრავალ ოპონენტს დასვამს საბრალდებო სკამზე დედაქალაქში, ჯერჯერობით გამოკვეთილ „ზვიადისტს“, მაგრამ ჩემამდე მოღწეული ხმების თანახმად, რეპრესიების მასშტაბი მომავალში პირდაპირპროპორციულად შეეფარდება პრეზიდენტის ერთგულთა საომარ ქმედებებს. მეტად შეჭირვებულობის ჟამს გამსახურდიას არესის მანტიით ჩამოსვლა საქართველოში ან საზოგადოება „თბილისელის“ წასისინებით ერთხელ არჩეული „დემოკრატიული“ კურსის გამძაფრება ქვეყნის მეთაურის მხრივ, უკიდურესად ძაბავს ისედაც აწეწილ სოციალურ-პოლიტიკურ ვითარებას და ხელაღებით გვაფიქრებინებს: სამოქალაქო ომის ალბათობა ორად-ორ პიროვნებამდე დაიყვანება. ჩვენ კი ყველაფრის გათვალისწინებით, ვასაბუთებდით და ვადანტურებთ კვლავაც, რომ კონფრონტაციის შემდგომი ესკალაცია უაზრობაა, რასაც სამაჩაბლო-აფხაზეთის ომში წვნიული ფიასკოც დაგვიმტკიცებს. ესეც რომ არა, მამა-პაპათა საფლავების მიმტაცებლებს ხომ უნდა გავცეთ საკადრისი პასუხი ოდესმე, თუ ის ტერიტორიები ჩვენი სავარძლების ურყობის ზვარაკია აწ და მარადის?! ხსნა ყველგან არის. ასეთ ხსნად გლობალური სინთეზი წარმომესახება — შეუთავსებლის

შეთავსება! ზემოთ ხსენებულ ძალებს ცალ-ცალკე ქვეყნის მართვა უჭირდათ და გაუჭირდებოდათ მომავალშიც, რადგანაც ერთის აღმა ხნულს, დაღმა ფარცხავს მეორე. ამ ეტაპზე ჩვენ გვჭირდება კოალიციური მთავრობა, რომელშიც გაერთიანებული დაპირისპირებული მხარეები ერთდროულად ანგარიშვალდებულნი იქნებიან სახელმწიფოს ბედ-იღბალზე. არადა, ფეთქდება ხიდი, რკინიგზა, დამნაშავე კი ვერ მოგვიხელთებია. ხან ყოფილ ხელისუფლებას ბრალდება დივერსია, ხანაც — დღევანდელს. ამასობაში კი ქვეყანა დაიქცა. ჩვენ, დიხაც, გვჭირდება მმართველობის ისეთი მექანიზმი, რომელიც თანაბრად პასუხისმგებელს გაგვხდის ერის წინაშე ხიდზეც, რკინიგზაზეც და ბევრ სხვა რამეზეც.

დუალისტობა დღეს „სკრიტი ზვიადისტის“ სახელითაა მონათლული, მაგრამ რადგანაც სხვა გამოსავალიც მომსპარა, მიმაჩნია: **ყოფილი მთავრობის სანგეინიკურ პათოსს ორგანულად უნდა შეერწყას ახლანდელი ხელისუფლების მექანიკური მოწყობის წინდახედულება, გნებავთ ცბიერი გეზი ქვეყნის სახელმწიფოებრივი მოწყობის საქმიანობაში** და კიდევ ერთიც: დაპირისპირებულ მხარეთა შორის ასლან აბაშიძესთან წამოწყებულმა საუბრებმა, შეუძლებელია არ წარმოშვას მორიგი შეხვედრის აუცილებლობა.

დღეს დამე უთენებიაო, გვინ უგეშებია თავი ასკეცი წყვდიადით გარემოსილებს — გესერელებს და ქვიტიკრად ვქცეულვართ ჭირსა შიგან, და რადგანაც ჯერ არ დამდგარა ხმლების ქარქაშში ჩაგების დრო, ჯერ ორივე მკლავით ბრძოლა გემართებს თავგასული დუშმანის წინააღმდეგ — სახვალის ორომტრიალი გვანახებს რომელია უფრო ბასრი და ვადასანდო.

დასასრულ, მაინცდამაინც თუ ის ერთადერთ ქარქაშს ამოიჩემებს რომელიმე, ცოტაა განა ხალიჩები მამაპაპური აბჯრის გამოსაჩინად?!

გიორგი კლევამოსილი

გაივლიან წლები, ჩაიხრიგინებს ეს ქანგიანი შემადგენლობა, ჩვენეული ყოველდღიურობა რომ ჰქვია სახელად; ყოველდღიურობა, რომელიც თავს „გამოიჩენს“ ძმათამკვლელ ომში. მშვიდობიან მოსახლეობას ტროტუარებზე ჩამოსხამს მრავლად თვალბეზელ მანდილჩამოფარებულს თუ ქუდჩამოფხატულს, გათოშილი ხელებით.

ეჰ, ჩაიხრიგინებს გაპრიანებული ბორბლებითა და მთელი ალიანჩალიანით. მერე მოვა ყველაფერის წამლეკავი ნიაღვარი, ვინემ ახლა დაუსაკუთრებია. ბევრი ღმერთის ხელმარჯნივ დაივანებს სიღინჯით და უამრავიც — ხელმარცხნივ ქერქეტობით; უმეტესობა მთლად ჰადესის შუალა ფენებში თავდაყირა ჩაეყუდება, მაგრამ საქართველო დარჩება ნიკოფსიიდან დარუბანდამდე, კავკასიონის უღელტეხილიდან სამხრეთით ლომისფერ ორწოხებამდე, იმის მიღმაც, მრავალს უსამართლოდ რომ მიუტაცია გუშინწინისწინ თუ გუშინ; ავგიას თავლებად გადაუქცევია სისხლით გაჭერებული ჩვენი ეკლესია-მონასტრები, თუმცა საქართველო იმზეგ-რძელებს, როგორც სრულიად ოდაბადეს სიმბოლო, მაკეტი, მიკრომოდელი — სუფევის თავიდათავი რომაა დასაბამიდან.

საქართველო იმარადისებს, როგორც ჰუმანიზმის ტაძარი, სადაც სამშობლოსათვის თავ დადებულ კანონიერების ერთგულ ვაჟკაცებს ბანდიტებს ეძახიან დღეს მავანნი, თუმცა ხვალ-ზეგ სხივმოსილ რაინდებად წარმოსდგება ისინი მერმისის წინაშე, ვითარცა ქაქუცა ჩოლოყაშვილის თანამებრძოლი მოყმენი; სამაგიეროდ ალიხანოვ-ავარსკისა და ომერ-ფაშას ლაშქრობათა რიგს წარემატება მავანთა მძვინვარებანი სამეგრელოში, მეგრელების, ამ ნამდვილქართველების კარდაკარ. სანაცვლოდ აღარც ლევილისა და კრემლის ქავისკარს გაახარებს ქეთელაურისებურად მკლავი ვინმე ზეზეურად ჯვარცმულისა. მისი სული, გული და გონება კავკასიის ცივილიზაციაში მკვიდრობს, იწვის, იხარშება და აღარასდროს გარდაიქცევა უსამართლო გარესკენელში, გაჭირვებულთათვის ძალისძალად დაყრუებულ და დაბრმავებულ სამყაროში, ცივილიზებულ მსოფლიოდ რომ შეგვირაცხავს რატომღაც.

და რადგანაც მკითხველს უშეღავათო მართლმსაჯულებას შევპირებებივარ ერთხელ, აწი პოზიციას ვერაფერი დამათმობინებს, თუნდაც რომ ძელზე გამსვან. და რადგანაც აქა-იქ მერყევ, რაგინდარა გულადი ფეტელავას, საუკუნოდ თრგუნავს უზენაესი გური ოტობაია, იზეიმე სიტყვავ, მართალო!

ქვემოდანაა ეს, ზემოდან თუ გვერდებიდან, დაემხოვა საბჭოეთი. წმინდა გიორგი უმარჯვებს შუბს შხამისმფრქვეველ ურჩხულს, თუმცა სავალალოდ — სასიკვდილოდ ვერა! გველუშაპი გაიკლაკნება, დაიგრაგნება, მოიქნევს კუდს და მირეჯგვ-მორეჯგავს ყარაბაღს, სამაჩაბლოს, აფხაზეთს, ეთნოკონფლიქტებით დანადმულ შუა აზიას.

იმპერია შფოთავს, იმპერია ბობოქრობს. ხავერდოვან ზღვისპირეთში ნანებვიკრები თქმები გაეთოშებათ გენერლის ცოლებს. გენერლის ბაბაიაგები აღვირს დაუმოკლებენ თავიანთ იაბო-მარჩინალებს და აბობოქრდება მრავალთავიანი დრაკონი — ჰომო სოვიეტიკუსი. ურჩხულის ევროპიდან უკანდახევა, შეკუმშვა მისი, „უფრო საშინელსა და სასოწარმკვეთ ახალ ნახტომს მოასწავებს, ან მსოფლიო, (რომელსაც ტონს აძლევს ამერიკა), შეეგუოს უნდა ამ ველური ძალის თავნებობას დედამიწის ერთ მეექვსედ ნაწილში, ხოლო ხუთი მეექვსედი — დანარჩენი ქვეყნიერება ხომ თავად გახლავთ ძალადობისა და ცრუ დემოკრატიის ბაირახტარი — ყვითელი ეშმაკის მონაა და მისი იდეალები პატიოსანი ადამიანისათვის შექარმოყრილ გესლს მისმგავსებია.

მოკლედ, თავისუფლების მაძიებელი საქართველოსნაირი ასობით ერის თვალწინ პლანეტა დანაწილდება რაღაც გლობალური გარიგებით. პროსაბჭოური შეკუმშული იქედნე კი დემოკრატიის სმოკინგს მხრებზე მოისადაგებს, ბაფთასაც გაშანსავს რომელიმე გარდერობიდან, შლაპასაც მოირგებს ქეციან კინკრიხოზე და სპილოს ძვლის ხელჯოხის ბაკაბუკით დაუყვება მისმიერვე სისხლით მოლიპულ ტროტუარებს.

მებადება კითხვა — კი, მაგრამ იმ წარღვნის, იმ საყოველთაო განაცარტუტების ჟამს, ყურძნის დამწურავი და ღვინის წრუპვისაგან უბეებშიშუბებული ნოე, ინებებდა ვითომ მტრედის მაგივრად ყორნის მოტანილ ზეთისხილის რტოს?! ან ეს უკვდავი ტოტი გამოგვადგებოდა კი საუკუნო მშვიდობის სიმბოლოდ?! მეფისტოფელის მოხვეჭილი სიკეთე ნაღველჩაწურული შარბათია უეჭველი! დიახ, ქვიშით გახეხილი ყორნების მშვიდობას ვიმიტო დღეს ჩვენ! შევიწროვდება სატანის ქმედების არე, მაგრამ გაძლიერდება მისი გესლი და სამსალა შედარებით შეზღუდულ სამკვიდრობელში.

სასაცილოა, როცა ვინმე გრაჰოვის ნაბახუსევზე დახეთქებული ფრაზები გვიკვირს: **ოსეთშიც, აფხაზეთშიც და აჭარაშიც რუსეთის ხახიცოცხლო ინტერესებია!**

ევროპის განთავისუფლებით, ბერლინის კედლის დანგრევით, ვაგლახ, რომ ჩვენი ბორკილები გაგვიჯანსაღებია. რომელ „კავკასიურ ოჯახსა“ ან „ევროპულ სახლზე“ საუბარია, როდესაც დღისით, მზისით, ფურივით მეწველ მსოფლიოს, ზეზეურად დაიტაცებს ექვსასამდე მილიარდერის უძლები მადა?!

აქ საქართველოსნაირთა კვნესა ოკეანეს მეხთატეხაში ნიჟარის წკმუტუნის ტოლფასია მარტო-ოდენ, რომელიც სილიან ნაპირზე გამოურიყავს დიდ ღელვებს და ქვიშით ამოვსებია მიუსაფარი სული. დიახ, ამაზრზენია სურათი ესე, მაგრამ ევროპის ქვეყნიებიდან რუსული ბრჭყალების გამო-რიდებით ამგვარი რეალობა გვეყისმათება ყველას. ეს ეკლები მკვიდრად ბუდობენ ჩვენს სულებში კვლავაც. განტევების ვაცად მონათლულ გოგუაძის კაბალურ ხელშეკრულებას რუსეთთან სოჭში, ფაქტობრივად კი ნებაყოფლობითი დამონების პრელუდიას, ცხადია, კაპიტულაციის გამოცხადება სჯობს, რათა შთამომავლობას სამერმისოდ მაინც დარჩეს პოლიტიკური ბრძოლის სამართლებრივი ბერკე-ტები, თუმცა გიორგი ძღევამოსილად გარდაქმნილი ერთპიროვნულად გარდაწყვეტს ქართლის ბედის და ეჭვგარეშეა, მომავალშიც უთვალავჯერ მოვიმკით ჩრდილოეთიდან ამოსული მზეების სილბოს და არაერთი თაობა გააღმასდება მათ გაცამტვერებამდე.

შესაძლოა პრეზიდენტი გამსახურდია მოუქნელად, დონკიხოტურად ებრძვის ამ ურჩხულს რუსეთუმეთა განსხვავებით და ძალთა შორის კოლოსალური სხვაობის გამო, ჩანასახშივე განწირულია კავკასიური რასისთვის თავდადება ესე, მაგრამ არათუ დასაფასებელი, სათაყვანებელიცაა ეს უთანასწორო მარათონული ჭიდილი, ხიდად რომ გამოადგება შთამომავლობას, თუმცა როდესაც საქართველოს სადღეისო ვითარებას ვუკვირდები, გული მიკვდება პირდაპირ, რამეთუ ქართლოსიანთა ბუნებაში მიჩქმალული მანკიერებანი იმზომამდე ამოტივტივებული, შეუძლებელია საკუთარი თავიც კი არ ჩაწიხლო დაუნდობლად!

მიდინარ ქუჩაში და ხაკისფერი მუნდირის ზეიშია ირგვლივ: ურჩხულისფერი დაპატრონებია ყველას და ყველაფერს. დრაკონისფერი სამოსლით თავმომწონეობენ ბიჭბუჭები და მოტეხილ ფრთასავით მიათრევენ ავტომატებს. ჯიბეები... ჯიბეები ყოველ მტკაველზე, ყოველ გოგზე, ილიასა თუ ხვანჯართან. ჯიბეების ჯგრო, ჯიბეების ჯოგი მშობელი ხალხისთვის წართმეულის მოსაყუჩებლად.

წვერს იგრძელებენ ღვთის მსახურსავით, მკერდზე ჯვრები უელავთ, და ბიწიერების მორევში ყურყუმელაობენ. ბაზარში შეივლიან და უბოდიშოდ ააწაპნიან გლეხკაცს ჩურჩხელა-მანდარინს, ბურვაკის ბარკალს თუ მსუქან დედალს. თანაც **დედისერთანი ვართო**, აუჩემებიათ.

— ჩვენ დედისერთანი რომ ვიბრძოდით, სად მალავდით თქვენს ხუთ-ექვს შვილსო, — იღორბლებიან. მათ არ ანაღვლებთ ვის აღმოსაფხვრელადაა წამოწყებული ეს ომი. აქვე საზოგადოების არანაკლებ მყვლეფელ გადამყიდველებს, ხან შამპანურის ბოთლს ააციცლავენ და ხანაც — კონი-

აკს თუ იმპორტულ სიგარეტს. აქა-იქ ორმოცჯერ გაიაფებული კუპონის დასტას წაგლეჯენ ხელიდან სოკოსავით მომრავლებულ მიკირტუმ-გასპარიჩებსა და ეროვნულ რასტინიაკებს. მოდიან ჭგუფ-ჭგუფად, რადგან სიმრავლე, უსაფრთხოების გარანტიაა. ალკოპოლისგან თუ ნარკოტიკებისაგან არეული სახე წაუგრძელდება პროტესტის ჟამს. კისრის ძარღვები დაებერებათ. მზად არიან ყელში გეტაკონ და ტოტიასავით წამში მოგაშთონ.

ჭეშმარიტი გვარდიელები კი, ტყვიების წვიმას უყოყმანოდ რომ ეგებებოდნენ მეხამრიდად, საკუთარ თავთან განმარტოებულები, ფიქრობენ, ფიქრობენ... მოუსვენარია მათი ლოგინი. ეკლიანია მათი ძილი, მაგრამ ადრე თუ გვიან ისინი უთუოდ მოუძებნიან სწორ პასუხს ცხოვრებისგან მიერ მოზღვავებულ კითხვებს.

ხელისუფლება, როგორც მოსალოდნელი იყო, ჯერ კიდევ როდის, პრეზიდენტის დამხობის აქტიურ თუ პასიურ მონაწილეს, წკიპურტებით ჩამოყრის სავარძლებიდან. დღეს ისინი ზვიადსა და შევარდნაძეს შუა ღამურებივით ჩამოკონწიალებულან საქართველოს დამდაბლებულ ცაზე და შარშანწინდელი თოვლივით დავიწყებას მიეცემიან მალეღვე.

საგანგებო ვითარების მოტივაციით (ზვიადიშმის ამოშანთვის საბაბით), ორი თვით დაუმოკლდება სადავე პარლამენტს, (თუ საერთოდ არ დაითხოვეს მომავალ არჩევნებამდე). ბედი სწყალობთ ნახევარყბით მოლაყბე ექსფუნქციონრებს — თავის წამოყოფას რომ გაბედავენ ამას წინათ და ცხრა აპრილთან დაკავშირებით სენსაციურ მონოლოგს შეპპირდებიან ტელევიზორს მიჯაჭვულ ხალხს: ბოლოს და ბოლოს იტყვიან, თუ ტრაგედიის წინაღულს იმ დასაწვავ თვითმფრინავში ვინ იჯდა; იტყვიან რა ფერის კოსტუმი ეცვა, როგორი ვარცხნილობა ჰქონდა, და ა.შ. მაგრამ ბიბლიური ამბორი იგვიანებს.

სულ ერთი შტრიხიც საკმარისია, ბედნიერო, თუმცა სული ჯოჯოხეთია, შიში — უკიდევანო, განსაკუთრებით ისეთი კაცისათვის, ვინც უმიზანოა, ვისაც ცეცხლგამძლე ერთი სტრიქონი არ შეუქმნია!

ეშმაკს მამულზე უკეთესი ულუფა არ მოუგონია! მიდით, მიაძებით მშობელი დედის გულმკერდს! მიდით, მიაძებით დამზრდელ ძუძუებს, დაისისხლიანეთ ვამპირული ლაშები!

დიდება შენს გამძლეობას, მარიამ ღვთისმშობლის წილხვედრო საქართველოვ! დიდება შენს გამძლეობას, ღვიძლდაკორტნილი ამირანის შთამომავლო ქართველობავ! დიდება შენს გამძლეობას, სიცოცხლემისჯილო მამულო!

ო, რარიგ ნეტარია, როცა ადრინდელი გაორებანი გამქრალა; როცა მოკვდავი გულადი ფეტელავა უნაპირო გური ოტობაიას მოუშთვია; როცა ნათელსა და ბნელს შორის ყოყმანი დაჯაბნილა; როცა პირველი ნაბიჯი გადადგმულია სხივმოსილებისაკენ და უკუნეთს უკუნეთი შერქმევია, ბოროტს — ბოროტი, რათა დამნაშავემ საკადრისად ზღას ვერაგობის წილ; როცა გოლგოთის მოახლოება შვებისმომგვრელი სიოა დამაშვრალი კიდურებისათვის; როცა იახსარ-კობალასავით მზად ხარ სისხლის ტბაში გადაეშვა უჯიშო დევების გასაჟლეტად; როცა განცდა პუბლიცისტიკის ჩარჩოებში ვერ ეტევა და ახალ სივრცეებს გთხოვს საასპარეზოდ; როცა ყველაფერი სასწორზეა შეგდებული და მაინც ხარობ, მაინც მზევდები, რადგანაც დაბეჯითებით იცი — მართალი კაცი ქვაზე მაგარია!

ცოტნე და დანოქილი?!

ხოზის რაიონის მისადგომებთან იკარუსების რიგია გაჭიმული.

მგზავრები ძირს ჩამოშლილან, ყაყანებენ.

მიმოდინ შეიარაღებული პირები. ზოგი სამხედრო მუნდირით შემოსილა, ზოგი — სამოქალაქო ტანსაცმლით, მაგრამ ორივე კბილებამდე აღჭურვილა და ასევე არანაკლებ მომზადებული მოპიკეტენი დაიარებიან გაღმა-გამოღმა. ჰაერში ნესტისა და დენთის სუნი ტრიალებს.

— გერგაიას ხალხი არ გვიშვებს, — ხელს იქნევს სარფას გამოდევნებული მძლოლი. უდიერად იგინება კოლეგებში გაღმელების მიმართულებით. დარწმუნებული ვარ მასაც და მისი პროფესიის ხალხსაც გერგაიას მომხრეთა პრეტენზიები ზუგდიდლებისადმი არაფერში ეპიტნავენა. ფეხებზე ჰკიდიათ მათ გერგაიაც, შურლაიაცა და ქობალიაც. მგზავრობის ფული „ბაგაჟიანად“ აუკრეფიათ სისხამიდანვე და სული ძვრებათ, თვალსა და ხელს შუა დასაბრუნებელი რომ უხდებათ გასაღებული ბილეთების ღირებულება.

წვიმს ირიბად. ზღვაური უბერავს. მოზარდები გზისპირზე გადაუყენებიათ დედებს. კაცები აბოლებენ. თვალეში იზმორება უნუგემობა, უმწეობა, გაუბედავი მღელვარება და ამბოხი ყველას თუ ყველაფრის მიმართ.

ღრო უსაშველოდ იწელება და ისედაც აღრენილს ერთი სული მაქვს აქაურობას როგორმე გავე-

ცალო.

უშედეგოდ ბრუნდება მოსალაპარაკებლად წასული მეორე დელეგაცია.

გაღივლები გულანაბადს აიკრავენ ზუგდიდისაკენ. ალბათ, წალენჯიხით შეეცდებიან ხობის გარშემოვლას, მაგრამ ხობის სასოფლო ხიდიც რომ აფეთქებულია, არა უწყინ.

სამეგრელოში ჩამოღწევა და გამოღწევა ფრიად სერიოზული პრობლემაა.

შემთხვევით როდი შეადარებს კრიტიკოსი თამაზ წიგწივაძე აქაურობას ბერმუდის სამკუთხედს:

ყველაფერი იკარგებაო, გელადავება და ვერც შეედავები. იკარგება საქონელი, მანქანები; ვაგონებიდან — სამამულო თუ სასომხეთის ტვირთი; იკარგება თავად ვაგონები ელმავალთან ერთად და ზოგან ლიანდაგებიც კი აორთქლებულა ყველასდა საოცრად. ცხენიპარია სამეგრელოსათვის მსგავსი ბრალდება უპრიანია. ამაოდ იკვნეტ ბავეს, ამაოდ იბავუნებ მკერდში მჯილს. ენამწარობენ მარჯვნიდან და მარცხნიდან.

მწერალი ნაირა გელაშვილი მთლად უკომპრომისოა და ტელევიზორის ცისფერი ეკრანიდან ჯვარცმულ საქართველოს წარბის შეუხრელად შეაგონებს, რომ **ზვიადისტებმა სამეგრელო სამუდამო მოღალატედ გადააქციესო**.

ზუგდიდში უზენაესელების მთელი წყება დამხვდება. დაუმორჩილებლობის კომიტეტის პრეს-სამსახური სატელევიზიო არხით თავის სიმართლეს ჩასძახის წელებზე ფეხშედგმულ მოსახლეობას, რომ სწორედ სამეგრელო, სხვათა შორის ერთადერთი, ჩამოსწმინდს სრულიად საქართველოს სიმწრის ოფლს, როდესაც პრეზიდენტის უკანონო ჩამოგდებისადმი სამართლიანი გამოსარჩლებით ცოტნეს სულს აზეიმებს კვლავაც.

მე გავესაუბრები იმ ბიჭებს, კოლეგებს: გურამ პეტრიაშვილს თუ დავით სოკოლოვს. შევხვდები სხვათა და სხვათა.

— კი, მაგრამ რას მოგვიტანს ყოველივე? — დაზვიადებული კითხვით მივმართავ თითოეულს და დაზუთხული პასუხები მხვდება წარამარა:

— კი, მაგრამ ჩვენ დაგვინდეს? — ამისთანა გაორებული, აბურდული, უბედურების ერთმანეთისადმი გადამბრალეები დროება სამეგრელოს, ალბათ, თავისი არსებობის მანძილზე არ ახსოვს.

იყო დიდთურქობა, იყო შვილების გაყიდვა ანაკლიასთან; ათასი ვაება, დადიანის მიხტომა გურიელის კარზე და გურიელისა — იმერეთს გალაშქრება, თუმცა ამდაგვარი ორგანიზებული დანაშაულებანი ქვასაც გააღლობს საცოდაობით.

ზუგდიდში ორხელისუფლებიანობაა.

ოფიციალური მთავრობა უძღურია საქართველოს სხვადასხვა კუთხიდან მოზღვაებული ეროვნული ძალების წინაშე, მაგრამ ხელშეუხებლობის პრინციპს განუხრელად იცავს ორივე მხარე და ცენტრიც, ცხადია, იძულებულია შეეგუოს, წაუყრუოს, დაუთმოს „დაუძინებელ მტერს“.

აღრეულია ერთმანეთში დრო და კრიტიკიუმები.

ერთნი იმპერიას ამხობენ;

მეორენი სწორედ ამ იმპერიასთან კავშირში ხედავენ ხსნას.

უზენაესელები ჯვაროსნულ ლაშქრობას უცხადებენ კომუნისტური იდეოლოგიას;

იმელები, დიახაც, კომუნისტური ძალების რეანიმაციით იმტიციებენ პოზიციებს.

საკუთარ თავზე ვწყრები. ერთი კოლეგის ფეხის ხმას აყვები და კვირაზე მეტია ტლაპოში ვეთრევი. საქმე ის გახლავთ, რომ მეგობარი კალმოსანი დუელში გამოიწვევს ეროვნული მოძრაობის ერთ-ერთ ლიდერს ზუგდიდიდან. ამ უკანასკნელს უდიერად მოუხსენებია რომელიღაცა მიტინგზე ზემოთ დასახელებული პიროვნება და სეკუნდანტობას მთხოვს.

ნერვები მეწიწკნება. რომელი პუშკინი ეგა მყავს, ან რომელი გარიბალდი ის, და რაც მთავარია, ვისი ტიკი-ტომარა ვაგდივარ თვითონ?

გაუხსნელი კონვერტი უკან მომაქვს პატრონთან. ბარიერის ერთი მხარე ადგილზე არ დამხვდება „საგულდაგულო“ მოძიების შემდეგ, და მეზვიმება რალაცნაირად რომ ჩავმლი ღირსების შეუღლებულად ძმაცაცთა სიცოცხლის ხელყოფის საფრთხეს.

ჩახერგილ ხიდთან ქობალიას ბიჭები ამათვალეირ-ჩამათვალეირებენ. ერთ-ერთი მიცნობს.

— გაუშვი, მწერალია, ჩვენიანი, „გვიმარას“ ავტორი, — მექომაგება და გაუხრეკავად გავივლი ხიდს მწვანე უშუქზე, თუმცა რომელ მწვანე უშუქზეა საუბარი, როცა ყოველ ნაბიჯზე ლუმპეა, ფაფასავით შესქელებული წუნწუხი, სწორედ ისეთი, როგორიც — ჩვენი ცხოვრება თავად.

„დეულო, დეულო, დეულო,“ ამეკვიატება გზადაგზა.

გაჭირვებული კაცის მეტი რომელი ჭკუათმყოფელი გამოჰყოფს დღეს თავს გარეთ? ყველა საკუთარ ნაჭუქში ჩაკეტილა. არც მისდღემში გამოიხედავს, ოღონდაც არავინ შეაწუხოს, ოღონდაც არავინ მიუხტეს კარზე. ხმელ პურს იკმარებს, ცივი მჭადითაც გავა იოლას, უშუქობასაც აიტანს, უშეშობასაც, მთავარია სული შეინარჩუნოს.

„შური ტიბუ რე“*, ვფიქრობ ჩემთვის.

სწრაფად მივაბიჯებ ხიდის გარშემოვლით, რომელიც ორკილომეტრნახევრით მაინც ავრძელებს მანძილს. ან ზოზინისთვის მეცლება თბილისში მშვიერი ოჯახის მომლოდინეს? გამალებით მივეშურები შარვლის ტოტებაკეცილი და დოჩანაშვილის შეგონების არც მეშინია. ფეხსაცმელს სადმე დელისპირას ვავრცეხავ და მოსაფლტებულთ ვივლი მერე.

მკლავებდაზიდულ მგზავრებს ზედიზედ გადავასწრებ. მსუბუქად მიმავალს შურიან მზერას გამაყოლებენ. ხიდს გამოდმა სენაკის ავტობუსები ბედავენ მოსვლას, ან უკიდურეს შემთხვევაში, სატვირთო მანქანას თუ ვერ დავემგზავრები, ორი საკუთარი ფეხი ხომ ზედვე მასხია, როგორც რუსები იტყვიან?!

ბები-შვილიშვილს ვაგუთნანასწორდები. ქალს ოთხი მოზრდილი ჩანთა აუტვირთავს. ჯერ ორს წაიღებს ოც-ოცდაათ ნაბიჯზე, ჩამოსვამს ზედ კიკინებიან შვილიშვილს. მერე მიბრუნდება და რის ვაი-ვაგლახით დარჩენილ ორსაც მიათრევს ბაღიშამდე. შევეფეთები მის საცოდაობას და ვაგვკავდები.

„აი, ჩემი სამეგრელოს ნამდვილი სახე! — გამიელვებს გონებაში — ასეთი ძაძებიანია დღეს ჩემი კუთხე, ასეთი სიღუბნით ეჭაგურება თავის ჭაპანს და მშველელიც რომ არსაიდან ჩანს?“

გავხედავ ნახშირით ჩაქამებულ გზას. კალიბრით დახტიან ზედ მოქალაქენი და მჯერა: საღამომდეც რომ ვაგლახობდეს დედაბერი ამ ჯოჯოხეთში, ტვირთს შემამსუბუქებელი ერთი ღვთისნიერიც არ გამოჩნდება ცისქვეშეთში.

უსიტყვოდ ვწვდები შედარებით ზორბა ჩანთებს. დაბნეული ქალი ერთხანს შემეწინააღმდეგება, მაგრამ როცა თვალში თვალს გამისწორებს და ქომავს ამოიკითხავს ჩემში, ნამტირალევი სახე იმედით აევსება. ოთხიოდე წლის გოგონა კაბის კალთაში ჩაეჭიდება და ასე მივიწევით ორმოცდაათნაბიჯიანი ხიდის გარშემოვლით, რომელიც უგუნურობას, უნდობლობას, თავკერძობას თუ უზნეობას ჩაანგრევია ხელის ერთი მოსმით, ისე რომ, წარბიც არ შეუტოკებია ვინმეს: **არიქა, მომავალი თათბები როგორ ივლიან მერე უხიდო და უშუქო დუნიაზე!**

— შენ გაიხარე, შვილო, შენ გაიხარე! — წარამარა მლოცავს არაქათგამოცლილი ქალი. მაღიმაღლი მოხედავს უკან, იქნებ რაიმე ტრანსპორტი გამოჩნდესო, მაგრამ ხობელები მედგრად დგანან და თავიანთ ტერიტორიაზე ბუზს არ აჭაჭანებენ.

ამასობაში გოგონას ფეხები მოსწყდება, ჩანთაზე წითელქუდასავით ჩამოსკუპებული მითვალთვალებს. ნირწამხდარი ქალი ხელებს იფშენივს.

ცოტაც მოითმინეო, აგულიანებს ბავშვს, შვილიშვილი კი აინუნშიაც არ აგდებს დიდდას სადარდელს. ამ ლუყუტია თემშარის ხელმეორედ გავლის თავი ნამდვილად არა მაქვს და გაოჩნებულ ბავშვს მხრებზე შევისვამ. ჩემს სანიშანე კოსტუმს მოხერხებულად შემოეწყობა ტალახიანი რეზინის ჩექმები.

— მაპატიე, შვილო! — სლუკუნით თვალს მარილებს დედაბერი და გასაოცარი სიმარდით მოტუსტუსებს ჩემს ფეხდაფეხს. — ორჯერ გავგზნებოვს გზაში. რომელი ბანდიტი მე მნახეს! შვილიშვილი მიმყავს მშობლებთან. ჩემი ქალიშვილი სენაკშია გათხოვილი. იქაური არეულობის გამო ჩემთან გამოხიზნეს თვენახევრის წინათ. ასე ზუგიდის უარესობა იცხირუ* — ამდაგვარად იტყვის, — გასაყარ სკასავით ისეთნაირად ზუზუნებს, ცუდს მიგრძობს გული. ვაი თუ ადრინდელი უბედურებანი აღარ გვეკმაროს. დიდი და პატარა თოფიანი დაიგვიმება. თოფიანს სასმელ-საჭმელი არ მოაკლდება, ჩვენ ვიკითხოთ თორემ. ღმერთმა დასწყვილოს ამისთანა ყოფნა! ამნაირ გაძაღლებულ ცხოვრებას სიკვდილი სჯობია. მე ხობელი ვარ, ნანაგე, ბუკია — გვარად. ზუგდიდში ვარ გათხოვილი. ჩემი შვილები რუსეთში გადაიკარგნენ და წელიწადნახევარია არაფერი მესმის მათგან. ზუგდიდლები საერთოდ მუხლში უყურებენ კაცს. სანამ ღონე მოსდგამს, იცოცხლე, ევლებიან თავზე, მაგრამ საკმარისია სადმე წაიბორძიკოს, რომ მყისვე შემოეცლებიან.

— რას ბრძანებთ, — ვიწყენ მე, — განა გამსახურდია წაბორძიკებულზე მეტი არ არის, მაგრამ არ უდგანან კვლავინდებურად მხარში?

— გამსახურდია სხვა ამბავია, ნანაგე, ის ჩვენი პრეზიდენტი, მე ჩვეულებრივ ხალხზე მოგახსენებთ. ზუგდიდელ კაცს ისე უჭირს დღეს, სატაშფანდუროდ არ სცალია. ყანა არ გათოხნილა წლეულს დარჩელში. ავტობუსებითა და ტრაქტორებით ვიარეთ მიტინგებზე, ღომი და ღობიო სანატრელი გავვიხდებო. შვილო, არაფერი დავაკელით ჩვენ ზვიადს, ერთგულებაც გამოვუცხადეთ, ერთსულოვნებაც, მაგრამ შიშველი ხელებით რა გვეღონა?! ჯარიც მას ებარა და იარაღიც. დასასჯელი დროზე რომ დაესაჯა, ამ დღეში არ ჩავცივდებოდით ყველანი. მოკლედ, ვერ ივარგა, შვილო, ან უფრო სარწმუნო, ის ამბავია, რომ შეცდომაში შეჰყავდათ თავისიანებს. ახლა ძმა ძმის წინააღმდეგ იქაჩება, რაიონი რაიონს უპირისპირდება და კუთხე — კუთხეს. ისევ თავისიანებმა ჩამოაგდეს ტახტიდანო, იძახიან და დავიჯერო ახლა, აქედან, ზუგდიდიდან გალაშქრებით მოახერხებენ ძალაუფლების დაბრუნებას? ვერ გამოგია დანის საჭრელს ნაჯახის საჭრელად რისთვის გადავაქცევთ ხოლმე?! შევარდნაძე რუსეთის აგენტიო, მიგვითითებენ. ამათ, შვილო, ცულის ერთი მოქნევით მოინდომეს ხის წაქცევა. ტყუილ-უბრალოდ

გადავიმტერეთ რუსეთი. ჩვენს ოჯახს რუსეთით უდგას სული. წაიღებენ ჩემი ბიჭები თხილს და გაკრი-
ალებული მანქანით ჩამოვლენ. რუსის შიშით ამერიკას არ ძინავს რიგიანად და მაინცდამაინც ჩვენ
უნდა ვიყოთ მისი დამამხობელი? ეგ საქმე ძალადობით არ იქნება. მოვა დრო და შეგვეშვება რუსეთი
ოდესმე, მაგრამ მე რომ მკითხო, აგერ, ლამის ორი წელიწადია დამოუკიდებლად ვცხოვრობთ და სავე-
ქვეყანა ნასახლარს დავამსგავსეთ. შეიძლება ლობიოს ქოთანში ჩახრაკვა რუსეთს დააბრალოთ?! ხობე-
ლი ხართ, ნანავე?! — მეკითხება ერთიანად აქოშინებული.

— არა, გალელი, სამურზაყანოელი, ოტობაიიდან, — განვუმარტავ მე და მისი საცოდაობის შემ-
სწრე ფეხს ვუნელვებ.

— ოტობაია, ოტობაია, ენიანი ხალხია თქვენთან. ნათესავები მყავს იქიდან. გურია შონია გაგონილი
გეჭნებათ.

— როგორ არა, მეგობარია ჩემი, — ვუდასტურებ მე.

— ჰოდა, ზოია მიხაილოვნა, და გურიასი, პატრონობს მოსკოვში ჩემს ბიჭებს. შენ გაიხარე, შვილო!
— დაწვდება ჩანთებს მოხუცი, როცა სიარულს გავაგრძელებ, — გერგაია მოლალატეაო, გაიგონებ
ჩვენში. კვერი თუ არ დაუკარი, მისიანი ხარო, გამოგაჭენებენ ხალხში და მერე უყარე კაკალი. ხომ
ვჭირვეულობთ ახლა, ნემსის ყუნწში ვძვრებით, მაგრამ მისი მადლიერი ვარ მაინც. ხობელობით არ
მომდის მართა ეგ, არც იმით, ჟორჟ გერგაიას შორს რომ გავარდნია სახელი. ცხონებული. ამბობენ,
ფეხში ესროლეს, მუშტები უქნიეს ცხვირწინ და გული გაუსკდაო! ჟორჟის შვილი და ორგული? კიდევ
ეგ რომ არა, სენაკი და ზუგდიდი უფრო აბობოქრებდოდნენ. სიმრავლეს და ერთობას სჩვევია მკერდში
მჭიდის ცემა. დაიძრებიან თბილისისაკენ და მთლად დაილუბება საქართველო. სამეგრელოს ხომ მიწას-
თან გაასწორებენ უცილობლად. მერე და აფრიალე დროშასავით აჩემებული თავისუფლება, ჩვენ თუ
გავწყდებით, ჩვენი ჯიში და ჯილაგი თუ გაცამტვერდება...

მივდივარ ჩემთვის, მკლავებდაზიდული, კისრის ძარღვები დაწყდომამდე მეძაგრება. ცუგრუმელას
თავზე შემოუჭდობია ორივე ხელი და ხანდახან ჩექმებს მომიგლასუნებს კოსტუმის სახელოებზე. მივ-
დივარ და ოდნავადაც არ მეეჭვება ოდესმე მართლაც თუ შევხვდები დედაბრის საუბრის პერსონაჟს,
ან საერთოდ გამახსენდება კი ეს სატანური გზა. ბოლმა ბურთივით გამჩრია ყელში. აღრენილი ვარ
ყველასა და ყველაფერზე. ბებრუხანას სიტყვების გულწრფელობისა ნაკლებად მჭერა, და ისიც ვერ
განმისაზღვრავს, ოჯახამენებულს ამდენს რა არატრატებს. ტვირთის სიმძიმეს თუ იჭარვებს საუბრით?
მივხედავ ერთს თავდაუზოგავად მოტუსტუსეს.

„ისტი, ისტი, დუელი.“ გამიელვებს გონებაში. გოგონას ბუნებრივი მოთხოვნილება ხერხემლი-
საკენ გაიგნებს შარებს. გაპარება საცოდავს და საკუთარი დანაშაულის გასანეიტრალებლად აღრი-
ალებდა. ისე დამათბუნებს და მერე — როგორ?!

— არა უშავს, ვის არ მოსვლია, — ვუყვავებ ძირს ჩამოსმულს, — სულ ბეწო იყო, სუფრის კოვზის-
ხელა, — ყოველნაირად ვცდილობ ბავშვის მონაწვიმრის დაკნინებას, — მაინც ხომ გალუმპული ვარ,
გაჩუმდი, დაწყნარდი, — ვეფერები გოგონას.

დედაბერი კი წიწმატობს, კიკინებში წვდება ცუგრუმელას, რბილში ურტყამს ხელს, ჩასველებულ
შარვალს ჩახდის და მიაცუტკებს თხრილთან, თუმცა მოზარდს მოუსწრია ეუჟუნა წვიმით გამასპინძ-
ლება და დედაბერს შიშით ძვრება სული, ოლონდაც არ მივატოვო, ოლონდაც არ გავეჭვე ამ უსაშვე-
ლობიდან.

— მაპატიე, შვილო, არადასაცალებელმა რა სირცხვილი მაჭამა? რატომ ვერ მოვიზარე?!

— არა უშავს ქალბატონო, ხდება, ანგელოზია, — ვამშვიდებ იქით ხელებწაგრძელებულ დიდედას,
თან გულში მეხარხარება, სინანულით გავაქნევ თავს.

**„ახია შენზე! სეკუნდანტს დამიხედეთ! რა გრჯიდა! ვისი შეპრიგებელი მიგდინარ?
ჯარასავით გატრიალებენ წადმა-უკუღმა. უზენაესელებსაც ებლაუჭები და დემოკრატებ-
საც. ჯოხის ორი ბოლოს შეერთება გწადია, შეუთავსებლის შეთავსებას ცდილობ. სა-
კუთარი პოზიცია არ გაგაჩნიათ, გსაყვედურობს ერთიცა და მეორეც. შენ კი თავს იმით
იმართლებ, რომ თანაბრად გიყვარს მარჯვენა და მარცხენა“.**

დედაბერი შემკრთალი მიმზერს. ვხვდები, ეშინია ხელში არ შევატოვო ტალახში ამოლუფხული
ბარგი-ბარხანა. ბავშვთან ჩაცუტული აღმაცერად ამომხედავს შიგადაშიგ, მაგრამ რა იცის ხობელმა
ბუხებე, რომ გური ოტობაიას გაჭირვებული ადამიანის უშუაგზაზე მიტოვება არ ძალუძს. თუმცა ჯერ
თავადაც არა უწყის — სულ მალე აქ ჩამოფუძნდება რამდენიმე წლით, მეხსიერებაში ეკალივით
ჩარჩენილი ძირძველი კოლხეთის სანახებთან.

ცხოვრებისეული გამოცდილება მაღაპარაკებს: ხობელი კაცი მორიდებულია თავისი ნატურით,
არც თავმომწონეობა სჩვევია და აღარც — ბაქიბუქი ზოგი „პრესტიჟული“ რაიონის მაცხოვრებლი-
საგან განსხვავებით. ამ ჭეშმარიტებას უფრო ვირწმუნებ ბოლო დროს საქართველოში დატრიალებუ-
ლი მოვლენების ჭირისუფალი. მართლაც, არის რამ განუმეორებელი, უკიდურესად კოლორიტული

რეალობა, რომლითაც სუნთქავს ესა თუ ის ქალაქ-რაიონი.

მაშ, როგორ მოიქცეს ფოთელი, არ აიღიროს თავი მთელს მცირე აზიაში სახელგანთქმული ფაზისის აკადემიით?! მაშ, პოლიტიკური ორიენტაციის შემობრუნების შიშით ბოქლომი დაადონ აბაშელებმა გამსახურდიების სახლ-მუზეუმის ჭიშკარს?! სენაკი არქეოპოლისის უნიკალური არქეოლოგიური მონაპოვრებითა და ქუჯის, გუბაზის, წათეს დიდებამოსილებით თავმომწონეობს. ზუგდიდი დადიანების მიერ მიურატებთან გაბმული ნათესაური ძაფებით ზურგდიდობს. წალენჯიხას კვლავაც ეამაყება უტუ მიქავას, ბულათია ფიფიასა და მართალია თოდუას თაოსნობით აჯანყებული სამეგრელო, ნალიმასთან კუდიით ქვას რომ ასროლინებს ომერ ფაშას ასკერებს. ჩხოროწყუ... ჩხოროწყუ — თავისი განუმეორებელი კლდე-მამოსილებით. მარტივლს, დიახაც, ეკადრება ჭყონდიდელის უზენაესობით თავფარავნობა, დედაბოძად რომ მოევიწიება საქართველოს აღმაშენებელი მეფის ყმაწვილურ სულს. დაბოლოს, ჩვენი საუბრის ეპიცენტრი ხობი, იგივე ხოფა უახლოეს წარსულში, ერთპიროვნულად დაპატრონებული ცოტნე დადიანის უკვდავე- ბას.

წლების წინანდელი კუროიზი მახსენდება. ეროვნული მოძრაობის ქართველები ჯერაც უდრტვინველად თვლემენ ჩვენს ძარღვებში. არც 9 აპრილის ორღესული ნიჩბებით ყულგამობასრული დების სხეულები გვისენია წინ ახალმოთბულ გვირილასავით. სრულიად ჩვეულებრივი, კომუნისტური დროება ბატონობს ყველგან და ყველაფერში.

ოთხმოციანი წლების დამდეგს, მაშინდელი მწერალთა კავშირის თავმჯდომარის, ბატონ შოთა ნიშნიანიძის მხარდაჭერით მშობლიურ კოლხეთს მოვაშურებ შემოქმედებითი მივლინებით. დაუფიწყარი ჩემთვის ეს ხანა, რადგანაც იმ პერიოდში მოვახერხებ სწორედ საკუთარი მეობისა თუ ეროვნული სატიკვრების მეტნაკლებად გათავისებას.

ზღვისპირა ჭურიაში, საქვეყნოდ ცნობილი ჯოტო გუგუჩიას ფარეხში, მოჩხუბარიძის პროფილს შევიფერებ გულდია მასპინძლებით გარემოცული, და ბედიც მიყისმათებს — გასაცარად აღამიანებს შემახვედრებს განგება, რომელთა მსგავს დედაქალაქის ქუჩებში ყალით, ალბათ, ვერასდროს ჰპოვებდი. განუმეორებელი მათ შორის მაინც ოთხმოცს გადაცილებული იროდი სართანიაა. ამ მეტყვისათვის სიკვდილ-სიცოცხლე, სიკეთე-ბოროტება თუ ნათელ-ბნელი განუყრელი და-ძმავა, რაღაც გლობალური, რაღაც ყოვლისმომცველი განზომილების წონასწორობა და მეც ძირისძირამდე შევისისხლობრცებ ბრძენთაბრძენი ტყაჩუს ფილოსოფიის ანსა და ჰოეს.

ახალგაზრდების ჯგუფი მესტუმრება ზუგდიდიდან სადადიანოს ცენტრს ორმოციოდე ვერსით მოშორებულ კახათელების ფარეხში. ეგ ზალტირებულნი ჩანან. ვება ლაფანის ჩრდილში მივსხდებით. საუბრის დაწყება უძნელდებათ.

— მართალია, რომ მხარს უჭერთ თურმე ცოტნე დადიანის სამარცხვინო ძეგლის განხორციელებას ზუგდიდში?! — შემომბედავენ როდის-როდის.

გავშრიები. ხატი, რჯული! ამ ძეგლის თაობაზე პირველად მესმის, თანაც საკმაოდ უხერხულ კონტექსტში ჩემი პიროვნების მოხსენიება ერთობ შემძრავს.

თურმე რომელიღაცა ჭეკლასელ სკულპტორს იმდენი უჩალიჩია, რომ ფრიად სავალალო რეპუტაციის ძეგლის განხორციელება მოუკვარახსენებია საზოგადოების ზურგს უკან. ადგილიც შეურჩევიათ, მანცხვარკარს რომ ეძახიან ზუგდიდელნი ფუნეკულიორზე. ოთხასი ათასი მანეთიც გამოუყვიათ და ჩამოუსხამთ კიდევ ქანდაკებანი რომელიღაც რუსულ ქალაქში.

ჯელების თქმით, ამ ძეგლის დადგმა ერთხელ და სამუდამოდ დაასამარებდა ცოტნე დადიანის სიდიადეს — საქართველოს ერთიანობისათვის თავდადების იდეა მიწაზე ხოხავდა ასაფრენ სივრცეებს მოკლებული.

იმ ბედოვლათს დაწყებით კლასში ამოკითხული კოხტავორას ამბავი, გიგლა ბიჭის დაზუთხულის შესაბამისად, ლამის ნატურალისტური სიზუსტით აემეტყველებინა პლასტიკის ენაზე: საქართველოს თავისუფლებისათვის ამხედრებული რაინდები და მათი ფლაგმანი ცოტნე თავლწასმულები დაეყარა თავარა მზეზე. მართალია, მუხლმოყრილები მომავლის იმედით აღევსო, მაგრამ ლიტერატურული წყაროს ტყვეს, შემოქმედებითი აღმაფრენისათვის გაქანება ვერ შთაებერა და თავში სისხლი ამიფრიალდება. ამას ზედ იროდი სართანიას სიტყვებიც დაერთობა:

— შვილებო, — გვმოძღვრავს მენცარკოჩი, — აღამიანის დამარცხება თუ გწადია, უწინარესად სულიერი საგანძური გაუპუსტიაკე, — ასე ბრძანებს, — სიდიადე ჩამოაშორე, გაუფარჩავე და რიგით მოვლენად გადაუქციე. ეს იგივეა, რაც ქრისტეს გოლგოთის, ჯვარცმისა და სამსჭვალი ლურსმნების მაგივრად ბისკვიტებით საესე ხონჩა მიართვა. ჭყონდიდის დაკნინება თუ გინდა, აიღე ნაჯახი, გაკაფე და ჩალა ჩამოაკონწიალე ზედ. ტრიალ მინდორში განმარტოებულს წაართვი ის ბუნებრივი მოწოდება, რაც გრიგალებთან გამუდმებულ ჭიდილს გულისხმობს. ცოტნე დადიანის დაჩოქება საქართველოს ზნეობრივი დაცემის ტოლფასია. ცოტნე და დაჩოქილი?! ერიჰა! — ბრძანებს და ავიკრავთ გუდა-ნაბადს.

ზუგდიდის კომპარტიის საქალაქო კომიტეტთან კინკლაობა უშედეგო გამოდგება. ცოტნეს ეროვნული მნიშვნელობისთვის დამამცრობელ სკულპტურას ყოველნაირად უძებნიან გამართლებას, მაგრამ როცა შეგვატყობენ, რომ არ ვხუმრობთ, ჯოჯოხეთის გამნათებელი ქრთამსაც კი მომიგზავნიან. არ მივებრუნებთ იმ ფულს ფუნქციონერებს, ვინაიდან გაღლეტილები დედაქალაქში გამგზავრებას გადავწყვეტთ. სამხატვრო აკადემიის კოლეგიის წინაშე წარვსდგებით კოლექტიური პროტესტის წერილით და საბედნიეროდ, ბატონ ელგუჯა ამაშუკელის კომპეტენტურობა შლაგბაუმს მიაგებებს დასახლებულ მონუმენტს!

ცოტნე და დანოქილი?!

ეგ სცენა ხელოვანი კაცისათვის სადავია რამდენადმე: კრავის უბორო-ტობით გაბრუებული ფიროსმანი ჩამუხლებულა და ხელებში აუტატებია უცოდველი არსება, მაგრამ სად ნიკალა და სად — ცოტნე? სად მშვენიერებისა და სად — მრისხანების ჩარჩოები?

მოგვიანებით ბატონ მერაბ ბერძენიშვილთან საუბარში გენიოსი მოქანდაკე ამდაგვარად წარმოაჩენს ცოტნეს ფენომენს:

— მე ცოტნე წარმომიდგენია მხედრად, რომელსაც ათიოდე ცხენშებმული ეტლი მიაქროლებს, და უდრეკი მარჯვნივ ყველა აღვირი მაჯაზე დაუგრავნია რაშების გათარანებული სრბოლით აღტკინებულს; სადაც თითოეული ტაიჭი საქართველოს ამა თუ იმ კუთხეს შეესაბამება ერთიანობის ლავამით დაურკვებულსო.

უაზროა მტკიცება — კონკრეტულად რომელი რაიონისაა ცოტნე, ხობის თუ სენაკის, ზუგდიდის თუ წალენჯიხის, ფოთის თუ მარტვილის, ჩხორაწყუსი თუ აბაშისა; ცოტნე სრულიად საქართველოსია, ამიტომაც, როგორც წმინდა გიორგის სახელობის ეკლესიებითაა მოფენილი ქართლოსიანების ნებისმიერი ბორცვ-გორაკი, ისე ცოტნეს ძეგლების აჩახახებით ყალყზე უნდა შედგნენ ჩვენი ქალაქების მოედანების ვრცეულობა. ცოტნე იგივე მესიაა ჩვენი, ეგვიპტიდან ოტებული ურიებისათვის მოსე რომ გახლავთ, იმდაგვარი. ცოტნეს სულისკვეთების გაგრძელებაა, დიხაც, ბერი ეგნატაშვილისა და პროფესორი ყორდანიას უმაგალითო თავდადება; ეროვნული მოძრაობის ტანდემის კოსტავა-გამსახურდიას მოწამებრივი ცხოვრება, რომლითაც ჰაი-ჰაი რომ დღემდე სულდგმულობს უმწეობაში ჩაკვებულ ერი, და რომ არა მსგავსი იმპულსები, რამდენიმე ათწლეულში იგი არსებობსაც შეწყვეტს, როგორც ცოცხალი ორგანიზმი, მაგრამ საბედნიეროდ გმირებს ვინ გამოუღვეს საქართველოს?!

ახლახან მოვინახულე ხობის ტაძრის მშვენიერ კომპლექსს. მართალია, მისი სახურავი ვილაც ხელმრუდს გაუძარცვავს, ათიოდე კილოგრამი სპილენძი აუტყავებია ტაძრის ფასადისათვის თურქეთში გასატანად, მაგრამ ჩვენთვის მთავარი თავად ეკლესიის კედელზე დაფიქსირებული მამაკაცის პორტრეტი, რომელსაც ეროვნული გმირის ბაღიშად მიიჩნევენ.

ვარდანიძეების ჩამომავალი ცოტნე, ნიგურიანებისა თუ ლიპარტელიანებისა, განუმეორებელ მაგალითს უჩვენებს შთამომავლობას.

კოხტავარის შეთქმულების ფსიქოლოგიური სურათი შემდეგნაირი შინაარსისაა:

მონღოლ-თათართა შემოსევით თავმოყვარობაშელახული ქართველობა 1245 წელს კოხტავარის მიდამოებში შეთქმულებას მოუწყობს დამპყრობ ძალას, თუმცა პატრიოტებს სჯა-ბაასისას წაასწრებენ, დაატყვევენ და მზეზე დაყრიან თავლწასმულებს.

შეთქმულთა წყრომა-ნუგეშის წყარო ერთადერთი — ცოტნე დადიანია. ექვის ჰია უღრღნის თითოეულს გულ-გვამს: ნუთუ... ნუთუ... თუმცა „**აჯერა ცოტნეც მოგარდება ჩორთით**“, თვითვე განშიშვლდება წელს ზევით, თვითვე წაიცხებს ტანზე თავლს და თანამზრახველებს უსიტყვოდ აგრძნობინებს: ციხე შიგნიდან არ გამტყდარაო.

მონღოლ-თათართა სარდლობას ჰყოფნის ცბიერებაც, გამჭრიახობაც, მათ ვიწრო თვალებში აქამდეც რიგით მოკვდავთათვის მიუწვდომელი მრავალი ხრიკი განასკვულა, მაგრამ ცოტნეს ქმედება ყოველგვარ მოლოდინს გადააჭარბებს და ირწმუნებენ: **შეკრებილები ხარკის მოგროვებაზე ბჭობდნენ ნამდვილადო.**

ასეთი კუთხის შვილ თემურ გერგაიას, წესით, ევალებოდა ეროვნული მთავრობის გვერდით დადგომა.

როგორც ქვემოთ მომიხსენებია, მე შევხვედრივარ ლოთი ქობალიას თავის შტაბში. თვინიერად მოუსმენია ჩემი შეშფოთებისთვის იმ სიტუაციის გამო, რომელიც შეიძლება ზუგდიდში აგორებულ საქმეს მოჰყვეს. გენერალი დაბეჯითებით განმარტავს, რომ თუკი თავისუფლების ფრონტი თბილისისაკენ დაიძრება, მხოლოდ და მხოლოდ — მშვიდობიანი მსვლელობით. მაგრამ მოსალოდნელი საფრთხის დიაპაზონი თემურ გერგაიას სხვა გადაწყვეტილებას მიაღებინებს — ცოცხალი კედელივით ჩადგება სენაკსა და ზუგდიდს შუა და ეს პიროვნება დღეს როგორი მოტივითაც სცემდეს ბოლთას გისოსებს მიღმა, ყურნალისტ კლარა აბრამიას მოსწრებული სიტყვებით, „სამეგრელოს სავიზიტო ბარათია“ მომავალ თაობათათვის.

ნოემბრის თვეში ფოთიდან დაიწყება ცოტნეს მეობის ხელმეორე დაბადება — ერის ცნობიერებაში გამოძერწილი დიდი მამულიშვილის ძეგლი ლითონის ენაზე ალაპარაკდება სადაც არის და

იმედია, მერმისში მისი კეთილთვისებიანი მუხტი სხვა ქალაქებსაც გადაედება.

ამას წინათ „ენგურის“ ერთ-ერთ ნომერში ვწერ:

„ფაზისის შესასვლელის „სამეგრელოს“ მოედნად აღდგენა-გამოცხა- დებით ფაქტობრივად დასრულებდა ხუთწლიანი სეპარატისტული ომი ფოთისა და სამეგრელოს შორის-მეთქი.“

ასეთნაირად იმიტომაც ვასკვნი, რომ ფოთის ზოგი ადრინდელი მესვეური სამეგრელო-ზემო სვანეთის მხარის ადმინისტრაციას აინუნშიაც არ აგდებს, მის სხდომებზე დასწრებასაც არ კადრულაობს. ქალაქ-სახელ- მწიფოდ შეურაცხავს ფოთი და მისი სიკეთეებს დედის რძესავით შეითვისებს. „სამეგრელოს მოედნის“ დარქმევა ნაბდისგაშლა მიწის მონაკვეთისთვის რას ვიფიქრებთ ზარების დარისხების საგნად თუ გადაიქცევა. მეფის რუსეთის დროინდელ საქართველოში, „სამეგრელოს მოედანს“ რომ დააარსებენ ფოთში, ამით იურიდიულად ხაზიჩამოაჭრიან მას ძირძველ პატრონს — სამეგრელოს, რათა ცალსახად გაესვას ფაზის-ქალაქის უცხოობას სამეგრელოსათვის და სწორედ ნაბდისგაშლა მიწის ნაჭრით განისაზღვრება სამეგრელოს უფლებები ფოთზე.

„ასე დაიწყო აფხაზეთშიო“ — წამოიძახებს „სახალხო გაზეთი“ სარკაზმით აღსავსე წერილში „პროსტო ნუგზარი, ანუ ჩვენ რომ ფოთში მერი გვყავს“. არაკოლეგიალურია გამოვეკიდოთ ხსენებული გაზეთის რედაქტორის, ფაზისელი გია ლომაძის დამოკიდებულებას ფოთის მერის, ბატონ ნუგზარ ნადარაიასადმი, მაგრამ ძნელი გასაგებია, ანგარიშსწორებას რომ იწყებს მავანი, რაღა სამეგრელოს არარსებულ სეპარატიზმს იშიშვლებს ხოლმე?! ჩვენ წელზე ფეხს ვიდგამთ, რაღაცნაირად ვაკოწიწებთ ჩატეხილი ხიდების აღსადგენ ენერგიას და ღვთის მადლმა, გვაკმარეთ ესე საზრუნავი!

ბატონი გია ლომაძე ნიჭიერი მწერალია, გახმაურებული მოთხრობის, „თაბაშირის კაცის“ ავტორი; ჟურნალისტიკაშიც საკმაოდ ხელგაწაფული და გაბედული პიროვნებაც ამავედროულად. ფოთის პრობლემებისაკენ გეზის აღება მისი პრეროგატივაა, მაგრამ გვაოცებს სხვა! მაგრამ რა შუაშია აქ სამეგრელოს სეპარატიზმი?! ჩვენ პროფესიული ეთიკის დაცვით შევნიშნავთ, რომ ნუ აგვიფორიაქებთ სამეგრელოს მოუშუშებელ ჭრილობებზე მარილის მომყრელი წერილებით-თქო!

საინტერესოა ისიც, თუ საქართველოს ნეტარხსენებული ექსპრეზიდენტი, ბატონი ზვიად გამსახურდია, როდის, სად და რა ვითარებაში განაცხადებს: **„მე ჩემი სამეგრელო დამიცავსო?!“**

ამაზე მეტი ცილისწამება იქნება?! ეს ფრაზა უმადლესი ეშელონიდან მართლაც წამოსცდება ერთ ფუნქციონერს ბატონ თემურ ქორიძესთან კამათში, მაგრამ არავითარ შემთხვევაში — ბატონ ზვიად გამსახურდიას!

ასე რომ, ჩვენი მეგობრული რჩევაა: როცა ამა თუ იმ პიროვნების განქიქება გვწადია, უმჯობესია სამეგრელოს არარსებული სეპარატიზმის აგორებისაგან თავი შევიკავოთ, თორემ ისტორია მიუკერძოებელია და ბევრ ხელოვანს სიმწრის ოფლს მოაწურვინებს ოდესმე.

„სამეგრელო საქართველოს სერსემპალიათ“, ბრძანებს ბატონი ედუარდ შევარდნაძე, ხოლო ის ხროვა, რომელიც **„ყველა ჩემი სამშობლოა სამეგრელოს გარდათ“**, პირსისხლიანი დაყმულა კოლხეთში, გალიაში ნავარდობს ახლა.

საამწუთისოფლო ვითარების გამოააშკარავებს მხოლოდ ცოტნე დადიანის გაქანება თუ შემოუწალდავს ეკალ-ჯაგს. ჩვენი ვალი სნეულების მხილებაა, ოღონდ არა ანგარიშსწორების მიზნით, არამედ — უკეთესი შთამომავლობის მოვლინების საწინდრად.

ფოთი სრულიად საქართველოს კუთვნილებაა, იმისდა მიუხედავად, რესპუბლიკის რუკაზე სამეგრელოს ფარგლებს გარეთ აღმოჩნდება ლორთქიფანიძის ტყემალსავით თუ მის დაქვემდებარებაში ისულდგმულებს დედამშობლოს სასიკეთოდ და აქ ფაზის-ქალაქის აბსტრაქტული როკები სამშობლოს ერთი ჯიბიდან მეორეში, კომიკური მდგომარეობაა ტრაგიკულთან ერთად..

ჭყონდილი

ბობიშობი, ბირინი...

უამრავი წიგნის ავტორი ვარ. მათ შორის ორი რომანის. აფხაზეთის თემას 3600-გვერდიან თხზულებას მივუძღვნი — ბელეტრისტულ მატთანე „სუფევას.“ ათასობით ხასიათი გაივლის ჩემს ხელში, და მაინც ერთი ბობიშობი, მემ- დგომში უბრალოდ გირინი, უნიკალურია; მასგავსი ცხოველი არცერთ ზოოპარკში ბულრაობს, სრულიად ახალი ეგზემპლარია, აი, ახლახან ფრანგმა სპალეოლოგებმა რომ დააფიქსირეს ჩხოროწყუს მღვიმეში შურუბუმუ. ქამელეონები შენატრიან მისი უჩვეულო გარდასახვის უნარს. იანუსს ორი სახე აქვს, ხოლო გირინს — 1002-ი შეპარაზადას ზღაპრიდან. ბოქაულების სკოლა დაუმთავრებია ოთხმოციან წლებში, და კიდევ დამატებით — 12 ნაყალბევი დიპ-ლომი უწყვია ჯიბეში, თუმცა დასტურ, ორი წიგნი ბოლომდე ვერაფრით წაუკითხავს.

ნათესაური სიწმინდის გრძობა დიდი ხანია წაუშლია მისი პიროვნებისაგან ზეციერს: მშობელ მამას ნეკნებს ჩაუმსხვრევს; უფროს ძმას თავს გაუტეხს; შუათანა ცხონებულს გადახვეწს ოდიშიდიდან და აფხაზეთში ნაომარი კაცი ბანდიტის ხელით აღესრულება სვანეთში; დეიდაშვილს დანას ურტყამს, მამიდაშვილს გირინისეულ ტლინკებს; დედას — გირინულ წიხლებს.

ერთადერთი გური ოტობაიას ვერაფერი დააკლო და გიჟდება.

ჭიდაობას მომინდომებს აბაშის წყლის პირას წლების წინათ და კარატის-ტობით თავმოწონეს ვერარას უშველის „თია-თიას“ ძახილი — ცხვირით ქვიშას ვახნევიანებ სამგზის. ჩარჩენია გულში ეს ნესტარი და არ იცის კვარტი საიდან მომატყუპოს.

წინდებული „სუფევა“-მატიანედან ერთ-ერთ თავს დავბეჭდავ ჟურნალ „ორნატში“ — „მარტოსული ხეობის მახვშს“. ეს ვრცელი ნარკვევი მესხიების ზეზეური დაკვარცხლებე-კებაა. დიდი შოთა მესხიადან მოყოლებული, არავინ დამრჩენია ყურადსაღები. ბევრ მისიანს ხომ სხვა ადგილას დავადგამ უკვდა-ვების ძეგლს. ამას გადაურევია, ეს აცოფებს, ეს აბოჟირებს.

უბატონო გვარად გამოვაცხადე მესხიები, თამარ-მეფის მიერ კურთხეულად ქედუხრელ-ობის სიგელით: მესხიებს არა ჰყავთ აფხაზეთი და გურულები. ისინი სამშობლოს უბადლო მეციხოვნენ არიან.

ამას წინათ ბაზრობაზე შემომეჩეხება ჩვენი გირინი და ვუსახსოვრებ დასახელებულ ჟურნალს. ყველა უბედურებაც აქედან დატრიალდება. იქ მის შესახებაც გაქლერებულა ცილამტკავლა ფრაზა, რომ ლექსის წერაში მეგობრება აქა-იქ ბედოვლათი; პროპორცია კი დაახლოებით ისეთივეა, როგ-ორც ჭიჭყინასა და ლლავს შორის. საამისო საფუძველი, დიახაც, მქონდა, ვინაიდან ქორწილმა თუ წვეულებამ ვერაფრით იფერციაგა სამეგრე-ლოში, გნებავთ რუსეთსა თუ აფხაზეთში, სად-აც გირინმა ჩემი ლექსების ავტორობით არ იყროყინა... მოკლედ, მოხერხებულად უწოსა სიტუაციას. ოტობაიაში არ ჩაესვლბოდა ნათესა-ვებთან წაკიდებულს... რეაბილიტაციის შანსი მიეცა და მესხიების დამშარავანდედებელი მესხიების მაგინებლად გამომაცხადა თურმე.

დაატარებს ამ ჟურნალს ხალხში:

— ხედავთ, როგორ მოგჭრათ თავი თქვენმა მოწონებულმა მწერალმაო, — დაიჯღანება და ცილსა მწამებს ორლობე-ქუჩა. ამიწიოკა დამეწყრილი ოჯახი. გამიმწარა მოხუცი დედა, ავადმყოფი და. სისხლი გაუშრო დამაშვრალ ძმას.

აფხაზეთის ლეგიტიმური ხელისუფლებისაგან რაღაც საგანგებო მისიით მოვლინებულად დაიჯიგმება ოტობაიელებში. 11 წელიწადია ვერაფრით ვახერხებთ სეპარატისტებთან შერი-გებას და ჩვენს გირინს ხელისგულზე დაატარებენ ოტობაიაში დისლოცირებული აფხაზების დაჯგუფებანი. გალშიც ამყოფებენ ამას წინებზე, სოხუმშიც. წართმეული ბინები გამოუხსნია თურმე. ბარაქლა მას და მის მოხერხებას!

გირინი რაღაც საგანგებო მისიას ახსენებს თურმე წარამარა, თუმცა არაფ-რით აკონკრეტებს რაა ეს მისია, რა ხასიათ-შინაარსისა. აფხაზეთის ლეგიტიმური ხელისუფლების ძალოვანი სტრუქტურები დათხოვილია სამსახურ-რიდან. ის ხალხი საპროტესტო აქციებს მართავს „იმელის“ შენობასთან სოცია-ლური გარანტიების მოსაპოვებლად; ჰოდა, ამასობაში ჩვენი გირინი არხეინად

დასეირნობს ოტობაიაში აბსტრაქტული მუნდირით, რაღაც მირაჟული სახელმწიფოებრივი საქმის აღსრულებით იფხორება.

— ამბობენ, ქართული პოლიცია ყალიბდება გალში და იქ უმიზნებს უცი- ლობლადო.

აქეთ ხომ მესხიების მაგინებლად გამომაცხადა მესხიების მეხოტბე, თუმცა შუბი ხალთაში არ დაიმალება და უკვე გარეშეებს კი არა ნათესა- ვებსაც არ ეხატებათ გულზე ჩვენი გირინი.

თხილი ფრიად უყვარს ამ ლაფშინას, სულს ახრამუნებს — გუდორუნს. იქამდე გაცხოვე ლეზია მადა, რომ ზოგს 100 კილოგრამი შეაწერა, ზოგს — 50 და 60, მრავალს — ორასიც. და აქ რატომღაც უგანეს მესხიებმა მის სახედრულ უდიდებულესობას; არავინ იკარებს ახლოს, ვინაიდან იციან თითოეული სტუმრობა ორი-სამი ინდაურის სიცოცხლისგან გამოსაღმებაა, 3-4 გოჭის შემუსვრა.

მოკლედ, დაატერორა მთელი სამესხიო. რა ქნას ახლას ჩვენმა გირინმა, როცა თავლა და ქერი მოკლებია?! და ხან ერთ გარმიანელს მიადგება კარზე და ხანაც — მეორეს, მაგრამ იმათაც უწყოსეს და არული კუდიანების ძახილით მიუმუშვებს ცხვირწინ კარი. ჰოდა, ჩვენი სამოხიოლა შერჩენია სახრავად. მუსრი გაავლო ფრინველ-ცხოველს გირინმა. აფხაზები მოაყენა თურმე ჩვენს სამოსხლოს.

ძირძველ და ნამუსიან აფხაზთან მეგობრობას ვერავინ დაასწრებს გური ოტობაიას, საქვეყნოდ აღიარებული მწერლის, ჯუმა ახუბას ძმადნაფიცს, მაგრამ მოხუც დედას რომ მიმწარებს ეს გაუხედნავი, როგორი საქმეა?!

— აი, ხომ ხედავთ რანაირი მეგობრები მყავს და თუ ჭკუით არ იქნებით, მიიღებთ თქვენსასო, — ამინებს უსიტყვოდ ოტობაიელებს ოყლაყი. ბახვა ელიავას 50 კილოგრამი თხილი შეაწერა, რევაზ ბელქანიას — 100, ჩემს ძმას თენგიზ ფეტელავას ხომ გაუჩანაგა სარჩო-საბადებელი. ის კი არა მესამედი ტონა თხილი დაადო ვალად. საათი ააცალა მაჭიდან და აიკრა გულდა-ნაბადი ოტობა- იიდან... წავიდა და წავიდა. მომდევნო თხილო- ბამდე არ გამოჩნდება. ესეც შეღავათია. აფხაზურ-ქართული კონფლიქტის გმირი ძმის ნეშტის ზუგდიდიდან ოტობაიაში გადასვენებით იქანდება. სხვათა შორის გირინის საცოდაობა ლექსზე შექმნილი სამგლოვიარო სიმღერით გავაცვილებთ იმ ცხონებულს. ერთხანობას, როცა კუბოდან ამოასვენებენ ჩვენს არამხუტუს, დროს იხელთებს გირინი და ეგრევე თავს ტუტავს სასახლეში. კიდევ კარგი, არ გაიჭედება შიგნით, თორემ ახალი შეიქნებოდა მოსატანი. მაშინ არავის მოაფიქრდება სახურავის გადამხობა. ნეტავ მასე მოქცეულიყო რომელიმე, ხომ მოისვენებდა დიდ-პატარა?!

დაბოლოს, უმთავრესი, მესხიების „ქომავი“ გირინი ჩემთან საუბარში ამტკიცებდა, რომ ამ ჩინებულ გვარის წარმომადგენელი სრულე- ბითაც არ არის. თანადროულად მაგონდება: კურთხეული მამამისი ნაშვილები ჰყავდა პაპამისს, რომლის ლეგიტიმური გვარი ვგონებ „შიაზე“ მთავრდება და გაჭრილი ვაშლივით ძმები ეხვია გარშემო.

ბედის ირონიაა სწორედ. ამ ჩვენს სათოკე ოჩანს თვალხატულა ასულები ჰყავს და ერთი ვაჟიშვილიც, ოღონდ განსხვავებულ თავსართიან და კვლავაც შიშინა ბგერებზე დამთავრებული გვარით.

მამით გარმიანელი, ძით მავანი და თავად მესხიების მაძაგებელი, მესხიების მეხოტბესა და განმადიდებელს, ამ ღვთაებრივი ხალხის აბუჩად აგდებას მაბრა- ლებდეს, ბედი არ გინდა?! აი, ჩვენი გირინის ბერწი ყოყინის ექო! აი, ჩვენი გირინის ნალმოცვეთილი ტლინკების ყრა! აი, ჩვენი გირინის გაუტანლობათა ავანჩავანი!

გაუგიათ ჩემი გასაჭირი ღვთისნიერ პიროვნებებს, ეკონომიკურ მეცნიერებათა დოქტორს, აწ საქართველოს კონტროლის პალატის უფროსის პირველ მოადგილეს, ბატონ იაკობ მესხიას, და აფხაზეთის უზენაესი საბჭოს თავმჯდომარის პირველ მოადგილეს, ბატონ აპოლონ მესხიას და ამისთანა თანადროულ სიტყვას შემომამშველებენ ოტობაიელების წინაშე მოუდენელი ოფლის მოსაწმენდად:

ორითდე სიტყვა გური ოტობაიას ბელეტრისტულ მატთანზე „სუფევა“

გულადი ფეტელავას, იგივე გური ოტობაიას შემოქმედებას, სამი ათეული წელიწადია ინტერესით მიაღვევებს თვალ-ყურს წიგნიერი ქართველი. ბევრს ახსოვს მისი რომანები: „სიცოცხლემისჯილი“, „როკი“. განსაკუთრებით ნაყოფიერად მუშაობს მწერალი პუბლიცის ტიკაში. ამ თვალსაზრისით გამოჩენილია მონუმენტური თხზულება „სუფევა“, რომელშიც ნაჩვენებია მრავალსაუკუნოვანი ქართული ცივილიზაციის უმთავრესი ეტაპები. ამ ბელე- ტრის ტულ მატთანში ასახვა ჰპოვა საქარ- თველოში ბოლო დროს მომდინარე პროცეს- ებმაც, ეროვნული ხელისუფლების ტრიუმფა- ლურმა,

უსისხლო გამარჯვებამ... აფხაზეთ-სამაჩაბლოს ტრაგედიებმა... ჩემთვის, როგორც ეკონომისტისთვის, მეცნიერისთვის და გნებავთ — ადამიანისათვის, განსაკუთრებულად სულის- შემძვრელი იყო ერთი პუბლიკაცია — აღმანახ „ორნატში“ გამოქვეყნებული „მარტო- სული ხეობის მახვი“: იგი წლების წინათ ფრაგ- მენტულად ქვეყნებოდა გაზეთ „საქართველოს რესპუბლიკაში“, მაგრამ სრულად ამ ჟურნალში ვიხილე.

მწერალს დიდი ძალისხმევა ჩაუდგია ნარკვევში, რათა ამაღლებულად დაეხატა უბატონო გვარის ტიპიური სურათი. ამ ნარკვევის გმირები, დიხაბ, მესხიები გახლავან, რომელთაც სოფელ მუსხიდან ჩამოსული ძმები დაუდებენ სათავეს, სამეგრელოს მიწა-წყალზე, ლევან დადიანის მთავრობის დროს. მესხიებმა უბატონო გვარის სიგელი თამარ მეფის ეპოქაში შეიძინეს თურმე, რადგანაც მათი წარმომად- გენელი სხვა თერთმეტ ჭირისუფალთან ერთად საიდუმლო ადგილას დაკრძალავს საქართველოს სწორუპოვარ მეფეს და ინფორმაციამ რომ არ გაჟონოს, ნებაყოფლობით დახოცავენ ერთ- ურთს. მართლაც და წარუშლელია მწერლის დამოკიდებულება მესხიების გვარის ხალხ- სადმი, რომელთაც ბატონი არასდროს ჰყოლიათ, ზოგს თითო მოღუნვია ჟამთა ტრიალში კუკუიასავით, ზოგიც ჭაკი ცხენის მღვენელია სიყმაწვილის წლებში, მაგრამ, როგორც წესი, ყველას ნათელი გონება და სპეტაკი სული დაანათლა უფალთუფალმა. დიხა, ბატონი არასდროს ჰყოლიათ მესხიებს, არც გააფხაზებულან მრავალი ბედოვლათივით, დღემდე კეთილსინდისიერად ეწევიან ცხოვრე- ბის მძიმე ჭაბანს და სამაგალითონი არიან წუფისოფლის ნებისმიერ კუნჭულში, ნებისმიერ ალაგას...

წარუშლელია ტარიულ გოლუას პროტო- ტიპის — ლევან მესხიას სახე — მათი შთამო- მავალი მესხიები საირმის ერთ მიყრუებულ ხეობაში; საქვეყნოდ აღიარებული ნეიროქი- რურგი ნაპო მესხია; საქართველოს ისტორიის ქურუმი, „ძლევაი საკვირველის“ ავტორი, აკადემიკოსი შოთა მესხია თუ სხვანი და სხვანი. ბატონმა გური ოტობაიამ, ფასდა უდებელი შრომა გასწია ქართული გვარის ტიპიური წარმომადგენლების ჩვენებაში უბატონო მესხიების წარმოჩენის გზაზე. მან ამ ნაწარ- მოებში რეალური ოსტატურად შეაზავა გამო- ნაგონთან და მთელს ქვეყანას დაანახა თუ როგორ უნდა მჭიდროდებოდეს საქართველო ძირძველი გვარების გარშემო, რათა შეინარჩუნოს ინდივი- დუალური სახე, განვითარ დეს, გადარჩეს...

ჩვენ, მესხიებს, (და არა მხოლოდ მესხიებს), მოწიწების, თაყვანისცემის მეტი არაფერი დაგვრჩენია ამ ტიტანური ენერჯის შემოქმედის წინაშე, რომელიც ახალ სახეებს და წარუშლელ განცდებს გვპირდება კვლავაც ბელეტრისტული მათიანეს დასკვნით ნაწილში და თამამად შემოდ- ღია განვაცხადო, რომ ამიერიდან გვარი მესხია ყველგან გაიგივდება სამშობლოს რიგით ჯარის- კაცთან; პერსონაჟთან, როგორც დიდი ილიას დაუვიწყარი ლელთ ღუნია; ვისთვისაც უმთავ- რესი ფასეულობა საქართველოა, საკუთარი მეობა თავისად რომ ეყუდნება.

იაკობ მესხია,

ეკონომიკურ მეცნიერებათა დოქტორი, პროფესორი, საქართველოს კონტროლის პალატის თავმჯდომარის პირველი მოადგილე.

07. 12. 2004 წ.

უკანასკნელი მოპიკანელი

(წერილი მეგობარს)

ბატონო, გური!

ამას წინათ ერთი ახლო მეგობარი მეწვია და დიდი შოთას პორტრეტით დამშვენებული ლიტერატურული ჟურნალი „ორნატი“ გამომი წოდა. გამიკვირდა. ის უფრო საყოფაცხოვრებო საკითხებზე მოდიოდა ჩემთან და ჟურნალით ხელში გამომეცხადა იმ დღეს. არაფერი მითქვამს, გამოვართვი.

— ჩვენი თანამემამულის, გური ოტობაიას ვრცელი ნარკვევია დაბეჭდილი, წაიკითხე, მოგეწონება, მესხიების გვარის საგალობელია, მეტაფორებად ახუნძლულია, თქვა და გამიღიმა. გამიხარდა. ჩემი სამუშაო მაგიდა შეძლებისამებრ მივალავ-მოვალავე, ოთახში ჩავიკეტე და იანვრის ცივი საღამო

„მარტოსული ხეობის მახვზის“ კითხვაში გავატარე.

კოლხური ზნე-ჩვეულებით განთქმული ვალიკო მესხიას სახელი ადრეც მსმენია, სტუდენტობის წლებში, მაგრამ მასთან პირადად შეხვედრა ვერა და ვერ მოვახერხე. თან კარგად მოგეხსენებათ, რომ ჩემი პროფესიის ადამიანი სულ გადაარბენაზეა, ნეიროქირურგის საათი ყოველთვის ჩართულია, დრო პაციენტზე მუშაობს.

ერთხელ მქონდა მცდელობა საირმეში ავსულიყავი, იქიდან მესხიებში გადავალ-მეთქი, ვიფიქრე, მაგრამ გზიდან მომაბრუნეს, გულდა- უთაში, სოფელ ლიხნში, ერთი ჭაბუკი აფხაზი ბიჭის სიცოცხლე სიკვდილს გამოვტაცე. მართალი გითხრათ, ამით დავიმშვიდე თავი, ჩემი მაშინდელი „უკანდახვევაც“ ამით გავამართლე. ვფიქრობ, სწორადაც მოვიქეცი.

ჩემი შეხედულება მესხიების გვარის ერთ-ერთ უკანასკნელ მოჰიკანზე კიდევ უფრო გან- მტკიცდა, როცა თქვენი მხატვრული Essey წავიკითხე. ის მართლაც, ბრძენკაცია პატრიარ ქალური ადათ- წესით, გონებით, დაკვირვების უნარით, მსჯელობით. მისი ყოველი ფრაზა მშობ ლიური მიწის წიაღიდან იღებს სათავეს, ტყიდან, ბალახებიდან (სტილი ავტ. გ.ო.) მოდის წყაროს თვალვით.

აი, რას მსჯელობს ეს კერკეტი, ნებაგაუტე- ხელი კაცი: **„ნებისმიერ კანონს თრი ბუნება აქვს, როგორც ჯთხს თრი ბოლო; ადამიანის დამტკიცებულს, ადამიანივე აუქმებს, ზღვა გამუდმებით უტყვს ნაპირს, მაგრამ გამუდ- მებითვე უკუიქცევა, მთავარია ბორბტი და კეთილი ერთ ტაბლასთან არ დასხა, არ გააიფიფო, არ ჩაატო ერთმანეთს...“**

მე ვამაყობ ჩემი გვარით. როგორც ისტორი- კოსები ამტკიცებენ, ჩვენი წარმომავლობა მესხეთიდან მოდის. მე თავად სამურზა- ყანოში დავიბადე, იქ გავიზარდე. მე და თქვენ მეზობლები ვართ. სოფელი ოტობაია, სამწუხაროდ, დღეს ის აღარ არის, რაც იყო ორი ათეული წლის წინათ, მაგრამ იმედს არ ვკარგავ, მე ოპტიმისტი ვარ — ჩვენე ისევ ავალორძინებთ მშობლიურ სოფელს — თქვენ თქვენი ლექსით, მოთხრობით, რომანით, მე კიდევ ქირურგის მარ- ჯვენით. ჰოდა, მაშინ, მოვიწვევ ყველა ჩემს სახლიკაცს, გავშლი სუფრას, რომელსაც იაკობი გაუძღვება, გამოჩენილ მენცნიერსა და მამულიშვილს — შოთას გავიხსენებთ, ვაღლეგრძელებთ სრულიად საქართველოს, მის აწმყოს და მომავალს.

ბატონო, გური! დიდი ხანია გიცნობთ, როგორც შესანიშნავ ბელეტრისტს, აქტიურ შემოქმედს. ამას ადასტურებს თქვენი ახალი ნაწარმოები „მარტოსული ხეობის მახვზი.“

კიდევ ბევრს ველოდებით თქვენგან, ბევრი გიფიქრიათ მესხიების გვარის წარმომავლობაზე და კარგადაც გიწერიათ. გმადლობთ!

პატივისცემით,

ნაბოლეონ მესხია,

ნეიროქირურგი, აფხაზეთის უმაღლესი

საბჭოს თავმჯდომარის მოადგილე.

23. 07. 2005 წ.

მარტოსული ხეობის მახვზი

თუთაუხა*

ტყუილად არ უთქვამთ ძველებს, რკინა მაშინ იჭედება, როცა ცხელიაო. ახა, შვიდი თვე მიწურულა მას აქეთ, რაც განუმეორებელ ადამიანებს გამოვცნაურებვიარ ასკავუბურას ხეობაში; იმდენად მომნუსხავ-შთამბეჭდავთ, რომ სათქმელს ვერსაიდან მივდგომივარ. ძალასაც ვერ ვატან კალამს, არც აჩქარება ივარგებს-მეთქი, ვფიქრობ ნიადაგ, ჯერ დაწდევედეს განცდილი და მერმე უფრო ბუნებრივად გადმოიღვრება ქალაღზე-მეთქი, მაგრამ როგორც ასეთ დროს ხდება ხოლმე, რახან ერთხელ მომიცდება ხელი, მიხყება და მიედევნება დღეები დღეებს და რომ არა ღვთის განგება, ვინ იცის, იქნებ საერთოდ დაღქეილიყო ჩემს წიაღში, როგორც აუთვისებელი მასალა, მაგრამ ერთ მშვენიერ დღეს „საქართველოს რესპუბლიკის“ რედაქტორი, ბატონი არმაზ სანებლიძე შემავალი-ანებს:

იქნებ საახალწლო ჩანახატი მოგვიტანო თქვენებურზე, რომელიც იმედიანი თვალებით უმზერს,

ჯერჯერობით, სავალალოდ, საკმარისზე მეტად შემღვრეულ ჩვენს საწუთროსო და ცნობიერების შრეებში მყისვე ამოტივტივდება ობუჯელი მეურნე კაცის, ქიაჩის მონასტრის ყმის, ვალიკო მესხიას დაგლერტებული სახე.

კოლხისათვის ჩვეული აღნაგობისაა — ნაფოტივით თხელი, ძვალკანა, ძარღვიანი. ისე აიაღმართებს ასკაგუბურას ფერდობებს, თითქოს ტრიალ მინდორს მიუყვებოდეს ღიღინ-ღიღინით.

ხო, მართლაც, მინდორმა გამახსენა, წითელმა მინდორმა, უკეთ, ნათელში მყოფი მეგობარი მწერლის, გოდერძი ჭეიშვილის, ამავე სათაურის თხზულებამ, მთელი ცხოვრება წითელი მინდორის სანახავად რომ ემზადება მოთხრობის პერსონაჟი, იხილავს და იმედგაცრუებული ხელს ჩაიქნევს ფანტაზიური ხალხის ფეხისხმას აყალილი. არადა, ცნობილი ჭეშმარიტებაა: საზოგადოება უმიზეზოდ, უსაფუძვლოდ, შეუფერებლად არაფრისდიდებით მონათლავს ამა თუ იმ ადგილს, მოვლენას. რას ვიფიქრებ ათწლეულების შემდეგ, დიხასაც რომ წითელი მინდორის სივრცე-არეალში მოვექცევი: ფრთიანი სიტყვის, თამამი წარმოსახვისა და ძირმწარე რეალობის მორევში მოჯაფარე ჩემებურების გარემოცვაში. არ მინდა სიტყვა გამექცეს, ვინაიდან შეპირებული უვერტიურა დაწინებელი სტილით მოხვას სათქმელის გადმოცემას, თანაც მიზანსწრაფულობაც მოსანიშნია ოთხივე კუთხით: მე ხომ განუმეორებელ ადამიანებზე გპირდებით საკმაოდ ვრცელი სინამდვილის გადმოცემას?!

ახლა კი, როცა ნახირი შეფენილია ლებოროტის უხვბალახიან კალთებს, როდესაც საკონდახოს მთის მწვერვალზე ბარჩხალა მზე გადმომდგარა და ასკაგუბურელი მესხიების ძელურის ალიბჭეს კვამლს დასავლეთისაკენ მიაბოწოწებს თავგამოდებული ნიავი, სახელდახელო ტაბლას ოთხნი მივსხდომივართ საფუტკრეთში: თავად უბატონო მასპინძელი, ლეო ქიაჩელის, რეჟისორი ძმები შენგელაიების თუ პოეტ ვახტანგ ხარჩილავას ობუჯის მკვიდრი, მწყემსი და მიწისმუშა ვალიკო მესხია; ტელევიზიის საინფორმაციო პროგრამა „მოამბეს“ მთავარი რედაქტორის მოადგილე, ჩინებული მელექსე ბადრი ცირამუა, ჩვენი მეგობარი, პოლიციის გოლიათი სერჟანტი □დათვები და ფირალები რომ დაგვიფრინოს), რომან კახიძე და — თქვენი მონა-მორჩილი.

ვსდევართ ფიჭვის გადახერხილ მორებზე, ამ სეზონზეც რომ გასწევენ თავის დანიშნულებას, მერმე დააპობენ და შეუკეთებენ აგუგუნებულ ბუხარს.

სუფრაზე გამოტანილია ჯერაც კვამლგაუქარებელი სარანჯი — ფიჭა და სანთლის დაჯაჭვული არაყი სირჩებით.

სამი წლის ღვინოს მოგვიანებით შემოდგამს სახლიკაცი სუფრაზე, როცა „შედარებით სერიოზული სადილი გახაზირდება“. ახლა პრელუდიაა, მოთელვა, სიტყვის ყადრის მკლავჭიდი.

დაბლა აკოკრილი სიმინდებია, ლამის ხექტარნახევარზე, მთიანი გარემოსათვის სადაგი, ბარისაზე ტანმორჩილი, მაგრამ ტარობით დაკაპანებული.

ფერდობებს შუა რამდენიმე ასეული ნაბდისგაშლა ზოლით მიუყვება იგი აღმოსავლეთისაკენ, რომელიც აყაროს ყლივით ვიწროვდება ნელინელ. სილურჯე კი ატყვევებს და აშთობს ყოველივეს, სულისშემგუბველად, თვალისმომჭრელი შეფერილობის ოკეანედ. ყოველწლიურად ორ ტონამდე მოსავალს იმკიან თურმე მესხიები ზურმუხტი სავანედან.

ყურთასმენაში ფუტკრების გაბმული ზუზუნია და ორერგასეული სკა მომცრო ქალაქივით ჩამწკრივებულა მზით გაჯერებულ, ტერასებადქცეულ მთის ფერდობზე.

აყვავებული აკაციების სიმრავლეა.

სიმწვანეში აქა-იქ გახირულა ფითრისგან თუ ლაფნიჭამიასგან ზეზეურად ჩამომხმარი ნაძვები, ცაცხვები, — საშიში სენი შეპარვია მამულის საშვილიშვილო ტყეებს, მაგრამ ეს საკითხი უფრო განშტოებითია, მომავლის სასაუბრო თემაა, რომლისთვისაც და კიდევ მსგავსი მრავლისთვის, მოვიცლით რამდენადმე ქვევით და ქვევით.

ახლა კი, ამ ამობრდღვიალებული მანათობლის ფონზე, სამშობლოს სატკივარს ვენმიანებით საფუტკრეთის მინიატურული ქალაქით გარშემოტყმულნი და გასაკვირი არაფერია, რომ სტუმრები ხმაგაკმენდილნი ვსდევართ ენაწყლიანი მასპინძლის წინაშე, ვინაიდან თითოეულისთვის არსებითი ვალიკო მესხიას სულის აბაბანებაა, მისი გულის მჭეხარების ექო ამ უკაცრიელი ხეობიდან, სულ მალე თოვლის ქარავენებით რომ ამოიქოლება მთელი ექვსი თვით და რადგანაც „ორშაბათი“ შეგვირქმევია ჩვენი მოფრთხილებული სჯა-ბაასის მონაკვეთისთვის, ისევ ვალიკო მესხიას მონოლოგს დავსჯერდეთ გულის საბოლოო ამობერტყვამდე, ჩვენეული ძუნწი ჩარევებით აფერადებულს:

— უბატონო გლეხები ვართ ჩვენ, მესხიები, — ახალგაზრდული ხმით გვიმხელს მარტოსული ხეობის მახვში, — ამას წინათ ობუჯში დოკუმენტურ ფილმს იღებდა თურმე ჩვენს საგვარეულოზე,

დისშვილად საკადრისი, კინორეჟისორი კარლო ღლონტი. შემატყობინეს და ვეახლე ჯიშ-ჯილაგს. სამი ხარი ჩამოკვიდეთ, ერთ-ერთი ჩემი ჯოგიდან იყო, რქანაყარი. ყბის ორი მოქნევა ხორცი ძლივს გვერგო თითოეულს. გაიხარა სულმა და გულმა. რა სჯობია, როცა სისხლხორცი ერთად შეიყრები, ერთი ცისქვეშ შემჭიდროვდები, ერთ კოცონთან, ერთი ფუძის, ერთი დედაბოდის გარშემო, პატივს მიაგებ წინაპრების ხსოვნას, მოკეთეს გაახარებ და მტერს ჯავრით გაუხეთქავ გულს?! ქიაჩის ყმები ვართ ჩვენ, მესხიები. დაილოცოს მისი სახელი, დიდია უფლის განგება! ზოდა, იმას ვამბობდი, ქართველებს გადაშენება არ გვიწერია, თითოეული ჩვენ-ჩვენი გვარების გარშემო თუ დავირახმებით!

— ეგ, როგორ? — სული წასძლევს ბადრი ცირამუას.

— როგორ და ჩვეულებრივ, აქამდე რანაირადაც მოვლწეულვართ, ისე. ახლო წარსულში მკერდში მჯილის ცემით დავაფრიალებდით ლოზუნგებს:

მოვსპობთ სხვაობა ქალაქსა და სოფელს შორისო და ტაშსაც ვუკრავდით ცბიერი მტრის მიერ ყველას თვალწინ გამოტანილ ერის სასიკვდილო განაჩენს. ახლაც მოიწევენ ჩვენსკენ, რათა აღგვხოცონ მიწის პირისაგან, მაგრამ ვერ ეღირსებიან ქართველის გადაშენებას. ბიჭებო, ხა, როგორ დაიმღერეს მთიანეთში? „ვინა თქვა თუშთა დაღევა, ნაპირმოტეხვა — ცისასაო?!“ როგორც ცას ვერაფერს ჩამოამტვრევ, ქართველობასაც ნატამალს დააკლებს ვინმე, ოღონდ საკუთარი გვარის გარშემო დაჯვარდეთ ერთიანად და ... შეიძლება გაგეცინოთ ჩემი ახირებულობის გამო, მაგრამ მოდი, ჯერ ჩვენ-ჩვენი გვარები ვადღეგრძელოთ და მემრე განვაგრძობ, ხო, ენგრე!

შევსვამთ. მივაყოლებთ ლუკმას. კვლავ აიღესება სასაუბროდ ვალიკო მესხია:

— გვარს ებრძვის ქალაქი, ჩვენი გარეშე და შინაური მტერი. სამშობლოს გადაგვარება და გადაჯიშება, სწორედ რომ ამ შეგნების დამსხვრევიდან მოდის, თორემ რა წააქცევს ქვეყანას, რომელიც ურთიერთმიყოლის ნიჭზეა აგებული. არაფერში გვარგია ჩვენ გადამთიელის მიბაძვა. ღურაშუ წამალ ოლაფარეს ელაჩანდ, ვოუჩქუდეს ვარავა: სიკვდილის წამალი ლაფაროსთან, ყურისძირას ხარობდა, არ იცოდნენ თორემო, — მოუთარგმნის რომან კახიძეს, — რატომ უნდა დავიბნელოთ გონება სხვისი მიმბაძველობით, როცა ერგას საუკუნოვანი და შეიძლება მეტიც, გმირული ისტორია გვიმაგრებს ზურგს?! აგერ, ქვასანაყი, ბარს ამოხყვა ტერასების გაშენებისას. შეხედეთ, როგორი გამოჩორკნილია?! ვინ იცის, რამდენი ჟამთატირალი გამოუვლია ... ან წისქვილის ეს დოლაბი, ლაყუტია შვილიშვილმა რომ დამიმტვრია ფერდობზე დაგორებისას; ან კიდევ უხსოვრობისდროინდელი ჭურები, მძლავრ ფესვებს რომ მოუგნია და დაუღეწია დროთა ვითარებაში, მაგრამ ერთი ხომ მაინც გადარჩენილა, ერთი ხომ მაინც არის ჯერაც ცოცხალი, ღვინის ასაბორგებლად ვარგისი?! ზოდა, ესენი არაფერს შემოუნახავს გვაროვნული პრინციპით ცხოვრების მეტს. გვაროვნული კულტის აღდგენა და დაწინაურება უმთავრეს ქვითკირად მესახება ჩვენი ქვეყნისათვის. რამდენი გვარი იქნება დღევანდელ საქართველოში? — მოგვაჩერდება სახეზე სათითაოდ.

— დიდი დიდი ორიათასი, — უპასუხებს ბადრი ცირამუა.

— შეიძლება მეტიც, — ჩავერთვები საუბარში მეც.

— ამისი გაგება არ გაგიჭირდებათ თქვენი ხელობის ხალხს. თავად რამდენი გყავთ გვარში თითოეულს?

— ოთხას ოცდათხუთმეტი სული, — არ ვაყოვნებ პასუხს.

— ხუთას ცამეტი, — იტყვის ბადრი ცირამუა.

— ჩვენ ქვიშასავით ვართ, ალბათ, ხუთი ათასამდე, — თავმომწონეობს რომან კახიძე.

— კარგად გქონიათ საქმე, — ჩაილიმილებს გულთმისანი მასპინძელი, — ჩვენ, მესხიები, სიმრავლის მხრივ საქართველოში ბერძენებს, მაისურაძეებს თუ თუნდაც კახიძეებს მაინცდამაინც ვერ დავეტოვლებით, მაგრამ სამაგიეროდ ერთი დიდოჯახი გავვაჩნია. სუფთა სისხლის ქართველები ვართ, არც გააფხაზებულა ვინმე და აღარც — გაგურულ-გაიმერლებულა. ნუ მიწყნოთ კეთილ ხუმრობას. გვარის სიწმინდე მისი წინამძღოლის უნარიანობაზე ხკიღია და არა — ძირძველობაზე, როგორც ამას უსაფუძვლოდ მიუთითებენ ზოგჯერ. გვარის ჩამოყალიბებას არც ისე დიდი ხნის ისტორია აქვსო, გამოგონია, სამასი-ოთხასი წელიწადი, მაგრამ მთავარი ის გახლავთ, რომ ღონიერ გვარს შემუშავებული აქვს აღორძინების თავისებური გზა, ხერხი, საშუალება: ურთიერთხელგამართვაა ეს თუ უვარგისის მოკვეთა, უკუგდება. გვარი შიგნიდანვე იწმინდება ბიწიერისგან, როგორც წიღისგან რკინა ცეცხლში გამოწრთობისას და პირმართალი ეგებება სახელმწიფო საქმეებს. თქვენთან თუ არიან მესხიები? — ჯაჩის ტბის მიმართულებით იყურება. მილიციის ოფიცერი კახიძე საპაგონე ვარსკვლავს შესციცინებს ბრდღვიალა ცაზე. ბადრი ცირამუა თავს გადააქნევს უარყოფის ნიშნად. ისევ მე ვვერჩები ხელში.

— ენურისპირა ოტობაიაში სახლობენ. ახმახი ვალოდიას შევლივით დინარა თანაკლასელი იყო

ჩემი. მისი უფროსი ძმა ტოტოშა მგონი ბუმკომბინატშია დაფუძნებული. თითებმოდუ- ნული კუკულია არაკუნებს ქარვის კრიალოსანს. ყომარბაზმა ბონდომ ჭაკი ცხენების დევნა მოიშალა. მოძმის ხელით გაწირული დეიდა- შვილი ბესიკი მივაბარეთ მანცხვარკარის მიწას. ოქროს ხელებიანი ნაპო არის უმუშევრად, სადღაც რკინიგზის სადგურ- რის სიახლოვეს, ზუგდიდშივე. გენრი ლექსების წერაში მება- ექრება. დაახლო- ებით ისეთი პროპორციაა, როგორც ლლავსა და ჭიჭიყინას შორის. ვერაფ- რით მოუწელებია პირველ რომანში საცივი რომ დავუწუნე მესხებს.

— ეგ, რანაირად? — ჩააფრინდება ფრაზას მარტოსული ხეობის მეუფე.

— წყვეტერია გამოსდით საცივი-მეთქი და გადავყე ლამის ამ სიტყვას. გადა იყო კიდევ ჩვენთან, შეუღარე- ბელი. ღვინოს ვედროთი სვამდა, თუმცა ახლა ჭიჭაც ყოფნის.

— შვილს რომ თავი ახადა საკუთარი ხელით? ეგეც თქვენებურია?

— დიახ, ოტობაიელია ნაპო მესხიაც. უბედურ ნუკრიას თვითონ გაუკეთა ოპერაცია და თითქმის ნახევარი სიცოცხლე აჩუქა. ჩინებულ ლექსებს წერდა ის უიღბლო. სატელევიზიო გადაცემა მივუძღვენი ერთხელ მის შემოქმედებას. ნაპო ერთადერთი ქართველი პოლიტიკოსია, ვინც წარბეუხრელად ჩაფრინდა მოსკოვიდან სოხუმში და ადამიანურად დაელაპარაკა აფხაზებს. ოტობაიამდე ჩაიყვანეს მანქანით. სამ კილომეტრში ცხოვრობს ჩვენგან, სოფლის ცენტრამდე. იცნობ?

— მაგას ვინ არ იცნობს, ბაბაგე! წლების წინათ მიმიგზავნია ცოლოურები სოხუმში. ობუჯში ვნახე ბოლოს შარშანწინ. მთავრობის კაცი გახდა, მაგრამ ამპარტავანობამ ვერ აჯობა. როკივით მიუდგომელია და ამავდროულად წყნელივით დამყოლიც.

— ზუგდიდელი არსენა პრეზიდენტ გამსახურდიას ახლდა ბოლო სამ თვეს.

— ვანოს შთამომავალია?

— თავურის დიდოსტატ ვანოს ათი შვილიდან ბაჯას და პაწუს ვიცნობ, კიდევ — ჯემილას და ნინულას. ოქრომჭედელი არსენა ხომ მთლად უბატონო მესხების განსახიერებაა. ბაყბაყდები ნაცარქექიად მოგეჩვენე- ბოდა მასთან შედარებით. ადგილიდან ვერ დაძრავდი. მოხდა ეროვნული ტრაგედია და სამ კვირაში შეიფერთხა კაცი. ჩამოდნა, ორმოცი კილო დაიკლო. მერე პრეზიდენტის თანხლების დღეებში ხომ მთლად ტყავი და ძვალი დარჩა. მიწერია ამეებზე მეორე რომანში.

— ძალიანაც კარგი, მაგრამ საცივის ამბავი მომხვდა გულზე. ალბათ, სუპში აგერია ან ხარჩოში. მესხების ქალებს საკამპანო საცივისა და კუჭმაჭის შესაკმაზად თვენახევრით ადრე იბეგებდნენ ხოლმე, მაგრამ ვფიქრობ, შენისთანა სიტყვაფხიანს არც მაგის გამორანდვა გაუჭირდება, — მსუბუქ ხელკავს გამომსდებს. ისედაც ჩამორჩენილ თანამგზავრებს მიივიწყებს, — სხვას გეკითხები ახლა: რომელი უფრო იოლი მოსავლელია, მუშტივით შეკრული ორიათასი დიდოჯახი თუ უკულმართად დაგრეხილი ხუთი მილიონი ადამიანი? ეს ხომ იგივეა, რაც ამ ფერდობებს შეფენილ ფუტკრებს სათითაოდ დაუწყო კუდში დევნა გულისნადების გასამქლავებლად?! ამისთანა საქმისგან გამოვა რამე? არაფერი ჭირიმე! მაგრამ როდესაც ის ფუტკრები თავთავიანთ სკებს მოაშურებენ, მაშინ ადვილია თითოეულის ოჯახის მიხედვით ყოველი სატკივრისა და ჭირ-ვარამის მკურნალობა. ამიტომაც მიმანია, ყველამ უნდა ვიზრუნოთ საკუთარი ძირების, ფესვების სიახლოვეს შესამჭიდროვებლად. გვარის გარშემო დარაზმულ ქართველებს ვერაფერი წააქცევს. იქ დუდკოჩი* გონივრულად განსაზღვრავს მემრე რომელი ქალიშვილია გასამზითვი, რომელი ყმაწვილისთვისაა სწავლა-განათლების ფული გადასახდელი, ვის სახურავს აკლია კრამიტი და ვის ულუფას — სანელებელი.

მოკლედ, ამდაგვარი გზით მოარულეებს, დარწმუნებული ვარ, უცხოეთი ვერც გულგრილობა-გულცივობით მოგვერევა და ველარც — მაქინაცია-ხრიკებით, ქვასავით მაგრები დაუხვდებით სეტყვის შემოტევას. ესეც რომ არა, ჩვენი სამშობლო გვაროვნულ პრინციპზე რომ იყოს აგებული, მაშინ ერთმანეთში გავარკვევდით ურთიერთობებს აფხაზი და მეგრელი შონიები, ხუბუები, სხვანი, რომლებიც გუშინწინ თუ გუშინ ღვიძლი ძმები ვიყავით ... მაგრამ სწორედ გვაროვნული ურთიერთობის მოშლის გამოა დღეს მოსისხლე მტრებად ვქცეულვართ.

— გვაროვნული ურთიერთობა კაცობრიობის განვლილი ეტაპია, — მოვიშველიებ თეორიულ საფუძვლებს მორგანიდან თუ ენგელსიდან, — გვარის შემჭიდროვება ეკონომიკური აუცილებლობითაა განპირობებული, მაგრამ ფულის გამოჩენა დავიწყებს გააყოლებს პირადი ინტერესებით შეკავშირებულ ერთიანობას, — გამოვაცლი საძირკველს ვალიკო მესხიას მეცადინეობას ჩვენი სახელმწიფოებრივი მოწყობის გზაზე, — ისტორიის ბორბლის მობრუნება ამაო ცდაა, ასეთია მსოფლიო გამოცდილება.

— ეგ ყველაფერი საპნის ბუშტია, — მომაპყრობს გამჭოლ მზერას, — რატომ უნდა წავიდეს ადამიანი მაინცდამაინც უარესობისაკენ? ნუთუ ოდესმე მაინც არ გამოიღვიძებს მის სულში საუკუნო განადგურების შიში? მაშ, ღვთის ხატად შექმნილს რისთვის ვუწოდებთ? დარწმუნებული ვარ, ადრე თუ გვიან გამოერკვევა იგი საღათას ძილიდან, რომელსაც პირობითად უმეტრება შე-

ვარქვათ. როგორ შეიძლება ჯანსაღი გამოცდილების უგულვებლყოფა?! წარსულში დაღვინებულია უფრო სანდო, თუ სიბნელეში ხელის ცეცებით მობოდილდე? ხოდა, იმას ვამბობ, საქართველოში ყველაზე მრავალრიცხოვანი თუ როსტოკაკა გვარების: ბერაძეა ეს, მაისურაძე, მესხია, ფეტელავა თუ ცირამუა, ხო, კახიძესთან ერთად, მათი კურთხევისა იყოს! თითოეულ მსხვილ თუ წვრილ გვარს ხყავს თავისი ყოჩი, ავ-კარგის გამრჩევი, ჭკუის მოსაკითხი და ამისთანა საკრებულოსგან გაძლოლილი საქართველოა უფრო საიმედო, თუ მოსყიდვებითა და ანგარებით შეკოწიწებული პარლამენტი?! მაგალითისათვის, ჩვენს გვარს თავის დროზე დიდი შოთა მესხია მესვეურობდა, მაღალ-მაღალი და ფიცარივით თხელი შოთა მესხია, მაგრამ რადგანაც იგი აწ ნათელშია, ახალი წინამძღოლის გამოძებნაც არ გავვიჭირდებო, ვთქვათ და, სიტყვისათვის, თუნდაც ვერცხლისწყალივით დაუდგრომელი და თვინიერიც ამავდროულად, იაშა მესხია, იაკობი ჩვენი.

— ჩვენს ჯიმ-ჯილავს გაუმარჯოს, გვარის გარშემო დარაზმულს! — ამგვარად ვაფორმებთ სამეული მასპინძლის მიერ მერამდენედ თავსმოხვეულ დებულებას. ვფიქრობთ, აწი მაინც შეეშვება აკვირებულ თემას, მაგრამ გაგონილა?

— გვარი ფარია ჭირიმე, ჩვენი ადათ-ჩვეულების შემნახავი ბურჯი, გალავანი, ხოლო სახელი ერთკაცისაა, მარტოკაცის, მრავალი ნიშან-თვისების, ვითარების შედეგი. მაინც საბოლოო ჯამში ისიც ქვეყნის სამსახურშია, როგორც ამოღებული მსხვილი და როცა საიმედოდაა მომარჯვებული ორივე ძალა, იქ წაფორხილება გამოვა?! სახელიანი კაცი იოლად გაიტანს თავს დუნიაზე, რადგანაც ამომიშვლებული ორლესულივითაა და ადვილია მისთვის გზის გაკაფვა, მაგრამ ყველა ხომ ვერ იქნება ალექსანდრე მაკედონელი თუ იოსებ ჟორდანი?! სახელიანი კაცი ფხიანია და მოხერხებული, მის წინაშე ფარ-ხმალს ყრის ნებისმიერი ზღუდე, მაგრამ ყველა ვერ იქნება ორნახალი არაყვით, დარანა! ზოგი ქვედერიაც გამოერევა გვარში, შედარებით მოჩლუნგებული, მოუხეშავი, რახივით მოშვებული, უიღბლო სულაც. რა, გავწიროთ სიკვდილისთვის, დავიწყებისთვის?! არ მითხრათ, ახლა უცებ პროფკავშირი მიხედავს ან სხვა ვინმე უცხოელი, ფულიანი ბიძაო! ტყუილია ეგ. ის შენი ჯიბესქელი გადამთიელი პაპაჩემის ხნოვანების ქვეყნის მკვიდრია და ჯერ კიდევ მაჭარი ადათ-წესით ყოყლოჩინობს, რომელი ადათ-წესიც, ვინ იცის, როგორ დაღვინდება ხვალ-ზეგ. შეიძლება ძელგი ღვინოს მაგივრად სულაც უქმური ხასიათის გამოდგეს, უჯიშო ჯორივით რომ იკბინება აღმართში. ვისაც სამშობლოს შეგრძნება არ გააჩნია, ადვილად წყვეტს სხვის პრობლემებს, ურწმუნო თომასავით თითებით იქექება ქრისტეს ნაიარევ ფერდში!

ვალეკო მესხია საფუტკრეთისკენ იმზირება, ბილიკის ძირას მოწანწკარე წყაროსკენ, საიდანაც წელიწადნახევრის წინათ გარდაცვლილი მეორე ვაჟიშვილის პირმო მოზოზინებს. მისი შემხედვარე ბერიკაცი თავს წარამარა აქნევს. მიაჩნია: დედამ მოაღუნა, ზედმეტი ლოლიავით გააზარმაცა, არ უშვებს ბაბუასკენ ხშირ-ხშირად, არიქა, საქმიანობით წელში არ გაწყვიტოსო. ფული რომ შემოაკლდებოთ, მხოლოდ მაშინ მოაკითხავენ მოხუცებს. ქალაქმა გადააჯიშა, იქაური უნიათო ყოფის ნირმა, გაუცხოებამ, გვაროვნულ ცხოვრების წესისგან განდგომამ.

— შემდგომ? შემდგომ რანაირად წარმოგე-სახება ჩვენი სახელმწიფოს მოწყობა? დავუშვათ, დავირაზმეთ ჩვენ-ჩვენი გვარების გარშემო, მერე? — ჩავერთვები საუბარში.

— რა მერე?! ნუთუ ვერ ვთქვი მისახვედრებლად? მომდევნო რგოლი სოფელია, ბაბაგე, გური, გვარებისგან ზღუმონჯილი— ჩაგრაგნილი— სოფელი, ხოლო მესამე — თავად კუთხე: ქართლი — კახეთი — იმერეთი — გურია — სამეგრელო — რაჭა — ლეჩხუმი — სვანეთი — აფხაზეთი — აჭარა — მესხეთი. განა სხვანაირადაა სხეულში? ადამიანის თითოეულ ორგანოს დასარულებული, შეკრული სახე აქვს თითქოს და მაინც მთლიანობაში — განუყოფელი, პიროვ-ნების ქედუხრელ სიარულს ემსახურება მიწყვი. ე, ბიჭო, გამოადგი ფეხი, ქვა არ დაგეჯახოს! გათბა წყაროს წყალი მაგ დოქში! ოფლი არ მოიღინო რამეფრად, წელკავი არ აიკილო უცებ და არ დამლუპო!

ეხ, ჩემო ძვირფასო, მკითხველო, დროებით აქ მოგვიწევს დამშვიდობება ჩვენს მართლაც განუმეორებელ მასპინძელთან, რომლის თაობაზე კვირეული შეხვედრების შემწეობით მთელი წიგნი დაიწერება, მაგრამ რადგანაც თხზულების ხასიათი გარკვეულია: კალენდარული სტილით ვაპირებ გამოცნაურებას ვალეკო მესხიასთან, ალბათ, მიმიხვდებით, რომ შემდგომ და შემდგომ მოსათხრობი უამრავი თემა განზე მოგვიტოვებია: გერმანელი ტყვეების სასაფლაოა ეს საირმეს შემოსასვლელთან; ექვსი შვილით დამსაჩუქრებელი თანამეცხადრე ქეთი ნერგაძე, ღამ-ღამობით გზაში შემობნელებულს ხეზე რომ სძინავს ნადირისგან თავდასაცავად; თუ კოსტია თორთლაძე, რომელიც გამომჯავრებელი უნდილაძეების ქალებს დაგრილებით დაექადნება ბერბიჭას კვალობაზე და ისინიც ფერებ-ფერებით მიიტყუებენ ერთხელ „გულდიად“ მირთმეულ სუფრაზე, შემოეხვევიან, ღვინოს მიაძალებენ და სუფრის შუაგულში რომ მოხალვათდებიან ვითომ სოფლის აშვიკს შეპირებული

თამასუქების გასანაღებლად, შეფუცხუნდება ჩვენი კოსტაია, წამოკრეფს მოდუნებულ ტან-ფეხს, მაგრამ ვინ არის ცოცხალი თავით გამშვები, დიდი ლაფშასი რომ აბია იმის უხილველად? გაწამა-წიაში შემოე-ფხრიწება კოსტაია თორთლაძეს სამოსელი, ფთილა-ფთილა, პერანგისა და მისი ძმობილის ხათირბაშობით, ხოდა, ასე დედიშობილას, უმაქნისი ვაჟა-საოხრეს ამარას მოუწევს ახალ-შეფოთილი ვენახებით წამელაკულება.

ალბათ, იმასაც მიგვიხვდებოდით, რომ ჩვენი ბელეტრისტული ბაასის პერსონაჟი, ობუჯელი მწყემსი ვალიკო მესხია, განუმეორებელ წალენჯიხაში კი არ იმყოფება, ზრდილობითა და თავაზიანობით განთქმულ მხარეში, არამედ — რაჭა-იმერეთის სადავო ტერიტორიის ბინადარია, უძირო ჯაჯის ტბის მესაკუთრე, წაბლა წყლის მეუფე, ასკაგუბურას ბატონ-პატრონი, შქავორას, კვარკვალის, დიდლეღესა და უნაგირა მთის გამგებელი, საირმის დამსვენებლის დამპყრებელი სიმინდის ფქვილით, სულუგუნის რძიანი ყველით, ოქროსფრად წამობლანტებული თაფლითა და საქონლის ხორციით, მაგრამ ყველაფერზე — მოგვიანებით და რიგისობის მიხედვით თანაც.

თანახმა*

სისხამზე თუ მიდაისებისას, საირმეს ხეობაში ხანჯლით გასაჭრელი ნისლი ჩამოწვება ხოლმე. გუშინდელი აფერდობებისგან ტანში მამტვრევს, დაჭიმული კუნთები მტეხს, მაგრამ თანამეცხედრე ნანა ხუფენხეს წინაშე თავს ვიყოჩაღებ, ფეხდაფეხ მივსდევ მთაში სიარულის ადათ-წესის კვალობაზე.

საცალფეხო ბილიკს ელსადენის ნეკისისხო შავი კაბელი მიუყვება, ყოველ მეტრნახევარში ღონიერ მავთულზე საიზოლაციო ლენტით დამაგრებული დიდთოვლობისგან დასაცავად. უშუქი, ელექტრონი, ასკაგუბურელების სიამაყა, მათი მიყრუებული ცხოვრების გამამზიანებელი და ხალისის შემომტანი, ამიტომაც არაფერია გასაკვირი, თუ დღეში სამგზის — საუზმე-სადილ-ვახშმისას, როგორც წესი, ალალმართლად ილოცებოდნენ ზესტაფონის მილიციის უფროსი, ობჩელი როლანდ კობახიძე და საყოფაცხოვრებოს მესვეური მელიტონ ჭურაძე.

— გაიხარა მამამისის სახელმა და გვარმა, — ორჯერ ახსენებს გუშინ ვალიკო მესხია, ელექტრონის პრობლემებზე ჩვეული, გამოწვლილვითი საუბრის შემდეგ. ორჯერ დალოცავს ორ პიროვნებას, ოღონდ მრავლობითში კი არა, როგორც ამას შანიძისეული გრამატიკის კანონები მოითხოვს, მხოლოდითში, შერწყმულად, გამთლიანებულად. ახლა ორი ინდივიდისგან ნაბოძები, ის სიკეთე, ერთ მთელშია თავმოყრილი: „გაიხაროს მამამისის სახელმა“, იტყვის ვალიკო მესხია და აქ უცილობლად როლანდ კობახიძისა და მელიტონ ჭურაძის მამები უნდა იგულისხმოდნენ, განსხვავებული გვარ-ჯილაგისანი, გამორჩეული წარმომავლობისანი, მაგრამ ერთი კაცურკაცობის მაღლით შემკობილნი.

ავმოსაგონარიც უამრავი აქვთ ასკაგუბურელებს.

მოხუცი ცოლ-ქმარი მარტოობისას სიტყვაძუნწები არიან. ხმის ამოუღებლად დაკუსკუსებენ ფერდობ და ფერდობ. უკიდურეს შემთხვევაში გამოეხმაურებიან ერთურთს, სხვამხრივ, თვალსაწიერზე, ხელის გაწვდენაზე თითოეული და სიტყვების კორიანტელს რალა ფასი აქვს?

სტუმრიანობის ჟამს თავს ვერ იოკებენ ადამიანებს მონატრებულნი, ეგ არის და ეგ. შენ იტყვი და ახლა ვინმესი ეხატრებათ თუ ერიდებათ იოტისოდენად?! ერთხელ ცეცხლსასროლი იარაღი წაართვეს თურმე, ცალღულიანი თოფი — „ცენტრელკა“, მაგრამ მესხიებს ბერდანკები და შაშხანები საიმედოდ გადაუნახავთ დათვების, თუ ავყა მომხდურის დასაფინთიხებლად.

ქეთი ნერგაძე არაფრით ჩამოუვარდება ჩუბინობაში „თავის ყაზაყ“, ზოგჯერ — პირიქით, მეტი უღლის გამწვებია კაფანდრა და ძვალკანა, რომელმაც ექვსი შვილი გამოზარდა წვალებით — „კიბირშა გენძგილაფირო“.

ნურაფერს გაიოცებთ, ამ რაჭა-იმერეთის საზიარო ტერიტორიაზე, მეგრულ ფრაზებს თუ მოკრათ ყური ქეთი ნერგაძის პირიდან. სიყვარულმა საზღვარი არ იცის თურმე და ისწავლა კიდევ საქმრისიანოს ობუჯში, წალენჯიხაში, ჩაღწევამდე სამი მაზლის გამომზრდელმა დედაკაცმა.

აშარი ქალის სახელით მოიხსენიებენ საირმელები. ვიცით ამის თაობაზე ჯერ კიდევ გუშინდლიდან, და როდესაც მოხერხებულ დროს შევუბრუნებ მეტსახელის გასაშიფრად, სკამის საზურგეს მიაწვება ქეთი ნერგაძე, კობლებიან ლეჩაქს მოიხალვათებს, მჭიდროდ წაიკრავს შუბლზე, ღიმილს კი არა და არ იცილებს ბაგეთაგან.

— არ მიწყენს თოლი, — ასე მიმართავს ქმარს ქეთი ნერგაძე, — და უფრო ცეცხლიანი გამოვდექი, აღქერქუ თქვენებურად. იყენენ აქ კორესპონდენტები, თვალის და კუჭის მოსატყუებლად რომ მიმოიხედავდნენ გარშემო. ხო, რას ეძახდნენ აქაურობას? ე... ეზოტიკას, და როცა დაიმწყურვალდნენ

სულსა და გულს, წავიდოდნენ ათასი შეპირებით:

გაგწერთ წიგნებში, გაზეთებში, ფოტოებს გამოგიგ- ზავნითო, მაგრამ მტერია მათი მოიძედე. დაზუთხულივით მახსოვს ჩემი ანიანგიანი და საუბარიც ამისთვის მემჩატება. არა, მთლად უმიზეზოდ როდი მეძახიან მხეცს, ნადირს, ტყუურს. აბა, ასეთ უკაცრიელში გამოყრუებულს შეიძლება სხვა სახელი დაერქვას?

რაიკომის პირველი და მეორე მდივანი სასიკვდილოდ რომ მივასილაქე, კუდიანიც მაშინ მიწოდეს.

სტალინი პატივს გვცემდა. რას ვაშავებდით? აქ გაგზარდე, ამ ტყე-ღრეში, ექვსი შვილი. ანგელოზი ქმარი შემახვედრა განგებამ ... ოქროსთმიანი, თაფლისფერი თვალების, ალვასავით ტანწვრილი, ბალნიანი და ძარღვიანი.

სხვა რა უნდა მდომოდა შავტუხა იმერელ ქალს? დაეწაფე სიცოცხლეს უკვდავების წყაროსავით და ილხინე სულა, მაგრამ ბედნიერებას ვინ დაგაცლის, განსაკუთრებით შენიანმა თვალში თუ ამოვიღო?! აკი, დაიჩვილა ხემ: ნაჯახი რას დამაკლებდა, შიგ ჩემიანი რომ არ იყოს ტარად გაჩრილიო.

ბიბლიოთეკის გამგე ვიყავი ბაღდათში, მოგვიანებით — აქ, საირმეში. გერმანელი ტყვეების გამოსარჩლების გამო ამითვალწუნეს. ეგ ყველაფერი — საბაბი, ცხადია, მთავარი ჩემი თოლი გახლდათ, ჩემი ვალიკო მესხია, მისი წარმომავლობა, მისი კოლხობა, მეგრელობა მარტივად. ბერია ახალი განადგურებული იყო და ალბათ, ყველაფერი გასაგებია: თითქოს თავზე გადაგვიდოდა რძე და თაფლი, ბობოლები ვიყავით, წურბელები, ხალხის მტრები. ჩვენი ბრალია, შრომას რომ დოვლათი მოსდევს?! ან დამნაშავე ვიყავით განა ყველა სტუმარი ჩვენს შემოგარენს რომ აწყდებოდა? ყველა ცნობილი ადამიანი ჩვენს ჭერს რომ ეტრფოდა? უფროსებს, თანამდებობის პირებს, ეხალისებოდათ აქეთკენ გამოსეირნება, საპატივცემლო ხალხის წინაშე თავისმოწონება ჩვენი ხელით შექმნილი საოცრებებით. ხოდა, გასკდნენ ზოგ-ზოგები ბოღმით, შურით. ქვეყნის მოლალატეებს გვეძახდნენ, დეზერტირებს, საწუთროს დამაქცევრებს.

ავსახლოთ და გავყაროთ აქედანო, არც მალავდნენ გულისწყრომას პირისპირ საუბარსა თუ ზურგს უკან.

ვალიკო მესხია თავს აკანტუტურებს. თვალები ღიმილით ეწკურება: როდინდელ ამბავს ხყვება „სიბრძნის კბილივით ტკბილი მეუღლე“.

სისხლისფერი იზაბელა ძრომდეა დაყვანილი ოთხლიტრიან, ყლაწვართულ ბოთლში. ქალებიც შემოგვეშველებიან საამისოდ, თორემ უარესად წაგვივიდოდა საქმე საირმის წყლით გაჭყპილებს. „საირმესთან“ ღვინო ფინთია თურმე. ქარვასავით კამკამაც რომ იყოს, ეგრევე უანგავს, აშავეს.

დააკვირდით მესამე წყაროსთან მდინარეში ჩასასვლელ ხვრეტილს და უზარმაზარ დანალექს — ბაკანს რომ შენიშნავთ, ყველაფერს ირწმუნებთ. აი, არაყთან კი მოგეცა ლხენა, დიდებულთა. როგორ იტყვის თავად ვალიკო მესხია?! „არაყთან საირმე? ცუფხ“!

— მილიციის უფროსმა, გვარს არ ვიტყვი, — აგრძელებს ოჯახის დიასახლისი ქეთი ნერგაძე. თვალს თვალში მისწორებს საუბრისთვის მეტი ბუნებრიობის შესაქმნელად, — ამოყორდა, ამოყაამყარდა: აიყარენით, გადაშენდით აქედან, ყლამდე ავივსე თქვენზე საჩივრებითო. დროზე თუ არ გადაიხვეწებით, თავად რაიკომის მდივანი მოვა და ერთიანად მიგაბრძანებთ სადაც ჯერ არსო.

დავტოვე ქმარ-შვილი ერთი დღით. საავადმყოფოდან ახალი გამოსული ვარ. ბრმა ნაწლავმა შემომიტიო. ექიმი მთვრალი შემხვდა — ვანიჩქა ხარაბაძე და საკალანდო ლორივით გამფატრა, მაგრამ რა მომერეოდა ჯოჯოხეთის მაშხალას, მგელზე ამხედრებულს და ცოცხით მფრინავს დამლამობით? მე ხომ ნემსი მისდღემში არ გამიკეთებია. თოვლში ფეხშიშველა მივლია და ჯაჯის უძირო ტბაზე ზამთარში მიბანავია შვილებთან ერთად. არც ულამაზო მეთქმოდა, კოჭებამდე მცემდა ხშირი, ნახშირივით ნაწნავეები, მაგრამ ეგ იქით იყოს და მივადექი რაიკომის მდივნის კაბინეტს. მდივან-მემანქანე წინ მელობება:

ხვალ ბიურაო და მოხსენებაზე მუშაობსო.

მართლაც ტყუირივით ხომ არ შევეჭრებოდი უმიზეზოდ რაიონის თავკაცს?! მოვბრუნდი შინ, სალამოსპირზე, საყიდლებით ხელდამშვენებული. მიკვირს ბავშვები ბილიკზე რომ არ მეგებებიან. ყველას თავ-პირი ჩამოსტირის თოლისთან ერთად.

რა ხდება, რაშია საქმე-მეთქი, ძლივს ვითქვამ სულს. არავინ მეხმიანება. ის კი არა, უმცროსები ზმუკუნებენ კიდევ. გავიხედავ და რას ვამჩნევ, ჩვენი სანაქებო ტალავური გაკაფული არ არის?! მიწაზე ყრია მაჯისსისხო ვაზები, შაბიამნით საგულდაგულოდ შეწამული, მოსხეპლია ხეები ... თითქოს ალა მახმად ხანს გადაუვლია სამოსახლოშიო. თვალთ მიბნელებდა, მაგრამ ამაღამ რანაი-

რად მოვიხელოთ რაიკომის მდივანს და მის ამფსონებს?!

ოჯახში ტრიალი ნელ-ნელა დამაწყნარებს. შვილების ალერსი გულს მომიღობს რამდენადმე. გადავიფიქრებ იარაღით მიხდომას ხელისუფლების წარმომადგენლებთან და ბარე ერთი-ორის სა-
იქიოს გასტუმრებას. დილაბნელზე ჩავიბრუნებ დაბლათში, მოგვიანებით მივადგები რაიკომის შენო-
ბას. ჩაკუბატებული მდივან-მემანქანე კვლავ გადამიდგება წინ.

ბიურაო, ანგარიშს აბარებენ ცეკას ინსტრუქტორსო, დაზუთხულივით მომაცრის სხაპასხუპით.
მეტი რა მენდომება უსამართლობით გაწამებულს?!

შევიჭრები და შევიჭრები.

მდივანი კუთხეში კრუსუნებს წელში ოთხად მოკაკეული.

გავუბირდაბირებ რაიკომის პირველ მდივანს. ვერავინ მეღობება წინ. გახევებულა დიდ-პატარა,
უფროს-უმცროსობა.

მივიწევი და მივიწევი რაიკომის მდივნის დაბაბისკენ, ჩესუნჩის ქათქათა კიტელისკენ. სამელნე
თვალში კარგად ამომიღია. ორბუდიანია, სარქველი ზედ გადამხობია ორივე ღრმულს, მარმარი-
ლოსია, ფითქინა.

სკამის საზურგეს აწყდება რაიკომის მდივანი. მარტო რომ იყოს, ჩემი გმირობების ხუთი თითი-
ვით მცოდნე, მოცოცხავდა კუდამოძუებული, მაგრამ ცეკას წარმომადგენლის წინაშე გაქცევა,
გნებავთ, უკანდახევა, რავარი საქმეა და ვამჩნევ, ვამჩნევ, როგორ უფართოვდება თვალები, რაჟამს
მარმარილოს ზორბა სამელნეს დაეწვდები, ისე მოვიქცევ ხელში, თითქოს ხელყუმბარა მომემარჯ-
ვებინოს. ვხედავ გაფიქვინებული სახისკენ რანაირად მიიწევეს ორივე ხელის კოტიტა, გაქონილი
თითები და მეც არც ვაცივებ და არც ვაცხელებ, ეგრევე პერანგზე მივასხამ პირთამდე სადესეს ხოლო
უკვე გამოცარიელებულს, ნიკიტას გაფაშფაშებულ სურათს მივადლევ. ასე გასახტებულს დავტო-
ვებ თითოეულს, მაგრამ შურისძიების იშტას არც მერე მოიშლიან.

რაიონის თავკაცები ბულდოზერს მომაყენებენ ჭიშკართან ორ დღეში და მაშინ რომ დავტენი
საიმედოდ გადანახულ ბერდენკებს და მაშხანებს, სულ ავანაპერწყლებ იმ მუხლუხებს ტრაქტორის-
ტის თუ მომყოლების ტალახში ამოსალუფხად.

გადაიკარგებიან და გადაიკარგებიან.

მაღე ნიკიტასაც წყალს შეუყენებენ და მოვისვენებთ ჩვენც სტალინის, გერმანელი ტყვეების ქომა-
გობის თუ ბერიას გვარ-ტომობის გამო.

ხელმარჯვნივ წისქვილია. ვეება ლოდებზე მოკამკამებს ჯერხანობით ჩვენთვის უსახელო მდინარე,
სინამდვილეში კი თეთრად, „ჩედ“ წოდებული.

ბონდი ორძელისგანაა, შუაში საყრდენი ბიჯებით. დავითველი ზედ დაჭედებულ ნახევარმეტრიან
ლატანებს და 33 შემრჩება ხელთ.

ყოველი ჩასაქცევი საიმედოდაა გამაგრებული. მუხის ძელია ხეებს შორის გადებული და ქვა-
ლორღით ამოვსებული. აკაციის სარებიც უხვადაა მოშველიებული.

ბილიკზე დავარდნილ ქვას კი არა, უბრალო კენჭსაც ვერ იხილავ. ყოველ დილა-საღამო ჩავილ-
ჩამოივლის აქ ქეთი ნერგაძე და ფეხისწასაკრავს როგორ დატოვებს გზაზე?!

ეს კვირაძალი ჩვენი პატივისცემით არ ჩამოვაკდება მესხიების მოუსვენარი დიასახლისი საირმეში.
დამსვენებლებს მოენატრებათ რძიანი სულუგუნე, თაფლი, ხილი და ბოსტნეული. ადგილობრივი
წესრიგის დამცველები ახლაც წაკბილავენ აქა-იქ ნერგაძეების ასულს, მაგრამ ძაღლების ღვდავის
გამო გაჩერებულა ოდესმე ქარავანი უდაბნოეთისა?!

შუაღლეა.

მე და ჩემი მასპინძელი საფუტკრეში ვტრიალებთ. ღალიანობის პირველი პერიოდი დამთავრე-
ბულია ბარში. აქ კი, ამ მიკროკლიმატის ასკაგუბურაში, ახლაც ყვავილობს აკაცია, ცაცხვი და
წაბლი. შექერია ყოველ ნაბიჯზე, რომლის თაფლი მწარე და მათრობელაა. მის გემოს იწვნევენ ერთხელ
მომხდური ბერძნები, როცა დათვრებიან და გახდებიან კიდევ კოლხების ხანჯლების წერა.

ფლორა საირმისა თუ წალენჯიხისა კოლხურია, ტყუპისცალივით გვანან ერთმანეთს. ყოველ
ნაბიჯზეა ჟუჯა გვიმარა, გვიმრა, ჩემი გოლიათი სამშობლოს სინონიმი საერთოდ, ვეება-უშველებელი
ოდესლაც, ოდესლაც მასავით გადაჯიშებულ-გადაშენებული და გაგვიმრუჭებული, აწ ცელითაც
რომ ითიბება. აქაურები ჩადუნასაც ეძახიან ამ მცენარეს. ჩადუნელების გვარით ხომ გადაჭედულია
მთელი ზეკარს აქეთა ხეობა?!

ვირისტერფას, მრავალძარღვას სიაურაცხლეა.

რძიანათა ტევრები, ღვედკეცები გადახლართვია წაყირავებულ თუ ინიციალებით აჭრელე-
ბულ ბუმბერაზ ხეებს.

მოსულან დამსვენებლები ორმოციან, ორმოცდაათიან, სამოციან, სამოცდაათიან, ოთხმოციან წლებში და თავიანთი გვარ-სახელებით წაუბილწავთ მათი ქათქათა ტან-სხეულები. შემდგომ და-ჯირჯეული გარსი მოუკიდებია ხეს, შეუწოვია ის მთავრული ასოები, ნაჯახით თუ დანა-წალღუნათი ამოიჩქინილი, წაუშლია უმეტესი, განსაკუთრებით საუკუნის შუალახნისა, და ერგასი წლის შემდეგ, სავარაუდებელია, რომ მათი ნასახიც გაქრეს საერთოდ უსიერი ტყის ავანსცენიდან... ბუნება შეუ-ვალი კანონით მოიცილებს თავიდან დამამცირებელ სვირინგებს, იარლიყებს ...

ამეგზე მეფიქრება მეფუტკრის პირბადეთი აღკაზმულს. ვალიკო მესხია კი სახეშიშველია. ხელს გადიბანს ოდენ საფუტკრეების შემოვლის წინ. ახალ ხალათს ჩაიცვამს:

— ფუტკარს იშვიათი ყნოსვა აქვს, რისი მეშვეობითაც, ისინი რამდენიმე კილომეტრის რადი-უსით ეძებენ საკვებსო, — მიმხელს.

ფუტკრის ცხოვრებაზე უამრავი წიგნი წამიკითხავს. სატელევიზიო გადაცემაც მომიზადებია ოთხმოციან წლებში. ბევრი მსმენია იშვიათი მეფუტკრეებისგან: კოჩია ქარდავასაგან, ლადმერ კვარაცხელიასგან, მაგრამ ვალიკო მესხია შეუდარებელია. ნებისმიერი პრობლემის გადაწყვეტას ფუტკრის ცხოვრებით, სკის კანონზომიერებით ლამობს. მანახებს ექვსკუთხოვან ფიჭას:

— ერთადერთი გეომეტრიული სხეულია, რომლისგან წვეთი არ იღვრება ჩასხმის შემდეგო.

მიდი და ნუ ერწმუნები.

გუშინდელი საუბრებიდან ორი პასუხგაუცემელი ფრაზა მილიტინებს სულში: რა კავშირშია მესხიების ოჯახი გერმანელ ტყვეებთან და კიდევ — რანაირად უპასუხა ვალიკომ აფხაზეთში გადასახ-ლებულ მეზობლებს, რომელთაგან ხუთწლიანი კონფლიქტის მანძილზე უკან ერთიც არ მობრუნე-ბულა, ფაქტობრივად ჩვენს მტრებად დარჩენილან და ვინ იცის, იქნებ ჩვენი სისხლიც კი დაღვარეს ნილაბაფარებულებმა თუ სახეგამოჩენილებმა?!

მივუყვებით მწკრივებს. სამხრობამდე შორხანია. გაზეთებიც ბლომად ამომიტანია თავის შესაქცე-ვად. მივსდებით მოგვიანებით ჩრდილქვეშ და წავიშუსაიფებთ, სანამ მზე გადაიხრებოდეს, სანამ სანატორიუმში ცოლის დისშვილისა და ცირამუების ოჯახის იმედით დატოვებული შვილები გაგვახ-სენდებოდეს.

— მართლაც ყოჩალი ქალი გყოლია, — ვუქებ მეუღლეს ვალიკოს მესხიას.

— ხო, ყველაფერი გამართლებაზეა. ოჯახის გულისთვის დედალ ავაზასავითაა მომართული ნი-ადაგ. საერთოდ, ცნობილია, მამალი ნადირი, პირიქით, ვნებს თავის პატარებს: ხვადი ლომი, ნიანგი, სხვანი, საკუთარ შვილებს ერჩიან, ჭამენ ძუთა განსხვავებით. გამონაკლისი დედალორია, მართლაც ღორი!

— მაინც რა უნდოდათ? ექვსი ძმიდან ორი სამამულო ომში მოხალისედ წასულა. უამრავი ბიძაშვილ-მამიდაშვილი დაგვიკარგავს იქ უგზოუკვლოდ თუ გმირულად. ასაკით ოცდასამის ყო-ფილხარ ომის დაწყებისას.

— მართალს ბრძანებ, ოცდასამის, და კიდევ სამი შვილის მამა. აქაური კომისარი მეგობრობდა ჩემთან. „ბრონი“ მომცა, იგივე ჯავშანი, დაბას რომ ვამარაგებდი პროდუქტებით. მოკლედ, გამილიმა ბედმა და გადავრჩი ტყვეობას თუ სიკვდილს, მაგრამ გაწვევის ბარათი რომც მიმეღო, მე ომში წამსვლელი მაინც არ ვიყავი. კომუნისტურად როდი აღვზრდილვარ. არც ოქტომბრული ვყოფილ-ვარ და აღარც — პიონერი. წითელი გალსტუკი მისდღემში არ მიფრიალებია. არც კომკავშირულად ვიბაგუნებდი მკერდში მუშტს და კომუნისტებსაც იძულებით ვქომავობდი, ვინაიდან მათ ნება-სურვილზე იყო დამოკიდებული ჩემი არსებობა. აკი, გეხსომებათ, როგორ გამიჩანაგეს ჩინებული ტალავური და როგორ მომიჭრეს მსხმოიარე ხეები ორმოცდაათიან წლებში. ამას ბუნების შვილი იზამდა?! არა! ადამიანები მაშინ ილუპებთან, როცა რაიმე ნიშნით დაიწყებენ გამორჩევას, გამოკერძე-ვებას, ქრისტიანია ეს, მუსულმანი, კომუნისტი თუ კაპიტალისტი; როცა პიროვნებას მომეტებით და-უწყებ პატივისცემას, ან სიძულვილს, უმთავრესი დანიშნულება — ადამიანურობის გამო თაყვანისცემა — თითებს შორის გაგისხლტება და იქ მორჩენილია ოცნება საუკუნო განსასვენებელზე. ახალი წელი ჭირვიტით მეჯავრება საერთოდ. ჩამოივლიან ტყის მცველები, იგივე ეგერები, მოჭრიან აწვართულ ნაძვებს, საარაკოდ გაქუჩუჩებულებს. ყმაწვილკაცობა არ დასცალდება, გირჩას ვერ მოისხამს ზოგი-ერთი ისე, ძირში, ძირში მოსხეპენ და ერთკვირიანი სიამოვნებისთვის ჩააბრძანებენ ქალაქს. ამისთანა ადამიანებს გვერდების იფნის წყნელით აჭრელება არ უნდა აკმარო. ცემა, გაჯორვა არაფრის მაქნისია, უნდა მიაჩირო ხელში ბარი, აჩიქნინო მიწა და ერთი მოჭრილი ნაძვის სანაცვლოდ ათასი უნდა დაარგვენიო! სხვანაირი დასჯა მე არ მესმის. კაცის მკვლელს ყულფში რომ გააყოფინო თავი, ადვილია, ყველასათვის ხელმისაწვდომი. ამბობენ ამერიკაში ელექტრონის სკამზე აჯენენ დამნაშავეს და საფრან-გეთში — გილიოტინათი წააცლიან თავსო, მაგრამ ჩვენ რომ სიკვდილით დასჯა გავაუქმეთ?! ვფიქრობ,

უფრო დიდი სიკეთის განხორციელება შეუძლებელიცაა, თუმცა ეს არ ნიშნავს კაცისმკვლელს არ ჰქონდეს კანონის შიში თუ უზენაესის ორანი.

— ორანი შიშზე მეტია, — ჩავერთვები მე.

— დიახაც. შიში მარტივია, ორანი კი რალაც აღუწერელი რიღია, აი, სიტყვა „ვაშინერსს“ რომ ახლავს. რა ხქვია მაგას ქალაქურად?

— არ ეგების, არ სახსენებელ არს, კიდევ გააჩნია შესატყვისი პოლინეზიურად: ტაბუ, ტაბუ აქვს დადებულიო.

— მიეთ-მოეთებისა აღარაფერი ვიცი. დიახაც, იმ ორანით, ვაშინერსის მაგვარი რომ არის, ათასდაფეულით უნდა იყოს შებოჭილი ავისმზრახველის, ავისმოქმედის სარბიელი. ვთქვათ და მოკლა ვილაცამ შურით, სიხარბით მოყვასი თვისი, სიტყვისთვის, კაენმა — აბელი. არ მოაკვდინა ამის გამო მამაღმერთმა ეს უკანასკნელი. დაესაჯა — ჩვეულებრივი მოკვდავის საქმეს ჩაიდენდა — შურისმაძიებლობას, რიგითებისგან არაფრით განსხვავებულს. ის კი ღმერთი იყო და სიცოცხლე მიუსაჯა, მოსპო მორალურად და არა — ფიზიკურად, როცა მის ჯიშ-ჯილაგს დამნაშავეის დამლა მიაკერა საშვილიშვილოდ.

— მაგრამ ხიტლერისთვის რომ დაგვეცლია, მთელს კაცობრიობას ამოუყუჟავდა და ვიდრე ღმერთი მოსთხოვდა პასუხს, ყურმოჭრილ მონებად გადაგვაქცევდა ოსვენციმებსა თუ ბუხენვალდებს გადარჩენილ ზოგ ერს ქართველებიანად.

— ეტყობა ველარ გამოვთქვი გასაგები ენით. მე როდი ვამბობ, როცა ვინმე მოსაკლავად დანას გიღერებს, არიქა, ყლი მიუშვირე-მეთქი. მეკვლეის, არაკაცის ზნეობრივ დასჯაზე მოგახსენებდი. ფუტკრის სკა არ ცნობს მუქთახორას. ისიც არაკაცია ოჯახის თვალთახედვით. როგორც გარედან შემოღწეულ ჭიანჭველას, ბზიკს თუ თავგს, სასიკვდილოდ გასწირავენ მხარ-თეძოზე უსაქმურად მოკოტრიალე თვისტომსაც. ფუტკრისთვის ორნაირია მტერი: მომხდური, წალეკვას რომ გიპირებს და შინაური, საძირკველს რომ გითხრის. ფუტკარი ამ შემთხვევაში მოწოდების დონეზეა ყოველთვის.

— მთავარი საკითხი მაინც განზე გვრჩება, — ღიმილით შემოვებრუნებ ბანზე აგდებულ სიტყვას.

— მაინც რომელი? — ჩამეკითხება გულუბრყვილოდ.

— აი, გერმანელი ტყვეები, რომელთა ქომავობის გამო თურმე ლამის აგყარეს ასკაგუბურადან.

— პირის გარმონის ოსტატები იყვნენ ეგენი, იშვიათი მშენებლები, საარაკო ხელოსნები. უკრავდნენ ყოველგვარ ამინდში, სამხიარულოსაც, სევდიანსაც. ჩვენთან ომის მიწურულიდან დაიწყო გზის მშენებლობა. მანამდე ცხენის სავალი, დამტვრეული ბილიკი მოიკლავებოდა აქეთკენ... ლალუმებით აფეთქებდნენ კლდეებს. არავინ იცავდა შრომის უსაფრთხოებას. ტყე-ივანთა სიცოცხლე ხომ ყნულზე ეწერა გერმანიაშიც და არც აქაურნი დაგიდევდნენ რამედ რომელიმე ტყე-ფრიცის გაღმა მარილზე წასვლას. წესსაც არ აუგებდნენ, ისე მიაბარებდნენ საირმეს ძმათა სასაფლაოს. ბაღდათის რაიონის გამგებლის, დალოცვილიშვილი გურამ გეძაწის უშუალო თაოსნობით აღადგინეს შემდგომ ის საფლავეები, სულ სამოცდათხუთმეტი ჯვარია წამომართული იქ, მაგრამ რატომ ორჯერ და სამჯერ მეტი არ ჩაქვესკენლებულა უსამართლო წუთისოფლის თვალწინ?! მითხრა ერთხელ ქეთიმ:

მათი ცოდვით ვიწვევბიო. რაიმე წიგნი მქონდეს გერმანულ ენაზე, გავრისკავდი, ორ კილოგრამ თაფლს ვუფეშქაშებდი ზედამხედველს და ვუსახსოვრებდიო.

მერედა, ვინ გიშლის-მეთქი. აბა, გაიხსენე, რას ეუბნება აღაზას აღხასტაიძე ქმარი, როცა ქისტებისთვის ურჯულო ზვიადაურს ცხარე ცრემლით დაიტირებს-მეთქი. წადი რაიონში, იქაც თუ ვერაფერი იპოვო, დედაქალაქისკენ გასწიე, ოჯახის საჭიროებისთვისაც წამოიძლოლიებ რამეს. აბა, შენს ბიძასავით, ფულს „ფეჩის ტრუბაში“ ხომ არ დავაობებთ-მეთქი.

— რომელ ფულზეა საუბარი?! — შევაწყვეტინებ წამით.

— ოოო, ეგ განუმეორებელი გახლდათ, აღისტორე ნერგაძე. მაგისთანა ღვინოს ვერავინ აყენებდა დუნიაზე. უცოლობაში, უშვილობაში ამოხდა სული. ღუმელს არ ანთებდა, შეშას არ აჭაჭანებდა ოჯახში. ზამთრობით მის ფიცრულში ინდაურის უკანალის ფერი ელო ყველაფერს სიცივისაგან. ტყე თავზე ეყუდა და მაინც სიცივისგან ძვრებოდა სული. ხელები კანამხალის მწნილისგან ამოღებულს უგავდა დღემოსწრება. ცეცხლს იმიტომ არ ანთებდა, რომ თურმე „ტრუბაში“ ფულს ტენიდა, ერთი პირთამდე გაეესო, მეორე — სანახევროდ. აბა, როგორ?! დაანთებდა ცეცხლს და ხომ სახალხოდ გამოჩნდებოდა მისი დოვლათი, კვამლი ამოახრჩობდა ბედდამწვარს. ასეთი გახლდათ აღისტორე ნერგაძე, ჩემი „კენინას“ გარებშიაშვილი და ვუხსენე კიდევ საჭიროების შემთხვევაში. დედაკაცმაც ყურად ილო ჩემი დარიგება, ქალ-ვაჟი აიღევნა; ფეხსაცმლის ზომების აღებას, სჯობია, ადგილზე მოვარგებო.

ორი დღე-ღამე გადაიკარგნენ, თბილისელ მესხიებს ესტუმრნენ, დიდ შოთას. უმოვიათ წიგნები, ღმერთმა უწყის, რომელი და რანაირი. დატვირთულები ჩამომივიდნენ: ბავშვები — ახალთახალი ფენსაცმლების ქრაჭაქრუჭით, ცოლი — აკადემიკოსი ბიძაშვილის „ძლევაი საკვირველით“ და გერმანული ზიმზიმა წიგნებით. დავილუბე კაცი. მიაქვთ თაფლი ჯარისკაცებს, გადასცემს ცოლი რომელიღაცას საგანგებოდ შენახულ წიგნს. გაჩხრეკვისას ჩამოართმევენ კოლონიაში. კვლავ ამოქმედდება თაფლი, კვლავ ახალ წიგნს უფეშქაშებს რომელიმეს ჩემი ქეთი. ტრიალდება ისევ ძველი სურათი. ბოლოს მიადგნენ სამკითხველოს კარებს „კაგებედან“. გამოიკვლიეს ჩვენი ავანჩავანი. შუა იმერეთში, საკავშირო მნიშვნელობის კურორტში გამოიჭირეს ცოლ-ქმარი: ქალი გერმანელ ტყვეებს ამარაგებს მშობლიური ლიტერატურით; კაცი — დეზერტირია და რომ არა სულცხონებული, რაიკომის მდივანი პეტრე ნანიტაშვილი, ციმბირი ზურგს უკან დაგვრჩებოდა.

შეუდარებელი კაცი იყო მართლაც პეტრე, შრომის ფასი იცოდა, მოლხენაც. ბუნება უყვარდა სიგიჟემდე, საათობით შეეძლო ეცქირა გადამტვრეული წიფელისთვის თუ ძირგამოთხრილი კოპიტისთვის. ეგ რომ ყოფილიყო ახლა, ამერიკული სენი, არ ვიცი, რა ჯანდაბას ეძახიან, ჩვენებურად კი ფითრია, როდი მოინელებდა, როდი ამოგვიცოხნიდა ტყვეებს.

ობუჯიდან შემთხვევით არ ავყრილვართ. შევიდიოდე წლის ვიყავი, საირმეში რომ გადმოვბარგდით. მიყულებით გაჩენილი ძმები შაშხანის ტყვიებით ვეტოლებოდით ერთმანეთს, აქ დავეფუძნეთ. გამოქცევის საბაბი კი, დიახაც, გვქონდა, ლევან მესხიას ჯიშ-ჯილაგს. ნასწავლი კაცი გახლდათ, კომერსანტი. მარსელიდან ჩამოიტანა კრამიტის საბეჭდი. ხასხასა, წითელ კრამიტს ვაცხობდით მესხიები. კომუნისტები გადაეკიდნენ, კულაკი, ხალხის მტერი უწოდეს. დიდხანს იმალებოდა, ოცდათხუთმეტი თუ ორმოცი წელი- წადი, საკუთარ ოჯახში გათხრილ გვირაბში. შევიდიოდე წლის წინათ გარდა- იცვალა, ქედუხრელი, როგორც ნამდვილი მესხია. არც ჩვენ დაგვაყენეს კარგი დღე, როგორც საზოგადოების ბაცილის პირდაპირ შთამომავლებს, ჰოდა, ავიკარით გულა-ნაბადი. ამისთანა ბიოგრაფიის კაცს „კაგებეს“ ჩხირკედელაობა მენდომებოდა სწორედ, მაგრამ პეტრე ნანიტაშვილი გადაგვეფარა, ვერაფერი დაგვაკლეს.

ნამუსიანი ღვინო უყვარდა ცხონებულს. ალისტორე ნერგაძე სიძეს მეძახდა და ღვინოც საცურაოდ მქონდა. ფუტკარივით ეხვეოდა მუშტარი. ამფსონებიც უამრავი აკითხავდა, კახეთიდან, ქართლიდან, რაჭიდან. სულ მასთან მიხქონდათ ურმებით უმწიკვლო „ხვანჭკარა“ და „წარაფი“. ყოველ ნაბიჯზე ჭური ემარხა. საწნახელები დევებით მხარეთეძოზე წამოწოლილიყვნენ მის ეზოში. ორშიმოები, აბზინდა, ბლის ტყავი, ერთხელ რომ ძვრება წელიწადში; ხერკეები, ტუტლები მეგრულად, ნაირნაირი სასმისები, ფიალები და ჭინჭილები, სახელგანთქმულ მუზეუმს ამსგავსებდა იქაურობას და მეც საპატიო სიძის კვალობაზე, ალისტორე ნერგაძისგან არაფერი მაკლდა.

ფულსაც შესაფერისს ვუტოვებდი, რომელსაც უბედურიშვილი ეგრევე „ფეჩის ტრუბისკენ“ მიაქანებდა თურმე. როცა უთვისტომოდ გადაშენდა, კი დავმარხეთ საკადრისად, ღვინო აკლდა თუ ჭურჭელი, მხოლოდ მოგვიანებით, სტალინის ფულს ყავლი რომ გაუვიდა და ნიკიტას მოციცქნული შემოეტია, შემთხვევით ალისტორეს „ფეჩის ტრუბას“ წამოავლო ხელი რომელიღაცა მეზობელმა: ვინ იცის, იქნებ მოვარგო ჩემს ღუმელსო, მიუსადაგა ამანაც და ოთახში კვამლის ბული რომ დატრიალდა, მაშინ გაირკვა ყოველივე. შეუჩუჩხუნეს ჯოხით და არ გადმოცვივდა არშინიანი თუმნიანები? ეხ, ალისტორე, ალისტორე!

— აფხაზეთში რატომ არ გადახვედით? განა აფხაზეთი უფრო ახლოს არ იყო წალენჯიხასთან, ობუჯთან, ვიდრე — საირმე, თქვენი ასკაგუბურა? — შევუცვლი საუბარს მიმართულებას მერამდენედ, — აკი, თავადაც განაცხადეთ, უამრავი მოკეთე გვყავს იქო. განა მათ სიახლოვეს ცხოვრება არ სჯობდა უკაცრიელ ალაგას ყოფნას, სადაც ნახევარ წელიწადს ადამიანი არ ჭაჭანებს, გამოსასაუბრებლად ძე ხორციელი გენატრება?

— მე ვინ მკითხა? უფროსი ძმები გამოემურნენ აქეთ. თურმე ნახირი უძოვებით ძიკი კვარაცხელიას და ბაგრატ ფიფიას მხარდამხარ. საძოვრების ქირას იხდიდნენ მამასახლისთან, ან სოფლის ყოჩს ბეგარას უტოვებდნენ ნამატიდან. ეს იყო და ეს.

აფხაზეთში არ არის საირმესნაირი საძოვრები. აქ ზამთარი განსაკუთრებით თბილია, თუმცა ბლომდაც ჩამოთოვს ხოლმე. ზაფხულობით მსუყე ბალახი იცის საირმეს შემოგარენში. მერე და გაციმბირებით დაშინებულ კაცს გაემტყუნება საითკენ გარბის?! ოღონდ სამშვიდობოს დაიგულვოს თავი და რას დაეძებს აფხაზეთში მოხვდება, რაჭასა თუ იმერეთში? მოგვიანებით აფხაზეთშიც გადავსულვარ მე, მშობლიურ ობუჯშიც გამიტარებია რამდენიმე წელიწადი, მაგრამ ასკაგუბურას არაფერი შეედრება ... მართლაც ნამდვილი სამოთხეა.

— გააფხაზეთულ მეგრელებთან თუ გისაუბრია საქართველოს ჭირ-ვარამზე?! საინტერესოა რას

ფიქრობდნენ, მაშინ, მშვიდობიანობის დროს და რას აკეთებენ ახლა მოსისხლეობის პირობებში? — მაინც ჩემსკენ შემოვბრუნებ სათქმელის ღარს.

— ბაბაგე, გური, დიდი პოლიტიკისა შეიძლება ნაკლებად გამეგება. მე ტყის კაცი ვარ, ბუნების შვილი; ბუნებაა ჩემი მასწავლებელი და მისით ვხსნი ხოლმე საზოგადოებრივ მოვლენებს. ასე რომ, ჩემი დასკვნები აქა-იქ შეიძლება კოჭლობდეს კიდევ ... მაგრამ ძალი კოჭლობით არ მოკვდება, სამაგიეროდ გამძლეა, გამოსადეგარი, როგორც ბავშვობაში მსმენია — საწმომხურა.

საუკუნეების მანძილზე რუსეთის იმპერიამ იმდენი იღონა, იმდენი ეცადა, რომ არც მოგვკლა და ზეზეურადაც ჩამოგვანმო, ჩამოგვანებრეკა. დედის მუცლიდან გამოყოლილი ჩვენი ფულისმოყვარეობა ხელზე დაიხვია და გაგვაყიდინა, დაგვაკარგვინა ერთმანეთი. გაგვაყიდინა შვილს — მამა, ქმარს — ცოლი, სოფელს — კუთხე, მხარეს — ქვეყანა. საკუთარი ყოლი არავის ზარავს თურმე და ვართ მძორში, ლეშში ცხვირჩარგულები, ჩვენივე გვამით გაბრუებულნი, თორემ ვინ, რომელი შეძლებდა ღვთისმშობლის წილხვდომილ საქართველოში განუკითხავ პარპაშს?

დავით აღმაშენებელი ვიდრე დიდგორზე მთელს მუსულმანეთს წამოაჩოქებდა და ძღვევი საკვირველით აღუდგენდა სამშობლოს შელახულ ღირსებას, ჯერ შინაურ პარაზიტებს მოუგრიხა კისრები, როგორც ამას მუშა ფუტკრები შერებიან ხოლმე — ბაღვაშებს, ჯაყლებს, რატებს და ერისთავებს, ურჩებს და საერთო ინტერესებიდან განზე გადგომილებს, ღიაშე შურ მეუღლედესუნ,* ან თავი წააცალა სათითაოდ, ან გააძევა სამშობლოდან. წამომამუხლა მუსულმანეთი დიდი დავით წინასწარმეტყველის ჩამომავალმა და ეგრევე მათ სამლოცველოებს დაუწყო ხაფაცცი, მეჩეთებს და სინაგოგებს. რატომაც არა, იმ სულკურთხეულს ჭყონდიდელი ხყავდა მასწავლებლად! დღეს კი როგორია ვითარება?! ყაყნებენ ჩვენს გარშემო რუსეთის მიერ ჩამოთესილი გუგულები, უხვად გამოჩეკილები ჩვენს მიწა-წყალზე, და მიყოლებით გვართმევენ ზაქათალას, ბიჭვინთას, აფხაზეთს, სამაჩაბლოს, მესხეთს თუ საორბელიანოს.

მეკითხები, გააფხაზებული მეგრელები თუ გინახავს და საქართველოს ჭირ-ვარამზე თუ გისაუბრია მათთან. რამდენიც გნებავს. საერთოდ ეროვნებანაცვალ კაცზე საშიში არაფერია დუნიაზე.

— ასეთებს მანქურთს ეძახის ჩინებული ყირგიზი მწერალი ჩინგიზ ათამათოვი. ახალდაკ-ლული აქლემის ტყავს შემოაკერებდა თურმე ჟუან-ჟუანის ხალხი — ჩინელები — გადაპარსულ თავზე ტყვეებს და მზეზე დაადებდნენ. გამომშრალი ტყავი არ უშვებდა ნემსებივით ამოშვერილ თმას, უკან შედიოდა თმის ძირებში და აუტანელი ტკივილით გათანგულებს წარსული საესებით ავიწყდებოდათ. ერთ-ერთი ასეთი მანქურთი მშვილდ-ისრით განგმირავს, თავად ამ გონებაწართმეული ვაჟიშვილის ვაება-გოდებით მაძებარ საკუთარ დედას.

— კარგი მაგალითი შემომამშველე. ჟუან-ჟუანებიო, ბრძანე?! დიხაც, რუსი ჟუან-ჟუანების წყალობაა ყოველივე. სამშობლოდავიწყებულად გადააქციეს მათ ჩემი უამრავი ნათესავ-მოკეთე, მაგრამ, აი, უბატონო გვარის ხალხს, ამაყებს, თავაწეულებს, ჯიშინებს და ქედუხრელებს — მესხიებს, ვერაფერი მოგვიხერხეს. ჯერ ქვეშევეშურად წაიტყუეს ჩვენი მოკეთენი სამეგრელოდან, ეკონომიკურად ხელფეხშეკრულებს სამურზაყანოს ნოყიერი მიწები მიართვეს. მერე — ჯარში არ წავიყვანთ თქვენს ვაჟებს, ოღონდ პასპორტში აფხაზად ჩაეწერეთო, წაუიქედნეს. რა მნიშვნელობა აქვს ქართველს და აფხაზს, ორივე ერთ ქვეყანაში, ერთ სამშობლოში არ ვიმყოფებითო, აცდუნეს, დიხაც აცდუნეს და გუშინწინ, გუშინ მეგრული წარმოშობის ქართველებს დედით, მამით, პაპით, პაპის-პაპით, ჩამათით და ჯამადით, საქართველოს გულისკენ სადინარი შეუცვალეს, სხვა წისქვილის ღარში მიუშვეს მათი უნარი და ენერგია. ოთხმოციან წლებში მოვხვედრილვარ მათთან, ჩხორთოლში, აგუბეღიაში, კვიტოულში, სხვაგანაც.

რა სხვაობაა ჩვენს შორის, განა ერთნი არ ვართო, ირწმუნებოდნენ, მაგრამ შეიცვალა ვითარება და აღმოჩნდა რომ ყოფილა თურმე სხვაობა. ჩემთვის არ უკითხავთ ომის დაწყება და ამ მიყრუებული ასკაგუბურადან ხელს ვერ დავადებ უშუალო დამნაშავეებს, მაგრამ რადგანაც სისხლისღვრა აგორდა, ახლა შევხედოთ ზოგიერთი გააფხაზებული მეგრელი რა დღეში ჩავარდნილა? აქედან: აფხაზები ხართო და გაღლიტეს კულის რიკამდე. იქიდან: ხედავთ, ვერ გიშველათ თქვენმა მეგრულმა ენამ, თქვენმა წარმოშობამ, ერთადერთი ჭირისუფალი ჩვენა დაგარჩენივართ, გამოიჩინეთ თავი, თორემ მიგაყენებთ კედელთანო ... და იარალი შემოატრიალებინეს საკუთარი და-ძმების წინააღმდეგ. რა ქნან ახლა გააფხაზებულმა მეგრელებმა? რაც შეიძლება მეტი სისასტიკით გაუსწორდნენ საკუთარ ნათესავებს, რათა შთამომავლობას სრულფასოვანი აფხაზის ღირსება-წოდება მიანიჭონ. ამიტომაც მძინვარებენ ისინი გაცილებით მეტს, ვინემ თვით მუსულმანური წარმოშობის აფხაზები.

ამასთან ერთად, ჩემთვის სრულიად გაუგებარია სომხები რომ იცავენ ქართულ მიწა-წყალს

საქართველოში.

ეს ტომი თავის დროზე მათი ეკლესიის ხელშეწყობით დაფუძნდა იქ გუგულის კვერცხებით გამოიჩენენ და ხომ ხედავთ, დღეს საქართველოს ძირძველ მიწაზე აფხაზების ინტერესების დამცველებად გვევლინებიან. სონ ჩიქახე, სო მიშახე.* სინამდვილეში თავიანთთვის წაღდავდნენ და წაღდავენ. ამიტომაც გვრჩება ორი გზა, ბაბაგე, გური!

პირველი და მთავარი, კაცთმოყვარე, ღვთიური: კვლავაც გონზე მოსასვლელად მოვუხმით ჩვენს ჯიმ-ჯილაგს. რა თქვი, მანქურთებით გადაგვარებულებს, ხალხური სიბრძნის წაძლოებით დავლაპარაკოთ ერთხელაც და, თუ ამანაც არ გაჭრა, მოღერებულ დანებს ნამდვილად ვერ მივუშვერთ ყელს საზვარაკო ხბოსავით. მაგრამ უკიდურესობის ჟამს უფალთუფალი მახვილისკენაც მოგვიწოდებს ხოლმე: შეუსმენართ გვარიც უნდა წაართვა საბოლოო ჯამში და სიცოცხლეც, თუმცა ბაბაგე, გური, ვიდრე ამისთანა საქმეს თავს მოაბამდე, საჭიროა ჯერ შენი ცხოვრების წესი გადაასხვაფერო, ჯერ შენი არსებობის კანონები შეცვალო ვითარებისდა შესაფერისად და მერე აღმართული ნებისმიერი ზღუდე სასაცილოდ მოგეჩვენება უძლეველი იარაღის მფლობელს.

შეხედე, — სკიდან ქარვისფერ, ალაგ-ალაგ რუხზოლიან ფიჭას იღებს ვალიკო მესხია და მზის შუქზე მანახებს, თითქოს მანათობლის სხივი და აღნაგობა აკლდეს ბუნების უიშვიათეს ჯილდოს, — როგორ არის გადაბეჭდილი?! ასწლეულები გაირბენს და მის მთლიანობას ვერაფერი დაარღვევს შინაურ-გარეული მტრის მეტი. დაახლოებით ასეთია ჩემი სიტყვაც.

ჯუეაუსა*

მსოფლიოს ცნობიერება მერვე საოცრებაზე შემთხვევით არ შეჩერებულა, ვერ გარისკა მეცხრეც დაესახელებინა, რადგანაც ეს უკვე დიდი ხნით ადრე მოეაზრებინა ცაბათოს, როცა საკუთარ სავანედ მიჩნეული ადგილ-მამული მის დღეგრძელებას შეყალიბ, უმიწაწყლოდ დარჩენილ მოქიფე ქართველებს უშურველად მიუბოძა, თქმულების თანახმად. ხოდა, ამ მეცხრე საოცრებად გაუბზარველ საქართველოს თუ ვივარაუდებთ, მაშინ მის ზემწვერვალად, ზეკარად და ზეცად, დიახაც, საირმე წამოყვლავდება მარადწარუშლელი შესასვლელითა და იგავმიუწვდომელი ადგილმდებარეობით.

ათწლეულებით ანგრევდნენ ამ პიტალო და ჯავრით გაყვიჩინებულ კლდეებს გერმანელი ტყვეები, რომელთაც მალულად მშობლიური წიგნებით ამარაგებდა ქეთი ნერგაძე. ახლა გოროზად აღმართულან ის ფლატეები მგზავრების თვალთა მიმტაცებლად, აქა-იქ ფოთლოვანი თუ წიწვოვანი ტყეებით შემოსილი და ოდეს ქანდაკებასავით გამოკვეთილ მოქანავე კლდეს — ოკვანეშს, იგივე სარწევლას, აკვანს ვალიკო მესხიას სიტყვებით, გაუთანასწორდები, სუნთქვა შეგეკვრება, ერთი სიცოცხლე შეჭველად იქ შეგემატება, გოჯით მაინც აიწვიე სიმალღეში, მისხალით მაინც გაგიფართოვდება ძარღვები პირველყოფილი მშვენიერებით აჯანყებული სისხლის სათარეშოდ.

ქვასანაყის წარმოდგენა ვის არ ძალუძს. ხოდა, ნიგვზის ცხიმისგან გასლიპინებული ფილთაქვა წარმოიდგინე, მასშტაბებში ათეულ ათასჯერ გაზრდილი — წვერზე შეყენებული კვერცხი და ზედ ქვაბუნა ქუდივით ფუძით გადმომხობილი ქვიჯა.

თვალშისაცემია ღარი, შემაერთებელი ზოლი. მიწისძვრებს მრავლად უგრუხუნიათ აქაურობაში; პოსეიდონის სიტყვიას უთვალავჯერ უცვლია იერსახე ბუნებისათვის, მაგრამ ქვაქანციასთვის, ქვაოკვანეშისთვის ვერაფერი დაუკლია ძილისმომგვრელ ნანავს და მთლიანობაში მათ ზემორე მოხასხასე ფიჭვის შრიალი მარადიული ყოფიერების უკვდამყოფელ პოსტამენტად წარმოგესახება. მერმე — ჟანგარო, მიმინოსფერი ჟღალი, ორმხრივი პიტალოების გალავანი წაბლარისწყლის გარდიგარდმო ჩინურ კედლებად, დასტურ, სიცოცხლის დაუოკებელი ჟინით აგანთებს, ორივე ფეხი თუნდაც სამარეში გედგას. აქ ისტორიის მესხიერება მწირია. აბორიგენი მოსახლეობა საუკუნის ძლივს მოითვლის. ამიტომაც ტოპონიმები: მამანეთი, წაბოცეთი, ტეხსვანია, ლამაზმთა, მოლობლა ... ახალქართული ელფერისაა, თორემ ვინ იცის, რა დიდებით მოსილი ჟამ-წარსული ამზიანებდა ყოვლიარს?!
საირმე ზეგნელი ილარიონ გორგოძისა და სამეგრელოდან, ვალიკო მესხიასავით მოხეტეხული მწყემსის, გუჯუ გაბედავას აღმოჩენილ-მონათ-ლულადაა მიჩნეული. კურორტი ზღვის დონიდან ცხრაასთხუთმეტი მეტრის სიმაღლეზე ამოტყორცნილა, უკეთ ფიალასავით ჩამწყდელულა გოლიათი მთების ალყაში და როცა ქვეყნიერება გრიგალებისგან წიოკობს დედაქალაქსა თუ სხვაგან, ხუთივე კონტინენტზე, საირმეში მოფიფქულ წიწვებს წამწამიც არ შეუტოკდება. აქ საუკუნის მიღმა ბელგელები ხე-ტყეს ამზადებდნენ თურმე. აცურებდნენ შერჩევით მოჭრილ წითელ ხეებს და ისე

ამუშავებდნენ, ნაფოტსაც არ ხკარგავდნენ. მოგვიანებით თავად ნაკაშიძეს შეუსყიდა სახერხი ქარხანა ელექტროსადგურითურთ, მაგრამ მალე მოჭირითდება რკინის წითელი დროება და დავიწყებას მიეცემა აბანოზის, დიდგვაროვნების თუ ბელგიური ფირმის სახსენებელი.

დროის მსახვრალი ხელისგან იავარქმნილია ფერსათის დედათა მონასტერი, მითიური კოლხეთის მაჯისცემა, რომელიც ძალუმად ფეთქავს მიწის წიალიდან აქა-იქ მწირად ამოშუქებული სამუშეუმო ექსპონატების სახით. დავიწყებას მისცემია, აგრეთვე, კურორტ საირმეზე გამავალი ორმოცკაციანი ტურისტული მარშრუტი — ვარძია-საირმე-ბაღდათი-ქუთაისი-ქობულეთი. ასოთხმოცი კილომეტრის ფეხით გავლისას ტკებოდნენ ტურისტები ულამაზესი ბუნების სიკისკასით, მაგრამ აწ ესეც პერსეფონეს კუთვნილებაა, ლეთას — უხსოვრობის მდინარის წყალნასვამი.

გზისმკვლევ ბროშურებზე დაყრდნობით საირმეს მუკვე წყლები აუმჯობესებენ თირკმლის პარციალურ ფუნქციებს. აწესრიგებენ შარდოვანის და დარღვეული ცილოვანი ცვლის მაჩვენებლებს. წმენდენ სისხლს მავნე მარილებისაგან. უებარია ქრონიკული ქოლიცისტიტების სამკურნალოდ. აწესრიგებენ დარღვეულ ნახშირწყლოვან და ცხიმოვან ცვლას. დროულად გამოყოფენ ორგანიზმიდან შლაკებს, აუმჯობესებენ ღვიძლის ფუნქციურ მდგომარეობას. არეგულირებენ იმუნოლოგიურ რეაქციებს. რაც შეეხება აკადემიკოს პავლოვის სკოლის დასკვნებს, საირმეს მინერალური წყლები რეფლექსურად და ხუმორალურად აღძრავენ კუჭის სეკრეციულ მოქმედებას, თირკმელების დიურეზაციას და ასე შემდეგ ... სამკურნალო თვისებებით მან უკვე დიდი ხანია ჩამოიტოვა ერთადერთი კონკურენტი მსოფლიოში ნარზანი და დღეს საირმის წყალი უმეტოქო უკვდავებაა, რომ არა ჩვენი აღიარებული დოკლაპიობა.

საირმე ამჟამად სამი ძიძის ხელშია, სამი მეპატრონე ებლაუქება კრილოვის იგავ-არაკის კვალობაზე: საკუთრივ „საირმელები“ გედის მსგავსად კურორტის ცისკენ ატყორცნას ცდილობენ; „ცეკავშირელები“ ქარიყლაპიას დარად — წინწაწევას წაბლარიწყლის მოჩქაფუნე ტალღებით; და სახელმწიფო კონცერნი — უკუთრევას კიბორჩხალის ბუნებით;

რაც შეეხება საკურორტო ზონის უშუალო ხელმძღვანელ და მზრუნველ დირექციას, ბოლო ოთხი წელიწადია გალოკილი თითივითაა, ვინაიდან „საქკურორტში“ საგზურების საფასურად შესული თანხებიდან □სხვათა შორის საკმაოდ სოლიდურიდან), საირმემდე მხოლოდ შეფეები აღწევს. კურორტი, რომელიც ადმინისტრაციის შესაშური ძალისხმევით გადარჩენია ძარცვას, ნგრევას და გაპარტახებას, ამჯერად გადაუდებელ დახმარებას საჭიროებს უმადლესი ეშელონებიდან, შესაძლოა, თვით ქვეყნის პრეზიდენტისგანაც კი. ამთავითვე აუცილებელია საკურორტო ზონა გამოეყოს ბაღდათისა და ვანის რაიონების ტყის მასივებს და გადაეცეს ბაღდათის რაიონს, თორემ თუ გავახსენდება ბაღდათ-ვანის საზიარო, მესხიების ასკავუბურას ხეობა, დილით ერთის საკუთრებაა და საღამოთი — მეორისა?!

მოკლედ, ხუმრობისთვის მოვიცლით ოდესმე, ახლა კი უმჯობესია უშუალოდ კურორტის დირექტორს, ბატონ გიორგი ჩხეიძეს დავუგდოთ ყური:

— მართალია, რამდენიმე წლის წინათ, თანამემამულეთა სამმო სასაფლაოს მონახულებისას, აქაური ბუნების მშვენიერებით მოხიბლულმა, გერმანიის ელჩმა საქართველოში, ნორბერტ ბასმა განაცხადა:

ამისთანა მიწა-წყალზე განსვენება სიცოცხლის ერთგვარი გაგრძელების ტოლფასიაო, ჩვენ საირმეს მიმზიდველობით გულდამშვიდების, არხეინად ყოფნის უფლება ნამდვილად არა გვაქვს. თავის დროზე დაშვებულია დიდი შეცდომა, როცა მინერალური წყლების ფორმირების ზონაში დავიწყეთ საყოფაცხოვრებო ობიექტების გაშენება მდინარე წაბლარი წყლის ორივე ნაპირზე. ამას აწი არაფერი ეშველება.

— რატომ? — ჩავერევი საუბარში.

— ყველაფერი ჩვენი უხეირობიდან მოდის, — დააწყობს საქაღალდეზე ხელებს გიორგი ჩხეიძე, — თავის შეწუხება გვეზარება. მაინცდამაინც წყაროს თვალთან უნდა მივუსკუპდეთ მინერალურ წყალს. მდინარის დაბინძურებაც, ბუნებრივია, იწვევს სამკურნალო წყაროების დაბინძურებასაც.

დღევანდელი მდგომარეობა ასეთია: სარემონტოა წყალსადენის სათავე ნაგებობა, კომუნკაციები, მინერალური წყაროს „ბივატები“, ელექტრომეურნეობა. 30 წელიწადია აქაურობა კაპიტალურად არ შეკეთებულა, ამაზე გაჩუმება არ შეიძლება, არც იმის თაობაზე — გზები რომ არ გაგვანია. ჩვენს სასტუმროს ორ ვარსკვლავსაც ვერ მიაკუთვნებ. ამისთანა პარტახში, ცხადია, უცხოელი არ გაგიჩრდება. წყაროები დაძებნილია, მაგრამ ბიუროკრატიულ ზღუდეებს არაფერი შველის. 1982 წელს გაკეთებულია საპროექტო დოკუმენტაცია მამანეთში, სადაც რადიოსიგნალიც შემოდის, ტელეხედვაც, სულ რაღაც ორი კილომეტრითაა მოშორებული მინერალურ წყაროებს, აღიარე-

ბულია თითქმის ყველა სპეციალისტის მიერ, მაგრამ მშენებლობა მაინც ჩაფლავდა. ორიათასი მეტრი გვებევრა გასავლელად. ესეც ჩვენი უნიათობის ცოცხალი მაგალითი.

— ებრაელები გაჭირვებაში ჩავარდნილი ქართველის გონებას შენატრიან. თქვენი მდგომარეობის კვალობაზე, ალბათ, გამოსავალი მოძებნილი გექნებათ უკვე, — ვეტყვი ღიმილით.

— მერე და ვინ არის გამგონე? მუნიციპალურმა სამსახურმა პროგრამის შესაბამისად უნდა განახორციელოს ინვესტიციების მოზიდვა. თუკი იგი ამას ვერ მოახერხებს, მაშინ თვითონ კურორტი უნდა გახდეს მუნიციპალური სამსახური. უკეთ უნდა მოვიფიქროთ მისი მართვის სისტემა, თორემ კურორტის ფუნქციონირება საფრთხის წინაშე დგას.

დამტკიცებულია, რომ კურორტის ტერიტორიაზე არსებობს მინერალური წყლების რეზერვები, რაც უფლებას გვანიჭებს განვაცხადოთ: საირმეს მომავალი ნამდვილად აქვს.

კურორტის გამგებლობა, უკეთ, მფლობელობა, საქართველოსავით დაქუცმაცებულია. ჩვენ, წესით, ერთ კაცდღეში ერთი დოლარის შესატყვისი ღარი უნდა გადაგვიხადოს „საქკურორტმა“, რაც შეესაბამება წყლის საფასურს, საკურორტო მომსახურებისა და კურორტის კეთილდღეობისათვის გასაწევ ხარჯებს, მაგრამ შარშანწინ 3500 დოლარი დაგვაკლეს, შარშან — ორჯერ მეტი და წლეულს ღმერთმა უწყის, რა ბედი გველის.

კურორტს სულ 25 კაცი ემსახურება. ხუთი ადმინისტრაციულ საქმიანობითაა დაკავებული, დანარჩენი — ტერიტორიის მოვლით, წყაროების დასუფთავებით. მათი შრომის ანაზღაურება 30 ლარია თვეში. მუშაობა სეზონურია, სამთვიანი და როგორია სათქმელად, ამ ხელფასსაც რომ ვერ ვუნაზღაურებთ ხშირად ოჯახიდან მომწყდარ ადამიანებს?

— დანარჩენი ცხრა თვე? — დავინტერესდები.

— დაკეტილია, — სხარტად მომიგებს გიორგი ჩხეიძე, — გზა რომ შეინარჩუნო, ტექნიკა საჭირო. საირმეში ზამთარი თბილია, გეოგრაფიული მდებარეობით აქაურობა გუდაურის ტიპისაა და მნიშვნელობითაც არანაკლები, მაგრამ ვინაა განმკითხავი?! ცხრა თვით დაკეტილი შენობა ნესტიანდება, ობდება, ლბება კარ-ფანჯრები, იატაკი, ცვივა ბათქაში, რკინას ჟანგი ჭამს. კურორტმა მთელი წელი რომ იფუნქციონიროს, საჭიროა ავტონომიური ქვებები, ელექტროგამათბობლები. დარწმუნებული ვარ, საირმეს ადრე თუ გვიან შორს გაუვარდება სახელი, ღირსეული მეპატრონეც გამოუჩნდება და მაშინ ზამთრობითაც ახმაურდება წაბლარიწყლის ხეობა, ახლა კი უმთავრესია ადმინისტრაციის მიერ შენარჩუნებული კურორტის ფიზიკური გადარჩენა და კიდევ — გადაუდებელი ღონისძიება: საჭიროა საკურორტო ზონა გამოეყოს ბაღდათისა და ვანის რაიონების ტყის მასივებს და გადაეცეს ბაღდათის რაიონს.

აი, როგორია თურმე ბაღდათ-ვანის რაიონებს ხურჭინავით გადაკიდებული საირმეს ვითარება.

„საირმელებთან“ საგზური 180 ლარამდე ფასობს ერთ კაცზე ათი დღით, „ცეკავშირელებთან“ კი — 150 ლარამდე.

კვება სამჭერადია ორივეგან, სამედიცინო მომსახურება და აბანო — ფასიანი.

ჩვენი გამოჩენის მომდევნო დღეს სასადილოში დანომრილ მაგიდებზე სუფრები აქათქათდება. შეიცვლება მოპარვის შიშით გაუჩინარებული დანა-ჩანგალიც. ჩაის უშველებელი თუჯის საერთო ჩაიდნიდან ასხამენ, ზიარი ჭურჭლის პრინციპის კვალობაზე დაყენებულს. კერძები ძირითადად სადესერტო ხასიათისაა. შენ ხომ მინერალური წყლების მოქმედების შესაფერისად იკვებები?! ამიტომაც მენიუში ხანდახან გაიღვავებს ხილი და ვაშლისნათალომყვანტალე კომპოტი.

ჩვენი დასვენების დეკადაში საირმეს იმერეთის მხარის გუბერნატორის ოჯახი ჩამოვანდება. ლაბუა შაში-აშვილ უმცროსს კულში დასდევნ თავ- მომწონე დები, რწმუნებულისიანები, ათასი მოთნე მომკითხავი. ისინი, ბუნებრივია, დასანაყრებლად სასადილოში რას ჩამობრძანდებიან, ზემოთ მთართმევენ ლანგრებით პეწნიკას და სასურველს, მესხიების სულუგუნეულს თუ სხვას, მაგრამ მთავარი და არსებითი ამ ვითარებისა ის გახლავთ, რომ კურორტის პერსონალს უკმეხობას ვერ შეატყობ.

თვალშისაცემია იმერული თავაზიანობა, ზრდილობა. არც ჯიბეზე მოგჩერებიან წარამარა. მათთვის სალიფტე ადგილი ოთახებადაა გადაკეთებული და გასამრჯელოს დეფიციტს თავად ინაზღაურებენ უსაგზურო დამსვენებლებით.

საირმის ბაზარი ვირთხის კუდისხელაა, ოთხი დახლის კვარტეტი.

კურორტის შესასვლელთან შლაგბაუშია აღმართული მსუბუქი მანქანების შესაყოვნებლად, მაგრამ ჭრელჯოხიანებს ორლარიანს თუ მიაშავებ, უმტკივნეულოდ გაგატარებენ სასურველი კორპუსისკენ.

ბაზარზე კი ცეცხლი უკიდია პროდუქტს. აქეთკენ ქეთი ნერგაძეს არავინ გააჭაჭანებს. იგი წაბლარიწყლის მარცხენა სანაპიროს „ცეკავშირის“ სიახლოვეს განთავსებული შემინული ჯიხურების

განუყრელი სტუმარია. მისი აშარობა, ავქალობა, დავრწმუნდი, განსაკუთრებით ქორვაჭრებისგან მოდის:

— ბაზარს გვიფუჭებსო, — მიაწყველიან ქეიშით გასახეხი დედაკაცები. გაასაჩუქრებს ნაჭაფარ სულფუგუნს, თაფლს, შაშხს თუ ჩირ-ჩამიხს და მათ არაფრისდიდებით მიჰყიდის ქეთი ნერგაძე.

მესხიების რძემოწკურწკურე სულფუგუნი ოთხი ლარი ღირს და ქორვაჭრებისა, გამოხდილი, უცხიმო — ექვსი. მათი ბაჯაღლო თაფლი, რეზინივით რომ იწელება, ხუჭუჭდება და მზის სხივებს აისხლეთ, ხუთი ლარი ფასობს, ქორ-ვაჭრებისა, ფქვილით და შაქრის სიროფით წარყვნილი — შვიდი და, გასაგებია, რისთვის იგესლებიან დახლის წურბელანი მფარველი მუნდირიანების თამალობით. ზედ საფეხურებიან ბილიკზე შევეჩხებებით ერთმანეთს. ისეთ ხურჩინს მოაცუხცუხებს, მოდლღეზილ მამაკაცს გაუჭირდება თრევა.

— ჩვენსკენ ხომ არ მოდიოდით? — მეტყვის მორიდებით.

— კი, თქვენსკენ, — მივუგებ დაყოვნებით და ხელს შევაშველებ ხურჩინის ჩამოსართმევად.

— მომიკვდეს თავი! ვალიკო სანადიროდ წახვდა თბილისელ სტუმარს. ყოველ წელიწადს გვაკითხავს ხოლმე, მწყობრის სეზონში. სალამომდე არ იქნებიან.

— არა უშავს, ხვალაც ამ თვისაა, — დავამშვიდებ სახეშეკმუნხილს და ხურჩინის ზიდვაში ჩავეზიარები, — საირმის ქარხნისკენ გავივლი, წითელ მინდორსაც მოვინახულე, გადამჭამეს ბავშვებმა თავი: წავგიყვანეთ, წავგიყვანეთო.

— ადრე გაზაფხულზე ჯობია ასვლა, როცა იქაურობა ყაყჩოებითაა გადაბიბინებული.

— ახ, ამისთვის ეძახიან წითელს?

— არა, ეგ ყოველთვის წითელია, ოღონდ გააჩნია როდის ააკითხავ, დღის რომელ მონაკვეთში.

— ალბათ, შეღამებით სჯობია, დაისისას.

— მგონი, თოლიმ უკეთ იცის. ამაში თაფლი და ყველია, ბავშვებს მიუტანე.

— როგორ გეკადრებათ, — უკუუდგები ყინჩად, — ბავშვებს ყველაფერი აქვთ.

ქეთი ნერგაძეს ხელში გაშეშებია პოლიეთილენის გაძეძგილი პარკი.

— ნუ გამაწბილებ, თოლი გამიწყრება.

— მაშინ თქვენთან ვერ მოვსულვარ და ეგ არის, დასაჩუქრებისთვის როდი გაკითხავთ.

— ბეჩა, პირველად ვნახე კაცი ძღვენს უარობდეს. რაც ფუთა და შეხვეული გაგვიტანებია სტუმრისთვის მესხიებს, ათ ვაგონს დატვირთავდა, მაგრამ არავის შეუცხადებია ამის გამო. გამომართვი, გამომართვი.

— ერთი ხომ უნდა იყოს განსხვავებული ამ ათასიდან, — ჩემსას ვადგევარ მეც, — ფოტოებს და საკუთარ რომანს აუცილებლად გამოგიგზავნით. სამარშრუტო ტაქსის მძღოლს გამოვატან.

— ამ ჯიხურში დატოვოს.

— სულ ხუთიოდე დღე დაგვრჩა და იმიტომაც გაწუხებთ ხშირ-ხშირად. ვალიკო კარგი მთხრობელია, მაგრამ — ჩქარად მოსაუბრე, ჩაწერას ვერ ვასწრებ. შინ მობრუნებული ამაოდ ვცდილობ მისი იშვიათი ნალაპარაკების ზედმიწევნით აღდგენას. ჩემებურად — მოგეცა ლხენა, სწრაფად გავარიწკინებდი, მაგრამ თხრობის ბუნებრივობას ვერ შევრყვნი. მესხიერებას ნამდვილად არ ვუჩივი, ზოგჯერ ისეთი რამე მაგონდება, სასაცილოდაც არ ეყოფა ადამიანს, მაგრამ უცნაურობა დაშემდა ვალიკოსთან: ისე ჩამითრევს, ისე გამაბრუებს მასლაათით, კალმისტრისკენ ხელი მომიცდება, ვინიშნავ უბის წიგნაკში ცალკეულ ფრაზებს, სიტყვებს, სახელებს, იმ იმედით, რომ შინმიბრუნებული უეჭველად შევავსებ, აღვადგენ-მეთქი, თუმცა გაგონილა?! წყალივით გამსხლტომია თითებს შორის. შესაძლოა ოდესმე ამოტივტივდეს კიდევ მესხიერების უკიდევანო ოკეანიდან, მაგრამ ამწუთას დავმუნჯებულვარ ქალაღდის წინაშე და ბავშვების ჟრიაშულს ტყუილუბრალოდ ვუსვაცხანებ, ტყუილუბრალოდ ვაბრალებ პატარებს ხელის შეშლას.

აი, მაგალითად, ვერაფრით ამომიკითხავს, ვის ქალებს დაეჭაღნა კოსტაია თორთლაძე. სიტყვაში სამი ასო ამომიცვნია მხოლოდ, უ, ნ და ძ, დანარჩენი ისეა ერთმანეთს გადაბმული, თავს და ბოლოს ვერ უპოვი.

— უნდილაძეები, უნდილაძეების ქალებს დაეჭაღნა დაგრილებით კოსტაია თორთლაძე. უკაცრავად პასუხია და, ისეთი ლაფშა მამბიაო, იმ ოხერმა, სათითაოდ დაგაფეხმძიმებთო. უშვილობას მართლაც უჩიოდა ზოგი მათგანი, მაგრამ საჯაროდ, მუდამ წვერგაბურძენილი და ჩამოჩანჩურებული, ნივრის სუნით აყროლებული ბერბიჭა კოსტაია თორთლაძისგან დაორსულებას რომელი ისურვებდა, სულაც მამაკაცს დანატრებული ყოფილიყო წლობით? ხოდა, მოილაპარაკეს გულში ჯავრჩადებულმა უნდილაძის ქალებმა:

— რადაც უნდა დაგვიჯდეს, მაგ მაჯლაჯუნას თავზე ლაფი დავასხათო.

დაკლეს დედლები. გაახაზირეს კოსტაია თორთლაძის საყვარელი შქმერული. ნივრის გალები ჩამოკონწიალებულია აივანზე ბერბიჭას მისატყუებლად.

მოტანილია ჩაფებით ნამუსიანი ღვინო ალისტორე ნერგაძისგან.

გამოცხოვნილია მაჯაზედასახვევი სოიაგარეული მჭადი. დასერილია მარილიანი ჭყინტი ყველი.

დანთებულა ბარაქიან ბუხარში ცეცხლი. ზედ ტაბლაა მიდგმული მადისაღმძვრელი კერძებით სავსე.

ახა, მოსახვევიდან წამოჩლახუნებულა კოსტაია თორთლაძე. როგორ იქნება ამ ნაშუადღევს ჭიქა წყალი არ მოიგუნებოს ენამყრალმა ბერბიჭამ? დედაკაცები სიმრავლეს ნიღბავენ სანთიობოში. მარტოკა მასპინძელი დიასახლისი იცოცხება უხვჩრდილიანი თელის ძირას.

მაინძელოო, ხის ჭიშკართან მომდგარა კოსტაია თორთლაძე. საიდან ეხსომება ალისტორე ნერგაძის ღვინით ჭკუაწაშლილმა ბედოვლათმა, როგორ გაუხანაფოფიერა მუცლები ხაეროვანი ლაფშათი უნდილაძეების ბერწ დედაკაცებს?!

მაინძელოო, ხმას უწევს მასპინძლის მოსაბრუნებლად კოსტაია თორთლაძე. ჭიქა წყალს ვეღირსებით ამ ოჯახშიო, იქეჭავს ილლიას.

მობრძანდით თქვენი ჭირიმი, დაითაფლება დედაკაცი, წყალი რა თქვენი საკადრისია, ალისტორეს ღვინო მაქვს, დოქში, ჩაცივებული, ოღონდ ჩოგანს თუ გამომიტლი. ამბობენ, შენისთანა ხელი არავის აქვსო.

ეგ მართალია, ამაყად გაიშლება მხრებში კოსტაია თორთლაძე, ოღონდ წალდუნა თუ გაქვთ კარგად ალესილი და კიდე — კოპიტის ნაჭერიო, ცქმუტავს.

ყველაფერი გახაზირებულია კოსტაიას ჭირიმი, სადილიც გამზადებული მქონდა საბედოდ, ოღონდ ამობრძანდი, ამასობაში ჩემებიც მოგისწრებენ ვენახიდანო, თაფლავს.

პირზე ნერწყვმოდგარი კოსტაია თორთლაძე ფხვდაფხვ მიხყვება ოდისკენ დედაკაცს. ხელგადაბანილი ზღაპრულ სუფრასთან მოკალათდება. პირველი სადღეგრძელოთი ოჯახს დალოცავს. არ იცის რომელი ლუკმიდან დაიწყოს. დიასახლისი პირისპირ მისკუბებია. დღეს ალობაა. კაცები რაიონში გატეულან. აყვანილი ბავშვები სკოლაში ჟრამულაობენ.

მთელი სამოსახლო საქალეთის გამგებლობაშია. ილუკმება კოსტაია თორთლაძე და თავს წარამარა წევს თითო-თითოდ შემოლაგებული უნდილაძის ქალების გამოჩენაზე.

მოუჩოჩდებიან და მოუჩოჩდებიან.

შემოეხვევიან და შემოეხვევიან.

მესამე ჭიქას მეხუთე მოსდევს, მეხუთეს — მეშვიდე და კოსტაია თორთლაძე უკვე მამალი ინდაურივით იფხორება.

მერამდენედ ახსენა სიტყვა „ლაფშა“, ჯერჯერობით ცხენის მნიშვნელობით და არა იმის გაგებით, — ქეთი ნერგაძე ტუჩებზე ხელმიდებული იცინის, — აქეზებენ დედაკაცები სმასა და მხიარულებაში „განუმეორებელი შესაძლებლობის“ გამო.

გამოსათლელი ჩოგანის სახსენებელი გადავიწყობათ.

ფხუკუნებენ, ქირქილებენ უნდილაძეების ქალები. ერთმანეთს ზურგში უბაგუნებენ მუშტებს. თავადაც წრუპავენ ლაწვების თონესავით გამთარანებელ ღვინოს.

ახლა უკვე მოიშალა მორიდების ზღუდე. მოხალვათდებიან ხშირ-ხშირად კოსტაია თორთლაძის საზიანოდ. ზოგი მკერდს მოიშლიოფებს, ზოგი — სხვა რამესაც და ბერბიჭას ჯორკოს, მიუხედავად გვარიანი შეზარხოშებისა, ჭრიჭინები შეუჩნდება; გადაუდებელ საქმეს ახსენებს დროდადრო, მაგრამ ვინ არის ყურისმგდებელი?!

მართალია, ნამდვილი ლაფშა გაბიაო, რომ ამბობენ უზნეო დედაკაცები? წამოიწყებს ყველაზე თამამი ყაჩაღანა.

კოსტაია თორთლაძეს ელდა ეცემა. ყელში ლუკმაგაჩხერილი წამოიწევს ჯორკოდან, მაგრამ ოციოდე მარჯვენა დააწვება მხრებზე და სკამს მიაღურსმავენ.

ხომ ხედავ, როგორ ვიტანჯებით უშილობით, აკი, დაგვექადნე ერთხელ, ჩემი ლაფშათი დაგაფხვმიძიმებთ ყველასო?! ამაზე უკეთეს დროს ნახავ? ნაშვილები ბავშვები სკოლაში არიან, ქმრები ბაღდათში გამგზავრებულან. გეყოფა, ახლა თავის კატუნი! სხვებთან კვერცხს დებ და ჩვენთან კაკანებო, შეუტევენ.

კოსტაია თორთლაძეს სიფითრე გადაურბენს. შუბლი სიმწრის ოფლით დაცვარვია. ლამის ცახ-ცახმა აიტანოს, მაგრამ უნდილაძის ქალების ხელებს წინ არაფერი უდგას, მათ სითამამეს ვერაფერი აოკებს. შეუტურდებიან ბანჯგვლიან მკერდზე, ილლიაში, ნელ-ნელა აძრობენ გახუნებულ პერანგს, უხალვათებენ ორ-სამ ადგილას დაკერებულ შარვალს. ლამის იბღავლოს კოსტაია თორთლაძემ, ლა-

მის გადააყრუოს იქაურობა, მაგრამ უჩვეულო ვითარებაში ჩავარდნილს ხმა არ ემორჩილება.

ხითხითებს, იძვლიძეობა, ფეხებს აღვანკალებს რომე-ლიდაცა ოხერის შეღიტინებით. მიუსავათებია უნდილაძეთა ქალების შეთანხმებულ მოძრაობას, ხოდა, ბევრი, რომ არ გავაგრძელოთ, როცა გაღულუნებული ბუხრის წინ სრულიად დედიშობილა აისვეტება, აქამდე დასაქმებულ ხელებს გაციკროვნებული თვალებით პირზე იტაცებენ ცნობისწადილა დედაკაცები.

თავად ჩოგანის გამოსათლელად შემოტყუებული კოსტია თორთლაძე კი ტიტლიკანა, ტახისთვის შესაშური ჯაგარით შემოსილი გარბის გაფოთილი ვენახებისკენ, რათა აძაგძაგებულ სხეულზე რამენაირად მოირგოს ნაწყალობევი ჯვალოები.

იხოცება სიცილისგან აივნის მოაჯირზე გადმოფენილი უნდილაძეთა სადიაცო.

სად ხარ კოსტია თორთლაძე, წაილე შენი ტურტლიანი ნიფხავი. ლაფშა არ გაგიცივდეს, რა გვეშველება მერე შენი დაგრილების მოიმედებსო, იჭაჭებიან და ვენახებში მაჩვივით გატრუნული აღკაზმული კოსტია თორთლაძე ფართხაფურთხით გადაივლის სერ-სერ. ჩაჭრის ორლობეს, აკაციის სარებით ჩაწიკწიკებულ ღობეებს, კვლავ მოუახლოვდება იშვიათი სადილით გამასპინძლებულ ოჯახს და ახლა გულმოცემული რიხიანად შესძახებს შორიდან:

უნდილაძის ქალებო, ხომ დაგაფხმძიმეთ ამ ლაფშით ყველაო, იკრიჭება ყველის ვაჭარით. მაპატიე უწმაწური საუბრისთვის, შენ განმაწყვე უწინარესად, გამომართვი კაცო, — მიწვდის პოლიეთილენის გაძეძგილ პარკს, — ბავშვებს მიუტანე, გაეხარდებათ! — მე კი თავდაღმართში დავშვებულვარ უკვე ქორ-ვაჭრების ცეცხლწაკიდებული ბაზრისკენ, გერმანელი ტყვეების სასაფლაოსკენ, საირმეს ქარხნისკენ, შინაგანი ხაფხაფით, ქეთი ნერგაძის უშუალო და განუმეორებელი საუბრით მოჯადოებული, ისე რომ, კვლავაც წვდება ყურთასმენას სიბოხეგარეული მისი ტემბრი:

— წაგელო, კაცო, ბავშვებს გაეხარდებოდათ, სახლში არ მიმიშვებს თოლი!

ცანხა *

ვარკეთილური წკვარამი ღამეების შემდეგ ნამდვილ ორკვირიან სამოთხეში ვხვდები. სადღეღამისო შუქი მხოლოდ ნახევარი საათით წყდება სამხრობის მერმე. კვება იდეალურია თორიას კასრის კვალობაზე, ოღონდ გაფიცხინებული ღორის ქონიანი ტყავი იგვიანებს მხოლოდ. ნისლი ფეხაკრეფით, მებურიშვილისებურად თუ ვიტყვით, კატის თათებით მოიპარება ტყუთა ილღიებიდან, მეფისწყაროს უმწიკვლო სულიდან; ზედმიწევნით აღადგენს აწ ჩაშამბულ-ჩანახშირებული ნამოსახლარების აბსტრაქტულ კონტურებს; ჯანდ-ბურუსით იყურსება მსხალნარი, შქაგორა, უნაგირა მთა, ნაკოდვარი, ორმოცდაათიოდე ხექტარი ვაკე-საირმე, ქვისჯვარი თუ ენგურსგაღმელი ჩემი ოტობაია. მაჭიკნასვამი ბუერები დედდება, თათარასავით ქვანთალებს ხელისგაწვდენაზე, ლამის საფეხურები გამოკვეთო, მის სხეულზე მარტოსული ასკაგუბურას ხეობის მახვმისკენ თუ მშობლიური დედუღეთისკენ წასასულსწრაფებლად.

იქ განუკითხაობაა, იქ ბოროტების ცელი ტრიალებს ისკარიოტელის ხარხარში; იქ კოტე ანჩაბადის ბიჭს, ოთარს და ბაკვა სახეიშვილს სიმინდის გამოროდებისას ხოცავენ მეოცე საუკუნის მიწურულის ინკვიზიტორები; იქ ვალიკო მესხიასავით ასაკმოყრილ დურუ ტაბაღუას საკუთარ აივანზე დახვრეტენ თუთუნის კვამლში გახვეულს და აბრიალებულ სამზადში მოისვრიან შემდგომად — სამხილ მასალას არ უტოვებენ გენოციდის შესაკოწიწებლად ჩასაფრებულ მსოფლიოს.

შენისლულია ჩემი სამშობლოს გული, გონება და სული.

ახლა დავარსკვლავებული ლეღვები ცერზე დგანან საკუთარ ეზო-კარში ბურუს-ბურუს შემოპარული მოსახლეობის მოლოდინში.

ჯანლებს მოისხამენ ოტობაიელნი მხრებზე ნაბდებად და ასე, მალვით გადმოაქვთ ენგურსგამოდმა შემწიფებული თხილი თუ რამ სარჩო-საბადებელი.

საირმის მშვენება ადმინისტრატორთან, ლალი ახოზაძესთან, ნოჩო, ავქსენტი და ჯაკოს ნაშიერ ფაცურეებს ვხვდები, თანასკოლელი ელვირას მშობლებს.

გავაცნობ ოტებულ ოტობაიელებს სანისლეთის დედოფალს და მყისვე თითის წვერებზე დგება სანატორიუმის პერსონალი სრულიად.

ისინი ზუგდიდ-ქალაქში მკვიდრობენ რა ხანია, მაგრამ ენგურსგაღმელ მამულებს დღემდე მზრუნველობით დაფოფინებენ თავზე. წკირიშ უშობადებულქ წკირს ოკო წიმოლურასია*, ოტობაიელებზეა ზედგამოჭრილი იროდი სართანას ოდინდელი სხარტულა.

— შენს სიტყვებში შეეჭვება ღმერთმა მაშოროს, წამითაც არ გამივლია გუნებაში, — ბუერასავით მომეძალება ვალიკო მესხიას გუშინწინდელი ნასაუბრები, — მაგრამ ამისთანა რამე გავგონილა? ერთი

ხელით საომრად ეპოტინებოდე მახვილს და მეორეთი გეფანდურებოდეს? კიდევ კარგი, ტექნიკური მიზეზების გამო, აქ მაინც არ ზომიშემებს თქვენი ყბადაღებული ტელევიზია. ველარაფრით გამიგია, ამდენი მაინც რა გვეზიშემება?! თითქოს დიდგორიდან მოგვიხაროდეს, სინამდვილეში კი სამარცხინო ბაზალეთი მოგვეყუის ზურგს უკან.

მთლად ვაეხასა და გლოვაში დავიფლათ-მეთქი, როდი მითქვამს, მაგრამ ესოდენი შოუ-კონცერტები, ლატარიები და დიპლიპიტო სამარცხინოდ დამარცხებულებს კი არა, დალხენილ ხალხს მოყირჭდებოდა. ჭიანჭველა მაშინ იღუპება, როცა ფრთა გამოუვა, — იტყვის მხცოვანი ყრუდ.

— იროდი სართანისგან მსმენია ეგრე.

— იცნობდი? — მომაჩერდება თვალებში.

— ოთხმოციან წლებში მთელი წელიწადი ვიცხოვრე ზღვისპირა ჭურიაში. იქ დავმობილდით.

— ეგ შეუდარებელი იყო. არეულობის დროს მოუკლავთ ბანდიტებს.

— მოგვიანებით შევიტყვე და ვწუხვარ, რომ აქამდე ვერ ავაკითხე საფლავზე. თქვენ? თქვენ საიდან?

— ორმოცი-ოცდაათი წლის წინათ ლებოროტზე აძოვებდა ნახირს. ვიცით მწყემსებმა ერთმანეთის ავანჩავანი. მენცარკოჩი გახლდათ, მესიკონი, ნამდვილი გულთმისანი. ბევრი მისწავლია მისგან. არაფრით ჩამოუვარდებოდა ლევან მესხიას. მილაპარაკია ამის თაობაზე, კრამიტის ქარხნის მეპატრონე ჯვარზე რომ აცვეს ბოლშევიკებმა. ლეო ქიაჩელს არაფერი წაუმატებია ტარიელ გოლუასათვის, გვარ-სახელი შეუცვალა ლევან მესხიას, ეგ იყო და ეგ. გითხრა უბატონო აზატებს რატომ გვეძახიან?

— ბრძანეთ.

— უბატონო ერთი იყო მთელს სამეგრელოში — დადიანი, თუმცა იმასაც ხონთქარის ორანი ადგა თავზე და ხარკით — ფულით თუ ქალ-ვაჟებით გადიოდა იოლას. აი, მესხიები კი ნამდვილი თავისუფალი ხალხი გახდა დიდი გვარამის წყალობით. სამცხე-ჯავახეთიდან დედაწულიანად აყრილი ძმები ლევან დადიანის სასახლესთან მოლაღეს თურმე კარისკაცებმა ბეგარის გადაუხდელობის გამო. ეთქვათ უცხოკუთხელებს:

არ იცის თქვენმა მთავარმა ვინცა ვართ, თორემ ამდენს არ გაიბრიჭებოდით, უდიერი საქციელისთვის კიდევ დაგაპანდურებდნენო.

არ დაუჭერეს. გაიდევნეს წინ ჯიკავ-ჯიკავით.

ლევან დადიანი იშვიათ გუნებაზეა. შერვაშიძეების ასული ბერძნული წესის ყაიდაზე ცხვირ-მოჭრილი მოუგზავნია სიმამრ მურზაყანისთვის.

შუადღეა.

თავის ახალგაზრდა ბიცოლას ეთამაშება სასიყვარულო სიტყვებით. ცოლწართმეული ბიძა კარგა ხანია ხობის მონასტერში აღკვეცილა ბერად. ორნი უსხედან სუფრას. შეექცევიან წითელ ღვინოს. სიახლოვეს მონადირე ძაღლებით ჩამოსული გურიელის ხალხია. თავის წონა ოქროდ აფასებენ თითოეულს, მაგრამ სადა აქვს დადიანს ძაღლებში გადასაყრელი ფული და მერამდენედ თითით უხმობს მეძაღლეთა ფარეშ ძაღვას. ეს უკანასკნელი წელში მოღუნული მიაუხლოვდება ბატონს, ენითუთქმელი მორჩილებით შესციცინებს თვალებში.

მოიწიეო, ანიშნებს კვლავ ლევან დადიანი მეძაღლეს და როდესაც ხელისგაწვდენაზე მიუჩოჩდება ნებეირ მთავარს, გოროზი ხელისუფალი ბიცოლას წინაშე თავის მოსაწონებლად გაძვალულ ხარის ბეჭს უთავაზებს ყბაში სიტყვებით:

როგორ შემომკადრეს მწვეარში ოქროო!

ოქრო ყმების გასაგონად თქვეს დადია პატენი, თორემ სხვა რამეზეც ყბულს არიანო, მეძაღლემ. სხვას რას ინებებენ სანაცვლოსო, უბღვერს დადიანი შინაყმას.

ხეჩუებმა და ირუნტიებმა აიშვეს ცოტათი. კიდევ მესხეთიდანაა სამი მეჯოგე ძმა, სოფელ მუსხიდან, საკმაოდ ჯანიანები, გაიცვლებიან ერთი — ერთზეო, ექვეშქვეშება ფარეში მთავარს, ბაზრის ბეგარა ჯიუტად იუარეს. არ იცის დადიანს ბრწყინვალეობამ, რა ხალხს უბედავთ ბეგარის გადახდენინებას, თორემ სულ პანდურ-პანდურით გაგყრიდათ აქედანო.

ახლავე აქ მომგვარე სამივეო, მბრძანებლობს დადია და საწადელსაც მყისვე აღუსრულებენ.

ყირმიზია სამივე ძმა, ჩამოსხმული, ოქროსფერი, ხვეული თმითა და მხედრული აღნაგობით.

ვინ ხართ თქვენ, გადამთიელნო, ჩემს ბეგარას თავს რომ არიდებთ უკმეხადო? გამართული ქართული ლით ელაპარაკება მეჯოგეებს ლევან დადიანი.

ბეგარას გამოქცეული ხალხი, თქვენი ჭირიმიეო, უბასუხებს უფროსი ძმა გვარამი.

მერედა, რომელი კუთხის, სადაურიო? ჩაეძიება კვლავ ბატონი.

მესხეთიდან ვართ ჩვენ, მესხები, სოფელ მუსხიდან, დიღო თავადო, უბატონო გლეხნი თამარ მეფიდან მოყოლებული და ამჟამად ჯაყლის მიერ უკიდურესობამდე შევიწროვებულნი, იმან.

კი, მაგრამ რა დამსახურების გამო გამხდარხართ უბატონოები, თანაც თამარ მეფისგანო, ცნობისმოყვარეობით ეკითხება მეჯოგეს დადიან.

ძუძუმტეობის გამო, თქვენი ჭირიმი, და კიდევ იმისთვის — თითოეული კუთხიდან შეკრებილ, საუკეთესოთა ამაღლაში ჩემი ჯიშ-ჯილაგის რჩეული მოყმეც ვარ, თქვენს ჩაუქ წინაპართან ერთად, რომლებმაც სიმღერ-სიმღერით ააცილეს მაღალ სვანეთამდე საქართველოს მეფე-დედოფლის წმინდა ნეშტი, დაკრძალეს იქ საიმედო ადგილას, ჩამოეშენნნ ძირს, მოილხინეს მამაპაპურად და ბოლოს, ვაჟკაცურად განიგმირეს თავი სათითაოდ, რათა საიდუმლო სამუდამოდ დაფარულიყო, მესხმა.

ვინ დააკავა მესხიებო, წარბებს შეყრის ლევან დადიანი.

ჩემმა ბიჭებმაო, მხრებში ძვრება მეძალე ძალვა.

შენ ხეჩუებს და ირუნტიებს მიხედე! თქვენ კი, ამიერიდან მესხიებო, იშრომეთ, იღვგრძელეთ, გამრავლდით! ვერავინ შეახებს ხელს თქვენს საქონელს, თქვენს დოვლათს, თქვენს ნაამაგარსო, მოსჭრის და ვართ მას აქეთ კიდევ უბატონონი, ბაბაგე, გური.

— კარგი თქმულებაა, ნებისმიერი გვარი ინატრებდა, მაგრამ რა ვქნათ ჩვენ, ფრთაგამოსული ჭიანჭველების ქვეშევრდომებმა?! ერთ დროს მუხლმაგარი, დოვლათიანი ქვეყანა მათხოვრად ქცეულა უნიათო მესვეურების ხელში. არავინ იხდის ბეგარას, თქვენი გვარისა არ იყოს და სამშობლო დალუპვის კარამდე მისულა.

— ერთი თბილისელი ყმაწვილკაცი შემომივლის ხოლმე ზაფხულობით სანადიროდ. დაიწყო მწყრის სეზონი და სადაც არის გამოჩნდება ყურპანტყურა სეტერებით. დიდ თანამდებობაზეა კონტროლის პალატაში. „ფაბრიჩინი“ გილზებს მომაყრის ხოლმე. ძველი არ გამიხარჯავს, მაგრამ მაინც ვართმევ.

მისგან ვიცი, გადასახადის გადამალვა ქართული სენიაო. დამიწყო საუბარი პროცენტებზე. მაშინ გავაჩუმე.

გლეხურად ამიხსენი-მეთქი.

საკონდახოსკენ მივემართებით გვერდიგვერდ. სეტერები ფეხებში გვებლანდებიან. მე შინდის კომბალი გამიღვია მხრებზე. სტუმარი კბილებამდეა აღჭურვილი: სამასრე, პატრონტაში გარდიგარდმო გადაუგდია, გუშინდელმა ბანდიტებმა რომ იცოდნენ, იმგვარად.

აი, ხომ გყავს შენ ნახირიო, მეტყვის. მაგალითისთვის, ასი სული ძროხა.

მაგდენს მთელს საირმეში ვერ შეკრებ-მეთქი.

სიტყვისთვის მოგახსენებო, იმან, ხოდა, აი, ამ ას სულს ასი ხბო რომ შეემატება, მოვა სახელმწიფო და ნამატიდან ოცს წაიყვანს ბეგარის სახითო.

რა ამბავია-მეთქი. მონგოლები ყოველი ასი ნამატიდან ათს ართმევდნენ დაპყრობილებს და ნუთუ ჩვენი მშობლიური მთავრობა ორჯერ უფრო გვეკლევს-მეთქი.

ჯერ სად ხარო, იმან. ამას უნდა დაემატოს საშემოსავლოსთვის თუ საგზაოსთვის საჭირო ორ-ორი ხბო და კიდევ სხვა საჭიროებისთვის — ამდენივე. სულ ოცდაათხი ასიდანო.

ბარემ ადექით და მთელი ჯოგი წაიყვანეთ-მეთქი.

საქმეც ეგ არისო, იმან. ამიტომაც მეჯოგეა თუ მელუდე, იძულებულია მოგება გადამალოს, ასის მაგივრად ათი აჩვენოს. ცხადია, ათიდან ბეგარა ორამდე შემცირდება და კიდევ მიმატებული ერთი, ჰა და ჰა, სულ — სამი. იეშმაკა გლეხმა. მთავრობა ყელში რომ წვდა ჯიბეების ამოსაბერტყად, წაიკუდლულუტა და ასი ხბოდან ოთხმოც- დაჩვიდმეტი შეინარჩუნა ამგვარი მოხერხებულობის წყალობითო.

კაციც ეგ ყოფილა და ქუდიც მაგას ხურებია, მაგრამ ასეთი მატრებაზობით ქვეყანა შორს ვერ წავა-მეთქი. მელუდე არ ვიცი როგორ ახერხებს თავისი ნაწარმის მიჩქმალვას, მაგრამ მე უჩინმაჩინის ქუდები რანაირად შევუკერო ჩემს ძროხებს-მეთქი. თავზე რომც მოვარგო, რქებს რალა ჭირი მოვუხერხო, ხომ გამოარღვევენ იმ ქსოვილს — ისევ სინდისიერი დამოკიდებულება სჯობია, ალბათ, ორივეს მხრივ-მეთქი.

ლევან მესხისგან მსმენია: ჯარისკაცს გენერლის შესაძლებლობაზე მეტი არ უნდა მოსთხოვო, ანუ, მარტივად რომ ვთქვათ, ქათმის შესაძლებლობა კვერცხია და ნაზუქებისთვის არ უნდა აკაკანოს სახელმწიფომ-მეთქი. ხომ იცი როგორი კვერცხისმდებელია შენი დედალი და ძევალასაც თუ გამოაცილი საბუღარიდან, მიგიტოვებს სამუდამოდ კვერცხისდებას, სატყარო ქეთარდუ.* გადაიკარგება შინიდან და ტურა-მელისა წერად იქცევა-მეთქი.

ეხ, ვალიკო ბიძია, მარტო ამით რომ ამოიუწრებოდეს ჩვენი უბედურების ასავალ-დასავალი, კიდევ გვეშველებოდა, მაგრამ უფრო რთულად არის საქმეო, იმან.

თქვი, კიდევ რა ჯანდაბა გვჭირს-მეთქი.

რა და საზღვარზე რომ გადმოგვაქვს პური და ნავთობი, ბაჟს ვინ შეკადრებს ღლავებს, ლიფსიტებს კი გაწურავენ გვარიანად, მაგრამ ლიფსიტების გამონაჟური რას გაწვდება სახელმწიფო მოთხოვნილებასო.

ბაბაგე, თოფი თქვენს ხელშია, კანონი, ძალა, მიდით და მოუჭირეთ მოსართავეები იმ ურას! აბა, ცხენის გახედნვა უმათრახოდ სად გაგონილა-მეთქი.

ეხ, ბედნიერი ხარო, მხარზე გადამხვია მარჯვენა. ჩემი ნება იყოს, აქ დავსახლდებოდი სადმე, ლებორატის სამხრეთით თუ ჯაჯის ტბის პირას სულაცო.

წითელ მინდორზე ჯობია-მეთქი. ყოფიანი იყო კაიკაცი, ვანის რაიკომის მდივანი, მაგრამ ეგნატე ნანიტაშვილი — უკეთესი-მეთქი.

მომიყლია, ტალავერი როგორ გაგვიჩხეს მის მერე არაკაცებმა და ჩემმა ქეთიმ ბერდენკათი რანაირად დაიფრინა სათითაოდ. ძირში მოსხებილი ვენახები კარგად გამოგლოვილი არა მაქვს და ასეთ დროს, ჩემი კუთხის კაცი, მეტყვევ გრიშა ბაძალუა ყელში არ გამომისვამს დანას?

ისეთი რაღა ფარსავი დაგმართაო, იმან.

მიგდე ყური და თავად განსაჯე-მეთქი. ამოიტანა ცხენებით ფერფლისფერი ნაძვები, — წისქვილის იქითაა, როცა ჩაგაცილებ დაგათვალაიერებინებ ჩვენს სამოსახლოს, — მომიტრიალდება მე.

შემძულდა საკუთარი ხელით აგურ-აგურ აშენებული ქვიტკირის სახლი-მეთქი. ლამის ძალად დამარგვევინა ეზოში.

დეკორატიულია, ძვირფასმერქნიანი, კიღობანი უკეთებია თურმე მისგან მოსესო, ამისი ჩიჩინით. კიღობანი ნოესი გამიგონია-მეთქი.

ეგ წარღვნისგან გადასარჩენი იყო, ურთხელის წითელი ფიცრებისგან შეკრული, ტაქსუს ბაკა-კატასგან ლათინურადო, ახლაც მიგუგუნებს ყურებში.

ბიჭო, სხვა იყო, კიდევ — ხო, მაგრამ ჩემებური ხარ, ხომ იცი როგორი ჯაფა-ცხვებართაა მოპოვებული მიწის ყოველი გოჯი?! ნამდვილი ნაძვი არ იყოს, თორემ საბოსტნე მიწას ხელიდან გამო-მაცლის-მეთქი.

იცინის და იცინის.

დეკორატიულია, ძვირფასმერქნიანიო. მაგას ნაჯახს ვერავენ დააკარებს. მოისვენებ, ერთის მოჭრაზე ხუთი წელი ციხეაო.

აგაშენა ღმერთმა-მეთქი.

გადახასხასებულია ეზო. ვუბერტყავ თოვლს ზამთრის პირზე. ცივ ნიავს არ ვაკარებ. გავა მარტი, აპრილი. სამაისოდ ფიჭვის მძაფრი სურნელით აავსებენ შემოგარენს ჩემი დეკორატიული მცნარეები. სააგვისტოდ ჩაგრაგნილი ღობეები ეფარებიან თვალებს და მომავალი აღდგომისთვის შუადღის მზეს უწვდენენ კენწეროს. ფუი თაშ გაქარიშ მამალას* ბაყბაყდევებად ქცეული ქონ- დრისკაცი ნაძვები თვალსა და ხელს შუა შემეყლაპავენ საბოსტნე და საყენე ალაგს. ამიტომაც მომიძულებია იქაურობა-მეთქი. გიგანტი ნაძვებით იძიეს თურმე ჩემზე შური: აიბარგება, გადაშენდება აქედანო, მაგრამ ვერ მიართვეს-მეთქი.

ასკავ უბურასკენ ჩამოვიჩოჩე. გაკაფე გასაკაფი, ტერასებად ვაქციე ფერდობი. გამხმარს რომ შევატყობ უსიერს, ახალს შევუნაცვლებ მის დამპალ ნაფესვარს. წინაპრის ძვლებზე უკეთესად აღმოცენდება ნორჩი. ეს იგივეა, როგორც შემოდგომის წიწილებს კვერცხის გულით გამოკვებავს ხოლმე ფხიანი დიასახლისი-მეთქი. რამხელაზე გამეჭკა საუბარი?!

ადამიანი და სახელმწიფო ურთიერთგაგების გარეშე ვერიარსებებენ, ერთი ალთას თუ არის და მეორე — ბალთას, მომავალიც იქ დაიშრიტება, იქ დაივსება-მეთქი.

რაზეა ლაპარაკი ძია, ვალიკო, იმან. ინვესტიციები, იგივე სესხი ტყუპ-ტყუპად ჩამოაქვთო, ორ იმილიარდ ნახევარი დოლარია უკვე ჩვენი შთამომავლობის კისერზეო. დასახლებულან საშვილიშვილოდ ქვეყნის ასაღორძინებლად გამოიზნული თანხებით და საჭიროების შემთხვევაში უმნიშვნელო სახელმწიფო გადასახადსაც არიდებენ თავსაო.

მე ისევ გავუმეორე: ბაბაგე, თოფი, კანონი, სამართალი თქვენს ხელშია და იმოქმედეთ-მეთქი. თუკი ხალხის საკეთილდღეოდ ჩამოტანილი თანხებით საკუთარი ბედნიერება უჭედიათ, გამოაჭენეთ გაზეთებში, ტელევიზორში. საზღვარგარეთის სესხი იმან იხადოს, ვისაც შეუტკბია! ხალხი, შთამომავლობა აქ რა შუაშია-მეთქი.

გაეცინა კვლავ და გამოეკიდა სიმინდებისკენ გავარდნილ სეტერს.

— მე არ ვიცი მწყობრზე მონადირე დედაქალაქელი რისი მაქნისია, — ვისარგებლებ მისი წუთიერი შეყოვნებით, — მაგრამ როგორც შემოქმედს, როგორც პატრიოტს, თავისუფალ მოქალაქეს ბოლოს და ბოლოს, თქვენი გვარისა არ იყოს, ერთიანად მამწარებს ჩვენი ქვეყნის დღევანდელი საგანგაშო მდგომარეობა. ეს მიბიძგებს, ვალიკო, ბატონო, გასულ პერიოდს კვლავაც ჩავუღრმავდე მეტის გულდინჯობით, უკეთ, გავერკვეთ ორიენტირში, ადგილ-მდებარეობაში, სად ვართ, სად ვიმყოფებით და განაპირება სად ელის ჩვენს ოჩხომელს. გაშლილ ზღვაში რომ ვტივტივებთ, ამას შეუიარაღებელი თვალითაც ვამჩნევთ ყველა. თანაც ჩვენი ხომალდი სულაც არ არის სიმბოლური, იგავური უფრო გასაგები ენით. დიხაც, ცხადში გავტივტივებულვართ პელაგონში. გემბანზე გვარიანი შტორმია — ღელვა და ახლა თითოეული, ხუთი მილიონი მგზავრი ჩვენიანად, იმის ცდაში უნდა ვიყოთ ნიადაგ, საერთო ძალისხმევით თავი როგორმე დავაღწიოთ უძირო მორევის ტრიალს, ფსკერზე დანთქმით რომ გვემუქრება დღითი დღე. მე წამალს ვეძებ ამ უსაშველო სენის მოსარჩენს. ამიტომაც არ მეთმობით განყნებული საუბრებისთვის, თანაც ძველებისგან გვსმენია: ღურუშმ წამალ ოლაფარეს ელაჩანდ, ვოუჩქუედეს ვარაუაო.*

— უკურნებელი ავადმყოფობა არ არსებობს, ბაბაგე, გური, მაგრამ მთავარია ჯერ თვითონ ავადმყოფობის ხასიათი გავარკვიოთ, რათა წამალიც შესაბამისად მივუსადაგოთ.

— შეგვეცდები გასაგებად ჩამოვაყალიბო. ხუთმილიონიანი საქართველოს სადღეისო ბიუჯეტი მილიარდ რაღაცაა, დაახლოებით რვაასიოდე ლარი თითოეულ მოქალაქეზე წელიწადში და ისიც — დეფიციტური, როგორც პარლამენტიდან იტყვიან ხოლმე. უფრო მარტივად კი ჩვენს ქამარმოჭერილ სიმამღრეს ორასი მილიონი, ანუ ლამის მეოთხედი აკლია სულის გაჭირვებით შესანახად. ასეთია სადღეისო ვითარება.

ათიოდე წლის წინათ, საბჭოთა სივრცეში, ჩვენი ადამიანი სიცოცხლისათვის მინიმალური მოთხოვნებით მაინც იყო უზრუნველყოფილი: ჯანმრთელობის დაცვის, სწავლის უფლებით. მას, ცხადია, ხელ-ფეხი შებოჭილი ხქონდა ხელოვნური ეკონომიკური ხუნდებით, ვინაიდან აღარ შეეძლო დამოუკიდებლად გამოეშვა მანქანა, ტრაქტორი, თვითმფრინავი; ის ათასი ძაფით იყო გადაბმული რუსეთს, მაგრამ აი, ჩვენი გაბუქებული დამოუკიდებლობის შემდეგ თითქოს ფართო ასპარეზი შეგვექმნა წინსვლა-აღმშენებლობისთვის, თუმცა ნურას უკაცრავად, მომხმარებლის, დოკლავიას, ჯამიტლეკიას მდგომარეობა ზურგიდან ვერაფრით გადაგვიბერტყავს.

მობრძანდებიან ჩვენსკენ ხუმანიტარული ორგანიზაციები სხვადასხვა სიხშირისა და ხარისხ-მასშტაბის პროგრამით, მოაბიჯებენ კეთილისმყოფელის იერით და გაცემულნი ასავსავენ ხელს ჩვენი მეღუდეგების, მეგობრების თუ მესიმიანდეთა როყიო განცხადებებზე, რომ ამ უკანასკნელთ სამამულო წარმოების აღორძინება წარმოუსახავთ უმთავრეს სარბიელად.

ისინი კი დაუღალავად გვაწვდიან ჭარბ პროდუქციას: სიგარეტებს, სპირტიან სასმელებს, შოკოლადებს, ჭინჭებს, როცა ჯერ პურის და ამოლესილი ლობიოს საჭიროებაა.

თქვენ ფითრმოძალებულ ნაძვებზე სწუხხართ ვალიკო, ბატონო, დროზე ამოძირკვავთ მათ უსიერში, სანაცვლოდ ახალს დარგავთ იქ თანაკუთხელი გრიშა ბაძალუას ნაბოძები ურთხელის ჭიშისას, ამ დროს პრივილეგირებული ფირმები და ორგანიზაციები, იცით, რას შვრებიან? ლამის მუქითად მიაქანებენ ჩვენს ხე-ტყეს საქართველოდან.

ტყე შეუნახე შეილებსაო, გვიკიჟინებს ვაჟა, ჩვენ კი, ძირფესვიანად ვძირკვავთ საუკუნოვან უღრანებს. პარლამენტმა ერთხანს ხე-ტყის ექსპორტი შეაჩერა და კეთილისმყოფელი ბიძები თუ ბიცოლები მაშინვე აგვიყაყანდნენ: სისულელეებს თავი დაანებეთ, ხე-ტყის მოწოდებას თუ შეგვიწყვეტთ, ჩვენგან ფინანსურ, იგივე ფულად დახმარებას არ ელირსებითო და გუშინ ლარით კილოგრამ ყველს რომ იყიდდი, დღეს ათიც არ კმარა მის შესაძენად.

— მდაა, — გააბამს ვალიკო მესხია.

— „ქოხებს“ ყიდულობენ შვეიცარიასა და იტალიაში. ფული უცხოეთის ბანკებში შეაქვთ ათეულათასობით, ვინაიდან იციან, იქ შენაბრეთა უფლებები ხელშეუხებელია. ნივრის ქერქს სამშობლოში ტოვებენ, ბარაქიან სასუსნავს მომავლისთვის უცხოეთში გადაინახავენ. ამისთანა დავრღომილი ქვეყნის მოსარჩენ წამალზე გეკითხებით, ვალიკო, ბატონო, იქნებ არის საშველი?!

— ჰმ! — გაიცინებს ირონიულად და აზუზუნებული სკისკენ გაიშვერს მარჯვენას, — ბიჯსაც არ ვიზამ პასუხისთვის. აგერაა ყველაფერი ხელისგულზე. ფუტკარი, რომელიც რამდენიმე კილომეტრის მანძილზე ეძებს თაფლს, სხვის სკაში ნექტარს არაფრისდიდებით შეიტანს, ან ვინ შეუშვებს იქ, გადაუმსხვრევენ ფრთებს და კინწისკვრით ისვრიან კარში. ეგეც რომ არა, რომც დამკვიდრდეს სხვა ოჯახში, ძველი არ მიიღებს უკან. ჩვენ რომ განყნებულ საუბარს მოვეშვებოდეთ, დავაკონკრეტებდეთ თითოეული შეძლებული კაცის, ბიზმესმენსაც რომ ეძახიან, უფლება-მოვალეობებს სა-

ხელმწიფოს წინაშე, ვფიქრობ საქმე ერთიანად წაიწვედა წინ.

ქონებიერ ადამიანს რა სჯობია, სულიერი აღმადგენაც თუ ახასიათებს. სახელმწიფო შესაძლოა მდიდარზე მდიდარი გაყვდეს, ოქროს მუთაქაზე ძინავდეს, მაგრამ ხალხს მინც სილატაკეში ძვრებოდეს სული. ასევე შეიძლება ქვეყნის სიმდიდრე რამდენიმე ადამიანის ხელში იყოს მოქცეული, მოსახლეობა კი სიდუხჭირეში ეწეოდეს ჭაბანს. ამ უკანასკნელ შემთხვევაში შესაძლებლობა მეტია ცხოვრების საერთო დონის ასამაღლებლად, ვინაიდან კერძო ადამიანზე ზეგავლენა გაცილებით იოლია, ვინემ მთელს სახელმწიფოზე. ათი-თხუთმეტი მილიარდერი მამულიშვილი რომ ხყავდეს საქართველოს, ჩვენს ქვეყანას თავის ჩაღუნვა არასდროს მოუწევდა. ჩვენ ახლა იმ გზას ვადგავართ, რაც ებრაელებმა ასწლელულების წინათ გაიარეს და სომხებმა — საუკუნეზე მეტია, ხოდა, გჯეროდეს, ქართველები ფულის შოვნაშიც არავის ჩამორჩებიან. ხოლო როდესაც შესაძლებლობა ერთიანად გაუსწრებს აუცილებელ მოთხოვნებს, ხელგამართვაც წამოვა, მაგრამ ეს ნამყენია, საძირე კი თავად საქართველოს აღრინდელ სახელშია მოცემული, გეორგიაში.

— არ მითხრათ, ახლა მიწათმოქმედებით და კურორტებით შეგვიძლია თავის რჩენაო.

— აზრი არ შემაცვლევინოთ თქვენზე. თორმეტი მილიონი ვიყავით თამარის დროს და საკუთარი გეოგრაფიკა ყველაფერი: პურიც, ღვინოც, ხორციც, თაფლიც და აბრეშუმიც. რა, ტელევიზორს და ავტომანქანას ვერ შეიძენს ქვეყანა, რომელსაც ბაზარზე გასატანად ექნება ჭარბი სასოფლო-სამეურნეო პროდუქცია?!

ასკაგუბურას მაგალითზე ვიმსჯელოთ. აქაურობა ოცი-ოცდაათი ხექტარი იქნება ყველაფრინად. გადაყრუებული ცოლ-ქმარი აქ რამდენიმე ტონა თაფლს და სიმინდს, ცენტნერობით — ყველს, ხორცს და ლობიოს ვაწარმოებთ წელიწადში. ახლა უფრო ბეჯითად რომ ჩავუღრმავდებით ჩვენს უხეირობას, დავინახავთ: ასკაგუბურა მხოლოდ არშინით თუ აგვითვისებია. დანარჩენი მიწას მიაქვს უკან, მეწყერს და თოვლს. ნამდვილი მეურნე კაცი აქაურობიდან ოცი-ოცდაათ ტონა თაფლს მოიწვედა, სხვა მოსავლსაც — ათჯერ და თხუთმეტჯერ მეტად. ახლა ვინგარიშოთ, რამდენი ასკაგუბურასნაირი ხეობა გვექნება სრულიად საქართველოში?

— წლების წინათ მეკამეჩეობის პრობლემებს ვუკირკიტებდი. მასალების მოკვლევისას აღმოვაჩინე, რომ ჩვენში ოცდახუთი ათასი დიდი და პატარა მდინარეა, ანუ ოცდახუთი ათასი ხეობა, სადაც თითოეულში ორმოცდაათიდან ხუთასამდე კამეჩის მოშენება შეგვიძლია. საერთო გათვლით კი მთელს საქართველოში სამას ათასზე მეტი სული კამეჩის მოშენება მოხერხდებოდა დროთა მსვლელობაში. დავბეჭდე კიდეც ეს მასალა, მაგრამ ყური ცოტამ შეიბერტყა. თქვენი თანადგომა დანამდვილებით მიდასტურებს ერთ ექვმიუტანელ ჭეშმარიტებას: ჩვენს ქვეყანას გადაშენება არ უწერია, ოღონდ მარჩენალ ბუნებას ზურგი არ შევაქციოთ და...

— ეეე, — გაიშვერს მარჯვენას დაბლათისკენ, — ხედავ წითელი მინდვისკენ ვერცხლის ქამარივით წაკლაკნილ გზა-სავალს?! კარგად დააკვირდი, კარგად! მოძრავ წერტილებს ამჩნევ?!!

— ჩინებულად, ტყეშიდებია, — ამოვუდგები გვერდში ფრიალო კლდიდან გადმომზირალს, — ნისლიანში შემოიპარებიან სისხამზე. ბრეზენტის ყვითელმოსასხამიანი ტყისმჭრელები მოკალათებულან ძარაზე. ჩაივლიან დამსვენებლების თვალწინ, უშიშრად, ყინჩად, ვინაიდან მათი აღმასვლა ჯერ რაიონის გამგებლისგანაა ხელდასხმული, მერე — დაცვის უფროსისგან თუ თავად კურორტის მესვეურთაგან. გვიანობამდე არ გამოჩნდებიან მოჭრილი ხეებით. ნახევარსაათიანი უშუქობისას დროს იხელთებენ, უმტკივნეულოდ ჩაიტანენ უშველებელ მორებს, უკვე შეღამების ჯანდებს ატორლიალებულნი და იბაგუნე მერე მკერდში მჭილი დილიდან სალამომდე, დაისიდან აისამდე: ტყე შეუნახე შვილებსა, ტყე გაშიშვლდება, ბრალია-თქო.

ბელგიელების სამხერხაო იყო აქ გასული საუკუნის მიწურულსო, იტყვიან მრავალისმომსწრენი, წითელ ხეებს ეძებდნენ თურმე, შერჩევით ჭრიდნენ საავეჯოდ, ისე ამუშავებდნენ, ნაფოტსაც არ ხკარგავდნენო. როცა გადამთიელები ასეთი მოკრძალებით ეპყრობიან შენს ბუნებას, ვერ გამიგია, ჩვენ, მის ნამდვილ მეპატრონეებს რაღა ღმერთი გვიწყობა?! მონღოლებით რატომ ვჭრით იმავე ტოტს, რომელზეც ვსხდევართ? ვალიკო, ბატონო, იქნება ვითომ საშველი?! — მივაშტერდები ჯიქურ.

— აკი, წელიწადზე მეტს ვიცხოვრე ჭურიაში, იროლი სართანისას სიახლოვესო? ფიცი მწამს, ბოლო მაკვირვებს. მესიაკონი კაცის გვერდით ნამყოფისგან ამდენი წუწუნი გაუგებარია, ბაბაგე, გური! არ უთქვამს იმ ცხონებულს, წყარ ნაწყარს და შარა ნაშარსიავა?*

ობიზა*

არა გვაქვს ჩვენ, ქართველებს, ბატონებო, კვირათა სრულყოფილი სახელები. მათი შინაარსი

სრულ შეუსაბამობაშია ბიბლიასთან, აქედან გამომდინარე, ორი რამ არის სავარაუდებელი: ან ჩვენი კალენდარია ბიბლიაზე ძველი, ან კიდევ დიდი უწიგნური და დაუდევარი ხალხი ვყოფილვართ. გარინდებამდე გაუგებრობას იწვევს კანონიკური დასახელება ორშაბათიდან კვირამდე. დღემდე უცნობია ჩემთვის „შაბათში“ „დღეს“ თუ ვიგულისხმებთ, რატომ გამოგვივიდა „პარასკევი“ და „კვირა“ განსხვავებული, დანარჩენი კი ერთგვაროვანი? რა დააშავა „ერთშაბათში“, პირველდღემ, ან რისთვის შეგვიქცევია ზურგი „ექვსშაბათისთვის“ თუ „შვიდშაბათისთვის“?

მეგრელები ხომ მთლად ბალზე ვსხდევართ და ტყემალს შევექცევით.

კვირის პირველ დღეს „თუთაშხა“ ვეძახით, მთვარის დღეს, როცა ბიბლია დაბეჭიტივით გვეჩიჩინება, ცაბათმა თავდაპირველად ცა და მიწა შექმნაო, გახყარა ნათელი და ბნელიო, და სადმე სამართალი რომ იყოს, პირველ დღეს „თუთაშხა“ კი არა „ცაშხა“ უნდა ერქვას, იგივე ხუთშაბათი, რათა იოტისოდენად მაინც მიეგოს პატივი უფლის პირზე ოფლგადმომდინარ ხელგარჯილობას.

სულაც არ ვაპირებდი ჩვენი წარმართული თუ ქრისტიანული კალენდრების რევიზიას, მაგრამ მიყვარს სინათლის შეტანა ყველგან და ყველგან, ამიტომაც მომეტევება, ალბათ, ჩხირკედულობა ქურუმთა მითაჟამინდელი მჩხიბაობისა და მაცხოვრის ნამუშაჟარს შორის განსხვავების მოსასპობად.

მეორე დღეს უფალთუფალს წყალი შეუქმნია და „სამშაბათი“ სავესებით შეუსაბამოა, ვინაიდან მეორე დღე „მეორეშაბათს“ მოითხოვს, „ორშაბათს“ ჩვენებურად, კოლხები კი მთლად თავს გასულან, „თახაშხა“ უწოდებიათ წყლის დღისთვის „წყარიშხა“-სთვის.

მესამე დღეს შემოქმედს მცენარეული სამყარო, იგივე ფლორა აღმოუცენებია, ამიტომაც ამ დღეს მეტი სიზუსტით „ობიშხა“ შეესაბამება, სვანური ვობის კულტი, ოდოიას დღე, ნაყოფიერების გენია.

ყველა უბედურება კი მეოთხე დღესთან იყრის თავს, რამეთუ, დიახაც, ამ დღეს შექმნა უფალმა ორი მთავარი შუქმფენი: დიდი მნათობი დღის გამნათებლად და მცირე მნათობი ღამის გამჩირალდნებლად, კიდევ — ვარსკვლავები. როგორ მოვიქცეთ ახლა, რომელს მივანიჭოთ უპირატესობა, მზეს თუ მთვარეს? მზე დედაა ჩემიო, ამაყად თავს მალლა წევს კოლხი; მთვარე — მამა ჩემიო, სამყაროს ეტოლება ფრთაგამოსული ჭიანჭველა; სავსე-სავსე ვარსკვლავები — და და ძმაა ჩემიო, არ იშლის თავისას. ასე რომ, ბიბლიის შესაბამისად მეოთხე დღე მზე-მთვარისაა, „ბჟა-თუთაშხა“-სი და არავითარ შემთხვევაში ათვლაცდომილი „ხუთშაბათი“ თუ „ცაშხა“.

მეხუთე დღეს ძველი აღთქმის კვალდაკვალ ყველგანმყოფმა ფაუნას დაუდო სათავე ვიწრო გაგებით ნაწილობრივ — ცაში ფრინველი ააყვილა, წყალში თევზი აასხმარტალა და თქვა ღმერთმა: აფუთფუთდეს წყალში სულდგმული; მიწის ზემოთ კი, ცის მყარზე, ფრინველმა იფრინოსო, და რომელი ძალა აღუდგებოდა წინ?! მაგრამ კარგად გახსოვდეთ, რომ მიწის სულდგმული, საქონელი თავ-თავისი გვარის მიხედვით, მხოლოდ მეექვსე დღეს გააჩინა ზეციერმა ქვემრთულთურთ, „საბატონო“ რომ გახლავთ კოლხურად და ურინცხოვნო „შაბათი“ ზოგადქართულად, მხოლოდ ნასადილევს, შუადღის გარდასვლისა და სიესტური მოთენთილობის გარდავლის მერმე გააჩენს იგი კაცს თავის ხატად, და ჭეშმარიტად, ამ დღეს ამოაცლის მითვლემილ ადამს უფალთუფალი ნეკნს, რათა შეუქმნას ხორცი ხორცთაგანი ევა, რომლის მეოხებით მიატოვებს ხოლმე დედ-მამას და მიეწებება თავის დედაკაცს, რამეთუ იქცნენ ერთხორცად.

მოკლედ, სწორედ მეექვსე დღეს დაასაბამებს უბედურებათა წყებას უფალთუფალი ევას სახით, თუმცა მოვეშვათ მაცხოვრის ნაღვაწის განჩხრეკას და შედარებით უმტკივნეულო ამბით შემოვიფარგლოთ, ანუ ქართული წარმართულ-ქრისტიანული კალენდრების ასინქრონულობით.

სიტყვა შორს რომ არ გავვექცეს, მეხუთე დღეს, რაკი სანახევროდ შექმნილია ფაუნის სამყარო, უპრიანია ეწოდოს თევზ-ფრინველის დღე, ნაცვლად „ობიშხასი“ თუ „პარასკევი“-სა. რაც შეეხება მეექვსე დღეს, ვფიქრობ, წინ არაფერი დაუდგება ტალახისგან გამოცხოვრილ ადამიანს, კაცს ზოგადად, რომელიც შემდგომ განიყოფება მამაკაცად და დედაკაცად. ასე რომ, ამ დღის მოსანათლად ფრიად გამოგვადგება ფონემა „კაცი“ და აქედან გამომდინარე, „კოჩიშხა“, იგივე „კაცდღე“, მაგრამ არავითარ შემთხვევაში სოციალისტურთან გაიგივებული, რომლის მიხედვით მამაცხოვნიებული სტახანოვი სამასი მეკურტნეს ნორმას გამოიმუშავენს და სხვა ლონდრე სულაც მცონარობით გვამახსოვრებს თავს ტყირპლიანი გვადი ბიგვათა მიმსგავსებით, თუმცა ვინაიდან და რადგანაც თვით მამაღმერთსაც მიეტევება ექვსდღიანი ჯაფის შემდეგ მოსვენება, დაუთმობთ ზირტიკებს მსგეფსი მხართეძოზე სანებივროდ?!

ბევრი რომ არ გავაგრძელოთ, ვგონებ თვალნათლივ დავინახეთ თუ როგორი ანაქრონიზმია ქარ-

თული წარმართულ-ქრისტიანული კალენდრების სავანეში და რანაირი ჭკუადაუნჯებით შეგვიტანია ნათელი საუკუნოობით აბურდულ საქმეში!

დარწმუნებული ვართ, ამიერიდან მაინც შემდეგნაირ რიგისობას დააწესებენ კვირის დღეების თანამიმდევრობაში მეგრელები: „ცაშხა“, „წყარიშხა“, „ობიშხა“, „ჩხომიშხა“, „კოჩიშხა“, „თუთაშხა“ „სვანჯიშხა“. ასე და მხოლოდ ამგვარად მიიჩნევა პატივმიგებულად ცაბათის ღვაწლი ექსდლიანი მეცადინეობის გზაზე.

ზოგადქართულად ხომ მიგვინიშნებია ერთხელ: „შაბათი“, რადგანაც „ღღეს“ შეესაბამება თანამედროვე გაგებით, ამგვარ მეტამორფოზას დავსჯერდეთ: ერთშაბათი, ორშაბათი, სამშაბათი, ოთშაბათი, ხუთშაბათი, ექვშაბათი, შვიდშაბათი.

ეხ, როგორ უნაყოფო ფიქრებს აღმოაცენებს ხოლმე საირმეს ნისლიანები?!

ნელი სვლით მიგოგმანებენ თავდაღმართში გიგანტი ნაძვებით დაჯორგილი ტყემზიდები.

აივნიდან გახყურებ უშფოთველი ძილით გარემოსილ კურორტს. თანამეცხედრე მესამე და მეოთხე წყაროებიდან პლასტმასის ლიტრანახევრიანებით ამოგიტანს წყაროს წყალს.

დავიწყებას მისცემია შლაკები ნაარყალ-ნაღვინევი თირკმელებიდან. ეზეიმება ღვიძლს, კუჭ-ნაწლავს.

სასადილოდან ლანგრებით ამოაქვს ხელმწიფის საკადრისი სადილი შეფ-მზარეულ იზოლდას.

უბედურებას დამატებს თავზე თოლიო და ქეთი ნერგაძეს სასადილოს მეჭურჭლეთუხუცესისთვის არ ჩაუბარებია თურმე საჩემო სულუგუნ-თაფლეულით გაძეგილი პოლიეთილენის პარკი?! ახლა მაინც სად გაეჭყევი რეალობას? ბავშვები წითელი მინდვრისკენ გეჭაჩებიან, სილამაზის წყაროსკენ გაძლოლას გეაჯებიან, გეპატიუებიან საკუნტრუშოდ საცეკვაო მოედნისკენ. ვერაფერი ერევა შენს სიჭიუტეს, შენს წყულ თაბახებს და საშა ეგუტიას ნაჩუქარ საბეჭდ მანქანას, რომლის სადღეღამისო რაკუნს კარგა ხანია შეგუებია წაბლარისწყლის გაღმა-გამოღმა კორპუსები. ბოლოს და ბოლოს იეშმაკებენ ონავრები, სუსტ წერტილს მოუძებნიან მშობლის მოუხეშავობას და გერმანელი ტყეების საფლავებისთვის დაკრეფილი ყვავილებით რომ მომადგებიან, ფარ-ხმალს დაგვაყრევიებენ მეცა და ბადრი ცირამუასაც. ტაატით მივუყვებით სასაფლაოსკენ მომავალ გზას ხალხმრავალი პარკის გავლით. ბავშვები ფეხებში გვებლანდებიან. მიიფრიალებს ჯიბიდან ბოლო ლარიანებს ნაყინი, სათამაშოები, სასუსნავი... გრძელ მერხებზე სხედან ცხოვრებით დამაშვრალი დამსვენებლები. საუბრობენ ერთმანეთში. დროდადრო მოყლუპავენ საირმეს პირმომწოე წყალს.

გონებაში ფოლკნერის „ხმაური და მძვინვარება“ ამოტივტივდება: **„სხენის კიბიდან ჩამოაქვთ ცარიელი სამგზავრო სკივრები ცარიელი კუბოებივით ხრიგინებს. ფრენჩ-ლიკი,* სიკვდილი კი არ უნახავს მლაშობზე წასულ გოგოს“.**

ამ სტილის მწერლების უკომენტაროდ გაგება ძნელია. აუცილებელია შენიშვნებში ჩახედვა. ფრენჩ-ლიკი თურმე მარილის საბადოებით ცნობილი აგარაკი ყოფილა ინდიანას შტატში. კვენტინ ქომპონს სამგზავრო სკივრები ჯერ კუბოებად წარმოესახება. ეს უკანასკნელი ფრენჩ-ლიკს ამოატივტივებს მის ცნობიერებაში, ვინაიდან ნადირი, დიახაც რომ, მარილიან ადგილებს ეტანება ხოლმე. მონადირეებმა ჩინებულად უწყიან ამის თაობაზე და სწორედ იქ ხდებიან მათი ტყვის წერა. მლაშობზე წასული გოგო, იგივე კვენტინ ქომპონის უსაყვარლესი და — კედი გახლავთ, რომელიც სიკვდილს კი არ იპოვის ფრენჩ-ლიკში, არამედ მეძავი ქალის სახელს.

ბატონი შოთა ზოიძე კი გზისმკვლევეში ჯიუტად გვახვევს თავს საირმეს ეტიმოლოგიის თითებიდან გამოწოვილ ვერსიას:

საირმის დღევანდელ წყაროსთან გამოსულ ვინმე მზეჭაბუკს შველი უხილავს. განუგმირავს მშვილდ-ისრით. მერმე დაჭრილი, ადამიანის ენით რომ ალაპარაკებულა, მთის მწვერვალზე აუყვანია და იქ დაუტოვებია ნადირის თხოვნისამებრ. გასულა უამრავი თვე. გაცივებულა ტყე-ღრეში მოხეტიალე მონადირე მწყემსი მზეჭაბუკი და ამ დროს მფარველად ქალწულადქცეული ის შველი მოვლენია. თურმე ჯადოქარს გადაუქცევია იგი ირმად, რათა დევებისგან ეხსნა. გამოჯანმრთელებული მზეჭაბუკი ამოხოცავს დევებს, იმ ერთადერთს დიდხანს ეჭიდავება და ბოლოს, ეს უკანასკნელი მაინც ძღვეს ადამის ნაშიერთ: ქალს კალმასად გადააქცევს, ბიჭს — ტბად და კეთილ ჯადოქარს — ნაძვად, საირმის შემოსასვლელში ქვაოკვანეშზე, ქვაქანციაზე საკვირველად რომ ამობობლებულა, იმ ნაძვად. ესეც ზოიძისეული ფანტაზის მზეგანი ეტიმოლოგიის სადაურობის თემშარაზე.

„ფრენჩ-ლიკი... ყველანი ჩვენი მლაშობისკენ მივიჩქარით, — ვფიქრობ გზადაგზა, — ნოდარ წულეისკირის ნოველის ბულბულები სურნელოვანი ვარდებისკენ მიისწრაფვიან, სადაც თვალდახუჭულადად ადვილად ეპარება უკულმართი ონავარი და რადგანაც იცის, მაფშალია ამ დროს გარემო სამყაროს გამოთიშულია, უსულგულოდ მოიხელთებს ხოლმე;

ზეგნელი ილარიონ გორგოძე და მეჯოგე გუჯუ გაბედავა მლაშე წყაროებისკენ მიაბოტებენ,

ვინაიდან სჯერათ, გამთენიისას უცილობლად მიაკითხავს იქაურობას მწყურვალ რემა. ქორბუ-
დათა ფრენჩ-ლიკიც ეგ არის;

გერმანელი ტყვეები ფეხარეულად მოაბიჯებენ გოლიათი კლდეების ძირში, რომლის ღრანტებში
უხვადაა ჩაწყობილი ლალუმი. აფეთქებებს ლოდთაცვენა მოსდევს და იოდისფერ ნამსხვრევებში
ლაფავენ უსამშობლო სულს; გიგანტი ნაძვები წითელი მინდვრისკენ მიისწრაფვიან, როგორც მდი-
ნარეთა სათავისაკენ ქვირითისმყრელი ორაგულები, რათა ნისლის კალთებიდან შემოპარულ ტყის-
მჭრელებს თვინიერად მიუშვირონ ყლი გამოსალადრავად, რომ მერმე იმ ვინაობამოუხსნელი ტა-
ფობის სულში აჩუხჩუხონ ძალუმად დამდოვრებული სისხლი. ფიჭვების ფრენჩ-ლიკი წითელი
მინდორია“.

ბადრი ცირამუა, მე, ოტია იოსელიანი თუ თითისწვერებზე შემდგარ პანსიონატში ხვალ-ზეგ
მოსასვლელი რეზო ჭეიშვილი, მარილით გაჯერებულ სიტყვას ვეფალავნებით. ნაღრძობია თეძო თუ
მუხლისთავი იაკობივით უზენა- ესთან სადღელამისო ჭიდილში და აწი, იმ ჩუმჩუმელა ტყისმზი-
დების ათწყება საირმის წყალიც რომ ყლაპო პოლიეთილენის ლიტრანახევრიანებით, ვერაფრით
გაგაცლის მათ დანაშრევ-დანალექს:

„მზე დედაა ჩემია“, ძერწავს პოემას მუხურელი მეღექსე;

მეწინავე რეხოს ირაოებს მიაღვენებს მზერას ბატონი ოტია — საქართველოს უნუგეშო სინამდ-
ვილის მესვეურს.

„ცისფერი მთების“ — დაუსრულებელი რომანის დავიდარაბა ჩაუმთავრებია დიდებულ
რეზო ჭეიშვილს და ვინ იცის, ახლა რა ამოუღია თვალში აყმუვლებული რეალობიდან;

მეც „მგზავრის წერილების“ მიმსგავსებულს ვაჩინდრიკებ უბატონო გვარის წარმომად-
გენელი ვალიკო მესხიას მეოხებით ლელთ ღუნხიას თარგზე.

ფრენჩ-ლიკი ხომ არა და არ ილევა.

დიდოსტატის შემოქმედის მემკვიდრისათვის იგი უბედური სამშობლოა, ღურწკაიების ჭერი და
დრინაზე ხიდის გამდებელი დიდი ვეზირის, ვიშეგრადელი სოკოლის თანამოსახელე წინამძღოლის-
თვის — მსოფლიოს გულისკენ მიმავალი დიდი აბრეშუმის გზა ნავთობსადენიანად;

ყველა თავის ფრენჩ-ლიკთან აღესრულება:

მეფეთმეფე აგამემნონს ბაგაში დაბმული ხარივით დაკლავენ ცოლი და მისი კურო ეგისთე; ალექ-
სანდრე მაკედონელი ლაშქრობაში დალევს სულს, რათა თაფლის სარკოფაგით მოუბრუნონ მა-
მულს, სხვათა დამცრობაში აღზევებულის შეურყენელი ნეშტი; იულიუს კეისარს რუბიკონს გა-
მოღმა, სენატში უმარჯვებენ ორლესულებს მკერდში რომის დიდებულნი, განუყრელი მეგობარი
ბრუტუსის ამფსონობით; ჯორდანო ბრუნოს თუ ქეთევან დედოფლის ფრენჩ-ლიკი მოგიზგიზე კო-
ცონში გამოსაწრთობი რწმენაა; ერთადერთი, ონავრების ჟრიაშული არ ცნობს ფრენჩ-ლიკს;
მათი ციცაბო, ჭვავის ყანის კიდეს ხბოს კუნტრუშია, დედის წინ კვიცის მორბენლობა და არაფერია
გასაკვირი, რომ იმ გრძელ მერხებზე ჩამოსკუბებული, საირმის წყლის ყლუპვაში მომასლაათე დი-
დედები ცეცხლზე შემოდგმული რძიანი ქვაბებისთვის საჭირო სიფხიზლით შეხყურებდნენ ფერ-
დობ-ფერდობ მოჭირითე შვილიშლებს, თან აქა-იქ ხმასაც მიაღვენებენ მათ დაუსრულებელ გიჟმა-
ჟობებს:

— ნელა ირბინეთ, გენაცვალეთ! არაფერი იტკინოთ, ბებოს ჭირმა!

ქეთი ნერგაძისგან ვიცი, თბილისელი მონადირე გუმინდამ წასულა მწყურებით გამოტენილი ჩან-
თით. დათვის ქონი, თაფლი და რძიანი სულუგუნებიც წარუმძღვარებია ბლომად. თავს იკლავდა
თურმე მისი თოლი, მაგრამ ის ახმახი მიშიკო, დასაკუწავად რომ დაღირებია ტკიცინა ასლარიანებს,
ჩამოუყრია მხრები უბატონო გვარის შთამომავალს.

— გელოდებო, — ასე დაასრულებს საუბარს.

ხელოვან ხალხს ხელისგულზე ატარებდნენ და ატარებენ საქართველოს ნებისმიერ კუთხეში:
ქართლში, კახეთში, გურიაში.

ამ მხრივ იმერეთი შეუღარებელია მთლად. ერთი ფაციფუცია ბატონი რეზო ჭეიშვილის მო-
ლოდინში. სიტყვის ყადრი წუთისოფლის ოღროჩოღროს ღარშია მიშვებული მეოხად, ნუგეშისმ-
ცემელ ჯადო-თილისმად სრულიად საქართველოში დღევანდელი სამეგრელოს გამოკლებით, ვინა-
იდან აქ ფეხზე მოსიარულენი რა მოსატანია, როცა უიარაღოს — კონდრატე თათარაშვილის სახლ-
მუზეუმი იყიდება ამ სიტყვის იურიდიული გაგებით; როცა ალექსანდრე საჯაიასა თუ იონა მეუნარ-
გიას ეზო-ყურეებს აწვიმს და ათოვს, მაგრამ რას გააწყობ, როგორიც ბერი, ერიც ისეთიო, თქმუ-
ლა.

ცრის. გერმანელი ტყეების საძმო საფლავს ბალახი მოსძალეგია. მართალია, ოთხი წლის წინათ

აქაურობა გაკრიკალებულა მაშინდელი გამგებლის, გურამ გეწაძის თაოსნობით, და გზისმკვლევის სიტყვებს თუ დავესესხებით: **„გერმანულ ტყვეთა მემორიალის აგება ნათელი დადასტურება იყო იმისა, თუ როგორ გვესმის იმ ეპოქის ტრაგიზმი, რომლის დროსაც მილიონობით ადამიანი ასცდა საკუთარი სულიერი და ფიზიკური მისწრაფებების ტრაექტორიას და მათთვის ადამიანურ ღირებულებათა □სტილი — ავტორისა, გ.ო.), კომპენსაციად იქცა ომი, ნგრევა, შიში, შიმშილი“.**

ყველაფერი ჩინებულად მოკოპწიავებულა, საელჩოდან წვეული სტუმრების მოსახიბლად, ქულე-ბის ჩაწერის მიზნით. გამომხდარა ხანი და აქაურობა უქმურ ლენცოფას წაუღეკავს, გვირილაგარეულს, თაკარა მზისგან გახუნებულ ლენცოფას.

ჯვრებს აქა-იქ ფრთები ჩამოუყრია, წაქცეულა ზოგი, წაფერდებულა სხვა, და ფეხზე გვარიანად მდგომელთაც საღებავი გაცრეცვია თალხი ფერისა. ოთხი წლის წინათ კი მჯილს ვიცემდით მკერდში ნორბერტ ბაასის თუ სხვათა გულების ასაჩვილებლად.

მოვაკოპტავებთ სასაფლაოს შიშველი ხელებით რამდენადაც შეგვეძლება, თითოეულ სამარეს-სთვის იკმარებს ონავრული გულუბრყვილობით დაკრეფილი ველური ყვავილები. მე კი ბორხერტის „თოვლი, თოვლი, თოვლი“ მახსენდება და კიდევ — მირზა გელოვანი, მისი „აონი“ და „მე დავბრუნდები, მე დავბრუნდები, მე შენი თმები დამაბრუნებენ“.

რამდენ ტალანტს გამოუსვა კოჭებში ცელი არესის ორომტრიალმა?! იდეოლოგიურად გათიშული მსოფლიო ლამის გადაიჩეხოს მარათონული მამლაყინწური ურთიერთდამოკიდებულების გამო. ახლა წითელი საბჭოეთი გადამწვანებულა დოლარის კოლორით, მაგრამ აღთქმული საამური ცხოვრება კვლავინდებურად რომ იგვიანებს?!

— კაცის მოსაწონი მამალმერთმაც ვერ გააკეთა, — ვიხსენებ ვალიკო მესხიას გუშინწინდელ ნალაპარაკებს, — ადგა და ტალახისგან გამოცხობილს სული შთაბერა, ედემის უკვდავ ბაღში დააფუძნა სამის-დღემშიოდ, მაგრამ მოყირკდა მალე უზრუნველობა ჩვენს ადამს და აქ ცხოველ-ფრინველების ქარავნები აახლა უფალთუფალმა თავის ხატად შექმნილს. იკუნტრუშა მათთან ერთად ადამმა გვარიან ხანს, მაგრამ დროთა ვითარებაში მობეზრდა უსაგნური თამაშიც და ღმერთი იძულებული შეიქმნა მიძინებულისთვის ნეკნი ამოეცლია, დედაკაცი მოევიღინა მოწყენის გასაქარწყლებლად.

ამანაც ვერ აზეიმა დიდხანს ადამის სული და ასეთ დროს, ასეთ ვითარებაში, გველისგან შეცდუნებული ევა იგემებს კიდევ აკრძალული ხის, ხეცნობადის, ნაყოფს და აეხილება ადამთან ერთად თვალი. შეიცნობენ თავიანთ სიშიშველს. ჩაებუდებათ უფლის შიში დანაშაულის გამო, მამალმერთის სიტყვას რომ გადავლენ. ასე გაძევდებიან სამოთხედან მარადიული სიკვდილის კერძები ოფლით პურის მოსაპოვებლად, სიმწრით შვილების გასაჩენად, ქუსლით გველის თავის გასაჭეჭყად და დასაგესლად იმავე თავისგან. ხვანცალებენ და ხვნეშიან იქიდან მოყოლებული. საკუთარ თავში იძირებიან, ვარსკვლავებს მისდევენ, უსასრულობაში ინთქმებიან, მაგრამ ბუზღუნით აღესრულებიან მაინც, ვინაიდან უკვდავებას ველარაფრით ინაღლებენ.

ამაო ყოფილა მათი მეცადინეობა, მათი ყოველი მუშაკობა ჭეშმარიტის ამოცნობის გზაზე.

სხვანი აგროვებენ დოვლათს, შეიძენენ ათასი ჯორ-აქლემის აკიდება ოქრო-ვერცხლს, დახკარგავენ კი ამ გაწამაწიაში უმთავრესს — სულს. ისინიც წუწუნით გავლენ გაღმა, მარილზე.

მავანნი საგმირო საქმეებით ცდილობენ საკუთარი მეობის გადარჩენას მთელი კაცობრიობისთვის: ახდენენ რევოლუციებს, არიან ხალხის ბელადები, თანაუგრძნობენ გაჭირვებაში ჩავარდნილ თვისტომს და უკიდურესობამდე იზიარებენ მათ სატკივრებს;

ზოგი მსუბუქად მიათამაშებს კავს, ზოგი ღრმა ხნულს გაავლებს მეხსიერების საშვილიშვილო კაბადონზე, და ვიკენკებით, ვიციცქნებით უკვდავების ნამცეცებით, რომელიც ჩვენი ავადმყოფი ბუნების დასამწყურვალეებლადაა გამოგონილი.

ხეცნობადის ნაყოფი რომ აგემა გველმა ევას და ადამს, ხომ შეძლო სიცოცხლის ხის ნაყოფით დაეწყო მათი გაბედნიერება, მაგრამ მაშინ დაირღვეოდა ადამიანის გაჩენის, ცხოვრებისა და სიკვდილის გარდუვალობა. ამიტომაც არაკი სინამდვილეს რომ მორგებოდა, ხეცნობადის ნაყოფით აგვიხელენ თვალებს და ედემის ბალი აღმოსავლეთით ქერუბიმებს და ცეცხლოვან მახვილს გადაეცემა სამეთვალყურეოდ, რათა დაიხმას სიცოცხლის ხესთან მისასვლელი, ჩვენ კი პირზე ოფლშეუმშრალნი ვისწრაფვით იმ ხის ნაყოფის მოსაწყვეტად, მეჯოგე ვართ ეს, მეფუტკრე, მევენახე, გუთნისდედა, მშენებელი თუ მწერალი, ყველას გვჯერა ჯადოსნური ზღაპრისა, უკვდავება კი სინამდვილეში ადამიანების გულის დასამშვიდებლად აგორებული ჩმახია.

რომელ უკვდავებაზეა საუბარი, ბაბაგე, გური, რომელ მარადიულობაზე, როცა ჩვენი დედამიწა, მისი ყოველი სიკეთე საპნის ბუშტია დროსთან მიმართებაში?! ეს ხუჭუჭა გორაკები, ლებოროტი, საკონ-

დახო, წაბოცეთი, ასკავუბურა, უფრო შორს — კავკასიონი და მის იქით — აფრიკა, ამერიკა, თავიანთი პირამიდებით თუ ცათამბჯენებით, ტელევიზორის ეკრანიდან რომ მომიკრავს თვალი, „ვეფხის ტყაოსანი“ ჩვენი, უამრავი გულშიასაკონებელი მშვენება: ირმის შველი, ხოხობი თუ იაია — მტვერია, ცეცხლი, გარდაუვალი განადგურების მომლოდინე და მაინც ადამიანი აი, ამ წამიერი აღმაფრენითაა უკვდავი, არა დროის ხანგრძლივობაზე დამოკიდებულით, არამედ შექმნის ხიბლით მონუსხული, შრომის, მუშაკობის მაღლით შემოსილი და მეც ამ იმედით დავლაცუნებ დუნიაზე.

დასახლებასთან გავიყრებით გერმანელი ტყვეების ჭირისუფალნი: ქალები სანატორიუმისკენ წალალავენ ბავშვებს; ბადრი და მე ფირმა „საირმე-92“-ის ტერიტორიისკენ დავეშვებით.

მასპინძლები თავაზიანად გვეგებებიან. როცა შეიტყობენ ჩვენს ვინაობას და სურვილს — ორიოდ სიტყვა შევაწიოთ მათი საშვილიშ-ვილო საქმეს, ახვანი ნაძვების ძირას დამონტაჟებულ, წაგრძელებულ მაგიდასთან მიგვიპატიჟებენ. გამოითანენ საწყობიდან სხვადასხვა ტევადობის ბოთლში დაფასოებულ „საირმეს“.

სააქციო საზოგადოება „საირმის“ გენერალური დირექტორი, ბატონი ვახტანგ კოპალეიშვილი, ბაღდათს გამგზავრებულა. დანარჩენი აქციონერები აქ გახლავან — დავით გარუჩავა, თამაზ კბილაშვილი, ალექსანდრე ნერგაძე და კახა გვიჩია. მათი ძირითადი ხელგამმართველი ამ უკანასკნელის ბიძაშვილი გია გვიჩიაა, სანკტ-პეტერბურგელი ბიზნესმენი, იქაური ლუდის გიგანტი ქარხნის გენერალური დირექტორი. ნევისპირელ მეწარმეს დღემდე 250 ათასი ლარი გაუხარჯავს საირმელების სასარ! გებლოდ. ძირითადი სამუშაოები ზედმიწევნითაა შესრულებული. ჩამოტანილია ახალი ხაზი, რომელსაც შეუძლია საათში საშუალოდ 2000-4000 ლიტრი მინერალური წყლის ჩამოსხმა. ბოთლებს ნახევარფაბრიკა ტების სახით ღებულობენ, იგივე პოლიეთილენის ჰილზებს რუსთავის ქიმიკოლოგადან — ერთლიტრიანებს და 400-გრამიანებს. შექმნილი აქვთ ჩინური წარმოების 2 მანქანა-დანადგარი, რომელიც საათში უშვებს 500 ბოთლს, ბერავს მათ და სასურველ კონფიგურაციას ანიჭებს. გამორჩეული აღნაგობის პოლიეთილენის ბოთლები მიეწოდება ჩამოსასხმელ ხაზს. თავად № 3^ბ და № 8 საირმის წყარო ბოთლებში ჩამოსხმამდე იფილტრება, სუფთავდება ბაქტერიებისაგან, გაზირდება. მხოლოდ ამის შემდეგ იგზავნება უამრავი მიმართულებით, საქართველოსა თუ რუსეთში. ფირმის გარანტიით „საირმის“ შენახვის ვადა 12 თვეა.

კახა გვიჩიას თქმით, მათი პროდუქციის ფალსიფიკაცია გარკვეული პერიოდი გაძნელებდა, რადგანაც ეტიკეტი ორმხრივია, თანაც ფორმა ისეთი შეურჩევიათ, რომ გაჭირდება მისი დაბეჭდვა; გართულდება აგრეთვე ეტი-კეტის გამოჭრაც, ყველაფერთან ერთად ეტიკეტის მასობრივი დასტამბვა ხომ სოლიდურ თანხას მოითხოვს. მაგალითისათვის, პირველი ნაკადის ეტიკე-ტისათვის მათ 15 ათასი დოლარი დაუხარჯავთ. ეტიკეტი გერმანული წარმო-შობისაა, სახურავი — თურქეთისა.

როგორც აქციონერები გვეუბნებიან, ხაზზე ოცი კაცია დასაქმებული. ძველი კოლექტივი არსებითად შენარჩუნებულია და დაცულია მათი სოცია-ლური ინტერესები. მუშები, აქვე, ქარხნის ყურისძირას ცხოვრობენ. უფასოა ერთგერადი კვება. „საირმელები“ ხელფასს ჯერჯერობით ას ლარს უნაზღა-ურებენ თითოეულს. წელიწადში სულ ცოტა 5 მილიონი ბოთლის ჩამოსხმას ვარაუდობენ, რაც მარტივი გაანგარიშებით ადგილობ რივ ბიუჯეტს 150-200 ათასი ლარით შეავსებს. სხვა რა გვენდომება ჩვენც — მამულის მოჭირ-ნახულე მესიტყვე-დამსვენებლებს?!

ჩავეკითხები მოგვიანებით „საირმელებზე“ მარტოსული ხეობის მახვმს და აი, რას მეტყვის სინანულით:

— დიდი უმადურები ვართ ჩვენ, ზოგი ქართველი, სანატორიუმელებია ესენი თუ იმ საირმის მეპატრონენი. კომუნისტობაიანობიდან მოყოლებული, კრუ-ხივით ასხედან გაპარტახებულ ავლადიდებას და როცა ვინმე წესიერი ინვესტორი დააპირებს შემოსვლას, წილებში ჩაჯდომას მოიგუნებებენ ხელად, მუქთა სარჩოსაბადებელს ეპოტინებიან. ამისთანებს გავხვეტავდი არა თუ საირმიდან, საქართველოდან საერთოდ. ბიჭოს, არ ჰყოფნით ბედოვლათებს სოციალისტური ხუთწლეულებში შეტკბარუნებული ათასები. ესენი იმისთანა გაუმადლოები გაუჩინია ზეციერს, მუგუხალშიც შეგეცილებიან, ოღონდ საქმელად ვარგოდეს. ყოფილა ჩვენთან კახა გვიჩია. სახიერი ყმაწვილკაცია. ბევრის გაკეთება სწადია, მაგრამ, აი, ესენი და კიდევ ბაღდათელი ცუცკები უცრუებენ გულს. ამ არაფრის მაქნისებს ჰაერიდან მოწყვეტილი ფული უნდათ ცხოვრების მოკვარახჭინება. ფუტკარი უფრო გაბედულია. მოამსხვრევს ამისთანებს ფრთებს და თვალის დაუხამხამებლად ისერის სიკიდან. ერთხელაც იქნება და აუცრუვდება გული იმ შენს ლენინგრადედ გვიჩიას, ბაბაგე. მიატო-ვებს ამ მიყრუებულში „საირმის“ ჩამოსხმას, თავის ჩინებულ „სტეფანე რაზინს“ მიუჩოჩდება, ფულსაც მოაბევრებს და სახელსაც..

საირმეში ჯერხანობით ფიჭური ტელეფონი უმაქნისია. ისევ ჯაბახანა ტრადიციულით გავ-

იფონებთ.

— როგორ შეეწყვეთ იქაურობასო, — მეტყვის ძუძუმტე.

— ჩინებულად-მეთქი, — ჩაეძახი ყურმილს, — ისეთი კვება და ყურადღებაა, ბავშვების წამოყვანა ნამდვილად გამიძნელებდა-მეთქი.

— მაინც როდემდე რჩებითო, — მეკითხება აულელებელი ხმით.

— თხუთმეტ აგვისტომდე-მეთქი.

— მაშინ ცხრამეტში ერთად წავსულვართ ბაკურიანში. ხომ არ დაგვიწყნია ვინ გველოდება იქ?! ჩვენი, ათას ხუთასი დევნილი სამურზაყანოელი მოზარდიო.

— ღვთის შეწევნით ჯერჯერობით მეხსიერებას არ ვუჩივი-მეთქი. — კი ვეუბნები ასე ძუძუმტეს, მაგრამ გული მიკრთის, ვინაიდან ვალიკო მესხიას ნასაუბრების ორმოცდაათი პროცენტით აღდგენაც ვერ მომიხერხებია. ხომ არ მომჩოჩებია მარაზმი როსტევეან მეფის დამასვედინებელი სნეულე-ბით-მეთქი და იქვე თავაწეული გადავიყრი მხრებიდან ნაადრევი სუსხის ფთილებს.

ფეხაწყობილად მივუყვებით აღმართს სანატორიუმისკენ მე და ბადრი ცირამუა. იმას თავისი მახრა უღრღნის სულს, მე — ჩემი. უხმაურაა მსვლელობა ესე, მაგრამ ფიქრით დაყურსული.

— შენობების გაყიდვის არ უნდა შეგვეშინდეს ჩვენ, — ჩამესმის ვალიკო მესხიას სიტყვები ოთხშაბათური მასლათიდან, — მთავარია მიწები შევინარჩუნოთ. სანამ მიწა აქვს ქართველს, მისი გადაგვარება შეუძლებელია. გვარივით შემკონავია იგი, ჩვენი უძლეველობის ჯაღო და თილისმა. მხარ-ბეჭიანი შემთხვევით აღმოცენდება განა წინაპრის ნაფესვარში ჩარგული ნაძვი? გჯეროდეს, მამა-პაპათა საფლავებს რაღაცნაირი მომწესხველი მიზიდულობა გააჩნია, ჩვენი მხნეობისა და დღეგრძელობის ურყევი საძირკველი, ლიბო. ნურც უცხოელის მოსვლის შეგვეშინდება, ბაბაგე, გური. ყოფილან აქ, ქვემოთში, ბელგიელები ხე-ტყის დასამუშავებლად. მომცრო ელექტრო-სადგურიც იმათი ხელიდან გამოსულა და რამდენიმე ნაგებობაც, რომელიც ჩვენი დაუღვერობით იავრქმნილია ახლა. მართალია, გადამთიელი ნემსს რომ მიარჭობს, იქიდან ნაჯახის მოხსნას მოიგუნებებს ადრე თუ გვიან, მაგრამ ამით უარაფრობაზე მეტი რაღა დაუშავდება ჩვენს ქვეყანას?!

ქართველებს უცხოთა გაღმერთება გვჩვევია საერთოდ. ნათქვამია, ქრისტეს მხოლოდ მშობლიურ ნაზარეთში არა აქვს შენდობაო, და რადგანაც ეს შეგონება ჩვენი მოურჩენელი იარაა, იქნებ უცხოელების საქმისმოყვარეობამ, მომჭირნეობამ, დროის, ფულის ყადრმა, ჩვენშიც აღზარდოს ყირათიანი ადამიანები?! ეგერ, ის შენობები, ჩვენი ფითრმოდებული ტყეებისა არ იყოს, უსახსრობით ფუჭდება, ინგრევა. გიორგი ჩხეიძეს რომც აჩუქო, რას უზამს, ქონს წაუსვამს თუ თავღს ჩამოწოლილ ჭერ-კედლებს? ფული იმას არ ატიალია და ქონება, ფეხზე წამოაყენოს ოდესღაც ქარვასლათა მსგავსნი. უცხოელი კი მოვა, ბაბაგე, გური, გაარიწყინებს გზებს, ეზო-კარს, ოთახებს. დამსვენებელსაც თვალისჩინივით მოუვლის, თვითონაც იხიერებს და სახელმწიფოსაც არ დატოვებს ზარალში. აბა, უცხოელს ვინ აპატიებს გადასახადისგან თავის არიდებას? ჯერ ჩვენ ბიძაშვილ-მამიდაშვილობის შეგნებიდან ვერ გავთავისუფლებულვართ. უკუდო ხარს ვგავართ, კუდიანებს ბუზს რომ უგერიებს.

მთავარია, მიწებს მოვუაროთ, ბაბაგე, გური, ტყეებს მივხედოთ, ჩვენს წყაროებს და მდინარეებს; მთავარია, წითელ მინდორსავით გულში ხანჯალს ნუ ჩავცემთ დედაბუნებას და მის მკერდზე აშენებულ ნაგებობების, ქარხნების, სანატორიუმების, ფაბრიკების თუ ფერმების გაყიდვისას ხელი ნუ აგვიკანკალდება. ვერსად წაიღებენ იმ კედლებს გადამთიელნი, სამაგიეროდ ევროპული ყირათიანობა დაისადგურებს ჩვენში, იქაური მუყაითობა. დაუდება წინ რამე ამისთანა ქართველს, ხა?!

ასკაგუბურას სამნებამდე მოგვაცილებს კაცებს ნერგაძეების მანდილოსანი. იქ, ლარტანიანი ლატანებისგან აბანდულ ზღუდესთან დედაშვილურად გადავხვევით ერთმანეთს და ამჯერად თავპატივი არ გამომივა. მართალია, ნაცნობ ხურჯინს ჩემს მაგიერად თოლის გადასცემს დიასახლისი, თავის ჯიხას — ციხე-სიმაგრეს — გარევეს საქმეში, მაგრამ ხომ წავუყრუებ საჩემოდ განკუთვნილ ტვირთს?! უხერხულ მდგომარეობაში ჩავვარდნილვარ, დიასახ: მარტოსული ხეობის მახვილ სტუმრის საპალნეს შესდგომია საუკუნოვანი მხრით. ხელს გაიწვდი მისაშველებლად და გამოდის — ხეპრე ხარ — ძღვენის დანიშნულების ვერამომცნობი, ან მთლად გითოღალირ-გაქექილი, თვალთმაქცურად რომ მორგები-ხარ ვითარებას. პატივმოყვარეობას როგორღაც ვაჯობებ.

— მაინც თავისი გაიტანა, — ამ სიტყვებით წავიწვევი ხურჯინისკენ, მაგრამ ვინ არის ტვირთის დამთმობი?!

ორჯერ მიეფარება თვალს ქეთი ნერგაძის მოფრიალე ჭრელი მანდილი. ბოლოს უღონოდ დაშვებულ მარჯვენაიანად შეიწოვს დაყურსული უსიერო.

— სანატორიუმში თქვენი ბავშვების ნახვის შემდეგ მოსვენება დაკარგა. გარდაცვლილი და

დაფანტული შვილების დარდი შემოაწვა გულზე. ფულის, სარჩოს წასაღებად ამობრძანებასაც არ კადრულობენ. ყბების გაქანავებაც ეზარებათ დაღეჭილი ლუკმის გადასაყლაპად. ახლა, სიკვდილის მდინარეში შესულსთვის, მეტი სიცხადე შეუქმნია მამაზეციერის ნათქვამს: მშობლებს კი ვასწავლე შვილების მოვლა, მაგრამ აი, შვილებს, სავალალოდ — ვერაფრითო.

— ბიბლია სხვანაირად ხსნის ამ ამბავს. მოგვხსენებათ, უფალი ძილქუშს მოხგვრის ადამს, მძინარეს ერთ ნეკნს ამოუღებს, სანაცვლოდ ხორცს ჩაუღებს და იმ ნეკნიდან შეუქმნის კიდევც დედაკაცს.

ამის თაობაზე ადამი დაასკვნის: ეს კი მართლაც ძვალა, ჩემი ძვალთაგანი და ხორცი ხორცთაგანო. ამიტომაც მიატოვებს კაცი დედ-მამას და მიეწებება თავის დედაკაცს, რათა ერთხორცად იქცნენო. თითქოს მშობლები სხვა მასალისგან იყვნენ მოხელილნი.

— რა ბრძანებაა, მასალა აქაც იგივეა, მაგრამ გამცვდარია უკვე, დაღეული. საკუთარი დედაკაცისას კი სხვა მათრობელა ოხშივარი ასდის. ხოდა, იმას ვამბობდი, თქვენი ბავშვების მნახველს ორი ღამეა თვალი არ მოუხუჭავს. ზმუჯუნებს აქა-იქ, ჩემს მალულად. გამოვჩნდები სიახლოვეს და ბუხარში შერგავს თავს მაშინვე, თითქოს ცრემლი კვამლს მოუბევრებიაო.

ახლოს მაინც ცხოვრობდნენ, ხელს გაეუმართავდით რამდენადმე... ხურჩინს ორი თვალი აქვს და ორნი ხართ თქვენცა — ფეტელავები და ცირამუები. წიგნებს შეპირებიხარ ჩემს დედაკაცს და ეს უხარია.

სამარშრუტო ტაქსის მძღოლს გამოატანსო ჩვენს ჯიხურში დასატოვებლად. წიგნებს, ფოტოებს, ჩვენზე აყბედებულ გაზეთებს, წარმოიდგინე, კინოში გადაღებასაც, გულუხვად გვპირდებოდნენ, როგორც ადრე მითქვამს, აქ ამომსვლელი კორესპონდენტები, მაგრამ დროს გულმავიწყობა სჩვევია... მაინც რომელ გაზეთში აპირებ გამოქვეყნებას?

— დღეს გაზეთში წერილის დაბეჭდვა პრობლემა არ არის, ვალიკო ბატონო. სიტყვის თავისუფლება განადღებული გვაქვს თითქოს. იქ გამოვაქვეყნებ, რომელსაც ყველაზე მეტი მკითხველი ზყავს, სხვაზე პოპულარულია.

— მაინც რომელია ასეთი? საიდუმლოა?

— რა ბრძანებაა: „ალია“, „ახალი თაობა“, „რეზონანსი“, „ასავალ დასა-ვალი“, „საქართველოს რესპუბლიკა.“

— გაზეთების „კიოსკი“ ერთია ჩვენში, ბაზრის სიახლოვეს. მისი გამგებელი ყოფილი მთავრობის გულშემმატიკვარია და სადაც შევარდნაძის სურათი გაიეღვებს, ახლოსაც არ აჭაჭანებს.

— მაგრამ ხალხი, ხალხი რომელ გაზეთებს ეტანება უფრო?

— ნუ ეშმაკობ, თითქოს არ იცოდე, ხალხს როგორ გაუარბის თვალი საჭორიკნოსკენ. მითქმა-მოთქმა, ლაზღანდარობა, ჩუმჩუმელობა, მამეზღრობა ისეთივე აუცილებელია დროის მოსაკლავად, როგორც — წისქვილის ქვებისთვის — საფქვაავი.

— გასაოცარი თქმაა „დროის მოკვლა“, — ვერევი საუბარში, — ამგვარად წყურვილზეც იტყვიან კიდევ. თითქოს მტერი იყოს შენი, მოსისხლე მტერი და არა ნამდვილი ქომაგი, მეოხი, შემწე. დროის მკვლელი, უწინარესად, საკუთარ თავს ანადგურებს. რუსულიდან შემოსული მგონია, ჩვენთვის ნაკლებად სახასიათო.

— ბაბაგე, გური, ეგ ჩვენი მეგაზეთე, მითქვამს როგორ ჭკუაზეცაა, დღევანდელი ხელისუფლების რანაირი ერთგულია. ახლანდელის მოსიყვარულე რომ ეყუდოს იქ, ხომ შებრუნებით მოიმოქმედებდა ყოველივეს?! გადააშენებდა გამსახურდიას მოსარჩლეს. რა ვქნა ახლა მე, როგორ მოვიქცე ასკავუბურას ხეობაში გამოყრუებულმა?! საიდან მივუღდე სიმართლეს, რომელიც ამ ორ მოსისხლე მეგაზეთეს შორის ბორიალობს აღმა-დაღმა, დღევანდელის მხრიდან თუ აწი რომაა მომსვლელი?!

ასკავუბურა კუნძულია, ბაბაგე, გური, რომლის ბილიკები სამი-ოთხი თვით ცის კარივით გადაიხსნება ხოლმე კანტიკუნტი დამსვენებლისთვის, დანარჩენი კაჭალია* ცხრა თვე კრიჭაშეკრულია თოვლ-ყინულის ხერგილით. არ მირჩენია ისეთი გაზეთი მეკავოს ხელში, ორივეს რომ დაბეჭდავდა თავთავიანთი ტყუილ-მართალით?! ნებისმიერი მეგაზეთე პირში ჩალაგამოვლებული დარჩებოდა, შუაში ხომ ვერ გახევიდა იმ გაზეთს, ან დანაკუწებულს, რომელი ოხერტიალი იყიდდა?! მოკლედ, ზარალში ჩავარდებოდა. მე და ჩემი დედაკაცი კი კერიის პირას დავსხდებოდით, ორის ნაცვლად ერთს შევიძენდით, ფულსაც დავზოგავდით და, რაც მთავარია, მოცალეობის ჟამს დავატოლებდით ერთმანეთს განსხვავებულ ნალაპარაკებს, მერე გადმოვიღებდი ბუნებისგან ნაბოძებ არშინს და უმტკივნეულოდ გავარკვევდი — ვისთან ბნელა და სად მეტი სინათლეა.

— ვალიკო, ბატონო, ამისთანა გაზეთს სანთლითაც რომ ეძებდით, ვერ იპოვით, თუმცა მათი რაოდენობა ორ ასეულს აჭარბებს. ან გაქანებული ზვიადისტი უნდა იყო, ან შევარდნაძეს უკმევდე გუნდრუკს, ეს ძირითადში, მაგრამ შემკვეთი უამრავია შემსრულებლის მხარდამხარ: რუსეთში-

ები, მედასავლეთენი თუ მესამხრეთენი, იმერ-ამერიკა, რომელთაც შორიდან უხილავი, მაგრამ შინაგანად ვილაცასთან მოკავშირეობით ხელფეხშეკრული სულსკვეთება აშიშვლებთ. შენი მოთხოვნების გაზეთი გამოშვება თურმე ოთხიოდე წლის წინათ, — ერთი ბელეტრისტის ტრიბუნა „ოდოია“, რომელშიც შუაკაცის, შემრიგებლის თვალთახედვიდან განიხილებოდა ყოველგვარი ფასეული, სულიერი განზომილებისა ეს თუ მატერიალური, თუმცა ზურგის ქარი ვეღარ აღმოცენდა და დავიდუმით ბაგე.

— ბერმუხა ლევან მესხიას ნაამბობი გამახსენე უნებლიეთ. სტუმარი უამრავი გვწვევია წლების მანძილზე და არც ავაზაკი კლებია აქაურობას. ერთნი თავშესაფრის სათხოვრით რომ მოდიოდნენ და ლოცვა-კურთხევით გეტოვებდნენ გულთა გამასპინძლობის გამო, მეორენი იარაღის ტუჩის გვაბეჭდნენ საფეთქელზე: ამოქექეთ ფული მუთაქებიდანო, გვიტრიალებდნენ ცოცხალ-მკვდარს. ამდენი შვილისა და შვილიშვილის პატრონს ფულს ვინ გამიჩერებდა. მიგვიშავებია უკანასკნელი გროშები. თვრამეტჯერ დაგვაყჩაღეს ამ რვა წლის მანძილზე. ბუნება ვერაფერს დამაკლებს მე, ვერც სტიქია, ადამიანი რომ მერჩის თორემა. ძელური ისე მკვიდრად შემეკრავს, ხუთი მეტრიც რომ ჩამოზვინოს, ძვრასაც ვერ უზამს. დახერხილი შეშა ყურისძირას მიწყია. ფარეხამდე და სკებადდე გავკვალავ სავალს რამენაირად და მორჩა, ნახევარ წელიწადს ჩემს საუფლოში ძვრაც ვერ შემოფრინდება!

ლევან მესხიას ფაბრიკაში კი იმ ცხრაასთვრამეტში ყველა ერთად შეყარა განგებამ: მეკრამიტეებიც, დევნილი თეთრებიც, მღევარი წითლებიც და თვით ქრისტეს ფეხის მკვნეტელი ყჩაღებიც. ხუთი მენშევიკი იმ დროს ამოღწევს სამეხსიოში, როცა იქ კრამიტის გამოწვაა გაჩაღებული. ბიჭაკებით მოაქვთ აყალო მიწა. ცხრილავენ სხვანი, დანარჩენი ზილავს, ყალიბებში ტეკანის და ქუჩარახანაში პურივით უკეთებს.

წითლები მოგვდევენო, ამოქოშინდნენ თურმე თავისუფალი საქართველოსთვის თავდადებულნი. ადამიანი ალიზი როდია, საკირეთში შეუკეთო, გამოცხობილია ერთხელ და სამუდამოდ. რა ილონოს ოჯახის უფროსმა? დააპატიმრებენ მენშევიკებს მის საბრძანებელში და თავი მოეჭრება ლევან მესხიას. გამცემის სახელს მოაკერებენ. გაგანია ზაფხულია. დევნილებს სასწრაფოდ მოუძებნიან ძველმანებს. მხედრულ აღკაზმულობას ქუჩარახანაში გადაუძახებენ. ფეხშიშველნი ჩადგებიან დღიურ მუშებში.

— თოხი და თოფი ერთად არ გამოვა. ჩაკეტეთ საწყობში! — გასცემს ბრძანებას მეპატრონე და სხვა რა გზაა?! ტყუილგამოქცეულებს არ აკლიათ ოფლი და სითარანე და რაჟამს მესხიების მამულში წითლების ოცეული მოხროვდება, შრომის გაქანებული რიტმი გუგუნებს მეკრამიტეთა წვივებამდე ტალახიან ფეხქვეშ.

მიმოიხედავენ გარშემო. ეჭვის თვლით მიაჩერდებიან სახეზე ოფლგადამდინარ მეკრამიტეებს. ირწმუნებენ კლასობრივი მტრის ხელიდან დაძვრომას და მშიერ-მწყურვალნი დაეყრებიან ჭასთან.

უბერავს მასქური სულის მალამოდ. მოხალვათდებიან მღევრები. იციან, ლევან მესხია ტომბა* კაცია, ჭკუამოსაკითხი ბერმუხა, სტუმართმოყვარე, პურ-მარილით განთქმული და თავისით დაიწყებენ ჩექმების გაძრობას თუ გალიფეების აკარწახებას. არაფერი დაშავდება, ცოტას თუ შეეშველებიან, სამაგიეროდ, სანაქებო სადილი რამდენადმე მოახლოვდება. გვერდიგვერდ ზილავენ თიხას თეთრები და წითლები. ოფლიანი ზურგებით ერთმანეთს ეხახუნებიან. ოხუნჯობენ, იქექავენ ჯაგარა წვერს. ამასობაში წაგრძელებულ მაგიდას ხორაგით აავსებენ მოახლე დედაკაცები.

იარალი საწყობში! მბრძანებლობს ოჯახის თავკაცი. თოფი და ქეიფი არ გამოვა ერთად, მოსჭრის და კუჭგამხმარი წითლებიც რას გააწყობენ. ეშში შედის მოლხენა. მღერიან ერთად. მერე პოლიტიკაზეც ჩამოვარდება საუბარი და დავიდარაბაც მამინ ატყდება.

წითლები ლენინს და სტალინს ადღევრძელებენ ფეხზე წამომდგრები.

თეთრები — მეფეს და ქრისტეს. უკვე ლევან მესხიას აწეული ხმა აღარაფერს შველის სახეზე სისხლმოწოლილ მესმურეებს და, ვინ იცის, ყოველივე რითი დამთავრდება, მეკრამიტეებს ბინდისპირზე ყჩაღები რომ არ დაესხმოდეთ თავს.

ყველა გასუსულია. დაავიწყდებათ საკუთარი ფერი და აღნაგობა. ფეხზე წამოშლილან მომხდურის მოთარეშებაზე. აბრაგები წირვას გამოუყვანენ დარჩენილ პურ-მარილს. წიხლსა და პანლურს არიგებენ აქა-იქ ლევან მესხიას მეკრამიტეებისთვის. გახსნიან სალაროებს. გაიყოლებენ ფულს და საგულდაგულოდ ჩაკეტულ იარაღს. არც ტარიელ გოლუას თარგი დაელოდება შეზარხოშებულთა გონზე მოსვლას. ტუცავს ცხენს მათრახს და ყსიდად ბუზივით მიუჩინარდება შინ უჩუმრად მოსაბრუნებლად და საგანგებოდ გათხრილ გვირაბში ორმოცი წლით ბერ-განდევნილივით დასაყუდებლად.

მიმიხვდი ახლა რისთვის გამეცინა?

საუკუნის დამდგეს წითლები თეთრებს დევნიდნენ, ბოლშევიკები მენშევიკებს ყუყავდნენ. საუკუნის მიწურულს ვინ ვის ავიწროვებს, ვერ გაარკვევ, დოვლათი კი ყაჩაღებს მიაქვთ. ძიძგილი იგივე დარჩა.

— ეხ, ვალიკო, ბატონო, საქართველოს მტრებს ხელს აძლევთ სადღეისო აწეწილი ვითარება, რადგან ურთიერთმიყოლის ნიჭით დარაზმულ ქართველზე საშიში არაფერია მათთვის. ბოლოს და ბოლოს ხომ უნდა დადგეს დიადი შერიგების, ურთიერთმიტევების ჟამი საქართველოს მომავლის სახელით?! არადა, აღმა ხნულის დაღმა ფარცხვაში ლამის უსამშობლოდ დავრჩეთ ყველა.

— კანონთა სიმკაცრითა და თოფის მოღერებით ყაჩაღს ვერ დააშინებ. ამიტომაც მირჩენია ისეთი სიტყვა ამოვიღო გულიდან, როგორც წყაროც კამკამებს ჩვენს საფუტკრეებთან.

დამეგერება, ამ ჯოჯოხეთურ საუკუნეში საკითხავი წიგნი არ მომაკლდებოდა ბიბლიოთეკარი დედაკაცის პატრონს. მათგან ბიბლია უმთავრესია ჩემთვის, ვინაიდან აკრძალულ ხილს ხგავდა, უჩუმრად მოწყვეტილს.

გასაგებია ჩემთვის შენი გარჯა, მეცადინეობა, სულის დუღილი. აღარაფერს იშურებ შუაზე გახლეჩილ საზოგადოებაში საყოველთაო თანხმობის ჩამოსაგდებლად, მაგრამ გიფიქრია იმაზე, რომ ეს საზოგადოება ლამის სამასი წელიწადია ორად გათიშულა, ერეკლე მეფის შემდეგ გაპოზილა შუაზე და ილიასებურმა თავდადებამაც ვერ უშველა მის გამთლიანებას. შეუთავსებლობის მიზეზი კი მარტივია: პატარა კახმა თითქოს გადაარჩინა ქვეყანა ფიზიკური განადგურებისაგან, სანაცვლოდ სულიერება შეეწირა ხორციელის დღეგრძელობას და საბოლოო ჯამში ამ უკანასკნელსაც არ უწერია დიდხანს ბოგინი. ამ ორ საუკუნეში დედინაცვალი რუსეთის ხელში უხვად გამოიჩეკნენ გურულაბურჯლონილეფი. გარეგნულად ქართველები არიან, ალვასავით აშოლტილები, ყირმისხახეინები, სიტყვით ქარვასლათა ამგებნი, მაგრამ როცა საქმე საქმეზე მიდგება, მიწას გამოგაცლიან ფეხებქვეშ. დიდი ხათრი მაქვს შენი, მაგრამ არ გამოვა სამშობლოს აღმშენებლობისა და დამაქცევრის შერიგება. უმჯობესია ნამდვილი მამულიშვილი გამუდმებულ დევნაში იყოს, შევიწროვებაში, საპყრობილეში ლაფავდეს სულს, ვიდრე ქვეყნის დამამხობელთან თანამშრომლობდეს.

ვიცი შენი მიზანი, ბოროტება გინდა სიკეთესთან ერთ უღელში შეება და სამომავლო პურის ყანა ააღაღანო. სხვა არაფერი ამოძრავებს მაღალ ღმერთს. თუკი დაკვირვებისა, მაგისთანა მიმტევებელი მეორე არ დაბადებულა დუნიაზე. რამდენი დანაშაული ჩადენილა მის თვალწინ, მაგრამ რომელი ერთი დაუსჯია სიკვდილით?! ევას მაცდუნებელი გველი, ადამის გაბრიყვებული დედაკაცი თუ თავად უფლის სიტყვას გადასული ჩვენი პირველი წინაპარი? ვის მიაგო კბილი-კბილის წილ, თვალი-თვალისა წილ, კაენს?

— აბა, წარღვნა, სოდომისა და გომორის ცეცხლში დანთქმა არაფერია?

— ამას ვერავინ უარყოფს, უზნეო ხალხი, საზოგადოება დასჯილია საკადრისად, მაგრამ მე მისგან რჩეულებზე გესაუბრები, მის ცნებათა აღმსრულებლებზე. აი, ესენი არ ემეტება მამა-ღმერთს სამუდამო გაქრობისათვის.

— არ ემეტება იმიტომაც, — ჩავერევი საუბარში კვლავ, — მაცხოვრის უმთავრესი მიზანი აღზრდაა, შეცდომათა აღიარება და ღვთიურ გზაზე დადგომა. ქრისტეც ამას არ ადასტურებს? ცოდვილთათვის მოვსულვარ და არა დალხენილთათვისო. მაგრამ ჩემთვის მთავარი ის გახლავთ, ვალიკო, ბატონო, ახლა თქვენ ვინმე გური ოტობაიას კი არ ეკამათებთ, არამედ — თვით იროდი სართანის. შერიგება, გნებავთ — ძმათამკვლელებისა, მისი ცხოვრებისეული მიზანი იყო.

ბოლოების შეუერთებლად ბორბალი ვერ გაივლისო, უყვარდა თქმა. დაბლის აუწევლად და მაღლის ჩამოუხრელად სიკეთეს ვერასდროს ველირსებითო, გამიგონია მისგან. უხსენებლის შემწეობით ეზიარა ადამიანი უკვდავებას, მართალია, ჯერჯერობით გამოძევებულია სამოთხის ბალიდან, ედემისაგან, მაგრამ ხომ აქვს იქ მიბრუნების შანსი, ცოდვათაგან საბოლოოდ განწმენდილს? ხოდა, როგორ ფიქრობ, იქ შესული ადამიანის ნაშიერი მხარეთქოზე წამოწვება ჩიტების საამურ ჟღერტულში, თუ ეგრევე სიცოცხლის ხისკენ დაადებს თავს, რათა ხეცნობადისაგან ერთხელ და სამუდამოდ გონება-ხელილმა სამარადისო სუფევის ძალაც შეიტკბოს ქერუბიმების დაცული ნაყოფის დაგემოვნებითო.

— მდააა, — გააბამს ვალიკო მესხია, — ყოფიანი იყო კაი კაცი, მაგრამ პეტრე ნანიტაშვილი — უკეთესი, ბუნების ღვიძლი შვილი. ვიცოდი წისქვილის დაბლა, მოტბორებულზე თევზები ბუდობდნენ. დროდადრო ფქვილი იპნევა ღრიჭოებიდან და ეს იზიდავს თევზებს. წავიყვანე კალათით, ამოვავლე წყალში და რომ ამოვავსე ასხმარტალებული კალმახებით, კინაღამ გადაირია.

დამწყვდეული გეყოლებოდა ჩემს საამებლადო. მობრძანდით გაუფრთხილებლად, ნებისმიერ დროს და თქვენით დარწმუნდებით-მეთქი. მართლაც მასე ქნა და სამჯერ რომ იგივე გავუმეორე, აღაპყრო

ცისკენ ხელები:

რას ერჩი, ქუდბედიო, მაგნიტივით იზიდავს ფრინველს, ფუტკარს და თევზებსო. ერთხელ ტაღანითაც მოატყუებენ ძაღლს, ლაკვატათი ჩვენებურად. ბუნება სრულყოფილია, რადგანაც იგი არ ცნობს ზნეობრიობას. ეს უკანასკნელი ქუსლში ჩარჩენილი ეკალია ადამიანისათვის, რომელიც ადრე თუ გვიან თავისით უნდა ამოირწყას. ფიზიკურ განადგურებას კი გადაგვარჩინა ერეკლემ, მაგრამ სული დაგვაკარგინა, ვინახებს რომ შერჩათ ის სული. ცხრაასთხუთმეტში თურქებმა მილიონნახევარ სომეხს გამოჰკრეს ყლი, ამაზე უარესს ხომ ვერ გვიზამდნენ, მაგრამ შეხედე დღეს რეებს შვრებიან?! ბიბლია ცდუნებული ორგანოს მოკვეთას ქადაგებს, რათა მთელი სხეული არ წახდინოს და შენ, ბაბაგე, გური, მოგიხერხდება ვითომ ჯანსაღისა და სნეულის შერიგება?! ხომ გამოგეცალა ხელიდან სრულიად ის მცირე საღი? მთელი სამყარო ასაკაგუბურა. აქ არ ჩხუბობენ ჩემი ფუტკრები, ცხოვრობენ თვინიერად. აქ არ იჩიება ხე-ტყე, წითელი მინდვრის შემოგარენისაგან განსხვავებით, თავისით წაიქცევა ფესვებმომპალი, ან ფითრისაგან ძლეული; აქ არ ესვრიან ნადირს.

— თბილისელი მიშიკოს გამოკლებით.

უკმაყოფილო მზერას მტყორცნის. ხურჯინს მხრიდან ჩამოიღებს. წავიწვევი ტვირთისკენ და არ გამიძალიანდება ძველებურად.

— მიშიკო დიდი ჩუბინია, მაგრამ, მთავარია, მე არ ვისვრი. იმ მწყერს ასაკაგუბურაში თუ არა, ჯაჯის ტბასთან მაინც წამოეწევა მონადირის ცხელი ტყვია. იროდი სართანია კი იყო გულთმისანი, მაგრამ თვალი და ყური არც ჩვენ გვიწყვია ჯიბეში. ყვარულ რინას, შურო ვარდენ თინა უჯგუ.* ძველი მდგომარეობა რომ დაიბრუნო, ამოიჭრა უნდა გულგრილობის ხორცმეტი. მერე, დროთა ვითარებაში, დაკარგულ თვისებებს აღიდგენ, ალბათ. ყველაფერი გარემოზე ხკილია. ამბობენ, ოდეს-ღაც გვიმრა უშველებელი ხე იყო, მაგრამ ახლა ბალახია. მითქვამს და ვიმეორებ, კეთილისა და ბოროტის თანამშრომლობა არ გამოვა, ბაბაგე, გური. კეთილი იმიტომაც იმარჯვებს, რომ მუდმივ წინააღმდეგობაშია ბოროტებთან. ახლა ორივეს ერთ ტაბლაზე თუ დასხამ, მოთავებულა საქმე, ვინაიდან განურჩევლობა მოაშთობს ქვეყნიერებას. ბუნიობა ორჯერაა წელიწადში, დღე-ღამის სწორება, 21 მარტს — გაზაფხულზე და 23 სექტემბერს — შემოდგომით. აი, ამ დროს ჭირს გარკვევა, ვინ რომელია, მეტი მოფრთხილება საჭირო, თორემ დანარჩენი დღეები ისედაც ნათელია. ბუნიობისკენ ექაჩები ადამიანებს, ბაბაგე, გური?

— გაგვირთულდა საუბარი, — ვეტყვი ხვნეშით, — კეთილისა და ბოროტის თანამშრომლობის უტყუარი საბუთი თითოეული ჩვენგანია, ვალიკო, ბატონო, როცა საკუთარ თავს ვეკამათებით, ეს ორი ურთიერთმოქიშპე ძალა არ ხმაურობს ჩვენში?! მიდის დავა, ჭოჭმანი, ასჯერ გაზომვა, მაგრამ ბოლოს და ბოლოს მაკრატელიც აკრაჭუნდება: სასურველ გადაწყვეტილებას ვღებულობთ. აი, რანაირ განზოგადოებულ თანამშრომლობას ვესწრავი, მაგრამ მგონი, თავი შეგაწყინეთ, აწი მართოც გავიკვლევ გზას, — ვიტყვი და მოსვირინებულ გიგანტ ბულონიაზე ხელმიყრდნობილი შევუყოვნებდი ჩამორჩენილს.

— იარე, იარე, კაცო! — მოსჭრის და მსუბუქად მიბიძგებს თავისუფალ მხარზე.

საბატონო *

წელკავივით მნაცრავს სვანური ხალხური პოეზიის უმწვერვალესი „ბილებას“ წერედიანისეული თარგმანი. შორეულზე შორეული წარსულიდან ისეთი სიცხადით ლაღადებს დღევანდლობაზე უსახელო მეღექსე, თითქოს ხელისგულზე უწყმუტუნებდეს გალახული ჩვენი საწუთროს ავანჩავანი:

**ამბავი არის გასაკვირი,
დიდი ხეები უგლიან ფერხულს.
ამაზე უფრო საკვირველს ვხედავ,
ჭიანჭველები აგებენ ციხეს.
ამაზე უფრო საკვირველს ვხედავ,
დასეირნობენ თევზები მინდვრად.
ამაზე უფრო საკვირველს ვხედავ,
ზურგზე უნაგირს ადგამენ პროხებს.
ამაზე უფრო საკვირველს ვხედავ,
მაღალ ხეებზე შემსხდარან მწყრები.**

**ამაზე უფრო საკვირველს ვხედავ,
მცხვარეებად დაძვარან მგლები.
ამაზე უფრო საკვირველს ვხედავ,
ეჭიდებიან თაგვები დათვებს.
ამაზე უფრო საკვირველს ვხედავ,
ჩიტი-ჩიორა იტაცებს თრბებს.
ამაზე უფრო საკვირველს ვხედავ,
ერთი ნიბლია ამარცხებს ლაშქარს.
ამაზე უფრო საკვირველს ვხედავ,
მდინარე აღმა მიედინება.
ამაზე უფრო საკვირველს ვხედავ,
მზე დასაგლეითთ ამოდის ცაზე.
ამაზე უფრო საკვირველს ვხედავ,
უსიტყვოდ სხედან დედაკაცები.**

შენელებული კადრის კვალობაზე მილოღავს ჟამი: მესხეთში ობსერვატორია და ათასხუთასი დენილი სამურზაყანოელი მოზარდი მომელის;

ხარაგაულის სიახლოვეს, ნუნისს ზემორე, ბერთაკლდესთან — კუს ბაკანი, ქვის ვეშაპი, უამრავი ეზოტერიკული თუ მისტიკურ-რეალური ფიქრის აღმძვრელი ციტადელი;

დედაქალაქში — უთვისტომოდ მიტოვებული სანახევროდ მომთავრებული თუ ახალწამოწყებული წიგნები.

შენელებული კადრის კვალობაზე მილოღავს დრო: წამი წუთად ქცეულა, წუთი — საათად, საათი — დღე-ღამედ. გვაქვს კოლხურში უფრო ტევადი, რუსულ „სუტკა“-სავით მოჭრილი ბორჯი, სულ-ხან-საბას ბორჯალად, რომ შემოუხიზნავს „სიტყვის კონაში“, მაგრამ სინთეზური აზროვნებისთვის მოიცლი ეროვნებაწართმეული შემოქმედი?!

საითვინაც წავედინები, ქორბულა ირმების ფრენჩ-ლიცისკენაა ეს, გერმანელი ტყვეების საფლავებისკენ თუ ნისლიანებში ხომალდივით შეცურებული ასკაგუბურასკენ, გამუდმებით ჩვენი შურობუმუს, ჩვენი სამშობლოს მერმისი მიწიოკებს სულს, ძარღვებს მიფატრავს და ჯიგარს მიბოჟირებს თვალსაწიერწავგრილს.

კვლავ მარტოსულხეობელი ამესვეტება. მისი ეჭვიშუტანელი შეგონებანი ზარებვით მიგუგუნებს ყურთასმენაში:

— ეროვნების ჩამოყალიბებაში ფარატინა ქალღმერთის ნაგლეჯს გაცილებით მეტი შესძლებია, ბაბაგე, გური, ვინმემ მამა-პაპათა სამარხების ლაშქარს. აფხაზეთში აფხაზობას რომ ჩემულობს იმ ხალხის ორი მესამედი მეგრული წარმოშობისაა, ქართულენოვანი, მაგრამ ლაკადური კანის გამოცვლა ვერ მოუსწრიათ და ძირძველი აფხაზობით თავმომწონებენ უკვე. აქამდე ჩამრჩენია მანქურთზე შენი მონაყოლი, ვინაობის დასავიწყებლად აქლემის ნედლ ტყავს რომ შემოაკერებენ თავგადაპარსულს. რას არ მოიგონებს ჩინელის ჭკუა?! მაგრამ მაინც ბედნიერი ხალხი მგონია ისინი, ბაბაგე, გური, ვინაიდან საკუთარი ხელით როდი ამოუცლიათ მეობა.

რალა შორს მივდივართ, ადამიანების დასჯაში არც დადიანები ჩამორჩებოდნენ ვინმეს. ბიძია ლევან მესხიასგან თუ მათე ბაბუასგან გამიგონია, უამრავი საშუალება გააჩნდათ ურჩი ყმების მოსარჩულებლად. ყველაფერი ბორკილთან, გაკოჭვა-დახლართვასთან იყრიდა თავს. დადიანურ უმძიმეს ხუნდს სხვანაირად ხაჯალურსაც ეძახდნენ თურმე. ტყვეს ამოღრუნტულ, უშველებელ მორში გააყოფინებდნენ თავ-კისერს, ხელ-ფეხს და — ირიკე!* მაგრამ უმაგალითო ბორკილი, შეუდარებელი, ალბათ, მთელს დუნიაზე, თანაც მოციციქნული ამ დროს, უეჭველად — რიკია: თხილის ციდისხელა ჯოხს ბოლოებში თასმას გამოაბამდნენ, დაგაფჩინებდნენ პირს, ამოვიდებდნენ ლაგამივით, გაგინასკვავდნენ კეფასთან და მიგიშვებდნენ ნებაზე. სიარულიც შეგეძლო, მუშაობაც, ცეკვაც და თამაშიც, ამის გუნებაზე თუ მოხვიდოდი, მაგრამ ხმა დატყვევებული გქონდა.

ბქონიათ დადიანებს ბორკილი მხედველობისთვის, იგივე — ფინახარი. ახლაც იხილავ ჩვენში მოგავალემ კამეჩს თუ ძროხას რქებზე ფირფიცარგამობმულს. ასეთ სახუნდარს დასჯილ ადამიანს ოთხი თასმით შეუკრავდნენ კისერთან. მიდიოდი, მაგრამ ცხვირს იქით ვერ იხედებოდი.

ბქონიათ დადიანებს ბორკილი სმენისთვის. სანთლისგან დამზადებული ცვილით გულმოდგინედ ამოუგლეხდნენ ყურის ორივე ნიჟარას და მერე ზარბაზანიც რომ დაგეცალათ, გააგონებდით რამეს?!
მეს?!
მეს?!
მეს?!

ვადამდე, დადიანის უნებართვოდ, ყმას არც პირველი სასჯელის ახსნა შეეძლო და აღარც — მეორე-მესამისა. ურჩებს მარჯვენათი კიდებდნენ ორდოზზე უკეთეს შემთხვევაში, უარესობისას — ფეხებით, და ბოლოს — ყლით, კისრით ჩვენებურად, როცა საშველი გაწყდებოდა.

ბაბაგე, გური, როგორც ვატყობ, დიდზე დიდი რიკია ჩვენთვის გამოთლილი და ღრანჭებში ამოდებული; დიდზე დიდი ფინახარია გამოჭედილი და თვალზე ლიბრად აკრული; ბევრზე ბევრი ცვილია გამოდნობილი და ყურთასმენა ეკორანგვილი, დახშული. ამისი ნათელი დასტურია ამჟამად გვარიანად მივიწყებული სიტყვა „შურუბუმუ“.

— შურუბუმუ, — დავაზუსტებ მე, — შურუბუმუ სამშობლოს სინონიმი ყოფილა ადრე, რომელიც მოგვიანებით ოდაბადედ შეცვლილა, სულის განსასვენებელ სავანედ, საბადისად, საბადებელ ადგილად.

— ვიცი, ვიცი, შურუბუმუ სულის სანთხვევლია, სულის საყუდებელი. მე სხვაზე მოგახსენებ, შურუბუმუმზე, რომელიც, ბაბაგე, გური, თავად შურუბუმეს განმსაზღვრელიცაა, ვინაიდან წლობით რიკამოდებული, ფინახარაკრული და ცვილმოგლესილი ადამიანი ერთიანად გადაეჩვეოდა საუბარს, თვალთვალს, ყურისმიგდებას, რანაირად ენაგაკრეფილიც ყოფილიყავ ადრე, თვალმჭრელი თუ ყურმახვილი, შურუბუმუმედ, თოქუ-ყვრედ, ყუნგად გადაიქცეოდა, იგივე შურხირილად, ენაჩაგდებულად, ენაგადაყლაპულად, თვალამოშრეტილად და სმენადავსებულად. მოკლედ, ვინმე უშველებელ ყვარილად, ყვრულად, დაყოვება რომ არ ძალგძის, შესმენა არ შეგიძლია და რისამე დანახვაც მისდღემში არ მოგაფიქრდება. ამიტომაც, ბაბაგე, გური, შურუბუმუმუ ცხოვრებას, რიკამოდებულ რინას, ფინახარაკრულ არსებობას, ცვილამოგლესილ ყურყუტს, ასი წლის მკვდარი ვიყოთ გვერჩივნოს.

მკითხველი იგრძნობს, ალბათ, რომ მარტოსული ხეობის მახვშთან საუბარი გვარიანი ხანგამომშვების მერმე ცოცხლდება, აქ, ამ თეთრი კურდღლების ქალაქში, თინათინ მღვდლიაშვილისებურად.

საოცარია ბედისწერა, ყისმათი, ირონიული ღიმილის მომგვრელი დროდადრო: სიმართლეს იგი ჭედავს, ვინც გაქანებული ხელმოცარულია ერატოსა თუ მის რვა დაქალთან მიმართებაში და შურუბუმუმუ, ენაჩავარდნილი ის გამხდარა, რომელიც პოეტური მადლით კი ცხებულა, მაგრამ გამბედაობის ნასახიც არ გააჩნია. საკმარისია ჩანგები გაცვალონ ამ ანტიპოდებმა და მყისვე კალაპოტში ჩადგება ყველაფერი. მართლისმთქმელ უნიჭოებს არ ხელეწიფებათ ადამიანთა გულების ძალუმად აძგერება, ხოლო ლიქნია, გულნამცეცა ტალანტების გრძნობით დამღერებულს საზოგადოება ცალყბად ჩაატარებს ხოლმე.

წითელი მინდორიც უცილობელ კავშირშია შურუბუმუმობასთან, მკითხველო, ჩემო! ადრე, სასხვათაშორისოდ მიხსენებია მასზე, ამჯერად, შედარებით მოცლილი და გილიოტინის სივილსდადარაჯებული, კვლავ ამომიტივტივდება გოდერძი ჭეიშვილის ნოველის კონტურები.

მახსოვს, კარგად მახსოვს, ჩვენსავით დამსვენებელი მამა-შვილი მანქანით დაადგება წითელი მინდვრისკენ ოცკილომეტრიან გზას. მეოცნებე ყმაწვილი ფერმწერია და ეგზოტიკური სახელის მიდამოს დასატყვევებლად იმთავითვე მოითადარიგინებს ფუნჯს, ჩარჩოზე დაჭიმულ ტილოს, გემოვნებით შეზავებულ საღებავებს. მიაღმართობენ და მიაღმართობენ (რას ნიშნავს სიახლოვე?! ქეთი ნერგაძესავით არ მოვუქციე?). ბოლოს, როგორღაც გაივაკებენ, სადაც გზის ხელმარჯვნივ ფერმის წაგრძელებული შენობაა და ხელმარცხნივ □შესაძლოა პირუკუ) — ხასხასა ფიჭვნარში მომწყვდეული კვადრატული □იქნებ ოთხკუთხა) მინდორი. იქ შემოჩვენებული კაცი, მწყემსია თუ სულაც ვალიკო მესხია, გადახუნებულ ტაფობზე მიუთითებს წითელი მინდვრის მაძიებლებს, მაგრამ ამ უკანასკნელს წითლისა არაფერი სცხია, აღარც ყაყაოები ბრდღვიალებენ ნიავის დაქროლებაზე, არც მეწამული შეფერილობის ნახირია შეფენილი თვალის მიმტაცებლად და ქვეყნის ჭორებს ადვენებული კაცი სინანულით გააქნევს თავს, ხოლო თვალზე ცრემლმომდგარი შემკვიდრე მანქანიდან ჩამოუსვენებლად ჩარჩოზე დაჭიმულ ტილოს სინანულით მიაწერს □ვგონებ წითელი ფანქრით) ორად ორ სიტყვას: „არ არსებობს“ — გამონაგონის, ფანტაზიის, ილუზიის ტყვეობიდან გამოდის ყმაწვილის ხაეროვანი ასაკი და არაფერია გასაკვირი, რომ, დიხაც, მათი თაობა გადაელობება იმპერიის მუხლუხობებს ცხრა აპრილისას. სწორედ ისინი დასცხებენ ჯოხებს გამეტებით ჩრდილოურ ტანკებს და ჯავშანტრანსპორტიორებს შმაგი დოლიძის მიმსგავსებით.

„არა, არ არსებობს წითელი მინდორი“, ქვეშეცნულად კივის ჩემში დღემდე ახალბედა ყმაწვილი მხატვრის განუხორციელებელ ტილოზე ხელის ერთი მოსმით წარწერილი ფრაზა და რაჟამს წაბლარიწყლისპირას ჩამოქვეითებულნი სანატორიუმის მალღივი კორპუსებისკენ დაველირებით და გვერდი-გვერდ მომავალს ძუნწად ვეტყვი ყოველივეს, მოსახვევთან შეყოვნდება ვალიკო მესხია.

— ვინ, რომელი ყრანტალებს წითელი მინდორი არ არსებობსო? — შემომიბღვერს პროვოცირე-

ბული საუბრით ანთებული, — ვის, რომელს შეუძლია ხელაღებით დაამტკიცოს აისი და დაისი მეწამული ფერის არ არისო? წითელი მინდორი, ბაბაგე, გური, იგივე საქართველოა, განსაცდლის ზღვარ-კიდემდე მისული საქართველო; საქართველო, რომელსაც რუსეთუმეებმა, შურუბუმეებმა, ალიკაპიანობა, გულამოცლილებმა თუ შენმა მანქურთებმა წირვა გამოუყვანეს. აი, რატომ არ შეიძლება ბუნების კანონების ადამიანებზე მორგება! აი, რატომ არ შეიძლება ძნელის იოლით ამოხსნა, შეცდომა მოგვივა, თანაც — გამოუსწორებელი.

მზეზე გამოსული ნაძვი თანდათან თრგუნავს, ავიწროებს ჩრდილში მდგომს. ვერ ვხედავთ თორემ ათასი კბილით და კლანჭით ანაფლეთებს მეტოქეს. იგივეს მოიმოქმედებენ ლომიდან მოყოლებული წრუწუნათი დამთავრებული. მტაცებლებს ვეძახით არწივს, ძერას, აფთარს და ფოცხვერს, მოკლედ, თითოეულს, რომელსაც კბილების თუ კლანჭების აელვარება შეუძლია, მაგრამ ნაკლებ მტაცებელია განა ხეზე გადაცოცებული ვასაკა თუ ბუნების მშვენიერად აღიარებული შგლის ნუკრი თუნდაც?! პირველი ჩვენთვის უჩინარ მწერებს მიიზიდავს ენის წკლაპუნით, ხოლო მეორე ჯერაც მობიზინე ბალახს თვალდაუხამხამებლად აგზავნის სტომაქში. მტაცებელია ბუნება უსუსურიდან დაწყებული უძლიერების ჩათვლით და ასეთი მოქიშპეობის პირობებში, სასაცილოა მათ თავზე სახარების კითხვა, ბაბაგე, გური. მიუღწეველი ოცნებაა თხისა და მგლის ერთად რუსთველისებური ძოვინება. ესეც შენი წითელი მინდორი, გასაგებია?!

რატომღაც მაიაკოვსკი ამოიზრდება ხსომიერებიდან, ჯიუტქოჩრიანი, როგორც წაბლარიწყლის ტალღაა ზემორე აშვერილი წითელყდიანი პასპორტით. მზე აღმართავს ხოლმე ამგვარად გარიჟრაჟებს და უნდა დაფაცურდე: ტყაჩუ — იროდი სართანია, მეფუტკრე — კოჩია ქარდავა, მენახირე — ძიკი კვარაცხელია თუ მარტოსული ხეობის მახვში — ვალიკო მესხია.

საკუთარ ფიქრში მოხრაკულო, მიმწუხრის რაინდო, შენც ლელთ ღუნია ხარ საქართველოსთვის, მსცოვანი ლელთ ღუნია, მისი სულიერების ძვალი ძვალთაგანი და ხორცი ხორცთაგანი, მისი ტკივილების ბაწარალებით მოყურადე, მისი ცის ობსერვატორია და ხეხუვის ელექტრომიკროსკოპი.

ექსპერიმენტების პანტაპუნტს კი რა გამოლევს ჩვენში?! როგორც განუწყვეტლივ ცვივიან დედამიწაზე მომცრო და მოზრდილი მეტეორები, როგორც დღენიადაგ ემატება კოსმოსური მტვერი ჩვენს მხრებს, ქედებს თუ აბასთუმნის ზესიმძლავრის ლინზებს, ასევე გვეშრიტება უფლის უსასრულო გამოცდით ღმერთსგათანაბრებული სამშობლო — ოდაბადე, ობადიში, შურობუმუ, მაგრამ ვალიკო მესხიასი არ იყოს, ნებისმიერი ექსპერიმენტი განწირულია საქართველოში, აბაშისაა ეს, ფოთისა თუ სხვა, მომავალშიც რომ აღმოაცენებს დრო მიწაში მოსროლილი დრაკონის კბილებისგან და, ახა, 14 იანვარიც: სამარცხინო მიჯნა, ხრამი, იგივე წითელი მინდორი მითიურ და აწინდელ უბიროვნო საქართველოს შორის.

ისევე შენ და შენისთანები მეგულებით საიმედო გადასასვლელ ხიდებდად, ბონდებდად, ბოგირებად ორათასწლეულის მიწურულის ლელთ ღუნიავე, ჩემო თოლი მესხიავე, წარსულიდან მომავალში გასაღწევ ბეწვის ხიდად, რომლის ქვემოთ სტიქსი, ლეთა და პერსეფონე შეკავშირებული ძალით მიღვარცოფობს მგზავრთა გულების შემავიწროებლად, მაგრამ კვლავ მარტოსული ხეობის მახვშის შეუვალი ქედმალღური პათოსი გამამხნევებს, გამასალკლდევებს სულშეჭირვებული ქართველის გენიოსობით, რომელიც უცილობლად პოულობს გამოსავალს თითქოსდა უნუგემო სიტუაციაშიც და აქამდე ჩრდილოეთი რომ გვიტევდა შეფარვით, კრილოვ-ეზოპესეული ენით, ირიბად, შემოვლით, ხვევნა-ალერსში ნელ-ნელა გვაცლიდა მიწას ფეხქვეშ, შარბათში უხამს შემოგვაპარებდა, გუგულის კვერცხებს გვაჩეკინებდა ხოხბების ნაცვლად, თანაც მკერდში მჯილს გვაბაგუნებინებდა: ხომ ხედავთ, როგორი ინტერნაციონალეობა ვართ? კანადა, შვეიცარია ჩვენთან რა მოსატანია! ახლა ასამდე ეროვნებასთან თუ ვცხროვობთ უზრუნველად, უპრობლემოდ, მეგობრულად, ხვალ ორასამდე გავზრდით ამ მაჩვენებლებსაო, გავყვიროდით კოსმოპოლიტური თავ-მომწონეობით. საპნის ბუშტივით გასკდა ჩრდილოური ილუზია, მირაჟი და წუთისოფლის შავ-თეთრმა კანონზომიერებამ გამოარკვია, რომ ინტერნაციონალღური სამშობლო კი არაა, პირწავარდნილი ბაბილონის გოდოლი გვიშენებია, ყველა რომ ჩემულობს, ყველა რომ ეპოტინება მის ისტორიულ მიწა-წყალს;

ჩრდილოეთიდან ოსები მოჩოჩავენ, ჩრდილო-დასავლეთიდან — აფხაზები, სამხრეთიდან — თათრები, სომხები და თურქები; ზღვიდან და ხაერიდან — ამერიკა-ევროპა. არ იცი საითკენ გაიხედო, ვის მოაპყრო მზერა. თურქულ რუკაზე საქართველო გადასანსლულია; ირანული კარტოგრაფიით საქართველო შეხრამუნებულია; სომხური, ველიკოარმენული ჩმახებით საქართველო მონელებულია; რუსულ, აბსტრაქტულ თუ რეალურ რუკაზე ხომ ჩანთქმულია და ჩაქვესკენებული.

და ახა, ჩვენი ვარაუდების პირველი ყლორტები: 14 იანვარი — ქართველი ახალშობილის თუ ზრდასრულის პირადობის დამადასტურებელ დოკუმენტებიდან ამოღებულია ეროვნების რეკვიზიტები, გამტყდარია ციხე შიგნიდან მერამდენედ. საკუთარი ჯიშ-ჯილაგი, საკუთარი ასულები და დედაკაცები მიგდებულია უცხოეთისათვის გადასავლელად! დაყრილია მარგალიტები კოლტისთვის! მაგრამ ყველაფერს ეძებნება ახსნა და ჩვენც სულის ქაილაამდე გვანტერესებს, მაინც რა მიზეზები კვებავს ქართული პასპორტიდან ეროვნების რეკვიზიტის გაქრობას: იქნებ შორსმზიარალი სტრატეგიაა — ჩრდილოეთიდან ამომავალი მზე; იქნებ აისბერგია, რომლის სამხრეთულ, საშვილიშვილო წყალწყას ვერ აღიქვამს ფინახარებით შეღებრული ჩვენი თვალსაწიერი?!

გონებაში მოცურავს მაიაკოვსკის ყამასავით ამოშიშვლებული წითელი პასპორტი. ააა? როგორი სიამაყით აცხადებს პოეტი: „**ჩიტაიტე, ზავედუიტე, ია გრაჟდანი სოვეტსკოგო სოიუზათ!**“ შესაშურის მეტი რაა, სანატრელის მეტი, რამეთუ იქ შავით თეთრზე მაინც მიეთითებოდა თითოეული საბჭოთა მოქალაქის ეროვნება: ქართველს ქართულად ამუნჯებდნენ, უკრაინელს უკრაინულად აყრუებდნენ, სომეხს სომხურად აბრმავებდნენ, აწ კი მოსულა წარღვნის ახალი ერა — ათქვეფა გოგლიმოგლის, აჯაფსანდალის სტილში.

არ დაუწყიათ ახალმატერიკელებს რუსებივით რებუსული პწკენები, არც გუგულის კვერცხების შემოპარება დემოგრაფიული რუკის კონტურების შესაცვლელად. სულ რაღაც რვა წელიწადია თანამშრომლობის გაუბედავი ძაფები გაგვიბამს მათთან და ახა, ამ უღლეური ალიანსის შედეგიც — 14 იანვარი, ანუ მსოფლიო მოქალაქის, კოსმოპოლიტური ცვედანის ნიღბის ჩამოფარება სახეზე. ახა, გაკვესა გონებაში მეორეთათსწლეულის მიწურულის ლელთ ღუნის ალიკაპმა ენის შესაბოჭად, შურუბუმუობის ოკეანემ.

არა, უნდა ჩავყურყუმელავდე ერის სულიერების უჩინარ მდინარებაში მორიელისგან დაგესლილი კუ. ეხეი, შურუბუმუ ქართველო, საკუთარი ნებით პირში რიკამოდებულო, მაინც ვის აძლევს ხელს შენი დადუმება?! არ დამთავრდება წყუული ექსპერიმენტები შენს თავზე?! ვის სჭირდება ვარდზე თვალმინაბული ბუღბუღის მოხელთება, წულეისკირის ფრინველმოძულე მოზარდს ხომ არა, ახალმიწელის სახით, ტუჩებზე დედის რძეშეუმშრალს ჭერაც, ვინაც ტლუა სამშობლოს სიყვარულის ცნებაში, შურობუმუს მისტერიებს ვერ აღავლენს ცად, გოდებისმაგვარს.

მამულის ფეთქვა ჭივრებში რომ გაგიჯდეს ათასწლეულია საჭირო, იმ ყრმას კი ფულის შოვნის იქით არაფერი ელანდება, სამშობლო მოშთობილი მაფშალიაა საფიტულედ; მისი ლურჯ ზოლებიანი კვერცხები — საკოლექციოდ. ოდესმე ეს ახალმიწელი ღლაპიც აღენთება უცილობლად პატროფილური გენით, ათასწლეულს მიღმა აღენთება, სამიათასის მიწურულს, მაგრამ ორიათასის კენწეროზე შენს მამულიშვილურ სულისკვეთებას რომ მუსრავს 12 მილიონი ინდიელის მსგავსად, დღეს ჯოგით რომ შეყრილა რეზერვაციაში და პირში რიკამოდებულისა, კიზის გოლიათი პერსონაჟია საგიჟეთს შეფარებული, ოდეს გუგულის ბუღბუღს გადაუფრენენ?!

შურუბუმუ — ენაგაკმენდილი, ენაგადაყლაპული, ვინაობაწართმეული, სამშობლოს კოცონზე გამყვანი, საკუთარი ნებითვე საკუთარი გოდოლ-ცათამბჭენის დამამხობელი ... გასაოცარია, გასაკვირი, გასაგიჟებელი.

აღთქმული ქვეყანა ყოველი კუთხე-კუნჭულიდან მოუხმობს თავის ასულებს და ძეთ; ისრაელი პატროფილის ეტალონად წარმოჩინდება XXI საუკუნის დამდეგს, ფერფლიდან წარმომდგარი ფენიქსის სინონიმად და ეს პროგრესულია მსოფლიოს თვალში!

იგივეს მოიმოქმედებს არანაკლებ მითიური არმენია, ისიც ათასგზის იავარქმნილი, უთვალავჯერ სულშეძრწუნებული, კვლავაც და კვლავაც თავადერილია სამშობლოს უკვდავების რწმენით. გაღმა ედავება კარის მეზობელს ყარაბაღზე, და საღდაც ახალმატერიკზე რომ მოსახლეობენ, ვინმე მიკირტუმ გასპარიჩი თუ უსინათლო მორდოხაი, დიახაც, ძირითადი, ნამდვილი დედულ-მამულისთვის იღვწიან და რუდუნებენ, მილიონებს აგზავნიან მათი ბჭეების გასამაგრებლად თუ გასავრცობად და ესეც სრულიად ნორმალურია ცივილიზაციის მაღალ მორალში!

აქ კი, გამცემლური 14 იანვარია! როგორ ენათესავება ციფრობრივად ეს თარიღი 14 აპრილს და რანაირად შორდება შინაარსით, როდესაც ერის მრისხანება ზეცას უწევს და ღირსეულად გადაეფარება სამშობლოს თვითმყოფადობას?! მაგრამ დღეს, დღეს რა ღმერთი გვიწყრება?! სად არიან სამოწყალო ბარათებზე მოსადილე ტელე-რადიოს ჟურნალისტები?! რისთვის არ სხდებიან კიბეებზე პროტესტის ნიშნად?! რატომ არ გადაეკეტავს შუა რუსთაველს შუაზე გახლეჩილი ედუპე?! რატომ არ იქნევს მუშტებს აკოკრილი კანაფის სურნელით ეგზალტირებული ექსპრემიერი:

გამოეთრეს გარეთ თქვენი კურდღელი პარლამენტი?! ეხ, თბილისი ხომ თეთრი კურდღლების

ქალაქია, თინათინ მღვდლიაშვილისებურად?!

არა, უნდა ამოვხსნა ვის, რომელს დასჭირდა საქართველოში პირადობის დამადასტურებელ საბუთში ეროვნების ამოჩიჩქნვა? ვის ეზედმეტა, ვის აებლანდა ფეხებში?! რომელთა გზა-სავალს აფერხებს, რომელ მისიას, რა განზომილებას შეუყენებს წყალს?!

ეროვნებათა სიჭრელე რომ კაცობრიული ცოდვის ნაყოფია, ბაბილონის გოდოლის მითიდანაც ჩინებულად ჩანს. ერთგვაროვნად მოსაუბრე მსოფლიო ღმერთს ყელში რომ არ წვდამოდა, წიგნების სასახლეებით ცისკენ მიმავალს ენა აურია და დაამხო. მანამდე კი უნასისგან ცდუნებულ ევას ხეცნობადის ნაყოფი მოაწყვეტინა და თვალის დაუხამხამებლად შეასვლიდა ადამს. ღმერთს უფრო ადრეც შეეშინდა ტალახისგან გამოცხობილი კაცუნასი, რადგანაც ბოროტისა და კეთილის არსშეცნობილი, ადვილმოსალოდნელია უკვდავებასაც წაბოტინებოდა და მერმე ხომ შესაძლოა მთლად უფალთუფალის სახსენებელიც გადაეშენებინა ედემის ბალიდან, რამეთუ გამეცნიერებული გლეხი ვაჟაისებრ თვითონვე მოგვევლინებოდა ცაბათად და რადგანაც ერთ ქარქაშში ორი მახვილის ჩაგება შეუძლებელია, ვის დარჩებოდა სრულიად სამყარო, თუ არა გაგულთმისნებულ და გამესიაკონებულ თიხის კაცს?! თუმცა მოისროლეს ტალახში, მიწას მიწა მიემატა და მას აქეთ ენააღრეული ეხეტება კარდაკარ.

ქართველი კი იმ მუხას ხგავდა და ხგავს, რომელსაც მუშლი ეხვეოდა მიწყვ, მაგრამ ბიჯიც ვერ წაადგმევინეს თავისი ტერიტორიიდან, თუმცა შემომსხვრევია ტოტები უხვად, უმოწყალოდ და მიუხედავად ყოველივესი, მაინც ურყევია, ალაგ—შემხმარი და ალაგ — შეფოთილი, ვინაიდან მშობელ მიწაში უდგას ფესვები; საკმარისია ზიზილპიპილებით მორთული უცხოეთისკენ წააბიჯოს, რომ მყისვე ნოსტალგიაში, უსამშობლობაში ამოხდება სული.

დაე, იმომთაბარეონ ინდო-ევროპელებმა აღმოსავლეთიდან დასავლეთისკენ; დაე, იოკეანონ ესპანელებმა და ინგლისელებმა მატერიკების აღმოსაჩენად ზღვა-ზღვა; დაე, იკოსმოსონ მზის სისტემასა თუ ირმის ნახტომის გალაქტიკაში ამერიკელებმა და რუსებმა ჩინელების ერთობით; ქართველი კაცის ჭარა, იგივე ბედისწერა — გეორგიანობაა, ანთეოსობა, მიწისმოყვარეობა, ფუძის ანგლოზისა და ნერჩის თაყვანისცემა, „ლილეოსა“ და „ოდოიაში“ გადახლართული ვენახის მისტერია და თუ მამადმერთი უკუაგდებს კაენის ოფლითმოწეულ ნაყოფს, აქაც ძველისა და ახლის სიმბოლური ჭიდილია, აბორიგენულისა და ახალჩამოთესილის ორთაბრძოლა, ზევსის არწივივით დამცხრალი მძლეობაძლე ამირანის ღვიძლს! დიახ, ამირანის ღვიძლს ჩაუნისკარტეს 14 იანვრის შემოქმედთა პრეზიდენტის წათვლემის თუ სპიკერის წაგასტროლების პირობებში.

— ახლაც შეუვსებლად დევს ჩემი პასპორტი გურამ ახალაიას „ოვირში“, — ვუბნები თოლის საბოლოო განშორებამდე, — აბა, რა მექნა, როცა შევი- ტყვე, რომ შიგ ჩემი ვინაობა არ გაჭაჭანდებოდა? დამიბრუნე ძველი, საბჭოური პასპორტი-მეთქი, ვავიბრძოლე ძირძველი განმუხურელი კაცის წინაშე, მაგრამ უკვე მოესწროთ მისი გაუქმება და ლამინირებული, ცელოფანში ჩასმული მოწმობით გავდივარ ფონს, სადაც შავით თეთრზე მიწერია: „ეროვნება — გალის რ-ნი“.

— მოლასავით მოგსვლია, — ირონიული ღიმილით მეტყვის ვალიკო მესხია, — სიზმარში ღმერთისგან შემოდლეულ, კაბიკით ნაკლულ მილიონს რომ იუარებს. გაიღვიძებს ბედოვლათი და იხილავს რა გარშემო გაღლეტილ ყოფას, ისევ დახუჭავს თვალებს, მაპატიე უფალო, ნახევარზეც თანახმა ვარო, დაიღმიჭება, მაგრამ ვინ არის გახვრეტილი შაურინანის გამღები?! ალა მახმად ხანი სპარსული მაქარყნული ყოფილა იმ პასპორტის ჩამომტანთან შედარებით.

— ხმას ამოიღებ და უვიცს, გაუთლელს, ჩამორჩენილს გეძახიან, თითქოს ეროვნულობა ამუხრუჭებდეს ჩვენს წინსვლას და განვითარებას!

— გვარნაცვალთა დაყრილია ეგ საკენკი, ბაბაგე, გური. მათთვის რა მნიშვნელობა აქვს, რამდენი ქართველი სად დაიმარხება; რამდენი როგორი გაჩნდება; რამდენი რაფერ დალაყუნობს?! სანამ საჭიროა, არიან შეფარებულნი ქართველობას, შეიცვლება ვითარება და მყისვე გადაირქმევენ გვარსახელებს, მყისვე გადაინათლებიან. მთლად მომიკალი გული და ეგ არის! უეროვნოდ როგორ გინდა ჯიმ-ჯილაგი შეინარჩუნო?! სულ წახვედით ხელიდან, კაცო?!

— თურქეთში, საფრანგეთში, სხვაგან, განუჩრეველად ყველას, ქართველია ეს, ბერძენი, სომეხი თუ ზანგი, ეროვნებად თურქი და ფრანგი უწერიათ, ვალიკო, ბატონო ...

— ეგეც დიდი სიბეცეა, — კოლბოხს ჩექმის ჭვინტს წახკრავს გაგულსებული, — გაფრანგებული კონგოელი ჭილკავივით რომ მოედება იქაურობას, მაშინ შემოირტყამენ თავში ხელებს, მაგრამ გვიან იქნება სავალალოდ. რა, ფერი შეეცვლება თუ აღნაგობა? რაც მილიონწლობით ჩამოყალიბებულა, იმას საუკუნეები გადაასხვაფერებს?! უცხოშიწელები შავ მუშებად ჭირდებოთ ფრანგებ-საც, გერმანელებსაც და თურქებსაც. საპირფარეოს გამოწმენდას, ქუჩის დახვეტას არ კადრულო-

ბენ, ბაბაგე, და იაფი მუშახელის სახით მოდის კიდევ მათი ეროვნული აღსასრულის დღეც.

„ამერიკის შეერთებულ შტატებში ნებისმიერი ეროვნების ადამიანი, ამერიკის მოქალაქეა და მორჩა, შენი ეროვნება მიიწეებ შუბლზე, — ვფიქრობ ჩემთვის, — ვინც ინგლისურად ვერ ატლიკინებს ენას, მჭადს არ მოუტეხენ, წყალს არ დააღვინებენ. იარაღით მოპოვებული ქვეყანაა ამერიკა, ძალადობას ჩვეული, ინდიელების გაქუქვის ხარჯზე, მათ ჩონჩხებზე აშენებული ცათამბჯენების ქვეყანა, უამრავი ეროვნების უსამართლო დაბეჩავების კერა. აქედან გამომდინარე, სახელმწიფოს მართვაც უმრავლესობის ხელში მოქცეულა: შტატებში ინგლისელებმა იყოჩაღეს, კოლუმბიაში — ესპანელებმა, პუერტორიკოში — პორტუგალიელებმა. მიუდგები ახლა იმათ 14 იანვრის საზომით? ხომ ზეზეურად გადაგჭამეს თავი?!“

— ღმერთის გაჩენილს ადამიანი ნუ ეტორღილება, ბაბაგე, გური, — მომეძალევა ისევ ვალიკო მესხიას ხმა, — უკუღო ხარს ნუ ვემსგავსებით: მგელი ყმუის, მამალი ყვის, ხარი ბლავის, ლომი ღრიალებს, ვირი ყროყინებს. ამ ცხოველების ენა ერთნაირია ამერიკაშიც, აფრიკაშიც, აზიასა თუ ევროპაში, მხოლოდ ადამიანია განსხვავებული, რომელიც ბუნების კანონებს არ ექვემდებარება.

ენა, ეროვნება ამა თუ იმ ხალხისა უმთავრესი საგანძურია. ქართველს ამ ბალავარს თუ მოუშლი, მისვე უკრუხო წიწილებს დაემსგავსება, ქორი რომ წააწიავებს სათითაოდ.

ჩვენ სავალალოდ ყოველთვის ორ ენაზე გვიხდებოდა არსებობა: უძველეს წარსულში ქართულ-ბერძნულად, ქართულ-რომაულად, ქართულ-არაბულად თუ ქართულ-სპარსულად. გამოხდა ხანი და ქართულ-რუსულ- ად ავგირგინდით. ახლა ინგლისური მოგვძალეობია... ბუნებრივია, თავის დროზე თითოეულმა ენამ გარკვეული კვალი დაამჩნია ჩვენს მეტყველებას, ქცევას და ხასიათს, მაგრამ მთავარი მდინარება მაინც ვერ დაშრიტა, შესაძლოა კალაპოტი შეუცვალა ხან სამხრეთისკენ და ხანაც — ჩრდილოეთისკენ, მაგრამ ნათქვამია: წყარ ნაწყარს დო შარა ნაშარსიავა, და რადგანაც ფეხთაქვემ მიწა გაგვანდა: ეროვნებად, სხეულად, სამშობლოდ, ხოლო თავსზემთ — ზეცა: ენად, სულად, ფიქრად და ოცნებად, მოვლწეულვართ კიდევ დღემდე, საქართველოდ, ქართველებად.

თქვენია, ბაბაგე, საწერ-კალამი, ქაღალდი, ტელევიზია და რადიო. ამხილეთ ის დამაქცევრები! საჯაროდ გამოაჭენეთ გვარ-სახელებით, ისე რომ, იმათ ნათესავეებს საზოგადოებაში გამოჩენის რცხვენოდეთ. ამანაც თუ არ გაჭრა, იფნის წკნელებს მე მოგიმარაგებთ — აუჭრელეთ გვერდები და თუ ესეც არასაკმარისი გამოდგა, გააპანღურე საქართველოდან თავიანთ უცხვირპირო პასპორტებიანად!

მაინც რა არის დამალული ქართველობის უარყოფელი ქმედების მიღმა? ვეკითხები ჩემს თავს. დავიწყით ანიდან:

კი, ბატონო, უმადურ გერებს — ქართველებს, აფხაზეთის ჩამოგვაჭრის ხელწაგრძელებული დედი-ნაცვალი — რუსეთი, მთელ ზღვისპირეთს აგვაწაპნის ამერიკასთან ბოლოდროინდელი ჩახუტებების გამო, რადგანაც ჩვენისთანა გემრიელი ლუკმა არავის ეთმობა;

კი, ბატონო, უნდა გავუგოთ ისტორიულ მეზობლებს, იმათ ხომ სურვილისამებრ არ ირჩევენ. მათ სტრატეგიულ რუკებზე ხომ საქართველო აორთქლებულია, როგორც ეროვნების რეკვიზიტი ჩვენი მეტრიკა-პას- პორტიდან? რას ერჩი, უმადლოდე კიდევ უნდა, უსისხლოდ, თოფის დაუხლელად რომ გებრძვის, ყოველგვარი მსხვერპლის გარეშე □ჩერაც ვერ გამოვსულვარ ჩრდილოეთის სტილური ზეგავლენებისგან), უმტკივნეულოდ, ევოლუციურად გიცვლის ფსიქიკას?!
კი, ბატონო, უნდა გავუგოთ ოკეანისგამღელ წითურ ბიძა-ბიცოლას, რომელთაც ფული გაუხდიით უმთავრეს კერპად და ამ მრავალსახა ხვლიკისფერ მოლოქს თვალისდაუხამხამებლად სწირავენ პატარა ერების სასიცოცხლო ინტერესებს. ამჯერად კავკასიაა მხედველობის არეში; მისი ენობრივი თუ რელიგიური სიჭრელე აღიზიანებს, თვალში ეკალივით ესობა. მას ხომ ათასწლეულს იქით გაუფაჩუნდება ის უჯრედი, პატროფილურ განცდებს რომ ამოსტყორცნის გულისგულიდან ოდესმე ასკავუბურას საფუტკრეთის სიახლოვეს მოჩქაფუნე წყაროსავით?! რატომ აშთობენ მტილოვანში გალობისას თვალგანაბულ მაფშალისა?! ვისი ყურთასმენა შეაწუხა ბულბულის საამურმა ხანგმა? ვისგან, რომელი გულქვაობიდან ამომხეცებულა ეს გაუგონარი შურუბუმულობა, რიკის ამოდება ლაშებზე საკუთარივე ძალისხმევით?!

მივყვეთ მსჯელობას: გატანილია საქართველოდან ყოველივე მოძრავი: ბორბლებით, მარხილებით, რუკზაყებით თუ ცხენ-ჯორ-აქლემით; გატანილია: კოვზი, ჩანგალი, დანა, უნიტაზი, ჩარხი და მაქო, გემი, რელსები ორთქმავლებიანად; ტაფეები, ტაფეები თუჯ-ალუმინ-თითბრისა უარვინო სულების მოსახრაკად. დიახ, ზომეროსის ჭკუაულევე ოდისევს მივმსგავსებულვართ რამდენადმე პოლიფემის გამოქვაბულში დატყვევნილს, რომელიც დამალავს საკუთარ სახელს, „არავინ ვარო,“ გაენდობა პოსეიდონის ცალ-

თვალა ძმას — ციკლოს და როდესაც ეს უკანასკნელიც წაშამფურებული ბარჯვით დაბრმავდება, მთაკაცი ბნედიანით შეასკდება გამოქვაბულის გოლიათ კედლებს და ცხვრის ტყავს შეფარვით გაშლილ ზღვაში გასულ ოდისევეს უშველებელ ლოდებს დაუშენს გასანადგურებლად სიტყვებით:

არავინმა დამლუპა, არავინმა დამაქციაო!

დიახაც, ამგვარად შეგვეძლება ახლო მომავალში შევეხმიანოთ მსოფლიოს: არავის ფულები წამოგვიღია ჩვენ, და რადგანაც, ბატონებო, არაფერი გავგაჩნია მის ასანაზღაურებლად, ინებეთ სარგებელში, არავინ სამშობლო-თქო.დაახლოებით ამგვარადაა საქმე 14 იანვრის დილასისხამიდან. პატროფილია ატროფირებული ხალხისგან მოდის უამრავი საძაგლობა წარსულ-დღევანდლობიდან: გომორი თუ სოდომი, შიდასი თუ ცისფრიანობა და აწ საფლავებში წრიალებენ ბარათაშვილები „ყანწელების“ ამალითურთ ამ უმშვენიერესი, ხშირად ნაელვარები სიტყვის ფრიად საჩოთირო ინტერპრეტაციის გამო.

დიახ, ყველაზე უსათუთოესს, უანკარეს ჩასცეს ლახვარი სულში მატერიკელებმა, რათა ცისკენ არ გაიხედოს ადამიანმა, თანაც თვალსაც არ ახამხამებენ ისე, ცისფერი ვარ, სერ, და ქორწილში პატივს ხომ არ დამდებდით მაყრად? თქვენსავით უღვაშაღერილს ვუწყვილდები მომავალ შაბათსო, უძებნიან საზოგადო გამართლებას თახსირ უკუღმართობას.

ამიტომაც, არაფერია გასაკვირი სნებოვანი მატერიკით დაშინებული გოგუაძეები, კვარაცხელიანი, მარგიანები თუ ერგასათსელი ჭკუაბორკელებული არავინ ეროვნებით, ისევ შეჩვეულ ჭირს — რუსეთის მიწოჩებია, ეზოპეს მკებნარმომრავლებულ მელიასავით, გასუფთავებას რომ არ დაანებებს თვისტომს, ვინაიდან ძველი ტკიპა თუ ბალღინჯო სისხლით გამძღარა, ხოლო ახალი დამშეული მეტის გამძფურებით განუმრავლებს რამდენადმე მიყუჩებულ ტკივილს.

ახია ჩვენზე — ქართული თვითმყოფადობის დამამკვიდრებელს უწყინარ თანამდებობას, პრეზიდენტის რეფერენტობას მივუბოძებდით, და აგერ, დრაკონის კბილებისგან აღმოგვიცენდა კიდევ 14 იანვარი, მაგრამ ზოგი ჭირი მარგებელია და საარვისო პასპორტს ცხვირ-პირში მივახლით დედაწულიანად წყნარი ოკეანიდან ამოვარდნილ ქარტეხილებს.

აქედან გამომდინარე, ალბათ, გასაგებია გვერდიგვერდ რისთვის ვდგავართ ბარიკადებთან მთლად რადიკალურად მოაზროვნეებიც, მემარცხენე-მემარჯვე-ნეებიც, ცენტრისტებიც, დემოკრატიას ამოფარებულნიც თუ ტირანიის მქადაგებელნი სულაც — უფრო რეალისტური აღმატებული დიდგორი საქართველოს ყოფნა-არყოფნას თავისი არსებობის მანძილზე არ უწყერია! დიახ, 14 იანვრიდან მოყოლებული უღვაშიანი ქართველი ირონიაა, გამირთაგმირი წინაპრების დაცინვაა, ფარსი — ტრაგედია კომედიის მოსასხამში. აკი, „მოტლანდიელები თუ ირლანდიელები ეროვნული ღირსების შელახვის გამო დედაკაცურად შეიმოსებიან ქედისმომხრელი ანგლო-საქსების წინაშე, ბოლომოფრიალე კაბებს ჩაიცვამენ და დღესაც იმ აღკაზმულობით აჭყიტინებენ ხბოსფხა ზურნებს თუ ეგებებიან ტყეებს თავისთავადობის ეკლიან გზაზე. ო, სანკტა სიმპლიციტას! ო, უწმინდურო ანგარიშანობაჲ! ედემის ბალისკენ ხაბარდა! მონანიებულია იესო მაცხოვრისგან საყოველთაო ცოდვები და ქერუბიმების ქერეჭიანი სხეულებით გარშემორტყმული ცხოველი ხეც თითისწვერებზე შემდგარა მაუკვდავებული ნაყოფის მოსართმევად ...არა, ჯერაც ვერ ამომიხსნია სრულყოფილად უარვინო პასპორტის შემოქმედთა საწადელი. გაღმაოკეანელთა გულისთქმას რამდენადმე მივუახლოვდებით, როცა შეძლებისდაგვარად გავაშიშვლებ საფინანსო ორგანიზაციების მეცადინეობას დევიზით: „ბევრი ვეცადე შენთვისა, ძლივს მოვახერხე ჩემთვისა“.

ჭეშმარიტად, მომხმარებელურ, მცონარულ ქვეყნად წარმოგვისახავენ, თავიანთი ჩაწოლილი ჭარბი პროდუქციის გამსაღებლად. მერე და ვის? ერს შემოქმედს! ერს აღმაშენებელს! ერს გეორგიანელს, სიტყვით და საქმით უკვდავებისთვის მებრძოლს ნიადაგ! ოქროს მომპოვებელს ქიმიის მეოხებით ქრისტემდე ოთხიათასწელს მიღმა! ფოლადის მწრთობელს! გუთნისდედას და ზანდური ჯიშის ხორბლის პირველ მომკელს! ზეკოსმოსური ხმების მბეჭველს პოლიფონიურ საგლობლებში: მზის, მთვარისა და ვარსკვლავების მარადიულობის დამგუგუნებელს ათადან და ბაბადან! ასომთავრულის პირველ შემქმნელს! ღვთიური ცეცხლის ჩამომტანს მიწაზე პრომეთე-ამირან-არამხუტუს შემწეობით! ოქროს საწმისზე, იგივე ცხვრის ტყავზე, კირბებზე, კირიბიშზე მათემატიკის, ასტრონომიის, მედიცინის უმთავრეს ცნება-ფორმულათა აღმბეჭდავ ხალხს, რომელიც დანარჩენ მსოფლიოს ალმა მატერიკით ვაწოვებდით ზეგარდმოვლინებულ სულს. ტუჩებზე დედის რძეშეუმშრალი უწარსულონი კი მოშურნეობით იტყვიან:

ყველაფერი უნდა ვიღონოთ, რათა დინების საწინააღმდეგოდ მოცურავე ქართველები ასოთხმოცი გრადუსით შემოვებრუნოთ და ჩვენს ამქრასში შემოვიერთოთო, გავხადოთ ჩვენსავით ყველაფრისმქონეებად და მანაც არვინადო და როდესაც ორი უცნობი შეხვდება აბრეშუმის გზაგასაყართან, დიდი და პატარა არავინ, საუბარი გაადვილდება, რადგანაც ოდნავმეტ არავინად გადაიქცევა, რომელიც

„ჩაკრულოს“, „კრიმანჭულს“, „ლილეოს“ თუ „ოდოის“ კი მღერის ნოტების შესატყვისად, მაგრამ აღმოსავლეთში — ფეხმორთხმულად, იოგასგან ნაწიოკები შიგნეულით და დასავლეთში — უჯიგრო მოშვებულობით, ქართული სანელებლების უქონლად, უპილპილოდ, რახათლუკუმური დატკბარუნებით, რომელიც ნაკლებად ეგუება ჩვენეულ გათარანებულ გულფიცხობას.

კვლავაც მარტოსული ხეობის მახვშის სიტყვები ამოიწვევა ცნობიერებიდან: — ბოროტებას და სიკეთეს, ბაბაგე, გური, ერთ უღელში ნუ შეაბამ, რათა მიწა გადააბრუნო და მეტი სახვალის მოსავალი მოიწიო. არ შეიჭმევა ის პური მადლიანად. შეუძლებელია ერთ ტაბლასთან დასხა წმინდანი და უზნეო, ბილწი და კეთილშობილი. ეს ხომ იგივე ბუნიობაა, ყველაზე საშიში, ყველაზე დამამხობელი განურჩევლობა?! ბუნიობის თემას მიეუძღვენი მე ესეისტური მათიანეს ერთ-ერთი განაკვეთი „მეიროხანი“, მაგრამ რადგანც ახლა ჯერი მიზანმიმართულ სიცხადეზე — „ფადასობაზე“, ბარემ ბოლომდე გავარკვიოთ, რას გვერჩიან, რისთვის ამოგვზღვეტენ პირიდან ენას, ან რატომ გვჩიან ყანყრატოშივე დადიანის რიკებით? ვისგან, საიდან მოდის ეს ფართომასშტაბიანი შემოტევა?! საიდან მოღვარცოფობს, ლეთას რომელი ნაპირიდან?! მანქურთობა და შურუმუობა გამოგვივლია. კიდევ რა გველის, კიდევ რა განსაცდელს გვიზადებს საწუთრო?! იგივეს ხომ არა, რასაც გებელსი — თავის ანგელოზებს: ნუგბარეულით ციანიკალს შეაპარებს ოქროსფურჩებიან მოზარდებს და თანაც:

ძილი ნებისა, მამიკო, ეფერება თითოეულს მუშისასავით გამოჩუქუნებულის გამოხედვით? აი, საითკენ გვიბიძგებს თურმე 14 იანვრის უარვინობა, 14 იანვრის უთვისტომობა, 14 იანვრის უპიროვნობა, ჩვენს თავს ქართველ ხეროსტატეთა ხელით დანთხეული! თითებზე ჩამოსათვლელი წლების მანძილზე უამრავი ჯიბე გასქელებულა კომპრადორობით. აურაცხელი უცხოური კრედიტ-ინვესტიცია ხან რიკივითაა გაჩრილი ნუვორიში ქართველის პირს, ხან ფინახარივითაა თვალზე აკრული და ხან კიდევ ცვილივითაა ყურის ნიჟარებში მოგლესილი. შეაჩერებ ნეობატონისკენ მუქთად მიმავალი ხე-ტყის ქრას წითელი მინდვრის სიახლოვეს და მყისვე შეგემუქრება: ციც, გონს მოეგე, საწყალო, ხომ ხედავ, შენი სული ჩემს ხელშია?! თუნდაც ნემსის ყუნწში გამძვრალხარ, ოღონდ ის ხე-ტყე უწყვეტად მომაწოდებო და ეს უკანასკნელიც, გინდა ორკუზიან აქლემს აჭარბებდეს აღნაგობით გულმოდგინედ გაიძურწება დასახლებული სივიწროვის ნახვრეტში, პირბასრი ცულებით მიადგება სიცოცხლის ხეს და თავის გადასარჩენად უხბათუნებს და ურათქუნებს სისხამიდან შეღამებამდე, სამხრობიდან ალიონამდე.

რას დაღონებულხარ ძმობილო, გაგამხნეებს იგი მშობელი ხალხის საყვედურებისგან გვარიანად აჭარხლებულს. ხომ გსმენია, ძალი ყფდა და ქარავანი მიდიოდაო? რა გენაღვლება, იყფონ, მოგაცვდება რამე იმ ქოქოლასგან? ნურც მომავალში დაგაფიქრებს შენიანების შემოტევა. რა დროს ეროვნულობაზე საუბარია, როცა კატასტროფას მიახლოებია სრულიად დედამიწა — პლანეტა ჩვენიო?! ასეთი უმეცრება გაგონილა? სამარცხინოა, სიმწრის ოფლის მომდენი! აბა, კარგად გაიხსენე გენიალურმა აინშტაინმა როგორ აღიარა მსოფლიო მოქალაქეობა. ეროვნულობას პროვინციულად მიიჩნევს ქრისტეც. არაფერს ვამბობთ მარქს-ენგელს-ლენინ-სტალინის კომუნიზმზეო.

მერე რა, ზოგ-ზოგებს თუ ვერ შევასმინეთ რიგიანად ეგ სიბრძნე, ხომ იწვნიეს ვატერლოო, სტალინგრადი, ხიროსიმა და ნაგასაკი? არ კმარა ჭკუის სასწავლებლადო? ეს ჩვენი ხოხმა მიტუები, ძუკუები და ჭიჭიკიები კი ხედავ, რამდენს ჩემულობენ?! არხეინად მისცემიან ერთმანეთის თავებიდან მკებნარების გამოხილვას, თანაც „დიდებით მოსილ როდინდელ“ წარსულსაც ვერ ელევთან ავგაის თავლაში მოსროლილებიო.

ასეთი და ამგვარია ჩვენი არსებობის პერსპექტივები 14 იანვრის შემდეგ.

ხურჯინის ორივე თვალი რომ დაიჩუტება, მარტოსულხეობელი მახვში დაკეცავს, იღლიაში ამოიჩრის:

— ყფიანი იყო კაი კაცი, მაგრამ ეგნატე ნანიტაშვილი — უკეთესი. დრომ დავიწყება იცის, ბაბაგე, გური, და მაინც, დაიხსომე, კეთილისა და ბოროტის ერთ უღელში შებმა წყლის ამაო ნაყვია უზნეობასთან ერთად. გულთმისანი, მენცარკოჩი გახლდათ იროდი სართანია, მაგრამ თვალ-ყური არც ჩვენ გვიწყია ჯიბეში. მეტს ნუ შეწუხდებით, ბავშვებს მიხედეთ, ხო, კიდევ — ამ ტყეს, — მარჯვენათი ნახევარწრეს მოავლებს ხაერში, — და ჩვენივე სისხლით და ოფლით გაპოხიერებულ მიწას, ვინაიდან სანამ მყარად ვდგავართ მასზე, სანამ ჩვენი თავი ჩვენს განკარგულებაშია, კიდევ არა გვიშავს რა, კიდევ ნაშველები ვართ მოურჩენელ ძიძგილობანას გადაგებულნი, მაგრამ როგორც კი ამ საძირკველს გამოგვაცლიან, მშვიდობით საქართველოვ და ქართველობავ! — ლამის იყო „ჩვენადვე გვეყუდნისო“ ბრძანა.

სვენებ-სვენებით მიეფარება თვალს ვალიკო მესხია. დიდხანს მიჭერებევარ ჭრელაჭრულა ქათიბში ამოვლებულ ფერდობებს. ხვლეპუსა ტაფობელაზე შემოტრიალდება, ორივე ხელს აგვიწევს, არის ასე ერთხანს გარინდებული, მონუმენტივით გასაგნებული, მერე წაწიალდება და წაწკვარამდება, წაუჩი-

ნარდება, შეუსრიალდება ძარღვებში ბუნებას, განეფინება უსიერის სულში, გაიტოტება და გაიფეს-
ვება უღრანის თვისებით.

ქაშხა *

ახლაც, ამ წუთას, ის სიცხადე მილიციციებს თვალეში, ის ოზონჭვირვალი გამოსახულება —
პანო საირმეს ჩრდილოეთით.

მზეს დიდხანს არ სცალდება იქ ბუდრაობა, გელოვანისებურად თუ ვიტყით, კრუხივით ჩაეშვება
მთებში, წამიერად ალანძავს დასალიერს, თითქოს გოდერძი ჭეიშვილის ნოველის პერსონაჟს წითელი
მინდორი დაუტყვევებია ტილოზეო და ილიიდან ამოჩრილი ნადავლით მიუყვება ასკაგუბურას განედ-
გრძედს თოლი მესხიას დარადო.

ამწამიერადაც ი...მერეთულ მოლანდებს მივჩერებივარ ასეული კილომეტრიდან, მარადგაუხუ-
ნარს, დაუხავსებელს და უსამნო-უდასასრულოს, სულს რომ მიფოლადიანებს 14 იანვრელთა ჯიბრზე.

დღითი დღე კამკამდება, დღითი დღე მზიანდება შორეთიდან თოვლით ამონამქრული ნიჟარისხე-
ლა ასკაგუბურა, დიხაც, ჩემი ჯიშ-ჯილაგის გადასარჩენ კილობანს დამსგავსებული, სადაც აქამდე ვერ
ჩაღწეულა შეპირებული წიგნები და მარტოსულ ხეობლებზე აბაბანებული გაზეთები, თუმცა დროს
გულმაიწიყობის მხარდამხარ, საბედნიეროდ, ხსომიერებაც დანათვლია, და ახლა ის ხატი, ის ფერსიცი-
ხადე, აგვისტოს დამდეგს სულში ჩარჭობილი ჭადრის ბარჯვივით, ლაშარის გორზე გადმომდგარა
გვარიანად გაფოთლილი და ზემგრძობიარე ანტენასავით მიიტაცებს თითოეული ქართველისთვის
აფორიზმივით დასახსომებელ ხმა-შეგონებას:

— საკუთარ მიწაზე საკუთარი ხელით მოიპოვე პური შენი არსობისა, ბაბაგე, გური. ნუ გიკვირს კოხისა
და მებათატების მოხშირება შენს თავზე, სხვებს უარესი სახალი გაუგდიათ კუდამოძუებით და მერწმუნე,
შენც კარში ისვრი კინწისკვრით ადრე თუ გვიან.

ნებისმიერ კანონს ორი ბუნება აქვს, როგორც ჯოხს — ორი ბოლო: ადამიანის დამტკიცებულს ადამი-
ანივე აუქმებს. ზღვა გამუდმებით უტევს ნაპირს, მაგრამ გამუდმებითვე უკუიქცევა. მთავარია, ბოროტი და
კეთილი ერთ ტაბლასთან არ დასხა, არ გააიგივო, არ ჩაახუტო ერთმანეთს, ვითომ უკეთესობას მოვიძიო.
ფუჭია ეგ. ჭიდილით კი აჭიდავე რამდენიც გინდა, რამდენიც გენებოს, ლავიწის თუ კვერისთავის ამოგ-
დებამდე. ის პასპორტი, გჯეროდეს ჯიბეჭქელი ხალხის მაზნადაა. ალბათ, მილიონებია ჩაყრილი მაგ
საქმეში და სანამ ათმაგად არ ამოიგებენ, არაფრისდიდებით მოგეშვებიან. ხალხის საწინააღმდეგო
კანონის მიღება გაღმა შემოდავება იქნება, გამოღმა რომ დარჩეთ, გადასაყრელი რომ არ გაუხდეთ
პასპორტები. ამიტომაც გირჩევთ, ნურც მწვადს შეწვავთ და ნულარც — შამფურს. ორი-სამი
მილიონი პასპორტის ხელახალი დაბეჭდვაც არ მგონია მთლად გონივრული ჩვენი მეცეკუენტა
საბნების პატრონთათვის და იქ ჩვენი ეროვნულობის დამადასტურებელი სიტყვა განგებაა გამოტო-
ვებული თუ უნებლიეთ გამორჩენილი, რა სანუგეშოა, დავიწყების მორევეში ვართ გადაყრილები
ერთიანად! ამიტომაც მგონი არაფერი დაშავდება ამჯერად გარკვეული ხელით თუ ჩაიწერება შიგ
საქართველოს ნებისმიერი მაცხოვრებლის ნამდვილი ვინაობა. მომავალში ეგეც გამოსწორდება.
აბა, ქვეყნის დამაქცეველთაგან უკეთესობას რას მოელოდით? კანონს კი თვალის ჩინივით მიხედეთ,
ბაბაგე, გური! კანონია ყველა სიკეთისა და უბედურების სათავე ... ეგეც იქით იყოს, მთავარია
უფრო მნიშვნელოვანი გვახსოვდეს გამუდმებით — მარჩენალ მიწას არ მოვწყდეთ და კიდევ —
ღვთით ბოძებულ მოსაქმეობას — გეორგიანობას, გუთნისდედობას, ჯინჯილულა — ძირდაგრე- ხილი
ვენახის მოვლა-პატრონობას, მამაპაპური აბჯარის გაფერვასაც შიგადაშიგ; მოკლედ, ყოველივე იმას,
ბაბაგე, გური, რაც ქართულად ნამდუღარება მაჭარავით და დაღვინებულა დიდი ბორგვების
შემდეგ მიწიდან ზეცამდე, ხორციდან სულამდე, გარდაცვალებიდან უკვდავებამდე!

ჭურჩის ღარსუ

**ანუ რომან „სიცოცხლისჯილის“
მთავარი გმირის, ჟინი ანთარის
პროტოტიპი იროდი სართანია**

ცხრა აპრილის შემდგომი აღმავლობის პათოსზე „მეიროხანში“ საკმარისად გვიწერია. მიჭირს განმეორებით იმ წუთების ადეკვატური ასახვა, მითუფრო წინდებული სათქმელის მიზანი სრულიად განსხვავებულია — იროდი სართანიას პიროვნებასთან რამდენადმე მიახლოება.

შესაძლოა ეს თემატიკა შედარებით „სერიოზულ“ ნაწარმოებში გამომეყენებინა და ამით ბოლომდე მიმეგო პატივი მართლაცდა განუმეორებელი ბერამუხასთვის, მაგრამ საირმეში ასკავუბურელი მესხიების მოხილვამ და მათთან ორკვირიანი ურთიერთობის პერიოდში რომან-ტრიადა „სიცოცხლისჯილის“ მთავარი გმირის, ჟინი ანთარის პროტოტიპის, უნებლიეთ ამოტივტივებამ, გეზი შემაცვლევინა. ვენდობი ხორაციუსის ავტორიტეტს: ახლა უნდა ითქვას ის, რაც ამ წუთასაა აუცილებელი, დანარჩენი — გადაინახოს მომდევნო დღეთათვის, სხვაგან და სხვა სიტუაციაში გაიშალოს საჭიროებისამებრო; ჩვენს ბელეტრისტულ მსწრაფველობას კი გეხსომებათ, ვალიკო მესხისას ზეპატრიოტული პერსონა ესაფუძვლება, რომელიც მოფრთხილებით, მაგრამ გამგონესათვის სრულიად თვალსაჩინოდ ეწინააღმდეგება ზღვისპირა ჭურჩის მეტყვეის მსოფლმხედველობას და რადგანაც საკითხი ცალმხრივად წარმოგვედგინა დღემდე, ეს საგანგებო ნარკვევიც სავსებით მიზანმიმართულად წარმოჩინდება.

ავვისტოს მიწურულია. ჯერ სექტემბრის აქციები არ აგორებულა შუა რუსთაველზე. ჯერ ბარიკადებით არ გადახერგილა ქალაქის ცენტრალური მაგისტრალი. ოპოზიცია ზამთრისპირა ბუზანკალივით იკბინება და გონიერების თვალს თუ მიაღვენებ სამომავლო დღეებს, მიხვედრილისთვის ადვილწარმოსადგენია გაუზზარავი ნაჭუჭიდან დინოზავრის ამოღრილება.

მირო ბუკიას ჯაბახანა ჟიგული მიჩვეულია ამ გზებს. მირო ნადირობის დიდი ტრფიალია, ცაში ასროლილი ათასობით თეფში შემსხვერპლებია მის ჩუბინობას. არც თევზაობა მოყირჭებია ჯერხანობით. იშვიათი გულისხმიერებით გამოირჩევა. მართალია, ხელი ვერაფერში გაეუმართე, „იკარუსის“ მძლოლობა ვერანაირად გაუჭილიჩე: ჩემი ბელეტრისტული ავტორიტეტი საკმარისი არ არის საამისოდ, თანაც ცხრა აპრილის შემდეგ ათასნაირად შეტრიალდება ავტოპარკების ბედ-იღბალი: დაიტაცებენ ავტობუსებს, ტაქსებს, კამაზებს, ვინ, როგორ და რანაირად, მაგრამ მაინც არ მსაყვედურობს. ესმის, თავს ზემოთ ძალა რომ არ არის.

აჩონჩხილან ფერმები. ოდესღაც მოასფალტებულ თუ მოხრეშილ გზებს ორმოები მომატებია და მძლოლის სამაგალითო ოსტატობით მიყოლებით გავივლით ინგირს, კახათს, დარჩელს, ერგეტას. ათი წლის წინანდელი ახალშენები გაუდაბურებულან. კოლექტიური მეურნეობების მოშლა მუსრს გაავლებს ოდესღაც სიმინდის ყანებით ახასხასებულ სავარგულებს. კახათელების ფარეხი ნაცარტუტად ქცეულა; ის კოპწია ოდა-სახლიც, უამრავ სტუმარს რომ მასპინძლობდა ზამთარ-ზაფხულ. მორღვეულა მავთულბადის ღობეები. მრუდე ხელს მავთულხლართიც აუცლია ბეტონის ბოძებისგან და აქა-იქ სალი საყრდენებიც ზედ მიუყოლებია. მეწლე მსხლების ძირას ტალახიანი ძროხები იცოხნებიან მშვიდად, ხოლო გუგუჩიების არხის სათავესთან კამეჩები დგაფუნობენ.

წავიხემსებთ ქალაქიდან წამოძლოლილ პურს და ძეხვს. მირო ბუკია სასროლ ბადეს დასტრიალებს. სადმე თვალი ხომ არ ჩაშლილაო. მე რუკზაკში გადავანაცვლებ იროდი სართანიას საყვარელ „პრიმას“, პურს, გაზეთებს, ქარხნის არყებთან, შებოლილ ძეხვებთან და კონსერვებთან ერთად.

წლების წინათ უთვალავჯერ გაუმართავს ხელი ჭურიელ ტყაჩუს და მთლად ქესეტად მისვლაც არ ივარგებს. რაც მთავარია, ხელმეორედ გამოცემული წიგნის რამდენიმე ეგზემპლარი მიმაქვს საჩუქრად ჟინი ანთარის პროტაგონისტისათვის. ხუთი ათასი ეგზემპლარი დამიბეჭდავს, მაგარ გარეკანში, ბუნვილინში შეფუთნილი — წითელი, ლურჯი, მწვანე და ყავისფერი. ამაზე უკეთეს ნობათს ვერაფრით გავუმზადებ ბუნების მესაიდუმლე კაცს.

მართალია, წიგნი იროდისთვის ვერაფერი ბედენაა, შემოდებს თაროზე და მომსვლელებს შეახსენებს, რომ იმ ხელისგულისოდენა ოთკუთხა სივრცეში მისი პიროვნება ამწყვედვია; ხოლო რამდე-

ნად ზუსტია, რამდენად შეესატყვისება დედანს ასლი, ამის თაობაზე, დაე, სხვებმა იმტვირონ თავი. ოდიშში ავაკითხავ მთავარი გმირის პროტოტიპს. იქ გამომხელენ, ისევე ჭურისაკენ აიბარგაო. ოთხმოცდაათს მიუყავუნა, მაგრამ სახლში როგორ გააჩერებო. ის რუსის მთვარესავით ქალი კვლავაც ხყავს თურმე. ეგ არის და ეგ. ამჟერად გვარიანად შეძლებული მეთქმის. წიგნის პირველი გამოცემა საკმარისად გასაღდება. მართალია, ნახევარზე მეტი გამისაჩუქრებია, მაგრამ მყოფის ფული მომდევნო ხუთიათასის დასასტამ ბადაც. მარტო გალის სტადიონზე შონიების საგვარეულო შეკრებისას შვიდასი ცალი გაიყიდება. გადაყრილია იდაყვაცრეცილი პერანგები. ოჯახურ პრობლემებსაც უმტკივნეულოდ ვაგვარებ, ხოდა, ამნაირი ამნათით მივემართები არხებს გადაღმა. სამი-ოთხი კილომეტრი მაინც მომიწევს ეკალ-ბარდში ბოლიალი. ნავი მყავდეს, ერთი საათიც არ მოვუნდები მის სამყოფლამდე მისვლას.

მირა ბუკიას ორლულიანი „ტულა“ და პატრონტაში ფაბრიკული ჰილზებით, ზედ ამისხამს ყოველ შემთხვევისათვის. ჯინსები რეზინის ყლოვოკლე ჩექმებში ჩამიტნევია და მივემგზავრები ასე, აგვისტოს ხვათით ამტუტებული არხის გორმანებით. ორიოდ საათში სართანების მამულს მივადგები ზურგიდან. ლობეები ტყრუშულია. აკაცის წყვილ-წყვილ სარს შორის ლატანები მიჯრითაა ჩაწყობილი ისე, რომ მისი გარღვევა ჩრდილოეთურ ტანკსაც გაუჭირდება.

ფიცრულიდან ამომავალ კვამლს შორიდან შევნიშნავ, ქოჩორა ტყის დასაწყისიდან; თხელია კვამლი აგვისტოს თვეში, სვეტივით აღმა მიმავალი. ჯაჭვზე დაბმული ძალი აყფდება. გამოიხედავს მასპინძელი ჭურის მიმართულებით, ფიცარნაგთან გამოვა, სადაც ნიჩბის ნავი ზღვაურისგან დატალღული ნაკადის მოძალებით ოდნავ ირწევა. მერე, როცა ფიჩხი გატყდება მასპინძლის ზურგს უკან, მომხედავს ხელით თვალემოჩრდილულის იერით. მზე შუბის ტარზეა. ანწლის, ველური ლელვის და კიდევ ჭაობნარის ლეყბმომძალებული შმორის მძაფრი სურნელი შეიგრძნობა. ქათმები კრიახებენ კუტიკარს მიღმა. გოგრების სიმრავლეა საგანგებო ტალავერიდან თუ ხირხალის* ლობეებიდან. სიმინდის ყანას წყრთა ტაროები ამოუჩრია ილიაში. ალაგზე გადმობიჯებამდე მიცნობს.

— ოოო, მწერალს გაუმარჯოს, — გაშლის ხელებს.

ფლანგის გახუნებული, მოლურჯო პერანგი აცვია. ხუთიოდე წელიწადში ოდნავ დაპატარავებული მეჩვენება. იგივე სითეთრე, იგივე ბეწვები, იგივე უშურველი ღიმილი.

დედაკაცს მეგრულად ელაპარაკება. ქალს ჩინებულად აუთვისებია ადგილობრივი კილო ოდნავ შესამჩნევი აქცენტით. ზოგიერთ თანხმოვანს დამახასიათებელი კოლორიტით წარმოთქვამს.

თუთის ხის ძირას ფიცრებისგან შეკრულ მაგიდას თანდათან ემატება მოხარული სიმინდი, წურფა თხილი, დავარსკვლავებული ლეღვი, დაჯაჭვული არაყი, სიგრძივ დასერილი სულფუნი. ოციოდე წუთში სუფრაზე ჩაგრაგნილი ელარჯიც გაჩნდება. ნაჩუქარი წიგნები აქვე ალაგია. გადაფურცლავს რამდენიმეგზის, ილუსტრაციას დახედავს, მსგავსებას ვერ აღმოაჩინეს მხატვარ თავაძის ფანტაზიასა და საკუთარ აღნაგობას შორის, უსიცოცხლოდ იტყვის:

— ოსური, ქარწყქო სო გოუჭარუთუნ?*

გამომკითხავს დაწვრილებით, რასა ვიქმ, საქმეები როგორ მიმდის. გაიხარებს, რომ დავოჯახებულვარ, უკვე ორი ასულის მამა ვარ. თანაც რამხელა წიგნი გამომიცია.

— ეს პირველი ნაწილია, — ხმას ავუწევს მთაბეჭდილების გასაძლიერებლად. ორს დავწვდები, სავარაუდო მოცულობის თვალსაჩინოებად ვიშველიებ, — გაივლის რამდენიმე წელიწადი და მშვიდობა თუ გვექნა, კიდევ ორ ამხელა წიგნს გავასრულებ. ჰოდა, დამთავრდება ამით ჩემი ტრიადაც, იგივე სამწიგნა, — ვესაუბრები, თან უნებლიე მოუცლელობისათვის ვებოდიშები.

— დასაკარგავში ვართ, — აქეთ გამოვყავარ უხერხულობიდან, — მერე და აწეწილი დროებაა, — მომაჩერდება მოჭუტული თვალებით, — მთავრობისკენ ხომ არ გაგიტევია, — იგივე გამომეტყველებით მითვალთვალეს.

— მთავრობაში მწერალს რა ესაქმება, თავს მაღლა ვწევ დიდის ამბით, — მწერალი სამშობლოზე უკეთ არ უნდა ცხოვრობდეს, — გავრეკავ სამიოდე სირჩით ენააჭიკჭიკებული.

— კომუნისტები კი გადაადგდით, მაგრამ მათ დანატოვარ სიმდიდრეს რას ერჩით, ვერ გამიგია, — გამიხილეს, — რაც აქეთკენ ფერმები და სამხერხაოები იყო, კულის რიკამდე გაძარცვეს, გააპარტახეს. ცარიელი სიტყვებით ვაპირებთ ქვეყნის აშენებას? — ოხშივარ შემოძარცვულ სიმინდს ბოწოწებს აცლის, მწკრივ-მწკრივად მარცვლავს და ასე შეექცევა. ჯანსაღი კბილები აქვს, მაგრამ წეკოსგან ერთიანად ჩარუხებულ-ჩაყვით-ლებული. — დღეს ბევრი მესოფლია არაფორმალი გახდა და ჯოტო გუგუჩიას დაუწყო განქიქება. ჯოტო მეურნე კაცია. უქნარების გაკეთებული საქმე ვინ თქვა. რამდენი მთავრობა შეცვლილა ჩემს თვალწინ, მაგრამ უსაქმურების ამნაირი მოძალება არასდროს მინახავს. გაგონილა, ყანებისთვის ზურგი შეექცია გლეხკაცს? ვითომ დაუმორჩილებლობას არქმევენ და სინამ-

დვილში საკუთარ ცხოვრებას თავდაყირა ამხოვენ. თავისუფლებას ვებოტინებით ვითომ და სინამდვილეში უძირო უფსკრულსკენ მივექანებით. თავისუფლება ცოტათი სხვა რამეა, ბაბაგე, ვიდრე ეს თქვენ, ახლებს წარმოგიდგენიათ. — ახლად ვაველებ პარალელს ვალიკო მესხიასა და მის ტემბრს შორის. ასკავებურელის „ბაბაგე“ იროდისგან ნასესხები მეჩვენება. აბა, მარტოსული ხეობის მახვილი შუაგულ იმერეთში ასეთნაირი სილალით საიდან შეისისხლხორცებდა ამ სიტყვას?!

— თავისუფლება, უმადლესი საზომი მგონია სულისა, მაგარამ ვაი, რომ თითქმის შეუძლებელია ეგ, თითქმის კი არა, ნამდვილად შეუძლებელი.

— რატომ? — გავიოცებ მე, — აბა, უმიზნოდ იაროს ადამიანმა?

— თავისუფლება ლამაზი ოცნებაა კაცისა, მაგრამ სიკვდილით შებოჭილმა რომელ თავისუფლებაზე უნდა იმსჯელო? ხო-ხო რა უხვნი ვართ უკვდავების მისამართით?! თავისუფალი მთელს დუნიაზე ერთადერთია და ისიც — გიჟი. მე გულის დასაწყვეტად როდი გეუბნები. ჩვენ ადრეც გვისაუბრია ბუნების კანონზომიერებებზე, ადამიანებისა და საზოგადოების ურთიერთობებზე, მაგრამ მაშინ კიდევ უმწიფარი ვყოფილვარ. შენ მრავალ კითხვაზე მთხოვდი პასუხის გაცემას და მეც სახელდახელოდ წამოვისროდი მათ, მაგრამ მას მერე ხუთი წელიწადია ჩავლილი და ამ ხნის მანძილზე, სასთუმალქვეშ ხელგამოდებულს ვარსკვლავიანი ცისთვის რომ მითვალთვალა; ან ტყის, ზღვის, ბუნების მაჯისცემას მივყურადებოვარ, სასაცილოდ მომჩვენებია ვითომ ჩემეული მენცარკოჩობა. ხოლო თავისუფლება შეუძლებელია ახსიათებდეს წარმავალს. თვით შენი საყვარელი ხომე-როსის წიგნებიც კი უძლურია თავისუფლების წინაშე, ბაბაგე, ვინაიდან ყოველი ათასწლეული სიტყვიერ სამოსელს გადაასხვადფერებს და აქედან გამომდინარე, ის გამუდმებულ ცვლილებაშია. თავისუფლება მარადიულთან გაიგივებული ამბავი მგონია. ადამიანს შესაძლოა თავისუფლად გეჩვენებოდეს ადგილმონაცვლეობა ერთი სოფლიდან მეორეში, ერთი ქალიდან მეორესთან, ერთი სახლიდან მომდევნოსთან, ერთი აზრიდან განხსვავებულთან, მაგრამ ვის სჭირია ამდაგვარი თავისუფლება? თავის მოტყუებაა და მეტი არაფერი. შენით მიხვდი, რომელია ახლა თავისუფალი, ეს „რომკა“, „ონტკა“ თუ ჩემი ჟანგისანი კბილები? სად არის ამ სამ საგანს შორის თავისუფლება? რომკას არ შეუძლია თავის არჩეულ ფორმას გაეცეს; არაქა თავად რომკისგან ენიჭება ფორმა, ვიდრე კუჭით დაიქლიბებოდეს, ხოლო ამ კბილებს, ალბათ, სულ მალე გარედან გადმოტყინებული ტყავი შემოეძარცვება. გამჭრალია სამივე. ეს ყველაზე უმარტივესი მაგალითი მომიშველიებია. უფრო შორს წავიდე. ზღვისა და მიწის დამოკიდებულება ავილოთ, იგივე თხიერისა და მყფესი. ან ავერ, ამ თუთის ხეებით შემოვიფარგლოთ სულაც. ტანზე რამდენი ტოტი ასხია თითოეულს, ზუსტად იმსიგრძე ფესვები გაუფარჩხავს ქვემოთ. მოაშორებ მიწას და მყსვე დაბეხრეკდება. თუთის თავისუფლება მიწასთან გადაჭდობილი ფესვების ერთიანობაშია. ან განაშორებ ტოტები ხაერს და უარესი სიღუჭჭირე შეეყრება. შენ როგორ ფიქრობ, ადამიანი განსხვავებულია ვითომ ამ დამოკიდებულებისაგან? ან თვით ის ვარსკვლავები, თვალები ძლივს რომ მიგვიწვდება და მის მიღმაც, ვინ იცის, კიდევ რამდენია უჩინარი?! ან მზის სიახლოვეს მოძრავი სხეულები... ამოვადე რომელიმე ამ კანონზომიერებიდან და შენს დედამიწაზე მთებს წყლები დაფარავს, ან პირიქით, აორთქლდება, გაქრება საერთოდ. ამას იმიტომ ვცხები, თავისუფლება კაცისგან მოჩმახული მოჩვენებითობაა. უფრო მეტიც, საკუთარი თავის დამშვიდება. ვინც თავისუფლებას მიელტვის, მზეზე ასვლას ლამობს. ის, რაც ჩვენ თავისუფლება გვგონია, სინამდვილეში ურთიერკავშირია, ურთიერთდამოკიდებულება, ერთმანეთისადმი დაქვემდებარება. ვთქვათ და მაგალითისთვის, მოგცა შენ მამაზეციერმა თავისუფლების ნება, რას მოითხოვდი უწინარესად, რა სურვილის ასრულებას?

— სამშობლოს ბედნიერებას, — არ დავეყოვნებ მე.

— ეხ, ბაბაგე, რამდენად უმეცრები ხართ შენ და შენი არაფორმალეები?! კი, ბატონო, ვთქვათ და მიიღე ეს, თუმცა ბედნიერებაც საკითხავია, რა ჯურისაა, რითი უნდა აზომო, რითი აწონო, არწყა.

— საერთო კეთილდღეობით, — მივაგებებ მე.

— მერე და, ბაბაგე, ეგერ, სადღაც აფრიკის ჯუნგლებში ციებისგან იხორცება ათასობით ადამიანი, სხვაგან — შიმშილისგან, და აი, ყურისძირას, იარალით დარევია ერთმანეთს ღვთის სხვადასხვანაირად მორწმუნე ხალხი. სად არის აქ შენი თავისუფლება, შენი ბედნიერება?! თავისუფლებას ეძახი ამას? ბედნიერებას? როცა გნებავს, მთელი ქართველობა ოქრო-ვერცხლსა და თაფლში ცურავდეს, სხვას კი კვინთი მარილი და ფუჩხა ენატრებოდეს? რა თავში იხლი ამისთანა ბედნიერებას, მითხარი, ნეტავ? ბედნიერება კიდევ მესმის ზიარი ჭურჭლის პრინციპით რომ დადიოდეს, ყველა ჩაღრმავებულს და ამობურცულს თანაბრად მიაგებდეს პატივს, იგივე მზის სხივის დარად, რომლისთვისაც მიკეროძობება გამორიცხულია, მაგრამ ხომ ხდება ისეც, მზის სხივი სხვათა ბუნების, ან თვისების წყალობით უძლურია ჯადოქრობა მოამოქმედოს: ქვის გულში ვერ აღწევს იგი ამ ჩრდილოვანის ტოლძალოვნად და ველარც — ყინულის წიაღში, რომელიც თავისთავად მზესთან მიმარ-

თებაში ყოფნითაა გალურსული. ასე რომ, წყლისთვის, მიწისთვის, კლდისათვის თუ ყინულისათვის მზე განსხვავებულად აცხუნებს, თუმცა თითოეულს თანაბარი ოდენობით მიეშუქება. ესე იგი თავისუფლებას მართლაცდა რაღაც განსაკუთრებულ სხეულს თუ მივანიჭებთ, ვერასოდეს იქნება თანაბარი სხვადასხვა პიროვნებისთვის თუ სახელმწიფოსთვის და აქედან გამომდინარე, ის რაც განსხვავებულ შედეგს გვაძლევს, ვერაფრით მიიჩნევა კანონად, წესად?! ყოველივეს გათვალისწინებით სამშობლოს ბედნიერება ვერ გამოგვადგება თავისუფლების ხატად, თუნდაც შენს გარშემო თუ უკიდურეს წერტილამდე მდინარეებში რძე მიუშვას, მთები ხორბლის გორებად აქციოს და ზღვები თავლით გაავსოს. თავისუფალი მანც ვერ იქნები, ვინაიდან ეგერ საუკუნის თავზე მიქელ-გაბრიელი ჩაგსაფრებია, და რომც მიაღწიო ათასწლოვან სიცოცხლეს არა მარტო შენთვის, არამედ სრულიად საკაცობრიოს, ესეც უკმარია, რამეთუ არის უფრო დიდი გაცამტვერება, რაც დედამიწას ემუქრება ასეულათასწლის შემდგომ; თვით მზესაც — მილიონობით საუკუნის მერმე. რომელ თავისუფლებასზე მელაპარაკები ახლა, რომელ ბედნიერებაზე?! — შეყოვნდება წამიერად, როცა სავესე სირჩას წვალებას დაეუწყებ ნერვიულად, თითქოს ჩემს პასუხს ელისო, თითქოს ჩემს შეხმინებას უცდისო, რათა კვლავაც მეტი ცეცხლით დამნაცროს.

ვისარგებლებ ამ პაუზით და უკვე დაუფარავი სიჭიუტით შევუტევ:

— ეს ხომ ნიხილიზმია იროდი, ბატონო?! არახალა: არარაი არარაობად მიიქცევი; თუმცა ადამიანს, რომც გაცნობიერებული ხქონდეს საკუთარი სახვალიო თუ საზეგისო აღსასრული, მოყვასისადმი თავდადება გადააქცევს ღმერთის ტოლფასად, და იგი ამითაც ბედნიერია, თუნდაც ვერავენ გაიგოს მისი საყოველთაო თავგანწირვა. ადამიანურის ბუნების კანონებთან გაიგივება ტოლობას არ ექვემდებარება. შეუძლებელია მათი გაწონასწორება. მაშ, ტყუილად ბრძანებს პოეტი, ბოროტსა სძლია კეთილმან, არსება მისი გრძელიაო?

— სძლიაო ამბობს და არა მოსპოო. „სძლია“ განადგურებას როდი გულის-ხმობს, არამედ დაქვემდებარებას მიანიშნებს. ბუნებაში შეუძლებელია განსხვავებული ოდენობით არსებობდეს სიკეთე და ბოროტება. შეუძლებელია მეტნაკლებობით არსებობდეს სინათლე და სიბნელე; ასევე — დადებითი და უარყოფითი განწყობილება. ყველაფერი მათ ურთიერთდამოკიდებულებაზე ხკილია: საითკენაც მეტი გადახრებია, ცხოვრებაც იმნაირი გვერგუნება. როგორ გგონია, ადამიანი გაექცევა ბუნებას თუნდაც იოტისოდენად? ისიც ბუნებაა, ბაბაგე, ოლონდაც უფრო ჭკვიანურად და მომჭირნობით ნაშენები. ბუნებამ ამოტყორცნა შეგნების ამ სიმალღეზე და ბუნებასვე უბრუნდება.

— მაგრამ არა კაცობრიობა.

— ართ ბზინგ დო აფხაშ რენა, ჰო, ერთი ჯურისანი არიან. კაცობრიობაც იგივე ბუნებაა, ბაბაგე. მხოლოდ უცვლელ კანონზე შეიძლება ითქვას: თავბოლოშეკრულიაო, ერთსა და იმავეს რომ ჩმახავს, არღვეს და ისევ აკოწიწებს. ამ საქმეში ღმერთის ხელი ვერ ჩაერეოდა, რომ არა ჩვენი უსუსურობა. ღმერთი მხოლოდ სიკეთის შემოქმედი ძალა თუ არის, მაშინ მის გარშემო მარტოკა უკვდავება, თავისუფლება და ბედნიერება ისადგურებდა და არა იმნაირად, როგორც თქვენს წიგნებში ითითხნება; არც მანცდამანც უბედურების სათავეა იგი, მონობისა და სიკვდილის, თუმცა ამ ორ ძალას თავბოლოს თუ შეუკრავ, ყველა კითხვაზე მიიღებ პასუხს და ვინაიდან ამისთანა სიდიდის წარმოდგენა აღემატება კოლოსხელა ჩვენს გონებას, ვირთხასავით ვაცეცებთ თვალებს და სიხარულისგან ვკუნტრუშებთ. რაიმე თვალწინმდებარეს შუბლით თუ დავეჯახეთ, „ჩემიაო“ ვიძახით; „ჩემიაო“ ვიფხრიწებით, იმ მიწის ნაგლეჯზე, რომელიც შემადგენელი ნაწილაკია, ნაფლეთია უფრო ვრცელის. „არა, ჩემიაო“, გექიშება სხვა ამ სიდიდეზე და საკუთარი უბრუნველობა რომ შეინარჩუნო, პირში ქვას ჩრი, ჩაქოლავ, როგორ და რანაირადაც მოგიხერხდება. ის, რაც საკუთარ მონაპოვრად მიგიჩნევი, ბაბაგე, არც შენია სინამდვილეში, არც — სხვისი, არამედ უფრო მორჭმული ბატონ-პატრონი ხყავს, და ისიც საკითხავია, როდემდეა ამ სიმდიდრის მესაკუთრე. შედარებით მოკრძალებულნი ვყოფილიყვით, ვიტყოდით: დროებით სარგებლობაში მოგვცემია ყველაფერიო.

ერთი რეალობაც უნდა გავაცხადო, ვახტანგ, ძვირფასო, ზემოთ აღმინიშნავს, რომ იროდი სართანის თანამეცხედრე მეგრულად მუსაიფობს, რუსისთვის დამახასიათებელი აქცენტით-მეთქი. სატანჯოელი ტყაჩუ კი მიერეკება და მიერეკება ძირძველი მეგრულით. მე მასთან, მრავალ სადღეღამისო საუბრისას, აქამდეც, წლების მიღმაც, ორი ღერი სალიტერატურო ქართული ვერაფრით მომიხელთებია, მით უმეტეს ამწუთას, როდესაც მჭევრმეტყველური განწყობილებითაა დამუხტული. იროდი სართანის ნამეტყველები ვალიკო მესხიასთან ორკვირიანი ურთიერთობის შემდგომ ამომტივტივებია, წვალება-წვალებით მოვქართულე და ნახევრად ველური ხალხის რაფინირებული მსჯელობანი ხელოვნური თუ მოგეჩვენებათ, ყოველივე შენი შენი მორდილის, შენი

ნათლული გიორგის, ნათარგმანებია. ასე რომ, ამიერიდან მაინც ნუ გაიკვირვებ იროდი სართანი-ასგან წელგამართულ ფრაზებს:

— სხეულიდან დაწყებული, ბაბაგე, ბუნების მთელი ავლადიდება ადამიანშია მოქცეული შეკუმშვისა და შემჭიდროვების ხარჯზე. ნიადაგ დაოთხილი რაჟამს ბუნაგთან მიმწყდელი დათვივით ზე აღიმართა, ყველაფერი გადაუადგილდა მას. განსაკუთრებით თავის ქალა, ტვინის ნაჭუჭი. ადამიანი შეკრულ წრესავითაა. სხვათა შორის ამ სამყაროში შინაარსით, ყველაფერი წრიული აღნაგობისაა, შენი თავისუფლება-ბედნიერებაც უკვდავებიანად. ის, რაც არ იკვრება იმ წერტილთან, საიდანაც აღმოცენებულა, უმიზნოდ იფლანგება და ამისთვისაც გვეჩვენება სასრულად. ადამიანი ხომ ბუნებაში მზამზარეულად არსებულს აღმოაჩენს ხოლმე და მოიხმარს მომჭირნეობით თუ დარდიმანდულად. აქ მთავარი კი მაინც კუჭია. კუჭი აიძულებს ვეშაპს, ზვიგენს პირი ფართოდ გააღოს. კუჭი აიძულებს ვეფხვს საკუთარ სხეულზე ხუთჯერ მეტი კამარა შეკრას და კუჭი დააძუნძულებს მგლების ხროვას ათეულობით კილომეტრს. კუჭი აიძულებს ადამიანსაც „ჩემიაო“ დაიძახოს, „ჩემიაო“ დაეღიროს. თავიდან ამ უკუჩრეული კუჭისგან ქვას წამოავლო ხელი ადამიანმა და შეუქნია მაღალი ხის ნაყოფს, მაგრამ როცა მიზანი გაუცუდდა, და ის ქვაც სადღაც უფსკრულში გადაეხაფრა, რა მოიმოქმედოს ახლა? ისევ ახალი ქვა მოიძია, ისიც ამგვარადვე დაეკარგა და ძეხორციელი ნელ-ნელა მიდის ქვის დატყვევების შეგნებამდე. ქვის დატყვევება კი მისი დაგრძელებაა იმ ტოტამდე, რომლისგანაც მწიფე ნაყოფი ველარაფრით მოუწყვვტია. დააგრძელა, ბატონო, ჯოხს მიაბა, მაგრამ ზამთრობით, როცა ხეს ნაყოფი ჩამოსცვენია, პირის დაღება კი კვლავაც აუცილებელია: რა მოიმოქმედოს, როგორ დააგრძელოს ეს ქვა ნადირამდე, რომელიც თავად ცდილობს ადამიანის მოხელთებას, მისივე კუჭის კარნახით?! და აქ იბადება ჯოხს გამობმული ქვის ტრაექტორია, იბადება მიმართულების იდეა. ეს კიდევ ათასი წახნავით იხვეწება საუკუნეთა ჯოგში და ჩნდება აზრი ისრის გამტყორცნი ძალის საჭიროებაზე: ორი ჯოხიდან ერთ-ერთი მოიღუნება და შქვილი, ანუ მოჭიმულის ღონე წაასწრაფებს გალარულ საგანს. ასე გაჩნდება მშვილდ-ისარი. ამჯერად ადამიანი კიდევ რამდენიმე ნაბიჯით გააუსაფრთხოვებს საკუთარ სიცოცხლედაფრენილი პირის მოთხოვნილებათა დასაკმაყოფილებლად, გზაზე, მაგრამ მაღა ჭამაში მოდისო, იტყვიან და მზარდი მოთხოვნილებანი მორიგი სიახლისკენ უბიძგებს კუჭის კაპრიზებს გამობმულ გონებას. ამჯერად ორი მშვილდი მიეტყუპება ლარებით ერთმანეთს და ორი ნახევარწრისგან შეიკვრება მთელი, ნედლობაში მოჭრილ წკნელს გაუმთლიანდება თავი და ბოლო და მივალთ კიდევ ბორბლამდე, რომელიც მთვარისა და მზის აღნაგობებით აკვნიდანვე თვალწინ გვიტრიალებდა. აი, როდიდან გადალახავს ადამიანი ცხოველურობის პირველ ფაზას. ამას აქეთ სულ ამ რგოლს აციბრუტებს საკუთარი ღერძის გარშემო, ხან სფეროებს ღებულობს, ხან — ატომს და ნეიტრონს, და მის მაგიურ ძალას ვერაფრით გაქცევია, და რადაგანაც ჯოხსგამობმული ქვის მსწრაფველობა ბევრად არ განსხვავდება თავბოლოშეკრული ჯოხის მსწრაფველობისგან, საკუთარ ნახნავს თვითონვე ტკეპნის. არადა, საჭიროა სწორხაზოვანისა და სფეროსებრის შეჯვარება, რათა განსხვავებულ თვისებრიობაზე გადავიდეთ. სად ჯოხი, სად — წრე და სად კიდევ — თავისუფლებაო, დაგებადება კითხვა, ბაბაგე, მაგრამ რადაგანაც თითოეული ვილაცის შესავიწროვებლად, ვილაცის დასათრგუნად, ვილაცის დასამხოვად გამიზნული საშუალებაა დაფრენილი პირისა და გაუმძღარი კუჭის გამოისობით, სრულიად უსირცხვილოდ და სრულიად უგუნურობით, არათუ სხვისი, ლამის საარვისო საგანძური დაგვიჩემებია და არ გავიცინო ყოყოლი ღლაპების მკერდში მუშტების ბაგუნით მოპოვებულ თავისუფლებაზე, რომელიც ძველს ანგრევს და აღარც ახლის შექმნა ხელეწიფება, გაქანებული გიჟი უნდა ვიყო, „თავისუფალი“ შენებურად...

ურყევი, ვითარცა ქელქვა

ანუ

**QVO VADIS, GEORGIA —
შიდრე ხვალ, საქართველოვ?**

ჩემი შემოქმედებითი მივლინებანი სამშობლოში გოგლაობით იწყება

ოცი წლის შემდეგ ვუბრუნდები ჩემი სულიერი მამის — ილია ჭავჭავაძის ყვარლის მთებს, ორაგულის გასულსწრაფებით ვუბრუნდები აუმიღვრეველ კახეთს — ქართველი კაცის ქცევის ბარომეტრს შინ თუ გარეთ, ჭირსა თუ ლხინში და მაინც ჩემი შემოქმედებითი მივლინება სამშობლოში გოგლაობით იწყება: გაგაძეების სამასი წლის აკენიდან, მირზაანში ფიროსმანის ფერების ოაზისიდან, ხორნაბუჯის ცათამბჯენი ციტადელიდან, ელიას პეშვისტოლა ტბიდან, შირაქის ზამთრის საძოვრების ვრცეულობიდან, სადაც კავკასიური ნაგაზებით გარემოცული ორლულიანით გამოვენთები ხოლმე ლილისფერ კურდღლებს;

მე იქ, გოგოს შემადღვევ — უბატონო ქიზიყის დედოფალს;

მე იქ, ლაგოდების ნაკრძალში, თუშური ქუდით მისვამს ნამუსიანი რქაწითელი;

მე იქ, „ზავოტობაზე“ ძმადნაფიცი თემურ ჩალაბაშვილი მიხსენებია და სრული კვირა დავუტყვევებვართ ჯაგარ კახელებს;

მე იქ, ბატონი ლადო მრელაშვილის იყალთოელი ბიჭები შემომფეთებთან ღობე-ყორეში მომავლის იმედად;

მე იქ, დიდი ნიკო ყოჩიაშვილის ალაზნის ველის სიხასხასეს მოვუნუსხივარ და კამბეჩოვანის მოთენთილობა გადამდებია;

მე იქ, სულიკო პავლიაშვილის კაკაბეთში მთისხელა ქვევრების ბუჭბუყისათვის მიმიყურადებია დიდდა ანას თითისტარის მოუსვენრობის ფონზე;

და მაინც, ნამდვილ საქართველოსკენ ჩემი შემობრუნება, ბავშვივით მიხარია, გოგლაობით რომ იწყება.

ადრეც მიფიქრია გიორგი ლეონიძის ფენომენზე. მისი ფერწერული სულის მდულარებას განსაკუთრებული სიმძაფრით წარმოაჩენს თენგიზ აბულაძის „ნატურის ხე“.

დიახ, ფერწერული, სკულპტურასავით ნაძერწია გიორგი ლეონიძის პოეტური ხედვა, ბალადათა მიმართება ლექსის მშენებლობისას და მაინც „ყოვალის პაემანი“ განსხვავებულია, ღვთაებრივ რემინისცენციათა ბაჯალლო პირამო. ჭეშმარიტი ხელოვანის სიტყვაკაზმულ თხზულებას ოდეს ასევე მაღალი რანგის კინემატოგრაფის ხელი შეეხება, მყისვე გაყოველთავდება ხოლმე აქამდისაც გენიალური ქმნილება.

ასე იყო აკუტაგავასა და კუროსავას თანამშრომლობა „უსიერ ტყეშითა“ და „რასომინით“; ასეთი გახლდათ ჭაბუა ამირეჯიბისა და გიგა ლორთქიფანიძის შემოქმედებითი ტანდემურობა „დათა თუთაშხიათი“; ასეთნაირადვე დაანათესავებს გიორგი ლეონიძისა და თენგიზ აბულაძის „ნატურის ხეს“ მათი კინემატოგრაფული ლაბორატორია.

მე, აი, ახლახან, გუშინ თუ გუშინწინ, დავძობილებვარ მსცოვან სტილისტს, აწ ნეტარხსენებულ დიმიტრი გულისაშვილს, რომელსაც თავის დროზე „ნატურის ხესათვის“ ურედაქტორებია. სიტყვათმშენებლობის მეტრს მრავალი იღუმალება გაუზიარებია ჩემთვის ვერბალურ ცდომილებათა ასალაგმავად და მაინც მესაედ, მეათასედ, „ყოვალის პაემანს“ ვუკირაკიტებ, ყივალის ათასწლოვან აღსარებას, ყივალის სულის შემადრწუნებელ მედიტაციას:

**ყორღანებიდან გნოლი აფრინდა,
ყაბარდოს გელი გადაიარა,
ისეგ აღგსდექი!
მუხრანის ბოლოს
ჩასაფრებული ვსინჯავ იარაღს.**

**ქსანზედ, არაგზედ ისეგ სეგავიან
ხოდაბუნები თავთუნებისა,
შენი ტუჩები ისე ტკბილია,
როგორც ბადაგი დადუღებისას.**

**ხოხობას გნახე მიწურვილ იყო
როცა ზაფხული რუსთაგელისა,
ნეტამც ბადაგი არ დაქელია
და იმ დღეს ხმალი არ აქელია!**

**ტრამალ და ტრამალ გამოგედევნე,
შემოგამტყერე გზები ტრიალი,
მცხეთას ვუმტყერიე საკეტურები,
ვლევწე ტაძრები კელაბტრიანი!**

**მაგრამ თვითონაც დაილეწება,
დაბადებულა ვინც კი ყიფჩაღად,
მუხარადიანს შენს ქმარს შემოგხვდი,
თავი შუაზე გადამიჩნა!**

**მთდი, მთმხვიე ხელი ჭრილობას,
გვლარა გხედავ, სისხლით ვიცლები...
როგორც საძროხე ქვებს თხშიგარი,
ქართლის ხეობებს ასდით ნისლები.**

**მთდი!
გეპახნი ათას წლის მერე,
დამნაცროს ელვამ შენი ტანისა;
გარდის ფურცლობის ნიშანი არი
და დრო ახალი პაემანისა!..**

ეს ლექსი 1928 წლით თარიღდება.
ამ დროისათვის უკვე არსებობს ყიფჩაღის თემატიკაზე „მუხრანული“, ოდეს ცოლ-ქმარს გადამ-
თიელი აეტორღილება — დავით მეფისგან წვეული დამხმარე ძალა:
წყალს მოითხოვს და დაამწყურვალებენ,
პურს მოითხოვს და დააპურებენ;
ღვინოს მოითხოვს და ასმევენ;
ქალს მოითხოვს და აქ გაუბედითდება სურვილების ქორო თავხედს.
ან კი ცოლს როგორ დაუთმობდა ვაჟკაცი თავნება მოძალადეს?
ხალხური ლექსით ქართველი ფალავანი ფლეგმა გამოდის, ურემი შეშით ძლივს რომ გათარან-
დება. სანამ ყიფჩაღი გიშრის თმაში არ წვდება მის დედაკაცს და ტუჩებს არ დაუკოცნის, თანამეც-
ხედრეს გული აღარ აუხანძრდება;
ხოდა, რაჟამს დიაცი შესძახებს: ვაი, ცოლს ცუდის ქმრისასაო, აღენთება მამრი, გასჭრის კაცსა და
ცხენს □და არა პირიქით, როგორც ეს დედანშია, ხმლის წვერს ქვიშას უწვდენს; აქეთ ქართველი
მხედარი კვდება, იქით — მოხლომილი ყიფჩაღი, ქალი კი წავა სხვისას □და არა ძმისას, როგორც ამას

ქართველი ქალის რეპუტაციის შესანარჩუნებლად ვაშალაშინებთ ხოლმე ზოგ რედაქციაში). დიას, წავა სხვისას, ვინაიდან დახარბებული ყოფილიცა და მეპატრონე ქმარიც, ორნივე უღირსია მისი გოროზი კდემამოსილებსა.

დიდი გიორგი ლეონიძის ეპიკურ სულს ვეღარაფრით შეეხებოდა აკუტაგავას ჩინებული ნოველა „უსიერ ტყეში“, მით უფრო — კუროსავას „რასომინი“, რომელიც ლამის რევოლუციურია ანალიტიკური ფსიქოლოგიის თუ ობიექტური რეალიზმის უგულვებელყოფის თვალსაზრისით.

ეს თემა არსებულთან შედარებით მეტ სივრცეს მოითხოვს და აქ ოდენ ვიტყვი იმას, რომ „მუხრანულითა“ და „ყოფილის პაემანით“ დანახულია მოვლენის მრავალპრიზმული გადმოცემის პერსპექტივა.

ნოველა „უსიერ ტყეში“ ჩვენი შემთხვევის იდენტურია.

ულრანში სამურაის □მეფის ჯარისკაცი) ცოლი მიხყავს ცხენზე ამხედრებული, რომელიც კოლიზიის თვისებისამებრ ყაჩაღს შეეფეთება.

დიახაც, ქალის ნიადაგზე გაიმართება ხელჩართული ბრძოლა და გაკოჭილი სამურაის თვალწინ ყაჩაღი ნამუსს ახდის ავაზასავით მოხელთებულ დედაკაცს. მაგრამ დატრიალებული სცენის მთავარი მუხტი სხვა გახლავთ, ვინაიდან არაორდინალურია გარდახდილი ამბის მოწოდების წახნაგები სასამართლოზე: ყაჩაღი, დედაკაცი, სიტუაციას შესწრებული გლეხი თუ თავად სამურაის სული, ლამის ურთიერთგამომრიცხავად გადმოსცემენ გარდასულ, ერთ კონკრეტულ სინამდვილეს.

საქმე ის არის, რომ ამ მიკროტრაგედიის თითოეული პერსონაჟი თავის სასარგებლოდ ასურათ-ხატებს ვითარებას, როგორც ეს ბიბლიის კარიბჭიდან გვეუწყება: რა დროს ხეცნობადის ნაყოფნა-ჭამ ადამიანს უფალი გამოეცხადება, ეს უკანასკნელი ქალს გადააბრალებს ცდუნებას, ხოლო თავად ევა — დამარცხებულ სათანაელს, ეშმაკეულ ძალას.

დასტურ, თითოეული სუბიექტურად, მიკერძობით აპროექტებს სინამდვილეში ობიექტურად მომხდარ ამბავს.

ქალის თქმით, როდესაც გაკოჭილი ქმრის თვალწინ ნამუსსახდილია იგი, მამაკაცებს შესთავაზებს ორთაბრძოლაში გაარკვიონ უპირატესობა: ვინც გამარჯვებული დარჩება, შეურაცხყოფილი ქალიც იმას გახყვება ცოლად და თავდაჯერებული მტკიცებით, დიახაც, ყაჩაღს შემოკვდომია მოძალადისაგან ვერდამცავი მეუღლე;

ყაჩაღის მონათხრობით სამურაის მკვლელი ბუნებაში არ იძებნება, რადგანაც დიაცი წუთიერად გამარჯვებულ მოძალადეს ამჯობინებს საუკუნო თანამეცხედრეს. ყაჩაღი წიხლისკვრით მიადებს ქალს ბამბუკის კოჭებთან, ბორკილს შეუხსნის მეტოქეს და თავისუფლებას მიანიჭებს;

ხოლო სამურაის მონაყოლით, დედაკაცის მოღალატური საქციელის შემხედვარეს, თვითონვე მოუსწრაფებია სიცოცხლე;

არის მეოთხე მთხრობელი, უსიერში გატრუნული გლეხი, ვითომცდა ობიექტური სინამდვილის დამადასტურებელი განზომილება, თუმცაღა მას სამურაის ცოლის დანა აღმოაჩნდება კუროსავას „რასომინის“ მიხედვით და აქაც განქარდება სიწრფელის მომენტი.

როგორც ჩანს, პოეტური სიდიადის წყალობით თუ იგივე უფლის ძალისხმევით, დამოუკიდებლად მისულან ლეონიძე და აკუტაგავა ლამის თანაზომიერ მსოფლგანცდამდე, რომ შეუძლებელია ზედმიწევნით მართალი იყოს მოვლენის მხოლოდ ერთი მხარე და მეორეს იოტისოდენადაც არ მოეპოვებოდეს ზეციურთან პირის გასამართლებელი მოტივაციები.

ქართველი მხედარი გულგრილია თავისი ქალბატონის მშვენიერებისადმი, ვინაიდან მეპატრონეა, მფლობელი, საგანძურის სრული ხელმწიფე, ამიტომაც ჭირს მისი აფეთქება, ამჟინვარება, როცა ყოფილი დანატრებულია ამ წყაროს, მშვიერი და მწყურვალა ბადაგივით ნეტარი მდედრის სიშორე-მიუწვდომლობით.

მოვლენის განსხვავებული რაკურსით წარმოჩენა, ვგონებ, დიდი გოგლას შემოქმედებიდან საფუძვლიანდება არა მხოლოდ ქართულ პოეზიაში. დასასრულს, კვლავაც ავმჩატებდი ყმაწვილური გახელებით, კვლავაც ოცი წლის წინანდელი სიფიცხით მივეახლები სულიერი მამის — დიდი ილიას საუფლოს — ჩემს აუღმღრველ კახეთს, ჩვენი ურყევობისა და ძელქვასავით უდრეკლობის გარანტს დროსა და სივრცეში; და მაინც, ჩემი შემოქმედებითი მივლინება სამშობლოში გოგლაობით იწყება.

მაჟორიტარული საქართველოს აბოლოგია (1)

ოთხმოციანი წლების მიწურულიდანვე თუკი რაიმემ დაღუპა ჩვენი ქვეყანა, — კომპარტიის

ერთმანობის დასაქცევად მრავალპარტიულობის, პლურალიზმის, იგივე მრავალმანობის აგორება გახლდათ, როგორც ერთპიროვნული მმართველობის წესის გადაგდების, დამხობის, გაცამტვერების ღონე-სახსარი, საშუალება. და კიდევ წარმატებულად განხორციელდა საბჭოეთის დაშლა კაპიტალისტური ძალისხმევითა და მეხუთე კოლონის შიდაარსობრივი კაოალიციით, თუმცა შემდგომ და შემდგომ ლამის ათი წელიწადი პოსტსაბჭოური სივრცე ამ ხვედრდევან გადატრიალებაში მომქმედი იარაღის გადაგდებას რომ არ აპირებს — მართლაც სიბეცე, გონდახშულობა მგონია.

მრავალპარტიულობის, დაქსაქსვის, დასინდიყების თეორიამ გაიმარჯვა ჩვენს სინამდვილეში ფრიად შთამბეჭდავი შედეგებით, მაგრამ გაუგებარია, ამიერიდან, ცხოვრების სრულიად ახალი და უცნობი სივრცის გამოჩენის მხარდამხარ, რატომ, რისთვის არ მოვიმარჯვებთ ჩვენი სოციალურ-ეკონომიკური გარემოსათვის შესაფერის პოლიტიკურ მიმართულებას?

განა შესაძლებელია მონოპარტიული წეს-წყობილების დასამხობად ამორჩეული მრავალპარტიულობის მეთოდი ცხოვრების აღმშენებლობის ინსტრუმენტადაც გამოგვადგეს, როგორც ეს ამ ხვედრდევან გადატრიალებაში „წაგვშველებია?!“

ეს იგივეა, რაც საფლობიდან ოჩოფეხებით გამოღწეულმა, გვერდი აუარო ყურესთან მიბმულ ნავეებს, ორჩხომელურებს და ოლექკანდრეთ, თვინიერად მომლოდინე ბორანს. თუნდაც, დაშვებული ორთაყვრებით და იგივე ობოხუებით — ოჩოფეხებით განაგრძო მსვლელობა პელაგონ მდინარეობაში.

მრავალპარტიულობის ფილოსოფია, მისი არსი, კომუნისტური იდეოლოგიის დამსხვრევის, მოშლის, იარვაქმნის — მეთოდი-ტაქტიკა-ხერხი გახლდათ პოლიტიკური სარბიელის მოსაპოვებლად და არავითარ შემთხვევაში შემდგომი მოქმედების სტრატეგია, მშვიდობიანი ცხოვრების, თანაარსებობის ნიშანი.

ამიტომაც გადაჭრით შეიძლება დავასკვნათ, რომ ჩვენ ათი წელიწადია არამართლზომიერი ინერციით მივუყვებით იმ ბრძოლებისათვის დამახასიათებელი საჭირო ინსტრუმენტების ჟღარუნს, არ შეგვიცვლია ჩვენი ვითარებისათვის სათანადო და აუცილებელი იარაღის არსენალი, კვლავაც ცთომილი, თავის დროზე საჭირო, მაგრამ აწ სრულიად გამოუსადეგარი, სრულიად უპერსპექტივო პოლიტიკური აბჯრით ვაპირებთ საკუთარი თავის გადახტომას.

ამისთანა ვითარებაში გამორიცხულია რაიმე სალტო-მორტალე, რაიმე ჯადოქრული ღონისძიების გატარება, ვინაიდან სიტუაცია სრულიად რეალურია და მისთვის დამახასიათებელი პრობლემებიც ამ ვითარებისათვის ნიშანდობლივი მეთოდებით უნდა გადაიჭრას.

დასრულებულია კომუნისტური იდეოლოგიის დამხობის ხანა მრავალპარტიული, გათიშულობის, დანაწევრების, გათითოკაცების მეშვეობით.

ამიერიდან ძმათამკვლელი ომები, შიდააშლილობის, ბელიუმების, ურთიერთდაპირისპირების სინდრომის სალიკვიდაციოდ საჭიროა გლობალური სინთეზის პროცესის დაწყება ანუ რამდენიმე ასეული პოლიტპარტიის, პოლიტპლატფორმისა და პოლიტმოძრაობის დაყვანა ორ-სამ გამსხვილებულ, მართლზომიერ ერთეულამდე.

სხვანაირად კომედის სიტუაციაში ვართ: დემოკრატიული საზოგადოების ზედმიწევნით აშენებას ვაპირებთ ანტიდემოკრატიული მეთოდებით — პოლიტიკური დიალოგის მაგივრად შაითანის ბაზარის მდგომარეობაა, როცა დედას ბავშვი ხელში ვერ აუყვანია, მაგრამ ადრე თუ გვიან, ყველაფერს აქვს დასასრული და ამ ბაქანალიიდან გამოსულის პირველ ნაბიჯად ისევ და ისევ ქვეყნის პრეზიდენტისაგან მოქალაქეთა კავშირის დატოვება წარმომესახება.

პარლამენტის მუშაობას ლამის ათი წელიწადია თვალს მივადევნებ სხდომათა დარბაზის ქანდარიდან.

ამ საჭვრეტელიდან გაცილებით გამჭვირვალედ ხელისგულზე ამოზრდილა ჩემს წინაშე ქართული პოლიტიკის მელოდრამა თუ ტრაგიკომედია.

ფეშენებელურ დარბაზში ძალთა შესაბამისად განაწილებულია სივრცე პოლიტიკური ომახისა-ნობისათვის თუ სულაც პიროვნული ამბიციურობის მოსახვეჭად.

უკეთეს სპექტაკლს ვერც იხილავს ძეხორციელის მზერა.

მიდის გაქანებული ჯგუფ-ჯგუფური საუბრები, გადალაპარაკებანი, რეპლიკები, პირადული შუღლის თუ პარტიული ვნებათაღელვის დემონსტრირება მთელი სიგრძე-სიგანით, როცა სამაჩაბლო და აფხაზეთი წართმეულია, კორუფციამ მოსრა სრულიად საქართველო, დაუცველია ჩვენი საზღვრები და კონტრაბანდულმა საქონელმა ლამის სული ამოხადოს ჩვენს ეროვნულ მეწარმეობას.

ქვეყნის პრეზიდენტის „მოქალაქეთა კავშირიდან“ გამოსვლა ამ პროცესის დამუხრუჭების უმთავრეს წინაპრებად წარმომესახება. დარწმუნებული ვარ, როგორც ჩემი ერთი კოლეგა წერდა: პრეზიდენტი, დირიჟორის მსგავსად, დადგება პულტთან და პირველივე მოძრაობით ხარმონიაში მოიყვანს წესით, ჭრელზე ჭრელი ჩვენი პოლიტიკური სპექტრის ორკესტრის რეპეტიციას.

აქ მოსალოდნელია ძალთა არსებითი გადაჯგუფება.

თხუთმეტი საყვირი შესაძლოა ერთამდე დავიდეს და თანაც სპექტაკლის შუაწელში ამოაღებინონ ხმა.

აქ გამორიცხული არ არის დაფდაფების ბაგა-ბუგი წარმოდგენის დასკვნითი ნაწილისათვის გადანიხონ და მეტი გასაქანი მიეცეთ ვიოლინოებს, ჩელოებს თუ ტრომბონებს ხობოების თანხლებით.

აქ სავარაუდებელია მაჟორული ბგერების გაძლიერება აქამდე გაბატონებული ნიხილისტური მინორისა და უნუგეშობის სინდრომის დასაძლევად.

დარწმუნებული ვარ, პრეზიდენტს ზედმიწევნით გაუცნობიერებია დირიჟორის უფლება-მოვალეობა ქართული პოლიტიკის ორკესტრის გასაწონასწორებლად.

უხვპარტიულობამ კატასტროფამდე რომ მიიყვანა ჩვენი სამშობლო ამ მიმართების დროზე შეუჩერებლობის გამო, აშკარაზე აშკარაა.

ქვეყნის ინტერესები გრანდიოზული მასშტაბით შეიწირა აღმშენებლობითი სულისკვეთებისათვის გამოუსადეგარმა, ე.წ. პოლიტიკურმა მრავალხმიანობამ, რომელსაც წამითაც არ ახლავს რაიმე ხარმონიის თუ პოლიფონიის ნატამალი;

ყაყანია გარშემო, გნიასი, ბაბანი და ქანდარიდან მოყურიადე მწერლის თვალი თუ ამჩნევდა ყოველივეს წლების მანძილზე, ბუნებრივია, თავად ამ ორკესტრის შემოქმედი უკეთ ხედავს მის მონოლოთურ სხეულად დარეგულირების გზებს და ხერხებს.

აღარ გამოვედგენები იმ რეალობასაც, თუ რას ნიშნავს დღეს ჩვენთვის პოლიტიკური თავისუფლება, ანუ ყოველ დიპლომატს თუ სერთიფიკატის მქონეს რომ გაეხსნა გზა პარტიის ჩამოსაყალიბებლად, პოლიტიკური ასპარეზისათვის შეუფერხებელი სივრცის შესაქმნელად, უწინარესად, მერკანტილური მიზნების განხორციელებისათვის და არავითარ შემთხვევაში საქართველოს ხვალისდელი ნათელი დღის სასარგებლოდ.

ამიტომაც პრეზიდენტის „მოქალაქეთა კავშირიდან“ განდგომის ფაქტს ვერანაირად დაეტოვება იუსტიციის მინისტრის ოთხშაბათისეული იგივე ნაბიჯი ვაკეში გასაჩაღებელი მაჟორიტარული არჩევნების წიკიზე. სააკაშვილი საკუთარ პოლიტიკურ ამბიციებზე მაღლა ქვეყნის ინტერესებს თუ დააყენებდა, მაშინ წესით, მთავრობის ამ შაბათის სხდომას უნდა დალოდებოდა და იქ გამოეხატა თავისი პლატფორმა მაჟორიტარული პორტფელის საზიანოდ, ანუ ნულიდან დაეწყო ათვლის წერტილი პოლიტიკურ სარბიელზე, თუმცა იუსტიციის მინისტრს არ ეყო პოლიტიკური ნება ასე მოქცეულიყო.

წერილს შემთხვევით არ ვუწოდებ სათაურად „მაჟორიტარული საქართველოს აპოლიგია“.

პრეზიდენტმა დატოვა „მოქალაქეთა კავშირი“, ზურგი შეაქცია უმრავლესობის მონომარტველობას, რომლის მსგავსმა პრაქტიკამ სამოცდაათი წლის მანძილზე სისხლი გამოსწოვა ჩვენს სამშობლოს საბჭოეთის სივრცედ წოდებულ ასობით ხალხთან ერთად.

არჩევნების პერიოდში საქართველოში პოლიტიკური ციებ-ცხელება არახალია. მაგრამ ისიც ნათელია, რომ ძლიერი პარტია აკრძალული ხერხებით იოლად გადალახავს ხოლმე წინმომლოდინე ბარიერებს.

ნებისმიერ პარტიას დღეს თითო-ოროლას გარდა, ძნელად თუ მოეძებნება საპარლამენტო რეიტინგის ლიდერი.

გნებავთ „მოქალაქეთა კავშირს“, „აღორძინებას“, „მრეწველთა კავშირს“, „ეროვნულ-დემოკრატიებს“ და ასე შემდეგ, პირველიდან ორასამდე.

შვიდპროცენტიანი ბარიერიც ამისი თვალსაჩინო ლაკმუსი გახლდათ.

გადალახა ზღუდე თითო-ოროლამ და პოლიტიკური ენერგიით დატუმბულ ლოკომოტივებს ავტომატურად მიხვდა მთელი შემადგენლობა ცარიელი ვაგონების ჯარჯარით.

პოლიტიკური, პარტიული მიდგომები ქართველი ხალხის უკიდურესობამდე ავსებული მოთმინების ფილას გასაწონასწორებლად სრულიად უსაგნური გამოდგა, ვინიდან ამ პოლიტიკურ ერთობას არ გააჩნია კონკრეტული მრევლი; ისინი აბსტრაქტულად უმზერენ კონკრეტულ პრობლემებს; კაბინეტში, ფიჭური ტელეფონებით და სადერეფნო საუბრებით იგვარებენ საკუთარ საარსებო სივრცეებს ხალხის ინტერესების იგნორირების ხარჯზე. ეგრე რომ არა ათეულ მილიონობით ინვესტიცი-

ით ხელგამართულ საქართველოს არ უნდა დატყობოდა სიკეთის ნიშატი? რაღაც იმედისმომცემად მაინც როგორ არ უნდა შემსუბუქებოდა მშრომელ კაცს, პენსიონერს, შიმშილის ზღვრამდე მისულ მოსახლეობას? თუმცა აქ პასუხი ცალსახაა. ეს კრედიტები, ეს ინვესტიციები, რამდენიმე ასეული პოლიტიკანის ჭამაში მოსულ მადას შეეწირა და აწი გვიანია მკერდში მუშტების ბაგუნი. მუქთად ნაშოვნი თანხები გადასროლილია უცხოეთის ბანკებში, ან სრა-სახლებია აშენებული მისით წყნეთის თუ პრესტიჟული კურორტების მისადგომებთან. მეტიც, უკვე იწყება ხალხის ცხოვრების ასაღორძინებლად შემოსული სახსრების პროცენტების პწკენები ქვეყნის ბიუჯეტის მისამართით, რომელიც ხვალ-ზეგ ჯგვლემასა და წიხლისკვრაში გადაიზრდება უეჭველად.

ამისთანა ვითარებაში სრულიად კანონზომიერია პრეზიდენტის განდგომა მმართველ ძალად გადაქცეულ „მოქალაქეთა კავშირიდან“, და, საერთოდ, დღეს პარლამენტში არსებულ პოლიტპარტიათა კოკობზიკობისადმი პრეზიდენტის წინაშე, ვინაიდან გვითქვამს და ვიმეორებთ: პარტიული სიით გასულ დეპუტატებს არ გააჩნიათ მოქმედების ზუსტი მისამართი, არ მოეპოვებათ სოციალური სივრცე თავიანთ ენერჯის და ნების გამოსახატავად; ისინი აბსტრაქტულად, პარტიული მსოფლმხედველობით, ზოგადის, ერთმთლიანის პოზიციიდან აფასებენ სრულიად კონკრეტულ და სადღეისო პრობლემებს. ამიტომაც გული მიგრძნობს და მეიმედება, რომ ქვეყნის პრეზიდენტის წამოსვლა „მოქ- კავშირის“ თავმჯდომარეობიდან უნდა მოასწავებდეს ტაქტიკის შეცვლას ქვეყნის შიდაარსობრივი წარმართვის თვალსაზრისით, სადაც მამოძრავებელი მუხტი პრაქტიციზშია, პრაგმატიზმი, ყოველდღიური თანამშრომლობა არსებულ სინამდვილესთან. ამისთანა ძალა კი ჩვენში მაჟორიტარული საქართველოა.

ბელეტრისტული მათიანე „სუფევის“ ოცწლიანი შეკოწიწების გზაზე საქართველოში არათუ რეგიონი, ორლობე, კუთხე-კუჭულიც კი არ დამჩენია თვალშეუვლები, სასაუბროდ მოხელთება თუ ვერა.

კახეთს რომ გვალვა ახრიოკებდა, ქართლს კონტრაბანდის ეშელონები მუსრავდა, იმერეთს ბლოკირების მარწუხები თანგავდა, გურიას უგზოობის ყულფი უჭერდა ყულში და სამეგრელოს — ნიველიერების მოურჩენელი ბაცილა, მე ცოტა დამინახავს იქ პარტიულ სავარძლებში განებივრებული კუთხის შვილი; თუკი თვალი შემისწრია ზოგიერთისთვის, რაღაც ეფემერული ღონისძიების მონაწილესათვის, რომელიც დილით ჩამოსტუმრდება და საღამოსთვის უკვე გულა-ნაბადს აიკრავს: იხილავდნენ ადგილებზე არსებულ პრობლემებს, დასახავდნენ მისი განეიტრალების, გადაჭრის მეთოდებს და გვარიანად დაპურებულნი გაუტევენ გზას დედაქალაქისაკენ. ეს სურათი, ეს სინამდვილე მეტნაკლებად დამახასიათებელი გახლდათ ნებისმიერი მხარისათვის.

ისევ და ისევ მაჟორიტარი შერჩენოდა ყოველდღიურ ჭირ-ვარამს თავისი ხალხისას; მეტად თუ ნაკლებად ახერხებდა იმ უმცირესის გაღებას, რაც მის შესაძლებლობებს ექვემდებარებოდა.

ამ ათწლიანი მოძრაობის პერიოდში უამრავი დეპუტატი მიხილავს, თორნიკე ფიფიადან დაწყებული ლევან თედიაშვილით დამთავრებული, რომლებიც ქმნიდნენ მომავლის, იმედის განწყობილებას, მაგრამ საკითხში რამდენადმე ჩახედული თავს უფლებამოსილად მივიჩნევ, ორი მაჟორიტარი განსაკუთრებით გამოვყო: პირველი შედარებით ზერელედ, ვინაიდან სხვათაგან გადმოცემულის, მონაყოლის, განავონის საკუთარი თვალთ მოხილვა და მოაზრება ველარ მომისწრია სათანადოდ, ხვალინდელ-ზეგინდელი შეხვედრების საქმეა: საუბარი ეხება სენაკის მაჟორიტარს, დემურ გაღელიას.

სენაკში ჯავშანტრანსპორტიორებისთვისაც გაუვალი გზების მოკეთილშობილება ასფალტის მისეულ ქარხანას და ძალისხმევას უკავშირდება. მის სახელთანაა გაიგივებული წლობით მივიწყებული მდინარეების ჩამოკბეჩილი კალაპოტების ნაპირგამაგრებითი სამუშაოების მიმდინარეობა და კიდევ უამრავზე უამრავი, რომელიც გადამოწმებას მოითხოვს მწერლისაგან, როგორც სანიმუშო მაგალითისა.

მაგრამ სოლომონ პავლიაშვილის ცხოვრების წესი ჯერ კიდევ ჩემი ძუძუმტეს სტუდენტობის პერიოდიდან ვიცი.

ჩემი სამმო ეკონომისტების ამქარშია ჩართული.

39 წლის ასაკში დოქტორის ხარისხს მოიპოვებს.

ხუთზე მეტ მონოგრაფიას გამოსცემს უკანასკნელი ათი წლის მანძილზე. მათ შორის, ერთ-ერთი ჩემს ბიბლიოთეკასაც შეემატება — „წარმოების ეფექტიანობის მართვის კომპლექსური სისტემა საქართველოს მრეწველობაში“, რომლის რედაქტორი და რეცენზენტები ჩემი პერანგის ხალხია — რე-

ვაზ გოგოხია, დავით ძნელაძე, გიორგი მალაშხია.

მწერალთა კავშირიდან კახეთში, რომელსაც ფიგურალურად ძელქვასავით ურყევს შევარქმევ, მრავალჯერ უმეგზურია სულიკოს ჩემთვის, მაგრამ ამასწინათ საგარეჯოს მრევლის მონახულება, მათ სატიკვრებთან მისვლა და დღეების მანძილზე ნამუსიანი ურთიერთობა ამ აუმიღვრეველ ხალხთან, ერთ ჭეშმარიტებაში საბოლოოდ დამარწმუნებს — ქვეყნის პრეზიდენტი „მოქავშირიდან“ შემთხვევით არ წამოსულა. მინდა ვირწმუნო, ერთხელ და სამუდამოდ მოგვჭამს ჭირს პრობლემებისადმი ვიწრო პარტიული მიდგომები; ფართოდ გაეხსნება გზა მაჟორიტარულ საქართველოს, ანუ იმ ადამიანების დაწინაურების პრაქტიკას, რომელთათვისაც უმთავრესი კრედო საზოგადოების ყოველდღიური ჭირ-ვარამის გათავისებაა.

როგორც წესი, კვირაში სამი დღე მანც თავის ამომრჩეველთან ტრიალებს სულიკო — სოლომონ პავლიაშვილი.

კაკაბელი კაცია, დანგრეული გზები საკუთარი სახსრებით გაულარავს მშობლიურ სოფელში. პაპისეული სახლი ასაშენებელი არა აქვს. საამისოდ უცხოური ინვესტიციების ქისაში ხელს არ ჩახყოფს, რათა ეგოისტური „მოხერხებულობით“ ააწაპნოს ხალხის საკეთილდღეოდ მოპოვებულ თანხებს და წელში გაიმართოს უკაცური ხერხებით.

ყველაფრისთვის უზრუნველათ მის მშობლებს. თონესთვისაც, საარყე ქვაბისთვისაც, აბაზანისთვისაც და სავენახე თუ სასიმინდე ფართობებისთვისაც.

ტაროსიანი ამინდი თუ იხანგრძლივებს საგარეჯოში ერთი სეზონი, სამი წლის მოსავალი შეუძლია მოიჭირნახულოს და, ბუნებრივია, ამისთანა პიროვნებას, საზოგადო ინტერესებისათვის მოძიებული სახსრებისაკენ მზერა არაფრისდიდებით გაექცევა.

იმ დღეს კახეთს სტუმრები წვევია ბურგუნდიის რეგიონიდან, იუნის დეპარტამენტის გენერალური საბჭოს თანამშრომლები, კრისტიან ლევინსკი, როდინ გრიგაი და სხვები. ისინი მთელს კახეთში ხალხის წაიღში მფეთქავ შემოქმედებას ეძებენ გაფაციცებით, რათა რვავე რაიონიდან რჩეულები დააწინაურონ და 40 კაციანი ჯგუფი საფრანგეთში ჩაიყვანონ აზრთა გაცვლა-გამოცვლისათვის თუ სხვა პრაქტიკული მიზანსწრაფულობით.

მთელს საგარეჯოს შემოვივლი რამდენიმე დღეს.

მოვინახულე თანამედროვე სტანდარტების ღონეზე მოწესრიგებულ სკოლებს პატარძელში, საგარეჯოში, კაკაბეთსა თუ ჩაილურში. მათი რემონტი „სითის“ პროგრამით განხორციელებულა. სახსრები მოპოვებულია თითქოს, მაგრამ ამ ღონისძიებას 20 პროცენტით თუ ვერ დააფინანსებ ადგილობრივი ბიუჯეტიდან, წყალში ჩაყრილია ყოველივე და რადგანაც გამგეობის უნარიანი ხელმძღვანელების — ოქროთვარაძის, იმედაშვილის თუ სხვათა შემწეობით წელში გამართულან, საქმეც ბოლომდე მოგვარებულა.

ვნახავთ გომბორში, გიორგიწმინდასა და გამარჯვებაში გადებულ შვიდკილომეტრიან წყალსადენს 300 ათასი ლარის ღირებულებისას.

ვესტუმრებით არქეოლოგიურ გათხრებს კიაზო ფიცხელაურის თაოსნობითა და „ტროას“ პროგრამის სახელწოდებით.

შევივლით იორმულანლოში, სადაც ადრე თურმე ქართველები ცხვირის შეყოფას ვერ ბედავდნენ.

თათრული სოფელია იორმულანლო, ოციათასი მაცხოვრებლით, მათთვის ჩვეული ტრადიციებითა და ადათ-წესებით. მაგრამ როგორც სულიკოს სათაყვანებელი იაკობა ძია დაგვაკვლიანებს, ბოლომდე გამტანები არიან ისინი. ყონალებად ვარგისი ხალხიაო, ამას მოგვადევნებს ზურგში.

თათარიც დედის შვილიაო, უთქვამს ქართველს და შეპირებულია სულიკო ამ თემს 6 კილომეტრის დანგრეული გზის მოწესრიგებას, სადაც ბაზრობები იმართება თურმე ყოველ პარასკევსა და კვირას.

— ბატონო, სოლომონ, სულიკო ძმაო, სულიჯან, გვარიანი ხნის წინათ დათქმულ ჩვენს მუსაიფს მრავალი შემთფერხებელი ბარიერი აესვეტება გზადაგზა.

მოვიშველიებ საქართველოს მწერალთა ყრილობისათვის გამზადებული სიტყვის ფრაგმენტს:

„მეგობრებო, სადაც არის ვრცელტანიან წიგნს გავასრულებ ჩვენი მრავალათასწლოვანი ქვეყნის ბედ-იღბალზე სათაურით „სუფევა“ — (საქარ-თველოს უკვდავების ფორმულა). ეს ბოლო პერიოდი უბატონო კახეთში ვიმყოფები შემოქმედებითი მივლინებით, ძელქვასავით ურყევი კუთხის მაჩისცემას დახარბებით მიუყრადებული. კიდევ რამდენიმე თვეც და ყველა მასალა, ყველა არგუმენტი

ხელთ მექნება ჩემს ხალხთან გულახდილი დიალოგისათვის და თავისი ძვირად ღირებული დროის თუნდაც მცირე მონაკვეთს მაინც თუ გამოიმეტებს სამშობლოს ღობე-ყორეს მოდებულ მწერალ-თან სასაუბროდ, იქნებ ის დალოგი მრავლად წაადგეს, როგორც აფორიაქებულ დღევანდლობას ჩვენსას, ისე — დაწდევებულ მომავალსაც“—მეთქი. („ლს“ 10-16 ნომბერი, 2000 წ).

ამ გმირთაგმირი კუთხიდან რამდენიმე თანამედროვე პიროვნება მიიპყრობს ჩემს ყურადღებას: დიდი ტედი, ჩვენი სასიქადულო ლევან თედიაშვილი, რომელი დაუმარცხებელი ფალავანიც აფხაზეთში პროვოცირებულ და წინასწარ განწირულ ომს უყოყმანოდ მიაშურებს ბოკვერი-თურთ;

ჰამლეტ გონაშვილი — ქართული პოლიფო-ნიის შარავანდედი;

ბაუჯა — უძილაური ლეკურად — გია ქვლივიძის მემკვიდრე;

და მაჟორიტარი დეპუტატი საგარეჯოდან, მოურავებისა და სოფლის მესვეურების ჩამომავალი, სოლომონ პავლიაშვილი.

ამ რამდენიმე თვეში აურაცხელი მასალა დამილაგდება თვალწინ:

ისტორიული პერიპეტებიდან მოყოლებული, პატარა კახის ფენომენი, ხელს რომ გაკრავს ჯაჭვის პერანგს და გახვევს; აღარც 5000 ამალით შეუდრკება სპარსელების 60-ათასიან ურდოს. მხოლოდ 300 არაგველი მოიჩქარის ლოგმული მეფის საშველად, როცა ამ დროს სეირის მოყურადე მრავალი ფეოდალის მსგავსად, ზაქიჭამიდაც წოდებული მისი მემკვიდრე გიორგი XII, ნამუსიანი რქაწითელის აღმურით გაბრუებული არხეინად მინებრივრებია ჩეროვანს.

დღესაც სადავი სიტუაციაა, ვახტანგ, ძმაო, ოლონდ განსხვავებულ დროსა და სივრცეში;

საქართველოს უგვირგვინო მეფე, ილია ჭავჭავაძეც აქ არის, სამშობლოს მოღარაჯეობისათვის თუ „ქვათა დადადისათვის“ ტყვიანაკრავი უშბლით.

სამეგრელოს დედოფალს შევხედოთ, ეკატერინე ჭავჭავაძეს, კატერინას — აურაცხელ მხედრო-ონს მამაკაცურად შემოსილი რომ ეგებება სახალხო ლაშქრით ჩვენს ნალიმასთან, ომერ ფაშას ასკერების კულის ამოსაძუებლად;

საქართველოს თავისუფლებისათვის ხმალამოქარქაშებულ ქაქუცა ჩოლოყაშვილის უდრეველ სულსაც შემოიმყუდროვებს ესეისტური მატინანეს წინდებული განაკიდე „ფადას!“

ეს სიტყვა ღვთაებრივ სვანურში კოლექტიური მსვლელობაა დაბეჩავებული სამშობლოს დასახ-სნელად, აყრილი ღირსების დასაბრუნებლად; დაახლოებით იგივე, რაც უბატონო კახეთისათვის „მუმლი მუხასა“, „ლაშქრული“ — იმერ-ეთისათვის, „ქუდზე კაცი“ — ქართლისათვის, თუ სამეგრელოსათვის — „აბა, ულა“.

ზურგს უკან დარჩენილა ხორნაბუჯის ციტადელისა და ელიას ტბის მისტერია;

გაცოცხლებულია დიდი ნიკო ყოჩიაშვილისა და შირაქის ზამთრის საძოვრების მწყემსების გა-ხუნებული სახეები;

ადამიანები, ადამიანები დაგვალული ზვრებიდან, წარაფივით ურწყავი საწუთროდან;

გაგაძეების 300 წლის აკვანი და ფიროსმანის კოპწია სახლ-მუზეუმი მირზაანიდან;

კახეთის ნავთობი და ძირითადად ყურძნის წითელ ჯიშებზე ორიენტირებული „ჯი-ვი-ესი“, რომელსაც ავისმომასწავლებლად მიბმულა კონტრაბანდული სპირტით ზურგში ლახვარჩაცემული ჩვენი მევენახეობა;

სხვანი და სხვანი.

ჩვენს სიტუაციას, ძმობილო, ფიგურალურად სცილას და ქარიბდას შორის ყოფნა მიესადაგება, ანუ წინ — წყალი, უკან — მეწყერი: რა ხანია თავისუფალ, დემოკრატიულ ქვეყანას ვაშენებთ და ჯერაც ვერ გამოკვეთილა ჩვენი მაგისტრალური ორიენტაციის საკითხი:

ვისთან?

რუსეთთან?

ამერიკასთან?

ევროპასთან თუ სულაც — ჩვენთვის?!

სავიზო რეჟიმი რუსეთის ფედერაციის საელჩოსთან საქართველოში, ცოცხალ რიგებს მოამ-რავლებს დავით აღმაშენებლის 61-ში.

ამერიკა წვეთ-წვეთობით გაიღებს დახმარებებს უკიდურესად დაგვალული ჩვენი ეკონომიკის ასალორძინებლად და ამისთანა ვითარებაში ის თანხები ხალხის სასიცოცხლო ინეტერესების სანაც-ვლოდ მავანთა უძღებ მადას ანოყივრებს უმეტესწილად.

ბოლოს და ბოლოს გამოვაქვეყნებთ ოდესმე, იმ ორგანიზაციათა, იურიდიულ პირთა ნუსხას, რომელთა კისერზეა ეს წარუხოცელი საშვილიშვილო დანაშაული?!

სახელს, გვარს, ხეგელის სწავლებით, არანაირი განსაკუთრებული მნიშვნელობა ენიჭება პიროვნების მონოლითურობაში. გვარი ნაკლებად ასახავს ამა თუ იმ სუბიექტის დიაპაზონს. მაგალითისათვის, გამორჩეულია რუსის დამოკიდებულება გვარისადმი. საკმარისია ნადსმენის გვარმა „ოვ“ დაბოლოება შეიძინოს, რომ იგი შეუფერხებლად დაემგზავრება უმაღლესი ეშელონის შემადგენლობას.

გავიხსენოთ ბარათოვები, ციციანოვები, ანდრონიკოვები. ეს ტენდენცია სომხებმა დღემდე შეინარჩუნეს, ქართველებმა — ვერა. გვარის დანიშნულება, ეროვნების კონგლომერანტი, ამერიკის შეერთებულ შტატებში ფაქტობრივად იგნორირებულია, ვინაიდან იქ ყველა ამერიკის მოქალაქეა განურჩევლად ისტორიული მემკვიდრეობისა, ნაციონალობისა. ხოლო საქართველოში გამახვილებული გრძობაა გვარის მიმართ, როგორც ინდივიდის წარმომავლობის თუ გენეტიკური კოდის უტყუარი საბუთი.

ამ ფენომენის მოშლას ახლებურად მიუდგება იმპერია. ძალად გარუსების პოლიტიკა რადგანაც ჩვენში კრახით დასრულდება, შეიცვლება მიმართებები და გაცხოველდება მისი ზედმიწევნით დევალვაციის პროცესი.

ავაქოვია კაცი და ბაგრატიონად იწოდება.

აგაბედიანია და ბროლაძედ დაიარება.

ისინი თითქმის ნამყნვიით შერწყმიან ქართულ ეთნოსს, მაგრამ შერეული ქორწილების მიუხედავად, მაინც ვერაფრით განთავისუფლებულან მემკვიდრული საუნჯეებისგან; ვედარაფრით აუთვისებიათ ქართული ცივილიზაციის მონაპოვრები — პოლიფონია, ქორეოგრაფია, ალტრუიზმი.

პირადობის დამადასტურებელ მოწმობაშიც ამისთვის განხორციელებულა ეროვნების რეკვიზიტის მთელის სიმკაცრით გაქრობა და სანაცლოდ კოსმოპოლიტური „მოქალაქის“ აღზევება, რომელიც უპრობლემოდ უხსნის გზას უცხო თესლს მმართველობის უმაღლესი საფეხურებისკენ. აქვე ისიც ნათელია, რომ ამ ბედნიერებას მხოლოდ უცხოეთის სამსახურებისგან ხელდასხმულნი ახერხებენ და თუკი ყველაფერს გონივრულად გავაანალიზებთ, საქართველოში მომწიფებულია ჩვენი ეთნოსის წინააღმდეგ გაუგონარი შტურმი სრული გაქრობისათვის.

ინდოევროპული ტალღის გადამწყვეტი იერიში ამჯერად მიჯაჭვული ამირანის მისიის მატარებელ გენეტიკურად ქართველს დაატყდება აფხაზეთში მთელის სიმძაფრით, რაც არ გამორიცხავს ხვალ-ზეგ პროცესის მასშტაბების განვრცობას სრულიად საქართველოზე.

ბატონო სოლომონ, სულიკო, ძმაო, სული-ჯან, შეუძლებელია გენეტიკურად ქართველი, ეროვნული მწერლობის, ზოგადად ქართული სულიერების წინააღმდეგ ილაშქრებდეს?! მავანნი ახლა მღვრიე წყალში თევზის ჭერის სინდრომით შეპყრობილან: უკიდურეს მიმიკრიას მიმართავენ, მაგრამ მათ ერთი შეურყეველი ჭეშმარიტება დავიწყნიათ — საბას შეგონება, როცა ერთმანეთის ღრენია ძაღლები ურთიერთ თანადგომასაც ამჟღავნებენ ხოლმე მოახლოებული კატასტროფის ჟამს და კოლექტიურად შეუტევენ არენაზე გამოჩენილ ხილულ მტერს მგლის სიმბოლიკით.

ღიახაც, მწერლობასთან დაპირისპირება გააშიშვლებს ოვებს, იანცებს, თუ სხვათა. რა ხანია დამდგარა გონიერებით სიარულის დრო, ანუ უპირობო კონსოლიდაციის ჟამი შეუთავსებლის შეთავსების გზა, გნებავთ — ხანა.

ეკლესია სახელმწიფოს მოეყრდნობა.

მწერლობა ჩვენი ჭირნახული სამშობლოს სუფევის ბალავარი თუ სამრეკლოა კვლავაც — მარადიული სიფხიზლის ფაქტორი.

ბიუროკრატი კორუფციის მეშვეობით შოულობს სიმდიდრეს, რაც კანონშემოქმედთა კასტისათვის ლამის საჭიროებას მოკლებულია, ვინაიდან ინვესტიციების, გრძელვადიანი კრედიტების სახით შემოსული, სამ მილიარდამდე დოლარი, წესით ხალხის სოციალურ-ეკონომიკური ვითარების გასაუმჯობესებლად გამიზნული, რამდენიმე ასეულ პიროვნებას მიუსაკუთრებია, და უკვე მძლავრად ფესვმოკიდებულ ბლენძს, არაფერში ჭირდება ქრთამის აღება: ბანკირია თუ მეწარმე, გამრუდებული კანონების შემწეობით თევზით ცურავს სიტუაციაში.

ყოველივე ამის ფონზე სასაცილოა მწერალთათვის ბიუჯეტიდან გამოყოფილი 500 ათასი ლარის ბლოკირება პარლამენტისგან, როცა ზოგს მსგავსი ოდენობის თანხა ძლივს ხყოფნის კოტეჯების ასაშენებლად წყნეთის მისადგომებთან.

მიდის გაქანებული მცდელობანი მწერალთა კონკრეტული პირების გადმოსაბირებლად: „კავკასიური სახლის“ გარშემოწერილობა ფაქტობრივად ჩამოშორდება პოლიტიკურ სარბიელს და თავის ფეშენებელურ ოფისიანად „აფრას“ უჩუქარ ტეკატუნში აბრეშუმის ჭიასავით ჩაიკეტება საკუთარ

პარკში. მისი მესვეური დაადგებს სიტყვას წლებს წინათ შანიბოვთან ინტერვიუში:

—ჭკვიანად იყავით ქართველები, თორემ თბილისს ერევნად გადაგიქცევთო.

რას ერჩი, იწინასწარმეტყველა ავისმომასწავლებლად: პოლიტიკურ სარბიელს ჩამოშორებულა „ომეგას“, (ლ-დიდის ფრთა ჩხეიძეების ამქართით. მასაც მარმარილოთი მოპერანგებულნი ოფისი ბაკანივით მოუსხამს მხრებზე საჭირბოროტო საციხთათვის თვალის დახუჭვის ფასად.

თვეების წინათ სააკაშვილი სამართლიანად დაგმობს პარლამენტში მოკალათებული დეპუტატების ნაწილს, რომლებიც ბიზნესში საქმიანობენ, არადა, გარკვეული დროით თავად უწევდა თურმე ლობიერებას „იტერას“ საქმიანობას ენერგეტიკული წყაროების მოხელთების გზაზე. „თეცი“ — თბილისის თბოელექტროცენტრალი, სადაც III თანრიგის მეთუნეუქედ ვმუშაობ წლების მანძილზე, უკონკურსოდ, 150 ათასი ლარის ფასად შეუსყიდია ამ ორგანიზაციას.

თანამშრომლებს გაანახევრებენ.

შესყიდვის პერიოდისათვის ორგანიზაციის ანგარიშზე არსებული თანხის, 2 მილიონი ლარის მზითვიდან გასცემენ ხელფასებს დათხოვნილ ხალხზე. ორი თვის უმუშევრობის კომპენსაციის გაღებაზეც არ შეიხრია წარბს.

რატომაც არა, 150 ათასი ლარით 2 მილიონ ლარს და 10-15 მილიონი ლარის უძრავ-მოდრავ ქონებას თუ შეიძენ, დახუფეს ძალი შენს ბედს?!

ჯერ კიდევ „თეცის“ ნაქონი ფულით აწარმოებენ რემონტებს, ყოველდღიურ ხარჯებს ახალი ხელმძღვანელობის სანათესაო-უფროსობა. მოკლედ, როგორც იტყვიან, თავი ქუდში აქვთ, მაგრამ მეექვსება, მათ მშვიდად ეძინოთ ჯერაც, განსაკუთრებით, ვისი ქვენა გარიგებით ეს მკრეხელური მაქინაცია მოდღვებოდა.

ღიახ, მეექვსება საკუთარი ჯიბის სასარგებლოდ და სამშობლოს მომაკვდინებლად გაჩარხული საქმე ასე დატყბარუნებლად ჩაიფარცხოს, თუკი სათანადო სამსახურები კვლავინდებურად მოწოდების სიმალლეზე აღმოჩნდებიან .

ბატონო სოლომონ, სულიკო, ძმაო, სულიჯან, ჩვენი ჰაეროვანი მონო-ლოგები კორუფციაზე საბურთო დაწყებული და ბარემ მასლაათი მეტის დამაჯერებლობით რომ წარიმართოს, იმავე თემატიკით გავაგრძელებ მსჯელობას.

კახეთი. საგარეჯო. კაკაბეთი... მე ამ განუმეორებელი კუთხის განსაკუთრებული სიყვარული მახსიათებს. დიდი ილიას ნაკვალევს მივსდევ ლიორკას სტრიქონების პროპორციით: ხვლიკი — ნიანგის წვეთი, მაგრამ როცა ერის უგვირგვინო მეფე ბრძანებს: სამეგრელოში ჩამოვედი და საქართველო, დიდი საქართველო ვნახეო, მეც მიმსგავსებულს წარმოვთქვამ ხორნაბუჯის ციტადელიდან ალაზნის ველის ვრცელულობას მიყურადებულნი:

უბატონო კახეთში ჩამოვედი და სრულიად საქართველოს მერმისი ვიხილე-მეთქი. ჩვენი მასლაათისთვის ქვეყნის დრო გვიდევს წინ, აურაცხელი, ამიტომაც შედარებით ძნელადმოსანელებელ თემებს ვეჭიდები ამთავითვე. ეკატერინე ჭავჭავაძის ფენომენზე გვისაუბრია, მაგრამ რასაც ახლა ვიტყვი, პირველად გაიჟღერებს საქართველოს სინამდვილეში: ჩვენი ღაბაჩის სათაურს დავაკვირდეთ: ურყვი, ვითარცა ძელქვა. ამით ქვეტექსტურად უამრავ ჩასაბლაუჭებელს ვაშანდაკებ წიგნიერი მკითხველისათვის, მაგრამ ხომ უნდა მივაგოთ პატივი შედარებით მიუხვედრელებსაც? ხოდა, ღიად ვიტყვი: კახეთი, დიახაც, შუააზიური ხვლიკის, ვარანის ბუნებისაა, როცა სამეგრელო ბედაურის ხასიათს ამჟღავნებს ზედმიწევნით, გიურზას, ჩხრიალას თუ კობრას შხამის მიმართებით. სამოც კბენას უძლებს ვარანი ასპიტისას. დოკუმენტური ფილმიდან დამმახსოვრებია. ხანდახან ორიენტაციაც კი ეკარგება ამ დაგესვლების მერმე, მაგრამ ადრე თუ გვიან მოიხელთებს როსმე იმ უხსენებელს ბიბლიიდანვე და გაკენეტს ხერხემალში. ასეთი შინაგანი წყობისაა ჩემი უბატონო კახეთი დუშმანთან ორომტრიალში, რომელიც ზოგჯერ ხილულია წამოზვავებული ლაშქრის სახით, ხშირად კი ფარული, ქვეშევეშა ხასიათისა, აკაკის ლექსისა არ იყოს: მაგ შარბათში საწამლავს სვამ იცოდე. ებრძოდნენ ამ კუთხეს ტერტერათი, ქრთამით, იგივე მამონათი, იარალით, მაგრამ ვერაფერს აკლებდნენ, ვინაიდან უბატონო გახლდა, ამაყად თავალერილი და წარმატებით მოინელებს კიდევ ათას დარდსა თუ დარდუბაღას.

სამეგრელოს შემთხვევაში როგორ არის საქმე? სინიბია თითქოს, ურა კვიცივით ფაფარს აიყრის ხშირ-ხშირად, მაგრამ როდესაც ძარღვებში იქედნეს სამსალა გაუჯდება, ერთიანად აძაგაგდება. შხამის მოძალებამ იცის ეგრე, ციებიანივით აკაწკაწებს კბილებს, ებრძვის ბალღამის მომაკვდინებელ შემოტევას და ოდეს გარდაივლის, ჩაცხრება აგონიის ჟამგრძელი, ცნობილი ტოქსიკოლოგები შპრიცებით ამოაცლიან სისხლს ვენიდან ასპიტის მორიგი მსხვერპლის გადასარჩენად, ანუ უფრო მარტივად რომ ვთქვათ, გველის შხამის საწინააღმდეგო შრატი ცხენის დაგესლილი სისხ-

ლისგან მზადდება.

იცით, საითკენ მიმავს საუბარი?! ნებისმიერი გეგმილის სამლოცველო კათედრალი, ისტორიულად წინამორბედი რელიგიის ნაფუძარზე აღიმართება ხოლმე. ყველა ქრისტიანულ ტაძარს საძირკველი წარმათულის ბალავარზე გაუდგამს.

ზემოთ მე ბატონი მიხეილ სააკაშვილის ფრაზა ვახსენე, რომელიც უცერემონიოდ კიცხავს პარლამენტში ბიზნესმენის, სუფევას; შეუთავსებლად მიიჩნევს იმ ორი ფენომენის თანაარსებობას, მაგრამ, აწ იუსტიციის თავკაცს ავიწყდება, რომ ზარანდიას სიტყვები იოტისოდენადაც არ წაადგება მინისტრს დასახელებულ თანამდებობაზე — 5000 ლარი გადაუდვია დამბეზღებელი ნასედაკა პიროვნებისათვის. საიდან? თუკი რაიმე ღონე-სახსარით არ მოუთადარიგია, ვინაიდან თვით ამერიკის შეერთებულ შტატებში პრეზიდენტობაზე კაცი პრეტენზიებს ველარაფრით განაცხადებს, ოდენ მილიონი დოლარი თუ მანც არ უჩხრიალებს ქისაში, ცხადია, პატიოსნურად მოპოვებული მილიონი.

ჩვენ ამ თანხის მოხვეჭის გზებსა და მეთოდებს განვაქიქებთ არსებითად.

ყველა სამსახურში, ბატონო სოლომონ, სულიკო ძმაო, სულიჯან, ორი კატეგორიის ჩინოვნიკია მოკალათებული ძირითადად.

პირველი, რომელმაც საარსებო მდგომარეობა სხვა უწყობის გატყავებით მოუპოვებია; ყოველნაირად შეუტკობია მისგან დაცინ- ცლული ნუგბარეული და ახლა უცოდველი კრავის იერით შემოსილა, მოთნეობის იშვიათი ეგზემპლარია. ცნობილი დიქტატორები ამისთანა გვამებს ეგრევე საჯალათო კუნძისკენ მიაბრძანებდნენ ხოლმე.

და მეორე, ოთარაანთ ქვრივის მსგავსად პილპილმოყრილი მადლით დაუჯილდოებია არსთა გამრიგეს, მაგრამ პირველისაგან განსხვავებით ურყევია, ვითარცა ძელქვა, ერთგულების თვალსაწიერით, რამეთუ თვითონვე იქმნის არსებობის მყარ ბაზას. პირწავარდნილი მეწარმეა, ახალი ცხოვრება, ახალ აზროვნება მსწრაფლ დაუმულამებია, ვთქვათ და სიტყვისთვის 70-80 ხექტარი თხილი, ვენახი, თუ პურეულის მეპატრონეა, და, ბუნებრივია, ნაკლებად აინტერესებს სხვისი ჯიბის მოდარაჯეობა, სხვისი გადმოგდებული ლუკმისათვის მუცელზე ხოხვა, ინდივიდია, გაჭირვების ჟამს „რანტავო“ ჩექმებით ტლაპოში გამსვლელი სახალხო საქმეებისათვის, პიროვნება, მე.

სულიჯან, შენეული გამოცდილებით, მანც რამდენი სარია საჭირო ღობის მოსაწნავად-მეთქი, რომ გკითხავ:

ღობისო? გაცდები ხირხალის თუ ჩვეუ- ლებ რივისთვისო, მომაჩერდები.

წკნელის ღობისთვის-მეთქი, დაგიკონკრეტებ. ის ხომ ჩვენი სახელმწიფოებრივი არსებობის ერთგვარი მოდელია-მეთქი.

მინიმუმ სამი მანცო, მომიგებთ, ყინჩად.

აგაშენა, ღმერთმა! ჩვენთან, ოტობაიაში იტყვიან ხატოვნად: ერთ სარზე ღობე არ მოიწნებაო, არც — ორზე.

მართალს ბრძანებთ, მინიმუმ სამი სარი მანც არის საჭიროო, დამყაბულდები შენ.

საწყისი სიმაგრე რომ შეიქმნას, სამება ბურჯად მწერლობა, ეკლესია და საკუთარი გამჭრიახო-ბით წელმომარებული სახელმწიფო მოხელე წარმომესახება, დიახაც, რომელთა ურყევ შვერი-ლებზე აღმოცენდება ერის წაუქცეველი ზღუდე. დაცდილი მაქვს, ვინაც კი მწერლობას მოეყრდნო, ყველამ გაიკაფა გზა უმადლესი მიზნისაკენ. აქ გასაკვირი არაფერია, ვინაიდან იოანეს სახარებას თუ ვერწმუნებით: პირველ- ითგან იყო სიტყვა, სიტყვა იყო ღმერთთან და სიტყვა იგი იყო ღმერთი.

წარმოგიდგენიათ, თავად ცაბათიცი კი ვერ დაჯაბნის სადღელამისო შერკინებისას სიტყვის მსახურ იაკობს. ამას ყველაფერს ჩვენი სამწერლობო ორგანიზაციის წარმოსაჩენად როდი მოგახსენებ — ქვემოთ საუბარში საკმარისზე მეტადაც ვიმსჯელებთ დაწდევებულად, მაგრამ ვინმე მკითხავდეს, პრეზიდენტობის ვადას ექვსი წლით განვსაზღვრავდი. ამას ახირებულობაში ნუ ჩამომართმევ, მეცნიერული არგუმენტებიდან მომდინარეობს.

მათემატიკის იწილობიწილო, ვისაც ოდნავ მანც გაუთავისებია, შენიშნავდა, ნატურალური რიცხვების 7-ზე, 13-ზე, თუ 91-ზე გაყოფისას, ვლებულობთ რაღაც მთელს და მძიმის ხელმარჯვნივ, ექვსნიშნა პერიოდს, ათწილადის სახით როგორც სამყაროსეული პროცესების ეჭვმიუტანელ მონაცვლეობას.

ძლიერი ხელისუფალის გამოუსწორებელი ქომაგი ვარ.

ჩემს ადრინდელ ინტერვიუში ზუგდიდის მაშინდელ გამგებელზე, აწ ნეტარხსენებულ ედი-შერ ჩარგაზიაზე, პოეტი ევგენი ევტუშენკო : „ვლასტუიუშიაო“ ბრძანებს.

მე, დიახაც, პატივს მივაგებ რკინის ნებისყოფის ადამიანებს, ვინაიდან სწორედ მათი მეოხებით

კონცენტრირდება სახელმწიფოს ნებისმიერი ფასეულობა.

სტალინს აკრიტიკებენ პიროვნების კულტის ყბადაღებული აფიშირებით, მაგრამ ბარემ ისიც გაიხსენოთ, თუ ვინ მოიყვანს რუსულ ტალახში მოღვაწე მათი ცხოვრების ურემს, ფიგურალურად, და რომელი აზიარებს კოსმოსურ სივრცეებს დროის უმოკლეს მონაკვეთში?!

სკას შევხედოთ საანალიზოდ.

აქ, ამ პრიმიტიულ საზოგადოებაში სამი თუ ოთხი კატეგორიის ფუტკარია: მუშები, მზვერავები, მშენებლები, მუქთახორებიც, რომელთაც ადრე თუ გვიან ფრთებს გადაულრნიან გამრჩენი და ოჯახიდან მოისვრიან ზედმეტი ბარგივით; კოლექტიურად გამოჩეკენ ხოლმე დედას, იგივე „ალმა მატერს“ — სკის შემავსებელს ცოცხალი ენერგიით.

ის სადღე თავიდან ჩვეულებრივი ფუტკართაგანია, ბატონო სოლომონ, სულიკო, ძმაო, სულიჯან, მაგრამ როდესაც განსაკუთრებულ მზრუნველობას გამოიჩინეს მის მიმართ ერი და ბერი, სკა კვლავაც ამ დედის მეშვეობით ეზიარება შთამომავლობის რეგენერაციას 30 წლის მანძილზე.

საუბარი იქითკენ მიმყავს, დიახაც, ხელისუფალი უნდა ასინთეზებდეს წესით სახელმწიფოს თითოეულ მყისიერ უბანს და მოვლენას. დღევანდელ საქართველოში კი თვალნათლივ იკვეთება ტენდენცია ძლიერი ხელის ვაკუუმისკენ.

მიძახონ ძველმოდური, კონსერვატორი, მაგრამ პრეზიდენტის ცნება ქართველ კაცში რამდენადმე გაიგივებულია მეფესთან, სასულიერო და საერო მიმართულებების შემკონავ ძალასთან.

ამ ჰაეროვან საუბრებში მოვლენები ისეთი ელვისებური სისწრაფით მიგრუხუნებს ჩვენს თავს ზემორე, ყურის მოფხანვასაც ვერ ვასწრებთ.

ყვითელი მასმედია ყაყანებს „პრესის კანონის“ გადასინჯვის თაობაზე.

სამყაროში იშვიათია პროცესი, რომელსაც ადამიანის უფლებათა დაცვის საერთაშორისო დეკლარაციით არ ახლდეს სათანადო ჩარჩოები.

ასევე სახელმწიფოები ირჩევენ ამა თუ იმ კონსტიტუციურ მოდელს, საპრეზიდენტოა ეს, საპარლამენტო მმართველობა თუ სულაც — მონარქიული, მაგრამ როდესაც გამოკვეთავენ საკუთარი მოქმედების დიაპაზონს, ექვემდებარებიან კიდევ მათმიერვე აღიარებული კანონების უზენაესობას.

ჩვენ კი პრესის თავისუფლება აღვირახსნილი ანარქია გვგონია.

წმინდა ნიკოლოზობის დღის მიწურულს მეგობრებს ვესტუმრები კონტროლის პალატაში, თუმცა იმ გაწამაწიაში ჩემთვის ვერავინ მოიცლის!

დავით აღმაშენებლის პროსპექტი სახანძრო მანქანებს ჩაუხერგავთ. მეორე სართულზე დაუდგრობით გაჩენილ ცეცხლს უტრიალებენ. აგორდება ჭორი, თითქოს ყოველივე მავანთა მამხილებელი საბუთების გაქრობის მიზნით მოიმოქმედესო.

საკბილოს ეძებენ თავისუფალი მედიის დესპანები.

შენობას ეზოდან შემოვუვლი.

ცოცხალი სურათიც იქ დამიხვდება.

სამსახურობრივ მოვალეობას გვიანობამდე შერჩენილი თითო-ოროლა თანამშრომელი პანიკას მოუცავს.

მეორე სართულიდან მეოთხისაკენ გამორბიან ცეცხლისაგან დაფეთებული ადამიანები.

მრუშე კვამლი ხელად გაავსებს დერეფნებს.

ამ საერთო დაბნეულობისა და უნუგეშობის ჟამს გასაოცარ სითამამეს გამოიჩინეს აქამდისაც კოლექტივისათვის საყვარელი პიროვნება, ერთ-ერთი სამმართველოს უფროსი, ბატონი ნოდარ ლიპარტელიანი.

სტიქიის წინაშე დაშთენილ ხალხს იმედის ნაპერწკალი ჩაესახება. ნოდარი სათადარიგო კარს გაეგლეჯს, ბლოკებით სანახევროდ ამოშენებულ კედელს გაანგრევს და თანამშრომლებს სამშვიდობოზე გაიყვანს, თუმცა, ახლა მეორე სართულის ბოლში გახვეული ფანჯრებიდან ათიოდე ქალის შეშლილი სახე რომ აილანძება, მაღალი სვანეთის ღირსეული შვილი მთლად დაუდგრომელ ვეფხვად გადაიქცევა. მჭექარე ხმით გასცემს განკარგულებებს. ვის კიბის მოტანას ავალებს, ვის — ფარდების ჩამოგლეჯას, ერთმანეთზე გადანასკვას და მანდილოსნების ძირს ჩამოშვებას. ქალბატონები მორცხვობენ, მაგრამ გასაჭირი აჯობებს ლაწვების შეფაკლვას და ასე, თითოეულს უპრობლემოდ გაიყვანს სამშვიდობოს.

ნოდარ ლიპარტელიანი არ დაცხრება სანამ უკანასკნელ კოლეგას არ გამოარიდებს ბობოქარი ცეცხლის მძვინვარებას.

ეს წუთი და მეხანძრეებიც მოვიშვიშდებიან.

ბატონ ნოდარ ლიპარტელიანს ოთხმოციანი წლებიდან ვიცნობ. რაგბი ჩემი სტიქია არასდროს

ყოფილა, მაგრამ მასთან სიახლოვე, ამ ვაჟაკურ სპორტს დიახაც შემაყვარებს.

1979 წელს ყოფილი საბჭოთა კავშირის ახალგაზრდული ნაკრების შემადგენლობაში ორი ქართველი რაგბისტი, მიხეილ ხარშილაძე და ნოდარ ლიპარტელიანი ვერცხლის მედლებს მოიპოვებენ ევროპის ჩემპიონატში.

რაგბის სიყვარული, მამაკაცური სპორტული ბრძოლის ჟინი დღემდე რომ მოსდგამს ბატონ ნოდარს, არახალა ჩემთვის. მისი ათლეტური ენერჯია უკანდაუხეველია მრავალ ცხოვრებისეულ საკითხშიც.

სოლომონ ბატონო, სულიკო ძმა, სულიჯან, იცი, იქ, ნახანძრალ ეზოში შეხვედრისას რას მიპასუხებს ბატონი ნოდარი შეკითხვაზე: არ შეგეშინდა თავზე ხანძრიანი ჭერი რომ დაგმხოზოდა-მეთქი.

ეხ, მუხვბე, გური, უკანდახვეის დრო ამოიწურაო, ბრძანებს. საკუთარ ნაჭუჭში გამოკეტვას მომავალი არ გვაპატიებსო, მოსჭრის ესეც რომ არა, რაგბი ისეთი სპორტია, ზოგჯერ თამაშის შუაგულში ტემპერატურა ას გრადუსს ურაკუნებსო.

ნამდვილი ფადასელი ხარ-მეთქი.

ვერ გავიგე, ეგ რაღა არისო, მომაჩერდება გაოცებით.

როგორ-მეთქი, გავიკვირვებ, ფადასი არ იცი, მუშვანმა-მეთქი.

ფადას, როგორ არა, ფადასობ, გური ჯიმა, გური, მუხვბე — ქუდზე კაცი სამშობლოს- ათვისო.

ღიახ, ფადასელია ჩემთვის, ბატონო სოლომონ, სულიკო, ძმაო, სულიჯან ხვატში, პაპანაქებაში დაყრილ თანამომძეთა გადარჩენისათვის საჯალათო კუნძუზე თავის დასადებად გამოშურებული ცოტნე დადინი— სწორუპოვარი გმირი სრულიად საქართველოსა;

ღიახ, ფადასელია ჩემთვის, შუა რუსთაველზე კვარივით აბრიალებული გია აბესაძე სიტყვებით: დაე, მე ვიყო უკანასკნელი მსხვერპლი საქართველოს თავისუფლების გზაზეო.

ღიახ, ფადასელია ჩემთვის, მაშველი რგოლის ზანგი გოგონასათვის დამთმობი პროფესორი იოსებ ჟორდანიანო.

ფადასი ხომ ღვთაებრივ სვანურში, კოლექტიური მსვლელობა თავდახრილი სამშობლოს ღირსების აღსადგენად?! ამიტომაც, ფამილარობაში რისთვის ჩამომერთმევა, ფადასელი ვართ ყველა პოტენციურად ამ საღვთო ომში ერისა და ბერის სახელით-მეთქი, რომ განვაცხადო?!
ბუნება არ უშვებს ბიწიერ ფორმებს ჭეშმარიტების გონჯ ანარეკლად და ნუ გამოვეკიდებით ამ რეალობას.

ადამიანს ალაზვეებს საკუთარი ნებელობის საზოგადოების ყაიდაზე გამოჭრილი კანონების შესაბამისობაში მოქცევა.

გნებავთ, ამასაც მოვეშვათ, შედარებით ფასეულს მივაპყროთ მზერა, რაც თავად პიროვნების ზემოწვევადების ტოლფასია საკუთარი ერის თუ ცივილიზაციის ღიაპაზონით.

მიჯაჭული ამირანი, იგივე პრომეთე, პრომათუსად წოდებული შორეულ ინდუსტანში, საკუთარი თავისუფლების გაწირვის ფასად ადამიანთათვის ღმერთებს ღვთიური ცეცხლი წახვკრის— მარადიული თავაწეული სიარულის ცოდნას. მერედა, რა ხეირს ეწევა იგი ამ აურწყავი გმირობის გამო ზევსის არწივისაგან ღვიძლის ნიადაგ დამკორტნავი ნისკარტის გარდა?!
მივყვით ისტორიის ცნობიერ ხაზს... ქრისტეს, იესო ნაზარეველს, მივადევნოთ თვალი, რომელიც საღვთამიწო ცოდვა-მადლს აიკალთავეებს სრულიად და გაჯვარედინდება კოსმოსური განზომილებით, თუმცა კვლავაც მაცხოვრის ღვიძლს ემსუბუქება განა რომაელი ჯარისკაცისგან ნაძვერები ხელ-შუბის ბუნიკი?!
არამც და არამც.

თუკი ყველაფერი ასეა, ძმობილო, მაშინ რა უფლებით განიკითხავენ ერეტიკოსები მამფალზე მამფალ ილია ჭავჭავაძეს? ან თუნდაც ორნახადი არაყვიით გათარანებულ აკაკი წერეთელს? აღარაფერს ვამბობ მათ საკაცობრიო მნიშვნელობის შემოქმედებაზე.

ესეც ქართული სენია და კნინის თუ აღმატებულის მეტნაკლებობა იმით როდი განისაზღვრება, ვის რამდენი ქარავანი მიუღის უდაბნოში ან რამდენი ჯარისკაცი შეაბობლდება დასალაშქრავი გალავნის კედლებს, არამედ — საკაცობრიო აზროვნების მოდელით.

ილიას შუბლი უფრო მომაკვდინებელია საყოველთაო ბოროტებისათვის, ვიდრე — დედამიწის წონასწორობისათვის მამონტი ასტეროიდის დანარცხება. ახლა, როგორ მოვიქცეთ, სად ვეძებოთ ჭეშმარიტი ქმედების ტაბულა, ცხრილი, გნებავთ — ნორმა, ზნეობრივად წოდებული:

მოსესთან?

ქართლოსიანთა დამფუძნებელ იაფეტთან?

კიდევ ვისთან?

ამირანთან, რომელიც ღვთიურ ცეცხლს, ანუ თავისუფლების საკაცობრიო ცოდნას მოიხელ-
თებს ადამიანთათვის და ახა, დღემდე იხლავება მოუშორებელი ბორკილების ჟღარუნში?

რომელთან-მეთქი?

ფარნავაზ მეფესთან, ღმერთთან გაიგივებულ სიტყვიერებას რომ გვაზიარებს წარმართებს?

ვისკენ გაუთიოს ჩვენმა ცნობიერებამ?

მძლევათი დავით აღმაშენებლისაკენ, დიადი ჭყონდიდელის შეგირდისაკენ, რომელიც ლამის
ცხოვრების ნახევარგზაზე აღესრულება შეუდარებელი აღმსარებლური ქმედებებით?

საით?

რომელი არე-კიდესკენ?

სულხან-საბასკენ?

ცოტნე დადიანისკენ?

თევდორე ბერისკენ?

ყითელი სამაშველო რგოლის ზანგი გოგონასთვის დამთმობი პროფესორ იოსებ ჟორდანიასკენ?

გუშინწინ საკუთარი სხეულის შუა რუსთაველზე ცეცხლით ამბრიალებელი გია აბესაძესკენ,
სიტყვებით: დაე, მე ვიყო უკანასკნელი მსხვერპლი საქართველოს თავისუფლების გზაზე?

ნუთუ ერთგვრადი გმირობა საკმარისია მამულის გადასარჩენად?!

ნუთუ თავლის ერთგვის ტანზე წაცხება ემყოფინება სამშობლოს ურყეობას?!

ნუთუ ერთხელ გაბრწყინებული ნებისმიერი საღვეგმირო პატროფილია აღავსებს დობადონას
ჩვენსას, თუ ილიასავით გამუდმებული მეციხოვნეობა განგვასრულფასოვნებინებს სამშობლოს ა-
მერ-იმერ?!

მაინც საიდან მოგროვებია კახეთს ამდენი არამხუტუ? იგივე ამირანი ზოგადქართულად,
აფხაზების აბრსკილი თუ ბერძნების პრომეთე.

უბატონო უნდა იყო დიახაც, რომ არავის ემონო და ექვეშევრდომო!

უბატონო-მეთქი, შემთხვევით არ წამოიძვინია. სამი კუთხეა საქართველოში ამგვარი — ქიზიყი,
სვანეთი და კიდევ — ოტობაია რომლებიც მძეთამძლეობის ჟამს დაამტკიცებენ კიდევ თავიანთ
სწორუპოვრობას, თუმცა ცამიწამადლიანი სამშობლოს თაკარა გული საყოველთაო განსაცდე-
ლისას მამაცს კი არა ლაჩარს გაადევმირებს ხოლმე.

გონებაში რატომღაც ამომიტივტივდება ამას წინათ გამართული ერთი დიალოგის ფრაგმენტი
კრიტიკოს გურამ ბენაშვილთან.

— ნება თქვენი, ბატონო, გურამ-მეთქი, დავყაბულდები მყისვე რუსთაველის სახელობის ლიტე-
რატურის ინსტიტუტში წვეულ რესპოდენტს, როცა შეთავაზებული ათი ზელირსეული ქართვე-
ლის ახლოთ განჩხრეკაზე უარს მეტყვის დელიკატურად...

— მე კი ვშიშობდი სხვანაირად განზე დავგვრჩებოდა ძირითადი სათქმელი, სხვანაირად ვერ
შეძლებდით მომავალ თაობათათვის უცდომელი ქმედების კომპასად, ფარ-შუბად, განზოგადებით
დაგვეხატა ქართველი კაცის ზნეობრივი კონტურები. ერთი პიროვნების ანალიზის უშუქზე კი ამის
წარმატებული განხორციელება უტოპიად წარმომესახა. ჩვენ, ქართლოსიანებს, ხომ მრავალათასწ-
ლიანი სუფევა გვიხდებოდა დროსა და სივრცეში და აქედან გამომდინარე, მეგონა გაგვეფანტებოდა
ჩვენი სათაყვანებელი წინაპრების მოწამეობრივი ცხოვრების კრიტერიუმებიც, ერთმთლიანი ხელ-
წერის წარმოჩენის საზიანოდ-მეთქი.

— მოგვიანებით მათხეც ვიმსჯელებთო, — თანადროულად დაიჭერს ჩემს უნებლიე გარინდებას
დიალოგის მასპინძელი.

— მაშინ ბატონო, გურამ, იქნებ სულმნათი ილია ჭავჭავაძეთი შევდგომოდით აღმართებს-მეთქი,
დავკონკრეტდები ხელად. — თქვენი აზრით მაინც რა განსაკუთრებული ნიშან-თვისების გამო
აღიარებს მის პიროვნებას ქართული ცნობიერება-მეთქი.

— ეს უკვე სხვა ამბავიაო, — დამისერიოზულდება რესპოდენტი, — სხვანაირად აურაცხელი ნიშან-
თვისებიდან ძირითადი დაგვისხლტებოდა ხელიდან, ვერ გავაღწევდით ნაპირამდეო. ილიას წარმო-
ჩენა ამოსავალ პუნქტად იმიტომაც გამეხარდა უწინარესად, რომ იგი ნიმუშია, ეტალონი იდეალური
ქართული ხასიათისა. ბუნებრივია, აქედან ჩვენთვის უფრო სახიერად გაიშლება ტალღები. ის, რაც
სხვებს გაუყეობიათ, ილიას უფრო მაღალ ხარისხში აუყვანია და ამავე დროს — ძალზედ აკადემიურად.
ემოციური და მღელვარეა მისი ცხოვრების ყოველი მონაკვეთი, ყოველი ეტაპი, თითოეული ნერვიო.

— ძაფი ნერვის არ არის ჩემში არა პოეტის-მეთქი, გავიხსენებ გალაკტიონს.

— ჭეშმარიტად ილიაზე თქმულაო, — მიმხელს, — ოღონდ წინა სტრიქონისა და მომდევნოს
სინთეზში: წვეთი სისხლი არ არის ჩემში არაქართული. აი, ახლა ხსენებულ უზალთუნს ამ ტენდენ-

ციას ნემსით რომ შეუყვან, გააჭერებ მისით, და ამ შემთხვევაში, როგორ, რანაირ მცნებასაც მივიღებთ, დაახლოებით იმგვარად. ილია ჭავჭავაძე თავს უყრის ქართული ხასიათის უმთავრეს მწვერვალებს, თავის უდაბნო-სტეპიანად თუ ალაზან-მტკვარ-არაგვიანად. შენ ვერ ნახავ ილიას შემოქმედებაში, პუბლიცისტიკა იქნება ეს თუ მხატვრული ლიტერატურა, ზერელობის ნატამალს. ილიას თითოეული სიტყვა, თითოეული ფრაზა, ეს არის რაღაც ღვთიური მადლით უფლისეული გაჩენის მომენტს დადარაჯებული და მისადაგებული ფორმულა, სამჭედლო. ესე იგი, როდესაც ნაწარმოები მთავრდება, იცი, დარწმუნებული ხარ, მას ვეღარაფერს მიუმატებ და გამოაკლებ. მერედა, თავისი ცხოვრებით იყო ილია ჭეშმარიტი ქართველი. ეს იყო კაცი, რომელიც არ იკეტებოდა რაღაც აკადემიურ ჩარჩოებში. ის იყო კაცი, რომლისთვისაც საოცრად ჩვეულებრივი გახლდათ რიგითი ადამიანებისათვის ნიშანდობლივი ცხოვრება თუ ოლიმპოს ღმერთების სადაგ სივრცეში სუფევვა. ის იყო არაგვი და მყინვარწვერი ერთდროულად. ის ერთდროულად ქმნიდა ქართველებსაც და წინააღობასაც. ის იყო ანი და ხოე. გაბრუებული გახლდათ ამ ცხოვრებით, ამ ყოფიერებით და უსასრულობის მომნიჭებელ არტახებში წვა, რუდუნნი, მიაჩნდა არსთაგამრიგესთან მიახლოების უმთავრეს პირობად. ის იყო კაცი, რომელიც თანამენიხებთა ტოლფასოვნად მოულებნდა სუფრა-ზე, ისეთივე ლაღად და დარდიმანდულად, უბატონო ქიზიყელ გლეხებს რომ სჩვევიათ ხოლმე და აქვე დიდებული ათენელების თუ რომაელების კვალობაზე შეეძლო დამტკბარიყო თავისი შეუღარებელი სიღინჯითაც, დუმილითაც, რომელიც ყველასთვის როდია ოქრო. ამასთანავე ყველაფერს მოიმოქმედებდა, რათა მისი კულტი არსად გაბატონებულიყო, ლიტერატურულ მოღვაწეობასა თუ სახელმწიფოებრივ საქმიანობაში. პირიქით, უყვარდა სხვების განდიდება, სხვების ამაღლება. მისი მახვილი მზერა უცთომელი გახლდათ ამ გზაზე. გავიხსენოთ მისგან დაფრთიანებული ვაჟას ფენომენიო.

გასაკვირი არაფერია, ბატონო, გურამ-მეთქი, მივყვები მოსაუბრეს ფეხდაფეხ, ისეთი ფესვიდან აღმოცენებულა — გარსევან და ალექსანდრე ჭავჭავაძეები, სამეგრელოს დედოფალი ეკატერინე, ჯიში, ჯილაგი, გენეტიკა, რომელსაც კოლოსალური რენტგენული დასხივებაც კი ბევრს ვეღარაფერს აკლებს. ეს ყოველივე ერთმანეთთან სასწაულებრივი ძაფებითა დაკავშირებული. ჩამობრძანდება დიდი ილია სამეგრელოში და იმხელა რეზონანსის სიტყვას დაგვამწყალობნებს, რუსიციზმის მზაკვრული პოლიტიკით ენა-გონება ამღვრეული კუთხე, ასოთხმოცი გრადუსით შემოტრიალდება ზოგადქართული ფასეულობებისაკენ- მეთქი.

ხო, ილია ქვეშეცნეულად, ცნობიერედაც გრძნობდა თავის ნიჭიერებას, თავის აღქმას და ავტორიტეტს, აგზნებულია ბატონი გურამი. ის გრძნობდა საკუთარი სიტყვის ფასს, გრძნობდა რომ ერი უსმენდა. მიუხედავად ამისა, ბოროტად არასდროს სარგებლობდა თავისი უზარმაზარი ავტორიტეტით. ილიას ჩასვლა სამეგრელოში, ეს იყო განსაკუთრებული მოვლენა ჩვენი ეროვნული კონსოლიდაციისათვის.

თან ნურც იმას დავივიწყებთ, რომ გასული საუკუნის სამოციან წლებში მისი სისხლ-ხორცი მეგრელთა გაერთიანებულ ლაშქარს მამაკაცურად შემოსილი წარუძღვება ომერ ფაშას წინააღმდეგ. ასეთი რამ ისტორიას არ ახსოვს-მეთქი, ვამბობ და ცეცხლს შევუწებებ რესპოდენტს უფრო ფიცხელი საუბრისაკენ.

აი, ეს არის საქმეო, მოსჭრის ერთიანად აჭარხლებული ბენაშვილების ძე. ყირმიზია და აღელვება ლაკმუსივით ამჟღავნებს მის ემოციებს. — ილიას ჩამოსვლა სამეგრელოში და იქ ისტორიული სიტყვის წარმოთქმა, რაიმე კალამბური არ ყოფილა. ეს იყო კარგად მოაზრებული და აწონილად თქმული საშვილიშვილო პროგრამა სამეგრელოს როლის, მისი ადგილის, მისი წარსულის, მისი ხვალინდლობის და რაც ყველაზე მთავარია, აი, ჩვენი ერთიანი მომავლისათვის გარკვეული გარანტიების დაბალავრების უვერტიურა. ილიას კარგად აქვს გაცნობიერებული, რომ სამეგრელო საქართველოს გულია. საერთოდ, რომ არა სამეგრელო, საქართველო თავისთავად ძალზედ პრობლემური იქნებოდა ერთიანობის თვალსაზრისით. მე ღრმად ვარ დარწმუნებული, რომ ილიას ეს სიტყვები სულაც არ ეკუთვნოდა, აი, სტუმარ-მასპინძლობის წესს, იქ ნანახსა და განცდილს. ეს იყო მისი კრედიო, ისეთივე კრედიო, როგორც ვთქვით, რომ საქართველო ერთ დროს თავისუფალი სხვანაირად ვერ გახდებოდა. აი, ისეთივე საოცარი, უზარმაზარი, ფილოსოფიური და რაღაც პოლიტიკური მრწამსი იკვეთება ილიაში, რომ სწორედ სამეგრელო უნდა გახდეს ბოლოს და ბოლოს ის კუთხე, რომელიც საქართველოს ხვალინდელ გაერთიანებას მიანიჭებს ცხოველმყოფელ ბიძგს, იმპულსსო.

ბატონო, გურამ, გვემახსოვრება, ალბათ, რომ სამეგრელოში ილიას ჩაბრძანებას უსწრებს „ქვათა ლაღადის“ შექმნა-მეთქი, შევუცვლი თემას რესპოდენტს.

ღიახ, ღიახო, მეტი ექსტაზით ამყვება საუბარში.

და ეს ყოველივე უზარმაზარი სტიმული გახლდათ კავკასიის ისტორიის ფალსიფიკატორების მხილების გზაზე-მეთქი, სრულიად გარკვეულ მიმართულებას ვანიჭებ ჩვენს მასლათს.

ისეთი დიდი ისტორიკოსი, როგორც ილია, საქართველოში საერთოდ არ დაბადებულაო, კვერს დამიკრავს ესეთი — მე უდიდესს პატივს მივაგებ ბატონებს — ივანე ჯავახიშვილს, ნიკო ბერძენიშვილს, სიმონ ჯანაშიას, კიდევ ბევრსა და ბევრს, მაგრამ ილიასნაირი ღრმა მცოდნე საქართველოს სოციალური, პოლიტიკური, საზოგადოებრივი ისტორიისა დედის მუცლით არ შობილა. და მან, ასეთმა განსწავლულმა პიროვნებამ, სამეგრელოს ბუნებაში, მის ისტორიულ როლში დაინახა რაღაც დიდი და მნიშვნელოვანი ქვაკუთხედი მომავალი საქართველოსი. სამეგრელოს ასეთი პრიზმით განჭვრეტა და მასტიმულებელ ძალად დასახვა მხოლოდ ილია ჭავჭავაძის შეეძლო და სხვა არავისო, — ასაფრენი არწვივით ორივე ხელით ეყრდნობა მაგიდას ბატონი გურამი.

გულში ჩამწვდომია თქვენი ანალიზი-მეთქი, ვეტყვი საუბრის იშტაში შესული. ჩემი წიგნის ამოსავალ წერტილად, იგივე ეპიგრაფად, ილიას კლასიკური ფორმულა წამიძღვარებია — „მამული, ენა, სარწმუნოება“. ძნელი სათქმელია ახლა ეს სამეული სიტყვა რა პრინციპით დალაგდა, მაგრამ არა მგონია მხოლოდ ალფაბეტური სიზუსტითაა დაცული მათი თანამიმდევრობა და არავითარ შემთხვევაში — უფროს-უმცროსობის, უპირატესობის გაუთვალისწინებლობა-მეთქი.

წარბებს შეიყრის, თითქოს უკადრებელი წამომცდნოდეს.

მე ვფიქრობ, რომ ფორმულა — „მამული, ენა, სარწმუნოება“, სულაც არ გულისხმობს სუბორდინაციასო, — სიმშვიდე ეუფლება რესპოდენტის ხმას, ტემბრს, რაღაც ამალღებული წარმოდგენიდან გამოსულს ემსგავსება. — ეს სამება არამც და არამც არ მიანიშნებს ჯერ მამულს, მერე ენას და ბოლოს — სარწმუნოებას, ვინაიდან სამივე ტოლძალოვანი ფასეულობის ცნებააო, — თავდაჯერებულია მსჯელობისას. თანაბარი კრიტერიუმისა-მეთქი, შევაშველებ ფრაზას.

ღიახ, თანაბარიო, შვებით ამოისუნთქავს, თითქოს მომქანცველი მთაგრეხილი გადაელახოს. სრულიად თანაბარი კრიტერიუმისა და აქ აბსოლუტურად დიდი შეცდომა იქნებოდა, რომ ჩვენ რაღაც ხარისხების მიხედვით ჩავვემწკრივებინა თითოეული მათგანი, სიმალისდა მიხედვით, როგორც ეს სალდათური ყოფისთვისა და მახასიათებელი. ბუნებრივია, თუკი სამივე კომპონენტი ტოლფარდი შინაარსითა და მნიშვნელობით არ გაერთიანდა, ერთ დიდ სულისკვეთებად არ იქცა, წარმოუდგენელია ჩვენი ქვეყნის არათუ წინსვლა, გადარჩენა — საერთოდო.

უმთავრესი ყოველთვის ბოლოშია მოქცეული-მეთქი, არ ვებუები მე. ებრაელ ერს შევხედოთ, მთელს ქვეყნიერებას მოდებულ ამ ხალხს ოცდაექვსი საუკუნის მანძილზე ხელისდასადები არც მამული გააჩნდა და ენაც დღითი დღე შემოეძარცვება, მაგრამ ერთიანი ღმერთის იდეა დულაბივით შეკრავს მათ ფენიქსივით აღდგომა-განახლებისას და ამჟამად სარწმუნოების მეშვეობით ენაც რესტავრირებულია და სამშობლოც-მეთქი.

მშვენიერი არგუმენტი მოიშველიეო, მეტყვის, სარწმუნოება მართლაც მონოლითურად აქცევს ხოლმე ამა თუ იმ ერის სულს. იგი ამავდროულად მატერიალური და ფიზიკური არსებობის საფუნელიცაა, რომელზედაც ამოიზრდება ხოლმე ერი თავისი თვითმყოფადობითა და განსაკუთრებული იერსახით, მაგრამ ქართველი ხომ გეორგიანელია?! სამშობლოსაგან, ანუ იგივე მამულისაგან მოწყვეტილი ჩვენი ეთნოსი უმწეოა, როგორც პოლიტიკური ერთეული. იგი სრულყოფას ამ ტოლძალოვანი სამების ერთიანობაში აღწევს. ამდენად, ენა ისეთივე აუცილებელი ატრიბუტია ჩვენი ერისათვის, როგორც — სარწმუნოება. აგრეთვე მამულიც ისეთივე საჭიროა, ისეთივე საგნიერი, როგორც სამრწმუნოება და ენა. ისინი მსჭვალავენ ერთურთს. ისეთი წრებრუნვაა, როგორც სპირალური ტრიალიო, ქურუმივით მომჩერებია.

ტრიადა-მეთქი.

ხო, ტრიადა, სადაც სამივე წევრი ტოლძალოვანია, თანაბარუფლებიანიო, ნათელი გადაურბენს სახეზე.

მართლმადიდებლური სამების მსგავსად თანაბარმნიშვნელოვანი იპოსტასები-მეთქი.

თანაბარი იპოსტასებია ისინიო, მომსდევს კვალში თუ მივსდევ. ერთ სხეულში ერთიანდება სამივე შენაკადი, ერთი აზრით, ერთი მნიშვნელობით, ერთი სიძლიერით თუ შეიძლება ითქვასო. აი, სამი ურყველი ბურჯი, რომელიც უშრეტ ენერგიად უდგას ქართველი ერის სუფევასო, — დაასკვნის. ციდაზე შემოდებულ კარს ხელს აუწევს, გვადროვეთოს ნიშნად.

აი, როგორი განწყობილებით დავიარებები, სოლომონ ბატონო, სულიკო ძმაო, სულიჯან საქართველოს აღმართ-დაღმართ, იმერ-ამერ სიზმარ-ცხადში, შენთან ჰაეროვან საუბრებს დანატრებული.

ვიდრე ხვალ?!

ამ თემსაც მრავალ პიროვნებას მივაზომავ, ბატონო, სოლომონ, სულიკო ძმაო, სულიჯან, მრავალ ნაპირს მივსადგურებ, მაგრამ ზოგს გამბედაობის აღმური ეტყმარისება, მრავალს მამონას მოთაყვანობა დაუხშობს კარს, ბევრს ანალიზის, განჭვრეტის სიმწირე შეუკრავს გზებს, სხვათა — ორცხენზე ჯდომა — მწუხარე სახის რაინდის როსინანტია იგი თუ სულაც ტროასი და ამ გადასახედიდან რომ მოვავლებ მზერას ჩვენს მემლექეთს, აგაგალა შემრჩება ხელთ, რომელიც პიტალო კლდეზე აღაშენებს თავის ეკლესიას, ჯოჯონეთის ბჭეთაგან შეუმუსვრელს, და უცხო თვალისათვის თითქოს ზღვასავით ბობოქარი, შინაგანად კოსმოსური სიმშვიდით ეგებება უზენაისის გამოცხადებას.

ხეტილის მახრას და საღერღელს ჩემს განუმეორებელ მოძღვარს, ბატონ ნოდარ ტაბიძეს უნდა ვუმაღლოდე. სტუდენტობამდე ოტობაიას რადიუსით განიზომება ჩემი თვალსაწიერი: ზუგდიდი, გალი, მახარაძე — აწინდელი ოზურგეთი, გუდაუთა, ქუთაისი, თბილისი, კრასნოდარი, რადნიაკოვსკაია; ასეთი ოკრობოკრო მარშრუტით შემოიფარგლება ყმაწვილკაცის სარბიელი თეთრი ტაძრის კარიბჭის შეღებამდე; მერე და მერე კი უფრო მიზანსწრაფული შეიქმნება თითოეული სვლაგეზი, მეტადრე პატროფილური, სამშობლოს დობე-ყორეს მთელი სიგრძე-სიგანით შესატკბობად — ატლანტიდა, დიოსკურია, ოტობაია, პალიასტომი...

ყოველ შაბათ-კვირა ჟურნალისტიკის ფაკულტეტის „პაზიკით“ დავჯაყაყებთ მამულის ხეგ-ხუვებში, ეკლესია-მონასტრების გალაგების ასწლოვანი ხავსის შემოსაძარცვად, ქარით გაჭერებული სამრეკლოების იდილიური მყუდროების წასართმევად, უამრავი ციცაბოს დასალაშქრავად უკარება ასულების წინაშე თავმოწონების წადილით. შიგადაშიგ ეს მსვლელობანი ათასობით კილომეტრსაც გადასცდება საბჭოეთის მასშტაბით და გულწრფელობის მაღლმა, თამამად შემოძლია განვაცხადო: უნივერსიტეტიდან არაფერი შემიძენია ხუთი წლის მანძილზე ექსკურსია-ლაშქრობების ქარავანთა და სტილისტიკის სწორ-მრუდი შალაშინის გარდა თავისუფალი თემების ჩხიბვისას.

განსაკუთრებით სამახსოვრო სამთვიანი არდადეგებია ჩემთვის. ეს პერიოდი მშობლიურ ოტობაიასა და ფიჩორში სალაყუნოდ როდი გამეხარაგება, ძმობილო. მესამე შრომითი სემესტრის ჩინოსან ხალხს ყლგამოწევით დავეღრიგები, უკვე დაკომპლექტებულ რაზმში ჩავირიცხები და ხელად შევეთვისები კობიაშვილებს, დვალებს, ტიბუებს, შავლიაშვილებს, სხვათა. მერმე მატარებლის ბორბლები დაიხვევენ შუააზიის ტუნდრებს თუ ზღვასავით დანაოჭებული უდაბნოეთის ქვიშარებს.

სხვაგანაც აღმინიშნავს, რომ ჩახმახის გამოშლას მეოთხედი საუკუნეა ზურგი ვაქციე. კრამერის ჩინებული ფილმი „დალოცე ბავშვები და ცხოველები“ გამაგდებინებს თოფს ხელიდან სამუდამოდ. კინოლენტიდან შემდეგი დედააზრი იკითხება: რომელიღაც კოლეჯის თუ ბავშვთა სახლის აღსაზრდელები ნაქურდალი მანქანით მიემგზავრებიან რეზერვაციაში დამწყვედელი ბიზონების გადასარჩენად. უქმე დღეებში აქ ხალხმრავლობაა. ათობით ჯიბესქელი მონადირე მოაწყდება ცოცხალ სამიზნეს ფუქსავატი ცხოვრების გასაეგზოტიკებლად. საკუთარ სისხლზე ფეხი უცურდებათ დახოცილ ბიზონებს. მეკრულია ბედისწერის რკალი, ხოდა, გულფიცხელი ყმაწვილები „ჯიპით“ გამოენტებიან ქართადან გამორეკილ პირუტყვებს; დგანდგარებს ხმელეთი ველური ჯოჯის ფეხქვეშ, ამოიტყორცნება ჩლიქებისგან ბელტები ხაერ და ხაერ. უხარიათ ონავრებს — ტყუილად არ გადაუსერავთ კილომეტრები, მილები; ყიჟინას დასცხებენ ხოლმე კეთილშობილური საქმით მხრებში ამაყად გაშლილნი, მაგრამ ბიზონების კრებულს მხოლოდ ხასხასა ბეჭობამდე ეყოფა ბედისწერისგან გაღწევის ცხოველმყოფელობა. გადმოდგება სერზე თვინიერი, ქედდადრეკილი, ლორთქო ბალახს ძალუმად მიძალბებული.

— დალოცე უფალო, ბავშვები და ცხოველებიო, — კივის კრამერის სული, მაგრამ წუთისოფლის ხვანჯებს არაფრად ეპიტნავება მშვენიერი და ამაღლებული ფასეულობანი; ქვენა კანონებით მზავობრობს ყველგან და ყველაფერში. ხოდა, იმ ფილმის მოხილვის მერმე სასხლეტის მოკაუჭებულ ენას უხსენებელსავით განვრიდებივარ. „ბერდანკას“, „შაშხანას“ თუ „ზაურის“ წარმოდგენისას უმაღვე ხსენებული სცენით ამოივსება ხოლმე მინდიას გაორებულ ცნობიერებას მიმგვანებული ჩემი მეობა, იმ საცოდაობითა და შეგონებით: ცხოველებიც იგივე ადამიანები არიან, ოლონდ ნაკლებად ენაგატლექილები, ნაკლებად ქვეშეშეშანი და მოუხეშავნი თითქოს.

მარტოკა ბავშვები ემსგავსებიან მათ პირველყოფილი სიანკარით, ასე რომ, ამიერიდან ბიზონისთვის, აქლემისთვის, კამეჩისთვის თუ გნებავთ მოყიპიპე იხვისთვის თოფის დამიზნება ჩემთვის იგივეა, რაც საკუთარი შვილებისთვის ლულის მიშვერა; ქრისტეს ჯვარცმის ბადალი გოლგოთის მოხრიოკებული თხემის სიახლოვეს, თუმცა, აი, თევზაობის აზარტს ვერაფერი მომაშლევინებს. თითქოს ისინი უმნიშვნელონი იყვნენ ბუნების ვრცელობაში სიცოცხლის პოზიციიდან; თითქოს

თევზებს ნაკლები უფლებამოსილება მონიჭებოდეთ ცისქვეშეთსა თუ წყალთა შინა უმფოთველი არსებობა-სუფევისათვის. მერე რა რომ ძუძუმწოვრებზე დღე-ღამით ადრე გაჩენილან ცაბათის განგებით?! მაგრამ მოვეშვათ ყოველივეს და ამოვიბერტყოთ გულიდან — მონადირე-მესათხველეებთან სჯა-ბაასი მქცევია-მეთქი სიცოცხლის კრედოდ; იგივე მწყისმებთან შირაქის ზამთრის საძოვრებიდან თუ ჭურისის ჭორომებიდან: იროდი სართანისთან, ვალიკო ფიფიასთან, იპო ფაჟავასთან თუ ნუგო ბიჭიასთან;

ტიუმენის ტყისმჭრელებთან;
მეუღაბნობთან ბიშკულის არეალში;

თერმული წყლების მაძებარ გეოლოგებთან: მერაბ აფციაურთან, ავთო დუნდუასთან, თემურ ჩიტაიშვილთან, ოთარ ლომთათიძესთან კოლეგა ჯემალ დავლიანიძის გადანადრებულ ყიზლარში.

არქეოლოგებთან ზღვისპირა ზოლში ერგეტა-ფიჩორის დიხაგუძებთან, ამ ბუდიდან ამოცვენილ ხალხთან, რომელთა უმეტესი ჩინებულად გაწაფულა „პრეფერანსში“. უთო და ჯაგრისი დავიწყნია მათ გაქერქებულ ტანსაცმელს. არც სამართებელს და წმინდაკბილა სავარცხელს დაგიდევინ რამედ. ჩვენ- თვისაც სამახსოვრო კონსერვების ცვენაა „გაკირპიჩებული“ პურის მხარდამხარ. ეწევიან ყოველი ჯურის სიგარეტს, მერმე ნამწვავებში იქებებიან ნიკოტინისგან გაყვითლებული თითები. ზოდა, დამერწმუნე, არაფერი სჯობია მათთან გადადამებას, მუსაიფს თუ შეკამათებას, თუმცა წინასწარვე იცი ათასი გამოგონილი და წამატებული შემოცურდება ცნობისწადილით დაინტრიგებულ შენს მეობაში:

ზოგჯერ ორმეტრიანი ფუმფულა კუდის მელია ამოხყვება მსმენელის აღქმის დიაპაზონს, რომელიც საუბრის დასასრულს ორ ციღამდე დადის;

ხან წისქვილს შეჩვეული დედალორი ბრუნდება კერტებს გამობმულ ანკესებზე კალმახების სხმარტალით;

როდის ტუტანხამონის თუ ნეფერტიტის ნიღბების ასლი ამოშუქმეტდება პრეისტორიული სამაროვანიდან;

აქა-იქ მილიარდობით ბარელი ნავთობის საბუღარს წამოკრავს წერაქვს რესპოდენტი შენი, და უმზერ, უსმენ ყუყჩის თვინიერებით, უწინარესად თხრობის მაღალფარდოვნებით მონუსხული.

მიუნხაუზენის გამომგონებლობა კი უსასრულოა. ცხადის და წარმოსახულის აჯაფსანდალით იძეკნება შენი ყურთასმენა მუშვანურ ზესხორას მსგავსად, ხარის სისხლით რომ დაგლერტდება მოუღლეელი ხოჩა დინასგან და ყოველივე მირაქის ტოლფასი რომაა, ჩინებულად უწყიან ამის თაობაზე სიტყვის დიდოსტატებმა.

რუსთველიდან მოყოლებული ნადირობა შეუცვლელი თემაა მეხანგე-მეიგავეთა: თოფი, სამასრე, პატრონტაში, ვაზნა, ფალა, ჩახმახი და სასხლეტი. უფრო შორეული წლებიდან არქანჯელო ლამბერტის რწმუნებით ყიჟინას დასცხებენ მარეკები უმველებელი ხელკეტების ხაერში ტრიალით და გოლიათ მუხებზე მიჯახუნებით: მშვილდი, ისარი, ლარი და მკლავის ჯანი თანაბრად ატყვევებს როგორც ზომეროსის სასიძოვების ღრეობას მიყურადებულს, ისე ათიმათოვის ჩინოსანთა ვეტმფრენებით გამონთებას ავტომატებით საიგების ჩასახოცად. მგლები ბოკვერებსაც აიღვენებს ეს ამაზრზენი ორომტრიალი და გადაითქერებიან კიდევ დაფეთებული ჯოგის ფლოქვებით. ამორძალებიც ამოცურდებიან ხოლმე ფაფარაწეწილი მერნებით თვალსაწიერიდან, ეს შანთით მარჯვენა ძუძუ-დაშრეტილი ამორძალები ბავშვობიდანვე და მამაკაცური ხმიანობით მზით გადატრუსულ ტრამალებს ამტუტებენ ქველთობის მიწურულს გაქონილი ისრების ზუზუნით.

ვაგრძელებ, მედიტაციას იმ მიმართებით, რომ მწერლისთვის ამოუწურავი საბადოა მონადირულ-მოგზაურული თემები თხზულებათა წარუშლელი სახეებით შესაკმაზად. დიდი ილია და ბატონი კონსტანტინე ორლულიანებს მაინცდამაინც იმისთვის როდი ბლუჯავდნენ, არიქა, შვლის ცურის მწვადით თუ მწყრის ჩახოხბილით რამეფრად ვაზეიმებთ ნამარხულევ არსებობასო. არამც და არამც, ბატონო სოლომონ, სულიკო ძმაო, სულიჯან. ხელოვანისათვის აბჯარზე ხელის წამოვლება იგივე თემების მოსანადირებლად წამგზავრების ტოლფასია. აქ ექვისთვის ნიადაგი გამოცლილია. მეტიც, მწერალი გაცხოველებულის ჟინით ეთვისტომება ბუდიდან გადმოვარდნილ მეხუნდეს თუ მეშიმინოეს, წეროებისკენ რომ უბიძგებს დაურვებულ ტყიურს ტყავწამოცმული ცერით.

ეს ყველაფერი ხეტიალის თაობაზე ბუნებასა შინა, მაგრამ ასგზის და ათასწილ მიმზიდველია მოგზაურობანი რეალური ადამიანების სულებში, განსაკუთრებით მონეტასავით მოჭრილ პიროვნებათა წიად, სადაც ზოგჯერ მარტენის ლუმელივით თუხთუხებს ფოლადი ან კიდევ ანტრაქტილის უსაშველო ყინულეთის ქარავნებია.

ბუნება არ გეწინააღმდეგება ხეტიალის ჟამს, უღაბნოეთია, ტუნდრა, ჭიუხები თუ ჭანჭყრობთა

დასტები, მკერდგაღელილია დამთვალეირებლის შემოსანაკადებლად, მაგრამ ძეხორციელის არსება ათასნაირი საკეტურითა და ანჯამა-რაბით მოიზღუდება ინდივიდუალობის შესანარჩუნებლად.

ბუნებისგან განსხვავებით უფლის მიერ თიხისგან ნაძერწს მისხლის, ფთილისხელას გამჟღავნება უმძიმს უცხოთათვის; უმძიმს კი არა ლამის სიკვდილის ტოლფასად მიუჩნევია გადამთიელის სულთსაცავში შემოშვება; გაგიმჟღავნებს, ხელისგულზე გადაგიშლის იგი მეორეხარისხოვანს, უმნიშვნელოს, მაგრამ, აი, ძირისძირამდე საკუთარს, წარუშლელად ჩაჩნეულს სულის გაუბზარავ ეკრანზე, არაფრისდიდებით გაიმეტებს, ვნებავთ მსოფლიოს საგანძურეთი დაულაგო ფეხებთან, — არაფრით მოგიბოძებს იმ ერთადერთ სიმდიდრეს, უფალმა რომ უწყის მხოლოდ ცისქვეშეთში.

დიხაბც, გალაკტიონის ლექსის დიქტატია: **ვერ მომტაცებს ბნელ გულის ფიქრს წუთი წუთზე უამესი, საიდუმლოს ვერ წამართმევს ქალის ხვეწნა და აღერსით** და ყოველივე ამის ერთადერთი მოყურადე-მცველი ვრცეული ღამეა, იგივე უზანეასი ძალა ჩვენებურად; და რა-ჟამს ადამიანთა სულების დასალაშქრავად გამოეშურები ღონ კიხოტის როსინანტებით და რადროს ეს ინდივიდუუმები ქარის წისქვილებივით დაგიხვდებიან ცნობისწადილის გაზიარების სანაცლოდ, მიმიხვდებით რანაირი ჭირთათმენა ჩასაფრებია ნებისმიერ თანამოკალმეს ჩემსას; მაგრამ როგორც ყველგან და ყოველთვის, მე ზეციერის მაღლიანი ხელი მაფარია თავზე და შენს უწრფელესი ფიქრების ვრცეულობაში შედწევას თუ ვცდილობ, ესეც ცაბათის ნებითაა აკვნიდანვე დაბედებული მისტერიების აღსასრულებლად.

სულის მოუთქმელად მოხვეჭილი პასაჟები ჩვენი ოცდაათწლიანი ძმადნაფიცობისა შემდგომი საუბრის უმთავრეს სადინრად მიმიჩნევია, მაგრამ ბელეტრისტული მათიანე მიზანი და მიმართულება უამრავ ნაკადულს შემოინაკეთებს მკითხველთა წაუთვლემლობის საწადელით და არტერიასავით ძალუმად მფეთქავი ძარღვი მარტოსული ხეობის მახვშის — ვალიკო მესხიასა და რომან-ტრიადა „სიცოცხლემისჯილებს“ მთავარი გმირის — ჟინი ანთარის პროტოტიპის, იროდი სართანის დაუსრულებელი კამათის ავანჩავანში გარკვევა წამომესახება გადასალახავ ბარიერად.

ასკაგუბურელი მეფუტკრე, უბატონო გვარის შთამომავალი ვალიკო მესხია, ჩემი მეგზურია სომინდების შეტაროვების ჟამს, იგივე ოდოშლერის პერიოდში, როცა ბალახებში მწყერი იწყებს ქვითქვითს და ჭაჯის ტბიდან დაფორაჯებულ ბოლოებს აადგაფუნებენ ქვირითით მუცელგამობერილი თევზები. მაგრამ ზღვისპირ-რეთის ჭაობნარის ბინადარი მეტყვე იროდი სართანის მსოფლგანცდა აბსოლუტურად გამორიცხავს წინამორბედს.

ვალიკო მესხია პირწავარდნილი ლელთ ღუნია თუ გახლავთ მეოცე საუკუნის მიწურულის საქართველოში, ჭურის სანახების ეგერი გამოუსწორებელი ფაუსტია, მინდია, დახავსულ რიყის ქვა-საც კი მსოფლიო კანონზომიერების შემადგენელ ნაწილად რომ აღიქვამს და აქ პატრიოტულსა და კოსმოპოლიტურს შორის საძნელოა ზღვარის დადგენა, მით უფრო — უპირატესობის მოხვეჭა ზოგადკაცობრიული ფასეულობების პლატფორმებიდან.

ეს ბუმბერაზი ტყაჩუც შენი განსაქიქებელია, პლუტარქეს შეგირდო, უკაცრავად პასუხია და ასარწყავი, ამოსაცნობი. აქ ხომ ყველაფერი აისბერგივითაა წარმოდგენილი. ვალიკო მესხია წყაროსავით თუ კამკამებს, ბინულივით მომჩქეფარებს მამულიშვილური საქმეების სიცოცხლით გახრიკებული სულების უდაბნოეთში, იროდი სართანია, პირიქით — ოკეანესავით დაქვანებულა, რომლის ძირისძირში ყველაზე თამამ მყინთავსაც გაუჭირდება ჩაღწევა, თუმცა მარგალიტებით გამოტენილი ნიჟარებითაა სავსე ის ფსკერი. მეტიც, სულ ოდნავი ძალისხმევაც საკმარისია, რათა სუნთქვა დაიწყოს სტიქიამ, აბორგდეს ტალღები, გამეხდეს, ზვირთების საფეხურებმა ცას უწიოს ვარსკვლავების ჩამოსაწყვეტად. ამისთანა გამძვინვარების შემთხვევაში თავად ფსკერიც ამოიდგამს ენას ზღაპრულ ფენომენივით და ზეამოსტყორცნის ხოლმე იმ მარგალიტებით გამოტენილ იმ ნიჟარებს ვინმე ქუდბედის მოსახელთებლად. მაგრამ ჩემთვის დასადგენია ნაპირ-ნაპირ წავეხეტები მათ მოსაგროვებლად, სამოხილო, თუ ჩვეული სითამამით ფსკერისკენ დაუმიზნებ, მომატებული წნევა ყურებიდან სისხლსაც რომ წამოგადენს ხოლმე იმ სიტომბისკენ. რაც მთავარია, ეს ორი გმირი, ეს ორი პერსონაჟი — ვალიკო მესხია და იროდი სართანია, თავად ბუნებას შეუხვედრებია ერთმანეთისათვის და მათ შორის ტოლობის ნიშნის დასმა აწ აბსურდია. ასეთი და ამგვარია ჩვენს დაბაჩთან მისასვლელი ციცაბოები, დედუ-ლეთის არქივარიუსო, და, რადგანაც ერთხელ დავძრულვარ მისკენ, რატომღაც იმედი მრჩება, სიზიფეს შრომად არ დამრჩება მუყაითობა ესე. ამ მუშაკობის უმთავრესი მიზანი ხომ ისევ საქართველოა, მისი ღღევანდელიობა, მისი წარსული და რაც მთავარზე უმთავრესია, აფთიაქარის სასწორით ასაწონი მომავალი, მერმისი, ჯერაც ჭირვეული ბავშვივით მოსავლელი და ესოდენ დაკლავნილი გზიდან სწორ თემშარაზე დასაყენებელი.

— მაღლობის მეტი არაფერი მეთქმის, გულადი, ძვირფასო, ბატონო გური, ნდობის გამოცხადებისათვის.

ასეთი რამ პირველად ხდება ჩემს ცხოვრებაში — მეგობარი მელაბაჩებოდეს და გამოგიტყდები: ყოველივე უფლის ძალისხმევა მგონია.

ბრაზილიიდან დაბრუნებულს მაგიდაზე რომ დამხვდება ლამის ას გვერდს გადაცილებული ნაშრომი, შენი მიზანდასახულობის წინაშე ერთგვარი პასუხისმგებლობა გამიჩნდება. თავს ძალას ვატან, ისედაც დაძაბულ სამუშაო რეჟიმს აქა-იქ დროის გარკვეულ მონაკვეთს ჩამოვაციცქნი და, ახა, მესამე კვირაა შეძლებისდაგვარად ვუკირკიტებ წარმოდგენილ პრობლემას.

საერთო ჯამში შეხების უამრავი წერტილი გვქონია, მაგრამ არის პრინციპული განსხვავებაც და ამის თაობაზე მინდა გესაუბრო.

კრამერის კინოლენტიდან დავიწყებ. თუ არ გადავაჭარბებ, რამდენჯერმე ვნახე ეგ ფილმი. მე საერთოდ კრამერის მოტრფიალე ვარ. დიდი აზრის მატარებელი რეჟისორია. დღემდე მახსოვს მისი „გადაჯაჭვულნი“, „ხომ ხოცავენ ქანცაწყვეტილ ცხენებს.“ ბიზონებზე შექმნილი საგაც მაღალი მოქალაქეობრივი სულისკვეთების ნაყოფია. ყველაზე დიდი ტრაგედია თურმე ცხოვრების ნორმად უბედურების გახდომა ყოფილა. ამ შემთხვევაში ბიზონებიც იგივე ადამიანთა საზოგადოების სიმბოლოა, რომლებსაც ცხოვრება აიძულებს შეეგუონ საკუთარ სიღუფტირეს. გარდაცვალება უკვე არარაობად ქცეულა მათთვის. ისინი იცოხნებიან სიკვდილისათვის და ეს არის დამანგრეველი გულგრილობა საკუთარი მომავლის თუ უმომავლობის წინაშე.

მახსოვს ასეთი ტილოც: ქრისტეს ჯვარცმაა გამოხატული. მხატვარს ვერ ვიხსენებ სამწუხაროდ. იმდენად გულგრილია იესო საკუთარი წამების მიმართ, რომ თავიდან პრიმიტიულ ნახატადაც მივიჩნევ, მაგრამ როცა გიდი განმარტავს: ჯვარცმამდე იმდენი ტკივილი გამოუვლია უფალს, უკვე ლურსმანი ლამის არარაობად ქცეულა მისთვის, მემცხეთება. მეც ეს ტილო გამახსენდა რატომღაც.

ერთდროულად მწერალ-პუბლიცისტი-ისტორიკოს-ფილოსოფოს თან მიწევს საუბარი, და რადგანაც ერთობ უხერხულ თემას შემაჭიდე, აწი უკან დახევას არ ვაპირებ. ყველამ იცის, რომ სულიკო პავლიაშვილს უკანდახევა არ სჩვევია.

რუსოფილური გრძნობების გაღვიძებაზე მსჯელობ; ჩრდილოვან ეკონომიკაზე საუბრობ, რომელიც სავალალოდ ჩვენი ცხოვრების აქილევსის ქუსლად ქცეულა.

ცოტა დილეთანტური მეჩვენება „სახსრების გადაქაჩვა უცხოეთის ბანკებში“, მაგრამ ვატყობ, არსებითად ალლო არ გღალატობს. ზოგი შენეული თვალსაზრისი წინასწარმეტყველურიცაა, თუმცა გასაკვირი რაა, მწერალი ფართო დიაპაზონის პიროვნება უნდა იყოს წესით.

მართალია, სამთავრობო სივრციდან ოთხი წლით ჩამოშორდნენ „ედეპელები“, „სახალხო-ელები“, „ლეიბორისტები“ და სხვანი, მაგრამ მნიშვნელოვანი ძალები მაინც მოვიდნენ ახალ პარლამენტში და ეს მიმაჩნია ჩვენი ეროვნული შერიგების სერიოზულ სტადიად. როგორც ჩანს, ჟურნალისტთა ფედერაციაში ეროვნული თანხმობის დარბაზის მრავალეტაპიანი შეხვედრები, ავად თუ კარგად, თავისი შედეგებს გამოიღებს. ერთობლივად მივალთ საგულისხმო ნიშნულამდე, მივალთ თანამშრომლობის შეგნებამდე. დარწმუნებული ვარ ბატონების: მუხრან მაჭავარიანის, ელიზბარ ჯაველიძის, ვახტანგ ბოჭორიშვილის თუ სხვათა პოლიტიკურ არენაზე გამოჩენა სასიკეთოს მეტს არაფერს მოუტანს ჩვენს ქვეყანას.

მომდევნო წერილი „ერთი სამშობლო სჯობია ორს“ ერთგვარი გაგრძელებაა პირველისა. იქ ციფრების ფილოსოფიით შეფარულადაა გადმოცემული შენი პიროვნული სიმპათიები, მაგრამ პოლიტიკური სურათი, რომელიც გამოკვეთილია სადღეისო ვითარებით, გარკვეულ დაზუსტებას მოითხოვს.

მართალია, გამჟღავნებულია სიმპათიები ევროპული, ამერიკული ფასეულობებისადმი, მაგრამ ქვეყნის ორიენტაციის საკითხს ვიდრე საბოლოოდ გადავწყვეტდეთ დიდი დაფიქრება გვმართებს.

„ნავთობსადენი“ და „აბრეშუმის გზა“ საქართველოს რეალური გადარჩენის მიმართულებანი რომ გახლავთ, აქ ეჭვის შეტანა უსაფუძველოა, თუმცა დავამატებდი, რომ ვინემ საქართველო სრულ თავისუფლებას არ მოიპოვებს, მანამდე იგი ყოველთვის იდგება ალტერნატივის წინაშე. სრული თავისუფლება კი, მოგეხსენება, ლამის მიუღწეველია: შესაძლოა ქვეყანა ახორციელებდეს ეროვნულ პოლიტიკას, მაგრამ ის გარკვეულწილად გადაჯაჭვულია დანარჩენ მსოფლიოსთან ეკონომიკური არტერიებით და აქედან გამომდინარე — სოციალურ-პოლიტიკური გაგებითაც. ბედნიერებაა, როცა არჩევანი ცივილური ფენომენისკენაა, ვინაიდან მაღალგანვითარებულ მწარმოებლურ კულტურას მოსდევს ერის ცნობიერების შემობრუნება ზოგადსაკაცობრიო ფასეულობებისკენ.

მოშველიებული მაგალითები ფართაზისა და აიეტის დროინდელ საქართველოზე, ერეკლე მეორეს ტრაქტატზე, ჩემთვის აბსოლუტურად მისაღებია, მაგრამ თუ არ მიწყნ, მაქსიმალისში იგივე ცალმხრივობაა. ამაზე უფრო დაწვრილებით ვალიკო მესხიასა და იროდი სართანის ცხოვრებისეული გამოცდილების ანალიზისას ვიტყვი. აქ კი შემძლია გაკვრით ვახსენო, რომ რუსეთთან ორასწლიანი ურთიერთობა ქართულ ცნობიერებაში გარკვეული სიმპათიითაა ჩამოყალიბებული.

ჯერ ერთი, ენობრივი ფენომენი ავილოთ. ქართველი კაცი, გვინდა თუ არა, მეორე ენად რუსულს აღიარებს, როგორც საურთიერთობო საშუალებას. ამიტომაც გავრბივართ ჩრდილოეთისკენ ლუკმა-პურის საშოვნელად გაცილებით მეტს, ვიდრე — ევროპასა და ამერიკაში. ისედაც გაჭირვებულ რუსეთში ანაზღაურება შედარებით დაბალია, ვიდრე სხვაგან, მაგრამ ენობრივი ბარიერის გამო, კვლავ შეჩვეულ ჭირთან ყოფნა გვიჩვენია. ამას დავუმატოთ ჩვენი მოურჩენელი სენი — დემოგრაფიული სიჭრელე, არაქართული მოსახლეობა ხომ თითქმის რუსულენოვანია ტრადიციულად. ყოველივეს გათვალისწინებით ქართველისათვის ერთიორად იოლია ურთიერთობა რუსთან, მიუხედავად იმისა, რომ სამაჩაბლო და აფხაზეთი წაგვართვა, ბომბავს პანკისის ხეობას, ხევსურეთს: ჩვენი სისხლი დაღვრილა იქ ვითომ მცირე ერების ქომავობის, მათი ინტერესების დაცვის საბაბით. სინამდვილეში ჩამოგვაჭრა ძირძველი მიწები და მსოფლიოს თვალში მუჟა ხალხთან, აფხაზებთან და ოსებთან დამარცხებულადაც გამოვყავართ. რომელი ჭკუათმყოფელი ირწმუნებს ამას?

ჩვენ ტრადიციული შეუპოვრობით ვებრძოდით იმპერიის მძლავრ მანქანას, ვებრძოდით კბილებამდე შეიარაღებულ, ავღანეთის უსამართლო ომში გამობრძმედილ „ბოვეიკებს“, მოხალისეებს ნურას უკაცრავად — დაქირავებულ ბანდიტებს; ვებრძოდით და ვიხოცებოდით გუშინ თუ გუშინწინ მიწის მუშა ხალხი, სტუდენტობა, ინტელიგენციის ნამდვილი პატრიოტი წარმომადგენლები. ბევრს ავტომატის დაშლა-აწყობის მეტი არაფერი ემარჯვებოდა, მაგრამ მაინც ამ გაუგონარ დაწოლას თვეობით გაუძლეოდა და მიუხედავად ყოველივესი, ჩვენ რუსებთან ყველა სულიერი არხი ხელაღებით არ უნდა გადავჭრათ, ძმობილო!

რუსი გლეხი, მუშა და ინტელიგენტი, დამეთანხმები, განსაკუთრებული უბრალოებით გამოირჩევა. ჩვენ არ უნდა გავაიგივოთ სახელმწიფო მანქანა ხალხთან.

მართალია, ხშირად გაიგონებ მოარულ ფრანკას: ხალხი თავისი ხელისუფლების ღირსიაო, მაგრამ ჩვენ ხომ ვიცით, ამა თუ იმ საზოგადოებას რა ძალები მართავენ — სამხედროები — ფარულად თუ აშკარად; ხალხი, რომელთაც უპყრიათ ატომური იარაღის სამართავი პულტი და აქ ცეცხლთან თამაში სახიფათოა.

საქართველოს რეალურ თავისუფლებას იმიტომაც ვახსენებდი ზემოთ, რომ ვიდრე ერს არ გაურკვევია საკუთარი ბედ-იღბალი დანარჩენ მსოფლიოსთან მიმართებაში, ვიდრე არ მოუპოვებია საკუთარი თავის მართვის ბერკეტები, ის ყოველთვის დამოკიდებული იქნება ვიღაცაზე. ამიტომაც ანაირ ქვეყანასთან გაფორმებული ნებისმიერი კონტრაქტი, ყოველთვის ნაკლებმომგებიანია თავად ერისათვის, ვინაიდან მას შეზღუდული აქვს ფართო არჩევანის უფლება. ის ჯერდება შემთხვევითს. არათანაბარია პარტნიორობის პირობები.

ძნელია დაასახელო დღევანდელი ინვესტორი საქართველოში, რომელსაც მეტი არ გახჭონდეს, ვიდრე ტოვებს. მხოლოდ ნამდვილი თავისუფლების პირობებში შეძლებს ქართველი ხალხი ღირსეული კომპანიონების მოძებნას. ხოდა, ამისთანა ვითარებაში ხელაღებით განვაცხადოთ: მაინცდამაინც ამერიკულ-ევროპული ფასეულობანი გადაგვარჩენსო, ცოტათი წინდაუხედაობა მგონია, ოტობავესკი! ამაზეც მეტი ხანგრძლივობით გიპასუხებ მოგვიანებით. ჩვენ ყველა მეზობელ სახელმწიფოსთან უნდა ვითანამშრომლოთ ურთიერთხელსაყრელი პირობით. აქ კი დამატებით შემძლია გითხრა, რომ იმპერიალისტური ზრახვები ნებისმიერი დიდი ქვეყნისთვისაა დამახასიათებელი.

ინგლისი გავიხსენოთ — ნახევარი მსოფლიო სჭონდა დაპყრობილი.

იგივეს აკეთებდნენ თქვენი პროვინციები მარჯვნიდან და მარცხნიდან: საფრანგეთი, გერმანია, გნებავთ — ამერიკა თუ ჩინეთი. რუსეთი ამ შემთხვევაში გამონაკლისი სულაც არ არის.

რუსეთი დღესაც იმპერიალისტური ჩვევების ნოსტალგიით სულდგმულობს, ძალის პოლიტიკით ცდილობს ზეგავლენების შენარჩუნებას, რასაც უკვე სხვანი ბიზნესით, დოლარით ახორციელებენ, მაგრამ რა მნიშვნელობა აქვს კანიბალური წესით შეგჭამენ თუ დანა-ჩანგალით? შედეგი ხომ ერთია?! ჩვენ ჯერ სრული თავისუფლება უნდა მოვიპოვოთ. ამისთვის კი აუცილებელი პირობა ერის სულიერი მთლიანობაა, რომელსაც ჩემის ღრმა რწმენით დღევანდელმა პარლამენტმა უნდა დაუდოს საფუძველი. ეროვნული ძალები საკმარისი დოზითაა წარმოდგენილი ამჟამინდელ კანონშემოქმედებაში და აწი ყველაფერი საერთო ძალისხმევაზე ხკიდია. ზემოთ დასახელებული კოლონი-

ზატორებისაგან თითქოს განთავისუფლდნენ: ინდოეთი, აზიის, აფრიკის ქვეყნები, ლათინური ამერიკა, მაგრამ შევხედოთ რა ენაზე აწარმოებენ ისინი ცხოვრებას? ინგლისურზე, ესპანურზე, პორტუგალიურზე, გერმანულზე და ასე შემდეგ.

ჩეჩნეთის ომი აშკარა აგრესიის ნათელი დადასტურებაა. იქ კაცობრიობის თვალწინ „ტერორისტებად“ მონათლულ ადამიანებთან ერთად იღუპებიან უდანაშაულონი: ბავშვები, მოხუცები, ქალები და ამას დანარჩენი მსოფლიო ვერაფერს უპირისპირებს, ვინაიდან ის დოლარით კლავს ადამიანებს. ასე რომ, დაფიქრება, დიახაც, გვმართებს.

საქართველოს მომავალზე ვისაუბრებთ, ალბათ, სათანადოდ, წიგნისთვის კი ანოტაციის მაგივრად გასაოცარი ფოტო რომ შევიჩვენოთ, დიდად გამახარა. უკეთესი შინაარსის შემცველი მასალის მოშველიება შეუძლებელიცაა ჩვენი მრავალტანჯული სამშობლოს თავისუფლებისკენ სწრაფვაზე. ასეთი დაკლავნილი, ზიგზაგანი ჩვენი ისტორიული გზა სანატრელი მომავლისაკენ.

ცხრა ტალიერანს გაუჭირდება შენს მიერ წარმოდგენილი საკითხების კომპეტენტური შეპასუხება, მაგრამ, რადგანაც ამდენი გიშრომია, სხვა რა ჩარაა, შეძლებისდაგვარად უნდა აგვე, იქნებ ორიოდე ჭკვიანური აზრი მეც წამომცდეს, მით უფრო, რომ პოლიტიკაში თხუთმეტი წელია ვტრიალებთ დიდ-პატარა.

მომეწონა შენეული განმარტება პოლიტიკოსისა და მწერლის თაობაზე, თუმცა შეკამათება აქაც შეიძლება. პოლიტიკოსი თავისი ქვეყნის სასიცოცხლო ინტერესებიდან გამომდინარე, შესაძლოა ზოგჯერ მოზომილ სიტყვას ამბობდეს, ყველაფერი სააშკარაოზე არ გამოხჭონდეს, ოღონდ საერთაშორისო მასშტაბით. ქვეყნის შიგნით კი ნებისმიერი ფრაზა გაცნობიერებული, გამჭვირვალე უნდა იყოს ისევ და ისევ ქვეყნის მომავლის სასარგებლოდ.

„ბათუმური ალიანსის“ წინააღმდეგ ერთგვარი ისტერიკები შეიქმნება წინასაარჩევნო პერიოდში, მაგრამ მე რომ მკითხოს კაცმა, ბატონი ასლან აბაშიძე, მიუხედავად არსებული ზოგი გაუგებრობისა, აუცილებელი მომენტი ქვეყანაში ძალთა დაბალანსების თვალსაზრისით. ევროპული სივრცისკენ ლტოლვას გარკვეულწილად „ბათუმური ალიანსიც“ აჩქარებს, ვინაიდან ე.წ. მისი რუსოფილური პოზიცია ერთგვარი საბუთია მსოფლიოს წინაშე რეალური სურათის დასახატავად. ესეც რომ არა, „ბათუმური ალიანსი“ ნამდვილად მოახერხებს ეროვნული ძალების მოყვანას დღევანდელ პარლამენტში, რომელიც თავისთავად, დარწმუნებული ვარ, კონსტრუქციულ ოპოზიციად მოგვევლინება ნებისმიერი სასიცოცხლო მნიშვნელობის საკითხის გადაწყვეტისას.

რაც შეეხება მწერალს, აბსოლუტურად მართალს ბრძანებთ: ერთი საფიქრალით უნდა იაროს, ერთი სიტყვითა და საქმით, თუმცა ეს სულაც არ ნიშნავს პარლამენტს გარეთ აღმოჩნდნენ ისინი: ნიჭიერი მწერალი, ნამდვილი მამულიშვილი, მჭერა, ჩინებულ პარლამენტარადაც ივარგებს.

ისტორიულ გადაწყვეტილებათა წინაშე რომ ვდგავართ, აქ ეჭვის შეტანა უვიცობაა და გადაუჭარბებლად შემოიძლია დავასკვნა: ყოველი შეხედულების შეჩერება, დიახაც, დღეს არის გადაუდებელი ამოცანა, აი, ჭადრაკის პარტიის ამოხსნას რომ სჭირდება პროფესიული მიდგომები, ყველა სვლის გათვლა, ყველა ჩანაფიქრის ამოცნობა და ერთადერთი მართებულის გაკეთება, იმგვარი.

მე უწინარესად მეცნიერი ვარ, შენ — მწერალი — სახეებით მოაზროვნე, მაგრამ ორივე ჩვენი ხალხის ნების გამომხატველი სიტყვით და საქმით და რადგანაც იმ ამაზრზენი რეალობის შემადგენელი ნაწილი გვქვია, რაც ჩვენს გარშემო ტრიალებს, საბედნიეროდ განსჯის უნარი დღემდე არ დამიკარგავს, საკუთარი შეცდომების აღიარების ნიჭიც მომსდგამს, სხვათა დანაშაულის დანახვაც ძალმიძს და არც მათი გამოს-წორებისათვის მუხლჩაუხრელი შრომა, ჯაფა და რუდუნნი მეზარება.

„დასავლურ მასქურს“ ახსენებ შენ, „მასქური“, ალბათ, ქარის სახელწოდებაა სამეგრელოში და რასაც შემოთავაზებული მასალის კომენტარებში ვამქლავნებ, უფრო ჩაღრმავებულ საუბრამდე თეზისური ხასიათისაა. აღარც გამემტყუნება — მე პირველ შთაბეჭდილებას გიზიარებთ, შედარებით სამახსოვროს გამოვყოფ და გულწრფელობაში რომ ჩამომერთვას, ილიას სიტყვები მიმიჩნევია უმთავრეს ამოსავალ პუნქტად: „ჩვენი თავი ჩვენადვე გვეყუდნესო“, თუმცა საკითხავია, როგორ და რანაირად? ამ პრობლემის გადაჭრა ხომ მთლად ჩვენს ნება-სურვილზე არ ხკიდია? სხვა უამრავი ფაქტორი ელოდება წინ ჩვენი თავის ჩვენადვე დაყუდნებას. მოკლედ, ვიდრე ყველაფერზე ძირფესვიანად გვიმსჯელია, გამოგიტყდებით: საქართველოს მართლაც მართებს დიდი ჩაფიქრება ქვეყნის სოციალურ-პოლიტიკური მოწყობის გზაზე. ამ თვალსაზრისით ხალხის წიაღიდან წამოღებული ვალიკო მესხისა და იროდი სართანის სახეები მეჩვენება ნამდვილ მიღწევად. მერამდენე წელიწადია მესმის საირმელ ცოლ-ქმარზე — ზოგი კარგი, ზოგიც — ავი, მაგრამ შენი ნარკვევი გაცილებით მეტი ინფორმაციას შემქმნს. პირველად შევიტყობ უბატონო გლეხები რომ ყოფილან. უბატონო სვანეთი გამიგია, ქიზიყი...

ნამდვილად მემამყება საქართველოში ამგვარი კუთხეების არსებობა, მაგრამ უბატონო გვარი თუკი არსებობდა, ნამდვილად ვერ ვიფიქრებდი.

ნარკვევში წარუშლელია გვარის ფილოსოფია. დღევანდელი ცივილიზაცია ფაქტობრივად დაუპირისპირდა გვარონულ ურთიერთობას. მან წინ წამოსწია ადამიანის ფენომენი: ინდივიდი, პიროვნება, რადგანაც ეკონომიკური სიღუპის პირობებში იზოლირებულს უჭირს თავის გატანა, უმძიმს მრავალრიცხოვანი ოჯახის გამოკვება ნათესავისა და კეთილი მეზობლის წაუხმარებლად.

მეოცე საუკუნის მიწურულის ცივილიზაცია კი თავისი საფინანსო-საბიუჯეტო სისტემებით უკუაგდებს ჩვენთვის სასიცოცხლო მნიშვნელობის მონაპოვრებს. ამ შემთხვევაში პიროვნების როლში უფრო მსხვილი ეთნიკური ერთეული — გვარი გამოდის, და რამდენადაც ღონიერია იგი, იმდენად — წარმატებულიც.

გვარის მტრად ვალიკო მესხია ქალაქს ასახელებს და ცამდე მართალიცაა. განა ცოტა არის შემთხვევა, როცა ერთი კორპუსის სხვადასხვა სადარბაზოს ხალხი ერთდროულად მართავს ქორწილს და ქელესს? ეს ხომ პატარძელში, კაკაბეთსა თუ ოტობაიაში არაფრით მოხდება, გნებავთ შედარებით მოზრდილ ქალაქში, როგორცაა: ქუთაისია, ბათუმი, თელავი თუ ზუგდიდი, მაგრამ თბილისმა უკვე შეაბიჯა ტიპური ქალაქის ფაზაში და ურბანისტული ფსიქოლოგიაც თანდათან ფეხს იკიდებს იქაური მაცხოვრებლის ყოფა-ცხოვრებაში. განა ეს ჩვენი ტრადიციების გაუცხოვების შედეგი არ არის? რეალობას სად გაეჭკვევი? ინდივიდუალიზმი ნამდვილად დიდი ქალაქების პირმოა. ამ პროცესს ვერსად წაუხვალ.

იქ, უცხოეთში, უამრავი სახნავ-სათესი ფერმერების ხელშია. ჩვენში ხარ-კამეჩებით რომ ხნავდნენ გლეხები რამდენიმე ქცევა მიწას, საზღვარგარეთ ამ სამუშაოებს ერთი ოჯახი ასრულებს ტექნიკით. ჰოდა, ადამიანები მოაწყდნენ დიდ ქალაქებს. მათ დაკარგეს მიწისადმი სიყვარული, უფრო სწორად გადაეჩვივნენ ხვან-თესვას და ქარხნებსა თუ ფაბრიკებში დაიწყეს თავიანთი შრომის უნარის გაყოფა. მათ აქვთ საკმარისი ფული, რათა შეიძინონ საჭირო სასოფლო-სამეურნეო პროდუქტები. ჩაიკეტა კაცი კოლოფისმაგვარ ბინაში და სახალხო თავყრილობების ნაცვლად რამდენიმე ათეულ არხიან ტელევიზორს მიეჭაჭვა. მას უკვე მზამზარეულად მოსდის ინფორმაციები მთელს ცივილიზაციაზე. ის უკვე თითის გაუტოკებლად მსოფლიო ინფორმაციისა და ცხოვრების ნაწილია. ზოდა, სრულიად საკმარისია მისთვის ეს ფუფუნება. რომელიმე კაფე-ბარი ამოუჩემებია ლუდის საწრუპად, რომელიმე მაღაზია — საჭირო ნივთების შესაძენად და მორჩა. სამსახური, ბარი, მაღაზია, ოჯახი. აი, ამგვარად შევიწროვდება მისთვის სამოქმედო სივრცე. ინფორმაციული სიმრავლის ხარჯზე ხომ ვერსად დავმალავთ ამ რეალობას?! მაგრამ ამავე-დროულად მეცნიერებას და ტექნიკას საზღვრები არ გააჩნია. ამისთანა ქვეყნებში ქალაქი ქალაქსაა გადაბმული, მიუხედავად სახელმწიფოებრივი განსხვავებულობისა. როგორ გინდა ახლა მათ ყოფიერებას გვარონული აზროვნების საზომით მიუღდე?

საქართველო ერთი ციკქნაა მსოფლიოსთან შედარებით. დიდი ქალაქების პერსპექტივა ჩვენს ქვეყანას ნაკლებად გააჩნია რელიეფის გათვალისწინებით. საამისოდ თბილისის მაგალითიც იკმარებს. რამდენი დასახლება შევმატეთ მას ჩვენი წინდაუხედაობით? არ გვერჩივნა ქვეყნის სხვა ქალაქები გაგველამაზებინა? რა დააშავეს რაიონულმა ცენტრებმა, დაბებმა? არ ჯობდა იქაური სამშენებლო რესურსების გადანაწილების ხარჯზე სასოფლო გზებისთვის მიგვეხედა, სხვა კომუნიკაციებისათვის?!

ჩემი ალლოიანობით აქ სხვა ძალის თავი მარხია, ესეც იმპერიალისტური ზეწოლის შედეგია უთუოდ. მაგრამ ახლა შეგხედოთ მედალიონის მეორე მხარეს, სადაც იროდი სართანია სულ სხვა-ნაირად წარმოაჩენს პრობლემას.

მისთვის გვარი ზედმეტი ბარგია, ვინაიდან იგი ადამიანში მთავარ ღირსებად პიროვნებას ასახელებს. გვარი ინახავს უსუსურსაც და ძლიერსაც, თუმცა პიროვნება ტრამალის მგელივით მარტოხელაა ცხოვრებასთან პირისპირ ჭიდილში და ამიტომაც იგი ერთადერთი — საკუთარი ძალების იმედით წარმართავს ცხოვრებას. ამიტომაც ამოტივტივდებიან ისტორიის გადასახედიდან კრამერები, მარკესები, აინშტაინები, მორფები, შენებური სტილით თუ ვიტყვი, მრავლობით ფორმაში. როგორ მოვიქცეთ? ვის მივანიჭოთ უპირატესობა? ან სამართლიანია კი საკითხის ასეთ-ნაირად დასმა?

საქართველოს სამი მეოთხედი მთიანეთია. ჩვენი ცხოვრების წესიც, ალბათ, ამ რეალობას უნდა მივუსადაგოთ. მთიანეთში გიგანტურ დაბა-ქალაქებს ვერ გავაშენებთ წარმატებულად. მაშ, რა პერსპექტივა შევთავაზოთ ჩვენს ერს? ისევ კავი და გუთანა? ისევ ხუთი მილიონი მაცხოვრებელი? ისევ პრიმიტიული მეურნეობრიობა? ქართველი კაცის ნიჭიერება ვერ შემოიფარგლება მხოლოდ ტრადიციული დარგებით. ჩვენს გენს და შესაძლებლობებს, იაპონია-ევროპისა არ იყოს, წინ ელოდება ზუსტი მეცნიერებანი: გამოთვლითი მანქანები, XXI საუკუნის აპარატურა: კომპიუტე-

რები, კოსმოსური სივრცე, ქირურგია. ადრე თუ გვიან ქართველი კაცის უნარი ამ მიმართებით სასწაულებს მოახდენს უეჭველად და აქ მხოლოდ გვაროვნული ცხოვრების პრინციპებით ვეღარ ვიარსებებთ. რაღაც შუალედურია მოსაძებნი ჩვენი ეროვნული სხეულისათვის, ქალაქურ-სოფლურის შუალედური. მგონი დაბას ვეძახით ამისთანა დასახლებას. არც მიწასთანაა კავშირი გასაწყვეტი და აღარც ტექნიკური პროგრესისთვის ზურგის შექცევა ივარგებს. მიკროფაბრიკებისა და მიკროქარხნების მომრავლებით ჩვენ გადავარჩინებთ ქართულ ტრადიციულ ფსიქოლოგიას; ამასთან არც მსოფლიო პროცესებს მოვწყდებით.

აქ იროდი სართანის ფილოსოფია მეტი საყრდენი ძალაა. ჩვენ გვეშინია ინდივიდუალობის დაკარგვის და ამიტომაც ლოკოკინასავით ზურგზე გვეკიდია ზოგი დრომოქმული ტრადიცია, ჩვენი კარჩაკეტილობა.

ზემოთ მითქვამს: მაქსიმალიზმი დამლუპველია-მეთქი.

ერთი პერიოდი ჩინური ფილოსოფიით ვიყავი გატაცებული — ლაო ძითა და კონფუციით. ეს ვეშაპვიტ ქვეყანა მოახერხებს, სოფლისა და ქალაქის შერწყმას, რაღაც შუალედურის ნიადაგზე. ჩინეთს ახლა საკუთარი ტექნოლოგიებიც აქვს, ატომიც და ბაზარზე გასატანი ბრინჯი თუ ხორბალი. ამით რისი თქმა მინდა, იცი, არაფერი დაშავდება თუკი საქართველო მიკრო-ჩინეთს დაემსგავსება. არც ჩვენი სათაყვანებელი ინდივიდუალობაც იზარალებს და აღარც — ცივილიზაციას ჩამოვრჩებით იზოლაციით.

ცოლ-ქმარი მესხების ცხოვრების შენებური წარმოჩენა ერთ აზრამდე მიმიყვანას: საქართველოს მართლაც შეუძლია ჭარბად აწარმოოს პური, თაფლი, ხორცი, ყველი, ღვინო, ხილბოსტნეული. ეს ჩვენი ჯანსაღად ყოფნის ერთ-ერთი უმნიშვნელოვანესი ქვაკუთხედი. მაგრამ ასევე საქართველოს თავისუფლად შეუძლია განავითაროს მსუბუქი მრეწველობა, ფარმაცოლოგია, პარფიუმერია, მით უფრო მედეას ქვეყნის ჭირისუფლებმა; თავისუფლად შეგვიძლია განვავითაროთ უზუსტესი აპარატურის წარმოება: ფაიფური, კერამიკა, მეაბრეშუმეობა; შეგვიძლია ვაწარმოოთ ჭეჭიმები, ხალიჩები და ნოხები, როგორც აზიისათვის, ისე — ევროპა-ამერიკისათვის; საქართველოს შეუძლია შუალედური მიდგომების შემწეობით განავითაროს მიკრო-ხესები, ეფექტურად აითვისოს ტორფის მარაგი, ტყბულის დაბალკალორიული ქვანახშირი სპეციალური საცეცხლურების მეშვეობით, ნავთობი, რომელიც ჩვენს ტერიტორიაზე უამრავი ოდენობითაა თურმე ბოლოდროინდელი დაკვირვებებით.

ნუთუ ეს ყოველივე ცოტაა ხუთმილიონიანი ერისათვის? ვგონებ საკმარისზე მეტიც. საქართველოს თავისუფლად შეუძლია მძლავრ ექსპორტიორ ქვეყნად იქცეს საკონსერვო წარმოების გაშლით. რამდენი კენკროვანი მიაქვს წყალს და მეწყერს?!

მომხიბლა მანქანათმშენებლის ფილოსოფიის დაკავშირებამ შურუბუშუმუბ-ასთან. აიტმა-ტოვის ამ რომანისთვის და სხვათათვის ადრე მეტს ვიცლიდი, ახლა მომქანცველი სამუშაოების გამო, თავისუფალი დრო თითქმის არ მრჩება და მაინც „დათა თუთაშხიას“ შემდეგ დასტამბული უამრავი რომანი წავიკითხე: „გორა მბორგალი“, „აველუმი“, „სამოსელი პირველი“, „არტისტული გადატრიალება“, მათზე ვიტყვი სხვა დროს, მეტის გამოწველივით.

ვალეკო მესხია გულლიად ასახელებს ჩვენი გადაგვარების უმთავრეს მიზეზებს:

ფილოსოფიაში ჭიპი ვის მოუჭრია არისტო ტელეს შემდეგ, მაგრამ რიგით მოკვდავებსაც გვაქვს, ალბათ, უფლება ჩავუღრმავდეთ საგნებს და მოვლენებს. კაცობრიობას ჯერ კიდევ სრულყოფილად ვერ შეუმუშავებია ჭეშმარიტი მოქალაქის სტატუსი. ადამიანის უფლებათა დეკლარაციაში პატივიმეგებულა მისი რწმენის უფლება, მისი ეროვნულობა, ენობრივი თუ სხვა რამ სულიერი საგანძური და მაინც მიუხედავად უამრავი ხუმანური ტრაქტატისა, ჩეჩნეთი ბარბაროსულად იბომბება. დაიბომბა გუმინწინ ბელგრადი. ექსიოდე წლის წინათ სოხუმის თავზე გამანადგურებელი ცეცხლის სვეტები იყო აღმართული. ადამიანის რომელ უფლებათა დაცვაზეა საუბარი, ძმობილო?! კაცობრიობას, ჯერაც მრავალი საუკუნის თანაარსებობა მოუწევს, ვიდრე იროდი სართანის ფილოსოფიამდე ამაღლდებოდეს, ვიდრე „ჩემსა“ და „სხვისაში“ ზღვარს მოშლიდეს.

ჩვენ, როგორც ჩანს, ბუნებამ იმთავითვე გაორებული ხასიათი გვარგუნა: ვებლაუჭებით კიდევაც ეროვნულ მონაპოვრებს, მამა-პაპურ ტრადიციებს, ზნე-ჩვეულებებს, პოლიფონიურ საგალობლებს, დამწერლობას, კურთხეულ ქართულს და ამავდროულად საკაცობრიო იდეალებითაც მოგვაქვს თავი თუნდაც ვეფხისა და მოყმის ბალადა გავისხენოთ: „იქნება ვეფხის დედაი, ჩემზედ მწარედა სტირისაო,“ გვისწავლია ხალხური სიბრძნიდან, და დიხაც ვამაყობთ მოსისხლეს მისასამძიმრებლად წასწრაფებული შვილმოკლული ქართველი ქალით. როგორ მოვათავსოთ ახლა ერთ ქურჭელში ეს ორი ურთიერთგამომრიცხავი ცნება?! ორთაბრძოლა, ომიც გარადუვალა ვეფხესა

და ადამიანს, ანუ ორ მოქიშპეს შორის, და აქვე ნიანგის ცრემლით დავსტირით ჩვენსავე უგუნურობას. განა სასაცილო არ არის იგივე იროდი სართანის პოზიციიდან?! სადაც კი ერთმანეთს დაუპირისპირდება ეროვნული და კოსმოპოლიტური, იმ საზოგადოებაში, გნებავთ — მსოფლიოში, ცხოვრება ყოველთვის ძალღუმადურია, რადგანაც კონსენსუსი ვერაფრით მიიღწევა .

მე ვყოფიანებ დასკვნებისას, იქნებ მერმინდელ დიალოგში შევძლო უფრო გამოკვეთო პოზიცია, გადაჭრით მივემხრო რომელიმე ძალას, მაგრამ დადიანისეულმა ბორკილებმა მართლაც გამაოცა.

კახეთში დაბადებულს და გაზრდილს, ეკო- ნომისტსა და პოლიტოლოგს ერთდროულად, ოტობაის შუკებში ნასიარულებს ბოლოსდა- ბოლოს, მსგავსი რამე პირველად მესმის.

შურუბუმულობას, რომელსაც ვალიკო მესხია ასახელებს ადამიანის გადაგვარების უმთავრეს ნიშნად, პირში ჯოხის ჩაჩრა, ალიკაპის ამოღება, ან ყურის ცვილით ამოქოლვა და თვალებზე ლიბრის გადაკვრა, ფანერის ნაჭრის აფარება — ამაზრზენია. აი, სად წამოხყოფენ თავს კრამერის ბიზონები. ისინიც შურუბუმულები არიან, იგივე სმენადანშულები და თვალამოშრეტილები. ბედისწერი-სადმი შეგუება ცხოველსაც გაანადგურებს ერთ დროს და ადამიანსაც.

წამიკითხავს, ჩინეთში მგლები ამოწყვიტეს და დროთა ვითარებაში ირმების ჯოგიც განადგურდაო. მგლების დევნისას ირმებს ჩლიქები მუდმივ მოძრაობაში ხქონდათ, მაგრამ საშიშროება რომ გაქრება, გაქრება მათი ბრძოლის უნარიც სიცოცხლისათვის — დაუავადყოფდებათ ჩლიქები და ამოწყდებოდა.

ამისი მეშინია მეც. ქართველებსაც არ გაგვიქრეს წინააღმდეგობათა დაძლევის ნიჭი, ლაზათი, შნო. მთელი მუსულმანური სამყარო გვებრძოდა და მაინც თავაწეულად ვცხოვრობდით. რუსეთის მფარველობა ჩამოგვაშორებს თითქოს ისტორიულ საფრთხეს, მაგრამ შინაგანად გადაგვარდებით, შინაგანად გადავვიშდებით, გადავიქცევით კრამერის ბიზონებად.

გნებავთ ახლა ამერიკას გადაუსვამს თავზე ხელი, ისიც დავეიცავს გარეგანი მტრისაგან, მაგრამ შინაგანს რომ ვერ ვუშველით? იმ ირმების ჩლიქებით შემოგვეჭმევა ხორცი და ძვალი, მეტიც — საკუთარი ყროლი შეგვაწუხებს.

მე კი მეჩვენება, საქართველო ვიდრე სრულ თავისუფლებას არ მოუპოვებია, რომელიც ნონსენსია, ანუ თითქმის მიუღწეველი, ძმობი-ლო, სცილას და ქარიბდას რომ ეძახი, შენ იმ ძალებს შორის გონივრული, ასჯერ აზომილ-აწონილი და ერთხელ გაჭრილი საქციელი გემართებს. და კიდევ უფრო სამახსოვრო — ბოროტ-კეთილის ერთმანეთისგან გამიჯენის რეალობა.

ერთ ტაბლაზე არ დასხა ისინიო, მაგრამ მათ შორის ძალთა თანაფარდობა კოლოსალურად განსხვავებული თუა, მაშინ, მაშინ რა ღონე უნდა ვიხმაროთ?! და აქ უეჭველად გასათვალისწინებელია იროდი სართანის შეგონება მესამე გზის თაობაზე. ეგ ხომ ჩინეთია, ჩემგან ადრე ხსენებული, იგივე დენ სიაო პინის შორსმჭვრეტელობა. იგი ეკონომიკურ საფუძვლებსაც კი ალტერნატიულ გზას მოუძებნის და სახელმწიფო საკუთრების გვერდით დაუშვებს კერძოს, დაუშვებს კონკურენციას მათ შორის.

გზა, მანძილი, კილომეტრობით იზომება იროდი სართანისებურად, მაგრამ სფეროს ველარ მიუდგები ნაცადი ხერხით.

სადაც სანტიმეტრები უძღურია, იქ გრადუსები ამოიდგამს ენასო, და მიდი — შეეკამათე.

არის სულ სხვა განზომილების სიდიდეები — მიკრო და მაკრო კოსმოსი. იმტერიე ახლა თავი. ის გაცილებით შორს იმზირება, ზეგინდელისა და მასზეგინდელის იქით, მაგრამ რადგანაც ჯერ ჩვენი ტალახიანი ორობეების პრობლემები ვერ მოგვიგვარებია, იქნება შეგვეჭვრებინა ორივე პიროვნების ნაზრევი და რაღაც შუალედური გამოგვეყვანა, კონფუცისა და ლაო ძის რომ სჩვევიათ, იმგვარი?

სავადასახადო პოლიტიკაზე მსჯელობისაგან აქ თავს ვიკავებ, ვინაიდან ეს იმდენად მრავალწახნაგანი პრობლემაა, მეტ დაკონკრეტებას მოითხოვს. ვალიკო მესხიასთან თბილისელი მიშიკოს საუბარი პრიმიტიულზე პრიმიტიულია, ანუ — გლეხისთვის გასაგებად თქმული სინამდვილე, რომელიც მრავალ განმარტებას საჭიროებს კვლავაც, და მომავალი დიალოგის მოლოდინის იმედით, დამამთავრებელ წერილზე გადავალ, „საქართველოს მოძრავ ეკლესიაზე“.

იქ შენ ებრაელი და სომეხი ერების ცხოვრების წესის მოშველიებით ცდილობ ქართველი ხალხის სატკივრების წარმოჩენას. ორივე ერის წარმართველ ძალად სარწმუნოებას ასახელებ, და კიდევ — ალებ-მიცემობის ნიჭს, ანუ ბიზნესის განსაკუთრებულ უნარს.

გამიგონია: სარაჯიშვილი ანგარიშისას თურმე სომხურად ითვლიდაო. მიუტანეს ეს ამბავი ილიას, და წარმოიდგინე, როგორ დამწუხრდებოდა ერის უგვირგვინო მეფე?!

უკითხავს ერთხელ:

ეგ რა არის, დავით-ჯან, და მასაც ღიმილით განუმარტავს:

ეს, ილია, ბატონო, ანგარიში ქართულად არ გამოდისო.

ჯანსაღი ბიზნესის წარმოება ქართველისთვის არ გახლავთ უცხო ხილი. ეგეც იმპერიალისტური ძალების მოგონილია. დაახლოებით იგივე, რაც — ლერმონტოვს ათქმევინეს: „ბეჟალი რობკიე გრუზინიო“, რათა ჩვენს ძლიერებაში ჩვენვე შევევქვებულებოდათ

ან შეხედე, აფხაზეთის ომში მუჟა ხალხისგან დამარცხებულად როგორ გამოგვიყვანეს, როცა კბილებამდე შეიარაღებულ დაჭირავებულ ბოევიკებს ლამის შიშველი ხელების ამარა ვებრძოდით?!

ქართველზე ნათქვამი: ვაჟკაცი გული რკინისა, აბჯარი — თუნდაც ხისაო, მაგრამ ფართომასშტაბიანი ინფორმაციული ომით რომ შემოგიტყვენ: უღირსი ხარ, ლაჩარი და მშიშარაო, სასო წაგერთმევა, და იწყება მერე უიმედობა, არასრულფასოვნების კომპლექსის ჩამოყალიბება, რომლის საბოლოო შედეგი კრამერის ბიზონებია.

ღმერთმა ნუ ქნას ასე. ქართველი იქამდე ნიჭიერია, იქამდე გამჭრიახი, ვერც ბიზნესში აჯობებს ვინმე, ოღონდ თანაბარ პირობებში ჩააყენე. ნუ მისცემ ერთი ერის წარმომადგენელს დაბალპროცენტიან სესხებს მეორის საზიანოდ და მერე ვნახოთ ვინ ვის გაუსწრებს. ქართველი ყველგან გაიტანს თავს, გინდა სიბ ქვაზე დაასახლო, ოღონდ ნუ უსისინებ დღედაღამ: „გახში, გახშიო“.

აქვე, ჩვენი ხალხის შემკრებ ძალად ზოგადევრონული ლექსიკონის შექმნა მნიშვნელოვან ძარღვად მიმაჩნია ჩვენი სამერმისო არსებობისათვის, როგორც ქართული აზროვნების მეტრებისგან გამიგონია, ადამიანების ჩვეულებრივი საურთიერთობო ენა დაახლოებით ათას სიტყვას მოიცავს. ეს ათასი ერთეული მეგრულ-სვანური სიტყვებითაც თუ გამდიდრდება, დაშავდება განა რამე?! ჩვენი ხალხი იმითაც არ წააგებს, ალბათ, თუკი მილიონიანი სიტყვის შემცველ ლექსიკონსაც შევუქმნით შთამომავლობას, მაგრამ მთავარი და ნამდვილად მისახედი სხვა მეჩვენება: ეკონომიკური კავშირების ძიება, რომელიც პირდაპირპროპორციულ მიმართებაშია ქვეყნის ორიენტაციის საკითხთან.

რამდენიც უნდა ვეკამათოთ მატერიალისტებს, ეკონომიკური ურთიერთობები უმთავრესია საზოგადოების ჩამოყალიბების საქმეში; ნუ ვუყურებთ ჩვენ კუჭს აგდებულად. შიმშილსა და სიმაძღრეს შორის ზღვარი სამაგალითოდ რკინის კასრშია დაწესებული „თუთაშხიადან“.

მოგეხსენება, კაციჭამია ვირთხას ორნაირი მეთოდით გამოიყვანდა ხოლმე თორია: მოფიქრებული შიმშილით, ან მოფიქრებული სიმაძღრით. ჩვენ თუ სწორ ეკონომიკურ საფუძვლებს არ შევუქმნით ჩვენს სახელმწიფოებრიობას XXI საუკუნეში, ვერანაირი ლექსიკონი გვიშველის.

ეროვნული კონსოლიდაცია დაწყებულია 31 ოქტომბრის საპარლამენტო არჩევნებით. ეს დიდი იმედისმომცემი ნიშანია. ახლა ამ მონაპოვარის დათმობა არაფრით იქნება, პირიქით, მეტი მონდომება გემართებს ყველას მისი განუხრელი აღმასვლისათვის. თუკი გულში არ ჩავეხუტებით ერთმანეთს, სახელმწიფო ინტერესებიდან გამომდინარე, ხომ შეგვიძლია ვითანამშრომლოთ, ვითანამშრომლოთ ერის და ბერის სახელით?

ვალეკო მესხიას მონაყოლისა არ იყოს, როცა გვერდიგვერდ მოვზილავთ საკრამიტე ალიზს „წითლებიც“ და „თეთრებიც“, იქ ქვეყნის ყაჩაღების პარპაშს ბოლო მოელება. მთავარია, პრინციპებში შეთანხმება. ამიტომაც შეუძლებელია კვლავ იროდი სართანის მოსაზრებას არ დაეთანხმოს კაცი, როცა კეთილს და ბოროტს ერთ უღელში შეაბამს ხოლმე, ვალეკო მესხიასგან განსხვავებით.

ისე, ცხოვრებას სიღრმისეულად რომ ჩაუკვირდე, ადამიანი მართლაც სიკეთე-ბოროტების ჯამია ანუ უარყოფით-დადებითი ემოციების ნაზავი. ხოლო, როცა ისწავლი ქველმოქმედების ფასს, მტერსაც კი შეიყვარებ, მიუხედავად მისი უმიზნო მავნებლობისა. ადამიანი ბოლოს და ბოლოს აითვისებს უარყოფითი ენერგიების დამორჩილებას და სიკეთის სამსახურში ჩაყენებას. ამისთანა ძეხორციელი ორმაგი ძალით აივსება და მერე მისი დამარცხება მალაღმარებლად თუ ვიტყვი, ალბათ, თვით სიკვდილსაც გაუჭირდება.

ჩემი შეხმიანება წარმოდგენილ მასალებზე, თეზისურია, და ამდენად — ზედაპირულიც. რაც იქ ჩატუმბულია, მეტი გულისყურით რომ გაშალო, ათი ამდენიც არ ეყოფოდა, მაგრამ ჩემისთანა მოუცლელი კაცისთვის ესეც არ იყო იოლი საქმე.

„საით, საქართველოვო“, კითხულობ შენ და აქ რამდენადმე ზუსტი პასუხი რომ გამომივიდეს, ისევ ჩინურ ფილოსოფიას დავესესხები:

საით და ალბათ, საკუთარი თავის საძიებლად, გულადი, ძმობილო, ბატონო გური. ალბათ, საკუთარი თავის იმედით, ალბათ, საკუთარი მომავლის რწმენით. ხოლო როგორ ვიპოვოთ საკუთარ თავს, რუსული მუქარების თუ ამერიკული კაბალური ინვესტიციების პირობებში, ერთიანი გონების გადასაწყვეტია, ჭადრაკის გადაღებული პარტიის გარჩევა რომ მოითხოვს — თითოეული სვლის გაანგა-

რიშება და გათვლა. მე ვხვდები, „სუფევის“ გასრულება ვერ იქნება იოლი საქმე, რადგანაც გაგიძნელებდა ყველა კითხვისათვის პასუხის ღიად გაცემა მიუხედავად იმისა, გამბედაობა არ მაკლია, მაინც რუსთაველის შეგონებას შეგახსენებ: ზოგჯერ თქმა სჯობს არათქმასა, ზოგჯერ თქმითაც დაშავდები. ამ პრინციპის გათვალისწინებით, დარწმუნებული ვარ, გახვალ ფონს, სცილას და ქარიბდას შორის გასასვლელ ვიწრობს რომ ეძახი.

თავისუფლებისკენ მიმავალი საქართველოს გზაც ხომ ვერ არის მთლად ისარივით სწორი, როგორც ეს თითოეულ მამულიშვილს გვწადია სულით და გულით?!

მიუხედავად უამრავი ჩაფერფლილი სიცოცხლისა, მიუხედავად აურაცხელი თავდადებისა და საგმირო საქმისა, ეს გზა საოცრად დაკლანძობილია, ზოგჯერ უნებურად იმავე ადგილს უბრუნდება, ახლახან რომ გაგვივლია, მაგრამ რადგანაც სხვა გამოსავალიც არსაიდან ჩანს, ვეგუებით ზიგზა-გიან ცხოვრებას, ადრე თუ გვიან საყოველთაო ბედნიერების არენაზე გაღწევის იმედით. ხოდა, დაე, მაღალი ღმერთი გწყალობდეს, ძმობილო, ამ დაუსრულებელი წინააღმდეგობების გადალახვისას.

– მღაბა! აუხდენელია კაცობრიობის მარადიული ნოსტალგია, ბატონო სოლომონ, სულიკო ძმაო, სულიჯან, დედის წიაღისკენ მიბრუნების გზაზე, უზრუნველი ორგიებისკენ საშვილოსნოს ოკეანეში. ეს ცხრათვიანი სამოთხე ცაბათის ედემის ბაღზე ნაკლები როდია ბედის ნებიერი ჩვილისათვის, და არც — ბედია-აფხაზეთ-სამურზაყანოა საჩუქარი ჩვენი ოტებულის მოსახლეობისათვის.

გური ოტობაიას ყისმათი კრებსითი განზომილებით, ფორმულასავით აღიქმება სრულიად თვის-ტომის ყოველდღიურობის საანალიზოდ.

ღიახ, დევნილია იგი საშობაო ჭინთვებიდან მოყოლებული: ლტოლვილია მთელი ცხოვრება, ოტებულის, ხან — ბიოლოგიური კანონების მეოხებით, ხანაც — წუთისოფლის წიხლ-მუჭლუფუნებისაგან. აბა, გური ოტობაიას სადადიანოდან „გამოსაქცევი“ რა სჭირდა, გარკვეული წრეების მერკანტილური მიზნები რომ არა!

უბედურებაა თურმე, როდესაც ხელისუფალი პრეტენზიას აცხადებს ლიტერატურობაზე, პოეზიაზე.

მისთვის ხელოვანს საკრალურობის ნიშანი გაბედითებია იმთავითვე, ვინაიდან სიყრმის წლებში მასაც უწვალებია რითმა, მასაც უჯახირებია სტრიქონ-ტაეპი, და როდესაც ვერანაირ ფანტასმაგორიას შეუძრავს სულის კოსმოსიდან გარემომცველ ყოველდღიურობამდე, სხვათა შედეგების დაზუთხვას მისძალებია; ასობით ნიმუში მოუწვართავს დეკლამატორული ნიჭიერებით და ჭიქას ისე როგორ წამოსწევს, პირში არ შემოგჩაროს ტაბიძეები თუ გრანელები, ბარათაშვილ-ლეონიძენი, ფშაველანი, რუსთაველები... საკუთარ ინტონაციასაც, საკუთარ მდულარებასაც მიადევნებ ყურს ნებისად, შენი გვარ-სახელის გაცნობიერებისათვის არავინ მოიცლის;

ამისთანა ხელისუფალთ ყოველთვის ეადვილებათ სიტყვიერების ზესთა პრობლემების მოგვარება: „ლომი“ ბოლქვაძისა არ იყოს, ლექსს რედაქციაში მოუტანლად უბეჭდავენ ავტორებს. მოკლედ, ბევრი რომ არ გავაგრძელოთ, ჩვენეული გლობალური გამობუნძურება მყეს-ძირიანად ეტევა ჩვენი შუკო ჭიქის სტრიქონში: აწ ვტოვებთ სხეულებს, **იგულისხმება ბრძოლის ველი, გ.თ.**) და ვიხვეთ ცისკენო;

ღიახაც, ვიხვეთ ცისკენ, ძმობილო, დედის წიაღიდან მოყოლებული, სამოთხის ბაღის ათვლის წერტილიდან, სააფხაზოდან, თვით სადადიანოდან, ლაქვარდისფერი ოდიშიდან, კიბორჩხალასავით უკუმივიტყევით მინიატურული წვეთიდან, სიგიჟისასაც რომ უხმობს რობაქიძე დედალი ავაზას მომტაცებელ ლექსში; უნაპირებო წვეთისაკენ — კოსმოსის სინონიმად ვარგისი ზეგონიერებისკენ;

ხოდა, ოდეს სამშობლოს შემკონავ სახსრად, გენბავთ — სიმბოლიკად, უბადრუკი გური ოტობაიას სუფევას თუ დავსახავთ, სულისმოუთქმელად მივექანებით სადღაც და საითკენ, კედლიდან კედლისკენ;

ზურგიდან გამომქევებელი უჩინარი გვაწვება გამომგდებ ძალად, ზოგჯერ დათვივით რომ წაგვაძუნძულებს კიდევ, გვაწვება და გვიჯიკავებს, გვგვლეხს; ხან ყანყრატოს გამოგვიფხიანებს ყანბური ოსტატობით; ხანაც მაჯებს გადაგვიფატრავს; დასტაქრული ხელგარჯილო- ბით; აქა-იქ დედის წიაღსაც მოუშლის ჩვილს, არ დააცლის ოაზისში ცხრათვიან ყურყუმელაობას, გამოისვრის, გამოსტყორცნის ცისქვეშეთში, რომელიც მოზრდილი კარიბჭეა გამჩენელისგან მონიჭებულთან შედარებით და მის მერმე მილიონეცდება მათი ზომა-ფორმა, ვიდრე ღმერთთან შეცურდებოდეს, უფალთან შეიჭრებოდეს მანათობლის სხივით, სპერმასავით ჩაეკინძებოდეს უთავ-

ნაპირო სულში და უკვე ამ მდგომარეობას, ამ ვითარებას მეორე კედლით მოზღლუდვას ვეძახით, მეორე კედლით დაყოვნებას; მაგრამ სახლის ფორმა ჯერაც რომ ვერ აღმოუცენებია ჩვენს სამუდამო საცხოვრისს?!

სად არის იატაკი?! სად არის დედაბოძით შეკავებული ჭერი, ან — აღმოსავლეთ-დასავლეთი კედლები?

ჯერ კიდევ ხის ძირას დაყუდებულებს ვემსგავსებით კოსმოსური თქემით და ყოველდღიური ღვარცოფებით დარეტიანებულნი; არც საყრდენი გაგვაჩნია, ფსკერი შევიგრძნოთ: ჩვენი ბრძენ-თაბრძენი ხელისუფლების წყალობით ჯერაც ვერ მიგვიღწევიან დაცემის სტადიამდე, ჯერაც ვარდნის პროცესში ვიმყოფებით და აწ უმნიშვნელოა რანაირ ჯურღმულს დავენარცხებით, გამტკიცულ-სალკლოვანს თუ სულაც — ლორწოიან-ჭაობნარს; უმნიშვნელოა, გალაკტიონის მეოთხე სართულის მომზირალ ლაფაროსავით, ვინაიდან უშელა-ვათოდ დავექვესკენლდებით სადაც არის და ბუნებაში უპოვნელია ენერგია, რომელსაც იქიდან ჩვენი ამოტყორცნა შეეძლოს: არქიმედეს ამომგდები ძალა გაბედითებულთა — ჩვენს დამძორიანებას შეწირვია საფანელად. მოშლილა ის ზამბარები, დრეკადობის ის კანონზომიერებანი, ზემოსროლას რომ გვპირდება მომავალში, და ახლა, ფადაას დეცემისკენ-მეთქი, თამამად შევძახებ შუკო ჭიქიასავით: ფადაას უზნეობათა გამოხშირვის გზაზე, სულიჯან! ფადაას საკუთარი სულის გამოსარეველების წავარნებზე საყოველთაოს იმედით!

ხოდა, ვინაიდან მეოხი პატროფილიის წყალობით, უმჯობესია ჭორების წკმუტენს დავუცაცხანო და შიგადაშიგ უნებლიე გადაადგილების მოტივებზეც მოვკვე — დასავლეთიდან აღმოსავლეთისკენ, მინიატურული სულიდან გლობალური შურობუმუსკენ, ბებერი კოლხეთიდან ჭარმაგი საქართველოსკენ; ეს გზა, ეს წავარნა თუ ბილიკი, გური ოტობაიას წაუბორძიკებლად გაუვლია ზოგადის ნათელხატად, ზოგადის ნიშანსვეტად, და საყოველთაო ფადაას-მეთქი, შიგნით თუ გარეთ, ცასა თუ მიწაზე, პიროვნულსა თუ საზოგადოს შინა.

ნურავის ეგონება ნებით მიმეტოვებინოს სამოთხე — დედის წიაღში ცხრათვიანი ბულრაობა. ვახსენე, საშობაო ჭინთვები გამომტყორცნიან გარეთ-მეთქი და მას აქეთ, დომინოს პრინციპის დარად, დასასრული არ უჩანს ჩემს დევნილობას, ჩემს გამობუნძურებათა მთავრეხილებს თუ კასკადებს. პირზე ოფლგადმოდინარე ერთდროულად გავურბივარ რამდენიმე მდევარს: ყველაზე მთავარი ბელზელთა ამ კრებულში სიკვდილია, დავიწყების ლეთა-მდინარის გამგებელი ქარონის ნავით და კიდევ უამრავი წამშლეი ინსტიტუტით აღჭურვილი კომპიუტერების ლაშქრით: პერგამენტებს, პალიმფესტებს, ეტრატებს, წიგნებს თუ ქვაში ამეტყველებულ ხაზებს — კირბისებს — რომ მუსრავს ერთიანად ჩრჩილისა და ჟანგარო-მტვერ-ბურუსის დივიზიონით.

ამას მოსდევს მგლის მადისმიერი ჟინით აღჭურვილი უთანხმოება ჩვენი: კონფრონტაცია დიდთან და პატარასთან:

უმველებელი მტერი პროტექტორის ქურქში გახვეული ანექსიოიდია, სულიჯან, ხოლო ციციქნა — იგივე ძვალი ძვალთაგანი, ოდესღაც ისეთივე მამულიშვილი, ქართველოფილი, როგორიც უმეტესი პატრიოტი მოყმე: აფხაზი, აფშილა, აფსუა ზოგადად, შუა საუკუნეებში კასპიის ნაპირებიდან აბარგებული და ადიღეს განაყარის სახით შემოჭინჭრებული ჩვენს სულს; მერმე ყოველივე ავლადიდების მიმსაკუთრებელი ხალხური სიბრძნის მხარდამხარ: გარეულმა შინაური გააგდო.

ხოდა, მეც გამოვრბივარ, თავქუდმოგლეჯით, ენგურს გაღმა-გამოღმა, ისეთი გამეტებით, ხანდახან ოტებულს თავ-კისერი ოდიშს მიმიწვდენია და ფეხები კვლავ სამურზაყანოს მრჩება. თუმცა ამითაც როდი ამოიწურება გური ოტობაიას მარტოობის ანიაგანი. იგი მესამეწრეულ მარეკსაც განელტვის არანაკლები გასულსწრაფებით. ეს უკანასკნელი კი უკვე მშობლიური უბედურებაა: ნაზარეთიდან მოყოლებული როდის ხქონია შენდობა შინაურს, ვინაიდან ჩანტლაძის ლექსისა არ იყოს: წავიდა თოვლი, მოვიდა მიწა, ანუ რუსთაველისებურად: იგი წავა და სხვა მოვა ტურფასა საბაღნაროსა. კონფრონტაცია მომიტყორცნის დედაქალაქისკენ; რუტინამ, მოჩვენებითი მეგობრობის მწარე რეალობა მომიქნევს პერიფერიისკენ კოსმოპოლიტური დედათბილისის ყბებისკენ, თუმცა ამ ადგილმონაცვლეობით, ჯამი მისხალითაც არ შეცვლება; ჩვენი ბედკრული ხალხი არაფერს წააგებს — წამოვა ღიჟე გულადი ფეტელავა და დაბრუნდება თაკარი გური ოტობაია; მაჯაშიდა შემტყვებარ დასტაქარს შეცვლის უქარქაშო ძილების გუშავი. ამასთან, ვედარაფრით მოვიცლი თეთრი ყორნობისათვის, ბატონო სოლომონ, სულიკო ძმაო, სულიჯან, გამჭოლ ქარში ვალალებს დღესაც ჩვენი დობადონა, ჩვენი მემლექეთი;

ცხრა წელიწადია უსაშველო სიკვდილის სიმძიმით დაგვწოლია ქედზე თავისუფლების შეფერადებული უღელი ფსევდოთავისუფლების სახელით; ცხრა წელიწადია კისერზე დავგესკუპებია სა-

ხადივით დემოკრატიის მოციმციმე აპეურები ფსევდოდემოკრატიის ნიღბებით; ხოდა, რაღა გასაკვირია ჩვენი ახალგაზრდობა ბაგაში დაბმული პირუტყვივით იცოხნებოდეს დღესაც ლეჰენჭყო ორლობეთა უნივერსიტე- ტებში არისტოტელე-ხეგელთა სიბრძნეს გაუკუღმართებულად?

დევალვირებულია უძირითადესი ეროვნული ფასეულობანი. ყველაფერი საამისოდ მომართულა: ადგილობრივი ხელისუფლება თუ ყვითელი მასმედია კორუმპირებული ჩინოვნიკების მხარდამხარ;

მომშეულ კუჭს უჭირს განასხვავოს ეროვნული საკვებისგან შემოჩეხებული უცხო, რომელიც მის განუხრელ გადაჯიშებას ემსახურება არსებითად: ახალგაზრდობა დავაბით უმეცრობის ბაგასთან ხუთი წლის ვადით, მაგრამ მერე? მერე რას ვპირდებით ამ ჭკუაგამრუდებულებს, იგივე განჯგონებულ ათასებს, ბაქრაძისებურად? უცებ თოხისკენ არ გაიწოდოს ხელი ლამის მეცნიერად თვითშერაცხულმა ყვინჩილამ! ის კი არა, მწყურის აღნაგობის ჭკუა-გონებისა სალაჟვარდოდ ისწორებს ფრთებს არწივის საწადლით. აი, როგორ სინამდვილეს ვებრძოდი სადადიანოს ორლობებში, და აი, რისთვისაც არ დამედგომებოდა იქ გულგრილობათა ოკეანეს ბინადარს.

ცხრა წელიწადია ველოსიპედებს ვიგონებთ. ცხრა წელიწადია აღმოჩენილ ამერიკას დავაპროწი-ალებთ „ევრიკათა“ ძახილით. ცხრა წელიწადია ჭიპი ხერხემალს დამობილებია, ერთეულები კი ბულრაობენ ნაპატივები პირუტყვივით, მაგრამ ისტორიული გამოცდილების კვალობაზე, დიახაც, ცხრა წელიწადის შემდეგ ემხოება პრიამოსის მკვიდრად ნაშენები ტროა, დაილეწება მისი გალავნები და ზღვა ხალხის გაერთიანებას ქვიშას შთარევეს აგამემნონის ლაშქარი აქილევისა და ოდისევსის ტოლძალოვანი თანადგომით. ამჯერად ჩვენი ტროა, ჩვენი ილიონი, იგივე ქაჯავეთის ციხე, საკუთარ უზნეობათა ზღუდეებია, დამაფიქვრებლად აღმართული ჩვენს წინაშე — ჩვენი „აზროვნების სიძნელე“ და თუ არა ამირანის ძალისხმევა, კარს იოლად ვერ შეიბამს.

დიახაც, მეათე წელიწადს ნადგურდება სახელმწიფოებრიობის მოსაშლელად მიმართული ნებისმიერი მანკიერება.

ცხრა საკრალური წელიწადი, ალბათ, სრულიად საკმარისია დირეებად ძილგახირულ თვალებიდან ჩვენს გამოსახედად; ამ პარტახის შემხედვარეს, შეუძლებელია მერმე გვერდის შეცვლა მოგინდეს, ვინაიდან აბობოქრებულ წყალს ლოგინის კიდემდე მოუტანებია და ზეატეტივებულა ყოველივე ნოეს სინამდვილის მიმსგავსებით.

ალბათ, საკმარისზე მეტია ცხრაწლიანი საღათას ძილი საყოველთო გამოფხიზლებისათვის!

მთავარია გამოღვიძება!

მთავარია მომშობი ნირვანიდან გამოსვლა!

მთავარია ნისლ-ჯანღების ესკადრილიის გადარეკა ჩვენი სამზერისიდან!

მთავარია სტატუს-კოში, არსებულ დროში, რეალურ სიტუაციაში შემოსვლა, გაფანტვა ყოველგვარი ილუზორულ-მოჩვენებითისა: წყალშიგაჭირვებულ მოხვეწეს საკუთარ კიდურებს ტყუილუბრალოდ როდი შეგვახსენებს უფალი და როდესაც ეს ეჭვიმუტანელი ჭეშმარიტებაც გაგვიცნობიერდება, მერე კიდევ არა გვიშავს რა!

მთავარია გამოღვიძება ცხრაწლიანი დათვური ძილიდან ხუდადოვის ტყესა შინა! დანარჩენს ცინცხალი გონების ქართველი თავადაც ჩინებულად გაართმევს. ცოტა სატიკვრით როდი მოგსდგომივარ კარზე, სულიჯან, ნიშანდობლივი ნესტრით დაჩხვლეტილს?!

ურჩხულის ყბებში მოქცეულა ჩემი თვალნათელი საბედიანო, და ენგურს გამოღმა მიუნხაუზუნის შუაზე გადაბასრულ ცხენს მიმსგავსებია სადადიანო სრული, რომელიც თითქოსდა გაშმაგებით იმწყურვალებს თავს, მაგრამ ლაშებიდან შეღწეული წყალი უმაღ უკანატანით წარედვრება და არის გამტარუნარიანობის კომიკური სიტუაცია.

რესპოდენტის შერჩევასაც დიდი ალლოიანობა სჭირია თურმე. ყველასგან ვერ ამოსრუტავ სასურველ ინფორმაციას. აქ ფაქტორი უამრავია: ზოგი გონებაშეზღუდულია, აზროვნების პრობლემა აწუხებს.

ზოგი პირწავარდნილი სოკრატეა, მაგრამ გამბედაობით ფშაველას წიწოლა მასთან შედარებით დევების დამლახტავი კოპალაა, იახსარი.

ბევრი მოაზროვნეაა, თამამიც, თუმცა კი ადრეულ წლებში გარგანტუასავით საზოგადოდ ამქუხარება ჭორხარბებს და აწ ხალხისათვის ამნაირთა აუბნება ველარაფრით შეიმოსება მესიის მანტიით.

ეს მიზანსწრფულობა აღარც ჩვენს ნამუსიან დიალოგს უტვირთავს, იმ უბრალო ჭეშმარიტების გათვალისწინებით, რომ ეს ტანდემური ამეტყველება ზარების დარისხების მნიშვნელობით დაიტვირთოს ეგება, აუცდენელი საფრთხის მოახლოებისას რომ სჩვეოდათ ჩვენს მეციხოვნეებს მრევლის გადასარჩენად, თუნდაც საკუთარი სიცოცხლე უსახელოდ წალეკოს ცეცხლის ნიაღვარმა.

ზარად ყოფნა, როგორი აღნაგობისაც უნდა იყოს იგი, წვრილფეხა თუ დედო, მანც საკრალუ-

რია, საპატიო, რალაც მნიშვნელოვანის მაუწყებელი, თანაც იმისთანა კრიტიკულ ჟამს, როდესაც საეგებოდ უწყი საითკენ მიემართება შენი აბორჯებული სამშობლო, მაცხოვრისკენ თუ მაცილისკენ; ხოდა, გასაკვირია განა, ჩვენს დილოვს მართებული რეცეპტივით გამოწერილი სათაური მოერგოს, სულიჯან:

საით საქართველოვ?

ვისკენ? რომელი ძალისკენ?რა მიმართულებით?

ვიდრე ხვალ, ძვირფასო? **Qvo, vadis, Georgia-თქო?**

სამშობლოს თავისუფლებისათვის ბაწარადებით ხმალშემართული ზვიად გამსახურდია უკვდავებას შენაკადებია, უსიკვდილობას შეწიადებია და დაწყარებულა სამისდღემშიოდ;

მიანიჭებენ თავისუფლებას დაუდგრომლობით გამორჩეულ ჯაბას და დამშვიდდება ისიც;

მიუბოძებენ ავტონომიის სტატუსი სანჯაყის მმართველების შთამომავალს, პარტიკულარიზმისათვის ნიდავ მძვინვარე „აჭარის ლომს“, ასლან აბაშიძეს და მოთვინიერდება ფრიად;

მიუსართავენ სახელმწიფო მინისტრის პოსტს მავანთანგან წონასწორობიდან გამოყვანილ კახეთს და კვლავინდებურად წამდინარდება ალაზნის რუდუნებით.

სამეგრელო ისედაც მოღმობიერებულა უკვესაბედო მესვეურთა წყალობით;

ჰოდა, ამ საერთო გასუსვა-გარინდების ჟამს, ამ საერთო თავჭვიშადურთიანობის სირაქლემურ ხანაში, გაუგებარია რა აბოჟირებს რუსთაველზე კვარცივით აბრიალებული გია აბესაძის სულს სიტყვებით: **დაე, მე ვიყო უკანასკნელი მსხვერპლი საქართველოს თავისუფლების გზაზეო;**

ან რა ამძვინვარებთ პავლიაშვილ-ოტობაიას სამაგალითო დაშოშმი-ნების ხუთწლედში?! დედა საქართველო კვალინდებურად ბორკილდადე-ბული რომ არის და შადიმანების ასეული ძველებურად ყიდის ჩვენს თვალხატულა მალხაზებს მომავლიანად კოსმოპოლიტ უცხოტომელებზე, თუ სხვა რამ უბედურება, სხვა რამ სახად-ჟამი, სხვა რამ ტრაგედია-ვაიუშვე-ლებელი?! ეს ტანდემური ძალა ნოტრადამელ მნათესავით აგუგუნებს ზარებს ლეთარგიული ძილით მისავათებული ერის გამოსაფხიზლებლად: საით, საქართველოვ?! ვისკენ? რომელი მაცილისკენ და მაცთომელი კერპისაკენ?! საკუთარ თავში დაუნჯდი! საკუთარი თავიდან მიწვდი გადამთიელურ თუ გაღმაოკიანურ ფასეულობებს! საკუთარი ფესვებიდან მოუწყვეტლივ გასიგრძეგანდი და არა იკაროსის ცვილისმიერი ფრთების ფარფატით ან მიწასმოგლეჯილი ანთეოსის გაბრძოლებით ჰერაკლეს ხელებში! საკუთარი საძირკვლებიდან შეუდედაბოძდი ნებისმიერ მდინარებას თუ მოქარბორიაობას, და აქედან, ამ გულკვარცხლბეკიდან გაითავისე უცხო და შორეული!

მარჩბივისეული გულფიცხობით მეათასედ ვუყიყინებთ ხორნაბუჯის ციტადელიდან, ხერთვისისა და გორის ციხეთა მიუკარებლობიდან, უჭიმერიონის თუ ნასაკირალის წაკლაკნილი თავდაღმართიდან, ბალს ზემოური ფლატეებიდან თუ სულაც ბერთაკლდის ეული ციცაბოეთი-დან მამულს ჩვენსას: — საით ციხედულო?! ვისკენ, მემლექეთო?! რომელი განედ-გრძედისკენ, ძელქვასავით ურყევო დედასამშობლოვ?! ვიდრე ხვალ? **Qvo vadis, Georgia?!** ასეთი და ამგვარი შემართებისაა ბატონ სოლომონ პავლიაშვილთან, ჩვენს სულიკოსთან, გამართული ბელეტრისტული საუბრების ავერსული მხარე — „ალჩუ“ მამაპაპური გაგებით, ხოლო რევერსული მიმართება საგნებთან და მოვლენებთან, იგივე „თოხანი“, „სუფევის“ დამაგვირგვინებელი მეექვსე წიგნისათვის შემოვინახო!

იოანე მარუშიძის ქობილი

პარტიის რაიონული კომიტეტის, რაიკომის, ჭაბუკი პირველი მდივანი იშვიათობაა საბჭოური სინამდვილისათვის, თითქმის გამონაკლისი და ისიც ჩვენ დაგვებელება — გაღვლებს — საბედნიანო-ელებს — არაჩვეულებრივი ტრადიციების ხალხს.

ანჩაბაძეებისეულ საუკუნოვან სრასახლში დავამთავრებ ოტობაიის საშუალო სკოლას, მუხის სქელი ფიცრებისაგან შეკრულ სრასახლში, ცემენტის მართკუთხა, დაბალ ბოკონებზე შემდგარ სრასახლში. ხოდა, როგორი საქმეა, საზაფხულო არდადეგების ერთ მშვენიერ დილასისხამზე დასაშლელად არ შესჩენიან?!

დიდ-პატარა იქითკენ წასწრაფებულა; სამოხიო, თვით დედაჩემი გელენახეც, რა ხანია წაბარ-გებულა სოფლის ცენტრისაკენ, მე კი ძველებურად სულისგამომხრავ სტრიქონებს ვუკირკიტებ აივ-ნის ტახტას ჯორკოთი მიმჯდარი. მესმის მარწუხების, გაზ-ძალაყინთა და ლურსმნების გულისწამ-ღები ხრჭიალ-ხვაწკაწკი.

აქედანვე წარმოვიდგენ როგორ შემოეძარცვება კედლები სამასწავლებლოს ვრცეულობას, ონე-რი ზანთარის დირექციას, ბიბლიოთეკის მოციცქნულ ოთახს, ცეკვა-თამაშებისაგან გასლიპინე-ბული სცენის ფიცარნაგს, დანით მოსვირინგებულ მოაჯირებს ინტერიერში.

თვალეში მჩატე ნისლი ცრიატებს ნოტიო სხეულით.

რახუნია, ზათქი და დგანდგარი, ფშხვენა, ასწლოვანი მტვერი სვეტივით ამოდის ქუჩის ბოლოს; მძლავრმოტორიანი მანქანების ღმუილია, ექსკავატორების წაგდებული დინგ-სიფათის ხროშხრი-ალი.

ბრუნდებიან ქალები ზეაწეული განწყობილებებით.

შუბლები მანდილებით წაუკრავთ. გასაგებია: სადილის გასახაზირებლად თადარიგობენ. აკრი-ახებენ ქათმებს, ატკლაცუნებენ გობებზე სახოზოკვარო და სახაჭაპურე ცომეულს.

ყველას ბაკურ გულუას გვარ-სახელი აკერია ენის წვერზე.

„გამოჩნდა ეგეც მაკედონელი თუ — დავითი, მოგვიანებით აღმაშენებლად შერაც-ხული. ანგრევს ძველს და აშენებს ახალს, თავისი ჯიბით კი არა, ან პაპისპაპისგან დანატოვრით, სახელმწიფო ფულით. შენ კი ვის დაკარგვისარ, თუნდაც შუამზარეული „ილიადა“ დაგბერტყოდეს თავზე შორეული კლადას მითებიდან“, ვწიწმატობ ფიქრებში ჩემთვის.

— წასულიყავი, ნანა, — მეტყვის გელენახე, ვინ იცის, სად წაგადგება ობოლს. ბევრით კი არ გეუფროსება. ჩვენსავით მრავალშვილიანი ოჯახიდან ყოფილა. კვამლის და სიმწრის გემო ეცოდინება.

— არ მცალია, — ვუკმეხობ მე, — სადამომღე უნდა მოვრჩე გადათეთრებას. ჩასასწრებია ხვალვე „ცისკარში“.

შუადღეა.

ისევ სკოლისკენ აიბარგება ჩემი სამეზობლო სახელდახელო პურ-მარილით.

მე ქათმის კუჭმაჭი ძლივს მერგება თავ-კისერ-ფეხიანად. ხაჭაპურს ვინ დააკარებს დანას. გამსკ-დარ ყველიან კვერებსაც მომიბოძებენ. ეს არის და ეს .

„ახა, შენი სადღეღამისო ძილ-ღვიძილის საზღაური, ჯილდო, — ვსინანულობ კვლავინდებუ-რად, — იმას კი, — ე.ი. ბაკურ გულუას, — გათვითვინებული და შებრაწული!“

ორიოდე საათიც და სადღედაქალაქოდ აღვკაზმულვარ. სტუდჩანთაში ჩავტეულვარ ნაჭღაბნ-საგზლიანა.

სტადიონით შევიმოკლებ გზას. გასაკვირია, ბურთსაც არავინ დასდევს.

სკოლის ეზოში ხალხმრავლობაა, თვითმცლელების დაუსრულებელი მიმოსვლა. მიაქვთ თავ-ვებისგან გამოხრული მითაჟამინდელი თავხენი, ნივნივები, ბოყები და დირები. მობრუნდებიან ენგურიდან ამოტანილი ქვა-ლორლით. ტრიფოლიატას ცოცხალი ღობის გასწვრივ ცლიან წყალ-მოწყურწყურეს.

გრუზათმიანი, ყირმიზი სახის ჭაბუკი, კაპტო ლოგუსა და ქანქანესა — იაშა აშორტიაზე მომე-
ჩაბული ხმიანებით რომ გასცემს განკარგულებებს, ალბათ, ბაკურ გულუაა-მეთქი, ვასკვი ჩემთვის.
გუმანი მიმართლებს.

მტვრიანი სამხედრო ჩექმები აცვია სამ თითზე ყულგადმოკეცილი. ხაკისფერი შარვალი შიგ
ჩაუტენვია. თავისფერი ხალათი ზღვაურისაგან უფრიალებს. ძვალმსხვილია, დანაკეთული, ფეხზე-
მოსიარულე ჯირკი.

იატაკქვეშეთის ზარის მოთამაშებისაგან გამტკიცულ მიწას ბულდოზერები ასწორებენ.სამმტკაველა
სვეტები მიგორებულია ღობის ძირამდე.სამშენებლო მოედანს ამზადებენ.რაღაც დანაყოფებიანი
ლარტყები აღუმართავთ. იჭვრიტებიან სამფეხზე დამაგრებული ჭოგრიტიდან.

აქაურობის ბატონ-პატრონია ჩემი ყუათიანი სადილის პირიდან გამომცლელი პირტიტველა
რაიკომის მდივანი!ბუხუნებს.წაგრძელებული მაგიდების რიგს, ხორავით დაზნეჭილს, ცერად გახე-
დავს. იქ ერთგან რიყის ქვებით დამაგრებული, რუხი ზოლებით აჭრელებული მომავალი სკოლის
გეგმა გაშლილა.

არ გამოუვა თავპატიჟი. ზეზეურად იხემსებიან. ვის დაკარგვია შენი ჩიტირეკია პოეტი. თამა-
დაც ეგ არის.

სასექტემბროდ უნდა აწკრილდეს თურმე პირველი ზარი. იქამდე სამიოდე თველა რჩება და
საზოგადოებას აბოჟირებს ლამის დაუჯერებელი ამბავი: მიუხედავად არნახული სტახანოვური ტემ-
პისა, მოასწრებს კი, მოასწრებს?..

მოვა, გენახავს და დაგვიპყრობს.

მერმე შევიტყობ: სკოლის შენობის საძირკველში ანჩაბაძეებისეული კიბის ფილას ჩაატანენ,
ხავსიანს და კენჭებსასხმულს.

ნარკვევი რა მოსატანია, ფარატინა ინფორმაციასაც არ ვაღირსებ, „ერთი ამ პეტრე დიდს და-
მიხედეთ!“

მოგვიანებით მეტყვის პროტაგონისტი (პროტოტიპი):

— დედა მომაცრემლებდა ხშირად! ადრე წამიხვედი შვილო, ხელიდანო. მშობლის აღერსი და-
გაკლდა, ნანაგეო. ცხოვრებამ მყისვე მიგიზიდა მაგნიტივით და მებრალეები ესოდენი თავგადადები-
სათვისო.

ვერსად შევეხილები ოტობაიელებისთვის ელვის სისწრაფით აშენებული სამსართულიანი სკოლის
გამო, სიტყვით, საქმით; ვერც— მეორე ოტობაიელების მფრინავი სკოლის შენობისათვის, ველარც—
ბეტონის ხიდისათვის ენგურზე, მეზობელ ზუგდიდთან სადღეღამისო მიმოსასვლელ არტერიას რომ
გახსნის და, ერგასეულ კილომეტრს გვაჩუქებს ათასობით ადამიანს, უფრო მეტად— დროს, ბორჯს, ჟამს
— თავად სიცოცხლის ტოლფასს.

ფოთში ვეწვევი, უკვე მწერლობისათვის ყვინჩილასავით თავაღერილი.

რაიკომის ბიუროს მუშაობის მიმდინარეობაში უპარტიოს სადადიანოს ფუნქციონერნი არ ჩა-
მახედებენ.

წინაღლით ჩავალ ფაზის-ქალაქს, შეთანხმებისამებრ.

გაფრთხილებულია თურმე ქვეშევრდომნი ჩემს დასაკვალიანებლად.

გამიყვანენ მობარბაცე გემებისაკენ.

ყურს მიმგდებინებენ უშველებელი ამწეების ხრჭილისათვის.

წყალქვეშა ფრთიანი „კოლხიდას“ გემთმშენებლის მუშაკებს შემახვედრებენ...

„ფოთის ექსპერიმენტი“ ფეხებში გებლანდება რესპუბლიკის მასშტაბით აბაშის გამოცდილება-
თა მხარდამხარ.

გამოვეცნაურები მწერალ ამირან აბშილავას, სხვათა და სხვათა.

ვახშამი.

სასტუმრო.

დილით, ზომაზე მეტად დანაყრებულს ნახევარი საათით ადრე მიმაყნებენ პარტიის საქალაქო
კომიტეტის ხელმძღვანელის კაბინეტს. ეტყობა დამინდობენ წინმხვედრი ფათერაკების წილ.

აიწყეტს და აიწყეტს ჩემი სადილ-სამხართა იავარქნელი.

სიმწრის ოფლში იწურებიან მამისტოლა ახმახები.

სავარძელში მკვიდრად მჯდარს მოსწავლეებივით ფეხზე წამოუდგებიან.

ქალაქის დაგვემარება. ბიუჯეტი. პროცენტები.

ეს ყველაფერი ჩინურია ჩემთვის. მე სხვა რამ მაინტერესებს: არა საკითხების შინაარსეულობა, ან მათი გადაჭრის ღონისძიებათა მიზანშეწონილობა, ანტიურაჟი ამ ბაკქანალიისა — მსვლელობა, პროცესი, წინამძღოლის როლი; საიდან იკრებს ძალას ორგანიზატორული ნიჭი: სკამისგან, მუშტისგან, გაუბზარავი ტემბრისგან თუ როცა ხერხემალი ლარივით სწორია და ზურგს უკან „თუთაშხის“ ქორელების საკბილოც წარხოცილა?!

შემოდგომის დილიდან მამლის პირველ შეყვილებამდე იცვლება თემატიკათა შემადგენლობანი. გადაივლის საილი, სამხრობა; ვახშამი მოაწვევს სადაც არის, აქ კი ისევ ქალაღდების დენადობაა. ბიუროს წევრები ოფლში იხვითქებიან.

თავად, ლამის თანატოლ მესვეურს, გრაფინიდან წყალიც კი არ მოუსინჯავს.

„მცდის თუ რა?“ გამიელვებს თავში აქა-იქ. წავიდოდი, მაგრამ კუთხეში მივმწყდელულვარ ჩადასიებული დაფიონის მხარეს.

„სამაგიეროს ხომ არ მიხდის განზე დგომისათვის? ესოდენი დაუნახაობისათვის?“ ამეკვიტება. კვლავ ჩემს გმირებთან ვტრიალებ.

ბაგი ანთარის პორტრეტისათვის მოღბერტს ვაშანდაკებ, ფერებს ვაზავებ, ფუნჯს ვაფაფუკებ, ვგორგლავ აბსტრაქტულ ძაფებს, ესკიზებს, ეტიუდებს.

შემდგომ ეს ცხოველმყოფელი ნატურალური ყირმიზი სახე ზღვისპირეთის ჭაობნარისაკენ, ჭურისკენ გადაიტყორცნება ოდიშის ორიენტირით, წარმოსახვით ოდაბადეში. კრებსითი შეიწოვს კონკრეტული ბაკურ გულუას მონუმენტურ დაუდგრომლობას, ლამის გამსრესავ ენერგიას, რომელიც უნებურად გიმორჩილებს და ლოკომოტივით მიგაქანებს საშვილიშვილო მიმართულებით.

„სიცოცხლემისჯილის“ ვრცელულობაში აილინთება რეალური სიმჩქეფარე, ზოგადი შეიმყუდროებს ფეხზე მოსიარულე გმირს, ამ სიტყვის ფართო გაგებით.

მოგვიანებით მეტყვის

პროტაგონისტი:

— იცი, რატომ გიხსენე დედის ნათქვამი, ხელიდან ნაადრევად წასხლტომის თაობაზე? — პასხუს არ დაუცდის, თვითვე შემომებონდება, — ძუძუმტეობის მადლი არ გესწავლება სამურზაყანოელს და ანჩაბაძეებს ორსანტიამი შვილი ხყოლოდათ გაძიძავებული.

მამა ჩვილს, უკვდავების წამალი ყოფილიყო, ხელს არაფრით შეავლებდა, მაგრამ მოენატრება ერთხელ სამი წლით უნახავი ძე და მონადირეთა ამალით განარჯიის მუხურისაკენ დაუგანებს. გამოაღწევენ უღრანებს. გადატოპავენ ენგურს. მორდუს სამოსახლოსკენ გაუტევენ დაწალიკებულნი. ცხენთა ფლოქვების თქარათქური მიახვედრებს ძიძას დიდი ბატონი მობრძანდებო და ხელებში ატატებულს მიაგებებს მემკვიდრეს ჭიშკართან, მაგრამ ამაყი თავადი დროზე მოიბოჭავს თავს, ადამიანურ სისუსტეს აჯობებს. მხოლოდ ერთხელ გაეცქევა მზერა მოჟღერულულე პირმშოსაკენ, უცხუნებს მათრახს ქურანას, უცხოსავით ჩაუქროლებს სისხლხორცს და ბუზივით მიიკარგება. გოროზი თავადის დისგან მსმენიაო, — მეტყვის, — მხოლოდ ახლა ვხვდები დედაჩემის სიტყვების არსს, თუ რა ყოფილა შვილის ხელიდან ნაადრევი გასხლტომაო.

თანავუგრძნობ თითქოს, თითქოს საინტერესო ტიპს გადმოვასალებ განუმეორებელი დედისგან, ბაგი ანთარის სახით გადმოვაპროზავებ, მაგრამ მერე რა?! სადღაა მისი „კოლხიდები“, მისი „ფოთის ექსპერიმენტი“, ცენტრალური ბიუჯეტიდან ეკონომიკური ხერხებით მოხელთებული პროცენტების ქარავანი, ადგილობრივი მოსახლეობის სულის მოსაბრუნებლად? რომანი შეიარსებებს თარგმანის მსგავსად, თუმცა ხალხის გული ზღვასავითაა — თვალმარგალიტს სამუდამოდ დაავანებს ხსოვნის წიაღში, მხოლოდ დაჩქევილ ნიჟარებს და დაგვარჯნილ ფიჩხ-ნაფოტს გამოისვრის ნაპირზე სამუდამო დავიწყების საწინდრად.

აქაც ვალში დავრჩები უნებლიეთ.

ქურნალისტთა ფედერაციის დარბაზში მარათონული შეხვედრებია.

ოვალურ მაგიდას უსხედან ატომგულივით გახლეჩილი ჩვენი პოლიტიკური პროფილები. მეხუთე თუ მეექვსე თავყრილობაა. მასმედია ყბებში გჩრის მიკროფონებს. მეც მათი ამქრისა ვარ. კვლავ

ბაკურ გულუა სპიკერობს. საკითხთა წრე, დილემა, გაფუჭებული ფირფიტის მსგავსად ერთ წრე-წირზე ახრიალებს შემბრანას:

- 91-92 წლების მოვლენათა პოლიტიკური შეფასება;
- საარჩევნო კანონის კარდინალური შეცვლა;
- პოლიტპატიმრების განთავისუფლება.

იგივე პოზიციებია მერვე შეხვედრაზე, მეთერთმეტეზე...

მე ამჯერად ციტადელივით ურყევი მის ზურგს უკან ვზივარ, კვლავაც რეპორტიორის იმიჯით, არადა, მეცხრამეტედან მოყოლებული სამედიატორო საქმეს შევლევევართ: ის — ბიქტორ ფეტელა-ვა — სამურზაყანოში წაქიშპებულ ყოჩთა მოსათვინიერებლად, ხანდახან მუხლის ჩასახრელი სიტუაციებითაც კი; მე — გური ოტობაია — სოლო შემრიგებლური წერილების დასტით, სინთეზური აზროვნების აკვიატებული არგუმენტებით, შეუთავსებლის შეთავსების აღქმით რომ დადებითის უარყოფითთან შეუკავშირებლად არ აინთება მაცოცხლებელი შუქი ჩვენს ფანჯრებში. მაგრამ რომელია ახლა ყინულების სმოკინგში შემძრომელი და ვინ ოხერ-ტიალი უდაბნოეთის ჩოხა-ახალუხით შემოსველი?!

ვაშანშალებ პუბლიკაციებს. გზადაგზა ვაფიქსირებ ეროვნული თანხმობის დარბაზის მართონულ პერიპეტებს და მაინც ვალში ვარ, ვინაიდან ვის დაკარგვია შენი ინდივიდუალური მესაფხირეობა?! მთავარი თურმე გუნდური მიმართებებია, გლობალური მიდგომები, ერთობლივი ძალისხმევა, რომელიც თურმე ბაკურ გულუას დაანათლა უფალმა და არა — მერომანე გური ოტობაიას. გული უგრძობს თუ რა?!

სკამის საზურგეზე გადმოიწევა და მემამბორება უფროსი ძმის კვლობაზე.

ყველაფერს ასწრებს.

ქართული პოეზიის სრულყოფილი ანთოლოგია სულით დააქვს.

სტრიქონს იქ ჩაეჭიდება, სადაც სიტუაცია კარნახობს.

რიონივით ტანმძიმედ მოღელავს ქვემოწელში, მოაწყალიდოვებს ყოველივეს თუკი როსმე აბობოქრდა, აზავთდა.

გარემომცველნი ყურს მიუგდებენ.

ადრე დაუსხლტა დედას ხელიდან და ხალხში გაძიძავებული ენგიდუნისა სიბრძნით დაყურსულა; ამიტომაც ძნელია მასთან არათუ კამათი, უბრალო საუბარიც კი. თავის დაკანტურებას იუკმარისებს. დაგიკონკრეტდება, რომელიმე ბასრი წახნაგით შემოგიგდებს თემას და თუ მოუმზადებელი ხარ, დილეთანტი, უცილობლად გაიჭედები კუნძუში გამეტებით ნაძგერები ნაჯახივით.

ესეც მისი თანდაყოლილი სიმდიდრე-სიღარიბეა, კონსტანტინე ბატონის ქრესტომათიული სიტყვების სარკისებური ანარეკლი, წაკითხვა: ოსტატია და ხელმოცარულივით თავის მოქაჩლებას ვერ ახერხებს.

ამაყი შერვაშიძეების, ემუხვარების, მარშანიების, ანჩაბაძეების, ინალ-იფების თანმსწრებია და მათ შთამომავლობასთან გაწონასწორებული თანაარსებობა ხალხური დიპლომატიის მეოხებით მოუაზრებია — მედიატორობით, შუამავლობით, შუაკაცობით...

— ერთიანი საქართველო სრულიად საქართველოსთვისო, — გეაჯება, გემუდარება. თითქოს ეროვნული თანხმობის ტრიუმფალური თალი აღიმართება 2000 წლის 20 აპრილს, მაგრამ ისიც ხომ ნათელია ჩახედულთათვის, რომ ამ თანხმობას ფაქტობრივად ჟურნალისტთა ფედერაციაში მიღწევენ შეუვალი მხარეები გაცილებით ადრე; მხოლოდ ეგ არის, რომ საზოგადოებისათვის მიიჩრდილება რამდენადმე, რათა ეს აქტი საარჩევნო ტრიუკად არ ჩამოერთვათ, სადაგ მომენტს დაუყოვნდება სანატრელი შეთანხმება, ცხოვრების წესის კალენდარულ დადგომას.

უფრო დაკონკრეტებით კი 1993 წლის ივლის-აგვისტოში, აფხაზეთის ძმათამკვლელი ომის ავბედითი შესვენების დროს, საფუძველი ეყრება „რეფორმატორთა კავშირს“, რომელიც თავიდანვე დაისახავს მიზნად წაკიდებულ ძმებში მესამე ძმად შუაში ჩადგომას; ერთმანეთისაკენ სავალი გზების მოძიებას.

სწორედ ამ კავშირს ეკუთვნის უდიდესი მნიშვნელობის საკონსტიტუციო ინიციატივა ქვეყნის საპრეზიდენტო რესპუბლიკად ჩამოყალიბების თაობაზე.

რაც შეეხება ეროვნული თანხმობის დარბაზს, „რეფორმატორთა კავშირი“ 1999 წლის 21 მაისს პირველად ქართველი ერის ისტორიაში მიღწევს წარმოუდგენელ კონსესუსს — 41 პარტია მოაწერს ხელს სახელმწიფო მშენებლობის პროცესში გვერდიგვერდ დგომის შეგნებას.

და მთავარზე უმთავრესი: თუკი ამ კანონს გაიზიარებენ, არჩევნებში წაგების შემთხვევაშიც მზად იქნებიან ხელისუფლების ასალიარებლად.

იგივე იწერებოდა დიდ ნიკო ნიკოლაძეზე, რომელიც მეფის დროს ქ. ფოთის თავი იყო; საქართველოს პირველი რესპუბლიკის ჟამს — ეროვნულ-დემოკრატიული პარტიის დამფუძნებელი და პარლამენტარი, კონსტიტუციის ერთ-ერთი ავტორი არჩილ ჯორჯაძესთან ერთად: სოციალ-დემოკრატების □ბოლშევიკებისა და მენშევიკების) დაპირისპირების შერბილებებისათვის თავდადებული მოღვაწე, 80 წელს გადაცილებული კომუნისტური მთავრობის აგენტი ლონდონში ჭიათურის მანგანუმის ბაზაზე ფეროშენადნობთა ქარხნის ასაშენებლად, ინვესტიციების მოსაზიდად. ამ საქმეს მისი ვაჟი გიორგი ნიკოლაძე აღასრულებს მერმე).

მოგვიანებით მეტყვის პროტაგონისტი:

— „ხოლო რაც შემეხება მე, ჩემი პირადი სიყვარული და სიძულვილი, ჩემი სიმპათია და ანტიპათია, ჩემი მომხრეობა და მოწინააღმდეგეობა, მუდამ გვერდზე გადამიდვია და ყოველთვის ის საქმე მიკეთებია, რაც ამ დროს ჩემი ქვეყნისათვის საჭიროდ მიმიჩნევია“. ეს სიტყვები ჩემი არ გვეგონოს, დიდი ნიკო ნიკოლაძესიაო.

თავად ბაკური კი სულმნათი წინამორბედის კვალზე სიარულს მიიჩნევს უმთავრეს ღირსებად. „ფოთის ექსპერიმენტის“ მამოძრავებელი ძალაც ხომ დიდი ნიკოს იდეების ნასესხობიდან მოდის და ეს ტრადიცია სულაც არ ეჩოთირება, პირიქით — ეამაყება კიდევ.

ხოდა, განხორციელებულა უმაღლესი ინსტანციებიდან ფართომასშტაბიანი ამნისტია განურჩევლად ცოდვა-მადლიანობისა; პარლამენტშიც მოსულან ეროვნული ძალები, სხვათა შორის, ჟურნალისტთა ფედერაციის ეროვნული თანხმობის კონსენსუსის ძალისხმევითაც და მაინც მტკაველ-მტკაველ მოსახვეჭია წარმატება ურთულეს დროში.

იოანე მარუშისის პირწავარდნილი ძეობილია, უფალმა რომ მოგვმადლა შუა საუკუნეებში ამერ-იმერის შემდუღაბებელ ჭირისუფლად; იმ იოანე მარუშისისა, რომელიც აღმოსავლეთის დასავლეთთან შემკონავია, სამხრეთის ჩრდილოეთთან შემნასკველი, ეროვნულის, ტრადიციულის თანამედროვეების მოთხოვნებთან დამბალანსებელი; ნაწილის მთელთან გამწონასწორებელი და მაინც გზას ულტიმატუმებით არ იკაფავს.

ყველა მთავრობასთან კომუნიკაბელობას აყვედრიან.

სამართალი სად არის?!

მაშ, რისთვის შექმნილა ადამიანი უფლის ხატად?!

ის, ცაბაოთი, განუზომლად დიადი, ხომ თანაბრად ესიყვარულება ნათელს და ბნელს, იაიასა და ჭყონდიდს, ეკლიანს და ხავერდოვანს, თვით სიკვდილ-სიცოცხლესაც?!

ცოდვილია მაცხოვარი ამით განა? განა დანაშაულია შენი ქვეყნის ოღროჩოღროებს ცრემლით ბანდე, ქართლ-კახეთსა და ამერ-იმერს, ლეგიტიმურს თუ თვითნებურ აღზევებებს? მათ უკან ხომ სრულიად საქართველო დგას — ათასები, მილიონები, ზიშ-ჟილაგი ჩვენი, ვისაც პური მოვანატრეთ გაუთავებელი კონფრონტაციით?!

მოგვიანებით მეტყვის პროტაგონისტი:

— ხომ ხედავ, ამ მობილურს, გური, მის წარმოებას გადაყენენ. მსოფლიოს ნებისმიერ კუთხეს შეგიძლია ხმა მიუწვდინო და იმიტომ. მაშ, რისთვის არ უნდა ვერწმუნოთ ჩვენ ქრისტეს უბიწო ჩასახვას, უფლის ყოვლისმომცველობას?

ამ პრობლემებზე მეც როდი ვარ ყუმიად.

მაინც თავდახრილი ვუსმენ იმ ჯარისკაცის კვალობაზე, რომელსაც, მართალია, ბონაპარტეს დიდბუნებოვნობით დეზერტირობა მიუტევებს, მაგრამ უმისობისას ჩამოლექილი ციხე-სიმაგრის გაღაუნისათვის თვალი ვერაფრით გაუსწორებია.

მარცხენა მხარზე ვეამბორები. თანაც ვუსხნი:

პაპაჩემი მოიმოქმედებდა ასე-მეთქი. მარჯვენა უფლისააო, იტყოდა, მარცხენა — მაცილისეული და ოდეს მადლმოსილი კაცი გემთხვევა, მყისვე გაწონასწორდები ორჭოფი ძეხორციელი საშვილიშვილო საქმეთათვის. პაპაჩემი 87 წლისა გარდაიცვალა, სანაცვლო კი ვერვინ მომივლინა ზეციერმა და ამისთვისაც ვჯახირობ აქამომდის ცალმხარიანი, ნაგვერდალი-მეთქი.ხელად აღსაჯვარებელ ამბორს მიბრუნებს, ვალში არ მრჩება.

ნათესავის გასვენებიდან ვბრუნდები ზუგდიდ-ქალაქიდან. შინაურ უბედურებაზე არანაკლებ ძარ-
ღვებაშლილი დამიხვდება დევნილი სასისხლხორცო. ჯერ იყო და აფხაზეთის ოტებული მთავრობის
სახელდახელო სესიის ფრაგმენტებისათვის მიუღვენებით ტელევიზიით თვალი. მერედა, მინისტრ-
თა კაბინეტის პირველი შეკრების ხელოვნურად შეკოწიწებულ პროვოკაციას ძარღვები აუწეწია
ჯეელ-დარბაისელისათვის.

— შენ რას უდგებარო, — მყედრიან, — ჩვენ რომ ვქომაგობთ ბაკურ გულუას, შენ სადა ხარო,
— მამუნათებენ.

— აფხაზეთის უმაღლესი საბჭოს სესიაზე ლუდოვიკო მეთოთხმეტესთან თანადროულად მისუ-
ლს მეთხუთმეტე კაცადადაც არ შემისვებენ, — ქარაგმათა ბურუსში ვახვევ სათქმელს, — შემდეგ
თვითონ გავიკაფავ გზას მიკროფონისაკენ ერთადერთი წინადადების სათქმელად, მაგრამ დამცლო-
და, სხვასაც ვიტყვდი: ასჯერ გაივლის ილია წიწამურს, თუნდაც წინასწარ იცოდეს ბერბიჭაშვი-
ლის იქ ჩასაფრება; ასჯერ შესძახებს: მე ილია ვარო; ასჯერ მიუშვერს შუბლს დადარაჯებულ ტყვიას-
მეთქი.

— რა გახდა ეს მინისტრობა?! არ ჯობდა დროულად გადამდგარიყო, იმ კურორტულ, კომიკურ
სიტუაციას ხომ მაინც აიცილებდა თავიდანო, — მეტყვიან ერთგან, მაგრამ — არა შვილოსა-მეთქი,
შევეკამათები, — პროფესიონალები და მამულიშვილები თუკი ჩამოსცილდებიან სახელმწიფო მან-
ქანის პულტებს, საქართველოს ბედ-ილბალი საეჭვო ტენდენციების საღრღნელად გადაგველოცება.
ბაკურ გულუას დიახაც ზქონდა მორალური უფლება დამტკიცებინა პარლამენტისათვის თავისი
სიმართლე. აქ მინისტრობაზე კი არა საქართველოზეა საუბარი-მეთქი.

მეტი დრო მქონდა, იქნებ სხვა რამეც ამომეხაბა გულიდან ჩემი ოტობაიელებისათვის თუ ფო-
ჩორელებისათვის, საბედნიანოელებისათვის ზოგადად: ორი თვით ტანთგაუხდელი კაცი როგორ
აღაშენებდა იმ სამსართულიანი სკოლებისგან დიამეტრალურად განსხვავებული რწმენის ილო-
რებს თითოეული ჩვენგანისათვის, ოდინდელი რიხით და შემართებით, მატერიალურად სრულიად
ხელ-ფეხშეკრული, ლამის უარაფრო.

და მაინც სამურზაყანოდან მეორედ გამობუნძურებულებთან, ვისთან ლოგინი მიაქვს, ვისთან
პურის ფქვილი თუ მაღლიანი სიტყვა: „ნურაფრის გეშინია, ნანა, აგერ არ გაყვხარო?!“

თითქოს საკუთარ დედას ეფერებაო, იმ ნაადრევად თავწართმეულ დედას, წაგვრილი წლების
მოსაახლოებლად.

ფეხს არ მოიცვლის, სულის საზრდოს არ მოაკლებს ათასებს, ამიტომაც გასაგებია ზღვა ხალხის
აფორიაქება-თქვა.

ხოდა, ამიერიდან აშვებულია ყველა რაბი ჩემი სულის წყალსატევისა. მარტივ ფრაზაში ოქროს
ზოდვიით ჩამოსხმულა მცნება იგი: ვინაც თავი დაიმდაბლოს ღირსეული მამულიშვილისათვის, უმე-
ტესადრე აღმაღლდეს თვითვე. აი, რა განზომილება აკლდა თურმე ჩემს არსებობას გუმინწინ, გუმინ,
დღემდე.

მოგვიანებით მეტყვის პროტაგონისტი:

— არაფერია უტა... მახსოვს..., მე ეს სიტყვა უნდა ავიხირო“, „მხრები ბრეზენტივით გაკოჭილი“
და იქვე — „ანანურზევით სოფელი, წელში გაჩრილი წალდით ტყეს წავა მამა მშობელი — მუშტის
ტოლაა დარდით“. გეცოდინება, რატომ? — მომაჩერდება თვალებში.

დაფანტულ მზერას გაუშტერებ შორეთს. ძნელია აქ მყისიერი შეპასუხება. და კვლავ:

— ვინაიდან ტლექინთა ქალაქში გაუშვია მამას პატარა თამუნია.

თვალები მაინც შორად რბიან, ცის დასავალს.

„ბუდიდან ნაადრევად გადავარდნილ ბახალას, — გამიტაცებს ფიქრის მდინარება, — დედის
ხელების მაგიური აურათი დაუფარველს, შესაძლოა მედრვოეებმა რალაც დააკლონ, მოაციცქონ,
შეუკრან გზები, მაგრამ ტყუილად როდი თქმულა: სანთელ-საკმეველი თავის გზა-სავალს არ დაკარ-
გავსო. ბუნება გაავდრების წინ შეჩქვიფდება ხოლმე. ხოდა, თავები მაღლა-მეთქი, განმიცხადებია!
საქართველოს მეციხოვნეები — საქართველოს სანგრებთან! პოეტის მიბაძვით ცოტაოდნად.“

გაცნობიერებულია ყოველი აღმართ-დაღმართი; ვინც დამდაბლდება, დიახაც იგი აზეითდება.
ასე რომ, სახელმწიფოს მშენებელ კაცზე მოსაბოჭავი პუბლიცისტური წიგნის კარიბჭეთი თქვენნი

მარცხენა მხრის მეხამრიდად დაძრულია გური ოტობაია სრულიად საქართველოთი დიდი იოანე მარუშიძის გამოუსწორებელი ძეობილო!

სამჯერ შეუტევს ჯაბახანა „ჟიგული“ ნარიყალას აღმართს, მაგრამ — უშედეგოდ.

„ალბათ, ასე სწადია უფალს-მეთქი“, გავივლებ გულში.

მზე უშუბის ტარზეა. ტაატით მივუყვები ქვაფენილიან ვიწრობს. რამდენჯერ ამივლ-ჩამივლია გედივით შემართული ამ ტაძრისათვის. ბავშვებიც კი დამასწრებენ მის მონახულებას, მე კი აქამდე ვერაფრით ამოვლწეულვარ.

ხალხმრავალ ეზოში გრილა. ჩემს ძველ ნაცნობს შემოჯარულ ოცეულში მახლობელ სახეებსაც დავლანდავ. მოვუბოდიშებ ყველას და სანთლის ასანთებად დაველირები ეკლესიისაკენ.

გამაოცებს ფრესკების სიმრავლე და ხელწერა.წმიდა გიორგის ხატთან აკამკამდება წყილი სანთელი.ტანწყობილებას ვუთვალეირებ არქიტექტურულ ძეგლს. ათეულათასობით კუბური მეტრი მიწის ზურგით გატანის შემდეგ გამოჩენილა მისი საძირკველი თუ კედელთა ნაშთები. საქმესაც იქიდან შთაბერვია სული. და, ახა, აღმოსვეტებულა იგი სინაგოგათა, მეჩეთების თუ სხვათა ზემორე, როგორც ქართული სახელმწიფოს, მართლმადებლური სულისკვეთებისა და შემწყნარებლობის ფხიზელი დარაჯი, მწყემსი.

შევხარი ჭოგრიტით სახელისგულოდ მოტანილ სანახებს, თანაც ბედისწერასავით სულში გახე-შილი საქართველოს მომავალზე ფიქრითაც შემიჯანლდება გონება:

„მსგავსი სიტუაცია ორჯერ ხქონია ჩვენს სამშობლოს, — ვეხმიანები საკუთარ თავს, — პირველად მეექვსე საუკუნეში, როდესაც ბიზანტიელი სარდლები მუხანათურად მოაკლევინებენ უიარალო გუბაზ მეფეს და მეორედ — კრწანისის ტრაგედიის ჟამს.ორივე შემთხვევაში სალი გონება გამოგვიყვანს შექმნილი კატასტროფული სიტუაციიდან;ორივე შემთხვევაში ქართული წინდახედულობა ორ ბოროტებას შორის ნაკლებს ამოირჩევს და ისევ დამპყრობელ, დამმონებელ მსგავსთან ამჯობინებს ურთიერთობას, ვინემ განსხვავებული ტრადიციების ძალასთან.ათი წელიწადია ჩვენი ქვეყანა ისწრაფვის თავისუფლებისაკენ; ათი წელიწადია ვაშენებთ დემოკრატიულ საზოგადოებას და ჩვენი ცხოვრება დღითი დღე უარესდება. სანამ ჩვენი ხელისუფლება მოქმედების გონივრულ სტრატეგია-ტაქტიკას არ მოიმარჯვებს, ჩვენი საშველი არ იქნება.საქართველოს არასდროს ეცალა სახელმწიფოს მშენებლობისათვის, შინაარეულობებისა და გარეშე დაწოლათა პირობებში.საქართველოს შინაგანი სიმაღლე, მისი სულიერების ძეგლი დიახაც კავკასიონის მთაგრეხილია, ოღონდაც მოიძებნოს მართებული გასაღები ამ დილემისა.ქართველი ერის გოლგოთა მისი ადგილ-სამყოფელია, მისი გეოპოლიტიკური მდებარეობა: ქართველი ხალხის სასუფეველს სისხლხორცეულად უკავშირდება რუსულ-ევროპულ-ამერიკული ინტერესები, მრავალეროვანი კავკასიის ინტერესები, მაგრამ დარწმუნებული ვარ გაივლის მის ტერიტორიაზე „დიდი აბრეშუმის გზა“, „ნავთობსადენი“ და ეს თითქმის თავისუფლების ტოლფასია, არა მხოლოდ ჩვენი რეგიონისათვის.“აი, როგორი საუბრისთვის ვინატრიდი ბატონ ბაკურის მოხელთებას.ძველ ვალავანთან ვდგავარ. მსაჯის საათისაკენ გამიბრბის მზერა. ლომისფერია თეთრი კურდღლების ქალაქი, თინათინ მღვდლი აშვილისისებურად.

მოგვიანებით იტყვის პროტაგონისტი:

— გური, მოდი, ასე მოვილაპარაკოთ, — ქალაქის ვრცეულობას მიჩერებია, — თქვენს მრავალ-მხრივ, კომპლექსურ შეკითხვაზე პასუხის გაცემა, იქნებ დანაწევრებულად ჯობდეს?! უფრო საინტერესო საუბარი გამოგვივა.

— მაშინ ყველაზე უმთავრესით დავიწყოთ: ბატონო, ბაკურ, მაინც რა არის თავად სახელმწიფო?

— სახელმწიფო დიდი ბედნიერებაა, გური, მით უფრო — მცირე ერებისათვის. ეს ვინ არ იცის, რომელმა? საქართველოს სახელმწიფოებრიობა დაკარგული ხქონდა საუკუნეების განმავლობაში. სამწუხაროდ ხალხში მხატვრული ლიტერატურიდან უფრო არის დამახსოვრებული ჩვენი ბედი და ისტორია, ვინემ ღრმა ისტორიული და პოლიტიკური ნარკვევებისაგან, რომელთაც თავისი ავტორები ხყავთ, მაგრამ ეს ყველაფერი მიმოზნეულია და როცა ჩვენ აღვადგენთ დამოუკიდებლობას ამ საუკუნეში, მოგეხსენებათ ეს ორჯერ მოხდება, სამწუხაროდ მოხდება ისე, რომ პირველი სუვერენიტეტის დაკარგვის შემდეგ საერთოდ აკრძალულია სახელმწიფოებრიობაზე ლაპარაკი. შვიდი ათეული წელი გაივლის ამის შემდეგ და მეხსიერებიდან პრაქტიკულად წაიშლება, არა

მხოლოდ პირველი ქართული სახელმწიფოებრიობა, არამედ — მისი არქიტექტორები, მის შემქმნელები, ის ისტორიულ-პოლიტიკური გარემო, რაც ჩვენს მცირერიცხოვან ერს საშუალებას მისცემს, აღადგინოს თავისი რეგალიები. იქაც შუღლი, იქაც ძმათამკვლელი ომი, იქაც ერთმანეთის გაუტანლობა, ძმათა შორის უთანხმოება გახლავთ ძირითადი პოლიტიკური საფუძველი ჩვენი პირველი სახელმწიფოებრიობის მოშლისა.

მიზეზთა მიზეზი კი სოციალ-დემოკრატიული პარტიის ორი შტოს არსებობაა, რომელსაც მერე მენშევიკებად და ბოლშევიკებად მონათლავენ. ბოლშევიკების ლიდერი რუსეთში აღმოჩნდება იოსებ სტალინი, ხოლ ნოე ჟორდანიას და ნოე რამიშვილი, ასევე სოციალ-დემოკრატები — საქართველოში. მათ შორის შეუთავსებლობის შედეგად, ლიდერობაზე ბრძოლის გამო, შეიქმნება უზარმაზარი იმპერიის დაპირისპირება ახალგაზრდა ქართულ სახელმწიფოსთან.

დროებით მთავრობას, დროებითს იმიტომ ვხმარობ, კონსტიტუციის მიღებამდე პარლამენტი და მთავრობა დროებითადაა მიჩნეული, ბევრს ეცდება, მაგრამ ვერაფრით დააშოშმინებს გარედან ინსპირირებულ წინააღმდეგობას, უაღრესად, მძლავრად მხარდაჭერილ მოსკოვიდან. და მოხდება ისე რომ, ჯერ კიდევ 1920 წლის მაისში ურატაძე რის ვაივაგლახით, დიდი გაჭირვებითა და ჭაპანწყვეტით მიაღწევს ლენინამდე და შეძლებს XI და III არმიების საქართველოში შემოსვლის აღკვეთას. მაგრამ 21 წლის 23 თებერვალს, როცა საქართველოს პარლამენტი მიიღებს პირველ კონსტიტუციას და ამ პარლამენტის წევრები კი არიან დიდი ნიკო ნიკოლაძე, დიდი არჩილ ჯორჯაძე, უამრავი მოღვაწე, რომლებიც ეროვნულ-დემოკრატიულ პარტიას შექმნიან, რათა დააბალანსონ ეს ორი კომუნისტური ინტერნაციონალის ღვიძლი შვილები, ვერ მოახერხებენ უკმაყოფილების აღმოფხვრას; გათამამდება ბორჩალოს აჯანყების ინსცენირება და ორჯონიკიძე ბოლშევიკური პარტიის სახელით მოსკოვში დეპუტატს აფრენს, რითაც მოითხოვს დახმარებას, ქართველი ერის გადარჩენას მენშევიკური მთავრობისაგან, რომელიც სინამდვილეში ეროვნული გახლავთ და 23 თებერვალს მიღებული კონსტიტუცია 25 თებერვალს სხვა შინაარსით შეიცვალა, თბილისის თავზე სხვა ფერის დროშა აფრიალდება.

აი, ეს არის ტრაგედია ჩვენი ხალხისა, როცა ორივე მხარეს დგას სისხლით და ხორციით ქართველი: ერთი მტრად განწყობილი, რომელიც სარგებლობს დიდი იმპერიის მხარდაჭერით, ხოლო მეორე — ეროვნული, თუმცა ეკონომიკური კრიზისით გათანგული.

ცალკეული შეტაკებები მაინც მოხდება: უნივერსიტეტის პროფესურა, სტუდენტები, იუნკრები თავს დასდებენ სამშობლოსათვის. ჩაიხოცება ჩვენი სისხლ-ხორცი კოჯრის ტყეში, დღევანდელი მთავრობისა და პარლამენტის შენობის ეზოში და საქართველო ფაქტობრივად დაიპყრობს უთანასწორო ბრძოლაში.

მთავრობა გაიქცევა საზღვარგარეთ. დიდი ექვთიმე თაყაიშვილი ჩვენი ეროვნული სიმდიდრის ხაზინდარია ემიგრაციაში. ამას მოხყვება 24 წლის სისხლიანი დღეები, როცა ეროვნულ-გამანთავისუფლებელი მოძრაობა ცდის გამოაჩინოს თავისი ძალა და იბრძოდეს საქართველოს დამოუკიდებლობის აღდგენისათვის, მაგრამ მოგვხსენებათ, ესეც ცკ-ს მიერ ინსპირირებულია და ამოწყდება, გაიჟუჟება ჩვენი გენოფონდი, საქართველო კი საბჭოთა კავშირის შემადგენლობაში შემავალი ერთ-ერთი რესპუბლიკის სტატუსს დასჯერდება.

საინტერესოა აქ ერთი დეტალის გამოკვეთა: 22 წლის 30 დეკემბერს ასევე სტალინის ხელმძღვანელობით, ლენინის მალულად, მის ზურგს უკან შეიქმნება სსრკ. ამას პრაქტიკულად პირველად წაიკითხავს ქართველი მკითხველი, რომ ლენინი იმყოფება რა გორკაში, სტალინისაგან იზოლირებული, პირველად შეიტყობს 30-ში საღამოს ტროცკისგან, კრუპსკაიას მეშვეობით, რომ დიდ თეატრში ჩატარდება ყრილობა და პრაქტიკულად, ყველა წინააღმდეგია ამ ქმედებისა, მაგრამ საბჭოთა კავშირი მაინც შეიქმნება, უფრო მეტიც, მანამდე საქართველოს ცკ-ას ბოლშევიკური პლენუმი განიხილავს ამ საკითხს და წინააღმდეგი წავა საქართველოს სსრკ-თან შეერთების თაობაზე. შემდგომ მათ უკლონისტებს უწოდებენ. მოგვიანებით ამ ხალხს მოსკოვში „დააწინაურებენ“ და თითო-თითოდ გაჟუჟავენ.

ამის შემდეგ დაიწყება ხანგრძლივი ჩაგვრის პერიოდი. ყოველგვარი ეროვნული მოძრაობა იხშობა. მის ცალკეულ მოღვაწეებს თითო-თითოდ გაწყვეტენ სხვადასხვა ბრალდებით. 30-იან წლებში შეიქმნება საგანგებო ვითარება. ხიტლერი გაიმარჯვებს შუა ევროპაში და მეორე მსოფლიო ომი გარდაუვალი გახდება. ფაშისტური დიქტატურა დიდ გერმანიაში სწრაფად დაძლევს ეკონომიკურ დეპრესიას, რომელიც მთელს მსოფლიოში მძვინვარებს. დაიწყება გაუგონარი მზარდი ნაბიჯებით ეკონომიკური წინსვლა. სსრკ-იც ემზადება ომისათვის. მას მშვენივრად მოეხსენება, რომ ფაშიზმის აყვავება შუა ევროპაში არ ხდება განვითარებული ქვეყნების მხარდაჭერის გარეშე. ბოლშევიზმის თავიდან გადაგდების მოტივაციით მას დიდად უწყობენ ხელს და უკვე ეროვნული მოძრაობისათვის

არავის სცხელა. თვით ეროვნული მოძრაობის კორიფეები მიჩნევენ რომ დროებით გადასადგობია ეს საკითხები მეორე პლანზე, რადგანაც დედამიწას ხაკისფერი ფაშისტური საფრთხე ემუქრება.

მეორე მსოფლიო ომის შედეგად მოსალოდნელია, რომ გამარჯვებული სტალინი გაათავოებს საქართველოს საზღვრებს, ძირძველი ქართული მიწების შემოერთებით, მაგრამ მოხდება სხვაგვარად — სირიაში, ბალკანეთში თურქეთს ჩამოერთმევა მის მიერ დაპყრობილი მიწები, თუმცა ჭოროხს იქით საზღვარი არ გადაიწევეს. ამას აქვს თავისი ისტორიული ახსნა და სხვა დროისთვის გადავდოთ.

ახლა კი ვთქვათ იმის თაობაზე, რომ ამ საუკუნეში მეორედ და არა საბჭოთა კავშირის დაშლის შედეგად, არამედ 15 რესპუბლიკას შორის საქართველო პირველი ამ დაშლის პროცესის გონივრულად გამოყენებით თავს დამოუკიდებლად გამოაცხადებს. გავიხსენოთ ეს თარიღი — 1991 წლის 31 მარტი, როცა რეფერენდუმი ჩატარდება ცალკე და არა საბჭოთა კავშირთან ერთად, რომელსაც მწვანე შუქს აუნთებს გორბაჩოვი 17 მარტს და 9 აპრილს მიიღებენ დეკლარაციას, ხოლო 14-ში პრეზიდენტად სესიაზე გამსახურდია აირჩევა. შემდეგ კი 26 მაისს დაინიშნება საპრეზიდენტო არჩევნები. ამ დღეს საქართველოს პრეზიდენტი ირჩევა. ეს ისეთი გამონაკლისია და იმნაირი დარტყმა სსრკ-ის ერთიანობისათვის, რომ მთელი იმპერიული ძალები აღსდგება ჩვენს წინააღმდეგ თავისი სპეცსამსახურებით, მაგრამ ამჯერად თავად სსრკ-ში რთული ვითარება სუფევს, ის მაინც ფუნქციონირებს საქართველოს გარეშე, უსაქართველოდ, თუმცა ჯერ კიდევ ყველა არხი გადაჭრილი არ არის, როგორც ეკონომიკური, ისე სამხედრო-პოლიტიკური.

ამას მოხვედრა აგვისტოს პუტჩი და სსრკ-აც დაიშლება სუვერენულ სახელმწიფოთა თანამეგობრობად. შემდეგ — სამი სლავი სახელმწიფოსი ცნობილი ბევოვეავსკის აბანო. აი, ამნაირ ფონზე, ჩვენ დამოუკიდებლობას მივიღებთ რუსეთის იმპერიის დაშლის შედეგად, მაგრამ თბილისში არ ძინავს მეხუთე კოლონის ურჩხულის კლანჭებს და 22 დეკემბერის გამთენიისას გავარდება ტყვია და უკვე მერამდენედ გათამაშდება სისხლიანი ბაზალეთი, უკვე — შუარუსთაველზე. ესეც გარედან ინსპირირებული და შინაგანი მოლაღატეების ხელშეწყობით აგორებული კონფრონტაციაა, როცა მოხერხებულად გამოიყენებენ ეროვნული ხელისუფლების გამოუცდელობას...

— მოუხეშაობა...

— ამასაც, მის არასიმკვიდრეს და სამხედრო გადატრიალების ეპიცენტრში ამოვყოფ თავს. 1991 წლის დეკემბერ 1992 წლის იანვრის ტრაგედია გარკვეული ძალების მიერ ქვეყანაში შექმნილი ურთულესი ეკონომიკური ვითარების გამოსწორების მოტივაციით აგორდება. ბედის ირონია: სსრკ-ი იშლებოდა, ჩვენ ჩვენი კანონიერი მემკვიდრეობა უნდა მიგველო, და სანაცვლოდ მოვიმიკით ცხრაასთვრამეტი წლის მუჯღუგუნებს და როზგებს. ასე იყო ვადერპულშიც. ჩვენ ამის გამო ძალიან ბევრს დავკარგავთ მაშინ. თქვენს წინ ზის კაცი, რომელიც მონაწილეა საბჭოთა კავშირის დაშლის ისტორიული მომენტისა — 1991 წლის 30 დეკემბერს, როცა აქ ზარბაზანების ბათქაბუთქია, მე ურთულესი გზებით მინსკში აღმოვჩნდები სსრკ-ის დაშლის დოკუმენტზე ხელის მოსაწერად, მაგრამ ამაზეც მოგვიანებით; ახლა კი უფრო დავუკონკრეტდეთ, უფრო ჩავუღრმავდეთ თავად სახელმწიფოს არსს.

— ბატონო ბაკურ, თქვენ ზემოთ ეროვნულ-დემოკრატიულ პარტიაზე ბრძანეთ. მე რამდენადაც ვიცი, ამ პარტიის ერთ-ერთი სულისჩამდგმელი დიდი ილია გახლდათ. ხოდა, აი მისი უკვდავი ფორმულა — „მამული, ენა, სარწმუნოება“ — რამდენად ამოსადგვია სახელმწიფოს ბურჯად და ბალაგრაად?

— სახელმწიფოს საფუძველითა საფუძველი მისხენე და ეგ არის. მოგეხსენება, 1905 წლის რევოლუცია უძღვის ამას წინ, რომელიც საქართველოშიც მოიტანს დიდ მსხვერპლს, რეპრესიებს. მაშინ ნათელი გახდება, რომ ინტერნაციონალური იდეის — „პროლეტარებო ყველა ქვეყნისა, შეერთდით!“ შემოსვლა საქართველოში სასიკეთოს ვერაფერს მოგვიტანს. ამ მაცდუნებელ ფენომენს დიდ ნაშრომებს მიუძღვნიან ცნობილი 60-იანელები, როგორც მავნეს და დამლუპველს საქართველოსათვის, ვინაიდან კლასობრივი დაპირისპირება მუსრს გაავლებდა ისედაც დაქუცმაცებულ, დანაწევრებულ, ნახევრად ფეოდალურ საქართველოს, აღგვიდა მას მიწის პირისაგან. ეროვნულ-დემოკრატიული პარტიის შექმნის იდეა, ცხადია, ილიას ეკუთვნის, მაგრამ დამფუძნებელი ის არ გახლავთ, ათი წლით ადრე ვესროლეთ ტყვია.

ნიკო ნიკოლაძე ასაკშია, 74 წლისაა და ახალგაზრდა სპირიდონ კედიას სთხოვს თავმჯდომარეობას. იდეა, რომელიც წლების განმავლობაში ტრიალებს ჭეშმარიტი მამულიშვილების თვალწინ, ბოლოს და ბოლოს აღსრულდება ნიკოლაძის ხელდასხმითა და მხარდაჭერით, მაგრამ, მოლით, კვლავ სახელმწიფოს მშენებლობის საკითხებს დავუბრუნდეთ.

არქიტექტურის ყველა შესაძლებლობანი დიახაც აქ მოიყრის თავს და აბსტრაქციის შემწეობით ამოიზრდება კიდევ მატერიალურ სხეულად. აქვე გადაჭრით უნდა ითქვას, რომ პირადპირ დემოკრატიის ფორმით ქვეყნის მართვა უტოპიაა, შეუძლებელი. გულუბრყვილობაა, ყველა საკითხი, რომელიც ხალხს და ერებს აწუხებთ, გადაწყდეს რეფერენდუმებით, თუკი ოპერატიული მართვის ორგანოები სჭირდება. ამისთვის კაცობრიობამ უკეთესი ვერაფერი შექმნა, ვიდრე — დემოკრატია, ანუ ხელისუფლების არჩევითობა ძირიდან ბოლომდე, უფრო კონკრეტულად კი წყარო ხელისუფლებისა გახლავთ ხალხი. ხალხი რამდენიმე ათეულ ათასი ადამიანის უფლებას გადასცემს ერთ დეპუტატს. ისინი ქმნიან საკანონმდებლო ხელისუფლებას, როგორც ფედერალურ, ანუ საერთო-სახელმწიფო დონეზე, ისე თვითმმართველობის, სოფლის, რაიონულ, საქალაქო დონეზე და მათზე დელიგირებულია თავიანთი უფლება სახელმწიფოს მართვისა. — მოსწავლესავით მიღეჭავს.

შემდეგ მოდის პოლიტიკის საკითხები, რომელიც შედგება სამი ნაწილისაგან: ეს არის საგარეო პოლიტიკა, ესე იგი, სახელმწიფო ატარებს საგარეო პოლიტიკას, რომელიც ჩამონაკვთულია საზღვრებში და შემდეგ ამ საზღვრებში იგი აღიარებულია მსოფლიო ხალხთა თანამეგობრობის მიერ. ეს უკანასკნელი XIX-XX საუკუნეების ფენომენია. მანამდე ასეთი რამ ცნობილი არ იყო: თქვენ ამ და ამ საზღვრებში ვილაცამ უნდა გცნოთო. ეს მსოფლიო თანამეგობრობაა, საერთაშორისო ორგანიზაციების პრეროგატივა; ანუ ამ სახელმწიფოს, როგორც ერთეულის ურთიერთობას სხვა სახელმწიფოებთან და საერთაშორისო ორგანიზაციებთან, საგარეო პოლიტიკა გააჩნია. ამასთან ერთად სახელმწიფო ახორციელებს საშინაო პოლიტიკას, რომელიც შედგება ორი დიდი ნაწილისაგან: ეს გახლავთ ხელისუფლების ორგანოების ურთიერთობა ხალხთან ანუ საკუთარ ამომრჩევლებთან, რაც საშინაო პოლიტიკის ერთი ნაწილია და მეორე — ხალხი არ არის ერთგვაროვანი: ის როგორც წესი, შედგება ეროვნებებისაგან, მაგრამ ერთი ან რამდენიმე მათ შორის წარმმართველია. ჩვენი მაგალითისამებრ, საქართველოს წარმომქმნელია ქართველი ერი და იმიტომაც გვეძახიან საქართველოს; და მე მივიჩნის როგორ შეიძლება დაბადების მოწმობაში მაინც არ გვეწეროს „ქართველი“?! ესეც რომ არა, აქ ხომ გარკვეული რაოდენობით ცხოვრობენ აფხაზები, ოსები, თუ სხვა ერებისა და ეროვნებათა წარმომადგენლები და სახელმწიფო ხელისუფლების ორგანოების მიმართება მათდამი არის საშინაო პოლიტიკის მეორე შტო. დანარჩენი — ფრაზეოლოგიაა, პუბლიცისტიკაა, ფოლკლორი.

აი, სამი ძირითადი ღერძი პოლიტიკისა, ერთი საგარეო პოლიტიკა და საშინაოში ორი საკითხი — ხალხის მიმართება ხელისუფლებასთან, ხელისუფლების მიმართება ხალხთან და ხელისუფლების მიმართება ერებთან და ეროვნებებთან. ბუნებრივია, სახელმწიფოს გააჩნია თავისი ატრიბუტები: ეს არის ჯარი, ეს არის საზღვარი, მათ შორის ეკონომიკური საზღვარი; ეს არის ფულადი ერთეული, ეს გახლავთ ენერგეტიკული სისტემა, სატრანსპორტო სისტემა, სახაერო სივრცე; ეს არის წიაღისეული სიმდიდრე, საზღვაო აკვატორია; ეს არის უშიშროება, პოლიცია, წესრიგი და ასე შემდეგ. აქ უამრავი საკითხია, რომელიც ზედმიწევნით უნდა დარეგულირდეს და როგორც ორსაუკუნოვანი ტრადიცია აჩვენებს, სახელმწიფოს უნდა ჰქონდეს ძირითადი კანონი. „არა, მომიწევს მენტორის ტონით“.

— არიან სახელმწიფოები, რომელთაც არა აქვთ კონსტიტუციები, ასეთებიც არსებობენ. ძირითადში ისინი წარმოდგენილია, როგორც კონსტიტუციურ-მონარქიული სახელმწიფოები. სიმბოლურად მეფე და დედოფალი განაგებენ ქვეყანას, მაგრამ ხყავს პარლამენტი და მთავრობაც. ჩვენს სინამდვილეში საქართველოს კონსტიტუცია 1995 წლის 24 აგვისტოს არის მიღებული; მოგეხსენებათ ჩვენ გვაქვს ხელისუფლების სამი შტო. ეს არის აღმასრულებელი ხელისუფლება, რომლის მეთაურია ქვეყნის პრეზიდენტი, ანუ ჩვენ გვაქვს საპრეზიდენტო რესპუბლიკის მოდელის სახელმწიფო მოწყობა.

— ეს ხომ თქვენი კავშირის ძალისხმევით განხორციელდა ფაქტობრივად-მეთქი, ვეკვებები არამკითხე მოამბესავით.

— დიახ, ეს თავიდან ბოლომდე ჩვენი შემოტანილია. როცა ჩიხში მოექცა წინასწარ შემუშავებული იდეა, ქვეყნის სახელმწიფო მოწყობის შესახებ, თუ გახსოვთ, რიგით მეხუთე ვარიანტად ეყარა მას კენჭი. შემდეგ გამოიყო შემთანხმებელი კომისია, რომელმაც ვერანაირი ცვლილება შეიტანა შეთავაზებულ პროექტში. ეს არის 69-ე მუხლი, სადაც ფორმულირებულია: ქვეყნის პრეზიდენტი არის საქართველოს სახელმწიფოს და აღმასრულებელი ხელისუფლების მეთაური. ე.ი. გვაქვს სამი სახელისუფლებო შტო — აღმასრულებელი, საკანონმდებლო, ანუ უმაღლესი წარმომადგენლობითი ხელისუფლება, პარლამენტი და სასამართლო ხელისუფლება.

აი, ეს სამკუთხა სისტემა, რომელიც ცნობილია, როგორც დემოკრატიის გენიალური მამების, ვაშინგტონის, ჯეფერსონის და მის მეგობრების პოლიტიკური პირამიდა, 1787 წელსაა ამერიკაში

მიღებული და შემდეგ 48 ქვეყნის მიერ გაზიარებული მოდელია. ალბათ, დაგებადებით კითხვა, რა აკლია დღეს ჩვენს სახელმწიფოებრიობას, მის ძირითად კანონ-კონსტიტუციაში. კი ასაკო. პირველი და უმთავრესი გახლავთ ის რომ, მას აკლია ერთი მთლიანი კარი და ესეც ჩვენი ტრაგიკული აწმყოთია გამოწვეული. ეს არის კარი ხელისუფლების თაობაზე, ანუ ქვეყნის ადმინისტრაციულ-ტერიტორიული მოწყობა. ჩვენ გვყავს ცენტრალური ხელისუფლება, გვყავს პრეზიდენტი, პარლამენტი, სასამართლო ხელისუფლება და არა გვყავს ხელისუფლება ძირიდან ბოლომდე ანუ თვითმმართველობიდან, სოფლიდან დაწყებული — ცენტრალურ ხელისუფლებამდე. მისი არჩევითობა სავალდებულოა ძირიდან ბოლომდე, რომელიც ქმნის ადმინისტრაციულ ორგანოებს და ასე შემდეგ.

— ჭალადიდელის სიტყვები გამახსენეთ უნებლიეთ: თუ საძირკველი დანგრეულია...

— მაგრამ ეს არ მომხდარა ვინმეს კაპრიზებით, უყურადღებობით. ზოგს ეს მიაჩნია ძალიან დიდ ავანტურად. თითქოს გულუბრყვილობა მოგვივიდა, ან კიდევ — გამორჩათ კონსტიტუციის შემქმნელებს. სინამდვილეში ეს ასე არ არის... ვინც კონსტიტუციის კარებს და მუხლებს ვადგენდით, ძალიან კარგად გვესმოდა თუ რა შედეგებს მოგვითანდა კონსტიტუციის მთავარი საკითხის „გამორჩენა“, „გამოტოვება“.

— უძირითადესი საკითხისა. — დიახ, უძირითადესისა, რაც ადამიანების უფლებებისა და ხელისუფლების საკითხია, მათი თანამოღვაწეობის პრობლემა.

— ეგრე რომ არა, ალბათ, ზედა ეშელონებიდან დანიშვნების პრაქტიკაც აღიკვეთებოდა და შესაძლოა უმართავი სიტუაცია მიგვედო. გამოდის რომ ჩვენი დღევანდელი რამდენადმე დიქტატორული ნიშნების მატარებელია, დემოკრატიული საზოგადოების აშენებით კი ენა და მკლავი დაგვეღალა.

— ამას აქვს თავისი ობიექტური მიზეზები. დიახ, ჩვენ გვაქვს ცენტრალური ხელისუფლება კონსტიტუციური არჩევითი ორგანოების დეფიციტის ფონზე და ამბობენ, რომ აჭარის ავტონომიური რესპუბლიკა დაგვაიწყდაო. მაშინ იყო ასეთი ვარაუდი, პოლიტიკური პროგნოზი. მოგახსენებთ ამ დროს აფხაზეთი მოწყვეტილია საქართველოს, სამაჩაბლოც გასულია ჩვენი იუარისდიქციიდან. აფხაზეთთან და ოსებთან მოლაპარაკებით უნდა გადაწყვეტილიყო საქართველოს ტერიტორიულ-ადმინისტრაციული მოწყობის პრობლემა და ეს უნდა ყოფილიყო, ფრთხილად თუ ვიტყვით, საჯილდო ქვა, გასარჩევი თემა და ჩვენც აღნიშნული კარი გამოვტოვეთ.

ასეთი პრაქტიკა არსებობს მსოფლიოში. თვით ამერიკის კონსტიტუცია, რომელიც პირველია ფაქტობრივად, მას ადამიანის უფლებათა კარი ორი წლის შემდეგ დაემატა.

ახლა, როგორც ხედავთ, ხუთწლიანი პერიოდი საკმარისი არ აღმოჩნდა საქართველოს გამთლიანებისათვის და ეს არის ჩვენთვის ტრაგედია, რადგან წარმოუდგენელია, რომ სხვა პოლიტიკური სისტემა იყოს თელავსა და გორში, თან კარდინალურად განსხვავებული ცხინვალსა და გუდაუთაში, როცა საერთაშორისო ორგანიზაციების მიერ აღიარებულია შენი ტერიტორიული მთლიანობა; როცა მსოფლიოს თვალში სახელმწიფო გქვია...

— როცა ერთ პოლიტიკურ სივრცედ მოიაზრები...

— შესაძლოა თითოეულს გააჩნდეს თვითმმართველობის განსხვავებული ფორმები, განსხვავებული რეგიონული წყობა, ეს დასაშვებია რამდენადმე, მაგრამ ქვეყანა თუ ერთიან პოლიტიკურ სივრცეში არ არის და ერთიანი პოლიტიკური წყობილება არ გააჩნია, თანაც კონსტიტუციურად გამაგრებული არ არის მისი სხეულის შეუვალლობა, ასეთი ქვეყანა ყოველთვის დამუხტულია ცენტრიდანული ძალების აღსაზევებლად, ნიადაგ სეპარატიზმისთვისაა მოჭიმული, სულ დაშლა ემუქრება პარტიკულარული ნიშნებით თუ ეკონომიკურ ზონებად...

ჩემთვის წარმოუდგენელია საქართველოს უნიტარულ სახელმწიფოდ წარმოსახვა, ანუ ყოველგვარი დაყოფის გარეშე შიგნით, რადგანაც ეს არარეალურია შექმნილ ვითარებაში აფხაზეთის მაგალითზე. ასევე ვერაფრით წარმომიდგენია ახლა ან ახლო მომავალში საქართველოში დასაშვები იყოს საუბარი აჭარის ავტონომიური რესპუბლიკის გაუქმებაზე, ან თუნდაც ცხინვალისა და ჭავის რაიონის უპირობო შემოერთებაზე. გარდა ამისა, ჩვენში არსებობს ისტორიულად ჩამოყალიბებული მხარეები, რომელთა მიმართ დიდი სიფრთხილეა საჭირო, მეტი შორსმჭვრეტელობა სახელმწიფოებრივი მიდგომები; ზოგან პრეზიდენტის რწმუნებულთა საკმაოდ გავლენიანი ინსტიტუტები ჩამოყალიბდა და მომავალში როგორც ჩანს, რაღაც ფორმით ესეც შესაძარჩუნებელი გვექნება. მოკლედ, ფიქრი უნიტარულ სახელმწიფოზე ამჟამად უადგილოა, თუმცა თეორიულად გამორიცხული არაფერია, გარკვეულ ისტორიულ მომენტში შეიძლება სურათი კარდინალურად შეიცვალოს; მაგრამ ამჟამად შეუძლებელია ფედერალური პრინციპების უგულვებელყოფა, ისევე როგორც მავნებლურია ადამიანის დაბადების და პირადობის მოწმობაში ეროვნული კუთვნილების იგნორირება. ხედავ, რო-

გორი ვერაგული თემაა შემოგდებული?! უსამაჩაბლოდ და უაფხაზეთოდ საქართველო უპერსპექტივოა, უმომავლო. მხოლოდ საქართველოს მოქალაქეობას არც ოსი დაგყაბულდება და აღარც — აფხაზი. ესე იგი უკვე ვქმნით გადაულახავი უთანხმოების წინაპირობას ჩვენი ქვეყნის მთლიანობისათვის; ჩვენი სახელმწიფოს შენობას, სურამის ციხისა არ იყოს, ამ ეროვნული ნიშნის გამოხშირვითა და ფედერალური ცნობიერების ხელისკვრით, ვერასოდროს აღვაშენებთ. იგი ყოველთვის ჩამოგვეგრევა. თავიდან შემოგდებულია ჩვენი სახელმწიფო აზროვნებისათვის მეტად საშიში მიმართულებები და მას დროზე სჭირდება რეაგირება.

— ნეტავი ამის მეტი არაფერი გვქონდეს სადავო, — თავს ძლივს ვიკავებ გაწიწმატებისაგან, — თუკი აფხაზი ჩაიწერს რომ ის ეროვნებით აფხაზია და ეს სხვანაირად გამორიცხულია, მაშინ, შენ ქართველმა რა უნდა მოიმოქმედო? კოსმოპოლიტურ მოქალაქეობას უნდა დასჯერდე და დაუცადლო როდის გადაიქცევა შენი სამშობლო უეროვნო სახელმწიფოდ?!

— ვერ გამოგვივა ჩვენ ეს. ემოციური გამოსვლები ჩვენი ახალგაზრდა კოლეგებისა წარმომდგენლობითი ხელისუფლებიდან, არ ემყარება სახელმწიფოს რეალური მდგომარეობის ცოდნას, ანუ იმ ობიექტურ ვითარებას, თუ რაზე დგას ქვეყნის სიმკვიდრე და რა ემუქრება მის მომავალს ხვალ-ზეგ. ან რაში მდგომარეობს ჩვენი დღევანდლობის ტრაგიზმი? ძირძველი, აყვავებული მიწა-წყლები მოწყვეტილი რომ არის ჩვენგან, იქ ქართველებიც ცხოვრობენ სხვათა შორის და იცოდეს ყველამ, მამა-პაპათა წმიდა საძვალეებს არავის დავუთმობთ, სანამ პირში სული გვიდგას და ბოლო პერანგის თრევა შეგვიძლია.

— გამოდის რომ ეროვნების რეკვიზიტ ამოშლილი პასპორტი, დაბადების თუ პირადობის მოწმობაში მისი გაქრობა ჭკვიანი მტრის მორიგი დივერსიაა, რათა ვერასოდროს მივალწიოთ რაიმე სერიოზულ შეთანხმებას აფხაზებთან და ოსებთან, ანუ დღენიადაგ ვიწოწილოთ ღელესავით ამღვრეულ სამშობლოში და თვინიერად ვუყუროთ ჩვენი მამულიშვილური სხეული თანდათან როგორ მოექცევა კოსმოპოლიტური „ფასეულობების“ ღრანჭებში; როგორ შეეზრდება სანამყენ კვირტივით ოცდამეერთე საუკუნემდე კბილებით სულმოტანილი საქართველო გადმოკეანურ უეროვნო თვითშეგნებას.

— დღეს ჩვენი აზროვნება, გური, უნდა იყოს მართული არა რომანტიკული პოლიტიკით, არამედ გემართებს თეორიულად სწორად გათვლილი პრაქტიკული ძალისხმევა, განხორციელებადი გონივრული პოლიტიკა, რითაც დროის უმოკლეს მონაკვეთში შესაძლებელია საქართველოს ერთ მთლიან სხეულად შეკავშირება, შეკვრა. ალბათ, დამერწმუნები, რომ ძალიან ბევრი შემიძლია ვთქვა აფხაზეთზე, მის ტრაგედიაზე. ჩინებულად მოგესხენება ისიც, რომ ნამდვილი აფხაზი ეს მე ვარ და არა — ის, ვინაც დღეს იქ გაბატონებულა, რომელმაც ძმათა სისხლით ხელი გაისვარა. ესეც სხვა დროისათვის გადავდოთ. ასეთი სამი საკითხი შემოგვინახეს უკვე სამომავლოდ.

ჭეშმარიტი აფხაზები და ოსები ჩვენი მეფეების სისხლგამოვლილი ხალხია, მუხრანისა არ იყოს; ქრისტეს ჭვარი ერთად გვიტარებია, მაგრამ ცბიერმა ძალამ აქაც შეძლო ჩვენი დაყოფა, აქაც ორმხრივი შეცდომა დაგვაშვებინა, გაგვითშა და მიუხედავად ეროვნული სახელმწიფოებრივი ინტერესებისა, კვლავაც ძალუმად ბატონობს ჩვენზე და ჩვენს მოძმეებზე. ჩვენი ერთობა ვერაფრით შესდგება თუკი ამ ხალხებს ძმობის გარანტიებს არ მივცემთ, რომ ქართველებთან ერთად უპრობლემოდ ეცხოვრებათ აწ და მარადის; არ გაიღვიძებს რევანშიზმის სინდრომი; რომ ყოველგვარი თავდასხმისა და ყაჩაღობის დრო მორჩა; რომ კვლავაც შევქმნით საზიარო ოჯახებს, ისევ ძუძუმტეებად, ძიძებად მივეახლებით ერთმანეთს; რომ არ დაუშვებენ ისტორიულ შეცდომას, არ მოტყუვდებიან ჩვენთან თავის მოყრდნობით, გვენდობიან და ხვალ კვლავ მძარცველებს მიუუქსევთ.

ესაა ჩვენი ცდომილების თავი და თავი, რომლის მონანიება უთუოდ მოგვიწევს ადრე თუ გვიან. რაც ჩვენ თავიდან შეცდომები დაუშვით ცხინვალსა და აფხაზეთში შეიარაღებული ფორმირებების შეყვანით, ცივი ოფლის მოსაწურად გვარიან ხანს გვეყოფა. ამას ყველაფერს ასგზის უფრო მეტი დანაშაული მოხვდა ქართველი ხალხის და ქართული გენოფონდის მიმართ და მიუხედავად ყოველივესი, ჩვენ ვალდებული ვართ, თუკი საქართველოს სახელმწიფოებრიობის აშენება გვინდა, თუკი დედა საქართველო დიდად გვიღირს, ამიერიდან მანაც ორ ძმას შორის მესამე ძმის როლი ვითამაშოთ და არა — მოსამართლისა. მოკლედ, სხვა მიდგომებით, სხვა მიმართებით ჩვენი ქვეყნის სახელმწიფოებრიობის მკვიდრად აშენება არ გამოვა: **გამოკვეთილ ეროვნულობას პლუს ფედერალური აზროვნება და კიდევ — ჩვენეული ქართული შემწყნარებლობა!**

— უბედურების ორგანიზატორები, ბატონო, ბაკურ?

— მათი ადგილი ამ საღვთო ეროვნულ საქმეში აღარ იქნება. სულ ერთი მუჭაა მათი ასავალდასავალი. ზოდა, მოულოდნელი სულაც არ არის, რომ ჭეშმარიტი აფხაზები თავად არიან დევნილები სამშობლოდან, მაგრამ არა — საქართველოში, არამედ — რუსეთსა თუ სხვა ქვეყნებში.

ჩვენ ისინი გვემდურებიან იმედების გაცრუებისათვის, ცუდი მეურვეები რომ გამოვადექით; ჩვენ ვერ შევძელით მათი უფლებების დაცვა, ვერ გაუუმკლავდით შიდა თუ გარე მტრებსა და მოლაღატეებს და ამით, ერთი მუჭა სეპარატისტების ხელში მოვაქციეთ ჭეშმარიტი სულის მატარებელი მკვიდრი მოსახლეობა. ისინი გაფაციცებით აყურადებენ ჩვენს პოლიტიკურ ნაბიჯებს, რადგანაც გენეტიკურად, ათასწლეულების მანძილზე ათვისებული ინფორმაციით სჯერათ, რომ ქართველების გარეშე მათ, აფხაზებს და ოსებს, მშვიდობიანი, აყვავებული ცხოვრება არსად უწყვირიათ.

— მაშ, რას უცდიან? რატომ არ ჩაერთვებიან საერთო ფერხულში? სხვათა შორის ხიდებს ხომ ორივე მხრიდან ერთდროულად აშენებენ ბატონო, ბაკურა?!

— ეგეც სწორია, გური, მაგრამ ისინი უწინარესად ქართველთა ეროვნულ თანხმობას ელოდებიან, რომ ჯერ ქართველები შევიკრათ ერთ მუშტად, ერთი პირით ავლაპარკდეთ საქვეყნო საქმეებზე. აი, მაშინ იტყვის ჩვენი კაცი: ეს გახლავთ ჩვენი მოდელი, თქვენი უსაფრთხო ცხოვრებისა საქართველოს მიწა-წყალზედაო; თქვენი ხელშეუხებლობის, თქვენი უფლებების დაცვისა და ხელისუფლების გადანაწილებისაცაო.

ის უფლებები, რაც შეიძლება ადგილებზე გადავცეთ, არავითარ შემთხვევაში არ უნდა წამოვიღოთ ცენტრალურ ორგანოებში და პირიქით, ცენტრალური ხელისუფლების უფლებამოსილება არავითარ შემთხვევაში არ შეიძლება საქართველოში შემავალ მხარეებს გადავუნაწილოთ:

არ შეიძლება აფხაზებმა მოჭრან თავიანთი ფული, ხყავდეთ დამოუკიდებელი სამხედრო ფორმირებები ან ავიაცია და საზღვაო ფლოტი;

ცენტრალური ხელისუფლების პრეროგატივას მისაკუთვნებელი სულ რამდენიმე საკითხია. ის, რაც ცივილიზებულმა სამყარომ დღემდე მოიფიქრა მცირე ერებთან და მათ უფლებებთან მიმართებაში, ყველაფერი ასაწონ-დასაწონია. აქაც არსებობს გამონაკლისები, რაც ჩვენ შეიძლება მივცეთ საქართველოში მცხოვრებ ეროვნულ უმცირესობებს, რომლებიც ბოლო წლებში გულდაკოდილნი არიან ჩვენგან, მაგრამ ამის შემდეგ ჩვენ მათგან კიდევ უარესი დაგვემართა.

— დრო არ ითმენს ბატონო, ბაკურ, ქმედითი ნაბიჯების გადადგმა საჭირო-მეთქი, ვცხარობ.

— ექვგარეშეა. ჩვენთან საუკუნოვანი ტრადიციები არსებობს, როგორც ხალხურ დიპლომატიკაში, ისე მსოფლიოს ცივილიზებულ ერთა შინაპოლიტიკური გამოცდილება. ვალდებულნი ვართ ჩვენი წინაპრებისა და საქართველოს მოსახლეობის სახელით ერთხელ და სამუდამოდ მოვაწყოთ ქართული სახელმწიფოებრიობა, როგორც ხალხთა სამართლიანი თანაარსებობის, ურთიერთპატივისცემისა და ურთიერთთანამშრომლობის ნიმუში. ჩვენში ამისთვის ყველა პირობა არსებობს: სიტუაცია, ობიექტური რეალობა თუ წინააღმდეგობათა დაძლევისათვის აუცილებელი გონიერება, ხალხური სიბრძნისა და ღირსეულ მამულიშვილთა პოტენციალი. აქვე, მრავალთა გასაგონად უნდა აღვნიშნო, რომ მხოლოდ ეროვნული სახელმწიფოებრიობაა ძირითადი პირობა, აუცილებელი ქვაკუთხედი ერის ჭეშმარიტი აყვავებისა, მისი ნიჭისა და შესაძლებლობების გაფურჩქნისა; რომ დამყარდეს შეუქცევადი მშვიდობა; რომ იყოს უწყვეტი კეთილდღეობა, წინსვლისაკენ მიმართული ცხოვრების დინამიკა და მთავარზე უმთავრესი: დემოკრატია სოფლად, ქალაქად; დემოკრატია — მთელ სახელმწიფო სახელისუფლებო სისტემაში, რომელიც აუცილებელია ერის ჭეშმარიტი, მკვიდრი და იმედიანი არსებობისათვის.

საქართველოს რეფორმატორთა კავშირს 5 წელზე მეტია მზად აქვს საქართველოს კონსტიტუციის ეს კარი, რომლის მუხლებში ჩამოყალიბებულია ყველაფერი ის, რაზედაც ზემოთ მოგახსენეთ. თანაც კარგად აპრობირებული თითოეულ შესაძლო მოპაექრესთან, მათ შორის ჭეშმარიტ აფხაზებთან და ოსებთან. იგი თავის ისტორიულ მომენტს ელოდება და დარწმუნებული ვარ ეს დღეც შორს არ არის.

— სხვა სახელმწიფოს შემადგენლობაში შემავალი ერი ფაქტობრივად არსებობას წყვეტს. მხოლოდ გარდასული სახელმწიფოებრიობის კედელთა ნანგრევები ინახავენ მის სულიერებას.

— ბარემ აქ გიპასუხებთ საუბრის დასაწყისში მოშველიებულ დიდი ილიას ფორმულის თაობაზე: „მამული, ენა,სარწმუნოება“. ეს რა თქმა უნდა პოეტური ფრაზაა, პოეტური ენითაა ნათქვამი. სამი რამ დაგვიტოვებს ჩვენმა წინაპრებმა გადარჩენის საწინდრად, ათქვეფისა და გადაჯიშებისაგან დამცავ მექანიზმად. პროზაულ ნაწერებში დარწმუნებული ვარ ერის უგვირგვინო მეფე ამ ტრიადიდან „სარწმუნოებას“ წინ მოაქცევდა, შემდეგ — „ენას“ და „მამულს“. ცხადია, ამით ნათქვამის აზრი არ იცვლება.

დღეს ურჯულოება გვიტევს მთელი სიგრძე-სიგანით; სექტები და ერეტიკოსები მომძლავრებულან. მოწინააღმდეგენი პირველ რიგში ჩვენს სულიერებას უტევენ გაუგონარი მასშტაბით. ამით უნდა ძირი გამოუთხარონ ქართველთა სულიერ მთლიანობას აფხაზებთან, ოსებთან, ჩვენს მიწა-წყალზე

მცხოვრებ სხვა ერისა და ეროვნების შვილებთან, რომელთაც შეიძლება ჩვენგან განსხვავებული აღმსარებლობა ხქონდეთ, მაგრამ ათასწლოვანი ტრადიციით თანაარსებობენ — მართლმადიდებლური ეკლესია, სინაგოგა, მეჩეთი, სომხური ეკლესია; ტოლერანტები და შემწყნარებლები რომ ვიყავით, იმიტომ მოხდა ეს. შეხედეთ თბილის-ქალაქს და აქვე იპოვით ამის უამრავ მაგალითს.

— როგორ გიბრძანებიათ წელან, მეგობრებში, დიდ გორაზე აღმართულიაო ჩვენი წმინდა ნიკოლოზის ეკლესია, ვითარცა...

— ახლა იმ სიტყვებს ნუ გამამეორებინებ. მეგობრებთან ერთად აშენებული წმინდა ნიკოლოზის ეკლესია დედა-ციხეზე ზემოდან გადმოყურებს დედაქალაქს. ასეთ რამეს არქიტექტორები დომინანტურ ნაგებობას უწოდებენ, ანუ ისაა მთავარი სანახი. მისი ქრისტიანული წყალობაა გაღებულ სხვა სჯულთა მიმართ. ამ პრინციპების ერთგულები უნდა ვიყოთ ჩვენ აწ და მარადის. ნათქვამი ძალზე პათეტიკური გამომდის.

მოკლედ, თანადგომა სჭირდება არა მხოლოდ ქვეყნის პრეზიდენტს ან ხელისუფლებას საერთოდ, არამედ სერიოზული მხარდაჭერა გვმართებს საქართველოს პატრიარქის, მისი უწმინდესობის ილია II მიმართ, რათა მართლმადიდებლობა და რჯული ჩვენი, შენახულ იქნას შეურყენელად, რომელმაც ორი ათასწლეულის მანძილზე ქართველი ხალხი ბევრი განსაცდელისაგან იხსნა, შეგვიმსუბუქა ჭირი და ლხინად გვიქცია მოზღვაებული მრავალი უბედურება.

„ყველა ძლევაი საკვირველი“ აქედან იღებს სათავეს. ახლა, როცა ამას ვლაპარაკობ, ვლაპარაკობ როგორც ქართველი კაცი, ერთ-ერთი რიგითი მოქალაქე, მაგრამ — ჩემ წილ პასუხისმგებელი ამ სახელმწიფოზე უპირველეს ყოვლისა და მივესალმები ნებისმიერი ერის შვილს, რომელიც ჩვენი მიწა-წყლის პატრიოტია, მისთვის შრომობს და იღვწის, მისთვის სისხლის გამღებია. ამასთან ჭკუის სწავლებას არ დამიწყებს ქართველობა როგორ გამოვხატო; ასე არ უცხოვრიათ ჩვენთან ებარელებს 2600 წლის განმავლობაში, აფხაზებს, ოსებს, სომხებს, რუსებს, არასდროს ჩვენთვის არ უსწავლებიათ როგორ უნდა მოვეცოდით მცირე ერის შვილებს. ჩვენ თვითონ ვიყავით კანონმდებლები და შემწყნარებლები, მათთან ერთად ამ მიწა-წყალზე მშვიდობიანად მცხოვრებნი.

— და მაინც პერსპექტივები, პერსპექტივები, ბატონო, ბაკურ?

— ისტორიულად, ალბათ, იმით დაფასდება XXI საუკუნის დასაწყისი, რომ 9-წლიანი ტანჯვისა და წამების ხარჯზე შეიქმნება მძლავრი საგარეო ჯავშანი საქართველოს დამოუკიდებლობის შესანარჩუნებლად. მას სამწუხაროდ მხარი ვერ აუბა ქვეყნის საშინაო პოლიტიკამ და აქედან გამომდინარე ახლა საგარეო პოლიტიკაშიც არის სიძნელეები. ამ სიძნელეებიდან ერთ-ერთს უკვე გავუსვით ხაზი — საშინაო პოლიტიკის უმთავრეს პრობლემას — ერთა შორის კავშირის საკითხს. ვინ არ იცის, გური, რომ ჩვენ ორი საუკუნეა დიდი რუსეთის გავლენის ქვეშ ვართ. შემდეგ საბჭოთა კავშირი შეიქმნა, როგორც ერთა „თანასწორუფლებიანი“ გაერთიანება, მაგრამ მოგეხსენებათ, ეს არ ნიშნავდა საქართველოს დამოუკიდებლობას.

ამიერიდან უკვე დამოუკიდებელ საქართველოს მოუწევს წონაწილობის დამყარება სხვა სახელმწიფოთა ინტერესების ფონზე.

ჩვენ ვერც რუსეთის წინააღმდეგობას გავექცევით, ვეღარც ამერიკისა და ევროპის ინტერესებს დავაბიჯებთ ფეხს. ეს ხომ ცხადზე უცხადესია! საქართველოს საგარეო პოლიტიკური კურსის მთავარი ამოცანა ბალანსია; რომ ამ ზესახელმწიფოთა ინტერესებში შევიდეს დამოუკიდებელი, აყვავებული, მშვიდობიანი კავკასია. ყველაფერი იმაზე იქნება დამოკიდებული, თუ როგორ მოხერხდება დიდი სახელმწიფოების ინტერესების ხარმონიზება ჩვენს ეროვნულ ინტერესებთან, ეს ერთის მხრივ. მეორეს მხრივ, ჩვენ როგორ ავუწყობთ ფეხს დიდ პოლიტიკას, განსაკუთრებით საშინაო პოლიტიკის თვალსაზრისით, რადგან, მოგეხსენებათ, საშინაო პოლიტიკა მხოლოდ საქართველოს საშინაო საკითხია. თუ საგარეო პოლიტიკაში ჩვენ მხარდაჭერის იმედი უნდა გვქონდეს იმ სახელმწიფოებისაგან, რომლებიც ზოგადად ცივილიზაციას იცავენ, ჩვენ შიგნით სხვისი მოიმედობით ვერ დავრჩებით და ვერც საერთაშორისო დახმარებების მეოხებით ამოვწურავთ ყველა შიდა პრობლემას. ჩვენ ძლიერი საშინაო პოლიტიკა გვჭირდება, სოციალურ-ეკონომიკური პოლიტიკა, საქართველოში მცხოვრებ ერთა შორის ურთიერთობის მოწესრიგება და სწორედ ეს გახლავთ ქართველთა ეროვნული თანხმობის ასპარეზი. დარწმუნებით შემოძლია გითხრა, რომ საქართველოს დიდი მომავალი აქვს და ამისთვის მას გააჩნია, როგორც ბუნებრივი, ასევე ადამიანური რესურსები, მაღალი ინტელექტი და ერთა შორის თანაარსებობის ათასწლოვანი ტრადიციები.

ისტორიულად ჩვენ კარგი სამშობლო გვარგუნა ზეციერმა მამამ, იგი ღვთისმშობლის წილხვედრია და როგორც იოანე-ზოსიმე ბრძანებს, დიდი სულიერი მისია აკისრია. კავკასიაში საქართველო ყველა რჯულისა და ეროვნების კაცისათვის იყო უპირველეს ყოვლისა, ადათწესებისა და

სტუმართმოყვარეობის დამცველი. მეზობელ ქვეყანათა ღირსეული შვილები სწორედ თბილისში იძენდნენ განათლებას და შემდეგ სპეციალისტებად, პროფესორებად და აკადემიკოსებად უბრუნდებოდნენ მოძმე ხალხებს.

მე ჩემს მეგობრებთან ერთად ბევრჯერ შევსწრებივარ სულის შემძვრელ სურათებს მათთან თუ ჩვენთან სტუმრობისას.

კავკასიის ხალხებს ძმანდნაფიცობა და ძუძუმტეობა უფრო მოგვიხდება, ვიდრე, მტერთა და მოლაღატეთა მიერ თავსმოხვეული ძმათამკვლელი ომი.

საკმარისია საქართველომ რამდენადმე მოაგვაროს საშინაო სოციალურ-ეკონომიკური პრობლემები, დაიწყოს დაწინაურება, რომ ჩვენ ძველებურად მიმზიდველები ვიქნებით არა მხოლოდ აფხაზისა და სამაჩაბლოს მცხოვრებთათვის, არამედ — მთელი ცივილიზებული სამყაროსათვის. ასე რომ, არა მხოლოდ რუსეთთან, არა მხოლოდ ევროპა-ამერიკასთან ურთიერთობით, არამედ — აღმოსავლეთის სახელმწიფოებთან, „დიდი აბრეშუმის გზის“ ქვეყნებთან კეთილმეზობლური და ურთიერთხელსაყრელი დამოკიდებულებით შევძლებთ მძლავრ წინსვლას.

ჩვენ არა მხოლოდ ევროპელები ვართ, ჩვენ სამი ცივილიზაციის საფუძველზე ჩამოყალიბებულ-ვართ ისტორიულად და ამით მართლაც უნიკალურები გვეთქმის: ვართ ევროპელები და ამავდროულად — აზიელებიც. ამასთან ჩვენი კულტურა ორგანული ნაწილია ხმელთაშუა ზღვის აუზის ქვეყნების ცივილიზაციისა. ყოველივე ეს ათასწლეულების მანძილზე აისახა ჩვენს კულტურაში, ქცევაში, ადათში, ცხოვრების წესში, რომელიც განუმეორებელია თავისი შინაარსითა და ფორმით. ამასთან, დამოუკიდებელ საქართველოს სახელმწიფო აზროვნება, ქვეყანასა და მის გასაჭირზე მოფიქრალი, ჭეშმარიტი ნიჭიერებითა და პატიოსნებით მოქმედი ადამიანი ჭირდება. ასეთები ცოტა როდი არიან, მაგრამ — გათითოკაცებულნი. თუ მოხერხდება მათი მოძიება და ამ უდიდესი პოტენციალის გაერთიანება, საქართველო შესაძლოა ძალიან სწრაფად გამოვიდეს ამ სავალალო მდგომარეობიდან. არადა, ადვილი შესაძლებელია პერსპექტივა მეტად საშიში ტენდენციებისაკენ გადაიხაროს, რომელიც თვით სახელმწიფოს დამოუკიდებლობასაც დაემუქრება.

კაცმა რომ თქვას, აფხაზეთისა და სამაჩაბლოს შემომტკიცების გარეშე მეტად უფერულია ჩვენი დღევანდელი დამოუკიდებლობა.

ქვეყნის ხელისუფლებამ სამეცნიერო-ტექნიკური და შემოქმედებითი ინტელიგენციის, სპეციალისტების, თეორიტიკოსებისა და პროფესიონალი პრაქტიკოსების წრიდან ახლა უნდა შემოიკრიბოს ერთგულებით, ცოდნითა და გამოცდილებით გამორჩეული ხალხი. მისმა უწმინდესობამ ამ პროცესს უნდა შეაშველოს ღვთიური მადლით ძალამოსილი ხელი, მართლმორწმუნენი და ქრისტესანნი, უნდა გავერთიანდეთ დიდი სჯულის კანონის დასაცავად, მომძლავრებული ურწმუნოების მოსაქცევად, ქვეყნის გადასარჩენად. ყოველივე ამისათვის ფართო საზოგადოებრივი ძალისხმევაა აუცილებელი, ნელ-ნელა, მაგრამ — მასშტაბურად და მძლავრად.

დღეს ჩვენი ბედოვლათობით პარპაშობს ჩვენი დამაქცევარი, ხაზინის ქურდი და გზის ყაჩაღი. განა ჩვენივე ხელის შეწყობით ან უმოქმედობით არ დავუთმეთ მათ ქვეყანა საჯიგზნად? განა ძნელია შესრულდეს ბიუჯეტი, ხალხს დაუფრიგდეს საარსებოდ აუცილებელი სახელმწიფო შემწეობა — სრულე-ბითაც არა. გეტყვით დაუფარავად — მხოლოდ კვებისა და გადამამუშავებელი მრეწველობის დარგებში დასაქმებულ მეწარმეებთან კეთილსინდისიერი თანამშრომლობით სახელმწიფოს შეუძლია ამოიღოს 2-3-ჯერ მეტი თანხა, ვიდრე ეს 2000 წლის საბიუჯეტო კანონითაა გათვალისწინებული. თქვენ გგონიათ ამ თანხას მეწარმე არ იხდის? იხდის, მაგრამ სად მიდის ეს თანხა? ცხადია, არა სახელმწიფო ხაზინაში, რომ ქვეყანა მოლონიერდეს, არამედ — პარაზიტების ყულაბაში, რომელიც ისევ ჩვენ გვებრძვის, საქართველოს სულიერ-ეკონომიკური დაჩოქებას ემსახურება.

გური, სამოხელეო სტილი მომიტევე, და კიდევ ერთიც — მინდა ვისარგებლო შემთხვევით და უმთავრესი ხმამაღლა განვაცხადო:

ბატონო, პრეზიდენტო!

თქვენო უწმინდესობაჯ!

ხელისუფალნო!

**ღვთისა და ხალხის სახელით აღიღეთ ხელში მახვილი, იხსენით ქვეყანა განსაც-
დლისაგან, განარიდეთ სამამულო საქმეს უწმინდურნი. პატიოსანი ხალხის ძალა ბევ-
რად აღემატება უკეთურთა შესაძლებლობებს! თუკი თქვენ მხარში ამოიყენებთ ჭეშმა-
რიტ მამულიშვილებს, გააძლიერებთ და დაეყრდნობით მათ. მხოლოდ თქვენ ხელგე-
წიფებად აკეთოთ ეს დიდი ეროვნული საქმე, ღვთისა და საქართველოს გულისათვის!
დარწმუნებული ვარ ქუდზე კაცი გამოვა. პატიოსან საქართველოს ეს შემოძახება**

დიდი ხანია სწყურია!

ბინდისპირია. თავდამართზე ტატით ვეშვები ნარიყალადან. სათაურს ვეძებ მომავალი წიგნისათვის. რატომღაც ეროვნული თანმხობის დარბაზი მიტრიალებს თვალწინ გამუდმებით.

„ვისთან გაავლებ პარალელს ამ მერეხ-კაცთან“, ვეკამათები საკუთარ თავს.

გამოუსწორებელი, უშელავათო ოსტატის — გოგი გაჩეჩილაძის სახე გაიცრიატებს ბინდბუნდში. იოანე მარუშიძის ხსენებაც მაშინ ამიგუგუნდება ყურთასმენაში. ეს ფენომენი ჩემი აღმოჩენა როდია. საქართველოს სახელმწიფოებრიობის პირველ მებაღავრეზე მონოგრაფიას ამზადებს ბატონი გიორგი. ფრაგმენტული, ეფემერული საუბრებიდან ზოგი რამე გაფაჩუნებულა ჩემს ცნობიერებაში, მაგრამ ყოველივე ზერელე, ჩაღრმავების მომლოდინეა. „ხოდა, ამერ-იმერის ერთმანეთთან შემკონავი წინაპრის მემკვიდრედ გამოვაცხადო რომან-ტრიადა „სიცოცხლემისჯილებს“ ერთ-ერთი გმირის პროტაგონისტი, ხომ არაფერი დაშავდება-მეთქი“, — ვჭოჭმანობ. „როდემდის, ო, როდემდის დარჩეს ეს ტკივილები ჩემს გულში?“ — ვბორგავ, პასუხის გამცემი კი ძველებურად არავინაა?

წამალი რა ხანია ნაპოვნია: რამაც მოგკლა, მანვე მოგარჩინოსო;

ამ წამლისა ჩვენმა წინაპრებმა ჩინებულად უწყოდნენ — „ლილეოთი“ და „ოდოიათი“, „მრავალ-ჟამიერით“ და „ჩაკრულოთი“, ხორუმებით, ფერხულებით, ბორჯღალებით, ჯოხის დასრულებათა შეერთებით ბორბლად, კირბისებით, შეუთავსებლის შეთავსების ალქიმით ბოლოს და ბოლოს.

გველესაპმა კული პირში თუ ვერ ჩაიდო, სხვანაირად მუცელში ვეღარაფრით მოაშთობს ამირანს. ამისთვისაც წააწყვეტენ ძმანნი მისნი ურჩხულს ქერკვიან კუდეღს.

ყოველივე ამას წლების წინათ მიხვდებიან ბატონები: ვლ. ჩუბინიძე და გ. ალაზნისპირელი, ზ. ჭაფიანიძე, ხ. წულაია თუ სხვები. ეზოტერიკულად ამოხსნილია საქართველოს უკვდავების ფორმულა — ნაწილისა და მთელის ხარმონიული თანაარსებობა, რომელიც შესაძლოა ლოცმანა დაც კი წაადგეს მსოფლიო აზროვნების მომავალს. ხოლო ჩვენი ვითარების ენაზე თუ გავშიფრავთ ამ ცოდნას, მაშინ საქართველომ ხელი უნდა ჩაჭიდოს აფხაზეთ-სამაჩაბლოს, მერე ამათი ერთობლიობით — რუსეთ-ამერიკა-ევროპას და თვინიერად აუწყონ ფეხი დედამიწის მაჯისცემას. ეს გარეთ, გლობალურში, გრანდიოზულში. ქვეყნის შიგნით კი ხელისუფლებამ და მისმა უწიმდესობამ უნდა მოიზიდონ საქართველოს ღირსეული შვილები ოთხივ კუთხით, კიდევ ათასი და ათასეული ადამიანური ფაქტორი შეუმადგინტდება ამ ხუთმილიონიან ფერხულს-ხორუმს: პოლიტიკურ პარტიათა სიჭრელე, განდგომილნი თუ განთესილნი და შეუდგებიან მართონულ მსველელობას მამაპაპური ფასეულობების გარშემო, საკუთარი თვითმყოფადობის ასაბასრებლად, სხვათა მრავალთა საბედნიეროდ თუ სასიკეთოდ. საქართველო ხომ სამყაროს, კოსმოსის ერთი პატარა მოდელია, მინიატურა, მაკეტი, მატრიცა და, ღმერთო, როგორ მინდა მჯეროდეს, რომ არ ვცდები, არ ვტყუვდები კვლავინდებურად... მეტეხის ხიდამდე მოვლწეულვარ.

ხიდი, ბოგირი, ბონდი — ბეწვისა, ხისა თუ რკინა-ბეტონისა, ორი ნაპირის დამაკავშირებელი ძალაა, იგივე მესამე ნაპირი, მესამე განზომილება, მედიუმი განსხვავებულ ინტერსთა შეთანაწყობის გზაზე.

ოდის-აფხაზეთის ხიდი ბაკურ გულუამ აავო. ისე ააფეთქეს, ვერც მიხვდნენ რა ძარღვი ჩაწყვიტეს... ეს ერთ დროს ორი ნაპირის განუყოფელ სხეულად შემკრავი სული. ახლა კი დასაჭედად ფეხებაჩაჩხული კამეჩივით აყირავებულა იგი და ზედ საქართველოს სვეგამწარებული მრეველი დაბობლავს. და რადგანაც ბაკურ გულუას ხელებიდან გამოსულა ხიდი ესე, მასზე უკეთ არავინ უწყის ბურჯები რომელ ადგილასაა ჩაყრილი, რა სიმძლავრის როგორი დულაბითა და ქვა-კირით. ჰოდა, ვინ არის ის პიროვნება, რომელიც ორივე ნაპირზე ერთდროულად დადგება შეგირდო, ჩემო, მთელი საქართველოს სახელით? საკუთარი სულით რომ შეკრავს ნაპირებს, თუ არა ისე და ისევე ბაკურ გულუასთანა ხალხი — იოანე მარუშიძის გამოუსწორებელ ძეობილთა სახუთერგასო ერთობლიობა?!

**„ლიტერატურული საქართველო“,
№24 25, 2000წ.**

ქუძუმტე

16. 08.

ოღროხოლო წუთისოფლის თემშარაზე გვარიანად დამაშვრალთ „სუფევის“ აისებზე საუბარი რომ გაგვიოლდეს ცოლ-შვილს ერთად შევყრიოთ სამოხიოს ჭირისუფლები: სამ გიჟმაჟ ფეტელავას ორ თავზეხელაღებულ ხუფენიას წავუმატებთ ვარკეთილის დასახლებაში, იშვიათი გულისხმიერებით გამორჩეულ რძალს, პანა ჯანეტას და ეთერ დეის ჩემს გამომარტოხელებულ ნანას მივუჩოჩებთ საჭორიკოდ — გულის მოსაფხანად; ქუძუმტენი კი დიდრონთვალეა ნინოს ამარა დაკვეთლებით მეტრომშენის დასახლებაში.

გაზაფხული კარზე მომდგარა, ფანჯრებზე გვიკაკუნებს რა ხანია, მაგრამ ესოდენ მშობლიური კარალიოკის შტოებიდან კვირტებს მაინც არ გამოუხელიათ თვალეები. გაზონები მოვლილია. აქაც შეუდარებელი რძალი იმარჯვებს — სრული შემადგენლობა მიწა და ნაგავია გატანილი შემოგარენიდან. სვენებ-სვენებით ჩაივლის აღდგენითი სამუშაოები და ახლა მისასვლელი კოლხისას დამსგავსება რამდენადმე, ხაეროვნება, ვრცეულობა მომატებია საწიერს.

ორი წლის გერმანული ნაგაზი ოსკარი ლეკვობიდან რომ მიღრენდა, თუნთიას საკადრისად, მომჩვევია, მკერდზე მომაბჯენს თათებს. დღეს კი რატომღაც ფართე აივნიდან წკმუტუნებს. წვიმიან ამინდს მორიდებია. იქნებ ანცების გახიზნვამ დააღონა? სტუმარიც ნაკლებადაა მოსალოდნელი, ვინაიდან გამორთულია ფიჭური თუ სააბონემენტო ტელეფონები. ყველა პირობა შექმნილა განმარტოებულ საუბრისათვის, რომლისთვისაც ლამის ნახევარი წელიწადია ვერაფრით შევყრილვართ: ხან ამერიკელი და გერმანელი სტუმრების მოძალეება, ხან სამურზაყანოდან გამოდევნილი ჩვენებურების სატკივართა მოხშირება, ზოგჯერ კიდევ — რა და ხელიდან გამოგვაცლის მონატრებული დიალოგისთვის სათანადო ატმოსფეროს.

გათარანებულია ბუხარი, მაგრამ ნაპო ბიძიასეულს, ოტობაიურს, ისე წააგავს, როგორც ხვლიკი — ნიანგს ლორკასებურად.

გაშლილია სკამებზე ნარდი, ჩხრიალებს კამათლები. ოთხით ერთს ვუგებ ქუძუმტეს და ცოტათი არ იყოს ნერვიულობს. იქვე მოჩოჩებულ ტაბლას მივეარხენებით. კითხვარები წინასწარ მომიშადებია. ჩამწერიც ხელთა მაქვს ცოცხალი საუბრის მაჯაზე დასახვევად — ექვსი კასეტა მომითადარიგებია.

საუბრის დედაბოძი ჩვენი მაღალი სვანეთის იგავმიუწვდომელი ფონემაა: მიშგუ ლადელ სი — ჩემი დღე შენ — სალიტერატურო ქართულით და როდესაც ამ უმაგალითო მცნებას დედასამშობლოს დაუწყვილებ, იქ მორჩენილია უნიათობის, გულნამცეცობის საქმე. დასტურ, ამიტომაცა არის ბიჯითაც, რომ ვერ დაახევენეს აფხაზ სეპარატისტებმა დალის ხეობიდან გულრაინდ ვაჟკაცებს.

— მიშგულადელსი, დედასაქართველოვ! — უკვე სინთეზის გზასაც დავდგომივარ: სიტყვას სიტყვასთან ვადუღაბებ, რათა ნემსისოდენა ჭუჭყრუტანაც კი ამოიგლისოს ურემი სიცივის შემოსატევად.

სალექსოდ განწყობილი: ამასწინებზე მუშვანეთის ცათამბჯენი ორწოხებიდან დანახული საქართველოსადმი მიძღვნილი სტრიქონებით ავხმიანდები და რადგანაც ყველაფრის საწინდარი რესპოდენტის უაღკოხლო ეგზალტირებაა, მეც ალტკინებით ჩავერთვები კოპიტი შეშის წარმართულ ბურტყუნში:

მიზგულადელსი

**ნიკოფსიიდან დარუბანდამდის,
სგანურ კოშკებით ზეცა ნალესი,
გულზე გარდამდის, სულზე გარდადის,**

**ჩემი დღენი შენ — მიშგულადელსი.
 ზეცა მიჭირავს ეკლესიებით,
 ქარებს მიდენის მძლავრი არესი,
 სამურზაყანო: პეკდართა სიებით,
 ჩემი დღენი შენ — მიშგულადელსი.
 იმერეთის მზე, ქართლის სარო ცა,
 სვანეთ-გურია ლექსად ნაკვესი,
 გამოურია ცრემლი სალოცად,
 ჩემი დღენი შენ — მიშგულადელსი.
 სამეგრელოთი, ნადდი კახეთით,
 გარდახდილია ბნელი ხადესი,
 გარდასავლით და გარდასახედით,
 ჩემი დღენი შენ — მიშგულადელსი.
 სიმაღლე და წვა შენი ხეგდრია,
 შენი წილია — ყოფნა ნათელში,
 ვარსკვლავიანი ზეცა კეთრია,
 ჩემი დღენი შენ — მიშგულადელსი.
 აღმოსავლეთით ისევ ინათა,
 გაქრნენ მთიები ცაზე ნათესი,
 ხონა მარე და ხონა დინათა
 საქართველოა — მიშგულადელსი.**

გაშტერებული მისჩერებია ბუხარს ძუძუმტე. ინსტინქტურად გამომიშვერს ხელს ფურცლისკენ. ვაწვდი. კითხულობს. ვიცი იქ ორი პოეტური ლიცენციაა: დამახინჯებულია გერმანული და ინგლისური ფრაზები რიტმის საჭიროებისამებრ: რეფრენში, სადაც ახლა „ჩემი დღენი შენაა“, განზოგადოების მიზნით მეორდებოდა: „მანი თავე დიხ“, „მეი დეი ფორ“, „ვამ ქე მაი დნი“, სინამდვილეში უნდა ყოფილიყო „მეინ ლებენ ფერ დიხ“ და „მაი დეი ფორ იუ“, მაგრამ მეექვსეა ამაღამ ამ ნაკლოვანებათა გამო ვინმემ მისაყვდუროს.

ვიდრე შინაგანი აღმურები გადაუვლიდეს პირველ კითხვას ვუწვდი და რადგანაც ეს ვრცელი ტირადა ჩამწერს მიღმა რჩება, ფანქარი მოუშარჯვებია, მაინცდამაინც მწვანე ფერისა. გახზავს საჭირო სიტყვებს, ტერმინებს, გვარ-სახელებს და როცა ჩაამთავრებს, გაცისკროვნებული თვალებით მომაშტერდება, მაგრამ სანამ უშუალოდ დიალოგში ჩავბმულვართ, ჯერ ეს ზეწარი-შეკითხვა მოვიშველიოთ:

— ამ ათი წლის მანძილზე წისქვილის ქვის მეტი ყველაფერი დატრიალებულა ქართველი კაცის თავზე. საუკუნის სამყოფი სამსალა გვერგო კაკალია ათწლეულში: ოთხმოცდარვიდან მოყოლებული ჩვენს მოსახლეობას ნორმალური ძილი არ ღირსებია — პერესტროიკა, გლასტნოსტი, არაფორმალობა, ქუჩის ოპოზიცია, ეროვნული მთავრობა, ეიფორია, „ინტელიგენციის“ შტურმი და სირაქლემას პოზა ბუნკერში, „მხედრონის“ ნავარდი: „ყველა ჩემი სამშობლოა სამეგრელოს გარდა“, ფორსირებული გასვლა ფსოლზე და ზეფორსირებული, დედაბუდიანად გამოძევება ენგურსგამოდმა. დაპირებანი, დაპირებანი, დაპირებანი.

თავად შენი გამოსვლებიდან ვსარგებლობ, ოთარ, ძმაო, სახელმწიფო მოხელეს ეძახი საკუთარ პერსონას, მაგრამ ეს ტერმინი ხელს არ მაძლევს, მეტი სისავსით მწადია შენეული მრწამსის წარმოჩინება, რომელმაც ფაქტობრივად თავი უნდა მოუნასკვოს ესოდენად დაზვინულ თხზულებას, ჩვენს მამებს რომ სჩვეოდათ ისე, რათა ვერსაიდან მიდგომოდა წვიმა, თოვლი, ზღვაურით ამობერტყილი ჟინჟლიანი ღრუბელი თუ სიცივით მობლუნკული საქონელი; იქ ბაღრია ჩიტები ან მინდვრის თავგები მკვიდრდებიან დროთა მსვლელობაში და მთელი წელიწადი არხენობენ ხოლმე.

უახლოესი დღეებიდან დავიწყებ. აი, სულაც გუშინწინდელი თუ გუშინდელი მოვლენებიდან. მეხვიით გავარდა მოწმენდილ ცაზე:
 ფოთში ჭაჭიამ სამეგრელოს პარტია ჩამოაყალიბაო.

ნიშანდობლივია, ამორდიზმიც ხომ დიახაც ფოთიდან იწყება მაფალუიზმთან ერთად, მაგრამ ყველაფერს რომ მოვეშვათ, ჭაჭიას ჩამოყალიბებულმა საზოგადოებამ მოსვენება დაუკარგა სავარძლიან სნობებს თუ სრულიად უმწეო თქვენს სამრევლოს, მილიონ ნახევარ უგასამრჯელო პენსიონერს.

არ გასულა ორი კვირაც და გაზეთების კაკოფონიის ფერხულში, საქართველოში სიყვარულში დაუღლებელ ზუგდიდში საპასუხოდ, ძალას იკრებს სამეგრელოს აღორძინების კავშირი. აქაც ელიტარული საზოგადოებაა წარმოდგენილი: გუნავა, გულუა, ფაცაცია, სხვანი და სხვანი. ჩემთვის მაინც გაურკვეველი რჩება პირველწყაროსთან მიუსვლელობის გამო, ჭაჭიას მუქარაგარეულ ტონი: წყნარად იყავით თორემ, მართლაც პოლიტიკურ პარტიად გადავაქცევთ ჩვენს ორგანიზაციას და მერე ნახეთო, თუ სახელდახელო კავშირ-კავშირის მიზანი, საწადელი, რაობა.

დიახ, გაუგებარია ჩემთვის ან ერთი რისთვის შეიქმნა მაინც და მაინც არჩევნების ზღურბლთან, ან — მეორე? მე ჩინებულად მახსოვს დედაქალაქში, ხუთიოდე წლის წინ, საზოგადოება „ცოდნის“ დარბაზში გამართული ჩვენი კუთხის წარმომადგენლების თავყრილობა. მაშინ იქ „მხედრიონის“ აღვირახსნილი ქმედებებით შეძრწუნებული ხალხის ვენებათაღელვამ იბობოქრა არსებითად. მართალია, იმ შეკრებამ ვერაფრით გაარკვია რომელი დარქმეოდა საზოგადოებას, „ეგრისი“ თუ „სამეგრელო“ და ამის ნიადაგზე გაითიშა კიდევ ორ ფრთად, კონსერვატორულ და ახალგაზრდულ განშტოებად, სადაც პირველს ესამუშებოდა „სამეგრელოს“ წინწამოწევა:

რას იტყვიან ხელმძღვანელი ამხანაგები, როგორი თვალით შევხედოთ მოსახლეობასო, ჩიოდა;

მეორე კი ნამდვილი სანგვინიკური პათოსით ხმამაღლა აცხადებდა თითქოსდა ეჭვიშუტანელ სინამდვილეს:

როდემდე უნდა ვმალეთ ჩვენი წარმომავლობა? არ კმარა რაც აქამდე შევეფარებოდით „კოლხეთს“, „ეგრისს“, „ლაზიკასო“; რა გვჭირს დასამალი და შესანიღბი? აკი, მწვანე შუქი ანთებია ჩვენზე წლინახევრით აღრე ჩამოყალიბებულ საზოგადოებებს: „ქართლს“, „კახეთს“, „რაჭას“, „სვანებს ჭკუა ეყოთ და „ლემი“ დაირქვეს), ასე შემდეგ და ასე შემდეგ; სხვისთვის თუ შეიძლება თავისი კუთხის ჭირ-ვარამის გულშემატკივრობა, რა დავაშავეთ, ჩვენ, მეგრელებმაო.

ეს ყველაფერი ხუთი წლის წინ მოხდა. საზოგადოება „სამეგრელომ“ მოასწრო რეგისტრაცია, მრგვალი ბეჭდის, სამკუთხა შტამპის დამზადება, გაღვანკალებული გაზეთის ორიოდე ნომრის გამოშვებაც და მორჩა. სამეგრელოს პრობლემები, ხალხის გასაჭირი კი ძველებურად ცასა და მიწას გამოეკერა. ამ გამოცდილების გათვალისწინებით რას უნდა მოასწავებდნენ ჭაჭია - გუნავას „სამეგრელოები“, თუ ცოტა სხვანაირად არის საქმე, რაც ეს არც ქუჩიდან ჩანს და აღარც მაღალი ეშელონის ქანდარებიდან ანალიზდება სათანადოდ?! თავად ცეცხლფარეში კი დუმან რატომღაც, ან მასმედია ამრუდებს მათ ნააზრევს. აქვე ორივე მომენტი გარკვეულწილად წინსწრებული აფხაზეთის განთავისუფლების პარტიის შექმნის გამანეიტრალებლად მეჩვენება რამდენადმე. ესეც რომ არა, ჩემთვის გასაგებია, რომ ამთავითვე თადარიგიანდება ძალთა თანაფარდობა არჩევნების სტარტზე, სანადიმო ოთხწლიან სუფრასთან მოსაკალათებლად.

დასამალი არაფერია, შენგანაც და სხვებისგანაც ბევრი მსმენია, როგორ ნადირობენ ზოგზოგებზე პოლიტიკური პარტიები, „მოქალაქეებიდან“ დაწყებული ახლახან შექმნილი „სამეგრელოებით“ დამთავრებული, და რადგანაც სადღელამისო საუბრისთვის შევყრილვართ, ძუძუმტეობის მაღლმა, ჯერ ეს სამი ბაყბაყდვეი დავანაყროთ რიგიანად. მერე და მერე, მეტის ცნობისწადილითა და რუდუნებით შევუდგებით, ალბათ, გორდიას ნასკვივით აბურდული ქართული სინამდვილის გახსნას;

განზე გადავდებთ მაკედონელისეულ ორღესულს, ვინაიდან აქ ბაწარაულის მომარჯვება წინააღმდეგობიდან თავის დაძვრენის უებარი საშუალებაა. ხოდა, რადგანაც ამხელა მართონული საუბრისთვის მომიხელთებხარ, წინ წყალია, უკან — მეწყერი, ზევით — მეხთატეხა და ქვევით — ჯოჯოხეთი; არც ჩრდილო-დასავლეთიდან გველის თავზე ხელის გადასმები და აღარც აღმოსავლეთ-სამხრეთიდან — ფარდაგები დამაშვრალი ფეხისგულებისთვის; ამოვირჩიოთ რომელი მიმართულებით დავადგეთ გზას იავარქმნილი ჩვენი ოტობაიასკენ, განაცარტუტებული ჩვენი სამოხიოსკენ, ექვსი წლით „მივიწყებული“ მამების საფლავებისკენ, უდრეკელი კოკი ოყუჯავასკენ თუ ოქროსთიანი ხერიკო პაპასქუასკენ ბოლოს და ბოლოს?!

— დღეს ოთხომცდაცხარმეტის ცხრამეტი მარტია, გური, ჯიმა. ამინდიც სამურზაყანოულს მოგვაგონებს, „მთვარის მოტაცებაში“ რომ წაგვიკითხავს და ბავშვობიდანვე გაგვიცნობიერებია, ისეთს, — წვიმიანია, წკვარამეთი; თან ბუხარიც გვინთია საბედნიეროდ და რადგანაც შენი შეკითხვები კავკასიონის მთაგრეხილივითაა, პასუხების მოშველიებაც ხერგიანების ოსტატობის სადარი მომიწევს. ესეც რომ არა, გოლუაფიროთი, თავზეშემონაცვლებით, მიშგულადდელსით შემამზადე საუბრისთვის და ვნახოთ, ამ სევდიანი ამინდის ფონზე, როგორი ომახიანი დიალოგი გამოგვივა. ყოველ შემთხვევისათვის შევეცადოთ საუკუნის მიწურულის თითოეული ქართველის დამაფიქრებელი ბედ-იღბლის...

— რატომ არბილებ, იქნებ სასისხარის, აი, საფეთქელზე მოხვედრილ ქვას რომ ახასიათებს ხოლმე ადამიანისთვის, იმგვარს ვგულისხმობ.

— სასისხარი თუ საზიზღარი დღეები გამოგვივლია, მაგრამ მე ოპტიმისტი ვარ, ჯიმა, თანაც პოლიტიკაში საკმაოდ ნაკალმახები, და აქედანვე გულს ნუ მიხეთქავ.

შენ გინდა საუბარი დავიწყო მაინც ბოლო ერთი თვის, თვენახევრის მოვლენებით, როცა მართლაც როგორც ნაწვიმარზე მრავლდებიან სოკოები, ისეთი სიუხვით ჩამოყალიბდნენ საზოგადოებები, პარტიები, მოძრაობები. შენ გამოკვეთილ პასუხს მოითხოვ სამეგრელოს პროცესებზე, მაგრამ საქართველოს სხვა კუთხეებშიც შეიმჩნევა ანალოგიური რამ. აქედან გამომდინარე დიდი სიბრძნე არ სჭირდება იმის გააზრებას, რომ ეს ყველაფერი ქვეყანაში წინასაარჩევნო ციებ-ცხელების დებიუტია, მაგრამ მე არ მინდა ჩვენი დიალოგი მხოლოდ ამ რაკურსით შემოიფარგლოს, წარმართოს. მოდი, შევეცადოთ უფრო სიღრმისეულად შევხედოთ ყოველივეს და პირველ რიგში იმას თუ როგორ ზის საერთოდ ქართულ ცნობიერებაში შენი და ჩემი კუთხე — სამურზაყანო, სამეგრელო. მე ისტორიკოსი არა ვარ, მაგრამ ცოტა რამ წამიკითხავს და შედარებით მეტი, პროფესიონალი მეგობრებისგან მსმენია, ისიც კი, რომ თვით საქართველოს ისტორია დიდი ივანე ჯავახიშვილისა, მომიტევეს მისმა ნათელმა სულმა, როგორც ასეთ დროს იტყვიან, მთლად მართალი არ უნდა იყოს; თვით ამ ისტორიაშიც კი ღირსეული ადგილი ჩემი აზრით არა აქვს დათმობილი საერთოდ ქართული სახელმწიფოებრიობის იდეის გაჩენას და წარმოშობას, მის გენეზისს. საიდან იწყება ბოლოს და ბოლოს ის, რომელსაც დღეს ჩვენ საქართველოს ვეძახით...

— ამის თაობაზე მეც გაგიზიარებ ორიოდ სიტყვას, ოღონდ — მოგვიანებით, როცა სათქმელს მოილეგ. არ მინდა აზრის მდინარებას ბუნებრიობა დაეკარგოს.

— ვფიქრობ, აქ გარკვეულწილად ბოლომდე ვერ არის სიმართლე თქმული და სრულყოფილად წარმოჩენილი დღევანდელი სამურზაყანოს, სამეგრელოს თუ უფრო მასშტაბურად ვიტყვი, კოლხეთის ადგილი და როლი საქართველოს სახელმწიფოებრიობის იდეის ჩამოყალიბების საქმეში. მრავლად მსმენია ისტორიკოსი მეგობრებისგან, რომ არის კიდევ მეორე, განსხვავებული მეთოდოლოგიური მიდგომა საქართველოს ისტორიისადმი. მას ჯანაშიას სკოლასაც ეძახიან.

აქ პატარა გადახვევა: მე ზემოთ სრულიად შეგნებულად და გულწრფელად ვიხმარე ეპითეტი „დიდი“ ივანე ჯავახიშვილისადმი. დიახაც სწორედ მისი სიდიადე გახლდათ, როგორც პიროვნებისა, გნებავთ ისტორიკოსისა, მეცნიერისა, ქართველისა ბოლოს და ბოლოს, აღეზარდა განსხვავებული აზროვნების მოდელის ჟამთააღმწერელი; არანაირი წინააღმდეგობა არ გაუწევია მისი მსოფლმხედველობის ჩამოყალიბებისთვის, პირიქით, წააქეზა, გზა გაუწალდა, თუმცა შესაძლოა ეს ქომაგობა სიცოცხლის ფასადაც დასჯდომოდა. მოკლედ, რომ ვთქვათ, დიდმა ივანე ჯავახიშვილმა თავის ფუნდამენტურ ისტორიოგრაფიას შეუქმნა ალტერნატიული თვალთახედვა სიმონ ჯანაშიას შემოქმედების სახით.

— ოთარ, ძმაო, შენ ილაპარაკე, მე თან ყვასაც მივხედავ.

— ასეთი რამ ძალიან არ მეხერხება, — გულლიად იცინის ძუძუმტე.

— ეხ, ოთარ, ძმაო, თურმე რა ყოფილა სამშობლო, მის მომავალზე ფიქრი და ზრუნვა? ყავის მოხარშვასაც კი დაგასწავლის კაცს!

— გური, ჯიმა, მაგაში მარილია, შაქარი ზემოთ ნახე. იმ ქილაში დაფქული ყავაა, აი, მეორე გადმოილე, „რასტვარიტელნი“.

კოვზის ფხაკუნია. გარედან წვიმა მშხეფარებს. გერმანული ნაგაზი ოსკარი უგულოდ შეიყვებეს ერთ-ორს და მიჩუმდება. ბუხარს შეშის ახალ ნაჭრებს ჩავუწყო გვერდულად.

— თან საქმე, — ვეტყვი ტახტაზე განებივრებულს, — არ დამიწყო ახლა ტელევიზორის ჩხიკინი, ჩხირკედელაობა. იქიდან სასიკეთოს მაინც ვერაფერს შევიტყობთ.

— „კურიერისთვის“ მაყურებინე, კაცო! ყავის მეტი რა გვაქვს, შეშაც თავზესაყრელია, ვერც უშუქობა დაგვაკლებს რამეს, თუ გამოგვითიშეს ავანთოთ მამაპაპური ლამპები. ელემენტების მხრივ როგორაა საქმე? — მომიბრუნდება არხების გადანაცვლებით გართული.

— ასტრონომიული ცხრა საათის ჩასაწერი საშუალება მოგვეპოვება. თაბახზე თუ გადავიყვანთ, ნაბეჭდი ყოველი A-5 ფორმატი სამ წუთში იკითხება. გამოდის რომ 180 გვერდიანი დიალოგისათვის შეგვიბამს ექვნები.

— ხო, ჯიმა, გური, ამ ისტორიის შრეებში ხეტიალმა ძალიან რომ არ გაგვიტაცოს, — შემომხმინება, როცა „დამოუკიდებელი“ ტელეკომპანიების მოუპროგრამები ხუთიოდე წუთში მოყირჭდება, — მოკლედ მოვჭრი, დღეს უამრავი მეცნიერის აზრით არ არის ბოლომდე და სრულყოფილად გაცნობიერებული ჩვენი სახელმწიფოს ისტორია. უფრო მეტიც, ჯერაც ვერ შევთანხმებულვართ რამდენწლო-

ვანი სახელმწიფოებრიობის ისტორია უნდა ვიზიწიოთ. ესეც სერიოზული დისკუსიის საგანია, ჯიმა, სხვათა შორის. ეს ზოგადად, ახლა უფრო რეალურისკენ, კონკრეტულისკენ, — კვლავ პირველ ნაბეჭდ კითხვას უტრიალებს, უნიკოტინო „ვოგი“ ეფერფლება ზედ, ნეკით ცდილობს მის მოშორებას, რომელიც დაუხმარებლად, თავისით გადაიფანტება ტახტასგადაფარებულ შალითაზე და ახლა ფურცლიან ხელს უქმევს ფერფლის უცოდველ კუნწალს — ჩვენი მრავალათასწლოვანი ყოფიერების ერთგვარ ფორმულას, — ათადან და ბაბადან დაწყებული საქართველოს სახელმწიფოებრიობის მტრები ყოველნაირად, ყველა ძალით და საშუალებით, ხერხითა თუ იარაღით, არ ჩავამწკრივე, ჯიმა, მთელი საომარი არსენალი! ცდილობდნენ, რომ თვით საქართველოს კუთხეების წარმოჩენით ხელი მოემართათ, უფრო თანამედროვედ თუ ვიტყვით, მწვანე შუქი აენთოთ მისი გათიშისთვის და აქ რასაკვირველია, ერთ-ერთი მძლავრი ბერკეტი ჩვენი ისტორიული მტრებისთვის, ყოველთვის იყო, არის და ვერ იქნება სამეგრელო. წარმოგიდგენია, აბსურდული სიტუაცია: მეგრელები თავგადაკლულნი ვიძახით ქართველები ვართ-თქო და უბირნი პირში ქვას გვჭრიან:

არაფერიც, ბატონებო, დიახაც მეგრელები ხართო, გადაგვასხამენ ცივ წყალს. მეც, მეც ჩინებულად მახსოვს, ჯიმა, გური, ის პერიოდი, როცა რალაც მოძრაობა იყო ჩაფიქრებული, „ეგრისი“ იქნებოდა ეს, „კოლხეთი“, „სამეგრელო“ თუ „სამურზაყანო“. მავანი და მავანი ამ ქმედებაში მაინც დამაინც სეპარატიზმს ხედავდა, მაგრამ როდესაც იქმნებოდა მსგავსი საზოგადოებანი „კახეთი“, „ქართლი“ თუ სხვა, ყველას ჩემი თავი ენაცვალოს, აქ საგანგაშოს, ზარების დასარისხველს ვერაფერს ხედავდნენ, ყოველთვის ერთიან ქართულად აღიქვამდნენ. ამიტომაც დავიწყე ცოტა შორიდან საუბარი, რომ ეს ძნელადსახსნელი კომპლექსი ღრმადაა გამჭდარი სრულიად საქართველოს სხეულში, ქართველების დიდი ნაწილის ცნობიერებაში ჩვენდა საუბედუროდ. მას ეტყობა დიდი ხნის ისტორია აქვს. აი, ჯიმა, გური, კარგად მახსოვს, შენცა და შენი მეგობრებიც თავგამოდებით ცდილობდით, რომ გაკეთებულყო პატარა ლექსიკონი და უკეთ მოგეხსენება, რამხელა პრობლემების წინაშე დადგით...

— მე მინდოდა სრულიად საქართველოს, ქართველურ ენათა სინთეზური განმარტებითი ლექსიკონის შექმნა, ანუ — ქართლულ-მეგრულ-ლაზურ-სვანურისა, სადაც, ცნობისათვის, „სამშობლოს“, „მამულის“ სინონიმებად ერთ ბუდეში მოკალათდებოდა: სვანური „ლარდა“, ლაზური „დობადონა“, მეგრული „ობადიში“, „ოდაბადე“ და „შურობუმუ“. ცუდია განა?

— მაგას ვინ იძახის. ჯიმა, ეტყობა შენისთანები, აჩქარებთ მოვლენებს. დიდებულია, როცა ამ კუთხით უმზერო პროცესებს, მაგრამ აი, ნახეთ, როდესაც გამოვიდა სვანურ-ქართული ლექსიკონი, ეს ვალიარეთ, როგორც სინამდვილეში ასეა და საცხებით სამართლიანად, ეროვნულ, ქართულ საქმედ, მაგრამ როცა დღის სინათლეზე გამოჩნდა, შემახსენე...

— პეტრე ჭარაიას მეგრულ-ქართული ლექსიკონი. ამგვარი ხასიათის წიგნი გივი ელიავამაც გამოაქვეყნა.

— ხოდა, შეგხედოთ როგორ მიდის საქმე? ვერაფერ სეპარატიზმს არ გაკერებენ? მე ახალგაზრდობაში, ყმაწვილკაცობაში მითქვამს ასეთი რამე და ახლაც სიამოვნებით გავიმეორებ ამასთან დაკავშირებით:

ხალხნო-მეთქი, თუ თქვენ მართლაც იცით ქართული ენა, ოლონდ ნასწავლი ჩიქორთული კი არა, არამედ გენეტიკურად თუ მოგსდგამთ სისხლხორცეული ქართველობა, მოდით, ასეთი ექსპერიმენტი ჩავატაროთ-მეთქი. წამოდით ჩემთან ოტობაიაში, სამი თვე მეგრულად დავილაპარაკოთ, თან ვსვათ ბაჯალლო ადესა და ვჭამოთ შემწვარ-მოხრაკული, თქვენი დანა და ჩემი კისერი ქანქანესას თუ არ გადაასწროთ საუბარში-მეთქი.

ქანქანესა ვინააო, რომ მკითხავდნენ, ხომ იცი, ვისაც დავუსახელებდი, იაშა აშორტიას. დიახ, ბატონებო, სამ თვეში თქვენ მეგრულად ალაპარაკდებით, ანუ გაიგებთ ყველაფერს, რასაც ეს ხალხი თავის კუთხურ ენაზე, ჭუკჭუკებს-მეთქი.

— ჟღურტულებს, საბასებურად, — წამიყრუებს.

— არ იკმარა? ჩავატაროთ მეორე ცდა: ჩემი სვანი მეგობრებისთვის მითქვამს, თენგიზ გაზდელიანისთვის ბოლოს და ბოლოს, რომ მეტი მოცალეობა და საშუალება მქონდეს, თუნდაც სამი თვით ვიყო სვანეთის რომელიმე მაღალმთიან სოფელში, მერე იოტისოდენას ვერ გამომპარებთ ძვირფასებო-თქვა.

ახლა ჩავატაროთ ასეთი მესამე ექსპერიმენტიც, წავიდეთ მსოფლიოს ნებისმიერ ქვეყანაში, ინგლისურენოვანში, ფრანგულენოვანსა თუ გერმანულენოვანში, არაფერს ვამბობ აღმოსავლეთზე და თუ თქვენ იქ ცხრა თვეში საყველპუროდაც ალაპარაკდებით, მაშინ თვითონ მოვიჭრი თავს-მეთქი.

ასეთი რამ შეუძლებელია შემთხვევითი იყოს. ასეთი რამ ცოცხალ ბუნებაში არ ხდება, მითუ-

მეტეს — საზოგადოებაში. აქ ტკივილი და სიხარული ერთმანეთსაა გადახლართული, მთელი ორგანიზმია ამ სამძაფრული მოქსოვილი, გენეტიკურად კოდირებული ტვინის უჯრედების უშორეს შრეებში; იმიტომაც გვიადვილდება თითქოსდა განსხვავებული, თითქოსდა უცხო, სინამდვილეში კი ისტორიისგან მსუბუქი მტვრით შეღებებული მხედველობის, ყურთასმენის, გრძობათა ორგანოების პოლიფონიურად ერთი მიმართულებით ამოძრავება.

— ოთარ, ძმაო, გახსოვს ცოტათი ზემოთ განგებ არ ჩაგერთე. იქ 97 წლის „მნათობის“ მესამე-მეხუთე ნომრების ერთ ჩინებულ პუბლიკაციაზე „საქართველო და კავკასიონი“ მინდოდა სიტყვის ჩამოგდება. მისი ავტორი ჩემთვის სრულიად უცნობი პიროვნებაა — გიორგი ქავთარაძე. წერილს კი ქვესათაურად ამგვარი განმარტება ახლავს: „საქართველოს სახელმწიფოებრივი კონცეფციისათვის“. აქ ჩაწვრილმანება უადვილოდ მეჩვენება. იმ წერილის სირღმისეულმა ანალიზმა სავსებით დამარწმუნა, რომ არიან გარკვეული ძალები დედაქალაქში, რომლებიც მეგრელებით ამინებენ საზოგადოებას, და წარმოიდგინე ისინი უმეტესწილად გვარნაცვალი ქართველებია. ასე მოხდა ეს ორმოცდაათიან წლებში სტალინის საეალალოდ. მეგრელოფობია საქართველოში შემთხვევითი არ არის: დაგაბრალონ ზუსტად ის, რაც არასდროს გიფიქრია! ხომ ჭკვიანი მტრის მოგონილია საქართველოს ერთიანობის ძალის მოსაშლელად, საქართველოს დასამხობად უიდეობისა და უხერხემლობის ასპექტით?!

ჩვენი ქვეყნის ორსაუკუნოვანი დამონების პირობებში რუსეთი ყველაფერს აკეთებდა ორი არაკავკასიელი ერის აღსაზივებლად ქართველების დეგრადირების ხარჯზე: აქრისტიანებდა ალანებს და მის ყოველ უკანონო ქმედებას ხელშეუხებლად აცხადებდა შეურაცხყოფილი ქართველისთვის. ცოტა მოშორებით, სომეხ ხალხს, გარკვეულ სუბსიდიებს უბოძებდა, რათა ყოველნაირად მოემართა ხელი მათ კომპაქტურად დამკვიდრებისთვის მესხეთში, თბილისსა თუ გნებავთ — აფხაზეთში. ისინი მოსყიდული, საქართველოს სრული განადგურების ქვაკუთხედი, პლაცდარმი, საყრდენი ძალები იყვნენ და არიან დღესაც ჩრდილოეთისთვის, მაგრამ არ იქნებიან ახლო მომავალში, როცა მეგრულის გარშემო დაჯანსაღდება მიზანმიმართული სახელმწიფოებრივი ცნობიერება.

გათიშვა, ადგილობრივის დაკნინება ჩამოთესილის გასაძლიერებლად, მრავალათასწლოვანი ინდოევროპული ჭირია, რომელიც დღემდე ვერ მოუხდია კავკასიონის მთებზე მიჯაჭვულ პრომეთე-ამირანს — საქართველოს, მთელს კავკასიურ ცივილიზაციას, გენეტიკურად, ანთროპოლოგიურად მეტნაკლებად იდენტური უამრავი ერის ერთობას. ამიტომაც სულაც არ არის გასაკვირი რომ სამთვეში შინაგანად ქართველმა სვანურიც აითვისოს და მომდევნო ოთხმოცდაათ დღეში — მეგრულიც, თუკი იმპერიული ძალების მიერ გვარნაცვალი არაა, ისტორიის უკუღმართ ბუდეებში გუგულის კვერცხებივით გამოჩეკილი.

— მე ზუსტად ამას ვგულისხმობდი, როცა ისტორიული მტრები ვახსენე ქართული სახელმწიფოებრიობის გზაზე. მე არ მინდა ეს მხოლოდ ფრაზა, ტერმინოლოგია იყოს საქართველოში და ვილაცის კარნახით ჩვენ, ქართველობამ, ერთმანეთს მტრები ვუძახოთ, მაგრამ ვინც დუშმანის ანკესზე წამოეგება სულმოკლეობით, უგუნურობით, კარგად შესწავლილი ჩვენი სისუსტეებით, მამონასმოკყარეობისადმი მიდრეკილებით, მოსყიდვებით ბოლოს და ბოლოს, ასეთი კატეგორიის ხალხი ნუთუ არ არის ღმერთის, ერის და ქვეყნის წინაშე დამნაშავე? არის ცხადია, თუმცა შენ რომ ახსენე ადრე, ზოგი მართლაც გულუბრყვილოდ ასრულებს ჭკვიანი მტრის დავალებას...

— გულუბრყვილო ბოჩოლაა, ოთარ, ძმაო, ხოლო ვინც ქრთამით ყიდის სახელმწიფოებრივ ინტერესებს — დამნაშავე. აქ ორი აზრი არ არსებობს, ნიანგივით საკუთარ შვილებს ყლაპავს. როგორ ამბობს ჯოისი? ირლანდია ეს ის ღორია, რომელიც საკუთარ შვილებს ჭამსო. მგონი ნათქვამი გარკვეულწილად საქართველოზეც ვრცელდება.

— მე რა, სხვას ვამბობ? ჩვენ წამით არ უნდა მოვადუნოთ ეროვნული სიფხიზლე. არ არის ჩემს ბუნებაში და ძალიან მიძიმს ამგვარი სიტყვების თქმა, როგორცაა: „მოლაღატე“, „აგენტი“ და ასე შემდეგ, მაგრამ ერთი რამეც გავიცნობიეროთ, საქართველო არის სახელმწიფო და ცხადია, როგორც ნებისმიერ ქვეყანაში, ჩვენშიც არის უცხოეთის აგენტურა, მითუმეტეს ისეთ გზაგამოვლილში, რანაირიც საქართველოა. ეროვნული სახელმწიფოებრიობის სიფხიზლე, რასკვირველია, არცერთმა ჩვენგანმა არ უნდა მოვადუნოთ.

— ვადუნებთ და მერე როგორ, ოთარ, ძმაო. აგერ, შენი ბოლო ფრაზა გავანალიზოთ: „ეროვნული სახელმწიფოებრიობის სიფხიზლე, რასკვირველია, არც ერთმა ჩვენგანმა არ უნდა მოვადუნოთ“—ო ამბობ, და მიუხედავად სათანადო ერუდიციისა, აზროვნების რუსულ მოდელისგან თავი ვერაფრით დაგიღწევია. ორმაგი უარყოფა მათი იმპერიული ხეგემონიდან მოდის. არავის გამოუცია რაიმე დეკრეტი ან ბრძანებულება, გინდათ თუ არა ქართველებმა ორმაგი უარყოფით ისაუბ-

რეთო. ეს ყოველივე დრომ მოიტანა, რუსიციზმების დამკვიდრებამ ჩვენს ელიტარულ საზოგადოებაში.

ქართულად მსჯელობისას ეს ესთეტიები უკვე რუსულიდან თარგმნიან, მოაქართულებენ წინადადებას და მიუხედავად მშობლიური სიტყვებისა, გრამატიზაცია რუსულია.

ჯვაროსნული ლაშრობა გამოუცხადა ამეებს ჩვენთვის საკმაოდ ცნობილმა გურამ პეტრიაშვილმა, და გვახსოვს, კინალამ ჩაქოლეს იგივე მეტრებმა ქვეყნის პოლიტიკურ გზავსაყარზე.

აქ, შეცდომის დაძლევის ხერხი იოლია, ოთარ, ძმაო, როცა მეტყველებ: „არასდროს არ წამოვალ“, უნდა ამოაგდო ზედმეტი „არ“ და გააძლიერო პირველი სიტყვა, მაგალითისთვის ასეთნაირად: „აღარასდროს წამოვალ“.

ვუბრუნდები, საუბრის სათავეს, უკეთ სამეგრელოში შექმნილ საზოგადოებებს პარტიკულარული ნიშნით: ბატონების, ბეჟან გუნავას და ალექსანდრე ჭაჭიას ფენომენს. როგორც ყველა პრობლემაში, აქაც ორი შესაძლო ვარიანტი არსებობს:

პირველია, კუთხის აღორძინებით, სამეგრელოს მოჯანსაღებით სრულიად საქართველოს აღმშენებლობა; მისასაღმებელია ნამდვილად.

მეორე კი, აი, ეროვნული სახელმწიფოებრივი სიფხიზლის იმპულსიდანაა აღმოცენებული.

საერთოდ, მოვლენებს წარსულის მონაპოვრებით და მომავლის პერსპექტივებით აფასებენ. დავიწყით მარტივით: რა გავგიკეთა ერთმა ან მეორემ ამ ცხრა წლის მანძილზე? შეიძლება ინფორმაციული სიმწირის ტყვე ვარ, მაგრამ რაიმე ეროვნულ საქმეს ვერ ვუკავშირებ მე ჯერჯერობით მათ პოლიტიკურ მოღვაწეობას. მომავალი კი არის წინ, კაცს სიკეთის მოქმედება ყოველთვის ძალუძს, გნებავთ — თვით სიკვდილის წინააღმდეგ...

— ნამდვილად. მგონი როლები შევცვალეთ, თუმცა ეს სულაც არ არის სამიტინგო თემა, ასე ვთქვათ, მოწოდებებისა და დეკლარირების თემა, მაგრამ ეს თემა არსებობს და სავსებით რეალური.

— ოთარ, ძმაო, საუბარი ისედაც გამეჭვია. მოდი, უფრო კონკრეტულისკენ დავიძრაო!

— აბა, სხვას რას ვაკეთებ, განა იმ ფონს არ ვხსნი?! ამას ემატება ის, რაც მოხდა უკანასკნელ წლებში საქართველოში და განსაკუთრებით — სამეგრელოში. გენიოსის თქმულისამებრ, ჭირმა თავი არ დამალა. გადავლა-გადმოვლა ნამდვილად იყო სამეგრელოში და ამისი არათუ მოწმე, მსხვერპლი — სხვადასხვა ფორმით, ჩვენი კუთხის მცხოვრებთა დიდი უმეტესობაა. ასე რომ, საზოგადოება ნამდვილად დაილა. დღეს ჭაჭია ქმნის თავის „სამეგრელოს“, ხვალ — ვილაცა; ზეგ კიდევ ვიეთს და მასზეგ — მავანს გაუჩნდება „საკუთარი“ მრევლი. აი, სად არის ჩემი აზრით ყველაზე დიდი საშიშროება. ნებისთი თუ უნებლიეთ მე არ მინდა ვინმეს ცილი დავსწამო, მაგრამ ასეთი მომრავლებული მოძრაობები, სხვადასხვა პოლიტიკური შეფერილობისა და სხვადასხვა მიზნის მქონე, საბოლოო ჯამში ხელს უწყობს სამეგრელოს კიდევ უფრო დაქცევას, კიდევ უფრო ამოვარდნას ზოგადქართული სახელმწიფოებრიობის სხეულიდან და მისი ადგილისა და როლის კიდევ უფრო დაკნინებას ქართულ სახელმწიფოებრიობაში. ამიტომაც, გური, ჯიმა, ეს არ არის ის შემთხვევა, როდესაც ყველა საშუალება ამართლებს მიზანს და მე არავის ვურჩევდი მსგავს „სითამამეს.“ ისტორია მაქვს მხედველობაში. ისტორია მათ ყველას გაასამართლებს. რალაც სანადიმო სუფრასთან შენი თქმით, ოთხი თუ ხუთი წლით მოსასვლელად, აი, იმ ხმებზე სანადიროდ წამოხეტება საქართველოს პოლიტიკურ უღრანში, დანაშაულებრივია, დასაგმობია, მაგრამ თუკი ასეთი მოძრაობები მიზნად დაისახავენ ჩვენს კუთხეში, მთლიანად კოლხეთში შექმნილი საზოგადოებრივი აზრის გამოვლენას და მის მიყვანას ერთ დიდ ზოგადეროვნულ ნიშნულამდე, მაშინ ჩემი თავი ენაცვალოს ჭაჭიასაც, გუნავასაც და კიდევ — სხვას, ვინც, დავუშვათ, ასეთი მოძრაობების შექმნას იწყებს საქართველოში, — რესპოდენტი ამ სიტყვას დამარცვლით ჩამომიკრიალოსნებს კვლავაც მხართეძოს მინებივრებული, — „ავტოკატასტროფამ ბევრად შეურყია ჯანმრთელობა“, გამიეღვებს გონებაში, — მაგრამ მე ვშიშობ, გამომდინარე ქართული მენტალიტეტიდან, გამომდინარე იმ პოლიტიკური უკულტურობიდან, რომელიც დღეს გამეფებულა ჩვენს ქვეყანაში, ყველა ეს მოძრაობა საბოლოო ჯამში მოემსახუროს ერთ დიად ქართულ მიზანს, თავში რომ გვიხსენებია — „მიშგულადელის“ ფენომენს. აი, ეს მიღრღნის გულს, რისი დამალვაც აღარ ძალმიძს.

ადრე სამი ბაყბაყდვი რომ მიხსენე, მოუხეშავ მათ ბარიტონულ ტრიოს, — იცინის, — ერთი ცქნაფა, ალესილი დანის პირზე თავისუფლად მავალი ნაცარქექიას ტენორული სოლოკონცერტი მირჩვენია, რომელიც ზოგადქართულ, ზოგადეროვნულ, ზოგადსახელმწიფოებრივ საქმეს ფხიანი მოხერხებულობით დაიმღერებს.

რაც შეეხება აფხაზეთის განთავისუფლების პარტიის როლს და ადგილს, აქ მე ემოციების გარეშე, ბუნებრივია, ვერ ვილაპარაკებ, იმიტომ რომ ოტობაიელი კაცი ვარ. იქ არის ჩემი საძვა-

ლეთი და არაფერია გასაკვირი, თვითონ ამ მოძრაობის მიმართ რაღაც გარკვეული სიმპათიები გამაჩნდეს, მაგრამ აქაც ცალსახად და შეურყენელად უნდა გამოვხატო ჩემი პოზიცია, იმ თვალსაზრისით, რომ თუ აფხაზეთის განთავისუფლებაზე საუბარი, მაშინ სამაჩაბლოს რას ვეუბნებით? მე კიდევ უფრო შორს წავიდოდი. თუ საქართველო ერთია, მთლიანი სახელმწიფო და მისი ორი დიდი ნაწილი დაკარგული გვაქვს, მაშინ შეიძლება ამ მოძრაობას თუ პარტიას საერთოდ, საქართველოს განთავისუფლების პარტია დავარქვათ, იმიტომ რომ არ არის დღეს საქართველო განთავისუფლებული. როგორ შეიძლება თავისუფალ სახელმწიფოზე ვილაპარაკოთ, რომლის დიდი ნაწილი...

— მესამედი მაინც...

— დაპყრობილია? ნურც ამის თქმას მოვერიდებით. ეს სინამდვილეში ასეა. როდესაც, გური, ჯიმა, მე და შენ ენგურს იქით არ გვიშვებენ და გორის ასაქცევზე ცხინვალი აწერია, ხაკის და ჯაყოს ხიზნებადაც ვერ ვივარგეთ, რომელ ერთიან საქართველოზეა ლაპარაკი?! იმიტომ იქნებ საერთოდ საქართველოს განთავისუფლების პარტია შეგვექმნა?!

— აფხაზეთის განთავისუფლების პარტიის საზღვრებს მე მგონი არც თუ უსაფუძვლოდ აფართოებ.

— პრობლემა მართლაც გლობალურია, ვთქვათ, ჩემთვის, როგორც რიგითი კაცისათვის, მეც იმ სამასი ათასის ერთი შემადგენელი ნაწილი ვარ. ახლა ჩემი ბუხარი სამასი კილომეტრის იქით უნდა ღულუნებდეს, ჯიმა, და არა აქ, ჯანელიძეზე. დიახ, ლტოლვილი გახლავარ, დევნილი, მიუხედავად ჩემი შედარებით ნორმალური ოჯახური მდგომარეობისა, იმ ნაწილები ტალღის ერთი შემადგენელი ნაწილი.

— ზვირთი.

— თუნდაც ზვირთი, შხეფი, მაგრამ მაინც გამოძევებული, მიუსაფარი ტატოსებურად. მოკლედ ვიტყვი, ჯანდაბას: გამოგდებული! დიახ, გამოგდებული, — აქაც ჩამომიკრიალოსნებს ძუძუმტე აკვირებულ სიტყვას, — ჩემი სახლ-კარიდან, ჩემი ბავშვობიდან ბოლოს და ბოლოს და ბუნებრივია, ის გასათავისუფლებელია! ასევე გასათავისუფლებელია სხვათა ნასიზმრალი მხარეც, სხვათა ნაოცნებარი მთა-ბარიც, თუმცა პოტენციურად არც ზოგი კუთხის დაკარგვისგანაც ვართ დაზღვეული, იგივე სამხრეთით თუ სულაც თბილისთან მიმდებარესი; ასე რომ, მიუხედავად იმისა, სტრატეგიული თვალსაზრისით აფხაზეთის დაბრუნება ყველაზე მწვავეა, როგორც საქართველოს უმთავრესი, უმნიშვნელოვანესი ნაწილისა, იდეოლოგიური ფრონტის გაჩაღება მაინც გლობალური მიდგომებით უფრო სწორი მიმაჩნია. საამისოდ კი თითოეულმა ქართველმა ყველაფერი უნდა ილონოს, ყველაფერი გააკეთოს, იმდენი პრობლემა დაგროვილა — ჭკუით, გონებით თუ საკუთარი სისხლითაც კი! არ დაგვავიწყდეს მაღალი ძმების ფრაზა სვანეთიდან: „ მიშგულადღესი“.

— ჩემი მხნეობაც ეგ არის, დალის ხეობა, მისი ხეროკა. მოგიტანეს თუ არა ჩემი ბელეტრისტული ინტერვიუ ბატონ თამაზ ნადარეიშვილთან?

— მე გადავხედე სასიგნალო ეგზემპლარს, წავიკითხე და იქ ძალიან ბევრი სიმართლეა, როგორც საერთოდ ბატონ თამაზს სჩვევია. ასე ვთქვათ, სიმპათიას იმსახურებს ჩემში ისიც, რომ ყველაფერი გადმოცემულია დიდი ტკივილითა და განცდით, თუ რას ნიშნავს მისთვის და სრულიად საქართველოსთვის აფხაზეთი, აფხაზეთის დაკარგვა... — წამიერი შეყოვნებით ვისარგებლებ და პაუზას შევავსებ...

— დროებით, — და ისიც, ფიქრებში გახირული, ინსტინქტურად ამყვება:

— რასკვირველია... რასაკვირველია... ახლა, რაც შეეხება, გური, ჯიმა, „მივიწყებულ“ საფლავებს, ეს ყველაზე ფიგურალური გამოთქმაა. კი წინწყლებშია აქ მოქცეული, და ღმერთმაც ნუ ქნას ჩვენ ისინი მივივიწყოთ, მაგრამ ჭერხანობით უბრალოდ მიუსვლედი საფლავებია, იძულებით უპატრონო საფლავები და ამასაც ნუ ჩამომართმევ ლირიკულ გადახვევად. დღესაც შეგვიძლია მაგალითისთვის, მეც, შენც, ავდგეთ და გადავიპაროთ, მალულად მივიდეთ ჩვენი მამების საფლავებთან...

— მე პირადად ამას არ გავაკეთებ. ენგურსგაღმა კი გადავდიოდი, ლამის ოტობაიას საზღვრამდე, ცოლოურებში; ბავშვებიც წლობით იქ მყავდა ზამთარ-ზაფხულ, მაგრამ განმუხურს იქით ბიჯი არ წამიდგამს.

— მალულად გადასვლას არც მე გავაკეთებ გური, ჯიმა, იმიტომ რომ ასეთი საქციელი თავად ჩვენი მამების ღირსებას შელახავდა. მთელი ამ წლების განმავლობაში ერთადერთხელ გადავდგი ფეხი ენგურსგაღმა, როდესაც ბიძაშვილი გოგი ჯალაღონია გარდამეცვალა.

— ხო, ცხონებული, ლამის შვიდი თვეა, რაც თბილისიდან ვერ გავღწეულვარ.

— უბრალოდ ჩემი ცრემლი უნდა ყოფილიყო იქ. ერთხელაც, მაის-ივნისის მოვლენებში შარშან,

ოპერატორებთან და ჟურნალისტებთან ერთად პატარა ოტობაიას ტერიტორიაზე გადავიპარეთ და მშობლიური ფონი შევუქმენით ჩემს ტელეინტერვიუს. მამის საფლავზე რომ მიდიხარ, ან კანონის ძალით უნდა იყო დაცული, ან საკუთარი იარაღით, რათა ზვიადაურით შენც ზედ ზვარაკად არ დაგაკლან დარღვათა სულის ცხონებას. ამასაც აიტანს კაცი, შენ დამცირება იკითხე თორემ. უნდა ვერწმუნოთ უფალ იესოს, როცა გვიცხადებს: ნუცა დაუგებთ მარგალიტსა თქვენსა ღორთაო...

— ერთი რამ მიკვირს, როგორი თანდათანობით კარგავს პოეტურ სურნელებას ეს ღვთაებრივი წიგნი?! შეხედე, რანაირად იკითხება იგივე ფრაზა ბიბლიის თარგმანის სტოკხოლმისეულ რედაქცი-
აში: „ნუ მისცემთ წმიდას ძაღლებს და ნურც თქვენ მარგალიტებს დაუყრით წინ ღორებს, რათა ფეხებით არ გათელონ ისინი და შემობრუნებისას თქვენც არ დაგგლიჯონ.“ ამის თაობაზე ჩვენ აღ-
რინდელ პურობისას, ზინჯიბისთან, ჯეროვნად გვისაუბრია. სხვას ჩავუკონკრეტდეთ.

რახან ბატონ თამაზის ინტერვიუ ვახსენეთ და ის სასიგნალო ეგზემპლარიც შენამდე დროულად მოღწეულა, მინდა ერთი დეტალი მოგაგონო: მართალია, იგი საკმაოდ მწვავედ, პროფესიული მოწო-
დების სიმადლეზე მიმოიხილავს სიტუაციას, მაგრამ თუ შენიშნე იქ არის ამისთანა დებულება, რო-
მელიც ჩვენი უბედურების სათავეს სრულიად ცალსახად მიუთითებს თავის განედ - გრძედებით დროსა და სივრცეში.

— ჯიმა, გური, აზრი გამეფანტა. იქ მრავალი საგულისხმო ფრაზაა. კონკრეტულად რომელს გულისხმობ?

— აი, როდესაც აცხადებს: აფხაზეთს ჩვენ არაფრისიდეებით დაკვარავდით, საქართველოში, თბილისში 6 იანვრის ტრაგედია რომ არ დატრიალებულიყო.

— ბატონი თამაზის ასეთი მინიშნება ძალიან საგულისხმოა და ნიშანდობლივიც. იქ არ არის კომენტარი ბოლომდე გაკეთებული. ეს ჩემთვის გასაგებია. ბატონი თამაზი, როგორც პოლიტიკო-
სი, ამ ეტაპზე ქვეტექსტებით მსჯელობას კმარობს, და აქ ძნელია არ დაეთანხმო, როცა წინ უფრო
დიდი მისიაა — აფხაზეთის თუ სრულიად საქართველოს განთავისუფლება. ყველაფრის თქმა გარ-
კვეულ დრომდე სალოსის მეტს არ სჩვევია, მაგრამ თავი და თავი, აი, იმ წლების უბედურებაში რომ
დევს, ამას ვეღარსად დავემალეებით. უფრო კონკრეტულად კი, ჩვენ, ქართველებმა ვერ გავიზარეთ
ვინ გვეომებოდა, რატომ გვეომებოდა; ეს ყოველივე ჩვენი ისტორიული ტრაგედიის საფუძველთა
საფუძველია. სამწუხაროდ და საუბედუროდ ქართველებმა მტრის ხატი თვით ქართველებში შე-
ქმენით.

— თუ შეგვაქმნევინეს?!

— ეს უფრო ზუსტი ფორმულირებაა, ალბათ. დიახ, შეგვაქმნევინეს ერის შიგნით მტრის ხატი მოყვასისა. მოდი, გულწრფელები ვიყოთ: ვის არ გაუგონია ასობით ვაი ქართველის ხმამალა ნათ-
ქვამი:

გამსახურდიას განთავისუფლებული საქართველო არ მინდაო.

ამიტომაც ვამბობ, გური, ჯიმა, რომ ჩვენ მტერი გარეთ ვერ დავინახეთ და შიგნით დავუწყეთ
ძებნა არარსებულ დუშმანს. ასე რომ, როდესაც ბატონი თამაზი ამაზე მიანიშნებს, მე მასთან
სოლიდარული ვარ. ბევრისმეტყველი ფრაზაა, ტევადი, რომელ ტრაგედიამაც მნიშვნელოვანწი-
ლად განაპირობა დღევანდელი ჩვენი მდგომარეობა.

18 .15.

— ამას წინათ მწერალთა კავშირში კალმოსანთა ჯგუფმა შეხვედრა მოუწყო საქართველოს ომ-
ბუსმენდს, ბატონ დავით სალარიძეს. სხვათა შორის იქაც წამოიჭრა 91-92 წლების მოვლენების
პოლიტიკური შეფასების საკითხი ხელისუფლების მხრიდან, მაგრამ წარმოგიდგენია, თავად ტიტუ-
ლები წავიდნენ ამის წინააღმდეგ, იმ მოტივით, რომ შეიძლება ამ წუთას, ამ მომენტში მოვლენათა
მართებულად შეფასებამ, ანუ თეთრისთვის თეთრის დარქმევამ და შავისთვის შავის დაძახილმა,
სიტუაცია ათწილად გაგვიმწვავოსო.

— მე თავს ვერ დავდებ რაიმე პროფესიონალურ შეფასებაზე, ვილაპარაკებ რიგითი ქართველის
პოზიციიდან. ერთი ჩვეულებრივი ქართველის კვალობაზე მეც ვარ მონაწილე, ჩემდა საუბედუ-
როდ, ამ პროცესებისა. ყურადღებით მივადევნებ თვალს ბატონ დავით სალარიძის არაერთ გამონათ-
ქვამს პრესის ფურცლებიდან, ტელეეკრანიდან თუ სამთავრობო სხდომებზე. მე მასთანაც ძალიან
სოლიდარული ვარ სხვათა შორის და ვაფასებ, უაღრესად ვაფასებ თვით იმ თეზისის არსსა და
მინშვნელობას, რომელიც ამ შეფასების აუცილებლობას ეფუძნება.

ახლა შენ რომ ამბობ, თეთრს თეთრი დაერქმევა და შავს — შავიო, სამართლიანობას რა სჯობია!

ქვეყნიერებაც რომ დაიქცეს, სამართლიანობა უნდა აღსდგესო, ამბობენ ძველი ლათინები, მაგრამ არ მიუთითებენ რომელ ვითარებაში, რომელ პერიოდში, რომელ მონაკვეთში. ისტორია ყველას თავის კუთვნილს მიუზღავს ადრე თუ გვიან, მაგრამ არის მეორე: დღეს ამის თქმა წაადგება სრულიად საქართველოს, როცა ჯერ ენებები არ დამცხრალა, როდესაც ნაწყენობა-არნაწყენობის სინდრომი გამეფებულა, მტერმოძულეობის ფსიქოლოგია საკმაოდ მომძლავრებულა და გააქტიურებულა ჩვენს ქვეყანაში? აი, აქ ზომიერებაა საჭირო, ანუ რუსთაველისეზური სიბრძნე: ზოგჯერ თქმა სჯობს არათქმასა, ზოგჯერ თქმითაც დაშავდების.

ერთი რამ კი მინდა ცალსახად აღვნიშნო: ოცდამეერთე საუკუნის ოციანი წლებიც კი ყველას და ყველაფერს — მართალსაც, ორჭოფსაც, მტყუანსაც და დამნაშავესაც საკადრისად მიუჩინეს ზნეობრივ ადგილს ერის ცნობიერებაში; მაგრამ დღეს, დავსხდეთ და ვარჩიოთ — ვინ რომელ მიტინგზე რა თქვა, ვინ რა გააკეთა, უერთგულა თუ უმტრო სამშობლოს, ხომ კიდევ ერთი ლახვარი იქნება ჩვენი ერის კონსოლიდაციის გზაზე, ვინაიდან ეს ტალღა უფრო მძვინვარე მორიგს ააგორებს და სულ წალეკავს ისედაც გაუბედურებულ ჩვენს სამშობლოს. იქნებ ხვალინდელ-ზეგინდელ დღეთა გადასაწყვეტ საქმეს, ვამჯობინოთ იმ რეალობის ჯეროვანი გაცნობიერება, რომელშიც სოლივით ჩაკვეხებულვართ.

მაინც რა არის დღევანდელი სინამდვილე? დაკარგულია ტერიტორიები, გამოდევნილია ხალხი, მშიერ-მწყურვალა ათასობით ადამიანი: უხელფასო, უპენსიო, უშუქო, უგაზო და ასე შემდეგ. ბოლოს და ბოლოს ცხოველსაც გააჩნია თვითგადარჩენის იმუნითეტი თუ ინსტინქტი; ცხოველშიც კი იღვიძებს ხოლმე ასეთი რამ, აშკარა საშიშროების დროს. ადამიანიც განვითარებული ცხოველია ნებისმიერი მოძღვრებით და არ უნდა ჩამორეკოს როდესმე ქართველის სხეულბრივ ტაძარში ამ თვითგადარჩენის ზარმა?

დღეს იქნებ უფრო მთავარია ერთად დავდგეთ, ერთად შევთანხმდეთ უმთავრეს პრინციპებზე; კი არ ჩავეხუტოთ ერთმანეთს ურთიერთმიტევების ყალბი შეფერილობით, არამედ სამშობლოს მომავლის ინტერესების დაცვით, განსხვავებული იდეოლოგიის, მსოფლმეგრძნების, სულიერ ფასეულობათა მატარებელმა ხალხმა ვითანამშრომლოთ, ვითანამშრომლოთ — ამ სიტყვასაც დამარცვლით ჩამოკენჭავს ძუძუმტე, — ამას ნუ მომაკერებ კოლაბორაციონალიზმად, არამედ — ორი ნიჩბოსნის შეთანხმებულ მოქმედებად როცა უკან ხახადაღებული ნიანგების ამაზრზენი დგაფუნია.

დღეს დაკარგული ტერიტორიების დაბრუნებაა უმთავრესი და ვინც ახალი კონფრონტაციისკენ გვიბიძგებს, ზემოთხსენებული ძალების დაქოქილად მიჩვენება. დღეს უმნიშვნელოვანესი ხალხის იქ მიბრუნებაა და მერე ტვინის რომელიღაცა ნაწილში, ერის ხსომიერებასაც რომ ვეძახით, მკვიდრად შევიწახოთ 91-92, საიდანაც იგი ვერსაით გაიქცევა. ჩვენ ახლა მცირედი ეროვნული კონფრონტაციაც კი მიწასთან გავვასწორებს. იციან ამის თაობაზე ჭკვიანმა მტრებმა და ყველაფერს აკეთებენ, რათა ისევ მათ ანკესზე წამოვეგოთ, მორიგი რევანშიზმით მოვუსპოთ მერმისი სამშობლოს.

— მაშ, გადავულოცოთ დღევანდელი სატიკვარი მომავალ თაობას?

— გური, ჯიმა, ის, რაც მოხდა ერთი თაობის პრობლემა აღარ არის უკვე. დავუშვათ და ნებისმიერი გარეგანი ძალის დახმარებით აღსდგა კანონიერება ჩვენში, უფრო სწორად, კანონიერი ხელისუფლების აღდგენის სახელით მოხდა ახალი დაპირისპირებანი. ვის დავაჯერებთ იმას, რომ რუსეთის იმპერია დაუშვებს საქართველოს კანონიერ აღმშენებლობას, რომლის დასაშლელად ტვინი აქვს ჩანთხეული?! ათასი ხრიკით იწვევს დემოგრაფიულ სიჭრელეს, ათასი მაქინაციით ცდილობს პოლიტიკური ამბიციების აგორებას: ერთ ტახტს და გვირგვინს ხპირდება ორი განსხვავებული პლატფორმის ლიდერს, ცალ-ცალკე, ერთმანეთის უჩუმრად, ერთმანეთის ზურგს უკან, რათა საკუთარი ხელებით დაამხოზინონ ერთიმეორე, რომ შემდეგ სრულიად განსხვავებული, მათი ლაქია და ყურმოჭრილი მონა მოუვლინოს ქვეყანას ტრიუმფატორად?! ეს მეთოდები არახალია კაცობრიობის ისტორიაში, ჯერ კიდევ რომის დროიდან მოყოლებული უკიდურესად იხვეწებოდა, მუშავდებოდა, „დავიდა ეტ იმპერას“ სათაურით და რომ გადავხედოთ ნებისმიერი გაუბედურებული ქვეყნის წარსულს, მათი შეცდომები გაჭრილი ვაშლივით ხგვანან ჩვენსას. ასე რომ, ჩვენს თავს გარდახდილი ტრაგედია შვილიშვილთათვის კბილისმომჭრელი ბაბუას ნაჭამი ტყემალია. ნურავინ იმშვიდებს თავს იმით, რომ ვიღაც პეტრეა თუ პავლე, დღეს ციხეში რომ ზის ან მის გარეთ დაიჯგიმება, ამით ასე ვთქვათ, რაღაც სამართლიანობა აღდგენილა ან ელის აღდგენა. მე ვამბობ: ეს იმ დონის ისტორიული დანაშაულია ჩვენს სამშობლოში, ყველას და ყველაფერს თავისი სახელი რომ დაერქვას, ათწლეულები მიყოლებით ჩაიქარავენებენ და ზოგი მომენტის დეტალებში გარკვევა მრავალი კონფიდენციალური საუბრის თუ საარქივო მასალის გახსნას დაუცდის რიგით მკითხველთათვის.

აქედან გამომდინარე, მე მაინც მგონია ზოგადქართული სიბრძნე და გონიერება იმით უნდა

გამოიხატოს, რომ დროებით წავუყრუოთ, თვალი მოვარიდოთ, ვითომ სმენა დავუჭმომოთ საბედის-წერო მოვლენების შეფასებას. დღეს ჩვენ თხემით ტერფამდე უნდა გავაცნობიეროთ თუ რამხელა შესაძლებლობის და გამოცდილების მტერი გვეომება, როგორი სიმძაფრითა და ბალდამის ნთხე-ვით, შარბათში ჩაწვეთებულთ ხანდახან: რაოდენ დაქსაქსულებს, რამდენად დაუძღურებულებს და რანაირად დათითოკაცებულებს თუთაშხიასებურად.

მოკლედ, ის, რაც ერთმანეთის მიმართ ჩაგვიდენია: გამცემლობა, ძარცვა-გლეჯა, დასმენა, ზურ-გში ლახვრის ჩაცემა და ძმის სისხლის დანთხევა ბოლოს და ბოლოს, დასაქცევად და ამოხრებლად ნებისმიერ ერს ეყოფა ჩინელის თუ ამერიკელის მეთაურობით.

ახლა ცოტა ემოცია შემეპარა და ვატყობ სადავეებს მთლად მივუშვი, მაგრამ გეტყვი იმასაც: აი, მოვა დრო, ვილაცა, ჩვენი შვილები იქნებიან ეს თუ — სხვათა, დასხდებიან, თვრამეტ-ოცდაერთისა და ოთხმოცდაათ-ოთხმოცდათვრამეტი წლების ქართული პერიოდიკის საფუძვლიანი გაცნობის შემდგომ გონებას დაძაბავენ შედარებითი ანალიზისთვის, ერთხმად დაასკვნიან, რომ საუკუნის გარიჟრაჟისას სამჯერ ნაკლები ბოღმა, ღვარძლი, შური, უნდობლობა, სისხლი რაც მთავარია, დატრიალებულა ჩვენს თავს ორათასწლეულის მიწურულთან შედარებით. ყოველივეს გათვალის-წინებით თავის დროზე დიდი ისტორიული დასკვნები გაკეთდება, ჯიმა, გური, მაგრამ დღეს რომ მოვიმოქმედოთ მსგავსი რამ უაფხაზეთო და უსამაჩაბლო საქართველოში, მერწმუნე უსაქართვე-ლოდ, დიხხ, უსაქართველოდ დავრჩებით თითოეული. ხალხმა ყველაფერი იცის, ხალხის მეხსიერე-ბის ქურა პრომეთესაც კი ინახავს, ინდოევროპული ნაკადის მიერ კავკასიონზე უსამართლოდ მი-ჯაჭვული ქართველი ერის სიმბოლოს ზოგადად.

ხალხის ცნობიერებიდან ვერ ამოშლი ეროვნული მოძრაობის წამომწყებთა გვარ-სახელებს საქარ-თველოში; არც მათი მომხრეების თუ მოწინააღმდეგეთა მისამართი, კუთხე-კუნჭული შეეშლება ვინ-მეს, მაგრამ მიუხედავად ყოველივესი, დღეს მთავარზე უმთავარესს უნდა მივხედოთ, რომელსაც გაწა-მებული დევნილი მოსახლეობის ღირსეული მიბრუნება ხქვია თავის საძვალეთში, თავის შურობუმუ-ში, თავის სამოხიოში, თავის საბუღარში ბოლოს და ბოლოს. თან ნურავის ეგონება ოთარ ხუფენია ახლა, ამ თეზისით უსამართლობას უხანგრძლივებს სიცოცხლეს, ან ქვეყანაში ლეგიტიმური ხელი-სუფლების აღდგენას უმოკლებს დღეებსო. არამც და არამც, ბატონებო, იმათ და ჯიმა — შენ, ჩემო, გური, სისხლისმღვრელთ თუ სისხლისმსმელთ ყველას უნდა მოვკითხოთ პასუხი.

— მაინც როდის და როგორ? როცა ცხოვრების მატარებელი გაგვასწორებს?!

— ვახსენე მე თაობები სრული შეფასების გზაზე. აქვე „პასუხის მოკითხვაში“ მაინცდამაინც დახვრეტას, ჩამოხრჩობას და ცხენის ძუაზე გამობმას როდი ვგულისხმობ.

— ალბათ, მორალურ ზეწოლას, თორემ ავისმქნელს თავი ქუდში აქვს ჩვენში. მის სიცოცხლეს საფრთხე არ ემუქრება კანონის უზენაესობით.

— ეხ, კანონებს ადამიანები ჰედავენ და ადამიანები აუქმებენ. სიკვდილით დასჯის მომენტი მე მაინცდამაინც დიდ საქმედ არ მიმანჩია. რამდენი ვინმე დაუსჯიათ გამცემლობისათვის, მაგრამ სიბერით აღსრულებული შადიმან ბარათაშვილი დღემდე არ ამოშლილა ერის ცნობიერებიდან. ჩვენ შეიძლება ყველაფერი გვაქვს ქართველებს: ოჯახის ინსტიტუტი, მეგობრობის ინსტიტუტი, ჩვე-ნი ჯანსაღი ტრადიციების მეტი ნაწილი შენარჩუნებულია, მაგრამ დაკარგული გვაქვს ძირითადად — სახელმწიფოებრიობის ინსტიტუტი, გური, ჯიმა.

— მერედა, ავაშენოთ, შე კაცო, შევიმუშაოთ ერთიანი კონცეფცია! ტყუილად დაგჩეკეთ ამდენი პარტია, მოძრაობა და საზოგადოება? ან ინვესტიციები გვაკლია ერთეულების ჯიბეში საჩხრია-ლოდ?

— არ არის ეს ერთი და ორი საუკუნის საქმე. აი, აქაც ვცდებით, ჩვეულებისამებრ. ეს ყოველივე ჩვენ რუსეთთან შეერთების პერიოდიდან როდი გვჭირს. სახელმწიფოებრიობის ინსტიტუტის უქონლობა დაახლოებით შვიდი-რვა საუკუნეა გვანადგურებს. აი, ამიტომაც იქნებ მთლად სამართლიანები არა ვართ, როცა ყველა ქართველს ვთხოვთ სახელმწიფოებრივად აზროვნებას, მოღვაწეობას ზოგადე-როვნული პოზიციებიდან. იქნებ აქ ჩვენი მოთხოვნები ცოტათი გადაჭარბებულია?!

— ამაზე გვისაუბრია რამდენადმე, წინ კი ურემი შემა გვიცდის ასაბრიალებლად, მაგრამ უსუ-პის მეგზურობას „ტიტანიკის“ კაპიტნობა მირჩევნია. მაინც რომელი მონაკვეთიდან აჯობებს ჩვენი ცხოვრების მორევეში ღუზის ჩაშვება? დამეთანხმები, თავისუფლების სიომ ჟანგბადის ბალონებით პერესტროიკა-გლასტნოსტის ეპოქიდან დახჭროლა ჩვენში. მანამდე კი ეროვნული მოძრაობა ფრი-ად უმწეო მდგომარეობაში გამოიყურებოდა, ვინაიდან ლიდერების უმეტესობა ან სასჯელს იხდიდა შორეულ საპატიმროებში, ან პირში ბურთიჩაჩრილი გახლდა სიტყვის საბჭოური უფლებების გამო. თითო-ოროლანი თუ გაბედავდნენ სიმართლისათვის თვალის გასწორებას, იმათაც შეჯორავ-

დნენ საკმარისზე მეტად და მაინც ქართული ეროვნული ცნობიერების კონსოლიდაციის ათვლის წერტილად, სამოცდათვრამეტი წლის 14 აპრილი ყველაზე ოპტიმალურ თარიღად მესახება. სწორედ იმ დღეს მოხერხდა ქართული პროტესტის, ქართული ნებელობის მასობრივი გამოვლინება, იმისდა მიუხედავად, ჯერაც ბრეჟნევისეული „უძრაობის მონუმენტური ხანა“ მკვიდრობდა საბჭოეთის დრაკონული სივრცის ცარგვალზე.

— მე მგონი, რომ გური, ჯიმა, შეკითხვაში სხვა მოტივით ნახსენები „ლუზის ჩაშვება“ ასეთნაირად წარმომესახება ჩემი კონცეფციის სასარგებლოდ: დღეს გაჩერება რაღაცეებზე, გაჩუმება ბრძენკაცის სიღინჯით და მოძებნა იმ საერთოსი, რომელიც ყველას გვაკავშირებს, ქვეყანაში არსებულ ყველა ძალას სრული ოქტავით, დოდან დომდე. ემოციების ეს ღუზა მხოლოდ მერე აიწევა, როდესაც საქართველო სრულფასოვნად გათავისუფლდება. ახლა ეროვნული კონსოლიდაციის ათვლის წერტილზე: იმ თვალსაზრისით, როგორსაც მე ვვულისხმობ და შეგნებულად შვიდი-რვა საუკუნე სახელმწიფოებრიობის უქონლობას ვუჩივი, ერთი რომელიმე კონკრეტული თარიღის გამოძებნა, ვფიქრობ, შეცდომა იქნებოდა. ღმერთმა ნუ ქნას, რომ მართლაც ამ მრავალსაუკუნოვან უკუნეთში რაღაც ერთი დღე-გამონათების მეტი არ ყოფილიყოს საქართველოში, საიდანაც ჩაერთო ეროვნულ-განმანათლებლებელი მოძრაობის გაჩერებული გულისძგერა, ანუ ქართული სახელმწიფოებრიობის აღდგენისათვის ბავშვივით ფეხის ადგმა. ასეთი რამ ბუნებაში მართლაც არ არსებობს, თუმცა რასაკვირველია, არის ძალიან მნიშვნელოვანი დღეები, რომლებიც ასტრონომიულად შეგვიძლია დავაფიქსიროთ: ამა საუკუნის, ამა წლის ესა და ეს რიცხვი, ეს და ეს დღე, რაღაც ახალი ბიძგის, სტიმულის მომნიჭებელი ეროვნული სულის მდინარებისთვის, მაგრამ თავად მოძრაობა მუდმივადია, უწყვეტი, ხან — ხილული და ხანაც — მიწისქვეშა დინებებით, ანუ იგივე ერის სულში მჩქეფარებით უცხო თვალისთვის გაურკვეველი შესტებით, ბგერებით.

სტუდენტობის პერიოდს გაგახსენებ, ფრიად სასიამოვნო ფაქტს: განსაკუთრებულ სადღეგრძელოს როცა ვსვამდით ხოლმე, ჭიქა მაგიდის ქვეშ გვეკავა და ნახევარხმაზე ვამბობდით: „ქეთოს გაუმარჯოსო.“

რას გამოგხატავდით ამით? „ქეთო და კოტეს“ მშვენიერ აქტრისას როდი ვადღეგრძელებდით, არამედ „ქართველი ერის თავისუფლების ორგანიზაციას“ და ჩვენ მაშინ, სუფრის თითოეული წევრი, გვინდოდა თუ არა, მარადმსრბოლი ეროვნული მოძრაობის შემავსებელი ნაკადები გახლდით, ჯერაც უჩინარი, ჯერაც მაგიდის ზევით რომ ვერ ვბედავდით ჭიქების აწევას, რათა ვიღაც ჩასაფრებულის ყურადღება არ მიგვექცია.

ახლა, როდის შეიქმნა ეს ორგანიზაცია? იმასაც ხომ თავისი თარღი აქვს, თუმცა ზოგიერთივით მასობრივი და ტოტალური არასდროს ყოფილა. ისიც მნიშვნელოვანზე მნიშვნელოვანია მიწისქვეშა მდინარეების მსგავსად. იმ სიჩუმესაც, იმ საგანგებო გასაიდუმლოებასაც მაგიური სიტყვისა — „ქეთო“ — ახლდა რაღაც ღირსეული, რაღაც იმედის ნაპერწკლები მომავლისა და კიდევ — უფრო მეტიც: შესაძლოა შენს მიერ ხმააწეული სიტყვის გამო რაღაც უსიამოვნება შემთხვევოდა ქვეყნის გადარჩენის იდეას.

ახა, ესეც შენი რევოლუციონერიც, დისიდენტიც, იატაკქვეშეთის მოღვაწეც, ასე რომ, კონკრეტული თარიღი ჩემთვის ნამდვილად არ არსებოს, გური, ჯიმა.

შენს მიერ მოხმობილი 14 აპრილი კავკასიონის მთაგრეხილის ერთ-ერთი მწვერვალია ოდენ, შედარებით თვალშისაცემი, თორემ შორიდან იკარგება გაბრწყინებული მწვერვალების მეტნაკლებობა და რაღაც აუღებელი კედლის, მოუდრეკავი ქედის სინონიმად იქცევა ხოლმე. ორივე ვართ 14 აპრილის მოწმე, ორივე ვიდექით რუსთაველზე; შენ სამივლინებო თანხით ჯიბე გვარიანად გაგსქელებოდა და სასიხარულო ინფორმაციის შემდეგ, მახსოვს ფილარმონიის ბალის რესტორანისკენ ჩავუხვიეთ მოზრდილი ამალით. მერე კი მარტონი ავუყვით ალექსანდრე ჭავჭავაძის ქვაფენილიან აღმართს 14 ნომრისკენ, ჩვენი, ჯინჯიბისკენ, სადაც დავასრულეთ კიდევ აღზევებული სულის ღვინოსთან შეთამამება.

ახლა უკვე თავს ზემოთ აღმართული ხელებით ვლოცავდით ქართული ენის განთავისუფლებას. დიახ, დიახ, ასე იყო. მართალია, ამ დღესაც ერთ-ერთი მნიშვნელოვანი ადგილი და როლი უკავია ჩვენი ერთიანობის ფორმირებაში, მაგრამ განა ნაკლები მუხტისაა ბატონი მუხრანის ლექსების ციკლის „1832“-ის გამოქვეყნება, რომელიც მაღაზიის დახლებზე გამოტანის უმალ, ერთ საათში გაქრა, შეიწოვა მთელმა თბილისმა, სრულიად საქართველომ?! მალე ეს კრებული დახლქვეშ საძებარი გახდა, ცხადია, სამმაგ თუ ხუთმაგ ფასში. ესეც არ ეკმარა თავისუფლებამონატრებულ „დაჭრილი ირმების გუნდს“: აბა, წავიდა გადაწერები და გადმოწერები, ანკარა წყაროსავით ეწაფებოდნენ და მაინც ვერ იოკებდნენ მოჭარბებულ წყურვილს. განა ნაკლებად მნიშვნელოვანი თარიღია?

რასაკვირველია — არა.

ზოგს სხვადასხვა მოტივაცია კვებავს, მაგალითად, 56-ის ეროვნულ მოძრაობას — პროტესტის ნიშანი ვილაცის თუ რაღაცის დასაცავად, მაგრამ მაინც ერის კონსოლიდაციისათვის თავგამოდება, რაღაც ქვეშეცნეული ჯანყო, ამბოხი, გამოღვიძების დღეა უცილობლად. ასე რომ, პროცესი უწყვეტი იყო ჩვენს ქართულ ცნობიერებაში.

— და მაინც ოცდაოთხი, ორმოცდახუთი, ორმოცდათექვსმეტი, სამოცდათვრამეტი, ოთხმოცდაცხრა ქმნიან კულმინაციებს, მწვერვალებს ერის შემეცნებით ტრამალზე, რომლებიც საშვილიშვილოდ უდგამენ მონუმენტს, შუქურას შთამომავლობის სულებს ორიენტაციისათვის.

— ხო, რასაკვირველია...

— გორბაჩოვისეული პერესტროიკა და გლასტნოსტი საერთო სიტუაციის მოტანილად მიმაჩნია და არავითარ შემთხვევაში — კერძო, პიროვნულ ინიციატივათა ძალისხმევად. შენ იმ პერიოდში, ოთარ, ძმაო, დაინტერესებული იყავი აბაშისა და ფოთის ექსპერიმენტებით. იმხანად მგელაძისა და გულუას ინიციატივებს ფართოდ აშუქებდა ჩვენი მწერლობა. ახლაც კარგად მახსოვს იშვიათი მოქართულე კონსტანტინე ლორთქიფანიძის „რა მოხდა აბაშაში“ თუ ამირან აბშილავას „ფოთის ექსპერიმენტი“. ეს ტენდენცია ქართველ მწერალთაგან ჩვეული მეთოდი გახლდათ ხელისუფალთა დეაქტის ფორსირებული, მიკერძობითი წარმოჩინებისთვის პოზიტიური კრიტიკური შემთხვევებიდან, რუბრიკით: „ქართველი მწერლები ხუთწლედის მხარდამხარ.“ ამბობენ იმასაც, რომ თითქოს პერესტროიკა საქართველოს სრულ თავისუფლებამდე მიიყვანდა ევოლუციის გზითო. მართლაც მივადგებოდით ტაძარს, განვითარების ნორმალურ პირობებში?

— გური, ჯიმა, პერესტროიკა, ოთხმოციანი წლების გარდაქმნა, გლობალური პროცესია და არა მარტო, დავუშვათ, გორბაჩოვის ან შევარდნაძის პოლიტიკური მოღვაწეობის აკიდოები. ასეთი შეხედულებანი, ასეთი მიდგომები მეთოდოლოგიურად მცდარია. ეს სიღრმისეული, ისტორიული პროცესია და ამ დროს, ცოტათი არტახები რომ მოეშვა, უფრო წარმოჩინდა და გააქტიურდა ადამიანთა ის ნაწილი, რომლებიც მუდმივად, ფარულად თუ აშკარად, შეურიგებლად ებრძოდნენ N ხარისხში აყვანილ წითურ მონსტრს, სსრკ რომ ერქვა სახელად; ებრძოდნენ იდეოლოგიის იმ ოკეანეს, რომელიც ხომოსოვიტიკუსის კოსმოპოლიტიზმით, დიადი კომუნისმის უკლასო საზოგადოების უდაბნოეთისკენ მიერეკებოდა მეობაწართმეულ ადამიანთა უსასრულო წყებას. შენი შეკითხვა ლოგიკური გაგრძელებაა იმ თეზისისა, რომელსაც ჩვენ შევარქვით ეროვნულ-განმანათლებლებელი მოძრაობა, ანუ მოძრაობა ქართული სახელმწიფოებრიობის შესაქმნელად. ეს ყოველივე, როგორც ავხსენით, საუკუნეებს ითვლის და ერთხელაც გამოკვეთავ, რაიმე კონკრეტულ თარიღს ვერ მიაჯაჭვავ, მიუხედავად ლოკალურ ვითარებაში მკვეთრი ამომწვევრვალებისა.

მოვუბრუნდეთ აბაშისა და ფოთის ექსპერიმენტებს. ჩემი ღრმა რწმენით, ესენიც ეროვნული მოძრაობის ერთგვარი შემადგენელი ნაწილებია, ოღონდ — გადატანილი ეკონომიკის სფეროში, საბაზრო ურთიერთობების შტრიხებით და ნაწილობრივ პოლიტიკის რანგით. მე მაშინ სრულიად ახალგაზრდა კაცი ვიყავი, ჩვეულებრივი საბჭოთა უნივერსიტეტი მქონდა დამთავრებული; ბუნებრივია, თავისი „კაპიტალებით“, „ანტიდიურინგებით“, „დიამატებით“ და „ისტმატებით“ და იმით, რომ ინსტრუქცია, დებულება, კანონი იწერებოდა სადღაც მოსკოვში და ერთ მშვენიერ დღეს ახალგაზრდა ხალხს გვეუბნებინან: კრიტიკა ნებადართულიაო. შეგიძლიათ იმსჯელოთ შეხედულებისამებრ, დაასაბუთოთ თქვენი წანამძღვრებო. მოკლედ, გაგვედინენ:

მთლად ისე არ არის საქმე, როგორც ამას ადრე გიკაკუნებდით თავში კრემლიდანო.

ხელ-ფეხის შეხსნამ წარმოშვა მორიგი ამბოხებისმაგვარი სითამამე. იქ, თქვენ, მოსკოვში, რომელიღაცა კაბინეტში რაღაცას რომ აშანშალებთ, აქ, ჩვენს აბაშასა თუ ფოთში, როგორ ვიყოთ, რანაირად, როდის მოვხნათ, როდის დავთესოთ, როდის დავფარცხოთ და გავმარგლოთ, როგორ უნდა გავანაწილოთ მერე იქ მიღებული მოსავალი და ასე შემდეგ და ასე შემდეგ, აი, ამ პონტში შეიძლება თურმე რაღაც განსხვავებული მიდგომები განხორციელდეს.

ეს იყო მაშინ მართლაც ეროვნული მოძრაობა იმ თვალსაზრისით, რომ ადამიანებში გაჩენილიყო ამდაგვარი რწმენა: თურმე შესაძლებელია არა მარტო გააკრიტიკო ესა თუ ის მოვლენა, პროცესი, პიროვნება, არამედ ცოტა სხვანაირადაც გააკეთო შენს ქვეყანაში, მიუსადაგო ადგილობრივ პირობებს და მოთხოვნებს; სხვენზე კი არ აიყვანო ძროხა საბალახოდ და აღარც სხვენი ჩამოიტანო დაბლა სიმინდის მოსავლის დასაბინავებლად.

დღეს ირკვევა, რომ ეს იდეოლოგია თავის დროზე ბერიასაც ხქონია: პარტიის როლის შემცირება, საბჭოების ანუ სამეურნეო, პრაქტიკულად რეალურ სახელმწიფო მოხელეთა გაძლიერება და ამ ახალი სისტემის, სტრუქტურის დაწინაურება ყველგან და ყველაფერში, პლუს ამას საქართველოს

პირობებში რეგიონალური პრინციპის გაძლიერება. ყოველივე ამაზე სხვათაშორის 81 წლის მაშინდელი „კომუნისტის“ ფურცლებიდან მივანიშნე მკითხველ საზოგადოებას. თავის მოწონებად არ ვყბედობ, მაგრამ ფოთის ექსპერიმენტზე პირველი ვრცელი პუბლიკაციის ავტორი სწორედ მე ვარ ბატონ მიხეილ მიქაძესთან ერთად ინტერვიუს სახით. ახლაც მახსოვს 6 იანვარს, — მწარედ იცინის. ჩემთვის გასაგებია ამ „გალიმილების“ მასაზრდოებელი თარიღის მნიშვნელობა და მის მიერ ცნობიერებაში არეკლილი უსამართლობათა კასკადი, — არის გამოქვეყნებული. რადგან 6 იანვარი ვახსენებთ, შევაფასოთ კიდევ: ქართული სულიერების წყალგამყოფი კავკასიონია დასახელებული თარიღი, აბსტრაქტული, მაგრამ აისბერგით შემოცურებული სამშობლოს მეობა, რომლის ფარულ დინებას თვით გიგანტი „ტიტანიკი“ კი ვერაფრით გადაურჩება, ხოლო, 6 იანვარს გამოქვეყნდა იგი 81 წელს...

— რა დრო გასულა?! ეხუმრები თვრამეტ წელიწადს!

— საცხოვრებლად ჯოჯოხეთია, მაგრამ აზროვნების პროცესისათვის — წამი. დიახ, თვრამეტი წლის წინ დაიბეჭდა. სათაურიც ომახიანი შეერჩა — „ყურადღება: ფოთის ექსპერიმენტი“. ჯერ კიდევ ბევრ რამეს ვნიღბავდით. მე იმ პროცესებს ქარაგმულად „ექსპერიმენტის ხიპოთეზა“ დავარქვი. აქ შემდეგი აზრია ჩამოყალიბებულ-განვითარებულ: თუ რეგიონში კარგად იქნება საქმე, ბუნებრივია, — მთლიანად სსრკ-აშიც რუბენისებურად „მიმინოდან“. აქედან გამომდინარე ქვეტექსტი შემდეგნაირი გახლდათ: სსრკ ჩვენი არსებობის სივრცეა, ხოლო საქართველო — რეგიონი ამ მოჯადოებულ წრეში. ეს მაინც იყო კოსმეტიკა, ანუ ევოლუციის, რეფორმების გზით საქართველოს გაყვანა ჯერ ეკონომიკურ დამოუკიდებლობამდე და მერე — პოლიტიკურ თვითმყოფადობამდე, მაგრამ მოვლენებმა სრულიად განსხვავებული მიმართულება მიიღო.

გამიგე, გური, ჯიმა, თვეობით რომ ვეგდე ფოთში ჩემს მეგობრებთან ერთად, იმისთვის კი არა, მივლინების ფული თუ სხვა რამ ნუგბარეული შეგვეტებო, — ისევ იცინის, — არამედ, ხელი ჩაგვევლო ამ დიდი მოძრაობისთვის, გაგვეანალიზებინა ძირისძირამდე მისი შესაძლებლობანი ჩვენი ქვეყნის დამოუკიდებლობის გზაზე; განგვეზოგადებინა, თეორიის დონეზე დაგვემუშავებინა ყოველი დეტალი და მიგვეცა მერე მსვლელობა საქართველოს მასშტაბით; ასე რომ, ეს ყველაფერი მწერლობასაც კარგად ესმოდა მაშინ, პარტოკრატის ნაწილსაც, მხარდამჭერიც უამრავი ხყავდა, თუნდაც იმ ეროვნულ მოძრაობაში, ზომიერებით რომ გამოირჩეოდნენ. მოკლედ, ოთხმოციანი წლების რეფორმები უნდა განვიხილოთ, როგორც ზემოდან ქვევით მიმართული ეროვნული ინიციატივები.

— ჩვენ მივეჩვიეთ გამოთქმებს: დღევანდელი ევროპის შემოქმედი, ახალი პოლიტიკოსი, მსოფლიოს განიარაღების ბაირახტარი და პარალელურად: იმპერიის დამანგრეველი. ამ მცნებათა მხარდამხარ სხვადასხვა პოლიტიკური ორიენტაციის ხალხს, სხვადასხვა ტემპერამენტის, გაქანებისა და მსოფლგანცდის პიროვნებებს გულისხმობენ. ერთნი — ბატონ ედუარდ შევარდნაძეს და მეორენი — საქართველოს პირველ პრეზიდენტს — ნეტარხსენებულ ზვიად გამსახურდიას. ჩვენეული ინტერესის სფერო კი სრულიად კონკრეტულია: მაინც რაები თუ ვინები განაპირობებენ მსოფლიოს ამჟამინდელ პოლიტიკურ რუკას, ინდივიდები? გარემო პირობები?! იქნებ პიროვნული უნარები თუ თავად საერთაშორისო სიტუაცია?!

— მშვენივრად იცი, რამდენიმე წლის წინ მუსირებდა აზრი და ეძებდნენ კონკრეტულ პიროვნებებს, ვინც ასე ვთქვათ, სსრკ დაშალა.

— მერე?

— ხან რეიგანს და ტეტჩერს ახსენებდნენ, ხან — გორბაჩოვს და შევარდნაძეს, ხან კიდევ — პრეზიდენტ გამსახურდიას, მოკლედ — ვის და ვის არა. მე მგონი აქაც პროვინციულ აზროვნებასთან გვაქვს საქმე. ამ დროს დიდი სიმატლე სწორედ ის არის, რომ ცხოვრების წესი, რომელიც დედამიწის ყველაზე მდიდარ მეექვსედ ნაწილზე ხორციელდებოდა, იყო ანტიკაცობრიული, ანტიცივილური, ანტიადამიანური ზოგადად. ამიტომაც მისი დანგრევა გარდაუვალი, ისტორიული აცილებლობით ნაკარნახევი გახლდათ. უბრალოდ ჩამოთვლილმა ადამიანებმა და კიდევ უამრავმა სხვამ, რასაკვირველია, დადებითი როლი შეასრულეს ამ პროცესების მიზანმიმართულად წარმართვის საქმეში, შეძლებისდაგვარად შეეცადნენ ხელი შეეწყოთ კიდევ, თორემ გორბაჩოვი რომ ქაქანებდა, სხვა დროს პეტროვი მოვიდოდა და აუცილებლად იგივე მოხდებოდა. ასე რომ, ისტორიის შესაფასებელია მაინც თითოეული კონკრეტული პიროვნების ადგილი და როლი, მაგრამ ყელყელობა იმით, რომ არიქა, მე დავანგრეე იმპერია და მე მოვშალე რალაც კედელიო, პროვინციულობის ტიპური მაგალითია.

— თავად მე რომ მკითხო, სოციალიზმის დანგრევა და კაპიტალიზმის რესტავრაცია სულაც არ მიმაჩნია პროგრესულ მოვლენად. პირიქით, კაცობრიობის მომავალი შესაძლოა ამ აქტმა მთელი საუ-

კუნით დაამუხრუჭა. ეროვნულმა მოძრაობამაც თავის დროზე ტაში დაუკრა სწორედ საბაზრო ურთიერთობას, ადამიანის მიერ ადამიანის ლეგიტიმურ ექსპლუატაციას, მაგრამ ამეებზე საკამათოდ არ გაგრჯი. ამ საკითხებისათვის მოვიცლით როსმე. ჩვენ მთავარია არჩეული თემატიკის კალაპოტს მივყვით.

— გური, ჯიმა, კაპიტალისტურ ურთიერთობას არც მე ვუკმევ გუნდრუქს. „დიამატ-ისტმატზე“ აღზრდილ კაცს, გასაკვირი არაფერია ზოგი რამ გამეგებოდეს საზოგადოების განვითარების ორდინარზე საერთოდ, მაგრამ ძმობის, ერთობის, მეგობრობის, თანასწორობის ლოზუნგების ფრიალით თვითონ რომ იქცევი ბოროტების სათავედ, აქ ადამიანი გაცილებით განწირულია, ვიდრე საბაზრო ეკონომიკის პირობებში.

საქმე ის გახლავს, რომ სოციალიზმის ნიღბით გამუსრავს კაპიტალიზმი — ფარაში შეპარულია მგელი ცხვრის ქურჭით. ამიტომაც ვამართლებ მსგავსი საზოგადოებრივი ურთიერთობის განადგურებას. როგორც ჩანს, ლენინის გადახრებმა მომაკვინებელი ნაყოფი გამოიღო კაცობრიობის მერმისისათვის: გაუფასურდა იდეალები, ჭეშმარიტი ფასეულობანი, სოციალიზმი — ცივილიზაციის მართლაც ნათელი მომავალი, კარიკატურად იქცა. მარქსი კი სოციალიზაციას ცოტათი განსხვავებულად მოითხოვდა, ვიდრე ეს ლენინს წარმოედგინა, ანუ უნდა ყოფილიყო მომწიფებული ეკონომიკური წინამძღვრები მატერიალური სიმდიდრის სახით. საბჭოთა კავშირი სოციალისტური საზოგადოების საფრთხობელად იქცა ზოგადკაცობრიული ორიენტაციის თვალსაწიერიდან. ესეც შენი ამბოხის საპასუხოდ, გური, ჯიმა!

შენ ისეთი კაცი არ ხარ ვინმე გააფეთქიშო და ორლობის ყბადაღებული ლაყობის გჭეროდეს, თითქოს მაინცდამაინც ვილაც პეტრემ თუ პავლემ გააკეთა ყველაფერი. ასეთი რამ ანტიმეცნიერულია. მე ზოგადი ტენდენციის შესახებ გეუბნები, იმის თაობაზე, რომ აბსოლუტურად ისტორიული კანონზომიერებაა სსრკ-ს დაშლა და საერთოდ, ამ იდეოლოგიის მოშლა არსებული ანტიადამიანური, დრაკონული, ძალმომრეობითი მეთოდოლოგიის გამო. აქ არ გამოგვადგება რუსთველური „შიში შეიქმს სიყვარულსა.“ სიყვარული სიყვარულმა უნდა შექმნას და ნებისმიერ სხვა მცდელობას ყველი გასვლია. ხომ გვსმენია სიმღერა: „სიყვარული არ იქნება, არ იქნება ძალადაა?!“ ამიტომაც კანონზომიერად წარიმართა ყოველივე, საბჭოთა კავშირს — „კაცობრიობის ბედნიერი მომავლის“ შირმით შემოსილ „ბოროტების ციტადელს“ ისტორიის სანაგვეში გადაუძახა ყოვლისმკურნალმა დრომ; თვით კომუნიზმის საბჭოურ მოდელსაც, რაც იდიოტობაა საბოლოო ჯამში. იცი, რას, რას ვეძახი სოციალიზაციას?

ავიღოთ ყოფილი, გათიშული გერმანიის ფედერაციული რესპუბლიკა და დღეს გაერთიანებული. დააკვირდი ახლა, ჯიმა, გური, მას არასდროს უთქვამს კომუნიზმი ავაშენოთო, მაგრამ ბისმარკი პირველი კომუნისტი გამოდის. ერთ-ერთ ჟურნალისტს ვუთხარი ასე და ეყო ჭკუა უარყოფითი ემოცია გამოეხატა:

რას ამბობთ, რანაირად, მაშინ ხომ სოციალიზმი აღარ იყო.

აბა, თქვე, მამაცხონებულნო, სახელმწიფოში სოციალური პოლიტიკის საფუძველი, რასაც დღეს სოცდაზღვევას ეძახიან მთელს მსოფლიოში, პირველად ბისმარკის ნათქვამია და ნაწილობრივ განხორციელებული კიდევ; სოციალური თანასწორუფლებიანობის, გაწონასწორებული, სოციალურად დაცული საზოგადოების იდეა, პირველად დიხაჯ ბისმარკმა წამოაყენა, მიუხედავად იმისა, დარწმუნებული ვარ, არც მარქსისტი იყო, არც ენგელსისტი, არც ლენინისტი და მითუმეტეს — სტალინისტი.

ბისმარკი გახლდათ უდიდესი სახელმწიფო მოღვაწე, რომელიც ჰუმანური გონების წყალობით მიხვდა, რომ მას თუ უნდა სახელმწიფო ხქონდეს, რადიკალურად მშიერ და რადიკალურად მაძლარ საზოგადოებაში, ადამიანები დაანგრევენ ყოველივეს, გნებავს ქალაქებში წყალი ოქროს შადრევებში მიჩქეფარებდეს. მასას გაწონასწორება სჭირდება სოციალურად და ამისთვის მოიგონა თეზისი, თუმცა ვხედავ კვლავაც ავცდით სასაუბრო თემას.

— ჩარჩოებში ვერ ვეტყვით.

— ხო, ეს სხვა დროს, მაგრამ აი, უბრალოდ მინდა მიგანიშნოთ იმაზე, რომ არის დიდი კანონზომიერება სახელმწიფოს მოწყობის, ასე ვთქვათ და მისი განხორციელების გზების ასპექტით. სტალინი რომ სტალინია, ისიც შეეცადა ხქონოდა, აი, ასეთი სოციალური ინსტრუმენტები და დაარქვა მას სახელმწიფო პენსია, დაარქვა სახელმწიფო დახმარება, საბიუჯეტო ხელფასი და ა.შ. და ა.შ. ძირში კი სხვა რამ ჩადო. ძირში ჩადო ის, რომ — მე გაძღვე შენ ამას, როგორც შენი კომპარტია, როგორც შენი ბელადი, როგორც შენი მამა და მარჩენალი.

ბისმარკიც აბსოლუტურად იგივეს აკეთებს, მაგრამ ეუბნება თავის ხალხს:

ეს შენ დაიმსახურე გერმანელო, შენ, შრომის ყადრი, შრომის მადლი რომ მოგსდგამს და ნელ-

ნელა იხდი სადაზღვევო შენატანს — შენი უზრუნველი მოხუცებულობის გარანტიასო.

სტალინი სხვანაირადაა მომართული, ყველაფერს პარტიული პოზიციიდან აფასებს, ყველაფერს კომუნისტური იდეოლოგიის ჩარჩოებში განიხილავს, ასეთნაირად ეუბნება თავის მრევლს:

არა, შენ არაფერი გამოგიშვებია, ეს მე ვარ მამა-მარჩენალი, შენი მშობლიური კომუნისტური პარტია, კომუნიზმის მშენებელი სახელმწიფო. მართალია, ორივე ერთსა და იმავეს აკეთებს — არ ხყავდეს მშვიერი, ვინაიდან იციან მშვიერი საშიშია, პროლეტარი ყველაფერზე წავა, მაგრამ ვფიქრობ, მიდგომები განსხვავებულია ადამიანური პოზიციიდან, გნებავთ — დამაჯერებლობის თვალსაზრისითაც.

— პოზიციას დაეძებს ახლა ჩვენი ხალხი, გნებავთ ჯოჯოხეთური მეთოდი აურჩევიათ, ოღონდაც დააპურონ და...

— ჯოჯოხეთური რატომ? მე ვიცი რომელიც უნდა აირჩიონ: ბისმარკი, ბისმარკის გზა. რაც შეეხება მესიანობას, ასეთ გლობალურ მოძრაობებში, ამხელა მასშტაბის კატაკლიზმებში, გური, ჯიმაია, ნუ ვეძებთ მაინცდამაინც კონკრეტულ პიროვნებებს, როგორც გულუბრყვილოთ სჩვევიათ ხოლმე; ასეთ აღიარებებს, ბელადებს მოშიებული მასის ფსიქოლოგია ბადებს ყველგან და ყოველთვის. მსოფლიო ისტორიას დიდი პიროვნებანი თითებზე ჩამოსათვლელი ხყავს საბედნიეროდ. ისინი მართლაც ქმნიდნენ ეპოქებს, უკეთ, მიმართულებას აძლევდნენ საზოგადოებრივ ძალისხმევას და ამით იგებდნენ დროს, მანძილს და ბოლოს — ერთობლიობით, სიტუაციასაც. დღეს კი ყოველ მეორეს ამ ბუმბერაზთა რიგებში დამკვიდრების პრეტენზია გააჩნია. ასეთ რაღაცასაა პროვინცი-ალიზმს რომ ვეძახი ხოლმე, გური, ჯიმა და ვიწვნევ კიდეც აქა-იქ ჩემსას.

20. 31.

— აქ ძნელია კაცი არ დაგეთანხმოს, მაგრამ მოდი, ანალიზი ჯერ ზვიად გამსახურდიათი დავიწყოთ, კონკრეტულად კი მისი კონცეფციის მოდელის გაშუქებით: შეძლებდა საქართველო პატრონი-ფილური ანუ მამულიშვილური საქმეების განხორციელებას ცხოვრების ეტალონად კაპიტალისტური ურთიერთობის არჩევის შემთხვევაში? რამდენად მოსახერხებელია საბაზრო ურთიერთობის პირობებში საქვეყნო, საშვილიშვილო ღონისძიებების ჩატარება მამულის სასიკეთოდ? და რადგან აქამდეც გვისაუბრია გამსახურდიას ფენომენზე, იქნებ რაღაცნაირად გადავურჩინოთ შთამომავლობას მისი პოლიტიკური პორტრეტი, თუმცა მოსახერხებელია კი ესოდენ ნედლი სინამდვილის მიუყვარებელი დაბეჭდვა?

— მე მგონი ჩვენი საუბარი მკითხველს დაარწმუნებს იმაში, რომ ამა თუ იმ პიროვნების გაფეტიშება ჩემთვის სრულიად მიუღებელია. როცა მეკითხებიან ხოლმე, ვინ არის შენთვის ყველაზე დიდი პიროვნებაო, მამაჩემი-მეთქი, მივუგებ დაუფიქრებლად. მამაში დაინახო დიდი და დიადი, როგორც კაცში, როგორც ადამიანში, ვფიქრობ ყველაზე სამართლიანია, მაგრამ არის მეორეც — ისტორიული სიმართლე, რომელიც თაობიდან თაობას გადაეცემა, რომელიც ქურაში ნაწრობი ფოლადივით თანდათან იზორებს ზედმეტ წიდას, მინარევებს, ჭორებს, მიეთმოეთს და კრისტალური სახით წარსდგება შთამომავლობის წინაშე. მეც სწორედ აი, ამ კუთხით მინდა რამდენიმე სიტყვა გითხრა ბატონ ზვიად გამსახურდიანზე.

ალბათ, ყოვლად დასაგმობია ზოგ-ზოგის, ისე, ხარისხარად, ნაბახუსევზე მისთვის „გამეტებული“ ადგილი და როლი მეორე ათასწლეულის მიწურულის საქართველოს პოლიტიკურ თუ სულიერ ცხოვრებაში. ეს ხანდახან სასაცილოა, სატირალი რომ არ იყოს. იცი, ისტორიულად ძალიან ხანმოკლე დროა გასული იმისთვის, რომ მე და შენ, გნებავთ — სხვა ვინმემ, ვერდიქტი გამოუტანოს ჩვენი პირველი პრეზიდენტის მოღვაწეობის ძლიერ თუ სუსტ მხარეებს, დამსახურებებს თუ შეცდომებს ქვეყნისა და ერის წინაშე. ამიტომაც დიდი სიფრთხილე მართებს ყველას, ვისაც ოთხმოც-დაათიანი წლებისა და მისი შემოქმედი ხალხის ღვაწლზე სიტყვის დაძვრა განუზრახავს.

ის, რომ ბატონი ზვიადი არის, თავის სამშობლოზე ფანტიკურად შეყვარებული ერთი დიდი ქართველთაგანი-მეთქი, განვაცხადო — ნიშნავს არაფერი ვთქვა ამ უმაგალითო პატრიოტზე. დამერწმუნე, ნამდვილად ასეა! მან ეს თავისი მოწამეობრივი სიცოცხლითაც დაამტკიცა. ბუნებრივია, მას აქ გენეტიკაც უწყობდა ხელს — დიდი მამის ორანი, ძალისხმევა; გარემოცვა, რომელშიც იზრდებოდა: ნათლიად აკაკი გაწერელია ხყავდა, ქართული ცნობიერების მეტრი; მეგობრებად — მუხრან მაჭავარიანი და მერაბ კოსტავა, უდრეკელი ბუნების რაინდები. თანაც ცხოვრების იმისთანა ლაბირინთები გამოიარა, მე მჯერა და მწამს, რომ გამორჩეულ ქართველთა გალერეაში განსაკუთრებული მუღმივი ადგილი გააჩნია და ხანდახან სიმწრით მეცინება იმ ჟურნალისტზე, გნებავთ —

ინტელიგენტსა თუ პოლიტიკოსზეც, რომლებიც ყოველნაირად ცდილობენ მისი დამსახურების დაკნინებას. ზღვის ტალღასავით ეხეთქებიან ფრიალო კლდეს და ამაოდ ყიამყარალობენ თითებიდან გამოწოვილ პრიმიტივიზმზე, თითქოს ამას ვერ ხედავდა, იმას ვერ წვდებოდა, ის არ იცოდა, აქ დაუშვა შეცდომა, იქ ვერ შეაფასა სიტუაცია — ფარსია ყველაფერი, თხის კულის ზღაპრის ანალოგია.

იცი, ჩვენი წიგნის მიზანი სულ სხვაა — პატარა, მოკრძალებული წვლილის შეტანა ათმაგად გახლეჩილი დედასაქართველოს გაერთიანების საქმეში და არა — ვთქვათ, განხეთქილების მორიგი გაღრმავება; ამიტომაც თუ გავაშიშვლებთ გვარ-სახელების წყებას, მათ უკვე დრომ ჩამოაგლიჯა ნილაბი და ახლა ტიტლიკანა მეფეების კვალობაზე დატანტალებენ ხალხში განძარცულნი, როგორც პოლიტიკურად, — ისე ზნეობრივადაც, თუმცა ვინც ზვიად გამსახურდიას განქიქებით თავის ამაღლებას ცდილობს და ამ გზით უმაღლეს კვარცხლბეკს უმიზნებს, ან სრული უემცარია, ან კიდევ — შეურაცხადი.

ჩვენ ერთ რამეში მყარად უნდა შევთანხმდეთ, რომ ის, რაც ბატონი ზვიადის დროს გაკეთდა საქართველოში — პირველი რეფერენდუმი პროკომუნისტურ სივრცეში, პირველი საყოველთაო არჩევნები, საქართველოს დამოუკიდებლობის გამოცხადების აქტი, აი, ამ პოლიტიკურ საგანძურთა ფონზე, აი, ამ ისტორიული დოკუმენტების შეწევნით, ჩვენს ქართულ სახელმწიფოებრიობას ჩაყრილი აქვს ურყევი სამართლებრივი საძირკველი დე-იურეს სახით, რომელიც ჭეშმარიტი დამოუკიდებლობის უტყუარი წინაპირობაა, სამერმისოდ დე-ფაქტოს გარანტიებით.

ახლა ნახეთ საქართველოს კონსტიტუცია! რას ეფუძნება ჩვენი სახელმწიფოებრიობა? ამისი დავიწყება შეიძლება? რასაკვირველია არა. საქართველოს სახელმწიფოებრიობის მშენებლობა მისი განუხრელი განთავისუფლების მხარდამხარ უნდა ხორციელდებოდეს ამ სამი უდიდესი ისტორიული აქტის საფუძველზე. განა ამ საყოველთაო რეფერენდუმში აფხაზებმაც არ გამოხატეს თავიანთი ნება — დამოუკიდებელ საქართველოში მცხოვრებმა ყველა ერისა და ეროვნების წარმომადგენელმა? არ არის ეს ჩვენთვის ისტორიული ბალავარი და დოკუმენტი შემდგომი არსებობისათვის? არ აბათილებს იგი განა „ლიხნის წერილებს“ თუ აფხაზი და ოსი სეპარატისტების პოლიტიკურ კუნტრუშებს?

— სასიამოვნო ფაქტი გამახსენდა ადრეული საუბრებიდან. მომაგონდა ოთხგზის რომ შეხვედრიხარ, როგორც ნეტარხსენებულს, ისე — ბატონ ედუარდ შევარდნაძესაც და აქედან გამომდინარე, თავს უფლებას ვაძლევ გითხრა: ჩემგან განსხვავებით მეტი საფუძველი გაგაჩნია ორივე პიროვნების პოლიტიკური იერსახის გამოსახატავად-მეთქი.

თავად მე, როგორც სხვაგან მიწერია, ეს ადამიანები სულ ორ-ორჯერ მინახავს, თანაც ოფიციალურ სიტუაციაში, ისიც წამიერად და ბუნებრივია, ხანგრძლივ ურთიერთობებს მოკლებული, ერთობ შებოჰილი ვარ რამე არსებითი დავასკვნა მათ შინაგან სამყაროზე. ამ მხრივ შენ მეტი გეთქმის. რას იტყვი გამსახურდიასთან პირველ შეხვედრაზე, რა საკითხი ფიგურირებდა იმ დიალოგში?

— ბატონ ზვიად გამსახურდიას 91 წლის მაისის ბოლომდე შორიდან ვიცნობდი, ისე როგორც ყველა ქართველი: პრესით, ტელევიზიით, რადიოთი, მიტინგებით, მაგრამ პიროვნული კონტაქტი სულ სხვა ყოფილა. ჩვენი შეხვედრა სრულიად მოულოდნელად მოხდა და გამოწვეული იყო კონკრეტული ფაქტით. გეხსოვება, მაშინ რა ბიუჯეტზეც იყო საუბარი. ჩვენ ჯერ კიდევ სსრკ-ის არსებობის პერიოდში გამოვაცხადეთ დამოუკიდებლობა. სამანეთო სივრცეში ვიყავით, პრაქტიკულად ყველაფერი სახელმწიფო საკუთრება გახლდათ და საქართველოსაც თავისი თავი თვითონ უნდა ერჩინა. ექსტრემალური ვითარებიდან გამომდინარე ყოველთვე იცვლებოდა ქვეყნის ბიუჯეტი, პარამეტრები ბიუჯეტისა. ერთ-ერთი ასეთი პერიოდის დროს, როცა ვმუშაობდი სამი თვის შექმნილი სახელმწიფო ფონდის ხელმძღვანელად, სხვათა შორის იგი 91 წლის 31 მარტსაა დაარსებული, ბიუჯეტის ცვლილებების პროექტი მოხვდა ჩემთანაც, როგორც ჯანდაცვისა და სოციალური უზრუნველყოფის სამინისტროს კოლეგიის წევრთან. განხილვის პერიოდში, ცხადია, მეც გამიჩნდა სერიოზული შენიშვნები, იმიტომ რომ ვატყობდი, გარკვეულწილად ეიფორიამ მოგვიცვა, ბიუჯეტი კი პრაგმატული საკითხია. ეს არც ლექსია და აღარც — რომანი, ლოგიკით ნაშენები ციფრია, სტატისტიკაში ასახული ეკონომიკა, მშრალი რეალობა, პრაქტიციზმი. ზოდა, არ მოვერიდე გაუთვალისწინებელ შედეგებს, დაუფარავად გამოვთქვი შენიშვნები:

პრეზიდენტი შეცდომაში შეხყავთ-მეთქი, ან თვითონ ცდება და პირშიმძრახებელი არავინ მოეძვება გარშემო, ვინაიდან შეუძლებელია თავისი ცხოვრების გავლილი გზით ბატონი ზვიადი ბიუჯეტის სპეციალისტი იყოს-მეთქი და საერთოდ არცერთ პრეზიდენტს არ ევალება ბიუჯეტისა და მისი მუხლების ცოდნა; ჯობია საერთოდ არ ერეოდეს იმ მუხლების განხილვაში. უკეთესია ბიუჯეტს

შეხედოს, როგორც ქვეყნის პოლიტიკას-მეთქი, განვაცხადე ამნაირად და მაშინ ქალბატონმა მანანა ძოძუაშვილმა, რომელიც ჯანდაცვის იმდროინდელი მინისტრი გახლდათ, ბრძანა:

თქვენ თუ გაქვთ სურვილი ამის თაობაზე პრეზიდენტს შეხვდეთო.

მე ვუპასუხე, რომ არ შეიძლება ეს ყოველივე ჩემს სურვილზე იყოს დამოკიდებული. მე ვარ ერთი ჩვეულებრივი სახელმწიფო მოხელე, რიგითი ეკონომისტი, რომელსაც რაღაც მოსაზრება გააჩნია. არც უზენაესი საბჭოს წევრი ვარ, არც არაფერი, უბრალოდ, ვიწყებ ამ ფონდის მშენებლობას საქართველოში და თუ თქვენ მიგაჩნიათ, როგორც მთავრობის წევრს, რომ ეს აზრი, რაღაცნაირად მისაწოდებელია პრეზიდენტისთვის, მზად ვარ უნაგარო სამსახურისთვის-მეთქი.

აი, ასე შემზადდა პრეზიდენტთან ჩემი პირველი შეხვედრის ნიადაგი. ხო, მე მაშინ დავიწყე მუხლების კრიტიკა, უფრო სწორად, ცვლილებების კრიტიკა. ერთ-ერთი ბლოკი იყო პირველი, რომელსაც მე კატეგორიულად არ ვიზიარებდი, არ ვეთანხმებოდი საბიუჯეტო ასიგნებათა შემცირებას განათლებაზე, კულტურაზე და ზოგადად, რომ ვთქვათ, სამოხელეო ხარჯებზე. თვით ის შემცირება არ იყო იმდენად მნიშვნელოვანი, რომ საბიუჯეტო წყობაში რაიმე შეეცვალა, მაგრამ მე ვხვდებოდი — ეს გამოიწვევდა ათასობით ადამიანის გალიზიანებას და მაშინ, ორივეს ჩინებულად გვახსოვს, რომ გარკვეული ოპოზიცია უკვე არსებობდა. მიდიოდა თამაშები ინტელეგენციასთან, კულტურის მოღვაწეებთან, ხელოვნების, კინოს ხალხთან და მე ვგრძობდი იმასაც, — იყვნენ ძალები, რომლებიც ოსტატურად ამზადებდნენ კონფლიქტს ინტელეგენციასა და პრეზიდენტს შორის. მე ეს ღია ტექსტი მიუჩქმალავად ვუთხარი პრეზიდენტს.

— სად შეხვდით, მთავრობათა სახლში? — ვაკონკრეტებ მოქმედების ადგილს.

— ვეღარ მთავრდება, ნიშანი გაგიცუდდა, კოლხურ კოშკში, გური, ჯიმა! თავიდან ქალბატონი მანანა შემომეგება. მიმანიშნა ზალასკენ, სადაც როიალი იდგა გადაშლილი ნოტებით.

ახლახან ზვიადი უკრავდა და ალაგება ვერ მოვასწარიო, მომიბოდიშა. ფეხზე ვდგავარ. შემოდის პრეზიდენტი პიჟამოთი. მსხალს მიირთმევს. მომაწოდებს ერთს. გულაბია. გამოვართმევ, მაგრამ ხელში ვაწვალვებ, ხომ არ დავიწყებ ახლა წვნიანი მსხლის სვლეპას? მაჯაზე „სიკიკო“ მიკეთია. დაჯდომისას გაჩხაკუნდება. დაიჭერს ამ მომენტს მასპინძელი და ღიმილით იტყვის:

არა უშავს, საათი შენი გაკეთებული ხომ არ არისო.

დღემდე ვერ ამომიცივია, რას გულისხმობდა. ის კი მახსოვს, მოვიხსნი მაჯიდან, მსხლის გვერდით მოვაყუჩებ. პირველს თორმეტი უკლია. ზუსტად სამი საათი ვისაუბრეთ. ხოდა, ვაგრძელებ ზემოთ-დაწვებულს: მე უკვე შინაგანად ვგრძობდი გარკვეული ძალები ხაფანგს უმზადებდნენ, ძნელად შესამჩნევს, საგულდაგულოდ შენიღბულს, მაგრამ — საბედისწეროს და პროფესიული თუ მამულ-ლიშვილური პატიოსნებით გული ამოვიბერტყე:

ამის უკან ეს დგას, სხვა არაფერი-მეთქი, იმიტომ რომ მაშინ სხვანაირად არ შეიძლებოდა საქართველოს ბიუჯეტში რაიმეს მიღწევა უმნიშვნელო ეკონომიით, რაიმე ინვესტიციის წარმართვა ან გადაწყობა სხვა ყაიდაზე, რაიმე ეკონომიკური პოლიტიკის გატარება არარეალური იყო.

წარმოგიდგენია, არსებობს სსრკ, არსებობს გოსპლანიდან გამოყოფილი ფონდები, არსებობს რუსული მანეთი, არსებობს ფასი. დამტკიცებულია ვის მიაწოდო, სად გაყიდო, როგორ გაყიდო და ასეთ დროს შენ თვითონ ვითომ რაღაცას ცდილობ შიგნით, ასე ვთქვათ, ბიუჯეტში გადანაწილებას და ამ გზით სასურველი ეფექტის მიღებას, ილუზიაა.

მოკლედ, ყოველნაირად შევეცადე გულწრფელად დამესაბუთებინა: ჩვენ ამ გზით რაიმე ეკონომიკურ წარმატებას ვერ მივალწვეთ-მეთქი. შედეგი გვექნება ერთი: რაღაც უმნიშვნელო ათი თუ ოცი მანეთის გულისთვის გავანაწილებთ უზარმაზარ მასას, დავუკარგავთ ეროვნული მთავრობის რწმენას და უნებლიეთ იმ ხალხის წისქვილზე დავასხამთ წყალს, რომლებიც გვეგმავენ ან დაგეგმილ სცენარს ახორციელებენ საქართველოში არეულობათა ასაგორებლად-მეთქი. აქვე ისიც მივანიშნე, რომ იქნებ ჯობდეს სერიოზულად გვემუშავა საგადასახადო სამსახურის ჩამოყალიბებაზე ქვეყანაში, რომელიც არსებულ პირობებში შეიძლება სახსრების მობილიზებას-მეთქი.

არ დავმალავ, ვისაუბრეთ იმაზეც თუ როგორ შეიძლებოდა რუსეთიდან სახსრების გადმოქაჩვა და ამისთვის რა არხების გამოყენება იყო შესაძლებელი, ვთქვათ, ბიუჯეტში გაჩენილიყო დახურული, დაფარული მუხლი.

აქვე ისიც აღვნიშნე, რომ უნდა მოგვეხდინა ყოველივე ამის დოლარიზაცია, ვინაიდან უკვე ჩემთვის და ბევრი ჩემი მეგობრისთვის საცხებით ნათელი იყო, რომ რუსული მანეთი დიდხანს ვერ იქნებოდა, დაინგროვდა საბჭოეთი და მასთან ერთად მისი ფულის ერთეულიც, და დარჩებოდა ის, რომელსაც საყოველთაო ფული ხქვია დღეს მთელს მსოფლიოში დოლარის სახით და შეიძლებისდაგვარად მივანიშნებდი, უფრო ამ გზით, ამ კუთხით წარმართულიყო საქმე. გადაუჭარბებლად გეტყვი,

ჩემი გაოცება ის გახლდა, გური, ჯიმა, რომ ბატონი ზვიადისთვის პრობლემისადმი, საფინანსო ეკონომიკური პოლიტიკისადმი ამგვარი მიდგომა უცხო აღმოჩნდა. ესე იგი, მის მრჩეველთა გუნდს, ანუ იმ ხალხს, ვინც მის ირგვლივ ტრიალებდა: მინისტრები, კომიტეტის თავმჯდომარეები, სხვანი და სხვანი, ეტყობა ამ კუთხით... — ჩერდება, ეპითეტს ეძებს და მეც არ დავაყოვნებ:

— ვერ თუ არ წარმოაჩენდნენ საკითხს.

— აგაშენა ღმერთმა. უფრო „ვერ“. არავინ მიწყინოს ახლა, ნურავინ მიიღებს პიროვნულ დამცირებად, მაგრამ სიმართლე უნდა ითქვას და უმრავლესი მათგანი თავიანთი განათლების დონით, პროფესიონალიზმით ასეთ რაღაცეებზე ვერ იფიქრებდნენ უბრალოდ. არ მინდა მათ ორგულობა დავწამო, ეს უსამართლობა იქნება, მაგრამ ვიტყვი ღიად, მარტივად: მათ ეს ცოდნა, ეს გამოცდილება არ გააჩნდათ. მათ არ ხქონდათ გავლილი ის გზა, რომელსაც სახელმწიფო მოხელე ხქვია: თუ როგორ შეიძლება, კარგი გაგებით, კავშირის ბიუჯეტში ხელის ჩაყოფა და შენი ქვეყნის სასარგებლოდ გამოყენება. გაიგე? ამიტომ ჩემი პირველი დასკვნა ის იყო, რომ სწორედ ეს სახელმწიფო მოხელეს გამოცდილება, პრაქტიციკში აკლდა პრეზიდენტის გუნდს, და გთხოვ, კრიტიკაში არავინ ჩამომართვას.

— მე კი მჯერა, ოთარ, ძმაო, მაგრამ სხვაზე გარანტიას ვერ მოგცემ.

— არც შეიძლებოდა, არც მოეკითხებოდა და არც ევალებოდა ბატონ ზვიადს ეს ცოდნოდა. მე მეტსაც გეტყვი: საერთოდ არ არის ეს პრეზიდენტის ფუნქცია და დღევანდელი თუ ხვალინდელი საქართველოს პრეზიდენტები ნუ ეცდებიან ბიუჯეტის მუხლებში გარკვევას, თორემ აი, იქ იბადება დიანაც დილეთანტიზმის დიდი საშიშროება.

— შენი დამოკიდებულება, ალბათ, სწორია. შეუძლებელია ადამიანი, გნებავთ პრეზიდენტი იყოს იგი, თანაბრად ერკვეოდეს ცხოვრების აურაცხელ წვრილმანში.

— აი, ესაა უბედურება. ახლა, როგორ შეიძლება იცოდეს, რომ ვთქვათ, კლინტონმა თავისი უმველებელი ბიუჯეტის მუხლები?! კლინტონმა უნდა იცოდეს ერთი რამ: რას შერება დოლარი მსოფლიოში, რა უქნას უმუშევრობას, მოსახლეობა როგორ არის სოციალურად დაცული, ელის თუ არა საშიშროება ქვეყანას ამ კუთხით და ასე შემდეგ, თორემ პენსიას როგორ უნიშნავენ ამერიკაში, რამდენს, ვის და ამისთვის რამდენი დოლარია გამოსაყოფი, რა პრეზიდენტის საქმე ეგ არის?! აი, უბედურების მეხთაცვენაა, როცა პრეზიდენტები ასეთ საკითხებში ერევიან ხოლმე. ხოდა, გავიმეორებ ერთხელაც, მსგავსი მიდგომები დილეთანტური მართვის ნოყიერი ნიადაგია ნებისმიერი სახელმწიფოსთვის. გური, ჯიმა, ნურც ამ ნათქვამს ჩამომართმევ ბატონი ზვიად გამსახურდიას კრიტიკად, ან შეეჭვებულ დამოკიდებულებად: რატომ არ იცოდა ეს-თქო. კარგად გამიგე, ეს არ იყო მისი ფუნქცია, მაგრამ აი, შეხედე ახლა დასკვნას?! ამ საუბრიდან ზუსტად სამი დღის მერე მოდის სპეციალური დავალება პრეზიდენტისგან, რომ შეიქმნას საქართველოში დამოუკიდებელი სახელმწიფო საგადასახადო ინსპექცია.

— გენიალურია. ოპერატიულობას არ იკითხავ?! შენმა სიტყვებმა მრავალი ბურუსი ჩამოაცილეს ჩვენი პრეზიდენტის ოპონენტთა დაჟინებულ მეცადინეობას იმის თაობაზე, რომ ამ პიროვნებისგან ექსცენტრიული, შიზოიდი პოლიტიკოსი გამოძერწონ, რომელიც მრჩეველთა გუნდის ყურმოჭრილი მონაა. სინამდვილეში, გამოდის რომ მას გარკვეული პოზიტიური ნაბიჯები გადაუღდამს საქართველოს ეკონომიკური სტაბილიზაციის თვალსაზრისით, ანუ ბიუჯეტის შემავსებელი წყაროების მექანიზმის ჩამოყალიბების საქმეში. მეორედ სად შეხვდი და რანაირ სიტუაციაში? იქნებ მეტი სიზუსტით მოახერხო თავად პრეზიდენტის ნაამბობის აღდგენა. ჩემი არ იყოს, შენც ხომ იშვიათი მეხსიერებით გამოირჩევი?

— ჯერ ეგ საკითხი მომამთავრებინე, მათქმევინე თუ როგორ ელვისებურად წარიმართა საქმე და მერე მაგაზეც მოგიყვიბი.

— ბატონი ბრძანდები.

— ნუ, ახლა ყველაფერზე დეტალური ჩაწვრილმანება უხურხულიცაა, მე უბრალოდ მიგანიშნებ, რადგანაც ამ შემთხვევაში ჩვენ ისტორიულ, განსკუთრებულ პიროვნებაზე ვლაპარაკობთ და არა იმის თაობაზე თუ ხუფენია რა რეკომენდაციებს და რჩევებს სთავაზობდა ქვეყნის პრეზიდენტს, პირველს თუ გნებავთ დღევანდელს.

მოკლედ, ჩვენი საუბრის მესამე დღის თავზე ხდება ასეთი რამ: მაშინ ეკონომიკისა და ფინანსთა მინისტრი გახლდათ ბატონი გურამ აბსანძე. დაურეკავს დილით ჩვენთან სამსახურში, ფონდში, რომ ხუფენიამ სასწრაფოდ წარმოადგინოს ანკეტა სამინისტროშიო, ნუ, კადრების აღრიცხვის ფურცელსაც რომ ვეძახით. ვიფიქრე, რადგანაც ჩემი თანამდებობა მთავრობის ნომენკლატურაა, მთავრობის დანიშნული ვარ, ალბათ, რაღაც დოკუმენტი დასადები-მეთქი, როგორც ეს კომუნის-

ტების დროს კეთდებოდა ხოლმე.

შევავსე ეს ანკეტა და გავაგზავნე. სხვათა შორის მე არ წამილია. ვუთხარი სათანადო პირს, ჩააბარე სამინისტროს სამდივნოს-მეთქი. იქიდან ერთ საათში მოდის ზარი, რომ თქვენ სამ საათზე უნდა იყოთ უზენაესი საბჭოს პრეზიდიუმის სხდომაზე.

ამ დროს, ხატი, რჯული, არ ვიცი რა ხდება, რა ვითარებაა.

პრეზიდიუმის წევრები დარბაზში ბრძანდებიან და მეუბნებიან:

პრეზიდენტი სადაც არის უნდა მოვიდეს და აი, ამ კედელთან დადგითო.

ალბათ, იმიტომ რომ პირისპირ არ შევეჩხვო. ეს წუთია და ორი პიროვნების თანხლებით მობრძანდა ბატონი ზვიადი. შევიდნენ ოთახში. გადმოიხარა აქეთკენ. მე როგორც გითხარი, ვდგავარ კედელთან. არ შეიძლება პრეზიდენტს გადაეღობო, გზა ჩაუკეტო, შეეფეთო ბოლოს და ბოლოს. თვითონ გადმოუხვია, ჩამომართვა ხელი:

როგორ ხარ, ოთარო, აი, ასე მომმართა.

არა მიშავს, ბატონო, ზვიად. თვად როგორ ბრძანდებით-მეთქი.

დიდი მადლობა, ვუძღებო და შევიდა. ორ-სამ წუთში ვილაცა გამოდის და მეუბნება, შებრძანდითო.

მონუსხულივით ვარ, დამაგნიტებული, რაღაცნაირად გაბრუებული. ინსტინქტურად მივაბიჯებ. ჯერაც ვერ აღვიქვამ დარბაზს. ვხედავ პატარა შემალღებულ ადგილს, კათედრასაც რომ ვეძახით, საიდანაც აქამდეც კვითხულობდი ლექციებს შეუბოჭავად, ხელფეხშეხსნილი, ლალი. ახლა კი ბრინჯივით დავბნეულვარ. მიმანიშნებენ სადაც უნდა დავდგე. პრეზიდენტის სიტყვები დაახლოებით ასეთია:

ჩვენ ბიუჯეტი სწორად რომ შევავსოთ, ყველა რეზერვი რომ იყოს გამოვლენილი, ამისათვის საჭიროა გვექონდეს არა სახსრების მობილიზების ფინანსთა სამინისტროს რაღაც სამმართველო, არამედ დამოუკიდებელი სახელმწიფო სამსახური, საგადასახადო სამსახური, რომელიც თავიდან ბოლომდე პასუხისმგებელი იქნება ქვეყანაში არსებული ყველა სახსრების ბიუჯეტში მობილიზებისა და როგორია თქვენი აზრიო.

— „ყველა სახსრებს“ ბატონი ზვიადი არ იტყოდა.

— აკი, აღვნიშნე დაახლოებით ასე თქვა-მეთქი. შენ კრიჭაში რატომ მიდგეხარ, გური, ჯიმა? მე, როგორც ზემოთ ვახსენე, ამის თაობაზე სამი დღის წინ მქონდა საუბარი პრეზიდენტთან და პირდაპირ ამით დავიწყე:

ბატონო, პრეზიდენტო, ჩვენ გვისაუბარია ამის თაობაზე და ახლაც გავიმეორებ, თუ რატომ არის აუცილებელი ქვეყანაში ასეთი სამსახურის შექმნა-მეთქი. მაშინ ამ სამსახურს ფინანსთა სამინისტროში სახელმწიფო შემოსავლების სამმართველო ერქვა. თითოეული გადამხდელი სახელმწიფო საწარმო იყო და ბუნებრივია, ზემოთხსენებული, სამმართველო იმ გადანახადების ჩვეულებრივი აღმრიცხველი გახლდათ, რაც ბიუჯეტში შემოდიოდა პრაქტიკულად და წამოვყენე ასეთი იდეა:

ამ სამსახურს თუ შევქმნით, მაშინ უნდა გაკეთდეს შემდეგი-მეთქი: იგი არ უნდა იყოს მიბმული მხოლოდ ხელფასზე ანუ ის მეურვე უნდა იყოს იმაზე თუ დამატებით რა შემოსავლებს მოიზიდავს და მისი პროცენტი ინსპექტორს უნდა მიეცეს გასამრჯელოს, ჯილდოს, წახალისების სახით-მეთქი. აი, ასეთია ჩემი წინადადება და მერე იქ გაგრძელდა რაღაც ნორმატივებზე საუბარი, რაც შემდგომ პრაქტიკულადაც განხორციელდა და დღემდე გრძელდება საქართველოსა თუ სხვა ქვეყნებშიც, ჩვენს ბედში რომ ჩაცვენილან. იყო რამდენიმე უფერული შეკითხვა. საქმიანი მხოლოდ ბატონი ვაჟა აღამიას ჩაძიება მომეჩვენა:

როგორი უნდა იყოს ინსპექციის უფროსის ანაზღაურებაო.

მე პასუხი არ დავუყოვნე, ცალსახად ვუპასუხე, რომ აუცილებლად ინსპექციის უფროსიც უნდა ღებულობდეს ჯილდოს და პრემიას ამ დამატებით გამოვლენილი რეზერვებიდან და არც ის უნდა იყოს მარტო ხელფასზე დამოკიდებული-მეთქი, თორემ მოხდება ისე, რომ მის თანამშრომლებს ექნებათ სამჯერ და ოთხჯერ მეტი შემოსავლები ვიდრე თვითონ და აქ მისი ინტერესი, შეიძლება შემდგომ სხვა სფეროში განვითარდეს-მეთქი. აი, ასეთი იყო ჩემი ლოგიკა. ამის მერე მგონი ბატონმა გივი თაქთაქიშვილმა ბრძანა, სხვათა შორის მე ამ პიროვნებას დღემდე დიდ პატივს ვცემ, მიმაჩნია, რომ იგი იყო შესანიშნავი სწავლული ეკონომისტი და ბრწყინვალე პიროვნება, თავის ქვეყანაზე უზომოდ შეყვარებული და უაღრესად წესიერი კაცი.

— რატომ „იყო“?

— იმიტომ, გური, ჯიმა, რომ ახლა მე, სამწუხაროდ, ბატონ გივისთან კონტაქტები აღარა მაქვს.

მაკლია, როგორც ჩემი ახალგაზრდობის მეგობარი. ხოდა, ბატონი გივის შეკითხვა ეჭვქვეშ აყენებდა ჩემს დებულებას:

მაშინ ინსპექცია ხომ დანარჩენი მოხელეებისგან განსხვავებული იქნებაო.

მე მას ვუთხარი, რომ ინსპექტორი არის მოხელეთა განსაკუთრებული ტიპი, სახე. მას მსოფლიოს ბევრ ქვეყანაში საგადასახადო პოლიციასაც კი ეძახიან და ყველა ქვეყანაში არის პრივილეგიური სამსახური, ვინაიდან სწორედ ეს სამსახური გახლავთ ბიუჯეტის მკვებავი, საიდანაც დებულობს მერე დანარჩენი, სხვა სახელმწიფო მოხელენი ხელფასს-მეთქი. ქვეყნის განვითარების ამ ეტაპზე იქ რომ არ წავიდეს კორუფცია, მექრთამეობა, რაც მახასიათებელია ჩვენი საზოგადოებისათვის, სამართლიანად მიმაჩნია გავაჩინოთ და დაუშვათ ეს სტიმული-მეთქი. აქვე წმინდა ზნეობრივ, მორალურ მხარესაც ვაწვებოდი, რომ შეიძლება 100 ინსპექტორიდან 20 მაინც გამოდგეს წესიერი და იმ ოცმა მიიღოს დიდი გასამრჯელო, მაღალი ანაზღაურება, რის შედეგად, ვთქვათ, ის ოთხმოცი ნელ-ნელა შევიწროვდება — მეთქი. მოკლედ, დავიქოქე რაღაც განწმენდის, კათარზისის ფენომენზე. დაბოლოს, რაც ყველაზე მთავარი იყო ჩემი აზრით, სრულიად გახსნილად განვაცხადე ქვეყნის მესვეურების წინაშე, რომ თვით ხელისუფლებას უნდა ჰქონდეს მორალური უფლება მოთხოვოს თავის ჩინოვნიკს წესიერად მუშაობა, რადგანაც როდესაც მოხელეს აძლევს საარსებო მინიმუმის 10 პროცენტს, მერე რაც გინდ წესიერებისკენ მიუთითო, ის არ იქნება პატიოსანი, უეშმაკო, გულწრფელი-მეთქი.

— დაგიბიჯებია ფეხი მოურჩენელ ბებერაზე.

— აი, ასეთი იყო ჩემი კონცეპტუალური მიდგომა საკითხისადმი. დავასრულე საუბარი და პრეზიდენტმაც ბრძანა ჩემს ზურგს უკან:

მე გთხოვთ თქვენ ჩაუდგეთ სათავეში ამ ინსპექციის ჩამოყალიბებას საქართველოშიო.

ეს იყო ჩემთვის აბსოლუტურად მოულოდნელი, ვინაიდან ოცდათერთმეტ მარტს სწორედ პრეზიდენტის ხელშეწყობით დაიწყო სახელმწიფო ფონდის ჩამოყალიბება და 12 აპრილს მე დავინიშნე ამ ფონდის დირექტორად, ასე ვთქვათ, თავისუფალი საქართველოს მთავრობის პირველ სხდომაზე, პირველ ნომრად, რაც ყოველთვის საამაყო გრძნობად დარჩება ჩემში და რაღაც სამ თვეში უცებ პრეზიდენტისგან ასეთი წინადადება! უკვე საუბრის აზარტში ვარ შესული. თავდაპირველი შებოჭილობა გამქარალა, საკუთარი თავი ხელში ამიყვანია, მიბრუნდება ძველებური თავდაჯერებულობა, ტემბრი. კარგად მახსოვს, მთელი სხეულით შემოტრიალებული ვარ პრეზიდენტისკენ. თვალში თვალს ვუსწორებ, აუღელვებლად ვეუბნები:

ბატონო, პრეზიდენტო, მე ამას ვღებულობ როგორც დავალებას, მაგრამ მაქვს თუ არა უფლება გამოვხატო ჩემი დამოკიდებულება-მეთქი.

— მერე, მერე?

— ბრძანეთო. ხოდა, მეც მოვახსენე უშურველად, რომ ბატონო, პრეზიდენტო, ჩემი შინაგანი მოტივაციით, აზროვნების წესით და მიზნებით, რაც მე ეკონომისტს გამაჩნია, ჩემგან ინსპექტორი არ გამოვა-მეთქი. მე შემიძლია თქვენ დაგპირდეთ წლის ბოლომდე ორგანიზაციულად, სამართლებრივად ჩამოვყალიბო ამ დებულებების სტიმულირების მექანიზმები, ჩამოვყალიბო ინსპექცია და მერე გთხოვთ, მოძებნოთ სათანადო კანდიდატურა, რომელსაც აღმოაჩნდება ამ სამსახურის უფროსისათვის აუცილებელი უნარები-მეთქი. მე შემიძლია აი, ეს სამუშაო შეგისრულოთ, მერე გთხოვთ-მეთქი, დამაბრუნოთ ისევ ფონდში, რომელიც დამისახავს ჩემი მოღვაწეობის გზად, სადაც რამდენადმე უკეთ მოხდება ჩემი შესაძლებლობების რეალიზაცია-მეთქი. მან ასეთნაირად მოჭრა: იმუშავეთ ორივე თანამდებობაზე და იანვარში, როცა თქვენ თქვენს დანაპირებს შეასრულებთ, მერე ვნახოთო, მოვნახოთო.

— მაინც როგორ თქვა, ვნახოთო თუ მოვნახოთო?

— მგონი ორივე, მაგრამ საუბედუროდ 6 იანვარს ისეთი რამე ხდება, გახსენება ახლაც ტანში მზარავს. მე დილით მივედი ფინანსთა სამინისტროს შენობაში და დამხვდა ქაღალდი, სადაც ხელს აწერდნენ კოლეგიის წევრები...

— ეს რომელი 6 იანვარია?

— 92 წლის.

— კი, მაგრამ რა მიგარბენინებდა?! ფლავს არიგებდნენ? იცი, რატომ გკითხე ზემოთ, როგორ თქვა პრეზიდენტმა, ვნახოთ თუ მოვნახოთო-მეთქი?

— შენ, სახელმწიფო მოხელისა რა გაგეგება! პოლიტიკურ სარჩულებს თავი დაანებე! გამოტყვრა ჩემზე პატრიოტი! თქვი, რას გულისხმობდი?!

— რა ამოსაცნობი ეგ არის. თუ „ვნახოთო“ გეტყოდა, ესე იგი არ ეთმობოდი, შენში დაინახა პროფესიონალი, რანაირ ხალხსაც იგი სანთლით ეძებდა, და სავალალოდ ვერ პოულობდა ჩვენი

ალიარებული დილეტანტიზმის გამო. შენ კი ტექნიკურად გინდოდა თავის დაძვრენა ხიფათებით სავსე, პასუხისმგებლობით დამუხტული, ნიადაგ კონფრონტაციული სიტუციიდან. „მოვნახოთო“ თუ აკონკრეტებდა, ეს იმას ნიშნავდა, რომ გაუქარწყლე დებიუტში მოპოვებული მაღალი შეხედულება შენს პიროვნებაზე, არა ხარ მებრძოლი, რევოლუციური საქართველოს ჯარისკაცი, მაგრამ ამხელ, რომ მგონი ორივე წარმოთქვაო.

— ახლა შენი ფსიქოანალიზების თავი არა მაქვს. ჩამოიშორებ ოდისმე ამ ჩადევნებებს? რაზე შეეჭვები? ხო, ქალაქს ხელს აწერდნენ ეკონომიკისა და ფინანსთა სამინისტროს კოლეგიის წევრები — თხოვნას — იოსელიანთან, სიგუასთან, კიტოვანთან, რომ ფინანსთა მინისტრად დაენიშნათ ანანიაშვილი და ბუნებრივია, ოთახში შესვლისთანავე შემომ-თავაზეს მეც მომეწერა ხელი, — ოსკარი გააფთრებით ყფეს გარეთ, — და მიუხედავად მამაჩემის შვილობისა, ჩემდა თავად ამაზე ხელისმომწერის დედა-მეთქი, შევივინე, კუთხეში მივაგდე ის ქალაქი და პროტესტის ნიშნად უსალმოდ დავტოვე კოლეგები ბელზებელთან წილნაყარ რეზიდენციაში.

ოსკარი ისევ ყფეს და ყფეს. ბუნარს შეშის ახალ ნაჭრებს დაეუმატებ. კვლავ ვათუხთუხებთ ყავას. ისმის მამლების კანტი-კუნტი ყვილი. თავსხმა წვიმა მიწნარებულა და ახლა ტოლორო* წვეთები ტკაპანით ეცემიან მოფილაქნებულ ლაფაროს.

— ოთარ, ძმაო, — ვუბნები სავარძელს მინებივრებული ძუძუმტეს, — საუბედუროდ მართაო-ნულმა მიტინგობანამ ვერ გაამართლა ჩვენში. ამის თაობაზე ვწერ მე „მეიროხანშიბ“ „სუფევის“ პირველ წიგნში, რომ „მგელი, მგელის“ ძახილმა, მართლაც მოგვივლინა რომაელების რუხი ლუპუსი. ბალტიისპირეთში კი, კონკრეტულად ლიტვაში, „მწვანე ჯიხურებით“ დარაჯობდა ხალხი ეროვნულ პარლამენტს ჩვენი „სადიაცო კარგებისგან“ განსხვავებით; მაგრამ ესეც არაფერია, ამა-საც ეშველება ეროვნული მთავრობის უკომპრომისო პოზიციიდან გამომდინარე, რომელიც მან კომუნისტურ კასტას გამოუცხადა.

ბატონ ედუარდ შევარდნაძეს საქართველოს ნომერ პირველ მოღალატედ ასახელებდნენ საზოგადოდ, როცა თავად იგი პრეზიდენტ ზვიად გამსახურდიას შეფასებისგან თავს იკავებდა. ის ქვებდა აგროვებდა ჯერ-ჯერობით, რადგანაც იცოდა, მოვიდოდა მათი განბნევის ჟამიც.

პოლიტიკოსი ხალხში უნდა დადიოდესო, აღნიშნავდა. შენი შეხედულებით მართლაც შინა-კეტილი გახლდათ პრეზიდენტი გამსახურდია თუ პირიქით, ხალხის ჭეშმარიტი წინამძღოლი? რა თემას შეეხეთ მესამე შეხვედრისას?

— მოდი, ამჯერად მეოთხე შეხვედრაზე ვისაუბროთ, მესამე დროებით შემოვინახოთ. ეს ის პერიოდი, როდესაც დგებოდა საკითხი პრივატიზაციის შესახებ და საკუთრების ფორმებისა და სახეობების სწორუფლებიანობის თაობაზე. ესე იგი უზენაეს საბჭოს ამაზე უნდა ემსჯელა. ჩემი გამოძახება უკვე ბატონი პრეზიდენტის სურვილიდან გამომდინარეობდა. ჩვენი შეხვედრა შედგა მის სამუშაო კაბინეტში და მითხრა:

თქვენი აზრიო.

სხვათა შორის, გური, ჯიმა, ძარღვები ამეშლება ხოლმე, როცა მავანი იტყვის: ბატონი ზვიადი უხეში იყო, ან რაღაც ქედმაღალი, ამპარტავანიო.

ჭორია ეს ყველაფერი, ცილისწამება. ასეთი რამ, ასეთი დამოკიდებულება პიროვნულად მისგან მე არასდროს მიგრძენია. პირიქით, ჩემში იყო გარკვეული შეზღუდვა, შებოჭილება, რომელიც აღმზრდელობითი ტრადიციებიდან იკვებებოდა უწინარესად, რომ მე ველაპარაკები ჩემი სამშობლოს პირველ პრეზიდენტს და აქ, თავისთავად, თვითონ ხუფენიასგანაა აღმართული უჩინარი მოწიწების კედლები. სამურზაყანოელები დღეგრძელობისას განა შემთხვევით ვდგებით ფეხზე?! ამას ერთი და ორი თაობა ვერ ამოძირკვავს გენეტიკის უშორესი მემკვიდრეობიდან და მართლაც, მაშინდელ სრულიად საქართველოს ურთივე რთობას განვასახიერებდი პრეზიდენტის წინაშე. რა სიხარული იყო, რა აღტკინება, როგორი კონსოლიდაცია, რანაირი დამოკიდებულება ადამიანებს შორის, ქუჩაში, სამსახურში, შინ ბოლოს და ბოლოს, ოჯახში — აქამდე თითქოსდა უფერულ საგნებთან და მოვლენებთან?!

პრეზიდენტი გრძნობდა ამას და ყოველნაირად ცდილობდა დაძაბულობის მომენტი გაექარწყლებინა, — ოსკარი ისევ ყფეს და ყფეს, — მისი ჟესტი, გამოხედვა, ხმა, ხელ-ფეხს შეგიხსნიდა ათასი უჩინარი ძაფით გაკოჭილს. მე მხოლოდ ეკონომიკაზე ვლაპარაკობდი. სხვა ჩემი სფერო არ ყოფილა, როგორც, ვთქვათ, კორესპონდენტს სწადია გაიგოს ამა თუ იმ მოვლენაზე, საკითხზე ქვეყნის პირველი პირის შეხედულება, რანაირად აფასებს სადღეისო სიტუაციას, როგორი იქნება ხვალინდელი ვითარება სახელმწიფოსთვის და ასე შემდეგ. მე მას სრული გულწრფელობით გავუხსენი ჩემი დამოკიდებულება ფასეულობათა რიგზე, და დღესაც, ამწუთას რომ დამიძახოს ამჟამინდელმა პრე-

ზიდენტმა, ბუნებრივია, იგივეს ვეტყვი, ვინაიდან სახელმწიფო მოხელე ვალდებულია პატიოსნად ემსახუროს თავის თანამდებობას, ვეტყვი:

კომუნისტური საზოგადოების საფუძველი არის საერთო სახელმწიფოებრივი საკუთრება და აი, ამას, როგორც კი მოვლი, საუბარი შეწყდება კომუნიზმის აჩრდილზე, რომელმაც გამალებით მოაშურა ინდუსტრიული ევროპიდან ფეოდალურ და თემურ აზიას.

ჩემი ლოგიკა მაშინ სრულიად მარტივი გახლდათ: ყოველივე ეს რომ მოშალო, ამისათვის საკუთრების ყველა ფორმა უნდა აქციო კანონიერად, თანასწორუფლებიანად. აი, ეს იყო ჩემი ერთ-ერთი თეზისი. მან ეს ზედმიწევნით გაიგო, მაპატიოს მისმა ნათელმა, უხეში ნათქვამი გამომივიდა, დამეთანხმა ყველაფერში სრულებით და მითხრა ცალსახად, რომ ხვალ ჩვენ ამას პარლამენტიდან გავაცხადებთო.

გულისფანცქალით ველოდებოდი დასახელებულ თარიღს და მოხდა საოცრება, უმადლესი ტრიბუნიდან მეორე დღეს ითქვა ჩემი მოსაზრების სავესებით საწინააღმდეგო, კარდინალურად, დიამეტრალურად განსხვავებული რამ. კერძოდ, ის, რომ დღეს ჩვენ ვართ გარდამავალ პერიოდში და ამიტომ უნდა დომინირებდეს სახელმწიფო საკუთრება და წამოწეულ იქნა თეზისი, რომელიც სხვათაშორის მეცნიერებაში ცნობილია შერწყმის თეორიის სახელით. ეს ეკონომიკური მიმართება ემსახურებოდა კაპიტალიზმისა და სოციალიზმის მორიგების პრობლემას, გამოდიოდა მედიატორული მოსაზრებებით სამოციან წლებში და გარკვეული ნიადაგი ხპოვა მესამე სამყაროში — ჩინეთში. აღნიშნული თეორია მომდინარეობდა ბატონ ბესარიონ გუგუშვილისგან, რომელიც მოგვიანებით მინისტრთა კაბინეტის თავმჯდომარე გახდა. ხოდა, აი, ეს თეორია იქნა წამოწეული, აბსოლუტურად განსხვავებული იმისა, რაზედაც საკმაო ხანს ვისაუბრე ქვეყნის პრეზიდენტთან სულ რაღაც თორმეტიოდე საათის წინ.

— შენ, ალბათ, სასინჯი ქვა იყავი.

— ღმერთმა უწყის. მართალი ვითხრა ეს იყო ენით აღუწერელი ჩემი პირველი შეცბუნება, რადგანაც ბატონ პრეზიდენტს ხუფენიას ლოგიკის საწინააღმდეგოდ არაფერი უთქვამს. პირიქით, წამათამამა, კვერი დაუკრა ჩემს მოსაზრებას დაახლოებით ამნაირი სიტყვებით:

ოთარ, სწორია შენი დამოკიდებულება. კომუნიზმი შეიძლება აშენო მხოლოდ და მხოლოდ სახელმწიფო საკუთრების ფეტიშით, აშენო ზღაპრებშიო.

მეგონა ეს ყველაფერი მაღალი ტრიბუნიდან გამჟღავნებოდა სურვილის შესატყვისად, მაგრამ ცივი წყალი გადმომესხა, მაგრად გავწიბილდი და ყოველივე დღემდე ვერაფრით ამიხსნია.

— სამხრეთ ოსეთში, იგივე სამაჩაბლოში, საგანგებო მდგომარეობის შემოღებას სრული უზენაესი საბჭო ტამისცემით შეხვდა. ხომ ხედავ, ძმაო, ცოტათი უკან ვიხვეთ დროში. ამბობენ იმის თაობაზეც, რომ აფხაზეთში ხელყოფილი იყო ქართული დეპუტაციის ინტერესები აფსუათა სასარგებლოდო. ამას აპარტიდულ კანონსაც ეძახიან. მოსახლეობის ჩვიდმეტ პროცენტს ორი ხმით მეტი — 28 მანდატი მიუზღობოქთ ორმოცდაექვსი პროცენტი ქართველის სამართლიანი უფლებების შინაურული გათელვების წყალობით. შენეულ შეფასებას ველოდები და აქვე, მესამე შეხვედრის ასპექტები მაინტერესებს განსაკუთრებით, რადგანაც რატომღაც ბოლოსთვის მოიტოვე. რამდენადაც ვიცი, ეს ყველაფერი ოპოზიციის გაქანებულ კაკოფონიაში მოხდა, მთავრობის სახლის მოღალატური შტურმებიდან რამდენიმე თვით ადრე. მაინტერესებს ისიც, თუ რამდენად გამართლებულია ოთხმოცდათერთმეტ-ოთხმოცდათორმეტის მოვლენების „რევოლუციად“ მონათვლა. მე კონტრევოლუციას ვეძახი პუტჩიანელების „ღვაწლს“, მაგრამ შენი მოსაზრება უფრო ფასეულია პროცესებთან მეტი სიახლოვის გამო.

— მესამე შეხვედრა, გური, ჯიმა, ეს უკვე ჩემი სურვილით გახლდათ. ნოემბრის ბოლოა. ორი სექტემბრის ბატალიები ჩავლილია. პროვოკაციის ანკესზე წამოგებულია მთავრობა! დათრგუნვილია ოპოზიციური აზრი ძალადობის ფაქტორით. უკვე მიტინგები იმართება შუა რუსთაველზე პრეზიდენტის გადადგომის მოთხოვნით. მე დავწერე შვიდგვერდიანი წერილი ბატონი ზვიადის სახელზე, სადაც შევეცადე მეჩვენებინა, რომ პროცესი, რომელიც მიმდინარეობს მსოფლიოში, კანონზომიერებითაა ნაკარნახევი და არ იფარგლება სსრკ-ით. შევეცადე მეჩვენებინა ისიც, რომ საქართველოდან არ იწყება სსრკ-ის დანგრევა, რომ ახლა უმთავრესია ჩვენ შევინარჩუნოთ ქვეყანაში სიწყნარე, სიმშვიდე და დაუცუადოთ მოვლენების განვითარებას. თვალსაჩინოებისთვის ასეთი შედარებაც მქონდა მოშველიებული: როდესაც ოკეანე ბობოქრობს და ბობოქრობს დღეს მსოფლიო, პატარა ნაფოტია საქართველო ამ ბობოქარ ოკეანეში, ჩვენი ვალია ვიყოთ ტივტივასავით.

— ცხადია, გულისხმობ ხელისუფლებას და მთავრობის პოზიციას.

— ბუნებრივია, ქვეყანას ზოგადად ყველა ატრიბუტიკით. ძალიან პატარა ვართ, იმდენად მცირე

რერიცხოვანი, ეს პროცესები ჩვენგან დამოუკიდებლად მიმდინარეობს და ილუზიებს უნდა შევეშვათ-მეთქი. ჩვენი უმთავრესი მიზანი უნდა იყოს არ გავხლიჩოთ ერი პოლიტიკური ნიშნით, შევინარჩუნოთ წონასწორობა და ხალხური ანდაზის კვალობაზე ჩათრევას ჩაყოლა ვამჯობინოთ, გარკვეულწილად მივყვეთ დინებას-თქვა. ასეთი და ამდგვარი გახლდათ ჩემი შეხედულება. ახლა მე რეაქციაზედაც გეტყვი. ეს იყო ერთიერთზე შეხვედრა. იმ წერილის ორი ეგზემპლარი არსებობდა, „კაპიტოლი“ ორ ცალად გადაბეჭდილი, მეორე პირი ჩემს სეიფში ინახებოდა, პირველს კი პრეზიდენტი კითხულობდა ლამის ოცდახუთ წუთს, როცა საამისოდ თხუთმეტიც სავსებით საკმარისია. ამ დროის მანძილზე ნაწერი უფარავდა სახეს და ფურცლების გამოცვლისას გამოკრთებოდა მხოლოდ მისი გამომეტყველება. ერთხელაც არ გაუღიმიო, გაცინება რა მოსატანია, გულისშემძვრელმა ფიქრმა მოიცვა მისი არსება. არსად წამოცდენია:

ყოჩაღ, ოთარ, რა კაი რაღაც მითხარიო.

ვიგრძენი, რომ ყოველივე მისთვის გარკვეული სიახლე იყო.

— იქნებ შენი პირუთვნელი სითამამე, მწარე სიმართლე ემცხეთა, თორემ მსოფლიო პროცესები ხელისგულზე ედო იმასაც. ჩემი მწერლური ინტერპრეტაცია ცოტათი სხვანაირია. აქ პარალელის გავლება შეიძლება მხოლოდ ქრისტეს ცხოვრების ფინალთან, რომელმაც საკუთარი გოლგოთა, ჯვარცმა საკუთარი ხელითვე შეამზადა. თვით იუდაც კი მიზანმიმართულად განაწყო სამოლალატეო საქმისათვის. აბა, როდის იყო გაიძვერანი, ზნედაცემულნი ასე იოლად სწირავდნენ სიცოცხლეს?

ბატონ ზვიადს ყველაფერი ხქონდა ნაგრძობი, სიტუაციასაც ჩინებულად ფლობდა, ოთარ, ძმაო, ეზოთერიკი იყო ბოლოს და ბოლოს. წაიკითხე მისი წიგნები და თმა ყალყზე დაგიდგება. დარწმუნებული ვარ მან საგანგებოდ შექმნა უპრეცედენტო შემთხვევა: ორასი თუ შვიდასი წლით ჭეშმარიტ სახელმწიფოებრიობას მონატრებულ ქართველებს თვალანთლივ დაანახა ლელთლუნი-ასული თავისთავადობის სიდიადე. ყველაფერი სასწორზე შეაგდო ნაზარეველივით. მან ჩინებულად ითამაშა ლაკმუსის როლი, როცა სიკეთეს მიტმანნილ ბოროტებას ნილაბი ჩამოგლიჯა, განაცალკევა ერთმანეთისგან ნათელი და ბნელი, რათა მის ხალხს მომავალში ნაკლები შეცდომით ევლო...

— ბატონი პრეზიდენტის ქმედებათა მხატვრული ინტერპრეტაცია უამრავი წახნაგისაა უცილობლად, მაგრამ მე ამჯერად კონკრეტული სიტუაციის ახსნას ვცდილობ რიგითი მოხელეს პოზიციიდან.

ბატონო, პრეზიდენტო, ბატონო, პრეზიდენტო, მე ეს დიდი ხნის ნაფიქრალი მაქვს-მეთქი, შევაწიე სიტყვა ჩემს წერილს, როცა იგი უხმოდ წამოდგა და დამშვიდობების პოზა მიიღო. მე გთხოვთ, რომ ერთხელ კიდევ წაიკითხოთ-მეთქი. თავაზიანობა, როგორც ზემოთ აღვნიშნე უცხო არ იყო მისთვის.

აუცილებლად წავიკითხავო, თქვა, ხელი ჩამომართვა. სხვათა შორის, მადლობაც გადამიხადა მაგრამ ეს არ იყო ყოველდღიური, რანაირსაც მე ყმაწვლკაცობიდან ვიყავი ჩვეული. ძალიან ახალგაზრდა ბიჭი ვლერებლობდი, ვიმსახურებდი მადლობებს საკმაოდ დიდი, საბჭოთა თუ სამეურნეო მოხელეებისაგან. მათგან განსხვავებით ეს უკანასკნელი ზედმიწევნით ადამიანური გახლდათ. გათვალისწინებული იყო ჩემი პირუთვნელი ვიზიტის ყველა წვრილმანი, პროფესიონალიზმიდან დაწყებული პიროვნული სითამამე ქვეყნის პრეზიდენტის წინაშე, თუნდაც პანდურები ყოფილიყო მზად შანდლის ქურდი ფარსმან სპარსისათვის.

— სამეგრელოს სამგზის თუ ხუთგზის დალაშქვრა „მხედრონის“ მიერ, ორხელისუფლებიანობა, აფხაზეთში ომის აგორება გუშინდელი დღეა, ყველას თვალწინმდებარე და ყურისძირას მოგრუხუნე, მაგრამ ცოტა ვინმეს თუ მიუწვდება ხელი ჭეშმარიტი ფაქტებისთვის. ვარაუდის დონეზე გამოთქმული შეხედულებანი, გამოტანილი დასკვნები კი სრულყოფილი ვერ იქნება; ვერსია ერთია და თითო- ოროლასთვისდა ცნობილი სინამდვილე — მეორე.

ჯერ კიდევ ოთხმოცდაათ წელს მეუბნებოდნენ ლიტვაში, რომ ევროპის განთავისუფლებისთვის საქართველოს გარკვეული ხარკი უნდა გაეღო, რომ საბჭოეთის სივრციდან უდანაკარგოდ ბალტიისპირეთილა გადიოდა, ხოლო საქართველო კვლავაც მის ჩარჩოებში რჩებოდა, თანაც აფხაზეთში ევროპიდან დემონტაჟებული ოფიცრობის დივიზიონი უნდა დაესახელებინათ. ამას დიხაც მოწმობს აფხაზეთის სეპარატისტული დღევანდელი დემოგრაფიული სურათი. იქ განუხრელად მიმდინარეობს ქართველების საცხოვრისებში სამხედროების ჩასახლება, ცხადია, „გამარჯვების“ გვირგვინით შემოსილი სეპარატისტების მხარდამხარ. დავსძენდი იმასაც, რომ ამასწინათ ოჩამჩირელ ლტოლვილს გამოვე-საუბრე, რომელიც თხზულებაში გვარის დასახელებას მიკრძალავს. სამშვიდობო ძალების წარმომადგენლებს დამგზავრებია საკუთარ ფუძემდე. იქ ვილაც პოლკოვნიკი დახვედრია ქალიშვილითა და შვილიშვილით. მიუპატიჟებია სტუმრები. როცა ვინაობა შეუტყვია

ექსპატრონის „სახლიკაცს“, გადმოუღია რუქა და მიუთითებია ჩვენი „უგვარო“ დევნილის სახლი, რომელზეც მისი ნომერი ყოფილა მიწერილი. ეს ყოველივე 1988 წლით თარიღდებოდა. რამდენად რეალურად გეჩვენება საკითხის ასეთი ინტერპრეტაცია?

— რაც შეეხება 6 იანვარს და სამეგრელოს მრავალგზის დალაშქრვას კანონიერი პრეზიდენტის გამოსარჩლების გამო, ჩვენი ისტორიის ერთ-ერთი უშავესი ფურცელია. უფრო მეტიც, შენ ერთ-ერთ რესპოდენტთან მოყვანილი გაქვს დუტუ მეგრელის ცნობილი ლექსის პერიფრაზი: „ყველა ჩემი სამშობლოა, სამეგრელოს გარდა“. საუბედუროდ, ასეთი რამ ხმამაღლა ისმოდა მაშინ მავანისა და მავანის ბაგეთაგან ჩვენს სამეგრელოში და არა მარტო სამეგრელოში, თბილისშიც კი. ამის მოწმენი ყველანი ვართ. ზოგიერთმა შეიძლება თქვას, რომ ყოველივე ხუმრობა იყო, მაგრამ ვაი, ასეთ ხუმრობას. მოკლედ, სანამ ყველაფერს მთელი სიგრძე-სიგანით არ გავაცნობიერებთ, მანამდე ჩვენი სწავლი ყოფიერების ოპტიმალურ წამალსაც ვერ მოვძებნით, გური, ჭიმა. აი, დარჩელოში, სადაც ხუფენიებიც სახლობენ, ერთ პატარა ქუჩაზე ჩვიდმეტი სახლია გადამწვარი.

— ჯერ ერთი პატარა ქუჩაზე კი არა — ცენტრალურზე და მერე ჩვიდმეტი კი არა — ოცდაშვიდი...

— მაცვი ახლა ჯვარს! ციფრი შეიძლება მეშლება, მთავარია — ფაქტი. ჩვენი მართლმასჯულებად კი ლამის იქამდე მივიდა, რომ ეს სახლები თითქოს არც დამწვარა. აი, გადავხედოთ პერიოდიკას, სადაც დაფიქსირებულია სასამართლო პროცესიდან რეპორტაჟი.

— სახელმწიფომ მგონი რაღაც თანხები გამოყო იმ სახლების აღდგენა-განახლებისთვის, მაგრამ მიიღეს თუ არა ვერ გეტყვი.

— ახლა ეს, ამ შემთხვევაში, მე ნაკლებად მაინტერესებს. მე მაინტერესებს მთავარი: ვალიარეთ თუ არა ის, რომ ეს სახლები გადაწვეს იმ ფორმირებებმა, რომლებსაც ვითომ აფხაზეთი უნდა დაეცვათ. აი, ეს არის ჩემთვის უმნიშვნელოვანესი. რაც შეეხება გადატაკებულ და გაჩანაგებულ საქართველოს, თუ ვერ შეძლო ამ სახლების აღსადგენი თანხების თუნდაც ნაწილობრივი კონპენსაცია, ეს მეორე პრობლემაა, ეს ყველაფერი ჩვენი გაძვალტყავებული ეკონომიკის უმწეობას დაავარაუდოთ, თუმცა ჩემთვის მთავარი სულ სხვა რამეა, კონკრეტულად — ვის, რომელს დაეკისრა პასუხისმგებლობა იმისთვის, რომ ზუგდიდის რაიონის ერთ-ერთ უმშვენიერეს სოფელში ვილაცამ თავისთავს უფლება მისცა ამდგარიყო და ზედიზედ გადაეწვა ათეულობით კარ-მიდამო.

— ამის მიზეზად ასახელებენ კანონიერი ხელისუფლების ქომაგთაგან ჩასაფრებას, გზაზე ჩახდომას აფხაზეთის ომში მიმავლების საწინააღმდეგოდ და თანამებრძოლის დალუპვას შეტაკებაში..

— ჭიმა, გური, სწორედ ეს არის დიდი უბედურება: ვილაცა ვილაცას რაღაცას აწყენინებს და ამის გამო თავს ნებას ვაძლევთ რუსთაველზე ტანკებით გამოვგრუხუნდეთ, დავანგრიოთ საქართველოს დედაქალაქის მთავარი მაგისტრალი. სამეგრელოში ვილაცამ ვილაცას რაღაცას აწყენინა და ამიტომაც დავიკაპიწოთ ხელები და მთელი ქუჩა უნდა გადავწვათ, ხოლო როცა დგება პასუხისმგებლობის საკითხი, თავის გამართლების მოტივაცია ყველას აღმოაჩნდება: ამათ იმიტომ გადაწვეს, რომ ტანკი აუფეთქეს, ამხანაგი მოუკლეს, მაგრამ არავინ ასახელებს რატომ ჩაუსაფრდნენ ისინი, რის გამო, რის გულისთვის. მიზეზის მიზეზი ისევ 91-92-ის მოვლენებთან მიგვიყვანს. ასე რომ, ჩვენ სანამ სიმართლეს არ ვიტყვით, საშველი არ იქნება. რა, არ გახსოვს ის ლოზუნგები, როცა ამ ფორმირებათა ლიდერები გაიძახოდნენ:

უნდა გადავუაროთ სამეგრელოს, უნდა აღმოვფხვრათ და ამოვშანთოთ „იმიზმი“, „ამიზმიო“ და ასე შემდეგ. საიდან ამდენი ბოლმა და ზიზლი? ეს ცნობილი ფრაზა რად ღირს: „სამი დღით უნდა მივცე ზუგდიდი ბიჭებსო“.

— გაორებაში ვარდები, ოთარ, ძმაო. აკი, ზემოთ, მომაკვდინებლად მიიჩნევ 91-92-ის მოვლენების პოლიტიკურ შეფასებას, ახალ კონფრონტაციას წამოაგორებს, რევანშიზმს, თეთრს თეთრი თუ დაერქმევა და შავს — შავიო.

— უყურე, როგორი ჩასაფრებულია?! ახლა მე პოზიციას ვაფიქსირებ, სხვაგან — მეთოდოლოგიურად ვუდგები პრობლემას. ერთმანეთში არ უნდა ავურიოთ ეს ორი მცნება. 91-92-ის მოვლენების სამთავრობო დონეზე პოლიტიკურ და პიროვნულ შეფასებებს შორის უდიდესი განსხვავებაა. პირველი სამართლებრივი ბერკეტების ამოქმედებას გულისხმობს, მეორე — მორალურისა. ხოლო რაც შეეხება სამეგრელოს, ამეების დავიწყებას ასე ადვილად ნურავინ თხოვს, ნურც იმას — თუ ქვეყნის პირველ პრეზიდენტს, კანონიერ ხელისუფლებას რისთვის ექომაგებოდა. სხვა რამ ვთქვათ, სხვა რამ გავიხსენოთ: გააკეთა კი ყველაფერი, აკეთებს კი ყველაფერს ცენტრალური ხელისუფლება სირცხვილის ოფლი მოიწმინდოს სამეგრელოს წინაშე?

— ნამდვილი სახელმწიფო მოხელე ხარ? როცა „ყველაფერი“ ამბობ, ესე იგი ცოტა მაინც გაუკეთებია თურმე. სინამდვილეში კი ამ მიმართებით აბსოლუტური უდაბნოეთია. ჩემი არ გეგონოს, პოეტის სიტყვებია: „უძარღვო შუბლი ჯოჯოხეთზე საშინელია“. არა, არ გამოგვდის თანამიმდევრული საუბარი. მიუხედავად იმისა, რომ სცენარი მზად არის, მაინც ქაოსურია ჩვენი სჯა-ბაასი, თუმცა როგორც იტყვიან, შესაერებთა ადგილის შეცვლით ჯამი არ იცვლება. ამასწინანდელ პუბლიკაციაში „მუშლიმუხასა აფხაზეთისათვის“ (იხ. სუფევა II), შევნიშნავ, რომ დამთავრდა მეორე ეტაპი, გნებავთ რაუნდი, აფხაზურ-ქართულ კონფლიქტს შორის-მეთქი. არძინბა შიშით შეხკანკალებს აფხაზეთიდან რუსეთის „სამშვიდობო“ ჯარების გასვლას. აფხაზურ-ქართულს ვუწოდებთ ომს, რომლის რეალური სუბიექტები საქართველო და რუსეთია, როცა იმპერიის ზეგავლენის სფეროდან გავრბივართ ორსაუკუნოვანი მონები; აბრეშუმის პრეისტორიულ გზას ადვადგენთ, ნავთობსადენს ჩავბლაუჭებთ ვადარჩენის, სამომავლო ფუნქციის ერთადერთ გარანტიად, თუმცა ჩრდილოური ეკონომიკა კვლავაც მოედინება ჩვენს ძარღვებში ცხინვალის კონტრაბანდის სახით. ოთარ, ძმაო, აქ მე შედარებით ვრცელი ვიქნები. ბოლოს და ბოლოს ჩემეული პოზიციაც წაგადგება საკომენტაროდ, როგორც ხალხის გულისნადებისა.

სანამ რუსეთს განველტვით, ისინი ცდილობენ აფხაზეთი ჩამოგვაჭრან და ამ ფაქტორით გამოჭერილად გვიყოლიონ თავიანთი წინადადებებისთვის მუხლის მოდრეკვამდე, მაგრამ დასავლური ორიენტაციის პირობებშიც რომ ქვეყანა სრული კატასტროფის წინაშეა? სავალუტო ფონდის თუ სხვათა რეკომენდაციების კვალობაზე ჩვენი ეკონომიკური პოტენციალი დღითი დღე რომ ეცემა? არ იწარმოება პროდუქცია. არ ისახება პერსპექტივები ქვეყნის ინდუსტრიალიზაციისკენ. მხოლოდ მომხმარებლურ ფსიქიკას ვნერგავთ, სადაც საქართველო საშვილიშვილოდ სხვის ბაზარს მიჯაჭვა ელის. ესეც რუსული მოდელის ნაირსახეობაა. მაშინ ნაწილობრივ მაინც ვმონაწილეობდით პროდუქციის შექმნაში, მაგრამ დამოუკიდებლად არ შეგვეძლო, ვთქვათ, სიტყვისთვის, და თვითმფრინავის თუ მანქანის წარმოება. გადანასკვული ვიყავით საბჭოეთის უკიდვანო სივრცეს ათასი ეკონომიკური ძაფით: ჭანჭიკი ვლადივოსტოკიდან მოდიოდა, ქანჩი — ასტრახანიდან, საბურავი — კურსკიდან და ლილვი — ურალიდან. ამჟამად, ეს ყველაფერი მზამზარეულად, გაერთიანებულად, საბოლოო სახით მოედინება ამერიკიდან, ევროპიდან, უმეტესწილად ჩაწოლილი, გაუსაღებელი, ბაზრის უქონელი საქონელი და ჩვენი მოსახლეობა შეუსვენებელი ცოხნისთვისაა გზადალოცვილი.

მე კი დროშასავით ვაფრიალებდი და ვაფრიალებ იულიუს კეისრის საქვეყნოდ ცნობილ **Aut Gaesar, aut nihil**-ის პერიფრაზს:

ან საქართველო, ან — არაფერი-მეთქი.

ყოველ შემთხვევისათვის ამნაირი პოზიციის ხელისუფლებას ვისურვებდი დღეს თუ არ გვყავს, ახლო მომავალში მაინც.

შესაძლოა ქვეყნის პრეზიდენტთან უამრავი საკამათო გვექონდეს წვრილმან თუ მსხვილმან საკითხებში, მაგრამ რასაც მოვლენებთან გლობალური მიდგომები ხქვია, აქ აზრთა თანხედრობა დიახაც გემართებს ოპოზიციას, პოზიციას თუ ნეიტრალებს, ანუ ნორმალური ქართველისთვის უალტერნატივოდ უნდა აღიქმებოდეს აბრეშუმის ისტორიული გზის, ნავთობსადენის მაგისტრალის გავლით ჩვენი სამშობლოსთვის საერთაშორისო ფუნქციის შექმნის შანსი და აქედან გამომდინარე, არათუ საქართველოსთვის, სრულიად კავკასიის ხალხთა ჭეშმარიტი თავისუფლების დამკვიდრების შესაძლებლობა.

რახან საუბრის სადავეები ხელში ჩამიგდია, კვლავ ახლო წარსულს მივუბრუნდები: სოციალისტური გარანტიებით გაზულუქებულმა ჩვენმა საზოგადოებამ პირდაპირ ეტნაში ისკუპა. არის ასეთი ვულკანი იტალიაში. ისკუპა კი არა, გადაახტუნეს იმ გავარვარებულ კრატერში, რომელ ურთიერთობასაც ზოგჯერ საბაზროსაც ვუწოდებთ ხატოვნად.

მოვშალეთ ჩვენი ტრადიციული განათლების, ჯანდაცვის გარანტიები და მოსახლეობა ტიტლიკანა, უმწეო შევატოვეთ ხელში მონსტრს — აქამდე ჩვენთვის სავსებით უცნობ საბაზრო ურთიერთობის წეს-თამაშს. ასეთ სიტუაციაში, ის ასეული ქართველი მილიონარისა, ცა ქუდად რომ მიჩნია და დედამიწა ქალამნად, უწინარესად ქვეყნის პრეზიდენტის, ბატონ ედუარდის ხელდასხმულია და მაოცებს პირდაპირ — თავიანთ აღმზვევებელს მხარს რომ არ უბამენ. ნუთუ მათთვის არ არის გაცნობიერებული, რომ საქართველოს სადღეისო ორიენტირს აცდენის შემთხვევაში, (ნავთობსადენის მშენებლობის ჩაშლას და საერთაშორისო ფუნქციის მოპოვების დაკარგვას ვგულისხმობ,) კვლავ ჩრდილოეთის ზეგავლენის სფეროში აღმოვჩნდებით და წყალში ჩაყრებათ მეტწილად საექვო რეპუტაციით მოპოვებული მილიონები?!

მაშ, რისთვის იგვიანებს თანადგომა? ორმილიარდნახევარი დოლარის ინვესტიციის საკმაოდ სოლიდური ნაწილი ხომ ფაქტობრივად მათ ჯიბეში ჩაჩხრიკლებულა? იქიდან ხალხს ხომ მეოთხედითაც არ უსარგებლია? საზოგადოების საშვილიშვილო ვალით მილიონებს ატრიალებენ და საკუთარ ერს სულის ამოთქმის საშუალებას არ აძლევენ.

ოთარ, ძმაო, მე გულისყურით ვაკვირდები უმადლესი ეშელონის ოფიციალურ თათბირებს ტელევიზორის ეკრანიდან. მამულის მემატინეს სხვანაირად არ ძალმიძს და იცი რა მაკვირვებს ყველაზე მეტად? სამშობლოსთვის გულანთებულ ადამიანებს ნაკლებად ვხედავ იმ დარბაზში. ფულის შოვნის ციებ-ცხელებამ, როგორც ჩანს, ძარღვებიდან პატროფილური სულისკვეთება ამოგვწოვა ვამპირული თვისებით. ქვეყნის პრეზიდენტი დასალუპავად განწირული ხომალდის კაპიტანივით გადასცემს რადიოგრამას ოთხივ კუთხით: „SOS“-ო! „SOS“-ო — გახყირის ხალხიც, მაგრამ შემოჭარული სახეები გამოფიტულია, გვადი ბიგვასავით ხელის ჩამორთმევისას ზოგს ორი თითი მოლუნვია, ზოგს — სამი და ზოგსაც — ხუთივე. ფულის სახსენებელმა მოსრა მათი პიროვნული ღირსებანი.

ვიმეორებ, არ იქნება ნავთობსადენი? არ იქნება საქართველოს რეალური თავისუფლება გარკვეული პერიოდის მანძილზე. ეს კი ნიშნავს ჩვენ ნებაყოფლობით დაჯიბრუნდეთ პრორუსულ პოლიტიკურ-ეკონომიკურ სივრცეს. ზოდა, უკვე საუბარი იქნება არა გადამალული თანხების გამოაშკარავებაზე ბიუჯეტის სასარგებლოდ, არამედ იმაზე, თუ „ახალმა ქართველებმა“ თავი როგორ დაიძვრინონ ყულფისგან, ვინაიდან მსგავს სიტუაციაში ჩვენი პარლამენტის ერთ-ერთი მონაპოვარი — ადამიანის სიცოცხლის ხელყოფის გაუქმება — წარსულს ჩაბარდება, კვალინდებურად ავანსცენაზე გამოვა ეშაფოტი, საჯალათო კუნძი-ქოცო-საქონდაქრე და ნაჯახი.

— გური, ჯიმა, ვეჭვობ ქრისტიანი იყო. საიდან მივუდგე ახლა ამ ოკეანეს? მაინტერესებს რა გიწერია იმ დიპლომაში, ჟურნალისტის კვალიფიკაცია, ეკონომისტის თუ ფილოსოფოსისა? ილაპარაკე შენ და დაგიქნევ თავს!

უმჯობესია ისევ სავალუტო ფონდიდან დავიწყო, სამომხმარებლო ქვეყნად ხომ არ გადავიქცევითო, რომ ამბობ. ესეც ზღვა თემაა თავისთავად, ძალიან დიდი თემა, მაგრამ ერთ რამეს კი გეტყვი: სამწუხაროდ, საქართველოში ჩემი აზრით დღესაც არ არის ერთიანი ეკონომიკური ბირთვი, რომელსაც ხელეწიფება შეიმუშაოს და მერე თავის თავზე აილოს პასუხისმგებლობა ქვეყანაში თავისი ეკონომიკური პოლიტიკა განახორციელოს. შორს რომ არ წავიდე, ამისი კლასიკური მაგალითი 1999 წლის ბიუჯეტია. შეიძლება ყოველდამე ბიუჯეტი შეიცვალოს?

— ჩვენთან ყველაფერი შეიძლება.

— სავალალოდ. ეს ხომ ნიშნავს იმას, რომ ქვეყანას მყარი, თუნდაც რაღაცნაირად მდგრადი ეკონომიკური პოლიტიკა არ გააჩნია. შეიძლება პარლამენტის ტრიბუნლიდან განვაცხადოთ:

იცით, ამ ციფრს ვერ შევცვლით, უნდა შევუთანხმოთ სავალუტო ფონდს, მერე კიდევ ვილაპარაკებ ბოლოს საქართველოს პრეზიდენტსო.

სამთავრობო ლოჯაში ვიჯექი გუშინწინ და შემერცხვა პირდაპირ, როდესაც ქალბატონი ლანა ლოლობერიძე ხუთას ათასი ლარის სუფსიდიას ითხოვდა, ახლახან საქვეყნოდ ცნობილი, ამჟამად სრულიად გაჩანაგებული ქართული კინემატოგრაფიის ასაღორძინებლად და ამის სათათბიროდ სამსაათიანი შესვენება გამოვაცხადეთ.

— არ მოგცა სავალუტო ფონდმა შეპირებული 60 მილიონი დოლარი, მაგრამ არ დავხოცილვართ. ჩვენ უკვე გამოვიმუშავეთ შიმშილისგან თავდაცვის ქართული იმუნიტეტი. ამ რვა წლის მანძილზე მართონულმა მარხვებმა გაგვაკაჟა. ამისხენი ერთი თუ ძმა ხარ, მაინც რას ნიშნავს მათი დაფინანსება ჩვენი ეკონომიკისათვის?

— ბევრს, ძალიან ბევრს, გური, ჯიმა.

— მაგრამ არა ყველაფერს.

— ხო, ცხადია, თუმცა მსოფლიო ბანკისა და სავალუტო ფონდის დახმარება რომ არა ბიუჯეტის შევსების თვალსაზრისით, ჩვენ შეიძლება აქამდე ძალიან გაგვკვირვებოდა თავის მოტანა, მაგრამ ეს სულაც არ ნიშნავს იმას, რომ ჩვენ არ შეგვეძლო სავალუტო ფონდის, მსოფლიო ბანკის თუ ნებისმიერი სხვა საერთაშორისო ორგანიზაციის გადაწყვეტილების თუ რეკომენდაციის აპელირება.

— ლამაზი თვალებისთვის, ბუნებრივია, დღეს ფულს არავინ იძლევა. რა პრინციპი, რა ინტერესი, რა ლაიტმოტივი ეფუძვნება საქართველოსთვის გაწეულ ფინანსურ დახმარებებს?

— ახლა, ჩემგან, როგორი უხერხულიც უნდა იყოს, მაინც უნდა გითხრა, სავალუტო ფონდის, მსოფლიო ბანკის თუ მრავალი საერთაშორისო ორგანიზაციის ასეთი დახმარებები საქართველოს, რუსეთის თუ სხვათა მიმართ ემსახურება ერთ კონკრეტულ მიზანს: მსოფლიოს ახალ გადანაწილე-

ბას.

— ჩვენში მსჯელობაა იმის თაობაზე, რომ თითქოს ფინანსურ კრიზისში ვიმყოფებით, სხვანი ეკონომიკურ კრიზისს ასახელებენ...

— ფინანსური კრიზისი წარმოუდგენელია ცარიელ ნიდაგზე წარმოიშვას. ხელისუფლებას შეიძლება გაექცეს ინფლაციის ტემპი, შეიძლება ვერ გასცეს ხელფასი და პენსია, დეფიციტი წარმოიშვას ბიუჯეტში, მაგრამ ეს გაცილებით ხანმოკლეა იმასთან შედარებით, რაც საქართველოში მიმდინარეობს. ამიტომაც გულუბრყვილობაა და თავის მოტყუება როყო განცხადებანი, თითქოს საქართველოში წარმოშობილი ფინანსური დეფიციტი, ბიუჯეტის დეფიციტი, მხოლოდ საბაჟო და საგადასახადო სამსახურების ბრალია. ჩვენ უნდა ვალიაროთ, რომ გვაქვს სერიოზული შეცდომები ეკონომიკურ პოლიტიკაში მთლიანად.

— უფრო კონკრეტულად...

— უფრო კონკრეტულად, გური, ჯიმა, ვერ მოვძებნეთ მექანიზმი ქართული მეწარმეობის განვითარებისთვის, ჩვენი ბაზრის დაცვისათვის და ქვეყნის შიგნით კონკურენტუნარიანი გარემოს შესაქმნელად. ლუდის მაგალითიც რომ ავიღოთ, მიუხედავად ჩემი გარკვეული სიმპათიებისა მელუდებთან, მაინც მონოპოლიზმამდე მივედით.

— ლიტრი ლუდი ლარნახევარი გავხადეთ, როცა თავანკარა „რქაწითელს“ სამოც თეთრად ყიდის კახელი მევენახე. ამას წინათ, მგონი ქართველ მეწარმეთა კავშირი ხქვია, ჯულელიც, თოფაძეც თავინათ თანამზრახველებთან ერთად მწერალთა კავშირში შეხვდნენ საქვეყნოდ აღიარებულ ხელოვან ხალხს და იქ იყო საუბარი თანადგომაზე, რომ განუხრელი დაცვა სჭირდება შიდა მეწარმეობას. როგორც ჩანს, მათი დასკვნები მთლად უსაფუძვლო არ ყოფილა.

— ქართველ მეწარმეებს ძალიან ბევრი ყურადსაღები დასკვნა აქვთ გაკეთებული, მაგრამ არის ერთი „მაგრამ“... ერთის მხარეც მისასალმებელია უცხოური ფალსიფიცირებული ლუდის ქართული ბაზრიდან განდევნა, მაგრამ არც მეორე უკიდურესობაა სახარბიელო, როცა იგივე ბაზარზე ვამკვიდრებთ მონოპოლიურ ლუდს. ჩემი სტილი არ არის ვინმეს კრიჭაში ჩადგომა, მთავარი პროცესია, ზოგადი და არა — გვარები, კონკრეტული. მონოპოლიზაციასთან მიმართებაში ვაკეთებ ასეთ შეფასებას, თორემ ბატონ გოგი თოფაძესთან საპოლემიკო რა მაქვს. მე ხომ დაბეჯითებით ვიცი, რომ აქ თოფაძე არაფერ უშუაშია, ყოველივე ქვეყანაში დამკვიდრებული დასაგმობი მექანიზმის მიზეზითაა. უარესს გეტყვი: ჯანდაბაა, აბა, სხვა რა უნდა დაერქვას სიტუაციას, როცა თურქეთიდან კონტინერებით შემოვა კარტოფილი და იმავე კონტინერებით ადგილობრივი წარმოების კარტოფილსვე გაიტანენ უკან?!

— რა და თვალთმაქცობა, ოთარ, ძმაო, მოლორება ჩვენებურად, გნებავს ამ სიტყვის სხვა მნიშვნელობასთან დაკავშირებული ქმედება. ეკოლოგიურად სუფთა ჩვენი სასოფლო პროდუქტის სანაცვლოდ გვაჩიებენ პესტიციდებით გაჭერებულს, ხერბიციდებით გაჭყპილს. ნუთუ სხვაობას ვერ ამჩნევ?

— ცამდე მართალს ამბობ, მაგრამ იქ არის კიდევ სუფთა ბიზნესთან დაკავშირებული სხვა ნიუანსებიც. ჩვენთან გამომუშავებული ელექტროენერგია არ საღდება, უცხოეთში ვყიდულობთ მხოლოდ იმისთვის, რომ იქ გარიგების, კერძო ინტერესების სტიმულირების მეტი შანსია, მარტივად რომ ვთქვათ ქრთამის აღებისა. გქონდეს ქვეყანაში უნიკალური მეხილეობა, გქონდეს უამრავი მიკროქარხანა და უზარმაზარი მოცულობით ცეცხლწაყიდებული ფასების წვენები საზღვარგარეთიდან შემოგქონდეს, რა ეკონომიკური პოლიტიკაა ნეტავ?

ან შეიძლება ქვეყნის ბიუჯეტი შედგეს იმგვარად, რომ ეკონომიკის სამინისტროს გაბუქებული ინდიკატორული გეგმით, გარეკილ-გამორეკილი ციფრებით, ბრმა, უსინათლო მეგზურით იხელმძღვანელოს ფინანსთა სამინისტრომ, შეაკოწიწოს ბიუჯეტი, მერე ამ ბიუჯეტის შესრულება დაევალოს საგადასახადო და საბაჟო სამსახურებს და ცხადია როცა ჩავარდნისთვის ჩანასახშივე განწირული, ვეღარ შესრულდება, ყველამ ურცხვად იმართლოს თავი:

ეკონომიკის სამინისტრომ: მე რა, პროგნოზი გავაკეთეო;

საგადასახადო და საბაჟო იძახონ: ჩვენ რა, არ არის ბატონებო, ეს წყული შემოსავალი თქვენი პროგნოზითა და გაკეთებული ციფრითო, და აქვე გარკვეული გამართლება მოუძებნოს საკუთარ ინტერესებს ამღვრეულ წყალში. ეს არის ბლოკი?! ეს არის ეკონომიკური გუნდი?! აი, რაზე მტკივა გული.

— შენს მიერ ოკეანედ მონათლულ კითხვაში მივანიშნებდი რა მოტივაციით ვასტიმულებთ საქართველოში სამომხმარებლო ფსიქოლოგიის დანერგვას. ჩემი შეხედულებით, ამისი ქვაკუთხედი მსოფლიოში არსებული ჭარბი პროდუქცია, რომელიც საქართველოში კონტრაბანდის სახით

შემოდის განუბაჟებლად.

— მოდი, ჯერ ეს ტერმინი დავაზუსტოთ. რას ხქვია „სამომხმარებლო ქვეყნად გადაქცევა?“ ტერმინი „სამომხმარებლო“ ორბუნებოვანია. ქვეყანამ შეიძლება საკუთარიც მოიხმაროს და სხვისიც.

— მე სხვის პროდუქცია-საქონელზე დამოკიდებულებას ვგულისხმობ ადგილობრივის იგნორირების ხარჯზე.

— გასაგებია. ამას ყველა ქვეყანაში შიდა ბაზრის დაცვა ხქვია.

— მგონი, შენგან მსმენია: თურმე როდესაც საფრანგეთში კაცი ჩაბრძანდება, გნებავთ ტურისტად, გნებავთ — საქმიანი ვიზიტით, ამას მნიშვნელობა არა აქვს, რესტორანში ორი ბოთლი ღვინის შეტანის უფლება აქვს, მაგრამ უკვე მესამე ბოთლზე 50 ფრანკია გადასახდელი, საქართველოდან ჩატანილია იგი თუ იქვე, მაღაზიაში შექენილი.

— რა კარგი მაგალითი მომაშველე. აი, რას ნიშნავს შიდა ბაზრის დაცვა, ეკონომიკის პატრიოტული პოლიტიკა!

22 .29.

— „ოკეანე კითხვის ზვირთებს“ გზადაგზა მივუბრუნდებით, ახლა კი წლების წინანდელი ჩვენს საუბარი გამახსენდა უნებლიეთ: ბატონ ზვიად გამსახურდიასი არ იყოს, ბატონ ედუარდსაც მგონი ოთხგზის შეხვედრიხარ. ამ მხრივ გაწონსაწორებულ მდგომარეობაში იმყოფები, ცხადია, რაოდენობრივი პარამეტრებით, თორემ თვისებრივი სხვადასხვაობა უსათუოდ იქნება, უკეთ რომელიმე-სადმი შენეული, პიროვნული, მეტობით ან ნაკლებობით თანადგომა. თუმცა სანამ ამ ორი ანტიპოდი ხელწერის პოლიტიკოსს შორის სიმპათია-ანტიპათიის ზღვრები დაგვიდგენია, იქნებ განმარტო, სად შეხვდი პირველად ბატონ ედუარდს, ეროვნულ მოძრაობამდე თუ მერმე?

— ჩვენ ხომ შევთანხმდით, ეროვნული მოძრაობა უწყვეტად იყო-თქო? მდინარის შუაწელს და შესართავს სათავე კვებავს, მათი ერთმანეთისგან დაშორება აბსურდია, შეუძლებელი. რაც შეეხება ჩვენს შეხვედრას, ეს იყო 1981 წელს. იმ დროს ბატონი ედუარდი ცკ-ას პირველი მდივანი გახლდათ, მე კი — სახალხო მეურნეობის მართვის ინსტიტუტის უფროსი მასწავლებელი. მე მაშინ ვიყავი „საქქვანახშირის“ მთავარი ინჟინრის, ბატონ ვაჟა ვეკუას დიპლომის ხელმძღვანელი და შევასრულეთ კიდევ ერთობლივად თემა: „საქნახშირის“ ეფექტიანობის კომპლექსური მართვის სისტემის შესახებ“, — იცინის, — ალბათ, აბრადაკაბრა შენებურად, მაგრამ წარმოიდგინე უმაღლესი შეფასება დავიმსახურეთ ბატონმა ვაჟამ და მეც, როგორც მეცნიერ-ხელმძღვანელმა. როცა ჩვენს ინსტიტუტს, უფრო კონკრეტულად კი ჩვენს კათედრას პროფესორ ნუგზარ სანთელაძის ხელმძღვანელობით, ბატონი ედუარდი ეწვია. მას სათანადოდ წარუდგინეს სრულიად ახალგაზრდა ხელმძღვანელის პერსონა ჩემი სახით და სადიპლომო ნაშრომი ცხრილებით, დიაგრამებით, თვალსაჩინოებით. დამიჯერებ, ნაშრომი მართლაც მაშინდელი ეკონომიკურ მეცნიერებათა კანდიდატის დისერტაციის მოთხოვნებს, — იცინის, — აკმაყოფილებდა, და მარტივად რომ ვქთვათ, გაუკვირდა ბატონ ედუარდს, რომ ლამის ლაწირაკი ასეთი მაღალი რანგის სამეურნეო მუშაკს ვხელმძღვანელობდი. ხკითხა კიდევ ბატონ ვაჟას:

თქვენ დაგენმართ ეგ, — თითი მომაშვირა, — ნაშრომის შემუშავებაშიო. მან კი გულლიად უპასუხა:

ედუარდ ამბროსოვიჩ, მე ინჟინერი კაცი ვარ. აქ რაც წერია, ამის ბაიბურში არა ვარ. მე მას მოვუყვი, რაც ხდება ჩვენს სისტემაში და მერე თვითონ მოაბა თავი ყველაფერსო. კარგად მახსოვს, სწორედ მაშინ ბრძანა ბატონმა ედუარდმა:

იქნებ ეს ნაშრომი ცალკე ბოშურად გამოგვეცა, რათა სხვა სამეურნეო ხელმძღვანელებმაც მიბაძონო.

აი, ახლა, დღევანდელი გადასახედიდან, ჩემთვის ნიშანდობლივი სულ სხვა გარემოებაა: პოლიტიკოსის თვალთ დანახული მეცნიერისა და მეწარმის სინთეზი დღევანდელი ტერმინოლოგიით, მათი თანამშრომლობის აუცილებელი პერსპექტივა.

პოლიტიკოსმა შესანიშნავად დაინახა ის, რომ არსებობს ეკონომიკური მეცნიერება, რომელიც გარკვეულწილად მოწყვეტილია პრაქტიკას და არსებობს სამეურნეო პრაქტიკა, რომელიც აგრეთვე ჩამოშორებულია მეცნიერებას.

— ბატონ ედუარდს მახვილი თვალი რომ აქვს, ამაში ეჭვის შეტანა უმეცრებაა. თითქოს არც გიყურებს, მაგრამ ფეხის ფრჩხილებამდე გატანას მისი გამჭოლი მზერა. ერთხელ დაგაფიქსირებს

და მერმე მოხელთებულს ისე გამოგზიგნავს, ისე დაგარენტგენებს, დაგასხივებს, წრიალი შეგიწინდებს. მქონია ამისთანა შემთხვევა, პარლამენტის სხდომას ვესწრებოდი პრესის ლოჯაში მეგობარ მწერალთან, ზაურ კალანდიასთან ერთად. მხოლოდ წამით გამისწორა თვალი, მთელი არსებით წამოვიდა ჩემამდე, შემოაღწია ჩემში ელექტრონისმაგვარი ძაბვით და ასევე უკუღმა ზღვის ტალღასავით, უკუღმა გარეგნულად, სინამდვილეში კი გვარიან ხანს დარჩა ჩემში, და მჯერა, იმ მეყსეულ განჩხრეკვაში უცებ აღმადგინა ჭურიაში გარდახდილი რეალობებით თუ სხვა ეფემერული კონტაქტიდან.

— დიახ, მისი გამორჩეული ალღოიანობა ჩემთვის გასაგებია დღევანდელი თვალსაწიერიდან. დავაკვირდეთ მაღალი რანგის ნებისმიერ პოლიტიკურ მოღვაწეს, გნებავთ მთავრობის ნებისმიერ წევრს, მსგავსი უნარით ვერავინ დაიკვეხნის. თვრამეტი წლის წინ კი არა დღესაც ვერ ამჩნევენ ისინი ამ კავშირის აუცილებლობას.

მოვიშველიებ მარტივ მაგალითს, საქართველოს მეწარმეთაგან განათლების, ცოდნის მისაღებად განა ვინმე გაიღებს გახვრეტილ თეთრსაც კი? სავალალოდ არავინ. ის რაც 81 წელს პარტიულმა ხელმძღვანელმა მიანიშნა, აი, იმ ელემენტარულ, უბრალო საუბარში, ამდენი წლის მერე, მთელი თაობის პერიოდი რომ გახლავთ, დღესაც არ არის აბსოლუტური უმეტესობისთვის თვალსაჩინო და არც ამისი განცხადების მეშინია, რომ ეს სტილია ბატონი ედუარდის მოღვაწეობისა, მისი საქმიანობისა, იმ თვალსაზრისითაც, რომ აი, ასეთი მარტივი მიდგომებით შეუძლია ძალიან შორს მიმავალი ამოცანების დასახვა და მინიშნება.

— ბატონი ედუარდის გამბედაობის ამბავი მის ალღოიანობაზე უფროა ცნობილი, მაგრამ მიმაჩნია, ერთს მეორე განაპირობებს და პირიქით. საჯაროდ მოიშველიებენ 78-ის 14 აპრილს, კონფლიქტს სტალიონზე ფეხბურთის მატჩის დროს, აფხაზეთში დაფორაჯებული ფარავით წარბ შეუხრელ გამგზავრებას თუ აზრიანობის არდაკარგვას ტერაქტების სერიისას: აფეთქებული მანქანის ფანჯრიდან თვითონ გამობობლდება და მგონი მედპუნქტამდეც დაუხმარებლად მივა.

ნათქვამია, მამაცებს ბედი სწყალობთო. ჩვენ არ ვატოლებთ ვინ უფრო ჩაუქია, ბუნკერში, საკუთარი „მოყვასიგან“ გამომწყვდეული პრეზიდენტი გამსახურდია, რომელსაც „თავისიანები“ უშენდნენ ზარბაზნს თუ მოავლანებული რუსების ტყვიების წვიმაში სანგარ-სანგარ მოხეტიალე სახელმწიფო საბჭოს მეთაური მეომართა სულისკვეთების აღსაზევებლად; მაგრამ მაინტერესებს, რა თემას შეეხებთ მეორე საუბრისას და აქვე, რამდენად გამართლებულია მშვიდობიანი მოსახლეობის თანდასწრებით საომარი მოქმედების გამართვა აფხაზეთში?

ამბობენ იმასაც, რომ მშვიდობიანი მოსახლეობა წინასწარ განზრახული, ხელებზე განგებ დადებული ხუნდი იყო ჩვენი ვაჟკაცებისთვის, ომის წაგების მიზნითო, ვინაიდან, სხვა შემთხვევაში, ქართველების წარმატებას წინ ვერაფერი დაუდგებოდაო და ევროპიდან, შვიდთა შეთანხმების საფუძველზე დემობილიზებული ოფიცრების დაბინავებას, საშველი არ დაადგებოდაო, კოვზი ნაცარში ჩაუვარდებოდათ გარიგების მონაწილე მხარეებს და აქ ანგარიშსწორებაც არ დააყოვნებდაო.

— მის ალღოიანობაზე გეტყვით კიდევ. ეს უკვე შედარებით ახლო პერიოდია, როდესაც ბატონი ედუარდი სახელმწიფო საბჭოს თავმჯდომარე, და საბჭოსთან ერთად ისმენს ამა თუ იმ უწყობის ანგარიშს. მას წყვეტა ხქონდა, 5-6 წლის განმავლობაში არ იყო საქართველოში და ცხადია, ამ პერიოდში ქვეყანაში ბევრი რამ შეიცვალა. ერთ-ერთი ასეთი პირველი ანგარიშის გაკეთება მომიწია მე, როგორც სახელმწიფო ფონდის გენერალურ დირექტორს. ახლა წარმოიდგინე, ვინ ზის ამ დროს აუდიტორიაში? მე პიროვნულად არავის შეუურაცხყოფ, მაგრამ ეს არის სამოქალაქო ომგადატანილი, ასე ვთქვათ...

— საკუთარ ძმათა სისხლზე დაგეშილი, — შევაწევ სიტყვას წამიერად შეყოვნებულს და ისიც შეუფერხებლად გააგრძელებს:

— საზოგადოება. მისი დიდი ნაწილი კრიმინალურია. ამ დროს მე ვხვდები, რომ გავხსნა მექანიზმი ფონდისა, რომელიც არის უშველებელი საფინანსო-საბანკო სისტემა და გააჩნია დიდი პერსპექტივა, როგორც სადაზღვევო სისტემას — გარკვეული ფინანსების პატრონს, ვაი, შენს ოთარ ხუფენიას ხვალ რაც მოუვა! ამიტომ ვცდილობ ჩემს ანგარიშში საკითხი წარმოვადგინო მხოლოდ მოდელის დონეზე, დარწმუნებული იმაში, რომ ამ დარბაზში ორი-სამი კაცი შეიძლება მიხვდეს. ბუნებრივია, ყველაფერი გათვლილია ბატონ ედუარდზე, თუ როგორ იწყება, ვთქვათ, პროფკავშირებიდან სოცდაზღვევის სახსრების გამოყოფა და რას ნიშნავს მისი სახელმწიფო საკუთრებად გადაქცევა. ან რანაირად შეიძლება აქ რეზერვის გაკეთება, რომელიც მიზანმიმართულად მოხმარდება მერე ფარულ სახელმწიფო ეკონომიკურ პოლიტიკას. ყველაფერ ამაზე ვლაპარაკობ მინიშნე-

ბით, რათა პროფესიონალი მივახვედრო: საქართველოში მართლაც კარგი რაღაცაა დაწყებული და ამას მხარდაჭერა სჭირდება. საღლაც ხუთ წუთში ვამთავრებ ჩემს ინფორმაციას. ნუ, შეკითხვები არის ზოგადი, უაზრო, იმიტომ რომ თვითონ აუდიტორია ასეთი და ამისთანა სიტუაციაში უცებ თავდაცვის ფონდის თავმჯდომარე, ბატონი ჭაბუა ამირეჯიბი მეკითხება:

ბატონო, ოთარ, თუ შეიძლება დაასახელოთ თქვენი ფონდის შევსების წყაროები და ამ წყაროების მიხედვით რა თანხაზეა საუბარი.

ვაი, შენს ოთარს... ბუნებრივია, ვაკეთებ კომს. რასკვირველია, შველა მინდა, ნამდვილად მინდა შველა, რომ ოსტატურად ავარიდო თავი ამ კითხვას, თუმცა ისიც ხომ გასათვალისწინებელია თუ ვისგან მოდის იგი — ჩემთვის და ყველასგან ფრიად საპატივცემლო კაცისგან, ბატონი ჭაბუასგან ბოლოს და ბოლოს. ეს წუთია და ფსიქოლოგიურ დაძაბულობაში თანადროულად ჩაერევა ბატონი ედუარდი:

ბატონო, ჭაბუა, ჩვეული სიღინჩით მიუგებს იგი, ოთარი ახალგაზრდა კაცია, როგორც ვნახეთ აკეთებს ძალიან კარგ საქმეს და კითხვებით არ გადავალვით, გააგრძელოს თავისი მუშაობაო.

ახლა მე თითქმის სტენოგრაფიული სიზუსტით ვამბობ იმას, რაც მაშინ სახელმწიფო საბჭოს თავმჯდომარემ ბრძანა. ხოდა, არც ვაციებ და არც ვაცხელებ, მოვკრეფ ჩემს ქაღალდებს და ვგრევე ჩამოვბარგდები ტრიბუნიდან. ეს იყო ჩემი შველა იმ შემთხვევაში. ესეც ბატონი ედუარდის მართლაც საოცარ ალღოანობაზე მიუთითებს. ბუნებრივია, მას ნამდვილად არ ხქონდა წაკითხული სახელმწიფო ფონდის დებულება, ნამდვილად არ იყო გაცნობილი იმ კონცეფციას თუ როგორ, რატომ და რისთვის კეთდება ყოველივე, — ოსკარი გააფთრებით ყფს და ყფს, — არ ხქონდა წაკითხული ის კონცეფცია, რომელიც ჯერ კიდევ 1988 წელს დაიწერა ბატონების: ირაკლი მენაღარიშვილის, თენგიზ ჯინჯოლავას, გოგი ქირიას, ზურაბ ჯინჯინაძის და შენი ძუძუმტეს მონაწილეობით, მაგრამ ბატონმა ედუარდმა ძალიან მარტივად, უზუსტესად ამოიცნო და ამოიკითხა რაზეც იყო საუბარი.

— მესამე შეხვედრისას რამ მიიპყრო შენი ყურადღება? როგორი იყო პრობლემა, საქმის ხერხემალი? ჩემთვის ცნობილია ერთი სინამდვილე, რომ აქა-იქ ხუმრობით ასეთი ფრაზაც გაჟღერებულა შენზე უმაღლეს ემელონებში: ულვაშა ჯერჯერობით საჭიროაო.

კახეთში საქვეყნოდ ცნობილი ქალბატონი შემდეგი სიტყვებით მოგმართავდა: ჩვენი ხუფენამვილიო.

ფრთიანი გამონათქვამები უცხოელებსაც უყვართ ხოლმე. მახსენდება ერთ-ერთი კომერციული თუ სახელმწიფო საპენსიო სადაზღვევო კომპანიის მისიონერის მახვილსიტყვაობა:

დიდი შევარდნაძე და პატარა ხუფენია.

ამას წინათ კი თუ არ ვცდები, მთლად „ქართველი ბისმარკი“ გიწოდეს.

ეს ყველაფერი, ოთარ, ძმაო, გამოწვეულია შენი მჭევრმეტყველების უზადობით და კიდევ იმით, რომ ვიწრო პარტიკულარული მსოფლგანცდისგან თავისუფალი ხარ. ჩვენ ერთ კონცეფციაზე ვდგავართ მყარად, როგორც ერთი ძუძუნაწოვი ხალხი, ერთი სიბრძნით ნასაზრდოები ოტობაი-ელნი:

რომ საქართველო არარაობაა ცალმხრივობით, კუთხური მიდგომებით;

რომ ქართველი, როგორც ასეთი, ცოტა კახელიცაა, ცოტა ქართლელიც, ცოტა იმერელიც, ცოტა გურულიც, ცოტა მეგრელიც, ცოტა სვანიც, მოკლედ, იგი კრებსითია შენებურად, მაგრამ ჩემს მსოფლგანცდასაც ზედმიწევნით მორგებული და რადგანაც კრებსითი აზროვნებით მომართულა თითოეულის გონება — მიშგულადელსი, საქართველოვ-თქო, ვიძახით თანაბრად, მოხყვები იმ მესამე შეხვედრაზე უმთავრესი შთიხების გამოკვეთით?!

— ბატონ ედუარდს მე მრავლად შეხვედრივარ, მაგრამ დამახასიათებელი რამდენიმე იყო მათგან. აი, კიდევ ერთ-ერთი ასეთი ნიშანდობლივი.

მთავრობის სხდომაზე გაგვაქვს კანონპროექტი არასახელმწიფო საპენსიო დაზღვევის შესახებ. ნუ, დაიწერა მოხსენება, წარადგინა ეს ბატონმა თენგიზ გაზდელიანმა, როგორც მინისტრმა და პრაქტიკულად ვხვდებით, რომ მთავრობაში ამის წინააღმდეგ არავინ წავა, ვერავინ იტყვის საქართველოს არასახელმწიფო საპენსიო დაზღვევა არ ჭირდებაო. იყო უკბილო გამოსვლები, ვითომ პოზიციის გასამაგრებლად, ფრაზეოლოგია, მაგრამ ერთადერთი მნიშვნელოვანი კითხვა, რომელიც ბატონი პრეზიდენტისგან დაისვა, ასეთი გახლდათ:

როგორ აპირებთ თქვენ ახალი სადაზღვევო კომპანიების საწესდებო კაპიტალის ფორმირებასო. თან ნახეთ კითხვის ქვეტექსტი რა არის: თქვენ ისევ აჩი-ბაჩი გინდათ, ესე იგი დაბალი საწესდებო კაპიტალი

მაღალი დაპირებებით თუ პირიქით, მცირე დაპირებებით მაღალი საწესდებო კაპიტალი ანუ მაღალი საფინანსო გარანტიებით. ბუნებრივია, ჩვენ მივხვდით ამ კითხვის ქვეტექსტს და მე უბრალოდ რეპლიკასავე ვთქვი მაშინ:

ბატონო, პრეზიდენტო, აქ იქნება ორი რამ-მეთქი, პირველი, ჩვენ შევეცდებით ყველაფერს იმისათვის, რომ იყოს ერთობლივი კომპანიები აუცილებლად დასავლეთის სადაზღვევო კაპიტალთან ერთად და მეორე იყოს ყველაფერი სადაზღვევო რისკის გადაზღვევით-მეთქი; არა მარტო დაზღვევით, არამედ გადაზღვევით-მეთქი. როგორც სჩვევია, გაილიმა, გაიცინა. წამსვე მივხვდი პარალელი გაავლო სახელმწიფო საბჭოს თავმჯდომარეობისდროინდელ ჩემს ქვეტექსტურ საუბარსა და ახლანდელს, დაღეჭილს შორის.

გმაღლობთ დაკონკრეტებისთვისო, ბრძანა და ამით მიგვახდევრა, მისთვის ყველაფერი ნათელი იყო გამოწვლილვის გარეშე; ის იმთავითვე მიხვდა, რომ ჩვენ სწორი გზით მივდიოდით. ამით დამთავრდა აღნიშნულ კანონპროექტზე მსჯელობა და აქვე მინდა მივანიშნო ერთ რამეზე: ეს თითქოსდა უმნიშვნელო დეტალი სახელმწიფო მოღვაწის, სახელმწიფო მშენებლობის სპეციალისტის იშვიათ ალლოსა და უნარზე მიუთითებს. მან იკითხა ზუსტად ის, რაც ჩვენი საუბრის თემის მიმართულების განვითარების ქვაკუთხედს წარმოადგენდა. ხოლო, რაც შეეხება ხუფენაშვილს, კახეთში ერთ-ერთი შეხვედრისას ფრიალ ცნობილმა და საპატივცემლო ქალბატონმა ბრძანა ამგვარად, მომეფერა როგორც იტყვიან:

ბატონო, პრეზიდენტო, ამ ფონდს ხელმძღვანელობს არა ხუფენია, არამედ ხუფენაშვილიო.

ბუნებრივია, უხერხულად ვიგრძენი თავი, ვინაიდან მე კახეთში ხუფენაშვილი ვარ, იმერეთში ხუფენაძე, ხევსურეთში ხუფენაური, მაღალ სვანეთში ხუფენიანი, საქართველოს ყველა წახნაგს მოიცავს ჩემი გვარი და მრწამსი, ზოდა, დააკვრი ასეთ რამეს: როდესაც შესვენებაა გამოცხადებული, წინა რიგში ვდგავარ, ჩამოდის ბატონი პრეზიდენტი პატარა კიბეებიდან, რათა გავიღეს მოსასვენებელი ოთახისკენ პრეზიდენტი ერთად. ხდება იმგვარად, რომ მე საპირისპირო მიმართულებით მივეშურები და წამით შევეჩხვებით ერთმანეთს.

როგორ ხარ ხუფენაშვილო, მეტყვის, თან მხარზე დამადებს ხელს კეთილგანწყობის ნიშნად. მორჩა. ათასი რამ ითქვა ამით. აისბერგულია ეს ნიუანსი. შენ მწერალი ხარ და უფრო მიხვდები. ესეც უმაღლესი რანგის მოხელის ერთ-ერთ გამორჩეულ თვისებაზე მიუთითებს. მოდი, ამით შემოვიფარგლოთ.

— კეთილი, ბატონო. ჩვენში ჯერ კიდევ არ არის გარანტირებული ადამიანის უსაფრთხოება სიტყვის თავისუფლებასთან დაკავშირებით. ჯერ კიდევ ძნელია ანტიკელი ბავშვივით გულუბრყვილოდ შესძახო:

მეფე შიშველიაო, მაგრამ ჭეშმარიტების დადგენა, შეცნობა კომპრომისებით მიიღწევა განა?! განა ოპოზიციური აზრი ისეთივე ფასეული არ არის, როგორც პოზიტიური შეხედულება? ნებისმიერ ინდივიდუალში კონფრონტაციული დამოკიდებულება ერთ სხეულში ჩასახლებული ორი პიროვნების დაპირისპირებაა, ორი „მეს“ შეხლა-შემოხლა, როგორც ნებისმიერ ადამიანს სჭირს საერთოდ: ერთი ედავება, ეპაექრება მეორეს და ამ ჭიდილში ხომოსაპიენსად აღიარებული ბუნების მემკვიდრე ოპტიმალურ ვარიანტს ირჩევს, ცხადია, ათასჯერ გაზომილად და ერთხელ გაჭრილად.

ოთარ, ძმაო, ახლა, როცა ორი განსხვავებული ხელწერის პოლიტიკოსის ოთხ-ოთხი ურთიერთობის თვალსაჩინოებით გამოძერწილია თითოეულის იერსახე, შეგიძლია გამოკვეთო, როგორც შეხების წერტილები, ისე განმასხვავებელი ნიშნები „კავკასიური სახლის“ გამსახურდიასეულ თუ შევარდნაძისეულ მოდელებს შორის? ბატონი ედუარდი თავიდან გმობდა ამ კრებითობას, თავიდან „პროვინციულ ფაშიზმსაც“ უწოდებდა კანონირი ხელისუფლების პატროფილურ პოზიციას, მაგრამ სიტუაციამ თვითონ იგი მოავლინა ადრე გაკრიტიკებული საქმის მესვეურად. ჩინებულად მიმიხვდი საუბარი საითკენაც მიმყავს. მე არ მინდა ახლა კუთხეში მიგამწყდო და ამ ორი პიროვნების პოლიტიკური თუ ადამიანური პორტრეტი სასწორის პინაზე შეგაგდებინო, როგორც უმეცართ სჩვევიათ: ვინ რომელს გადაწონის, არამედ გთავაზობ სიმბოლური სიტუაციის დახატვას, რომელიც ხელ-ფეხშეხნისლია საქართველოს იდეალური მთავრობის დასაკომპლექტებლად.

— გური, ჯიმა, მოდი, ასე გიპასუხებ, მეც არა ვარ მომხრე მათი ღვაწლი, რალაცნაირად სასწორის ორ პინაზე დაიდოს და აფთიაქარის სიზუსტით გაირკვეს: ვინ ვის გადაწონის, ვინ ვის ჯობია, რომელში რამდენით მეტია პროფესიონალიზმი, რომელში რამდენით ნაკლებია პატრიოტიზმი; რომელში რამდენით ჭარბობს კოსმოპოლიტიზმი, რომელში რამდენით მძალვრობს სანგვინიკური პათოსი და ასე შემდეგ. ამგვარი მიდგომა არასამართლიანი იქნებოდა, არასწორი, ცთომილი მეთოდოლოგიურად. ახლა თუ ნატვრასა და ოცნებაზეა საუბარი, მაშინ მე ასე გიპასუხებდი: ყველაზე

მძლავრი სახელმწიფო ქართველებმა შევქმენით დიდი დავითის დროს.

— რა, აიეტისდროინდელი კოლხეთი დავივიწყოთ?

— გეკადრება, მაგრამ მითიური წარსული მოქმედების პროგრამად არ გამოგვადგება. აი, აღმაშენებლის დროს იყო გასაოცარი სინთეზი: ჩვიდმეტი წლის მაჭარი, ბობოქარი დავითი და ორმოცდაშვიდი წლის დაღვინებული, ბრძენი ჭყონდიდელი. აი, ამ სინთეზმა შექმნა, გური, ჯიმა, დიდი ქართული სახელმწიფო. ჩვენდა საუბედუროდ ასეთი სინთეზი ვერაფრით განხორციელდა ამ საუკუნის დასასრულს.

— სხვათა შორის, ამის თაობაზე სიმბოლურადაც და გახსნილადაც ხქონდა საუბარი ჩემთვის დიდად სათაყვანებელ პიროვნებას, ბატონ გოგი გაჩეჩილაძეს. თუ გახსოვს წერილიც გამოაქვეყნა.

— კი. იმ წერილის დაბეჭდვამდე მილაპარაკია ასეთ პარალელებზე ბატონ გოგისთან, ჩემთვისაც მეტად საპატივცემლო აღამიანთან, — ოსკარი გააფთრებით ყფს და ყფს, — ახლაც ძალიან კარგად მახსოვს, სენაკის კულტურის სახლის სცენაზე, როდესაც რეფორმატორთა კავშირის საბჭო 95 წელს თავის ამომრჩევლებს ხვდებოდა, ერთ-ერთი შესვენების დროს კულისებში სიგარეტს ვეწეოდით და აი, მაშინ ვინატრე:

რა კარგი იქნებოდა ამ ორი პიროვნების თანამშრომლობა მომხდარიყო-მეთქი. ეს უბრალოდ ნატურა იყო, და რასაკვირველია, რეალობას საკმაოდ მოწყვეტილი, მაგრამ ერთ რამეს დაბეჯითებით ვიტყვი: როგორც ბატონ ზვიადის, ისე ბატონ ედუარდთან მიმართებაში შეფასებისას ქართველებს ელემენტარული ზომიერება გემართებს. არც გაფეტიშება ვარგა და აღარც — ნიველირება. როდესაც ბატონ ზვიადს აღმერთებენ, ან ბატონ ედუარდს განაქიქებენ, იგივე ორღობეს დონის ყბედობით, ეს ჩვენი უკულტურობის შედეგია, პოლიტიკური უკულტურობის თუ გნებავთ ზოგადად, უკულტურობის შედეგი საერთოდ, ამ სიტყვის ლექსიკონური გაგებით. ისეთი დიდი პიროვნებების შეფასება, როგორებიც ბატონი ზვიადი და ბატონი ედუარდია ისტორიის ესოდენ მოკლე მონაკვეთში არ ხდება. დრო მრავლის მკურნალია.

როგორ არის მეგრულ ლექსში? „ბორჯის ვაუჩქ მეფერაფა, არძას არზენს მუშუმისიო“, დიახ, ყველას თავისას მიაგებს დრო-ჟამი, და ცირკის არენის არლეკინოს დონისაა მეღიქნეთა შეფასებანი ქვეყნის პრეზიდენტზე: „მიყვარს“ ან „არ მიყვარს“. სიყვარული შეიძლება მშვენიერი სქესის წარმომადგენლისა, კულინარიული ნაწარმისა, პეიზაჟისა, სამშობლოსი ბოლოს და ბოლოს, მაგრამ არავითარ შემთხვევაში — ქვეყნის წინამძღოლისა. ეს სწორედ გაქანებული უკულტურობის ნიშანია.

შენ უნდა გიყვარდეს შენი სახელმწიფო და ის ინსტიტუტი, რომელსაც პრეზიდენტის ინსტიტუტი ხქვია; ზოდა, არ უნდა მისცე თავს უფლება იყრანტალო: მე ის მომწონს, მე ის არ მევასება და ამ გადასახედიდან მოუწოდო ერსა და ბერს, აისხით იარალი, დავამხოთ ეგ და დავსვათ ისო. აი, ჩვენი უბედურების საწყისი, უმთავრესი სათავე. კავკასიური სახლის თემა კი ძალზე მნიშვნელოვანია და შეიძლება ითქვას, ერთ-ერთი სტრატეგიული კვანძი ქართული სახელმწიფოებრიობის აღდგენის, განმტკიცება-განვითარების გზაზე. მიხედვით ვთქვა, მაგრამ გაჩუმებაც აღარ ძალმიძს: განა მართო ბატონი ზვიადის დროს იყო წამოწეული ეს თემა?

— მაგას რომელი ჭკუათმყოფელი ამბობს? დიდი ილია...

— დაიწყო ახლა! ყაზბეგი გავიხსენოთ, როგორ ეფერება კავკასიელ თანამომეებს და როგორ მიიჩნევს მათ სისხლხორცეულ ნათესავებად!

სულ სხვა ყოფილა სკოლაში ნასწავლი და მოწიფულ ასაკში ხელმეორედ წაკითხული. იშვიათი მოცალოების ჟამს ერთხელაც მივუბრუნდი ჩვენს კლასიკოს მწერლებს. ბედნიერი ხარ, ჯიმა! იცი, რამხელა სიამოვნება ვიგრძენი? რა ცეცხლი ნთებულა, კაცო?! აი, სად არის თავგანწირული მართლისმთქმელობა.

კავკასიური სახლის, ოჯახის იდეა საქართველოს თავისუფლების სანუკვარი მიზნის შემადგენელი ნაწილია, ვინაიდან საწუთროაწეწილ, ცხოვრებამოწამლულ, ერთმანეთს სამკვდროსასიცოცხლოდ გადაკიდებულ კავკასიაში ზღაპარია საქართველოს რეალური თავისუფლება, როგორც ტერიტორიულად, ისე — სულიერად. ამიტომ ცოტა ძნელია ხელაღებით განსაზღვრო, ბატონ ზვიადს ეკუთვნის ეს, ბატონ ედუარდს თუ სხვას, თუმცა ერთი რამ ცხადია: ჩვენ კავკასიელები ვართ ათასწლეულების მანძილზე და აქედან გამომდინარე, როგორც ოდესღაც ერთიანებს და აწ გარკვეულწილად გათიშულებს, მაინც ბევრი, უამრავი მოგვეპოვება საერთო: წესი, ადათი, ტრადიცია.

— ანთროპოლოგიური მონაცემები.

— უცილობლად. ამ თვალსაზრისით ჩერქეზებს, ვაინახებს და ქართველებს ვერც განასხვავებ. სხვაობაც არის, ბუნებრივია, უწინარესად — რელიგიური, მაგრამ თუ ამ კუთხით უფრო სიღრმე-

სეულად გავანალიზებთ, ქართველი კაცი ფანატიკოსი ქრისტიანი არასოდეს ყოფილა.

— ჩვენ უფრო წმინდა გიორგის ხალხად დავრჩით. წარმართობისა და ქრისტიანობის ნაჯვარ ხალხად.

— მე მეჩვენება რომ ჩვენ გენეტიკური თვისება ტოლერანტიზმია ყველაგან და ყველაფერში. ეს განსაკუთრებით რელიგიას შეეხება. მოყირკებულ ფრაზებს აღარ ვიტყვი, რომ 3000 კვადრატული მეტრის ფარგლებში ოთხი თუ ხუთი განსხვავებული მრევლის სალოცავში აღევლინებოდა უფლის სადიდებელი: მართლმადიდებლურ ეკლესიაში, გრიგორიანულში, სინაგოგაში, მეჩეთში, თანაც სად?! შუაგულ თბილისში, საქართველოს აზროვნების ეპიცენტრში! ასე რომ, ტოლერანტობა მართლა ჩვენი გენეტიკური თვისებაა.

ახლა გეოპოლიტიკურადაც რომ შევხედოთ, საქართველოს ლიდერი სახელმწიფოს ფუნქცია უნდა ეკისრებოდეს კავკასიაში. ეს შეიძლება იყოს გარკვეული გამაწონასწორებელი ძალა ჩვენს დიდ ჩრდილოელ მეზობელსა და იმ გზის მიმართ, საითკენაც მივიღტვოდით საუკუნეების მანძილზე, დავუშვათ ევროსაბჭოსკენ, რომლის წევრებიც ეს-ეს არის გავხდით. ასე რომ, ვეჭვობ ბატონმა ედუარდმა დაადასტუროს ბატონი ზვიადის დროს წამოწეული კავკასიური სახლის თემა, პოლიტიკური შეცდომა, სიბეცე იყო, თვითიზოლაციისკენ ლტოლვა გახლდათო. ასეთი შეფასება ნებისმიერი რანგის პოლიტიკოსისათვის ბუმერანგის ტოლფასია. ახლა რაც შეეხება პროვინციულ ფაშიზმს. კი, ეს ტერმინი გაჟღერდა, მაგრამ მე არ მახსოვს იგი კავკასიური სახლის იდეის მისამართით თქმულიყო. ეს ფრაზა უფრო ქუჩის ვნებათაღელვისკენაა ნასროლი. აქვე, ამასთან დაკავშირებით, ერთ რამესაც ვიტყვი, გური, ზიმა, ბატონი ედუარდი ლამის ერთადერთი მაღალი რანგის პოლიტიკოსია იმ წლებიდან მოყოლებული დღემდე, ბატონ ზვიად გამსახურდიას პიროვნებას უარყოფითად რომ არასდროს შეხებია. მე მინდა ეს თვისება გამოვყო ბატონი ედუარდის სტილში...

— რატომაც არა, მისი ნატურა უკიდურესობამდე შეზავებულია აღმოსავლურს და დასავლურს. გიციინის და იქვე გასამარებს. მისი ხასიათი ქმედებისაა, მჩხავანა კატებით კი სავსეა ქართული თუ მსოფლიო პოლიტიკური არენა.

— მოარული ფრაზა: შევარდნაძემ ზვიადის ყველა მტერს წესი აუგო, ამ დროს რეალურიც. მან გამსახურდიას თითოეულ თანამებრძოლს მკაცრი განაჩენი გამოუტანა, მწარედ გადაუხანდა კანონიერი ხელისუფლებისთვის შეფიცულებს ზურგ შექცევა, ლალატი, იგივე კიტოვანს, სიგუას, იოსელიანს, ასე შემდეგ და ასე შემდეგ; მაგრამ მე ნამდვილად არ მახსოვს მისგან პირველი პრეზიდენტის რაიმე უარყოფითი პიროვნული შეფასება. პირიქით, იყო სერიოზული განაცხადი, რომ სწორად და მართებულად შეფასდეს იმ წლებში საქართველოს პირველი პრეზიდენტის დამსახურება. იყო საუბარი მისი ნეშტის სამშობლოში გადმოსვენებაზეც.

— ნოე ჟორდანიას ცხედართან ერთად. რატომაც არა, როცა პოლიტიკური სარბიელიდან ჩამოშორებულია საშიში მეტოქე, ტკბილსიტყვაობისთვისაც მოიცლი. რომაელებს სჩვეოდათ, როდესაც უმთავრეს მოწინააღმდეგეს რაიმე ფათერაკი შეემთხვეოდა და დაიღუპებოდა, მოიხსნიდნენ ხოლმე მეწამულ ქიტონს და აჩეხილ სხეულზე გადააფარებდნენ პატივისცემის ნიშნად. ამ აქტით საზოგადოების თვალში თავიანთ დიდბუნებოვანებას აკვარცხლებეკებდნენ.

ოთარ, ძმაო, იცი რას გეტყვი კიდეც, გარკვეული პერიოდი ბატონი ედუარდის მისამართით ცუდი პროპაგანდა გაჩაღდა სადიაცო კარვების სიხლოვეს: ტრანსპარანტებით, მიკროფონებით ერის, სამშობლოს მოღალატეს ვეძახდით. ეს უკვე განვლილი ეტაპია. მე კარგა ხანია დავასკვნენი, აღმოსავლური დიპლომატია რა მოსატანია, ელემენტარული ტაქტიკა არ გვყოფნიდა. ნაფიქრალი ენაზე გვეკერა, გულმართლები ვიყავით თითქოს და ამ ღირსების გამო ხალხიც გასაოცრად გვიჭერდა მხარს, გვითანაგრძნობდა, მაგრამ ეროვნულ მოძრაობას აკლდა პოლიტიკური ქმედების სტრატეგია, და მხოლოდ მართლმოსიტყვეობის, სწორხაზოვანი გახსნილობის, გამჭვირვალობის მეთოდებით გაძნელდა იანუშების დამარცხება. ბატონ ედუარდს მაინც წამოცდა ბატონი ზვიადის მისამართით ხიჭვარეული ფრაზა:

პრეზიდენტი ხალხში უნდა დადიოდესო.

როგორც ჩანს, ენამ უყვილა. ხომ გვსმენია, ნუ დასცინი სხვასაო, გადახდება თავსაო. ამჟამად ბატონ ედუარდს თვითონ უხდება დასახლებულ სიტუაციაში ცხოვრება. ორგზის დატერორების შემდეგ იგი ფაქტობრივად იზოლირებულია, ვიწრო გარემოცვას ღონივრად მოუმწყდევია ხელში, თითქმის მოწვეტილია ფართო მასებს, სამუშაო კაბინეტში გაფილტრული, ამ გარემოცვის ინტერესების შესატყვისი ინფორმაციები მისდის და მათზე რეაგირებაც იმ ვიწრო კლანის მიზნების გათვალისწინებითაა. წარსულს ჩაბარდა დრო, როცა თამამად დაიარებოდა ქუჩაში, ხალხში, აბობოქრებულ სტადიონზე. განა იგივე არ დაემართა ზვიადსაც? მიტინგზე ტყვიაგაუმტარი ყი-

ლევით გამოდიოდა, შუბლზე კი ცივი ოფლი ასხამდა ჩასაფრებული ტყვიის მოლოდინში. სპეც-სამსახურებს ხქონდათ, ალბათ, ინფორმაცია ზვიადის ფიზიკური განადგურების თაობაზე. ახლა, როდესაც თვითონ მოექცა ზედამხედველობის მკაცრი წნეხის ქვეშ, შეიძლება ნანობს კიდევ იმ საბედისწერო ფრაზის გამო?

— მოდი, სხვა რაკურსით შევხედოთ საკითხს. ეს აღარაფრით შეიძლება მოდიოდეს ბატონი ედუარდის პიროვნული თვისებიდან. ასეთი რამე შეიძლება მოუვიდეს კაცს, რომელსაც შიშის კომპლექსი აწუხებს. ხოლო მას, რომ შიშის კომპლექსი არ ეპიტნავენა, დიდი ხნის დამტკიცებულია. იგივე სტადიონი...

— უშიში, ვითარცა უხორცო, მაინც ფრაზაა, პათეტიკა. ყველაზე გულმტკიცენიც კი, ყველაზე უდრეკელნიც, სახრჩობელის, გილიოტინის, ელექტროსკამის თუ ტყვიის წინაშე, როგორც წესი, უკლებლივ შარდავენ, მეტიც — თესლი ეღვრებათ. ეს ახსნილია ფსიქოლოგიურად, შთამომავლობას სტოვეებს ორგანიზმი ინსტინქტურად, ქვეშეცნეულად და მთლად წარბშეუხრელიაო განვაცხადოთ ესა თუ ის პიროვნება, უგუნურებაა, უმეცრება. ვითარებას გააჩნია, იქ მოსალოდნელი ხიფათის ხარისხს. აბსოლუტურად უშიშარი მხოლოდ სალოსია, ლენჩი, შეურაცხადი.

— მაგრამ აქ არის სხვა მომენტიც, სახელმწიფოებრივი პასუხისმგებლობის საკითხი, რომელიც გადაგვალაზვინებს ხოლმე ნებისმიერ წინააღმდეგობას. სრულიად ლაჩარიც კი შეიძლება გულადად იქცეს ერთხელ, როცა მის შვილს აშკარა საფრთხე დაემუქრება. ვთქვათ და წარმატებით დამთავრებულიყო პირველი თუ მეორე ტერაქტი, ფიზიკურად გაენადგურებინათ დღევანდელი პრეზიდენტი, რა იქნებოდა დღეს საქართველო?

— სხვაგან გადაგვაქვს საუბარი.

— სულაც არა. გამბედაობას ატმოსფერო ქმნის. თუ ეს უწყვეტი ჯაჭვია, სიმამაცე ამა თუ იმ პიროვნების ცხოვრების სტილად იქცევა და ასეთ ადამიანს, როგორც წესი, იღბალი სწყალობს, რადგანაც მან იცის რისკის ფასი, იცის როგორ ტკბილია იქიდან გამომდევაც, სიკვდილისთვის თვალში თვალის გასწორება. ეს მთელი ფილოსოფიაა. რომელიც ინგლისური ფილმი გამახსენდა, უფრო სწორად რუსების ეკრანიზებული ინგლისური ამბავი.

მთავარ როლში ბანიონისია. რაღაც თვითმკვლელების კლუბია, სიცოცხლეს ვერ ისწრაფებენ და უნდათ სხვას აღასრულებინონ თავი მოულოდნელად, უმტკივნეულოდ, სწრაფად. მაგრამ როცა კარტი ჩამორიგდება და რომელიმეს ერგება აქამდე სასურველი სიკვდილის განაჩენი, იწყება ამ პიროვნების გასაოცარი გარდაქმნა, საკვირველი ლტოლვა სიცოცხლისკენ.

მოდი, ისევ თებერვლის დილა გავიხსენოთ: ლამის ცემა-ტყუპამდე მისული კამათი საქართველოს პარლამენტში, ეს მაშინ, როდესაც კაცი ცოცხალი გადარჩა. დიდი გულისტკივილით ვამბობ ამ სიტყვებს. დღეს საქართველოში პოლიტიკური კულტურაც და პოლიტიკური ბალანსიც, ძალთა ბალანსიც თუ გნებავთ, არ არის იმ დონეზე, რომ ასეთმა ტერორისტულმა აქტმა, თუკი ეს ჩანაფიქრის ავტორთა მიერ წარმატებით განხორციელდება, სახელმწიფოში უზარმაზარი კატაკლიზმები არ გამოიწვიოს. ეს ჩვენი დიდი უბედურებაა და სულაც არ მეტყველებს იმაზე, რომ დემოკრატიული ქვეყანა გვიშენებია. პირიქით, პირიქით. ერთ კაცზე ჩამოკიდებული სახელმწიფო საცოდაობაა, გინდა ზვიად გამსახურდია იყოს იგი და გინდა — ედუარდ შევარდნაძე. როცა ქვეყანაში ეს საშიშროება დგას, ერთი კაცის პრობლემა, იმ ქვეყანას უფრო დიდი უბედურება სჭირს, ვინემ ეს ზედაპირზე მოჩანს. მოკლეს კენედი, მაგრამ არ დაქცეულა ამერიკა.

— ხო, მთავარი ინსტიტუტი, ქვეყნის კოლექტიური მართვის ბერკეტები.

— დიახ, დიახ, მთავარი გუნდია და არა — პიროვნება. საქართველოში პირველი ან მეორე ტერაქტი წარმატებით რომ განხორციელდებოდა, ბუნებრივია, დაიწყებოდა ბრძოლა ძალაუფლების უზურპაციისათვის და ისევ სამოქალაქო ომის პირას მივიდოდით.

— მივიდოდით კი არა დაიწყებოდა კიდევ.

— ხოდა, კითხვას დავსვამ შემდეგნაირად: შეიძლება კი ასეთი ორომტრიალის გადატანას, გური, ჯიმა, შენი და ჩემი ქვეყანა? ვერა! ვერა! აი, ესაა სიმართლე. ამიტომაც არა ვარ მომხრე ბატონმა ედუარდმა ზედმეტად იაქტიუროს მასებში სიარულით. მეტსაც გეტყვით, ბატონი ედუარდი მიდის იქ, სადაც საერთოდ არ უნდა გამოჩნდეს. რა უნდა ჩემი ქვეყნის პრეზიდენტს „მაკდონალდსი“-ს პრეზენტაციაზე?

— მსვლელობამ, სიარულმა ახალი სივრცისკენ მომისროლა. ჩვენს თანაოტობაიელ მწერალს, ბატონ ვლადიმერ ალფენიძეს და შენ იმდენი კილომეტრი გექნებათ გადასერილი ოკეანიდან ოკეანემდე, კონტინენტიდან კონტინენტამდე, რამდენიც სამურზაყანოს ასიათას მაცხოვრებელს მთლიანად. ამ ფაქტს იმიტომაც მოვიშველიებ, რომ ოტობაიაში, ჩვენს სამოხიოში ველოსიპედით მქროლავი

ყმაწვილი უცხოეთის ლამის ყველა ქვეყნის ჭირ-ვარამს ეზიარე. შენი შეხედულებით, რომელ ქვეყანას ესადაგება ამჟამად ჩვენი ვითარება, ეკონომიკური თვალსაზრისით, და ცხადია, პოლიტიკურითაც: ჩილეს? ირლანდიას?

მახსენდება აფხაზების სიძე ხიუტი როგორ გვიკვირებდა „იმპერიალისტურ ჩვევებს“ სახაროვის-ბურად, როგორ გვიკლავს „თვითმპყრობელური პოლიტიკის“ გამო. იქ, კი, ყურისძირას, ფეხქვეშ ითელება ირლანდიელების, ისლანდიელების, შოტლანდიელების ეროვნული ინტერესები ანგლო-საქსებისაგან. ამაზე იტყვიან, ჭაჩალს თუ არ დაასწრებ, აქეთ წამოგაყვდრის ჭაჩლობასო.

კონგრესმენ ჯერი ადამსზე მინდა მომიყვე კიდევ. შენ იქ სიამაყით დაღევ თავისუფალი ირლანდიის სადღეგრძელოს, როცა აქ ჩვენი სამშობლო სულს ლაფავს უცხოური ინვესტიციების კაბალურ პირობებში. მაინტერესებს აგრეთვე, როგორი იქნებოდა დღეს ეროვნული ხელისუფლების საქართველო? ეყოლებოდათ კი უზენაესელებს მილიონრები? ისინიც წინდებული მოქვეყნირული გზებით ივლიდნენ ორიათასის მიწურულამდე თუ სხვა ნაპირს მიაღებოდნენ სულაც? შენ ბედნიერი შემთხვევის გამო, ვგულისხმობ ორივე პრეზიდენტთან გულახდილ ოთხ-ოთხ საუბარს, ჩემთან შედარებით მეტი დასკვნის მორალური თუ იურიდიული უფლება მოგნიჭებია.

— მე ბატონ ლალო ალფენიძეს, რასაკვირველია, მოგზაურობებში ვეღარ დავეტოლები, მაგრამ არაერთი ქვეყანა მინახავს აღმოსავლეთში, დასავლეთში, ჩრდილოეთსა თუ სამხრეთში; თუმცა ეს თავისთავად არაფერს ნიშნავს, რომ ამ კითხვას სათანადო პასუხი გაეცეს. შეიძლება კაცს არცერთი ქვეყანა ხქონდეს ნანახი, უბრალოდ წაკითხულიდან მსჯელობდეს, წიგნიერი ინფორმაციით განსჯიდეს და უცდომლად დაასკვნიდეს მსოფლიოშემოვლილისგან განსხვავებით.

ახლა, რომელ ქვეყანას გამოვარჩევ?! მე ასე გეტყვი, გური, ჯიმა, ჩვენ ვგავართ ყოფილი საბჭოთა კავშირის ყველა რესპუბლიკას ჩვენი დღევანდელი ცხოვრების დონით, მაგრამ განსხვავებაც უდიდესია, კულტურული მემკვიდრეობისა და პერსპექტივის თვალსაზრისით. ჩვენ ახლა გარდამავალ ფაზაში ვიმყოფებით. ჩვენი სულსწრაფობიდან გამომდინარე, გვინდა დღესვე რძისა და თაფლის მდინარეები გადაგვდიოდეს თავზე, მაგრამ გვავიწყდება, ნგრევაშიც რომ ვერავინ შეგვედრება, კუჭს მიკერებია ჩვენი გონება და ჭინჭებისთვის თურქეთში გაგვიტანია ფერადი ლითონი, ოქრო-ვერცხლი, რეპუტაცია;

ჩვენ ბევრს ვგავართ სიდუხჭირით და მომავლის თვალსაწიერით — მაინც არავის ვინაიდან დარწმუნებული ვარ უახლოეს ორ-სამ ათწლეულში საქართველო მოახდენს წარსულის, დღევანდლობისა და მომავლის გასაოცარ სინთეზს. პოლიტიკური და ეკონომიკური არტახებისგან თავდაღწეული საქართველო, თავისუფალი არჩევანის პირობებში მთებს დაძრავს ადგილიდან. ეს მისი ბედისწერაა. ტყუილუბრალოდ არ შეგარქმევენ ღვთისმშობლის წილხვდომილ ქვეყანას. შეხედე, საქართველოდან წასულმა ებრაელებმა აღთქმულ ქვეყანაში უმაღლვე ხეგემონია ჩაიგდეს ხელში. რა, არ ჩასულან იქ რუსეთიდან, ამერიკიდან, ვინ მოსთვლის საიდან, მაგრამ ქართულმა დიასპორამ ყველას მოუჯოკრა! მათ მიერ შეთავაზებული სიმღერები, ქორეოგრაფია ატყვევებს არა მხოლოდ ებრაელ ხალხს, მთელს მსოფლიოს. რა ხდება, რაშია საქმე?

აქ ორი მომენტია ხელჩასავლები, გური, ჯიმა: პირველი და მთავარი ის გახლავთ, რომ ქართველი კაცი ტოლერანტია, არ დაგადებს ხელებზე ბორკილებს, არ გატყვევებს, მაინც და მაინც უნდა გაქართველდეს, არ ესწრაფვის შენს გადაჯიშებას, გადაშენებას, რადგანაც დიდბუნებოვანია, კოსმოსური ფასეულობების პატრონი, თანაბრად, თანატოლად გაგიხდის და უკვე ძალდაუტანებლად ეწაფები მის სულიერ საგანძურს. დაეძალებინა ვინმესთვის ქართველს, გინდა თუ არა ისწავლე ჩემი საგალობლებიო, ზურგს შეაქცევდნენ, თვალს დაუხუტავდნენ, ყურს დაუხშობდნენ, მაგრამ როდესაც გზა ხსნილია არჩევანისთვის გადაწყვეტილებაც ნებისმიერია.

სხვათა შორის იგივეს მოიმოქმედებს ამერიკის შეერთებული შტატები რუსეთისგან განსხვავებით. რუსეთი გბოჭავს, თავს გახვევს ენობრივ, მსოფლმხედველობრივ პოზიციას ეკონომიკურთან ერთად. ამერიკა პირიქით, თითქოს პრეტენზიას არაფერზე აცხადებს, ეკონომიკურ ურთიერთობებს ჯერდება და როცა თანაბარუფლებიანი პარტნიორობის ფაზაში შეხვალ, შენდაუნებურად ეწაფები ინგლისურს, იქაურ წესებს და ჩვეულებებს. მსოფლიოში ორად-ორი ქვეყანაა თვითნაბადი მეთოდოლოგიური თვალსაზრისით რომ ემგვანება ერთმანეთს: საქართველო — პატარა ჯორჯია და შტატები — დიდი.

01. 50.

— ირლანდია? ირლანდიაში ხომ ხარ ნამყოფი? — თავს მიქნევს თანხმობის ნიშნად, „ვოვის“

უნეკოტინო ნათავით ლამის გაგუდული, ნაპო ბიძიას გინესის წიგნში შესატანი ხველებებით და-
ჭინთული, — განა ისიც არ იბრძვის დამოუკიდებლობისათვის? რატომ არ ავლებ პარალელს მას-
თან? ირლანდიას ხყავდა ჯოისი და პარნალი, როგორც მე და შენ სამეგრელოს სამომავლოდ, მაგრამ
იმ ორისგან განსხვავებით ჩვენ გამოცალკევებისთვის კი არა, სინთეზისთვის ვიბრძვით, შემთლია-
ნებისთვის, მონოლითურობისთვის. აქვე პატარა ხიდის გავლებაც მინდა! გადააგდე ეგ წყული!
გახსოვს ზემოთ ნათქვამი: მაგიდის ქვეშ ვსვამდით „ქართველი ერის განთავისუფლების ორგანიზა-
ციის“ სადღეგრძელოსო? იქ, ირლანდიაში როგორ არის საქმე? ისინიც, ოდესღაც ჩვენსავით, სუფ-
რის სარდაფებში ლოცავენ სამშობლოს თუ სააშკარაოდ, ფოიეში?

— უარეს გეტყვი, იქ, აშკარად, ირლანდიის სადღეგრძელოს კი არა, ძველ ირლანდიურ სიმღერასაც
ვერ მღერიან. ამ მხრივ რუსეთის იმპერია თურქული კანფეტებია. სხვათა შორის მე პირველად ბელფას-
ტში დავლიე და დავალევი ბარში მყოფ ყველას ირლანდიის სადღეგრძელო. აღწერილი აქვს ერთ-ერთ
ჟურნალისტს... გაზეთ „თბილისში“ თუ არ ვცდები. მოკლედ გეტყვი, რომ იქ მხოლოდ ღამით, გვიან
ღამით დაუკრეს მუსიკა, რომელიც ძალიან ხგავდა მეგრულ ხანგს და ჩემი ერთ-ერთი მეგობარი და
მასპინძელი ამავდროულად, ატირდა. მე ამან დამინტერესა, ამაღლევა, რაღაც-რაღაცა ვიგუშმანე. ჩავეძიე
კიდეც მორიდებით, უფროვე შესტიკულაციით, თვალებით, ხელების სახსავით.

— ადამსი, ხომკი?!

— ჯეფრი პატრიკი. ჯერი ადამსი მათი მოძრაობის ერთ-ერთი ლიდერია. ისიც ჩემი მეგობარია,
მაგრამ ცოტა რამ ვიცი მის პოლიტიკურ მოღვაწეობაზე. აი, ვინც ატირდა, ჯეფრი პატრიკი გან-
ლდათ, ძველირლანდიური სიმღერის გამო ტიროდა თურმე, შუალამესაც იმიტომ უცდიდნენ, ხალ-
ხის შეთხლებას, უცხოთა გაკრეფვას, რათა უპრობლემოდ მოესმინათ მშობლიური მელოდები.

— ოთარ, ძმაო, ამ საუკუნის ოციან წლებში ირლანდიას ხყავდა პარლამენტში თავისი წარმო-
მადგენელი, ცნობილი პოლიტიკური მოღვაწე პარნალი და ეს პარნალი როდესაც მოკლეს, გაუტა-
ნელ საწუთროზე გულგატეხილი ჯეიმს ჯოისი სამშობლოდან საფრანგეთში გადაიხვეწება და მას
შემდეგ არასდროს მიუბრუნდება მამულს, ირლანდიას. მას აქა-იქ ირლანდიის მოღალატესაც ეძა-
ხიან, ცხადია, წინწკლებში. ერთხელ წააყვდრეს კიდეც სამშობლოსგან ზურგშექცევა და იცი რა
თქვა ჯოისმა?! განა ყოფილა ოდესმე წამი, წუთი, ირლანდია მიმეტოვებინოსო; ის ხომ ჩემშია განუწ-
ყვებლივ და ჩემთან ერთად ეზიარება უკვდავებასო... გესმის, რატომ მოვითხოვ პარალელის გავ-
ლებას ირლანდიასთან? დროში განსხვავებულმა ბედისწერამ ჩვენც მსგავსი გზის გავლა გვარგუნა.
პრეზიდენტი გამსახურდიაც დაახლოებით პარნალის ბედ-იღბალს გაიზიარებს და ორივე ჯოისის
სიტუაციაში ვიმყოფებით: მიზეზთა გამო მოწვეტილებები ვართ სამშობლოს, სამოხიოს, შურობუმუ
ოტობაიას, საძვალეთსაც რომ ეძახი ხოლმე...

— ძალიან კარგი პარალელია და რადგანაც ასე მიგაქვს გულთან ირლანდიური თემა, ისეთ
რაღაცას მოგიყვები, ჯერ რომ პრესისთვის არ განმიცხადებია: ჩრდილოეთ ირლანდიაში, რომე-
ლიც სხვათაშორის დამოუკიდებელი არ არის, ნანახი მაქვს პარლამენტის შენობა. ხო, ბოლო წლამ-
დე იქ პარლამენტი არ ფუნქციონირებდა, მარტივად რომ ვთქვათ, გააუქმეს.

ახლა არ განიტერესებს გამოყოფაც რანაირად მოხდა? პარლამენტის საშუალებით, ჯიმა! რაღაც
ნაწილმა მხარი დაუჭირა დღევანდელი ჩრდილოეთ ირლანდიის ბრიტანეთის იმპერიაში დარჩენას,
ნაწილმა — არა და ასე გაიყო ორად, კენჭის ყრით. ამის გამო, ამ იუდას ოცდაათი ვერცხლისთვის,
ინგლისელებმა ჩრდილოეთ ირლანდიელებს პარლამენტიც კი შეუქმნეს, თუმცა როგორც მოსა-
ლოდნელი იყო გაუქმეს მალე, და ახლა მოძრაობის გააქტიურების შემდგომ, პარლამენტსაც უტო-
ვებენ და ავტონომიურ უფლებებსაც უძლიერებენ, — იცინის, — როგორც დღევანდელი ტერმი-
ონოლოგიითაა მიღებული. ხოდა, ვათვალიერებ მუზეუმში გამოკრულ დიდ პანოს, რომელზეც
გამოხატულნი არიან ის პარლამენტარები, ვისი წყალობით ჩრდილოეთ ირლანდია ბრიტანეთის
შემადგენლობაში დარჩენილა. მიხსნის გიდი ამათ გვარებს, სახელებს, ტიტულებს, თანადროულ
ისტორიულ მომენტებს. შევეყურებ პანოს და ფიქრებით სამშობლოს თანაბარ სიტუაციაში გადვარ-
დნილი, ვამჩნევ, რომ ერთ-ერთ პარლამენტარს სახეზე უჩვეულო ლაქები გამოვლია, მხატვრისას
არა ჰგავს, შენაძენია. ცნობისმოყვარეობისგან სული წამსძლევს და ჩავეკითხებო:

რატომაა ეს ლაქები-მეთქი.

მიხსნის, ერთ-ერთ ტურისტს წითელი საღებავი მიუსხამს, ირლანდიის თავისუფლების მომხრე
ყოფილა ის ქალბატონი და შეუბღალავს პანო პროტესტის ნიშნად. სიცილი წამსკდება.

გაიკვირვებს და როცა ანალოგიურ მაგალითს მოვიშველიებ, თუ როგორ ააჭრელებენ სერგო
ორჯონიკიძის ძეგლს ახალგაზრდები, როგორ დაახლიან ლაყ კვერცხებს და კატები ღამის ლოკ-
ვისგან გაცვეთენ, კინაღამ მისავათდება სულში შეჩენილი კისკისისგან.

მუზეუმის ხალხი გროვდება, მხრებს იჩეჩენ, ერთმანეთს ანიშნებენ თვალებით: რა ხდება, რა ამბავიაო, მე კი ცეცხლზე ნავთს დავასხამ და როცა ვეტყვი გიდს, ცოტა საღებავი ხქონია იმ ქალბატონს-მეთქი, ჩემი გამყოლი ხავერდოვან ბილიკზე ჩაიკეცება.

ნუ, იმ წრეში, სადაც მე მაშინ ვიყავი, იცოდნენ ჩემი დამოკიდებულება ამ საკითხთან დაკავშირებით და ასე ვთქვათ, დამინდეს. ამგვარი ანალოგია მსოფლიოს ბევრ ქვეყანასთან შეიძლება, რომ „გამარჯვებული“ ესა თუ ის მხარე თავის გამირებს ქმნის მერე, როგორც ჩვენთან იყო, ბოლშევიკობის დროს, ან სამხედრო გადატრიალების შემდგომ, მაგრამ ხალხის გული უტყუარი სარკეა, გამირს ერი სპექტაკლებით, არტისტული მონაცემებით, კი არ ითვისებს, არამედ — სამკალში, რომელიც ფრიად არს, იესოს შეგონებით: ომში, ორომტრიალში, უთანასწოროა იგი თუ სულაც ერთპიროვნული. ყველაფერია მოსალოდნელი ამ ქვეყანაზე, ყველაფერია დასაშვები, გარადა ერთისა: კაცობრიობისათვის გამირის შეკოწიწება ლაბორატორიული წესით, სიზიფისეული ამოა გარჯაა.

— მოვუბრუნდეთ ჩვენს სამურზაყანოს, ჩვენს შურობუმუ ოტობაიას, ზოგადად აფხაზეთის პრობლემებს. როგორც გვიხსენებია, უკვე შექმნილია აფხაზეთის განთავისუფლების პარტია. დევნილები რა მოსატანია, როცა ჩემი თბილისელი კოლეგები წევრიანდებიან მასში. მაგალითისათვის: პოეტი ტაგუ მებურიშვილი, ნოველისტი რევაზ მიშველაძე, მწერალ-მეცნიერი ლევან სანიკიძე. მხედება ქუჩაში კობა არაბული და ელგუჯას ალტკინებით მთხოვს შუამდგომლობას იქ შესავლელად. ჩვენი ოტობაიას განთავისუფლებისთვის მკლავს იკაპიწებენ ქართლები, კახელები, იმერლები, გურულები და ამის შემდეგ ნამდვილმა სამურზაყანოელმა თავი ჩაღუნე! ასეთ უნიათო ცხოვრებას სიკვდილი მირჩენია. მომრავლდნენ პროვოკატორებიც. დაძვრებიან კომპაქტურად ჩასახლებულ დევნილებში და ძირს უთხრიან სამშობლოს ღირსეულად განთავისუფლების იდეას:

ნადარეიშვილის პარტიას გაუჭირდება ბოსლებში, სკოლებსა თუ ხიდის ქვეშ განთავსებული, ათი სამოწყალო ლარისა და ქვასავით პურის იმედზე დარჩენილი თვისტომის აყოლიებაო, მაგრამ ოთარ, ძმაო, დარწმუნებული ვარ, აფხაზეთის განთავისუფლების პარტიამ მომავალ არჩევნებში ერთი მანდატიც რომ ვერ მოიპოვოს, ეს მოძრაობა მაინც გამართლებულია ლტოლვილი მოსახლეობის კონსოლიდაციის თვალსაზრისით. ასე რომ, გასული წლის 29 დეკემბრის შემდეგ, აფხაზურ-ქართულ კონფლიქტად მონათლული რუსეთ-საქართველოს უთანასწორო ომი მესამე, გადამწყვეტ ფაზაში გადაზრდილა, ანუ ვითარების გაშიშვლების, ფრჩხილების გახსნისა და კრიზისის ძალადობის ფაქტორით გადაწყვეტაში, თუნდაც საამისოდ ნატოს ბლოკში გაწევრიანებაც მოგვიხდეს.

შენ რომ ყოფილიყავი დეპუტატი უშუალოდ, შეძლებდი არსებული მდგომარეობის განსხვავებულ ინტერპრეტაციას? მჯერა, ათასები აგყვებოდნენ, როგორც ხელოვნური დაპირისპირების ჭირისუფალს და არა — მიზეზს, მათი ჭირ-ვარამის გამზიარებელს და მეოხს წლების მანძილზე. იარაღისთვის ხელი არ გიხლია, მაგრამ სოხუმში აფხაზებისთვის და ქართველებისთვის თანაბრად ჩაგქონდა პენსიები ტყვიების წვიმაში. რითი შეძლებდი შენ ელექტორატორის გულის მონადირებას? რას ეტყობი ისეთს, რომლის გამო ხალხი უხმოდ მოგვენდობოდა, აგყვებოდა?

— ვგონებ შენი ბროშურიდან მახსენდება ფრაზა რუსის ოფიცერდაპატრონებულ, საკუთარ ოჯახში მისულ ოჩამჩირელზე... როდემდე უნდა მალოს გვარი იმ უბედურიშვილმა?! ასეთი კუკუშ-მალობით გვინდა აფხაზეთის დაბრუნება? სხვისი ხელებით ნარის გლეჯა იოლია. სანამ სიკვდილის შიშზე არ გავიმარჯვებთ, სანამ საკუთარი სიცოცხლე სამშობლოზე მაღლა დაგვიყენებია, ლამაზი სიტყვებია ყოველივე.

მსოფლიოს პოლიტიკური რუკა მდინარესავით ხშირად იცვლის კალაპოტს. ზოგჯერ ხდება ისე, რომ ჩვენსავით პატარა ქვეყანა ამ მდინარის ხან მარჯვენა ნაპირზეა და ხანაც — მარცხენაზე. პოლიტიკური მდინარე ძალთა ბალანსია, გაწონასწორება გვიანტებს შორის. ადრე ბალტიისპირეთიც, ჩვენც, აზიის რესპუბლიკებიც, ცენტრალური ევროპის სოციალისტური ბანაკის ქვეყნებიანად ამ უჩინარ, მაგრამ გადაულახავი მდინარის მარჯვენა ნაპირზე ვიყავით ყველა. ზოგჯერ რკინის ფარდასაც უწოდებდნენ ამ სტიქიას, ბერლინის კედელსაც და ვინ მოსთვლის, მაგრამ მთავარი ის გახლდათ, რომ ჩვენ, საბჭოთა კავშირის შემადგენლობაში მოქცეული თითოეული რესპუბლიკა, გულგრილად ვთვლემდით ამ მდინარის მარჯვენა სანაპიროზე. თუმცა აგერ, სულ რაღაც ათიოდე წელიწადში, იმდენად შეიცვალა კალაპოტი მისმა მოძალეობამ, რომ ლამის არც გვიგრძენია ისე, მარცხენა სანაპიროზე ვართ უმეტესი და ეს ექვმიუტანელი რეალობაა, გური, ჯიმა. სიმბოლური მსჯელობა გამომივიდა, მაგრამ შენი პროფესიის კაცს უნდა გიხაროდეს, მთლად რობოტი ძუძუმტე რომ არ გარგუნა იღბალმა!

არძინბა შიშით შეხკანკალებს ამ უჩინარი მდინარის მოძრაობას. იცის, ჯერი მასზეა, თვალსაც ვერ

დაახამხამებს ისე, ერთ მშვენიერ დილას, თავისი ჭკუით ვითომ საიმედოდ გამაგრებულს შესაძლოა, მტრის გარემოცვაში გამოეღვიძოს. მაშინ ნახე მისი და მისნაირთა ვირთხასავით წრიპინი, როცა სამართლიანობის ცეცხლს შეუწებებენ გაგრაში ქართველების თავებით გამართული ფეხბურთის თუ ფეხბძიმე ქალების მუცლებიდან ამოგლეჯილი შვილების საწინდრად; როცა მართლმსაჯულების თაღ-ქვეშ გაატარებენ და ვერ გაეტევიან ისინი ამ გრანდიოზული პორტალის წიაღში, როგორც აქლემი ნემსის ყუნწში, ქრისტესებურად, თავიანთი აღურიცხველი ცოდვიანობის გამო.

გური, ჯიმა, როდესაც მიანიშნებ დიდი აბრეშუმის გზაზე, ნავთობსადენზე და ასე შემდეგ, ეს მართლაც სერიოზული მცდელობაა საქართველოს, როგორც სახელმწიფოს ფუნქცია მოეძებნოს ხელახლა გადანაწილებულ მსოფლიოში, თუმცა ეს პროცესი ჯერ კიდევ როდი დამთავრებულა, მიმდინარეობს ერთის განვრცობა მეორის შეკუმშვის, შემჭიდროვების ხარჯზე. ხოლო ჩვენი მრავალწლიანი არსებობა კოლონიური ეკონომიკური მოდელისა იყო სრულიად გადაუჭარბებლად. ეს შენ ხატოვნად ახსენი ჩვევისამებრ ჭანჭიკისა და ქანჩის დონეზე, — იცინის, ქვედა ტუჩი ძლივს გამოეყოფა ბარაქიან ულვაშს, — ახლა ჩვენი ქვეყანა თუ ჩაეწერება დასავლურ სივრცეში, ანუ განვითარებული ქვეყნების სივრცეში, მაშინ ქანჩის და ჭანჭიკის პრობლემა წყდება ამგვარად... სადაც უფრო იაფად შეიძლება ამის გაკეთება და სადაც მეტ მოგებას მისცემს ეს მის შემქმნელს. აქ ურთიერთობა პირდაპირია, გამჭვირვალე, ღია, დიქტატი ვერ განხორციელდება, უფრო ცივილიზურია სახელმწიფოთა შორის ურთიერთობანი, მაგრამ მთლად ისეთი გულუბრყვილობებიც ნუ ვიქნებით, რომ მსოფლიოს პოლიტიკურ რუკაზე მართლა ყველა სახელმწიფო თანასწორუფლებიანია და არიქა, თითოეული იმას ფიქრობს, როგორმე უანგაროდ გაუმართოს ხელი გაჭირვებაში ჩავარდნილს და არა პირიქით, დაიკმაყოფილოს თავისი ეგოისტური ინტერესები სხვისი დაკნინების ხარჯზე. ეს გულუბრყვილობაა.

აფხაზეთის განთავისუფლების პარტიასთან დაკავშირებით ჩვენ გარკვეული კომენტარი ზემოთ გავაკეთეთ. ახლა მინდა დაუფარავად ვთქვა, რომ პარტიის ელექტორატი თუ იქნება სოციალური პრობლემატიკით დამძიმებული ხალხი, მაშინ გულახდილად გეუბნები, დიდი პერსპექტივები მას არ ელის. ჯერ ერთი, სოციალური ფონი იმდენად მძიმეა, რომ მის რაიმე მოგვარებაზე, უფრო სწორად, გადაწყვეტაზე საუბარი ამ პარტიის მხრიდან ილუზიურია.

მე უფრო მგონია, რომ პარტიას პერსპექტივა ექნებოდა მაშინ, როდესაც ის დაარწმუნებს თავის ამომრჩევლებს, რომ უკომპრომისოდ იბრძოლებს აფხაზეთის დასაბრუნებლად, არა რაღაც დიდი დაპირებებით სოციალურ პლანში, თითქოს გაუდიდებს ხელფასებს, მისცემს ბინებს, დაუნიშნავს მაღალ პენსიებს და ასე შემდეგ, არამედ აღუთქვამს უფრო რეალურს და კონკრეტულს: იბრძოლებს აფხაზეთის, სამაჩაბლოს დასაბრუნებლად; იბრძოლებს საქართველოს დემოგრაფიული სიტუაციის შესაცვლელად ზოგ მხარეში; იბრძოლებს პატრიოტული სულისკვეთების აღსაზვევლად ერში, ეროვნული თანხმობის მისაღწევად და ამგვარ ასპექტში ხალხის ნაწილი ახყება მას; მაგრამ ჩემის აზრით, ძალიან გულახდილი თუ ვიქნები, ესეც არ უნდა იყოს პარტიის მიზანი მაინცდამაინც, რათა გარკვეული ოდენობის ხმები მოაგროვოს არჩევნებში. იქნებ მიზანი უფრო სხვა იყოს. ჩემთვის უცნობია ამ პარტიის ლიდერთა აზრები. ამის თაობაზე, მე უბრალოდ ხიპოთეზის დონეზე ვლაპარაკობ და ყოველივეს რეკომენდაციად და რჩევად ნუ ჩამომართმევ.

იქნებ მიზანი უფრო დიადი ის გახლდეს, რომ არავის მიეცეს საშუალება, შინ თუ გარეთ, მტერს თუ მოყვარეს, დაივიწყოს აფხაზეთი; ებრძოლოს და ეწინააღმდეგოს ნიადაგ საქართველოს გამთიშველ ტენდენციებს; იყოს გამუდმებით მონოლითურობის მქადაგებელი, როგორც ტერიტორიულად, ისე — ფსიქიკურად, ენობრივად. იბრძოლოს პოლიტიკური ყველა ხერხით და მეთოდით. ჩანასახშივე ამოშანთოს აფხაზეთის, ზოგადად სრულიად საქართველოს ერთიანობისთვის საზიანო მოძრაობანი, სხვათა ცილისმწამებლური გამოხდომანი, ისტორიული სინამდვილის გაყალბებანი საერთაშორისო მასშტაბით იდეოლოგიური ფრონტის გაშლით, ინფორმაციული ომის გაჩაღებით; ყველაფერი გააკეთოს მთარული ხმების გასაბათილებლად, როგორცაა: „აფხაზეთს ვერ დავიბრუნებთ“, „აფხაზეთი დაკარგულია“, „ლტოლვილები აფხაზეთში არ დაბრუნდებიან, ვინაიდან აწყობილი აქვთ კარგი ცხოვრება, შეუძენიათ ბინები, მანქანები“ და ასე შემდეგ. ეს აბსურდია და ამის შესახებ სხვათაშორის, გური, ჯიმა, ადრეც ვვილაპარაკია.

ზოგი შეიძლება მართლაც დარჩეს, ქალიშვილი გათხოვდეს, ბიჭი დაქორწინდეს, ვიღაცა მოკვდებოდა, იქით მთლად ანგელოზი მოგვევლინება, ცხადია, ჩვენ აფხაზეთში თავდაპირველი შემადგენლობით ვერ დავბრუნდებით, მაგრამ იქ სამასი ათასი ქართველი რომ უცილობლად განაახლებს თავის იავარქმნილ ფუძეს თუ გაიჩენს სულაც ახალს, ეს ტენდენცია ეჭვშეუტანელ დებულებად უნდა ჩავიბეჭდოთ გონებაში, თითოეული ქართველის ცხოვრებისეულ მიზნად, აქსიომად.

აი, ამისთანა შემთხვევაში აფხაზეთის განთავისუფლების პარტიას ნდობით ახყვება ხალხის ფართო მასები და შეიძლება იგი მეთაურ პარტიადაც მოგვევლინოს შემოდგომის თუ მომავალ არჩევნებში. სხვა რა ვივარაუდო ახლად შექმნილ პარტიაზე? რამდენადაც ვიცი, ჯერ ყრილობაც არ ჩატარებულა, აღარც პროგრამაა გამოქვეყნებული და მიმდის რაიმე კონკრეტულის თქმა.

— ელექტორატის ასე უღვთოდ დანაწევრებაზე არაფერს იტყვი? ალბათ, დასაგმობია ხუთპროცენტეანი ბარიერი, ეს ხელოვნური წინაღობა გულში ლახვარს სცემს პარლამენტში ნამდვილი მამულიშვილების მოსვლას. იყოს პროცენტულობა, მაგრამ არა სავალდებულო, არჩევნებიდან გამომთიშველი. თუ ხუთი პროცენტი ასიათასი ამომრჩევლის მხარდაჭერას გულისხმობს, ანუ იგივე თერთმეტ მანდატს პარლამენტში, მაშინ სიტყვაზე, ოციათასი ხმის მოპოვებელს უნდა შეეძლოს თავისი ორი კანდიდატის გაყვანა. მოგვიანებით ეს უმცირესობანი ჩამოყალიბდებიან პარლამენტის შიგნით საერთო მიზნებისა და მისწრაფებების შესაბამისად. წინააღმდეგ შემთხვევაში, რომელიმე პოლიტიკური ძალის ფორსირებული გამარჯვების შემთხვევაში, ჩნდება საშიშროება ბალასტის შემოპარებისა, ვინაიდან დღეს საქართველოში არ არსებობს პარტია, რომელსაც ათზე მეტი პოლიტიკური ფიგურა ხყავდეს, ცხადია, ხიპერბოლური ლმობიერებით.

— ამგვარი ტენდენცია, პრაქტიკა დიდი საზიანოა სრულფასოვანი პოლიტიკური ნების გამოსახატავად. ეს შეიძლება იყოს გარკვეულწილად მზაკვრული გეგმა ზოგიერთი მოღვაწისა ან პოლიტიკური ძალისა, რათა ხმები იმდენად დანაწილდეს და დაიქსაქსოს, ამა თუ იმ პარტიამ ვერ გადალახოს 5 - პროცენტეანი ბარიერი და ვერ მოხვდეს პარლამენტში. მაგალითისთვის 95 წელს რეფორმატორებმა 4,3 პროცენტი ხმა მიიღეს ამომრჩევლებისგან, ლამის ოთხმოცი ათასი და დრაკონული წესის შესაბამისად მაინც გარეთ დარჩნენ, პოლიტიკურ სარბიელს მიღმა. შენი წინადადების კვალობაზე კი რვა დეპუტატი გვეყოლებოდა პარლამენტში. მაგრამ ისიც ხომ ცხადია, არჩევნების კანონს, თუ სხვას, თავიანთ ყაიდაზე ჭრიან და კერავენ გარკვეული ძალები.

ისევ მოვუბრუნდები ბატონ ალექსანდრე ჭაჭიას მიერ შექმნილ საზოგადოება „სამეგრელოს“, ბატონ ბეჟან გუნავას ხელმძღვანელობით დაარსებულ მოძრაობას თუ საზოგადოებას — „კოლხეთი — ერთიანი საქართველოსთვის“ და სხვას; არ გამოვიციხავ კვლავაც შეიქმნას მსგავსი მიზანდასახულობის მიმდინარეობანი და ამისთანა შემთხვევაში აფხაზეთის განთავისუფლების პარტია თუ შეეცდება და მიაღწევს რაღაც კონსენსუსს და ამ ყველაფერს მიმართავს მართლაც აფხაზეთის დასაბრუნებლად, საქართველოს ერთიანობისთვის, მაშინ შეიძლება ეს მოძრაობა პროგრესულად წარმოჩინდეს, ზოგადეროვნული საქმის სასიკეთოდ, სხვანაირად მე გულწრფელად გეტყვი, დიდ პერსპექტივას ვერ ვხედავ.

ახლა აქ ერთი ნიუანსია შენს არშინიან კითხვაში და ამასაც მინდა გავეპასუხო: ძალიან მენიშნა ფრაზა, რასაც მესამე ფაზაზე ანუ კრიზისის ძალადობის ფაქტორით გადაწყვეტაზე ამბობ. ბატონ თამაზს უდავოდ ვეთანხმები იმაშიც, რომ თავზე ხელის გადასმით, მე ამ შემთხვევაში არძინბას მიზანთრობ თავეს ვგულისხმობ, ჩვენ აფხაზეთში არავინ დაგვაბრუნებს, ან თუ დაგვაბრუნებენ თხილის შემგროვებლის თანამდებობით. გვიმსჯელია ამის თაობაზეც „საქართველოს რესპუბლიკის“ ფურცლებიდან. დღეს თუ იქ ვინმე გადადის და რაღაც ციფრებს ასახელებენ, მე და შენ მაინც ვიცით კარგად...

— ისინი თავიანთი რისკით გადასული ხალხია.

— ხო, რისკით და რისთვისაც არიან გადასულნი, ისიც მშვენივრად გავგეგვება: მოხნავენ, დათესენ, იმის იმედით, რომ იქიდან ორი ტარო სიმინდი გამოიტანონ თუ რაღაცა მიზერული სარჩო ხჭონდეთ ფიზიკური გადარჩენისათვის...

— ან კიდევ იმ მორაოდისას განიგმირონ სეპარატისტული ტყვიით ბაკვა სახეიშვილის თუ კოტე ანჩაბაძის ბიჭის მსგავსად...

— ეგეც არის, მსგავსი ბარბაროსობა წიგნებშიც არ შემხვედრია, მაგრამ მოვეშვათ იდეოლოგიას, მე მაქვს ინფორმაცია, რომ არძინბას შემოჩეჩებული ანკეტა მხოლოდ სამოცმა თუ სამოცდაათმა კაცმა შეავსო, როცა ათასობით ადამიანია გადასული ლეთის ანაბარა. ამ შემთხვევაში ვერავინ იტყვის სამურზაყანომ არძინბას რეჟიმი შეიწყნარაო, ასეთი ფორმით აღიარებს მათ კანონიერებას და მონის პროფილით ბრუნდება თავის კუთხეშიო.

უფლის განგებით ჩვენს ხალხს ყოფნის ქართული სიბრძნე, მამულიშვილური გრძნობა, მტრის წისქვილზე წყალი არ დაასხას. მე დღეს ხუთმილიონიან საქართველოში ასიათასიან სამურზაყანოზე უფრო პატრიოტი კუთხე არ მეგულდება, მაგრამ როცა კაცს რეალურად შია თუ წყურია და შეიძლება იქიდან ერთი ბათმანი ფქვილის თუ ქილა* თხილის გამოტანა სიცოცხლის რისკის ფასად, საერთო უკუღმართი ცხოვრებისგანაა, ზოდა, ამისთვის მიწა გადააბრუნა და თესლი ჩააგდო შიგ

შვილების სამომავლო არსებობისთვის, ამაზე, მოდი, მათ ნუ გავამტყუნებთ და რაღაც იარლიყებს ნუ მივაკერებთ. მე ამასაც ძალიან დიდი გულისტკივილით ვამბობ სხვათა შორის, იმიტომ რომ, როდესაც გაიჟღერებს ციფრი, ოციათასი თუ ოცდახუთიათასი გადავიდა ენეგურს გაღმაო, ამის თაობაზე ამნაირი კომენტარიც გამიგონია:

აი, ხომ ხედავთ, ისევ არძინბასკენ მირბიანო!

ამისთანებს ენის მაკრატლებით დამოკლება არ აწყენდათ. ადვილზე ადვილია ვინმეს განკითხვა და განსჯა, განსაკუთრებით ლტოლვილის, დევნილის, ხიზნის, გინორატილიში, მშიერ-მწყურვალის, როცა ყოველივე მოლაყბეს თვითონ არ უგრძნია.

— ეგ თავისთავად, ნაძირალა ყველას მოეპოვება, ქართველსაც, აფხაზსაც. სხვათა შორის მე უზნეო თანამემამულეს ღირსეული გადამთიელი ასწილ მირჩევნია, ამიტომაც შეგახსენებ შენგანვე მრავალგზის მოსმენილს: აფხაზისთვის საამაყო მათსას ნასტუმრალზე სიტყვის ჩამოგდება: „ჩემს სახლში ნამყოფი კაციაო“, თავმომწონეობს ხოლმე მისით, გნებავთ ვერ იყოს მაინც-დამაინც ჭაჭვის მწყვეტელი. ჩვენ აფხაზის კულტი გვქონდა საერთოდ, არათუ სამეგრელოში, არამედ სრულიად საქართველოში. გავიხსენოთ ქართული მწერლობა, ხაკი აძბა, კაც ზვამბა-ია...

— ვერა მარშანია... ვერა მარშანხე.

— მადლობთ, მადლობთ! აფხაზი კაცურკაცობის ეტალონად წარმოგვესახა. საამისოდ ვქმნიდით კიდევ მხატვრულ ტილოებს, მაგრამ არა იმისთვის, რაღაცნაირად მომადლიერებულნი გვეყოლოდნენ, წავუაფერისტეთ, წავუღიქნეთ; ეს იყო ბუნებრივი მოთხოვნილება, ვითარების რეალური სურათი. ხოდა, სწორედ ეს დაიხვია ხელზე მესამე ძალამ, აქა-იქ იმპერიასაც რომ ვეძახით, გუშინდელი აფსუა და ძირძველი აფხაზი, წმინდა სისხლის ქართველი დაამთხვია ერთმანეთს დროსა და სივრცეში; უზარმაზარი მზითვევი ჩააბარა, რათა ამისთანა სიტუაციებში, ამნაირი კონფლიქტების ჟამს, ყურმოჭრილი ხყოლოდა, თავის ნების უყოყმანო შემსრულებლად. აბა, ვინმე წარმოდგენდა აფხაზისგან კაცის თავებით გამართულ ფეხბურთს, ან ქალის მუცლიდან თვალგაუხეღელი ბავშვის ამოცლას და სულთმობრძავი დედის წინ ხიშტზე წამოგებას; ან კიდევ ჭიქაში მოგროვებული სისხლით ღრეობას დაჭრილი ღონორების სულების შესაძრწუნებლად? ესოდენ ნალოლიავები აფხაზის უზომო შიშით გასაჯერებლად, რათა მის ხსენებაზე ქართულ მოსახლეობას სისხლი ეყინებოდეს ძარღვებში, მუხლები უკანკალებდეს და ლუკმა უვარდებოდეს პირიდან.

ეს ჩინებულად მოახერხეს ცოცხალი ლაბორატორიის მესვეურმა რუსებმა, მაგრამ დრო ყველაფრის მკურნალია. ალბათ, გასააზრებელია აფხაზი და ქართველი ხალხების სამომავლო ურთიერთობის პერსპექტივები.

ერთის მხრივ ვამბობთ, აფხაზს სხვა სამშობლო არ გააჩნიაო.

ეროვნული მოძრაობის პირველ სტადიაში გვახასიათებდა მიდრეკილებანი: აფსუა სეპარატისტი საქართველოს ტერიტორიაზე ჩრდილოეთიდანაა ჩამოთესილიო, სრული გაორებაა.

პლუს ამას, ვიწრონაციონალისტური ტენდენცია: ასიათასი ქართველი გავწყდებით და აფხაზებს მუსრს გავვალვებთო! როგორი, რანაირი შესათავსებელია ქართველის ტოლერანტულ ბუნებასთან? რანაირად ხუნდება ვეფხისა და მოყმის ბალადის უმაგალითო სტრიქონები: იქნება ვეფხის დედაი ჩემზედ მწარედა სტირისაო.

სიტყვა „აფხაზი“ რაინდისა და კაცურკაცობის სინონიმად გამოიყენებოდა ჩვენს კუთხეში. ბევრჯერ მსმენია მამაჩემზე:

აფხაზაცალო წესიერ კოჩ რენია.* მე ეს მემამყებოდა. მართალი გითხრა და სიტყვა „აფხაზი“ ჭერი იყო ჩემთვის ადამიანის შეფასებისას.

ახლა შევხედოთ მეორე კუთხით. დრომ დაგვანახა, გური, ჯიმა, რომ აფხაზი და აფსუა სინონიმები არ ყოფილა. ხუხულასავით დაანგრია აფხაზის დიდბუნებოვანება აფსუას ექვსწლიანმა პარპაშმა. მისი ისტორიული სულგრძელობა თუ სტუმრის კულტი წარსულს ჩაბარდა. ბოლოს და ბოლოს ვედარ შეძლო აფსუამ თავისი ნამდვილი სახის შენიღბვა, ფარდა აეხადა მის ვერაგულ ბუნებას.

ისტორიულ აფხაზს მართლა არა აქვს სხვა სამშობლო, ხოლო აფსუას მოექვევება მოგზაურთა რუკებზე ადგილსამყოფელი, მაგრამ მოდი, ამჯერად ამით შემოვიფარგლოთ, ესეც ვიკმაროთ და პირველ რიგში ვილაპარაკოთ იმაზე თუ როგორ ავაშენოთ სამართლებრივი სახელმწიფო ესოდენი ჭრელი ეთნიკური შემადგენლობით.

ასამდე ეროვნების ხალხს მოითვლის ჩვენი საზოგადოება; ზოგი მათგანი 26 საუკუნის წინ შეგვიკედლებია, ზოგი — გუშინწინ თუ გუშინ და მადლობა უფალს, სხვათაგან განსხვავებით, საქართვე-

ლოში, შუაგულ იმერეთში, ქუთაისის მახლობლად მხოლოდ ებრაელობას არ გასჩენია პრეტენზია სახელმწიფოს შექმნის თაობაზე.

სხვისი გადაჯიშება, ასიმილაცია ქართველის მიზანს არასდროს შეადგენდა. პირიქით, ქართველს ჭირივით ეჯავრება გვარნაცვალი ხალხი. საკუთარის უარმოყოფელი შენსას დაიცავს? ჩინებულად იცის ეს ქართველმა და უნდობლობით ეკიდება ქვეძრომია ქმედებებს, მაგრამ ზოგჯერ მათი ყურმოჭრილი მონაც ხდება ხოლმე, საკითხი როცა ეხება მამონას, ქრთამს, თუმცა ესეც განშტოებითი თემაა; ჩვენ სხვა მდინარეებს მივყვებით: აფხაზის როლს და ადგილს საქართველოს სახელმწიფოებრიობაში.

აფსუა ორასი წლის წინ თუ საუკუნის მიღმა მორგებია აფხაზის მემკვიდრეობას, ამას უკვე მნიშვნელობა არა აქვს. რეალობა ერთია: საქართველოში ჩამოყალიბებულა ლამის ასიათასიანი ეთნიკური მთლიანობა, რომელსაც უკვე სხვა სამშობლო არ გააჩნია, ვიდრე საქართველო და ჩვენც ეს სინამდვილე უნდა გავისივრებოდეთ პოლიტიკური გადაწყვეტილებისას.

სახელმწიფოს ადამიანის სხეულს თუ შევადარებთ უხეშად, ნებისმიერი ორგანიზმი ერთი მთელის ინტერესებს ემსახურება და აქ რომელიმეს გამოკერძოება, გამოცალკეება იწვევს თავად ინდივიდის დაღუპვას. ამას ვერ შეუურიგდება ქართველი საზოგადოებრიობა. ეს თვითმკვლელობაა ჩვენის მხრივ.

აფსუა-სეპარატისტების მიზანი ნათელია — ყველა ღონით და საშუალებით შეინარჩუნონ აფხაზეთის ტერიტორია, რათა ინტენსიურად ჩამოასახლონ იქ თავიანთი დიასპორები თურქეთიდან თუ სხვა ქვეყნებიდან, რომლებიც რაოდენობრივად ლამის ორჯერ და მეტად ჭარბობენ ადგილობრივს და აგრეთვე დერეფანი გაუხსნან ჩრდილოეთ კავკასიის ერებს ზღვაზე გასასვლელად. ჩრდილოეთ კავკასიის გმირი ხალხი ღირსია ეზიაროს ევროპულ ცივილიზაციას, მაგრამ არა საქართველოს სასიცოცხლო ინტერესების გათვალისწინებით.

მესამე ათასწლეულში შესაძლოა „კავკასიური სახლის“ იდეა რეალობად იქცეს, უამრავი თვითმოფადი ერი რაღაც საერთო პრინციპების გარშემო დაირაზმოს და ამისთანა ვითარებაში მოიხსნება კიდევ რუსეთისგან ინსპირირებული აფხაზურ-ქართული კონფლიქტი, მაგრამ დღეს ქართველების თავების სტადიონზე ბურთაობით და ფეხმძიმე დედების მუცლებიდან ამორთმეული შვილების ამაზრზენი მეანობით, ამის მიღწევა ყოვლად შეუძლებელია. ყველაფერს რომ მოვეშვათ, მსგავს კანიბალიზმს ცივილიზებული მსოფლიო არ დაუშვებს.

მოკლედ, გური, ჯიმა, ჩვენ ვერ გავაიგივებთ ვლადისლავ არძინბას პირსისხლიან ხროვას და ბატონ ლორიკ მარშანიას დიდბუნებოვან აფხაზობას. შუა უზის დიდი ზღვარი. უდღეურია არძინბას ჭინთვები, მაგრამ დასასრული არ უწერია ლორიკ მარშანიას ერის აღორძინებას, ის თვითონ საქართველოს მომავალზე იქონიებს გარკვეულ ზეგავლენას უამრავი ასპექტით. მაგრამ აქვე აღსანიშნავია ისიც, რომ პოლიტიკაში დაშვებული იყო უამრავი ორმხრივი შეცდომა. მრავალთაგან მხოლოდ ერთს ვიკმარებდი: როცა აფხაზეთის უნივერსიტეტი... შეხედე, ჩვენ ამ ტერმინით, ამ დასახელებით, უკვე შევექმენით კონფლიქტის წინაპირობა. უპრეცედენტო შემთხვევაა უნივერსიტეტის ეთნიკური ნიშნით ჩამოყალიბება — გავყავით ქართულ და აფხაზურ უნივერსიტეტებად. ერთი ბოროტება ორად ვაქციეთ. ეს ერთ მავან მაღალჩინოსანს ეროვნულ გამარჯვებად მიაჩნდა მაშინ. მე კარგად მახსოვს, იმ გადაწყვეტილების მეორე თუ მესამე დღეს, თავიანთი უმეცარი ქმედებით აღფრთოვანებულს დაუფარავად მივახალე:

ჩათვალეთ, რომ საქართველო დაგიღუპავთ-მეთქი. ჭერ გაოცდა მოულოდნელი შეფასებით და მერე გამწარდა:

კი მაგრამ რატომო.

მაშინ თავი მოვუხსენი მამაჩემის გაკვეთილების არსენალს კანტისეულ მრვალერთიანობის კანონზე, ნაწილისა და მთელის დამოკიდებულებაზე. მიმზერს თვალეზდაფლეპილი. არ ვაკმარე ლექციები ფილოსოფიასა თუ პოლიტეკონომიაში, პრაქტიკულით დავუსრულე თავში კაკუნით:

როცა უნივერსიტეტში მოვხვდი, ჩემს ჯგუფში კახელებიც იყვნენ, იმერლებიც, გურულებიც, მაგრამ მეგრელი ერთადერთი აღმოვჩინდი-მეთქი, და თანაც ყველა ამრეზით მიყურებდა თავიდან, ახლოსაც არ მეკარებოდნენ, როგორც ქეციანს-მეთქი.

მერეო, წასძლია სულმა იმ ჩინოვნიკს.

მერე წავიდა სწავლა. პირველ სემესტრში, როცა ყველას გადაუჯოჯოკრე, იკადრეს თავის კანტური. შემდეგ წავიდა ექსკურსიები, დღეობები, ერთმანეთში მისვლა-მოსვლა, ოჯახური ურთიერთობანი. მეორე კურსის მიწურულს უკვე უჩემოდ სუფრა არ იმართებოდა, სათამადო ადგილიც ყოველთვის განკუთვნილი იყო ჩემთვის, კახელების ბარაქიან სუფრაზე გაჩნდა იმერული ხაჭაპურები

და მეგრული საცივი ღომით.

ცოტა წავიხემსოთ, თორემ მამლებმა ზეცა ჩამოიღეს.

— ნურაფერი გედარდება, ილაპარაკე და ყველაფერს აქ გავაჩენ.

— ხო, ჩემო, ბატონო და შევეთამამეთ ერთმანეთს, ჩვენ ვირებზე შევეანეკლოტეთ იმათ, ისინი თხებზე — ჩვენ. მითხრეს ერთხელ:

რა კარგი ხალხი ყოფილხართ მეგრელები, რატომ აქამდე არ ვიცოდითო.

მეგრელების სიცუდე გვარნაცვალი ქართველებისგან მოდის ძმებო-მეთქი, და მას აქეთ ჩვენს მეგობრობას ბზარი არ გასჩენია.

როტომ არ შეიძლებოდა მზაკვრულად გახლეჩილ იმ უნივერსიტეტში ერთად ესწავლათ აფხაზებს და მეგრელებს, ცხადია, აქა-იქ კახელებისა და იმერლების მხარდამხარ? ერთმანეთის ოჯახებში ევლოთ, დავახლოვებოდით ერთურთს, მაგრამ ჩასაფრებულმა ჭკვიანმა მტერმა მომენტი ხელიდან არ გაუშვა და გაგვთიშა, რათა მეტი საფუძველი ხქონდეს ეროვნულ დაპირისპირებას-მეთქი.

— იქ უფრო ფინანსური ინტერესები დომინირებდა.

— აგაშენა ღმერთმა. კიდევ კარგი ამის თაობაზე სრული სიმართლე ოთხი წლის შემდეგ გავიგე. სიები წინასწარ ყოფილა შედგენილი თუ ვინ უნდა ყოფილიყო სტუდენტი და ვინ — არა.

— სიები ვერ გაიყვს აფხაზმა და ქართველმა პროფესორ-მასწავლებლებმა.

— ძაღლის თავიც აქ მარხია. ვაიმეცნიერებმა კერძო, მერკანტელური ინტერესები ხელოვნურად გადაზარდეს ნაციონალურ უთანხმოებაში; საკუთარ ჯიბეს, სტომაქს ანაცვალებს ცეცხლზე შედგმულ რძესავით ნიდაგ სახაფაცვიცო ქვეყნის ინტერესები აფხაზეთში. დავმალეთ ეს სიმართლე?

საზღვრები რომ გაგვეხსნა ციტრუსებისთვის, ინსპექციას გლეხობის სისხლი რომ არ ეწოვა, მოაფიქრებოდა აფხაზს კრასნოდარის მხარესთან შეერთება? მივჩქმალეთ ეს რეალობა?

გატყლარჭული, პომპუზური მეგობრობის ზეიმებს ვმართავდით რუხში, კომკავშირული ელფერისას და თბილისიდან ვუფეგმავდით რამდენი თხა ჩამოეწველათ, რამდენი გაეყვანათ ბაზარზე და საბალახოდ რამდენი გაეშვათ მალაღმთიან საძოვრებზე. გამოგვადგა. მერე იმ რამდენადმე არვეს პეტელი?

ამისთანა ურთიერთწამკიდებელი, ურთიერთშემძლელები დამოკიდებულებათა სცენარი უფრო ზემოთ იწერებოდა, მაგზოლიუმის სიახლოვეს.

ახლა, ხვალ, ხვალ როგორ წარმომიდგენია აფხაზისა და ქართველის ურთიერთობა? ხვალ ერთ სახელმწიფოში ვიცხოვრებთ, ჯიმა, ლორიკ მარშანიას და გური ოტობაიას ხალხი. ნუ იშმუშნები! კმარა ზედმეტი თავმდაბლობა! სრულიად საქართველო ყველაფერს გააკეთებს იმისთვის, რომ მაქსიმალურად შეუწყოს ხელი აფხაზის, ქართველის თუ სხვათა გენეტიკაში ჩაკირული ღირსეულის, ზოგადკაცობრიულის აღზევებას. აფხაზი თავის აფიარცხაზე დაუკრავს და იმღერებს განუმეორებელ „ოურაიდას“, იცეკვებს, ლექსს დაწერს, მოთხრობას და რომანს, მაგრამ — არა ზოვინისტურს, ანტიქართულს, როცა ერთი ბელეტრისტის პერსონაჟი ქართველის სისხლს სვამს ამ სიტყვის პირდაპირი მნიშვნელობით და მისაბამ მაგალითს სთავაზობს შთამომავლობას მოქმედების პროგრამად.

რაც უფრო ჩქარა უარყოფს სეპარატისტებისგან თავგზაბნეული აფხაზი ერის ნაწილი სხვის უბედურებაზე საკუთარი ბედნიერების აგების პერსპექტივას, მით უფრო სწრაფად დაიბრუნებს თავის ისტორიულ იერსახეს, და ეს მომენტი ყველასთვის სასარგებლო იქნება, როგორც აფხაზ-ქართველისთვის, ისე კავკასიისათვის და შესაძლოა მთელი მსოფლიოსთვისაც. აფხაზთა დიდი ნაწილი მიხვედრილია ამას.

— მიხვედრილია, მაგრამ იარაღის ქვეშ ძნელია არჩევანის გაკეთება.

— დიახ, დიახ, სამწუხაროდ მათ თავიანთი ნების გამოხატვის საშუალება არ გააჩნიათ. აი, როცა ბატონი თამაზი ძალადობაზე ლაპარაკობს, რომელიც რასაკვირველია, არძინბას და მის ხროვას ეხება და არა ზოგადად — აფხაზებს, აი, ამ პოზიციაში მე ბატონ თამაზს აბსოლუტურად ვეთანხმები. მაგრამ ძალა რომ გამოიყენო, უნდა გაგაჩნდეს იგი, ან უნდა შექმნა. აქ საუბარია როგორც საკუთარზე, ისე იმ ძალაზე, რომელიც შეძლებს კონფლიქტში ჩარევას გაეროს წესდების შესაბამისად და საერთოდ, მომხრე ვარ გასამართლდენ არა მხოლოდ აფხაზი სეპარატისტები...

— გასაგებია შენი პაუზა. გადაიღე რამე. შეჯამების დროც მოახლოებულა. 91-92 წლების მოვლენების პოლიტიკური შეფასება გარკვეული მოსაზრებით შთამომავლობას გადავულოცეთ.

— მხოლოდ და მხოლოდ სტრატეგიული მოსაზრებით.

— გადავედით მეორე საკითხზე და ისიც მომავალ თაობას მივანდეთ განსასჯელად. პასპორტში ეროვნების რეკვიზიტის ლიკვიდაციაც მათთვის ხომ არ გადაგვებარებინა?

— გური, ჯიმა, მომავალ თაობაში მაინც და მაინც შენსა და ჩემს მცირეწლოვან შვილებს როდი

ვგულისხმობ, არამედ, ხა და ხა—ორ საპარლამენტო პერიოდს. არძინბას ხომ განვუმზადეთ ნიურნ-ბერგის სავარძლები თავიანთ ოპონენტებთან კავშირში? საპასპორტო ციებ-ცხელება კი არ არის ამ რანგის პრობლემა.

— რატომ?! წვეთებისგან იქმნება ოკეანე. როცა ერთ პარამეტრში დაიხაგრები, მეორეში, აქეთ სამაჩაბლოს წაგართმევენ, იქით — აფხაზეთს წაგგვრიან, ვილაცას პრეტენზია უჩნდება სამხრეთში ავტონომია შეგიქმნას, სხვა ჭკუათმყოფელი პასპორტში ეროვნების რეკვიზიტს წაგიშლის, იძახე რამდენიც გნებავს: მუხა ისევ შეიფოთლებათ, ან ელირსებათ ლუხუმსა ლაშარის გორზე შადგომა. თავის მოტყუებაა, სხვა არაფერი.

— გულს ნუ გაიტეხ, ბაჩუკი! ქართული სახელმწიფო ჩვენ და ჩვენისთანებმა უნდა შევექმნათ იმ დონეზე, რომ ძირშივე შეეძლოს მსგავსი გამოხდომების აღკვეთა. როცა ჩვენ კონსტიტუციაში გავაცნობიერეთ საქართველოს თითოეული მოქალაქის უფლება-მოვალეობანი, როცა უშურველად მიმართმევია მიწა-წყალი საარსებოდ, გიქმნი სრულ თანასწორუფლებიანი ცხოვრების პირობებს და ამისთანა ვითარებაში, რაღაც ავტონომიები მოგინდება, რაღაც სახელმწიფოებრივი წარმონაქმნები, ღირსი არ იქნები კინწისკვრით გისროლო იქითკენ, საიდანაც ჩამოთესლილხარ, თან მიგაძახო გვარიანად გავანადრძობს:

გაქვს ჩემო ბატონო შენ სახელმწიფო ჩემი ტერიტორიის გარეთ და მიბრძანდი იქ, ააყვავე და ააშენე, გინდა დემოკრატიული, გინდა კომუნისტური თუ სულაც ფაშისტური, მაგრამ, ჩემგან ჯვარი გწერია-თქო.

მოვა, სულ მალე მოვა ასეთი დრო და ქვეყანაც შევებით ამოისუნთქავს, ოღონდ ჯერ ამირანის მოთმინება გვამართებს; ჯერ ველარ გამოვაცლით ამირანის ნაჯოჯოხეთარ ღვიძლს ზევსის არწივის ნისკარტს...

— შენი ინტუიციის გამოსაკვლევად ანუ აღლოს მოსასინჯად ერთსაც ჩაგეძიები, ოთარ, ძმაო: აღსდგება თუ არა საქართველოში სახელმწიფოებრიობა მთელს ტერიტორიაზე მეორე ათასწლეულის მიწურულამდე და კიდევ არანაკლები: როგორი წყობის შეიძლება იყოს ბრძოლით თუ მშვიდობიანი მეთოდებით დაბრუნებული აფხაზეთ-სამაჩაბლოს შემომტკმიცებით ფერფლიდან აღმსდგარი საქართველო? ამასთან, რა კონკრეტული ნაბიჯებია საჭირო, რათა ჩვენს სამშობლოში ფინანსური კრიზისიც გამოირიცხოს და ეკონომიკურიც, და აქვე, რანაირი ორიენტაციის ხელისუფლება მიაღწევს ყოველივეს, პრორუსული, პროამერიკული თუ პროკავკასიური მოდელით საკუთარ წილში მოხარშული? სად არის ის ვიწრობი — სცილას და ქარიბდას შორის გასაღწევი ბილიკი, რომელიც ტაძრამდე მიიყვანს ჩვენს ოტობაისაც, ჩვენს სამურზაყანოსაც, ჩვენს აფხაზეთსაც აჭარა-ოსეთიანად, დაბოლოს, უზენაეს სალოცავს ჩვენსას, სრულიად შურობუმუს, სრულიად საქართველოს, უჯრედიდან დანახულს და გალაქტიკამდე გავრცობილს? ნუ იცინი, თვითონაც ვხვდები კილომეტრიანი შეკითხვაა, მაგრამ ერთ ხელჩასაჭიდსაც გაგიმხელ: სომხეთს შეძლებული დიასპორა ხყავს და ზურგგამლილიც ამიტომ; აზერბაიჯანს ნავთობის დიდი მარაგი გააჩნია და ესეც არსებობის მტკიცე გარანტიაა; ებრაელს ახასიათებს ჭკუა, რომელიც გაიგივებულია ქონებასთან, სიმდიდრესთან და ამ უკანასკნელის გათვალისწინებით 26 საუკუნის შემდეგ აზერბეებს თავის ქანაანში დაბრუნებას, სამაგალითო სახელმწიფოს შექმნას და ასე შემდეგ და ასე შემდეგ.

აი, ქართველს რა შეიძლება ხქონდეს აქ ჩამოთვლილი თვისებებიდან ხელჩასაჭიდი, რომელიც გარკვეული წლების შემდეგ ქვეყნის ურყვე საძირკველად, დედაბოძად მოგვევლინება?

— ძალიან საინტერესოდ მსჯელობ, გური, ჯიმა, — პირწმინდად გასუფთავებულ ქათმის მეორე ბარკალს ნამუსიან „რქაწითელს“ მიაყოლებს, — თავად შენ რა მიგაჩნია ასეთ საგანძურად?

— მე გეოპოლიტიკური მდებარეობა და შემოქმედებითი სული.

— აგაშენა ღმართმა! ყველაზე დიდი სიმდიდრე ჩვენი, ნავთობზეც, დიასპორაზეც, დოლარზეც, ოქროზეც და მისი მოხვეჭის წუწურაქულ უნარზეც უკეთესი, გეოპოლიტიკური მდებარეობა იყო: ორი კონტინენტის გზაგასაყარზე ყოფნა, მაგრამ ნიადაგ მისი იმედითაც ველარ ვიარსებებთ. რაც მეტად განვითარდება ცივილიზაცია, მით უფრო და უფრო ჩაესვენება ოდინდელი უპირატესობანი. კომპიუტერების ეპოქაში ხელსაყრელ ტერიტორიებს ნაკლები როლი მიენიჭებათ.

მთავარი და ძირითად ქართველი კაცისათვის კოლხეთის გარშემო, სამეგრელოს გარშემო, იგივე ხერხემლის, დედაბოძის თუ ბურჯის გარშემო ერთად დგომის ნიჭის გამომჟღავნება მიმაჩნია. სახელმწიფოებრიობის შეგრძნება, შეცნობა, მოთხოვნილება, ამ უნარების ქვაკუთხედზე ხკილია, ვინაიდან დიასპოტა სწორედ კოლხეთია ზოგადევრონული ცნობიერების გენია. ახლა კი ერთი ალთას ვართ, მეორე — ბალთას და მესამე — ხალთას. ერთად დგომის ტრადიცია დაკარგულია სავალალოდ და პირველ რიგში ეს ნაკლოვანება უნდა აღმოვფხრათ. უნდა აღვზარდოთ ჩვენი პიროვნებანი აკაკის

ლექსის სულსკვეთებაზე: ჩონგური საქართველოა, სიმები ჩვენ ვართ ყველაო, ერთი მათგანიც რომ გაწყდეს, მაშინვე უნდა შველაო.

ხომ დაკვირვებისარ, დანაგვიანებულია მრავალსართულიანი სახლის სადარბაზო — მოშარდული და გამამაძაღლებული; შეხვალ ოჯახში და ყველაფერი დაწკრილებულია. აი, ჩვენი არსებობის ორი შეუსაბამობა. გარეთ თითქოს უცხოა და მხოლოდ შიგნით არის მშობლიური.

სხვას შევხედოთ: შენობის სამი კედელი ლამაზადაა შეღებილი, ან შეღესილი, მეოთხეს კი უყურადღებოდ ვტოვებთ, თითქოს გერია, გადამთიელი. ჩვენი უბედურებაც აქედან მოდის. ჯერ უკანა კედელით უნდა დავიწყოთ ჩვენი ყოფიერების გამრთელება, სადარბაზოებით და მერე უნდა მივხედოთ წინხედს თუ ლოჯიებს. აი, ეს ოთახია ჩემი, აი, ეს ბინაა ჩემი, მანამდე მისასვლელი, სადარბაზო, ქუჩა თუ მოედანი კი — სხვისი, ჩემი არ არის. გავიმარჯვებთ ასეთი სულსკვეთებით? ეს გვარნაცვალი ხალხის ფსიქოლოგიაა, რომელთაც ჩინებულად უწყიან სხვის სამშობლოში რომ იმყოფებიან და თითქოს აქედან ადრე თუ გვიან აბარგება ელით, ამიტომაც თითოსაც არ ატოვებენ მისი წინსვლისათვის. პირიქით, აფუჭებენ კიდევ, სადაც მოუხერხდებათ, სადაც წაასწრებენ. ამგვარი საგანგაშო მავნებლობანი საჯაროდ უნდა აილაგმოს.

— ჩემს პოლიტიკურ მედიტაციებს, ოთარ, ძმაო, ნახირს ატორღილებული, დასაქვდად ფეხგამოყოფილი კუს გონჯგონებულობად ნუ ჩამომართმევ. ისე მრავალსპექტრიანად დასხვიდა ჩვენი ცნობიერება ათწლიან დაჭიმულ, პოლიტიზებულ ველში, ყველა ტალეირანებად და ეიზენშაუერებად ვქცეულვართ: ვკლავებით რამეს, ვთხაპნით, ვთითხნით თუ ვიმანჭებით, ასე რომ, არაფერი გაგიკვირდეს „წიკო-მიკოს“ რეცეპტებიც მოვიშველიო პრობლემათა გადაწყვეტისას. გვინდა თუ არა, სწავლია თუ არა ჩვენს სულს, ოთხი განზომილებიდან ერთ-ერთის არჩევანის შესაძლებლობა მოუნიჭებია ზეციერს ჩვენი ქვეყნის სახელმწიფოებრივი მოწყობის გზაზე. ესენია: პრორუსული, პროამერიკული, პროდასავლური და ამასწინათ ამობრწყინებული პროიაპონური. ამ აბსტრაქტულ გზაჯვარედინზე ჩვენი მომავლისათვის სარგოდ გერმანია-იაპონიის სივრცის მეკავშირეობა წარმომესახება. მოსმენილი მაქვს რამდენიმე წლის წინათ იაპონელების მიერ შესრულებული „ხასანბეგურა“. შვედეთშიც დიდად პოპულარულია ჩვენი სიმღერები, გერმანიაშიც. ამ ორი, დასავლეთ-აღმოსავლეთის ინტერესების საქართველოში გადაკვეთა, საქართველოში გაკვანძვა, საქართველოში შეპირაპირება მგონია სინთეზის პერსპექტივად უამრავი ასპექტით.

04. 11.

— ასეთი კუთხით არ მიფიქრია, გური, ჯიმა, მე უბრალოდ ამგვარი კლასიფიკაცია მაქვს. სად? პროკომუნისტურ მიმართულებასთან თუ ანტიკომუნისტურთან? ესე იგი სახელმწიფო საკუთრებასთან თუ საბაზრო ურთიერთობასთან. ღმერთმა ქნას რუსეთიც დაადგეს ცივილური განვითარების გზას, მაშინ პრობლემა მოიხსნება, რადგანაც ყველაზე პოტენციურ პარტნიორად მოვევლინება პატარა საქართველოს;

რაც შეეხება იაპონურისა და გერმანულის შემაკავშირებულ ფუნქციას, პრინციპში ჩემთვის მისაღებია, ვინაიდან მათი სახელმწიფოებრივი მშენებლობა დაფუძნებულია ეროვნულ ტრადიციებზე. იცი, როგორც იაპონელისთვის, ისე გერმანელისთვის მაღალხარისხოვანი პროდუქციის გამოშვება ეროვნული სიამაყის საგანია. ამას სხვის მონათხრობს როდი გიყვები. ერთი პერიოდი დაინტერესებული ვიყავი იაპონიის ეკონომიკის მართვის ხერხებით და მეთოდებით, და ჩემი თვალით დავრწმუნდი, რომ ნებისმიერი მეთოდის არჩევაში საფუძვლად ჩადებულია ის ტრადიცია, რომელიც ამომავალი მზის ქვეყანას გააჩნია, ეს იქნება ოჯახის ტრადიცია, უფროს-უმცროსობის ტრადიცია თუ სხვა. უამრავი დოკუმენტური ფილმი მინიხავს, ვთქვათ, როგორ ამზადებენ იაპონელები თავიანთ მენეჯერებს. აი, დილა იწყება ფიზიკური ვარჯიშით, ეს იმისთვისაა გათვლილ-გაანგარიშებული, რომ იგი პირველ რიგში ავითარებს ადამიანის გონებრივ შესაძლებლობებს. მღერიათ ხიმნს, თავიანთი ფირმისას, კონსერციუმისას თუ მარტივად, რომელ ორგანიზაციასაც ეკუთვნის. სწავლობენ, შრომობენ და სამუშაო დღე მთავრდება ასევე თავიანთი სამსახურის ხიმნის შესრულებით. ნუ გავაიგივებთ ამას საბჭოურ თუ სოციალისტური საქართველოს ხიმნებთან, რომლებსაც დილის ექვსი საათიდან, გვინდოდა თუ არა, — იცინის, — მიზანმიმართულად გვტენიდა ყურში ქვეყნის იდეოლოგიური მანქანა.

იაპონიაზე, გნებავთ გერმანიაზე ნათქვამი, კომპლექსში ემსახურება იმ ტრადიციითა აღორძინებას, რომლებიც ამ ერებს გააჩნიათ. ამიტომაც ათიანში მორტყმული მგონია მცნება: იაპონია-საქართველო-გერმანია, ან გერმანია-საქართველო-იაპონია, მნიშვნელობა არა აქვს საიდან დავიწ-

ყბთ, ორივე შემთხვევაში ჩვენი ქვეყანა შუალედურ მდგომარეობაშია, ოქროს კვეთას სიტუაციაში და შეუძლებელია ისედაც ზომიერებით გამორჩეულ ქვეყნებთან დასინთეზებულმა საქართველომ სწრაფად არ გაიკვლიოს გზა ზენიტისკენ, როგორც ეს სინამდვილეშია ამომავალი და ჩამავალი მზის ქვეყნების შუაგზაზე მდებარე სახელმწიფო.

აი, დღევანდელ გერმანიაში არის საოცარი რაღაც. პრაქტიკულად სახელმწიფო აფინანსებს ერთ-ერთ ტელეარხს, სადაც უამრავი დრო იხარჯება ანტიფაშისტური ფილმების დემონსტრირებისათვის, საერთოდ ანტიფაშისტური გადაცემებისათვის. ჩაკითხებივარ ჩემს გერმანელ მეგობრებს თუ რატომ კეთდება ასე. ვინც იცნობს დღევანდელ გერმანიას, ყველა დამეთანხმება, რომ იგი ხუმანიზმის, სტუმართმოყვარეობის განსახიერება ქვეყანაა არა მხოლოდ ევროპაში, არამედ — მთელს მსოფლიოში, ალბათ. რა ხდება? რატომ ამდენი სიფრთხილე, როცა საამისოდ ნიადაგი მწირია? პასუხი ძალიან ლაკონიურია:

არა, ჩვენ მაინც ვშიშობთ კიდევ არ იყოს სადმე, ვინმეში ფაშიზმის, ანუ გამორჩეულობის, სხვებზე უკეთესობის სინდრომიო. ამიტომაც გულწრფელად მიხარია, როცა მწერალი ასეთი კუთხით უყურებ საქართველოს ორიენტირის საკითხს. ყოველივეს ერთი მთავარი დასკვნისკენ მივყავართ, როცა ქართული სახელმწიფოებრიობის მშენებლობაზეა საუბარი: ნებისმიერ დროს, ნებისმიერ შემთხვევაში, აუცილებლად უნდა იყოს მაქსიმალურად გათვალისწინებული ჩვენი ეროვნული ტრადიციები, ის რითაც მოვლწეულვართ აქამდე ათადან და ბაბადან მოყოლებული და რისი ხელაღებული უგულვებელყოფით აპირებს მომავლისკენ გზის გაკაფვას უბირი მეჭდანუაშვილი.

— ანუ უნახავმა რა ნახა.

— გური, ზიმაია, პროგნოზი უმადური საქმეა, მით უმეტეს ასეთი გლობალური საკითხისა, როგორც საქართველოს ზვალინდელი დღეა. დარწმუნებული ვარ სწრაფად განვითარდება ტექნიკატექნოლოგია ეროვნული წიაღისეულის თვალსაზრისით. ეს ფაქტორი ორ-სამ საუკუნეს შეინარჩუნებს პრიორიტეტულ როლს, მაგრამ უმთავრესი მაინც ჩვენს სახელმწიფოებრიობაში, ალბათ, ტერიტორიის შენარჩუნებაა!

— კაკალ გულში მომახვედრე! მაინც რა სახელი გვქვია ჩვენ?

— საქართველო.

— არა, არა, უცხოელები როგორ გვეძახიან?

— გეორგიას.

— ხომ ხედავ, დამოუკიდებლად მივედით ერთ აზრამდე. მთავარი ტერიტორიის შენარჩუნებაა. ჩვენ ხომ იგივე ანთეოსი ვართ, თვით ხერაკლეც რომ ვერ ძლევს მიწისმოუწყვეტლად.

— ტერიტორია სახელმწიფოს ბაზისია, საძირკველი, მაგრამ არანაკლებია ენის თუ ზოგადკაცობრიული მნიშვნელობის ტრადიციათა შენარჩუნებაც. ბევრი პირდაღებული უცხოელი სტუმარი მინახავს ჩვენთვის სრულიად უმნიშვნელო წეს-ჩვეულების შემყურე. ათასწლეულებში გამობრძმედილი ტრადიცია შეუძლებელია მხოლოდ ეგზოტიკის დონეზე ჩამოგვეერთვას. ამისი დაკარგვა არ შეიძლება.

არ შეიძლება ჩვენი ოჯახის ინსტიტუტის მოშლა, ნათესაური დამოკიდებულების, ურთიერთპატივისცემის, ურთიერთპასუხისმგებლობის წყალში გადაყრა ბოლოდროინდელი კოსმოპოლიტური შემოტევების საწინააღმდეგოდ. არ შეიძლება ჩვენი ტოლერანტიზმის, გულქართლობის მოშლა საერთოდ, როგორც თვითგადარჩენის ერთ-ერთი დიდი ინსტიტუტისა.

არსებობს ქართული სიმღერა, არსებობს ქართული პოეზია, რომელიც ზოგადკაცობრიული განზომილებისაა და მათი დავიწყება, დაკარგვა მსოფლიოს გაღარიბებასაც ნიშნავს. ეს უნდა გადარჩეს, ამან უნდა გადაგვარჩინოს, თორემ რად მინდა მხოლოდ ინგლისურად მოლაპარაკე და მოფიქრალი ქართველი, ინგლისური წესით მაცხოვრებელი, სენდვიჩებით გატიკნული ძუკუ, მიხო და ჭიჭიკია? მაშინ ხომ აღარ იქნება მცნება: ქართველი, საქართველო, და რაღა აზრი ექნება რამეს საერთოდ?! ჩვენ გეორგიანელები ვართ, გური, ზიმა, გიორგები და არა ჯორჯები თუ ჟორჟები ბალანჩინის მსგავსად კულდმოკვეცილი გვარებით. ასეთი საქართველო მეწყრს წაუღია! — მომდევნო თაბახს გადაწვდება, აღმაცერად ჩაიკითხავს, ტუჩებიდან ჭიქამოუწყვეტელი პოზით, — დიდებულის კითხვაა, განსაკუთრებით ბოლო ნაწილი: შეჩვეული ჭირი ერჩივნება მოსახლეობას თუ ვაისთან გაყრილი უისთან შეკრავს კავშირს? მოდი, ვიყოთ ძალიან, ძალიან რეალისტები, ჩვენ ვამთავრებთ საკმაოდ ხანგრძლივ დიალოგს...

— ხო, ენდშპილის ფაზაში შევდივართ.

— გური, ზიმა, ამ პატარა ფრაგმენტიდან დავიწყებ. შენი და ჩემი ფილოსოფია მედიატორულია, შემთანხმებლური, კონსენსუსიდან მოდის. ერთი საოცარი სიტუაცია მახსენდება ზუგდიდში, გუ-

ბერნატორის კაბინეტში, შვიდიოდე კაცის თანდასწრებით და თანხლებით. ერთ-ერთი მთავრობის წევრი იყო, მინისტრი, ხოდა, ამ მინისტრმა იკითხა რამდენი საწოლი გჭირდებათო.

- ოთარ, ამაზე ჩვენ საკმარისად გვითქვამს
- მე მინდა ხაზი გავუსვა კიდევ, სხვანაირად.
- განმეორება ცოდნის დედაა.
- სხვა მინდა გითხრა, გური, ჯიმა, გულუბრყვილო კითხვა დასვა მთავრობის წევრმა:

ლტოლვილ, ამ უბედურ ადამიანებს თუ საწოლი არა აქვთ, ლოგინი არა აქვთ, მაშ, როგორ სძინავთო?

მადლობა ღმერთს, ბატონი ბაკურ გულუას გვერდით ვიმყოფებოდი, რომელმაც თავისი უშველებელი ტორებით დამიჭირა და გამაჩერა, თორემ ვინ იცის... რა კაცობაა, რა სინდისი, რომელი ქვეყნის შვილობამ ჩამოგიყვანა ოდიშში, ზუგდიდში შე, მამაცხონებულო, თუ არ იცი სად ძინავს შენს მოყვასს, შენს თვისტომს-მეთქი. მადლი უფალს და მადლი ბატონ ედუარდ შევარდნაძეს, რომ ის პიროვნება დღეს მთავრობის წევრი არ არის.

მოსაუბრეებს სიგარეტი მოგვინდება, გავკრავ ასანთს, არ ინთება... სანთებელას მომაგებებს.

— შენ, როგორც ოთარ ხუფენიას, ოტობაიელს, მე, როგორც გულად ფეტველავას, ანუ გური ოტობაიას, ამას მოკრძალებით ვამბობ, ვუფრთხილდები ხმამაღლა თქმას, ღმერთმა დაგვაკისრა უზარმაზარი ფუნქცია. მოდიან პოლიტიკური გაერთიანებანი აურაცხელი ელექტორატით.

— მაგალითად რომელი?

— შენ, რომ შეარბილე, კოლხეთის ნიუანსებია შიგ, მაგრამ მე ჯერაც ვერ გამოვდივარ დღევანდელი შთაბეჭდილებიდან. სადღეისოდ გამოკვეთილია ორი მოძრაობა; ერთი ხელდასხმულია ბატონ ბაკურ გულუასგან „რეფორმატორთა კავშირის“ სახელით, მეორე — „აფხაზეთის განთავისუფლების პარტია“. მოწინააღმდეგეები ორივეს ხყავს. კითხვას ისე ვძერწავ, ლიტერატურული გამომდის უფრო. ჩვენც ორი მუგუზალი ვართ, ორივე ოტობაიელი. ორივეს ერთი ძუძუ გვიწოვია. აქედან გამომდინარე ნუთუ ჩვენ არ შეგვიძლია ერთი ხაერით ვისუნთქოთ, ერთი მაგიდის გარშემო ვიყოთ, საერთო მიზნებით ვისაზრდოთ განუყოფელი მამულისათვის?!

— გური, ჯიმა, აი, შენს ბოლო ფრაზას დავესესხები, ოღონდ კორექტივით. ვერ გავაიგივებთ მორდუს საზიარო მკერდს და პოლიტიკურ მისწრაფებებს. მე წარმოვადგენ და ვარ წევრი იმ მოძრაობისა, რომელიც დაფუძნდა 93 წლის აგვისტოში, იმ ავბედით შესვენების დროს. ოთარ ხუფენია ამ დროს სოხუმში იმყოფებოდა თავის მეგობრებთან ერთად. საბედნიეროდ მაშინ ბატონი ქიულ შარტავა ჯერაც ცოცხალი გახლდათ, სხვებიც. ასე მითხრეს:

იქნებ ჩვენ უკანასკნელად ვხედავთ ერთმანეთს, ხელს უკანასკნელად ვართმევთ ერთუროსო. ეს 9 სექტემბერს სოხუმიდან გადმოფრენილმა ოთარ ხუფენიამ ვერ გავიაზრე.

— მე ვგულისხმობ ზემოთ ნახსენებ ორ პარტიას. მაინტერესებს რამდენად პერსპექტიულია მათი შეამხანაგება, შერწყმა, ან რამე წინააღმდეგობა ხომ არ არსებობს აქ, ტექნიკური, გნებავთ ამბიციური?

— ყველანაირი არსებობს: ტექნიკურიც, ამბიციურიც, არასახელმწიფოებრივიც.

— მაშინ რამდენად მოიგებენ ისინი ერთად დგომით, ან რამდენად წაგებული დარჩებიან ცალ-ცალკე ყოფნისას?

— თუ მიზანი ერთია, გური, ჯიმა, რომ მომავალი პარლამენტი ანუ კანონმდებელი ორგანო იყოს ეროვნული, მაშინ ჩვენი გაყოფა და გათიშვა, მხოლოდ მტრის წისქვილზე დაასხამს წყალს. მთავარი საფიქრალია როგორ მოვახერხოთ...

— ოთარ, შენ საუბარი ზოგადისაკენ მიგყავს, როცა მე კონკრეტულს ვითხოვ. საუბარი ეხება, ორგანიზაციას, რომელსაც შენ წარმოადგენ.

— მე წარმოვადგენ ჯერ სახელმწიფო ფონდის გენერალურ დირექტორს, მერე ვარ ერთ-ერთი პარტიის მხარდამჭერი და თანამგრძობი. ოთარ ხუფენია არ იქნებოდა ის, ვინც დღეს არი, თუ არ იქნებოდა ქომაგი და გვერდში მდგომი 93 წლის აგვისტოში შექმნილი რეფორმატორთა კავშირისა, თვით მოქავეშირიც მერე შეიქმნა. ჩვენ პრინციპებზე გვინდა... ვიმსჯელოთ.

— ხო, არის ორი კონცეფცია:

პირველი, ბაკურისა — რომელიც მამულიშვილობის პოზიციიდან გამომდინარე, სრულიად საქართველოს მოიაზრებს, როგორც ერთიანი საქართველოსთვის არსებულ ძალას, ანუ, ნებისმიერი ქართველი, თავისი კუთხური, პარტიკულარული წარმომავლობის მიუხედავად, დღე და ღამ უნდა ზრუნავდეს საყოველთაოსათვის; ზოგადეროვნულში აქ გააზრებულია თვით აფხაზეთიც, როგორც მისი შემადგენელი ნაწილი. ჩემი საყრდენი წერტილი, რასაც ხქვია „აფხაზეთის განთავისუფლების

პარტიის“ სტრატეგია, ზოგი მომენტი გადასასინჯია, განსაკუთრებით, როცა საკითხი ეხება აფხაზე-თის იარაღით დაბრუნების პრობლემას.

— მე, მაღლი უფალს, იმის შეგრძნება შემრჩა, რამდენადმე მესმოდეს ზოგადქართული, ზოგადსახელმწიფოებრივი, აქედან მინდა ამოვიღე და ალაღად გითხრა: სოლიდარული ვარ ბატონ თამაზ ნადარეიშვილთან, მის თანაპარტიელებთან, მის მეგობრებთან, მაგრამ გური, ჯიმა, თუ უფრო გლობალურად შევხედავთ, პეტრეს — პეტრე უნდა ეწოდოს და პავლეს — პავლე. ამ ფილოსოფიით ბაკურ გულუას ჭკუას და გონებას სახელი უნდა დაერქვას საქართველოში. მან მოძებნა საოცარი ფორმულა: „სრულიად საქართველო — ერთიანი საქართველოსათვის“. აქ თავისთავად პოლიტიკური სპექტრია. აქ მოიაზრები შენც, ჩემი ძუძუმტეც, ერთი საოცარი პოლიტიკური მიდინარეობის იდეოლოგი, მიმდინარეობისა, რომელსაც ხტვია „აფხაზეთის განთავისუფლების პარტია“. ჩემი აზრი იცი: რატომ მართა აფხაზეთის და არა სამაჩაბლოსი?! ანუ რატომ არა სრულიად საქართველოს განთავისუფლება?! რა, არ უნდა გავთავისუფლდე ანიდან ჰომედე? არ გავანთავისუფლოთ...

— ოთარ, მე ეს ფორმულა დიდებულად მხვდება გულზე, ერთად-ერთი სიტყვის ჩამატება მინდა მხოლოდ: სრულიად საქართველო — ერთიანი, ღირსეული საქართველოსათვის.

შენ ჩვენს ინტერვიუში ჭკუა მასწავლე სადღაც, — გულიანად იცინის, — იმაში, რომ უარყოფის უარყოფა არ იქნება.

— ხედავ, საიდან სად გამიხსენა?!

— ხოდა, ახლა მე გიხდი სამაგიეროს.

მე ორმოცდახუთი წლის კაცი, კვლავაც ვიმეორებ ოცდახუთი წლის ასაკისას ნათქვამს: ქართველობა კრებისითი სიტყვაა — მეთქი.

— შენგან თუ ჩემგან, რა მნიშვნელობისაა...

— შენ, რომ არ ჩამეჭრა საუბარში, ვგონებ უინტერესო, მოსაწყენი დიალოგი გამოგვივიდოდა, მაგრამ ამასაც მშვენივრად ახერხებ უმშურველი იუმორით: ცოტა ქართლელი, ცოტა გურული, ცოტა იმერელი, ცოტა კახელი, ცოტა მეგრელი, ცოტა ხევსური, ცოტა რაჭველი და ა.შ. კრებისითი მხოლოდ და მხოლოდ.

შემირცხვენია ქართველი, რომელსაც ალაზნის ველის ხილვა არ შეძრავს;

შემირცხვენია ქართველი, რომელსაც თერგის ღრიალი არ აღანთებს ბრძოლის ჟინით;

შემირცხვენია ქართველი, რომელსაც ხმლიანი ბოკვერების მერმისი არ აუჩქროლებს გულს;

შემირცხვენია ქართველი, რომელსაც ტანი არ დაეზურძგლება ვარძის, ჯვრის მონასტრის, სვეტიცხოვლის ნახვისას;

შემირცხვენია ქართველი, რომელსაც სული არ ეგუბება „ლილეოს“, „ოდოიას“, „მრავალქამიერის“, „კრიმანჭულის“ შემოძახებისას, ასე რომ, უმარტივესად გეტყვი: კრებისითი შენი და ჩემი ფომრულა.

ჩვენ საუბარი დღის ოთხ საათზე დაიწყო და ჯერაც არ დამთავრებულა.

ერთობლივი გამარჯვება მხოლოდ ეროვნული თანხმობით შეიძლება, გური, ჯიმა, სხვანაირად არამც და არამც. შენს ფრაზას გავისხენებ სატრაპეზოდ ოთხი თუ ხუთი წელიწადით მოსასვლელ ხალხზე. არა, ბატონო, გამარჯვებას იმას ვეძახი, რომ ერთად ვაკეთებთ თანხმობის დარბაზს და ინსტიტუტს. მჯერა, თუ საქართველოს ხვალინდელ დღეს აღზევება უწერია, აქ რამდენიმე პიროვნება დაწინაურდება. ამას შეგნებულად ვამბობ, ერთი ვერასოდეს მოუტანს საქართველოს გამარჯვებას, ეს ტყუილია, ტყუილი კი არა უარესიცაა, ავადმყოფური წარმოდგენებია. მე გლეხი კაცი ვარ, ბაბუაჩემი თედო ხუფენია გლეხი იყო, ჭკვიანი კაცი და იქედან მოვდივარ. საქართველოს ბედნიერება მომავალ პარლამენტში მონოპარტიულობაში ვერ იქნება. რაც მოუტანა საქართველოს ამ მონოპარტიულობამ, ნათელია. იყო პლუსი და მინუსიც. ჩვენ პლუს-მინუსის სინთეზი გვესმის. ეს უზარმაზარ გამარჯვებაა მაინც სახელმწიფო საბჭოსთან შედარებით. საქართველო შეთანხმებული, სტაბილური ვერ იქნება, სადაც მონოპარლამენტია. ზოგიერთი დღესაც ეიფორიაშია მოქალაქეთა კავშირში, მათ ხგონიათ, რომ 1995 წელი განმეორდება — დიდი მატარებლის ჩასეირნება ერთი ქართველის ავტორიტეტის ძალისხმევით. ეს მარტივი ილუზიაა, რაც ეიფორიაში მყოფებს სჭირთ ხოლმე. ვურჩევ მათ სათვალეების გარეშე შეხედონ საქართველოს, სიმაღლის გარეშე და მიხვდნენ ერთ რამეს: დღეს საქართველოს შემდგომ ოთხწლიან ციკლში სჭირდება ეროვნული თანხმობა.

— ჩემი შეკითხვის მთავარი ძარღვი, მაინც განზე დამიტოვე. მაინტერესებს სეპარატისტებს მიეტყვებათ თუ არა ყოველივე. ბატონი თამაზის პარტიას მოიაზრებენ, როგორც შურისმაძიებლურს. სინამდვილეში, ბატონი თამაზი იდეოლოგიურ ომს უცხადებს მათ: გააშიშვლოს სეპარატისტები მთელი მსოფლიოს წინაშე, როგორც სისხლში გასვრილი ხალხი, რათა მათთან პური არავინ გატე-

ხოს, თორემ იქ იარაღით შესვლაზე არც არის საუბარი. სამაგიეროს მათ მსოფლიო გადაუხდის.

— გური, ჯიმა, ის ვინც სხვანაირად განსჯის, ვერ არის ქართული აღნაგობის და ფსიქიკის. ადრე ასეთი მითხარი:

ძალას და ძალადობას შორის თუ არის განსხვავება. მეტი პასუხისმგებლობაა საჭირო ყველაფერში, ამას ჩვენ ერი და ბერი გვთხოვს. გაუბრალოება, გაპრიმიტიულება არაფერში ვარგა! ხედავ, ორმაგი უარყოფა მომაშლეინე. კი ვსაუბრობ შორიდან, მაგრამ ამით შენს კითხვასაც ვპასუხობ. როცა ორმოცდახუთი წელი მომილოცა „მაფშალიამ“, მაშინ მათ აფხაზურად „ვიისარადა“ ვამღერეთ. ვამბობ: ჩემი ძმები იქ არიან — სოხუმში, გუდაუთაში, გაგრაში, ახლობლები ჩემი. რა არის გამოსავალი? ბატონ თამაზს მგონი შეგნებულნი მტრები უქმნიან ასეთ ფენომენს, თითქოს ნადარეიშვილი გაგრაში სხვა ფეხბურთის სათამაშოდ ჩავაო.

— კარგი ნიუანსია, ჩვენ ნაღდ ფეხბურთს ვითამაშებთ.

— ბატონი თამაზ ნადარეიშვილი იქ სხვა ფეხბურთის სათამაშოდ აღარ ჩავა. ტერმინოლოგიაში არის სხვაობა ძალასა და ძალადობას შორის. ღმერთმა ნუ ქნას ქართულ მხარეს აფხაზებთან ერთად სხვათა შორის, არ ხქონდეს იმის საშუალება და ცნობიერება, განაცხადოს: მე ძალა მაქვსო.

ხმა აღიმადლოს: არამზადა, არძინბავ, არამზადებო, ვინც გვერდში უდგეხართ, თქვენ ვერასდროს გახდებით ჩემი ძმები, ჩემი მეგობრებიო. შენს დიდ რომანში „როკი“ ბევრი გიწერია ძუძუმტობაზე, კაცობაზე, თუ როგორ მიდის ოდიშელია მორდუშვილებთან, და მერე მათი დედა — ვერა მარშანია, როგორ დასჯის საკუთარ მემკვიდრეებს, როგორ მოისწრაფებს სიცოცხლეს. თუ კი ეს არ გაგვიძღვა გალისკენ, ოჩამჩირისკენ, ტყვარჩელისკენ, სოხუმისკენ, გუდაუთისკენ, გაგრისკენ, ტყუილია ყველაფერი, ჯიმა. ჩვენ სასტიკი მტრის ანკესზე წამოგებულნი ვიფართხალებთ ნიადაგ.

— ჩემო, ოთარ, ამ პასუხით ამომასუნთქე. ეს ფორმულა ასეთია: მტერს — მტრულად და მოკვარეს — გულში ჩახუტება. მორჩენილია ამ საკითხზე მსჯელობა?

— საუბედუროდ არაა, ჯიმა, მორჩენილი, მეტია სათქმელი. შენმა ძუძუმტემ 1993 წელს ორი კვირის თავზე ქართველთა და ასე ვთქვათ, აფხაზთა ომის სასრულს, ფორმულასავით დაახეთქა, იქნებ ეს დევიზადაც გახყვეს შენს წიგნს: როცა ორი ძმა ერთმანეთს ეომება, არც ერთია მართალი და აღარც — მეორე, მაგრამ ყველაზე დიდი მტყუანია მესამე, ვინაც რომელიმეს გაამართლებს. ეს ბეგი ხუფენიას ფილოსოფიაა.

— აგაშენა ღმერთმა, შენ იშვიათი მეხსიერება გაქვს, ოთარ, ძმაო. სამასგვერდიანი წიგნი თვეობით იწერება, ჩვენ კი ოცდაოთხ საათში მოვილიეთ ერთმანეთის ძალისხმევით, ზოგი — ლიჯინში ზოგი — ჯუჯღუნში, ზოგიც — ჯგვლემასა და ფორიაქში... ახლა ჩვენ უნდა მოვუბრუნდეთ „შურობუმუს“, პასაჟებს, შემაჯამებელ ფრაზას რომ მოითხოვს შენგან. მაინც როგორია წინადადება, რომელიც ლამპარავით წარუძღვება ჩვენს შურობუმუს ოტობაიას, ოლონდ ისტორიულ-ტრადიციულ ფონზე: მამული, ენა, სარწმუნოება? ამის ლაკონური შენეული ანალიზი მჭირდება და შეიკვრება კიდეც ის სივრცე, რასაც ამდენი ხანია ჭირთათმენით ვეფალავნებით.

— მაშ, ასე, გური, ჯიმა: მამის საფლავი — პირველი, მეორე — მსოფლიოს პოლიფონიური შეგრძნობა, როგორც ერთიანის და მთლიანისა და მესამე — ფენიქსივით მკვდრეთით აღდგომა ხიდჩანგრეული შურობუმუდან, უფრო შემჭიდროვებულადაც შეიძლება: ზოგადევრონული ცნობიერება ყველგან და ყველაფერში!

ეზოში გამოვდივართ. გადაუღია წვიმას. წვეთები აქა-იქ წკაპანებენ.

ხეებს ზემოთ მტრედისფრად გარღვეული ზეცა შეიგრძნობა.

ოსკარი ჩამორბის კიბეებზე, გვეგლასუნება, შიგადაშიგ გათამაშება სწყურია, ერთგულების დასამტკიცებლად, მაგრამ იქ ფისოც არხეინობს იმავე პატრონის ნდობის მოსაპოვებლად და მათ შორის სამყფრო-საკნავლო მანძილი ისე მაღლიანადაა მორგებული საკუთარი ფუნქციების უღრ-ტვინველ აღსრულებას, უნებურად ჩემი ფიქრები კონკრეტული თემატიკიდან გლობალურისკენ გადაიხაფრება.

„როცა ძალდი და კატა თავთავიანთ ადგილას არიან, იქ წრუწუნას და ქურდბაცაცას ხელი მოცარვია ორივეგან“, გამიელვებს თავში წამით და სუფთა ხაერზე გამოზმორებულ ძუძუმტეს გამეჩხრებული ვარსკვლავებისკენ მივანიშნებ.

— დიდი ხანია აბასთუმანში ასვლა მინდა და ვერაფრით მომიხერხებია. ხომ იცი, ობსერვატორიას ჩვენი თანასოფლელები, შენი სეხნია კვარაცხელია განაგებს. იქნებ სამაისოდ გაგვეტია იქითკენ?!

— ამას რა აჯობებს, მაგრამ მოცლა იკითხე! თავად ხედავ რა შავ დღეშიც გყავარ.

— ისე, მგონი ურიგო საუბარი არ გამოგვივიდა, ზედმეტად კონკრეტული რომ არ ყოფილიყო. მაინც უამრავი პრობლემა დაგვრჩა განზე, იგივე ეგრეთ წოდებული მარადიული საკითხები: დრო-

ზე, მატერიაზე, სივრცეზე. რამხელა გალაქტიკები დაგვმხოზბია თავს, ჩვენ კიდევ ნაპო ბიძიას ბუხრის მეთედ ღუმელთან ნაცარს ვიქეჭებით, ერთსა და იმავეს ვტკეპნით. ამასობაში ქვეყნიერება მიგრიალებს ოთხივე კუხითით. შენი არ ვიცი, მაგრამ მე პირადად ეს დილემა ჯერჯერობით ვერაფრით გადამილახავს.

აქედან შტანიერები მაწვებიან, ხეგელები, არისტოტელენი პლატონების მასწავლებლობით, იქით — მარქსები და ენგელსები... აი, ახლახან ოშოს „მდოგვის მარცვალი“ ჩავამთავრე. ცოტა წინ მეორედ ჩავუღრმავდი „ყურანს“. მეზარება ღამ-ღამობით თვალის დახუჭვა, რადგანაც იქაც იგივე კოსმოსის სივრცეებს ვლანდავ, რომელიც დღითი დღე იზრდება, განიერდება, ღრმავდება. როგორც ჩანს, ჩემი შემოქმედებითი ბიოგრაფია თეოლოგიური ხასიათის წიგნებით დასრულდება უცილობლად, ვინაიდან ეს ყოფითი საგნები ნელ-ნელა ინტერესს კარგავენ ჩემში.

აქედან სამშობლოს განზომილებანი მაფხიანებენ, იქიდან — ზოგადკაცობრიული, რომელთა ერთმანეთთან შეთავსება არც ისე იოლი გამოდის.

ვექომაგებით თვისტომს და გულს ვუზშობთ ყოფიერებით, უამრავი გაუგებრობით თუ სხვა რამ წინააღმდეგობით სამტროდ მოკიდებულ აფხაზს, რომელსაც ჩვენზე ალიარებით, თურმე სხვა სამშობლო არ გააჩნია; აქვე იმასაც ვადასტურებთ ხელაღებით, რომ თითქოს მეჩვიდმეტე საუკუნემდე აფსუები სქართველოს ტერიტორიაზე საერთოდ არ სახლებულან, ნება-ნება მიზანმიმართულად ჩამოთესილიან, მორგებიან აფხაზის ეთნოსს, გამოუძევებიათ იქიდან პატროფილობის ვალენტობაგამოზშირული მეგრელი და თავად დასაკუთრებიან დასახლებული ტერმინის საგანძურებს. შეხლამემოხლამ ახლა ჩემში ამ ორ განზომილებას შორის, რომელიც სამყაროულთან შედარებით ღიმილისმომგვრელია, თუმცა ტბაში ჩავარდნილი კენჭის მსგავსად განავრცობს ტალღათა რგოლებს უკიდევანოდ, და ვინ იცის, ამჟამად ჩემი სულიერი დუდილიც იქნებ განაბევრებს კიდევ ზოგადკონკრეტულის საზრისს სფერობრივად, ჩუბინიძის სწავლებას თუ დავეყრდნობით?

ხუთიოდე ნაფაზით შემოეფერფლება „ვოგი“ ძუძუმტეს. ახალს აანთებს. რკინის მოაჯირს მიყრდობია. ეთერ დეი ხედავდეს, აქაქანდება:

არიქა, არ გაიჭვალო.

— ილიას ფორმულაზე რას მეტყვი? — მოფრინდება აზრი უნებლიეთ, — ქართველების სამოქმედო პროგრამაზე მოგახსენებ: მამული, ენა, სარწმუნოება? ამის თაობაზე, წიგნი — პირამიდა შემითხზავს — „სუფევა“, ჰოდა, მაინტერესებს, რამდენად თანხვდება ჩვენეული მოსაზრებანი ამ მიმართებით?

ჩამწერი მაგიდაზე დევს. ელემენტები ჯერაც პატიოსნად ეწვევიან თავიანთ ჭაპანს. მორჩენილია კასეტის ცალი მხარე — ოცი-ოცდახუთი წუთის სივრცე, მაგრამ მეზარება ჩართვა, ვინაიდან ვგრძნობ, აწი მეხსიერებითაც ჩინებულად შევინახავ ნებისმიერი სირთულის ტექსტს.

— შენ ხომ სინთეზის გჯერა?! განა მიზანმიმართული დამოკიდებულების შემთხვევაში სახელმწიფოს გაუძნელდება ახალი ქართული ენის ჩამოყალიბება იგივე სვანურ-მეგრულ-ქართლურის სასიკეთო შერწყმით, როგორც ეს ათასწლეულების წინ, აიეტის ზეობის ჟამს თუ თამარ მეფის აღზევების პერიოდში მომხდარა?

ან ნუთუ სარწმუნოების თვალსაზრისით სახელმწიფოს არ შეუძლია განახორციელოს უფრო ქმედითი რეფორმები? ჩვენ აქამდე თავი ფუნქციონურმა არსებობამ მოგვატანინა, რომ ყოველ ათასწლეულში ჩვენს სახელმწიფოს რაღაც განსაკუთრებული მისია ეკისრა:

შორეულ წარსულში — ფოლადის გამოწრთობის საიდუმლოება, ვინაიდან გაგვაჩნდა მარგანეცისა და რკინის საბადოები. ამის თაობაზე ხომეროსიც მიუთითებს „ილიადაში“, როდესაც ხომალდების კატალოგში აცხადებს:

„ხალიძონები ეპისტროფოსს, ოდიოსს მოხყვნენ, ვერცხლის შორეულ საბადოდან ალიბეს, □ხალიბეს) მხრიდანო.“

მოგვიანებით ოქროს მოვიპოვებდით და ამანაც გაგვაძლებინა მორიგ ათასწლეულს. შემდგომ უფრო რე დაკონკრეტდება ჩვენი საჭიროება, ჩვენი ერი ევრაზიის გასაღებს, გზაჯვარედინს ფლობს და ესეც უამრავ საუკუნეს გვახეხვინებს.

ამის შემდგომად ჩვენი ნუნისელი მოგვები ხელს შეუწყობენ ეზოტერიკული განზომილებების აღზევებას, იგივე იოანე ნათლისმცემლის თაოსნობით და კაცობრიობას მოუვლენენ იესო ნაზარეველს, ორიათასი წლის საზრდოდ რომ გამოადგება ნოეს შთამომავლობას, მაგრამ აწი, აწი რა ფუნქცია უნდა იტვირთოს?!

საქვეყნოდ გახმაურებული დიდი აბრეშუმის გზა თუ ნავთობსადენი სულ რაღაც ორი საუკუნის საარსებო საშუალება ძლივს არის, ვინაიდან ოცდამესამე საუკუნეში უკვე დღეს არსებული საშუალე-

ბეებით ტვირთის ტრანსპორტირებას არავინ ინდომებს. ხოლო რაც შეეხება სათბობ-ენერგეტიკულ პრობლემას, ესეც სხვაფრივ გადაიჭრება, რამეთუ მივხვდებით: ამ მიმართებით ნავთობის უძვირფასესი ნედლეულის გახარჯვა დიდ უგუნურებასთან ერთად ფრიად თვითმკვლელურიცაა; ვინაიდან იმ დროისათვის უკვე ათვისებული გვექნება არასტანდარტული ენერგეტიკული წყაროები: ხელიო, ატომური, და კიდევ — დღეისთვის უცნობი, ვთქვათ, იგივე წყალბადის წვის ხარჯზე გამოყოფილი ენერგია, რომელიც ჟანგბადს გამოაძეებს ხაერში ოზონის გასაძლიერებლად და მოგვიმრავლებს სითბო-სინათლეს. ვშიშობ ასეთ სიტუაციაში საქართველო მართლაც ხელცარიელი დარჩება მომავლის წინაშე...

— იცი, რას გეტყვი, გური, ჯიმა, რამდენი გვილაპარაკია ადრეულ წლებში კირბებზე, ოქროს საწმისზე, სიბრძნის წიგნზე, რომელიც ცხვრის ტყავზე ყოფილა წარწერილი ჯერ კიდევ მეექვსე-მეხუთე ათასწლეულში ჩვენს წელთა აღრიცხვამდე. საქართველოს რაში სჭირდება მეთ-მოეთები. ობსერვატორია აგერ აქვს, სხვათა შორის ფრიად უნიკალური. ეს ყველაფერი მიგვანიშნებს იმას, რომ ჩვენს ქვეყანაში გასაოცარი სისწრაფით დაწინაურდება საბუნებისმეტყველო მეცნიერებანი: ფიზიკა, ასტრონომია, ქიმია, ბიოლოგია, შეიძლება კოსმოსის ათვისებასაც გამოვკრათ ხელი. ეზოტერია და მატერიალიზმი სწორედ აქ ხპოვებს სანუკვარ სინთეზს, შენ რომ უწევდ პროპაგანდას ბარე ოცი წელიწადია. ქართველი არავისზე ნაკლებად გავა კოსმოსში, რადგანაც იგი ამას უხსოვრობიდან ახერხებდა, როდესაც თავისი პოლიფონური საგალობლებით, სვანური კოშკებით თუ ხორუმ-ფერხულებით ეროვნული მოძრაობისა არ იყოს, ბორჯღაღლივით შეუჩერებლად ატრიალებდა საკუთარი სულის გარშემო, და აფიქსირებდა განსაკუთრებულ ადგილს თუ როგორც კოსმოსში, სამყაროში ზოგადად. ეს გენეტიკურად მისი სულის გამოძახილია, მოთხოვნილება, გასაოცარ გამონათებებს გადაწული გამოუსწორებელი სიზარმაცითურთ...

საქართველომ უნდა იტვირთოს გამაერთიანებლის ფუნქცია, უწინარესად კავკასიელი ხალხების განვითარების და გადარჩენის თვალსაზრისით, რომელიც მისი გოლიათი სხეულის ოდინდელი ნაწილებია; როდესაც ჯერ კიდევ პლატონის ატლანტიდა არ დანთქმულია მითიური კატასტროფით და ინდოევროპულ მიგრაციებს არ მიჯაჭვავს კავკასიონზე პროტოქართული ცივილიზაცია — პრომეთე-ამირანი. ეს კრებსითი სხეული არ არის დღეს მხოლოდ საქართველოს საკუთრება, არამედ სრულიად კავკასიის სიმდიდრეა, განძი, იგივე ავარიელების, ვანახების, ინგუშების, ჩერქეზების, ყაბარდოელების, ბალყარელების და ვინ მოსთვლის, აფხაზებისაც, დიახ... აფხაზებისაც, გური, ჯიმა, დღეს რომ ერთმანეთი ფიზიკური განადგურებისთვის გაგვიწირავს!

აი, ამ კუთხით უნდა წარიმართოს პრეზიდენტ გამსახურდიას და ბატონ ედუარდის კავკასიური მაჩუბის სინთეზური შენობა. ოცდამეერთე საუკუნეში კავკასია გასაოცარ სიტყვას დაახეთქებს მსოფლიოში, მთელი ცივილიზაციის საკეთილდღეოდ და ამისი შეფერხება აღარაფერს ძალუძს. ასე რომ, გური, ჯიმა, დღევანდელი პრობლემეტიკა სასაცილოდაც არ ეყოფა XXI-XXII საუკუნეების კავკასიის მაცხოვრებელს, ვინაიდან ენობრივი პოზიციებიც გადაისინჯება და შესაძლოა თვით — პატროფილურიც, მაგრამ მთავარი ის გახლავთ, რომ თავად კავკასიური რასა, როგორც დროსა და სივრცეში სრულყოფილი ინდივიდი, გასაოცრად დაწინაურდება, თუნდაც გენეტიკური სრულყოფილების სახელით და როცა რელიგიური დაპირისპირების არტახებიც საგრძნობლად მოხალვათდება, ქვეყნები დავით აღმაშენებლისეული აღმსარებლობით მიმოიხედავენ გარშემო, ახლო მეზობლობასა თუ სულაც შორს, დედამიწის ცივილიზაცია კოსმოსური სიჩქარით გაიჭრება წინ, კაცობრიობის მარადიული იდეალებისკენ, მაგრამ მოდი, ახლა, ვიდრე ქვალი აგვიკიდებია, ბუხარს შევუჩიჩხინოთ და ყური თუ მივუგდოთ, რა გვილაპარაკია, რითი შეგვიძლია გავაძლიეროთ ან შევარბილოთ ის საუბრები, სანამ ხვითოსავით მოგვისროლია ხალხში.

— მაშ, არაფერი ვთქვათ XXI საუკუნის სამამულო ტაქტიკა-სტრატეგიაზე, სინთეზური აზროვნების სამშობლოს აშენების სახელმწიფოებრივ პერსპექტივებზე?

— გამომადინე წვენები და ეგ არის. ილიას ფორმულაზე გვისმჯელია ზემოთ რამდენადმე, მაგრამ რადგანაც არ მეშვები და ჯიუტად ჩამჭინებინარ, რა გაეწყობა, გური, ჯიმა: გვარნაცვალმა ხალხმა, იგივე მეხუთე კოლონამ, უამრავი ცთომილი თეორია შემოუგდო ჩვენს სახელმწიფოებრივ აზროვნებას საუკუნეების მანძილზე. ახლა ყველა ნაკლოვანებისა და ხარვეზის ხელის ერთი მოსმით გამოსწორება არ იქნება, მაგრამ თეზისების სახით დავსახელებ მთავარზე უმთავრეს მომენტებს:

გვარნაცვალმა ხალხმა, რომელიც კავკასიის ტერიტორიას თავის მთიანეთად განიხილავს უტიფრად და ყოყლოჩინური ამბიციურობით, ჩვენი მამონასმოყვარე პარტოკრატია მექრთამეობის ანკესზე წამოაგო, იცოდა რა ქართველი ლერწამივით დრეკადია კორუბციის წინაშე, დაიწყა თბილისის გამსხვილების ტოტალური პროცესი, ანუ სოფლის მოსახლეობის მასობრივი მოზიდვა „ქალა-

ქელის“ მოჩვენებითი განცხრომისათვის. სხვა მეთოდებით ქართველის მიწისგან მოწყვეტა თითქმის შეუძლებელი აღმოჩნდა.

რა სურათია ამჟამად? დაცარიელებულია ჩვენი მთიანეთი, ხევსურეთი, ფშავი, რაჭა... გაიოლებული ცხოვრებისკენ ქართველი გლეხიკაცის წაბიძგება გვარნაცვალი ხალხის უმთავრესი მომავლდინებელი იარაღია საქართველოს სახელმწიფოებრიობის მოშლის გზაზე. ამ სცენარის წაკითხვა შეუიარაღებელი თვალითაც ხერხდება. ამიტომაც მომავალი პარლამენტის პრეროგატივაა ამ მიმართებით ქმედითი ნაბიჯების გადადგმა ფერმერული საქმიანობის გასაშლელად საქართველოს ნებისმიერ კუთხე-კუნჭულში. აუთვისებელი არ უნდა დაგვრჩეს უბრალო ხევ-ხუვი, ჭორომი თუ ტრამალი, თანაც უნდა მოვეშვათ ისტორიულად ჩამოყალიბებული ეკოსისტემის გონებაზეზღუდულ გარდაქმნებს. ნუ ვებრძვით კოლხეთის ჭაობს, ჯიმა, გური, უმჯობესია იგი ჩვენს ტრადიციულ სახალხო მეურნეობის დარგებს დავუტოვოთ: მეკამეჩობას, მაგალითისთვის. ამისი უებარი საშუალება ენდემური ჯიშების აღორძინებაა. ნუ ჩამოვიტანთ სხვენს ნახირის საძოვრად.

მილიონიანი ქალაქი მძიმე ლოდია დღეს ეკონომიკურად ხელ-ფეხშეკრული საქართველოსთვის. გაჩერებული ქარხანა-ფაბრიკების ფონზე ეს უზარმაზარი მასა ლამის უსაქმურობამ გამოფიტოს. ამიტომაც ფერმერული მეურნეობების სტიმულირების კუთხით საჭიროა თანდათან განვხორციელოთ დეურბანიზაციის უმტკივნეულო პროცესი — მრავალშვილიან ოჯახებს მივცეთ საშუალება ჩაერთონ ამ პროცესში. თავის დროზე ვარკეთილი, ვაზისუბანი, გლდანი, მუხიანი ბაღნარები ყოფილა: ვენახები, ატმოვანები და ვაშლოვანები, მაგრამ გვარნაცვალი ხალხის ჭკუაზე მოარული ჩვენი პარტოკრატია არაფრად დაგიდევდათ მათ უსულგულო გაჩეხვას, გაჩანაგებას სოფელს მომწყდარი მოქალაქეებისთვის ასანთის კოლოფისხელა ბინებით უზრუნველსაყოფად.

უმიწაწყლო ქართველი ანთეოსსა ხგავს, ხერაკლეს მიერ ხაერში ატაცებულს და იქ მოხრჩობილს. ეს ვერაგული ჩანაფიქრი საქართველოს სოფლების გამოცარიელების მიზნით, მათ ჩინებულად განახორციელეს, მაგრამ უსაშველო არაფერია. ყველა პროცესი შექცევადია. გვარნაცვალი ხალხისთვის პირველი, უმთავრესი ლახვარი დეურბანიზაციაა, თანაც მასშტაბური და განსაკუთრებით იმ მიმართულებით, სადაც ჩვენი დემოგრაფიული სიტუაცია საგრძნობლად წაბორძიკებულია. ეს გადაუდებელი ამოცანაა მომავალი ხელისუფლება-მთავრობისა, გორდიას ნასკვის პირველი გახსნაა, ძაფის თავის პოვნა. უამისოდ ნებისმიერი სახელმწიფოებრივი მნიშვნელობის რეფორმა წყალში ჩაყრილად ჩამომართვი, ჯიმა.

შემცივდა კაცო, წამო ბუხრისკენ.

წამოიწყებ დეურბანიზაციის პროცესს და გვარნაცვალი ხალხის წრიალიც მერე ნახე, ხაფანგში მომწყვდეულ ნადირს რომ სჩვევია იმგვარად. მაგრამ ახლა მათი ფორიაქის მერე არანაკლებ ღონისძიებასაც დაგისახელებ, კონკრეტულად კი საქართველოს ტერიტორიული მოწყობის დეცენტრალიზაციას.

ჩვენს ისტორიულ მხარეებს, ჯიმა, გაფართოებულ უფლებებს მივანიჭებ ეკონომიკური თვალსაზრისით და უძღები მადის სამინისტროებით დაწყებული მომრავლდება ლამურასებური წრიპინი მესხეთე კოლონის რიგებიდან. ცენტრის ფუნქცია საერთო ხელმძღვანელობაა, სტრატეგიული მიდგომა შემხვედრი პრობლემების გადაწყვეტისას, ხოლო პერიფერიები ამ წანამძღვრებს ადგილებზე სათანადო აუცილებლობით ახორციელებენ ტაქტიკურად. აბა, თბილისელმა ჩინოვნიკმა რა იცის ოტობაიაში კომბოსტოს მოყვანა სჯობია თუ ბრინჯისა, ან დარჩელში თხილის მეტი მოსავალი იცის თუ სიმინდისა? ეს პრეროგატივა ხალხის წიალიდან უნდა მომდინარეობდეს, დაბლიდან და არა — ზემოდან, თანაც ბიუჯეტის მისამართით გადასასინჯია მრავალი მომენტი.

კარგი, კარგი, არ გავიფანტები! ხო, ესეც ხომ დავურტყი! „რქაწითელია“, ბიჭო, დალოცვილი. იმ გვარნაცვალი ხალხის კუდია ყოველივე, კახელმა მევენახემ ვაზის აჩეხვა რომ დაიწყო აქა-იქ და საზამთროს მოყვანას მიხყო ხელი! ლუდი ღვინოზე ძვირი როდის აქეთ გამხდარა?! ჩვენ უნდა დავაფასოთ გლეხკაცის შრომა: რამდენი ოფლიც იხარჯება პროდუქციაზე, ფასიც შესაბამისი უნდა მივუსადაგოთ. აბა, შეხედე ფრანგულ ღვინოებს, ათიდან ორმოცდაათ დოლარამდე უკაკუნებს ბოთლი! აი, შიდა ბაზრის დაცვა! აი, ეროვნული ეკონომიკური პოლიტიკა! თუკი რამეა ქვეყნად ფასეული, ცეცხლია, ალბათ. გახსოვს ჩვენი ფაციკო დეიდას, სოსო ელიავას დედის, საყვარელი ფრაზა? არაფერი მშურს კაცისგან, გაჩაღებული ბუხარის გარდაო. სად შევჩერდით?

— დეურბანიზაციის პრობლემებზე, განქალაქების...

— ოხ, რა კარგი სიტყვა მომაშველე! განქალაქება, აი, თავი და თავი! ახლა შენს ენასაც მივხედოთ, შენი მოღვაწეობის ლელოს.

— აქ საპრობლემო არაფერია, შენებურად, ისევ გვარნაცვალი ხალხის წასისინება რომ არა. სიტ-

ყვა „მეგრელი“ მათ მიერ ლამის „მგელთანა“ გაიგივებული, როცა სამეგრელო დიხაცაა საქართველოს სიტყვიერი დღეგრძელობის ბალავართა ბალავარია! მაღალფარდოვნებას მოვეშვები! ჩვენ არანაკლები ბრძოლები გვაქვს გასაჩაღებელი იგივე ხალხთან, რომლებიც სტერილურ ქართულს, სტერილურ სალიტერატურო ენას ქადაგებენ, დიალექტიკური შენაკადების იგნორირებით. აქ პროცესი შებრუნებითაა: სინთეზისკენ, გამსხვილებისკენაა მისამართი ჩვენი ენათშემოქმედი საზოგადოების ძალისხმევა.

— აქ შენთან კამათი გლადიატორთან შიშველი ხელებით პაექრობის ტოლფასია. ათასჯერ გვიმსჯელია ამის შესახებაც და ახლა შედარებით დილექტანტის, პრაქტიკოსის მოსაზრებანი შესაძლოა უფრო ხელშესახებად, სასარგებლოდ წარმოჩინდეს. გენიალურია შენეული კონცეფცია ზოგადეროვნული, ქართველურ ენათა სინთეზური განმარტებითი ლექსიკონის შექმნის თაობაზე, სადაც სამშობლოს, მამულის სინონიმებად მოგვევლინება სვანური „ლარდა“, ლაზური „დობადონა“ მეგრული „ოდებადე“ და „შურობუმუ“. ამ პროცესს, ჯიმა, გჯეროდეს, კვლავ გვარნაცვალი ხალხი აფერხებს ყველა ღონით და საშუალებით, ვინაიდან მათ ჩინებულად იციან მსგავსი საქციელი მოსპობს საქართველოში კუთხურ დამოკიდებულებას დედაქართულთან. როდესაც ქალაქური ფსიქოლოგია კარდინალურად შეიცვლება პერიფერიებისადმი, აღმოჩნდება რომ ნაწილი და მთელი ხარმონიულად მორგებია ერთმანეთს და ჩვენი ტერიტორიების თავიანთ მთიანეთად გამომცხადებლებს კოვზი ნაცარში ჩაუვარდებათ. წარმოვიდგენია, ერთ საუკუნეში სრულიად სამეგრელომ თბილისელზე არანაკლებად შეისისხლხორცა დედაქართული, მაგრამ მეგრულს მისი მამულიშვილური მსოფლმხედველობისთვის ხელი არსად შეუშლია, პირიქით, ამდიდრებდა და აღავსებდა ამ გრძნობას.

სხვა სინთეზური ლექსიკონის საშვილიშვილო მისია: მეგრელი კაცი თავის სალოცავ სიტყვებს, როცა დანახავს დედა-ქართულის გვერდით, როგორც ჩვენი სახელმწიფოებრიობის ასაშენებელ ქვას და კირს, კოცნა-კოცნით გაცვეთს ამისთანა წიგნს. ეს არ არის პარტიკულარიზმი, ჯიმა, გური, არამედ გენეტიკური კოდია, იგივე ორაგულების მოძრაობა მდინარეთა სათავეებისაკენ, სადაც ქვირითს ყრინან ლიფსიტებისთვის უსაფრთხო ადგილას და თავად იხოცებიან შთამომავლობის საზრდოდ. მეგრელმა სრულფასოვნად თუ დაიგულვა ქართული ენის მშენებლობის გზაზე თავი, იმისთანა საქართველო ათ წელიწადში ყველა პრობლემას გადაჭრის, ვინაიდან იგრძნობს მეობას, საქართველოს თანაბარუფლებიან აღმშენებლად მოჭიმავს საკუთარ ინდივიდუალს და იოტისოდენადაც არ წამოიკვნესებს ამ ათწლეულში განხორციელებული ვანდალური ეგზეკუციების გამო, რამეთუ საერთოდ მოიხსენება დღის წესრიგიდან ფორმულა: „ყველა ჩემი სამშობლოა სამეგრელოს გარდა“. ეს ფრაზა ქართველის მოგონილი არ გეგონოს, გვარნაცვალი ხალხის ფსიქოლოგიითაა ნასაზრდოებ-გაჟღენთილი. სხვათა შორის, ამნაირი მიდგომებით შესაძლებელია ნებისმიერი სეპარატისტული მოძრაობის განკურნება მსოფლიოს სხვადასხვა კუთხეში. ხოდა, იმას ვამბობ, როდესაც მეგრელი კაცია ეს, ლაზი, სვანი, თუში თუ სხვა, ქართული ენათშემოქმედების ტოლძალოვან, ტოლხმთან წევრებად მოგვევლინებინ, იქ აფსუას და ძმათა მისთა — ალან-ჰაიკებს ზედმეტი სითამამის ნიადაგი გამოეცლებათ; ყველას წაერთმევა საქართველოს სულიერ-მატერიალური საგანძურის დატაცების მანდა, ვინაიდან ფიგურალურად, ხატოვნად წამოსროლილი ფრთიანი ფრაზა: სამეგრელო საქართველოს ხერხემალიაო, მოქმედებაში მოვა.

— ამოქმედდება...

— რამეფრად... მიდგებ-მოდგება ზოგადეროვნულ საქმეთა მეტის გულმოდგინებით საკეთებლად, თორემ როცა ექვის თვალით გიმზერენ: ხომ არ განუზრახავს ამ უცხო ენით მოქლურტულე მეგრელს ახალი სახელმწიფოს შექმნაო, ძნელია მსგავს სიტუაციაში საქვეყნო ფასეულობათათვის მუხლჩაუხრელი რუდუნნი; ვინაიდან გულწრფელობა ფარისეულობაში გერთმევა, მამულიშვილობა — ღალატში, სიყვარულის გამო გსჯიან არც თუ ისე იშვიათად და განურჩევლობის კომპლექსი ნელნელა თანგავს შენს ნაჯიჯენ-ნაწამებ სულს.

გახსოვს, ირლანდიურ პანოზე ჩვენი საუბარი, წითელი საღებავით რომ შერყვნის ვილაც პატრიოტი ქალი კუთხის ინტერესების შემლახველი პარლამენტარის სახეს? იგივე ვითარებაა იტალიაშიც, სხვაგანაც. ვერავენ უძებნის გასაღებს ნაწილისა და მთელის ურთიერთკავშირს. ფიქრობენ: „ნაწილის“ განზემაცქერლობა ძალადობით დაითრგუნებაო, როცა პირიქითაა საქმე, თავად „მთელის“ მუშუტის პოლიტიკა ქმნის განზემაცქერლობას. აბა, შემოუშვი შენში სრული ნაკადით ნებისმიერი დიალექტი და ნახე, კონფრონტაციისთვის ადგილი თუ დარჩა. მეგრულისა და სვანურის სიტყვიერების ოქრო ლოდებითაც რომ აშენდეს ჩვენი სულიერების ცათამჯებენები, გაცილებით მკვიდრი იქნება ის ციტადელი. შენგან მსმენია, მგონი, ჩვენს ლექსიკაში ორმოც პროცენტამდე უცხო სიტყვააო.

— რატომ ორმოცდაათიც არა.

— ხოდა, გური, ჯიმა, ამ მიმართებით არანაკლები ლელოა გასატანი. მეგრულ-სვანურის, საუკუნეებისგან გამობრძმედილი სიტყვები სრულფასოვნად რომ ჩავაყენოთ ქართული აზროვნების მშენებლობის საქმეში, დარწმუნებული ვარ, საერთოდ მოიხსენება ვიწრო-პარტიკულარული გაწევ-გამოწევანი: შე მეგრელო! შე კახელო! შე იმერელო! შე გურულო! შე ქართლელო! ასე შემდეგ და ასე შემდეგ. დიახ, მოიხსენება კუთხური ძიძგილობანა, რადგანაც ყველა ერთიანი ქართულის ღირსეულ მემკვიდრედ ეკუთხებოდა, მემკვიდრედ და პასუხისმგებლად, ვინაიდან საამისოდ სახელმწიფოს ზრუნვა დაედებოდა საფუძვლად ამბიციური გამორჩევითობის კომპლექსს თუ ამბიციური დაკნინების ტენდენციებს. მეგრული და სვანური...

— ლაზური?

— კი, ბატონო, ლაზურთან ერთად, ქართული სულიერების მშენებლობაში, როგორც კი მთელი ენერგიით ჩაერთვება, გვარნაცვალი ხალხის ყმული მერე ნახე! ადრე თუ გვიან ეს უცილობლად განხორციელდება. გვარნაცვალ ხალხს სამეგრელოს, მეგრელის ფაქტორი განსაკუთრებით საქართველოს ფსიქოლოგიური გახლეჩილობისათვის სჭირდება, მაგრამ როდესაც ზოგადეროვნულ ლექსიკონში ზედმიწევნით დაფიქსრდება ჩვენი კუთხის სულისთქმა, როგორც საქართველოს სახელმწიფოებრიობის ბურჯისა, იქ გვარნაცვალი ხალხის გამთიშველ საუკუნოვან პოლიტიკას წყალი შეუდგება. ამ ფსიქოლოგიამდე ადრე თუ გვიან უეჭველად მივა ქართველი კაცის გონება, სრულიად საქართველო. სხვანაირი პერსპექტივა უბრალოდ არ გვიწერია; სხვანაირად ცალ-ცალკე მოგვაშობენ.

— ისემც გვერდები ნუ დაუდგებათ!

— ცხადია, მე სიტუაციის გასააზრებლად ვახსენე, თორემ ... დაუ! ხოდა, ახლებური ცნობიერება ახალ სიმაღლეზე ატყორცნის ფსიქიკურადაც გამართლიანებულ საქართველოს.

რაც შეეხება სარწმუნოების საკითხს, აქ ფორმულა ნაპოვანია, დიდი ჭყონდიდელის ღირსეული შევირდის — აღმაშენებლის ფორმულა:

აღმსარებლობა და ტოლერანტიზმი — ყველა რელიგიას მართლმადიდებლობის პრიორიტეტი; პატივისცემა, ღია სულიერი სივრცე — თითოეულ თეოლოგიურ სკოლას, სრულიად სამყაროს მოაზრების გზაზე. მაგრამ წავედი ახლა დასაძინებლად. შენ რა, დარჩენას აპირებ? ცოტა ხნით მდინარეც მითვლემს, შე კაცო! დაუსრულებელი სრბოლის პროცესში, მომავალ თაკარა დღეთა სახელით, ძილიც აუცილებელია, ჯიმა, გური!

19-20.03.99 ♣

საქართველოს უკვდავების ფორმულა

ფორმულა პირველი

მწერლის შემოქმედებითი დრო ცეცხლზე შემოდგმული რძით სავსე ქვების შესადარია, გამუდმებული ყურადღება რომ სჭირდება. იოტისოდენა თვალის მილულვაც კი საკმარისია პერმოდებული სტიქიონის მსგავსად გადანაპირდეს იგი და მიმწვარი რძის სუნით გააქრდეს შენეული სიტყვის სამქედლოა თუ ლაბორატორია. მზრუნველობამოკლებულ რძეს არაფერი ეშველება მომავალ აღვსებამდე. გადაღვრილს, გადმოფუებულს ცეცხლი მუხტავს ნატუსალის სურნელით, და სასიკეთო თვისებებს უმაღლეს გარდაქმნის საზიანოდ, მაგრამ ამისთანა შემთხვევაში ნაცადი მწყემსები: ძიკი კვარაცხელია, იროდი სართანია, ბაგრატ ფიფია თუ ვალიკო მესხია, არაფრისდიდებით გაირჩებიან უგულისყურობით გადმონაკადებული რძის მოსარჩულელად, გადადგამენ აივანზე და კავკასიური ნაგაზების თუ ჯაგარა ტახების დასანაყრებლად გააბედიებენ. ცხოვრებისეული ეს სიბრძნე პრაქტიკული მრავალნაცადობითაა გამსჭვალული: რძის ცეცხლთან შეხება იგივეა, რაც შემოქმედის სულის საკირეთში გამოხრუკვა, რომელიც ორივე შემთხვევაში შრეტს საყოველთაო ნათელს:

უვარგისდება რძე და ჩანადგება შემოქმედებითი გენია შეურაცხადის მოსასხამის დასაღრღნელად. თუმცა ყოველივე ამის თაობაზე არაფერი ითქმება მწერალთა სახლში პოეტ გენო კალანდისთან. დამამუნათებს ამასწინანდელი ეგზალტირების გამო: ერთ-ერთი მეცნიერული დარბაზის წინაშე საქართველოს უკვდავების ფორმულით რომ ავპილბილდები კათედრაზე. აქვე მეგობარ კაცთან, ბატონ აპოლონ წულაისთან შესახვედრად წამაქეზებს, რომლის შესახებ ზერელედ მსმენია აქაიქ, პოლიტიკური ბატალიების კლანური პლატფორმებიდან, მაგრამ როგორც ახლო საუბრიდან ირკვევა, ინიციატივიანი პიროვნებაა და ჩემი ბელეტრისტული ინტერვიუების სადაგი საუბრისთვის განმაწყობს.

ნახევრიოდ საათში ბატონი აპოლონიც შემოიხედავს კაბინეტში. გამოვეცნაურებით ერთურთს. გავცვლით ტელეფონებს. განვსაზღვრავთ სავარაუდო შეხვედრის თარიღებს და ახა, კვირის თავზე იპოდრომის ჭარგვალში მოგკალათებულვართ ორპირ ქარში.

ნასახსოვრები წიგნებიდან ვიცი, ვეტერინარიის მეცნიერებათა დოქტორია; ქართული მითოლოგიის ბურუსები ულიტინებს სულში; კონსტანტინე გამსახურდიას შემოქმედების ხალხურ წყაროებს იკვლევს... და მაინც მიუხედავად ყოველივესი, მე მარმარილოს ქანდაკებისათვის ცივი ვარ მისი ტიტულების წინაშე; ის ჯერ კიდევ ჩემი საუბრის მასალაა; მაჯაზე დავადებ დასტაქარივით სამ თითს და გულისყურით მივადევნებ მზერას მისი ფიქრების მღელვარებას. მხოლოდ ასე, მხოლოდ ამგვარად შევიძლებ, ალბათ, ტევადი აზრის შემოკრებას განსასჯელად თუ გასაანალიზებლად.

მეცხოველეობის დეპარტამენტს მოვცილებივართ. აქვე, სამეზობლოში გადმოვსულვართ იპოდრომის სიახლოვეს. უკიდურესი ჭარგვალი ამოგვიჩვევია სამასლაათოდ, ძელური, ტრადიციულისა და მოდერნისტულის ნაჯვარი.

პაპანაქებს კარში გაძურწავს ორპირი ქარი თუ სუსტად მოქოთქოთე კონდიციონერი. ცივი „ყაზბეგი“ დაღარულა შემოტეული სიციხისგან. ქაფდება მაღალ ჭიქებში და წყნარდება ჩამწერის საქმიან მუშაკობაში. მიზანი ხომ ერთია: ვინძლო საქართველოს უკვდავების ფორმულა გადავარჩინოთ მამულის, ენისა და სარწმუნოების პარამეტრით.

მიფიქრია მსგავს განზომილებაზე. წერილებიც გამომიქვეყნებია რესპუბლიკურ პრესაში, რომელიც ჩემი შინაგანი რწმენით, ჯერაც არ უწყის ბატონმა აპოლონმა, თორემ მეტი სიფრთხილით მომეკიდებოდა, თუმცა ნათქვამია: ზღვაში ჩავარდნილი ღმერთის მოწყალების მოხვეწეობით თავს ნუ დაიღუპავ, გააქნიე ხელები და გადარჩენილი ხარო.

ჩვენი საბორგველი ოკეანე მინიატურულია თითქოს აწცნობილ ატლანტიკასთან თუ წყნართან, ინდოეთისა და ჩრდილოეთ-ყინულოვანის მეზობლობაში; ორ ზღვას შუა მოყებებულს საქართველოს დიაპაზონის, მაგრამ კავკასიონის აყალყზე შემდგარი სხეულის დამთმენი და მეცხო-

ველეობის პრობლემების გამგებელ კაცთან უკეთესს რას წამოვწევ პირველ შეკითხვად, თუ არა ჟინი ანთარის ფენომენს, იგივე ანატორის გაგებას ხევესურეთში; აფხაზური აითარიც ხომ მსგავსი შინაარსით იტვირთება — გარეულ და შინაურ ცხოველთა მფარველ ღვთაებად. ამიტომაც ჩემი მეთაური კითხვა ასეა აგებული:

— ბატონო, აპოლონ, საუბრის დასაწყისი მის შუაწელსაც განსაზღვრავს ხოლმე და დასასრულსაც. აქედან გამომდინარე არ გაგიკვირდეთ ჟინი ანთარის ფენომენით რომ აგიხიროდეთ. ალბათ, გსმენიათ ძველი კოლხების წარმართული ღვთაების შესახებ?!

— ბატონ აპოლონ ცანავასგან რას არ გაიგებ დილეტანტი, როცა შენი პროფესია გაიძულებს მითოლოგიური ძირების გამოფხვიერების აუცილებლობას, მაგრამ საუბრის დასაწყისი, შენი განმარტებით, სადღაც მის შუაწელსაც თუ განსაზღვრავს და ფინალსაც, უფრო მოკრძალებული ვიქნები და გეტყვი ღიად: ჟინი ანთარზე ბევრი რამ გამიგონია; ჩვენთან ახლაც იტყვიან მარტივლში, ნახუნაოში, „ჟინი ანთარიშ ჭყელ ორდავა“.* ჩანს, დიდი სიძლიერის წარმართული ღმერთია, მაგრამ ჩვენს თაობას არ მოუცლია მის გამოსაკვლევა; ან რა უნდა ეკვლია ღვთაებთა წარმართულ პანთეონში, როცა ქრისტე ლამის ხელმეორედ ჯვარზე ვაცვით ზეზეურად?!

— ეტყობა, ბატონო, აპოლონ, ჩემი რომან-ტრიადა „სიცოცხლემისჯი- ლების“ პირველი წიგნისათვის, ხელი ვერ მიგიწვდათ, თუმცა რა, იქ ხომ რეალური პიროვნება დახატული, ვინაც იროდი სართანის ფენომენმა გამოკვება და ერთგვარი მისტიკური სამოსლითაც აღკაზმა.

— ხოლო?

— ბატონო, აპოლონ, თქვენ უშველებელი სტრუქტურის ხელმძღვანელი ბრძანდებით, მეცხოველეობის დეპარტამენტის თავმჯდომარე, მაგრამ რამდენადაც ჩემთვის ცნობილია, შედარებით ნაკლები ხანია ამ სამსახურს განაგებთ და აქედან გამომდინარე, შესაძლოა ვერ დაგანტერესათ ჩემი წერილების არსმა, რომელიც ძირითადად ენდემური ჯიშების: მეთხეობის, მეცხენეობის, მეკამეჩეობის პრობლემებს წარმოაჩენდა. ამან გადაარჩინა ჩვენი ქვეყანა, რასაც ილია „მამულს“ უწოდებს თავის ფორმულაში, იგივე სამასი სახეობის ვენახს, თუ ზანდურის ჯიშის ხორბალს...

— საუკეთესოს სხვათა შორის.

— აი, ამაზე მინდა ვისაუბროთ ღიად, სანამ ხსენებული პუბლიკაციები შემოგვიშველებია. იქ აზრი უფრო სხარტად, დაწურულადაა ჩამოყალიბებული და ბორბლის გამოგონებისათვის თავი რისთვის ვიმტვირით? აი, რაზე მინდა ვილაპარაკოთ აშკარად, როგორც საქართველოს გადარჩენის, ანუ უკვდავების პირველ ფორმულაზე, იგივე მამულზე თავის სახანავ-სათესიანად, მეცხოველეობით, უამრავი პრიორიტეტული თუ შემავსებელი დარგით.

— მართალს ბრძანებთ, თქვენი წერილებისთვის ამ მიმართებით თვალი არ მიმიდევნებია. მე სხვა პროფილით მიხედვოდა საქმიანობა, და ეტყობა, ინტერესიც სპეციფიკური მახასიათებდა. ამ სამსახურში, მეცხოველეობის დეპარტამენტს ვგულისხმობ, მე მესამე წელია ვმუშაობ, თავად ბატონ ბაკურ გულუას ინიციატივით. ჩვენი დეპარტამენტი სამინისტროში შედის, მასთან არსებული სტრუქტურაა. დიახ, ბატონი ბაკურის თხოვნით წამოვედი ამ სამსახურში. თავისთავად, ცხადია, პრეზიდენტთან შეთანხმდა, ბატონი ედუარდი მანამდეც მიცნობდა... მეფრინველეობის სახელმწიფო კორპორაციის პრეზიდენტი ვიყავი. მეფრინველეობის დარგი გახსოვთ თქვენ, როგორ ჰყვალდა საქართველოში. ხოლო რაც შეეხება ამ დეპარტამენტის ჩამოყალიბების ძირითად პრინციპს, მთავარი მიზეზი ის გახლდათ, რომ საქართველოში მეცხოველეობის დარგი ნულს ნიშნულს ქვემოთაა ჩვენდა სამწუხაროდ. ეს დეპარტამენტიც ამ პრობლემის საშვილიშვილო მისიით ჩამოყალიბებულა. ერთ პატარა მაგალითს მოვიყვან და ადვილად დარწმუნდებით თუ რას ნიშნავს ნულს ქვემოთა ნიშნული.

ერთი ძროხის საშუალო ჩამონაწველი საქართველოში 97-98 წლებში 700-800 ლიტრს არ აღემატებოდა. ახლა დაგუკვირდეთ ერთი თხის წველადობას, ჯიშობრივი მონაცემების თხა მყავს მხედველობაში, ზოგჯერ იგი 1200 ლიტრს უახლოვდება. ესე იგი თურმე როგორ და რამდენად გადაჭიშვებულია ჩვენი ძროხა?! დამეთანხმებით, გადაუღებელ დახმარებას მოითხოვს.

— სულადობაც შემცირებულია, — ჩავერთვები მე, მაგრამ უფრო ზემოური საუბრის მიმართულებით მიჩვენებია მასლაათის წაყვანა, საქართველოს უკვდავების ფორმულად რომ წარმოვსახე, და მომენტს ვეძებ წამოდლოლიებული წერილების შესათავაზებლად.

— სულადობა კი არის შემცირებული, მაგრამ იმდენად არა, რამდენადაც თვით ჯიშობრივი მონაცემები. განვითარდა ნათესაური მოშენება, რომლის შემდეგ ესა თუ ის ჯიში კარგავს დამახსიათებელ ნიშან-თვისებებს. აი, დავუშვათ, ჩვენი მეგრული, კვარაცხელიას ჯიშის ძროხა, საშუალოდ 2000 ლიტრს იწველის. ე. ი. იმდენად იაფია წარმოებული პროდუქტია...

— მომთაბარეობასაც ექვემდებარება, — კვლავ ჩავეჩხირები, თითქოს ვსულსწრაფობ. რა ვიცი ბედოვლათმა რამხელა საუბარი გაიბაწრება წინ და მერე — ვისთან?

— მომთაბარეობის პირუტყვია ძირითადადში, — ლუდს ჩამოასხამს ორივე ფუფერში, მე გაწვდილი ხელით ჩამწერი მიმიახლოვებია მის ტემბრიან ხმასთან. საკუთარ ნალაპარაკებს უფრო ბუნდოვანი ელფერი დაკრავს, მაგრამ აქ არსებითი რესპოდენტია, ჩემთვის ყოველთვის მოვიცილი, მთავარია სტუმარი დაფიქსირდეს, — და იაფ პროდუქციას ქმნის, რაც განსაკუთრებით მთის რეგიონებისთვის უდიდესი ეკონომიკური პოტენციალია შემოსავლების თვალსაზრისით; და ამ გარდამავალ ეტაპზე, როდესაც ქვეყანას ასე უჭირს, დარგის განვითარება, ფაქტობრივად დიდად წაადგება მთის მოსახლეობას.

— ბატონო, აპოლონ, თქვენ უფრო მიხვდებით რა მაინტერესებს ამ საკითხთან დაკავშირებით. მე გვარიანი ხანია ამ პრობლემებს ვუკირიკიტებ; რაც ისტორიულად გამოცდილია საქართველოში, იმის აღორძინება, საყოველთაო დამკვიდრება მეწადა.

იყო პერიოდი, როდესაც კომპლექსომანიამ შეგვიპყრო. მიწა ჩვენ ბევრი არა გვაქვს, მცირემიწიანი ხალხი გვეთქმის, მაგრამ მთის უხვბალახიან ფერდობებს თუ გავიანგარიშებთ, დაუთოვების ფიგურალურ გამოთქმას თუ შემოვიშველიებთ, აღმოჩნდება რომ ზოგ ვრცელ ქვეყანასაც გადავფარავთ ვერტიკალური მსწრაფველობებით. მოკლედ, პრობლემა დანახულიცაა და ნაშველებიც.

ვინც თბილისის გამსხვილებისთვის ხმალამოდებული „იბრძოდა“, შეიძლება საქართველოს მომავალი აწუხებდეს?! კი, დარდით „კვდება“ პირდაპირ! მან აყარა ქართველი ხალხი, გამოანთავისუფლა მიწები ძროხებისთვის და სოფელს ზურგში ლახვარი ჩასცა. ეს ყოველივე გვარანაცვალის ხალხის წყალობა მგონია.

საქართველოს შენარჩუნება, ვისაც გულთან ახლოს მიაქვს, შეუძლებელია თბილისის გამსხვილებისთვის იკაპიწებდეს მკლავს სოფლების იავარქმნის ხარჯზე. აი, სად არის მორგებული ჩვენი მთიანეთის საძოვრები და კვარაცხელიას ჭიშის ძროხა. ჩვენს რელიეფს უნდა მივესადაგოთ და არა— პირიქით. ერთ ძროხას ხომ ერთი ხექტარი საძოვარი სჭირდება გამოსაკვებად?!

— აი, გვაქვს მთაში იალაღები, უამრავი, თანაც ყუათიანი და აუცილებლად საკმარისი იმ სულადობისთვის, რომელი სულადობაც აბსოლუტურად საკმარისია იმ პროდუქციის წარმოებისთვის, საქართველოს შიდა ბაზარს რომ უზრუნველყოფს ყოველგვარი ექვის გარეშე.

— აგაშენა ღმერთმა. ბატონო, აპოლონ, აი, რატომ გეუბნებით, ადრინდელ წერილებზე, სადაც ბატონ ელბერდ ბატიაშვილთან საუბრით, ცხონებულ ნიკო ყოჩიაშვილთან ბუხუნით, სხვებთანაც ბაბანიტ დიდხანს ვაფრიალე ეს მოსაზრებანი ოთხმოციანი წლებიდან მოყოლებული. რამდენიმე სატელევიზიო გადაცემაც მივუძღვენი პრობლემას. რა არ ვცადეთ, რა არ ვიღონეთ, თუმცა უშედეგოდ. საქმე კი ის გახლავთ, რომ თურმე ჩვენთან, საქართველოში, 25 ათასზე მეტი დიდი და პატარა მდინარე გვქონია, ეს ხომ ელემენტარულად ამდენივე ხეობას ნიშნავს — 25 ათას დიდ-პატარა ხეობას?

— რა თქმა უნდა.

— აღმოჩნდა, რომ ამ 25 ათას ხეობაში, თითოეულში 50-დან 500-ამდე კამეჩის შენახვა შეიძლება, გააჩნია როგორია მისი გაბარიტები. ხეობაში იზრდება ლანცეტისით ბასრი ბალახი, რომელსაც კამეჩის მეტი არავინ ეკარება, როგორც სინორჩის პერიოდში, ისე გადაუხეშებულს.

კვარაცხელიას ჭიშის ძროხა თავს არ შეიწუხებს ლერწმების ლეჭვა-ცოხნით. ის ფერდობ-ფერდობ ინავარდებს, ლორთქო ბალახის მოსახელთებლად, სადაც კამეჩს ხეტიალი ეზარება, ვინაიდან ტლაპოც საჭიროა მისთვის, გასაგრილებელი ალაგი და აი, მთის რელიეფი დაიყოფა ორ პირობით ზოლად: დაბლითა იარუსი — მეკამეჩეობისთვის, მაღლითა — კვარაცხელიას ძროხის ჭიშებისთვის, ცხადია, სხვა კულტურების მხარდამხარ;

ბარის საძოვრები კი კომპლექსომანიის საზიანოდ გამონთავისუფლდება ვენახისთვის, გნებავთ მარცვლეული კულტურებისთვის. ამის შემდეგ გვარანაცვალმა ქართველმა, ანუ იგივე მეხუთე კოლონიის შინაურმა მტერმა რა უნდა გვაწვდოს, როგორ უნდა დაემუქროს ჩვენს მომავალს, მერმისს?

კოლხეთის ჭაობიანი და კახეთის ალაზნისპირა ჭალიანები კამეჩისთვისაა ზედგამოჭრილი. ამის თაობაზე ჩინებულად უწერია ჩვენს სასიქადულო მწერალს, ნოდარ წულეისკირს, პუბლიცისტურ პამფლეტში „ნოე“. პირველად, ვგონებ, დიახაც ბატონი ნოდარი მიუხვდა საქართველოს რელიეფის, ფლორა-ფაუნისა და ადამიანის ურთიერთკავშირს: დიახაც ერთ-ერთი პატრიარქია, ვინაც ჩვენს ტერიტორიებს ისტორიული ნიშნით განიხილავს ანუ იმ დარგების მოშენებას გვათავაზობს, რომელიც მამაპაპურად, ტრადიციულად გამოცდილია. ამისთანა აზროვნებას დასტურ ჩვენი მა-

მულის უკვდავების პირველ ფორმულას ვეძახი, ბატონო, აპოლონ და ამ პოზიციიდან ვფიქრობ, აწი ჩემი გადაბორძიკება გაძნელებდა. ამ ათიოდე წლის წინ გადამღებ ჯგუფთან ერთად დამუშუშიც ჩავედი. იცით, რას ნიშნავს დამუშუ?

— თავს მიქნევს უარყოფის ნიშნად.

— „დაშ“ ქვა აზერბაიჯანულად, „უზუ“ — სახე, ანუ „ქვის სახიანი“, ხრიოკი. ხოდა, არემიდა-მოში, სადაც ბუნებრივი ჭალები, ტლაპოები ნაბდისხელაც არსად ჭაჭანებს, მეკამეჩობის იმნაირი ჯიშსაშენი კომპლექსია გამართული, ავ თვალს არ დაენახვება. თავის დროზე ექვსასი ათასი მანეთი დახარჯულა მის ასაშენებლად. იქ ორიათას სულამდე კამეჩი ხყავდათ ათიოდე წლის წინ და როგორც გულღია მასპინძლობისას გვითხრეს, მასზე გახარჯული თანხები ოთხ-ხუთ წელიწადში ამო-ულიათ.

უფრო მეტს გეტყვით, ინდოეთთან ამყარებენ კავშირს, ტურთან აჯვარებენ „ადგილობრივ“ სა-ხეობას, რომელიც „ბუბალუს არნეის“ გენეტიკური შთამომავალია, ანუ ინდური კამეჩისა, ამჟამად კავკასიურად, ქართულად რომ იწოდება, და იცით, რა მოტივით, რა მიზნით?

— საინტერესოა, ბრძანეთ.

— ბატონო, აპოლონ, უკეთ მოგეხსენებათ, რომ კამეჩს საოფლე ჯირკვალი არ გააჩნია. აი, მისი უმთავრესი ნაკლოვანება. ამიტომაც ვერ ეგუება იგი სიცხიან ამინდში უწყლობას, ცხრა მთას გადაზოზინდება და საფლობში უცილობლად დაიძირება.

ამგვარი ცხოველი, ვფიქრობ, ძაღლია კიდევ. იმიტომაც გადმოაგდებს ხოლმე პაპანაქებაში ენას, მაგრამ მოვუბრუნდეთ კამეჩს და შევხედოთ როგორი პერსექტივა გააჩნია მას ჩვენს მეზობელ და-შუშუელებთან, შექის რაიონში, დასახელებულ ჯიშთასაშენში?! შეაჯვარებენ ადგილობრივ კამეჩს ტურთან და მიიღებენ კიდევ უნიკალურ ჯიშს, რომელსაც უკვე უწყლობა ვერაფერს დააკლებს, კვარაცხელიას ძროხასავით დაადებს თავს მაღალმთიანი საძოვრებისკენ, თუმცა ეს ყოველივე მო-მავლის საქმეა, ჩვენ კი არსებული მდგომარეობით უნდა ვეძებოთ გამოსავალი.

ოთხმოციანი წლების საქართველოში, ზუგდიდის რაიონის სოფელ ერგეტის კომპლექსში, რომელიც ჯერაც ფუნქციონირებს, თუ ალაზნის აუზში 60 ათასამდე სული კამეჩი გვყავდა, როგორც კერძო სექტორში, ისე — საზოგადოებრივ მეურნეობებში. ინვესტიციების პირობებში, რატომ 300 ათასი კამეჩის ყოლას არ შევძლებთ დღევანდელ საქართველოში. თანაც ეს მიდგომები სხვაგვარი-ვადაც მოაგვარებს პრობლემას, ანუ მოხსნის ხორცისა და რძის პროდუქტების დეფიციტს, ვინაი-დან ცხიმინობის გათვალისწინებით 300 ათასი კამეჩის ნაწველი ხუთასიათასი ძროხის ყველს და მაწონს უტოლდება. იგივე ითქმის ხორცის მიმართ

ტყუილია, რომ თითქოს ქართველები კამეჩის ხორცს არ ვჭამთ. აბა, საიდან შეერქვა გიორგი მეთერთმეტეს ზაქიჭამია?

ენად გავკრეფილვარ, მაგრამ ისე არ ჩამომართვათ თითქოს მენტორის როლს ვთამაშობდე, ან ვერ ვამჩნევდე საქართველოში სხვა ენდემური ჯიშების აუცილებლობას. მე იმისი მომხრე ვარ ყველ-გან და ყველაფერში, რომ რელიეფს ჯიშში მოერგოს; ამ შემთხვევაში, მაღალმთიან ალპურ საძოვრებს — კვარაცხელიას ძროხები; უფრო მაღლა, ზემორე, სადაც მათი მომთაბარეობა შეუძლებელია, თხები მოვაშენოთ; სულ ზემოთ, ტყეების და ბუჩქოვანების კორომებში საქვეყნოდ ცნობილი ფუტ-კრები. პირველი იარუსი კი კამეჩს დაუფთმოთ სათანადო ხეობებში; რაც შეეხება ჭაობს, აქ ხომ იგი მთლად უმეტოქოა, შეუდარებელი, პირდაპირ მისთვისაა გაჩენილი, სანამ დამუშუელებს ტურთან შეუჯვარებიათ და საოფლე ჯირკვლები გასჩენია.

— თქვენ ჩინებულად აყალიბებთ მთიანი რეგიონის ათვისების პრობლემას, თანაც თითოეულ სარტყელს შესაფერის ჯიშს და სახეობას მიუსადაგებთ: ეკალ-ლიჭიან ადგილებს — მეგრულ თხას. ეს საოცარი პოპულაციაა, რომელიც უმნიშვნელო დანახარჯებით იძლევა უნიკალურ რძეს და განსა-კუთრებით მარგებელ ხორცს. გახსოვთ, ალბათ, თხის ხორცი როგორი დიეტურია?!

— სასწაული, ბატონო, აპოლონ.

— რარივ დიეტური და თანაც დაავადებათა რანაირი მკურნალი.

— ძირითადად ეკალას რომ ეტანება.

— ეტანება და მერე როგორ, რაოდენ ყუათიანს, კალორიულს. აქედან იმ შინაარსის გამოტანა შეიძლება, რომ მცენარეული საკვებით ნაპატიები პირუტყვი იმ თვისებებს გადასცემს ადამიანს, რითაც გამოსაზრდობულა. თქვენ მერე იმსჯელებთ კვარაცხელიას ძროხის ჯიშზე, ფუტკარზე, კამეჩზე, რა ვიცი, კრიალოსანივით აკინძეთ მთიანეთის კალთებზე ენდემური ჯიშები სავარგულების შეხამებით.

— აი, თქვენს სამსახურს ამ მიმართებით რა კონცეფცია გააჩნია? გათვალისწინებულია თუ არა

ენდემური ჯიშების აღორძინების ჩემული დილეთანტური შეხედულება?

— როგორც აქამდე მითქვამს, — სიგარეტს უკიდებს, დამაცლის ახალამოღებული ღერის დამუშავებას და მერე ამინთებს. ვაბოლებთ სიცხეშესრუტულ ძელურ-ფაცხა-კოტეჯში.

წუთშესვენებაა. საუბარიც ყოფიერ საკითხებს შეეხება, არჩეული თემატიკიდან გადახვეულს, და ამდენად, ჩემთვის უმასხოვროს ზერელობის თვალსაწიერიდან.

ხის მერხზე, ცოტარე ქვემოთ, იპოდრომის მიწებისკენ, მთიბავეები ისვენებენ. აქედანვე ვამჩნევ: სახეგაბურძენილი კაცები უფილტრო სიგარეტს ეწევიან. თივას იმარაგებენ ზამთრისთვის.

თბილისის გარშემო უამრავი ოჯახი მისდევს მეცხოველეობას. განა სულ რძის ფხენილის მაწონს დაატარებენ მჭიდროდ დასახლებულ უბნებში ტილოს ტოპრაკებით დოღრილა დედაკაცები ვარკეთილისკენ თუ ვაზისუბან-გლდანისკენ? იქ ხომ ადრე, სანამ მეხუთე კოლონის ჭკუაზე გაივლიდა ჩვენი მთავრობა, ბალ-ბოსტნები ყოფილა, ვენახები, ატმის და ხეხილის ნარგავები, მაგრამ სამოცდაათიან წლებში მოგვიყვანია ბულდოზერები და სარწყავ სისტემასთან ერთად ჩაიღურის წყლებისთვის გაგვიყოლება.

ოდესღაც ვარკეთილის მეურნეობის მთავარი აგრონომი, მაღალი სვანეთის კაცი, შოთა ვიჩიანი, ახლა სამარშრუტო ტაქსის დააქროლებს და შეკოწიწებული გროშებით არჩენს ცოლ-შვილს.

ამას მაინც ეს თეთრები უგროვდება, მაგრამ რა ქნან ათასებმა, რომლებიც რეზერვაციამო შეყრილების მსგავსად მომწყვდეულან აქა-იქ უშუქო-უგაზო კორპუსებში და აყვლებული სტომაქით მიათრევენ წუთისოფელს?

გვარნაცვალმა ქართველობამ გვაჯობა. ეს ყოველივე იმპერიის დაკრულზე ჩვენს გაუმადლობით აცეკვებას შეემსხვერპლება, ვინაიდან ქართველი გლეხიკაცი, რომელიც ქარხანა-ფაბრიკაში დასაქმების მიზნით ჩამობარგდება ქალაქად და ვენახში ოფლისღვრას მოვაშლევინეთ, საბაზრო ეკონომიკის პირობებში უფუნქციო აღმოჩნდება, საწარმოთა მასობრივი გაჩერების შემდეგ.

რა ქნან, რა იღონონ?

ზოგი მოხერხებული მარტივ აღებ-მიცემობას მიხყოფს ხელს. ოდესღაც მარნეულელი კაცივით მშრომელი, იქ იძენს კაპიკების, თეთრების დასაზოგად ბოსტნეულს და ქალაქის ხვატში იხრუკება ტლაპოსდანატრებულ კამეჩივით. აი, როგორი პერსპექტივაა დღევანდელ მამულში.

უმეტესობა უცხოეთის ქვეყნებში გახიზნულა, სამოწყალო დოღარების საშოვრად, მაგრამ მე ჯერ არ მინახავს იქიდან ჯიბეგასქელებულად დაბრუნებული თანამემამულე.

ამერიკიდან ახლადჩამოსული, ერთი გუვერნანტკა ქალი გამომესაუბრება ამასწინათ. იქ მუდმივი ჩაწერის უუფლებო პლებსს ათას დოღარამდე ძლივს უგროვდება ყოველთვიური გასამრჯელო. მასპინძელი უმეტესწილად რუსულენოვანი ებრაელობაა. ქალებს შედარებით მეტს უხდიან, ვინაიდან ისინი იმ ოჯახების ბინადარნი ხდებიან და თუ ზოგი მიმზიდველია, შესაძლოა სხვა რამ სახრავსაც გამოხკრას ხელი.

ასეთი რეალობაა ჩვენს გარშემო. მიწაწართმეულები, ან უფრო სწორად, მიწასმოწყვეტილები, გავრბივართ ჩვენი სამშობლოდან ოთხივ კუთხით და გვარნაცვალი ქართველობა თუ უკვე გვარიანადაც მოყვინჩილებული საძიძგილაოდ პორტუგალიური არენის კვალობაზე, გემედიდურება გამომწვევი უცხოტომური საუბრებით მიკროავტობუსებში, ბაზრობებზე, სათავყრილობო ადგილებში, თითქოს არც არსებულხარ, თითქოს არც გიცხოვრია ამ ცის ქვეშ.

წარმომიდგენია, როგორი დამანუგეშებელი სურათი გვესანგრება ახლო მომავალში, რომ არა სწორი ეკონომიკური და დემოგრაფიული პოლიტიკა! გვიტევენ ოცდაოთხსაათიანი მუსიკის დემონსტრირებით გაჩახჩახებული ფანჯრებიდან და საკმაოზე მეტად მოძველებული ცეკვებით. ესეც ერთ-ერთი შემადგენელი ნაწილია ჩვენი სამშობლოს შვილებისთვის გულის გასატეხად, საკუთარი ღირსების ჩასაქოლად საკუთარივე ხელით.

წამიერი შეყოვნებით გარინდული აივნიდან ვუმზერ ხის მერხებს მისვენებულ მთიბავეებს და გალაკტიონის სიტყვები მოფრიალდება თავში: ცვრიან ბალახზე ფეხშიშველა თუ არ გაივლი, რაა მამული?!

— ჩვენ ვართ ძირითადად მეცხოველეობის სანაშენე საქმის დეპარტამენტი, რომლის უშუალო ფუნქციაში შედის საქართველოში ენდემური ჯიშების აღორძინება, — ჩემს რესპოდენტს კარგი მესხიერება აქვს-მეთქი, ვინუგეშებ თავს, ვინაიდან ამხელა პაუზის შემდეგ წინადადებას ზუსტად გადააბამს წამოწყებულს, — ეს ეხება, როგორც კვარაცხელიას ჯიშის ძროხას, ასევე მეგრულ თხას, — ოფიციალტს შემოაქვს ჩაციებული ლუდი ლანგრით და ხილი: ატამი, მსხალი, ბალი, მოკლედი, ნაჯვარი, ერთ კვახისხელა ვაზაში მოთავსებული, — კახურ ღორს, ხევსურულ ძროხას, თუშურ და იმერულ ცხვარს... ეს არასრული ჩამონათვალი საქართველოს ის ენდემური ჯიშებია, რომელთაც

იაფად მოეპოვებათ საკვები და იაფად მოპოვებული საკვებით წარმოებული პროდუქცია, ბუნებრივია, იაფი იქნება თავისთავად. ამიტომ ჩვენი ფაქტობრივი აქცენტირება პირველ რიგში უნდა გაკეთდეს საქართველოში ენდემური ჯიშების აღორძინებისკენ. ამ მიმართულებით გადადგმულია უდიდესი ნაბიჯები.

- ფინანსები, ინვესტიციები? — კვითხულობ მე ახირებული პროფესიის კვალობაზე.
- ფინანსების მხრივაც მოგახსენებთ. ჩვენ უკვე გაკეთებული გვაქვს დარაიონების სქემა...
- უფრო ზუსტად?

— დარაიონება ნიშნავს ესა თუ ის ჯიში, რომელ რეგიონსა და რაიონშია აკლიმატიზებული. — მაინც ისეთი რა მოიმოქმედეთ, სათქმელად ღირდეს? — ყველაფერი. დევს სპეციალური პროგრამები, რომლებშიც, აი, დავუშვათ კვარაცხელიას ჯიშის ძროხის მთლიანად რეგიონში აღორძინებისთვის გათვლილია ყველა პარამეტრი, რა ოდენობის ფინანსებს საჭიროებს...

— ბატონო, აპოლონ, კადნიერებაში არ ჩამომართვათ, მაგრამ შეიძლება მერე მომენტი ხელიდან გაუშვათ. რახან კვარაცხელიას ჯიშის ძროხაზე ჩამოვარდა საუბარი, ხობის რაიონში, პატარა ფოთის ტერიტორიაზე, გეცოდინებათ, ჯონი ფიფიამ სანაშენე მეურნეობა მოაწყო. იქ კვარაცხელიას ჯიშის 100 სულზე მეტი ძროხა ხყავდათ. ამის თაობაზე დავბეჭდე კიდევ წერილი მაგრამ ჩანს, თქვენი ყურადღების ველში ვერ მოექცა.

— ჯონი ფიფიას მეურნეობა ერთი თვის წინ დავათვალიერე. მეტი სხვა რისთვის მოვსულვართ?! მომეცით და თავად წავიკითხავ, — მეტყვის ჩვეული, ბარიტონს მიახლოებული ტემბრით.

აივანზე გავდივართ, მოაჯირს დაყრდნობილი კითხულობს ოთხი წლის წინათ დაბეჭდილ ნარკვევს. მთიბავთა ცელების რიტმულ მოძრაობას მიჩერებული ვეწევი სიგარეტს.

ლამის ოციოდე წუთი მოვუნდებით ნარკვევის ჩაკითხვას. ბატონი აპოლონი შიგადაშიგ აღფრთოვანებას ვერ მალავს. ვხვდები წერილი კაკალ ათიანშია მოხვედრილი. მართალია, თავის დროზე იგი ვერ ხპოვებს სათანადო გამომხატურებას, შესაფერის ყურადღებას ვერ დაიმსახურებს მაგრამ ნათქვამია: არის ქვების შეგროვებისა და სროლის დრო, ანუ ყველაფერს თავისი ხუმუსი განსაზღვრავს და როცა ვიგრძნობ მეცხოველეობის დეპარტამენტში გულანთებული მამულიშვილი მოსულა ჩემი რესპოდენტის სახით, მეც ვადმომედება ეს სიხარული: ოდინდელი ეროვნული მეცხოველეობის აღორძინების გზაზე მიღველფილი გრძობანი ისევ აგიზგიზდება ჩემს სულში და მისახვედრებელია, აწი ჩანაცრვამდე მის ბურტყუნს და აპაპარა საუბარს არაფრით დავეხსნები საშვილიშვილო საქმეთა დასაწინაურებლად;

წერილი შვიდი-ათი დეკემბრით თარიღდება, ოთხმოცდათხუთმეტი წლის ზამთრით.

ამ ოცწუთიან დეკლამირებაში ბატონი აპოლონი უხვად გამოავლენს თავის ხალას მონაცემებს სცენური ხელოვნებისადმი. განსაკუთრებით დიალოგებისას შეეცვლება ბუნებრივი კილო და წერილის პერსონაჟების სავარაუდო ხმაბაძვით ამეტყველდება. უამრავი ძაფით შემკონავს ბატონ აპოლონ წულაიასთან გადაყვითლებული ფურცლების ამოქარქაშება.

მართალია, ეს პუბლიკაციები ადრე თუ გვიან დღის ნათელს უცილობლად იხილავენ, მაგრამ ისიც ხომ ცხადია, რომ რკინის გამოჭედვა გრდემლის და უროს ზათქუნს მხოლოდ სიმხურვალისას ექვემდებარება, და ახლა, ვინაიდან რესპოდენტ-კორესპოდენტის სულებიც გაავარვარებულან მოზღვავებული პრობლემის გამოკვერვის გზაზე, აღფრთოვანებას ვერ მალავს.

— ჩვენ ამჟამად სამეგრელოს რეგიონში სანაშენე-სასელექციო სამსახურის უფროსად დანიშნული გვყავს 88 წლის ვალიკო არონია.

— არონია? — გამელიმიება, რასაც დროულად დაიჭერს ბატონი აპოლონი.

— რა იყო, ხანდაზმულობის მიუხედავად საქმეს ჩინებულად გაართმევს თავს?!

— ასაკი რა შუაშია, — მივაშველებ სიტყვას, — ეს ის არონიაა, ალბათ, აფხაზეთის დამსახურებული ზოოტექნიკოსი რომ გახლავთ?

— მერე? — მომაჩერდება სახეზე ოდნავ შეცბუნებული.

— გამოხმაურებია ბატონი ვალერიანი ჩემს წირილს მეკამეჩეობაზე. მართალია, მიზეზთა გამო ვეღარ გავეცანი, მაგრამ მორალური მხარდაჭერა მაგრძნობინა. მისასალმებელია ამისთანა პიროვნება რომ ჩაგიყენებიათ სათავეში მამულიშვილური საქმისთვის.

— ვალიკო არონიას ხელდასხმითა და მეცადინეობითაა შექმნილი ჯიშსაშენში სწორედ იმ სახეობის გარკვეული რაოდენობის სულადობა, რაც დღემდე ჩვენი მწირი დაფინანსებთ შევძელით. დიახაც მისი უშუალო მონაწილეობითაა შესყიდული მრავალი პირუტყვი. ჩვენდა საბედნიეროდ მოსახლეობაში ჯერ კიდევ არსებობენ ეს ჯიშები, შენარჩუნებულია ასე თუ ისე და მისი მომრავლება

იმდენად გადაუდებელია, როგორც ეს ახლახან წაკითხულ წერილში გიწერიათ. ეს არის მეხორცულ-მერძეული მიმართულების საქონელი. რძე ჩინებული ახსიათებს და ხორციც. კარგია დგომის მიხედვითაც. მაღალი რქებით გამოირჩევა, თუმცა რა, ამის თაობაზე არანაკლებად უწყით.

— ისტორიულად ასეთი ფაქტია ცნობილი ბატონო, აპოლონ, ნიკოლოზ II რომ ჩამოვიდა საქართველოში, ძიკი კვარაცხელიამ...

— დიახ, დიახ...

— რომელიც შეუდარებელი მეჯოგე გახლდათ, ასი სული რჩეული, სულ ერთი სიმალისა და შეფერილობის ძროხა გაუგზავნა საჩუქრად. ეს არის ოქროწყალში ამოვლებული სასწაული.

— საერთოდ კვარაცხელიას ძროხის ჯიში ორი ფერისაა, ერთი მუქი წითელია, მეორე — ღია.

— ჯონი ფიფია შერჩევით აკეთებს ამას, ღია ფერისკენ აქვს მიდრეკილება.

— უფრო სწორად ხქონდა, მაგრამ ჩვენ დავუსაბუთეთ, დავარწმუნეთ, რომ ღია შეფერილობის ჯიშის შეცვლა ჯობდა მუქ წითელზე, ვინაიდან მხოლოდ ასეთი ჯიშია ტიპიური კვარაცხელიას ჯოგისთვის, ოდნავ ღია კი, სადღაც ჯიშთშორისია, ნარევი.

— ახ, — გაცეხასავით გამომდის.

— ორივე კვარაცხელიას ჯიშია, მაგრამ მუქი წითელი სუფთა კლასიკური მეგრულია. კვარაცხელიას ჯიშის საქონლის ტრადიციები და ისტორია კარგად გამოუკვლევია ბატონ ვალერიან არონიას. ფაქტობრივად ამით ცხოვრობდა მთელი სამეგრელო.

— ბატონო, აპოლონ, ვინ დაგაცდის თორემ რძეს არაფერი მირჩევნია დღესაც. ხუთი წელიწადი მისაზრდოვია მისით ყრმობისას. რძის კულტი მართლაც ეტყობა ჩვენს კუთხეს. სულუგუნე ორმაგად იხარება და როცა თითქოს, წესით ცხიმიანობა უნდა დააკლდეს, პირიქითაა საქმე, უფრო ყუათიანდება, ლამის ორნახად არაყს შედარო. დანარჩენი რახივითაა მასთან შედარებით. მედიცინისთვის აღმოჩენას არ წარმოადგენს, რომ რძეს ანტირადიაციული თვისება გააჩნია.

— ანტირადიაციული და კიდევ უამრავი სხვა თვისება. ორგანიზმი, რომელიც დედის რძით იკვებება, შეიმუშავებს იმუნიტეტს ნებისმიერი გარეგანი გამაღიზიანებლის, დაავადების მიმართ. ამ წიგნში, — ნაჩუქარ სამეცტორიან გამოცემას მანახებს, — ჩვენ მეცხოველეობის ყველა დარგი გავშიფრეთ და იგი გახლავთ სახელმძღვანელო არა მარტო ვეტერინარი სპეციალისტებისათვის, არამედ — იურისტებისათვისაც. სამართლებრივი ბაზაა, ესე იგი მთლიანად მოცემულია როგორც წარმოების ნაწილი, ასევე მომხმარებელამდე მისვლის ფორმები, თუ რა შემთხვევაშია ანომალური და რა ვითარებაში ნორმალური ამა თუ იმ წარმოებული პროდუქციის მოსახლეობამდე მიტანა.

ამიტომ, როდესაც ჩვენ საკითხს ვაყენებთ, თუ რისთვის უნდა დაიწყოს აუცილებლად სანაშენე საქმით საქართველოში ენდემური ჯიშების აღორძინება, ამ შემთხვევაში პირველ რიგში საკითხი ისახება მისი ეკონომიკური გაანგარიშების საფუძველზე. ესლა თქვენ კარგად მოგეხსენებათ საბაზრო ურთიერთობაა. ამჟამად ცენტრიდან არაფერი იგეგმება და მეცნიერებამ თუ თვით ჩვენმა სამსახურმა, მოსახლეობას უნდა შეუქმნას მყარი ბაზა თუ რა სახის პროდუქცია უნდა აწარმოოს. ე. ი. რეკომენდაცია უნდა მისცეს, დააკვლიანოს და როდესაც საზოგადოება დარწმუნდება, რომ იგი აწარმოებს იაფ პროდუქციას, ლარს ჩადებს საქმეში და ორს ამოიგებს, თავისთავად ცხადია, მას მწვანე გზა ეხსნება სამომავლოდ; მაგრამ დღეს ჩვენს მოსახლეობას ფინანსურად ისე უჭირს, სოციალურად იმდენად შეჭირვებულია, ყოველივე ამის ხელის ერთი მოსმით ამოქმედება, ალბათ, შეუძლებელია, უტოპიურიც, იქნებ საზიანოც; თუმცა ამისი პროგრამები, განვითარების ეტაპები ჩვენ დამუშავებული გვაქვს და ვფიქრობ, რომ მომავალი წლიდან აქტიურად დაიწყება მათი დაფინანსება.

— ბატონო, აპოლონ, ჩვენ ერთსა და იმავეს ვამბობთ სხვადასხვა ფორმით; მე რასაც საქართველოს გადარჩენის ფორმულას ვეძახი ჩვენს ტერიტორიაზე ენდემური ჯიშების დამკვიდრებით, თქვენც იგივეს ახორციელებთ, ოღონდ კომერციული თვალსაზრისით, ანუ იაფი პროდუქციის წარმოების მეთოდებით.

მუქთად ტყე-ღრეში ხეტიალი არავის უხარია. თვით ყველაზე წარმატებული მეჯოგე — დათა თუთაშხიაც ფუჭად არაფრით გაირჩება. გახსოვთ ვაშლისმკერდა ბოჩოლებისთვის სანამდე ჩადევნება ნიკანდრო ქილიას სამსახურს? ეს ყველაფერი ფონისთვის, მაგრამ ორივე შემთხვევაში, უფრო სწორად, თქვენეული ეკონომიური ბერკეტების ამოქმედებით, ხერხემლიანდება ჩემეული მამულიშვილური პოზიცია, ანუ — დაცარიელებული, გავერანებული, გაპარტახებული ტერიტორიების აღვსება სათანადო კულტურებით, მისი მიმდევარი ხალხით, იგივე მთიანეთისა, რაჭისა, სამხრეთ საქართველოსი... მოკლედ, ვინ მოსთვლის.

ჩვენ ენდემური ჯიშების მიზანმიმართული აღორძინებით სიცოცხლისუნარიანს ვხდით თავად

ჩვენს მამულს, ილიას ფორმულის ერთერთ შემადგენელ ნაწილს, არა ქვეყანას ზოგადად, როგორც ამას უმართებულად მიუთითებენ, ვინაიდან ერის უგვირგვინო მეფის კონცეფციით ქვეყანა მთლიანობაში ნიშნავს მამულის, ენისა და სარწმუნოების ერთიანობას, ანუ მამულში ჩადებულია მიწისა და გლეხკაცის ურთიერთობის პანორამა, ოფლისა და ჭირნახულის ერთიანობის მისტიკა.

ამირანივით თუ მიაჯაჭვავ მშრომელ ადამიანს მიწას, იქ იკარგება შემოქმედებითი უნარი; იქ ძალადობის ფაქტორი წამოტივტივდება, რაც ადრე თუ გვიან აიძულებს მას ზურგი შეაქციოს ოდესღაც საყვარელ კულტურას.

გვახსოვს ჩვენ კახეთში უამრავმა მეურნემ სულმოკლეობით ვაზის ამოძირკვას რომ მიხყო ხელი და ტრადიციულ ვენახში საზამთრო მოაშენა. ამისი მიზეზი უწინარესად კლიმატური პირობების გარდაქმნა გახლდათ, სეტყვის მომძლავრება, მაგრამ ჩვენ ისიც არ დაგვავიწყდეს უნდა, რომ ზეცას ქვემეხები დაუშინეთ ღრუბლების გასაფანტად, რაც ბუნებამ არაფრით გვაპატია. ამბოხებულ ზღვაში ტალღების დროებით დასაცხრობად ზეთს დაღვრიან ხოლმე გემიდან. ის გემი ცხადია, გადარჩება სტიქიის დგანდგარისგან, მაგრამ წარმოიდგინეთ რა ემართება მომდევნოს, რომელიც ათბალიან ან უფრო მეტ გაცოფებულ ღვართქაფში გაეხვევა, და როგორც წესი, იღუპება.

ბუნების გარდაქმნისკენ ძალადობის კატეგორიული წინააღმდეგი ვარ მე და ჩემთან ერთად ბარეორი საწუთროში ჩახედული კაცი: იროდი სართანია ჭურვიდან, ვალიკო მესხია საირმედან, ვალერიან არონია აფხაზეთი- დან, ნიკო ყოჩიაშვილი ქიზიყიდან, დაბოლოს, თვით ელბერდ ბატიამვილი, მეცნიერი, დაუნჯებული პიროვნება.

ჩვენ შეიძლება დროებითი ღონისძიებით რაღაც მოვიგოთ, ამწუთას— ქათამი მარტივად, უფრო მეტი კვერცხი გადაუვგოროთ წინაბრებს საფლავებზე სააღდგომოდ, მაგრამ მომავალ თანაფაზე ხელცარიელი მიუვალთ იმ საძვალეებს, ვინაიდან თავად ქათამი გადახვეება ამ ღონისძიებას. მგონი რაღაცნაირად მივუახლოვდით ეკონომიკურ პოლიტიკას; ეკონომიკა ხომ თავისთავში პოლიტიკასაც გულისხმობს?!

— პოლიტიკა ეკონომიკის გარეშე შეუძლებელია.

— ხო... აი, როგორც უდაბნოში მცხოვრები კაცი ვერ გაექცევა არსებულ რეალობას, ვერ დაუსხლტება სილიანი ქარიშხლების შემოტევას და დროთა მსვლელობაში თვალის ჭრილი უვიწროვდება.

უფრო ცხოველ მაგალითს შეგახსენებთ. ვიშველიებ ჩინგიზ ათიმათოვის ბრწყინვალე რომანს, „ი დოლში ვეკა დლილას დენ“:

უდაბნოში შეშა არ იძებნება, ფიჩხიც არსად ჭაჭანებს და აქედან გამომდინარე ცეცხლზე შეჭამადის შეკმაზვის საშუალებაც მოშლილა. თუმცა შეხედე ჭკვიანი ხალხი როგორ გადაწყვეტს ნორმალური არსებობის პერსპექტივას?! დაკლავენ ძროხას, ხორცს ცალკე დააწყობენ, ძვლებს — ცალკე, ტყავიც ხომ აჭვეა?! ხოდა, ამ ტყავში ჩაყრიან აქნილ ხორცს მეუდაბნოენი. შემდგომ კვესაბედით წაუყიდებენ ცეცხლს იმ ქონით გაპოხილ ძვლებს და მისახვედრებელია, როგორი მადისაღმძვრელი სუნით აივსება იქაურობა.

გამოსავალი ყველგან არის, ბატონო, აპოლონ, მითუფრო ჩვენისთანა უნიკალური ქვეყნისთვის. ენდემური ჯიშებია ამისი ქვაკუთხედი. საქართველოს უკვდავების პირველი ფორმულა მამულია ანუ ჩვენი საარსებო სივრცესთან მოსახლეობის ხარმონიული თანაშეწყობა.

უდაბნოს პირობებში, ჩინგიზ ათიმათოვის ხალხისთვის, ასეთი ფორმულა, — მესაქონლეობაა, მომთაბარეობა, კამათელივით მოძრაობა, რადგანაც ძროხაა რძეც, საწვავიც, ჭურჭელიც; იგივე ითქმის აქლემზეც, ცხენზეც; მაგრამ დავაკვირდეთ: ჩვენ, ქართველები, თითქოს ბიბლიურ სამოთხეში მოვხვედრილვართ, საიდანაც აკრძალული ხილის უპატრონობის გამო გვაძევებენ გვარნაცვალი ქართველები, ქართველობას შეფარებული უცხოთესლელები, იგივე მეხუთე კოლონა და ასეთ ვითარებაში მამულის გადასარჩენად ენდემური ჯიშები მოგვიგონებია, როგორც ტერიტორიების შენარჩუნების უებარი ღონისძიება.

ხედავთ, რა გვასწავლა უდაბნომ?! განა რითიმე სჯობია ჭაობს?! ერთი ხრუკავს სულს და სხეულს, მეორე — ალტობს და აობებს ციებ-ცხელებით. ორი უკიდურესობაა, ორი პოლარულობა, მაგრამ ჭაობის დაშრობითი მეცადინეობანი ჩვენი ეკონომიკური პოლიტიკის ახლომხედველობად, უვიცობად მიმაჩნია. ეს იგივეა, უდაბნოს გაოაზისებაზე დაიწყო ფიქრი. არა, ხელაღებით უარყოფა იმისა, რომ უდაბნოში სარწყავი სისტემები ერთ დროს ვაშლოვანებს შექმნის, როგორც ჭაობნარში ციტრუსების სიხასხასეს — წყალსაწრეტები, აქსიომაა. დოგმატიზმი გვლუპავს საერთოდ, ამიტომაც სადაც უდაბნოს-ჭაობის ათვისება უმომავლოა, უმჯობესია ნუ შევალევთ საშვილიშვილო ძალ-ღონეს მათ გადასხვაფრებას, რადგანაც ვაჟა გვასწავლის:

ბუნება მბრძანებელია, იგივე მონაა თავისაო. ხოლო ენგელსი უფრო მკვახედ შეგვძახებს:

ბუნება შურს იძიებსო.

ნუთუ არ შეგვიძლია ამ გენიოსთა სულის შემადრწუნებელი გაფრთხილებიდან სათანადო დასკვნების გამოტანა? მეკამეჩობაზე ვისაუბრეთ. მისთვის დამოკლეს მახვილი შედარებით დაბალი წველადობა — 1200 ლიტრი, მაგრამ ცხიმინაობას თუ გავითვალისწინებთ, ორ-სამჯერ აღემატება ძროხისას; აქლემიც ასეთივეა სხვათაშორის. დამილევია მე შუააზიაში კუმისი. ხოლო რაც შეეხება დაშუზუს სანაშენე კომპლექსს, იქ სპეციალური საშხაპეები შეუქმნიათ, პრინციპი ისეთივეა, როგორც — ავტოსამრეცხაოებშია. კამეჩი გახანგრძლივებული ზოზინით გაივლის ამ ასმეტრიან საშხაპეს და გაკრიალებული შედის სადგომში.

— ჩამოსაწველად ხომ? — მეკითხება ბატონი აპოლონი.

— ბუნებრივია. იქ წველაც მექანიზებულია. კამეჩის რძისგან აზერბაიჯანელები აირანს ამზედებენ, იგივე რძეში წყალგარეულ სასმელს. აქ პროპორცია ორმოცდაათი — ორმოცდაათზეა. უმატებენ მარილს, არც მოსადღებელია. დალიე და ილხინე. მაგრამ ჩვენში განთქმული კამეჩის მაწონია. ყველისთვის მისი რძე არ გვემეტება, მითუმეტეს — სასულუგუნედ. ხოლო კამეჩის მაწონს რომ სასწაულები შეუძლია, ამის თაობაზე იაპონიაში უკეთ უწყიან, ვიდრე საქართველოში. აკი, შეისყიდეს კიდეც მისი რეცეპტი. ჩვენ ეს თემა ბევრჯერ წამოვწიეთ, მაგრამ ეტყობა დრო იყო სხვანაირი, უნი-ადაგო. ახლა მე მიხარია, თქვენისთანა ერუდირებული და ამავდროულად მამულიშვილობით გაჭერებული პიროვნება რომ უდგას სათავეში მეცხოველეობის დეპარტამენტს, ენდემური ჭიშების მოშენებისა და გამრავლების საუკუნო საქმეს.

— დიდი აღამიანები მართლაც გვეყვანან, თუნდაც ბაკურ გულუას სახით. ჩვენ რიგითების ეპითეტს ვჯერდებით. მეცხოველეობა, გური, ბატონო, საერთოდ ცხრა ქვედარგს აერთიანებს. ეს არის პირველ რიგში მსხვილფეხა პირუტყვის მოშენება, მეღორეობის განვითარება, მეცხვარეობის, მეთხეობის, მეფრინველეობის, მეფუტკრეობის, მებოცვრეობისა და მეცხენეობისა. ხომ არაფერი გამომრჩინია? ეს ის ქვედარგებია, რომლებიც გაერთიანებულნი არიან მეცხოველეობის ცნებაში. აქედან გამომდინარე, ჩვენს მიერ შემუშავებულია სპეციალური პროგრამები თითოეული დარგის მიხედვით, როგორც ზემოთ მოგახსენეთ. ე.ი. არსებობს დარაიონების სქემა და ამ სქემაში იგულისხმება ამა თუ იმ ენდემური ჭიშის პირუტყვი, რომელიც რეგიონშია აკლიმატიზებული.

აი, მაგალითად, კვარაცხელიას ჭიშის ძროხა აკლიმატიზებულია სამეგრელო-ზემო სვანეთის რეგიონში. ხევსრული ჭიშის ძროხა — კახეთის, მთათუშეთისა და ხევსურეთის რეგიონში. მათ მიერ წარმოებული პროდუქცია იაფია, როგორც ადრე აღვნიშნე, იმის გამო, რომ ისინი ფაქტობრივად თავისით მოიპოვებენ საკვებს, იძლევიან პროდუქციას რძისა და ხორცის სახით და მათი გადამამუშავების პროდუქტები ჩინებულად მოგეხსენებათ, როგორი აუცილებელია ორგანიზმის ნორმალური ფუნქციონირები-სათვის. მოკლედ, არაფერია გასაკვირი, რომ დღეს ჩვენ დიდი ფინანსური გასაჭირის, ინვესტიციების დეფიციტის გამო სწორედ ეს მიმართულება აგვირჩევია. ჩვენს მიერ წარდგენილია საბიუჯეტო დაფინანსებაში 11 მილიონი ლარის განაცხადი, რაც სრულიად საკმარისია აუცილებელი სამუშაოების ჩასატარებლად, მაგრამ დღეს ჩვენს ბიუჯეტს ამისი გაღება არ შეუძლია.

— 11 მილიონი ლარის გაღება თუ არ შეგვიძლია, დალუპულა ჩვენი საქმე.

— არ შეგვიძლია სავალალოდ. თქვენ წარმოიდგინეთ 11 მილიონი მოვითხოვეთ 97-ში, 11 მილიონი მოვითხოვეთ 98-ში, მაგრამ დაფინანსებას მიაქციეთ ყურადღება, რალაც 4 პროცენტით ვართ დაკმაყოფილებულნი. 473 ათასი გექონდა გამოყოფილი ოთხმოცდათვრამეტში, წლეულს ცოტათი მეტია — 662 ათასი. ცხადია, ამნაირი მიზერული მიდგომებით ერთ სანაშენე მეურნეობასაც ვერ ააღორძინებ.

— ჩვენს სახელმწიფოს, რომელსაც უზარმაზარი პერსპექტიული გეგმები აქვს, თუნდაც „დიდი აბრეშუმის გზის“, ნავთობსადენი — ბაქო-თბილისი-ჯეიხანის საწიერით, შეუძლებელია საქართველოში ენდემური ჭიშების აღორძინების საქმე არ აინტერესებდეს. საქართველოს საერთაშორისო მაგისტრალზე გაყვანა თავისთავად უზარმაზარი ინვესტიციების მოზიდვასაც გულისხმობს, მრავალი ინფრასტრუქტურის განვითარებას. ეს წამოწყებანი ოდესმე უცილობლად შეფასდება, როგორც კავკასიის აღორძინებისა და გადარჩენის ღონისძიება.

— კარგი პარალელია. ეს დიდი პოლიტიკაა, რომელიც ადრე თუ გვიან დიდძალ ინვესტიციას მოიტანს. ბატონი ედუარდი უცილობლად ვეებერთელა პოლიტიკოსია. ვინც ამაზე თვალს დახუჭავს, ის შურიანი ან ყველაფრის უარყოფელი ამბიციური კაცუნაა.

— ხშირად ვიშველიებ ხოლმე ივო ანდრიჩის „დრინის ხიდს“.

ანდრიჩი ნობელის პრემიის ლაურიატი მწერალია. თხზულებაში კი შემდეგნაირად წარმართება საქმე: ერთ ვიშეგრადელ ქრისტიან ბიჭუნას, გვარად სოკოლს, თურქები ტყვედ წაიყვანეს სტამბოლს. დროთა ვითარებაში ეს სოკოლი დიდი ვეზირი ხდება, რომელსაც მორჭმული ცხოვრების მიუხედავად, არაფრით დავიწყნია მშობლიური ვიშეგრადი, იუგოსლავია.

ხოდა, თუმცა ადგილობრივი მოსახლეობისგან დიდ წინააღმდეგობას წააწყდება, იობის მოთმინებით დაიწყებს ხიდის აშენებას დრინაზე. ამ ხიდს ორმხრივად აშენებენ და ორმხრივად ანგრევენ; ანგრევენ ქრისტიანებიცა და მუსულმანებიც. ბევრ ადამიანს შეიწირავს ხიდი, ზოგს ძელ-ზეც გასვამენ რადისავივით, მაგრამ ვეზირის გადაწყვეტილებას ვერაფერი შეაფერხებს — გაიდება ხიდი დრინაზე, როგორც მუსულმანური და ქრისტიანული სამყაროს შემართებელი არტერია.

გვართავც შეხედე, როგორი მსგავსებაა: სოკოლი, შევარდნაძე.

თუკი დრინის ხიდის პრობლემას ჩვენს სიტუაციას მოვარგებთ, ქვეყნის პრეზიდენტი რაღაცით გაუთოდდება იმ დიდ ვეზირს, რომელმაც უნდა გადოს ხიდი პატრიოტულ და კოსმოპოლიტურ ფასეულობებს შორის, სამშობლოსმოყვარეობასა და ზოგადკაცობრიულს შორის. ეს ხიდი უჩინარია, ბატონო, აპოლონ, მაგრამ იმდენად ხელშესახები, თვალნათლივ შესამჩნევია არა მხოლოდ მწერლისათვის, ნებისმიერი გონნათელი ადამიანისათვის.

ჩვენ ვიტყვით ხოლმე: რა გაკეთდა?

არა გაქვს ეროვნული თანხმობა.

დაკარგულია აფხაზეთი, სამაჩაბლო.

ქვეყანა შიმშილის ზღვართან მისულა, და ამისთანა დუხჭირულ ფონზე თანამედროვე პიროვნებას, ხმანდაზმულს თუ ჭაბუკს, როგორ გინდა დაანახო მომავლის პერსპექტივა, რაც ამ აბსტრაქტული ხიდის მშენებლობას მოსდევს?!

ჩვენს თავზე უნდა გადაიაროს მაღალი ძაბვის კოსმოპოლიტურმა აზროვნებამ, მაგრამ რომ არ გაიწიროს ეროვნული ფასეულობანი: ჩვენი პოლიფონიური საგალობლები, სათაყვანებელი ენა ქართული, ჩვენი ქორეოგრაფია და არქიტექტურა, ჩვენი ხუროთმოძღვრება, პოეზია ბოლოს და ბოლოს, ამისთვის მოღვაწეობენ ეროვნული ცნობიერების კომპლექსური განვითარებისთვის მრავალზე მრავალნი, რომელთაგან ზოგი ცდომილებით ყლყლაობს ან ქაფის მსგავსად პერივით ედება წყლის ზედაპირს.

დრო წალეკავს მათ მოუსაველეთისკენ, ხოლო ქვიშათა დარჩენის თეორია საშვილიშვილოა.

ახლა, როდესაც საქართველოს საერთაშორისო ფუნქციას ჩვენ შევავებებთ ეროვნულ, შიდაეკონომიკურ პოლიტიკას და მათი სინთეზით ვქმნით მესამე რეალობას, მსოფლიოსთვისაც მისაღებს და საქართველოსთვისაც სისხლხორცეულს, ვფიქრობ, ჩვენი ქვეყნის რამდენიმესაუკუნოვანი არსებობის სტრატეგიული გეგმა დასახული, მაგრამ ვინაიდან ენა გამეჭკა და პროფესიული მოვალეობა მავიწყდება — რაც შეიძლება ნაკლებს ვლაპარაკობდე, და თქვენ მსჯელობდეთ მეტს მთელი სიღრმე-სიგანით, აპატიეთ ჩემს ბელეტრისტულ სტილს, რომლის მიზანი თავის წამოჩინება სულაც არ გახლავთ. ეს იდეები მე ათასნაირი ხერხით შემეძლო მომეკერებინა თქვენთვის, ან ვინმე მესამე მოსაუბრესთვის, რომელიც შესაძლოა ჩვენმა დიალოგმა მოითხოვოს ადრე თუ გვიან. ზოდა, საქართველოს გადარჩენის ფორმულაში ვფიქრობ, თქვენეული ენდემური ჯიშების წამოწევა სულაც არ არის წინააღმდეგობაში „დიდი აბრეშუმის გზის“, ნავთობსადენის პრობლემებთან, კი არ გამოირიცხავენ ერთმანეთს, პირიქით — ავსებენ, აწონასწორებენ.

— მაკედონელივით მომსდის, მამამისის ლაშქრობების გამო რომ დალონდება! მთელი მსოფლიო დაიპყრო ფილიპემ და მე რაღა ვქნა, როგორ ვიცხოვრო გულხელდაკრეფილმავ. ეს ზომიერი ხუმრობით, ცხადია. ნებისმიერი პრიორიტეტული დარგი... ამ შემთხვევაში მეცხოველეობა, სოფლის მეურნეობა, უნდა იყოს ჩვენი გადარჩენის ქვაკუთხედი... როგორ შეიძლება საქართველოში მეცხოველეობის იმპორტი ხდებოდეს, კაცო? სხვა მაგალითს გეტყვით: ერთ-ერთი მეფრინველეობის ფაბრიკაში ინვესტიცია შემოიტანეს ებრაელებმა.

— ხო...

— გამარჯვების მეფრინველეობის ფაბრიკაში, და როდესაც აქ აწარმოეს ქათმის ხორცი, იმნაირი გემოვნებით, ისეთი განსაკუთრებული თვისებებით გამოირჩეოდა, აღფრთოვანება ვერ დამალეს. ამას ძირითადად განაპირობებს საქართველოს ფაუნა და ფლორა.

— რამხელა ამბავია.

— მე მრავალჯერ ვყოფილვარ ისრაელში და გინდ ქათმის ხორცი გიჭამია და გინდ — ჩალა. ჩვენთან ქათმის ხორცი განსაკუთრებული გემოსია, უწინარესად უნიკალური ეკოსისტემის წყლობით. ფუტკარზე გეტყვით კიდევ...

— ჩვენ მიუხაზლოვდებით უფრო რთულ, რთულ კი არა, უფრო სასურველ საკითხს, იმიტომ რომ, მეფუტკრეობა ამოუწურავია საქართველოში.

— უნიკალური ჯიშია, სამი ოქროს მედალი აქვს აღებული მუხურის გრძელხორთუმა ფუტკარს. შარშან საფრანგეთში გავიყვანეთ მისი სადედეები. 10 დოლარს იხდიან თითოში. წარმოიდგინეთ, რამხელა პერსპექტივები ისახება?

— რა კარგი თემა წამოწიეთ?! მე ნამყოფი ვარ მუხურში. ახლა არ ვიცი იქ რა სიტუაციაა, ადრე კი სათანადო ყურადღება ექცეოდა. ლადმერ კვარაცხელია იყო წალენჯიხაში ამის სულისჩამდგმელი. ღმერთმა აცხონოს ის კაცი, და მას აქვს ასეთი ნათქვამი: მარტო სამეგრელოს შეუძლია 100-150 ტონა თაფლი აწარმოოსო.

— 300 ტონის წარმოება შეუძლია, როგორც არაფერი.

— თავისუფლად.

— მერედა, სუფთა თაფლი რას ნიშნავს მსოფლიო ბაზარზე? — იცინის არხინად, — მაგალითად, რუსეთში ფუტკარი მზესუმზირისგან და ხორბლისგან იკვებება, ამ ფლორისგან. ჩვენთან არის წაბლი, აკაცია, ცაცხვი, ესენი საუკეთესო საკვები ბაზაა, ფუტკრისთვის განსაკუთრებით და იმდენად, სარგებელია ორგანიზმისთვის, ანალოგი არა ხყავს მსოფლიოში.

— ბატონო, აბოლონ, ჩვენ წინააღმდეგობამ არ უნდა შეგვაშინოს. საქართველო ახლა ორი გიგანტი ქვეყნის ინტერესს შორის მოქცეულა. რუსულ-ამერიკულ ინტერესებს შუა. არ უნდა დაემართოს ეს. პირადად ჩემი, როგორც მწერლის და მოქალაქის პოზიცია ცალსახაა: მე ვენაცვალე რუს ხალხს, ის დიდი ერია, მიმდობი, სტუმართმოყვარე, მაგრამ მმართველი წრეების იმპერიალისტური ზრახვები გვაქცევდა ორივეს, ქართველებსაც და თავად რუს მოსახლეობასაც.

— არა, არც ის უნდა დავუკარგოთ რუსეთს, რაც, საქართველოს გადარჩენაში მიუძღვის ერეკლედან დაწყებული...

— ისტორიულად სწორი გადაწყვეტილება მიმაჩნია ერეკლეს ნაბიჯი, იმიტომ რომ მუსულმანური სამყარო რეგრესია. მე „ყურანი“ წაკითხული მაქვს, მეგონა უფრო აგრესიული აღმოჩნდებოდა, თუმცა, ქრისტიანულ მორალს მაინც ვერ შეედრება.

— მუსულმანური სამყარო წაგვლეკავდა, კაცო.

— ხეგელი ამბობს, რომ ქრისტიანობა რელიგიათა ჭერიაო, მაგრამ გავაგრძელოთ საუბარი მეფუტკრეობის პრობლემებზე. უფრო სწორად, ჩვენ მივედით იმ კონცეფციამდე, იმ დასკვნამდე, რომ საქართველოს ფლორა ამოუწურავია ენდემური ჯიშების განვითარებისათვის... პატარა საქართველოს თავისუფლად შეუძლია საკუთარი მოსახლეობაც უზრუნველყოს ამ სახის პროდუქციით და საზღვრებს გარეთაც გაიტანოს.

— რა თქმა უნდა, აუცილებელია მარკეტინგული ბაზის მოძიება.

— ხო, ეს იყო ჩვენი უბედურება. მე იმპერიალისტურ რუსეთს რატომ არა ვცემ, კაცო, პატივს?! შენ, ჩემგან თუ რამეს იღებ, მიიღე, როგორც ქვეყნისგან და არა დომინიონისგან თუ ქვემეგრდომისგან. პურს მაწვდი? კი, ბატონო, მაგრამ ჩემგანაც მიიღე სხვა, — ოლონდ — ჩანაცვლებით. ჩვენ პურის პრობლემაც შეგვიძლია ნაწილობრივ გადავწყვიტოთ სხვათა შორის საქართველოში.

— პურის პრობლემა ცოტა უფრო რთულია, გური... ამ პრობლემას 10%-ით ძლივს ვაგვარებთ, მაგრამ 50%-ით რომ დავიკმაყოფილოთ, ეს აბსოლუტურად შეგვიძლია და ეს 50%-ი უზარმაზარი შეღავათია.

— 30%-ით ხომ შეგვიძლია სიმინდით დავიკმაყოფილოთ?!

— ეს, რა თქმა უნდა. ჩვენ 97-ში დაახლოებით 500 000 ტონა სიმინდის მარცვალი ვაწარმოეთ, 350 000-400 000 ტონამდე — ხორბალი, ეს იყო რეკორდული მოსავალი საქართველოს ისტორიაში.

— ინვესტიციებია ჩადებული?

— იღო ინვესტიციები. ბევრ შემთხვევაში მაგან განაპირობა, რა თქმა უნდა, მაგრამ მაინც ბუნებაზე ვართ დამოკიდებული, იმის გამო, რომ კომპლექსური აგროტექნიკური ღონისძიებები მოიკოჭლებს. ჩვენ ხომ აღმოსავლეთში სარწყავი სისტემები არ გაგვანია. დასავლეთში ჭარბი ტენიანობის გამო ფაქტობრივად პროდუქციის იმ მოსავალს ვერ ვღებულობთ, რომელიც ამა თუ იმ ჯიშისთვისაა დამახასიათებელი. ბატონი ბაკურის დიდი დამსახურებაა ის, რომ ას ათი მილიონი დოლარი იღება საქართველოს მელიორაციის განვითარებისათვის.

— მაინც ჩემს საწინააღმდეგოს ამბობ.

— არა, შენ ლაპარაკობ ჭაობის დაშრობაზე, მაგრამ მე აქვე მინდა მოგახსენო შენი აზრის ოპონაცია ჩვენი მინისტრის მხრიდან. იგი მთელი კატეგორიულობით უჭერს მხარს ჭაობის დაშრობის პროექტს.

- შენ?..
- ხა, ხა, ხა.
- შენ არ უჭერ მხარს?!
- არ ვეთანხმები, მაგრამ აღმოსავლეთ საქართველოში მართვადი სისტემები რომ განვითარდეს, სარწყავი არტერიების გარეშე სრულყოფილი მოსავლის მიღება შეუძლებელია. ჩვენ ამაში გასულ წელს დავრწმუნდით. შარშან ფაქტობრივად მოსავალი არ ყოფილა საერთოდ. წელს ამინდებმა შეუწყო ხელი და რეკორდული მოსავალია.
- ეხლა, უყურეთ, ბატონო, აპოლონ, მე რატომ ვამბობ დასავლეთზე: ჩაყოლას ჩადევნება სჯობია-მეთქი. არ შეიძლება ჭაობს ებრძოლო. ეს დროებით
- ლონისძიებდა მიმამჩნია, იმიტომ რომ ეს არის გეოგრაფიულად, ისტორიულად ჩამოყალიბებული ფლორა.
- ამ შემთხვევაში შეიძლება თქვენი აზრი გავიზიარო.
- აბა, რატომ იცინით?
- ღმერთის მიერ შექმნილია ესა.
- ხოდა, ებრძვი? ის სხვა უბედურობებს წარმოშობს ადრე თუ გვიან. წარმოგიდგენიათ, ენგურის ხეობაში რა პრობლემები შეგვექმნა ჩვენ?! მარტივად გეტყვით, გავაშენეთ ხიდროელექტროსადგური, სამაგიეროდ ენგურს შლამი არ ჩამოაქვს და უზარმაზარი პრობლემა გაგვიჩინა ზღვასთან მიმართებაში: ათასობით ხექტარი მიწაა დაკარგული...
- ხო, ბუნება თვითრეგულირებადი ფენომენია.
- მე კი არა ელბერდ ბატიაშვილი, კიდევ რამდენიმე თქვენი მეგობარი, კოლეგა, რა ხანია ამტკიცებენ:
- ნუ ვებრძვით იმას, რაც შედეგს არ მოგცემსო. როცა არსებობს ისტორიულად ჩამოყალიბებული ეკოსისტემა, შენ შეუხამე მაგას შენი დარგი, შეუხამე და ნუ ებრძვი. როდისმე ყოფილა, სხვენზე საბალახოდ ძროხა აყვანოთ? დაახლოებით იგივე გამოგვდის ჩვენც.

ფორმულა მეორე

- ბატონო, აპოლონ, თქვენ ბრძანდებით ზუსტად იმ რაიონიდან, რომელიც ღვთის წყალობით ჩემიცაა. მე თამაკონელი ვარ პაპის მამით. გეკითხებით, რატომ არის ჩვენი კუთხე ამდენად რელიგიური და რატომ არის მაინცდამაინც დავით აღმაშენებლის წინამძღოლი გიორგი ჭყონდიდელი? მოდი, ამის თაობაზეც ვილაპარაკოთ.
- გიორგი ჭყონდიდელის გაზრდილი რომ იყო დავით მეფე და მისი ხელდასხმით შეიქმნა, როგორც სახელმწიფო მოღვაწე და ერთობლივი ძალისხმევით — დიდი საქართველო, მე ამის მტკიცებას არ მოვყვები, ეს ისტორიული მოვლენაა; მაგრამ ჭყონდიდელის ქვეყანაში, სადაც არსებობს უდიდესი სასულიერო ისტორიული კერია — მარტვილის მონასტერი, სადაც მთელი სადადიანოს საქვალეა, არ შეიძლება ამისთანა ადგილებმა თავად ადამიანის ჩამოყალიბებაზე რაიმე გავლენა არ მოახდინოს. დაბადების ადგილი არის მარტვილის რაიონი, სოფელი ნახუნაო, სადაც სერგი ჭილაიაა დაბადებული.
 - დიდი პირვება, ცხონებული.
 - საოცრად დიდი კაცი, საამაყო ჩვენი ქვეყნისთვის. კაცმა, რომელმაც მთელი თავისი ცხოვრება შესწირა მამულის სიყვარულს, სიკეთეზე შემოქმედებას და მისი ბიოგრაფია სამაგალითოა თითოეული ჩვენგანისათვის. მარტვილის რაიონი ჩვენდა სამწუხაროდ, დღეს როგორც, ალბათ, საქართველოს ბევრი რაიონი, სოციალურად უმძიმეს მდგომარეობაშია.
 - ხო. ეხლა თვით მარტვილის რაიონის ისტორიული მდებარეობა მთებით, მცირე ნაწილი ვაკით და თავისი სოფლებით, მარტო სალხინო რად ღირს, სადაც მოდის მსოფლიოში უნიკალური ჯიშის „ოჯალეში“.
 - იქაურია „ოჯალეში“?
 - „ოჯალეში“ არის სოფელ სალხინოდან, მხოლოდ და მხოლოდ იქ იწურება.
 - დადიანების იყო ეგ.
 - დადიანების სარეზიდენციო, პრინც მიურატის სოფელი გახლდათ. ფაქტობრივად იმდროინდელი ისტორიული წარსულის ამსახველი პარამეტრები სალხინოში დღესაც შენარჩუნებულია. მართალია, იმ პირვანდელი სახით არა, მაგრამ ნაშთები არის.
 - „ოჯალეში“ თავის სახელს ამართლებს იქ თუ როგორაა, მწკრივებში?

— მწკრივებში. მაღლარი ვერ ამართლებს. თუკი ქართველის ცხოვრების წესს დავაკვრდებით, მივხვდებით, რომ ჩვენი უკვდავება ტრადიციების ერთგულებაა. მე მინდა გავიხსენო ჭაბუა ამირეჯიბის „დათა თუთახშიდან“ ერთი ნაწყვეტი, სადაც ასეა ნათქვამი:

სამეგრელოსა და სამურზაყანოში სერზე რომ შემოდგები, არემარეს თვალს მოავლებ, რაღაც-ნაირად მოწიწებული ხლები კაცი... ხო. ზრდილობიანობა და თავაზიანობა გწყურია. ლამის შენივე ცხენიდან გადმოხტე, კისერზე ხელი მოხვია, მეპატიოს, რომ ზურგზე გეჭექო.

— გენიალურია. რა დაემართა ამ ოჯახაშენებულ მურმანს? შეეშალა თუ... შეაშლევინეს? — გაზეთს ვაშრილებ.

— ლილინი მოგინდებო. მანახე, — მართმევს და სკამის საზურგეს მიყრდნობილი უხმოდ კითხულობს.

— ბატონ მურმან ლებანიძეს, მე უღრმეს პატივს ვცემ, მიუხედავად ამ პატარა წაბორძიკებისა. რეზონანსი დიდი ხქონდა იმ წაფორთხილებას. შეეძლო დელიკატურად გაეკეთებინა, მაგრამ ერთი შეცდომა ყველას მოსდის ცხოვრებაში თურმე.

ოთარ მამფორიას, რომელიც ჩემი ძმა და მეგობარია, აქვს ასეთი რამ: ბეთხოვენს წაუკითხავს გოეთეს ლექსი, რომელიც ნაპოლეონისთვის მიუძღვნია. და როცა ბეთხოვენს ჩაუკითხავს, გაკვირვებულა:

ამხელა პოეტი მეფეს როგორ უწერს ლექსსო და ბოლომდე რომ ჩასულა, ასეთი დასკვნა გაუკეთებია: კი, ეს შეცდომა დაუშვა, მაგრამ სხვა ნაწარმოებები რომ წამოტივტივებულა მისი თვალთახედვის არეში, მყისვე უპატიებია.

— ბატონო, აპოლონ, კარგი რაღაცა შემახსენეთ. რახან ბეთხოვენზე ჩამოვარდა საუბარი, პარალელს გავავლებ. ვგონებ ბეთხოვენი და ბახი უბრად არიან. ორივე გენიოსი. ბახს სოლო კონცერტი აქვს და ბეთხოვენი მოუწვევია კონ-ცერტზე, ხდება ასეთი რამ. საპატიო სტუმარი, მობრძანებულა, მდიდრულ ლოჯაში მოკალათებულს მუხლზე უდევს ხელჯოხი და ცილინდრი, რაც გასაქცევად მზადყოფნის მაუწყებელია. ყველა ბეთხოვენს მისჩერებია. ბახი თავის ადგილზეა და ჩატარდება კონცერტი, უზარმაზარი შემოქმედებითი ვნებათაღელვით. გასუსულია დარბაზი. კაციშვილი ტაშს არ უკრავს. უკვირს ბახს, რა ხდებაო. ბეთხოვენს მისჩერებია ყველა, რას იტყვისო. ეს უკანასკნელი აიღებს ხელჯოხს, დაიხურავს ცილინდრს და მიდის, მიდის ავანსცენისკენ. ყველას ხგონია დარბაზს ტოვებსო, მაგრამ ავა ამ კბეებზე და დაუწოქებს სახალხოოდ. რა დააკლდა ამით ბეთხოვენს?

— ვინც აღიმადლოს თავი თვისი, იგი დამდაბლდეს.

— და პირიქით. რა დააკლდა ამით ბეთხოვენს, რა დააკლდა ბახს და რა დააკლდებოდა მურმან ლებანიძეს?! თქვენი პოლიტიკური მიმართულება მაინტერესებს, ბატონო, აპოლონ, რატომ იცით?! ნებისმიერი პრობლემა, გინდათ ესთეტიკური, გინდათ სოფლის მეურნეობის თუ მშენებლობისა, პოლიტიკას ვერაფრით გაექცევა.

გახსოვთ, რომ გიყვებოდით, ჭურიაში ვიყავი იროდი სართანისთან -მეთქი. იმ კაცს გლეხური ფილოსოფია ჰქონდა, მაგრამ რამდენ პოეტს მოაკაკინებდა თითს? იმან იცოდა ხე როგორ აღომცენდება, რანაირად იშლება წელში, ან რას ნიშნავს ჭაობი, მდინარე, ცა, ყველაფერი გლეხურად და გამეცნიერებულად ვაჟაისებრ. ხოლო ჩვენ ამ შემთხვევაში გვანტერესებს: როგორ უნდა მოვარგოთ ყველაფერი საქართველოს ფაუნას და ფლორას, რანაირად შევხამოთ ერთიმეორესთან ბუნება და ადამიანი, ვინაიდან ახალ სივრცეს ვერ ვიპოვით საარსებოდ.

მართალია, გვეცილებიან ამ სივრცეზე ოთხივე კუთხით, მაგრამ ჩვენ უნდა ვიკმაროთ მტრის გასახარელ საქმეთა კეთება. რა არის საქართველოს გადარჩენის თქვენებური მოდელი, მითხარით მარტივად. არ მაინტერესებს პოლიტიკურ პარტიებთან შეხება. რა გადაგვარჩენს ორ დიდ დაპირისპირებას შორის, რუსულ ჩექმებსა და ამერიკულ ინვესტიციებს — ნიანგის ყბებს — სცილას და ქარიბდას შუა მომწყვდეულებს?! აქედან გასასვლელი გზები დამიხატეთ.

— გური, ბატონო, პირველ რიგში ვიტყვი, მიუხედავად ჩემი ცხოვრების გავლილი რთული გზებისა...

— მოიცა, მოიცა, რთული ცხოვრების გზები შემდგომისათვის შემოვინახოთ. ახლა ამას მივყვით.

— პირდაპირ ვიტყვი. მე ამჟამად ვმუშაობ იმ თანამდებობაზე, რომელიც სახელმწიფო სამსახურია და ფაქტობრივად დღემდე აღარც ერთ პოლიტიკურ პარტიაში გავწევრიანებულვარ.

— კიდევ უკეთესი.

— მაგრამ, ვიტყვი, რომ ოცდაორი წლის განმავლობაში მე წარმოების ხელმძღვანელი ვიყავი, 26 წლის ბიჭი; ალბათ, ესეც უფლის ნება იყო, 91-92 წლების შემდეგ ბოლნისის რაიონის გამგებელი გახლდით, მერე — მინისტრის მოადგილე, სახელმწიფო კორპორაციის პრეზიდენტი; დღეს დეპარტამენტის თავმჯდომარე ვარ და ამ ხნის განმავლობაში მე ჩემი თავისთვის არასდროს მილაღატია.

ვაკეთებდი იმ საქმეს, რომელიც უშუალოდ მევალებოდა და პოლიტიკაში საერთოდ არ გავრეულვარ, ვინაიდან მწამდა და დღესაც მწამს, რომ ის ეკონომიკური ბერკეტები, რომლებმაც უნდა მართოს სახელმწიფოებრიობა, თუ გნებავთ დიდი პოლიტიკაც, ქვეყნის ეკონომიკას ემყარება.

— ბუნებრივია. პატარა ჩართვა თუ შეიძლება: სრულიად გაურკვეველია ჩემთვის და, ალბათ, ბევრისთვის ქვეყნის ეკონომიკის ათწლიანი, ზიგ ზაგიანი კარდიოგრაფია. ეროვნული მოძრაობა, ეროვნული მთავრობა მოვიდა უზარმაზარი ელექტორატით, სულგრძელობით, მაგრამ სავალალოდ ეკონომიკურ საფუძვლად ვირჩევთ საბაზრო ურთიერთობას. მე ამას მინდა სერიოზულად შევხედოთ. შესაძლებელი იყო თუ არა ამ მომენტით ეროვნული პოლიტიკის გატარება, როცა კაცის დაჩაგვრა ჩვენ ლეგიტიმურად დაფუძვით, კანონში ჩავდეთ? საბაზრო ეკონომიკას აღიარებ? მორჩენილია, დაბეჩავებულია კაცი კაცისგან.

— საბაზრო ეკონომიკა მგლური კანონების აღიარებაა, მაგრამ ეს თავისთავად არ გამოორიციხავს ქვეყნის აღმშენებლობას...

— შეგვეძლო ჩვენ ამით ეროვნული პოლიტიკის გატარება?

— რამდენად შესაძლებელი იყო, ამას შედარებით ვრცელი საუბარი დასჭირდება, მაგრამ მე ჩემს სუბიექტურ მოსაზრებას მოგახსენებთ. როდესაც ეროვნული მოძრაობა მოვიდა ქვეყნის ხელისუფლებაში, ეს უკვე ჩვენი ერის გამარჯვებას ნიშნავდა...

— თავისთავად.

— თუმცა სამწუხაროდ აქვე უნდა ითქვას იმ შეცდომების შესახებაც, მისდაუნებურად რომ დაუშვეს ეროვნული მოძრაობის ლიდერებმა. როდესაც საქმე ეხება სახელმწიფოებრივ მშენებლობას, იქ ჩვენ პოლიტიკური ნიშნით ადამიანების დახარისხება განზე უნდა გადავდოთ. აი, თუ გნებავთ კომუნისტები... ის ხალხი ჩვენ 100%-ით არ უნდა გაგვერიცხა, არამედ უნდა შეგვეჩიხა ისეთები, რომლებიც ნამუსით, სინდის-პატიოსნებით, გამოირჩეოდნენ. იმავდროულად შეუძლებელია ზნეობრივად დაცემული მიუჯდეს სახელმწიფო სამართავ პულტს და ეროვნული ინტერესები დაიცვას, ქვეყნის ეკონომიკა მიუსადაგოს მამულიშვილურ პოლიტიკას, რომელსაც ხელისუფლება განახორციელებს. სამწუხაროდ, აი, ეს დილემა ვერ გააწონასწორა ეროვნულმა ხელისუფლებამ.

— ცამდე მართალი ბრძანებაა.

— სამწუხაროდ, თორემ მე ბატონი ზვიადის დროსაც ვმუშაობდი წარმოების ხელმძღვანელად და სხვა დროსაც. ჩემი საქმისთვის არასდროს მიღალატია. იმ წლებშიც დიდი წინააღმდეგობის მიუხედავად იგივე მოვალეობას ვასრულებდი, რასაც დღეს.

— ის, რომ სახელმწიფო მოხელე იყავით, სათაკილო როდია.

— მაშინ, სამეურნეო ხელმძღვანელი ვიყავი.

— ხო, იგივე...

— ახლა მე არ დაგიმალავთ იმას, რომ იმ პერიოდში ვიყავი თამარისის მეფრინველეობის ფაბრიკის დირექტორი. ეს ის ფაბრიკა იყო, რომელიც ყოფილ საბჭოთა კავშირში სამეულში გადიოდა, თავისი მონაცემებით. 400 ათას ცალ კვერცხს ვაწარმოებდით ყოველდღე.

— დანგრეულია დღეს?

— არა, საბედნიეროდ არ არის დანგრეული, მაგრამ დაფინანსება უნდა და ამუშავდება. შევინარჩუნეთ. ამიტომ მე მიმაჩნია, რომ, აი ქვეყნის პოლიტიკის გატარება ეროვნულ საწყისებზე, მაინც დამყარებულია იმ შინაგან რეზერვებზე, რომლებიც ამა თუ იმ სახელმწიფოში არსებობს. ახლა მე ძალიან შორს ვარ იმ აზრისგან, რომ საქართველო უნდა იყოს იმპორტიორი ქვეყანა და მან თავის ეროვნულ ტრადიციებს უღალატოს. თქვენ დასაწყისში ახსენეთ, გეორგია რასაც ნიშნავს და თუ რას მოუტანს ქვეყნის ეკონომიკას.

— ბატონო, აპოლონ, რატომ ჩაგერთვებით იცით? ხერაკლეს ჩადენილი აქვს თორმეტი უმაგალითო გმირობა და მათ შორის ერთ-ერთი ანთეოსის მოსპობაა. ანთეოსი არის კავშირი მიწასთან. მიწისგან მოუცილებლად მისი მოკვდინება შეუძლებელია. როგორც კი მოწყვეტს ხერაკლე ანთეოსს გეას და ხაერში აიტაცებს, მაშინვე დაამარცხებს. აი, უყურეთ გეორგიას ამბავიც ზუსტად ასეთია: როგორც კი მოგვეწყვეტენ ჩვენ მშობლიური მიწა-წყლიდან, მორჩენილია საქმე.

— მე აქ რალაც პარალელს ვავალებ და თქვენ თავად დარწმუნდებით, თუ რა არგუმენტები გამაჩნია პოზიციის გასაძლიერებლად. შეუძლებელია ქვეყანამ მხოლოდ და მხოლოდ გარე წყაროების იმედით იარსებოს, მითუმეტეს საქართველოს იმდენი რეზერვი გააჩნია ამ მიმართულებით, გნებავთ იგივე მეცხოველებაზე ვისაუბროთ, იგივე მარცკლის წარმოებაზე, იგივე მრეწველობის სხვა დარგებზე, ცოტა მოდაშია დღეს გოგი თოფაძის ლუდის წარმოების საკითხი.

— სარაჯიშვილს ადარებენ.

— სარაჯიშვილი მეკონიაკე იყო. თოფაძის ყველაზე დიდი დამსახურება კი ის გახლავთ, რომ მან ეროვნული ინტერესებიდან შექმნა ერთ-ერთი დარგი, წარმოების ბაზრისა, რომელმაც იმპორტული პროდუქცია განდევნა საქართველოდან. რას ნიშნავს ეს? დიდძალი ხალხი დაასაქმა. ის რამდენი კაცი თავისი ოჯახის რამდენ წევრს არჩენს ახლა?! მე ერთი ინფორმაცია მინდა მოგაწოდოთ, რომ ეროვნული ვალუტა შიდა პროდუქტის ღირებულების მხოლოდ 7%-ია დაბეჭდილი.

— უფრო დეტალურად რას ნიშნავს?

— დეტალურად? დავუშვათ ქვეყანას სჭირდება 10 მილიარდის ღირებულების ქონება, სინამდვილეში ეროვნული ვალუტა, ლარის სახით ბრუნავს მისი მხოლოდ 7%-ი, ე.ი. ლარი არის პრიმიტიულად დაჭერილი, რომ არ მოხდეს ინფლაცია, ხოლო იმისთვის, რომ ქვეყანა განვითარდეს აუცილებელია 100%-ი იყოს ბრუნვა, აი, ამ შიდა პროდუქტთან მიმართებაში. ესლა მე გეტყვით თქვენ, ბარემ მაგალითს მოვიყვან კიდევ და, აქ დავამთავრებ: ამერიკაში არის პროცენტი 120, ევროპის ქვეყნებში — 100, რუსეთში — 13, საქართველოში — 7.

— კატასტროფაა ეს.

— ეს არის კატასტროფა. ასეთი ქვეყანა თავისი ეროვნული ეკონომიკის აღორძინებას დაახლოებით 30-40 წელიწადი მოუწდება. ამას მეცნიერულად დასაბუთებულ პარამეტრებში ვლასარაკობ, ჩემი ციფრები არ გახლავს. ასეთ შემთხვევაში შეუძლებელია ეროვნული ეკონომიკის აღორძინების კონცეფციის პარამეტრები ჩვენთვის პრიორიტეტული არ იყოს. ახლა მე იმ დარგში ვმოღვაწეობ, რომელზედაც ჩვენ ვისაუბრეთ და აქედან გამომდინარე მოგახსენებთ: საქართველოში მეცხოველეობის ენდემური ჯიშების განვითარება უმთავრესია დღეს ქვეყნისათვის, ვინაიდან იგი არავითარ ინვენსტიციას საჭიროებს. პატარა ხელშეწყობაც საკმარისია, რათა ჩვენი მოსახლეობა მთის რეგიონებში დამაგრდეს. ამიტომ აუცილებელია, სადაც მოსახლეობის უმეტესობა მეცხოველეობას მისდევს, ხელი შეეწყოს აღნიშნული დარგის აღორძინებას.

— ბატონო, აპოლონ, ძალიან კარგად აშუქებთ პრობლემას, მაგრამ მცირე ჩართვას ნუ მიწყენთ. თქვენ ფაქტობრივად პოლიტიკოსი ბრძანდებით. პოლიტიკა ხომ ეკონომიკაზე დამყარებული ზედნაშენია.

— გეთანხმებით.

— თქვენ, თქვენი ელექტრორატი, მოსახლეობა კმაყოფილი თუ გეყოლებათ, მაშინ ტაშსაც დაგიკრავენ და გულშიც ჩაგიხუტებენ.

— რა თქმა უნდა.

— რა პრობლემები წამოტივტივდება, ეს საკითხი უფრო სიღრმისეულად რომ გაიშალოს?! თქვენ პროფესიონალი ბრძანდებით, სახელმწიფო მოხელე, გაქვთ უზარმაზარი გამოცდილება, შეხების წერტილები. თქვენ ბრძანდებით, დავუშვათ, ქვეყნის მეთაური. მე უდიდეს პატივს ვცემ დღევანდელ პრეზიდენტს, მაგრამ პირველ შემთხვევაში თქვენი სამი განკარგულება მითხარით, რას გააკეთებდით ქვეყნის გადასარჩენად. მხოლოდ სამი განკარგულება.

— დაგისახელებთ. პირველი, ალბათ, რაც უნდა განხორციელდეს, პრიორიტეტულ მიმართულებად უნდა გამოცხადდეს ეროვნული ეკონომიკის აღორძინება.

— აგაშენა ღმერთმა!

— ეს არის უპირველესი ამოცანა...

— აი, თოფაძესთან მიმართებაში რომ ვთქვით — ოლონდ მონო არა.

— რა თქმა უნდა, არა მონოპოლისტური. ის, რაც, არსებობს ჩვენში და რაც პერსპექტიულია, ამისი ეკონომიკური დასაბუთებული გაანგარიშებები, არგუმენტაცია არსებობს და განხილვის შემთხვევაში ოპონირებას ვერავინ გაუწევს. ეროვნული ეკონომიკის აღორძინება უნდა განხორციელდეს მეცნიერულად დასაბუთებული ყველა იმ მონაცემის საფუძველზე, რომელიც ჩვენი ქვეყნის მოსახლეობას ზედმიწევნით დაასაქმებს; პირველ რიგში უძირითადესი ამოცანა მოსახლეობის დასაქმებაა და შეუძლებელია რომ მოსახლეობის იმ ნაწილმა, რომელსაც დღეს ძალიან უჭირს, ძალაუხერბურად პოლიტიკაზე პრეტენზია არ განაცხადოს. მოსახლეობას, რომელსაც არ შია, არ წყურია, მას, დავუშვათ, ამერიკაში, არც აინტერესებს ვინაა პრეზიდენტი. იმდენად გართულია თავისი საქმიანობით. კაცი, როდესაც უსაქმურია, მაშინ უბედურდება ის. ეროვნული ეკონომიკის აღორძინებას, თავისთავად მიეზმება მოსახლეობის დასაქმების პრობლემა და ეს აუცილებლად გადაწყდება მხოლოდ ჩვენი სამრეწველო, სასოფლო-სამეურნეო ობიექტების ამუშავებით. ესლა საბაზრო ეკონომიკა და ამას ბუნებრივია უამრავი პრობლემა ახლავს.

— სანთლით საძებარია ჩვენისთანა პროდუქცია, კაცო.

— შეუძლებელია საქართველოში წარმოებულმა პროდუქციამ თავისი ბაზარი არ იპოვოს. მელ-ვინეობა ნახე, მეჩაიობა! ეს ისეთი სტრატეგიული დარგებია, რომელთა ექსპორტმა ქვეყანა წელში უნდა გამართოს. ეს ერთი მიმართულება.

— მეორე?

— იმისათვის, რომ ეროვნული ეკონომიკა აღორძინდეს, ჩვენ მეორადი პროდუქტების — ძეხვის, კარაქის, ფეხსაცმლის იმპორტზე კი არ უნდა ვიფიქროთ, არამედ თანამედროვე ტექნოლოგიების შემოტანაზე, რომლის მეშვეობით შესაძლებელი გახდება კონკურენტუნარიანი პროდუქციის წარმოება. მხედველობაში მაქვს, როგორც სასოფლო-სამეურნეო, ასევე — სამრეწველო მიმართულება.

— კი, ბატონო.

— ამის გარეშე, წარმოუდგენელია რაიმე წარმატება. და მესამე: ახლა საქართველოში, რომ ხელის ერთი დასმით განხორციელდება ყოველივე — ზღაპარია, მაგრამ ძირითადი და ყველაზე უმთავრესი ჩვენთვის ის არის, რომ საქართველოს იურისდიქცია აღსდგეს თავის ჩარჩოებში. იცით, აფხაზეთი, სამაჩაბლო რამხელა ტკივილია და როდესაც პირველი, მეორე, მესამე პრობლემა სწორი გზით წარიმართება, დარწმუნებული ვარ, აქეთ შემოგვეხეწებიან, როგორმე თქვენს გვერდით გვაცხოვრეთო.

— ინტელექტუალური აზროვნება? იპონელები თურმე პროექტებს კი არ ყიდულობენ, არამედ — მათ ავტორებს. იქ ასე ხდება ინტელექტუალური აზრის მიგრაცია. ჩვენ ვამბობთ, რომ 500 000 ქართველი გასული ქვეყნიდანო.

— უწინარესად აი, ისინია ჩამოსაყვანი.

— მე მქონდა ფირმა დაარსებული, მაგრამ რა, ბატონმა ედუარდმა დამასწრო ხორცშესხმა: უნივერსიტეტიდან, ინსტიტუტებიდან სტუდენტებს აფინანსებს, ნიჟს აფინანსებს. დიახ, დამასწრო. ჩვენი გენიოსი ბავშვების აღრიცხვა მინდოდა მეხუთე კლასიდან მოყოლებული. მინდოდა სტიპენდია დამენიშნა მათთვის, თუნდაც 10 ლარის ოდენობით. ეს არის ჩემი სანუკვარი მიზანი. მე ამას ოდესმე უსათუოდ მივალწევ. ჩვენ დიდი — დიდი ასეთი 300 ბავშვი გვყავდეს ქვეყანაში. ესეც — ჩვენი უკვდავების ერთ-ერთი შემადგენელი ნაწილია. ათი წელიწადიც არ გაივლის, რომ იმ 300 ბავშვის გენია სახელმწიფოს სათავეში ჩაუდგება და ააღორძინებს, ააყვავებს ზედმიწევნით.

— აბსოლუტურად გეთანხმები.

— რაღაც გაფიცებულ ხასიათზე ვარ. ეტყობა ყავამ დამრია ხელი.

რესპოდენტი გულიანი სიცილით სკამის საზურგეს მიაწყდება.

— ამბობთ, ვითომ პოლიტიკაში არ ვერევიო, სინამდვილეში სამივე განკარგულების ფონზე, თქვენ პოლიტიკური მოღვაწე ბრძანდებით. ფიცი მწამს, ბოლო მაკვირვებს.

ბატონო, აპოლონ, რატომ გვგონია, რომ ეროვნული თანხმობის მიუღწევლად ფონს გავალთ? დღეს მსოფლიო წესრიგს ედუარდ შევარდნაძე განაპირობებსო, გაიგონებთ აჭა-იჭა, და თუ მართლაც, ამას ფამილარულად როდი ვამბობ, მე ამ კაცზე არც მზე ამომდის და აღარც — მთვარე, რეალობას ვაფიქსირებ უბრალოდ. შენ თუ ამხელა პოლიტიკოსი ხარ, მეტი პატივი მიაგე ქვეყნის სულიერ მთლიანობას!

— აბსოლუტურად ვიზიარებ თქვენს აზრს და გეთანხებით იმაში, რომ ერთი ხელის მტევანზე ხუთი თითია და ხუთი კაცი ვერ მოიძებნება მსოფლიო მასშტაბით, რომელიც ბატონ ედუარდს გაუტოლდება, მაგრამ სამშობლოში გაჩენილ ეროვნული უთანხმოების ნაპარალს მისი საერთაშორისო აღიარება ვეღარაფერს შევლის.

— ბატონო, აპოლონ, ძალიან კარგად მსჯელობთ. ორი თეორია მაქვს მე წამოყენებული.

პირველი: სამეგრელოში ხომ თხმელაა ძირითადი ხე?

— ხო, თხმელა, იგივე მურყანი, აღნუს კოლხიკუს.

— მითხარით, ახლა რა ხისგან აშენდება ჩვენი სახლი, თუ გარშემო თხმელის ტყეა?

— რა თქმა უნდა, თხმელისაგან.

— თხმელა იჩრჩილება. ის გამოუსადეგარია, საწმომხუნო არ არის, მაგრამ იცი, მეგრელმა რა მოიგონა?!

— თქვი, დამაინტრიგე.

— აგვისტოში მოჭრა ეს ხე და ორი წელიწადი დაძირა წყალში. როგორც კი ორი წელიწადი დაძირა წყალში, ამოიტანა იქიდან და დახერხა, ძელქვაზე უფრო ძლიერი, მაგარი გახდა. გესმის?!

— საინტერესოა.

— წყლისგან ნაშობია, წყლით განკურნა. ხომ გსმენია, რამაც მოგკლა იმან მოგარჩინოსო. ესაა ჩემი ფილოსოფია: გველის დაგესლილს გველის შხამი კურნავს, მორიელისას — მორიელისა, ძაღლის

ნაკბენს — ძალის ბალანი.

ეს ყოველივე იროდი სართანისგან მოდის. თქვენც ხომ გაგიგონიათ მასზე? მე იქამდეც მივალ, ბატონ ედუარდს რომ შევხვდი ჭურიაში.

ახლა რა ხდება. დავხერხეთ თხმელა და აღმოჩნდა, რომ მუხაზე ძლიერი ყოფილა. ხეს თვისება შევუცვალეთ. ჩვენს სიტუაციას შეიძლება თვისება გარდაუქმნათ, ოღონდ ჭკვიანი მიმართულებაა საძებნელი. აბრეშუმის და ნავთობის გზა საქართველოს ნაღდად გადაარჩენს, მაგრამ უზნეო ხალხია პრობლემა. მეორე: ეს ჩემს ძუძუმტესაც აქვს მინიშნებული ბელეტრისტულ ინტერვიუში — ტივტივას თეორია. ტივტივა ხომ იცით?!

— ლაქვათი მეგრულად, ანკესის დანამატი.

— ხოდა, ახლა მოხდა ასეთი რაღაცა: ორი უზარმაზარი იმპერია ეჯახება ერთმანეთს, რუსული და ამერიკული სივრცე. ვიცით, ამერიკა სარაევოში, სხვაგან რუსეთის პოზიციებს ავიწროვებს, მაგრამ შენ რა უნდა ქნა პატარა ქვეყანამ?! შენ ხომ წერტილი ხარ ამ ორი უზარმაზარი დაპირისპირების დროს და ედუარდის კოზირი ტივტივას თეორიაა. უნდა იტივტივო სიღრმეში ჩაუსვლელოდ, ჩაყინათავ და იქ გაიჭყლიტები. შენ, უნდა აიტაცო ტივტივას თეორია და ამ ზედაფენებში უნდა იყო, რადგან ზედაფენებში წყალთა მოძრაობა ნელია, უსაფრთხო.

— საოცარი შედარებაა.

— ხო, ასეთია ტივტივას თეორია და აქ გადარჩება შენი ერი. აი, ეს არის ედუარდის თეორია და მესამეს გეუბნებით, ჭურიაში რომ ვიყავით ოთხმოციან წლებში. იროდი სართანისთან გადაიღებს სურათს, ჯოტო გუგუჩიას ფარეხში. ქალი არ გვახლავს. მამკაცების სუფრაა. ერთი ოცდაათი სტუმარი მოგროვილა. პატარა კოტეჯით ოდა-სახლში მიგვაქვს მწვადები. წვერი მაქვს მოშვებული. მეკითხება კლიმენტ ჯანჯღავა ასეთ რაღაცას. ქალაქის პირველი მდივანია: რას მწყემსავ აქო.

კაცო, ჩვენ დაბლა სუფრა გაგვიშლია, ფანჩატურში. მწყემსები, მძლოლები, მეორე რანგის ხალხი ვუბერავთ და...

— ხა, ხა, — იცინის ბატონი აპოლონი.

— რა გინდა, კაცო?! აღმა-დაღმა სირბილში ოფლი წკურწკურით ჩამომდის. ერთი ჭიქა არ შემოგითავაზებია ზრდილობის გულისთვის. სად არის შენი კოლხობა? რომ მეკითხება, რას მწყემსავო, გავბრაზდი და მოვითხოვე სადღეგრძელო. ბატონი ივლიანე თოდუა თამადაობს სუფრას.

ბატონო, ივლიანე, მომეცით სადღეგრძელოს თქმის უფლება-მეთქი.

კი, ბატონო, ბრძანეთო.

ივლიანემაც არ იცის ჩემი ასავალ-დასავალი, სადაურობა. თერთმეტი თვეა მწყემსებთან ვცხოვრობ მოჩხუბარიძესავთ. ხოდა, ასეთ ფიგურალურ ფრაზას ვამბობ:

ბატონო, ედუარდ, ბატონო, ივლიანე, სტუმრებო, შემოგვევლეთ ყველას, მაგრამ ავერ, ბატონი კლიმენტი მეკითხება, რას ვმწყემსავ აქო და გაუუჩუმდე უზრდელობაა. ამისთანა კარგ კლიმატურ პირობებში, (კლიმენტი ხომ ხქვია, ვალიტერაციებ სიტყვას), რომ ეძებთ ჩვენისთანა გაჭირვებულთ, — აპოლონი სკამის საზურგეს აწყდება, როხროხებს, — იმისთანა რაღაცეებზე თერთმეტი თვეა რომანს ვმწყემსავ-მეთქი. დავცლი ჭიქას და დავეშვები კიბეებზე. არ გაივლის რამდენიმე წუთი და ბატონი ედუარდი ჩამობრძანდება. ჩვენს ფანჩატურს მოაშურებს მაინცდამაინც. კლიმენტს ვენაცვალე მე, როგორც პიროვნებას, მაგრამ ცუდი ფსიქოლოგია. ხედავ რა მოძრავი კაცია ბატონი ედუარდი?! ყველგან თვალშისაცემია მისი უბრალოება და სწრაფი რეაქციის უნარი.

— რთულ სიტუაციაში ხალხთან იდგა.

— სწრაფი რეაქციის კაცია.

— ბატონი ედუარდის თემა ამოუწურავია და...ამ დროს, ამასთან ერთად ძალიან მარტივიც. ხვალინდელი საქართველოს ბედის გამო ხალხი დღეს ბევრს ითმენს. ყველაზე ფასეული მაინც მოზრდილი თაობაა, რომელსაც შვილები, შვილიშვილები ხყავს. ისინი კიდევ ბევრს გაიჭირვებენ, ოღონდ შთამომავლობამ ცოტა უკეთეს ქვეყანაში იცხოვროს და მე დარწმუნებული ვარ, რომ ეს უახლოეს მომავალში მოხდება. ჩვენს ხალხში სულიერი კვირტები არასოდეს ჩაქრება.

— ბატონო, აპოლონი, არ გეწყინოთ და ფრაზეოლოგია გამოგვდის. უფრო კონკრეტულად ვიმსჯელოთ. გჭონიათ შეხების წერტილი ბატონ ედუარდთან?

— კი.

— ხელის ჩამორთმევას როდი ვგულისხმობ, საქმიან შეხვედრას. ოთარ ხუფენიამ ოთხი გაიხსენა.

— მე გეტყვით, რომ ბატონი ედუარდი სამართლიანი კაცია.

— ეს უკვე დეტალია.

— მე გახლდით მეფრინველეობის მრეწველობის სახელმწიფო კორპორაციის პრეზიდენტი, რო-

მელიც გარკვეული პერიოდი, როგორც დამოუკიდებელი უწყება ისე არსებობდა მინისტრთა კაბინეტთან. რაღაც კონტროლის პალატასთან გართულდა ერთხელ ურთიერთობა. იქ დეზინფორმაცია მიუტანეს ბატონ ედუარდს და მე პირადად მოვითხოვე მასთან შეხვედრა. ბატონმა ედუარდმა ყოველგვარი ნორმის დაცვით ეს შეხვედრა მოაწყო. შევედივარ. ზის თავის სავარძელში, ჩვენ როგორც ვსხედვართ ახლა, ისე, პირისპირ. ვსაუბრობ დაახლოებით ნახევარი საათის განმავლობაში. მისმენს...

— გგონია თითქოს ყურს არც გიგდებს...

— ჰო, თითქოს სადღაც დადის და არც კი გისმენს. ერთი სიტყვა არ გამორჩენია ჩემი საუბრიდან. მეუბნება:

ჯამბულ, ჩვენ მეფრინველეობის საკითხს განვიხილავთ უახლოეს სამ დღეში. თქვენ თუ არ იქნებით წინააღმდეგი, მოვიწვევთ კონტროლის პალატის თავმჯდომარესაც, რეზო ბატონს, ყველა უწყების პირველ ხელმძღვანელსო.

— ყველა უწყებისას რატომ?

— იმიტომ, რომ მეფრინველეობის დარგის აღორძინება ყველას ეხებოდა, მარტო ერთ უწყებასთან არ იყო დაკავშირებული: შინაგან საქმეთა სამინისტრო, უშიშროება, პროკურატურა... 93 წელია, ომი,

— ვიცი, კრიმინოგენური სიტუაცია.

— 93 წელია და სადაც მეფრინველეობის აღორძინება დაიწყო, იქ კრიმინალური სამყარო დაესია: დაყაჩაღება, უბედურება, ჯანდაბა. თვითონაც გვინახულა ერთხელ გამარჯვების მეფრინველეობის ფაბრიკაში და ისეთი გახარებული წამოვიდა იქიდან, ნუ იტყვით. ბატონი ვაჟა ლორთქიფანიძე ბრძანდებოდა აპარატის უფროსი და ჩემს თანდასწრებით უთხრა:

შაბათს მოვიწვევთ მეფრინველეობის საკითხებზე თათბირს. ყველა სამინისტროს და უწყების პირველი პირები პირადად გააფრთხილეთო. ეს შეხვედრა ნამდვილად შედგა შაბათ დღეს. დაახლოებით ოთხი საათის განმავლობაში იხილავდა ბატონი ედუარდი მეფრინველეობის საკითხებს. მაშინ მეფრინველეობა აღორძინების გზაზე იყო დამდგარი. იქ სხვათაშორის ბატონი რეზო შავიშილის პრეტენზიებიც იქნა განხილული.

— საგადასახადოსა და კონტროლის პალატის პრობლემა გადასასინჯია საერთოდ. ძვირია ჩვენი რენტა. რატომ გეუბნებით, ბატონო, აპოლონ, იცით?! ჩვენს მიმართ მონღოლებს 10 პროცენტიანი ბაჟი ხქონდათ დაწესებული. ყოველი 100 ნამატიდან 10-ს გვართმევდნენ. ჩვენ ოცი მიგვყავს საკუთარ სახელმწიფოში; ადამიანებს, მეწარმეებს ვატყავებთ ამ სიტყვის პირდაპირი გაგებით.

— ამაზე ცოტა მოგვიანებით. ბატონმა ედუარდმა თითოეულ პირველ ხელმძღვანელს ასე დაავალა: ვინც მეფრინველეობის დარგის აღორძინებას ხელს შეუშლის, ვინც მხარში არ დაუდგება, ის საქართველოს ეკონომიკის აღორძინების მომხრე არ არისო.

მოკლედ, უდიდესი მხარდაჭერა აღმითქვა. სამწუხაროდ მაშინ ელექტროენერჯის პრობლემები იყო. გახსოვთ, შავბნელი წლებია. წიწილის ინკუბაციას ორი საათით რომ გამოეთიშოს ელენერჯია, საქმე დამთავრებულია, გადასაყრელია ყველაფერი. პრეზიდენტის ასეთი მხარდაჭერა ჩემთვის უდიდესი სტიმული გახლდათ.

ფორმულა მესამე

— ბატონო, აპოლონ, ჩვენ ათასი კუთხით გვაქვს სალაპარაკო. საბედნიეროდ ვრცელი დღეა. აი, თვითონ წულაია თუ გესმით რას ნიშნავს?

— ჩვენს გვარზე არსებობს ორი ლეგენდა. ნებისმიერი წულაიას წარმოშობის ადგილი მარტვილის რაიონის სოფელი ბალდაა. ნახუნაოში წულაიების თორმეტი ოჯახია. ამ სოფელში ისინი 300 წელიწადია ცხოვრობენ. ვილაც ვატა წულაია ყოფილა პირველი წინაპარი. შემდგომ მისი განაყარია ყველა. ზოგიერთები ამტკიცებენ, რომ წულაია წარმოდგება ჭილაის გვარისგან, საწყისი ეს იყო და მერე გადაკედთაო. რამდენად შეესაბამება სინამდვილეს, ჩემთვის უცნობია.

— მე სულ სხვა ინფორმაცია გამაჩნია, ბატონო, აპოლონ. ახლა უყურეთ, წულაია რას ნიშნავს ჩემებურად: წული შვილია, სამშობლოს შვილი, სქუა, ძე. მეფისწული, უფლისწული, ქალწული, ყველგან შვილს ნიშნავს და როდესაც წულაიად კაცი იწოდა, მაშინ, ქვეყნის, მამულის შვილად დასახელდა იგი.

— ოოო?!

— მსგავსი მიმართებაა წულაძესთან, წულეისკირთან, წულუკიძესთან. ამის თაობაზე მილაპარა-

კია ბატონ აპოლონ ცანავასთან. თურქეთშიც კი არის თქვენი გვარი დაფიქსირებული. წუღია სამშობლოს ერთგული შვილის სინონიმი.

— სასიამოვნო მომენტი, — იცინის, უცებ ჩაცხრება თითქოს ცივი წყალი გადაასხესო, — მამა ადრე გარდამეცვალა, როცა პირველ კლასში ვიყავი...

— ოჯახის შესახებ ვილაპარაკოთ ეხლა. თქვენ სამი ვაჟიშვილის მამა ბრძანდებით. მთელი სამყარო რომ დაფაცურდეს, მაგათ ფერს ვერანაირად შექმნის, ხეგელისა არ იყოს. ეს არის სუფთა კოლხური ფერი. ჩვენ შეიძლება ამ შემთხვევაში ცოტათი მოვიკოჭლებდეთ.

— მომსპობს ეს კაცი... — იცინის კვლავინდებურად, — მინდა ბატონო, გური, გითხრათ, რომ წელს აგვისტოში მისრულდება 50 წელი, ნახევარ საუკუნეს გადაბიჯებული კაცი ვარ. 23 აგვისტო დაგახსომდება?

— ჩემი 6 სექტემბერია, 13 დღეა განსხვავება.

— მამაჩემი ექვსი იყო სპეციალობით. ომის და მის შემდგომ წლებში, სასაკლავოს დამთავრებამდე, გერმანიის ხოსპიტალში მსახურობდა. 46 წელს ჩამოვიდა იქიდან, დედაჩემი მოყვანილი ხყავდა 41 წელს.

— დედა რა გვარისა გყავთ?!

— დედა ტაბიძის ქალია.

— აუ, ჩემი გალაკტიონის მოგვარე! სად იყავი აქამდე ოჯახაშენებულო?! შინაურ ატმოსფეროში არ მომიყვანე უცებ?! ჩემი ქურუმის ნოდარ ტაბიძის სისხლხორცი. მერე, მერე?

— ხანდახან მეუბნებიან, რომ თითქოს პოეზიის განსაკუთრებული სიყვარული მახასიათებს და აქვე მინდა გითხრათ: ორი ჩინებული პოეტის ნათლია გახლავარ: გენო კალანდიასი და ზურაბ გორგილაძისა. სხვათაშორის პირველი ქრისტიანია, მეორე მუსლიმანი იყო და როდესაც ზურაბმა შემომთავაზა, მისი ნათლიმამა გავმხდარიყავი, ასეთნაირად ბრძანა:

მოვინათლები ქრისტიანული წესით, ოღონდ შენ უნდა იყო ჩემი მორდიანო.

დღესაც მახსოვს აჭარაში როგორ ჩავედით, მეც, ჩემი სამმაკაცოც და როგორ მოინათლა ბატონი ზურაბი ბათუმის ეკლესიაში ქრისტიანული წესით.

— მოუთმენლად ველოდებოდი შენი ფრაზის დამთავრებას. ეს არის ჩემი უსაყვარლესი პიროვნება დაუსწრებლად. ბონდო ჯიქიას მეგობარია. მიუხედავად შავი კატების გადარბენისა, სერაპიონოვიჩის მეგობრობას გულში ძველებურად ვინახავ...

— ბონდოზე ლექსი აქვს დაწერილი. მე ზურაბის პოეზია ზეპირად ვიცი, მაგრამ ამჯერად სხვაა ნიშანდობლივი: როცა გაიგეს, გორგილაძე ქრისტიანული წესით ინათლებო და მისი მირონი ვილაც თბილისელი წულაიააო, ბატონი ზურაბის ინფორმაციით ყოველდღე 100 მუსულმანი გადმოდიოდა ქრისტეს რჯულზე.

— მე, ქრისტიანი კაცი ვარ და მეგონა მუსულმანობა რაღაც საშინელება იყო, მაგრამ წავიკითხე „ყურანი“ და შეხედულება რადიკალურად შემეცვალა. კარგი დედისშვილი ხარ პირველ რიგში ობოლ ძმისშვილებს და დისშვილებს არ უპატრონებ! რამხელა წიგნი ყოფილა. რელიგიური ბრძოლა კი მიდის.

— აქა-იქ გვჯობნიან კიდევ ცხოვრების წესით.

— მარტვილელი კაცი, ჭყონდიდელი, დავთი აღმაშენებლის სულიერი წანამძღვარი შემთხვევითი არ ყოფილა. თბილისის ერთ ხექტარ მიწაზე, სხვადასხვა მიმართულების ხუთი ეკლესია რომ აღიმართა: მუსულმანური მეჩეთი, ებრაულ სინაგოგა, სომხური, მართმადიდებლური ჩვენი და კიდევ — კათოლიკური, მთლად ახლომხედველობის ბრალი არ უნდა იყოს. ამიტომაც საქართველოს ყველა ეტანება, მაგრამ ამაზე ვიტყვით მოგვიანებით.

მგონი მიუფახლოვდით საუბრის იმ ფაზას, როდესაც განსასაზღვრია ჩვენი სახელმწიფოს ორიენტაციის საკითხი. ჩვენ ადრე აღვნიშნეთ, რომ ორ უზურმაზარ ძალას შორის ვართ მომწყდებული-თქო. საქართველოს თავის დღეში არ ხქონია ერთთან სულდგმულობის სიტუაცია.

ორ ზღვას შორის იყო ლელო, კარგად თქვა ღვთაებრივმა გალაკტიონმა და ყოველთვის, ჩვენს წელთაღრიცხვამდე თუ მერმე — საბერძნეთის, რომის, სპარსეთისა თუ რუსეთის მიმართებაში ასე დაგვებდა: ჩვენ არჩევანის ფუფუნება არასდროს გვქონდა. ან იმასთან უნდა ვყოფილიყავით, ან — ამასთან. ეს არის ჩვენ ტრაგედია. ქართველი ყოველთვის ნაკლებ ბოროტებას თან კრავდა კავშირს თავისი არსებობის გადასარჩენად. ხოლო ახლა, როდესაც მოვიდნენ ბიზნესის თეორიის ქვეყნები; როცა უკვე კომპიუტერულად იმართება სახელმწიფო მანქანა, კლინტონიც რომ კლინტონია, ხმას ვერ ამოიღებს კაპიტალისტის ინტერესების წინააღმდეგ.

ჩვენ ვეჯახებით საშინელებას. ამერიკას გარკვეულწილად მართავენ სომხები. ეს ღიად უნდა ვთქვათ.

ისინი ჩვენს საქართველოს იცი რას ეძახიან?! „სომხეთის მთიანეთს“, „ველიკაია არმენიას“. არ მინდა ენად გავიკრიფო, მაგრამ გაჩუმებაც აღარ შემიძლია. რამდენიმე წერილი მიუძღვნენ, ბატონო, აპოლონ, ამ პრობლემას. სულ მალე 3000 წლის იუბილეს გადავიხდით, რაც ფაქტობრივად კოლხური სამყაროს იბერიულთან შერწყმის ხაზგასმაა, მაგრამ ვერ გამიგია, რის გამო ვკარგავთ კიდევ სულ ცოტა 600 წელს, რომელსაც ჩვენ ხომეროსის, აიეტის სამყაროში, მიჯაჭვული ამირანის სივრცეში გადავყავართ?!

— ბატონო, გური, იქნებ უფრო თქვენ, თორემ ამაზე საუბედუროდ მრავალნი ხმას ვერ იღებენ.

— ამ თემას ერთი კი არა, 100 შეხვედრაც ვერ ამოწურავს. სამშობლოს რატომ ვუყარგავთ ექვს საუკუნეს, ჩემთვის გაუგებარია. შეიძლება იტალიელმა კაცმა რომის წარსული გადაყაროს?

— ამაზე, ალბათ, მეისტორიებმა თავიანთი სიტყვა უნდა თქვან და სამწუხაროდ მინდა დაგეთანხმობთ იმაში, რომ ისტორიკოსები ამ თემაზე ნაკლებს ლაპარაკობენ. არადა, მათ უნდა აღიმაღლონ ხმა პირველ რიგში! გაგაჩნდეს ასეთი მდიდარი წარსული და მასზე საუბარს გაურბოდ, ლაჩრობაა მართლა გულქვაობასთან ერთად.

— ეს მემკვიდრეობა ციდან არ ჩამოფრენილა. ეს არის ოფლით, სისხლით და ცრემლით მოპოვებული სიმდიდრე, რასაც გვარნაცვალი ხალხი აფუჩჩებებს. მე მინდა ამაზე ვილაპარაკოთ, ბატონო, აპოლონ, ოქროს საწმისზე... ეს არის პირველი წიგნი დედამიწის ზურგზე, რაც მსოფლიო საოცრებათა ნუსხაში დღემდე არავის შეუტანია.

ჩვენ უნდა ვიზრუნოთ მისი საერთაშორისო მნიშვნელობის წარმოჩინებაზე. ჩინურ კედელზე ნაკლები არ არის, დამერწმუნეთ. აღარც — ალექსანდრიის უშუქურასა თუ სემირამიდას ცაში დაკიდულ ბაღებზე. პირველი დამწერლობის ძეგლია, ოქროს საწმისი, ანუ კირბი; კირბი იგივე კირიბია. უკეთ ის არის ცხვრის ტყავი, ამას მიგვანიშნებენ ბერძნები. ხოდა, ჩვენ რომ უკუვადებთ, ხელს ვკრავთ, ვითომ ჭკუათმყოფელები ვართ? ობივატელს ჰგონია, მეგრელის პრიორიტეტი წამოიწევაო. წამოიწიოს კაცო! მერე რა, შენი არა ვარ, ქრისტიანო?! სხვისი ვარ, თურქი თუ სელჯუკი?!

— ბატონო, გური, ეს ფაქიზი თემაა, რომელიც ჩვენს ისტორიას, „ოქროს საწმისს“ შეეხება და წარსული უხსოვრობაში გადააქვს.

— კიდევ ჩაგვრთვებით თუ შეიძლება. ქრისტემდე მეთოთხმეტე საუკუნეში ხდება ტროას ომი, მეთხუთმეტეში დატრიალდება მედეას ტრაგედია ანუ არგონავტების შემოსვლა. ეს არის 3500 წელი, მაგრამ უმდიდრეს სახელმწიფოს შეუძლებელია არ ხქონოდა რაღაც განვითარების ფაზა, საყრდენი.

— უეჭველად. ტროას ცხენზე შოთა ნიშნიანიძეს აქვს ეროვნული გმირის, ჟიული შარტავასადმი მიძღვნილი დიდებული ლექსი.

— ღმერთმა დიდხანს გვიცოცხლოს ბატონი შოთა. აფხაზეთის გამოფენა რომ გააკეთეს ლიტერატურის ინსტიტუტში, იქ ჟიული შარტავას სურათის ჩამოკიდება დავიწყებიათ. ჩვენ ეს უნდა გამოვასწროთ.

— რაც ვისაუბრეთ ორმოცსაუკუნოვან ისტორიაზე, ეს ჩვენი უბედური სამშობლოს ფურცლებია, რომელმაც უნდა წამოსწიოს ქართული სულიერების უმდიდრესი საგანძური. შეიძლება ამისთანა საუნჯე გადაადგოს ადამიანმა?! აქ შეიძლება გამოიკვეთოს ცხვრის ტყავზე დაწერილი ოქროს წიგნი და ამით როგორ შეიძლება არ იამაყოს ქართველმა ერმა?! კოლხური სულითაა გაფლენილი ყოველივე, მაგრამ კოლხური რომ იგივე ქართულია?! იბერიული ქვეყნის შექმნას არ მოხმარდა განა ნებისმიერი კოლხური ძალისხმევა და როცა ეს საფუძვლები არსებობს, როგორ შეიძლება უარყო იგი? აქ გვარნაცვალ ხალხზე ბრძანებთ თქვენ და სამწუხაროდ იმდენად გამრავლებულან ისინი, რომ წყალი სწორედ მათგან იმღვრება.

— ეს დაახლოებით ისეთია, ბატონო, აპოლონ, რომ გერმანიაში განაცხადონ მთელს პირინეზე: „გერმანიის მთიანეთიაო“.

მარტო ამ ფრაზის გამო ერთიანად აბობოქრდება ფრანგი, ესპანელი თუ პორტუგალიელი ხალხი. და აგერ მავანნი და მავანნი ამბობენ:

„აქ არ შემოვუშვებთ ქართულ ჯარსო“!

ვინა ხარ კაცო, შენ?! 200 წლის წინ ჩამოგიყვანა რუსეთმა იმპერიის დასაყრდენად. არავის გამოდგომია თვითმპყრობელობის წინაშე მუცელზე ხოხვა. ათეულობით პატარა ერი რუსეთის ტერიტორიაზე აღიგავა მიწის პირისგან. ყველა მოისპო. შენ ასე ღიად ვერ გაგანადგურა, რადგან კაკავსიაში საქართველო ფლაგმანია. შთამომავლობა არ გვაპატიებს წაყრუებებს. ესროლეს ილიას? ესვრიან სხვას? საქართველოს ვერაფერს დააკლებენ, რადგანაც იგი საქართველოს მოდელია.

— ჩვენი ყოველგვარი მცდელობა ამისკენ უნდა იყოს მიმართული, რათა ეს უდიდესი ისტორიული

სიმდიდრე მომავალ თაობებს დარჩეთ. ჩვენ უნდა შემოვუნახოთ მათ ისტორიას ულამაზესი ფოლი-ანტები.

— რასაც ახლა თქვენ აკეთებთ, ბატონო, აპოლონ, სრულიად საქართველოს აღდგომაა. მე დარწმუნებული ვარ, იმიტომ, რომ თქვენ არა ხართ მიკერძოებითი კაცი. გავისხენოთ ეს თემა, როცა ზოგადეროვნული ლექსიკონის საკითხს მივუახლოვდებით. ჯერ კი სალაპარაკო ბევრი დავგვრჩა და გავაგრძელოთ ისევ 3000 წლის შესახებ, იგივე ამირანის მითზე. ეს რკინის გამოდნობის საიდუმლოებას უკავშირდება, ჩემო ბატონო. ღმერთს ცეცხლი წაართვა და რკინა ცვილივით დაარბილა. კოლხეთი იყო რკინის მწარმოებელი ქვეყანა. იმ დროისათვის რკინა, ფოლადი, დღევანდელი ატომის ტოლფარდი გახლდათ. ხომეროსთან დაფიქსირებულია ასეთი ფრაზა:

ხალიძონები ეპისტროფოსს, ოდიოსს მოჰყვნენ, ვერცხლის შორეულ საბადოდან, ხალიბეს მხრიდანო.

ხალიბე კოლხეთის სინონიმია. მოდის კოლხი, რომელსაც აქვს თავისი დროის ატომი, სპილენძის ჩლუნგ აბჯარს შუაზე გიჭრის. ეს იარაღი გააჩნია კოლხს და დაღუპავს კიდევ.

ვეუბნები ამერიკას: დაგლუპავს შენ ატომის წარმოება.

იგივეს ვუკიჟინებ რუსეთსაც:

აწარმოე სული და არა იარაღი-მეთქი. დინოზავრებით გადაშენების სტადიამდე მივსულვართ.

საქართველოს ისტორიის უდიდესი საგანძურის შეფასება არა მარტო ჩვენი, კოლხური წარმოშობის ხალხის, ვალთა, არამედ — სრულიად მამულისა, რადგან ეს სიმდიდრე მისი კუთვნილებაა და თუ ზოგიერთ გვარნაცვალს ხალხი რაიმე წინააღმდეგობას გასწევს და სისხლით ქართველი ხმას არ აღიმალლებს ამის წინააღმდეგ, რეალურად არ მოჰყვები ისტორიის შესახებ, გაგვიჭირდება მომავალში თავჩაქინდრულებს. ჩვენ არ შეგვეფერება მომავალი თაობის წინაშე მხრების ჩამოყრა. ეს ლალატია!

— ხომეროსის სამყაროდან ვამბობ ისევ, ბატონო, აპოლონ: „ილიადა“ ორი სამყაროს დაჯახების მატინაა. ეს არის წინარე ბერძნულის, იგივე ქართველურის და ინდოევროპულის ორომტრიალის ეპოპეა.

— რისმაც გორდეზიანი ჩემი მეგობარია.

— დიდზე დიდი პიროვნებაა. მისი აღიარებით: წინაბერძნული მოიცავს მთელს მცირე აზიას და ჩვენ ვვრცელდებოდით ეგერ შუმერამდე, ევფრატამდე. შემდგომ ჩვენ შემოგვიტევეს აზიური ტალღა; ინდოევროპული ღვარ-ცოფი მიაჯაჭვავს ამირანს, ანუ იგივე საქართველო, კავკასიის ქედებს, მიაჭეჭვავს იქ. ახლა რა ხდება: ამირანს ღვიძლს უკორტინს ზევსის არწივი. ეს ზვიად გამსახურდი-ასაც შესანიშნავად დაუნახავს. მოდის ხერაკლე და ზევსის არწივს ამარცხებს, ათავისუფლებს კავკასიონზე მიჯაჭვულ ამირანს-პრომეთეს, პრო-მეთეს — წინარე ამბავს, ბერძნულად.

ხომეროსის ხომალდების კატალოგში ასახულია თუ ვინ მონაწილეობს ამ ომში. ჩამონათვალში კოლხები ხექტორის მხარეს იბრძვიან, პრიამოსის შემწე არიან, მაგრამ დაანგრევენ ილიონის კარიბჭეს და აღიგვება მიწის პირისაგან ტროა. ყველა ტომს აქ თავისი წინამძღოლი ხყავს, მაგრამ ზოგი ჩვენი მოიერიშე მეზობლის ჭაჭანება რომ არ არის?! ან რა ენდომება მათ ქრისტემდე მეთექვსმეტე საუკუნის კავკასიაში?!

— მადა ჭამაში მოდის, ბატონო, გური.

— ისინი აქტიურად იბრძვიან ახალი სივრცეების მოსაპოვებლად, ვინაიდან ვისაც სამშობლო აქვს, ის გაბრუებულია საკუთარი მამულის სურნელით.

— გგონია, რომ შენია ეს ყველაფერი და გაჭერებული ხარ მისით.

— ხალიძონები და ხალიბები ორივე კოლხური ტომია. მეექვსე სიმღერაში ოდიოსი კვდება. ამაზე მე ახალ წიგნს ვწერ. რა ხდება? ოდიოსს აგამემნონი განგმირავს ხორცილით. მე კი არ ვკლავ, დაჭრილს გამოვიყვან ბრძოლის ველიდან. „ოდოია“ ამაზეა შექმნილი ზიმნია, სხვა არაფერი.

ოდოდოი ოდოია დო ოდოია, ვოი, ვოი. ეს გლოვის ზარია პიროვნებაზე, აიეტის შვილიშვილზე, წყალგაუვალ რაღაცას გეუბნები. შეხედე „ლილიოს“, მზის საგალობელია, მანათობლის ჰიმნი, ენლილის უკვდავების სიმღერა და მომაკვდავი ოდოია მოხყავთ სამშობლოში. აგერ, დღეს თუ ხვალ დაცხრება მისი აბორგებული ცხოვრება. გლოვობს მთელი კოლხეთი: ვოი, ვოი, ვოიო.

— ნუ, ეს საოცრებაა, ხიპოთეზაა, მაგრამ ყველა ხიპოთეზას აქვს არსებობის უფლება. იმდენად რეალურადაა წარმოსახული ყოველივე, სინამდვილე გგონია.

— რა მომენტებით აისახება მსოფლიო ცივილიზაციის ეტაპები?

მე ვიტყვი: ბრინჯაოს ხანა, როდესაც ჯოხი დააგდო კაცმა და სპილენძს მიაგნო, ეს კოლხურია. მეორე ხანას კიდევ 1500 წელი სჭირდება, რათა რკინაზე გადავიდეს, ბრინჯაო და რკინა შეაერ-

თოს და მიიღოს ფოლადი.

მესამე — ჯოხი რომ მოღუნა, შეაკავშირა და ბორბალი შექმნა.

დამწერლობა — ესეც კოლხურია; პოლიფონია, შვიდი კაცი ერთად რომ იმღერებს, ურთიერთგაგების, კონსენსუსის თეორიაა, რაც მოგვცა ცხოვრებამ, სახელმწიფომ, მეზობლობამ, ოჯახმა, როგორ იარსებოს, რანაირად, რაფერ იმკვიდროს ამ სამყაროში, სიმღერით ჩამოძერწა ყოველივე.

— წარმოიდგინე რაზე ვამბობთ უარს, — იცინის ბატონი აპოლონი.

— ყველაფერი ამაზეა დაფუძნებული: ატომი, კომპიუტერი ზედნაშენია. კოლხეთის იგნორირება უიგივედება საქართველოს იგნორირებას და აქედან კაცობრიობის იგნორირებასაც! კოლხი ბაზისია, ტრამპლინი, ფუჟე საქართველოსთვის. ამის უარყოფა როგორ შეიძლება. ოთხი ხელი გქონდეს და ორი არ მინდაო, ამბობდე, იქნები ჭკუათმყოფელი?

— ხა, ხა, ხა. მეც ამ შემთხვევაში სიამოვნებით მოვისმენ, გური, იმდენად დამაჯერებლად საუბრობ, მამრუბე პირდაპირ, მნუსხავ.

— არც გადამლაშება ვარგა, თითქოს ყველაფერი ჩვენგან მოდიოდეს. თქვენი აზრით ეგვიპტის პირამიდები რას ნიშნავს?

— ეს ეგვიპტის წყალ-ხმელის ისტორიაა, კაცო.

— ეგვიპტის პირამიდები, მეცნიერთა მტკიცებით, ის კოლხია, ბექზე რომ დაგადგამენ ხოლმე გაჭვალულს. ესაა წინაღობა მიწისძვრების აღსაკვეთად. არის სხვა ვერსია, რომ პირამიდა ტორნადოს გამომწვევი ნაგებობაა, რომლითაც ფარაონის სულის ცად ამალღების სცენა თამაშდებოდა. 72 წელს ნანახი გექნება ფილმი „ვოსპომინანიე ო ბუდუშემ, ნაზად კ ზვეზდამ, ილი ვოზგრაშჩენიე კ პროშლომუ?!“ იქ არის მოედანი, თვითმფრინავის ტრასებია, სარბენი ბილიკები. მე არ მინდა ვამტკიცო, თითქოს დედამიწას შეხების წერტილი გააჩნდა კოსმოსურ ცივილიზაციასთან, მაგრამ ჯერ ერთი, რატომ უნდა გამოვრიცხოთ? რა, სიცოცხლე უნიკუმი? ერთი მომენტია მხოლოდ? დედამიწა მზის ჩამქრალი ნაწილაკია და რატომ არ უშვებ არსებულ მილიონობით გალაქტიკაში სიცოცხლის განსხვავებულ ფორმებს? გაგვექცა საუბარი, თუმცა, ახლოს ვართ მიზანთან. იტყვი, რისთვის არის უმეტესი კოლხი გრძელსახიანი?

— თავს წაუკრავდნენ.

— გრძელი თავები რომ ხქონოდან, შუბლს წაუკრავდნენ. ჩანს, ამ მომენტზე დოლიქოკეფალია ამბობს ყოველივეს, ანთროპოლოგია. დაიბადებოდა ბავშვი და თავს წაუკრავდნენ, რათა სიმალისადმი ლტოლვა მერე გენში გადასულიყო.

— რა საინტერესოა?!

— შე ქრისტიანო, ქართველი არის ბავშვი, როცა ბაბუა კოლხი ხყავს. მიაგე პატივი მამასა შენსაო, გვასწავლის ბიბლია, მაგრამ მივაგებთ კი? ჩვენ საუბარი ნელ-ნელა მიგვყავს ამალღებული კატეგორიისკენ.

კანტი ასე ამბობს: ევროპულ ცივილიზაციას ქართულმა გენმა ჩაუყარა საფუძველი. ადამიანს აქვს კორპუსი, სხეული, სიმალღე; ადამიანის განზომილება ყოველთვის იანგარიშება თავის ქალის შემოწერილობით, შუბლის თალის მიმართებით ნიკაპთან. ზანგი სხვა კონტინენტიდან მოსული ინდივიდია. მან კარგა ხანია მოიხსნა დისკრიმინაცია. ზანგი მშვენიერია ქართველის თვალსაწიერით, მაგრამ არა — სრულყოფილი. თქვენ კარგად იცით, ვეფხვის და მოყმის ბალადა, ქართველთა ტოლერანტობა, „იქნება ვეფხის დედაი, ჩემზედ მწარედა ტირისაო“.

— ტოლერანტობის ცნება, ბატონო, გური, ჩვენს წინაპრებში ყოველთვის აღიქმებოდა ჩვეულებრივ მოვლენად.

— გენზე რა წარმოდგენისა ბრძანდებით?

— გენეტიკა განსაზღვრავს ადამიანის ხასიათს.

— გენურ შეჭიდებულობაზე გეუბნები, ამას კროსინგოვერი ხქვია. დაუშვათ, აი, სიმალღის, ნიჭიერების, შეფერილობის და ასე შემდეგ. ჩვენ ეს თემა არ ამოგვიწურავს. ეკლესია ნიშნავს ქრისტეს, მისი სახლია ეკლესია. თქვა მან: ინებე პური — სხეული ჩემი, და ინებე სისხლი ჩემი — ღვინო. ქრისტე არის მიწა, რომელმაც გშობა და მიგიღებს კიდევ ადრე თუ გვიან. თეოლოგიურ საკითხზე მოგვიანებით ვისაუბრებთ, ჯერ ეს პრობლემა მოვისტუმროთ. ეტყობა მე ცუდი კორესპონდენტი ვარ ამ შემთხვევაში და თემას სრულყოფილად ვერ წარმოვაჩენ.

ავილოთ ასეთი მცნება: მოსე და ებრაელობა. ებრაელი ერი ლტოლვილია, განდევნილი საკუთარი სამშობლოდან და მთელ თავის პოტენციურ ენერჯიას ახმარს ეგვიპტელების პირამიდების მშენებლობას. მოდის პიროვნება, რომელსაც მოსე ხქვია. მოსე — წინამძღოლია, კალათაში ჩასმულს ნიშნავს, ნილოსს გაყოლებულს. ვილაცა ქალი გადაარჩენს, იგივე საკუთარი დედა. მიგვიჩინ ხელ-

მწიფეს და გაზრდიან კიდევ თავიანთ ჭირად. მოდის მოსე და საკუთარ ერს ქანაანისკენ წარუძღვება ანუ აღთქმულ ქვეყნისკენ, იგივე ისრაელისკენ. 40 წელიწადი ხეტიალობენ ისინი უდაბნოში, კალიას ჭამენ, მანანას მიირთმევენ. ერი აუმხედრდება:

სად არის ქანაანიო.

მოსეს არ ეღირსება იქ შესვლა, რადგანაც მონობაშია დაბადებული. მონობისა და ვაჟკაცობის თემაზე მინდა ვისაუბროთ.

მალე წელიწადი მოიყრება, რაც აფხაზთა ტყვეობას თავი დააღწია ეროვნულმა გმირმა რუზგენ გოგობიამ. ოთხჯერ კედელთან მიაყენეს ეს კაცი და აი, რა თქვა:

„მე სიკვდილის კი არა, ადამიანის დანახვის მეშინოდაო. მე ერთადერთი მამაკაცური შეურაცხყოფის მეშინოდაო. მე მზად ვიყავი ჩემი ღირსების დასაცავად კბილებით დამეღრღნა საკუთარი თავი და ეს შეეძელი კიდევო“.

აქ ქართულ სულიერებაზეა საუბარი და მე მაინც პოლიფონიით უნდა დავამთავრო, სადაც ჩვენს ინდივიდუალობას უზენაესი ფორმა ეძებნება.

ფორმულა მეოთხე

იოანე ზოსიმეზე რა შეგიძლიათ მითხრათ? ეს ის იოანე ზოსიმეა, რომელმაც სამყაროს გამგებლად, მესიად ქართული ენა, ამ შემთხვევაში, მოდგმა, ტომი მოუვლინა კაცობრიობას. ამის თაობაზე ჩინებულად უწერია ნეტარხსენებულ ზვიად გამსახურდიას, მაგრამ თქვენი აზრიც მაინტერესებს.

— ქართული ენის ისტორია, მისი წარსული, ბატონო, გური, უამრავ საუკუნეს მოიცავს. კი, ბატონო, ქართული ენის სიწმინდე, რომლის ბაზისი ბევრ შემთხვევაში მეგრულია, სხვანაირად აღიქმება აქა-იქ, მაგრამ თუ იმის უარყოფა შეეძელით, ვისგანაც დავიძარით, თავად ჩვენი მომავლის, არსებობის პერსპექტივა ჩაგვიქოლავს. ქართული ენის სიწმინდეში, ქართულად მეტყველებაში, კოლხურს უდიდესი წვლილი მიუძღვის. კოლხურზე აღმოცენებულმა ქართულმა უამრავი საუკუნე გამოიარა და ყველა ისტორიულ ქართველზე დატოვა ნაკვალევი სიტყვაკაზმული მწერლობის სახით.

— თავდაპირველი ენა, ენათა ენა, წარღვნის შემდეგ რაც კაცობრიობას დარჩა, ის ენა. ამას ჩვენ უშემერულთან მიმართებაში დავამტკიცებთ. რას ნიშნავს ქი-ა-ნა?

— ქვეყანას.

— ქი უშემერულად ჯვარია. თვითონ ქი-ა-ნა — მიწა და ცაა. ჯვარი მზის ტრიალის სიმბოლოა. სვასტიკა, რომელიც გადმერთეს გერმანელებმა, უშემერულია. როგორც კი დააბზრიალებ ერთმანეთთან დაკავშირებულ ორ ჯოხს, ლებულობ კუდებს, და იმ ფორმას, რასაც სვასტიკა ხქვია. ეს არის 6.000 წლის წინ გამოხატული სიმბოლიკა. ჩვენს გოლიათ ზურაბ ქაფიანიძეს აქვს გამოკვლევა: ქიანაში მოცემულია ფორმულა, რომელიც ჯვრის მიმდევრობას ნიშნავსო.

გამოვედვენები ამ ტრიალს და აღმოვაჩინე, რომ იგი რვადაა დაყოფილი. პლუსის და გამრავლების ჯამია რვა.

პლუსი არის ორი ჯოხის შეკავშირება.

გამრავლება მოძრაობას ეფარდება.

ღერძის გარშემო ტრიალი დაყოფილია 35-35⁰ -იან სეგმენტებად. ვლებულობთ 360⁰-ს.

ეს ყველაფერი თქვენმა მოგვარემ, ბატონმა ხამლეტ წულაიამ გაშიფრა.

იგი ამტკიცებს, რომ საქართველოში უნდა გადარჩენილიყო მიწიერი სიცოცხლე.

აღმოაჩინა, რომ დედამიწას ვეებერთელა სხეული დაეცა ასტეროიდის სახით, ჩაჩვრიტა და ამობურცა. ფიზიკოსია, უნიჭიერესი პიროვნება. ყოველივე გრადუსებში აქვს გათვლილი. სხეულს, რომელიდაცა სხვა სხეული დაეჭახება რაღაც წერტილში, აბსოლუტურად მის საპირისპირო მხარეს უნდა მოხდეს საწინააღმდეგო პროცესი. დედამიწა იქ ჩაიჩვრიტა და აქ ამოიწია. საუბარი გაგვექცა, მაგრამ იოანე ზოსიმესთან ამის რაღაცა გამონაკროთომი არის: „დაფარულს არს ესე ენაი, მეორედ მოსვლამდე“...

იცინის.

— ამოუწარავი ფანტაზია გაქვთ. ამდენი ისტორიული სინამდვილის აღქმა ასეთ ფორმაში და გადმოცემა ასეთნაირად, ერთ დღეში... რამდენი ენერგია უნდა გაგაჩნდეს, ადამიანს?!

— შემთხვევით არ უწოდებიათ ჩვენი ქვეყნისთვის ღვთისმშობლის წილხვდომილი. ტიბეტური ვერსიით 11 წლის ქრისტე აღიზრდება ბუდიზმის ქვეყანაში. საქართველო ნახსენები არაა. 29 წლის ასაკში ჩამოდის იგი ქანაანში. იკარგება დაახლოებით 18 წელიწადი. როგორ უნდა გადაელახა იესოს

ეს სივრცე საქართველოს გვერდს ავლით? ხომ ვერ გადაუფრენდა?

— ეს მოდის ისტორიული წყაროებიდან?

— იოანე ქართველი იყო, ნათლისმცემელი. როგორც დავით აღმაშენებლისთვის გიორგი ჭყონ-დიდელი გახლდათ, სულიერი მოძღვარი, ისეთი იყო ქრისტესთვის იოანე. იოანეს გამოცხადებას ჭკვიანური წაკითხვა უნდა. ერთ-ერთმა ფილოსოფოსმა მეგობარმა მითხრა: იქ არის ყველა ფორ-მულა ჩადებული. ენგელსი შეეჭიდა ამ ვერბალურ სფინქსს და გაშიფრა კიდევ ჯეროვნად.

იესო ქრისტემ უბიძგა თავის მოწაფეს, მე იმ ჯამში უნდა ჩავაწო პური, რომლიდანაც ამჟამად საზრდოობს ჩემი გამცემიო. ძალად აქცია მოლაღატედ, თავისი თავი რომ აემალღებინა, კაცობ-რიობისათვის მხსნელი პიროვნება მოენიჭებინა.

იუდა საკრალური ფენომენია.

როგორც კი ქრისტე ჯვარს აცვეს, მან წამსვე ჩამოიხრჩო თავი. მოლაღატეს თავის მოკვლა შეუძლია? იუდას ინდივიდუუმის ჩვენ ჯერხანობით არ გვესმის. ეს უდიდესი ძალაა მამა ღმერთსა და ქრისტეს შორის. ეს ყველაფერი „ყურანში“ დაფიქსირებული. საყველპურო თხრობითობას რომ მოვიშორებ, ალბათ, რელიგიური წიგნების წერას დავიწყებ. იუდა ფაქტობრივად ქრისტემ შექმნა. კაცობრიობა რომ ამალღებულიყო, რამხელა ტრაგედიაში ჩაენარცხება ისკარიოტელი?! ამ დროს სიკეთე გააკეთა, თავისი ჭკუით 30 ვერცხლი აიღო, რითაც ხუთიოდე პურის ყიდვა თუ შეძლებია.

— აქ, სხვა რამე დევს ეტყობა.

— აქ არის იუდას სიმართლე. ვერხვზე ჩამოიკიდებს თავს. ქრისტეს დაასწრებს სიკვდილს.

— ლოგიკა ასეა.

— შესაძლოა სხვანაირი ინტერპრეტაციაც, მაგრამ ჩემი მიდგომის კუთხე რევიზიონიზმის ტო-ლია. „ყურანი“ წავიკითხე და ესეც უზარმაზარი ძეგლია. სულში მილიტინებს მუხამედის სულის-კვეთება. შენი ნათლული ახლა გაცილებით მახლობელია ჩემთვის, ჩვენი ზურაბ გორგილაძე. აქვე, ბატონო, აპოლონ, მგონი თანდათან მიგუახლოვდით რობაქიძის კონცეფციას სახესა და სხეულზე.

სახე და სხეული ერთი სიტყვიდანააო. სახე, სხეული, სახელი, სახლი ერთ ფრაზაში ტრიალებსო. მაინტერესებს თქვენგან, რად აქვს ქართველ კაცს განუყოფელი სახე, სხეული, სახელი და სახლი?

— საოცრად ტევადი და დატვირთული სენტენციაა. საერთოდ ადამიანის სახე მისი გენეტიკურ-სოციალური წარსულის ძეგლია, მონუმენტი. ყველაფრის აღდგენა შეიძლება მისით.

— აი, თქვენი ბიჭები, საოცრად გგვანან, ბატონო, აპოლონ. ეს თქვენი კოლხური წინაპრების გენეტიკაა. მე ჩემი შვილები თითქოს მემსგავსებიან და — არც. სახელი, სხეული და სახე ფრიად საკრალურ ფონეტიკურ ერთეულებად მესახება.

— ეს ცნებები, იმდენად კავშირშია ერთმანეთთან, ბატონო, გური, რამდენადაც თვით მასშია გამოკვეთილი შინაარსი და ადამიანის სახე, რომელიც ყოველდღიურობით შენდება და რომელიც თვალთ ხილვადია, ბევრ შემთხვევაში შიგნით, სიღრმისეულად იკითხება.

— მაგალითებიც მოიშველიეთ, მინდა თქვენი პიროვნება სამუდამოდ დამამახსოვრდეს.

— აი, თქვენ, ბიჭები მიხსენეთ, მაგრამ მათი ჩემთან იდენტიფიკაცია მესამედია ბაბუასთან შედარებით.

— დიდებულია.

— როცა ჩვენ, ჩვენს შვილებს ვაკვირდებით, შეიძლება ისინი ფიზიკურად არც გვემსგავსებოდნენ, მაგრამ გამორიცხულია წინაპართა გენეტიკური კოდი მათში რეცესიულად მაინც არ სულდგმუ-ლობდეს.

— დავხატოთ პორტრეტი კოლხისა, ქართველისა ზოგადად. ჩვენ გვახსოვს ვახუშტი ბაგრატიონის ფასდაუდებელი სტრიქონები. აბა, როგორ ამბობს? ლამაზი, ყირმიზი, ახოვანი, ომში წარბშე-უხრელი ლერმონტოვის ჯინაზე, ლერწამივით მიმომდინარე აზრთა შინა. გვარნაცვალი ქართველე-ბია ამაში ხელს რომ გვიშლიან.

იცინის.

— კოლხის პიროვნებაში სჭარბობს ყირმიზი. თმა — ოქროსფერი, სახის აღნაგობა — გრძელი — დოლიქოკეფალია. იშვიათი მშრომელი. თავისი კუთხის შემქმნელი. უღალატო — ეს პირველ რიგ-ში. უყვარს სამშობლო, მისი წინაპრები ქუჩიდან მოყოლებული...

— დღევანდელი მთავრობა, მეცნიერება სულ ცოტა 600 წელს გვპარავს, ბატონო, აპოლონ. განკით-ხვისას ხომ უნდა გვეზინოდეს წინაპართა სულებისა?!

— ოჯახის მოყვარული.

— ვთქვათ, ცოლისდა ცოლზე უკეთესია, თვალი გაექცევა მისკენ?

- არასოდეს, კაცო.
- ესაა კოლხის თავისებურება. გრძნობათა მობოჭვა ქალის მიმართებაში განსაზღვრავს კოლხი კაცის ღირსებასაც და უღირსობასაც. როცა კაცი ყველაფერზე ხელს ჩაიქნევს, მაშინ ყოველდღიური სიკვდილი ფეხებში გებლანდება. კოლხი გეუბნება:
 - მე ვღებულობ ჩემს უშნო ცოლს, ვიდრე ლამაზ ცოლისდასო. ესეც მნიშვნელოვანი ფორმულაა.
 - აბსოლუტურად გეთანხმები, რაზეა ლაპარაკი! გამორჩეული ამითაა ქართველი, თავისი რაინდული თვისებებით.
 - რატომ იწყება ზნეობრივი შემოტევა კოლხეთის მიმართ.
 - ზნეობრივი სიმაღლე სადაც არსებობს, იქაა ორომტრიალი.
 - ამერიკას, რუსეთს შეუძლია შემოგვიტოს ჩვენ? ამერიკელი და რუსი ხომ ასეთი ასპექტით ორივე ერთმანეთზე უარესია. გრძნობათა აღვირახსნილობა ცუნამზე წამლევავია. სისხლის აღრევამ დააქცია უამრავი ერი. ახლო ქორწინებებმა გადაავარა ათასები. აკი, ძროხებშიც კი წაშალა ნათესაურმა შეგვარებამ ოდინდელი სასარგებლო თვისებები, გამოფიტა, მათი წველადობაც გააბითურა.
 - ეს ზნეობის განზომილება დავადგინეთ ჩვენ: თურმე კოლხის კრიტერიუმი ყოფილა ამაღლებულის ჭერი. დავიწყოთ აქედან. ჭერთან თუ მივედით, ბალავარიც მოსაძიებნია.
 - ბუნებრივია, ჭერი საძირკველთან კავშირში ემყარება დედაბოძს, სადაც ზნეობრიობის დროშა ფრიალებს, სადაც ცოლისდასთან გამორიცხულია შეყრა გინდაც წლობით ემარხულოს დიაცთან, ზნეობრიობა სჭარბობს მასში. მამა გიკვდება, დედა გიკვდება.
 - ბიბლია გეუბნება: მამაკაცი მიეწებება თავის ცოლს და ამიტომაც ივიწყებს მშობელსო, მაგრამ ამ დროს იქვე უწერია:
 - მიაგე პატივი მამასა შენსა და დედასა შენსაო. უყურე რა გაორებებია. რა ვუყოთ ამ შეუთავსებლობებს, როცა საუბარია ცოლის, შვილის, მშობლის და ღმერთის ურთიერთმიმართებაზე?!
 - საოცარია, მართლა ისე აგებ საუბარს, რომ კაცი ძალაუნებურად მობილიზებული ხდება, დაჭიმული, სხეული გეჭინჭრება.
 - ჩვენ სახელმწიფოებრივ წყობაზე შევაჩერეთ ყურადღება, ველარაფრით ვეხსნები ამ ჭირს. მაკონდოს თავი და თავი ეს არის, ბატონო, აპოლონ. თითქოს ამოვწურეთ 3500 წლის მოვლენა. გვარნაცვალ ქართველებზეც გაკვრით გვისაუბრია და ამაზე უფრო დეტალურად ბაბანი არც ღირს.
 - აი, მორიგი ფაქტორია კიდევ, რომელიც სულის ციტადელს გადახნავს: ე.წ. ჩვენი ეროვნული პასპორტი.
 - გვარნაცვალ ქართველები ხშირად ამნაირად იმართლებდნენ ხოლმე თავს: პასპორტიდან ეროვნების რეკვიზიტის ამოღების ამოსავალი წერტილი ამერიკული მოდელიაო. გნებავთ ფრანგული, სადაც „ფრანსე“ მოქალაქესთანაა გაიგივებული, მაგრამ უცხო ქვეყნების მოდელი მოერგება კი ავტომატურად, ბრმად ქართულ სინამდვილეს? მე ეს ყოვლად დაუშვებლად, გაუმართლებლად მიმაჩნია. მე ქართველი ვარ და არა სხვა ეროვნების წარმომადგენელი. ჩემთვის სიამაყეს ბადებს, რომ ქართველად დავიბადე და ჩემი არგუმენტაციისათვის ამისთანა მაგალითს მოვიშველიებ: აი, გნებავთ 3500-წლიან ისტორიას მოვიყვან, როცა კოლხეთის მითიურ სახელმწიფოში უამრავი ტომი თანაცხოვრობდა. ისინი უკლებლივ ამაყობდნენ თავიანთი წარმომავლობით, კოლხობით. სხვასაც შეუძლია იამაყოს საქართველოთი, წინააღმდეგ შემთხვევაში მეხუთე კოლონის მეტსახელი გარანტირებული აქვს ჩვენში უამრავ ხალხს. მათ თუ არ შეიგრძნეს თავიანთი მეობა საქართველოს მშენებელ ეთნოსად, როგორ გინდა იარსებო?
 - ამის თაობაზე კიდევ მაქვს პატარა შეკითხვა. მაგალითად, თქვენი შეხედულებით ვინ არის ნაცარქექია?
 - ხა, ხა, ხა.
 - სანამ მიპასუხებდეთ, ბატონო, აპოლონ, მიმართულებას მიგანიშნებთ: ნაცარქექია ეს ის პროგნებაა, რომელიც ჩხირით რალაცას იქექება კერიაში. უფრო ზუსტად კი ეს ის კაცია, რომელსაც შუმერების დროიდან მოყოლებული თიხის ფირფიტებზე ჩხირით სიტყვები გამოჰყავს; იგივე მწიგნობარი. შემდგომ ჩვეულება წესად დაილექება მის გენეტიკაში. მის კაცობას დაენათლება ნაცარქექიაობა ანუ ის, რომ იჯდეს ბუხურთან და კრუხივით ბუდრაობდეს. ყვერბი, კერია, ყბურბი, სათავე ქვა ვერძივით მოგრეხილი რქებით, სხვა არაფერია, თუ არა იგივე კირბი, იგივე ოქროს საწმისი, ანუ მექანიზმი დამწერლობისა.
 - რამხელა ფილოსოფიაა.

— ეს არის ნაცარქექია. ეს არის მწერლობასთან წილნაყარი კაცი, იგივე კირბის, ოქროს საწმისის, ყვერბის, კერიის კაცი, დამწერლობის შემოქმედი, ბუნების მესაიდუმლე.

— საოცრებაა.

— ჩემი პატარა ვერსიიდან დააკვირდით, აბა: ნაცარქექია არის მხატვ, უვარგისი, მაგრამ უზარმაზარი სიბრძნით დატვირთული, რომელიც ბაყბაყდევს ერევა. რატომ? იმიტომ, რომ მწიგნობრობასთან, ჭკუასთანაა წილნაყარი. ყვერბთან ზის, ფუძის ანგელოზის ყმაა და შეუძლია ნებისმიერ დროს შეუკეთოს თიხის ფირფიტა გამოსაწვავად ავუზგუზებულ ცეცხლს. როგორი ხიპოთეზაა?

— ლოგიკური და დამაჯერებელი თანაც. შენეული შეფასებაა?

— ჩემებურია. ერთი ვერსიაც მაქვს: რატომ ეშინია სვანს წყლის? ამას მივაქციე პირველად ყურადღება, იმიტომ, რომ ის წარღვნის ბატალიების პირმშოა. თავი მწვერვალებისთვის შეუფარებია და წყლის ხსენებაზე აქრჟოლებს, როცა დანა, ტყვია, დათვი წარბს იოტისოდენაც ვერ შეახრევინებს.

წყალი სვანისთვის გენეტიკურად წარღვნასთანაა გაიგივებული და მასში კრთომილების სინდრომი ქვეშეცნეულად ხმაურობს ნიადაგ. მან არ იცის რისგან ჭირს ყოველივე, გაუცნობიერებელია მისთვის ეს ფენომენი.

ცივილიზაცია იქიდან ჩამოვიდა. ესენი არიან ჩვენი სახელმწიფოებრიობის პირველი შემოქმედნი ანუ საფუძველი სვანეთიდან გვეყრება. სვანეთში ასეთი რამეა თქმული: მე პატარა მომდგამს სვანური, მათი ნიბაშილი ვარ, დისშილი:

წყალივით წყულიო.

ყველაფრის ატანა შეუძლია სვანს გარდა ცვრისა, გარდა მდინარისა და ზღვისა.

ან რატომ არის ოთხკუთხა მათი კოშკები? ეს იგივე ნოეს კიდობანია, ოღონდ ვერტიკალში. თვითონ სვანური კოშკი არის კიდობნის სიმბოლიკა. თუ დააკვირდები ყველა თავზე სამ-სამი ქონგურია, რაც მთლიანობაში 12 თვეს ნიშნავს. შიგთავსიც სამი სართულისგან შედგება. მთავარი კი დედაბოძია, რკალბოლოიანი ბორჯღალის გამოსახულებით, იგივე მზის სიმბოლოთი; თავად კოშკი, რალაც სხეულებრივი მოცულობაა და ნებისმიერ ზვავს დანასავით ჭრის, ისეთი კუთხითაა დაყენებული სტიქიის მისამართით, ნებისმიერ მეწყერს აისხლევს. ახლა შეხედე „ლილეოს“, „კვირის“, „ოღოიას“, ამიტომ მეცოტავება 3000 წელი ჩვენი სახელმწიფოსათვის.

— მე იშვიათად მინახავს თქვენნაირი მოსაუბრე. ჯერ ლაპარაკის უბრალოება და მერე ამდენი ფილოსოფიური სიღრმე ერთ ადამიანში თავმოყრილი! ეს საოცრებაა, ჩემი ერის სიმდიდრე და საგანძურია სწორედ, როცა ერთ კაცში ამდენი რამე გროვდება. მე ბევრი სიახლე შევიძინე დღეს: როგორ გაიზრდება ჩემი ერი, ჩვენი ახალგაზრდობა შენს გვერდით ეს მიხარია. ხელოვნება შერწყმულია ფილოსოფიასთან. ბევრი რამ შეიძლება კაცმა, ათთვისო ადამიანთან საუბარში და ბევრი რამ აღმოაჩინო, მაგრამ ერთ პიროვნებაში თავმოყრილი იყოს ყველა თემა, იშვიათია და მოსაფრთხილებელი, თავში რომ გიწერია, ცეცხლზე შედგმულ რძესავით. დღევანდელი დღე საოცარია ჩემთვის, განსაკუთრებული. ცხოვრების ახალი ეტაპია გური ოტობაიას გაცნობა, შვილებს ვფიცავარ, სამივეს სიცოცხლეს.

— მარცხვენ? ჩვენ ახლა მივდივართ უფრო რთულისკენ: ფილოსოფიის საკითხებზე გადავალთ ცოტა ხანში, მაგრამ ჩვენ მაინც მთავარს ბუნდოვნად ვუპასუხეთ. ჩვენ ადრე ანთეოსს შევადარეთ საქართველო... მკითხველი რომ არ დავაზნით, მიწასთან მყოფი კაცის ცხოვრების ფორმულა მინდა ჩამოვყალიბოთ.

— მიწასთან მყოფი კაცის მოწყვეტა მშობლიური ძირებიდან ხერაკლესა და ანთეოსის ჭიდილშია ასახული. მიწიდან ატაცებული ანთეოსის კრახი ჩვენი საყოველთაო გაფრთხილებაა. შეუძლებელია მიწათმოქმედების ქვეყანა, საქართველო, მიწას მოაშორო.

— რატომ მიიღო ჩვენმა მთავრობამ ე.წ. მიწის კანონი, რომლის მიხედვით ტერიტორია ან უფრო სწორად შენობა, სადაც ის დგას, მიწიანად ეკუთვნის პატრონს? რა ხდება? რას ნიშნავს? გაყიდვას?! ქართული მიწის გასხვისებას?! პროფესონალი ბრძანდებით და უფრო დეტალურად მაინტერესებს რა იგულისხმება აქ?

— არა, არა. მიწების გაყიდვა ეხლა...

— სხვას არ ვამბობ, შენობა, სადაც დგას...

— შენობა მისი მემპატრონის საკუთრებაა.

— შენობა კი, მაგრამ რომ მოაძრობენ, დაშლიან, მიწა მაგას არ ეკუთვნის, ვინც პატრონია?!

— ამას ბევრი ოპონენტი ხყავს.

— ამიხსენით პროფესიონალურად.

— პროფესიონალის დონეზე ეს ასე იკითხება, ბატონო, გური: შენ რადგან ამ მიწას, ამ შენობას ხმარობ, მიწა სახელმწიფოსია და სახელმწიფო თავისთავად იჯარით თუ მიყიდვით იქნება, გიკანონებს მას, შენს განკარგულებაში გადმოგცემს, გაძლევს მუდმივ მფლობელობაში; რადგან შენ ის იყიდე, განმკარგულებელიც შენა ხარ, მაგრამ რამდენად სწორად არის ეს კანონის თვალსაზრისით გადაწყვეტილი, ვერ გეტყვი. მართალი გითხრა მე მიწის საკითხებში ნაკლებად ვერკვევი, მაგრამ ხვალ-ზეგ მეტი სიზუსტით მოგახსნებ. ისე, ჩემი სუბიექტური შეხედულებით, მიწა, წყალი, ხაერი, ტყე, სახელმწიფოსი უნდა იყოს, როგორც ეს რეალურადაა.

— ამ ფრაზაში ორივე ვეთანხმებით ერთმანეთს: ჩვენ ანთეოსები ვართ. დაუშვათ, რატომ ხდება, რომ, აი, სქართველოდან გასულ რობაქიძეს შვილი არ უჩნდება?! გამორიცხულია სხვანაირად, იმიტომ რომ გენეტიკურად ერთარსია ქართველი. თქვენსა და ჩემს შორის, იმხელა მსგავსი, უხილავი სხივი გადის ახლა მიყოლებით, შეუძლებელია სულიერი ნათესაობა არ გვახასიათებდეს. ხოლო სამშობლოს, შურობუმუს, დობადონას მოწყვეტილი ქართველი, იგივე ანთეოსია, უშვილძირო, უმომავლო, დასაღუპავად განწირული.

— ყველა პიროვნებას გააჩნია ბიოველი, ძლიერსაც, სუსტსაც. სამშობლოსაც აქვს თავისი ბიოველი, რაც მისტიკა სულაც არ გახლავთ. ეკოსისტემა უბიძგებს ადამიანებს თვისებრივი ფორმებისკენ. რეალობას ავცდებ არ მინდა. ღვთისმშობლის ქვეყანაა საქართველო. თქვენ რა გგონიათ, ხეს, რომ ნიადაგ: გახმი, გახმო ვეჩიჩინოთ, არ ჩამოჰკნება, არ გაოხრდება?

— ღვთისმშობლის ქვეყანას გვეძახიან და ეს დიდებულია, იგივე სიტყვით მკურანლობა...

— პარაფსიქოლოგია, რომელიც მოქმედებისკენ გიბიძგებს.

— მყარ სივრცეში, რომლის ქვეშ არც გაქვს სურვილი დაეშვა და არც გაძლევს ამის შეცნობის ძალისხმევას, შინაგანი სულია.

— უზარმაზარი, ზნეობრივი თან.

— ამიტომ ვლაპარაკობ მე, მინდა პირდაპირ ამას დაეუბრუნდეთ, ბატონო, გური, რომ მიწას მოწყვეტილი ქართველი კაცი მიუხედავად იმისა, რომ ცივილიზაციის ახალ ფაზაში შევდივართ, სრულყოფილი მაინც ვერ იქნება, რადგან იგი მიწასთან კავშირშია ჩამოყალიბებული ისტორიულად და ტრადიციულად. სხვა გარემოში დაიზარება. ენდემურ ჯიშებზე რომ გვქონდა საუბარი, სხვა არაფერია თუ არა ბიოცენოზის მორგება ეკოსისტემასთან. ადამიანიც ბუნების პროდუქტია. წკირიმ წიმობადებულ ქვირს ოკო წიმოლურასია.* ორავულს მდინარეთა სათავეში ურჩევნია სიკვდილი. ეს არის დიადი ინსტინქტის კანონზომიერება. ქართველი დაკავშირებულია მიწასთან და შეუძლებელია მიწას მოწყვეტილმა იბედნიეროს, ილღეგრძელოს, მით უმეტეს ახლა. საქართველო მთავარიანი ქვეყანაა და მისი მოსახლეობა სარჩო-საბადებელს ყოველთვის მიწაში ეძებდა.

— ერთი მტკაველი ფენა აქვს, მეტი კი არა... ხუმუსი რომ ხქვია. მცოდნია?

— გცოდნია, — გულიანად იცინის, — ამაზე მე ცოტა ქვემოთ ვიტყვი. ქართველი კაცი რომ მიწას მოწყვეტონ და საქართველო იმპორტიორი ქვეყანა გახადონ, ათეულ მილიონობით დოლარი იხარჯება. წარმოიდგინეთ, როცა უნდათ მაშინ შეგოწყვეტენ ამ სამსალა წყაროს და დამთავრებულია შენი ისტორია...

— ბატონო, აპოლონ, ძალიან მტკივნეულ ადგილთან მივედით, ანუ ფუძეთა ფუძესთან. ჩვენ ვინ მოგვცა უფლება, გნებავთ — მეფეს, გნებავთ — პრეზიდენტს, საქართველოს ბედ-იღბალი გადაუწყვიტოს? ჩვენს სიტუაციას სცილას და ქარიბდას შორის ყოფნა ხქვია. თქვენ გუბაზის პერიოდი გახსოვთ?

— როგორ არა, კაცო.

— ესაა ბიზანტიურ და სპარსულ სამყაროს შორის მოქცეულ კოლხეთის წუთისოფელი, საწუთრო. გახსოვს აეტისა და ფარტაზის სიტყვები?! მშვენივრად იცი და ხდება ასეთი რამ: მაინც ავირჩევთ ფარტაზის გზას ანუ ბიზანტიურ სამყაროს ნათესაური ფასეულობების გზას.

— აქაც მნიშვნელოვანი ფაქტორია, რომ მსგავსი სულიერებისკენ მიდრეკილება ინსტინქტურია.

— როდესაც საუბარია ორ დიდ პიროვნებაზე, ზვიადისა და ედუარდის პიროვნებებზე, ცხადია, ძალიან მიჭირს სხვა დასკვნის გამოტანა: ვისთან უფროა დაცული ქართველი? შენ მე მკლავ! შენ გინდა ჩემი, როგორც ერის გაქრობა: ეს ყველა მოძალადე სახელმწიფოს ფსიქოლოგიაში ღვეს. ამას ეგოიზმი ხქვია...

— განსაკუთრებით დიდი ერების...

— ხო, დიდი ერების, რომელთაც იმპერიალისტური გაგება აქვთ და შენ გინდა მომსპო, მაგრამ არჩევანის წინაშე როცა დადგები და შეგხედავ რომელი რომელს სჯობია, მაშინ ვინც უფრო ნაკლებად მკლავს, იმას მივემზრობი.

ბატონი აპოლონი ხარხარებს.

— მართალი არა ვარ, კაცო?.. ვინც ნელ-ნელა მისვამს დანას ყელში, იმას გავყვები. სხვა გზა არა მაქვს. გახსოვს შენ კატის და თავის ამბავი? თავი ეცეკვება, ეკუნტრუშება კატას. იმხელა ფიგურებს აკეთებს, ნებისმიერ ბალეტმეისტერს შეშურდება. კატა ბრჭყალებით ათამაშებს, აციბრუტებს წრუწუნას. ორივე ექსტაზშია. ერთს სიკვდილი სჭირს, მეორეს — მსხვერპლის სასიკვდილო სოლო-კონცერტი ეზიმიება. აი, ამ ბოლო სიტუაციაში ვართ ჩვენ...

— სამწუხაროდ, ასეა...

— მინდა შენ დაუსვა დიაგნოზი ჩვენი ქვეყნის ეკონომიკურ, პოლიტიკურ და ფსიქოლოგიურ ურთიერთობებს გამომდინარე ილია ჭავჭავაძის თეზისიდან: „მამული, ენა, სარწმუნოება“.

— საოცარი თემაა, ძალიან დიდი. ჩემთვის კვლავაც ამოსავალი წერტილი ეს სამი სიტყვა: ილიასეული გზა ნებისმიერი ქართველისათვის თვითგადარჩენის ინსტინქტით, ცნობიერებითაა დამოძღვრილი. ჩვენ ამას წინათ შევხვებთ თემას, რომელიც ასევე მნიშვნელოვანი იყო ჩვენი საუბრისათვის. საქართველოს მოლაყბე ბევრი ხყავს. ამის თქმისა არ უნდა შეგვარცხვეს, ბევრი ხყავს უმაქნისი, გამოუსადეგარი, მავნე, მაგრამ თუ სიბრძნეში ჩავიმუხლებთ და ჩვენს შესაძლებლობებს პატარა გონებასაც მივაშველებთ, მაშინ უნდა განვასხვავოთ ერთმანეთისგან: ილიასეული გზით სიარული სჯობია — უფლისეულით, თუ — ეშმაკეულ-მაცდურით.

— ამას წინათ საქართველოს პრესაში ასეთი რაღაცა გაჟღერდა. მე იმ პიროვნებას არ შევხვები, პირწავარდნილი გვამია, თანაც თამაზ წივწივაძემ დამასწრო, თავის გაზეთში დალაშქრა სრულიად სამართლიანად და აწი ხელის გასვრად არ ღირს.

როცა შენს ავგაროზ-ფასეულობებს ჩამოხსნი კედლიდან: ილიას, აკაკის, ვაჟას პორტრეტებს და რაღაც საეჭვო კრიტიკიუმებით წარმოაჩენ სამშობლოს სულიერებას, ამისთანა კალატოზი შეიძლება ეროვნულ წიგნთსაცავს მესვეურობდეს?

— მესმის. ბატონი თამაზ წივწივაძე ღირსეულ პიროვნებად მიმაჩნია და მე ვმეგობრობ კიდევაც მასთან.

— მთელ სამეგრელოს ბოდიში მოუხადა ლებანიძის სანაცვლოდ.

— ხო, კაცურად მოიქცა. ბოდიშის მოხდა კაცს რომ შეუძლია ბევრისმეტყველია. თავისდადრეკის უნარი ღირსეულთა ხვედრია.

— გახსოვთ, ამაღლების ტოლფასი დაჩოქება რომ ვახსენეთ თავში?

— ხო, რა თქმა უნდა, ბახისა და ბეთხოვენის ღვთაებრივი მომენტი. ერს, რომელსაც ილია ხყავს, აკაკი ხყავს, ვაჟა ხყავს, შეუძლებელია, ამათ წარმომადგენლებს რაიმე შეეშალოთ, შენს თავს მათ მემკვიდრედ აღიქვამ, და როცა ეს შენს ცხოვრებაში რეალურად გაცნობიერდება, სწორედ ისე, რომ შენ ამ ქვეყანაზე მოვლენილი ხარ, რათა აგური აგურზე დადო და შენი საკეთებელი მიიტანო იქ, სადაც სიდუხჭირეა, აუცილებლობა, თავისთავად მოხდილი გაქვს ვალი. იმიტომ, რომ შენ ამის კეთება შეგიძლია, ვიღაცას — სხვა რამის.

ეხლა შენ რასაც ეჯაჯგურები, ჩემო, გური, ერთის კი არა 100 ადამიანის გასაკეთებელია, მაგრამ შენშია თავმოყრილი. ეს არის ყინული, რომელიც თანდათან ღვდება. მაგალითად, დღეიდან ჩემთვის სულ სხვა ცხოვრება იწყება. სასწაულებს ვერ მოვახდენ, მაგრამ მე მიმაჩნია, რომ ჩემს ქვეყანას შენი სახით ჰყავს უდიდესი კაცი, რომლის გვერდით უამრავი თაობა გაიზრდება და ეს იგივე საქართველოს უკვდავებაა.

— ჩემს წინამორბედებთან შედარებით მე მლილი ვარ.

— ო, სკრომნოსტ უკრაშაეტ ჩელოვეკა. იმიტომ უნდა მივყვით ჩვენ ილიას, აკაკის, ვაჟას გზას, გზას ნამდვილი ფასეულობებისკენ; გზას ტაძრისკენ, ეროვნული სულიერებისკენ, სრულიად კაცობრიულის გასალამაზებლად.

— გური, ირწმუნე, რომ იატაკის დონისაა, როცა არსებობს ჭერი. ერთ წერილსაც წაგაკითხვით, სადაც უამრავი სამამულო პრობლემაა წამოწეული:

ტერიტორიები დაკარგული გვაქვს, ბატონო, აპოლონ. ზნეობრიობაზე არცა ვსაუბრობ. სარწმუნოების თვალსაზრისით ტოლერანტობა კარგია, მაგრამ ჩვენზე ორჯერ მეტი მოსახლეობა ჩვენი ტერიტორიის ფარგლებს გარეთაა — ლაზისტანსა და ფერეიდანში. — ერთადერთი ჩვენი ქვეყნის აშენების, წარმართვის საშუალებად დარჩა ენა. უყურეთ ახლა მე რა თეორია მაქვს?! — ვიტყვი, როცა წერილის კითხვას ჩამთავრებს (III, 94.), თანდათან სევდა ეძალდება, თვლები დასალიერში ეძირება, — ამაზე მე სხვაგანაც მილაპარაკია. ჩვენი ქვეყანა ამ წუთას სამენოვანია. ერთი გვაქვს სალიტერატურო ქართული, რომელიც არის ბაზისური ენა — მეგრულ-ქართლურ-სვანურ ენათა კრებითობა. მარტივად ვამბობ, გავიდა ამის შემდეგ 1500 წელიწადი.

სხვათა შორის 1500 წელიწადში ენა სამჯერ ფორმირდება: ბერძნებმა დაივიწყეს ძველბერძნული,

რომლითაც ისინი ოდესღაც საუბრობდნენ და ხომეროსი ხელახლა თარგმნეს. სომხებმაც დაივიწყეს ის ენა, რომელ ენაზეც ისინი საუბრობდნენ საუკუნეების მიღმა. ენა ჩქარა ვითარდება. „შუშანიკის წამება“ ძალიან ცუდად გვესმის უკვე, იმიტომ, რომ სიტყვა დროთა ვითარებაში ხუნდება, ცვლება ცნობიერებისათვის.

მე ვამბობ: გვინდა კარგი საქართველო? მაშინ მოდით, ჩემო ძმებო, ბატონო, პრეზიდენტო, დანარჩენო ხალხო, შევქმნათ ზოგადეროვნული ქართული ლექსიკონი.

რას ნიშნავს როგორი? არსებობს ჩიქობავასეული. 114.000 სიტყვაა შიგ დაფიქსირებული. ქალიშვილის და გოგოს ბადალი მესამე სიტყვა მითხარით ზოგად ქართულად.

— ქალწული.

— მეტს ვერ მეტყვით, ბატონო, აპოლონ. აი, მე რას ვაკეთებ: ეკლესიებს რომ ვაშენებთ, ქვას ქვა რომ დაედება გულგასახარია, მაგრამ ჩვენ სულის ეკლესია უნდა ვაშენოთ ჯერ. აი, ჩემი ფორმულა როგორია: გოგოს მიმართებაში, ქალიშვილის, ქალწულის სინონიმად ჩავამწკრივებ სვანურ „დინას“, მეგრულ „ძაბს“, „ცირას“ და კიდევ — „კულანს“ ლაზურიდან, საქართველო გადარჩენილია.

მე ლაზიც კი აქეთ წამოვიყვანე, ჩემთან დავაფუძნე, კაცო. ამას უზარმაზარი სახელმწიფოებრივი მნიშვნელობა აქვს.

აი, ეს სიტყვა არ მათქმევინეს საზოგადოება „კოლხეთის“ შეკრებაზე, გაფიცებულს და ეგზალტირებულს, რის გამოც ჩვენმა სათაყვანებელმა გენო კალანდიამ, სამართლიანად დამტუქსა, მაგრამ ვაჟა დობლაიამ, იგივე ვერისელმა, წაუჭირა ყელში იმ გვარნაცვალს და ააჩხავლა კატასავით. ვთქვი: როგორც კი სამეგრელო დაიღუპება, დაიღუპება დედასამშობლოც-მეთქი, იმიტომ, რომ ფუძეა ჩვენი საქართველოსი.

ჩამთავრებს გაზეთის კითხვას აპოლონი. მაჯები მაგიდაზე უსვენია.

— რამხელაა, როგორი სიღრმით გაჭრილი აზრი გაქვთ?!

— თქვენი შეხედულება ჩემთვის უფრო ფასეულია, ვიდრე, დავუშვათ — ფსევდოპროფესიონალისა. შეზღუდულები არიან ისინი კონკრეტული ცოდნით. შენ კი აბსოლუტურად თავისუფალი ხარ, ზუსტ დიაგნოზს მორატყამ. ამიტომ მსიამოვნებს შენთან მასლაათი, არ მინდა დასრულდეს, შეჩერდეს წამი.

— წარმოიდგინე რამხელა სიდიადე დევს, ბატონო, გური?! აქეთ მოგყავს შენი სისხლხორცი. როგორ ეწევი სამშობლოსაკენ უცხოეთში გაფანტულ ფასეულობებს?

— ეს არის სამშობლოს გაერთიანების ყველაზე ოპტიმალური გზა. მე სხვა საშუალებას ვერ ვპოულობ ენდემური ჭიშების აღორძინების მხარდამხარ.

— მათემატიკური სიზუსტით გეთანხმები. იმდენად სიღრმისეულია, რომ საუკუნეების ნამუშევარი გვეგონება, თანაც რა მარტივად გასაკეთებელი, უბრალოდ განსახორციელებლი.

— აი, გრანდიოზული, სამების ეკლესიის, მშენებლობა, რამდენ თანხას მოითხოვს თქვენის აზრით?

— დაახლოებით 100 მილიონს მაინც.

— ასი მილიონი... მე მაშინ გეტყვი მარტივად, 100 000 ლარზეა საუბარი. ყველა ქართულ ოჯახში ამ ეკლესიამ, კარგად მიყვილა ენამ, ლექსიკონი საყდართან გავაიგივე, რომ შეაღწიოს თითოეულ ქართულ ოჯახში, საქართველოში აშენებულია ერგას სვეტიცხოველზე უდიდესი ეკლესია, იმიტომ, რომ ეს უკვე ნიშნავს ქვეყნის გამთლიანების ახალ პროცესს; რადგანაც თავდაპირველად იყო სიტყვა, სიტყვა იყო ღმერთთან და სიტყვა იგი იყო ღმერთი.

ყველა ადამიანი ოთხი კატეგორისაა. ჩვენ ამაზე უნდა ვიმსჯელოთ ანთროპოლოგიურად: მელანქოლიკი, სანგვინიკი, ქოლერიკი და ფლეგმატიკი. ერთი ფიცხია, მეორე — ძლიერი, მესამე — ქალაჩუნა, მეოთხე — მშიშარა. ამას ვერსაით წაუხვალ. ეს არის ფორმულა. გვინდა თუ არა ასეა. ახლა კაცობრიობას თუ ამ ნიშნით დავყოფთ, აღმოჩნდება, რომ ყოველი 100 კაციდან 25-ია თამამი, 25 — მშიშარა, 25 — ძლიერი, 25 — ფრთხილი. მორჩა ამას ვერსად გავეჭვევით.

კვდება ნოე, უფრო სწორად კვდება სიმთვრალისაგან, თორემ საამისო არაფერი სჭირს. გაღეშილია ებრაელების მეფეა და გადაფხრეწილი წაიწევა კიდევ ქალიშვილებისაკენ, მაგრამ ამ დროს უფროსი ვაჟები იაფეტი და სემი მოჭილიკე ქამისგან განსხვავებით მამის სიშიშვლეს ქსოვილით დაფარავენ.

— ეს ფაქტი თავისთავად მეტყველებს ქართველთა წინაპრების ზნეობრივ სიმალეებზე და აქედან მოდის სწორედ ის თვისებები, რომელზედაც ჩვენ წედან ვისაუბრეთ. როცა ქრისტიანული ზნეობა გაგაჩნია ადამიანს ეს თავისთავად სამაგალითოა და მომავალი თაობებიც გენეტიკურად ამ გზით ივლიან.

— მე ეს შემთხვევით არ მიხსენებია, იმიტომ, რომ არსებობს მონოგამია, პოლიგამია, სამასცოლიანობა. კიდევ რამ, რამ გადაარჩინა საქართველო?!

— ერთცოლიანობამ გადაარჩინა საქართველო. ერთცოლიანობა ოდითგანვე ზნეობრივ სიწმინდეს ნიშნავდა ქართველი კაცისას. როგორი ცივილიზაცია უნდა შემოვიდეს ქვეყანაში, ამ ზნეობრივი სიმაღლის ოდნავადაც ძირს დაშვება დაგვანგრევს, გაგვაცამტვერებს. როდესაც ქვეყანა თავისი განვითარების გარკვეულ ეტაპზე იმყოფება, ფაქტობრივად ყველა ფასეულობა გროვივით გაცვეთილია, მაგრამ ზნეობას ქართველ კაცს 10-დან 9 შემთხვევაში ვერავინ შეუმღვრევს. ერთი კი გამონაკლისია, უნიკუმი, გადახრა, რომლის დაშვება თეორიულადაც მიუღებელია. ამიტომ თითოეული ჩვენთაგანის იმ სიმაღლეს, რა სიმაღლეზეც ვიმყოფებით დღეს და მე როგორც რესპოდენტი თქვენი, თანამოსაუბრე, მოპასუხე მარტივად, მივიჩნევ რომ, ალბათ, საქართველოს გადარჩენის უძირითადესი ფორმულა ზნეობრიობაა, მონოგამია, რომელიც იწვევს ფასეულობათა კონცენტრაციას: ვილის, ცოლისდის მოწიწებით სიყვარულს, მეზობლის დაფასებას, მტრის ღირსეულად დახვედრას; ყველაფერ ამას ზნეობრიობა წარმართავს.

ქრისტიანობა შეამზადებს ქართველს საამისოდ, ერთი ენით, ერთი ფსიქიკით კრავდა მის სულიერებას, პლუს ამას ყოველივე ამაღლებული, ღიახაც ეთიკური ნორმების ჩამოყალიბებას ემსახურება მასში.

ჩრდილოეთის იმპერიალისტურმა ხრიკებმა შესძლო თავად-აზნაურ-ობის ნაწილის გახრწნა, გადაგვარება; აცვლევინებდა მათ გვარს ჩინ-მედლების საფასურად: ბარათაშვილს ბარათოვად გარდაქმნიდა, მის სამეტყველო ქართულს — ჩიქორთულად, გნებავთ გატყლარჭულ სალონურად, მაგრამ მოვიდა ილია და ენაც თავდაპირველ კალაპოტს დაუბრუნა, ხალხურ მეტყველებას; მიბრძანდა სამეგრელოში და შორსგამიზნულად, ზოგთაგან განსხვავებით, დღესაც რომ ვერ გაუთავისებიათ, სრულიად საქართველო მოიხილა, რელიგიაც შემოწნა ქრისტეს გარშემო, როგორც ჭიგოს შემოხვეული ვენახია, ან კიდევ დედაბოძს დაყრდნობილი სვანური მაჩუბის კოჭმზიდები. ეს იყო კოლოსალური ენერჯის რეფორმა ყველა მიმართულებით. შენეული ზოგადდეროვნული განმარტებითი ლექსიკონიც ამას მოემსახურება ასწლეულის შემდეგ, გური, ბატონო, და ჩვენეული ენდემური ჯიშების განახლებისათვის რუდუნიც.

— ბატონო, აპოლონ, მორგანი აუცილებლად გექნებათ წაკითხული.

— კი, სტუდენტობის დროს.

— აი, მორგანის წამკითხველ კაცს, რომელზეც ააგო მარქსმა მთელი ფილოსოფია, უფრო ზუსტად ენგელსმა ჩამოაყალიბა ოჯახის ფორმულა, არაფერია თქმული ქართულ ფენომენზე. ქალის და კაცის ურთიერთობა ეს იოლი თემა არ არის. გნებავთ ცეკვა „ქართულს“ შეხედეთ, ქორეოგრაფიას, როგორი მოწიწებაა, მკლავი მკლავს არ ეხება, სხვაგან კი ხახუნისგან იცვითება თქმო, მუხლები და გულ-მკერდი. ამ ურთიერთობის რამდენიმე ფორმა არსებობს. არის ქრისტიანული მოდელი, რომ ერთმა კაცმა ერთ ქალთან იცხოვროს. არსებობს მუსულმანური ცხოვრების წესი: ერთ კაცს შეუძლია მრავალთან შეწყვილება; ეს ყველაფერი შეძლებაზე, ქონებაზეა, იგივე პოლიგამია.

— მე, ეხლა ერთი ნაწარმოების პატარა ამონაგლეჯს გაუუკეთებ ციტირებას და საოცრად ლამაზად ჩაჯდება ჩვენს საუბარში. ავტორს თავად მიხვდები ვინც იქნება:

ნუ დაეწაფები ერთდროულად რამდენიმე ჯამიდან ღვინოს, და ნუ გადააქცევ სიყვარულის ტაძარს პირუტყვის სადგომადო, გაგახსენდათ, ალბათ?!

— შედარება კარგია, მაგრამ, აი, ვისია, რომლის, ნურას უკაცრავად.

— მე დარწმუნებული ვარ, რომ აი, ეს მონოგამია ქართველი კაცის გენეტიკურ კოდში, რომელიც სწორედ იაფეტიდან მოდის და რომელზედაც ჩვენ ვისაუბრეთ, არის ღიახაც ის წმინდა წყარო, საიდანაც ქართველი კაცი იკვებებოდა დასაბამიდან: მიუხედავად ყველაფრისა, რომ ჩვენ დღეს უმძიმეს სოციალურ მდგომარეობაში ვიმყოფებით. ქართველი კაცისთვის მაინც უპირველესი ზნეობრივი თვისებებია და შეიძლება მიკერძოებული ვიყო ამ შემთხვევაში, განსაკუთრებით კოლხურ გენეტიკურ კოდში დღეს ეს მოჭარბებით.

— ბატონო, აპოლონ, მინდა უფრო მიუჯახლოვით დაძრულ თემას. მონოგამია შემთხვევითია ჯიშთა თვალსაზრისით. მართლაც პირუტყვების დონეზე ხომ ვერ დავეშვებით? პირდაპირ ღიად ვთქვათ, მაპატიოს მთელმა კაცობრიობამ, მაპატიოს, ბატონო, აპოლონ, მე ახლა ასე დავსვამ საკითხს: ინბრიდინგი და აუტბრიდინგი თქვენ კარგად იცით რასაც ნიშნავს. რატომ გადარჩა საქართველო? ამას ვუსვამ ხაზს, ეს არის ჩემი საუბრის მიზანი. ჩემი შეხედულებით შორი ქორწინებით რომ ქმნიდა ქართველი კაცი ოჯახს, უფრო სწორად, სისხლით ნათესავებს შორის ქორწინებები რომ იკრძალებოდა. რამდენიმე გვარი დღესაც შეერევა ერთმანეთს ჩვენში, მაგრამ

ახლა მე მათ არ დავასახელებ, მთავარია მოსახლეობის 99 პროცენტი შორ შეწყვილებას ამჯობინებდა. ამან გადაგვარჩინა. ქართველი ხიბრიდული ჯიშისაა, რჩეული, ბრძოლისუნარიანი.

— სწორმა ხიბრიდიზაციამ ითამაშა უდიდესი როლი. აი, მონოგამია, როგორც თქვენ ბრძანეთ, ბატონო, გური, ეს არის სწორედ ის ფორმულა, მე თქვენს ტერმინს დავესესხები. საქართველო, ქართველი კაცი გადაარჩინა მართებულმა, მიზანშეწონილმა საქარწინო ინსტიტუტმა.

— ხმაღს არ გადაურჩენია, კაცო...

— საოცრად კარგად მსჯელობთ. კარგი დარტყმა. აი, მან გადაარჩინა საქართველო, რაღაც უზენაესმა, ზნეობრივმა სიწმინდემ. ხიბრიდი შეიქმნა, რომელი ხიბრიდიც თავისი ჯიშით და მონაცემებით არის გამოყვანილი, გამოძერწილი. აქ ნათესაური მოშენება არ მოდიოდა და თავისთავად, ცხადია, არ გადაგვარდა ჯიში. შორეულმა შეკავშირებამ სისუფთავე და სიწმინდე შემოგვინახა.

— რატომ გვაქვს, კაცო, დასამალი...

— ეს არის, ქართველი კაცის ბედნიერება: დღემდე, რომ მოვედით და დღეის შემდეგაც არ გადავშენდებით, რადგან ეს ზნეობრივი თვისებები ჩვენს გენეტიკურ კოდს ოდითგანვე მოსდგამს.

— ბევრი ვილაპარაკეთ ჩვენი ფლორის, ფაუნის მდგომარეობაზე. ახლა თემატიკა შევცვალოთ. თუ გსმენიათ რამე უნუნისის შესახებ? ბიბლიის მიხედვით თითქოს წარღვნა რომ მოხდა დედამიწაზე, გადარჩენილი ცივილიზაციის ნაშთი მწვერვალებს შეეკედლა.

ჩვენი კაცობრიობა მწვერვალებიდან ჩამოსულთა შთამომავალიაო. თქვენ გიფიქრიათ თუ რას ნიშნავს სვანური კოშკი? იცით რა ხდება? სვანურ კოშკს ზემოდან რომ შეავლებ თვალს, თითოეულ კედელთან სამ-სამ ქონგურს დალანდავ. რომ შეაჯამო 12 გროვდება. ამაზე ზემოთ რამდენადმე გვიმსჯელია. სვანური კოშკი ფაქტობრივად დედამიწის სიმბოლიკაა.

— როგორც წელიწადი, არა?

— ხო, სამ-სამი მთლიანობაში 12-ია, იგივე ფალოსი, ანუ მამრის სიძლიერის სიმბოლო. ნუ შეგვეშინდება ამ სიტყვის თქმის. ეს არის სამყაროს მოდელი. ჩვენს ენათმეცნიერებას, ისტორიოგრაფიას ამ კუთხით ჯერ არ უმუშავია. თქვენს დეპარტამენტს, არ გეწყინოთ და ამდენი რამე არც მოეთხოვება. პრობლემები, ცხადია, გაქვთ, მაგრამ ნუთუ როგორც მამულიშვილს, მამაკაცს არ გიტოკავთ ისეთი ძარღვი, რომ ქართულ სულიერებას ცოტა სხვა მიმართულება მისცეთ?!

ფური, ხარი, რასაც ნიშნავს ვიცი. ენა მეზმება. შუმერი, ეგვიპტე, მეფეებს, ფარაონებს ხარის სახით გამოხატავდნენ. ხარი ხომ საკრალური ცხოველია. მაკეობისა და ორსულობის პერიოდი თანაბარი აქვთ ფურს და დედაკაცს. ყველა რელიგიაში ხარი ღვთაებრივია. იქნებ რამე სხვა ინფორმაცია გაქვთ ამ მხრივ?!

— ხარი, რომ ძლიერების სიმბოლოა, ამაზე არ ვდავობთ. ქართველ პოეტებს გაღმერთებული ხყავთ იგი, როგორც გამწვევი ძალა, ქვეყნის მარჩენალი, მაგრამ ჩვენი სიტყვის ქურუმების მსოფლმხედველობა ამას იქით ვერ მიდის. თქვენ ხარს ახალ იმპულსს სძენთ.

— „ხარს ვგავარ ნაიალაღარს“...

— ხო, ეს დიდი ვაჟაა. ნიშნიანობის ერთ ჩინებულ ლექსში უფრო ნათლად ჩანს ხარი პოეტის გადასახედიდან:

**მე ვარ მისანი ხარი წიქარა,
შენი დგრიტა ვარ მამულ-დედულო,
ზღაპრიდან მისთვის გამოვიბარე,
რომ გემსახურო და გიერთგულო.
შენი უღელიც მეჩაბტოს აგრეც,
ქედზე რომ მადგას განაჩენივით,
არ მომიდერო გეთაყვა სახრე,
სიყვარულისთვის ვარ გაჩენილი.
და თუ გქონია რამე ტკივილი
ან რამე ჭირი ზნეკუთილიანს,
ამილოკია ქვაპარილივით
და ხარის ცრემლით დამიტირია.
მრავალჯერ ვმდგარვარ
სამოთხის კართან,
მკურდგახეხილი, გადატყაული,
ღმერთთან საუბრის და ნიჭის ვარდა,**

**არაფერი მაქვს დანაშაული
და როცა მიწას მივებარები
ნაჯაფარი და ტანდაკორპილი,
შენსკენ დამრჩება ისევე თვალები
ანგელოზების ამოკოცნილი....**

— ბატონო, აპოლონ, ისეთი კარგი ლექსი წაიკითხეთ, სიტყვა არ მყოფნის... (ამ საუბრიდან კვირაც არ გაივლის და წიქარა ხარის მომღერალი შოთა ნიშნიანიძე ცის უსასრულო კაბადონს გაუყვება. არ მიაგებენ მწიგნობარნი და ფარისეველნი ღირსეულ პატივს გალაკტიონის შემდეგ უწინარეს პოეტს. დიდუბის პანთეონის მიწა ემსუბუქება მის გოლიათ სხეულს კარიბჭესთან. ყვავილების მდინარე ვერ წაიღებს მის კუბოს მთაწმინდის მიხვეულ-მოხვეული გზებით.

სამოცდაათიანი წლების თაობის ბუზლუნი, წიწმატობა და ჯავრი ვერ გადასწონის მამათა წუ-წურაქულ დამოკიდებულებას: ერთი ბარის დაკარება მიწას არ გაიმეტებენ მთაწმინდაზე ღირსეული შვილისათვის, როცა მამადავითის არე-მიდამო კომედიანტ-ბერიკებით გავსებულა. ამ განწყობილებაზე შექმნის კიდევ გური ოტობაია პოეტურ სტრიქონებს ერთი ამოსუნთქვით:

მომღერალ წიქარას...

**ვერ გიმღერე სოუ ნანა,
სარეცელთან წიქარას,
თიბათვეში სულის ახლოს
ცელმა გაიცეჟარა.
მიღეწავდი ქაჯავეთის
ცხრაკლიტულებს ყანწებით,
ერთხელაც ვერ დაგიდაფნე
შუბლი დანახანძრები.
ზოგჯერ მხარზე გაკოცებდი
ერთგულების დასტურად,
ჩემი მაჯა შენს ბორგნეულ
ძილს ვერ მიესასთუმლა.
გელაზივით წელში მღუნავს
შენი ლექსთა კრებული,
ველარც გაგასაჩუქრე და
მყვედრის გაყვითლებული.
მაინც როგორ გათრთილებდა
ჩვენეული ქვითინი,
მაინც როგორ გაბრუებდა
ჩვენებური ტიტინი.
ვერ გიმღერე სოუ ნანა,
ხართ, ბედის მტგირთველო,
სულმრთელო და ბირმრთელო
და სიცოცხლენაკირთელო!
ეს სტრიქონი სახარეთის
ჭიდან ამოსაბულა,
შენი ზეცა დამდუღრული
მამულით მოხატულა.
არ დადგება შენი გზები,
შორეთს გაიკოსმოსებს,
არ დადგება, სანამ ქვეყნად
აგკაცობა ქოსქოსებს.
ხარი ხარ და უფრო მეტი —
ხიდი — ამერ-იმერის,
ხარი ხარ და — ნიშანსვეტი**

**უსასრულო სიმღერის;
ხარი ხარ და ქაჯავეთის
ცხრაკლიტულებს მიღეწავ,
ხომ მოლიე ჯოჯოხეთი,
ახლა მოიხილე ცა.
ხომ აქამდე ხანგით კრავდი
შურობუშუ დამსხვრეულს,
აწ ბალაფრად ჩაეშენე
იმის დრო და უამსხვრელს.
ვერ გიძღერე ხოუ ნანა,
სარეცელთან წიქარას,
თიბათვეში სულის ახლოს
ცელმა გაიცვიქარა.**

მეთქი, მაგრამ, ჯერ კვირაზე მეტი რჩება ამ განშორებამდე, ჯერ სამშობლოს უკვდავების ფორ-
მულაზე ვმსჯელობთ ორნი: (დაუნჯებული მეცნიერი, ბატონი, აპოლონ წულაია და მომავლის
ნისლიანი კონტურების დამტყვევებელი, მონა-მორჩილი თქვენი).

— ამ ლექსმა ჩემში ერთი ასოციაცია წამოატივტივა, — ვაგრძელებ საუბარს, — ხარი წიქარა, ხომ
ვიცი ვინც არის: რქებით ანგრევს ჯოჯოხეთის კედლებს, მაგრამ მეორე წიქარაც გვყავს ჩვენ ზღაპ-
რულ სივრცეში. ნაცარქექიას ვეძახი მე იმ წიქარას.

ისევ მივუახლოვდით საქართველოს სახელმწიფოს შექმნის პოლიტიკას: ჩვენთვის წიქარა ვერ
იქნება, ბატონო, აპოლონ, ვინაც „ზვიადიზმს“ ებრძვის, ეროვნულ ძირებს. ნაცარქექიაზე ვილაპა-
რაკოთ, ჭყინტ ყველს შრატს რომ გაადენს წკურწკურით... ვითომ ქვაა, დევს კი შემოეფშვინება
ხელში.

— მეც შეგახსენებთ ნაცარქექიას პატარა ლეგენდას, რომელიც კერიაში იქექება, რაღაცას ჩხაპნის,
ხაზავს და შლის. ეს გამოძახილია მწიგნობარი კაცის პორტრეტისა.

— მე ამაზე საკმარისად მიწერია. სასწაულ რაღაცას მეუბნებით, მე ვვარაუდობ რომ ნაცარქექია
ის კაცია, რომელიც შუმერი იყო და რომელმაც დამწერლობა... — წინადადების ჩამთავრებას
არ დამაცლის.

— შექმნა და იმის გამო, რომ ეს დამწერლობა შემორჩეს თავის ისტორიას, ნაცარქექია ჩხიბავს
კერიაზე, ტუტაზე.

— დახეთ, „ოქროს საწმისთან“ მივედით ხელად.

— აი, აქაა ამოცანა გადაბმული. ხოლო რაც შეეხება მის ნაცარქექიაობას, თვით სიტყვას, ეს
შემონახული თემაა უბრალოდ და თითქმის დავიწყებულიც, თორემ ყველა შემთხვევაში იგი მომდევ-
ნო თაობებს ამცნობს, რომ, აი, საქართველოში არსებული პირველი დამწერლობის მესაიდუმლე
ვარო. ეტყობა თქვენამდე უფრო ადრე მოვიდა ეს ინფორმაცია.

— ბატონო, აპოლონ, პირველი შემთხვევაა, კაცი აბსოლუტურად მემხრობოდეს. დარწმუნებუ-
ლი ვარ, რომ ჩხირით წერა იგივე გამოუწვევ თიხის ფირფიტაზე „გილგამეშის“ გამოყვანის ტოლ-
ფასია; ნაცარქექია ძველი შუმერული ცივილიზაციის ინერციული მეხსიერებაა. ამისი მტკიცება
არავის შეუძლია, მაგრამ ვერსიის სახით არსებობის უფლება ნამდვილად გააჩნია.

— ბუნებრივია, ხიპოთეზის დონეზე, თანაც საკმაოდ არგუმენტებულიცაა.

— ბატონო, აპოლონ, რას ნიშნავს ექვსი დღე ბიბლიურად?

— ერთ დღეში სიქა გამაცალე და კიდევ კვირისკენ გაგირბის თვალი? სამყაროს შექმნის თარი-
ღია.

— მე განსაკუთრებით მეექვსე დღეზე ვაკეთებ აქცენტს, როცა ღმერთი შექმნის ყველაზე ჭკვიან
არსებას—ხომო საპიენსს ფილოსოფიურად, იგივე ადამს. მაგრამ მალე მოიწყენს მარტოკა. ღმერთი
მიხვდება, რომ ადამს კენტობა, ცალად ყოფნა არ შეუძლია და ამოაცლის ნეკნს, შეუქმნის ქალბა-
ტონს. თუმცა, წინ უფრო დიდი ჯოჯოხეთი გადაგველოდება — ორი ხე: ერთია ცნობიერებისა, მეორე
— სიცოცხლისა. ვერ მიწვდება ადამი ხეს სიცოცხლისას. ცნობადის ხეს კი ხელად კენწეროზე
მოვევლება გველის და ცოლის მეშვეობით, მაგრამ აი, რომ არ შეეთამამოს ადამი ოქროს საწმისს,
კირბს, ხეცხოველს, მარადიული სიცოცხლე არ იგემოს, ათასი ჯოჯოხეთს და ბარიერს შეუქმნის
ცაბაოთი და როგორც იტყვიან, გველს გაუჭიქყავს თავს ქუსლით მისი ქალი, ცოდვით უშობს
შვილებს და ა.შ. ეს თქვენ ძალიან კარგად უწყით. ამ თემაზე რატომ წამოვიწყე საუბარი, ბატონო,

აპოლონ, ხვდებით? ეს ხალხი ჩვენი სისხლხორცეული მოდგმაა. ჩვენ უშუმერებთან მივდივართ, ან — პირიქით ბიბლიაა ბაბილონის მიერ გადამღერებული მოტივი.

— გველმა, როცა შეაქცინა ადამი და ნაყოფი შეაჭამა, ამით კაცობრიობამ მარადიულ სიცოცხლეს უგანა. მიიღო განსაცდელი, პასუხისმგებლობა თავის ზიზ-ჯილაგზე და უფლებაც. დარდიმანდი, უზრუნველი ადამიანი შემოქმედად იქცა, მისი დიდი ხატის — ღმერთის მსგავსად.

— ბატონო, აპოლონ, ამ ლამაზ თეორიაში არის ადამიანის მისაბრუნებელი იმ სამყაროში, რომელსაც ჩვენ სამოთხეს ვეძახით; ადამიანის შინისკენ მიბრუნების ბარიერს მხოლოდ და მხოლოდ ქრისტე გადალახავს საკუთარი თავის გაწირვით.

— ეს უკვე უკვდავების თემაა, — ისმის წვიმის წკარუნნი.

— აგრძელდა, წამოწვიმა, კათარზისის წუთები.

— იმდენად საინტერესოდ ისმინება, მთელი ღამეც რომ გავათენოთ, წამითაც არ წამოვლემს...

— მერე ვილაპარაკოთ, ბატონო, რა გვეჩქარება?

— მან შთაბერა სული ადამიანს: შენ გაგაჩინე და იცხოვრე ამ ქვეყანაზე სიკეთითო. ეცადე, რომ სამოთხისკენ მისაბრუნებელი გზა გქონდესო. ამით თავად მისცა კაცობრიობას მაგალითი, აამალლა მოკვდავის სული, ხორცი მეორეხარისხოვნად უქცია, სულიერი ფასეულობანი წამოსწია წინა პლანზე. მოკლედ, გზა გაუხსნა ადამიანს სამოთხისაკენ.

— ბატონო, აპოლონ, თქვენ შეგიძლიათ დაუკავშიროთ ერთმანეთს ქერუბიმი, გველმაპშემოხვეული სიცოცხლის ხე და კოლხური „ოქროს საწმისი“? ხედავთ, რა პარალელებს ვაკეთებ?! მე შემთხვევით არ ვამბობ ამას: თითქმის ერთი და იგივეა, სიბრძნის წიგნი, რომელიც კოლხურ ხეზე იყო ჩამოკიდებული, იგივე საქართველოს უკვდავების ფორმულა. აი, რა წაგვართვეს ბერძენებმა, გრეკებმა, ინდოევროპელებმა, სხვათა...

— თითქმის ერთნაირი აზრი დევს ამ ვერსიაში. იმ ხანს, რომელსაც ჩვენი ქართველი ერის ისტორიის საწყისი წყარო ხქვია, კოლხურია. ამოუწურავი თემაა ეს, ბატონო, გური. თქვენ ისეთ დეტალებში გაქვთ ყოველივე საკუთარი გადასახედიდან გაანალიზებული, რომ თავად ბიბლიის ზოგიერთ პასაჟსაც კი შემურდება.

— ბატონო, აპოლონ, ძველებურად თავს იმდაბლებთ სრულიად უსაფძვლოდ.

— მოყვარულის დონეზე ვჯახირობ. ერთი ადამიანის კვალობაზე შეიძლება მისახედი იყოს თქვენეული შეფასება, მაგრამ საბოლოო ჯამში, ალბათ, აი, იმ კოლხურ პირველწყაროს, რომელმაც ფაქტობრივად იბერიულ ქვეყანას გადასცა ყველა საგანძური, ჩვენი წინაპრების უდიდეს კულტურტრეგერ-ობაზე მეტყველებს. კი არ გაასაიდუმლოეს, უკლებლივ გადასცეს შთამომავლობას. ამ კუთხით ისტორიკოსების, თავად ფილოსოფოსების ნამუშევრები იმდენად ზერელეა, რომ შეიძლება ყამირიც ვუწოდო. ეს ყველაფერი თქვენისთანა კაცებმა უნდა გადაიტანოთ ქალაქზე და დარწმუნებულიც ვარ, უეჭველად შეძლებთ ამას ჩვენისთანა მოკვდავთათვის.

— აკი, მაღალი ვარ-მეთქი ბუმბერაზებთან შედარებით!

ქრისტემდე მერვე საუკუნის უკვდავი ძეგლი მახსენდება ისევე, ხომეროსის „ილიადა“. მე ამ წიგნს თავის დროზე ლიტერატურულ ფაქტად აღვიქვამდი, მაგრამ მოხდება ისე, რომ შლიმანივით გავიზარებ და, იცით რას აღმოვაჩინე: ყველაფრის გასაღებად ხომალდების კატალოგი მომეველინება. აქ უზარმაზარი ინფორმაციაა ჩადებული. კიდევ სხვანაირი წაკითხვა სჭირდება მას, უსასრულოდ, უთვალავჯერ. ამ შემთხვევაში მე მეტრის პრეტენზია არ გამაჩნია. უბრალოდ, ვიტყვი, რომ მედვას და აიეტის ეპოქის მზე ჩასვენებულა. მოდის მესამე, დაქვეითებული თაობა. ეს ის პერიოდია, როდესაც კოლხეთის, იგივე საქართველოს ტერიტორიას ინდოევროპული ტალღა შემოუტევს. აქ უზარმაზარი გადაადგილებებია ბატონო, აპოლონ. შემთხვევით კი არ არის შეთხზული ასეთი მითი: მიჭეჭყილია კავკასიონის ქედზე ამირანი, იგივე ქართველი ერი, საქართველო და ღვიძლს უკორტნის ზევსის არწივი. მოგვიანებით ხერაკლე ამარცხებს ამ არწივს და გაანთავისუფლებს ამირანს. ამაში საღდაც დანახულია საქართველოს დაცემა და აღდგომა, მისი აღზევების პერსპექტივა. ეს რას ნიშნავს, იცი? აგერ, „დიდი აბრეშუმის გზის“ გახსნას ჩვენ ვიწრო კუთხით ვუყურებთ. შევარდნაძე ერთის მხრივ არაპერსპექტიული პიროვნებაა, რომელიც საერთაშორისო ასპარეზზე მიღებულია ალფად, მაგრამ სამშობლოში უკანასკნელია, ომეგა. ჩემი შეხედულებით არ დაბადებულა უფრო ტრაგიკული პიროვნება, რომელსაც ქვეყნის შიგნით უკლებლივ უღრენდნენ, გარეთ კი ერთსულოვნად უდაფნავდნენ შუბლს. ამ ფენომენის სრულფასოვანი ყისმათი 100 წლის მერმინდელი თემაა.

— საოცარი შეფასებაა..

— ჩემი პატარა ჭკუით, ბატონო, აპოლონ, თორემ ვინმეს აპოლოგეტი სულაც არა ვარ. დიდ პოლიტიკოსს დიდი დივიდენდი რაში აქვს იცით? დიად საქმეში. ახლა დაუშვათ ილია ჭავჭავაძის

თემა. ხომ ჩადო უზარმაზარი ძალისხმევა ქართულში. ამ კაცს საშვილიშვილო მყოობადი ჩაუნაცვლებია საქართველოს პოლიტიკურად და ეკონომიკურად გადარჩენის თეორიაში. ისეთი უცნაური ვართ, ჩვენ, ქართველები, რომ საკუთარი შვილების მიმტევებლებად კი არა მესაფლავევებად გამოვდგებით. მე მაგალითებს შემოგაშველებთ:

- გალაკტიონი წინდებს აკერებს;
- ილიას პირდაპირ შუბლში ვესვრით;
- რობაქიძეს საქართველოდან გავაქცევთ;
- აკაკის სიღარიბეში დავაოსებთ;

ჩვენი ვაჟა ცხონებული, ეგერ, 1915 წელს, უნივერსიტეტის კორპუსში მოწყალეების დის ხელში დალევს სულს;

- კიბის ქვეშ კვდება ფიროსმანი;
- ყაზბეგს, ტერენტს, გიჟის ხალათისთვის გავწირავთ.

ხელოვანის ბედი საქართველოში გერის და დედინაცვლის დამოკიდებულებაა სულმუდამ. რობაქიძეზე მინდა წამოვიწყო თემა. ეს კაცი უცნაურობას იკისრებს: დაწერს ესეებს ხიტლერზე, მუსოლინიზე, სტალინიზე, ლენინზე, საერთოდ, ისტორიულ ფიგურებზე. ცუდად ჩამოერთმევა, ვითომ ბოროტების აპოლოგეტი, თუმცა კი პორტრეტებს მოაჩარჩოვებს ისტორიულ პიროვნებებზე, როგორც ამას 2400 წლის წინ მოიმოქმედებს ჰეროდოტე. იმისგან თუ მისაღებია, ამან რა დააშავა?! თქვენ ბრძანდებით ბრწყინვალე პიროვნება, რომელსაც მიგედგომ-მოგედგომებათ პოლიტიკაშიც, ფილოსოფიაშიც. მაინტერესებს, საქართველოში ვის გადაესვლება ცხოვრებიდან სულისკენ? ამას დიდი დაფიქრება სჭირდება. აქ არის რუსთველი, აღმაშენებელი, ბევრი და ბევრი, თქვენი შეხედულებით, ვინ, რომელია ნომერ პირველი ქართველი? მე მგონი აქ არ ჩაიჭრებით.

— ბატონო, გური, მე მინდა შეგახსენოთ დიდი მეფის აღმზრდელი გიორგი ჭყონდიდელი, რომელმაც თავად შექმნა გაერთიანებული საქართველოს უმაგალითო სახელმწიფო მოღვაწე. შორიდან ვიწყებ, აღმაშენებლის ეპოქაში იშვა და მის შემდგომ...

- პირველ ქართველზე გეკითხებით, თქვენ გარე-გარე უვლით.
- აღმაშენებლის ეპოქამ შვა ჩვენი დიდი რუსთაველი. მე მიმაჩნია, რომ პირველი ქართველი შოთა რუსთაველია.

— ამ სიტყვების გამგონეს შემიძლია მუხლი მოგიყაროთ. მუხლი ჯანდაბას სამშობლოწართმეული კაცისგან. სამშობლოში ამჟამად მე მთლიან საქართველოს როდი ვგულისხმობ, პატარა ოტობაიას, სადაც ჩემი მდინარე და ჭალაა, შურობუმი.

მარტო „მო-ცა-გვალ“, რად ღირს? მილიარდი წელიწადიც რომ იარსებოს ადამიანმა, აი, ამ სიტყვის თავისთავში შექმნის ენერჯიას ვერ მოძებნის. მე ხომ პოეტიც ვარ და ვიცი, რა არის „გასისხლმდინარდა“, „წავეწამე“. მაინც მივედით იმ დიდ თემასთან, ადრე რომ წამოვიწყეთ: წიგნთან, ცხვრის ტყავთან, ოქროს საწმისთან, კირბებთან, ხეცხოველთან.

„ოქროს საწმისი“ და სიცოცხლის წიგნი ერთი და იგივეა. აი, ჩვენი საწუხარი, სადარდებელი შემთლიანდება. უკვე მეორედ მივმართე სიტყვა „შემთლიანდა“-ს. ჩვენ თავიდან ვახსენებთ, რომ ცხვრის ტყავზე დაწერილია კოლხეთის, საქართველოს ისტორია; ოქროს გამოდნობის საიდუმლოება, სხვანი და სხვანი, თუ როგორ უნდა მივიღოთ ფოლადი და ასე შემდეგ.

ჩვენ იდენტურ წიგნს შეგვიქმნის რუსთველი. აღმოჩნდება, რომ ქართველი კაცის მეტყველების დიაპაზონი აგებულია შოთას შაირის მეტრზე, რვამარცვლიან ტაეპზე. თურმე ქართული კაცი, რუსთველის ენით მეტყველებს. მოვა დრო და ამაზე სხვები უფრო კომპეტენტურად იტყვიან, მაგრამ ერთი რაღაცა მინდა გაგიმხილოთ: ბატონო, აპოლონ, თქვენ ჩინებულად ერკვევით ანთროპოლოგიაში, მედიცინაში; ერკვევით ლიტერატურაში, ღმერთმა გაგაჩინათ ასეთი უნიკალური უნარების პიროვნება. პირველ ქართველზე ხომ ზუსტად მოარტყით. არც დანარჩენი ცხრის დაზუსტება გაგიძნელებათ, მჯერა, მაგრამ მირჩევნია ახლა ჩვენ უმთავრეს მტერზე მითხრათ, დამისახელოთ. გარეგნულ დუშმანზე გვილაპარაკნია. შიგნითა მტერი არა ხყავს ქართველს?

- გათითოკაცება ვარგა?
- თქვენ გათითოკაცებით მიხვედით ცალსახა პასუხამდე, მაგრამ მე მინდა ქართულ უმთავრეს სენზე მესაუბროთ. რა გვიშვლის ხელს ერთიანი სახელმწიფოს მშენებლობაში, ქართველი კაცობის დამყარებაში, ქართული გენის ამაღლებაში, რა გვჭირს ასეთი? მე მაგალითად პირველ მტრად საბას შეგონებას მივიჩნევ: შურს, რომელიც არს მწუხარება სხვისა კეთილსა ზედა.

— აი, მე კონსტანტინეს მოვიშველიებ: ოდითგან ასე გვჩვევია ქართველებს, მუდამ ჩვენს სიმცირეს მივსტიროდით, რადგან მტერი აურაცხელი გვყავდა, მაგრამ დიდკაცი თუ გამოგვერია, მას ისე დავ-

კორტნით, როგორც დაკოდილ ძერას ყვავები. ე.ი. შური მაინც ქართველ კაცში ოდითგანვე იყო და თუ ძლიერ კაცებს დავინახავთ, ასეთ კაცებს უჩნდება სხვათა შორის შიგნით მტრები...

— რამ შეიძლება ეს განკუთრნოს?

— შენ თავზე უნდა ამალღე სიკეთით, მართალმოსაქმეობით.

— რით, რა მანქანებით მოვახერხებთ ქართველი კაცის გადარჩენას? ჩვენ ხომ თავის დროზე ვისაუბრეთ, რომ ზოგადეროვნული ლექსიკონი გვიხსნისო. ტრუმენის ავადმოსაგონარი ავტოკალმის კვალი გეხსომებათ, როცა ოთხ ქალაქს შესთავაზებენ დასაბომბად და იქიდან ორს გადახაზავს: ხიროსიმას და ნაგასაკის. მისთვის ეს უმარტივესია. ატომი წამოატივტივებს ასეთ ფრაზას: საქართველოს შინაგანი შემუხტება გადაარჩენს, შინაგანი გამთლიანება ტერიტორიულად, ენობრივად, სულიერად, ანუ ილიას ფორმულამდე მისვლა: „მამული, ენა, სარწმუნოება“.

შეიძლება ამას რამე დაემატოს? „ყურანი“ ძალიან მომეწონა, მონუმენტური, ჭკვიანი წიგნია. ქაჯ მუსულმანებს კი არ ვგულისხმობ. ქრისტე, მარიამი, იოსები ყველანი მოძრაობენ იქ ოდნავი სახელცვლილებით.

— ქრისტეს უდიდეს პატივს მიაგებს „ყურანი“...

— მართლმადიდებლობა გვიმალავს ამას, აქა ჩვენი სისუსტე.

— მაშინ, როცა გიყვარდეს მტერი შენის, ქადაგებს უფალი.

— მშობლიური რელიგია კი ამას ჩქმალავს...

— ახლოსაც არ მიგაკარებს უცხოს, რათა ზეგავლენამ არ გაგვსრისოს. მოვა აღმაშენებლივით ჩვენზე ოდნავ აზეითებული კაცი, კიდევ წაგვაკითხებს მას და ცდომილებებსაც ჩამოგვაშორებს. ჭეშმარიტება სხვანაირად არ დადგინდება. ჰოდა, კირბისები-მეთქი, ვამატებ მე, ანუ საკაცობრიო კანონების ერთობლიობა.

— ესაა მთავარი. სანამ ჭეშმარიტი სიტყვა არ ითქმება, მანამდე მსოფლიოს სრულყოფილი სურათი ვერ დაიხატება.

— მაინც რამდენი მოდელი გვაქვს სამყაროს აგებულების თვალსაზრისით?

შევხედოთ მსოფლიო სულს. უამრავ ნაწილად იყოფა? ავიღოთ ბუდა, მუხამედი, ქრისტე, ზარატუსტრა, კომუნისტური მსოფლმხედველობა. ეს მატერიალიზმის აღიარებაა. ყველაფერი ორ პარამეტრში ეტყვა.

ერთი ამბობს: არსებობს ზოგადი სული, სამყარო, ღვთისგან შექმნილიო;

მეორე — არის მატერია ანუ ამება რომ გაჩნდება, ის უმაღლეს დონეს მიაღწევს ადრე თუ გვიან სპირალური განვითარების გზით — ადამიანს, ხომო საპიენსსო.

ორი თეორიაა, ორივეს ვაძლევეთ არსებობის უფლებას, ნუ დაეზოცავთ ამის გულისთვის ერთმანეთს, ვინაიდან კონფრონტაცია უარესს წარმოშობს. სივრცის, დროის და მატერიის ერთიანობის კანონს ამჯობინებ? კეთილი.

ღმერთის პრიმატს აწინაურებ? ნება შენი, მაგრამ გილიოტინების, ჯვარცმებისა და მოგიზგიზე კოცონების გამორიცხვით.

მატერიალიზმი ამბობს, რომ მოველინე ამ ქვეყანას? მორჩა, შენი კრიტერიუმები, განზომილებები, რასაც მოასწრებ, აქვე დამთავრდება.

რასაც დასთესავ შენი ცხოვრების მანძილზე, იმას მოიმკიო. ეს არის შენი აბსოლუტური ჭეშმარიტება. როცა გარდაიცვლები — ბასტა, შენ უკვე სულ სხვა თვისებაში გადახვალ, სამარადისოდ, ფიზიკურში, ქიმიურში.

მარადიული ხარო, გეუბნება, თეოლოგია, მარადისში გახვალ, გიმტკიცებს. სამ განზომილებას გაძლევეს: უმდაბლეს ჯოჯოხეთის, შუალედურ საღვინობელს და ბოლოს... სამოთხეს უზეშთაესს. ამ ორი, ერთმანეთის გამომრიცხავი თეორიის შეფასება და განსაზღვრა მიჭირს. ადამიანი მაინც იმას ეპოტინება, რომელ წრიდანაც აღიჭვამს ამა თუ იმ რეალობას. პირადად მე მირჩვენია ამ წუთას ამოიწუროს ჩემი არსებობა სხვათა სასიკეთოდ. უსასრულობა დიახაც ამას ხქვია, ალბათ. ჩვენ ისეთ თემაზე წამოვიწყეთ საუბარი, რომ წინააღმდეგობას ვერსად გავეჭვებთ: აქეთ — მატერიალიზმია, იქით — სულის პრობლემები. ათასი თეორია ტრიალებს. თვითონ დედამიწა რა ბედენაა ვერ გავციცნობიერებია ჯეროვნად.. ამერიკელები წამოიძახებენ, რომ ადამიანი რეზონანსული განზომილებისააო, ე.ი. შესაძლებელია მისი გადაცემა კოსმოსში ინფორმაციის სახითო. ამას მაიას ტომი შემოგვინახავს, არსებობს ხელისგულისოდენა მატრიცა — ცოლკინი, რომელიც დიდი ცივილიზაციის გონების პროდუქტია. გაშიფრავს იმას ხულიო არგუელისი და გენის სტრუქტურას აღმოაჩენს. მაიაში გენეტიკაზე ფიქრი? ბორბალი არ ხქონდათ აცკეტებს, კაცო? 6.000 წლის წინ ქრისტემდე გენი? ადამიანის არსი, გენური შეჭიდულობა, კროსინგოვერი?! რა უნდა სცოდნოდა მაიას ტომს

გენის არსებობაზე. ჩანს, ცოლკინი წარღვის წინანდელი პერიოდისაა. მე უნიკუმად როდი ვალიარებ დედამიწაზე სიცოცხლის არსებობას. საერთოდ სამყარო ისეთი რაღაცაა, რომ ყველა გალაქტიკაშია ბიოსიტუ- აციის შესაძლებლობა. დედამიწა არ არის გამონაკლისი. დედამიწა მზის ანასხლეტი ერთ-ერთი სხეულია, სადაც შეიძლება სიცოცხლე დაიბადოს, განვითარდეს და მოკვდეს. ყველაფერი დედამიწაზე ამ წუთას ჩურჩხელასავით სიცოცხლის ბადაგშია ამოვლებული. კოსმოსი ახლა გაფართოების სტადიაშია, ეს კი ნიშნავს, რომ პლანეტები სინათლის სიჩქარით შორდებიან ერთმანეთს. ეს არის კოლო-სალური მსწრაფველობით განზიდვა ერთმანეთისგან, მაგრამ როდემდის?

გამოვეცლებით იპოდრომულ ბაკქანალიას. ცრის ირიბად. ფოთლების შარიშურია ფეხქვეშ. ნანატრი წინწყლებია გახრიოკებული ქალაქისთვის, დაახლოებით იმგვარი, მძიმე ნაოპერა- ცივეს წყლიანი ბამბით რომ უსველებენ სიცხისგან დახეთქილ ტუჩებს. მანქანაში ვსდებით. მივჭრევართ უკაცრიელ რუსთაველზე. 9 აპრილის სიახლოვეს შევყოვნდებით.

- დაილაღე? — ვეკითხები ყრუდ.
 - შენ? — შემომიბრუნებს.
 - ბექებში მტეხავს ცოტათი. ბავშვები მახლდენ — დამბეგვავდენ ლუფასავით. მერი- დება, თორემ. ერთ წერილსაც წაგაკითხებდი.
 - მოიტა, კაცო!
- სალონს გაანათებს და ხორკლიან საზურგეს მინებივრებული გაზეთში ჩაეფლობა.

სტუმრად ჰქონდღიდელ ჰურუმთან

ფორმულა მესუთე

ზურგს უკან რჩება მარტივლის მონასტრის გუმბათი და ჯვარი, ხუჭუჭა გორაკები, ათასწლოვანი კირბებივით ხე-ტყის დასაცურებელი ბილიკებით დაღარული. გოჯის ციხის ქვა-ლოდე- ბისგან გაღარულ გალანვათან ერთხანს ვყოვნდებით. ცრიატებს წვიმა, ნანატრი, ბაგედაშაშრული სერე-ბისთვის ღვთაება ელიასგან მალამოსავით მოვლენილი. ორაგულად ქცეული ჩემი სული მდინარეთა სათავეში დამიტოვებია, ტობავარჩხილის საღარო წყარო-ანკარასთან, სადაც ქვიშავერცხლი კეკლუ-ცობს ჰავლის დაფდაფებზე.

პატარაიას დოკუმენტური ფილმი აიწვართება ჩემს მესხიერებაში. მართლაც როგორი თავგან-წირვით მოეშურებთან ორაგულები მშობლიური ჩქერალების დასაბამისკენ? რანაირი თავგანწირ-ვით გადმოლახავენ წინაღობებს? მოფართხალებენ თავთხელებში. კბილებით მოაქვთ სული, სხეუ-ლი, იმ ნაბდისგაშლა სიანკარისკენ. გადაევლებიან ჩანჩქერებს. უწყლობით ლაყუჩები უსისხლიანდე-ბათ, მაგრამ დაუოკებელია მათი ჟინი, მათი ლტოლვა, ძალისხმევა. არაფერს ეპუებთან, დალაშქრუ-ლია ყოველი ბარიერი. გნებავთ ცათამჯენი კედელი აესვეტოთ თვალწინ — გადაევლებიან, გადალა-ხავენ, რათა დაფორაჯებული ტანი და ქვირითით გაფიფინებული მუცელი ნებისმიერ ზღუდეს გადაანაპირონ.

უფრო დიდი საოცრება, უფრო მეტი საკვირველობა ჩემს არსებას არ შეხებია. ღვთაებრივი ინსტინქტით, ამოუხსნელი სწრაფვით შთამომავლობის გადასარჩენად, ჯიმ-ჯილაგის დაუსრულებე-ლი დენადობისთვის გადაიწიალებენ თვით უძლეველი სიკვდილის განზომილებებს და შვებისმომ-გვრელი ტოფობის მერმე ნეტარებით აღესრულებიან ახვანცალებული ლიფსიტების ქორალში. დანაყრდება ანცი და უმწიფარი შთამომავლობა გამობრძმედილი წინაპრის გულ-გვამით და უტევს გზას ბობოქარი ოკეანესკენ. ეს მარადიული წრედია ორაგულებისთვის.

წუთისოფლის შუაგულში ტრიალი და შურობუმუს უწყინარ ნავსაყუდელთან აღსრულება მოზარდი თაობის ასაფხიანებლად თუ ასაბასრებლად, წესია კაცთა: აქ ამირანი-პრომეთედან მოყო-ლებული მისაბაძი და სამაგალითო აღარ გამოეღვევა დედამიწისეულ ცივილიზაციას: ჯორდანო ბრუნოებით, ცოტნე დადიანებით, იოსებ ჟორდანიებით, თვით უზეშთაესი ნაზარეთიანელით.

ერთგულად მისდევს აჩემებულ ტრაექტორიას ხასხასა ადა უზუ მელიავასებურად.

6 აგვისტოს ბინდისპირია. ამ სამიოდე კვირაში განსაცვიფრებელი მეტამორფოზა განუცდია ჩემს სულს, დაწდევებულა უკიდურესობამდე. გამობშირულა ღვარძლისგან დაპურებული ყანა. აქაც უფლის ხელი ურევია უცილობლად, ამჯერად ბატონი აპოლონის მეშვეობით გადმოღვრილი ჩემში.

თამაკონელი რომ ვარ პაპის მამით, განმიცხადებია. ოცდაოთხი საათი არ ეკმარება ნერჩის მოძიებას, ბიჭტორ ბაბუას ანდერძის აღსრულებას: „ართმა ვარა ქიხვამ, ბაბა, თეჭინაობასი“.* ვიცი, ბიჭები უჩემოდაც დატრიალდებიან და სულ მალე, ვიდრე ორმოცდაშვიდის მოვიყრებოდე, იქ მამა გოჩა თავისი ჟღალი წვერითა და მათრობელა შეგონებით უკიდურესობამდე შემოაძარცვავს ბურუს-ჯანღებს ჩემს ჭარმაგულ ლეთარგიას. თამაკონში შეიკვრება წრედი. თამაკონში მივწვდები წინაპართა საძვალეთის მთაგრეხილს, ჯოხის ორი ბოლო შეიკვრება ბორბლად და მერმე, მამაძალო, ფეტელავ, პუშკინისებურად, იწრეწირე უსასრულოდ მყარსა და თხიერს შორის.

უხმაუროდ ვეშვებით დედაქალაქისკენ. ამოწურულია ყველა სათქმელი. დაცლილია ყველა ფილა. მოსინჯულია ყველა წავარნა და ბილიკი. აწ დიადი მღუმარების ჟამი დავანებულა, რომელიც ოქროზე რჩეულია საბას სწავლებით. „მეიროხანი“ და „შურობუმუ“ ერთი ამოსუნთქვით მოუიერიშებია ჩემს რესპოდენტს. ამას აქეთ სასთუმალთან მოუჩოჩებია ჩუბინიშვილის „სასწაული“, ალაზნისპირელის „მსოფლიო დასაბამისეული აღმოჩენა“, ხამლეტ წულაიას „სად ვეძებოთ წარღვნით ჩაძირული ნოეს კიდობანი“: ეზოთერიაში შეუტოპავს, იქნებ მთლად ყურყუმელაობს?! ისინდივით მიქრის „BMW“ გალარულ ტრასაზე. წუხანდელი თავსხმა მახსენდება.

— ოღონდ იწვიმოს და აქედან ფეხს არ მოვიცლიო, — დაიქადნის ბატონი აპოლონი და მოგეცა ლხენა.

— გავილუმპოთ-მეთქი, — ექსპრესიას შევმატებ თავანისადმი მის შემუქრებას და გვისმენენ კიდევ სადაფისხელა ყურიანი მესეფეები, ელია მეუფეს შემოიშველიბენ, გამოსდებენ ჭოლოკებს ზღვიდან ამოფეთებულ ღრუბლებს და მოუხსნიან პირს ნახუნაოს თავზე, ჭაბურთას კორტოხებზე მირიად ტიკჭორასა და სათხვევლს.

აივანზე ღამენათევი ახალგაზრდობის ასკინკილაა.

ქალები გამორბიან საწვიმრებითა და ფერად-ფერადი ქოლგებით, მაგრამ თხემთან დაქანებულ ნაკადს ტერფამდე გაუტანია. ალბათ, ათორმეტი მზიანეთი ეცოტავება მამა გოჩას ანაფორიდან ჭყონდიდური ნესტის გადაშენებას.

ჯონი ფიფიას ხომ უკეთ წაუვა საქმე: წელს ზევით განშიშვლებულა ავტომატის ჯერით დაცხრილული სხეულის წარმოსაჩენად და ამგვარი მოხერხებით აისხლეტს სტიქიის მოთქლაშუნებას.

ბოლოს მოგვტაცებენ მინიწარღვნისგან ატივტივებულ სუფრას, გავა-თეძოებიდან გამოგვაცლიან მერხებს თუ სკამებს და თითის წვერებზე ამხედრებულ ქალბატონები ფართო აივანზე გაანახლებენ საარაკო ტრაპეზს.

ყველაფერს კი უსწრებს მარტვილის ეროვნულ მუზეუმში განცდილი წუთები. ოთხმოცი წლის ბერმუხა გივი ელიავა ჭარმაგული ალტკინებით გვწინამძღვრობს ექსპონატების ხომლეულისკენ.

თხელია და სალეს ქვასავით დალეული.

ჭკვიანი თვალები წყალთაგან ნაცად ქვიმასავით დაშთენილა ხორცის ფსკერზე და სულის კარიბჭესთან.

გაუბზარავი ხმით წარმოგვიჩინს საჭყონდიდოს არეალში მოძიებულ ნიმუშებს:

დინოზავრების პრეისტორიული ნაფეხური დაუტყვევებია გაქვავებულ ლავას თუ მაგმას.

ნიაშორის, იგივე გარეთხას წარმოუდგენლად უშველებელ ფიტულს საარაკო რქები ჩამოზიდვია. იქნებ მსგავსი ეგზემპლარის აღორძინება მოუხდეს მუზეუმის დირექტორზე უხუცეს სელექციონერს, ბატონ ვალერიან არონიას ჯვარცმული აფხაზეთიდან?

წარმოჩენილია ანტიკური ხანა. მასალები, ფასდაუდებელი მასალები ათასწლოვანი სამაროვანებიდან და მაინც მარტვილის ეროვნული მუზეუმის ინდივიდუალობა, შეუდარებელი თავისთავადობა და ქართული სულიერების ტრამპლინი ოცდამეერთე საუკუნეში, ესოდენ სასურველი კირბეზია — მრავალგზის დაფიქსირებული ისტორიოგრაფთაგან, კაცობრიობის ლულულის ჟამინდელი ჭადა ქვები, დაუდგრომელი ადამიანის რუდუნებით ნატვიფრი, ნაკაწრი ბიოგრაფია. მრავლისმეტყველი ნაოჭები, ღარები და ხაზები, ვინ იცის, რა შინაარსს, რა საიდუმლოებას ლულულელებენ შთამომავლობისათვის?!

ათი მონოგრაფია ცნობილი მიზეზების წყალობით ვერაფრით დაძრულა მენცარაკოჩის საწერი მაგიდიდან. ისტორიის მეცნიერებათა კანდიდატს გასრულებული სადოქტორო დისერტაციის აპრობაციისთვის ვერანაირად მოუცლია. ჩანთქმულია კირბებში, ჩაკარგული, დილა-სისხამისას რომ სჩვევია ტაბაკონის მთას შეჯანლიანება, იმგვარად.

დინჯი და იშვიათი მთხრობელია კინო-კამერის წინაშე. ექსპონატებს დაძარღული ხელით ალაგებს მაგიდაზე. ჩესურის ნაჭრის კოლხური ქუდი უნახვევრებს მაღალ შუბლს. ოდნავწამოზრდილი წვერის მოსაპარსად სადალაქოში წასვლას არ ინებებს — მზე მიიჩქარის დასალიერისკენ, ადამი-

ანის ცხოვრებაც ხომ მოსწრებაა უამსაწამისო ელეხსა და მელეხს შორის?!

ვენურ სკამზე მოკალათებულს თავზე ვადგავართ მე და ჩემი რესპოდენტი. ერთი კვადრატული მეტრის სივრცეში ათასწლეულების ბობოქრობაა, აურაცხელი თაობის მღელვარება და ზემსწრაფველობა სათავიდან სათავისაკენ. მსცოვანი მეცნიერის საათნახევრიან საუბარს რამდენადმე თუ შეკუმშავ ბელეტრისტული კანონზომიერებით და პუბლიკაციის ფორმა-შინაარსს მიანიჭებ, დაახლოებით ამგვარი ტექსტის გამოძერწვა მოხერხდება:

— კოლხები, ეგრისელები იდეოგრამული დამწერლობის ავტორები არიან, — პირწავარდნილი მოგვივით ხყვება ბერმუხა ჭყონდიდელი, — იდეოგრამული და კარტოგრამის კულტურა, დიახაც, აქ, ეგრისში, კოლხეთში, უფრო სწორად წინა აზიის ამ რეგიონში, ქარდების, ქალდების, ხალდების ქვეყანაში წარმოიშვა, ჯერ კიდევ წარმართობის უადრეს ეპოქაში: ვარსკვლავთ-მრიცხველი ქურუმები ხომ ციურ სხეულთა ხატებით თვლიდნან და კითხულობდნენ აზრებს, გამოთქმებს, იქნებ — ბგერებსაც, — ფრთხილია მეცნიერი, — უფრო მეტად — მეტყველების მცირე ნაწილის გამოსახატავად. ეს მოვლენა შეინიშნება სამყაროს ყოვლად განვითარებულ ცენტრში, შორხანად და უფრო გვიანაც. ბატონი ივანე ჯავახიშვილი წერდა: **ქართული დამწერლობა გაცილებით ძველია და მისი დასაწყისი შორეულ წარსულში ინიჭება, მცირე აზიასა და გუშინდელ საბერძნეთში უაზრობაა ვეძიოთო.**

თვით ქართული ანბანის მოხაზულობა ისეთია, რომ ის შეუძლებელია წარმართობის ხანისა არ იყოსო, რაც უხსოვრობის დროინდელის, მითაჟამინდელის ტოლფარდია მეცნიერული ქვეტექსტით, მინიშნებით.

ასეთი გამონათქვამი ბუმბერაზი მეცნიერისა, სტიმულია ჩვენთვის მოკრძალებით განვავითაროთ წამოწეული ხიპოთეზა, მითუფრო, როცა საამისოდ ხელშესახები მასალა უხვად წარმოიჩინდება. მცირე აზია, განსაკუთრებით ქალდების, ხალდების ქვეყნების და მერე შედარებით განვითარებული ცივილიზაცია კოლხეთის სახით არის ინიციატორი ასეთი დამწერლობის პირველი საწყისი ნიშნებისა, რაც მოგვიანებით უფრო დასრულებულ-დახვეწილ ფორმებშიც გამოიხატება;

ეს იმაზე მეტყველებს, რომ აბორიგენი ქართული მოსახლეობა აქ იწყებს თავისი ცივილიზაციის ამოსავალს, აქ ვითარდება და სახიერდება. ამ დასკვნის გამბედაობას მრავალი მეცნიერის გამომხატურება კვებავს, — უმწიკვლო თვალებით ამოგვხედავს ღვაწლმოსილი მეცნიერი, კონკრეტიზაციას გაურბის, მოკრძალებულია, თუმცა ჩვენ ხომ წაკითხული გვაქვს მარტვილის ეროვნული მუზეუმის ალბომების სერიალი, სადაც შავით თეთრზეა მითითებული: „ავტორის □გ. ელიავას) დასკვნა, „რომ ჩვენს ხალხს, ქართველებს, ქართველ ხალხს გვარონული წყობილება ადგილზე გაუვლია, აქვე უცხოვრია, უვითარებია თავისი ცხოვრება, შეუქმნია სოფლები და ქალაქები, თავისი დიდი კულტურა და ასე მოსულა დღემდე“, ამგვარი მოსაზრება ქართველთა შესახებ დიდი ხანია ჩვენს სამეცნიერო ლიტერატურაში გამოთქმულია და გაზიარებული. გ. ელიავას მასალები კიდევ უფრო ამაგრებს ამ მოსაზრებას“.

ეს სიტყვები აკადემიკოს შოთა მესხიას ეკუთვნის, ხოლო აკადემიკოსი ნიკო ბერძენიშვილი რამდენადმე გულუხვია თანაკუთხელ მეცნიერზე, არ შეინანებს მისთვის იმედისმომცემ ნაპერწკალს: „ავტორს ეტყობა კვლევის ნიჭი და დაკვირვების უნარი. მისი მეცნიერული დასკვნები სწორია, რაც იმის საწინდარია, რომ ავტორი საჭირო მეცნიერული სკოლის გავლით ჩვენი სამშობლოს ერთ-ერთი სასარგებლო მკვლევარი გახდება“. აი, ამას გულისხმობს ბატონი გივი ელიავას ფრაზა: „ამ დასკვნის გამბედაობას მრავალი მეცნიერის გამომხატურება კვებავსო.“

დიახ, მოკრძალებულია ცოდნით სავსე, სიბრძნით დატენილი, ზერეღე და ქარაფშუტა კი — ხმაურთან უნიჭობას ამოფარებული თავკერძაა.

— ჩვენ ჩვენს ადრეულ წერილებში, შრომებსა და შემდგომ დასკვნებში აქ ქართველი ხალხის აბორიგენობის საკითხს ვუჭერდით მხარს და ვამტკიცებდით ჩვენი მასალებით, რომ ამ აბორიგენ ქართი-ქალდი-ხალდი ხალხს დამწერლობის პირველი ცდები ძალიან ადრე დაუწყია. თუნდაც წარმართ ქურუმებს, მოგვებს ასტრალური სხეულების მოხაზულობის საიდუმლო მეტყველი ნიშან-ხატებით გამოუსახავთ, ციურ სხეულთა საკმაოდ ცნობილი და აღიარებული ხატები: ჩვენთან მზე და მთავრე, მათი ხატები, ხატობრივი ნიშნები — კრიპტოგრამა იყო პირველი ასო, ბგერა, იგი ჯვარსა და მთვარის დისკოშია გამოსახული სვასტიკისა და ოვალის სახით, რომელთაც ბრუნვის გამოსახატავად ქიმები ხქონდა, რაც გვიან განსხვავდა, მოშორდა და დარჩა ჯვრისა და ოვალის გამოსახულება ხატ-ფიბულების სახით.

მასში ეტყობა თავიდანვე აზრი იყო ჩადებული ბგერის გამოსარჩევი, საიდუმლო წაკითხვისა და გამოსახვის, მეტყველების უდავო პირველი ნიშნები. ამრიგად, ციურ სხეულთა ვარსკვლავური

□მურიცხთა), — ბატონი გივი წამიერად ყოვნდება, თვალები კირბების ექსპონატების ვრცეულობაში დანთქმია. უნებურად „მურიცხს“ ზოგადქართულ „ურიცხეს“ ვუკავშირებ, როგორც უთვალავის, აურაცხელის სიმბოლოს, მაგრამ ამისი გამოთქმის დრო და საშუალება წარმეტაცება, ვინაიდან მსწრაფლ გადააბამს ახალ მოსაზრებას დახანებულ წინადადებას, — გამოსახულებები საიდუმლო მეტყველების უტყუარი მოწმენი გახდნენ. ისინი იქნებ ბგერებს გამოხატავდნენ, შემდეგ კრიპტოგრამული გამოსახულებანი კოდად დაიდეს, ციურ სხეულთა სახელობით გამოსარჩევად, აზრის გამოსახატავად. ეს ქურუმთა საიდუმლო დამწერლობის დასაწყისი გახლდათ.

უდავოა, მათ უფრო გვიან სხვა საშუალებებიც ხქონდათ გამოყენებული, როცა ისინი მრევლის, მორწმუნეთა საერთო დამწერლობად იქცა. საიდუმლო გაიშიფრა, ნიშნები გამარტივდა, გახშირდა და თანდათანობით იდეოგრამული დამწერლობის საფუძვლები შეიქმნა.

ასე, ადამიანის გონებრივ განვითარებას მოხყვა ეს სასწაული, განსაკუთრებით გამოთქმა, ბგერითი გამოთქმა დადგა დღის წესრიგში — ხატ-ხაზულებით.

ამისთვის ქვა ან ხვინჯკა ორივე მხარეზე სწორდება, პრიადდება და ამ გასწორებულ, გაპრიალებულ პირზე იხაზება, იჭრება ეს ხატ-გამოსახულებანი, კრიპტოგრამებით კოდირებული იდეოგრამული ნაწერები. იგი გამოხატავს მეტყველებასაც და გეოგრაფიულ მისანიშნებსაც. იწყება კარტოგრამული მონაცემების ამოხაზვა, იქმნება კირბები, რაზედაც ცნობა მოგვცა აპოლონიოს როდოსელმა თავის „არგონავტიკაში“:

კოლხებს შენახული აქვთ თავიანთი მამებისაგან დანაწერი კირბები, სადაც წყლისა და ხმელეთის ყველა საზღვარია მეზღვაურთათვის ნაჩვენებო. იგი იხაზებოდა ქვაზე, ძვალზე, ტყავზე, ლოკოკინათა ქერეჭებზე, თევზის გაპრიალებულ ძვლებზე და ასე შემდეგ.

ამ დროის პირველყოფილი ადამიანი ყოველგვარ საშუალებას მიმართავდა თავისი აზრის წერილობით გამოსახატავად. სანამ იგი იდეოგრამას პირდაპირ არ მიაღვა; სანამ არ შეიქმნა კირბები ქვიშა-ქვებზე, კირბები ჭადა ქვებზე, ხვინჯკებზე, ასე — სხვა მაგარ საშუალებებზე, მათგან დამზადებულ ფირფიტებზე.

იგი დამწერლობის ადრეული ფორმა იყო, უფრო განვითარებული და სრულყოფილი, იმ ასტრალურ ხატთა შემდეგ. მასში ჩაერთო კრიპტოგრამები, როგორც კოდები; ეს დამწერლობა ადრეულია, წარმართობის უძველესი პერიოდისა და იგი ასტრალურ ღვთაებათა ბგერითი გამოსახვის შემდეგ ყველაზე ზოგადია და დეტალურადაა გამოხატული დამწერლობამეტყველებული ფორმები, ნიშნები. უფრო გვიან მასში ჩაერთო კრიპტოგრამები, როგორც კოდები, როგორც სახეობრივი გასაღებები. თუნდაც ჩვენს ხელთ არსებული კირბების გასაღები კოდები, — ჭყონდიდელი მეცნიერი სათითაოდ უახლოებს კინო-კამერის ობიექტივს ხელისგულისოდენა საკრალურ ქვებს თავისი მოსაზრების დასადასტურებლად, მაყურებელში მეტი დამაჯერებლობის მოსაპოვებლად. ჩვენთვისაც გამიზნულია ეს არგუმენტაცია. მუზეუმის ათიოდე თანამშრომელი კი მონდომებით ფუსფუსებს სათადარიგო მაგიდასთან, ვენახის კიდზე, რომელიც ამ ცა და მიწასავით უხსოვრობისდროინდელია, მითაჟამინდელი. სახელითაც გამოხატავს მომშენებლის ვინაობას. „ნოვა“ ხქვია. აქედან ბიბლიურ ნოემდე ხომ ერთი ნაბიჯია? სუფრაზე მიყოლებით ჩნდება ცხელ-ცხელი ხაჭაპურები, დოქებით ღვინო. ოხშივარი ასდის მოხარულ ხორცს, მაგრამ საამისოდ არც ნერწყვი გვემეტება და აღარც — მზერა, — ეს კრიპტოგრამები, კოდებად გამოყენებული სახეები, ჩვენს ხელთ არსებულ იდეოგრამულ მასალებში მრავლადაა წარმოდგენილი. ეტყობა მაშინ სრულ გაბატონებულ ფორმას წარმოადგენდა. შემდეგ მას მოსდევს, ან მასში ჩართულია ვრცელი ხაზულები, იდეოგრამული დამწერლობის ნიშნები. ხშირად სტრიქონებად წარმოდგენილიც კი, თუნდაც ქანდაკება „მესეფი“.

მუშტისხელა ძლივს არის დასახელებული ქანდაკება. დიდი შემოქმედებითი ენერჯიაა ჩაქსოვილი მასში. ვერტიკალურად კაცღვთაებაა, ხორიზონტალურად — თევზღვთაება, ხოლო ზურგზე — იდეოგრამაა, და ერთხელაც ეხმაურება ადრინდელ მოსაზრებას წმინდა იოანის თაობაზე, რომელიც შუმერებს ასწავლის მიწათმოქმედებას, დამწერლობას, მშენებლობას, განმანათლებლად მოველინება მესოპოტამიას.

განა იგივეს არ გვიდასტურებს ნუნისის ვეშაპი, თუ ახალი აღთქმა? ანალიზისთვის, დასკვნებისთვის დროს არ გვიტოვებს ჭყონდიდელი ბერმუხა. უმაგალითო ტემბრით აშენებს და ლარავს სასურველ ციტადელს ქართული ეზოთერიის საყრდენად. დარწმუნებული ვარ, როგორც კი ამ ნიმუშებს იხილავენ ეზოთერიისათვის დამაშვრალი პიროვნებები, ბატონები: ალექსანდრე ჩუბინიძე, გივი ალაზნისპირელი, ხამლეთ წულაია, ზურაბ ქაფიანიძე, ჯერ ერთი, შვების ცრემლი ხომ მოერგვათ, და ჩაუვარდებთ ხელთ?! — კოცნა-კოცნით გალევენ, როგორც ქართული სულიერების ნამცეცში არეკლილ უსასრულობას.

— ასეთი ხაზები ხვინჭებზე და ჭადა ქვებზე ამოტვიფრულია არა ბუნებრივი ღარებით, — რულუნებით მიუყვება თავის აღმართს მარტივლის ეროვნული მუზეუმის მსცოვანი ღირვეტორი, — არამედ — ხელით ამოღარვით და მიუთითებს მიმართულებას, მდგომარეობას, გავრცელებას, მასშტაბებს.

ასეთი ერთეული ნიმუშები ჩვენს ფონდში მრავალია და ახალ-ახალი ექსპონატები კვლავც და კვლავც ჩნდება იმავე ადგილებიდან: ალანიას გადან, ლეხინდარაოდან, კოტორიდან, ვედიკარის ნოჯიხუდან, აბედითის დიხაზურგადან, ნახუნაოდან.

ესენი პირველი კირბებია, იდეოგრამები და კარტოგრამები. მათგან გამორჩევა შეიძლება აზრიანი, მეტყველი ხაზებისა. ასეა თუ ისე, კოლხეთში იყო დამწერლობის პირველი ნიშნები, რაზედაც ასე ხაზგასმით ვპოულობთ ცნობებს ანტიკურ წყაროებში, — უძირო თვალებით ამოგვხედავს უხუცესი გივი ელიავა მე და ჩემს რესპოდენტს, — მათ შორის ხეროდოტესთან, ხომეროსთან, არგონავტებთან, თუნდაც — აპოლონიოს როდოსელთან.

ეს პირობითი ნიშნებია, იმ კრიპტოგრამების შემდეგ მათთან ერთად და მათი მეშვეობით კოდირებული. ეს პიქტოგრამები შესანიშნავი მაგალითებია, თუნდაც ასო პიქტოგრამა კიდევ ნახევარი მთვარე. აქ პიქტოგრამა ნახევარი ოვალი გამოხატავს მთვარის ღვთაებას და ასო-ანბანის დასაწყისი სწორედ ამით დაიწყო იმ საიდუმლო ანბანწერაში. შემდეგ მზის გამოსახულება, მისი მბრუნავი სხეული-სვასტიკა არის ასო ნიშანი — ეს ნიშანი მარტივლის მონასტრის ჩრდილოეთის შიდა კედელზე, სვეტის ფარზე მოხატულობაშია მოცემული გვიან. ასევე, გვიან, ეტყობა ამ კრიპტოგრამასთან გრაფემას ქიმები მოშორდა და ჯვარის ხატსალოცავად დარჩა. მსგავსი ხატებიუღა ჩვენ ვიპოვეთ კურხუში, აპოლონ ახალაიას ეზოში, ჭილაიების ყოფილ საცხოვრისზე, სამაროვანში ათეულ ცალობით და ასე შემდეგ.

ამრიგად, ესენი ადრეული აზრჩადებული ნიშნებია. მათგან სწრაფსაწერად იდეოგრამების შემუშავება შემდგომი ეტაპია. ეს სახალხო, საზოგადო დამწერლობის დასაწყისია. იგი მოსიარულეთათვის გზის საჩვენებლად და აზრის საამბობადაა გათვალისწინებული.

მზის სიმბოლოდ ჯვრის, უკეთ სვასტიკის წარმოჩენის ბატონი გივი ელიავასეულ კონცეფციას რატომღაც არ ვეთანაწყობი, ვინაიდან, მბრუნავი ჯვარი დედამიწის ხატია. ბორჯღალიც ხომ ამას მიუთითებს, სადაც თითოეული ხაზი, ქიმიანად 35 გრადუსს შეესაბამება და საბოლოოდ ვლებულობთ სრულ წრეს, 360 გრადუსს. ამის თაობაზე ადრეც გვითქვამს და შემდგომშიც დავაწდევებთ აზრს რამდენადმე, მაგრამ მთავარი ის გახლავთ, რომ მეცნიერი შეუპოვრად მიუყვება დამწერლობის შექმნის ციკაბოებს. ვენურ სკამზე ალარული სხეული ნაცადი კავალერისტივით წამითაც არ შეუტოკდება ათასწლეულებზე გადაჯირითებისას. ხელები კი მოგეცა ლხენა, ქარგავენ და ახარატებენ ათას ფორმა-შინაარსს, უთვალავ, აურაცხელ ნასკვსა და მოხრილობას.

ხმაც შესატყვისი ტონალობით ეცვლება. ხელები და ბგერები ჰარმონ- იულად ძერწავენ ბატონი გივი ელიავას სულიერებას; და პოეტის თვალთ შეხედო, მისი სხეული ლოდებით ამოხერგილ მდინარის კალაპოტს მოგაგონებს ფიგურალურად, სადაც სული, ტემპერამენტი მათზე გაფიცებით მოჩქაფუნე თერგია გაათმაგებული.

— დრო გადის, სწრაფი და უფრო აზრიანი წერის საჭიროება დგება, — განაგრძობს მეცნიერი, — იდეოგრამაში ახალი აზრი ჩაიტოტება, ახალი სული ჩაიღვრება, იგი იქცევა ასო-ბგერად, რაც თვალსაჩინოდაა გამოხატული ურნებზე, ქვებზე. ამის სამაგალითოდ შეგვიძლია წარმოვადგინოთ კუფტინის მიერ ქვემო გომში ნაპოვნი ურნები, რასაც ხშირად იმოწმებდა და ანბანის პირველ არსებად, რეალურ სახეობად მიიჩნევდა აკადემიკოსი ამირანაშვილი:

— ასეთი ასო-ნიშნები შემდეგ ყოფით საგნებზეც ვლინდება. გრიგოლ შენგელიას ნაპოვნი ძვლის ლარტყულები კრიპტოგრამებია სურათებად გარდაქმნილი, თუნდაც მასზე ასახული ქალის ფიგურა ან დაჩოქილი მანდილოსნის მუხლისთავები და სხვა.

იგი ნაპოვნი „ჯოლორიში ღალუში“ — ძალის ღელეში, ჩხოროწყუში, — განმარტება ფართო აულიტორიისთვისაა უფრო განკუთვნილი, ვიდრე — ჩვენთვის და კიდევ სმენაგაფაციცებული კინო-ოპერატორ- ისათვის, ქანდელი დათო იაკობაძის მისამართით, — იგი ჩხოროწყუს მუზეუმში ინახება, გამოქვეყნებულია „ჩხოროწყუს რაიონის ტოპონიმიკურ კატალოგში“ და უფრო მეტი, ჩვენს მასალებშიც ურევია.

ჩვენ ვიპოვეთ სენაკში, ისულას მასალებში, ურნები, რომელთა კედელი ასეთივე ხაზობრივი ნიშნებითაა დამშვენებული. ეს ასო-ნიშნები თავდაპირველი ხაზობრივი ნიშნებია, რომელიც იდეოგრა-მიდან ამოვიდა, ადამიანმა თავის ყველაზე საჭირო ნივთზე — ურნებზე და ცხოველის ტანზე — ცხენთან დალის სახით ღერბად ამოტვიფრა და ეს ყველაფერზე აუცილებელი და საჭირო ცხოველის

საკუთრებად მიიღნა, რაც ბატონ სერგი მაკალათიას დამოწმებული აქვს წიგნში „სამეგრელოს ისტორია და ეთნოგრაფია“, — მსგავს მოსაზრებას ვხვდებით მეცნიერ ბეჟან კილანავასთანაც. მასალები მართლაც წლობით გროვდებოდა და ტბევდებოდა უფრო გაბედული დასკვნებისთვის, მაგრამ მიუფდლოთ ყური ჩვენს მსცოვან მეგზურს:

— რასაკვირველია, ეს დალი, ლერბი შემდეგ არ შეცვლილა და მოგვიანებით რამდენადმე განვიტარებული ასომთავრული და მხედრული ასონიშნებიც კი გამოყენებულა. ასე რომ, მისი გამოყენების ხორიზონტი უფრო გვიან ძალაშია და ვრცელდება საქართველოს კიდით კიდემდე.

ქართულმა ანბანმა იმ უძველესი დროიდან განიცადა სახეობრივი სრულყოფა. კირბებიდან ამოვიდა ასომთავრული, მრგვლოვანი ანბანი. შემდეგ იგი ნუსხური დამწერლობით განსხვავდა, ხოლო გვიან, თანდათანობით მხედრული დამწერლობით განსხვავდა. ასეთი განსხვავლება ქართული ანბანის უდიდეს მახასიათებელს წარმოადგენს, რაც თვალსაჩინო მოვლენად მიიჩნევა.

აქ, ამასთან ერთად, სხვა რამეცაა ყურადსაღები: იმ უძველეს დროში, ანბანის წარმოქმნის პირველ ეტაპზე, ჩვენგან გასულმა პელაზგებმა, კორინთოში თან წაიღეს ეს ნიშნები და გამოიყენეს კიდევ. მისი ერთ-ერთი ეგზემპლარი ქვის ზოდი, რომელზეც არის ორხაზოვანი ასო-ნიშანი — ბწყარი, სრულიად ადეკვატურია B ხაზობრივი ნიშნიან წარწერებისა. იგი ნაპოვნია ისევ ჩხოროწყუში და ინახება რაიონის მხარეთმცოდნეობის მუზეუმში. იგი ერთეულია, მაგრამ არა იმპორტული: აქ არის დამზადებული, განსახლებამდე, ამ თარ-გულაზე არსებული კერიდან. ვფიქრობ, რომ ეს ძველსამყოფი, სადაც ანბანის ქვების ფილების მოპოვება შეიძლება მუხურში, ხაბუმეში, ოსინდალეს ფერდობებზე, ხობწყარის ნაპირებზე, უფრო და უფრო დაადასტურებს პელაზგთა უძველესი განსახლების საპოლემიკო საკითხს.

კორინთული B ნიშნით წარწერიანი ლოდები, ქვები აღწერილი აქვს ჩედევიკს წიგნში: „მიკენური სამყარო“. ესეც უცილობლად მეტყველი ფაქტია და ჩვენს მოსაზრებას ემთხვევა, რომ იბერიული ტომები ხმელთაშუა ზღვის აუზში გასულან, აბორიგენი მოსახლეობის ნაწილს ადგილზე ახალ საცხოვრისზე გააქვს ცივილიზაციის აქაური, საკუთარი მონაპოვარი, იყენებს და ავრცელებს მას. იქნებ ასე გახჭონდათ ნიშნიანი დამწერლობა ეტრუსკებსაც და ბასკებსაც, — რაოდენ ნიშანდობლივია ჩემთვის ამწუთას ბატონი გივი ელიავას ფრაზა. მყისვე ამოტივტივდება ჩემში ინდოევროპელებისგან შევიწროვებული ბასკების თუ ირლანდიელების საწუთრო, თანატოლი, ბადალი და მსგავსისმათიანი ჩვენი ხალხისა, ნიადაგ რომ გვანამცეცებდა მომხდური, გვაჭეჭყავდა და მიგვაგლესდა ხოლმე კავკასიონის მთავრეხილს ზევსის არწივისგან ღვიძლდაკორტნილ ამირანსავით?! — ამდენად, აქედან გატანილია მეტყველება, დამწერლობა, ყოფითი ელემენტები, ტოპონიმია, არქიტექტურა და ბოლოს — ცოდნა თარ-გულაზე, ხსოვნა თარ-გულაზე; აქედან გაიტანეს და შეინახეს დიდხანს, იქნებ დღემდე, რასაც ადასტურებს ენობრივი მასალა, ტოპონიმია, ეთნიკური ელემენტები. ესეც მომავლის შესწავლის ობიექტი უნდა გახდეს.

რასაკვირველია, მე ვიცნობ საწინააღმდეგო აზრებსაც, ზოგჯერ კარდინალურად განსხვავებულსაც, მაგრამ ყველაზე უფრო მეტად და კატეგორიულად ლეონტი მროველის მიერ ქართული ანბანის ფარნაგაზის დროს შექმნის ხიბოთუზა მიმანია. იგი საფუძველს მოკლებულია თუნდაც იმ მარტივი მიზეზის გამო, რომ ჩვენს წელთა აღრიცხვამდე 284 წელს ქართული ანბანის შექმნა ყოვლად შეუძლებელია; ამ დროისათვის ქართველებს უკვე გააჩნდათ რამდენიმე ათასწლოვანი ანბანი. იგი ეტყობა ადრე იყო ხმარებაში და ელინისტური ლიტერატურის კორიფეები: ხეროდოტე, აპოლონიოს როდოსელი, მას ხელშესახებად იცნობდნენ.

ასევე ვერაფრით გავიზიარებ ბატონი კორნელი კეკელიძის დაბეჭდილებულ მტკიცებებს ქართული ანბანის გვიან წარმოშობის თაობაზე; სომხურ ანბანთან ურთიერთობა და მამტოცის მიერ ქართველთათვის ანბანის შექმნა ხომ ტენდენციურზე ტენდენციურია, თითებიდან გამოწოვილი განგებ-ცდომილება. ესენი ყველა უკვე კარგად ცნობილი თვალსაჩინო მასალების წინააღმდეგ მეტყველებენ, შავით ნაკერ თეთრს ხგავს, უხვირო მამლის ქურდს, რომელსაც სასაცილოდ ამხელს ილიიდან გამოჩრილი ნამგალა კული. არც ბერძნულს, აღარც ლათინურს და სომხურს ხმა არ ამოეღებათ ქართული ალფაბეტის ორიგინალობის წინაშე. ათასწლეულების წიალიდან კოლხურმა კირბებმა ენა ამოიდგეს. ჯერ კიდევ ახალფეხადგმული ჩვილის დონეზე ტიტინებენ ისინი, ენას იჩლექენ, ბორძიკებენ, ენაბრგვილობენ ჯერხანობით, მაგრამ გაივლის წლები, წამოჩიტდებიან ჩვენი კირბები. ნიმუშს ნიმუში მიემატება, ექსპონატს — ექსპონატი, დაჭაბუკებიან, დაჭარმაგდებიან და ადრე თუ გვიან უსათუოდ ამეტყველებიან იოანე ზოსიმეს საკრალური სიტყვებით: „ყოველი საიდუმლო ამასა ენასა (ერი, ეთნოსი, ზ. გამსახურდიას მიხედვით, გ.ო.) შინა დამარხულ არს.“

ძიება, მუდმივი ძიება, ახალი აღმოჩენები, ახალი სიტყვა არქეოლოგიაში, ეთნოგრაფიასა და ენთამეცნიერებაში ამ დამარხულ საიდუმლოს საბოლოოდ დაადგენს. იქნებ იგი წინააზრის ცივილიზაციის — „რატომ სრულიად დედამიწის არა“? მივაგებებ ფიქრებში მსცოვან მეცნიერს, — სულიერი ეპიცენტრის გახსნისა და გაშიფვრის საშუალება გახდეს და ეს იქნება ნამდვილი სასწაული, იგივე სარწმუნისი, ჩუბინიძისეულად, ოქროს საწმისი, ფენიქსივით მკვდრეთით აღმსდგარი მთელი კაცობრიობისათვის! — ამგვარად ასრულებს საუბარს ჩვენი მეგზური და მეკვლე, ესოდენ გახმაურებული კირბების ერთადერთი მეციხოვნე იდუმალი ჭყონდიდის ცისქვეშეთში და კოლხისთვის ნიშანდობლივი თავაზიანობით სახელდახელო სუფრისკენ მიგვიძღვის.

ფორმულა მეექვსე

დაგვეთანხმებით, ამნაირი ამაფორიაქებელი დოპინგების შემდეგ, მიდი და თვინიერად ნუ დაუდგები მარტვილის პირმორღვეულ ზეცას!

ახლა კი დედაქალაქისკენ დავშვებულვართ.

გალარულ ტრასაზე მიქრის „BMW“.

ნამუსიანი ღვინო დაგვინდობს და საგრძობლად იზარალებს თოფაძის ლუდი.

თავიდან საჯარიმო განწყობილებით დაძრული ავტონისპექცია მხედრული წესით გვესალმება გზა და გზა.

ზურგს უკან რჩება აბაშა, სამტრედია, ქუთაისი.

სენაკში ჩემი ერთ-ერთი სხარტულას პერსონაჟს, განუმეორებელ ტარიელ დგებუაძეს გავუვლით, მაგრამ საოპერაციოდ წასულა. ჯანმრთელობას, დღეგრძელობას ვუსურვებ გულში.

კოლხეთის იძულებით დატოვების ხრამი ნელ-ნელა ივსება, თანდათან იკრავს პირს იგნორირების, უგულვებელყოფის, აუტანელი გულცივობის ოთხწლიანი ნაპრალი და ყოველივე ამას უწინარესად ჩემს რესპოდენტს უნდა ვუმადლოდე.

იპოდრომის ნაესაყუდელთან მომძლავრებული ქარი უმისამართოდ რომ გაფანტა ფურცლებს-მეთქი, მისხენებია ზემორე, რაც მეტ დაკონკრეტებას მოითხოვს: „მეიროხანიდან“ და „შურობუმუდან“ ქვაზე ქვის დამდუღებელ, უგვანოთა მამხილებელ 7-6 ფორმამდე წერილს შეველევი. დასახელებულ კორესპონდენტებს როცა გაეცნობა ჩემი რესპოდენტი, დაუფარავად მეტყვის:

— შენ ჩინებული თეორეტიკოსი ხარ, ზოგადის, მთელის კონტურების მკვლევარი და საყველპურო კონკრეტიზაციით დისონანსი შეგაქვს ნააზრევში. ეს წერილები შეგიძლია ცალკე წიგნად აკინძო, სხვა დანიშნულების სათაურქვეშ მიუჩინო ბინა, მაგრამ არავითარ შემთხვევაში — აქ და ამ სიტუაციაშიო.

„ჩინებული თეორეტიკოსის“ ეპითეტი შესამჩნევად შემშუმუნავს, ყარაყუმის ქარებით გადამიქროლებს სახეზე. ვეღარც მოთნეობას დავიჭერ ინტონაციაში, განდიდების მანია ხომ ადრეული წლებიდანვე გამომიბერტყავს სხეულიდან, და „ვნახოთ-მექით,“ დავყაბულდები სანახევროდ, მაგრამ მომდევნო დღისთვის ლამის ასოცი გვერდი გამომიხშირავს დასახელებული თხზულებებიდან და რაც ყველაფერზე მთავარია, იოტისოდენა სინანულიც არ მიედევნება ამ ქირურგიას.

გალარულ ტრასაზე მიქრის „BMW“. უხმოდ მივუყვებით გზა-სავალს. ჩამოგვრჩება ზესტაფონი და ხა, რიკოთის დაკლაკნილ აღმართებსაც შევუდგებით.

— ნუნისს გამოვცდით, — დავარღვევ ერგასწუთიან დუმილს.

— შენი პოზიცია უფრო მენიშნა, — შემეხმიანება ბატონი აპოლონი, — ეტყობა მისტიკისთვის მეც ნაკლებად ვარ მომწიფებული. ჩუბინიშვილის ღმერთ-კაცის თეორია, ღვთიური მდგომარეობის ადამიანების ალგებრა, ალაზნისპირელის ნოეს სტაციონარული ქვის კიდობანი ბერთაკლდესთან, თვით ჩემ თანამოგვარეს მომაჯადოებელი ლოგიკა დედამიწის ღერძის გადახრის თაობაზე, ნაკლებად გასაზიარებლად მეჩვენება შენეულ კონცეფციასთან შედარებით.

ჩვენ ხომ დაზუსტებით ვიცით, ბიბლია უშემერული წმინდა წერილების გადამღერებაა, კარგად დავიწყებული ძველის ახლის შემოსვა.

ყოფილიყო დედამიწაზე მალაღანავითარებული ცივილიზაცია, მისი კვალი სადმე აღმოჩნდებოდა, თუნდაც ნამარხის სახით. რა, თიხის ურნებს ვპოულობთ და იშვიათი ლითონების აპარტურა გადნებოდა მიწის წიაღში? ხოლო თუ ჩვენს პლანეტაზე ზესიმძლავრის კატასტროფა მომხდარა, რამაც კუთრი წონის შესაბამისად გადაადნო ეს ხელსაწყოები და დედამიწის ეპიცენტრისკენ გააქანა ფიზიკის კანონის კვალობაზე, ამისთანა შემთხვევაში შეუძლებელია ცოცხლად დარჩენილიყო არათუ ხომო საპიენსი, თვით — პრიმიტიული ფორმებიც. ხოლო რაც შეეხება წარღვნის პერიპე-

ტიებს, ეს წინაღობა სრულიად უსუსურია მაღალგანვითარებული აპარატურის მოსპობის გზაზე. ნიჟარას ვპოულობთ მარმარილოს ქანებში და ლითონი აორთქლდებოდა? ამიტომაც ჭეშმარიტებასთან შენ მგონიხარ ყველაზე ახლოს.

ჩუბინიშვილის 13 რიცხვის საიდუმლოების ამოხსნამ შენ ახალ რეალობამდე აგტყორცნა. ნოეს კიდობნის პარამეტრების ანალიზი მთელი ამ ეზოთერიის გვირგვინი მგონია. თავად რა აზრისანი არიან შენეულ ვერსიაზე? გისაუბრიათ? — მეუბნება და სიჩქარეს მოუნაცვლებს.

— სამჯერ შევხვდით ერთმანეთს მწერალთა კავშირში, პოეტ დავით მჭედლურის კაბინეტში, მე, ბატონი ვლადიმერ ჩუბინიშვილი და შენი ჯიშ-ჯილაგი ხამლეტ წულაია. მანამდე წიგნებით ვიცნობდი ორივეს. გასაოცარი ხალხი აღმოჩნდა. „საქართველოს რესპუბლიკაში“ გამოქვეყნებულ სტატიას „სენსაცია სრულიად არასენსაციურად“ განსხვავებულად შეხვდა მკითხველი საზოგადოება. ბევრი შეურაცხადის ნაბოღვარის დამადასტურებელ ნიმუშად დააფრიალებდა იმ ნომრებს დედაქალაქსა თუ კოლხეთში.

თავად ვლადიმერ ჩუბინიძე აღფრთოვანებულია მისით.

ბატონი ხამლეტ წულაია მდუმარებას ამჯობინებს. რაც შეეხება ზოგს, ეზოთერიის ყველა ჭიპის გამნასკველს, სათოფეზე არ მიკარებს: „მომთხარეო“, მებღვირება.

ამ კატეგორიის ხალხს ლოგიკური აზროვნება, დამამტკიცებელი საბუთების მაგიდაზე დალაგება მოთხრად მიუჩნევია. ბიბლიის საჭვეყნოდ ცნობილ პასაჟებს მივყვები, ბატონო, აპოლონ, და იქ შავით თეთრზე გარკვეულად აღსდგება ნოეს კიდობნის შექმნის ყველა ნიუანსი: მასალა — ურთხელი, შეფისვა შიგნით და გარეთ, სარკმელი ზევით, მოძრაობა და ასე შემდეგ. რა, დამემალა კაცობრიობისათვის? თუ ვცდები, სხვა ამბავია, მაგრამ მომიტანონ ბიბლიის ისეთი ტექსტი, სადაც ეს შტრიხები სხვაგვარადაა წარმოდგენილი და თითს მოკვაკავ! რამხელა იმედებს ვამყარებდი მწერალთა კავშირში შეხვედრაზე?

— რატომ მწერალთა კავშირში და არა თუნდაც მეცნიერებათა აკადემიაში?

— ყველაფერი იოანე ზოსიმეს „ქებაი“-სთან იყრის თავს. ვიფიქრე: რადგანაც სიტყვის ფენომენზეა მსჯელობა და მისი ეზოთერია მრავალს გვაღვლეებს, იქნებ ქართული სიტყვიერების ტაძარი წარგვიძღვეს წინ გზისგამკვლევე შუქურად-მეთქი.

დაგვეგმილი მქონდა ეზოთერიის საკითხებზე კონფერენცია ჩამეტარებინა აბასთუმნის ობსერვატორიაში. ჯერ ერთი, ამით საფუძველს ჩავუყრიდი ქართული ეზოთერიის სკოლას, მერე მეცნიერულ კონსერვატიზმს და დილეთანტურ სითამამეს რაღაცნაირად დავაახლოვებდი ერთმანეთთან. ესეც რომ არა, ნიადაგს შევამზადებდი რომან-ტრიადა „სიცოცხლემისჯილების“ მესამე წიგნისათვის, რომელზე მუშაობას ეს ეს არის შევდგომივარ.

— მეუბნებოდი, თითქოს პირველი ორი წიგნის გამოცემამ გარკვეულწილად გამოკვეთა მესამე თხზულების კონტურებიო.

— ასეც არის. არ გამოვედგენები შინაარსობრივ მხარეს. ამჯერად ფორმას დავსჯერდეთ. ტრიადის პირველი წიგნი შვიდი ნაწილისგან შესდგება, მეორე — ცამეტისგან.

— აქედან გამომდინარე ადვილმისახვედრებელია, რომ მესამე ნაწარმოები 91 თავისგან შეიკვრება.

— ცამდე მართალს ბრძანებთ. მესამე წიგნი ფაქტობრივად შეაჯამებს პირველი-ორის ბუნება-ხასიათს, თეზა და ანტითეზა — გადაიზრდება სინთეზში, ხოლო არქიტექტონიკის თვალსაზრისით ოთხმოცდათერთმეტი დანაწევრების მანძილზე შიგადაშიგ წამოტივტივდება წინა წიგნების შვიდჯერ ცამეტი თემატიკა.

— სინთეზზე საუბარმა გამახსენა, შენ ამ ფენომენს ფილოსოფიიდან იცნობ უფრო თუ ბიოლოგიიდან?

— ძირითადად ზეგელს ვეყრდნობი და გენეტიკასაც ნაწილობრივ.

— გური, იცი, რა არის ელექტრომიკროსკოპში ჩახედვა? ამაზე მეტი საოცრება წარმოუდგენელია. ტელესკოპით ჯერ არ გამიხედავს ღია ცაში, მაგრამ დარწმუნებული ვარ, ელექტრომიკროსკოპი მაინც ჩემპიონია. მე მივუხვდი შენეული აზროვნების მოდელს. ეს ყველაფერი „სიცოცხლემისჯილების“ ყურადღებით წაკითხვიდან შევქელ. ჟინი ანთარის გენიამ შეგვასისხლხორცა. მისი საარაკო ცდები, მართალია, ბიოლოგიაში დღეს ევგენისტიკის სახელითაა ცნობილი და აკრძალულია ფაქტობრივად, მაგრამ უამრავ ქვეყანაში კვლავაც მისდევენ ხელოვნურ ჩასახვას. უფრო მეტიც, გასაოცრად განვითარდა გენური ინჟინერია. მიმდინარეობს გენის დაზიანებული უბნების მკურნალობა. ოცდამეერთე საუკუნე ამ ასპარეზზე საოცრებებს შემოგვთავაზებს, ალბათ. წარმოგიდგენია, უკვე პრიმიტიული უჯრედიდან მიღებულია თავი. კლონირება შესაძლებელს ხდის თმის ღეროდან ადამიანი აღვადგინოთ.

მისახვედრებელია საითკენ მივყავართ მეცნიერების მიღწევებს, განსაკუთრებით კომპიუტერს.

დავხატოთ ამგვარი სურათი: მდედარის მომწიფებული კვერცხუჯრედი შეყვანილია ელექტრო-მიკროსკოპში გასანაყოფიერებლად და სათვალთვალოდ. ათასობით, ათეულათასობით სპიროქეტა გარბის ამ სანუკვარი ოაზისისკენ და წარმოიდგინე, მხოლოდ ერთადერთი აღწევს მიზნამდე, მხოლოდ ერთადერთი, თავკომბალასავით წავიწროვებული სპიროქეტა. შუბივით გამსჭვალავს კვერცხუჯრედის დისკოს და სწორედ ამ მომენტიდან იწყება მართლაც ენით აღუწერელი დინამიკა. გენები წყვილდებიან გასაოცარი კანონზომიერებით: ხორციელდება საუკეთესოს ათვისებისა და უვარგისის უკუგდების მრავალჯერადი პროცესი და როდესაც უკვე განაყოფიერებული ინდივიდი მიაღწევს დასინთეზების კულმინაციურ ფაზას, მისი ფორმირებაც უსასრულობის ნიშნით, რვიანით, დამთავრდება.

გეუბნები, ამაზე უკეთესი სანახავი თვით ბერგმანისა და ფელინის ფილმებიც კი არ მეგულდება-მეთქი.

ჩემთვის გაურკვეველი სხვა რამეა: საიდან იცოდნენ ჩვენმა წინაპრებმა სინთეზის მეთოდის შესახებ? როგორ გგონია, ჩვენი პოლიფონური საგალობლები შემთხვევითობის წყალობაა, ან ფოლკლორული მემკვიდრეობის გენეზისის შედეგი?! ნურას უკაცრავად, ძმობილო, წმინდა სისხლის სინთეზური მიდგომების პირმშოა „ლილეო“, „ოლიოა“, „ჩაკრული“, „კრიმანჭული“, ვინაიდან ოქროს კვეთის საზომითაა აგებული თითოეულის მეტრიკა, რვიანების ღვთაებრივ წონასწორობაზე.

ეს ცოდნა ხაერიდან არ იწყებულა. გენში ორი სპირალი ეხვევა ერთმანეთს, ორი განზომილება, რაც ადამიანის არსს შეესაბამება, როგორც ნაპირი და ტალღა, ცივი და მცხუნვარე, უარყოფითი და დადებითი. ქართული პოლიფონია კი უფრო შორს მიდის. ბანსა და პირველ შორის იქარგება, იქსოვება სიმღერის უნიკალური სხეული. სინთეზის პროცესს მარჯი ჰეგელზე დაყრდნობით არწივისა და კვერცხის მაგალითზე წარმოაჩენს. მას აქედან გამოხყავს ზედმეტი ღირებულების თეორია, მაგრამ მეთოდოლოგიური თვალსაზრისით სრულიად მისაღებია, ვინაიდან უარყოფის უარყოფის თეორია ხსნის ამ ამოცანას: საკვლევად აღებული პირველი კვერცხი, რომელიც გაექცევა თავის ნაჭუჭს და არწივი განსხვავდება გარკვეული დროის შემდეგ, ისევ საწყის ფორმას უბრუნდება — კვერცხის აღნაგობას გარეგნულად, სინამდვილეში კი კოლოსალური განსხვავებაა პირველ და მეორე კვერცხს შორის თვისებრივად, ცხადია, პროგრესულსკენ და ეს ფაზა, მონაკვეთი, სპირალის სახით უსასრულოდ გრძელდება, ვიდრე ხომო საპინსის ნაპირს არ მიაღებდა.

ამწუთას მებადება ასეთი აზრი: ქართველი, ქართული, საქართველო საერთოდ სინთეზური აზროვნების პროდუქტია. წინააღმდეგ შემთხვევაში აბსურდია იოანე ზოსიმესგან ეზოთერისათვის თავსატეხად მოსროლილი მესიანიზმი: **„რაითა ყოველსა ენასა ღმერთმან ამხილოს ამით ენითაო“**. ჩვენ ადრეულ საუბრებში ქართული სახელმწიფოებრიობის უამრავ დამცავ მექანიზმს მივაგენით. გახსოვს, აქ უწინარეს მომენტად შორი ქორწინებები დავასახელოთ, რომელიც ხიბრი-დული გენოფონდის ჩამოყალიბების გარანტიაა, მაგრამ მარტო ეს როდი გახლდათ ქართველი კაცის ფენომენის ჯავშან-ბეჭთარი დროსა და სივრცეში, როგორც შენ გიყვარს ხოლმე თქმა.

პოლიფონიურ სიმღერაზე მოგახსენეთ იგი მითიური კოლხეთის სულიერი წონასწორობის ანა-რეკლია.

ინდოევროპული სამყარო უშორესი გადაადგილებებიდან მოყოლე- ბული ინდივიდუალიზმისკენ ისწრაფვის. ამისი ნათელი დადასტურებაა იტალიური მიმართება ვოკალთან. ქორალი უფრო ეკლესიამ შემოინახა, თორემ მეტი გასაქანი მიეცა სოლოს. ჩვენთან კი შეხედე, როგორც იწნება განსხვავებული ერთმთლიანი, ნაწილებისგან იკვრება ზოგადი და კონკრეტულის სახით უბრუნდება სინამდვილეს.

ენდემურ ჯიშებზე საუბარმა ხედავ, სანამდე მიგვიყვანა?! ქორწინების ინსტიტუტმა, მონოგამიამ გამოანთავისუფლა ქართველისგან გენეტიკური გადახრები, საუბარია აბსოლუტურზე და არა — შემთხვევითზე. ენდემურმა ფლორა-ფაუნამ განსაზღვრა რაციონის სახე, რაც არანაკლები მნიშვნელობისაა ანთროპოლოგიური მიმართულებით.

გახსოვს, ვისაუბრეთ არვეზე, რომელიც ძირითადად ეკალ-ლიქს ეტანება, იშვიათი კალორიულობით გამორჩეულს და ამანაც ქართველი კაცის იერსახეს განსაკუთრებული ანთროპოლოგიური ნიშნები შესძინა. ესოდენ მრავალფეროვან საკვებს ნაზიარებს, ვერასდროს შეედრება მონოსაკვებით ნასაზრდოები ეთნოსი. მომთაბარე, რომელიც მკვეთრი ზიგზაგების პირმშოა, ძნელად თუ გაუტოლდება ერთსა და იმავე ეკოსისტემაში ჩამოყალიბებულს, როგორც ინდივიდუუმს, ისე — საზოგადოებრივ მასალას. შახ-აბასმა კი აჩეხა ვენახები კახეთში, მაგრამ ქართველს დამცავი უამ-

რავი სხვა მექანიზმი გააჩნდა საკუთარი ინდივიდუალობის შესანარჩუნებლად.

— სიგარეტს მოვწევ, — ვიტყვი ყელში ალტკინების ბურთობაზენილი.

საფერფლეს გამოწვევს. ისევ საჭეს ჩააფრინდება. სპიდომეტრის ისარი წყლის დუღილის ტემპე-რატურასთან გახევებულა. სტუმარი კინოოპერატორი, ქანდელი დათო იაკობიძე, თვლემს. არც მის ბეჭებს დაკლებია წუხელ ჭყონდიდური თავსხმის თქლაშუნი, მაგრამ ეტყობა ჭაბურთას „ნოვა“ მეტი ძალისაა.

— სამყაროულ ხარმონიასთან წილნაყარი ხალხი ვართ ჩვენ, გაწონასწორებული ხალხი. ეს ჩვენს ქმედებებსაც ეტყობა, — მიერეკება ჩემი რესპოდენტი, — წარმართი კოლხი ცხოვრობდა ბუნებასთან შეხმატბილებით, არ უპირისპირდებოდა, საუკეთესოს იღებდა მისგან და საყოველთაო წესრიგში ქაოსი არ შეხქონდა.

ბავშვს ძუძუთი ზრდიდა დედა, რომლის მიხედვით შენ გინესის წიგნის ბინადარი ხარ უთუოდ. ქალი და კაცი, ან პირიქით, გენის ორი სპირალის მსგავსად, ხარმონიულად თანამშრომლობდა სამშობლოს უკადვებისთვის და რადგანაც ქალი ქართველი მამაკაცისთვის არ იყო საგანი, ნივთი, და რადგანაც ერთი მიმართულებით ეზიდებოდნენ ჭაპანს, ჩვენი სახელმწიფოს ბურჯს — ოჯახს — ჟამთატირალმა ველარაფერი დააკლო.

აი, რა სიბრძნე უნდა წერილიყო ჩემის ღრმა რწმენით ოქროს საწმისზე! ამიტომაც ჩვენი ვალია ყოველივე ფასეულს, რაც დღემდე შემოგვრჩენია და დაგვიკარგავს დროთა ვითარებაში, რესტაუ-რაცია გაუუკეთოთ, როგორც ციხის ჩამოშლილ ქონგურს.

— შენს პირს მაქარი, მაგრამ ამხელა საქმეს ინსტიტუტები ვერ აუვა.

— ფარ-ხმალი ხომ არ დაგიყრია? — წამიერი მზერით გამზომავს.

— ამ უარაფრობის პირობებში შიშველი ენთუზიაზმით დავილაღე.

— მოიტა, ხელი. გწამდეს, რომ ამიერიდან მართო არ ხარ.

გვერდულად გამომიწვდის მარჯვენას. მეც მივაგებებ დასტურის ნიშნად და ვიგრძნობ, როგორ შემიმსუბუქდება მხრები ეული ტვითრისგან.

— პირველ რიგში კვლავ ის ხალხია შემოსაკრები: ვლადიმერ ჩუბინიძე, გივი ალაზნისპირელი, ზურაბ ჭაფიანიძე, ჰამლეტ წულაია, სხვები. ობსერვატორიაზე ასვლას თავად მოვავგარებ. რაც შეეხება ფენომელური ნიჭიერების ყმაწვილთა გამოვლენა-დაკვალიანებას მთელი ქვეყნის მასშტა-ბით, სულ ორი-სამი თვის საქმეა. ჩვენ უნდა შევძლოთ ოქროს საწმისის, იგივე კირბების აღდგენა, რეანიმაცია.

— რეანიმაციას ცოცხალზე იტყვიან, — ძლივს ამოვდერდავ გამალეულ გულისძგერაში.

— მერედა, ვინ თქვა, ოქროს საწმისი უსულაოა?! შეიძლება უსულო ეწოდოს შენი არსებობის უკვდავების ფორმულას?!
ღმერთის უნებურად არაფერი ხდება, გურის ვენაცვალე. ჩემს ნახევარსაუკუნოვან იუბილეზე უკეთეს ჭილდოს ვერც ვინატრებდი. იცი, რამდენი ენერგია მომენიჭა? დედის საფლავზე რომ ავმალდით გუშინ, ჩემთვის ჩავუთქვი ჩუმიად: ნანა, გაისად სხვანაირად ხელდამშვენებული მოგი-ვალ-მეთქი. შენ მართლობა გაბორძიკებდა და ნუ მიწყენ სიმართლისათვის: უტაქტობაც, სახელმწი-ფო მოხელის პრაქტიციზმის უქონლობა. დაინახე? მელიამ გადაგვირბინა.

— ხო, ჯონის ნახირივით მუქ-წითელმა. საბედნიეროდ ჩვენი ფაუნა ჭერაც არ გადაშენებულა.

— მოვა ეროვნული მთავრობა და ყველაფერს ეშველება. შენი სიტყვებია მგონი: „წამოდექი, წამოფრინდი, წამოხეთქე, გვიმარაო!“ აღსდგება პასპორტში ეროვნების რეკვიზიტი. ვეტო დაედება ხე-ტყის უსულგულო გაჩეხვას. მოისპობა განუკითხაობა საბაჟოებში. მფარველი გამოუჩნდება ში-და ბაზარს. მკვდარი წერტილიდან დაიძრება ეროვნული კონსენსუსის საკითხი. აილაგდება კორუფცი-ცია. ამასობაში „დიდი აბრეშუმის გზა“ და ნავთობსადენიც შემოგვეხიდება. ხალხი მიუბრუნდება მარჩენალ მიწას. მთაში კვარაცხელიას ჭიშის ძროხები იბულრავებენ და ჭაობიან დაბლობში — ჩერჩელა კამეჩები. გვარნაცვალ ქართველთა წრიალი მერე ნახე, თუმცა კავკასია მხოლოდ საქარ-თველოს, ქართველების კარნახით ვერ ივლის, როგორი ამაღლებული ტრადიციებისა უნდა ვიყოთ, გურის, ვენაცვალე! ჭყონდიდელის გულწყვილი შეგირდის აღმსარებლობა გაგვიძვება წინ. იმნაირი მომავალი ახლოვდება, ყველასთვის გამოიძებნება ფუნქცია: ქართველისთვისაც, სომხისთვისაც, აზერ-ბაიჩანელისთვისაც, ვაინახისთვისაც, ოსისთვისაც და აფხაზისთვისაც. პატროფილია ბორკილად არ უნდა გვექცეს. ოცდამეერთე საუკუნის კავკასია უწინარესად ოქროს საწმისის ფერფლიდან ფენიქსივით აღდგომას საჭიროებს, ანუ — კავკასიური ფენომენის რეანიმაციას საკაცობრიო იდე-ალებისათვის. საქართველოს უკვდავების ფორმულა სხვანაირად გამორიცხულია. ჩვენ ერთად უნ-და გავაჩალოთ კავკასიური სიმღერა, შეწყობილად, ერთმანეთის სასიცოცხლო ინტერესების პატი-

ვისცემითა და გააზრებით. რიჩარდ ლომგულის უიმედობას პრიმიტიული ობობას გულმოდგინება და შეუპოვრობა აქარწყლებს. აბა?! რა დაემართა ამ დათოს? გაიღვიძე ბიჭო, ავშენდით! შენს გადასახვევს არ ავცდეთ, მგონია ქანდას ვუახლოვდებით.

ვინ თქვა ქართველთა დაღევა, ნაპირმოტეხვა — ცისასა, ხანგად ამოეღვრება მკერდიდან ჩემს რესპოდენტს, მაგრამ სიმღერაში აყოლის ძალა წამრთმევი; ეპატიება კაცს აქა-იქსულიერი თრთოლვა ესე.

07.07.99 წ

13.08.99

ინფორმაციული ომის ლელო

ოტობანიელები ღარლას არ ვეშვადირებოთ!

საპროტესტო წერილისაგანტო გეას

სოხუმის დაცემის გამო ზოგმა ვაიპატრიოტმა დარჩეულმა ზუგდიდის რაიონში ხარები დაკლაო, რომ შევიტყობ, ერთ სიცოცხლეს იქ გავათავებ.

დამარცხებაცაა და დამარცხებაც. ყველა ვერ იქნება დავით აღმაშენებელი!

დაუნდობელ ომში ხელი მოცარვიათ მაკედონელებსაც და კეისრებსაც, ბონაპარტეებსაც და ბაგრატიონებსაც, მაგრამ ღია ჭრილობაზე შენი სისხლი და ხორცი მარილს რომ მოგაყრის გულ-მოდგინედ და თანაც ქირქილს დაიწყებს ჩირგვებიდან, შენი გვემის მოყურადე, მიდი და გული ნუ აგიქვითინდება!

გალის რაიონიდან ხელმეორედ გამობუნძურების დღეებში თითქმის ყველა ენგურისპირა სოფელი შემოვივლი რეგიონის მწერალთა ორგანიზაციის მესვეურ შუკო ჭიქიასთან მხარდამხარ.

საკუთარი თვალით ვიხილავთ გულის დამთუთქავ ათას კურიოზს: ერთ საწოლზე ხუთი სულის მოანცვლეობით წრიალია ეს, გაძვალტყავებული საქონლისათვის გამოყოფილი 2-2 კილოგრამი ქატო, სკოლის მერხებზე, ულეობოდ, ჭინჭებზე სიცხიანი ბავშვების ბორგვა, ფიჩორისა და ოტობა-იას მისადგომებთან მზეზე დაყრილი სახალხო ლაშქრის ბიჭები ბაგეჩაკვნიტელ იერით თუ სხვა, ჯიგრის შემტრიალებელი ძალუმ, მაგრამ კარგა ხანია ისე არაფერს გავუხელებივარ, როგორც „დილის გაზეთის“ 11 ივნისის ნომრის პირველ გვერდზე განთავსებულ ამაზრზენ ინფორმაციას. თავად განსაჯეთ:

□გეა) თუ საქართველოს მთავრობა უახლოეს დღეებში არ გადაწყვეტს ზუგდიდის რაიონის სოფელ ორსანტიაში განთავსებულ ოტობაიელ დევნილთა საკუთარ სახლებში უსაფრთხო და ძალე დაბრუნების პრობლემას, ისინი აპირებენ თეთრი დროშებით გადასვლას და სეპარატისტული რეჟიმის აღიარებას.

ორსანტიაში განთავსებულ დევნილთა უარყოფით დამოკიდებულებას ხელისუფლების მიმართ ამჟამურებს მათი უკიდურესად მწვავე საყოფაცხოვრებო პირობები. ასევე, საკ-გები პროდუქტის უკმარისობა. მთავრობისაგან დაპირების გარდა, ქმედითი დახმარება ჯერჯერობით არ ჩანს. „თუ სახელმწიფო არ მიხედავს, ოტობანიელები აფხაზებს ჩაბარდებიან...“

ბატონ ვახტანგ აბაშიძეს მივმართავ თხოვნით, დამისახელონ იმ ჟურნალისტის სახელი და გვარი, რომელიც ნიშნის მოგებით გაიძახის: ოტობაიელები თეთრი დროშებით გადავლენ ენგურზე და სეპარატისტულ რეჟიმს აღიარებენ, თუკი მთავრობა ნორმალურ საცხოვრებელ პირობებს არ მოუწესრიგებსო!

ხაი, დედასა! დიახ, ბატონებო, მანახეთ ის ჟურნალისტი და მაუწყოს რომელი ოტობაიელია ნეტავ ამ ძნელბედობის ჟამს სამშობლოს დალატისთვის მკლავები რომ დაუკარწახებია?!

არა, შვილოსა, ოტობაია ცოტა სხვა მცნებაა, ვიდრე ვიდაც „გაზეტიკის“ წარმოუდგენია. ოტობაია ერთ-ერთი სოფელია, როგორც სამურზაყანოში, ისე — მთელს დედამიწის ზურგზე, სადაც კოლექტიურად არ უსწორდებიან მოწინააღმდეგეს, ვთქვათ, მაგალითისათვის დარჩელის თუ ძალი-სისგან განსხვავებით □იქ ერთს თხუთმეტი ურტყამს ორმოცდაათი მოყურადის წრეში). ოტობაიაში კი ნურას უკაცრავად, ფეხბურთის თამაშისას წაკინკლავების შემდეგ იყო ეს თუ სხვა კონფლიქტის გამო, მოპაექრებეს ერთი ერთზე გაიყვანდნენ და მერმე გნებავთ სტუმარს გაემარჯვა, გნებავთ — მასპინძელს, ორივე შემთხვევაში ერთმანეთს გადააკოცნიებდნენ, პოლიას სასადილოში ჭიქას ჭიქაზე მიაჭახუნებინებდნენ, მანქანას დაუქირავებდნენ და ასე გაისტუმრებდნენ შინ.

ამნაირი დამახსოვებელი მე გურგენ და გიგლა ძაძუების ოტობაია, ენვერ და ზაურ ჯოჯუების ოტობაია, კოკი და ტურკა ოყუჯაების ოტობაია, ომიანე და გურამ საჯაიების ოტობაია, რევაზ და დავით იზორიების ოტობაია, ვახტანგ და ჯუმბერ სეჭანიების ოტობაია; ვალმა ტუფურისას, არდაშელ ჩაკვატიას, გურია შონიას, კაპიტონ ლოგუას და კიდევ ვინ მოთვლის, რომლის, მიუყვარძობელი ოტობაია.

დავიჯერო, რომელი ერთის ნაშეიერს მოუბრუნდებოდა აუგად ენა, თუ საქართველოს მთავრობა სასიცოცხლო პირობებს არ შეგვიქმნის, ჩვენ მზად ვართ ვულაპატოთ სამშობლოს, თეთრი დროშებით გადავიდეთ ენგურზე, ვალიაროთ არძინბას სეპარატისტული, ფაშისტური რეჟიმი, აფხაზებად ჩავეწეროთ და ისევ ჩვენიანების წინააღმდეგ მივმართოთ იარაღიო?! აი, ასე ჟღერს გეას კორესპონდენტის სიტყვები ძირისძირამდე გაშიფრვის შემდეგ.

მაგრამ ჩიტირეკია ჟურნალისტის ინფორმაცია ხაერში გამოკიდებული რომ არ დარჩეს, ბოლომდე განვმარტავ თუ რას ნიშნავს: **თეთრი დროშებით გადავლენ ენგურზე და სეპარატისტების რეჟიმს აღიარებენ.**

მეტი ღალატის დაბრალება შეიძლება ამ ამაყი და თავმოყვარე, ყველაფერში გამორჩეული ხალხის — ოტობაიელების მისამართით?

ეს ხომ იგივეა, კოკი ოყუჯავას სპეტაკ ხსოვნას □დაჩოქება რომ მოსთხოვენ აფხაზი ბოვეიკები გალში და მშვილდით მოზიდული, ფალიკური იერის მომუშტული მარჯვენით გამოეთხოვება წუთისოფელს), ფეხი დააბიჯო?! ეს ხომ იგივეა, პლატონ თაკალანძეს დაჯიჯნულ სხეულს ჩირქი მოსცხო?!
ეს ხომ იგივეა, აკაკი შენგელიას პატიოსან მოგონებას, საკუთარ სახლში რომ დახანძრავენ პირისხლიანი ჯალათები, ლაფი გადაასხა?!

ეს ხომ იგივეა, ვალოდია ბოხუას ბიჭის და ვანიჩქა კვარაცხელიას ნათელში ყოფნა შეაწუხო უკიდურესი საქციელით?!

ეს ხომ იგივეა, ახლახან საკუთარი ოჯახში დანაცრული, ოთხმოცს გადაცილებული დურუ ტაბალუას საშვილიშვილო მოგონებას თუ შეურაცხადი ყოყოჩია დგებუაძის ზეცაში სუფევას კუპრში სამარადისო ყურყუმელაობა მიუსაჯო?!

არა, ძვირფასებო! ოტობაია იღვა, მძლავრობს და იმზეგრძელებს ნიადაგ ერთიანი საქართველოს მეციხოვნედ! ოტობაია, რომელიც „დიდოსტატის მარჯვენაში“ სვეტიცხოვლის ხარაჩოებზე დაბობდავს, როგორც ლოდის მტვირთველი და მეფის მხატვარი; ოტობაია, რომლის მათშალია შვილი — ზურაბ სოტკილავა დღენიდაგ უკვენისის მამულის ბორგნეულ სულს; ოტობაია, რომლის ღირსეული ძენი: ვლადიმერ ალფენიძე, ნაპო მესხია, ჯემალ გამახარია, ოთარ ხუფენია, ანზორ გუნჯუა, სოსო ელიავა თუ სხვანი და სხვანი ხმალშემართული დგანან სამშობლოს მერმისის სადარაჯოზე; ოტობაია, რომლის ბალავარზე მკვიდრად აშენებულა თქვენი მონა-მორჩილის დაუდგრომელი საწუთრო. პარადოქსია წუთისოფელი.

სოხუმის დაცემის დღეებში, აფხაზეთიდან მშვიდობიანი მოსახლეობის გამოძევების რეალობებში, სამურზაყანოს, გალის რაიონის მოსახლეობა, წამში გადაემტერება მანამდე თავის კუმირს, ნეტარსენებულ პრეზიდენტ ზვიად გამსახურდიას, გადაემტერება იმ მიტინგის გამო, სადაც იგი ადგილობრივ მკვიდრს ამშვიდებს: აფხაზები ღალიძგას არ გადმოლახავენ, მშვიდად იყავით, პანიკაში ნუ ჩავარდებით, ნურსად გაიხიზნებით, თქვენთან იქონიეთ უძრავ-მოძრავი ქონებაო. დაუჭერებენ პრეზიდენტს და ოცდაოთხ საათში დასატოვებელი გაუხდებათ სათაყვანებელი სამშობლო, სალოცავი კერა. თითქმის ხელუხლებელი დარჩება აფხაზ და დაქირავებულ ჩეჩენ-რუს-კაზაკ-სომეხ ბოვეიკებს აურაცხელი ქონება.

პრეზიდენტ გამსახურდიას ავტორიტეტს მოხერხებულად გამოიყენებენ მაშინ იმპერიალისტური ძალები, ვინაიდან აფხაზეთის ბეღელის — გალის რაიონის სიმდიდრეს დროულად თუ გახიზნავდა ადგილობრივი მკვიდრი, რა დარჩებოდა მათ მადას საკბილო, სამაროდორო, როგორ აენაზღაურებინა კაცის კვლისთვის გადასახადი გასამრჯელო?

ხოდა, იმ წუთამდე პრეზიდენტ გამსახურდიასათვის თავგადაკლული მრევლის ფსიქიკა ასოთხმოცი გრადუსით შემოტრიალდება. იმ წამიდან სამურზაყანოელებს მის სახელს ვერ გააგონებდით შინ თუ გარეთ! ვაგლახ, თურმე ეკონომიკაზე ყოფილა ჩვენი რეალური სიმპათია-ანტიპათია დამყნობილი! ყველა სოფელში მოიძევება ასეთი ტლუ და გაუთლელი, კუჭით, ბეღელით რომ ზომავს შვილების მომავალს. ოღონდ თითონ ხქონდეს ლუკმა-პური თუთაშხიას მეწისქვილე ბონიასავით და მერე გინდა ქვას უთოვია.

დაასახელით, ბატონებო, მათი გვარები; დარწმუნებული ვარ, თუკი ასეთები დროსა და სივრცე-

ში არსებობენ, მათი მეტი წილი მეზობლების პირუტყვითა და სარჩო-საბადებლით ზურგმომავრებული გვამები აღმოჩნდება. მართლაც, როგორც იტყვიან ოჯახი უსახიროდ არ არსებობს და რაღა ამ ზნეობრივად გახრწნილ თითო-ოროლას სულწასულ ნაყრანტალებზე უნდა გავწოდოთ მთელი სოფლის ბედ-იღბალი?! თანაც ისეთი სოფლისა, როგორც 1500 კომლიანი ოტობაიაა და რომელიც თანდათან გონზე მოდის პოლიტიკური ბატალიებით დაბნეული, იარაღისკენ გაურბის თვალი და ხელი. სრულიად ჩაურევლად საკუთარი ძალებით განუზრახავს შელახული ღირსების აღდგენა, სულმნათი წინაპრების ძვალთშესალაგების დაცვა?!

ასეთ ოტობაიაში გავზრდილვარ მე. ასეთ ოტობაიელებთან მიცხოვრია ლამის ერგასი წელი. ასეთი ოტობაიის სახელს დავსესხებულვარ ფსევდონიმად დიდი მწერლობის გზაზე შემდგარი და აქა-იქ ცხოვრებისეულ სიდუხჭირეში ჩავარდნილს, ამნაირი ოტობაიელები მომაშველებენ ზურგის ქარს. ამიტომაც სრული სერიოზულობით მივმართავ სააგენტო გეას მესვეურებს, პოზიცია გამოხატონ თავიანთი პასკვილური ინფორმაციის გამო, ან ზოგადი ფრაზა დააკონკრეტონ! ჩვენ კი ჩვენი ძირმწარე წილხვედრი მომავალი გვიხმობს, ოტობაიელებო! ამას წინათ მეზობელ ფიქორში დატყვევებული მამიდაშვილი, ბოჩია მეფორიას და თანასოფლელი ზურაბ ალფენიძის ნაგვემი სხეულები გვეძახის მამულიშვილური ვალის მოსახდელად, რომელთაც სწორედ რომ ოტობაიის ტერიტორიაზე ნანადმარ ორმოში ჩახოცავენ ზვარაკებად.

ძველ იარას ახლით ჩაიქრობენ ხოლმე. დღესაც მიგუგუნებს ყურებში გელოვანების ნაშიერი ქალის დედაჩემი, კლარა გელენახეს, სიტყვები, ძმადნაფიცს შუკო ჭიქიას და მე გამუდმებით რომ გვეჩიხინებოდა:

— შეილებო, სამშობლო არის მთავარი! ყელში სული რომ გიხანტალებთ, ისიც მისი უკვდავების საწინდრად იქონიეთო! — და რადგანაც ჩემი ოტობაია ჩემი ზურგია; და რადგანაც ჩემი ოტობაია მამულისთვის თავდადებული მთლიანობაა გური ოტობაიაში ერთ მუშტად შეკუმშული, პათეტიკური სტრიქონებით დავასრულებ ამბოხებულის სულის კვილს:

— დიახ, ოტობაიელები დარლას არ შევეწირებით!

**„დილის გაზეთი“,
17 ივნისი, 1998 წ.**

სანამ ყელში სული გვიხანტალებს

„— მობრძანდით, ნახეთ როგორ გამოგვლანძღეს მთელი სოფელი! — მითხრა სოფლის ცენტრში მიმავალს ვატო ბუკუჩავამ და მკლავი გამომდო. ენგურს გაღმიდან გამოდენილი მოსახლეობის ალაღ-სა და პირუტყვში გზა გავიკვლიეთ, ხოსპიტალის ეზოში შევედით, ჩემი ნამოწაფარი გონელი ნაჭყბია შემომეგება და გაზეთი გადმომცა:

— რამდენჯერ პურ-მარილი ერთად მიგვიღია. ჩემი თანაკურსელიცაა! — თითქოს და მებოდიშება.

— სიძე კაცმა ყელი გამოგვჭრა! — წყნა გამოხატა გაგრის ტრაგედიას ბეწვზე გადარჩენილმა, ხოსპიტალის თავკაცმა იაშა ხუფენიამ.

სანამ სტატია არ წავიკითხე ხმა არ ამომიღია. როგორც წაკითხულიდან გავიგე ბატონი გური ოტობაია აღუშფოთებია თავისი თანამემამულე, საკუთარი სახლ-კარიდან ორჯერ განდევნილი, გატანჯული ადამიანის წამოძახილს: თუ შინ არ დამაბრუნებთ, თეთრ დროშას ავაფრიალებთ და სეპარატისტების მხარეს გადავალთო.

გასაგებია თქვენი აღშფოთება, ბატონო გური! როგორ შეიძლება კაცმა საკუთარი ეროვნება უარყოს და მოსისხლეს მიემხროს? ასე გვასწავლეს და ასე ვასწავლიდი 55 წელიწადი ენგურს გამოღმა და გაღმა მოზარდ თაობას. ახლა არც შახი და ხონთქარი, არც ნაცისტი ფიურერი გვემუქრება დაპყრობით, მაგრამ ჩვენს მიერ გამეტიჩრებულმა „უფროსმა ძმამ“ აგვიჯანყა „უმცროსი ძმები“. უჩვენოთ ვერ ძლებს, თუმცა გვსაყვედურობს, ჩემი სარჩენი ხართო, მაინც არ ვემეტებით. ალბათ, უჩვენოდაც გაძლებს, მაგრამ ჩვენს მიწა-წყალს არ შეეღვევა. რატომ უნდა დათმოს, როცა ნამესტინკებიც ჰყავს და ლაქებიც. ყოველივე ეს ჩემზე მეტად მოგეხსენება, ახალგაზოდა კაცო! ვისი იმედით ნებვირობენ სავარძელებში მოკალათებული ჩვენი თანამემამულენი და ნაჭერ-ნაჭერ ყიდიან ქართულ მიწას. მეორე ნაწილი ჩვენი თანამემამულეებისა ნასუფრალს დახარბებულნი, ყრუნი და ბრმანი ტაშის დამკვრელებად ხყავთ მარიონეტ მმართველებს. აი, რა აყვირებს საკუთარი მიწა-წყლიდან

დევნილ ჩვენს თანამემამულეს. იშვიათად როდი გვესმის ანალოგიური წამოძახილები. აი ერთი მათგანიც:

**„გალის რაიონელების მოთხოვნაა □სტილი დაცულია გ.ო.). ამ მოთხოვნას მე წარ-
გუქდებები. მუხლმოდრეკით უნდა შევიდე არძინბასთან. სულ ყველას პასპორტები უნდა
შევიტანო და ჩვენ უნდა მივიღოთ აფხაზეთის მოქალაქეობა. პედაგოგი ახლა რომ
ვლაპარაკობ ქართულად, ეს ქართულიც არ მინდა. შექმულდა ჩემი ერთგვება და თუ
გინდათ, მოლაღატე დამიძახეთ, ამას მე გაგაკეთებ. ვიძებნებ, შევალ არძინბასთან და
როგორც გერმანიაში დაყარა დროშები, ისე დავეყრი მის კაბინეტში პასპორტებს. თუ
გინდა ბერძენი ვიყო, თუ გინდ სომეხი, თღონდ ვიყო ჩემს მიწაზე“.** □„კვირის პალიტრა“,
1-7 ივნისი, 1998 წელი). ეს სიტყვები სიკვდილ-სიცოცხლის ზღვარზე მდგარი ადამიანის ამოძახილია
და გასაგები უნდა იყოს მითუმეტეს მწერლისათვის. გაზეთს ან ჟურნალისტს რატომ უნდა ვუსაყ-
ვედუროთ, როცა თავიანთ საქმეს პატიოსნად ემსახურებიან?

გაუგებარია, ვის მოუვიდა აზრად, სოხუმის დაცემის აღსანიშნავად **დარჩელებმა ხარები
დაკლესო.** ეს მაშინ, როცა მთელი დარჩელი გლოვობდა გაგრაში ალექსანდრე გვარამიას ოჯახის
ამოწყვეტას. რომელ დარჩელელს მონახავ, აფხაზეთის ქალაქებსა და სოფლებში თავისი სისხლ-ხორცი,
მკვიდრი და ნათესავი არ ჰყავდეს და ვის მოუვიდა აზრად, დარჩელებმა სოხუმის ალება იზეიმესო.
სირცხვილია ამის გაფიქრებაც კი. 1200 კომლიანმა დარჩელმა თავიდან 15 ათასი დევნილი შეიფარა.
ხოლო მეორე დამარცხების შემდეგ სავსეა დევნილებით ყველა საზოგადოებრივი შენობა, გზები და
საძოვრები — პირუტყვით, არ ვიცი, რა დაგიშავათ დარჩელმა!

არაა ზნეობრივად გამართლებული, სამშობლოს ზვარაკად შეწირული პირველი პრეზიდენტი-
სათვის ყოველთვის რალაცის გადაბრალება: „სოხუმის დაცემის დღეებში აფხაზეთიდან მშვიდობიანი
მოსახლეობის გამოძევების რეალობებში, სამურზაყნოს, გალის რაიონის მოსახლეობა წამში გადაე-
მტერება მანამდე თავის კუმირს, ნეტარხსენებულ პრეზიდენტ ზვიად გამსახურდიას...“ არა, ბატონო
გური, არც ისეა საქმე, ვფიქრობ არც თქვენ იტყოდით ასე, რომ წაგეკითხათ ბატონების — ჯემალ
გამახარაის და მურმან ზაქარაიას წიგნი, დოკუმენტების კრებული „საქართველოს დევნილი ხელი-
სუფლება და აფხაზეთის ომი“. კერძოდ, დოკუმენტი 458.

**ჩემი წერილი ქ-ნი გელენახეს სიტყვებით მინდა დავამთავრო: „შვილებო, სამშობლო
არის მთავარი, ყელში სული სანამ გიხანტალებო, (ძახილის ნიშანს მძიმეთი მიცვლის;
„სანამ“-ის მაგივრად უნდა იყოს „რომ“, გ.ო.) ისიც მისი უკვდავების საწინდრად იქონიეთ!“**

არა, ბატონო გური, ჩვენ უფლება არა გვაქვს ერთმანეთი ვთათხოვოთ, ამ სულნათელი ქართველი
დედის დამოძღვრის შემდეგ, ვეცადოთ ვთესოთ სიყვარული და ერთიანობა ქართველთა შორის!“

„შბურო“ ფეტილაგა

„როცა ადამიანი მწერლობაზე დებს თავს, თუნდაც მისი ნაწარმოები უსუსური იყოს, დარჩელში
უბატონოდ ხმას არ გასცემენ, იმდენად აფასებენ მწერალს, შემოქმედ ადამიანს. შეაქებენ, მოეფერე-
ბიან. ეს დარჩელებია ცხოვრების წესია. მათ კარგად იციან პოეზიისა და პროზის ფასი, წიგნისა და
გაზეთის გამაკეთილშობილებელი მისია და ჰყავს ამ სფეროში მოღვაწე შვილებიც.

დარჩელში ყველას, ვისაც ქართული სისხლი უდღუდს ძარღვებში, მშობლიური მიწის, ენისა და
მწერლობის სიყვარული უნათებს ცხოვრების გზას, რადგანაც იცის, მას, ქართველ მამულიშვილს,
რაც ზნეობრივი და მამულიშვილური გააჩნია, ქართული მწერლობის მადლია. ამიტომაც კრძალ-
ვით შეზღუდვებს კალმოსან თანამემამულეებს. ბატონობით მიმართავს, მაგრამ თუ ბატონი სტუმარი,
თანამემამულე ან, გამვლელი ზრდილობის ფარგლებს გასცდება, არ აპატიებენ; შეიძლება სცემონ
კიდევ, მაგრამ არა ერთი ოცზე, (მოქიშპეს ხუთით მიბევრებს, გ.ო.) არამედ ერთი — ერთზე.

თქვენ დაარღვიეთ ზრდილობის ნორმები. შეურაცხყოფა მიაყენეთ სოფელს, საზოგადოებას,
რომელმაც სოხუმის დაცემის შემდეგ თხუთმეტი ათასი დევნილი შეიფარა, როცა სოფელში 5000
მკვიდრი მოსახლეა. ახლა, გალის მოვლენების შემდეგ, როცა მეორედ დაგვამარცხეს და ისიც
სამარცხვინოდ, დარჩელის ყველა საზოგადოებრივი და საგამანათლებლო დაწესებულება გაიჭედა
დევნილთა ოჯახებით, ქუჩები და ეზოები — პირუტყვით, „დილის გაზეთში“ აქვეყნებთ დარჩელისა
და დარჩელებთა მისამართით ცილისმწამებლურ წერილს. რაშია საქმე? როგორ დააჯერებ შენ,
ჩვენი მეზობელი სოფლების მცხოვრებლებს შენი მონაჩმახით: დარჩელში სოხუმის ალება ზემით
აღნიშნეს და ხარებიც დაკლესო. ან დარჩელში გამვლელ „უცნობ პიროვნებას თხუთმეტი დარჩე-
ლელი ურტყამს, ორმოცდაათი მოყურადის წრეშიო“. რა გინდათ ამით თქვათ მწერალმა კაცმა?

ხომ არ ფიქრობთ დევნილები და დარჩეულები ერთმანეთს გადაგვიკიდოთ? ეს მუხანათური ხერხია. ასე გადაგვიკიდეს ერთმანეთს აფხაზები და ქართველები, ოსები და ქართველები იმპერიულმა ძალებმა.

გაუგებარია თქვენი პროტესტი გაზეთის მიმართ. თქვენ ძმაკაცთან ერთად გალელებს რომ ეწვიეთ, დევნილებისაგან უარესი არ მოგისმენიათ? წაიკითხეთ გაზეთ „კვირის პალიტრის“ 1-7 ივნისის ნომერში „ტრაგედია დასრულდა, ტრაგედია იწყება“, ოღონდ მისი ავტორის ძიებაში ისევ დარჩეული არ მოგეჩვენოთ ხელწამოსაკრავად და დაბალ ლობედ. დაფიქრდით, და მიზეზი ჩვენი ავბედითობისა აუწყეთ ხალხს, ბატონო მწერალო! სხვაგვარი არაფერს გვშველის თქვენი პათეტიური წამოძახილი „რადგან ჩემი ოტობაია მამულისათვის თავდადებული მთლიანობაა გური ოტობაიაში ერთ მუშტად შეკრული.“ თქვენი „ამბოხებული სულის კვილი“ ნუ გადაგვიკიდებს ერთმანეთს, იზრუნეთ ერთიან-მთლიანი საქართველოსათვის!“

ანტონ არნანია.

„ქყონდიდელი“, №13, (17) 1998 წ.;
„დარჩელი“, ივლისი, №2, 1998 წ.

ამოცლილი გულის კარდობრაჟა

ეთნოგრაფებს ჯერაც ვერ გაურკვევიათ რიგიანად ჩელა თეთრი ხარია თუ შუბლკიოფა კამეჩი, მაგრამ აკობიას სიმღერა-ლექსში ეს უწყინარი პირუტყვი მონობას შეგუებულ ინდივიდთანაა გაიგივებულია, რომელსაც არც ჯილაგი აქვს, აღარც — გული, ორივე მუხანათმა წუთისოფელმა ამოაცალა და უღლისგან გეხეხილი ქედით იარება დღემდე კუზიან დუნიაზე.

ეს ყველაფერი ფოლკლორში, ხოლო გური ოტობაია, რომელსაც ასე თუ ისე გათავისებული აქვს ხალხური პოეზიის მაღლი და ბარაქა, თავისთავს კამეჩს უწოდებს დიხაც, ჭაობსშიგან ჩაფლულს, 150 დღე-ღამეს რომ მიბლაღა ნოეს და მის კიდობანს დედამიწის შემშუსვრელი წარღვნის გრაგნილებიდან ბიბლიური წარმოდგენებით, მაგრამ დახეთ, ამას წინათ გარედანაც მოინათლა გულადი ფეტელავა „უგულოდ“, ოღონდ მის ფსევდონიმს — გური ოტობაიას ვერ შეხკადრეს ესოდენი სამკაული! აი, პასპორტის გვარს კი — მოგეცათ ლხენა: „უგულო ფეტელავა არისო“, დასცხეს და დასცხეს ფერდებში იფნის სახრე მარჯვნიდან თუ მარცხნიდან.

მაგანს ეგონა ზუგდიდის ბაზრის შეურაცხად ხოთოსავით ტანსაცმელს შემოიხევედა იგი. ნურას უკაცრავად, სრულიად უწყინრად შეიშნოვა ეპითეტი ესე, ნაღველგარეული სინანულით, აკობიას სიმღერა-ლექსის პერსონაჟისეული თავის კანტურით. დიახ, უგულოა თურმე იგი, ვინაიდან მისი არსებობა მესხეთიდან მოყოლებული ლურჯ კოლხეთამდე ფთილა-ფთილა დანაწილებულა ამ ერგას წელიწადში.

იმ გულის უანკარესი და უფაქიზესი გამონათებანი ზოგი უბატონო კახეთის ალაზნის ველის ვრცეულობას შერჩენია ხორნაბუჯის ციტადელიდან დანახულს და ზოგიც — ქართლის ცარგვალის, ვარსკვლავების სადაფებით მოოჭვილს სადა ფერს.

აქეთ იმერეთის სილბო და ქლიავივით დაბინდული მთების ალყა ჩამოაციცაბოვებს იმ გულის კალთებს, იქით — კრიმანჭულის ამწვერვალება ჩამოშლის ზომაზე მეტად და ოდეს სამეგრელოს ველური დაფნების შრიალში მიყუჩდება მამულის კარდაკარ მოხეტიალე პოეტის გული, აღმოჩნდება, რომ სრულიად საქართველოსთვის დაუნაწილებია თურმე დარდიმანდულად ვინმე ყარიბს და აწ ოდესდაც ბორგნულ მკერდქვეშ პოლიფემის ლუსკუმი სამკვიდრობელია. ესეც პოეტური შეფერილობით.

გასულ კვირაძალს კი გური ოტობაიასთვის საერთო მწუხარების ზვირთებს ვარამთა ნათესაური ნაკადებიც მოაწყდნენ და ახლაც, ამ სიმარტოვის ჟამს, რიგიანად ვერ გამოსულა იმ შეჭირვებული მდგომარეობიდან.

საქმე ის გახლავთ, რომ ტანმძიმე ჯუმი ერთხელ და სამუდამოდ ჩაითრევს სამურზაყანოდან დევნილი ორი ბიძაშვილის ანგელოზებს, დედებისა და ბაბუის თვალწინ დაიხრჩობიან ცურვის უცოდინარი მეთაველასელი თემურ გელენავა და ცხრა წლის ბეჭა ქეცბაია, მაჭკუტია ჩემი. ამას ზედ დაერთვება მეგობარი შემოქმედის, შუკო ჯიქიას 5 წლის შვილიშვილის, თარაშის, ელექტროდენით დანაცრვა. დამერწმუნებით, ერთობ მძიმე ლოდია თუნდაც გულამოცლილისთვის მწუ-

ხარება ესე. ხოდა, იმ ბინდბუდში, მიმდინარე წლის მკათათვის ნომერ 13 „ჭყონდიდელს“ მომართმევნ, სადაც ჯერ კიდევ ვერწართმეული სულის შემაწრიალებელ ამბებს ამოვიკითხავ. საპოლემიკოდ ორი მნიშვნელოვანი მომენტიია თითზე დახვეული ერთ-ერთი ჩემი წერილიდან:

„გაუგებარია ვის მოუვიდა აზრად, სოსუმის დაცემის აღსანიშნავად დარჩელებმა ხარები დაკლესო“;

„ვის მოუვიდა აზრად, დარჩელებმა სოსუმის აღება იზეიმესო“;

და კიდევ,

„არაა ზნეობრივად გამართლებული სამშობლოს ზგარაკად შეწირული პირველი პრეზიდენტისათვის ყოველთვის რაღაცის გადაბრალება“...

ისედაც შეძრწუნებულს ამჯერად თავზარიც დამეცემა. წერილის ავტორის, ჩინებული პოეტის, მცხოვანი ანტონ არნანის ოჯახის მიკვლევა დარჩელში ნამდვილად არ გამიძნელდება.

გზადავზა შვიდიოდე წლის წინათ გამომცემლობა „მერანის“ მიერ დასტამბული მისი პოეტური კრებულიდან „მე შენით ვცოცხლობ“ დახსომებული ერთი ლექსის სტრიქონები ამეკვიატება:

**„მზეებრ უხვი გული დამაქვს,
რა მაქვს წრფელი გულის გარდა?!
მთვარე მორჩა თოვლის თამაშს
და შიგ თმებში ჩამივარდა.
მთვარე თმებში ჩამივარდა
და მას მერე მიმოვერცხლავს,
ისე ვხვდები თოვლის ბარდნას,
ვითარც სესე ბიჭი მერცხალს“.**

ბატონ ანტონ არნანის არასდროს შეგხვედრივარ. არნანიები მენათესავებიან ბებით, მამის დე-ლით. ასე რომ, არნანიების სისხლიც მიჩქეფს ძარღვებში, ეს სისხლიც მიხმიანებს გულს, რომელიც საქართველოსთვის დამინაწილებია და რომელიც სათაყვანებელი სოფლის გაზეთ „დარჩელით“ თურმე საერთოდ არ გამაჩნია.

მასპინძლები შეფუცხუნდებიან. გაკრიტიკებული მწერლის სტუმრობას ნამდვილად არ მოე-ლიან. მაგრამ, როცა ახლახან გამოცემულ რომან „როკიზე“ წარწერილი სტრიქონებს წავუკითხავ არნანიების ჟალაბს და აქამდე „მტრად“ შერაცხულში მოყვას ამოიციბობენ, სახელდახელო სუფრასთან მიმიწვევენ: მსხლის არაყი, თხილი, პური, ყველი და ტკბილი გული.

მილიონერი ვეგონეთ თურმე. ჩემი მოსვლა კი უამრავ ბურუსით მოცულ საკითხს მოხფენს ნათელს. როცა შეიტყობენ, მეგობრის ბინაში ვცხოვრობ სამი შვილის მამა, გაიკვირვებენ და მითა-ნაგრძნობენ კიდევ.

ჩემთვის საზიანო კურიოზი კი ასეთნაირად დაიწყება.

„დილის გაზეთში“ ამოკითხულ ინფორმაციაზე: თეთრი დროშებით არძინბას ხელისუფლების აღიარებას რომ ქადაგებს ინკოგნიტო ოტობაიელი, მამულიშვილური სულისკვეთების წერილს შევ-თხზავ — „ოტობაიელები დარლას არ შევეწირებით“-მეთქი. გადავბეჭდვინებ მბეჭდავ-მემანქანეს, რომელსაც ხელნაწერი ფურცლის უკან გადატანილი ფრაზა გამორჩება. თვითონ მივიტან რედაქ-ციაში. კორექტურასაც იჩქითად გადავაკლებ თვალს, მაგრამ სიჩქარეში მთავარზე-მთავარი, მბეჭ-დავ-მემანქანის გამოტოვებული წინადადება მეც გამომრჩება, ურომლისოდ ტექსტი წარუხოცველ ბრალდებად წარმოჩინდება. აფხაზეთის დაცემის ხარების დაკვლით აღნიშვნის თაობაზე მითქმა-მოთქმა ჩემი მოგონილი არ გახლავთ. აქ დარჩელის წამოტივტივება სოსუმის დაცემის მოსურნედ პოლიტიკური ანგარიშსწორების ნიშნით წარიმართება თავის დროზე. ხოლო ახლა ორ ცხენზე შემჯდარი გალელი პროვოკატორებით გონებამოწამლული სამურზაყანოელების ჭირისუფალი ზარებს რომ დავარისხებ იმავე პროვოკატორების საწინაღმდეგოდ მიმართული წერილით, თურ-მე სულსწრაფობის გამო დასახიჩრებული ფრაზით თანაოტობაიელების დამშოშმინებელი, მო-ამავე კარის მეზობელ სოფელს დამიკარგავ. თავად განსაჯეთ:

„სოსუმის დაცემის გამო ზოგმა გაიპატრიოტმა დარჩელები ზუგდიდის რაიონში ხარებს რომ დაკლავთ, შევიტყობ ერთ სიცოცხლეს იქ გაგათავებ.“

დამარცხებაცაა და დამარხებაც. ყველა ვერ იქნება დავით აღმაშენებელი! დაუნდო-ბელ თმში ხელი მოცარვით მაკედონელებსაც და ბაგრატიონებსაც, მაგრამ ღია ჭრი-ლობაზე შენი სისხლი და ხორცი მარილს რომ მოგაყრის გულმოდგინედ და თანაც

ქირქილს დაიწყებს ჩირგვებიდან უნი გვემის მოყურადე, მიდი და გული ნუ ავიქვითინდება!

ახლა ჩემთვის გასაგებია დარჩელებების გულისწყრომა. მართალია, „ჰყონდიდელის“ პუბლიკაციაში ჯოხი საგრძობლად გადახრილია „უგულო ფეტელავას“ საზიანოდ: სადაც „ზოგი ვაიპატრიოტი დარჩელები“ სწერია, იქ ყველგან „დარჩელებია“ ფიქსირებული. ჩემს მიერ მცირედ, ნაწილად წარმოსახული, ოპონენტთან მთელად, საყოველთაოდ არის წარმოდგენილი, მაგრამ როდესაც ლალატს გაბრალებენ, მაშინ ჯოხის გადახრას დაეძებ კაცი? მე სხვა რალაცის გამო ვნაღვლიანდები □ გული მეთანაღრება-მეთქი, დავწერ და მყისვე წავშლი, გამახსენდება, რომ ეს ორგანო ამპუტირებული მაქვს (თურმე). 17 ივნისის „დილის გაზეთის“ პუბლიკაციიდან თვეწახვევარი გასულა და ამ ხნის მანძილზე ჩემს თანამეინახე „თანაკურსელს“, ან ვისაც ოდესღაც ჩავაცვი შეძლებისდაგვარად და მობილური ტელეფონი „ჯეოსელის“ ფირმისა ქამარში ყამასავით გაურჭვია, ნუთუ წამით მაინც არ მოაფიქრდათ შემომხმინებოდნენ! ჩემი ტელეფონის ნომერი ბარე ათიოდე ფუნქციონერმა მაინც იცის ზუგდიდის მერიასა და სამხარეოში, ვისი ხელქვეითებიც ეგენი გახლავან, მაგრამ არავინ მოინდომა საქმის ნამდვილი არსის პირველწყაროდან გაგებას და ხელის აუკანკალეზლად გულს წამართმევენ, საქართველოსთვის დანაწილებულ გულს.

დავხედავ დედანს, რომელ თავფურცელში მბეჭდავ-მემანქანეს მეორე მხარეს გადასული წინადადება დავიწყნია და შვებას ვიგრძნობ:

„სოსუმის დაცემის გამო ზოგმა ვაიპატრიოტმა დარჩელებმა ზუგდიდის რაიონში ხარები დაკლაო, რომ შევიტყობ, ერთ სიცოცხლეს იქ გაფათავებ, მაგარამ არ გენდობი მონათხრობს, საკუთარი თვალ-ყურით გადამოწმებას ვამჯობინებ და აი, რა გაირკვევა სინამდვილეში: დარჩელები მართლაც კლავდნენ ხარებს თურმე იმ დღეებში, ოღონდ სოსუმის დაცემის აღსანიშნავად კი არა, ფრთხილ ხაზზე წარგზავნილი ბიჭების დასაპურებლად. ესეც მტრის პროფოკაციული ბრძოლის ძალა შინ თუ გარეთ.“

დამეთანხმებით, ამ ფრაზის შემომშველებით რანაირად გამოეცლებოდა ნიადაგი ბატონ ანტონ არანას წამოძახებას! „დარჩელით“ თუ „ჰყონდიდე ლით“. აქვე ყურადსაღებია ჩემი განქიქების უმართებულობაც პრეზიდენტ ზვიად გამსახურდიასთან მიმართებაში.მე ვწერდი:

„პარადოქსულია წუთისოფელი.“

სოსუმის დაცემის დღეებში აფხაზეთიდან მშვიდობიანი მოსახლეობის გამოძევების რეალობებში, სამურზაყანოს, გალის რაიონის მოსახლეობა წამში გადაემტერება მანამდე თავის კუმირს, პრეზიდენტ გამსახურდიას, გადაემტერება იმ მიტინგის გამო, სადაც იგი ადგილობრივ მკვიდრთ ამშვიდებს, აფხაზები ღალიძგას არ გადმოლაზავენ, მშვიდად იყავით, პანიკაში ნუ ჩავარდებით, ნურსად გაიხიზნებით, თქვენთან იქონიეთ უძრავ-მოძრავი ქონებაო. დაუჯერებენ პრეზიდენტს და ოცდაათს საათში დასატოფებელი გაუხდებათ სათაყვანებელი სამშობლო, სალოცავი კერა. თითქმის ხელუხლებელი დარჩება აფხაზ და დაქირავებულ ჩეჩენ-რუს-კაზაკ-სომეხ ბოვიკებს აურაცხელი ქონება.“

ინებეთ, ბატონებო, თავად პირველწყარო:

პრეზიდენტ ზვიად გამსახურდიას

წარმოთქმული სიტყვა გალის მიტინგზე 1993 წლის 28 სექტემბერს

ძვირფასო მეგობრებო! დანო და ძმანო! ბედნიერი ვარ დღეს, რომ ამდენი ხნის შემდეგ გხედავთ თქვენ და თქვენთან ვარ ისევ. აქ, ამ მოედანზე არაერთხელ ჩამიტარებია მიტინგი, თქვენ ყველას გახსოვთ. მაშინ სხვა პრობლემები გვალეღვებდა, მაგრამ მაინც ერთი უმთავრესი პრობლემა იყო — საქართველოს დამოუკიდებლობა და ბედნიერება.

დღეს, როგორც არასოდეს, უჭირს საქართველოს და საფრთხე ემუქრება მის დამოუკიდებლობას, ვინაიდან მოღალატურმა ხუნტამ განდევნა კანონიერი ხელისუფლება, ხელთ იგდო სადავები ხელისუფლებისა და დაქცევის პირას მიიყვანა საქართველო; და მაინც ხუნტის ყველაზე უდიდესი დანაშაული ის არის, რისთვისაც მას განსჯის ისტორია და ქართველი ერი, რომ ჩვენი ძირძველი კუთხე — აფხაზეთი, საქართველოს და კოლხეთის განუყოფელი ნაწილი, დღეს იკარგება კომუნისტური ხუნტის მოღალატური, დანაშაულებრივი ქმედებების შედეგად.

მეგობრებო! გუშინ ხუნტამ და რუსეთის ტელევიზიამ გამოაცხადა, რომ სოსუმი საბოლოოდ დაიკარგა, რომ საქართველომ დაიწოქა და ქართულმა მოსახლეობამ უნდა დატოვოს ვითომდაც

აფხაზეთი. ეს სიცრუეა, სოხუმი არ დაკარგულა, არ დაკარგულა და არც დაიკარგება და ხუნტა დაიკარგება! მე ეს-ეს არის მოვდივარ, მეგობრებო, წინა ხაზიდან, მე შემოვიარე მთლიანად ფრონტი და არის ძალიან... კარგი... მდგომარეობა... და არის ბევრი ისეთი ფაქტორი, რომელიც მოგვითანს წარმატებებს.

მე მინდა დეტალურად გესაუბროთ. მე მინდა დავიწყო თავიდან. საქართველოში ჩემი ჩამოსვლის პირველივე დღიდან, მართალია, დავვიანდა ეს ჩამოსვლა, მეგობრებო, ალბათ, თქვენ ყველას გაინტერესებთ, რატომ დავვიანდა. იმიტომ, რომ მე მქონდა უამრავი დაბრკოლებები და ვერ ვახერხებდი, ფიზიკურად ვერ ვახერხებდი გამოღწევას იმ ქვეყნიდან, რომელიც აგრეთვე თვითონ არის ბლოკადაში მოქცეული. მაგრამ ბოლოს მაინც მივალწიე, მოვახერხე და დღეს თქვენთან ვარ, მეგობრებო. პირველივე დღიდან, პირველივე დღიდან, პირველივე მიტინგიდან, რომელიც ჩავატარე ზუგდიდში, მე მოვუწოდებ ხალხს, მე მოუწოდებ ქართველ ერს არ დათმონ აფხაზეთის ძირძველი კუთხე, არ დათმონ მამა-პაპათა საფლავები, გაერთიანდნენ კანონიერი ხელისუფლების შეიარაღებული ძალების გარშემო და ერთიანი ძალისხმევით დავიბრუნოთ ის, რასაც გვართმევნ მოლაპატენი, ჩვენი სამშობლოს გამყიდველები, ჩვენი სამშობლოს მტრებთან ალიანსში მყოფი მოლაპატეები.

მეგობრებო! ხუნტა თესავს პანიკას, იგი ცდილობს ჭორებით, ათასგვარი ცრუ ხმების გავრცელებით, დაამახინჯოს ჩვენი პოზიცია აფხაზეთის მიმართ, დაამახინჯოს კანონიერი ხელისუფლების პოზიცია. მიუხედავად იმისა, რომ მე პირველსავე მიტინგზე მოვუწოდე მთელს სამეგრელოს და მთელს საქართველოს, რომ დავიცვათ აფხაზეთი და გადავისროლე ძალზე მნიშვნელოვანი შეიარაღებული ძალები ოჩამჩირის ფრონტზე, რომლებიც მალე გაარღვევენ, კოდორზე გადავლენ და სოხუმში შევლენ მალე, მიუხედავად ყოველივე ამისა, ხუნტა ურცხვად ავრცელებს ჭორებს, ვითომ მე წინააღმდეგი ვარ აფხაზეთში ბრძოლისა და მოვითხოვ ვითომდაც ჯერ თბილისის აღებას. თბილისი უკვე აღებულია, თბილისი უკვე ჩვენია, არასოდეს არ დაიკარგება. ახლა მთავარია აფხაზეთის ფრონტი გავამაგროთ, განვამტკიცოთ და გავარღვიოთ, სადაც საჭიროა და ავიღოთ მთლიანად ინიციატივა მთელი ფრონტის გაყოლებაზე. აი, ამ მიზნით ვარ მე ჩამოსული და ესხა ბ-ნი ვახტანგ ქობალია იქ იმყოფება, ბატონი გურამ ლაკია, შესანიშნავი სამხედრო სპეციალისტი და სტრატეგი, იქ იმყოფება — ჩვენი შტაბის უფროსი და მალე ეს შტაბი დაიჭვემდებარებს ყველა შეიარაღებულ ძალებს, მათ შორის უკანონო ხელისუფლების შეიარაღებულ ძალებსაც. უნდა მოგახსენოთ, და ჩემთვის ძალზე სასიამოვნოა, რომ, მართალია, უკანონო ხელისუფლების ჯარში მსახურობენ, მაგრამ იქ მრავალი კარგი ქართველი აღმოჩნდა და მრავალი პატრიოტი, რომელიც ჩვენ ამოგვიდგება მხარში და რომელიც არ დაემორჩილა ხუნტის ბრძანებას, არ ემორჩილება!!

მოლაპატე შევარდნაძემ მოუწოდა ქართულ შეიარაღებულ ძალებს, რომ დატოვონ აფხაზეთი, დატოვონ სოხუმი, დატოვონ ოჩამჩირე და მოუწოდა ქართველ მოსახლეობას, რომ დატოვონ აქა-ურობა. ვერ ეღიროება ვერასოდეს თავის სიცოცხლეში ამას, ვერასოდეს ვერ ეღიროება. მაგრამ სავალალოდ, მეგობრებო, მან მაინც მიღწია გარკვეულ წარმატებას იმ მხრივ, რომ სოჭის მოლაპატური, კაპიტულანტური ხელშეკრულების დადების შემდეგ, როდესაც მან ხელი მოაწერა აფხაზეთიდან ქართველების გაძევებასა და არძინბას უკანონო ხელისუფლების სოხუმში შემოყვანაზე, და რომ ეს ხელშეკრულება დღეს ხორციელდება, აი, ეს არის უდიდესი უბედურება საქართველოში და ჩვენ არ დავუშვებთ ამ მოლაპატური, კაპიტულანტური ხელშეკრულების განხორციელებას. მთელი საქართველო ფეხზე დადგება და ხუნტას ჩაქოლავს და აფხაზეთს დაიბრუნებს. ვერ მოესწრებიან გენშერებთან გარიგების შესრულებას, რომლის ძალითაც რუსეთის ჯარი, გერმანიიდან გამოყვანილი, უნდა დასახლდეს სოხუმში, უნდა დასახლდეს შავი ზღვის სანაპიროზე და ქართველები აქედან უნდა გააძევიონ. ამას ვერ ეღიროებიან ვერასოდეს, ვერ მოესწრებიან. აი, ამ მიზნით წამოიწყეს ეს პროვოკაციული ომი მოუმზადებლად, ყოველგვარი შემზადების გარეშე, ყოველგვარი სტრატეგიის გარეშე, ყოველგვარი გეგმის გარეშე, ყოველგვარი მომარაგების გარეშე. გაჟლიტეს უამრავი ქართველი, გაანადგურეს ჩვენი გენოფონდი და მიზანი კი თურმე ის ყოფილა, რომ ბოლოს აფხაზეთი უნდა დაეთმოთ და იქ შემოეყვანათ ჯარი, რომელიც გამოდის გერმანიიდან და იქ დაესახლებინათ. აი, ამისთვის იბრძვის ეს, ეს მოლაპატე, მაგრამ ვერ ეღიროება. თავისი თვალთ ვერ დაინახავს ვერც ეგ და ვერც სხვა მოლაპატენი, რომლებიც დღეს შხამს ანთხევენ აი ამ მოწამლული ტელევიზიიდან და ათასგვარ სიცრუეს და სიბილწეს ავრცელებენ. ისინი პასუხს აგენებ ერის წინაშე, კანონის წინაშე უახლოეს ხანში!

მეგობრებო, მათმა ბინძურმა აგიტაციამ გამოიღო ძალზე ცუდი შედეგები, ოჩამჩირეში ქართველობა ტოვებს თავის მშობლიურ სახლებს. ეს ყოველად დაუშვებელია. არაფერი პანიკისათვის არ

არსებობს საფუძველი, მით უმეტეს გალში. მე მოგიწოდებთ, არავითარი პანიკა არ უნდა იყოს, არ უნდა დავტოვოთ ჩვენი ძირძველი კუთხე. ჩვენ უნდა დავირაზმოთ, უახლოეს ხანში მე გამოვაცხადებ საყოველთაო მობილიზაციას მთელ საქართველოში და ყველგან შევქმნი სამობილიზაციო შტაბებს. გალში იქნება სამობილიზაციო შტაბი. ვაფრთხილებ აქაურ უკანონო ხელისუფლებას, თუ რაიმე დაბრკოლება იქნება კატასტროფულ შედეგებს მოგვიტანს ეს. ასე რომ, მეგობრებო, გთხოვთ, ამოგვიდგეთ მხარში, ყველას, ყველას გთხოვთ, მთელი რაიონის მოსახლეობას, ქალაქის მოსახლეობას; უნდა მოხდეს ერთი რამ: მე ვიცი, რომ აქ გარდა იმისა, რომ არის ჩვენი ბატალიონი, არის სამურზაყანოს ჯგუფი, რომელიც აგრეთვე კარგად იბრძვის დღეს იქ. მოსახლეობას აუცილებლად, თავშემონახულ კარგ ვაქცაებს აუცილებლად ექნებათ იარაღი. ამას იმიტომ ვამბობ, რომ იქნება სახალხო ლაშქარი. ამ ლაშქარში უნდა შემოვიდეს ყველა, ვინც თავის თავს ქართველად თვლის და ვინც კაცად თვლის, ყველა უნდა შემოვიდეს ამ ლაშქარში და სასურველია, რომ მოხვიდეთ თქვენივე იარაღით. ჩვენ იარაღს კიდევ ვიშოვით, მაგრამ გვჭირდება, თქვენივე იარაღით მოდით, ჩაეწერეთ ლაშქარში, რომელიც დადგება საქართველოს სადარაჯოზე, დადგება ჩვენი ოჯახების სადარაჯოზე, დადგება ჩვენი მშვენიერი კუთხის სადარაჯოზე და ამ ბრძოლას გამარჯვებით მიიყვანს ჩვენი ძლევაშობილი მხედრობის ხელმძღვანელობით.“

როგორც იტყვიან კომენტარი ზედმეტია და მაინც: **„ზვიად გამსახურდიას ავტორიტეტს მოხერხებულად გამოიყენებენ მაშინ იმპერიალისტური ძალები, ვინაიდან აფხაზეთის ბედი — გალის რაიონის სიმდიდრეს დროულად თუ გახიზნავდა ადგილობრივი მკვიდრი, რა დარჩებოდა მათ მადას საკბილო, სამართლით რომელიც აენახდაურებინა კაცის კვლისთვის გადასახადი გასამრჯელო? სოდა, იმ წუთამდე გამსახურდიასთვის თავგადაკლული მრევლის ფსიქიკა ასოთხმთცი გრადუსით შემოტრიალდება. იმ წამიდან სამურზაყანოელებს მის სახელს ვერ გააგონებდით შინ თუ გარეთ! თურმე ეკონომიკაზე ყოფილა რეალური სიმპათია-ანტიპათია დამყნობილი! ყველა სოფელში მოიძვევება ასეთი ტლუ და გაუთლელი, კუჭით, ბედილით რომ ზომავს შეილების მომავალს. ოღონდ თვითონ სქონდეს დღეს ლუკმა-პური თუთაშხიას მეწისქვილე ბონიასავით და მერე ვინდა ქვას უთოვია!“**

მითხარით, სად არის აქ ავტორის შეფასება პრეზიდენტის მიმართ? სად არის გაანილვებული □ავად თუ კარგად) მისი ქმედებანი? აქ ხომ თვით ხალხის მოლერწმეობაზეა საუბარი? დიახ, იმ მიტინგამდე გამსახურდიას მომხრე სამურზაყანოელები ხელის ერთი მოსმით გადაეტერებინა ექსპრეზიდენტს და ბატონ ედუარდ შევარდნაძეს მიაყრდნობენ თავს, მაგრამ, როცა გალიდან ხელმეორედ გამობუნძურება მოგვიწევს, ის თავი ლამის არძინბას ჩაუდონ კალთაში და ბატონებო, დიახაც ამისთანა უმსგავსოების წინააღმდეგ ილაშქრებდა „უგურო ფეტელავას“ პერსონა, როცა სანიმუშოდ დარჩელებს კურიოზულ მაგალითს მოიშველიებდა — პროვოკატორების მიერ შავად წარმოჩენილ თეთრს.

ტექნიკური მიზეზებით, მოჩქარებით, ტექსტის ზერეღე გადაკითხვის შემწეობით ჩავვარდნილვარ გულითადი კარის მეზობელი სოფლის ყბაში. მე უნებლიეთ, მოუფიქრებლად მომიხვეჭავს დარჩელებს რისხვა და მათაც სრულიად სამართლიანად უგულოდ მოგუწათლივართ, მიუხედავად იმისა, მშვენივრად უწყინ: გური ოტობაიას შემოქმედების ერთ-ერთი მამოძრავებელი ძარღვი თავად დარჩელია, მისი მკვიდრი ხალხი — გულა კოდუას, ჯოტო ოდიშელის და თარაშ ბიგვას სახით.

ისე კი „ყელის გამომჭრელ სიძეს“ ვინმე რომ შეხმიანებოდა ამ თვენახევრის მანძილზე, ბურუსი მყისვე გაიფანტებოდა, მუხლმაგარ სოფელსაც დროულად დაუხრიდნენ თავს უნებლიე კალმისშიერი შეცდომის გამო და გულიც ამოცლას გადარჩებოდა.

მე კამეჩი ვუწოდებ ჩემს თავს, რომელიც დარჩელისკენ მიზოზინებს დღემოსწრება სამშობლოს სახრის ზუზუნის ხმაზე, ხოდა, სანამ მისგან გადებრუნებული სიტყვა წამოგეწოდეთ, გულარხინად იყავით ჩემებურნო!

ერთი აქვს ღარღი სამურზაყანოელს
ღა ისიც — საქართველო

საქართველოს სოციალური უზრუნველყოფისა და სამედიცინო დაზღვევის ერთიანი ფონდის გენერალური დირექტორი, ეროვნულ და სოციალურ ურთიერთობათა აკადემი-

ის აკადემიკოსი, ოთარ ზუფენია ბოლო მოვლენების პირველივე დღეებიდან, როგორც ხელისუფლების ერთ-ერთი წარმომადგენელი, გვერდში ედგა გალის რაიონიდან დევნილ მოსახლეობას.

ზუგდიდში მას რედაქციის თხოვნით შესვდა მწერალი გური ოტობაია (ფეტელაგა).

— აფხაზეთის პრობლემებზე საუბარი ყველაზე მახლობელი თემატიკით მინდა დავიწყო, ორივესთვის საზიარო სოფლით — ოტობაიათი. საქმე ის გახლავთ, რომ ქართულ პერიოდიკაში უკვე რამდენიმეგზის გამოქვეყნდა ინფორმაცია იმის თაობაზე, რომ თითქოს ოტობაიელები, თუკი მთავრობა არ უზრუნველყოფს მათ სასიცოცხლო პირობებს, თეთრ ბაირალებს აიღებენ, გადავლენ ენგურს გაღმა და არძინბას რეჟიმს აღიარებენ, ანუ ხაზს გადაუსვამენ ათასობით ნაწამები ადამიანის ხსოვნას, ჩვენს წმიდათა-წმიდა მოვალეობას: ვიდგეთ წარსულის, ღღევანდლობისა და მომავლის მეციხოვნეებად.

გვაცნობთ ციტატებს ქართული პრესიდან:

„თუ სახელმწიფო არ მიხედავს, ოტობაიელები აფხაზებს ჩაბარდებიან...“

□გვა) თუ საქართველოს მთავრობა უახლოეს დღეებში არ გადაწყვეტს ზუგდიდის რაიონის სოფელ ორსანტიაში განთავსებულ ოტობაიელ დევნილთა საკუთარ სახლებში უსაფრთხო და მაღე დაბრუნების პრობლემას, ისინი აპირებენ თეთრი დროშებით გადასვლას და სეპარატისტული რეჟიმის აღიარებას.

ორსანტიაში განთავსებულ დევნილთა უარყოფით დამოკიდებულებას ხელისუფლების მიმართ აშკარებს მათი უკიდურესად მწვავე საპროტესტო პირობები. ასევე, საკვები პროდუქტის უკმარისობა. მთავრობისგან დაპირების გარდა, ქმედითი დახმარება ჯერჯერობით არ ჩანს“. „დილის გაზეთი“, №133, 17.06.98.

ქართული პრესის ზოგიერთი წარმომადგენელი ამასაც არ გვაკმარებს. ახლახან „კვირის პალიტრა“ შემოგვთავაზებს ფრიალ დამაფიქრებელ მოსაზრებას:

„აფხაზეთის მთავრობა მოვიდეს და ჩემთან დაწვეს კარავში...“

... ზამთრამდე აქ, ამ კარავებში ვიქნებით. ზამთრამდე ჩვენ უნდა მივხედოთ ჩვენს საქმეს და ისე უნდა მოვავგაროთ, რომ ჩვენს ადგილ-მამულს დავუბრუნდეთ. ჩვენი წინაპრების საფლავს არ მივატოვებთ, რაც არ უნდა მოხდეს, მაგრამ დაებრუნდებით არა ისე, როგორც საქართველოს ხელისუფლებას სურს, არამედ როგორც ხალხს უნდა. კერძოდ, ჩვენმა მთავრობამ აიძულა ხალხი, ასე მოიქცეს. ხალხი, ალბათ, ზურგს შეაქცევს ღღევანდელ ხელისუფლებას და იქითა მხარეს გადავა...

ჩავეწერებით მეგრელებად და არა აფხაზებად... იქ უკვე ჩვენ ვიცით, როგორ ვიბრძოლებთ, მაგრამ ჩვენი წასვლით ხელისუფლება 2 მილიონ ადამიანს კარგავს... მერე შეიძლება მოლალატეებიც დაგვიძახონ, მაგრამ გაიხსენონ „ეროვნული“ მოწმობები, რომელიც დაგვირიგებს ქართული და აფხაზური წარწერით, სადაც ეროვნება საერთოდ არ არის მითითებული. გეთანხმებით, შეიძლება ჩვენი გადასვლის შემდეგ იგივე დატრიალდეს, ისევე დავიხოცოთ, მაგრამ 10 კაცი ხომ დარჩება, ისედაც იმ 10 კაცისთვის ვიბრძოდით. ხელისუფლებამ იცოდეს, რომ ტყუილს წერტილი დაესვა და ასე არ გაგრძელდება.“ „კვირის პალიტრა“, № 25, 22-25, 06, 98 წ.

ჩემი შეკითხვა, ოთარ, ობიექტური რეალობიდან ამოდის: რა ქნას სამურზაყანოს დევნილმა მოსახლეობამ? არძინბას რეჟიმი დაუნდობელი სიკვდილით უსწორდება განურჩევლად ასაკისა და სქესისა, ხოლო საქართველოს ხელისუფლება სათანადო საარსებო პირობებს ვერ უქმნის. როგორია თქვენი შეხედულებანი და კომენტარები? თანაც, თუ ღმერთი გწამთ, რაც შეიძლება მეტი კონკრეტულია.

— შენს ვრცელ შეკითხვაში, გური, ჯიმა, არსებითად სამი ქვეკითხვაა. ვეცდები მოკლედ გავცე მათ პასუხი. პირველი: რატომ მაინცდამაინც ოტობაია? ჩემთვის მნიშვნელობა არა აქვს „გეას“ კორესპონდენტი იტყვის ამას, „კვირის პალიტრისა“, თუ „თეასი“. ჩემთვის მთავარია, რატომ აირჩიეს მაინცდამაინც ოტობაია? ჩემი უღრმესი რწმენით, ე.წ. 12-კილომეტრიან ზოლში ქართული ხერხემალი სწორედ რომ ოტობაიაა. „გეას“ კორესპონდენტმა ნებისით თუ უნებლიეთ მტრის წისქვილზე დაასხა წყალი.

კერძოდ, თუ მოლალატეობას ოტობაიელებს დააბრალდება, ამით ის, ფაქტობრივად, მთელი კუთხის გამცემლობას, მთელი სამურზაყანოს განდგომას ადასტურებდა. ეს ერთი. მეორეც, ამ ზოლში ყველაზე მდიდარი და ძლიერი დიახაც ოტობაიაა და არა მარტო ეკონომიკურად. მე ასე მეჩ-

ვენება — მტრის მიზანიც ეს იყო. მარტივად რომ ვთქვად, თუ ოტობაიელი ასე ფიქრობს, ადვილი დასაჯერებელია, რომ გაგიდელი, ფიჩორელი და ბარდებელიც ამგვარად იფიქრებდა. მეც მომისმენია „გეას“ კორესპონდენტით ასეთი საუბარი ერთი ქალბატონისაგან, პირველმთქმელისაგან, რომელიც ხატი, რჯული, ოტობაიელი არ არის, არამედ უკანასკნელ ხანს ოტობაიაში ჩამოსახლებული კაცის რძალია მხოლოდ და მხოლოდ. რაოდენ სამძიმოც უნდა იყოს ჩემგან, მე მაინც მგონია, რომ ეს ქალბატონი ჩვენი მტრის დაწერილ ტექსტს კითხულობს მეგრულ ენაზე და მეტი არაფერი.

სულ სხვა, არანაკლებ საშიშ ტენდენციასთან გვაქვს საქმე „კვირის პალიტრის“ პუბლიკაციაში. ჯერ ერთი, საქართველოსთვის სამურზაყანოელების „გამეგრელება“ აფხაზურ სეპარატიზმზე ნაკლები სულაც არ არის, იქნებ მეტიც. თანაც, ჩემთვის გაუგებარია, რომელი წყაროებიდან მოაქვს კორესპონდენტს მეგრელების რაოდენობა — 2 მილიონი. ამასწინანდელი სტატისტიკით ძლივს 600 ათასი ვყოფილვართ. ახლა მეგრული, კუთხური სეპარატიზმის აგორებადა გვაკლია. ჩვენი ყურნალისტების პატრიოტობაში ეჭვის შეტანა მკრეხელობაა, მაგრამ ისიც გვსმენია... „ზოგჯერ თქმითაც დაშავდებისო“.

ოტობაიელი საქართველოს მზეს ფიცხულობდა, ფიცხულობს და დაიფიცებს მოვალშიც. ოტობაიელს ერთი აქვს დარდი და ისიც — საქართველო, თუმცა, თურმე ძალიან ადვილი ყოფილა გაჭირვებული ადამიანის ფსიქოლოგიაზე იმუშაო, ისე, რომ მას შენთვის სასურველი აზრი წამოაცდენინო. ერთი წუთით წარმოვიდგინოთ, სახლკარმიტოვებული, ენგურს გამოღმა გადმოსული, ბეტონის იატაკზე მწოლიარე დედა ან ბებია, რომელთაც არ იციან, ხვალ როგორ გაუთენდებათ... ამ დროს მათთან მიდის საკმაოდ კარგად მომზადებული პროვოკატორი, არ მეშინია ამისი თქმისა, მტრის ხატს რომ მოუძებნის, ხატს არა ზოგადს, არამედ სახელდებულს, გვარ-სახელით მოხსენიებულს და მეტადრე ქვეყნის ხელმძღვანელს. ბუნებრივია, თითო-ოროლას, შეიძლება მეტსაც, თანხმობის თუ წყრომის ნიშნად თავის კანტურიც აუტყდეს, თავის ლექსიკონიდან მწარე სიტყვები ამოქექოს, მაგრამ განა ცოტა ვიცით მშობელი, რომელსაც შვილის ამა თუ იმ მოქმედებით უკმაყოფილოს, წყველა-კრულვა წამოცდენია? ცოტა ხანი რომ გაივლის, ცოტათი რომ დაცხრება ვნებათა ღელვა, განა თავად მშობელს არ უნანია მემკვიდრის წყველის გამო? ხოდა, იმას ვამბობ, ადვილია გაჭირვებული ხალხის გრძნობებზე თამაში. გაცილებით რთული სასოწარკვეთილისთვის ნუგეშის ცემაა. ეს ძნელი იმიტომ არის, რომ მათსავით უნდა გტკიოდეს, მათსავით უნდა გაწვალბედეს კითხვა: როგორ იქნება ხვალ? მივუბრუნდებით თუ არა ჩვენს საქვალეებს? მიუვალთ თუ არა წინაპართა სასაფლაოებს? დავიმარხებით თუ არა მათ გვერდით თუ... ჩვენივე ხელით მოვხნავთ არძინბას გულის ასაჩვილებლად თეთრ ბაირაღებს ადევნებულნი?

— ახლა ამბობ ასე, თუ იქაც იგივეს იმეორებდი, ოტობაიელებთან, ხიდზე, ფერმასთან, ორსანტიის სკოლაში?

— რასაკვირველია ეს რწმენა, კრედო, ჩემი ერთადერთი იარაღი იყო ამ ადამიანებთან საუბრისას. მეტსაც გეტყვი, მრავალი ჩემი თანასოფელელის თანდასწრებით, როდესაც ამისთანა ქალბატონს თუ ვაჟბატონს მივმართე: ჯერ თქვენ ბრძანეთ, მერე მეც ვიტყვი ჩემსას და ვნახოთ, ვის დაუჯერებენ ოტობაიელები: მე, კაცს, რომელიც 29 წელიწადია სოფლიდან წასულა, თუ თქვენ, ორი-სამი წელიწადია ტრიალებთ მათთან, დამერწმუნებით, ყველა ჩემს გვერდით დადგება-მეთქი, რომ განვაცხადო?! საბუთად, ჩემთვის საყვარელი კერძით, ხოზო კვერებით და ოტობაიას მიწაში სამი წლით ნამარხი ხილის არყით გამიმასპინძლდნენ. ესაა ჩემი პასუხი „გეას“, „კვირის პალიტრის“ კორესპონდენტების, თუ ზოგიერთი სულმოკლესადმი.

ახლა ბოლო და ყველაზე მძიმე ნაწილი შენი კითხვისა, გური, ჯიმა: აკეთებს კი ღღევანდელი ხელისუფლება ყველაფერს, რაც მას ევალება და შეუძლია?

აფხაზი სეპარატიზმები, მოგეცა ლხენა, ჩინებულად ასრულებენ თავიანთ მოვალეობას: კლავენ, წვავენ, ანადგურებენ აბორიგენ მოსახლეობას, თანაც, ვითომ ხალხის „თავისუფლებისათვის“ იბრძვიან ფართო საზოგადოებრიობის თვალში; და, მეორე — საქართველოს პრეზიდენტი მთელი გუნდით ისევ სამშვიდობო გზებს ეძებს, ისევ ცივილური ურთიერთობების სჯერა, ისევ ქართველთა და აფხაზთა მიერ ერთად გადახდილი ქორწილები და ქელეხები, ადათ-წესი ეიმედება, თანაცხოვრების გარდუვალობისა სწამს და თავისი მწირი ბიუჯეტიდან ლუკმა-პურის მიწოდებას ცდილობს თანამომეტათვის.

— მე კონკრეტულს გეკითხები, რატომ ვუშვებთ სასაკლაოზე სამურზაყანოელებს-მეთქი, თუკი მათი სიცოცხლის გარანტიები ყინულს აწერია, ან სანამ მშვიდობიანი მოლაპარაკებით ფართომასშტაბიანი ომის გაჩაღებამდე, ვცდილობთ იძულებით ადგილნაცვალთა დაბრუნებას, რატომ ვერ ხერხდება ჩვენს მიწა-წყალზე მათი დაფუძნება?

— ჩემს ხელთ არსებული ინფორმაციით, არძინბა დღესვე თანახმაა დააბრუნოს გალის რაიონის

ტერიტორიის გარკვეულ ნაწილში მოსახლეობა, მაგრამ მისი მიზანი სავსებით ნათელია. ვინც იცის, ე.წ. 12-კილომეტრიანი ზოლი, მისი სიმიდრის უდიდესი ნაწილი სწორედ ამ თვეებში უნდა მოიწიოს მოსახლეობამ, თხილი იქნება ეს, სიმინდის მარცვალი თუ ციტრუსი. მათ მუქთა მუშახელი ესაჭიროებათ ამ ზონაში თავიანთი მაროდორებისა და ზოგიერთი გონებადაბინდული ვამპირი თანამზრახველის თუ თვისტომის შეპირებული გასამრჯელოს გასანაღლებლად.

— სხვათა შორის, ამბობენ, მარტივი გაანგარიშებით, გალის რაიონიდან მეორე გამოძევების შემდეგ კაზაკებმა თუ სხვა ეროვნების „ბოევიკებმა“ დაახლოებით 50 მილიონი დოლარის სიმიდრე გაიტანეს სასოფლო-სამეურნეო პროდუქტის სახითო.

— მართლაც ბრძანებენ. ენგურის ხიდზე, ჩემმა ერთ-ერთმა მასწავლებელმა, როცა მას ამის თაობაზე ველაპარაკებოდი, ამგვარად მითხრა: შვილო, ოთარ, ოტობაიელები არძინბას თხილის მკრეფავებად ვერ გამოვადგებითო. ამით ყველაფერი იყო ნათქვამი.

— ესე იგი, გამოდის, რომ ჩვენი სამურზაყანოელი მოსახლეობა არძინბას რეჟიმის მომმარაგებლად გაგვიმეტებია წინა სამ წელიწადს.

— ძალიან სერიოზული თემაა. საქართველოს ხელისუფლებას უსაფრთხოების არანაირი გარანტია მიუცია ჩემი ოტობაიელებისთვის თუ სხვათათვის; ვერც მისცემდა, მაგრამ ხალხი მაინც გადავიდა და ამაში მათ ვერ გაამტყუნებ. სამიოდე წელიწადში ისევ ააყვავეს გადაბუგული და გადამწვარი ოტობაია, ნაბაკევი, ფიჩორი, გაგიდა, სიდა, თავილონი, ბარლები და ასე შემდეგ. დღეს იქ რაც მოხდა ლოგიკური შედეგია ჩვენი არჩეული კურსისა, მოსალოდნელი და მაინც რაღაცნაირად გამართლებული. ვინც ენგურის მარცხენა ნაპირიდან უყურებდა, თუ როგორ იბუგებოდა ენგურის მარჯვენა სანაპირო, ელექტრონის ბოძებისა და ასწლოვანი ჭადრების კენწეროებით რომ მარჩიელობდნენ, ვისი, რომელი მეზობლის სახლი იწვოდა და აქვე, რომ უთხრათ მათ: ჩვენი სამშვიდობო პოლიტიკა ერთადერთი მართებულიაო, არ გერწმუნებიან. ვფიქრობ, ამიტომაც ფრთხილობს საქართველოს ხელისუფლება, როცა არ ეთანხმება არძინბას და მისი უფროსი ძმების ცბიერ განცხადებას: მობრძანდით, ბატონებო, გალში, იცხოვრეთ მშვიდობიანად და იმუშავეთო. სხვათა შორის, არძინბა ძალიან „ზრუნავს“ ზუგდიდის ბაზარზე და იცით რატომ? 21 მაისიდან დღემდე ზუგდიდის ბაზარზე სასოფლო-სამეურნეო პროდუქტია 40-50 პროცენტით გაძვირდა, ხოლო, როგორც ამბობენ, სოხუმსა და გუდაუთაში, პირიქით, ორჯერ გაიაფდა...

ოტობაია ფორპოსტად თუ გამოადგება საქართველოს ხევისურეთზე შექმნილი ლექსისამებრ: ოტობაიელს ერთი აქვს დარდი და ისიც — საქართველო. მოკლედ, ყველა თავის ადგილას რომ იყოს, ყველამ თავისი საქმე პირნათლად რომ აკეთოს, როგორც მაგალითად, ბატონი ბაკურ გულუა, მაშინ ამ ხალხის ყოფაც უფრო გასაძღისი გახდებოდა და, სხვათა შორის, არა მარტო სამეგრელოში, არამედ — სრულიად საქართველოში.

— თქვენი პასუხიდან გამომდინარე, არძინბას ხელისუფლებას სამურზაყანოელები მუშა ჭიანჭველებად ნდომებია იქნებ დადგა დრო, ეს მოსახლეობა ჩვენს იურისდიქციაში შემავალ ტერიტორიებზე დავამკვიდროთ, დავაბინაოთ?! რაა მთავარი, მიწა თუ ადამიანი?

— გეთანხმებით. ეს დროც დადგა. უფრო მეტიც, ზოგიერთი კონკრეტული ნაბიჯიც ამისი დასტურია, როდესაც აფხაზეთიდან წამოსული მოსახლეობა ფუძნდება საქართველოს სხვა ქალაქსა და რაიონში. მე რამდენიმე პროექტს ვიცი, რომელიც ახლა ხორციელდება და რომელიც ითვალისწინებს აფხაზეთიდან დევნილი მოსახლეობის დასაქმებას იმერეთში, კერძოდ, წყალტუბოშია ეს, ქართლში, კახეთსა თუ სამცხე-ჯავახეთში, მაგრამ გეთანხმები იმაშიც, რომ ეს შეიძლება უფრო ადრეც და უფრო წარმატებითაც გაკეთებულყო. მე ზოგი ჩინოსანისაგან გამიგია, რომ თუ მიწა-წყალს გამოვუყოფთ აფხაზეთიდან დევნილებს, ისინი უკან არ დაბრუნდებიანო. ეს საშინელი შეცდომა იყო, და ემყარება იმას, რომ ამ ადამიანებმა არ იციან სოხუმელთა, გაგრელთა, გულირიფშელთა, ოჩამჩირელთა თუ გალელთა თავიანთ საძვალეებისადმი ტკივილამდე მისული სიყვარული.

მარტივ მაგალითს გეტყვით. აფხაზეთიდან წამოსული არაერთი ადამიანი ვიცი, სხვათა შორის, ვინც ფეხი მოიკიდა თბილისში, რუსთავეში, ქუთაისში, თელავსა თუ სხვაგან, მაგრამ ისინი სამურზაყანოს მიწაზე იმარხებიან დღემდე მოღერებული ავტომატის ლულის ქვეშ, ან, უკეთეს შემთხვევაში, ოდიშის მიწაზე, დროებით სასაფლაოზე, იმის რწმენით, რომ ზვალ თუ ზეგ მაინც მამაპაპისეულ საფლავზე მიუჩინენ კუთვნილ ალაგს. ამიტომ მიმაჩნია — საქართველომ ყოველი თეთრი უნდა მოიძიოს იმისთვის, რომ ენგურს გამოლმა გამორეკილმა მოსახლეობამ სხვისი, თუნდაც საკუთარი ხელისუფლების მოიმედლობით არ იცხოვროს, არამედ თავისი შრომითა და გარჯით მოიპოვოს საჩიროსაბადებელი. ბოლოს და ბოლოს, როცა ისინი უკან მიბრუნდებიან, სრულიად საქართველოს საკუთრება არ იქნება მათი ხელით აყვავებული ბალ-ვენახები?

— რამდენადაც ვიცი, 19 მაისიდან სამეგრელოში იმყოფები. თვენახევრის, ამ ორმოციოდე დღის მანძილზე, მხოლოდ ორად ორი დღე-ღამე დახვავი თბილისში. ჟურნალისტები მეყუყულად გაეცნობიან ხოლმე სიტუაციას, ზოგი გამბედავი გარისკავს ხოლმე „მკვდარ სოფელში“ შესვლას 3-4 საათით, და გულშიჩამწვდომ წერილსაც შამოგვთავაზებს, მაგრამ თქვენ, როგორც დღევანდელი სადალიანოს სოციალურ-პოლიტიკურ რეალობაში მოხარშული, რას გვეტყვით არსებულ სიტუაციაზე, მის მომწესრიგებელ ადამიანებზე? მართვადია იგი თუ თვითდინებასაა მიშვებული? იქ პრემიერსაც ვხედავთ ხოლმე, მინისტრებსაც, გუბერნატორი და გამგებელ-მერები ხომ არიან და არიან.

— დავაზუსტოთ, მე სამეგრელოში ჩავედი 21 მაისს, დილით, გამთენიისას. ჩვენს მტერსა და მაწყვეარს, რაც იქ მე დამიხვდა — ათასობით ადამიანი, გამოლწეული ენგურებიდან, მოსული ზუგდიდს, როგორც ერთადერთ იმედთან.

პატარა ლირიკული გადახვევა: ჩემი მამის შვილმა ცოტა რამ ვიცი ისტორიიდან, მაგრამ ამ დღეების ზუგდიდს ანალოგი ვერ ვუპოვე. უმარტივესი არითმეტიკა: ერთ ზუგდიდელზე ერთი ლტოლვილი მოდიოდა და აფერუმ თქვენ, მართლა ზურგდიდელებო, მართლა ზურგით და ხელით რომ ატარეთ ათასობით მშიერი და მწყურვალი, გრძნობა და გონება დაკარგული. მე მომსწრე ვარ იმისა, თუ როგორ ექებდნენ ზუგდიდელები დევნილთა თავშესაფარს, როცა საკუთარ ოჯახში ფართი არ ხყოფნიდათ. მე ბევრი დირექტორის სახე მახსოვს, ვინც მამაჩემივით თვალისჩინივით უვლის სკოლას და, როცა საჭიროებამ მოითხოვა, გულლიად გაუღეს კარები დევნილებს. დაახვედრეს კი ბევრი ვერაფერი. სამოწაფეო მერხები და დაფები. სხვათა შორის, ცარციც არ იყო საკმარისი, რომ იმ დაფებზე საკლასო ოთახებში მცხოვრებ დევნილთა გვარ-სახელები მიგვეწერა. სკოლები რომ არ ეყოთ, ზუგდიდელებმა ბაგა-ბაღების კარები გახსნეს. არც ამან იკმარა. ორმოციათას ადამიანს ეხუმრებენ? ბოლოს დარჩა ჩაის ფაბრიკები და მეცხოველეობის ფერმები... სამურზაყანოდან გამოსულთ მეცხოველეობის ფერმებშიც არ ეყოთ ადგილი და ასობით ადამიანი ოტობაია-ორსანტიას ჩანგრეულ ხიდქვეშ ათენებდა ღამეებს. იქ, იმ დღეებში, იმ განუმეორებელ წამებსა და წუთებში დაიბადა უმშენიერესი ლეგენდა გალელების და ზუგდიდელების უძლეველი სიყვარულის თაობაზე. მე მინახავს სახლიდან გამოტანილი ქვეშაგებ-ლეიბი, უბრალო ჭიქა და თიხის დოქი, სამეგრელოს ჭის წყლით სავსე. ეს არის საქართველოს ერთიანობისა და უკვდავების ულამაზესი ლეგენდა...

ვსარგებლობ შემთხვევით და მინდა გულითადი მადლობა გადავუხადო ყველა ზუგდიდელს. ტრადიციულად ოდიშელები და სამურზაყანოელები ხომ ყოველთვის პირველობისთვის იკლავდნენ თავს, ვერ გაეყოთ დიდი სადალიანო ენგურს გაღმა-გამოღმა, მაგრამ საერთო მტერთან ჭიდილმა გააერთიანა ისინი და ახლა საკამათო არაფერი აქვთ.

— ბატონ ბაკურ გულუას მამულიშვილობა საქვეყნოდაა ცნობილი, მაგრამ ამ გავანია ზაფხულში საკუთარი ინიციატივით სოფლის მეურნეობის პრობლემების მიტოვება რამდენად გამართლებულია?

— მე შევეცადე საერთო განწყობილება მეჩვენებინა. რაც შეეხება კონკრეტულ პიროვნებებს, აქ უამრავი გვარ-სახელია, რომელთაც უეჭველი პატივი ეგების, მაგრამ ყველაფერში არსებობს მეტნაკლებობა. ამ პრინციპით, გამორჩეულთა შორის გამორჩეული უცილობლად ბატონი ბაკურ გულუაა, ერთი წუთითაც რომ არ მოსცილებია საერთო გასაჭირს. დააკლდა რამე უმისობით საქართველოს სოფლის მეურნეობისა და სურსათის სამინისტროს?! რასაკვირველია, მაგრამ შეემატა, ბევრი შეემატა მისი ყოფნით საქართველოს ერთ-ერთ ყველაზე შეჭირვებულ კუთხეს და საბოლოოდ შესაკრებთა ადგილის შეცვლით ჯამი არ შეცვლილა. აქვე, ალბათ, ვერასდროს გადაიხდიან სამურზაყანოელები ბატონების თენგიზ გაზდელიანის, ავთანდილ ჯორბენაძის, ვალერი ვაშაკიძის, ფრიდონ ინჯიას, ალექო ჟვანიასა და სხვათა ღვაწლსა და ამაგს. ფასდაუდებელია აგრეთვე ბატონების ვაჟა ფიფიას, ორსანტიის გამგებლის მურმან ხაზალიას და სახელმწიფო ფონდის ზუგდიდის ხელმძღვანელის ავთანდილ ცქვიტაიას საქმიანობა.

— სხვას რას გვეტყვით იმედისმომცემს?

— არძინბამ მისი რეჟიმისთვის საბედისწერო შეცდომა დაუშვა, როცა სამკვდრო-სასიცოცხლოდ გადაიმტერა სამურზაყანო. სწორედ ასე ვხედავ მე 24-25 მაისს ენგურს გაღმა აბოლებულ სახლებს. ეს არძინბას რეჟიმის დასასრულის დაჩქარებული დასაწყისია. სანამ აფხაზეთის ტერიტორიაზე სეპარატისტული რეჟიმი მძვინვარებს, პარტიზანულ მოძრაობას წინ ვერანაირი ძალა აღუდგება. აქ ახალი არაფერია. ისტორიაში ვერ იპოვით მაგალითს იმისას, რომ ომს თან არ ახლდეს პარტიზანული მოძრაობა.

— ეს დღეები რეგიონის მწერალთა ორგანიზაციის მესვეურმა შუკო ჭიქიამ და მე ენგურისპირა

თითქმის ყველა სოფელი შემოვიარეთ. სამურზაყანოდან ხელმეორედ დევნილთა სავალალო მდგომარეობის თაობაზე ქართული პრესა წერს მეტნაკლებად და აქ ორიგინალობა უადგილოდ მიმაჩნია, მაგრამ ერთი ფაქტის გამოყოფა უთუოდ ღირს. სოფელ შამგონისკენ მიმავლებმა, თავადაც უწყი, ფირმა „ლაბინირთის“ ხალხი როგორ მივაცილებთ საჯვაროსთან — მისი კომერციული ღირებულორი თამაზ ბასილაია, მოადგილე გელა გაბელია და სხვანი. დაბა ჯვარში გადმოსულთათვის ჩამოეტანათ თითო ტონა პურის ფქვილი და შაქარი, 200 ლიტრი ზეთი, 120 კოლოფი მაკარონი, კარაქი ყუთებით, დაფასებული ნამცხვარი, ტკბილეული, სხვადასხვა ზომის 50 წყვილი ბოტასი, ჯინსის შარვლები, პერანგები. თქვენ, როგორც მოვლენების უშუალო მონაწილეს, ალბათ, მეტი ინფორმაცია გაქვთ არასამთავრობო სტრუქტურების მონაწილეობაზე ლტოლვილი სამურზაყანოელების დახმარების თვალსაზრისით.

— დიდი მადლობა ფირმა „ლაბირინთს“ და მრავალ ასეთ ორგანიზაციას, რომლებმაც უანგარო დახმარების ხელი გაუწოდეს დევნილ თვისტომს. იშვიათად დარჩენილა საქართველოს ქალაქი და რაიონი, რომლებიც რამდენჯერმე არ ჩამოსულიყვნენ ზუგდიდს. სულის შემძვრელი გახლდათ ხელის გასამართად ცხინვალელი ლტოლვილების გამოჩენა სადადიანოში. ეს პროცესი დღემდე გრძელდება და მინდა ხაზგასმით ვთქვა, რომ მთავარი აქ მართა მატერიალური დახმარება როდია, იქნებ უფრო მნიშვნელოვანი მორალურ-ფსიქოლოგიური თანადგომაა.

— მაინც რა თანხა საჭირო სამურზაყანოელებისთვის მინიმალური პირობების შესაქმნელად დღე-ღამეში?

— საშუალოდ ორ-ორი ლარიც რომ ვიანგარიშოთ, დღე-ღამეში ასი ათასი ლარი მაინცაა აუცილებელი. ამას დავუმატოთ ელემენტარული საცხოვრებელი პირობების შესაქმნელად გაწეული თუ გასაწევი ხარჯები, რომელიც ერთიორად აღემატება დასახლებულ ციფრს და მივხვდებით, სიტუაცია სერიოზულია, საქმე გვაქვს მილიონებთან. შეიძლება ვილაცამ თქვას, კი მაგრამ აფხაზეთიდან პირველი გამოდევნის პირობებში ჩვენ ხომ ფაქტობრივად მოსახლეობის მთელ მოცულობასთან გვექონდა საქმეო, რომელსაც მერე და მერე გამოაკლდნენ სამურზაყანოელები, გალის რაიონში სიცოცხლის რისკის ფასად შესული 45 ათასი ადამიანიო. როგორ ვახერხებდით მაშინ მათ შენახვას და რატომ გვიძიმს დღეს იგივე პრობლემის მოგვარებაო?!

მე ის წლები კარგად მახსოვს, ამიტომაც პირდაპირ უნდა ვთქვა, რომ მაშინ სახელმწიფო სამურზაყანოელებს ამ დონეზე ნამდვილად არ დახმარებია. თუ თავი გაიტანა ამ ხალხმა, მხოლოდ იმით, რომ მათ გარკვეული დანაზოგი გააჩნდათ. დღეს კი სიტუაცია სხვანაირია; დღეს გალიდან ლტოლვილ მოსახლეობას პრაქტიკულად დანაზოგი არანაირი გააჩნია, რაც მაშინ გადმოიტანეს, ისევ უკან მიაბრუნეს. ამიტომაც ამჯერად სახელმწიფო გაცილებით მეტად ეხმარება ამ ადამიანებს. რაც შეეხება ჩემსა და შენ ოტობაიას, რომელსაც საუბრის დასაწყისში საქართველოს ფორპოსტი ვუწოდეთ, ერთი აქვს დარდი მავანთა ჯინაზე და ისიც — საქართველო!

29. 06. 98.

იგელი ყველაზე
ბოლოს კვდება

ქართული მწერლობა ჯვარცმული სამურზაყანოელების გვერდითაა, უფრო ზუსტად კი ჩვენი სიტყვიერება ერის სულიერი მოძვრის, მესიის, მიზეზთა გამო დაკარგულ ოდინედელ ფუნქციას დღითი დღე იბრუნებს.

მაჩაბლის ქუჩაზე მწერალთა კავშირის თეთრპერანგიანი შენობა რომ დაცხრილეს ოთხმოცდაათიანი წლების ბერბიჭაშვილებმა, მაშინ ჩაცვა ლახვარი კაკალ გულშიც საქართველოს მონოლითურობას.

არადა, იცოდნენ ჩვენი ერთიანობის ძალა „ცხრა აპრილებით“, „რეფერენდუმებით“, „ოცდაექვსი მაისებით“.

მოხდა ატომგულის გახლეჩაზე უსაშინლესი განცალკევება ქართული სულიერებისა. დაიწყო სამშობლო შუკებად, თემშარებად, უბნებად, სოფლებად, რაიონებად და ქალაქებად. დანაწევრების ეს დამანგრეველი ფორმა არ იკმარა დრაკონის უძლებმა მადამ და გავიხლიჩინით სოციალური, პროფესიული ნიშნით: ინტელიგენცია, მუშათა კლასი, გლეხობა. იმდენად შემშუსვრელი აღმოჩნდა „დავიდე ეტ იმპერას“ იმპერიალისტური გესლი, რომ დღემდე ვერ მოხერხებულა იმ ჯოჯოხეთური

აურაცხელი ნაპრალის, იმ საშინელი უფსკრულების ამოვსება ჩვეული აღმსარებლობით, პატრო-ფილური მიმტვევლობით, „გიჟ-ვრაცუული“ ტოლერანტობით. ჯიუტი ყოჩებივით არ ვთმობთ ერთხელ და სამუდამოდ ამორჩეულ „უცდომელ“ პოზიციას და ურმის გადაბრუნების შემდეგაც ვერ გაგვიცნობიერებია ჩვენი საყოველთაო დაქცევისა და გაუბედურების უმთავრესი მიზეზი — გათიშულობა, დათითოვება, დაკენტება, ნებისმიერი დუშმანის შემმუსვრელი ერთიანობისა და ურთიერთთანადგომის ნაცვლად.

დაიწვა წიგნები ვერეს ბალში. მათი ფერფლიდან აღდგენა უკვე არანაირ ჯადოქარს ძალუძს, მაგრამ მომავალი მკაცრი მსაჯულია და ამდენ შეცდომას ნამდვილად არ გვაპატიებს. მომავალი გულთამხილავის ბაგედადუმებული დღევანდელიობით აისბერგულად გვიხატავს მერმისის კონტურებს — ქარაგმულად გვიცხადებს ეჭვიმუტანელ რეალობას, რომ სამურზაყანოს არსებული ვითარება ხვალ-ზეგ შეიძლება სრულიად სქართველოს მასშტაბისა შეიქმნას — „თბილისს ერევნად გადაგვიქცევენ“ და მაშინ ქვეყნის ფიზიკური ყოფნის შენარჩუნებას, ვინ იცის, მერამდენედ შეეწირება საქართველოს ესოდენ ნანატრი ეფემერული თავისუფლება.

ერთი ბელეტრისტის ტრიბუნა „ოღოთი“ ჯერ კიდევ ოთხი წლის წინათ მოვითხოვდი ქართული მწერლობის გამთლიანებას სამშობლოს სახელით. ბარიკადის სხვადასხვა მხარეს აღმოჩენილ თანამოკალმეებს მუხლმოყრილი ვეაჭებოდი ერთ პლატფორმაზე დადგომას, ქრისტესმიერ მიტვევბას, ავადსახსენებელი ერთადერთობის ჩაკვლას სულში, კონფრონტაციის მაგივრად თანამშრომლობის გაუპირატესობას, უთანხმოების ნაცვლად კონსენსუსის წინწამოწევას, დაპირისპირების წილ ურთიერთპატივისცემის გზაზე დადგომას ჩვენი იავარქმნილი მამულის სასიკეთოდ — შეუთავსებელთა შეთავსებას, მაგრამ ეს პროცესი არათუ ჩემმა მეცადინეობამ, თვით შეუდარებელი პატრიოტის, გია აბესაძის შუარუსთაველზე ბენზინით აბრიალებამაც ვერ დაძრა ადგილიდან; თუმცა ყველაფერი სასრულია, გენბავთ შეუდარებელი ქართული ყოჩიანობა და ჟურნალისტთა ფედერაციაში ბატონ ბაკურ გულუას თაოსნობით გაჩაღებული ეროვნული თანხმობის დარბაზის პერიპეტეიები ამ სულიერი მოთხოვნილების უცილობელ გამოძახილად წარმომესახება ჰოდა, დარწმუნებული ვარ სანამ ქართული მწერლობა თავის უმრწემეს ამპლუაში არ აღსდგება, სანამ თუნდაც მცირე ჯგუფი ჩვენი სიტყვიერებისა, გენბავთ „მარტი-92“-ის სახით, განზე მაცქერლობს და ქართლოსიანთა სულის უმთავრეს საკურთხეველს არ მობრუნებია — აღორძინება, წინსვლა, წარმატება არ გვიწერია პოზიტიური მიმართულებით და აი, რატომ:

საქართველოს გადარჩენის თილისმა არასდროს ყოფილა მაინცდამაინც ქრესტეს მოძღვრება, ვინაიდან ჩვენი ბარი თუ მთიანეთი პირგვარის გარდასახვის შემდეგ ვარსკვლავებით მოქვედელი ცისკენ გააპარებდა ხოლმე მზერას მალულად და ამით ყველაფერი იყო ნათქვამი;

საქართველოს გადარჩენის ავგაროზი არას-დროს ყოფილა მაინცდამაინც ჯვარსმომსგავსებული სატევარი, მახვილი, ორლესული თუ „რკინის გული“ ხისაბჯროსანი ვაჟკაცისათვის, არამედ მისი უძლეველობის საიდუმლო ჩაკირული გახლდათ ეჭვიმუტანელ ერთადერთ კრიტიკერიუმში, ერთადერთ უსიკვდილო ფენომენში — **სიტყვაში**, რომელიც დასაბამიდან სუფევდა, და რომელიც იგივე ღმერთია იოანესეული სახარ-ების დაჟინებული რწმუნებით.

ღიახ, ბატონებო, სიტყვა, იგივე გონიერება იცავდა ქართლოსიანთა უკვდავების ქვაკუთხედს და როდესაც ჩვენი ქედუხრელობის ჯადო-თილისმა გახლიჩა ჭკვიანმა მტერმა, საყოველთაო დაცემამაც არ დააყოვნა.

ზემოთ თქმულიდან გამომდინარე, ალბათ, გასაგებია, ჩემი მართონული მეცადინეობა სიტყვის მსახურთა შერიგების გზაზე.

ყოველი წინსვლა და წარმატება საქართველოში სიტყვის გამთლიანებამდე ფუჭია, უდღეური.

ერის სულიერი წონასწორობა ქართული სიტყვიერების შედუღებებით უნდა აღდგეს!

ქართული მწერლობა ერის სატკივრების სადარაჯოზე რომ იყრის თავს დღითი დღე, ბოლოდროინდელი მოვლენებიც ხატოვნად მოწმობს.

რეორგანიზაცია განიცადა მოუქნელმა, ბიუროკრატიულმა სტრუქტურამ; მწერალთა ერთობას საფუძვლად დაედო პრინციპი: „კეისარს — კეისრისა და ღმერთს — ღმრთისა“.

მარტო ქართველ მწერალთა და მეწარმეთა ამასწინანდელი თავყრილობა რად ღირს, სადაც უამრავი კონკრეტული ღონისძიება დაისახა უცხო ხელის მიერ კულის რიკამდე გაძვალტყავებული ჩვენი ეკონომიკის ასაღორძინებლად. ახლა კი, აგერ, ქართველი მესიტყვენი ჯვარცმული სამურზაყანოელების გვერდით არიან. ოტობაიაწართმეული და მამის საფლავწაგლევილი დევრიში, ეს დღეები მაინც თავაწეული დავიარები, ვინაიდანაც სიტყვის ქურუმთა თანადგომამ წელში გამართა ჩემი ხალხი, მომავლის იმედი ჩაუსახა.

საქმე ის გახლავთ, რომ პარასკევს, 3 ივლისს, მწერალთა კავშირისა და გლდანის რაიონის გამგეობის დელეგაციამ, ფრიად სოლიდური ტვირთით მოინახულა ზუგდიდის რაიონში, სოფელ ორსანტიის საშუალო სკოლაში განთავსებული ოტობაიელები.

უზომო, აურწყავი მადლობა თანადგომისთვის ჩემს კოლეგებს, სახელმძღვანელო მწერლებს: გახლჩილი მწერალთა კავშირის თავმჯდომარეს, სუსხიანი ენითა და აჟიოტაჟით გამორჩეულ თამაზ წივწივას; განუმეორებელ რევაზ ჭეიშვილს; დაუდგომელ პუბლიცისტს და ქართული ნოველის შეუდარებელ მექარავენს, რევაზ მიშველაძეს; ჩინებულ პოეტს გენო კალანდიას, რომელმაც სამურ-ზაყანოდან ქართველობის ხელმეორედ აყრისადმი პროტესტის ნიშნად დასტოვა აფხაზეთის ფრაქცია და დამოუკიდებელ დეპუტატობას დასჯერდა; რამდენიმე თვალსაჩინო რომანის ავტორს, უარაფრობის ჟამს, მაღალპოლიტიკურ დონეზე რეგულარულად გამოძავალ ჟურნალ „ციცკის“ მთავარ რედაქტორს, ზაურ კალანდიას თუ ჩვენი ივარქმნილი კუთხის სწორუპოვარ ჭირისუფალს, მწერალთა კავშირის რეგიონული სამსახურის უფროსს, ნიჭიერებით ხელდასხმულ შუკო ჭიჭიას.

1500 კომლიანი სოფლის სახელით მადლობას ვწირავ გლდანის რაიონის გამგეობის თავმჯდომარეს, ბატონ სოსო ვაშაკიძეს; საქართველოს პოლიციის აკადემიის უფროსის მოადგილეს, ბატონ დემურ მიქაძეს; საქვეყნოდ ცნობილ ოთარ ფაცაცციას თუ გალის გამგებელ მურმან ჭედიას და აქვე, ოტობაიელებს გადაკიდებული სააგენტო „გეას“ ინფორმაციის ფონზე გთავაზობთ ელსმენით მოპოვებულ ბლიცინტერვიუებს დელეგაციის ზოგიერთ წევრთან:

დეენილებს მთავრობის ზუმანიტარული „საკენკი“ აღარ უნდათ.

□გვა) ზუგდიდის რაიონის სოფლებში ორსანტიასა და ტანმუხურში, □ალბათ, განმუხურში, გ.ო) ჩასახლებულ დეენილებს მწერალთა კავშირის წევრები წივწივად, მიშველაძე, კალანდია და სხვები ეწვივნენ □წარდგინებას ნუ იკითხავთ, დელეგაციის წევრები— ჩვენი სასიქადულო მწერლები, არასრულად და უდიერად, რუსული ყაზარმული წესითაა დასახელებული, გ.ო.) ამ სოფლებში, ძირითადად, გალის რაიონის სოფელ ოტობაიის მკვიდრი არიან ჩასახლებულნი.

მწერლებმა დეენილებს ზუმანიტარული დახმარება ჩაუტანეს, მაგრამ აჰან არ უმგელა □სანიტერესოა, რას? გ.ო.) და შეხვედრამ, როგორც მოსალოდნელი იყო, მძაფრად ჩაიარა. „ჩვენ არ გვინდა ზუმანიტარული დახმარება, ეს ჩვენთვის მსოფლიოდ იაფფასიანი საკენკია. თუ ხელისუფლებამ ვერ უზრუნველყო ჩვენი დაბრუნება, საკუთარ თავს თვითონვე მივხედავთ“, — განუცხადეს სტუმრებს გალიზიანებულმა დეენილებმა“.

**„რეზონანსი“,
№ 181, 6 ივლისი, 1998 წ.**

ამგერად „გეას“ კორესპონდენტს ჭკუა ეყო და აღრინდელივით არ გაშიფრა თუ რას ნიშნავს „საკუთარ თავს თვითონვე მივხედავთ“, ვინაიდან მერამდენედ ვამხილეთ მისი ოტობაიელების მოლაპატებად შერაცხვის მათი დაუოკებელი სურვილი. რომ „საკუთარ თავს თვითონვე მივხედავთ“ აღრინდელ გამოსვლებში იკითხებოდა თეთრი ბაირალების აფრიალებად, ენგურის გადალახვად და არძინბას სეპარატისტული რეჟიმის აღიარებად, ანუ ძმისმკვლელისა და მამის საფლავის გადამხვნელის გულში ჩახუტებად; და რადგანაც ოტობაიელების ზოგადქართული, მამულიშვილური სულისკვეთების რამდენჯერმე წარმოჩინებით პასკვილური ბრალდება გაცამტვერებულია, ახლა ორაზროვანი ფრაზებით გვიმასპინძლებიან — „საკუთარ თავს თვითონვე მივხედავთ“-ო... ამას რა ჯობია, საკუთარი თავის მიხედვა თუ ძალგდის, კაციც ყოფილხარ და ქუდიც გხურებია, მაგრამ სააგენტო „გეას“ კორესპონდენტის არაკომპეტენტურობას, ყურმოკრული მასალების მოხმობას ეს მომცრო ინფორმაციაც ადასტურებს, სადაც მითითებული არ არის მოქმედების ადგილი, უფრო ზუსტად დასახელებულია ორი სოფელი, სინამდვილეში მწერალთა და გლდანის რაიონის გამგეობის ერთობლივი დელეგაცია მხოლოდ ორსანტიაში ჩავიდა, განმუხურში ნამდვილად არ ყოფილა. არაკომპეტენტურობას მოწმობს მოქმედების დროის მიუთითებლობა, ურომლისოდ ინფორმაცია უსუსურია.

კალამგრობის ნიმუშია დელეგაციის შემადგენლობის უცოდინრობა, დასახელებული ზუმანიტარული დახმარების □?! ძირითადი შემოქმედი ხომ გლდანის რაიონის მოსახლეობა და მისი გამგე-

ობა გახლდათ, ბატონ სოსო ვაშაკიძის თამაღობით?!

დაბოლოს, გაუნელელებელი მიზანი: ნიშნისმოგება, ულტიმატუმი—„საკუთარ თავს თვითონვე მივხედავთ“.

პარასკევს, 3 ივნისს, ზუგდიდში ჩასული დელეგაციის უმეტეს წევრს, თავდაპირველად „გეას“ გიგლა-ტიტინასეული ინფორმაციით მივმართე:

თამაზ ჟიჟიშვილი, საქართველოს მწერალთა კავშირის თავმჯდომარე, კრიტიკოსი, გაზეთ „ლიტერატურული საქართველოს“ მთავარი რედაქტორი:

— დაშინებული ვიყავით მსგავსი ინფორმაციებით. ვიცოდით, რომ ადგილობრივი თუ ცენტრალური ხელისუფლების წარმომადგენლებს იქ არ მიესვლებოდათ. გვეშინოდა, არიქა, კიდევ ერთხელ არ დაგვანბნონ თავზე წიგნები-თქო, მაგრამ წარმოიდგინეთ ჩვენი შეცბუნება მასმედიის ყბადალებული კაკაფონიის ფონზე. იმდენად თბილი, იმდენად ადამიანური იყო მიღება, ახლაც იმ შთაბეჭდილების ქვეშ ვარ. იყო ცრემლები. მადლობას გვეუბნებოდნენ სურსათ-სანოვანის ჩატანისთვის და მოკრძალებით გვთხოვდნენ, მომავალში იქნებ წიგნები და გაზეთები მიგვეწოდებინა. ჩვენ საამისოდ არ ვიყავით მომზადებულნი, ცხადია, ჩემი კოლეგების თითო-ორი თხზულება და ჟურნალ „რიწის“ რამდენიმე ეგზემპლარი ამ ვაკუუმს ვერ შეავსებდა. დაუვიწყარია ჩემთვის მათი უმწეო მდგომარეობა. სამეგრელოში ილიას ბიუსტის გახსნის შემდეგ არ ვყოფილვარ და შექმნილმა ექსტრემალურმა ვითარებამ დამარწმუნა, რომ საჭიროა საგანგებო ღონისძიებანი, როგორც დევნილი, ისე ადგილობრივი მოსახლეობის დასახმარებლად, წინააღმდეგ შემთხვევაში, აქ ადამიანებს შიმშილით სიკვდილი ელით.

— ბატონო თამაზ, ილიას ძეგლის გახსნისას თქვენ ისტორიული სიტყვა წარმოთქვით და სადღაც გულზე მოეფონა სამეგრელოს, ადრე ბერმუდის სამკუთხედთან შედარების გამო.

— ისტორიული სიტყვა დიდმა ილიამ და ბატონმა ედუარდმა ბრძანეს: პირველმა სამეგრელოში ჩამოველ და საქართველო ვნახეო, განაცხადა; მეორემ კი — სამეგრელო საქართველოს ხერხემალიაო, დაუსვა ბეჭედი.

ღრუბლების გადაკარებას, გაციკროვნებას მაღალფარდოვნად, მეც სამეგრელოდან მოველი. დასამალი აქ არაფერია. საქართველო ხომ კოლხეთის, ჩვენი სამშობლოს უწინარესი წინაპრის ბურჯებზე დგას?! მე ადრე კრიმინოგენური სამეგრელოს ყოფიერება მართლაც შევადარე ბერმუდის სამკუთხედს, ვინაიდან საკვირველად იკარგებოდა იქ არათუ უთვალავი შემადგენლობის აურაცხელი ტვირთი სომხეთ-აზერბაიჯანისა თუ საკუთრივ საქართველოსი, არამედ — თავად შემადგენლობანიც ორთქლმავლებიანად, ბორბლიან-ლიანდავიანად. ახლაც იგივე ფრაზას ვიმეორებ მცირედი შესწორებით:

დიახ, სამეგრელო ბერმუდის სამკუთხედია ერთიანი საქართველოს ნებისმიერი მაწყვრისათვის, ჩვენი ქვეყნის თითოეული მტრისათვის, შინაურია ეს თუ გარეშე, და მადლობა მას ასეთი ერთგულებისა და იობის მოთმინების გამო!

რაზო ჩიიუშილი, მწერალი:

— ზუგდიდში ჩავედი პარასკევს, 3 ივლისს. გული დამეთუთქა პირდაპირ. თითქმის იგივე მდგომარეობაა, შეიძლება უარესიც, როგორც 5 წლის წინათ. ის კი არა, ადგილობრივებიც შავ დღეში არიან. გულის დამწველია ის პესიმისტური განწყობილება, რომელიც ძვალ-რბილში გასჯდომია ამ ხალხს, მაგრამ ეს არ ნიშნავს სიკეთის დაფასების უნარი წართმეოდეთ, მთავრობაზე გულმოსულებმა ზურგი შეგაქციონ. უნუგეშობა თვალშისაცემია. აი, მაგალითად, დალის ხეობაში გმირულად დადგა მოსახლეობა, რაც აქ არ მოხერხდა. ორ დღესაც ვერ გავუძელით შემოტევას. მაშ, რად ავწეწეთ საქმე, ან ბოლომდე რად არ ვუერთგულეთ მოსახლეობას? ხალხი შედის სოფელში მალულად, გამოაქვს დარჩენილი ნივთები, სანოვანე, გამოხყავს მაროდირთა კლანჭებს გადარჩენილი პირუტყვი. აფხაზებს, რა თქმა უნდა, ურჩევნიათ ადგილობრივები რაც შეიძლება მეტი იყოს სოფლებში, ვინაიდან სამურზაყანოში მშვიდობიანი მოსახლეობის ყოფნა, ჯერ ერთი, მუქთა პროდუქციის წყაროა და მეორე — თავად აფხაზების სიცოცხლის გარანტიაც, რადგანაც, ფაქტობრივად, მძევლად აყვანილი საზოგადოებით თუ გაუმკლავდებიან ჯერ-ჯერობით რამდენადმე მიჩუმებულ, მიმცხრალ პარტიზანულ მოძრაობას. ხელისუფლებამ ადამიანების ყურადღება გადაიტანა ლეიბებზე, საბნებზე, კუჭზე და მათში ჩაკლულ სულს თვალში ნაცარი შეაყარა. ასე გავრძელება არ შეიძლება. სასწორაკვეთილ ადამიანზე საშიში არაფერია, ის ყველაფერზე წავა, გნებავთ შიშ-

ველი ხელებით, როგორც მტრის, ისე საკუთარი მთავრობის წინააღმდეგ, რამეთუ მგლის ლუკმად განწირულს მგლისფერი ძაღლის არ ეშინია.

რაზაზ მიშველაძე, მწერალი, შოთა რუსთაველის სახელობის პრემიის ლაურეატი:

— რა თქმა უნდა, ჩვენთვის ცნობილი იყო ზუგდიდსა და მის ახლო მდებარე სოფლებში არსებული მდგომარეობა, მაგრამ თვალთ ნანახმა ყოველგვარ მოლოდინს გადააჭარბა. გაუბედურებული, სასოწარკვეთილი, მშვირ-მწყურვალ ადამიანები საქველმოქმედო ტვირთის ანაბარა დარჩნენ. მე მეშინია, რომ ხვალ-ზეგ სხვადასხვა რაიონის გამგებლები ვერ შეძლებენ სათანადო დახმარების შეგროვება-ჩატანას და ლტოლვილთა შორის კატასტროფული შიმშილობა დაიწყება. სიახლე, ჩემთვის პირადად, ორი რამ იყო.

ერთი ის, რომ მთელს გზაზე და არც ენგურს გამოდმა საზღვრებზე, მიუხედავად არაოფიციალური სამხედრო მდგომარეობისა, არც ერთი ქართველი ჯარისკაცი და არც ერთი საბრძოლო მანქანა არ დგას. ასე რომ, ენგურზე გადმოსული თუნდაც სამი ტანკი ისე ჩამოვა თბილისში, რომ არანაირ წინააღმდეგობას წააწყდება. იქნებ, ხეებს შორის საიმედოდ ვართ შენიღბულნი, რაშიც ეჭვი მეპარება.

მეორე, ჩემთვის იყო სრულიად მოულოდნელი, როდესაც დევნილები შემოგვეხვივნენ მწერლებს და გულით გვთხოვდნენ თქვენი წიგნები გვაჩუქეთო; თვენახევარია ქართული ასოებისთვის თვალი არ მოგვიკრავსო. ვაჩუქეთ ჩვენი წიგნები წარწერებით: „გამაგრდით!“ „გამაგრდით!“ და უნდა გენახათ, რა სასიკეთო მიხქონდათ გულზე მიხუტებულნი. ერთ ხანში მესულ ლტოლვილს ჩემი სათვალე ვუსახსოვრე და კვითხე: უსათვალოდ როგორ წამოხვედი, გამოსაცვლელი ტანსაცმელი ხელს როგორ არ გამოაყოლე-მეთქი. შემადრწუნებელი რამ მითხრა:

მსუბუქი მანქანებით დადიოდნენ ვიღაცეები და სუფთა ქართულ-მეგრულით გვეხმინებოდნენ: სამი საათით გავდივართ ყველანი ენგურს გალმა. აქ პატარა ომი გაიმართება. სამი საათის შემდეგ დავბრუნდებით და გალი ღალიძგამდე ჩვენი იქნებაო. ნათქვამი რამდენიმე კაცმა გაიმეორა. აშკარაა, რომ გალელები პროვოკაციის მსხვერპლნი აღმოჩნდნენ მეორედ. პირველად ვიცით რა და როგორ, მაგრამ ამჯერად ვინ ჩაიდინა ეს პროვოკაცია, საკითხავი, აი, ეს არის.

ზაურ კალანდია, მწერალი, სახელმწიფო პრემიის ლაურეატი, ჟურნალ „ცისკრის“ რედაქტორი:

— პირიქით, როცა გაიგეს, ვინც ვიყავით, სამურზაყანოულმა თავაზიანობამ, მოწიწებამ დაისადგურა თითოეულის ხმაში, ქცევაში. სულ წიგნებზე გველაპარაკებოდნენ. სარჩო-საბადებლის განი-აგებაზე უფრო საოჯახო ბიბლიოთეკის დაწვას ჩიოდნენ. გული დამწყდა „ცისკრის“ ნომრები რომ არ ჩავიტანე, მაგრამ ამ უნებლიე დანაშაულს მალე გამოვასწორებთ. ახლა მთავარია, ამ ხალხის სკოლებიდან, ფერმებიდან გამოყვანა და სადმე კომპაქტურად თუ ვერა, ჯგუფ-ჯგუფად დაბინავება.

გადადიან ენგურზე და ღამით თოხნიან ყანებს. საცოდაობაა, კოტე ანჩაბაძის ბიჭიც ხომ თოხნისას მოკლეს აფხაზმა ბოვეიკებმა?! ამის მსგავსი ისტორიას არ ახსოვს. მუშაობით გართულს ტყვია ესროლო, მართლაც ხომ ბარბაროსობაა?! დიახ, მათი დაბინავებაა მთავარი, მაგრამ არა — თბილისსა და სამცხე-ჯავახეთში, არამედ კატეგორიულად სამეგრელოში განთავსებას მოითხოვენ, თავიანთი ეზო-ყურეს სიახლოვეს ყოფნას. დევნილების გულისწყრომის სათავე მთავრობის უმოქმედობაა, მათი ინტერესების ფეხქვეშ გათელვა და არა — ზოგადად კაცთმოძულეობა, ყბადაღებული ულტიმატუმები, როგორც — ზოგი კორესპონდენტის თეთრი ძაფით შეკერილ შავ ინფორმაციებში.

იქნება საშველი, მაგრამ ამჯერად მოსახლეობა უნდა მოშორდეს შეუფერებელ, დამამცირებელ თავშესაფრებს და დასაქმდეს სახალხო მეურნეობის დარგებში. არის რეალური შეპირებანი გაეროს, ამერიკის მხრიდან, თუ არ ვცდები, სამი თუ ხუთი მილიონი დოლარი, მაგრამ ესეც რომ არა, აზერბაიჯანი მილიონნახევარ ლტოლვილს ისე უკლის, დახმარებისთვის ხელი არავისთვის გაუწვდია. ჩვენ კი ნუთუ 32 ათასი თვისტომი ვერ უნდა შევინახოთ, უკეთ ვერ უნდა შევუქმნათ არსებობისათვის აუცილებელი გარემო — უწინარესად, სამუშაო — მიწა-მარჩენალი ჩვენი?!

ამასთან, სამურზაყანოელი დევნილი მოსახლეობა სამეგრელოში ყოფნას იმისთვის ამჯობინებს, რომ უფრო ახლოს დაიგულვოს თავი მშობლიურ კერიასთან, სადაც მშვიდობიანი მოლაპარაკების მეთოდებით თუ იარაღით, ბრძოლით მიბრუნების იმედი ჯერაც არ გაქრობია. ხოლო, როგორც

ფრთიანი გამონათქვამიდან ვიცი: იმედი ყველაზე ბოლოს კვდება!

უშპო ჯიქია, მწერალთა კავშირის სამეგრელოს რეგიონული სამსახურის უფროსი, მწერალი, პოეტი:

— მე, უბრალოდ, გული მწყდება ზოგიერთი კორესპონდენტის აულაგმავი სიცრუის გამო. რაღა შორს მივდივარ, ერთ გაზეთს ინტერვიუ მივეცი. წავიკითხე და ჩემს თვალს არ დაუჭერე, ყველაფერი გადასხვაფერებულად დაებეჭდათ. მე ვამბობდი:

თუკი შევარდნაძე შეძლებს ქვეყნის ნორმალური გზით წაყვანას, ტაკიმასხარადაც დავუდგები-მეთქი. ამათ კი გუნდრუკი მაკმევიწეს, თითქოს მხოლოდ ის იყოს ქვეყნის გადამრჩენელი.

მიუხედავად განსხვავებული პოლიტიკური ორიენტაციისა მწერალთა კავშირის დღევანდელ თავმჯდომარესთან, ბატონ თამაზ წიაწივაძესთან, რეგიონში კეთილსინდისიერად ვატარებ მისეულ პოლიტიკას. ასე რომ არ იყოს, სამსახურიდან წასვლაზე უკან არ დავიხვედი.

რაც შეეხება სამურზაყანოდან დევნილ მოსახლეობას, აქ პრივილეგიები გამორიცხებულია. ყველანი შავ დღეში არიან, ოტობაიელებიცა და ბარლებელებიც, ხურჩელებიცა და სიდლებიც. ერთიანად დაბნეულნი აქა-იქ პროვოკატორების ანკესხეც წამოგებებიან ხოლმე — თითქოს აფხაზური ტყვიით სიკვდილი სჯობდეს ზუგდიდური, ანუ ქართული გულგრილობით აღსასრულს — სიკვდილს დანარჩენი საქართველოსგან. გაბრაზებული კაცი რას არ იტყვის, დაგემუქრება, შეიძლება შეგაგინოს კიდევ, მაგრამ ყველაფერი ქუჩაში კი არ უნდა გამოვფინოთ! ისე კი, იცოდეს სრულიად საქართველომ, რომ თუკი სამშობლოს გაუჭირდა, სამეგრელოს „კოხტა გორასა ზედა“ მისვლას კვლავაც ვერავინ დაასწრებს.

მე უღრმეს მადლობას ვუხდის მწერალთა კავშირის დღევანდელ ხელმძღვანელობას, კონკრეტულად კი ბატონ თამაზ წიაწივაძეს, რომ გულთან ახლოს მიიტანა ადრინდელი ჩვენი რეალური შტრიხებით დახატული სურათი და გვარიანად ხელდამშვენებული გვეწვია. დიდი ილიას ძეგლის გახსნისას წარმოთქმულ მის სიტყვებს თანდათან ხორცი ესხმება, რომ მწერალთა კავშირის გამგეობა განსაკუთრებულ ყურადღებას სწორედ სამეგრელოს რეგიონს მიაქცევს. მადლობელი ვართ ორგანიზაციისთვის გაწეული ფინანსური დახმარებისთვისაც. ამ თანხით ჩვენ რეგიონული ჟურნალის რამდენიმე ნომრის გამოცემას მოვახმართ და თითო-ოროლა სკამსაც ვიყიდით სხვის ჭერს შეხიზნულები. რაც შეეხება რეგიონის მწერალთა ორგანიზაციის ბალანსზე არსებულ შენობას, იგი დღეს, სრულიად არაკანონიერად სმკ-ს ადგილობრივ ხელმძღვანელობას დაუკავებია და იმედი გრჩება უახლოეს მომავალში ჩვენი ხელისუფლება ამ საკითხის მოგვარებაშიც დაგვეხმარება. ყველაზე სასიხარულო კი ის არის, რომ ქართული მწერლობა ხალხში გავიდა, ხალხის სატკივრებს მიაყურადა, თანამომეტა ტკივილები გაითავისა. ეს ყველაფერი ჩემი უაღრესი რწმენით საქართველოს სწრაფი აღორძინებისა და აღმავლობის გარანტიაა.

ერთხელ ქალაქის ცენტრში ჯაბახანა მანქანა გამიქილიკეს „ინომარკების“ პატრონებმა, მაგრამ, როცა მკვახედ შევძახე ყველას:

ამ მოთამფალებულმა „ჟიგულმა“ ხურჩადან ხუთჯერ გამოიყვანა 12-12 ბავშვი, სადაც თქვენთვის თვალი რატომდაც არ მომიკრავს-მეთქი, კუდი ამოიძუეს, გაიძურწნენ.

გაგრძელებული სიტყვა ბავშვებზე საუბრით მინდა დავასრულო. როგორც ხურჩელი, ისე ოტობაიელი პატარები საერთო გამოძევებისა და პანიკის პირობებში, თვალსაც არ ახამხამებდნენ ავტომატების კაკანსა თუ გაღმა სოფელში ცად აზიდული ცეცხლის ალის შემყურენი. რა ცრემლი, რის ცრემლი! დიახ, თვალსაც არ ახამხამებდნენ, მოზრდილები თუ მთლად ბალაჭუჭები. მაშინ დავუხსვი ჩემს თავს კითხვა: რას უნდა მოასწავებდეს - მეთქი ეს ყოველივე და ახლა, მოგვიანებით ვპასუხობ: მოსეს მრევლისა არ იყოს, ჩვენ თუ ვერა, ესენი მაინც უეჭველად შევლენ თავიანთ ქანაანში, განუმეორებელ სამურზაყანოსა თუ მთლიანად აფხაზეთში - მეთქი და აქ ეჭვის შეტანა სრულიად უსაფუძვლოა

„ლაბირინთელების“ ნოვათი
ჯვარცმულ სამურზაყანოელებს

**ანუ დევნილი გაღელები ბედი
ლატარიასავით კვლავაც
ყინულზე აწერია**

ბუზლუნა 26 მაისია.

დახრილ დროშებს აქა-იქ შეარხევს ზენა ქარი.

არ ეზივებო ჩემს საქართველოს თავისუფლების დღე.

სამშაბათის დილასისხამია. სამხარეო ადმინისტრაციის შენობის წინ ხალხმრავლობაა, მაგრამ მხიარული განწყობილება სანთლითაც ვერ იძებნება. ჯვარცმული გალელი მოსახლეობა ფუტკარივით ირევა. გადაჭედილია მიმდებარე ტერიტორია, კიბეები, მომცრო ბაჭანი, თუ ინტერიერი. დიახ, ნაყარი ფუტკარივით ფუთფუთებს ჩემი მიუსაფარი სისხლხორცი, სამადლო საბუღალროს ძიებაშია და ვაგლახ, სადღაც ღია ცის ქვეშ, ხის ტოტზე ჩამომტევენებულ სკას დამსგავსებია.

მეც ამათი ბედ-იღბლისა ვარ თხემით ტერფამდე: კვამლმა და ფერფლმა შერუჯა ჩემი მშობლიური ოტობაია... ესეც არ მეკმარა — სამხარეო გაზეთის რედაქტორი მერქვა აქამდე. ორნახევარ წელიწადს ენაგადმოგდებული ვირბენ გაზეთის გამოსაცემი თანხისთვის სათანადო ინსტაციებში და როდესაც ყოველგვარი მეცადინეობა ცერცვისა და კედლის ანდაზად მექცევა, დაკვეთავ საკუთარი ხელებითა და მეგობრების შემწეობით გარემონტებულ რედაქციას. დადაქალაქს მივაშურებ გზაშეკრული, მაგრამ, აგერ, თვისტომი სამურზაყანოელების სამარცხვინო ხელმეორე გამოძევება თბილისს არ გამაჩერებს. როგორღაც თავს მოკუყრი ერთი ნომრის გამოსაცემ თანხას და მოვაშურებ კიდევ ოფისს, თუმცა, ხოი, საოცრებავ, კარისთვის გასაღები ვერ მომიჩრვია, — უპატრონო ეკლესიის სიტუაციაა.

მოკლედ, გამოძევებულთა სიაში ვარ. თუმცა ამეებსა და კიდევ ზოგ-ზოგის თაობაზე ვისაუბრეთ ოდესმე უფრო დაწვრილებით... ამჯერად უმჯობესია სამხარეო ადმინისტრაციის შენობის წინ აბაბანებულ ხალხს მოკუბრუნდეთ.

თბილისელ სტუმრებთან, ფრიად პოპულარული ლატარიის „საოჯახო ლოტოს“ მფლობელ ფირმა „ლაბირინთის“ თანამშრომლებთან ვმასლაათობთ მე, ჩემი ოტობაიელი ძუძუმტე, ოთარ ხუფენია და მწერალთა კავშირის რეგიონული სამსახურის უფროსი შუკო ჭიქია.

„ლაბირინთელებს“ დევნილებისთვის ნობათით დატვირთული მანქანა მერიასთან შეუჩერებიათ და აქ საერთო ვითარების გასარკვევად მოსულან.

— ზუგდიდ-ქალაქს უფრო იმათ მოაშურეს, ვინაც მთლად ცარიელ-ტარიელმა გადმოლახა ენგური, — ამბობს ოთარი, — ეტყობა პროვოკატორების ხმებს ახყენენ, რომლებიც თურმე მშვიდობიან მოსახლეობას უაქცენტო მეგრულ-ქართულით აფრთხილებდნენ, სამიოდე საათით დასტოვებთ აქაურობა, ჩვენ აქ პატარა ომს გავმართავთ და სულ მალე გალის რაიონი დალიძემდე ჩვენი იქნებაო. ადრე მთელი სამურზაყანო ერწმუნა პრეზიდენტის სიტყვებს გალში გამართულ მიტინგზე, რომ აფხაზები დალიძეს არაფრისდიდებით გადმოლახავდნენ და როცა ფაქტის წინაშე დადგნენ, ხალხმა თითქმის ხელუხლებლად დასტოვა სარჩო-საბადებელი. სეპარატისტებსა და მათ დამქაშებს ლანგრებით მირთმეული დარჩათ წლობით ნაჭაფარი დოვლათი.

ამჯერად მოსახლეობამ მეტი წინდახედულება გამოიჩინა და უმეტესობა არ ენდო სოფელ-სოფელ გაჟღერებულ ხმებს, თითქოს სამ საათში მორჩებოდა აფხაზებისა და ქართველების ხუთწლიანი დავა. გადმორეკეს საქონელი ყოველ შემთხვევისათვის, წამოიმძღვარეს, რისი წამოღებაც ერთ ჯერობაზე შეიძლებოდა და თავიანთი კერიების სიხლოვეს დაბანაკდნენ, მაგრამ, ვაი, ასეთ დაბანაკებას. შეპირებული სამ საათს მეორე სამი საათი დაემატა, იმ მეორეს — მეოთხე და მეხუთე და ცოტა ხანში მათი სახლების სახურავებიდან ცეცხლის ენები რომ ამოვარდა, წივილ-კივილიც მაშინ მოხშირდა.

მიხვდნენ: შინაურმა გველაძუამ თუ ცბიერმა დუშმანმა ჭკუით აჯობათ მერამდენედ, პროვოკაციით დაუბინდა გონება მრავალს, რამდენიმე დღით შეაფერხა მათი სრულფასოვანი ევაკუაცია და აურაცხელი ქონება ისევ გაქნილ მტერს დარჩა.

ბაჭანზე ნაცნობი სახეები გამოკრთება აქა-იქ. ამ გნიასში ჭირს სამიტინგოდ შემართული ჩახრინწინიანებული ხმების გარკვევა. ბრბოს სიღრმეში მივიწვივით.

— გაგვირემონტონ „ოდიშის“ შენობა! — ყვირიან ერთნი.

— კარ-ფანჯრები ჩავვისვან „ეგრისში“! — კაპასობენ სხვები.

— ხალხის ტევა არ არის, — გვიხსნის ოთარ ხუფენია, — ვისაც პირუტყვი არ გადმოხყოლია, ცენტრში ურჩევნია ბინის გამოძებნა, რათა პრიმიტიული ვაჭრობით რამენაირად გაიტანოს თავი. „ოდიშის“ გარემონტებისათვის სცალია ახლა მერიას სწორედ!

— ბეტონის იატაკზე წოლასაც გვამადლიან! — გადმოსცემს მწარე რეალობას ჩვენი რუსული ენისა და ლიტერატურის მასწავლებლის, შოთა ბელქანიას, ვაჟი რევაზ. მთლად გამელოტებულა.

წავრძელებული სახე გაბურძენია.

ოდინდელი ადამიანურობის ნიშან-წყალი წართმევია ამ ხალხს.

— პრივატიზაციის წყალობით ერთეულების მიერ დატაცებულ საქართველოში სავალალოდ 40 ათასი ლეიბი არ აღმოგვაჩნდა, — განაგრძობს რევაზ ბელქანია, — ზეწარს, ბალიშს და საბანს ვინ ჩივის. ხელისუფლებისთვის უკვე სულ ერთია თუ სად და როგორ გავათევთ ლამეს. ჩვენ ხომ დღემდე ვერ გავგითავისებია ლტოლვილი მოსახლეობის სატიკივარი. ჩვენ, დანარჩენი საქართველო, ვერ აღმოვჩნდით თანადგომის სათანადო სიმალლეზე და 300 ათასი ადამიანი გავწირეთ მეორე ხარისხოვნობისათვის.

— საქმეზე ილაპარაკე, — აყყანდებიან აქა-იქ.

— აბა, რატომ ვერ ბედავს ხელისუფლება ხალხთან მოსვლას? მოგვბეზრდა ხელის გაწვდენა კილოგრამი შაქრისთვის და აგურივით პურისთვის. ყველაფერი მოდის თურმე ცენტრალურ საწყობში: „ტუშონკები“, ესპანური ბატინკები, რებეკა ბრაუნის საძილე ტომრები, რძის ფხვნილი და ვინ მოსთვლის, მაგრამ მისი მესვეურების მადას საზღვარი ექნება?! ზუგდიდის ბაზარი გამოტენილია ჩვენთვის განკუთვნილი პროდუქტით. თქვით, ხალხო, ვინმეს თუ მიგილიათ ზემოთ დასახელებული ნივთები და პროდუქტები?! რას გაჩუმებულხართ?! ხმა ამოიღეთ! — ოფლში იხვითქება ბელქანიების ბიჭი.

— არავის, არავის! — წამოიძახებენ კანტიკუნტად.

— შამგონაში განთავსებულ ლტოლვილებს რეზერუარებით ჩაუტანეს სარეცხი. ვილაც ფირმას გაუსაღეს ჩაწოლილი თხევადი სარეცხი საშუალება, მაშინ, როცა ჩვენს თანამემამულეებს დოქი რომ დოქია, ისიც არ გააჩნიათ წყლის შესანახად. ნეტავ როგორ აპირებენ მის განაწილებას, ცელოფანის პარკებში ჩაგვისხამენ თუ გახვრეტილ ჯიბეებში?! ეგენი ქრისტიანები რომ იყვნენ, კოლოფებში დაფასობულს მოითანდნენ, უფრო მოხერხებულს დასარიგებლადაც და სახმარადაც, მაგრამ მაშინ ვინ, რომელი მოითბობდა ხელებს მოძმეთა სიდუხჭირეზე? — არ ცხრება ჩემი თანასოფელი. — მოკლედ, დანარჩენი საქართველოსთვის დევნილი სამურზაყანოელები დღეს მეორეხარისხოვანები ვართ, ხალხო, იაფი მუშახელი, სიძედაც მოსახერხებელი თავიანთი გონჯი ასულისთვის და რძლადაც ვარგისი რახტიანი ვაჭიშვილისათვის.

აქ ოტებულების ჩოჩქოლი იმძლავრებს და რევაზ ბელქანიას ჩახლეჩილ ხმას კვლავ გადაფარავს.

— ხომ ხედავთ, რა სიტუაციაა, — ეუბნება ოთარ ხუფენია ფირმა „ლაბირინთის“ კომერციულ დირექტორს, თამაზ ბასილიას და მის ამაღას, — ამ გადარეულ ხალხთან ტვირთით მოსვლა იქნება?! საკმარისია, უნებლიეთ რაიმე წამოგცდეს, რომ დაგესვვიან და გაწამაწიაში შეიძლება შესამოსი თავად გახდეთ! აქეთკენ იმიტომაც წამოგიყვანეთ თქვენი თვლებით დარწმუნებულიყავით. ხალხი იქამდეა გამწარებული, საზრიანობა დაუკარგავს უმტესს.

ორსანტიაში, სადაც მიმავრებული ვარ კომისიისაგან, სკოლაში პროდუქტების დარიგების დროს ერთ ჩემს მეზობელს დანა დაარტყს მკერდში, სასიკვდილოდ გაწირეს მხოლოდ იმისათვის, რომ სხვისათვის განკუთვნილ ულუფას ხელიშეცდომით წაავლო. ნუ გგონიათ ვაჭარბებ. ხელისუფლების წარმომადგენლები ამიტომაც ერიდებიან დევნილებთან პირისპირ შეხვედრას. ეგ ზალტირებულ ბრბოს ჭკუას ვერ მოკითხავ. ამ მხრივ გამონაკლისი ბაკურ გულუაა. რუხში ხუმანიტარული დახმარების განაწილებისას ხელჩართულ ბრძოლაში შეჭრა მოუხდა, წაკიდებული ადამიანების გაშველება. გაღლებმა როცა „ბაკურ დავიდოვიჩი“ იხილეს, შერცხვათ ყოფილი რაიკომის მდივნის წინაშე, გაახსენდათ მათთან ერთად ჩექმებით რომ დაიარებოდა პლანტაციებსა და მშენებლობებზე. იმ წეწვა-გლეჯაში ვილაც მანდილოსნისათვის კოსტუმში მიეწოდებინა და ისე გაცეალა იქაურობას, რომ გამორთმევა არც გახსენებია. ზუგდიდში მობრუნების მერე მოაგონდა ტანსაცმელი, ღიმილით ჩაიქნია ხელი:

ვინმე შეიშნოვებდა, ალალი იყოსო.

გულმა არ მომიტმინა და მივბრუნდი რუხში. კანტორის შენობის წინ ვნახე ბელურასავით მობუზული ის ჩია ტანის მანდილოსანი.

შენ გაიხარე შვილო, მაინც და მაინცო, მლოცავდა დედაკაცი. ორი საათია აქ ვიცდი კოსტუმით ხელში. არ ვიცოდი სად ჯანდაბაში წავსულიყავიო.

— ცენტრალურ საწყობში ტვირთს მაინც არ წავიღებ, — მოსჭრის მკვეთრად თამაზ ბასილია, — დააფქსირონ შტაბში, გამომაყლონ წარმომადგენელი და საკუთარი ხელით დავარიგებ დევნილებში! — დაასკვნის.

— ნება თქვენია! — იღიმის ოთარ ხუფენია, — დღესდღეობით ბარის მოსახლეობას კიდევ არა უშავს რა. ასე თუ ისე, მეტნაკლებად მივუწვდნით დახმარების ხელს. აი, ჯვარში ცოტათი რთული

სიტუაციაა.

— ისე არ გამიგოთ, ბატონო, ოთარ, თითქოს უნდობლობას ვუცხადებდეთ მთავრობის წარმომადგენლებს, მაგრამ იმდენი ურთიერთგამომრიცხავი ამბავი ჩამოდის თბილისში ცენტრალური საწყობის მესვეურებსა თუ სხვათა ქმედებებზე, მირჩევნია ტვირთი თვითონ დავარიგო. ჭორებს მაინც ავიცილებ თავიდან. ისე, სიტყვისათვის, საკმაოდ ხელდამშვენებული ჩამოვედით. ჩამოტანილი გვაქვს რამდენიმე დღის ლამის ერთი სოფლის სამყოფი პროდუქტი: ერთი ტონა პურის ფქვილი, ამდენივე შაქარი, 120 ყუთი მაკარონი, 200 ლიტრი ზეთი, კარაქი ყუთებით, კონსერვები, როგორც თევზის, ისე — ღორისა და საქონლის ხორცის, დაფასებული ორცხობილა, ბურღულეული, საპონი. მოგვაქვს 50 წყვილი სხვადასხვა ზომის ბოტასები, ჯინსის შარვლები, პერანგები.

— მაღლობის მეტი რა გვეთქმის, — ხელებს ფართოდ შლის ოთარ ხუფენია, — მე ორსანტიაში ვარ წასასვლელი, ყველაზე ექსტრემალური სიტუაცია ამწუთას იქ არის. ხალხი ფერმაშია განთავსებული. უმეტესი ღია ცის ქვეშაა, დანგრეულ ხიდს შეყუჟულა და იქიდან სისხლიანი თვალებით უმზერს ნაცარტუტად ქცეულ საკუთარ სამოსახლოს. პროვოკატორები ხელიკებივით დაძვრებიან ხალხში, ენას ასარსალებენ, ისედაც ძარღვებაწეწილებს ალიზიანებენ, მთავრობის სიძულვილს აღვივებენ, თეთრი დროშებით ენგურის გადალახვას და არძინბას სეპარატისტული რეჟიმის აღიარებას ქადაგებენ, სამშობლოს ღალატისკენ მოუწოდებენ უსირცხვილოდ. ამიტომაც ეს დღეები დილა-სალამო იქ უნდა ვიყო. იქნებ თქვენ გახყოლოდით? — მოგვიბრუნდება შუკოს და მე.

— ჩვენ შამგონში გველიან, — ამბობს შუკო, — იქიდან განმუხურში წავალთ ხელმეორედ. იქ დისოლცირებული ბრიგადის ბიჭებს ინტერვიუ უნდა ჩამოვართვათ.

— არა უშავს, ხიბულელ კაცს ჯვარში ასვლა არ გაუძნელდება, — დაასკვნის ოთარი და ღიმილით დაგვემშვიდობება.

„ლაბირინთელების“ ხოჭოსავით „ოცდათერთმეტს“ კვალში მივსდევთ ქალაქის მერიისკენ ჯაბახანა „ფიატი“ მე და შუკო.

ამ მანქანაზე მოყოლა ღირს უცილობლად.

შვიდი-რვა თვის წინ შეიძინა იგი სამსახურებრივი დანიშნულებით ჩემმა მეგობარმა, ბურთივით შეკრული და ამ ხნის მანძილზე „ერთი აბაროტის დატრიალება მოახერხა“.

როგორც ქვემოთ მიწერია, შუკო ბუნებით მეამბოხე შემოქმედი. სხვისი ხალასი სტრიქონი საკუთარივით უხარია. რის ვაივავლახით პეტრე ჭარაიას საუკუნით ბლოკირებული მეგრულქართული ლექსიკონი დღის ნათლზე გამოიტანა. რეგიონის აღმანახ „ფენიქსის“ გამოსაცემ თანხებს აკოწიწებს. მწერალთა პანთეონისათვის ზრუნავს. ალექსანდრე საჯიასა და იონა მეუნარგიას დაქცევის პირამდე მისულ სახლმუხეუმების გადარჩენისათვის ზრუნავს. მოქავეშირისგან ოფისის წართმევის გამო იბღვირება ნიადაგ. დადიანების ბაღში არსებული მწერალთა სახლიც ჩემი რედაქციის ბედს გაიზიარებს, მაგრამ მთავარი ის არის, რომ ახლა კვალში მივყვებით „ლაბირინთელების“ ამალას. საჯვაროს გადასახვევთან დავემშვიდობებით სტუმრებს და ჩვენს გზას ვეწევით.

შუკო ჩვეული „ესე იგების“ სიმრავლით მომიტხრობს თავისი „ფიატის“ ამასწინანდელ გამირობებს.

სამხარეო ადმინისტრაციის შენობის წინ უცხოური მარკის მანქანების სიმრავლეა უბედურების მეორე დღეს. რომელიდაცა ფუნქციონერი იქედნური ხითხითით გაუქილიკებს „კადილაკს“.

— არ გრცხვენია ამხელა თანამედრობის კაცი, ამისთანა ჯაბახანით რომ დაჯახირობო.

— თქვენს „ინომარკებს“ კიდევ ეს დანჯღრეული მირჩევნია და იცით რატომ, — კბილებში გამოსცრის შუკო, — გუშინ ხურჩიდან ხუთჯერ გამოიყვანა ამან 12-12 ბავშვი, სადაც თქვენთვის რატომღაც თვალი არ მომიკრავსო, — და ამოიძუებენ კულებს უკლებლივ, მიყოლებით გაიძურებენ.

საჯვაროს გადასახვევთან დამშვიდობების წინ კვლავ გავმართავთ „ლაბირინთელებთან“ ხანმოკლე დიალოგს.

— კარგს შვრებით უეჭველად, რომ დევნილებთან ტვირთი თვითონ მოგაქვთ, — ამბობს შუკო.

— აბა, ცენტრალური საწყობის ზოგი მესვეურის იმედით იგი სანახევროდაც ვერ მიუვა დევნილ მოსახლეობას, — ფრჩხილებს ბოლომდე ვხსნი მე.

— პოლიტიკაში არ ვერევი, — ღიმილით სიტყვას ბანზე აგვიგდებს ვერცხლისწყალივით მოძრავი თამაზ ბასილაია.

— თუთაშხიასავით „არავის საქმეში არ ვერევი მე,“ დამლუპველია, — აცხადებს შუკო, — განა შეიძლება კაცს პირში სული გედგას და პოლიტიკაში არ ერეოდეს? ამბობთ, პოლიტიკაში არ ვერევი, და სინამდვილეში ჩაერიეთ უკვე, როცა გაუბედურებულ ხალხს ლუკმაპური გაუზი-

რეთ. ეგ ერთი, მეორედ — რაჟამს სხვას არ მიანდეთ მისი განაწილების საქმე და თვითონ მიედევნებით ბოლომდე. განა შეიძლება სხვანაირად შეფასდეს თქვენი საქციელი? აქ სხვა ვარიანტი არ არსებობს. კი, ქველმოქმედებასაც ჩადიან ხოლმე ცბიერებით, როცა უფრო მსუყე ულუფის მოკბეჩა განუზრახავთ, მაგრამ როდესაც გაჭირვებულ მოძმეს წრფელად გაუმართავ ხელს, აქ მაცხოვრისეული სიკეთეა ჩადენილი და სამოთხის გზაზეც დამდგარხარ.

მომავალი არჩევნებისათვის უნდა დავირაზმოთ ყველა, რათა საკუთარი პოზიცია უკლებლივ გამოვხატოთ თითოეულმა და ჩვენი ინერტულობით საშუალება არ მივცეთ ქვეყნის სათავეში საექვო ძალების მოსვლას, ერის თვალში ნაცრის შესაყრელად.

მე დიდი გულშემატკივარი ვარ თქვენი „საოჯახო ლოტოსი“. ჩემისთანა ბევრი აზარტული მიაჯაჭვა მან ტელევიზორის ეკრანს. ჯერ-ჯერობით წვრილ-წვრილ ფულს ვიგებ, მაგრამ მთავარი თქვენს არსებობაში, თუკი დამეჭვრება, სწორედ დღევანდელი ქველმოქმედებაა. საქართველოს თავისუფლების დღეს დაბეჩავებულ ხალხს უკეთეს საჩუქარს ვერ მიართმევდი.

ამას წინათ მწერალთა კავშირში ერთობლივი ღონისძიება გაიმართა ქართველ მეწარმეებთან. იქ თამაზ წიფწივაძემ, გოგი თოფაძემ, ბესო ჯუღელმა გულშიამწვდომად ისაუბრეს სავალუტო ფონდისა და ადგილობრივი პრობლემების შეუთავსებლობის მომენტებზე; რომ მხოლოდ უცხოური ინვესტიციების მოიმედობით წინ ვერ წავიწევით, ვინაიდან მათი მიზნები საზიანოა ჩენი ხალხისათვის: გამოყოფილი ინვესტიციით თავიანთ ჩაწოლილ საქონელს გვასაღებინებენ და, ამდენად, ნიადაგს აცლიან ეროვნულ მეწარმეობას. ურჩევნიათ მომხმარებელი ქვეყანა ვიყოთ. წარმოიდგინეთ, ახლახან ხე-ტყის ექსპორტი შევაჩერეთ და უცებ ულტიმატუმი წამოგვიყენეს: ახლავე შეცვალეთ კანონი, თორემ ფულის გამოყოფას შეგიწყვეტთ, დაგვემუქრნენ. რას გავაწყობდით, ჩათრევას ჩაყოლა ვამჯობინეთ. პროცენტებსაც იღებენ და მათთვის სასურველ ნედლეულსაც გვლევტენ ლამის მუქთად. ამას იმიტომ ვყვები, რომ მხოლოდ ადგილობრივ მეწარმეობას შეუძლია ქვეყნის ეკონომიკის გაჯანსაღება და გაუმედურებული ხალხის პრობლემების მოგვარება თუ ხელოვნების დარგების აღორძინება თქვენნაირი ქველმოქმედებით.

მიუხედავად თამაზ ბასილიაიას სიფრთხილისა, პოლიტიკური კამათისაგან თავს ვერაფრით დავიზღვევთ. მთავარი თემა მაინც სამურზაყანოდან ჩვენი სამარცხვინო გამოძევება გახლავთ.

— პარტიზანული ომი მტრის ზურგში გაგვიგონია, — ამბობენ „ლაბირინთელები“, — თორემ დივერსიები შენიანებით დასახლებულ ტერიტორიაზე, სადაც დაღუპული ერთი აფხაზი ბოვეიკის გულისათვის ათ მშვიდობიან მოსახლეს მიაყენებენ კედელთან, აბსურდია. სამურზაყანოში დიახაც ახლა არის პარტიზანული ომის გაშლის სიტუაცია. შეკაზმე ცხენი, აისხი იარაღი და პატრიოტი თუ ხარ, იძიე შური მოყვასის უბედურებისათვის.

— სანამ მტრების გასახარად გათიშულები ვართ ზვიადისტებად, ასლანისტებად თუ ედუარდისტებად, საქართველოს წინსვლა არ უწერია, არც მშვიდობიან საქმიანობასა და მით უფრო — ომში, პირიქით, კიდევ ერთი წაბორძიკება და შეიძლება სულაც აღვიგავოთ მიწის პირისაგან, — ცეცხლს შევეუნთებ საუბარს.

— როგორ თუ მიწის პირისაგან აღვიგავოთ? — ძარღვები აეშლებათ „ლაბირინთელებს“. მოკლედ, კამათი რომ არ გამწვავდეს, წასვლის დროაო, დაფაცურდება შუკო და გამგზავრების თადარიგს დავიჭერთ.

ამ რა უნდა ვიზნს...

ანუ ზუსტად ერთი წლის წინანდელი ინტერვიუს ჩანართი

ამას წინათ ბატონი გული ზაქარაია, რომელიც თავისი პროფესიის კაცის კვალობაზე შედარებით კეთილსინდისიერად ასრულებს სახელმწიფო უშიშროების კაბინეტის (ÉÁÁ) უფროსის მოვალეობას წლების მანძილზე, „მოუხელოებელ იანს“ უწოდებს ჩვენს რესპონდენტს, რეგიონის მწერალთა ორგანიზაციის მესვეურს, შუკო ჭიჭიას. იგი დეტალებში გაიხსენებს სამოცდაათიან-ოთხმოციან წლებში თუ სად და როგორ გაუვრცელებია პოეტს ანტიკომუნისტური პროკლამაციები, აკრძალული ლიტერატურა; ჰოდა, იმისი თქმა მწადს, შუკო ბუნებით მეამბოხე შემოქმედი. აკი, არც თუ ისე უსაფუძვლოდ წაიხუმრებს ხანდახან: ორი რევოლუცია მოვახდინე და როგორც ჩანს, მესამეცაა საქიროო.

სამოცდაათიან წლებში, ჩვენ მელნის ხელობის საქმოს, აწ ნაკომუნისტართ თუ ნადისიდენტართ, ერთი ღმერთი — სიტყვის ძალმოსილება გვკრავს და გვაერთიანებს. სანამ სიტყვაა ჩვენი ღვთაება, თავზე ვველებით ერთმანეთის ჭირ-ვარამს, მაგრამ იმძლავრებს ეროვნულმა მოძრაობა და ლაკმუ-სივით გაგმულავნდებით ყველა — წინანი უკან და უკანანი — წინ...

შუკო ჯიქია ეროვნულ-დემოკრატიული პარტიის რიგებში აღმოჩნდება, სხვები მრგვალ მაგიდას მიუსხდებიან, მე ნეიტრალური პოზიციას ავირჩევ...

ახალგაზრდა პატრიოტების მცირერიცხოვანი საპროტესტო აქცია მახსენდება მთავრობათა სახლის კიბეებზე. შუკოც მათ შორისაა. აქცია ნელ-ნელა აგორდება, აზვირთდება, საზოგადოებრივი რეზონანსისა შეიქმნება. მეტი წილი იქ მოშიმშილე ჭაბუკისა და ქალიშვილისა მართლაც რომ მედგრად უმკლავდება აქამდე უჩვეულო მდგომარეობას; ზოგზე ჭორებსაც ავრცელებენ ავმო-ენენი — დილაუთენია ხაშისათვის მიიპარებიანო, მაგრამ ხალხი, მასა თანდათან ირაზმება მოშიმ-შილეთა გარშემო და აი, ერთი კურიოზული ფაქტიც ჩემი ცხოვრებიდან: დედაჩემსაც გაუგია თბილისური არეულობის შესახებ. მოულოდნელად გვესტუმრება ჩვეულებრივად ხორაგით დატ-ვირთული. ჩემს ბედ-იღბალს შეჰკანკალებს თურმე.

რევოლუციური ნგრევების წინააღმდეგი რომ ვარ, ამის თაობაზე მრავლად აღმინიშნავს, რად-განაც ჩემი მოწოდება შუამავლობაა, მედიატორობა ორ უკიდურეს პოზიციას შორის, დადებითი-სა და უარყოფითის რამდენადმე დაახლოება, შეუთავსებლის შეთავსება, რათა მათი თანამშრომ-ლობით ადამიანებს მაცოცხლებელი შუქი მიეცეთ.

მე თვალს მივაღწევებ ბუნების ევოლუციურ კანონებს. მას არ უყვარს ნახტომები. მან ყოველი ფაზა ნაბიჯ-ნაბიჯ უნდა გაიაროს, რათა სრულყოფილი ინდივიდუალუმი დაასაბამოს. ბუნებას არ გააჩნია დროის პრობლემა. იგი არ არის ადამიანივით სულსწრაფი, რომელსაც ყოველთვის ცაიტ-ნოტში უხდება მოქმედება, და ამდენად, საკუთარი ქრონომეტრაჟის შესაბამისად ამწიფებს მოვლენებს. ამ შემთხვევაში მე ბუნების ერთგული ვარ. ბევრმა ვერ გაუგებს ჩემს კრედოს, აკი, ვალიარებ — სიმართლის ნახევრადმთქმელი მაკადრა ერთმა ულტრამემარჯვენე ტიპმა-მეთქი. თუმცა ეს იქით იყოს, დედაჩემის ჩამოთბილისებას დავუბრუნდეთ: მშობელი ჩემი, გელენახე, გელოვანების ნაშიერი ქალი, რომელიც სანათსავით ანთია მამულისათვის, მთავრობის სახლის კიბეების ორომტრიალის შემხედვარე, ექსტაზით აივსება, სახელდახელო პლაკატი მომამზადებინებს ამგვარი ტექსტით:

„შვილო, შუკო, შენთან ვარ ექვსი შვილის დედა ოტობაიდან!“

აღნიშნული პლაკატის აფრიალება ერთობ შეაფუცხუნებს მოშიმშილე შუკოს.

— დასწიეთ, დასწიეთო! — ხელებს იქნევს. მოგვიანებით არც თავჯანსიციემა — მუხლის მოდრეკას ვთაკილებ იმ აქციის უგვირგვინო წვერისთვის, ტაშის გრიალით რომ გამოაცილებს თანამოშიმში-ლებთან ერთად რუსთაველზე შეჯარული საზოგადოება. მაშინ ხომ ყველაფერი მშვიდობიანად დამთავრდა. მთავრობასა და მოშიმშილეთა შორის მოიძებნება კომპრომისული ვარიანტი და პრო-ტესტანტების ულტიმატუმი თუ პირობები, თუნდაც სიტყვიერად გარკვეულწილად დაკმაყოფილ-დება. მაგრამ მე სხვა რამე მადარდებს და მძიმე ქვასავით მაწევს გულზე დღემდე. დისიდენტ შუკოს, რომელსაც გამსახურდიას „ოქროს საწმისს“ ჩუმჩუმად უკითხავს თანამოაზრეებს კინოთეატრ „საქართველოს“ ფოიესა თუ „ენგურქალაქკომბინატის“ ტერიტორიაზე, რა გარემოება აიძუ-ლებს დაუპირისპირდეს ეროვნული მოძრაობის ზვიადისეულ ხაზს?!

დაუვიწყარია ჩემთვის იატაკქვეშეთში გამოცემული მისი გაზეთი „კუჭკუჭელა“, სადაც აკვანში წევს პრეზიდენტი ჩვენი, ხოლო თავად სარწველა იგი ბაზალეთის ტბის ძირშია ჩადგმული და იქიდან მის ამოყვანას ამაოდ ცდილობენ „კალგოტკებიანი“ თემურ ქორიძე თუ „არლე-კინო“ აკაკი ასათიანი.

არც მეორე შემთხვევა წამეშლება გონებიდან, როცა ანტიმთავრობული აქციის დროს პრეზიდენ-ტის გადადგომას მოითხოვს „ქუჩის ოპოზიცია“, შუა რუსთაველზე ლახტის წრე შემოუხაზავთ ცარ-ციტ, შიგ ჩაუხატავთ ნეტარხსენებული პრეზიდენტი ჩვენი, გურამ პეტრიაშვილი, ნემო ბურჭულაძე, ავთანდილ რცხილაძე, მანანა არჩვაძე, სხვანი და შაურიანებს ესვრიან.

შუკოს კონფრონტაცია ამით არ დამთავრებულა. ყოველივეს წინ უსწრებს მშობლიურ ჩხოროწ-ყუში ნდობით აღჭურვილ პირად წამოსვლა, მაგრამ, აბა, თუ მიხვდებით ვის ქომავ-გულშემატ-კივრად?! — ახლა დასანახადაც რომ ეჯავრება იმ პრეზიდენტობის მაძიებელ ნოდარ ნათაძესი!

კომმარული 92-ის პირველ კვირას საექვო სიმძიმის ტვირთაკიდებულსაც გვიხილავთ მას ზე-მელზე მე და ჩემი მეუღლე, მაგრამ არ შევხმინებებივართ, ვინაიდან ვიცით, ჩვენ ვისაც თანაუფერ-ძნობთ, სწორედ მას უმღვრევს წყალს. მიუხედავად ამისა ჩვენს შორის არ ჩატყდება მეგობრობის ხიდი.

ორწლიანი ჩემეული დაკვირვების გამოცდილებიდან ვრწმუნდები, კანონიერი ხელისუფლების ავად თუ კარგად მოკირკიტე ხალხი აქაურობას აღარაფერში ეპიტნავენა — თუმცა შესაძლოა ბევრ მათგანს განსხვავებულად, მაგრამ არანაკლები სიყვარულით უძგერდეს სამშობლოსათვის გული. ამის ნათელ დადასტურებად ერთი ფაქტიც იკმარებს: აფხაზეთის ბრძოლებიდან ჩამოსული შუკო ჯიქიას პრეზიდენტის მომხრეები დაიჭირენ და ზნეობრივ სასამართლოს მოუწყობენ. იმ საბედისწერო წამს შუკოს უახლოესი მეგობარი მწერლებიც კი არ გამოექომაგებიან. ამის თაობაზე წერდა კიდეც იგი „ლიტერატურულ საქართველოში“, უფრო მოგვიანებით კი უშურველად მიუტევენს კოლეგებს დახვრეტასა თუ ჩამოკონწიალებაზე ფაქტობრივ დასტურს, მაგრამ მათი გამოხედვა ამრეზილია დღესაც.

ერთი ჩვენი საერთო მეგობრის დედის გასვენებაზე მოხვდებით ამასწინათ, მაგრამ როცა ხელს არ გამოგვიწვდის ის ჭირისუფალი შვილი სიტყვებით: „რატომ მაყენებთ უხერხულ მდგომარეობაშიო“, ჩემთვის ცხადია ცხადი შეიქმნება, რომ ეს ხალხი აღარასოდეს შემოურთავდება შუკოს, როგორც კონფრონტაციულ პოლიტიკოსს და გარკვეულ ჟამამდე გური ოტობაიას, როგორც მედიატორს, ნეიტრალურ ძალას.

ერთი დეტალიც მინდა შეგაწიოთ, ჩხოროწყუში ბ-ნ ნ. ნათაძის ნდობით აღჭურვილ პირად შუკოს ჩამოსვლას თანამემამულეები არათუ იჭაშნიკებენ, დააპატიმრებენ კიდეც, თუმცა პოლიტიკური სარბიელგამოცლოლს ტრაპეზს არ მოაკლებენ რასაც ვერ ვიტყვით ზუგდიდურ ტუსალობაზე. ზარანდია თურმე ჩანმანშემართული მაუზერით კედელთან მიაყენებს აქა-იქ, და თან სათაყვანებელი ლიდერების შეკურთხებას უბრძანებს, მაგრამ — ამაოდ.

შუკო ჯიქიას შემოქმედებითი პალიტრა გაცილებით საინტერესოა ჩვენთვის, ვიდრე მისი პოლიტიკური ბატალიები. იგი პოეზიაში ესტაფეტას ჩამოართმევს ვაჟა-ფშაველას და ლექსების მომცრო კრებულებით „ბედი“ პოეტი-ფერმწერის სახელს დაიმკვიდრებს. შუკო არ არის პროდუქტიული, სამაგიეროდ რასაც კი ქალაქზე გადაიტანს, ტალანტის უტყუარი დამლა აზის. გულშიჩამწვდომია მისი ერთი „ჩას- ტუშკაც“: „მუ მოკოდუ, ათაქ, მუ ჩქიმ ღურუ, მარგალურქ გუმოჭყორდუ, ქორთულქ ვადმაგურუ — აქ (თბილისში, გ.ა.) რა ჭირი მინდოდა, რა ჩემი სიკვდილი, მეგრული დამავიწყდა და ქართული ვერ ვისწავლეო.“

არა, ბატონებო, ეშმაკობს შუკო, მას არც მეგრული დავიწყნია და სალიტერატურო ქართულიც ფრიად ოსტატურად მოუწურთნია. აფთიაქარის უზუსტესი სასწორით წონის სიტყვას, დურგლის გონიო-თარაზოთი გამოჰყავს ლარში ფრაზა, და ვისაც ჯერ კიდეც წინა აქვს წკნელივით მოქნილი მისი შემოქმედების გაცნობა ოთხმოცდაათიანი წლების ბელეტრისტულ ჟურნალებში დაუმთავრებელი რომანის „დამატებითი დრო“-ის სახით, ბედნიერია მოსალოდნელი სულიერი ტკბობის გამო.

მიუხედავად იმისა, რომ შუკო ჯიქია მეგობარია ჩემი, ბოლო დროს ხშირად მეკაფიავება, მეშაირება, მეჩასტუშეება, ენამწარობს რატომღაც (მეტწილ უსამართლოდ) ჩვენებური კილო-კავით, რომელსაც სრულყოფილად გაახლებთ ოდესმე ლექსების კრებულ „პოუ ნანა“-ში ჩვენი ლიტერატურული პაექრობის საგნის უფრორე ახლოით განჩხრეკვის მიზნით, მაგრამ რაც მთავარია, მთელი არსებით ვცდილობ სიტყვიერების მადლს მსახურებდეს ძმობილი ჩემი, სიტყვის აღქმისას უკირკიტებდეს და არა — პოლიტიკურ კვანტებს, თუმცა, როგორც ჩანს, საშველი კვლავაც არ არის — ორი რევოლუცია მოახდინა კაცმა და ხეირიანი სამუშაო ატმოსფერო ჯერაც ველარაფრით შეიქმნა, ეტყობა ღმერთი სამეხით ტყუილუბრალოდ როდია.

ვეგონებთ, აისბერგულად მაინც წარმოგიდგინეთ პოლიტიკოსი, პოეტი და მწერალი შუკო ჯიქია და ახლა უმჯობესია თვითონვე მივუგდოთ ყური, რამეთუ მეტი სიცხოვლით წარმოგვეჩინოს ვინმე კოლხი მელექსეს ბობოქარი სულის წიოკობა:

— შუკო, ამაო, შენ 25 წლის შემდეგ დატოვე დედაქალაქი და სამეგრელოში დაბრუნდი. არსებობდა თუ არა ამისათვის რაიმე კონკრეტული მიზეზი?

— მიჭირს ამაზე საუბარი, მაგრამ უთქმელობაც არ შემიძლია. ბოლო ხანებში ცალკეულმა, გაგლენიანმა პირებმა, ე.წ. თბილისელებმა, ისე უკურნებლად დაასწულეს დედაქალაქი მეგრელოფობიით, რომ იქ ამიერიდან თავმოყვარე ადამიანს ჩვენი კუთხიდან არ დაედგომება. როცა ქვეყანაში მმართველი პარტიის თავმჯდომარის მოადგილე, თან პოეტობის პრეტენზიორი...

— ხომ ვერ დააკონკრეტებ?

— რატომაც არა, უფალი რეზო ამაშუკელი, ტელიენტერვიუში განაცხადებს, რომ თურმე ბოლო ჟამს თბილისში ძალიან მომრავლებულან მაფშალიები და მათი გალობა დროზე უნდა აღიკვეთოსო, იქ სხვა რიგით ადამიანებს რა უნდა მოვთხოვოთ, ვინც არც თავმჯდომარის მოადგილეა, არც პოეტია

და არც ღირსების ორდენის კავალერი — „ქართული ლიტერატურის განვითარებაში შეტანილი პირადი წვლილისათვის“ (!). თუმცა ამ უკანასკნელთა კინტოური მატრებაზობა და უტიფარი ქირ-ქილი ასე თუ ისე ნაკლებად საგანგაშოა, ვიდრე ის, როგორც ყოველივე ჩვენი კუთხის მოსახლეობამ აღიქვა: ასეთი განცხადების გაკეთება ერთი კაცის, თან მოადგილე ამაშუკელის გამბედაობას ბევრად აღემატება, რანაირი „ბოლშის ბუკეტიც“ უნდა იყოს იგი.

— **ამით გინდა თქვა, რომ უფრო მაღალ ეშელონებშია საძიებელი ამგვარი უმსგავსობის სათავე?**

— სამწუხაროდ, საქართველოში დღეს მეტი სიმაღლე არ მოიძივება, თუ არ მივიჩნევთ თავმჯდომარის პერსონას, რომელიც ამაშუკელზე მხოლოდ ერთი საფეხურითაა ამაღლებული. ეს კი თითქმის ერთი სიბრტყეა და მათ შორის არსებითი განსხვავება შეუმჩნეველია. ისინი თავისუფლად წვდებიან ერთმანეთს პირზე საკოცნელად, მაგრამ აქვე გასათვალისწინებელია ერთი გარემოებაც.

საქართველოს დღევანდელი პრეზიდენტი, როდესაც 1972 წელს ქვეყანაში პირველი პირი გახდა, დაუყოვნებლივ მწერალთა კავშირს მიაშურა. იგივე გაიმეორა მან ოცი წლის შემდეგ — მოსკოვიდან დაბრუნებული კვლავ მწერალთა კავშირში მობრძანდა; ხოლო საპრეზიდენტო ინაუგურაციის დღეს მამადავითი მოილოცა და თაყვანი სცა გენისოთა საფლავებს. სამივე შემთხვევაში, როგორც ცოცხალი მწერლების, ასევე აწგანსვენებულთა ნათელი სულების წინაშე ქედი დაიდრიკა და თითოეულ მათგანს შემწეობა და მეოხედ ყოფნა შესთხოვა. არის ამაში რაღაც დამაფიქრებელი, თავისი იდუმალი ხასიათითა და მისტიური შეფერილობით. ადამიანის ბუნებას რას გაუგებ, მაგრამ ჩხიბვა ესევეთარი და თილისმად შერჩევა მწერლებისა, მწერალთა ორგანიზაციისა, და ბოლოს მათი მარადიული განსასვენებელი ადგილისა, არ შეიძლება მისი ამგვარი წარმატებების საწინდარი და განსაცდელში ქუდბედიანობის განმსაზღვრელი ჯადო-ძალა არ იყოს.

მართალია, ჩვენ არ წარმოვადგენთ ისეთ დიდ სამწერლო ბო ორგანიზაციას, როგორც საქართველოს მწერალთა კავშირია, ჩვენ მისი ერთი მცირე განშტოებალა ვართ, ანუ როგორც ეს პოეტს შეუძლია გამოხატოს — „ხვლიკი — ნიანგის წვეთი“.

ჩვენი სალოცავი ადგილი მაცხოვრის კარის ეკლესიაა, რომელიც ასევე არ არის, ვთქვათ, სიონის ტაძარი, არამედ ამ კათედრალის ერთ-ერთი საქვეშევრდომოა და ა.შ. ამით ის მინდა გითხრა, რომ არც მხარის გამგებელი გახლავთ ქვეყანაში ძალაუფლების პირველი საჭეთმპყრობელი. ის მხოლოდ პრეზიდენტის რწმუნებული და მისი ნება-სურვილის გამტარებელია რეგიონში. ამავე დროს იგი პრეზიდენტის მიერ ყოველგვარი კეთილი ნების გამოვლინებათა იმიტატორიც უნდა იყოს და არ ეთაკილებოდეს მცირე საყდარში მობრძანება და სანთლის დანთება, რამეთუ ყოველი მოსალოცი ადგილი და, უკაცრიელი პასუხია, გნებავთ მოსასაქმებელიც, ამ შემთხვევაში, მისი თანამდებობრივი გაბარიტების ტოლფარდია.

— **ნათქვამიდან გამომდინარე, ისეთი შთაბეჭდილება შეუქმნა, რიგითი ადამიანების ბედ-იღბალი ჩვენში მთლად უფლის ანაბარაა მიტოვებული, ვინაიდან, როცა მწერლობა იგნორირებულია, რიგითებისათვის ვის სცხელა?!**

— დღეს ჩვენს მხარეში უხეშად ირღვევა ადამიანის უფლებები მრავალი ასპექტით. არ გამოვედევნებთ სოციალურ-ეკონომიკურ სიდუხჭირეს. უკანასკნელ პერიოდში მომხდარი ინცინდენტებიდან მარტო 26 მაისის მაგალითის მოხმობაც საკმარისია. დეტალებს არც აქ ჩავეძიებთ და მარტო ფაქტის უბრალო კონსტანტაციით შემოვიფარგლები. ხსენებულ დღეს ექსპრეზიდენტის მომხრე რამდენიმე პირი ფიზიკურად შეურაცხვეს და დააპატიმრეს. მათ შორის იყვნენ მწერლებიც. ამის შესახებ მოგვიანებით გავიგე. ხელისუფალნი უკვე სადღაც სანადიმოდ გაკრეფილ იყვნენ, მათი ადგილ-სამყოფელი კი ვერავინ მიმასწავლა. ბოლოს, შემთხვევით, ვიცე-რწმუნებულს, ბატონ მიხეილ ქანთარისს გადავეყარე, რომელმაც აღმითქვა, რომ პატიმრებს საღამოს პირზე გაანთავისუფლებდნენ...

თურმე ნუ იტყვით, ყოფილ ბოლშევიკებს, 25 თებერვლის ავტორთა შთამომავლებს, ამ უცნაური ზიშ-ვილაგის ქამელეონებს, რომლებიც ჯერ კიდევ ვინ იცის, რამდენგზის გადაიღებავენ თავიანთი ურჩხულის ქერეჭიან ტყავეულს, შეუძლიათ ზარ-ზეიმით აღნიშნონ 26 მაისი, ხოლო იმათ, ვინაც დაბადებიდან სიკვდილამდე დისიდენტური ცხოვრების უმძიმეს ჭაპანს ეწევიან, ამ დღეს ბორკილები უნდა დავადოთ, ისე, როგორც მათი სამშობლოა ბორკილდადებული. როცა ხელისუფლება ძალისმიერი მეთოდებით დაიწყებს ძალა-უფლების შენარჩუნებას, იმის დღეები დათვლილია. ეს არის აქსიომა და ამის მაგალითებით ისეა გაძევილი მსოფლიოს ისტორია, რომ იქ სხვა რამისათვის ადგილი თითქმის არც არის დარჩენილი.

— **სამშობლოსათვის კალმით და ტყვიით შეთამარ კაცს, ვიცი, გულისგატეხვა არა**

გჩვენებია, არც — უკან დახვევა წინააღმდეგობათა გადალახვისას. რა გზას დაადგება მხარის მწერალთა ორგანიზაცია და მისი ხელმძღვანელი, თუკი საერთო სატყეარო — მწერლობის საშვილიშვილო პრობლემები პრობლემებადვე დარჩა, თუკი რეალური ნაბიჯები არ გადმოიღვა ხელისუფლებისაგან, ბიზნესმენებისაგან, წარმოება-დაწესებულებათა ხელმძღვანელებისაგან, ვისაც ხელეწიფება ამისთანა საქმეებისათვის გარკვეული სახსრების გაღება, თუკი კვლავაც დუმილის, გულგრილობის, იგნორირების პოლიტიკით ისულდგმულენ?

— ეტყობა ჩემზე ჯერ კიდევ არსებობს გადაჭარბებული წარმოდგენები, თუმცა უკვე გვარიანად შევიცვალე. ბაქიაობის ასაკიდან კარგა ხანია გამოვედი. არ ზემოქმედებს და ფაქტობრივად უცხო გახდა ჩემთვის ისეთი როყო გამონათქვამები, როგორიცაა, ვთქვათ: „აქა ვდგავარ და სხვანაირად არ ძალმიძს“, ან „მე იმ გვარისა ვარ, ვისაც უკან დახვევა არა სჩვევია“ და მისთანები. უკან დახვევა არა მჩვევია კი არადა, თუ ამის აუცილებლობა დავინახე, ისე მოკვურცხლავ, კურდღელს გავასწრებ. მე ვინა ვარ ან ემუხვარი და თუთაშნია, როცა ერთხელ თვით დონ კიხოტიც კი, ადამიანთა უმადური ბუნებით შეძრული, სანტა ჰერმანდადას რისხვას გაექცა. უმამაცესი რაინდი, ვისთვისაც ნებისმიერი თავს დატეხილი უბედურება ღვთის წყალობად აღიქმებოდა, თავისი საჭურველმტვირთელის რჩევას დაჰყვა და უცაბედად განერიდა ისეთ ფათერაკს, ვინ იცის, იქნებ მასთან ქარის წისქვილებიც კი მონაგონი ყოფილიყო. მაგრამ ეს ლაჩრობით კი არ მოსვლია დონ კიხოტს, არამედ წინდახედულებით.

„გაცლა გაქცევა როდია, — შთააგონებს მას სანჩო, — ის უფრო გონიერება არ იქნება, დღეს თავი შევიწახოთ ხვალისათვის და მთელი არსება ერთ დღეს არ შევადლოთ“, ასე რომ, დონ კიხოტზე ჯიუტი ვერც მე ვიქნები და თუ ასე გაგრძელდა, რა თქმა უნდა გაცლას ვამჯობინებ. საცა არა სჯობს, გაცლა სჯობს, კარგისა მამაცისაგანო“, ბრძანებს პოეტების მამფალი და მე რა უფლება მაქვს არ დავემორჩილო. არც ვინმეს ნასუფრალზე ვარ დახარბებული და სამადლო ლუკმის გადმოგდებისათვის ვილაც ბლენძია ტიპაჟების წინაშე თავს ვერც დავიმცირებ და ვერც დავივალდებულებ. მით უფრო მაშინ, როცა უკვე აშკარად ჩანს, რომ „ზოგიერთ ამხანაგებს“ ისე გაუტკბათ მღვრიე წყალში ხელის ფათური, არავინ უწყის, როდის მოგვიწევს მათთან შეჯახება და უკომპრომისო ბრძოლის გამართვა, შეხსენება იმისა, რომ ამქვეყნად არსებობს მატერიალურ სიმდიდრეზე მაღალი ფასეულობანიც და ყველაფერი ფულზე არ იყიდება.

— არანაკლებ საგულისყუროთა ჩვენთვის რეგიონული მწერალთა კავშირის პერიოდიკის „ფენიქსის“ შენეული მოწინავე წერილის პათოსი. გვიანტერესებს სულიდან ამონახეთქი, ლამის წინასწარმეტყველური ის გულისთქმა, რითი საზრდობს, რითი იკვებება? იმ წერილის წაკითხვის შემდეგ საფიქრალია სამეგრელოდან გაკრეფილი ჩვენი კუთხის შვილნი აჩქარებით მოეახლებინ მას, რადგანაც შენი თქმით, სწორედ აქედან უნდა აღზევდეს საკაცობრიო რანგის ხელოვანი.

რატომ? ან გამოჩნდნენ თუ არა ისინი?

აქვე, მწერალი კაცისათვის სომ არ ნიშნავს ფარ-ხმალის დაყრას მსგავსი განცხადება, კაცისათვის, რომელიც უშუალო მონაწილეა მრავალი ჭირთათმენისა: აკვანში მწოლთ თუ შორტებით მორბენალებს გადაულოცოთ გარდახდილი ჟამთატრიალის ასახვისა და ხალხის გულებთან მართებულად მიტანის პრივილეგიები?! ნუთუ ჩვენი თათბიდან შეუძლებელია ამისთანა პიროვნების ამოტივტივება?! ნუთუ გამოირიცხავ სკასავით დანჯდრეული სინამდვილის მსატერულ ტილოდ გარდამსახველის მოვლინებას თანამედროვეთაგან? ჯერ სომ თავიანთი საბოლოო სიტყვა არ უთქვამთ ბატონებს: ნოდარ წულეისკირს, გურამ დოჩანაშვილს, გურამ გეგეშიძეს, თთარ ჭილაძეს, არც თქვენი მონა-მორჩილი გური თტობაიაა მაინცდამაინც გულხელდაკრეფილი და რამდენადაც ვიცო, მიუხედავად უსაშველო უშუქობისა, სანთლის ლიცლიცში თავადაც ბაწარადებით კინძავ და კინძავ ოთხმოცდაათიანი წლების ტკბილ-მწარე წუთებს...

— როგორც ზემოთ აღვნიშნე, სამწუხაროდ, რიგი მიზეზისა გამო, „ფენიქსის“ პირველი მახარობელი ნომერი მცირე ტირაჟით დაისტამბა და ამდენად, იგი ფართო მკითხველი საზოგადოებისათვის არ იქნება ხელმისაწვდომი. თუ რაზეა იმ წერილში ლაპარაკი, ვფიქრობ, ორიოდ სიტყვა ჯერ ამაზე უნდა ითქვას. ეს გახლავთ „წინასწარმეტყველება“ სულ მალე ქართულ მწერლობაში ახალი ვარსკვლავის გამოჩენის შესახებ, რომელიც უთუოდ ჩვენი კუთხის შვილი იქნება. ამის საფუძველს იძლევა მთელი ის პოლიტიკური ჟამიანობა, რაც ამ ბოლო პერიოდში გადავიტანეთ. მოგეხსენებათ, უბედურების ეპიცენტრი სამეგრელოში, ძირითადად კი ზუგდიდში გადიოდა და ეს მოვლენაც აქ დაიდებს სათავეს, ან არადა, იგი სამეგრელოს საზღვრებს არაფრით გასცდება. ეს გამო-

რიცხულია და ამაში რამენაირი ეჭვის შეტანის საფუძველი არ გავაჩნია. თან მინდა ყველამ იცოდეს, რომ ეს მოხდება მზიან ამინდში მხის გავარდნასავით და არა ისე, რომ ელვას მოჰყვას დაქუჩება და რაიმე მაგდაგვარი. არანაირი წინასწარმავწყობელი ნიშანი მის გამოჩენას არ ექნება. ამიტომ ვამბობ, რომ ამთავითვე საჭიროა გარკვეული თადარიგის დაჭერა. ხშირად უზომო სიხარულის განცდასაც მოსდევს გონების ისეთი ფორიაქი, რომელიც მერე შესაძლოა სავალალო შედეგითაც დასრულდეს. არადა, არაფერია ამქვეყნად იმაზე დიდი ბედნიერება, ცხოვრობდე გენიალური მწერლის ეპოქაში და შენს თვალწინ უკვდავი ნაწარმოებები იქმნებოდეს.

– **დაბოლოს, ტრადიციული შეკითხვა: შემოქმედებითი მიზნები... ლექსების კრებულის „ბედის“ გამოსვლის შემდეგ ბარემ თხუთმეტ წელზე მეტი გავიდა, ხოლო რომანი „დაბატებითი დრო“, რომლის რამდენიმე ნაწყვეტი კი გამოქვეყნდა ლიტერატურულ პრესაში, რასაც კითხველი ცხოველი ინტერესით შესვდა, სრულყოფილი სახით ჯერაც ვერ ვიხილეთ. იქნებ უფრო დაგვიკონკრეტო სათქმელი და გვაუწყო: როცა შემოქმედის ბედი სამშობლოს ყინმათს იოტისოდენადაც არ აღემატება, არადა, ამ ხელოვანს საკუთარი ენერჯიის რეალიზაციისათვის მინიმუმაც არ გააჩნია, რა მოიმოქმედოს, როგორ იხსნას სული და სხეული ისეც და ისეც ჩვენი სათაყვანებელი მამულის სადიდებლად?!**

– თითქმის საუკუნის შემდეგ ვაპირებ პეტრე ჭარაიას შემოქმედების გამომზეურებას. ასეთი მაგალითები იმდენია, ჩამოთვლას არ ექვემდებარება. სანთელ-საკმეველი თავის გზას არ დაჰკარგავს, ნათქვამია. ასე რომ, თუკი ღმერთმა ინება და რაიმე ფასეულის შექმნა შეეძელი, არა მგონია უკვალოდ გაქრეს. მიმაჩნია, რომ დღეს რა საქმეებითაც ვარ დაკავებული, გაცილებით მნიშვნელოვანია, ვიდრე საკუთარი შემოქმედების პოპულარიზაციაზე ზრუნვა. წელან გეუბნებოდით, ახალი ვარსკვლავის გამოჩენას ვარ დადარაჯებული-მეთქი და ის დროც უკვე, წესით, მოახლოებული უნდა იყოს. ვინც ამას არ დაიჯერებს, სულ მალე ფაქტის წინაშე დადგება შერცხვენილი. ყოველივე ამის შემდგომ კი მოხდება ისიც, მართალია, ჩემი ნაცოდვილარი იმის შედეგებთან არარაობად გამოჩნდება, ის მაინც როგორც დიდი რევიზორი, გაუსინჯავს არაფერს დატოვებს და თუ რაიმე ფასეულობა შენიშნა, უჩემოდაც კარგად მოუვლის. ასეთია კარსმომდგარი რეალობა და ძალიან მინდა, რომ ვინმემ ეს გადამლაშებულ თავმდაბლობაში არ ჩაამომართვას.

ამნაირი გახლავთ ერთი წლით წინათ ჩემი ძმობილი, და ვფიქრობ, 12 თვეს უფრო გაუბასრებია იგი...

... ცხადია, ჯვარიდან მობრუნებულ „ლაბირინთელებს“ ჩვენ ვერ შევეყრებით, ვინაიდან შამგონაში იმდენი პრობლემა დაგვხვდება, ზუგდიდს შებინდებამდე ვერაფრით ჩამოვალწევთ. თავად განსაჯეთ, გაექცევი წუთისოფლის დარღუბალას, რომლითაც პირთამდეა სავეს თითოეული სამურზაყანოელის ფილა? უღებოდ, უსაბნოდ წვანან ბეტონის იატაკზე, სასკოლო მერხებზე, მაგიდებზე, ან უკეთეს შემთხვევაში, ოჯახის ხუთი წევრი რიგრიგობით, მონაცვლეობით წრიალებს ერთ ლოგინში. ამაზე მეტი გულდასათუთქი ამბავი სმენილა? ათასობით ფირმა და „შეპესე“ ნავარდობს დღევანდელ საქართველოში. ზოგი სრულიად დაუმსახურებლად მილიონერია სახალხო დოვლათის მუხანათური მისაკუთრებით, მაგრამ ქველმოქმედებაზე რომ ჩამოვარდება საუბარი, კაპიკს ვერ გააგდებინებ ხელიდან. არადა, „ლაბირინთელებით“ არასამთავრობო სტრუქტურების თუნდაც 50 პროცენტმაც გამოიღოს ხელი, 40 ათასი დევნილის ღირსეული დაბინავება და სათანადო სამუშაოს გამოძებნა გაძნელებს? სახალხო მეურნეობის უპატრონოდ მიგდებულ დარგებს ვგულისხმობ, მეჩაიეობას, სახნავ-სათესს. ადამიანს უნდა მივცეთ ფეხზე დადგომის საშუალება. ხელის გამართვა, დახმარება, მისაღებია ერთხელ, ორგზის, მაგრამ სახელმწიფო კმაყოფაზე წლობით მტერმა ისულდგმულა. გადაგვარების, გადაჯიშების უკეთესი საშუალება არც არსებობს.

განმუხურში შევიტყობ აფხაზი სეპარატისტების მიერ ალალი მამიდაშვილის, ბოჩია მეფორიას დახვრეტის ამბავს და მწუხარებით სულშეძრული ისე მოვბრუნდები თბილისს, მშობლიური ოტობაიელების სოფელ ორსანტიაში მონახულებას ვერ მოვახერხებ.

მას აქეთ ბარემ თვენახევარი გაივლის.

ფიქრებით თავდამძიმებული რუსთაველის პროსპექტს მივუყვები „ცხრა აპრილის“ მიმართულებით. უცებ ხოკოსფერი „ოცდათერთმეტი“ მომამუხრატუნებს. „ლაბირინთელების“ კომერციული დირექტორი, თამაზ ბასილაია არ შემრჩება ხელთ?!

– მადლობელი ვარ წერილში მოხსენიებისათვის, — მეტყვის, როგორც კი მანქანაში ჩავჯდები,

— იმ ფაქტის აღნიშვნას „საოჯახო ლოტოს“ ტირაჟის გათამაშებაზეც მოვახერხებდით რამენაირად, მაგრამ იტყოდნენ კოკობზიკობენო და თავი შევიკავეთ. ყველაფერი ისე გიწერიათ, თითქოს იქ ყოფილიყავით. კინალამ გაგვწიწეს. თურმე ხელისუფლების წარმომადგენელნი ვეგონეთ. ბედზე იმ ხალხში ჩვენი გულშემატკივარი აღმოჩნდა და ფირმა „ლაბირინთის“ თანამშრომლები ვართ-თქო, რომ ვიბლავლეთ, თავიდან ის ერთადერთი გამოგვექომაგა. 11 ათასი ლარი ხქონოდა მოგებული შარშან. სწორედ იმან გვიშველა. როგორც კი ჩვენი ვინაობა გააგებინა ყველას, მთიანი სამურზაყანოს მოსახლეობა მყისვე დაშოშმინდა. სათითაოდ მოგვიბოდიშეს. მოწიწებით თავს გვიხრიდნენ მადლიერების ნიშნად. ჩატანილი ტვირთიც შეუფერხებლად დარიგდა. არავითარი გაწევა-გამოწევა, არავითარი სულსწრაფობა. ყველა ოჯახს ერგო თანაბრად და მიუკერძოებლად. სახელდახელო სუფრა გაგვიშალეს მანქანის „კაპოტზე“. ორნახადი, ცეცხლოვანი ხილის არყთა და ჭანჭუხა-ტყლაპით გაგვიმასპინძლდნენ. კარგა ხანია იქითკენ არ გაგვიხედავს. აქაც არანაკლები პრობლემებია. ამ დღეებში ენგურისპირა სოფლებში განთავსებულ დევნილებს მოვინახულებთ. ვნახოთ, რა გამოგვივა. მობრძანდით, მობრძანდით! — მეპატიჟება თამაზი „ლაბირინთელების“ ოფისის რკინის კიბეებზე.

ზღაპრული კონსტრუქციის ნაგებობა — ლაბირინთი კრეტის მითიური მეფე მინოსის გონების წყალობაა. სფინქსივით მარადიდუმალ მის ტალანებში მობინადრე ურჩხული მინო-ტავრი მუსრს ავლებს იქაურ ბნელხვეულებში უთავბოლოდ მობოდილად ადამიანებს. ესენი კი კრეტელების მოხარკე ათენელები გახლავან, რომლებიც ყოველ ცხრა წელიწადში ერთხელ მინოსს შვიდ ჭაბუკსა და ამდენივე ასულს უგზავნიან ზვარაკად. მინოსი მათ ლაბირინთში შელაღავს და იქ მხარაქცეული მიმოსვლებით დარეტიანებულ ქალ-ვაჟებს მინოტავრი მოუ-ღებს ბოლოს, მაგრამ ერთხელ ხარკად წარგზავნილ ახალგაზრდებს ეგოსის ძე თეზევ-სიც გაჰყვება.

სწორედ იქ, კრეტაში, როგორც იასონი მედეას, გმირთაგმირი თეზევი მოხიბლავს მშვენიერი არიადნეს. ეს უკანასკნელი ჰელიოსის შვილი-შვილია, პისაფეას პირმშო, აიეტის დისწული და გულქვა მამის საწინააღმდეგოდ უცხოშიწელს შეეკვრება უმწიკვლო სიყვარულით, მისცემს თეზევს გორგალს, ასწავლის ძაფი როგორ დაეხმოს შესასვლელთან, როგორ განეგმიროს მინოტავრი და მშვიდობიანად რანაირად გამოაღწიოს ლაბირინთის საშინელი ტალანებიდან.

აღასრულებს ჭაბუკი სატრფოს დარიგებას, მინოტავრზე გამარჯვებული უვნებლად გამოვა ლაბირინთიდან. ასე სძლევს სიყვარული ადამიანების საწამებლად მოგონილ სამსხვერ-პლოს, მაგრამ დაბეჯითებით არავინ იცის, მაინც რა მიზანს ემსახურებოდა თავად ლაბირინთი, მისი საიდუმლოებით მოცული არე-წილი, მინოტავრის კბილების აუკაწკაწებლადაც რისთვის თანგავდა იქ შეღწეულებს გორდიას კვანძივით გადაბურღული მისი ვრცეულობა, რატომ უბნევდა თავგზას ადამიანებს და სასოწარკვეთილებაში ჩავარდნილი რისთვის თანგავდა უეჭველი სიკვდილით?

მოგიანებით, მხოლოდ მოგვიანებით მიაქცევს ყურადღებას ამ ნაგებობას ანთროპოსოფიის მამამთავარი რუდოლფ შტაინერი, რომლის ვარაუდით ლაბირინთი ადამიანის გონების მიკრომოდელია, ერთგვარი მატრიცაა ცოლკინის მსგავსად და იგი ზეგანვითარებული ცივილიზაციის დანატოვარია დედამიწაზე რაღაც იდუმალის ამოსახსნელად.

ასეთი ვრცელი ექსკურსით გამოვეცნაურები „საოჯახო ლოტოს“ სულისჩამდგმელს, ფირმა „ლაბირინთის“ კომერციულ დირექტორს, მკვეთრი მოძრაობებითა და დაუდგრომლობით გამორჩეულ ყმაწვილ კაცს, ბატონ თამაზ ბასილაიას რკინის ხვეულ კიბეებზე ასვლისას.

„ლაბირინთის“, ერთ-ერთი სამუშაო ოფისი ეროვნული ბიბლიოთეკის სიახლოვესაა. აქ, მომცრო სტამბაში ბეჭდავენ „საოჯახო ლოტოს“ ბილეთებს. ყოველი ტირაჟი თურმე განსხვავებული ფერისაა. ამით გაყალბებას გამორიცხავენ. ნახევარფაბრიკატების დონეზე დამზადებულ ბილეთებს მოგვიანებით მაღალი მენსიერების კომპიუტერებით ნომრავენ. მერმე სათითაოდ მოწმდება ბილეთები, რათა გაუგებრობა დროულად აიცილონ თავიდან. მაგალითისათვის, ორი ან სამი გაორებული ბილეთი თუ გაეპარა კონტროლიორს, ხომ შეიძლება სწორედ იმან მოიგოს ჯეკ-პოტი და ერთბაშად გაკოტრდე?! დღემდე „ლაბირინთმა“ ხუთასზე მეტი ადამიანი დაასაქმა. თითოეულის ანაზღაურება 250-300 ლარს აღემატება ყოველთვიურად. უამრავი ზარი გაისმის თურმე მაღალი ინსტანციებიდან, მოქალაქეთა „საოჯახო ლოტოს“ ბილეთების რეალიზატორებად მოწყობის თვალსაზრისით. ახლა უკვე არავინ თაკილობს შუაქუჩაში ვაჭრობას. მართალია, ჯერჯერ-რობით უბრალო მაგიდებს ასაკეცი სკამებით მიმსხდარან ისინი, მაგრამ ქალაქის მერია ნებას თუ დართავთ, საკუთარ ჯიხურებსაც გაიჩენენ და ბილეთების გავრცელებაც ცივილურ ხასიათს მიიღებს.

„ლაბირინთელები“ თავიანთი წარმატების უმთავრეს ქვაკუთხედად სახელმწიფო ბიუჯეტთან პირნათელ ურთიერთობას მიიჩნევენ. მარტო წლეულს 4 მილიონამდე ლარს შეიტანენ სახელმწიფო ხაზი-

ნაში. ახლა ამას დავუმატოთ სულ ცოტა 200 მოქალაქე, რომელიც 78 ტირაჟის მანძილზე სამისდღემ-
შიოდ დასახლებულა და ადვილი მისახვედრია, არც ისე ცოტაა მათი როლი ადამიანების კეთილდღე-
ობის საქმეში. დღეს 25 თეთრით ვერაფერს შეიძენს მოქალაქე, „საოჯახო ლოტოთი“ კი შეიძლება ერ-
თბაშად, ხელის ერთი მოსმით, ათასების პატრონი შეიქმნას.

— ლატარია „საოჯახო ლოტოს“ ყოველი ტირაჟის გათამაშებას დიდი ხანია გაფაციცებით თვალს
მივადევნებ მთელი შემადგენლობით, — ვეუბნები მასპინძელს, — შაბათ საღამოს ერთ სამზადისში
არიან ჩემი ბავშვები. ავტოკალამს და სუფთა ფურცელს იმარჯვებენ უფროსი ასულები. თავად მეულ-
ლე ბილეთებს გადახაზავს. წერა-კითხვის უცოდინარი კოკა ტოლს არ უდებს დაიკოებს, მოკლედ,
კოლექტიური ფაციფუცის მიუხედავად ჭერჭერობით 2 ლარზე მეტი ვერ მოგვიგია. თავიდან თქვენ
უმეტოქო ბრძანდებოდით საქართველოში, მაგრამ დროთა ვითარებაში გამოგიჩნდნენ სერიოზული
კონკურენტები: „ტოტო-ლოტო“, „ქართული ლოტო“, „თორმეტი სკამი“, „ოქროს გასაღები“ და სხვა.
რამდენადაც მახსოვს მათ გამოჩენამდე თქვენი ტირაჟი ორ მილიონს აღემატებოდა, დღეს კი ძლივს
800 ათასია. საინტერესოა, რა განსაზღვრავს ხალხის დაინტერესებას, მიმზიდველი რეკლამა თუ თა-
მაშის ბუნება-ხასიათი? — ასეთი კითხვით მივმართავ ფირმის კომერციულ დირექტორს, როცა
კაბინეტში შემიძლება და ზედმიწევნით გამაცნობს თავისი კომპანიონებს.

— ლოტოს თამაშის პიონერები საქართველოში ჩვენა ვართ, „ლაბირინთელები“. დასახლებულ-
ლი კონკურენტები, რომლებზეც მოგვიანებით მოგახსენებთ, ჩვენი ლატარიის 75 ტირაჟის შემდეგ
გამოჩნდნენ ასპარეზზე. ახლა კი იმაზე მოგიყვებით მოსკოვში ზედიზედ სამი კვირის მანძილზე
როგორ მოვიგე ორი ათასამდე დოლარი „რუსსკოე ლოტოში“. მომხიბლა თამაშის აზარტულობამ.
გადავწყვიტე მისი ფილიალი საქართველოშიც შემექმნა, მაგრამ ფირმა „მილანის“ პრეზიდენტმა
ახლოსაც არ გამიკარა. მერე, დაჟინებული სიარულის შემდეგ, სატელეფონო საუბრით უდიერად
მომიშორა თავიდან:

ვერ გამოვიგა, რას გვეტენებით ეს ქართველები?! არ გინდოდით აქამდე და ახლა ჩვენს გარეშე
რომ ვერ ძლებთო? ორასი წელიწადი კბილებით მოგათრევდით, დაგავიწყდათ ვისი შემსწობით
დაიბრუნეთ აჭარა და მესხეთიო? მადლობის მაგიერიაო?! იყავით ახლა თქვენთვის, თქვენი აწეწილი
და გაძალღებული ცხოვრებითო!

ამის შემდეგ ორ საათსაც არ დავრჩენილვარ მოსკოვში. თბილისში ჩამოსულმა სწრაფად შემო-
ვიკრიბე თანამზრახველები. მერაბ ბერიშვილის შვიდთვიანი დაუდალავი მუშაობის შემდეგ, რო-
გორც იქნა დამოუკიდებელი, ორიგინალური კომპიუტერული პროგრამა შევქმენით, თუმცა წინ
კიდევ უამრავი ბარიერი გველობებოდა თურმე და აი, გასული წლის 17 ნოემბერს, სხვათა შორის
ჩემი დაბადების დღეს, პირველად გავვდიოთ ეთერში.

— **დრიანკალის ნიშნის ქვეშ ყოფილხარ დაბადებული. ასეთ ადამიანებს ხოროსკოპის
მიხედვით იღბალი სწყალობთ აზარტულ თამაშებში.**

— ბედს მართლაც არ ვემდური. არ მახსოვს ნარდი ვინმესთან წამეგოს. მატჩს ვგულისხმობ, მაგრამ
ეს როდი ნიშნავს პრობლემები არ მქონდეს. „საოჯახო ლოტოს“ თავდაპირველად რაიმე სერიოზული
წარმატება არ ხვდომია წილად. მართალია, ბილეთის ღირებულება 1 ლარიდან 25 თეთრამდე შევამცი-
რეთ, მაგრამ პოპულარობის საქმეს ამანაც ვერ უშველა. თვალშისაცემად გვაკლდა სათანადო რეკლამა
და ახა, ისიც მალე გამოჩნდა სტუდია „მაესტროს“ სახით. ხოლო რაც შეეხება წამყვანს, მამუკა ლლონტს
და მის დაუცხრომელ ტემპერამენტს, ჩვენი წარუმატებლობა სასიკეთოდ 180 გრადუსით შემოატრიალა.

— **ამსელა ნობათით რომ ეწვიეთ ჯვარში განთავსებულ სამურზაყანოელებს, ალბათ,
უკვე საკმარისად მდიდრებიც ხართ?** — ვეკითხები მორიღებით.

— ყველას მილიონერები ვგონივართ, სინამდვილეში კი ჩვენი ყოველთვიური შემოსავალი ათას-
ხუთას — ორიათას ლარს არ აღემატება. ფირმას ექვსი დამფუძნებელი ხყავს: გენერალური დირექ-
ტორი ნიკო ნემსაძე, კომპანიონები — გიორგი რცხილაძე, გია ლაზიშვილი, გიორგი ახვლედიანი და
მერაბ მერაბიშვილი. ბოლო ორი თქვენ ზუგდიდში გინახავთ.

ფუნქციები ზედმიწევნით განაწილებულია. მაგალითად, მე „საოჯახო ლოტოს“ ბილეთების და-
ბეჭდვა მევალება, მეორეს — მათი რეალიზაცია და ასე შემდეგ. მოკლედ, ფირმის მოგებულ თანხის
განმკარგავი მხოლოდ მე ვერ ვიქნები; საამისოდ, დებულების თანახმად, ექვსივეს თანხმობაა საჭირო.
აქამდეც უამრავი ქველმოქმედება გავწიეთ: ხელი მოვუმართეთ ზოგ ობოლ სტუდენტს, საზღვარ-
გარეთ საოპერაციოდ გასაგზავნ ავადმყოფს, სპორტსმენს და ვინ მოსთვლის, მაგრამ როცა ხალხი
ზღვასავით მოგვაწყდა, საერთო გადაწყვეტილებით კატეგორიულად დავასკვენით, რომ თუ დავა-
ფინანსებდით, მხოლოდ და მხოლოდ ეროვნულ საქმეებს. სამურზაყანოელი დევნილების დახმარება
სახელმწიფოებრივი მნიშვნელობის ღონისძიებად მიგვაჩნია და ამ დღეებში ამიტომაც განგვიზრა-

ხავს იქ განმეორებით გამგზავრება. ამჯერად მხოლოდ გამძლე პროდუქტს ჩავუტანთ დევნილებს. სურვილი ბევრია, მაგრამ შესაძლებლობა — რეალობიდან გამომდინარე — შეზღუდული. პირადი შემოსავლებიდან მშობლიურ ხიბულელებს დანგრეული გზის შეკეთებაში შევეშველე. ხელმოკლე 50 ოჯახს თითო ტომარა პურის ფქვილით შევეწიე. მომავალში სოფლის სასაფლაოზე მომცრო ეკლესიის აშენებას ვაპირებ. თავად ფირმის ძირითადი მიზანი მაინც ქართული ხელოვნების აღორძინებისათვის ზრუნვაა, ქართული მწერლობის გვერდით დადგომა.

— **სურვილი კარგია, მაგრამ დღითი დღე თანამზრახველებს რომ გართმევენ სხვადასხვა „ლოტოები“? რაიმე სიანლის დანერგვა ხომ არ განგიზრახავთ კონკურენციის თვალსაზრისით?**

— ჩვენ შესწავლილი გვაქვს ხალხის ფსიქოლოგია. „პოლე ჩუდესი“ როგორც დაიწყო, დღესაც იმავე მარტივი ფორმით გრძელდება, მაგრამ ფართო საზოგადოებაში მის მიმართ ინტერესი არ განელეზულა.

— **ქველების ნათქვამია, ჭეშმარიტება უბრალოებაშიაო.**

— ჩვენც ამ პრინციპიდან ამოვდივართ. მოქალაქეს ურჩენვია რვა-ათი ბილეთით შემოიფარგლოს, რადგან მეტის შეძენის შემთხვევაში იგი ვერ ასწრებს ბილეთების შევსებას და ამდენად, იკარგება თამაშში მონაწილეობის ხიბლი. მერედა, გაბერილ ტირაჟს ახლავს გარკვეული სირთულე: ყოველკვირეულად, სიტყვისათვის, ხუთი მილიონი ბილეთის დაბეჭვდა და გავრცელება ჩვენი შესაძლებლობის ფირმისათვის ფრიად ძნელია. თუ ნემსის ყუნწში გაძვრები და მაინც იტვირთავ ამისთანა საქმეს, გამოდის რომ ოჯახი უნდა დაივიწყო, ტოლ-მეგობრებსა და ნათესავებზე უარი თქვა, ფულის მკეთებელ მანქანად იქცე. ამისგან კი ღმერთმა დაგვიფაროს ყველა, ჩემი კონკურენტებიცა და მეც. კონკურენცია აჯანსაღებს ნებისმიერ ურთიერთობას, ხვეწს თავად თამაშს, გამორიცხავს აფიორას და ასე შემდეგ.

— **ბუნებრივია, ქართველს ამერიკელის ცხოვრებისეული დევიზი ვერ წაადგება, თითქოს „ფული ყველაფერია“. ტრადიციის გათვალისწინებით ფულმა, ქონებამ უნდა გაასხივოსნოს ჩვენი ცხოვრება და არა — პირიქით, დააბნელოს. შეილება რამდენი გყავს?**

— ქალ-ვაჟი, გიორგი და ანანო. ჩემი მეუღლე თამუნა გოგიჩაიშვილი ძირძველი თბილისელია და სიმდიდრით ვერ გააკვირვებ. ნინო ანანიაშვილის, ზურაბ სოტკილაშვილს კონცერტებს თუ დააკლდი, მეგობარ-ნათესავების წვეულებებზე თუ არ იარე, რიგით მეჭლანუაშვილად იქცევი, რომელიც ხვალ და ზეგ ბიზნესში კისერს მოიტებს უსათუოდ.

— **მასხოვს, ზუგდიდში, შუკო ჯიქიასთან საუბრისას თქვენ პოლიტიკისაგან შორს იჭერდით თავს, სინამდვილეში კი დღევანდელი პოლიტიკოსი ყოფილხართ, ვინაიდან ჩინებულად იცით როგორ იშოვოთ ფული, ვის მოახმართო, რანაირი სტილით იცხოვროთ. თქვენი შეხედულებით დაგვიბრუნებთ აფხაზეთს მეოცე საუკუნეში თუ ეს პრობლემა მომავალ ასწლეულში გადაგვყვება?**

— აკი, ვთქვი, პოლიტიკაში არ ვერევი-მეთქი?!

— **გასაგებია, გასაგებია და მაინც...**

— რუსთაველმა ბრძანა, ზოგჯერ თქმა სჯობს არათქმასა, ზოგჯერ თქმითაც დაშავდებისო. აფხაზეთის დაბრუნება, ჯერ ერთი, პატრიოტულ სულისკვეთებაზე ხკილია და მერე უფრო მეტად — ქვეყნის ეკონომიკურ პოტენციალზე. დღეს თუ ომისთვის მზად არა ვართ, მივცეთ დევნილ მოსახლეობას მიწები დროებით სარგებლობაში არ დაგვაიწყდეს, რომ გუშინ გააფხაზებული ქართველი დღეს უფრო მძვირნარებს აფხაზეთში, ვიდრე ნამდვილი აფსუა. ტალეირანს თუ ვერწმუნებით, ომს იარაღზე უფრო ფული იგებს, იგივე ეკონომიკა. ასე რომ, იარაღის ჟღარუნს გვირჩევნია გუთანს და ნიჩაბს წავავლოთ ხელი ღონივრად. ქარქაშიდან მახვილის ამოღების დროც მოვა.

* * *

სანამ „სუფევის“ თავბრუდამხვევ მორევში გადავეშვებოდეთ, ორი ვრცელი მასალის წარმოჩენა უცილობლად მოგვიწევს, შეგირდო ჩემო; პირველი წელიწადნახევრის წინაა დაფიქსირებული ჭადრების ხეივანში მიმწუხრის ჟამს. მეორე — ლამის ორმოცი თვით დახანებული, და ამდენად, დაღვინებულ-დაწღვებულიც. დავიწყით შედარებით ახლით.

— ზუგდიდში სასურველი ძვრებია მოსალოდენლიო, — მეუბნება ამოჩემებული რესპოდენტი შუკო ჯიქია. — ეს უკვე წარმატებით მიმდინარეობს, — როგორც აღვნიშნე, საუბარი შარშანწინედლია, — სავარაუდოდ ამ წამოწყებებმა სულ მალე უნდა მოიცვას სამეგრელოს ზონა, სვანეთის

მხარე მთლიანად. უკიდურესი ჩაფრული მანიაკალიზმით შეპყრობილი პირწუკვი ადამიანების ფეხქვეშ უკვე საყრდენები შეირყა. პირველი ბიძგები დაფიქსირებულია, ამ თაღლითურ სამყაროში, მთელი ქალაქი ასე რომ მოიცვა და მოაოხრა. ამიერიდან დიდი ქესეტობაა მოსალოდნელი. ზუგდიდში უკვე ყველის ვაჭარი ძველებური ხალისით არ იკრიჭება, დახლიდარი აღარ ქლესაობს, მიკიტანს ცხვირ-პირი ჩამოსტირის, სოვდაგარი მოღუშულია.

„და შევიდა იესო ღმერთის ტაძარში და გამოყარა ტაძრიდან ყველა მყიდველი და გამყიდველი, ააყრავა მეკერამეთა დახლები და მტრედებით მოვაჭრეთა მერხები და უთხრა მათ: დაწერილია, ჩემი სახლი სალოცავ სახლად იწოდება, თქვენ კი ყაჩაღთა ბუნაგად გიქცევით იგი“.

ახა, მაგალითი, როდესაც მაცხოვარმა სწავლებით ვერაფერი შეასმინა იმ ადამიანებს, ვისაც ვაჭრობა ტაძარშიც არ ეთაკილებათ. უმაღლესი განრისხებული დაერია და უმოწყალოდ დააწიოკა ისინი. ამით უფალმა ნათელი მაგალითი მოგვცა ძალის გამოყენებისა იქ, სადაც სიტყვა არ გაგვიჭრის და ხეწნა-მუდარით ან დაყვავებით არაფერი გამოგვივა. ამდენად, მოვალენი ვართ ქედღადრეკილებმა მივსდიოთ მის გზას, უსიტყვო მორჩილებით შევასრულოთ ყოველი მისი მინიშნება. ფუჭი ოცნებებით, ზერელე ქადაგებებით, გამუდმებული უაზრო თათბირებით ვერაფერს გავხდებით. საჭიროა მოქმედება, ეგრეთწოდებული გადამჭრელი ღონისძიებების გატარება. ძლიერი ხელის გამოვლენა და მისი აღიარება. საველე მეთაურის დეფიციტის შევსება. განგაშის ზარი №1-ის დარისხება. პირველ რიგში ამ ყოველად უსარგებლო თათბირების მოწყობაზე უნდა ვთქვათ პრინციპული უარი, როგორც მაიაკოვსკი ამბობდა: მოვიწვიოთ კიდევ ერთი დიდი თათბირი, სადაც გამოვითქვანთ დადგენილებას მომავალში თათბირების ჩატარების აღმოფხვრის შესახებ. „ოხ ხატია ბი ემო აღნო ზასედანიე ატნასიტელნო ისკარენიე ვესე ზასედანიი“.

შევირდო, ჩემო, ალბათ, სიტუაცია გეცნობა. შუკო უკვე ბობოქრობს. მარჯვენა ხელი მალთაყვის მონუმენტით აღუმართავს. სახე ოფლში ეღვრება მიუხედავად გვიანი შემოდგომის მიმწუხრისა.

რუსთაველმა მხოლოდ სამწუთიანი თათბირი მოიწვია, განაგრძობს იგი, სამი კაცის შემადგენლობით, როცა ქაჭეთის ციხე აიღო და კიდევაც სამგზის შეუღლეწა კარები გრძნეულთ. ჩვენ კი ამდენი თათბირების მეტს არაფერს ვაკეთებთ, ხოლო სათანჯოს აღებას გარჯა უნდა, ბაბა, ანუ — რაც ჩვენში არავის ეპიტნავება.

როდესაც ვამბობ, რუსთაველმა რომ მოიწვია თათბირი სამი კაცის შემადგენლობით-მეთქი, ამასთან დაკავშირებით ერთი რაღაცა მინდა ჩავუთხო, ერთობ საინტერესო დეტალია, რომელიც ეს- ეს არის მომიფრინდა თავში: ბოდიშს ვიხდი რუსთაველოლოგებთან. კერძოდ, სამასი კაცისაგან ას სამოცი შეხყოლოდაო, გვეუბნება რუსთაველი და თან მიგვანიშნებს: დახოცილთა რიცხვი იმიტომაც არის მნიშვნელოვანი ოდენობის, რომ დიდი საქმეების კეთება ყოველთვის გარკვეული მსხვერპლის გაღებას მოითხოვსო.

გული ცრემლით მევსება ამ კაცის შემყურეს. მუდამ ელეგანტურია, მაგრამ რატომღაც სულ დონ კიხოტის ასოციაციას იწვევს ჩემში. პატარა წვერი ბქონოდეს, რეზო ჩხეიძე კახი კავსაძეს უკან მოიტოვებდა. ჯიბით დაატარებს თაბახის მეოთხედზე დაწერილს წერილებს, ხშირი ხმარებისაგან. გაცრეცილებს. ადგილობრივი პრობლემების ეპიცენტრშია შუკო: ხან მიტინგზე, ხანაც — კამერულ ღონისძიებებზე და ყველას შეაეწვს პილპილმოყრილ მადლს. ოცი თუ ოცდაათი წერილი მაინცაა ჩემს თვალწინ. ფრაგმენტულად მოკითხავს მათ. გახსოვს მაწანწალათა მეთაური ბერიკაცი „ოლივერიდან“, რანაირი ოსტატობით ითვლის პატარების შეკოწიწებულ ხურდას გახუნებული ცილინდრის მოშველიებით? ჰოდა, დაახლოებით ასეა ჩვენი საქმეც. ვეცდები ორი მაინც დავსტყუე „ფადასისთვის“. ასე მოვქცეულიყავი წლების წინ, რამდენს გადავარჩენდი შთამომავლობისათვის, რომლებიც თურმე დაუკარგავს დროთა ვითარებაში, მესხიერებით კი, ცხადია, ძნელზე ძნელია ერთხელ დამწვარის ფერფლიდან აღდგენა, ესენინისებურად.

2000 წლის 17 ოქტომბერს, დაახლოებით წელიწადნახევრის წინათ, დაინტრიგებულია შუკო ჩამწერის ნელ შრიალში. ხმაც ზომიერად ტემბროვანი შეურჩევია. ხოდა, განაგრძობს:

ზუგდიდელებთან საუკუნის შეხვედრაა. ეს არ იყო მხოლოდ მეცნიერულ-საპოლიტიკო ან სხვა სახის ვიწრო პროფილური ხანისათვის მატარებელი თავყრილობა, არამედ, როგორც შემდგომ ამ ღონისძიების რეფრენად გატარებული სიტყვებიდან ირკვევა, იყო 1900 წლიდან მოყოლებული 2000 წლის ჩათვლით დამდეგი ახალი საუკუნის სიაში ერთგვარი ანგარიშის ჩაბარების მცდელობა, რა თქმა უნდა, სამომავლო გზების დასახვის ჭრელა-ჭრულა ეპიგრაფებით.

ბატონო, გურიო, ოფიციალურად მომმართავს რესპოდენტ-მეგობარი, ეს იყო „მოქცავშირის“ მერვე კონფერენციაზე. ყველა ტრიბუნას ვიყენებ, არა აქვს მნიშვნელობა, მე ახლა ეროვნულ-დემოკრატი ვარ, თუ სხვა. ფეხებზე მკიდია პოლიტიკური კონიუქტურა. გამოვვდი რა ზუგდიდელ-

თა საუკუნის შეხვედრაზე და სრულიად უბოროტოდ განვაცხადე, რომ ზუგდიდი არის ქალაქი — ბაზარი, სადაც ყველაფერი იყიდება. არ იყიდება მხოლოდ სინდისი, იმ მარტივი მიზეზის გამო, რომ ასეთი დასახელების საქონელი აქ იშვიათად ვინმეს თუ გააჩნია-მეთქი. ამ იშვიათი საქონლის მქონეთა შორის, ვინც თავის თავზე მიიღო ყოველივე, ასე ვთქვათ, უმარველესობამ ნიხილისტური მეთოდებით გაილაშქრა ჩემს წინააღმდეგ, ისე გამომიყვანეს, თითქოსდა მე ვილაც თბილისიდან ჩამოთრეული ჩხოროწყული ვყოფილიყავი და ამდენად, როგორც ზუგდიდელთა მოძულეს, მთელი ჩემი დღე და მოსწრება ამ ქალაქის ღირსების შელახვაზე მეზრუნოს.

„დიდი ქ ალაქები, როგორც მაგალითებრ თბილისია და ქუთაისი, წარმოადგენს მართო ბაზარს“ — წერს ილია ჭავჭავაძე დაახლოებით ისეთსავე კონტექსტში, როგორც მე ზუგდიდი მოვიხსენიე.

თურმე რაში გინდა დაასწრო გენიალურ მწერალს, უფრო სწორედ რას დაგიტოვებს იგი უთქმელს და ხელშეუხებელს ნებისმიერ სფეროში?! გამოგიტყდებით, რომ არასოდეს დავინტერესებულვარ ილიასეული შეხედულებებით სოფლის მეურნეობის პრობლემებზე. მით უფრო, როცა არც საკარმიდამო ნაკვეთი გამაჩნია სადმე და აღარც — მუდმივი თავშესაფარი, მაგრამ იმ გაზაფხულის პირზე, როგორც სოფელში დაბადებულმა კაცმა, მაინც გადავშალე ეს წიგნი □, „ჩვენი სოფლის მეურნეობისა და გავრცელების საკითხები“, ტომი 7, გვერდი 31), და მისი ზერელე გადათვალთვარებისას სწორედ იმ სიტყვებს წავაწყდი, ზემოთ რომ მოგახსენეთ. ახლა თუ გნებავთ პლაგიატობაში ჩამომართვით, გნებავთ სიმართლე დამიჩერო, რომ ხსენებული სტატია იმდღევანდელი ჩემი გამოსვლიდან დაახლოებით წელიწადნახევრის შემდეგ წავიკითხე. ასე რომ არ ყოფილიყო, გენიალურ ავტორს უთუოდ დავიმოწმებდი, თუნდაც იმიტომ, რომ ჩემდამი ზუგდიდელთა რისხვა რამდენადმე მაინც გამენელებინა. მაგრამ ამას კი არა აქვს არსებითი მნიშვნელობა, არამედ იმას, რომ აქ იბადება ერთი ასეთი მიაბითური კითხვა, როგორითაც მაგალითად ფსიქიატრები მიმართავენ პაციენტებს და ისინიც სწორედ დადებითად პასუხობენ, კერძოდ: ილია ჭავჭავაძეს უყვარდა თუ არ უყვარდა თბილისი ან ქუთაისი? პასუხი რა თქმა ნუდა ერთმნიშვნელოვანია.

სასოებით უყვარდაო, იტყვის ყველა. მაშინ მე რაღა დავაშავე? ის, რომ ილია არა ვარ? და რადგან ილია არა ვარ, უნდა ვიცრუო და ვთქვა: ილია ვარ-მეთქი? ხოლო თუ ილიას ანდერძის მიხედვით, ყველგან და ყოველთვის მხოლოდ სიმართლე უნდა ვილაპარაკოთ, მაშინ მაგალითად, რომ გითხრათ ახლა, ზუგდიდი ედემის ბაღია, სადაც ჭერ კიდევ არავის არავინ შეუცდენია-მეთქი, სიმართლე იქნება?!

ამჯერად ხიდის მისადგომებთან, ამ ვაების მინდორზე არაერთხელ დამიფიქსირებია ადამიანთა გვამებით ვაჭრობის ამაზრზენი უპრეცედენტო ფაქტი. ასეთ მკრეხელობას ხომ ანალოგი არ გააჩნია დასაბამიდან მოყოლებული დღემდე. დედამიწის არცერთ წერტილზე მსგავსი რამ მონიშნული არ არის. რომ გითხრათ ახლა, იქ ადამიანთა გვამებით კი არა საქონლის ხორციით ვაჭრობენ-მეთქი, სიცრუე არ იქნება?! განა ჩვენ ილია მართალის სიყვარულით მირონს გვაცხებდა შუქზე ჭვარდიანად?! ანდა ზედ იმავე შუბლზე აკაკის ფურთხის ბუმბულას არ მოგვაწებებდა, როცა გაიგებდა, რომ ზუგდიდის ოლქიდან მეოთხე წელიწადია უკვე, რაც მეუნარგიას ქუჩა ამოვშალეთ. აბასთუმნის უიარაღოს სახლ-მუზეუმში გაიყიდა. გამყიდველი იმავე სოფლის გამგებელი აღმოჩნდა, რომელიც საზოგადოებამ ფაქტობრივად მოიკვეთა. მაგრამ არ გასულა სულ რაღაც რამდენიმე თვე და ეს ღვთის გარეგანი იმავე სოფელმა აირჩია საკრებულოს წევრად „მოკვავშირიდან“.

წარამარა რომ გავიძახით, ყველაფერს თავისი სახელი დავარქვათო, რა სახელი შეიძლება ამას ეწოდოს? მე დღეს თქვენი სტუმარი ვარ და ვცდილობ კიდევ სტუმრის შესაფერისად მოვიქცე, მაგრამ ასეთი უმსგავსობისათვის გვერდი რომ ამევლო, მართალი ვიქნებოდი? ხომ ხედავთ, ჩადენილი სისაძაგლისთვის სახელით ვერ დავგვირქმევიაო, ჩამჩიჩინებს შუკო, შევირდო, ჩემო.

ზემოთ არც თქვენი ორგანიზაცია მიხსენებია ბოროტი განზრახვით, პირიქით, გულწრფელად მგონია, რომ თქვენ არ გაგაჩნიათ ჭეროვანი ინფორმაცია მომხდარის შესახებ და ამდენად, არა გაქვთ იგი სისხლხორცეულად გათავისებული, თორემ ასეთი მოლაღატური ქმედება აქამდე დიდი ხნის აღკვეთილი უნდა ყოფილიყო. სწორედ აქ იკვეთება ჩვენი გაუბედურებული მოსახლეობის სულიერი დეგრადაციის ნამდვილი სახე. ირგვლივ გაუსაძლისი წყდიადია გამეფებული. მაჟანი მწერალი, რადგან მას მწერალი ხქვია, კანცელარიის პირმეურის წყველად აღიქვამს ყოველივეს. იმ დღეს სამხარეო ადმინისტრაციის თანამშრომელი ზაზა ფარცვანია შენობიდან გადის და კარისკაცს უბარებს:

დაახლოებით ნახევარ საათში დავბრუნდები. აქ მოვა ბატონი ტერენტი გრანელი და მიკითხავს. პატივით მოეპყარით, გარეთ არ ალოდინოო, ეტყვის და წასასვლელად შეტრიალდება, მაგრამ უმაღ

ცქაფად შემობრუნდება და ხკითხავს:

ხომ იცნობ, ბიჭო, ტერენტი გრანელსო.

კი, ბატონო, როგორ არ ვიცნობო, დაუფიქრებლად პასუხობს პოლიციელი, თან შეურაცხყოფილი კაცის პოზას იღებს, როგორ მაკადრეთ, ტერენტი გრანელს ვინ არ იცნობსო.

ეს ამბავი ბოლომდე არ დავიჭერე და ერთხელ ხუმრობის ხასიათზე მოსულმა გადავამოწმე. ახლა მე გივი ჩუხუა წარვუდგინე სხვა მორიგე პოლიციელს. სიმონ ჩიქოვანად გავასაღე იგი და ვთხოვე ჩემს მოსვლამდე თავის ოთახში მოესვენებინა.

კარისკაცმა ჩვენი გივი, როგორც სიმონ ჩიქოვანი, არაჩვეულებრივი პატივით მიიღო.

შევირდო, ჩემო, წარმოგიდგენია როგორ გადავფიქრებდი. გათარანებულ შუკოსაც შეეცვლება ხასიათი და ამყვება გაბმული ქირქილით გამვლელების ყურადღების მისაქცევად.

ასეთი გახლავთ სამწუხარო რეალობა, რომელიც დღითი დღე კიდევ უფრო შემაშფოთებულ ხასიათს ღებულობს. ბორია წიფურიასი არ იყოს, ასი გამოკითხული ზუგდიდელი ახალგაზრდის რამდენ პროცენტს ექნება ნანახი სპექტაკლი? მე მგონი 5 პროცენტსაც არა, ხოლო ზუგდიდის თეატრში — არც ერთს. ამის მერე კიდევ რა უნდა მოვთხოვოთ ჩვენ ბავშვებს? როგორები უნდა ჩამოყალიბდნენ ისინი?

შარშან ბატონმა თორნიკე ჯგუშიამ ქალაქის კულტურისა და აღორძინების პროგრამის შემუშავებაზე დაიწყო ფიქრი და დროებითი თანამშრომლობა შემომთავაზა. სიხარულით ცას ვეწიე, რადგან ასეთი სიტყვა აქ ყოფნის განმავლობაში არავისგან მსმენია. მაგრამ ვინ დაგაცალა? კაცი ბჭობდა, ღმერთი იცინოდაო, ისე გამოვიდა. მოვიდნენ სულ სხვა ფერისა და ჯიმ-ჯილაგის ადამიანები და ყველაფერი თავდაყირი დააყენეს. „ვლასტი“ ისეც შეიცვალა, რისი დარეგულირებაც, მას აქეთია უსაშველოდ გაწელილა. ესეც შენი კულტურული რევოლუცია!

მოსახლეობა დღეს კარგად ხედავს ვინ რისი ამღორძინებელია — კულტურის თუ ბაზარ-ბაზრობების. ცენტრალური ბაზრის შენობაზე გამალებით მიმდინარეობს მესამე სართულის დაშენება. აბა, მიწაზე ადგილი არ დარჩა უკვე და სხვანაირად როგორ მოიქცნენ? თუ ასე გაგრძელდა, მალე ზუგდიდში ჯიხურებსაც 2-3 სართულიანს ვიხილავთ.

კვლავ სიცილი წამსკდება.

იმ დღეს ვიხუმრე: ბაზარზე მეოთხე სართულის დაშენება მე მინდა, არავის დავუთმო და ამაზე, ძმაო, ნურავინ დამემდურება-მეთქი. მე კი ვიხუმრე, მაგრამ ამის მოსურნე სოვდაგვრებიც მალე გამოჩნდებიან და ვნახავთ, რომ კიდევაც დააპირებენ ამის გაკეთებას. მე მკითხე, ჭკუა დაუშლით თუ ფინანსური გასაქანი, მაგრამ მალე სულ სხვა სულისკვეთება გაიმარჯვებს და ყველაფერი ბაბილონის გოდოლად ექცევათ. ამ საქმეში სათანადო წვლილი და თანაგრძობა ჩემიც იქნება — ყველას შემოვევლე, ვინც ზუგდიდის გამშვენიერებისთვის იზრუნებს.

მახსოვს, ერთხელ ასლან აბაშიძემ ედვ გარკვეული თანხით დააფინანსა. ეს მოხდა ზვიად გამსახურდიას ზეობის პერიოდში. პრეზიდენტმა ამაზე საშინელი ხმაური ატეხა, ქვეყანა შეუყარა პარტიას და მისი ხელმძღვანელობა სპონსორთან ერთად მიწასთან გაასწორა. გია ჭანტურიას ეს სასაცილოდაც არ ეყო და საჯაროდ განაცხადა:

ოღონდ კი ვინმემ ფული მაჩუქოს და არა თუ აბაშიძისგან, თვით გამსახურდიასგანაც სიამოვნებით ავიღებო. ეს მოიხდა იმას მოვაყოლე, რომ მეც იგივეს ჩავიდენ. უფრო მეტიც, ყველაზე გავლენიან ეშმაკს შევეკვრები, რომელი ეშმაკიც მწერალთა ადგილობრივ ორგანიზაციას ფეხზე დამიყენებს, შესაფერისად დამიბინავებს, სათანადოდ დამიფინანსებს, საგამომცემლო საქმიანობას ფართოდ გამაშლევინებს, ქალაქში მეფუნარგიას ძეგლს დამიდგამს, მისი სახელობის ქუჩას აღმიდგენს, ცაიშის სახლ-მუზეუმს გამიხალებს და მწერლის დაბადებიდან 150 წლის იუბილესაც სანაქებოდ გადამიხდის.

არავინ მითხრას, ამდენს ეშმაკიც ვერ გაწვდებო. გაწვდება და მეტსაც გაწვდება, მაგრამ წლებულს ამ ჩამონათვლით დაგვკმაყოფილდები. ჯერ ცოტა სულის მოთქმა, მოლონიერებაა საჭირო.

მართალია, მთელი წელიწადი თვითმმართველობის გარეშე დარჩა ქალაქი და ამასთან, რამდენი კარგი წამოწყება, რამდენი კარგი ჩანაფიქრი ვერ განხორციელდა, მაგრამ როგორც საყანე მიწის ნაკვეთს დასვენებს გლეხი, რათა შემდგომ უკეთესი მოსავალი მიიღოს, ალბათ, ჩვენს სინამდვილეშიაც ასე მოხდება.

ზუგდიდელი, ჩვიდმეტი გარდაცვლილი მხატვრის, წიგნი გამოიცა, განაგრძობს საუბარს შუკო, შევირდო, ჩემო, და ამ წიგნის პრეზენტაციაზე ქალაქის საზოგადოება შეიკრიბა. ამასთან დაკავშირებით ორიოდ სიტყვით მინდა ჩვენებური კაცის ბუნება დავიხასიათო, ისე როგორც სინამდვილეშია, ანუ შეგახსენო ის, რაც თითოეული ჩვენგანის ბუნებაში ღრმად არის ფესვებამჯდარი:

რაც უნდა ფეხქვეშ გაიგდო მეგრელი კაცი, ენა შეუგინო, დედ-მამის სული შეკურთხო, საძვალე წაუბილწო, დანასისხლად გადაეკიდო, არსად დააყნო, დასცინო, დაიბრიყვო, აბუჩად აიგდო, ჩხვლიტო, ჩქმიტო, ის მაინც თავისაზე დგას — ფიცის ერთგული რჩება სამარის კარამდე. ერთხელ მიცემული სიტყვის უცილობელი შემსრულებელია, ბოლომდე ჭიჭურ გამტანი. იგი ამ სიტყვას გულში წარამარა იმეორებს: „შენ ხარ შვილი... თავთა მათთა ქართლისათა, და შენ გმართებს უფლება ჩემი. აწნუ სურომ დვაწლსა შენსა, რათა განვამრავლენ სპანი შენი უკეთუ მოგვეცეს ძლევა. შენ ხარ უფალი ჩვენი და მე ვარ მონა შენი“. ეს გახლავთ სიტყვა ქუჩი მეფისა, დასავლეთის მორწმუნე გამგებლის მიერ თქმული იმხანად ყოვლადშეჭირვებული აღმოსავლეთის მეფის ფარნავაზისადმი.

მეგრელი კაცი მღერის მოხვეურად, ცეკვავს მთიულურად, შაირკაფიაობს ხევსურულად, საუბარში უქცევს ქიზიყურად, მეტყველებს ლაზურად, სვანურად, აფხაზურად, მეგრულად. წერს და ლაპარაკობს ქართულად, აღმსარებლობს ისე, როგორც ეს ჯერ კიდევ სიმონ ქანანელმა და ანდრია პირველწოდებულმა შთააგონა.

დამისახელეთ სხვა რომელიმე კუთხე საქართველოსა, რომელიც ამდენის მკეთებელი იყოს, ამდენის დამტევია, ერთი ამოსუნთქვით ამოიბერტყავს გულს, გულისხმიერო, შეგიბრლო, ჩვენი შუკო და მზერას მახათივით მომაპყრობს შუბლზე. ეტყობა ეს ყველაფერი წუთშესვენებაა, ვინაიდან კვლავაც იგივე ჟინიანობით განაგრძობს: ამდენს მოიცავდეს, ოღონდ ეს არის, თავისივე თავის უბედურია მეგრელი კაცი, გამოუსწორებელი ბედოვლათი, პირადი ღირსებებისადმი ფასის შექმნის ცუდი ოსტატი, საკუთარი საუნჯისადმი პატივმიუგებელი.

მაგალითად, რომ შესთავაზო დღეს, ვთქვათ, ავიღოთ სოფელი ოდიში და იქ ლადო ასათიანის, მირზა გელოვანის პოეზიის საღამო ჩავატაროთო, სიამოვნებით აგყვებათ და საღამოსაც სანაქებოდ ჩაატრებს, ისე რომ, იქ დამარხული ალექსანდრე საჭაია არც გაახსენდება. აი, ასეთი გახლავთ ჩვენი გამატრაკვეცებული ბუნება, როგორც წელიწადს ადვინაში საკუთარი საუნჯისადმი უკიდურესად გულგრილი დამოკიდებულებით.

არ ვიცი საითკენ წარმართება მერმე ჩვენი საუბარი ჭადრების ხეივანის სიმყუდროვეში, სამაგალითო, მოწაფე. ბინდიც ხომ თანდათანობით ეძალება ზუგდიდ-ქალაქს, შემოდგომური სუსხიც, მაგრამ მეზემება ფრიალად: ოდესღაც მოსმენილი წერილიც დავითრიე მგონია, და კვლავ სასაუბრად დაეჭოქავ:

...როდესაც მოკლეს ირლანდიის ეროვნულ-განმანთავისუფლებელი მოძრაობის ლიდერი ლორდ პარნელი, მაშინ ჯერ კიდევ ახალგაზრდა ჯიმს ჯოისმა პროტეტის ნიშნად სამშობლო დატოვა და მას შემდეგ ირლანდია აღარასოდეს უნახავს.

ირლანდია არის ღორი, რომელიც საკუთარ გოჭებს ჭამსო, ეს გამანადგურებელი, მარადის დაუვიწყარი სიტყვები დაუბარა მაშინ თავის საყვარელ ქვეყანას დიდმა მწერალმა. მოგვიანებით, როცა უკვე სიჭარმაგეში შესულს ეკითხებიან:

ნუთუ ირლანდიას მართლა არასოდეს ნახავო, გაცეცებული პასუხობს:

განა ოდესმე დამიტოვებია იგიო.

ისეთ მაღალ ლანდებს, როგორც ჯოისია ანდა აკაკი, ავტორი სიტყვებისა — „ფურთხის ღირსი ხარ შენ საქართველოვ“, სამშობლოს სიყვარულშიც რა თქმა უნდა, თავს ვერ გავუტოლებ. ამიტომაც, ცხადია, რომ დღემდე არც ღორი მიწოდებია ჩემი კუთხისათვის და აღარც ის მიკადრებია, ფურთხის ღირსი ხარ, შენ მართლაც ღორი-მეთქი. მართა იმას დავსჯერდი, რომ ზუგდიდი მოვინათლე გულანშაროდ, ვაჭართა მითიური ქალაქის სახელი დავარქვი, თუმცა ეს იმიტომ — უფრო შესაფერისი სახელი ვერსად მოვიძიე, რამეთუ კაცობრიობის დასაბამიდან დღემდე, როგორც ეტყობა არსად არის დაფიქსირებული, საბოლოოდ გადაგვარებული, ისეთი ქართული მანიაკალიზმით შეპყრობილი ქალაქი, როგორიც ზუგდიდია.

დღეს ჩვენში რომელი ქალაქი დაიკვებნის სულიერი გამოღვიძებით, კულტურის აღზევებით, ან ჯუბაჟური გონების დაცხრომით და უკანა პლანზე გადაწევით? რა თქმა უნდა არცერთი, მათ შორის თვით დედაქალაქიც, მაგრამ ის, რაც ზუგდიდში ხდება, არათუ ჩვენში, ვიმეორებ, კაცობრიობის ისტორიის უკიდევანობაში, დედამიწის არცერთ წერტილზე დაფიქსირებული არ ყოფილა.

ზუგდიდში ადამიანთა გვემებით ვაჭრობენ. ენგურის ხიდის მისადგომები იშვიათი საქონლით ვაჭრობის მთავარი ობიექტი გახლავთ. აქ საიდუმლო ვითარებაში მიმდინარეობს გამალებული ვაჭრობა, თუმცა ყველაფერი ნებადართული და დაკანონებულია. საეჭვო წარმოშობის ქართველთა ეგრეთწოდებული შუამავლური ინსტიტუტი მთელი დატვირთვით მუშაობს. აფხაზთა თავკასულობას საზღვარი არა აქვს. მათი ველური მოთხოვნილებები დაუკმაყოფილებელია. ისინი, რო-

გორც ძირითადი მომწოდებლები, უხვად ამარაგებენ ორივეს და ასორტიმენტიც ერთობ მრავალფენოვანია. აქ შეიძლება შეიძინოთ ახალგარდაცვლილთა ცხედრები, გახრწნილი გვამები, ჩონჩხები, მუმიები და სხვა.

აფხაზები ნებისმიერ ქართველთა სასაფლაოსაც მოგვიდიან მთლიანად შეღავათიან ფასებში, ოღონდ შენ იქიდან ძვლები ამოუფხიკე და მიწა დაუცარიელე. მაგრამ დევნილებს დღეს ამდენი საშუალება არ გააჩნიათ. ისინი ცალკეულ შემთხვევებში ჭაპანწვეტით, რის ვაივაგლახით ახერხებენ თითო-ორიოლა მიცვალებულის გადმოსვენებას. აი, თუნდაც დღეს, ამ ჩანაწერის გაკეთებიდან რამდენიმე საათით ადრე შევხვდი სოხუმელ ქალბატონს, ვინმე ნანი გახოკიძეს. მან დევნილობაში გადმოყოლილ ძვირფასეულობით, მათ შორის ნიშნობის ბეჭდით, გამოიხსნა თავისი მეუღლის, თამაზ ბერიას ცხედარი.

ენგურის ხიდის მისადგომებთან მარტო ადამიანთა გვამებით როდი ვაჭრობენ. ხშირად ცოცხლებიც გამოხყავთ და არც იმათზეა ნაკლები მოთხოვნილება. ესენი ნახევარფაბრიკატებია, ცოცხალ-მკვდრები, ანუ ვაების მინდორზე ტყეთა გაცვლის ამზევებით ერთობ ჩახლართული მანიპულაციები იქსოვება. ეს პროცესი სანახაობრივადაც მეტად უჩვეულოა.

თავიდან გარშემო ერთგვარი გაურკვევლობაა გამეფებული. რამდენიმე კაცის სახეზე იკითხება, რომ ისინი თითქოსდა რაღაც ინფორმაციას ფლობენ, მაგრამ ჩუმად არიან, თავიანთთვის ინახავენ. მერე შემპარავად იწყება ფაციფუცი და რაღაცის მომლოდინე გამოცოცხლდება. საიდანღაც კორესპონდენტებიც გამოჩნდებიან. ისინი ოპერატორებს კარნახობენ თუ საით მიმართონ ობიექტები. ამ დროს აქ დაურიდებლად შემოიჭრება ჟიგული და ზედ შლაგბაუმთან დაამუხრუჭებს. ეს მაცნეა. ყველანი იქითვე გაიქცევიან და მანქანას შუა წრეში მოიქცევენ. არ გავა წუთი, რომ უკვე მოსახვევში გამოჩნდება მიკრო-ავტობუსი პოლიციელთა ესკორტის თანხლებით. შლაგბაუმი აიწევა, კოლონას გაატარებენ და ხელმარცხნივ ჩაღმართზე გაჩერდება. ავტობუსში აფხაზი ტყვეები სხედან, რომლებიც თვალებს მოჩვენებითი სიმწვიდით აფახულებენ. მერე ხიდზე იწყება ხანმოკლე საქმიანი მიმოსვლა და შეხვედრები, რაც ბოლოს ამ ტყვეების გაცილებით მთავრდება. მაგრამ პროცედურა ჯერ კიდევ გრძელდება. დაძაბულობა მატულობს. აფხაზების განთავისუფლებაში გარკვეული გასამრჯელო უნდა მიეღოთ. ხიდზე გამოჩნდება სატვირთო ავტომანქანა, რომელსაც ჩვენი ბიჭების გახრწნილი გვამები გამოაქვს, ერთი წამით შეყვანდება მოზარე ადამიანების წინაშე, იქაურობას გაუსაძლისად ააქოთებს და მერე გაუტევეს პროზექტურისკენ, სადაც იმ გვამებს, რომელთა ამოცნობა უკვე შეუძლებელია, ჭირისუფლები სავარაუდოდ დაინაწილებენ.

მოგესხენება, ყველაფრის ყიდვა-გაყიდვას ჩვენში ათასწლებულების ისტორია აქვს. უახლოეს მართალ ისტორიას ამის შესახებ, თან მხატვრულად გარდათქმულს, საუკუნის თვალსაჩინო მწერალი კონდრატე თათარაშვილი — უიარაღო აღგვიწერს. თხების სამწყემსოდ მიმავალ ხვიჩა ბედიას იმ საბედისწერო დღეს უკანასკნელად უფროსი ძმა გაესაუბრება და ასე დაარიგებს:

„შორს არ წახვიდეთ, ბეკოს ნასახლარზე მალალი ანწლია. იქ ხუთასი თხაც რომ იყოს გაძლება. ფრთხილად იყავით, ჩიტის ბუდეც ნუ მოშლით ხოლმე“.

კონდრატე თათარაშვილი საუკუნის თვალსაჩინო მწერლად მოვიხსენიე, მაგრამ მარტო ეს ბოლო ფრაზა „ჩიტის ბუდეც ნუ მოშლით ხოლმე“, რომელიც ერთი შეხედვით თითქოსდა კონტექსტის შეუსაბამო დანამატს წარმოადგენს, უნდა ვაღიაროთ, რომ სამწერლო ხელოვნებაში გენიალურ მიგნებათა კატეგორიებს განეკუთვნება. რატომღაც მგონია, რომ ტიციან ტაბიძე, როგორც კრიტიკული შემფასებელი, ზედმეტად მომთხოვნი და ნაწარმოების სკურპულოზურ მრევებში ჩაძიებელი კაცი უნდა ყოფილიყო. ამ დროს მან, როგორც ვთქვით, „მამელუქს“ უმადლესი შეფასება მისცა. პატარა შედევრად მოიხსენია იგი. აი, ამ პატარა შედევრის ავტორის, ვისაც ბავშვობაში თურმე ჩიტის ბუდეც არ მოუშლია, დღეს ჩვენ მოვუშალეთ ძველი საბუდარი და გავუნიავეთ ყველაფერი, რაც კი რამ ებადა. ამიერიდან აბასთუმნის ბავშვები თხების არვეს ბეკოს ნასახლარის გარდა უიარაღოს ნასახლარზეც გარეკავენ.

ნებისმიერი პარადოქსული შეუთავსებლობა, როგორი უცნაურობითაც ხასიათდებოდეს იგი, მაინც გარკვეულ ჩარჩოებში უნდა ეტეოდეს და არ უნდა გაგვიჭირდეს მისთვის კუთვნილი სახელის დარქმევა. მაგრამ იშვიათ შემთხვევებში, როგორც ეტყობა, აქაც წრეგადასულობის განსაკუთრებულ თავისებურებებს ვაწყდებით ხოლმე.

მაგალითად, სოფლის გამგებელი ყიდის მწერლის სახლ-მუხეუმს, ოდა-სახლით დაწყებული ჩეჩმათი დამთავრებული და აღებულ თანხას ჩაიჯიბავს, გააქრობს ფასეულ ექსპონატებს. დანარჩენს კოცონზე დაწვავს, მოარღვევს ღობე-ყორეს და პირწმინდად მოაოხრებს ეზო-კარს. აინუნშიაც არ ჩააგდებს მოსახლეობას; გულგრილად შეხვდება სოფლის ყრილობას, მისი თანამდებობიდან დათ-

ხოვნას და წავა სახლში, როგორც მოკვეთილი. მაგრამ გავა სულ რაღაც რამდენიმე კვირა და ამ კაცს იგივე სოფელი თავის საკრებულოს წევრად აიჩრევს „მოქკავშირიდან“. ამაზე კომენტარის გაკეთება უაზროდ მიმაჩნია. აზრიანად მაშინ ჩავაგდებ, რომ ასეთ უმსგავსოებაზე რომელიმე თქვენთაგანს სიტყვა დასცდენოდა და მომხდარისადმი თავისი დამოკიდებულება გამოეხატა-მეთქი.

ბნელა. ქალაქის გარეუბნისკენ მივეშურებით ფეხით. ის კი ისევ განაგრძობს, შეგირდო, ჩემო.

არც იმას დაგიმალავთ, რომ მაქვს გარკვეული შიშის საფუძველი, ამ საქციელს ვინმემ აქ გამართლებაც არ მოუძებნოს. ამიერიდან ერთი ახირებაც მექნება, კერძოდ, როცა დავიწყებ საუბარს იონა მეუნარგიაზე, დავიწყებ ამას ილიას სიტყვებით: „თუ ჩვენ რუსთაველს მზედ მოვიხსენიებთ, უმადურობა და უსინდისობა იქნება ჩვენგან მეუნარგია მთვარედ არ მოვიხსენიოთ“, ესეც პერიფერაზია თუ არ ვცდები. დიდი ილიას მიერ ამ სიტყვებით ციტირებული მოღვაწის 150 წლის იუბილე ახლოვდება. აქედანვე ვიცი, რომ სადაც ტერენტი გრანელის, ალექსანდრე საჯიას და ჩვენი კუთხის თვალსაჩინო მწერლების იუბილე მივაფიქვით, არც ამ იუბილეს უწერია დიდი ზარზემით აღნიშვნა. ამისი წინა პირობის სხვა მრავალი მიზეზი არსებობს. კერძოდ, დღემდე არავინ ზარუნავს მეუნარგიას ძეგლის დადგმაზე, რომელსაც ჯერ კიდევ ილიას პირველი ძეგლისთვის უნდა ემასპინძლა. გარდა ამისა ოდესღაც სტუმრის მისაღებად დიდი ილიას საკადრისი იონაესეული სამოსახლო, პირადი ნივთები თუ სამუზეუმო ექსპონატები, ისეა გაოხრებული, რომ აღდგენა-რესტავრირება შეუძლებელია. ამიერიდან თვითონ ეს ნამუსრევია შესანახი. დიახ, როგორც დღეს არის ისე უნდა დაიცვა იგი, რათა შთამომავლობამ ნახოს, მართლაც როგორი უმადურები და უსინდისობები ვიყავით ჩვენ; როგორ გავუტიალეთ სახლ-კარი თუ ეზო- გარემო შარავანდედიან წინაპარს.

ზუგდიდში ჩამოსვლის დღიდან ამეკვიტა და მეექვსე წელიწადია თანა მღვეს ერთი სტროფი გალაქტიონის „მშვიდობის წიგნიდან“: „აქ სხვაა ზეცა, აქ სხვა ქარი ქარის, ისევ მიეცა ტარიელი ფიქრს. აქ ვხედავ ბერწებს, თვალს რად აცეცებ? აქ წიგნს დაეძებ? აქ რა უნდა წიგნს?“ მეექვსე წელიწადია დავდივარ ქალაქის ქუჩებში ზუგდიდელთა შორის, დევნილების გვერდიგვერდ. ასევე ძროხების, ღორების, ძაღლების გარემოცვაში. ქალაქის ფონზე ფოტოსურათის გადაღება რომ მოისურვო, ვერ მოძებნი ადგილს, სადაც ობიექტივმა შენს გვერდით ძროხა არ დააფიქსიროს. ვერ მიესალმები ახლობელ ადამიანს ისე რომ შენი სალაში იქვე მდგარმა ღორმა არ გაინაწილოს.

ცოლქმრული ურთიერთობის გარკვეული პერიოდის მანძილზე ცნობილია, რომ თანამეცხედრენი ერთმანეთს ემსგავსებიან, როგორც ბუნება-ხასიათით, ასევე — გარეგნული იერსახითაც. ჩვენთვის ეს ეგრეთწოდებული მილეთიზმური პროცესი ცხოველთა გამუდმებულ სიახლოვეს უკვე ისეა შენივთებული, რომ პირუტყვისაგან ფაქტობრივად არაფრით განვსხვავდებით. ამირეჯიბისეული გამოთქმა: ერთი დაემსგავსა საძოვარზე მიშვებულ ნახირს, რომელსაც მხოლოდ ერთი საქმე აქვს — ძოვოსო, ისეთ შესაბამისობაში მოდის ჩვენი დღევანდელი ყოფის ამსახველ სურათთან, რომ საგულდაგულოდაა კალკირებული.

ერთი წუთით თვალი გადავავლოთ ლევან დადიანის დროინდელ სამეგრელოს და ვნახოთ თუ როგორი წესრიგი სუფევდა თურმე მაშინ, იმ ქვეყანაში, რომელი ქვეყანაც დღეს ჩვენი სათარეშო და ასაკლები გამხდარა.

ვახუშტი ბატონიშვილის გადმოცემით „წყაროთა უახლესთა დადგა ლევანმა ფიალანი ოქროსანი და უშორესსა ვერცხლისა დაბმული ძეწკვებითა, რათა სმურიდნენ მგზავრნი იქ. მათგან ვერვინ იკადრებდა ქურდობას, ანუ ძარცვა-ავაზაკობასა ქვეყანასა შინა მისსა“.

თუ დღეს ამ ქალაქში იმყოფება ერთი ისეთი კაცი, ვინც უღრან ტყეში წყაროზე დადგმულ ოქროს ფიალას იპოვის და სახლში არ წაიღებს, უმორჩილესად გთხოვ, მაჩვენე, რათა თაყვანი ვცე, ხოტბა შევასხა და სხვასაც მოვუწოდო სიტყვები შემაწიოს. მაგრამ ვატყობ, გური, ქალაქი გატარუნულია, შენლა შემომრჩენიხარ. აი, ამგვარად მანამუთებს, გულისხმიერო, შეგირდო, ჩვენი შუკო, რამეთუ ჩვენ ვართ იმ გარდასული დროის მეგრელთა ისეთი კნინი ნაშეირნი, რომ არათუ წყაროზე დადგმულ ოქროს ან ვერცხლის ფიალას, არამედ თიხის ჭინჭილას და პლასმასტის ჭიქასაც არ დავტოვებთ. უფრო მეტიც, თვით წყაროსაც არ დავტოვებთ წაუბილწავად.

შეკითხვაზე, გამოსავალი არსებობს თუ არაო, შემოიძლია დაუფიქრებლად გიპასუხო, მართმევს კორესპონდენტის ფუნქციას, „სწავლის მძებ ნელო მოწაფევ“, — მაგრამ ჩვენთვის არაა ხელმისაწვდომი, იმდენად, რამდენადაც საკუთარ ბიწიერებათა მხილება არ შეგვიძლია. არადა, წარმატებებს რომ მივალწიოთ, პირველ რიგში ამ კომპლექსისაგან უნდა განვთავისუფლდეთ. თუ მოვიწადინებთ, დავინახვით, რომ ამოცანა არც ისე რთულია, ხოლო გადაწყვეტა — ერთობ სასურველი შედეგების მიმტანი. ჩვენს მოვალეობაში შევა მართო ის გულწრფელი აღიარება, რომ ადამიანური სახე დავკარგეთ, გადავგვარდით, გადავჯიშდით. ეს ზოგადად, მაგრამ თუ დავაკონკრეტებთ, გაცილებით

უკეთესი იქნება, რადგან აღსარება მეტ დამაჯერებლობას შესძენს ამ კათარზისს. ამიტომ ჩამონათვალში უნდა შევიედს ყველა ის სალანძღავი ეპითეტი, რაც ლექსიკურ მარაგში გავგაჩნია. ამას რომ გავაკეთებთ, უამლ შევიგრძნობთ, რომ ჩვენი ბნელით მოცული უშუქარი გონება ნელინელ განათდება, განიწმინდება და თვალეზიაც გამოვიხედავთ, შვება დაგვეუფლება. ამ მიმართულებით, მოდი, დღევანდელი დღე ნავსის გატეხვის, მოთელვის დღედ მივიჩნიოთო— გამრევს ამქარში, შუკო, შეგიღო, ჩემო.

პირველ ცდას საკუთარ თავზე ჩავიტარებ და ვიტყვი, რომ სამწუხაროდ ძალიან ხშირად მეც იმას ვაკეთებ ხოლმე, რაზეც სხვებს დავცინი, ჭკუას ვასწავლი. მაგალითად, იმ დღეს კაფე „თეატრონი“ ქეიფის გაწევისას ცოტათი ვითომ სინდისის ქენჯნამ შემაწუხა და მოვიწყინე, მაგამ მიზეზი დავმაღლე. არადა, გულში ვამბობდი, შუკო ჩიქია, შე მართლა ყურუშმსაღო, ა მ დაქცეული თეატრის შემყურეს, რა გექეიფება-მეთქი. ეს კი გავიფიქრე, მაგრამ რა? ამითი რა გავაკეთე? განა გამოვსწორდი და ნირი შევიცვალე? განა ერთი ბილეთის საფასური დავდევი თეატრის გადარჩენისათვის? აგერ, მშიერმუცელა მსახიობები, სმოკინგების ნაცვლად ჯღანბანები რომ აცვიათ, გარეთ ყურყუტებენ და ნერწყვის ლოშქარი გადმოსდით პირიდან, რომელი ერთი ვართ მათი გამკითხავი, მჭადის გამტეხავი, პურ-ღვინოს მიმწოდებელი? რა თქმა უნდა, არც ერთი. ჩვენი საქმე მართლ საკუთარი მუცლის ამოყრავაა, ყანწების ტრიალია, ფსევდო-პატრიოტული სადღევრძელოების დაქეება და მეტი არაფერი.

ზუგდიდში დღეს თეატრიც ვაჭრულმა ორიენტაციამ მოიცვა. კაფე „თეატრონი“ მისი ერთი ბეწო ნაშიერია გარეგნულადაც, მსხვერპლის ალი-კვალი. იგი ჯერ პატარა ყაფაა, ბუთხუხა ბიჭი, რომელიც მალე გაიზრდება, უმალ რესტორანად გადაიქცევა და თავისი გარდაცვლილი მშობლის, თეატრის შენობასაც დაეპატრონება. ამის პრეცედენტი ჩვენს ქალაქშიუკვე დაშვებულია. ამ ერთი წლის წინ დადიანების სამოსახლო კომპლექსიდან ნიკოსეული სასახლის პირველი სართული მსხვილმა სავაჭრო ორგანიზაციამ დაიკავა. სავარაუდოდ იგივე ბედი უნდა ეწიოს დედოფლისეულ სასახლესაც. ის, ალბათ, სუპერ-მარკეტად გადაკეთდება. თბილისში დიდი აჟიოტაჟით ჩაიტანეს ექსპონატები. მე მაგაზე გავიბრძოლე და არაფერი გამომივიდა, ისე გაიტანეს, ჩვენთვის არაფერი უკითხავთ. საარჩევნო ბატალიებისას დრო იხელთეს. თუ ნიკოსეული სასახლე რემონტის ჩატარებას ემსხვერპლა, იგივე ელოდება დედოფლისეულ სასახლესაც. არადა, დაქცევის პირსაა მისული. ასე რომ, სადაც არის გამოჩნდება ის დიდი სოვდაგარი, ვინც ამას სახურავს გამოუცვლის, კედლებს შეუფეთქავს და ამის საფასურად კიდევ დაეპატრონება. ვინ იცის, იქნება საქმისთვის ასეც სჯობდეს, რადგან ახლად შეფეთქილი ეკლესიისა და ვერცხლივით გაქათქათებული „მოქკავშირის“ ოფისის ფონზე, მართლაც ბეჩავად გამოიყურება იგი, ჟანგიანი, დახვსებული, დაობებული. არადა, გარეგნულად რომ გალამაზდეს, თავსატყუარად მაინც გამოდგება. შიგნით არ შევდივარ და საექსპოზიციო დარბაზს განგებ არ ვათვალიერებ. არა მხოლოდ იმიტომ, რომ მეშინია ჭერი თავზე დამემხოს, ან დიდი ფუნქციების შესრულება მეთაკილება, არამედ უბრალოდ ეთიკის ნორმებს ვიცავ და მუზეუმის თანამშრომელთა კომპეტენციაში არ ვერევი. დაე, თვითონ ილაპარაკონ იმაზე, რაც ჩემზე უკეთ იციან. ოცნებებში მაინც მოგვატარონ სასახლის პალატებში.

გურამ დოჩანაშვილის სტუმრობა-ჩამობ-რძანება გამიკვირდა ზუგდიდში. თავი სიზმარში მეგონა. გამოვითვალე და აღმოჩნდა, რომ ჩემდა საბედნიეროდ, ბატონ გურამთან 32 წლის ნაცნობობა მაკავშირებდა. მოგეხსენება, გური, — მეუბნება უკვე რამდენადმე დამცხრალის ხმით შუკო, გულისხმიერო, შეგიღო, — გურამი პირველ რიგში ვაჟკაცობის და პათიოსნების ეტალონია. მის აუზად მომხსენიებელი, ან თითის დამკარებელი, ჯერ საქართველოში არ დაბადებულა. ამ ღირსებებით არის ნასაზრდოები მისი ხელთუქმნელი ქმნილებები; თუმცა ნომერ პირველი თბილისელია, განსხვავებით მისი ურბა- ნისტი თანამოკალმეებისაგან, ამით არასოდეს გაბლენძილა და უყოფიჩია. ყოველთვის გვხიბლავდა უკეთილშობილესი ღიმილით და ხშირად გადამლაშებამდეც კი მისული თავმდაბლობით.

გაგახსენდება, ალბათ, — მეტყვის იგივე ტონალებით— ერთი პერსონაჟი სახელოს გადაიკაპიწებს, იტყვის — სერვანტესიო და უამლვე მაგაზე ბალანი აეშლება. თუ გნებავთ გამომცადე, იგივე მომივა მეც დოჩანაშვილის გვარის სხენებაზე. ვეუბნები იმ ღონისძიებაზე, ბატონო გურამ-მეთქი, ოფიციალურად არავის მოვუწვევივარ. თქვენი ჩამოსვლა ზუგდიდ-ქალაქში სამწუხაროდ შემთხვევით გავიგე. მოსაწვევი, რომელიც მეგობარმა მაჩუქა, თვითონ მე შევახსენე, იქნებ არც შემომიშვანმეთქი. სამეგრელოში სამუშაოდ რომ გამოამაწვეს, მასსოვს, ერთ-ერთი გია ფერაქმაც დამილოცა გზა და მისი სიტყვები ახლაც ჩამესმის ყურში „არასერიოზული კაციდან“ კატას რომ გაყიდის და იტყვის: „ღმერთო რა არ ხდება ამ ქვეყანაზეო“. არადა, ვის უნდა სცოდნოდა თქვენი ჩამობრანების

შესახებ თუ არა ჩვენ, მწერალთა კავშირის სამხარეო ორგანიზაციას-მეთქი. ეს კი მაფიქრებინებს იმას, რომ ასევე თქვენც ამ ღონისძიებაზე შემთხვევით იმყოფებით და არა კანონზომიერად-მეთქი.

სხვა რა გითხრა, გური, ასეა, ჩვენი ზუგდიდ-ქალაქის, იგივე გულანშაროს ავანჩავანიო, გესმის, გულისხმიერო, შეგირდო, რა ხასიათის მასალა ამომიწევია საკომენტაროდ?! თანაც ნურც იმასაც დავივიწყებთ, რომ ეს ყველაფერი წელიწადნახევრის წინ ხდება, შემოდგომის მიწურულს სადღაც, როცა ჭადრების ხეივანში ხაკისფერი ფოთლები კოჭებამდე ყრია, შარიშურობს სიარულისას და უვარსკვლავო ცა საავდაროდ იჭუფრება აქაური კლიმატის კვალობაზე.

მთავარი

სახელმწიფოებრივი აზროვნება (1)

კვირა შუადღეა, შემოდგომის თბილისური თბილი ქარები ფარდებს აწიოკებენ.

საქართველოს სოციალური უზრუნველყოფისა და სამედიცინო დაზღვევის ერთიანი სახელმწიფო ფონდის გენერალურ დირექტორის კაბინეტში მე-12-ე სართულზე ოთხნი შევ-ყრილვართ სასაუბროდ: თავად ფონდის მესვეური ოთარ ხუფენია, ჟურნალ „ცისკარის“ მთავარი რედაქტორი, ჩვენი ზაურ კალანდია, გაზეთ „მესამე ნაპირის“ რედაქტორი, პოეტი ვახტანგ ხარჩილავა და მონა-მორჩილი შენი.

— ბატონო, ოთარ, დიდი მჭევრმეტყველი არ გახლავარ, — იწყებს საუბარს ზაური. — მე წერა, საკუთარი აზრის გამოხატვა, განმარტობულს, როცა ყუმი სიჩუმეა, მაშინ მიყვარს. თუმცა ესეც საკითხავია, რაიმე გამომდის თუ არა. მით უმეტეს, სხადასხვა ხელობის ხალხნი ვართ. თქვენს პროფესიას ყველაზე უკეთ „ორჯერ ორი — ოთხი“ მიესადაგება, ჩემსას ხშირად — „ორჯერ ორი — ხუთი“. მართალია, დღევანდელი სიღუბნეობა, ანუ აწმყო ჩემთვისაც აწმყოა, მაგრამ ოცნებებში, თუ გნებავთ, წარსულ-მომავალში უფრო დიდხანს ვძლებ პროფესიონალი მყვინთავივით, მიუხედავად ამისა, აქვე მინდა აღვნიშნო: ახლახან გურისა და თქვენი დიალოგი უკვე ერთ წიგნად აკინძული, წავიკითხე: „სამეგრელო — საქართველოს ბურჯი“ და შემიძლია თამამად განვაცხადო: აღფრთოვანებული დავრჩი-მეთქი. თქვენ ჩვენს „ზონაშიც“ დიდებულად იჭრებით. ფიქრი, შემოქმედებითი წვა, ტკივილი, სიხარული და რაც მთავარია, სახელმწიფო საქმე, ხაზს ვუსვამ, სახელმწიფო საქმე, არ გაკლიათ... და ალბათ, ამანაც განაპირობა ჩვენი ამჟამინდელი საუბარი. მაინც საიდან და რითი დავიწყეთ? როგორც ჩვენი გური იტყვის — „შურობუმუთი“, ალბათ.

შურობუმუთი ერთი სეველიანი ამბავი გამახსენა. ხობის რაიონში, თუ არ ვცდები, 1988 წელს დიდი წყალდიდობა იყო. რიონმა რამდენიმე სოფელი დატბორა და წალეკა. ხორგაში, მესამე დღეს, მოხუცი ქალის გვამი იპოვეს რკინის საწოლიანად ღობეს მიჩხილი. გავიკითხე. მოხუცი მარტოხელა იყო თურმე, მწოლიარე. მისთვის ვერავინ მოიცალა. იცით, რა არის სასწაული? როცა შეატყო განწირულია, შორს არ წამილოს წყალმა, არ დავიკარგო და საწოლზე ფეხი ზეწრით გამოუბამს. ჩემთვის ეს არის შენი „ოდაბადე“, შენი „შურობუმუ“. მე მგონია მაინც ჩვენი კუთხით, სამერელო-თი უნდა დავიწყეთ, რა იყო, რა ხდება, რა გვეშველება?!

— ვიდრე შურობუმუთი დაიწყებოდეს ჩვენი დიალოგი, თქვენი, სამივეს, მობრძანება დიდი პატივია ჩემთვის, — მოკრძალებულია ძუძუმტე, შეგირდო, ჩემო, და მაინც გამოგიტყდებით: მე გამოუსწორებელი „ცისკარელი“ ვარ. სამოცდაათიან წლებში გაზეთების ჯიხურში მისვლას ვერავინ მასწრებდა ახალი ნომრის მოსახელთებლად. მაშინ „ცისკარი“ დიდად პოპულარული ჟურნალი იყო. დღეს მისი ტირაჟი საგრძობლად შემცირებულია, მაგრამ რაც კეთდება — ესეც თქვენი წყალობით, ბატონო, ზაურ, და დიდი მადლობა ამისთვის. რაც შეეხება ჩვენი საუბრის პროლოგს, დიახაც „შურობუმუთი“ უნდა დაიწყოს, რამეთუ დარწმუნებული ვარ, დღევანდელი ჩვენი მუსაიფი, გნებავთ ღაბაჩი, მარტო ჩვენთვის სპეციფიკურ თემებს არ შეეხება. თქვენ მწერლები ბრძანდებით, მე — ეკონომისტი, ოთხივე ამ ქვეყნის შვილი. ოთხივე ერთ შურობუმუდან. იმ ხობელ ქალბატონზე უკეთ, ალბათ, მე ვერ ვიტყვი რაა შურობუმუ, მაგრამ ასეთ პერიფრაზს გავაკეთებდი: შურობუმუ მაინც ის ადგილია, სადაც ჩვენ უნდა დავიმარხოთ და საიდანაც ზეცაში მივალთ.

თვით ამ სიტყვასათან მიმართებაშიც, „შური“ რომ სულია ბევრმა ქართველმა და ქართულად მოუბარმა არ იცის. „ობუმუ“ არის, სადაც განფენები, საიდანაც მოძრაობა ჩანს. ამიტომ ამ სიტყვის დამკვიდრება დედაქართულში ძალზე მნიშვნლოვან მომენტად მესახება.

მე ისევ იმ ხობელ ქალბატონს დავესესხები და თქვენ როცა ბრძანეთ: ერთ კოლხ მწერალთან თქვენი საუბარი ძალიან მომეწონაო, იმ თხზულებას ამიერიდან სხვა დასათაურება გააჩნია:

„ძუძუმტე“. უღრმესი მადლობა ამისათვის. ჩვენ იქ ასეთ რამეს ვამბობთ, რომ უპიკრელესი მაინც მამის საფლავია, სადაც მე უნდა დავიმარხო და ჩემი შთამომავლობა.“ ეს არის, ალბათ, სწორედ ამოსავალი პუნქტი, რაზეც ჩვენ დღეს დაწვრილებით ვიმსჯელებთ გზადაგზა. მაგრამ ჩემო, ზაურ, ბატონო, თქვენ პროფესიას შეეხეთ ჩემსას და ერთი რამე ბრძანეთ: „ორჯერ ორი — ოთხიაო“ და თქვენთვის, მწერლებისათვის, შემოქმედი ხალხისათვის — „ხუთი“. მე მინდა გითხრათ, რომ არც ჭეშმარიტი ეკონომისტისათვის არის „ორჯერ ორი — ოთხი“. მე ბედნიერი კაცი ვარ, რომ ჩემი მასწავლებელი იყო დიდი ქართული ეკონომისტი, ბატონი ვალერიან მელქაძე. მან მასწავლა, რომ ეკონომიკაშიც ორჯერ ორი ყოველთვის ოთხი არ არის და ერთ რამეს გავიხსენებ: ეს იმ პერიოდშიდან მოდის, რომელსაც ჩვენ კომუნისტურ რეჟიმს ვარქმევთ დღეს და სრულიად სამართლიანად.

მან, ბატონმა ვალერიანმა, ერთ-ერთ კომუნისტურ აქტივზე ბრძანა ასეთი რამე; მოტივაცია იმ სიტყვისა იყო ის, რომ კითხვა დაისვა: არის კი ეკონომიკა საერთოდ მეცნიერება, თუ ეკონომიკა არის ის, რაც სადღაც მოსკოვში, კრემლში, იწერება და მერე ჩვენ უნდა მოვხდინოთ პერიფრაზირება, მეცნიერ-ეკონომისტებმა. ბატონმა ვალერიანმა შემდეგნაირად ჩამოაყალიბა თავისი შეხედულება:

ბატონებო, უფრო სწორად, ამხანაგებო, მაშინ „ბატონებო“ ჯერ კიდევ არ იყო მიღებული, როცა ვამბობთ, ნიჭიერი მხატვარია, ნიჭიერი პოეტი, მწერალი, ან სხვა რამ, ჩვენ ხომ ხაზს ვუსვამთ იმას, რომ ნიჭი რაღაც ზეგარდმოა და ეს უფალმა უბოძა ამა თუ იმ პიროვნებას და ამიტომ არის ის დღეს პოეტი, მწერალი, მხატვარი, მუსიკოსი და ასე შემდეგ. ზუსტად ასევე, ნიჭიერებამ უნდა განსაზღვროს არის თუ არა ესა თუ ის ადამიანი ეკონომიტი. მე ამ ფილოსოფიისა მწამს. ამიტომ, როგორც ყველა შემოქმედისათვის, ასევე ეკონომისტისთვისაც ორჯერ ორი ყოველთვის არ არის ოთხი. ის ხან სამია, ხან — ხუთი, ხან შეიძლება — შვიდიც, ოღონდ ერთი რამის გათვალისწინებით: აი, ეს დასახელებული ციფრები აშუცილებივ უნდა ეფუძნებოდნენ ეკონომიკური აზროვნების ლოგიკას. როგორც თქვენ, მწერლებს, გაგაჩნიათ თქვენი აზროვნების მოდელები, ყველა ჭეშმარიტ ეკონომისტსაც თავისი ანალოგიური მოდელი გააჩნია. უმარტივესად ჩემთვის ეკონომიკა არის შემდეგი რამე: რომ ვშრომობ, ვისთვის, რა მაქვს მიზანი? ამ მიზნის მიღწევისათვის რა რესურსები გამაჩნია. ტოლობის ნიშანი „ორჯერ ორის“ ფილოსოფიიდან რომ ამოვიდეთ, ესაა, როცა მიზნად განსაზღვრულია „ოთხი“. მაქვს რესურსი „ორი“, ვშრომობ „ორს“ და ვაღწევ „ოთხს“, მაგრამ თვით ინდივიდის ცხოვრებაშიც კი და მეტადრე საზოგადოების ურთიერთობაში ამნაირად პრაქტიკულად არასოდეს ლაგდება. ზოგჯერ შეიძლება მიზანი იყოს „ოთხი“ და რესურსი — „ათი“. მაგრამ შენი შრომა და მოღვაწეობა ამ მიზნის მიღწევისათვის — „ნულოვანი“, მეტიც — მინუსებში გამოხატული და ამიტომ ოთხს ვერასოდეს მიაღწევ. იცით, რისი თქმა მინდა? ხანდახან არც მიზანია გაცნობიერებული, ხანდახან კი არა, უფრო ხშირად და უმეტესად, არც — რესურსი, რაც ამ მიზნის მისაღწევად გაგაჩნია და არც — გზა, მეთოდი, ხერხი, ღონე. აი, ორი, ორი და ოთხი შემიძლია ეკონომისტის ენაზე ასე გავშიფრო. ახლა რამ უნდა გვიშველოს? ალბათ, უფრო თქვენებურმა მოდელმა აზროვნებისამ, ანუ ხელოვანის მოდელმა, გნებავთ მას ინტუიცია დავარქვათ, გნებავთ — წინათგარძობა...

— განჭვრეტა-მეთქი, ჩავერევი შეგიროდო, ჩემო, და ისიც აიტაცებს: — კარგია, განჭვრეტა, გური, ჯიმა, მაგრამ ეკონომისტიც კი, რომელიც დღევანდლობაზე მსჯელობს თუ განჭვრეტს, ხვალის-დღელზე რესურსების შესაძლებლობის და მიზნის გარკვეულ სინთეზს აკეთებს. ასე რომ, ბატონებო, ეკონომისტებიც და ხელოვანებიც რაღაცნაირად ვგავართ ერთმანეთს — იცინის.

— ერთ სასწაულ ეპიზოდს მოვიშველიებ ჩემი ცხოვრებიდან. — ისევ ზაური ახმინდება, შეგიროდო, ჩემო — მახსოვს, მამაჩემმა ჭის მთხრელი კაცი მოიყვანა. ორი ჭის მთხრელი იყო ჩვენს სამეზობლოში, ერთი — დიდოსტატი, მეორე სწორად ვერ თხრიდა. მამაჩემმა ხკითხა ერთხელ იმ მარჯვენად-ლოცვილს. ამას ხშირად ხყვება ჩემი ძმა გენოც, თარაზო არ გჭირდება?

ჩემი ხელის გულია, ვალოდია, ბატონო, ჩემი თარაზო, მიუგო იმან. ასე რომ, იმ ჭის თხრასაც ნიჭი სჭირდება. მეორე მთხრელისთვის თარაზო კი არა, რაც უნდა მიგეცა, მაინც არასწორად წავიდოდა. ამიტომ გეთანხმებით, რასაკვირველია, ნიჭი ქმნის ყველაფერს და გონიერება. მე ასევე მინდა სამეგრელოზე ვისაუბროთ, რაც სრულიად საქართველოს მოიცავს. თქვენ ახლა დიდებულიად მოგვხსენებთ, აფხაზეთი... სამურზაყანოდან ბრძანდებით, სამეგრელოს ტკივილი, აფხაზეთის ტკივილი, თავისთავად თქვენს გულზე ჭეშმარიტად რომ გაიარა...

მახსოვს ის პერიოდი, თუნდაც გალის მოვლენები. თუ რაიმე გაკეთდა იმ საწყალი ხალხისთვის, იმ ტრაგიკული ჩვენი ძმებისთვის ერთ-ერთი თქვენც იყავით, მაგათი ტკივილისა და ჭირის გამზიარებელი. ჩვენზე ხშირად ამბობენ ახლა ამას: სამეგრელო ხან ასეთია, ხან ისეთი: ხშირად ხერხემალია. ზოგი ცოტა სხვანარადაც ფიქრობს, ეს ყველაფერი ფიგურალური თქმაა, ლამაზია, მაგრამ

სამეგრელოში რომ დღეს სასწაულად ცუდი მდგომარეობაა, ეს ყველამ ვიცით, აქაურმაც და იქაურმაც. თუმცა თავი დავანებოთ, იმდენი გვიწერია, იმდენი გვილაპარაკია, მართალი გითხრათ, მობეზრებული მაქვს. ვისაც არ ესმის სამეგრელო, ვინც სამეგრელოში საქართველოს ვერ ხედავს, ვინც უნდა იყოს ის, რბილად რომ ითქვას, ტრაგიკული ქართველია. არც ესაა დიდი უბედურება, უვიცი უფრო გვყავდა ყოველთვის, ვიდრე — გონიერი. მთავარია უვიციობამ იქამდე არ იმძლავროს, რომ გადაგვფაროს და წაგვლეკოს. მახსოვს ჩემს სიყმაწვილეში, დაბადებით ბრმა, ასი წლის კაცი, თვალხილულივით დადიოდა, იმდენად მიჩვეული იყო გარემოს, და ერთხელ, „ოცდაჩვიდმეტის“ უბედური წლებია. მეზობელთან გადადის ღამე და ჭრაქი, სანათი აულია, მოაქვს და ასე მოდის შუკაში. ხოდა, კომკავშირლები, უფრო სწორად „სპარტაკელები“ კრებიდან გადარეული მოდიან. ვილაცას დახვრეტა, ვილაცას დაჭერა გამოუტანეს. მოდის ეს უტუ, მოაქვთ მთელი შუკა. ერთ-ერთმა იცნო და წინ გადაუდგა მოხუცს.

თადა ბიძია, ბრმა კაცს ჭრაქი რად გინდა, მაინც ხომ ვერაფერს ხედავო.

თქვენ რომ არ დამეჯახოთ, შვილებო, მიუგო თადამ. მე რა მინდა ამით ვქთვა, დღესაც, ჩვენს დროში, აგერ, თუნდაც გუშინ, გუშინწინ, და საერთოდ ასეთ მდგომარეობას ახლაც ვაწყდებით. იტყვიან:

ხალხი ბრძენიაო. ადამიანებია, კონკრეტულად ბრძენი და გონებადაუნჯებულნი, თორემ ხშირად ბრბოდ მივიქცევით. თადას სიტუაცია იმ ტრაგიკულ დროს კარგად აღწერს. ერთი დეტალით, ერთი ფრაზით ყველაფერი იშიფრება. დიოგენი ფარნით რომ დადიოდა და თავზე წამომდგარი მაკედონელის ჩრდილი ჩამოიშორა, იმაზე ნაკლები არ არის თადას ჭრაქი. უფრო მეტიც მგონია, მაგრამ სამეგრელოზე მინდა მაინც: რა გადავიარეთ, რანი ვყოფილვართ, ზოგჯერ მართლაც ისე მტკივნეულად. ჩვენც ბევრ რამეში ვართ დამნაშავე. ეტყობა ვერ მივიტანეთ, რაც უფრო მნიშვნელოვანია, ან იმ ჩვენს სიტყვას, ჩვენს საქმეს მივაკელით ცეცხლი, დამაჯერებლად არ უღერს.

— მე საოცრად მომეწონა, ზაურ, ბატონო, ჭრაქის ფილოსოფია, — აღფრთოვანებულია ოთარი, — და მისი დიოგენთან მიმართება. საოცარი რამეა. დიოგენი კასრშიც კი ჩაჯდა თავის დროზე, მაგრამ კასრი ჭრაქის ფუნქციას ვერ შეასრულებდა. მე უფრო, აი, ჭრაქის მომხრე ვარ. რა თქმა უნდა, სწორედ გონებით თვალხილული ადამიანები აჩვენებენ ხალხს გზას, გნებავთ თვით ბორბო-საც. ეს სიტყვა ნურავის ეუხეშება.

— ქართულ სიბრძნეშია მოცემული — ახლა ვახტანგიც გაიღებს ხმას, — ხალხის ძალა აღმართს ხნავს თუ შეკონავ, მაგრამ მისი ჭკუა რომ შეკრიბო, ბატის ტვინზე ნაკლები აღმოჩნდებაო.

ყველაფერი იკრიბება, ვახტანგ ჩემო, მაგრამ ჩანს, ჭკუა კრებისითი არ არის, ეტყობა სხვა ფენომენია. თითოეული ჩვენგანის ჭკუა რომ შეკრიბო, ამით შეიძლება სიბრძნე არ გამოვიდეს. შეიძლება ერთ-ერთის ჭკუა იყოს მართებული და ჭეშმარიტი.

ისევ ჭრაქის თემას მივუბრუნდები. ეტყობა ხალხში დაუნჯებული და დაფუძნებულია უზარმაზარი სიბრძნე. მაგრამ ვაგლახ, რომ აი, სწორედ ის ბრბო მოექანება ჭრაქის ჩასაქრობად და სავალალოდ, დიახაც, იმ სინათლის მატარებელ კაცს გადათელავს უთუოდ. სიბნელეში რომ მოხვდება, მერე შეიძლება იგივე ბრბოს გაახსენდეს, ვილაცა ლამობდა თურმე ჩვენს გზაზე გაყვანას და ეს ინფორმაცია მკვიდრად შეინახა შემდგომ შთამომავლობის მესხიერებაში. ეს ჩვენს ქვეყანაში თუ სხვაგან, ერთნაირი ტრაგედიაა. ახლა, აქედან გადასვლა სამეგრელოზე ძალიან ადვილია. იმდენი სიბრძნეა ჩვენს კუთხეში და იმდენი გენიოსობა, რომ საუბედუროდ უმეტესს ეს გაცნობიერებული არა გვაქვს, თორემ მივყოლოდით ამ გზას, ალბათ, დღეს სხვანი ვიქნებოდით. ხანდახან ერთიც ხდება, ბატონებო, ჩვენ ჭრაქის მატარებელი წინაპარი ბევრი გვყავს, ზოგჯერ მათ სახელს არ ვარქმევთ, ვერ ვარქმევთ, უფრო უხეშად ვიტყვი: მაშინ რომ არ გვყოლოდა ეს ხალხი, ჩვენ აქამდე ვერ მოვიდოდით, არ იქნებოდა ის, სამეგრელო თუ რასაც სრულიად საქართველო ჰქვია. დღეს კი სწორედ აი, იმ ჭრაქის მატარებელ ხალხს ავცილდით, თითქოს ავუარეთ, თითქოს ჩვენი ბუნება იმ ჭრაქის ჩაქრობაში გამოიხატება. მიზეზი ამისა უამრავია და ასეთ ახსნას ვპოულობ ხოლმე: ეს იმისი ბრალია, რომ ჩვენ სახელმწიფო, როგორც ასეთი, საუკუნეებია არ გვქონია. ანუ ის, რომელმაც ჩვენ ყველა ერთად უნდა შეგვეყაროს, გაგვეერთიანოს დიდი და პატარა, ერი და ბერი. აი, ეს არ გვქონია და შეცდომაა, როცა ამას ვაბრალებთ, ვთქვით, ჩვენ დიდ ჩრდილოელ ძმასთან ორსაუკუნოვან ურთიერთობას. აბა, იქითაც გავიხედოთ. არც მაშინ გვქონია. სათავე კიდევ ქართველთა, გენეტიკური, ნებისმიერი, რაც ერისათვის, სახელმწიფოს როგორც მორგანიზებელი ინსტრუმენტი, დაეკარგეთ; ერთი რამის გამოც — დღევანდელმა საქართველომ მართლა არ იცის საიდან წამოვიდა იგი, საიდან იღებს სათავეს, სად ჩაეყარა საფუძველი მის ურყევ შენობას?! ჩვენ მათი ავტორები, შემოქმედი ხალხი, ჩრდილში კი არა, სადღაც უკუნეთში გვყავს გადასროლილი. თითო-ოროლა

ქართველმა უწყის, რომ მანამ, სანამ „ქართლ-კახეთი-იმერეთი-გურია და სამეგრელო“ ითქმებოდა □და ისიც დასავლეთელი კაცის მიერ), საიდან წამოვიდა ბოლოს და ბოლოს ის, რომელსაც საქართველოს ვეძახით.

დღეს ჩვენში არის ერთი პროფესორი, რომელიც „ამტიციებს“:

საქართველო ერთ-ერთი მაღალი მთიანი რეგიონიდან არის წარმოშობილი; მეორე: აგერ, სადღაც ჩვენი მეზობელი ქვეყნის საზღვრიდან; მესამე: ჩრდილო-აღმოსავლეთიდან. ხალხნო თუ სიცოცხლე წყლიდან იწყება, ყველა სახელმწიფო წყალს უერთდება, ან — დიდ მდინარეს, აგერ გვაქვს კოლხეთი — საიდანაც ეს დაიწყო სინამდვილეში. ეს არავინ გამიგოს ოთარ ხუფენიას გამოხდომად; ეკონომისტი კაცი ისტორიკოსების საქმეში რას ეჩრებაო, მაგრამ საოცარია, რატომ არაფერს ვლაპარაკობთ ქუჩიზე; ვინ შექმნა ბოლოს და ბოლოს ფარნავაზი?

ახლა უარესსაც გეტყვით და შეიძლება გულიც გატკინოთ, ჩემო მწერლებო და ჩემო ძვირფასო ხალხო. აგერ, ათიოდე დღის წინათ საოცრება მოხდა მართლმადიდებლურ საქართველოში — ცოტნე დადიანი წმინდანად შევრაცხეთ. მე, ქართველმა კაცმა, ორი დღის დაგვიანებით შევიტყვე ეს ზუგდიდში, პრეზიდენტის ბაგეთაგან. ჩამოვედი და ვეკითხები ჩემს თბილისელ მეგობრებს. არ იციან მათ ეს აბსოლუტურად.

— სწორი ბრძანებააო, — ერთვება ზაური, გულისხმიერო, მოწაფევ, — ეგ ისევ ჩვენი კუთხის და იმ კუთხიდან წამოსული ხალხის თუ საერთოდ, მთელი საქართველოს დამსახურება მგონია. ცოტნე მეგრელობაზე კი არ ჰკიდა, იგი იმხელა ზნეობრივი გმირია, მთელი საქართველოს დროშაა, მთელი საქრისტიანოს ფარი. ინიციატივა სამეგრელოს უნდა აეღო მაინც. მე ამას სრული პასუხისმგებლობით ვაცხადებ. ძეგლი დადგეს ცოტნე დადიანისა. ფოთში მე ვნახე ეს ძეგლი. მაინცდამაინც დიდად არ აღვფრთოვანებულვარ, მაგრამ მიუხედავად ჩემი განსაკუთრებული პატივისცემისა, მაპატიოს ბატონმა ელგუჯა ამამუკელმა და ერთმა მეგობარმა მოქანდაკემ მითხრა:

კიო, კარგია ცხენზე რომ ზის და არწივი შეფრენია მხარზე, მაგრამ ცოტნე ცხენიდან რომ ჩამოვიდა მერე გახდა ცოტნეო, და არა ცხენზე მჯდომიო. სხვა ზნეობის გმირიაო...

— ფოთმა კი არა, თბილისმა, ზნეობრივმა საქართველომ უნდა დაუდგას ცოტნეს ძეგლიო, — შემართულია ცერზე ვახტანგი, შეგირდო, ჩემო, — თუმცა ეს მაინც არ ნიშნავს, რომ ჩვენ გულხელდაკრეფილები ვიყოთ ამ კუთხის შვილები და თავად მისი გუბერნატორი, მისი ქალაქების მერებით თუ რაიონების გამგებლებით.

— მე ვეპარებოდი ამ სათუთ თემას. — ფრთხილია ოთარ ხუფენია, — კიდევ ერთ ამბავს ვიტყვი. მართლა არ არის გაცნობიერებული ჩვენი კუთხის ადგილი და როლი დღევანდელი ტერმინოლოგიით რომ ვილაპარაკოთ, იმ სახელმწიფო წარმონაქმნის ფორმირებაში, რომელსაც საქართველო ჰქვია. აი, ეს მოგვდგამს აქამდე, მეოცეს სასრულსაც კი. აი, ამის მართლაც საოცარ ნიმუშად ვთქვი მე, რომ ილია, როცა წმინდანი გახდა, მთელი საქართველოსთვის ბედნიერება იყო და ეს ყველამ ვიცოდით. რა თქმა უნდა და უზარმაზარი სიამაყეა ჩვენთვის, ნებისმიერი ქართველისათვის. ახლა კი, აგერ, ცოტნე შევრაცხეთ წმინდანად და ჯერ ქართველობამ ეს აღარ უწყის. რა, ათეულობით წელიწადი უნდა გავიდეს, რომ ეს სრულყოფილად გავიცნობიეროთ? მე ჩემო, ძმებო, სრული გულწრფელობით გეტყვით, რომ თითოეული ჩვენგანის ბრალია, თითოეული იმ ადამიანის ბრალია, ვინც იმ კუთხიდან ვართ, სადაც უნდა ვმუშაობდეთ და რომელ სფეროში; ჩვენი ბრალია, მაგრამ უპირველეს ყოვლისა, ბრალია იმ მესვეურებისა, რომლებიც დღეს, როგორც სახელმწიფო მოხელეები სამეგრელოში მოღვაწეობენ; მე ხაზს ვუსვამ, როგორც სახელმწიფო მოხელეები და არა — სუფრის თამადეები, არა ქელებ-ქორწილში მიმსვლელები თუ თათბირების, ღონისძიებათა ჩატარების ორგანიზატორები.

პირველი სასიხარულო ზარი ერის და ბერისათვის, სრულიად საქართველოსათვის იქიდან უნდა წამოსულიყო. ვის დავაბრალოთ? ჩამობრძანდა იმ წვიმიან დღეს საქართველოს პრეზიდენტი და მან გვაუწყა: ჩვენ ამის მოწმენი ვართ ყველა. ამის მერე ირიტორიკებს სამღვდელოების ერთ-ერთი გამოჩენილი მოღვაწე ჩვენი კუთხიდან და ამით ყველაფერი მიჩუმათდება. მე მეორე დღით ჩამოვდივარ თბილისში და ვინც უყურა ეგრეთწოდებულ „პირდაპირ ჩართვას“ პრეზიდენტის საარჩევნო ვოიაჟს, ზოგმა მიაქცია ამას ყურადღება და ზოგმა — ვერა. რა ქნას ახლა ბატონმა პრეზიდენტმა? თვითონ ილაპარაკოს სამღვდელობის და ჩვენი კუთხის სახელით? იქნებ ამასაც ზედმეტ პოლიტიკურ ლაქუცობად კოჭის გაგორებად ჩამოართმევს ჩვენი კუთხის მიმართ. არა, ბატონებო! ჩვენი სათქმელია ეს და პირველ რიგში — სწორედ იმ სახელმწიფო მოხელეებისა, რომლებიც იქ ბრძანდებიან.

ახლა თავად სკულპტურის მიმართებით: კიდევ კარგი ცოტნე დადიანი ცხენზე ამხედრებული

მინც არის ფაზისში. კომუნისტების დროს იყო პროექტი დაჩოქილი ცოტენისი. თქვენ შეეწინააღმდეგეთ მაშინ ამას და ღვთის წყალობით აწი არასდროს უწერია განხორციელება.

ოთხმოცდაათიანი წლების დასაწყისში ბატონ ბაკურ გულუას ხელმძღვანელობით თბილისში გარკვეული საინიციატივო ჯგუფი შედგა, გვინდოდა შეგვექმნა ძეგლი და თბილისში დაგვედგა. ეს იმ ნგრევების წლებია, ოთხმოცდაათ-ოთხმოცდათერთმეტი. არ მაქვს უფლება სხვისი სახელით ვილაპარაკო, მაგრამ ფაქტს აღვნიშნავ: ძეგლის მაკეტი მზად არის, მის დადგმას წინ არაფერი უდგას, თუმცა თბილისის ხელისუფლებამ ვერ თუ არ გადაწყვიტა რა ალაგას, რა ადგილას დაიდგას იგი. ჩემი მოსაზრება ასეთია: ძეგლი უნდა დაიდგას იქ, სადაც დავითისა და თამარის ქუჩები კვეთენ ერთმანეთს, როგორც საქართველოს მესამე უზარმაზარი სიმბოლო. ასე რომ, ჭირი თავს მართლაც არ დამალავს თურმე. გაუცნობიერებლობა იმისა, თუ რაა სამეგრელო და რა როლი, რა ადგილი აქვს მას ქართული სახელმწიფოს მშენებლობაში, მის ისტორიას, მის წარსულს, დღევანდელობასა და ხვალინდელში, ამის დამალვა, მიჩქმალვა, არიქა, ბიჭო, რაღაც უბედურება არ მოხდესო, ჩვენ სასიკეთოს ვერაფერს მოგვიტანს. იგივე იმ სამეგრელოს ზოგიერთი მესვეურის მაღალი ტრიბუნებიდან ნათქვამს გაგახსენებთ:

არ აბობოქრდება თუ რაღაც მაგდაგვარი, სამეგრელო.

სამეგრელომ უნდა იბობოქროს კიდეც, უნდა იმღელვაროს კიდეც, უნდა იყვიროს კიდეც, ოღონდ ვიცოდეთ რისთვის — სრულიად საქართველოსათვის, ქართული სახელმწიფოს ძღვევამოსილებისათვის.

ნურავის აშინებს თუ ხმამაღალი სიტყვა ითქმება. ეს არის ავადმყოფობა, თორემ მაღალმა ღმერთმა ხომ იცის, თუკი გენეტიკურად ვინმეს აქვს სახელმწიფოებრიობის მენტალიტეტი, ეს უპირველესად — მეგრელს. სწორედ მან იცის რა არის სახელმწიფო, და მან იცის როგორ გადარჩეს თვითონ, აი, ამ სახელმწიფოთი და არა სხვა რამით. ასე რომ, ჩემი ღრმა რწმენით ამისი ხმამაღლა თქმა თითოეული ჩვენგანის ვალია.

— ამ წუთას შენგელაიას ფილმი მახსენდება: — „ვერის უბნის მელოდიები“ — ისევ ზაურია არენაზე, შეგიძლო, ჩემო, — პოლიციის უფროსი რომ იძახის, ოღონდ ნუ იქნება ბუნტიო. ასეთი კაცი თუ იქნება ხელმძღვანელად, თავისთავად გაჭირდება და ეგ უფრო სხვა სასაუბროა. მე გული დამწყვიტა თხილის ბიზნესთან დაკავშირებულმა ციებ-ცხელებამ. კი, ბატონო, ჩამოვიდნენ უცხოელები, მაგრამ რა შუაში იყო ასლან აბაშიძე თუ ეს თხილი სამეგრელოშია, იქ უნდა მოიყვანონ, იქ უნდა გააშენონ... ეს სამეგრელო მხარე არ არის?! კუთხე არ არის თუ დაბალი ღობე ნახეს? კიდეც კარგი, ავტონომია რომ არ გექონია. მე, როგორც პიროვნება, ყოველგვარი ავტონომიის წინააღმდეგი ვარ. მწერალთა კავშირის ყრილობაზე სიტყვითაც კი გამოვედი ფედერალურ დაყოფაზე. ბატონმა პრეზიდენტმა გამცა პასუხი მაშინ:

ესო, როგორც ექსპერიმენტიო, ასეთი სიტყვა გაურია, მაგრამ ძალიან დიდხანს რომ გავვიგრძელო?! თანაც ამ ექსპერიმენტში ბევრ სასიკეთოსაც ვერაფერს ვხედავ. მე პოლიტიკოსი კი არა მწერალი ვარ, და მინც მიუღებელია ჩემთვის. რაც ასაკი მემატება ამ პოლიტიკის უფრო ნაკლებად მესმის. დავიბენი. თქვენ, როგორც ეკონომისტს, როგორც სპეციალისტს, გეცოდინებათ თუ რისი გაკეთება შეიძლება ხვალ ან თუნდაც დღეს. კი, ბატონო, ვიცით რა მდგომარეობაა, რა გაჭირვებიდან გამოვედით, მაგრამ ყველგან რაღაც ნიავი მინც ირხევა, სიო მინც ქრის, კახეთში, იმერეთში, აჭარასა თუ სხვაგან. რას მეტყვით ამის შესახებ?

— ჩემო, ზაურ, ბრძენის ნათქვამია: წვეთში ოკეანე ჩანსო.— ოთარი ხმას იბოხებს, მენტორის პოზას არაფერი უკლია, გულთმისანო, ყრმავ, — ჯერ ზემოთ დასმული კითხვა ამოვწუროთ. ამ თხილში დღევანდელი სამეგრელოს მთელი ეკონომიკური პოლიტიკა ირეკლება. როგორც ეკონომისტი ერთ რამესაც გეტყვი თხილთან მიმართებაში. 88 წელს გალში მე და ჩემი მეგობრები, ბატონები: ვახტანგ ყოლბაია, ომარ გუნჯუა და სხვები, ვცდილობდით შეგვექმნა სამურზაყანოსთვის მინი-პროგრამა, რომელსაც „თხილი“ ერქვა. მაშინ აღმოჩნდა ასეთი რამ: თურმე თხილის ღირებულების მხოლოდ ათი პროცენტი ის, რომელსაც ჩვენ ყველა ერთად სიამოვნებით მივირთმევთ ბაჟეში თუ საკანატუნოდ, 90 პროცენტი კი მისი ღირებულებისა არის გადასაყრელად გამეტებული ნაჭუჭი. თურმე არსებობენ იტალიური, გერმანული, იაპონური ტექნოლოგიები, რომელთაც შეუძლიათ ეს განუკითხავად განიავებული ნედლეული გადაამუშაონ და მიიღონ საავეჯო მასალა. ეს მასალა თავისი თვისებებით გაცილებით მაღალია, ვიდრე წითელი ხე.

გავიოცებთ ყველა. ის კი მეტის დამაჭერებლობით აგრძელებს:

— 89-90-91, რა წლები გაიარა სრულიად საქართველომ და მათ შორის სამურზაყანომ, ყველას ჩინებულად მოგვეხსენება, ამიტომ მოკვდა ეს თემა ჩემთვის, როგორც ეკონომისტისთვის. გასაგებია

თხილის პოლიტიზაცია, მაგრამ მეცნიერულად აბსურდია. თურმე ეგეთივე თხილი შეიძლება მოიყვანო ჭიათურაში, სხვაგან, კაკალს, გულს ვგულისხმობ, მაგრამ ნაჭუჭს — ნურას უკაცრავად, მხოლოდ ამ მიწას შეუძლია მოგვცეს, მე როგორც ქართველმა კაცმა და იქაურმა ვიცი ეს. მე მინახავს ბათუმში ჩვენი პრეზიდენტის მოგვარის მიერ შექმნილი თხილის ფაბრიკა. უმარტივესი ოპერაცია ხდება: თხილი შემოიზიდება ყოველი მხრიდან, მნიშვნელობა არა აქვს რომელი კუთხისაა, რა თვისების. მერე იმტვრევა, იყრება პოლიეთილენის პატარა პაკეტებში და იყიდება. აი, თუნდაც შემოთდასახელებული პროგრამის მიხედვით, გული კი არაა ღირებული, არამედ — ნაჭუჭი.

— თხილი, ჩაი, ტყუპისცალივით ხგვანან ერთმანეთს ჩვენთან, — ვახტანგს აშკარა აღშფოთება ეტყობა, გულისხმიერო, შეგირდო, — ფასს განსაზღვრავს ვილაც, ოთხმოცდახუთი თეთრია ეს თუ ოთხმოცდაათი. ჩამოუვლის ხოლმე შემსყიდველებს და ეუბნება:

ხუთი თეთრი მოგიმატებია, სახლ-კარს გადაგიწვავთო. იგივე სიტუაციაა ჩაისთან დაკავშირებით. ათ თეთრს, უკეთეს შემთხვევაში თხუთმეტ თეთრს აძლევენ მკრეფავებს კილოგრამში. განა ჭკადუაში მეტს უხდინან ან სხვაგან? აქაც მონოპოლიზებულია ეს ხაზი. მე რამდენადაც ვიცი „მარტინ ბაუერს“ ხელშეკრულებაში უწერია, რომ არანაკლებ თხუთმეტი ცენტისა უნდა გადაუხადოს კილოგრამ ჩაიში. სად ათი თეთრი და სად — ოცდაათი? ჩვენ რომ ვაძლევდეთ გლესს ჩაის მოკრეფაში კუთვნილ თანხას, სამეგრელო კარგა ხნის წინ წელში გაიმართებოდა. ყოველ შემთხვევაში ბოლო ორი წლის განმავლობაში რაღაცნაირად წამოიწვედა. სხვანაირად, სხვაგვარად, ამ სიტუაციაში, სამეგრელო ფეხზე ვედარ დადგება, იმიტომ, რომ სხვა არანაირი სტრატეგიული დარგი არ გავვაჩნია.

თხილთანაც ზუსტად იგივე სიტუაცია. სახელმწიფო საბაზრო ეკონომიკის პრინციპებიდან გამომდინარე არ ერევა ამ საქმეში. არ ერევა, მაგრამ სწორედ ამ ჩაურევლობამ გამოიწვია მონოპოლიზება, რაც ყველა ნორმალურ ქვეყანაში აკრძალულია. ეს ჩვენი კონსტიტუციითაც დანაშაულის ტოლფასია. კაციშვილი ამას ცენტრსა თუ პერიფერიებში ყურადღებას არ აქცევს. სახელმწიფოს მიერ არ ხდება საკუთარი მოსახლეობის დაცვა.

იგივე არ ითქმის განა ყურძენთან დაკავშირებით? ესე იგი მიდის გაუგონარი ექსპლოატაცია. საზღვარგარეთის განვითარებულ ქვეყნებში არსებობს რაღაც მინიმუმი, რომლის ქვემოთ ვედარ მისცემ მუშახელს ანაზღაურებას. აი, მაგალითად, ხუთ დოლარზე ნაკლებს, ლაპარაკია ერთ სამუშაო საათზე. ჩვენთან არსებობს ეს მინიმუმი საერთოდ? თუ არ არსებობს, რატომ არ არსებობს? ჩვენ ამით ხომ ხელეყოფთ ადამიანების შრომის, გასამრჯელოს მიღების უზენაეს უფლებას. ვინ უნდა გაუწიოს ამას კოორდინაცია? ვინ უნდა დაარეგულიროს იგი? თქვენ რას იტყვით? სახელმწიფო რომ არეგულირებდეს ამ პროცესებს, თხილი დღეს ოთხმოცდახუთი თეთრი კი არა, ორი, სამი ლარი ეღირებოდა; კილოგრამ ჩაიში მკრეფავს ათი თეთრის ნაცვლად ოცდაათს, ორმოცს გადაუხდიდნენ და ასე შემდეგ.

— აქ შეიძლება ეკონომისტის აზრი მართლაც საჭირო იყოს ვახტანგ, ჩემო, — ოთარი ერთ ადგილზე ვერ ისვენებს, აშკარად არ ელის ხელოვანი ხალხისგან ესოდენ სიახლოვეს გაწყენებულ თემსთან, შეგირდო ჩემო, — მე უბრალოდ ამ თხილიდან გადავალ „ნიავის“ საუფლოში. თქვენს ფრაზას გამოვიყენებ, ზაურ, ბატონო, სამეგრელოში ნიავიც არ ჰქრისო, რომ ბრძანებთ. ამ წლების განმავლობაში საქართველოს ყველა კუთხუბე-კუნჭულში დავდივარ. ეს ჩემი სამსახურეობრივი მოვალეობაა, მითუმეტეს გალის მოვლენების მერე. ჩემმა მძღოლმა აღმოაჩინა ასეთი საოცრება. თაქთაქიშვილია ეგ კაცი გვარად. მოვდივართ სამეგრელოდან, ფოთი იქნება, ჩხოროწყუ, მარტვილი თუ სენაკი. სანამ სამტრედიამდე მოვალწევდეთ, შუქი არსად კიანთებს, ჩაწყვარამებულია.

უფრო პრიმიტიულს გეტყვით. დავუშვათ ექვს საათზე ხშირად გავსულვარ თბილისიდან და სადღაც ათზე, თერთმეტზე იმერეთ-სამეგრელოს საზღვარზე ვიმყოფებით და იგივე ჩემს მძღოლს უთქვამს:

ოთარ, შენ სალამომდე ჭამის დრო არ გექნება, აქ წავიხემსოთ რამე, თორემ ცხენისწყალს რომ გავცდებით, პირში ლუკმას ვერ ჩაუშვებო.

უარესი კიდევ. ერთხელ დაავიწყდა ჩემს მძღოლს თავისი შეგონება და ჩავიდა სენაკამდე. ყავა დავლიეთ და ათ ლარიანის ხურდას ლამის მთელი საათი ვეძებდით. შორეულ ამბავს როდი გეუბნებით, 98-ის ნოემბერი იყო. მართლაც ნიავი არ ქრის.

ახლა მთლად სასწაული. აი, ამ თვენახვერის განმავლობაში სამსახურეობრივად და მორალურადაც მევალბოდა ვყოფილიყავი იქ, სადაც საქართველოს პრეზიდენტი მიემგზავრებოდა. სცენარი ასეთი გახლდათ. ჩამობრძანდება პრეზიდენტი ამ თუ იმ ქალაქში, რაიონში, მხარეში და აჩვენებენ იმას, რეალურად რაც გაკეთებულა. სად ქარხანა გაიხსნა, სად ფაბრიკა, სად რა ამუშავდა, როგორ,

რანაირად, რაფერ. უხვი იყო ეგ ყველგან, აი, სამეგრელოში კი — მწირზე მწირი.

ზუგდიდში ფაიფურის ქარხანასთან რომ დაფრინდა საქართველოს პრეზიდენტი და აჩვენეს გადაღებული კედლები, მე ის ფაიფურის ქარხანა მახსოვს. ბევრმა ეკონომისტმა იცის, რისთვის გაკეთდა იგი, უნიკალური ადგილობრივი რესურსების გამოყენებით ჩვენ ფაიფურის პრობლემა საქართველოში კი არა ამიერკავკასიაში არ უნდა გვქონოდა. რა ვუჩვენეთ? პატარა თხილის საამქრო თუ ხე-ტყის გადამამუშავებელი თურქულ-ქართული საწარმო. მეტი რა, ბატონო?

აი, ამ დროს ტყიბულიც მინდა გავიხსენო და ის ძვირფასი იმერლები, თვალზე ცრემლმომდგარნი რომ უყურებდნენ რაღაც ნიშანს: აქ თბოელექტროსადგური აშენდებაო. ტყიბულის ქვანახშირი, მსოფლიოში ერთ-ერთი უღარიბესია, მაგრამ ისეთ ტექნოლოგიას მივაგენით, რომელიც წინაპირობას ქმნის თბოელექტროსადგური გაკეთდეს ქვეყანაში, და მოემსახუროს სრულიად საქართველოს ინტერესებს.

რა, ამ დალოცვილ სამეგრელოში არაფერი აღმოჩნდა ისეთი ამ ათი წლის მანძილზე, რომელიც სტრატეგიული იქნებოდა? არის სამეგრელოში, ძმებო, რესპუბლიკური მნიშვნელობის მიმართულებანი, მაგრამ გონიერება იკითხე შენ. შორს არ წავალ. რა დროს თხილზეა ლაპარაკი. რატომ არ იცის სამეგრელომ ან სრულიად საქართველომ, რომ უზარმაზარი რესურსი ანაკლიაში არსებობს, პორტის სახით. რატომ არ ვიცით რომ ფოთის განვითარება შეიძლება, მართლაც საქართველოს პირველი კარიბჭე გახვადოთ. რატომ არ ვიცით რომ დაფნა ხარობს საქართველოში, ციტრუსი? ვის დავაბრალოთ, ჩემო მწერლებო, და ჩემო ეკონომისტო ოთარ ხუფენია? ჩვენს კოლხურ მოკრძალებას? ჩვენს კოლხურ სიჩუმეს? თუ მაინცდამაინც ნანასავით ვიგლოვოთ გამუდმებით და ყველა ჩვენს სიმღერაში ტირილი იყოს?

— რატომ, ოთარ ძმაო, ვისია „ოდოია“, „აბა, ულა“-მეთქი, წამოვთარანდები, გულწრფელო მოწაფე.

— ეხ, გური ჯიმა, სრულიად საქართველოს „ოდოია“ სიმღერაც კი არა აქვს გაცნობიერებული რიგიანად, „ნანასთან“ გვაიგივებენ. იცით, რატომ, რის გამო? ის თავის დიდი კოლხეთის წარსულს მისტირის. ღმერთო, ყველა ქართველს ვენაცვალე, ვინც ასეთნაირად აღგვიქვამს. მაგრამ ჩვენც ხომ შეგვიძლია ომახიანი შემოძახება?! ხომ არის მესამე მოწვევის პარლამენტი? **სახელმწიფო პოლიტიკა, ეკონომიკური და საფინანსო, ამაში მენდეთ, როგორც ეკონომისტს, პირველ რიგში აისახება სახელმწიფო ბიუჯეტის პოლიტიკაში.** ყველა მიყვარს ჩვენი მხარის დეპუტატთა კორპუსიდან, მაგრამ ჩვენი კუთხის ერთი დეპუტატი დამანახეთ დემურ გადელიას გარდა, რომელიც საბიუჯეტო პოლიტიკაზე ლაპარაკობდეს. თუნდაც შემდეგი რამ: სამეგრელო არის ომისპირა რეგიონი. ერთ სულ ადგილობრივ მოსახლეზე ერთი დევნილი მოდის. რა, ბიუჯეტმა არ უნდა ასახოს ეს თავის პოლიტიკაში?! თუკი შეიძლებოდა აქამდე აჭარისთვის შეგვექმნა განსხვავებული საგადასახადო კოდექსი, ჩემთვის სრულიად გაუგებარი მიზეზებით, ის კი არა, ჩემი ღრმა რწმენით, აჭარის ავტონომია საერთოდ არც უნდა არსებობდეს. იმას თუ სარწმუნოება ხქონდა თავის დროზე, მე შეიძლება სხვა რამ დამსახურება გამაჩნია ქვეყნის წინაშე. შევექმნათ ახალი ავტონომიური წარმონაქმნი?!

ავტონომიაზე თუკია მსჯელობა, ბიჭებო, მხოლოდ აფხაზეთის ეკუთვნის იგი და სხვა აღარცერთ კუთხეს საქართველოში. დალოცვილო, იმას უქმნიან ამ რეჟიმს და მერე როგორ მოგვიბრუნდა, ყველამ კარგად ვიცით. აქ ხომ უფრო ბუნებრივი და ნამდვილი კრიტიკიუმი?!

აი, ომის საზღვარი რომ გადის, იქნებ ამან შექმნა ეს სახელმწიფო, პროტექციონური კარგი გაგებით და ასახე ეს. აი, ვთქვი და ვიმეორებ, დემურ გადელიას გარდა ვინმეს თუ ამოუღია ხმა, თანაც როგორც სენაკის დეპუტატი სენაკის პრობლემაზე ლაპარაკობდა. არ ხქონდა, ალბათ, სხვა უფლება. ეს მაინც არ უნდა გამოსწორდეს?! ეს რაც შეეხებოდა იმ „ნიავეს“.

ახლა ფედერალიზმთან მიმართებაში, ბატონებო: მე ვახსენე ჩემი მასწავლებელი ვალერიან მელქაძე. ეს არის რეგიონალური ეკონომიკის ფუძემდებელი საბჭოთა კავშირში, რომელსაც დღეს პროკომუნისტურსაც ვეძახით, მაგრამ ის რეგიონალური ეკონომიკაში საქართველოს კუთხეებად დაყოფას ნამდვილად არ მოიაზრებდა. დღეს თურმე საჭიროა. მე ის კაცი ვარ, ჩემს ყმაწვილობაში რომ მითქვამს:

მუხრანზე, მურმანზე ვიქეიფოთ-მეთქი. რას ნიშნავდა ეს? ვიწრო წრეში ყველა სადღევრძელო უნდა თქმულიყო მუხრანის ან მურმანის ლექსით, თუ ქალბატონები გვერია, მაშინ — ანა კალანდაძისა. გალაკტიონი არ გაგვიბეღია და ვერც გავბედავ სანამ ცოცხალი ვარ. ვაჟაზე მიქეიფია.

„ქართლ-კახეთად, იმერეთად, სამეგრელოდ, გურიად, ვისაც ჩვენი გაყოფა და გათიშვა სწყურიაო,“ ბრძანა იმ კაცმა თავის დროზე ჩემთვის მისაღებად.

იცით, დღეს სხვა რამე ხდება საქართველოში, აბსოლუტურად მიუღებელი. ამ გამონათქვამებს ახლა ვაძლევთ სახელმწიფო წარმონაქმნებს, ანუ რაც მე მწამს იმის საწინააღმდეგოს. დღეს ჩვენ მესხეთს სამცხე-ჯავახეთს ვარქმევთ. შიდა ქართლი და ქვემო ქართლი, ესეც გავარჩიეთ. კულტურულ ავტონომიას მაინც მოგთხოვს რაღაც ეტაპზე. მე გული მტკივა ამ არჩევნების შემდგომ პერიოდზე. ჩვენ ამ დღეებში ვლაპარაკობთ, როცა პარლამენტში თანამდებობების განაწილება მიდის. მე ვიცი ყველა ნიშანთან ერთად უკვე ჩნდება კუთხური ნიშანი. აი, ამ კუთხეს ერთი კომიტეტი მაინც ხომ უნდა ხქონდესო! ავტონომიური წარმონაქმნი ხმამაღლა აცხადებს. ეს ტელევიზიით არის დაფიქსირებული: ერთი ვიცე-სპიკერი ჩემი უნდა იყოსო, ამდენი პროცენტით ვარ გასული და ერთი კიდევ ჩემიო. ახლა რაც ტელევიზიით არ არის ნათქვამი, იმასაც გეტყვით. ყველა კუთხე ზის და იძახის:

ამდენი პროცენტი მე ავიღე მმართველი პარტიისათვის, ამიტომ ერთი კომიტეტი მე მეკუთვნისო, გაჩნია ვის რამდენი პროცენტი აქვს აღებული. აჭარა რომ გახკვის, 25 პროცენტი მაქვს და მეოთხედი ჩემიაო, ვიღაცამ თავისი პროცენტი დაითვალა და მთელის გამძაფრებით იჭაჭება:

ამდენი კომიტეტი მეკუთვნისო. რა არის ეს! ის მაინც ხომ უნდა გავაცნობიეროთ, რომ იქნებ დღეს პარლამენტში არ არის იმ დონის ეკონომისტი, რომელიც ამ განაწილებაში ვერ მოხვდება. ვის შეუძლია ამის გაკეთება ან სოციალურ სფეროში, ან საფინანსო-საბიუჯეტოში, ან ნებისმიერ სხვაში?! ეს სინდრომი უკვე გაჩენილი. რომ ჩავუკვირდებით, ყველაფერი მოდის სათავედან, რომელსაც ხქვია საქართველოს კონსტიტუციის არასრულყოფილება, ანუ მთელი კარი, ნაწილი კონსტიტუციისა, რომელსაც საქართველოს ადმინისტრაციულ-ტერიტორიული მოწყობა ხქვია, არ არის, არ გაგვანჩია, თუმცა შეიდასი კანონი მივიღეთ; ხან კანცელარიის სამსახური ქმნის ამ მოწყობას თავისთვის, ხან პარლამენტის რაღაც კომიტეტი, რომელიც წარმონაქმნის პარტიული ლიდერი. ესა ჩვენი უბედურებათა უბედურება. რაც შეეხება, აი, იმ ნათქვამს, მინდა ცალსახად განვაცხადო: რატომ დავუშვით ის აჭარისათვის. იცით, მთავრობის კულუარებში რა ტერმინი და ფილოსოფია მუშაობს? მოდელი უნდა შეგვექმნა, რომელსაც შევთავაზებდით აფხაზებს, არძინბას.

ეს ნამდვილად ასეა, მე კი მეთათვის ვიმეორებ: მოსაჭრელი ჭიანი ხე დროზე უნდა მოიჭრას. რაც უნდა მოდელი შეგვექმნათ აჭარაში, აფხაზები იმის მიმღებნი არ არიან. ტყუილია. აფხაზეთი სულ სხვაა. რა შუაშია აჭარა თავისი ყარსის ხელშეკრულებით და რა შუაშია აფხაზეთი? განა შესაძლებელია მათი გატოლება?! ამის ხმამაღლა თქმას რომ ვერიდეთ ერიან-ბერიანად, წაგვადგა კიდევ.

— აჭარის დეპუტაცია აყენებს საკითხს თავისუფალი ეკონომიკური ზონის შესახებ, — ამბობს ვახტანგი და სიგარეტს ხარბად აბოლებს, — ამიხსენით ღვთის მადლმა, რა არის ეს ეკონომიკური თავისუფალი ზონა?

— ეს ტერმინი ვახტანგ, ჩემო, დენ სიო პინს ეკუთვნის. გამოიყენა ასეთი მოდელი ჩინეთში. გამოყო თერთმეტი რეგიონი, სადაც თქვა:

აქ იქნება თავისუფალი ეკონომიკური ზონაო, რასაც მე შემითანხმებს ინვესტორი და ამისთვის ვაკეთებ ამასო.

რა უნდოდა დენ სიო პინს? არაფერი განსაკუთრებული, უნდოდა შეექმნა ეკონომიკური აზროვნება და ეკონომიკა ამ 11 გუბერნიაში, სხვანაირი, ცივილური. მან იცოდა, რომ კომუნისტთა იდეოლოგიას პერსპექტივა არ ჰქონდა და მოიაზრა საოცარი რაღაცა. ეს ქვეყანა შეუერთა ჩინეთს და გადავიდა ჩინეთში, რომელიც დღეს მარცვლეულის ექსპორტიორია მსოფლიოში, ოღონდ აზიურ ფილოსოფიაზე დაყრდნობით: **წყალი თანდათანობით ჩაგა, იქ სადაც ჩასასვლელია.** დენ სიო პინმა ეს საზოგადოებრივ ცხოვრებაში მოახდინა.

ახლა ვიღაცამ ამგვარად უკარნახა აბაშიძეს და მის გუნდს და მაინცდამაინც თავისუფალი ზონა მოიაზრეს, როგორც ტერიტორიული ნიშნით თავისუფალი. თავისუფალი ეკონომიკური ზონა არ მოიაზრება მხოლოდ ტერიტორიული ნიშნით. ის შეიძლება იყოს საწარმოს, დარგის სახით. მე ამაზე მიბრძოლია თავის დროზე. ამასაც ღიად ვიტყვი: დღევანდელი „აღორძინების“ ერთ-ერთი წევრი, დათო აბაშიძე ჩემი და მეგობარია. კოლეგა იყო, როგორც დასაქმების ფონდის გენერალური დირექტორი და ხკითხეთ, ვინ ხყავს ეკონომიკაში მასწავლებელი და ის თავად გიპასუხებთ. ვუჩხიკინე მას, ვუჩხიკინე და ნახეთ დღეს ბატონი ასლანი რას ლაპარაკობს:

ჩვენ ტერიტორიის ეკონომიკური თავისუფლება კი არ მოგვითხოვიაო. უკვე ასახელებს რაღაც ობიექტს, დაუშვავთ სანაოსნოს. ეს სულ სხვა განსჯის საგანია. სანაოსნოა თუ სხვა რამ, გნებავთ თხილის ბიზნესი, მაგრამ უკვე გაჩნდა აზროვნებაში სხივი, შემობრუნდა ცოტათი ჩემი ნათქვამისაკენ.

გარდამავალ პერიოდში აუცილებლად გამოსაყენებელია თავისუფალი ეკონომიკის ზონა. ეს აღიარებულია. ჩვენი პრეზიდენტი განა რას ამბობს? მაშინ რა დავარქვით „თელასის“ გაყიდვას? სისულელეა, როცა ჩაის ვაცხადებთ, როგორც არასაჭირო პროდუქციას თუ ნედლეულს საქართველოში. ოთხი-ხუთი წლის წინ ჩაიზე მოთხოვნილება იყო საქართველოში. ჩვენ პროდუქცია არ გვქონდა. ახლა პირიქითაა, მოთხოვნილება არის და პროდუქცია არ გავაჩნია, არ მოგვეპოვება. რატომ? ჩვენი უცოდინრობის, არაპროფესიონალობის გამო მოვექცით მონოპოლისტურ ხელშეკრულებებში, როდესაც შემოვიყვანეთ, ყველასთვის ცნობილი „მარტინ ბაუერი“. სამი წელი დაგვიჭირდა ქართველობას ამისათვის. ვინც მოგაკითხა, იმას კი არ უნდა მიაკვდეს, არ უნდა მიენდო ძირფესვიანად, სხვაც მოიძიე, ტენდერი გამოაცხადე. იქნება ვინმე უკეთესს გთავაზობს. „მარტინ ბაუერთან“ დადებული ხელშეკრულება არის მონოპოლიური, წამგებიანი ჩვენი ქვეყნისათვის. იგი მონოპოლისტი ეკონომიკური ყოყლოჩინა გავხადეთ საქართველოში, რომელიც გადასახადებსაც არ იხდის. ჩემს სამსახურს ვვალდებოდა სოციალური ანარიცხების ამოღება, საქართველოში პირველი მტერი „მარტინ ბაუერისა“ გავხდი მე. სამეგრელოს ყველა რეგიონში მქონდა ციფრი, რომელიც მას არ გადაუხდია და ამ მონოპოლისტმა ყოყლოჩინამ ეს გამიკეთა მერე ჩხოროწყუშიც, ზუგდიდშიც, ხობშიც. როცა ფულის გადახდა მოვთხოვე, უტიფრად განმიცხადა:

„შრომა ავუნაზლაურე ფქვილით, შაქრით და რაღაცითო. მე მხარში არ ამომიდგნენ ისინი, რომელთაც ეს ვვალდებოდათ წესით და კანონით. მე ის ვერ დავსაჯე, მიუხედავად დიდი მონდომებისა. ამ მონოპოლისტურმა ხელშეკრულებამ დაგვლუპა ჩვენ.“

— ფქვილი და შაქარი ხომ იცით საიდან მოდის, ხუმანიტარულია, — არ ცხრება ვახტანგი, შეგირდო ჩემო.

— აგაშენათ ღმერთმა! მე სამართალდამცავი არა ვარ. ეკონომისტი და ფონდის დირექტორი მქვია და არა — პოლიციის გენერალი, სხვა ერთი ვილაპარაკო, თორემ ეს ასე იყო. ვილაცამ ამაზე პასუხი რომ მომთხოვოს, მე გავმტყუენდები, თუმცა საზოგადოებამ მშვენივრად იცის ყველაფერი. ახლა რაც შეეხება ფასს. ფასის განსაზღვრა თვით იმ ხელშეკრულებაში დევს. დისკრიმინაცია თვით იმ გადაწყვეტილებაშია. მე და თქვენ, მთელი საზოგადოება, რომ ავდგეთ და ვუჩივლოთ „მარტინ ბაუერს“, ვერ მოვუვებთ. მას ეს უფლება ხელისუფლებისაგან მიჩივებია. ეს არის უბედურება.

ხო, იქ ვადა სხვადასხვაა. ზოგი შვიდწლიანია, ზოგი ათი, თხუთმეტი, დიფერენცირებული მიდგომებით. ახლა ნახეთ ხელისუფლებამ რა გააკეთა, ცოტა ჭკუაზე რომ მოვედით? შევქმენით სამსახური, რომელსაც ანტიმონოპოლიურს ვეძახით, მაგრამ სამწუხაროდ ამ სამსახურს ძალა-უფლება არანაირი მივანიჭეთ, შევჭურთეთ ეკონომიკის სამინისტროში, სადაც ერთ-ერთ დეპარტამენტის, მეხუთე თუ მეექვსე სართულის სიმაღლეზე. მათი ბრძოლის რეალური გავლენა ნოლია. დღეს გადაწყვეტილების მიღება და შესრულება შეუძლია მხოლოდ ძალოვანებს: დაგიჭერ ან გაგიშვებ. რატომ მაინცდამაინც სამხრეებიანმა უნდა დაიჭიროს. არ გვიჯობს სახელმწიფო მოხელე, ჩინოვნიკი მივიდეს და დააჯარიმოს, ეკონომიურად გააკოტროს, ამით დასაჯოს?! ჩვენ ამის ნაცვლად აღებული გვაქვს სხვა კურსი: დაგიჭერ, ჩაგსვამ ციხეში.

— ან არ დაგიჭერ, ციხეში არ ჩაგსვამ, თუ... მთლად ირონიული ხდება ჩვენი ვახტანგი.

— კი, ეს არის. დავიჭიროთ საქართველოს მოხელეების ოთხმოცდაათი პროცენტი. თქვენ იცით ეს რა დაგვიჯდება მერე? ერთ სახელმწიფო მოხელეზე მეტი, რა რანგისაც უნდა იყოს იგი, ჯდება ერთი პატიმრის შენახვა. ახლა ერთ რაღაცასაც გავახსენებთ. სიდაში იყო ასეთი კოლონია. 29 წლის ბაკურ გულუა ჩამოვიდა გალში. პირველი რისთვისაც იბრძოლა, იყო სიდას კოლონიის გაუქმება და წულუკიძეში გადატანა.

რითი შიდაწია, იცით? თურმე გალის ეკონომიკისთვის გაცილებით წამგებიანი აღმოჩნდა ამათი შენახვა, ვიდრე მოკრეფილი ჩაია მთლიანად. ამით მოიგო მაშინ ბაკურმა. ქვეტექსტებს, რომელიც მის უკან დგას, არ ვამბობ. მე ღრმად მწამს, რომ მასობრივად სტრატეგიული დარგი ჩაი საქართველოსთვის ვერ იქნება, ვინაიდან ჩვენ ჩაის ბაზარზე რომ გავიდეთ დიდი მასშტაბით და ის გახდეს მართლაც საერთაშორისო სპეციალიზაციის საგანი საქართველოში, უბრალოდ ვაგებთ ბუნებრივ-კლიმატური პირობებით, სხვას რომ თავი დავანებოთ. მაგალითად, წყალტუბოში არის ზონები, სადაც მოდის უნიკალური ჩაი, რომელსაც შეუძლია კონკურენცია გაუწიოს ინდოეთის, თუ გინდა ცეილონის ჩაის. სამეგრელოს ტერიტორიაზე უამრავი რეგიონია ამ თვალსაზრისით გამოუსადეგარი. მეტს თუ დახარჯავ, ბაზარზე ავებ და კონკურენციას ვერ გაუწევ სხვას. არის ეკონომიკაში ტაქტიკა და აუცილებლად — სტრატეგიაც. პრაქტიკულად, როცა დღეს არაფერი გვაქვს და ფულის შემოტანის პერსპექტივა არ გავაჩნია სამეგრელოში, ეს უნდა

შეგინარჩუნოთ. ერთსაც გეტყვით, ჩაის ამოძირკვა უფრო ძვირი დაგვიჯდება, ვინემ მისი მოვლა და იქიდან კიდევ კაპიკების, უკაცრავად პასუხია, თეთრების შემოტანა. ანალოგი მინდა გავავლო, ვილაცამ კუთხურობაში რომ არ ჩამოგვართვას, მაგალითად, ვენახიდან გასხვლის დროს ვაზის 10-15 პროცენტი ცვივა და უნდა გადავყაროთ. არსებობს საქართველოში ამაზე სადოქტორო დისერტაცია დაცული, რომ მისი გადამუშავება შეიძლება ბლოკებად, აგურებად, რომელიც გამოიყენება საწვავად.

სულ სხვა თემაა წიპწა. იქიდან სამკურნალო პრეპარატი გამოდის. ჩემი მეგობრები არიან ისინი, ვინც ამ საკითხს მეცნიერულად ამუშავებდნენ და რადგანაც საუბარმა მოიტანა, ჩამოვიდნენ იპონელები საქართველოს მეცნიერებათა აკადემიაში და ეწვივნენ მევენახეობას. ეს საბჭოთა კავშირის დროა. ისინი გაფორმებულნი იყვნენ, როგორც მეშახტეები. ვითომ შემოვიდნენ ჩვენთან პურმარილზე და რადგან თქვენ ღვინის ქვეყანა ხართ, გექნებათ ღვინის ინსტიტუტი. შემოვიდნენ და პირველად იკითხეს, სამეცნიერო კვლევის თემატიკა გვაჩვენეთო. ქართველებმა ვიფიქრეთ, მეშახტეებმა რა იციან ღვინო და ვანახეთ.

„მეცნიერების აგენტი“ მიღებული ტერმინია ყველგან, რომელიც ყიდულობს, იპარავს, სწავლობს მეცნიერულ მიღწევებს და ზუსტად დააკვირდა იმ წიპწას. ეს პროდუქციაა, ნედლეულია უშუალოდ. ამას დაადგეს თვალი, და თუ არ ვცდები, ერთი კაცი იყო, გვარად მალაზონია, მიხვდა რომ იმათ მეშახტეებს არაფერი უგავთ, სხვა რამისთვის ჩამოსულან და დაუზუსტრეთ ეს თემა, არ გავატანეთ. მერე როცა ლექციებს ვკითხულობდი „ცეკაში“, სამაგალითოდ ვიშველიებდი ხოლმე, როგორ არ შეიძლება, ყველაფერი გაანდო სხვას, რომელიც შენი მეცნიერული პროდუქციაა.

ასეთი რამეც წამიკითხავს: სამოციანი წლების ამერიკაში გაითვალეს და ნახეს, თურმე მეცნიერის ყიდვა გაცილებით იაფია, ვინემ მისი გაზრდა. ამიტომაც მოხდა ამერიკაში მეცნიერების დიდი შედინება პოლიტიკური თუ სხვა სარჩულით, ამავე დროს ეს აღმოჩნდა ამერიკის სახელმწიფო პოლიტიკაც.

— აი, ხუდონხესზეა ახლა საუბარი. რეალურია ეს თუ ანაკლიის პორტივით დაუსრულებლად მჩოჩავიო, — შეუჩნდება ზაური.

— ორივე პროექტი მე ვიცი, რომ აბსოლუტურად პერსპექტიულია, — გააგრძელებს ოთარ ხუფენია, გულისხმიერო, შეგირდო, — არა მარტო კუთხისთვის, საქართველოსთვის, არამედ ნებისმიერი ინვესტორისთვისაც.

ანაკლია ბუნებრივი ყურეებით ათჯერ უკეთესია ვიდრე ფოთი, ათჯერ მეტი გემის შემოყვანა შეიძლება, ვიდრე ფოთში, თანაც ნაკლები დანახარჯებით. რა დღეს, რა ხვალ, ძმებო, ეს ამუშავდება. ჩვენი მოვალეობაა დავაჩქაროთ ეს პროცესი.

ახლა „ხუდონხესი.“ ვინმე უარყოფს იმას, რომ უზარმაზარი შეცდომა „მწვანეებისა“, ამ საქმის მიმართ, აბსოლუტურად ბეცი დაპირისპირება გახლდათ. ჩვენ სხვისი ფულით ავაშენებდით ამას და გვექნებოდა. ერთმა პოეტმა დაწერა:

„ენგურხესს“ კუჩხობონხესი მირჩვენიაო. კინალამ ცემა-ტყეპაზე გადავედით ამის გამო. მან პროფესიულად არ იცოდა სამამულო ენერგეტიკის პრობლემები და სხვისი დაჭერებაც არ უნდოდა. საქართველოს მართლა თუ აქვს პერსპექტივა და გვინდა ჩავეწეროთ მსოფლიო ეკონომიკაში, არ ვიყოთ სხვისი ჭანჭიკის შემგროვებელნი და ამწყობები, მაშინ ის, რაც ბუნებრივად გამოდის, ხელი უნდა შევუწყობთ და გარანტიებიც შევუქმნათ ინვესტორებს. ხოდა, იმის გამო გადის სწორედ გაზსადენები და ნავთობსადენები. ინტერესი, პრიმატი ამაშია, მის ეფექტურობაში, ეკონომიკურობაში.

— დავიჯერო საქართველოში არ არსებობენ ეკონომისტები, — მთლად წამოჭარხლებულია ვახტანგ ხარჩილავა, არც სხვებს გვიძგერს მაჯა მონოტონიურად, — რომელთაც არ ესმით აქ რაზედაც ვსაუბრობთ? თუ ესმით, რა არის ამის მიზეზები? ქვეყნის ეკონომიკა მიუხედავად ჩვენი წადილისა, სურვილისა, ქადილისა, ინგრევა. ვინ ანგრევს ამას კანონზომიერად, ვინ შეიძლება იყოს ამით დაინტერესებული და რატომ?

— დღეს არ არსებობს ეროვნული ეკონომიკის განვითარების კონცეფცია. — ოთარ ხუფენია ფეხზეა; ფეხზე ვართ ყველა, — ამას ვპასუხობ ცალსახად: არ არსებობს! არც შეიძლება არსებობდეს და აი, რატომ: 99 წელი მთავრდება და ჯერაც ვერ გადაწყვეტილა ქართული სახელმწიფო რა არის. არის იქ თუ არის აქეთ, დარჩა იმ სივრცეში თუ გამოვიდა მზეზე. იმ სივრცეში თუ დავრჩით, სადაც ვიყავით, საბჭოეთზე არ ვამბობ, არსებობს სივრცე ეკონომიკური და პოლიტიკური ინტერესებისა. თუ იქ დავრჩით მაშინ, ქართული ეკონომიკური მოდელი განვითარებისა იქნება ერთი, თუ დავედით, გავალწიეთ თავი და ჩემი დიდი სურვილი და ოცნებაა გავალწიოთ, მაშინ მოდელი სხვაგვარი დაგვჭირდება.

ამიტომ ობიექტურად დღეს არ შეიძლება არსებობდეს ნაღდი ეროვნული კონცეფცია. ახლა ჩემი ნათქვამი ხომ არ ნიშნავს იმას, რომ ჩვენ ეკონომისტები, ვისაც გვევალება რამე, თვითგამართლებას ვეძებთ, გულხელდაკრეფილნი ვსხედვართ. გამართლებას ვეძებთ თქვენი და სხვების წინაშე, მიგანიშნებთ ობიექტურ ფაქტორზე, მაგრამ აი, მეორე, ვაკეთებთ კი ყველაფერს ქართველი ეკონომისტები, იმისათვის რომ იყოს ალტერნატიული მოდელი? მე გეტყვით, არ ვაკეთებთ. მე ამის მიზეზსაც დაგისახელებთ. გინდათ იმისტობაში ჩამომართვით, გინდა ამისტობაში, კარგად მახსოვს ოთხმოცდაათი და ოთხმოცდათერთმეტი წელი. არ მეგულება ქართველი ეკონომისტი, რომელსაც უბრალოდ ჭკუა ეკითხებოდა, თუ რაღაცა ორი წიგნი ხქონდა წაკითხული ან დაწერილი, არ მიილტვოდა მაშინდელი უზენაესი საბჭოს კომიტეტებისკენ და ეთქვა: იცით, მე ვფიქრობ ასე, მე ვფიქრობ ისე.

მერე მოხდა უკიდურესობა და უბედურება. დღეს ქართული ეკონომიკური აზროვნების, დავარჯვათ, სპეციალისტები ან მოაზროვნენი, აღარ მიდიან ხელისუფლებასთან. ჩამოდის ვიღაცა, რომელიც მოეშურება დაშტამპული მსოფლიო ბანკის ან სავალუტო ფონდის ინსტრუქციებით. შემოსილია გენიოსის იმიჯით. ერთი წელი სწავლობს რაა საქართველო. ვისგან სწავლობს? ჩინოვნიკებისგან და არა მეცნიერებისგან და გვეუბნება: ახლა თქვენ ასე ან ისე უნდა გააკეთოთო!

რა დაუპირისპირა საქართველოს ხელისუფლებამ ამ ხალხს? ვერაფერი! დაუპირისპირა პარლამენტში არჩეული სახელმწიფო მოხელე. ვითომ ეკონომისტი, ვითომ პოლიტიკოსი. ამათ შორისაა გაჩაღებული ეს დისკუსია. გესმით, რა ხდება?! არა ქართულ ეკონომიკური აზროვნებასა და მოტანილ რეკომენდაციას შორის, არამედ მოსულ რეკომენდაციასა და აქ დახვედრილ ჩინოვნიკს შორის. აქ უკვე ერთგება სულ სხვა—აღმასრულებლის, აქ მაცხოვრებლის მერკანტელური ინტერესები. თქვენ რომ ბრძანებთ, რატომ არ მიდიან ეკონომისტები ხელისუფლებასთანო. აი, ამის გამო არ მიდიან.

ახლა შეიძლება ბატონ გოგი თოდუას ვინმემ ასწავლოს მალთუსის თეორია, ამერიკასა თუ გინდა ინგლისში! ტყუილია ეს. ამ დროს აზრზე არ არის კაცი, მეწაღეა, ჩამოდის და სადღაც დაწერილი ინსტრუქციით გელადავება შენი დემოგრაფიის პრობლემაზე, ან სიცოცხლის ხანგრძლივობის ასპექტზე გასწავლის ჭკუას ეკონომიკური აზროვნების მეტრების ქვეყანაში.

ხელისუფლებამ ეს არ იცის, არ გვისმენენო. ეს ხომ ინტელიგენციაა, ნაგიჟარი ხალხი ხომ არ არის, მაგრამ უკვე იქამდე დაუგროვდათ სათქმელი, კალაპოტში არ ეტევა, აუდიტორიას მოითხოვს. უჭკვიანესი პროფესორი ბატონი რეზო გოგოხია, ასეთ რამეს იტყვის:

საბაზრო ეკონომიკას ნუ ამბობთ, სისულელეაო. ადგა და წიგნი დაწერა, ხუთასგვერდიანი, შერეული ეკონომიკა უწოდა. ჩამიჩუმი არსაიდან. ზემოთაც აღვნიშნე, თევზის ზოდიაქოზე, მაგრამ პირში წყლის დაგუბების სინდრომი ხომ უნდა გადავიგდოთ ოდესმე?!

ასეთნაირი სევდანარევი ინტონაციით დაასრულებს საუბარს სახელმწიფო მოხელე ოთარ ხუფენია მე-12 სართულის გადასახედიდან სამიოდე წლის წინ, შეგირდო, ჩემო. მას აქეთ მრავალი წყალი ჩაივლის, ლამის სამი წელი მოიყრის თავს და როგორც განგება ინებებს, საკომენტაროდაც მოვიცლით, ალბათ.

„ჯვარცმული საქართველო“

ომში ინფორმაცია აქილევსის ფარზე დამცავია ხოლმე და მის ხმაზე უბასრესი.

VENI, VIDI, VICI — მიველ, ვნახე, გავიმარჯვეო, აფრენს ლაკონურ ცნობას რომს ტრიუმფატორი კეისარი და დღესაც გუგუნებს იგი კაცობრიობის ყურთასმენაში, როგორც ატომური ტევადობის ფრაზა.

სოხუმის დაცემას კვირის, დღის, საათის, წუთის სიზუსტით იუწყებოდა წინასწარ ველიკორუსული შოვინიზმის რუპორი „ტესენი“, „ვრემია“.

წაგებულია ინფორმაციული ომი, როცა ვერ დაგიდგენია, რას ნიშნავს ფონემა „აფხაზი“, „აფხაზეთი“, როცა ვერ დაგისაბუთებია, რანაირად მოარგეს ამ მცნებას „აფსუა“ და როგორ გამოიჩიკა ხუმუნკულუსი ერთობა ანტიკური კოლხეთის, საქართველოს წიაღში.

წაგებულია ინფორმაციული ომი, როდესაც „აფხაზებს სხვა სამშობლო არ გააჩნიაო“, იძახი ერთი მხრივ და მეორეგან მკერდში დაიწყებ მუშტების ბაგუნს: „ასიათასი ქართველი გავწყდებით, მაგრამ აფხაზებს მუსრს გავავლებთო“, ურთიერთგამომრიცხავი მცნებებია: ესე იგი თვითმკვლელები გამოვდივართ, საკუთარ სისიხლ-ხორცს ვუყუავთ.

წაგებულია ინფორმაციული ომი, როცა ნობელის პრემიის ლაურეატი სახაროვი მეუღლე მადამ ბონერიტურთ პატარა იმპერიას გიწოდებს მთელი მსოფლიოს მასშტაბით და შენ აქ, რუსთაველის პროსპექტის დონეზე გამოეხმაურები, იმართლებ თავს...

წაგებულია ინფორმაციული ომი, როდესაც მსოფლიოს ბიბლიოთეკები გამოტენილია შენი ეკლესიების, ტერიტორიების, დამწერლობის თუ თავად რუსთაველის მიმკუთვნილებელი პასკვილებით და აქ, მტკაველი რეზონანსის პასუხით გააბათილებ რომელიმე წამხედურებას.

ბატონი თამაზ ნადარეიშვილის სიტყვებით, მხოლოდ ახლახან, სულ რაღაც ექვსიოდე თვის წინათ შეღწეულა უცხოეთის პოლიტიკურ წრეებში ინგლისურ ენაზე თარგმნილი მისი ჩინებული წიგნი სათაურით: „შეთქმულება საქართველოს წინააღმდეგ“, სადაც ლაკონურ, ბასრ და ჭკვიანურ ისტორიულ ექსკურსს ერთვის აფხაზ-სეპარატისტთა გენოციდის 5000 მსხვერპლი ქართველის აღფაბეტური სია, ჯალათურ ქმედებათა შტრიხების მითითებით.

ეს უკვე სერიოზული განაცხადია, მაგრამ სად ვიყავით 1998 წლამდე?! რას ვაკეთებდით სრული ხუთი წელიწადი, 60 თვე, იგივე 1826 დღე-ღამე?!

ჩემთვის სხვანაირი დამოკიდებულება მიუღებელია, გამცემლური! არადა, უთანასწორო ომში დამარცხებით გაოგნებულებს ყველას როდი დაგვიყრია ფარ-ხმალი, გულში დაგროვილი ბოღმა, ჭავრი ქალაქის ხეულში მიუშვა მრავალმა კალმოსანმა და მრისხანების მტევნები მოასხმევინა იქ აღმოცენებულ ხეებს.

ამჯერად ჩვენს ხელთაა ზაურ კალანდიასა და ვაჟა ჩორდელის, ჯემალ გამახარისა და ბადრი გოგისა, ლორიკ მარშანიას და თეიმურაზ მიბჩუანის, ჯუმბერ ჯოჯუას და ანზორ შონიას ნაკლმარი, თამაზ ნადარეიშვილის 3 წიგნი და წინდებული პუბლიკაციის გმირი — სანკტ-პეტერბურგში გამოცემული კრებული — „Dāni yōdāy Ābōçēy“.

გავიხსენოთ სვეტლანა ჩერვონაიას ობიექტური ასახვაც აფხაზეთის ტრაგედიისა და კიდევ რამდენიმე ნაშრომი, მათ შორის, „პეტერბურგული“ კრებული და ვთქვათ, რომ ინფორმაციული ომის გზაზე, ზემოთ ჩამოთვლილ ავტორთა ნააზრევი ცოტა თუ გასცდა რუსთველური ჭადრების შრი-ალს.

მართალია, ზაურ კალანდიას და ვაჟა ჩორდელის კრებული „აფხაზეთის სისხლიანი ქრონიკები“ მთელს საქართველოს მოედო, 25 ათასი ეგზემპლარი ლამის უსასყიდლოდ, სიბოლურ ფასებში დაურიგდა მოსახლეობას, მაგრამ დანარჩენი? დევს წიგნის მალაზიების მყუდრო თაროებზე ბრძოლის წადილით გათანგული გამოცემები — ლარამოცემული მშვილდები, თითის შეხებაზე ჩანგივით რომ ხშიანებენ, მაგრამ ამაოდ ელიან მომზიდველ მძლავრ ხელებს, რათა ღონიერად გასტყორცნონ მიუკერძოებელი სიმართლის ბასრი ისრები დუშმანთა გულებისკენ და არც ქარი ჩანს ზენა თუ ზღვიდან მონაბერი სულაც, ომმოწყურებული ეს თხზულებანი ვაჟა ჯუხაის ფარივით შეძრან ხანდახან.

ამიტომაც გასაკვირი არაფერია ისევ და ისევ „ჯვარცმული საქართველოს“ მნიშვნელობაზე ვიმსჯელოთ, მის სავარაუდო რეზონანსზე, ესეც იმპერიის სამარცხვინო ბოძი — ელიტარულ ნევის ქალაქში.

კრებული რაღაც ათასი ეგზემპლარით დაბეჭდილია, მაგრამ როგორც ზემორე აღგვინიშნავს, ქართული ინფორმაციული ომის ფლაგმანად მოინიშნება იგი. დავიწყით სათაურით, შეუძლებელია კრებულს უკეთესი დასახელება მოსძებნოდა. ჩანს, შემდგენლები კრებულისა — ბატონები ზურაბ ჩიკვილაძე და ბესიკ ფიფია — გამოირჩევიან არა მხოლოდ პატრიოტული თავდადებით, არამედ პუბლიცისტური სიბასრითაც. ეს მათი სტატიებიდანაც თვალნათლივ იხატება. ამისი გარანტიაა მეტოლოლოგიური დალაგება მასალებისა. იწყება ისტორიული ექსკურსით და მთავრდება ლოგიკური დასკვნით, სეპარატისტების საბრალდებო სკამებზე გაყვანით, როგორც საერთაშორისო ტრიბუნალის სუბიექტებისა, მაგრამ რადგანაც ასჯერ მოსმენილს ერთხელ ნანახი სჯობია, ჯერ ვენდოთ ამ ფრაზას ვიზუალურად და მერე ვცადოთ არსში ვერბალური შეღწევა.

მარიამ ლორთქიფანიძე, გიორგი ფიფია, ანზორ თოთაძე, სვეტლანა ჩერვონაია, ბორის ელცინი, ლორიკ მარშანია, ალექსი II, ილია II, ედუარდ შევარდნაძე, ვახტანგ გოგუაძე, ვალერი სიმონოვი, ალექსეი ჩელნოკოვი, ალექსანდრე ბორისოვი, იგორ როტარი, თეიმურაზ მამალაძე, გია ფიფია, იულია კალინინა, ალექსანდრე ბუდბერგი, ვლადლენ ჩერტინოვი, ბესიკ ფიფია, ირინა კირიანოვა, ზურაბ ჩიკვილაძე, ალექსანდრე მელკინი, ალექსანდრე ებანოიძე, რომან მიმინოშვილი.

სარჩევში ჩამოთვოლილ ავტორთა უკომენტაროდ გადმოწერის გამო მომიტევებს, ალბათ, ჩემი ლმობიერი მკითხველი, მაგრამ ზოგჯერ მიზანი ამართლებს საშუალებას და აქვე მინდა შევნიშნო, კრებულის შემდგენლებს რამდენიმე ათეული წერილი შეუთავაზებიათ ფართო საზოგადოების განსასჯელად, ავტორები კი შედარებით ნაკლებია, ვინაიდან ზოგჯერ აქა-იქ ერთი და იგივე პიროვნება ორ-

ორჯერაა წარმოდგენილი.

როგორც შემდგენლების წინასიტყვაობიდან ირკვევა, კრებულში თავმოყრილია ცნობილი პოლიტიკოსების, მეცნიერების, მწერლების და ჟურნალისტების სტატიები, რეპორტაჟები, წერილები. მათი მეტი წილი გამოქვეყნებულია გაზეთებში: „იზვესტია“, „კომსომოლსკაია პრავდა“, „მოსკოვსკი კომსომოლეც“, „ნევესკოე ვრეშია“, „ნეზავისიმაია გაზეტა“, „სანკტ-პეტერ-ბურგსკიე ვედომოსტი“, „სმენა“, „სოვერშენო სეკრეტო“. აქვე მითითებულია, რომ ზოგიერთი ავტორის განსჯანი კრებულის შემდგენლების მსოფლმხედველობას სცილდება, მაგრამ საერთო სიტუაციის მთლიანად წარმოჩენის თვალსაზრისით მაინც უმაკრატლოდაა წარმოდგენილი.

მაგალითისათვის, ალ. ბორისოვის „ლიდერი შობილი ომისგან“. აქ ნაციისტური რაიხის სავარგული არძინბა ანტიკური დაფნითაა შუბლდამშვენებული კეისრებისა და ციცერონების პროფილით, რომლისთვისაც მეცნიერება ომის ფილოსოფიასთანაა შერწყმული. მსგავსი მიდგომები ანტიქართული მასალების დაბეჭდვის თვალთახედვით პირველია „ჯვარცმული საქართველოს“ მიხედვით, ვინაიდან, ჩვენ, ქართველებს, გვჩვევია შიგადაშიგ სირაქლემას პოზა. არაფერს ვიშურებთ ჩვენი ოპონენტების ფართო საზოგადოებისთვის მისაჩქმალად. ათ წელზე მეტი გასულა „ლიხნის წერილის“ გამოქვეყნებიდან, რომელმაც საერთო საფუძველი დაუდო საქართველოს ტრაგედიას თუ აფხაზეთში დატრიალებული მოვლენების ბარბაროსულ ორგეებს და დღემდე უცნობია მისი ძირითადი პოსტულატები სრულიად საქართველოსათვის. დასკვნისთვის ორგვარი პასუხი რჩება: ან ძნელადგასაბათილებელი არგუმენტები მოუშველებიათ აფხაზებს ჩვენს საწინააღმდეგოდ, ან კიდევ იმდენად უმეცარნი ვართ, საჭიროდ არ მივიჩნევთ ფართო პოლემიკის გაშლას, ფრაზეოლოგიას ვჯერდებით, პრინციპით: „ნუ შეეხები, თორემ აყროლდება“. ჩვენ არაფერს ან ძალზე ცოტას ვამბობთ პირისისხლიან ოპონენტებზე. თანაც საერთაშორისო მასშტაბით კი არა, რუსთაველის პროსპექტის დიპაზონით. ეს კი მიუტყვებელია, დანაშაულებრივი, შეუწყნარებელი. ნებისმიერი გამოხდომა საქართველოს მისამართით ადგილზევე უნდა გაბათილდეს საერთო ძალისხმევით, იმავე პერიოდიკაში, იმავე გამოცემაში, იმავე სივრცეში, სადაც წარმოიშვა და წამოურჩხულდა მსგავსი ცილისწამებანი.

პოეტის პერიფრაზს თუ მოვიშველიებ: რაც აფხაზეთში მომხდარა, ხაერს შეუწახია ოდენ, ათასეული მსხვერპლიდან მეტი წილი აუორთქლებიათ სეპარატისტებს, გაუუჩინარებიათ სამხილი მასალა, თეიმურაზ მამალაძესი არ იყოს, „უგზო-უკვლოდ დაკარგულნი გვეძებეს ჩვენ“, ჩვენს სინდისნამუსს ეძებენ, უხმობენ ჩვენს მამულიშვილობას, მოითხოვენ სამართლიანობას, რათა ბოლოს და ბოლოს გაერთიანებული ძალით საკადრისად ვაზღვევინოთ კაცობრიობის წინაშე დამნაშავეებს.

ნიურბერგის პროცესი მათთვის თურქული შაქარყინულია. ბოროტების მიჩქმალვა შეუძლებელია, თანაც ესოდენ მასშტაბის კაცთმოდულეობისა. იმპერიულმა ძალებმა მიზანმიმართულად იმდენად წაათამაშა აფხაზური სეპარატიზმი, იმდენად გაასვრევინა ხელები სისხლში „აფხაზზე“ დამყობილ „აფსუას“ იშვიათ ჩრდილოურ ჰიბრიდს, რომ არჩევანის შანსი არ დაუტოვა. უკვე რუსეთის იქით მისთვის ყოველგვარი სივრცე ჩაკეტილია, თვითლიკვიდაციის ტოლფასი. ცხადია, ვგულისხმობ სეპარატისტებს და არა აფხაზ ერს. ეს ყველაფერი სააშკარაოზე გამოუტანია ზურაბ ჩიკვილაძის და ბესიკ ფიფიას შედგენილ კრებულს „ჯვარცმული საქართველო“.

ადრეც ვახსენე, ჩინებული სათაურია შერჩეული-მეთქი, წიგნის სახელდების იდეა კრებულის ერთ-ერთი ავტორის წერილშია მოცემული: ვლადლენ ჩერტინოვი: „დასჯილი საქართველო“. აქედან ჯვარცმულ საქართველომდე ერთი ნაბიჯია, და რადგანაც მოძებნილია სიტუაციის სამას სამოცი გრადუსით მომცველი დასათაურება, ერთიორად გაიზარდა ინტერესი მის მიმართ.

არადა, მართლაც ჯვარცმულია ჩვენი ქვეყანა. ათადან და ბაბადან მოყოლებული გაკრული ვიყავით კავკასიის გზაშესაყარზე, როგორც ჩვენი არსებობის გოლგოთაზე, აღარც მისგან თავდაღწევა შეგვეძლო, ვინაიდან ჩვენ, ანთეოსის მსგვსად, სამშობლოს იქით დღეგრძელობა არ გვიწერია. ამას ახერხებენ მამულის მამიებელი ერები, სხვისი ხელშეწყობით ტერიტორიების მომპოვებელი ხალხები... დიახ, ჯვარცმულია საქართველო და ის ოთხი ლურსმანი, ის ოთხი სამსჭვალე მკვიდრადაა გატარებული მის კიდურებში — მესხეთში, სამაჩაბლოში, აფხაზეთსა თუ აჭარაში — რუსოფილური მესხეთე კოლონის სახით, რომელთათვისაც პიტნის ღირებულებისაა ქართული ენა, ქართული ინტერესები, საქართველოს განუხრელი ბრძოლა გაერთიანებისათვის, კოლხეთის გარშემო შემჭიდროებისთვის, იმავე ეგრისის ბადიში სამეგრელოს გარშემო, საქართველოს ხერხემალი რომ ეწოდა იშვიათი პოლიტიკური ალლოიანობით ედუარდ შევარდნაძისაგან, მაგრამ გვარნაცვალი ქართველობა, ილიას რომ ებრძვის ბაწარალებით, იგივე მესხეთე კოლონა, აბა, რისი მსტოვართა ჯგროა, წყლები არ აგიმღვრიოს, გონება არ დაგიბინდოს, სული არ წაგიბილწოს, მტრის ხატი არ შექმნას შენსავე მოყვასში ცბიერული წასისინება-წაკიდების წყალობით, თორემ როდის იყო სამეგრელოს ილიაში

სეპარატიზმი ამოეჩარა? თუმცა სიტყვა გაგვექცა და უმჯობესია „ჯვარცმული საქართველოს“ პრობლემებს მოვუბრუნდეთ, მოვუბრუნდეთ ამ სასახელო მიზანსწრაფულობით გამოცემული კრებულის ავანჩავანს.

გაშიშვლებულია სეპარატიზმის გამპირული ნატურა თავისი მფარველი დრაკონ-ურჩხულებით, რომელთათვის მრავალგზის უმარჯვებია პირბასრი ბოძალი წმინდა გიორგის, თეთრ ცხენზე ამხედრებულ ქრისტეს მხედარს, სრულიად საქართველოს უძლეველობის სიმბოლოს. წაყრუება, თვალის დახუჭვა, იგნორირება აწ არ გამოუვა რუსეთის შავრეაქციულ ძალებს და არც აფხაზეთის პირსისხლიან სეპარატიზმს.

ჩვენ ვერ დავუცდით სამართლებრივი ნორმატივების დოპინგებს ინფორმაციული ომის გზაზე. ბოროტების მხილებას, ბოროტების საშუალოზე გამოტანას კონსტიტუცია არ სჭირდება და არც რამდეკლარაცია. ჯალათი უნდა განაშიშვლო, კაცთმოდულეს გუნდრუკს ვერავინ უკმევს, კანიბალს საკუთარი თავი იმდენად უნდა შეაძულო, ცივილიზაციის ცნობიერებაში არეკლილ ავადმყოფურ სიფათს თვალს ვერ უსწორებდეს.

შემოვიფარგლები მხოლოდ ერთი პუბლიკაციის ჩემეული თარგმანის ფრაგმენტებით:

„აფხაზური ფორმირებების პატრულები, ქუჩებში პასპორტების შემოწმებისას ხოცავენ თითოეულს, რომელსაც „ეროვნების“ გრაფაში „ქართველი“ უწერია.

„ამ ადამიანთა გვამები — ბარბაროსების ტრადიციისამებრ — გამოფენილია საჯაროდ. სხვებს შეძლებისდაგვარად მიაბარებენ მიწას. ჩვეულებრივია სცენა ომით მოცული სოხუმისა: ბერიკაცი ძლივძლივობით მიათრევს საზიდარს, უკან დედაბერი აწვება, საზიდარზე ერთმანეთზე აწყვია შალითაში გახვეული სამი გვამი“.

„ამ დროს კომენდატურიდან დაცვის გარემოცვა ჩქარი ნაბიჯებით გამოარღვია აფხაზეთის ლიდერმა ვლადისლავ არძინბამ. უფერული თვალებით წამიერი მზერა მესროლა. მისთვის ერთადერთი კითხვა მქონდა მომზადებული, რომელიც დასმასაც არ საჭიროებდა: „მიმოიხედეთ გარშემო: თქვენ, წარსულში სწავლული, კაცობრიული სიბრძნის ფრიად წარმატებით მომხვეჭელი, როგორ, რანაირად იცხოვრებთ ასეთი □არაკაცური) ტვირთიანი სულითო“, — მიახლის პირში ზოგიერთისგან ლამის დადაფნულ აფხაზთა მესვეურს გაზეთ „იზვესტიას“ სპეციალური კორესპონდენტი ალექსი ჩელნოკოვი სტატიაში: „გუდაუთელი სეპარატისტების სისხლიანი ღრეობა □ნადიმი“.

„ჯვარცმული საქართველოთი“ საფუძველია ჩაყრილი უდიდესი ეროვნული საქმისთვის, მიზანმიმართულია ინფორმაციული ომი არაკაცი ადრესატებისაკენ. გარკვეული ინტერვალით განვითარებულია, წინწაწეულია, ეს საშვილიშვილო ტენდენცია ბატონ თამაზ ნადარეიშვილის ინგლისურენოვანი თხზულებით „შეთქმულება საქართველოს წინააღმდეგ“, და რადგანაც აფხაზეთის განთავისუფლების პარტიის საპროგრამო სტრატეგიით სახელმწიფო დონეზეა აყვანილი ინფორმაციული ომის აუცილებლობის საკითხი, აწი ამ პოზიციების დათმობა არაფრით იქნება. პირიქით, მეტი და მეტი ძალისხმევაა ჩასანთხევი აქამდე უთანასწორო, მოჯადოებული წრის მაგვარ ინფორმაციულ ორომტრიალში. ასეთ დროს მხატვრული სამოსელი, სიმბოლიკები, მეტაფორანი, განზოგადებები თუ ტიპიური სახეები ცოტათი მოითმენენ, რამეთუ ახლა ჯერი, აუცილებლობა მწარე სინამდვილისაა, შავ-თეთრი რეალობის, რომელსაც უხვად აცხია ათასობით თანამომის უმწიკვლო სისხლი. ის სისხლი მალა ზეცაში ღმერთს შესჩუხჩუხებს და დაბლა მიწაზე — ადამიანებს, ბესიკ ფიფიასნაირებს, ზურაბ ჩიკვილაძეთა მაგვართ, ზაურ კალანდიათა სადართ; მეც ამათ ამქარში ვარ, ამ საღვთო, უსისხლო, მაგრამ მამხილებლურ ინფორმაციულ ომში, რომლის სრულყოფილად ამოქმედების შემდეგ სეპარატისტებთან პურის გასატეხად ერთი ნორმალური ადამიანიც არ დაჯდება, პირს მოარიდებს უცოდველი სისხლით დამბალ მათ სხეულებს. ჯალათებს საკუთარი სისხლის მორვეში ელით ჩახჩობა!

მორიგი რედაქტორისაგან:

(ბონდო მძინარაშვილი.)

ძნელია რაიმე დაამატო ამ ტკივილიან რეცენზიას, მაგრამ, მწერალმა და პუბლიცისტმა გური ოტობაიამ, — აფხაზეთის ტრაგედიის სიმწარე თავად რომ იწვნია და გულისგული დაუფლითა, — როგორც ჩანს, არ იცის, ვინ არიან, რას საქმიანობდნენ იმხანად, ან რას აკებენ ახლა ამ შესანიშნავი კრებულის შემდგენლები, სად მოღვაწეობენ ინფორმაციული ომის მედროშენი.

ზურაბ ჩიკვილაძე კრებულის გამოცემის დროისათვის საქართველოს პარლამენტის სრულუფლებიანი წარმომადგენელი იყო დსთ საპარლამენტთაშორისო ასამბლეაში. ამჟამად იგი საქართველოს სა-

განგებო და სრულუფლებიანი დესპანია სომხეთის რესპუბლიკაში და ამ ქვეყანაში ჩემი ამასწინანდელი ყოფნისას დავრწმუნდი, რომ ბატონი ზურაბი სომხეთშიც ისევე იცავს ჩვენი ქვეყნის ინტერესებს, როგორც ნებისპირა სანკ-ტპერბურგში იცავდა.

ბესიკ ფიფია გაზეთ „ნეზავისიმაია გაზეტას“ წარმომადგენლობას ხელმძღვანელობს სანკტ-პეტერბურგში და მისთვის სამშობლოს წინაშე კაცური ვალის მოხდად უნდა მოვიაზროთ კრებულის თანაავტორობა.

მადლობა ზურაბ ჩიკვილაძესა და ბესიკ ფიფიას მამულიშვილური საქმის გაკეთებისთვის, მათ არა მხოლოდ ჩემგან დაიმსახურეს ეს სიტყვები.

„საქართველოს რესპუბლიკა“
№128-129, 16-17 მაისი, 1999 წ

საქართველოს ისტორიის
„მოუხელთებელი“ ჭურღ-ბაცაცები

— აფხაზეც, ნასტაიში აფხაზეც! — ბეჭებზე უტყაპუნებენ ხელებს ტყავის კურტაკიან ახმახს ნაღვინევი გამცილებლები. უშველებელ ჩემოდნებს მიყოლებით აწყობენ სამარშრუტო ტაქსში, რომელსაც მიმართულებას შეუცვლიან და მეტროპოლიტენის სადგურ „ვარკეთილთან“ ღუზა-ჩასაშვებ აეროპორტის გზას გაუყენებენ ხანმოკლე მორიგების საფუძველზე.

ამას ყოველივეს რუსულ-ქართულ-ზაიკური საუბრის ნაწვარიდან ვარკვევ. მოსკოვისკენ მიფრინავს თურმე წარმოსადეგი ეს ახალგაზრდა კაცი. სპორტული აღნაგობისაა სუფთად მოპარსული სახით, ვარკეთილელი თანამემამულეებივით ხუჭუჭთმიანი და ფრიად ჭანჭახი იერისა. იქიდან სოხუმში ჩაფრინდება მოუზომავმაურიანი ლაპარაკის შესატყვისად და შემდგომ ჩემი ვარაუდით, ბაგრაშიანის ბატალიონამდე გოჯნახევარილა რჩება.

— აბხაზეც, ნასტაიში აბხაზეც! — ხორხოცებენ გამცილებლები.

ჩაბარგდებიან სამარშრუტო ტაქსში. ათი დაოქროებული ხელი მაინც წაიწევა ბედნიერი მძღოლისკენ ფულის გადასახდელად. წავლენ, წაზარზეიმდებიან და გულს სინანული გამისენავს:

სად აფხაზი და სად — ეს? ვინ არ ჩემულობს ჩემს თვალნათელ დედულეთს, რომელი? რამდენი პატრონი გამოსჩენია მუხანათი მტრისგან თუ მოყვასი იუდასგან იავარქმნილ ჩემს სამშობლოს? ახლაც ზარებივით მიგუგუნებს ყურებში ვარკეთილური ბაკქანალია:

— აბხაზეც, ნასტაიში აბხაზეც!

სამეგრელოს, მეგრელების მართონული დაცაცხანების, შეძახილისა და ზოგჯერ გვარიანი გაჯორვის კვალდაკვალ შაგრენის ტყავივით განუხრელად იკუმშება და პატარავდება ჩვენი საფიცარი მამული: იცვლება დემოგრაფიული სურათი აბორიგენი ქართველების საზიანოდ გუშინდელი თუ გუშინდელი ხიზნების გასაფურჩქნად სამხრეთით, დასავლეთით, ჩრდილოეთით თუ აღმოსავლეთით; დედაქალაქსა და მის შემოგარენში ხომ მიყოლებით ჩნდება კომპაქტური, არაქართული მონონაციონალური დასახლებანი, სოფლები, უბნები, კვარტლები, რაიონები. დღეს საქართველოში ჩამოყალიბებულია რეცესიული ბუნების მძლავრი მეხუთე კოლონა, რომელიც საჭიროების შემთხვევაში მსწრაფლ გადომინანტურდება — გადანიანდება წლების წინ მის მიერვე მიზანმიმართულად უარყოფილ ეროვნებაზე. თუმცა უკვე ჩვენი ახლომხედველური და კორუმპირებული კანონშემოქმედების წყალობით საამისოდაც არაფერია: კოსმოპოლიტიკური შინაარსით დატვირთულია ეროვნული პასპორტი — ჩვენივე პირით უარი გვათქმევინეს ეროვნების რეკვიზიტზე. ახლა ჩვენებური, ქართული, მეხუთე კოლონის შემადგენლობისა და რაოდენობის დაზუსტება ყბადაღებულ სტატისტიკურ სამსახურებს კი არა, თვით მამაზეციერსაც გაუძნელდება, ალბათ.

ქუჩაში, ბაზრობებზე, მეტროპოლიტენში მიდის გაქანებული საუბრები რუსულად, თათრულად, სომხურად, ქურთულად... და ეს მეტყველებანი ალილუიასავით ჩაესმის ბედნიერი თბილისელი ქართველის მთვლემარე ყურთასმენას, მაგრამ საკმარისია, მის ძილქუშიან ნანავში ვილაცამ მეგრულად ან სვანურად ჩაილაპარაკოს, რომ ჩაქინდრულ თავს მყისვე ასწევს, ყურებს დაცქვეტს, ხელად გამოფხიზლდება, ხორიზონტს გულისყურით მოავლებს მზერას, რათა მისი უშფოთველი ყოფიერების გამაღიზიანებელი სუბიექტი გულისყურით დააფიქსიროს.

არც გაემტყუნება გვარანაცვალი მეხუთე კოლონისგან გონებაწართმეულ თუ გონებაგაბანგულ ამ ბედოვლათ რინდს, თითო-ოროლა გენიოსის გამოკლებით, კოჭობანას პერიოდიდან, ტყავის

ბურთით თამაშსა თუ პირველი ჭიქა ღვინის მიჭახუნებისას წაანეკლოტებაში, ოხუნჯობებსა თუ ჩვეულებრივ მასლათში, გაანგარიშებულად, გეგმაზომიერად ხორციელდება სამეგრელოს, მეგრელის ზოგადეროვნული კონტექსტიდან ამოგდება, გამოცალკეება დანარჩენი საქართველოდან და ეს ყველაფერი გვარნაცვალის „ქართველის“ ბასრი იარაღია მათი სანუკვარი ოცნების ასახდენად — საქართველოს სახელმწიფოებრიობის მოსაშლელად, მოსასპობად საერთოდ, როგორც ეს „სომხეთის ისტორიის“ მეხუთე კლასის სახელმძღვანელოს ანალიზით გვეუწყა ბატონ გულბარ კლარჯის წერილიდან სათაურით: „საქართველოს ჩვენსავით ვერავინ უპატრონებსო, სჯერათ სომხებს... მეხუთე კლასიდანვე“ □ „საქართველო“, №21, 8-14 ივნისი, 1999 წ.)

ამ პუბლიკაციის მიხედვით საქართველოს მთელი ტერიტორია, ნიკოფსიიდან დარუბანდამდის და გაცილებით შორსაც, განხილულია, როგორც „სომხეთის მთიანეთი“. იყო პერიოდი, როცა გვედავებოდნენ „შუშანიკის წამებას“, რუსთველს, ეკლესია-მონასტრებს, კუთხეებს, დამწერლობას, მაგრამ, როგორც ჩანს, მადა ჭამაში მოდის და სრულიად საქართველო „სომხეთის მთიანეთმა“ შეეცაპა, შეახრამუნა!

ჩვენ კი რას ვაკეთებთ ამ დროს, რა მამულიშვილურ ღონისძიებებს ვახორციელებთ ჩვენი საზღვრების თუ პოზიციების გასამყარებლად? ძროხის კული გვიჭირავს ხელთ და თხისაო, გვარწმუნებენ მითოსური ძმისწულები; ან სამეგრელოს მორჯულებას, „დუშმანისათვის სიტყვის საქმედ ქვევის“ გამო საჯაროდ გაწყველვა-გაჯორვას ანდომებენ ესოდენ ძვირადღირებულ დროსა და ენერჯის მაგანნი:

„ბეჟალი რობკიე გრუზინიო“, აილესა ენა გმირ ხალხზე გარუსებულმა ლერმონტმა და მის აქეთ ქოქოლას გვაყრიან ბაგედადუმებულეებს მარჯვნიდან და მარცხნიდან;

„ფრთხილად იყავით, თორემ თბილისს ერევნად გადაგიქცევთო“, თითს გვიქნევს კავკასიონის ჭიუხებიდან კონფედერატორი გვამი მუსა შანიბოვი;

„ქართულ ჯარს ჯავახეთში არ შემოვუშვებთო“, იბღვირებიან საქართველოს ძირძველი მიწა-წყლიდან იქაურობის ბატონ-პატრონი რაისიანების, პეტროსიანების თუ სხვათა კლანიდან.

ეს ყველაფერი ნაკმაზია „აფხაზ“ პროფესორ ოლეგ ბლაჟბას „ისტორიულ“ ნარკვევთან შედარებით, სათაურით „სომხები და ძველი აფხაზები ჩვენი ერის | ათასწლეულში.“ იხ. „გაზეტა ნუჟნაიდან“ □ №2, 24 მაისი, 1999 წ.),

აი, თურმე როგორ ყოფილა საქმე! აი, სეპარატისტული აფხაზეთის სამი თითის კომბინაციის მასაზრდოებელი სითამამე, საყრდენი ქვაკუთხედი, ოცდამეერთე საუკუნის სტრატეგია — აფხაზეთსა და სომხეთს შორის ურღვევ „ორათასწლოვან ძმურ კავშირში“ საქართველოსათვის უბრალოდ ადგილი არ იძებნება ცისქვეშეთში სამერმისო არსებობისათვის.

ჩვენი გმირული წარსულის უნამუსო გაყალბებით, ივარქმნის საუკუნო განაჩენია გამოტანილი სრულიად საქართველოსათვის და ამ დროს ბურიდანის უწყინარი სახედრის აუმღვრეველობით მდუმარებენ ბაგენი ისტორიკოსთა, არქეოლოგთა, ანთროპოლოგთა, ენათმეცნიერთა, მოკლედ, იმ ინტელიგენციისა, რომელსაც ნამდვილი ჯარისკაცის პასუხისმგებლობით ევალეზა ნებისმიერი ანტიქართული გამოხდომის □ ცხადია, უსამართლო-უსაფუძვლოსი), ჩანასახშივე ამოშანთვა მამულიშვილური, სახელმწიფოებრივი პოზიციიდან — აქამდე ხომ ვკვებავდით და ვაპურებდით აფხაზურ სეპარატიზმს საქართველოს ისტორიის გადასხვაფერებით საბჭოური კონიუნქტურის კვალობაზე: ფაქტების შეგნებული გამრუდებით ჩასაფრებულ მტერს გულნამცეცობით გადაუხსნიდით ჩვენი უსაფრთხო არსებობის ციხე-გოდოლთა კარიბჭეებს, თანაც ისტორიული ხასიათის შემოდავებებს ტერიტორიებზე, დამწერლობასა თუ სიტყვაკაზმული მწერლობის ნიმუშებზე ლოკალური, კამერული ხასიათის გამოხმაურებებით „ვაბათილებთ“ რუსთაველის პროსპექტის კოორდინატი, „ვაცამტვერებთ“ შინაურულ გარემოში, როცა მსოფლიო საუნივერსიტეტო თუ საქალაქო ბიბლიოთეკების წიგნთსაცავები გამოტენილია ინგლისურენოვანი პასკვილებით ჩვენი ქვეყნის უბადლო წარსულზე.

უფალი ბლაჟბას უდაბრუკი მცდელობა — ხელშეუხებელი პროტექტორი ხპოვოს ჩვენი მითოსური ძმისწულების სახით, მორიგი ფანდია, სარჩული, საფანელი საქართველოს, ქართველის გადასაშენებლად კავკასიიდან და ნიადაგის მომზადება ბაგრამიანის სადამსჯელო ბატალიონის გაუგონარი კაცთაკვლის გასამართლებლად აფხაზეთში — სამურზაყანოსა თუ ჩემს სალოცავ ოტობაიაში.

ზემოთმოხმობილი ბლაჟბასეული წერილ-ნაბოდვარის გამოწველივით ანალიზს ნამდვილად არ შევუდგები, ვინაიდან მიყვარს ხალხური შეგონების მოშველიება ყველგან და ყველაფერში: თოფი მეთოფეს! პური — მეპურეს! ეს პრეროგატივა ქართველი ისტორიკოსებისთვის დამითმია

გულამბოხების საასპარეზოდ. იმედია, ბოლოს და ბოლოს მეტი სიცხადე-სითამამით გამოგვეხმაურებიან, ქალბატონი მარიამ ლორთქიფანიძე; ბატონები: როინ მეტრეველი, ლევან სანიკიძე, ნოდარ ლომოური, თუ სხვა მრავალი, და ვინძლო საშველი გაწყდა, კვლავაც ვერ ავითოკდა გულში სამამულო ძარღვი, სხვა რა ჩარაა, ჩვენი საამაყო ისტორიის ფოლიანტების მტვერში ვდურთავ თავს ახალი „ქვათა ლალადის“ ასამქუხარებლად!

აი, სეპარატისტული აფხაზეთის ბრანწის ქვეტექსტი თურქული ვიზიტიდან: ფეხებსაც ვერ მოგვაჭამთ თქვენი ნადარეიშვილის „აფხაზეთის განთავისუფლების პარტიის“ და ჩრდილოეთატლანტიკური ალიანსის კოსოვური მეხთაცვენის შემუქრებებით, ვერც ბრიუსელის ფახიფუხით შეგვახრევიანებ წარბს, სანამ ჩვენი მფარველი პირველი ათასწლეულიდანვე ძმადნაფიცი სომეხი ერიაო. ველარაფერს დაგვაკლებთ ვიდრემდის ქომაგად და ძმად ეგენი გვეგულეზიანო.

ადრეული თუ ბოლოდროინდელი მეგრელოფობიის ფონზე, ვფიქრობ, ფრიად შორსმომავალი არგუმენტია ბლაჟბასეული „ისტორიოგრაფიული“ ბოჩოლას კუნტრუში.

კმარა-მეთქი ჩვენი გონებადაბინდული ორიენტაცია საქართველოს წინსვლისა და აღმშენებლობის შემაფერხებელ ბარიერად სამეგრელოს „გამოაშკარავენა!“ როდესაც ქუჩა მორათასწლეულს მიღმა სამეფო რეგალიები ფარნაოზს გადაულოცა მონოლითური სამშობლოს სახელით, მართლაც ისტორიული არჩევანი გაკეთდა და სამუდამოდ განისაზღვრა კოლხეთის უშუალო მემკვიდრის — სამეგრელოს როლი საქართველოს უდასარულო არსებობაში. სამეგრელო ეს იმ მკვიდრადნაგები გალაგანია, საიდანაც საქართველოს არამცთუ დაუძინებელი მტერი, თვით გამქვალავი ზღვაურიც კი ვერ გადმოუფაჟუნდება საერთო მომავლის საზი-ანოდ. ჩვენ უმჯობესია მამულის გალაგნების სხვა მონაკვეთებს მივხედოთ, ჩრდილოეთით, აღმოსავლეთით თუ სამხრეთით და აქედან, ამ გადასახედიდან დავარქვათ გვარ-სახელები საგნებს და მოვლენებს!

სამეგრელო ის ბალავარია, რომელიც სანდოდ ჩაკირვია ჩვენი სახელმწიფოებრიობის შენობას ოთხივ კუთხით, და არასდროსაა დასავიწყებელი, ვის მხრებზეც დგას ეს ხერთვისი თუ ცათამბჯენი.

საკუთარი მეობის მიწაში დაფვლით, საკუთარი მომავლის მიწაში დამარხვით ზოგადეროვნულის აღსაზევებლად, სრულიად საქართველოს ასაცამზევებლად ვიტვირთეთ ჩვენ მემსხვერპლეობა ესე და აქ ეჭვომანია დიდ უსამართლობასთან ერთად შეურაცხმყოფელზე შეურაცხმყოფელიცაა.

გვარნაცვალ ქართველს აღიზიანებს სამეგრელოს ერთსახოვანი დემოგრაფიული სურათი. აქ ვერ ჭაჭანებს, აქ ვერ ბოგინობს მათი პირატული ჭილაგი სხვისი საგანძურის მითვისების ტენდენციებით, მრავალი კუთხისგან განსხვავებით და ბუნებრივია, ყოველივე ანტიმეგრული გამოხდომა გვარნაცვალ ქართველის, იგივე მეხუთე კოლონის სათავიდან მობალღამობს ხოლმე.

მასხენდება აფხაზ სეპარატისტების ენგურის ნაპირებთან, განმუხურში, ექვსი წლის წინანდელი მოხროვება. ეს სოფელი ტერიტორიულად აფხაზეთის არეალშია მოქცეული, მაგრამ იურიდიულად ზუგდიდის რაიონის ქვეშევრდომია. მაშინ იქ ბაგრამიანის ბატალიონის ბიჭები მზვობრობდნენ. ხალხისგან დაცარიელებულ განმუხურში სამად სამი ოჯახი გადაწვეს, სამივე — ახალაისი. მსხვერპლად კი ორი სიცოცხლე შეიწირეს — გულად მორგოშიასი და გოჯო ოგანესოვისა. ამ უკანასკნელზე მოგახსენებთ უფრორე. ეს კაცი, მიუხედავად ხაიკური გვარისა, სისხლით-ხორცამდე მეგრელი გახლდათ, ჭეშმარიტი ქართველი. ცოლად გაგიდელი ქალი ესვა — ბაბუცა ახალაია. სამი ასული და ერთი ვაჟკაცი გაზარდა. დაოჯახებულებს კვლავაც მიაშველებდა მამობრივ მზრუნველობას და აი, ბაგრამიანის ვამპირულ ღრეობას ნაჩვევი ბოევიკები, როცა გამოელაპარაკნენ „თვისტომს“ და ამ უკანასკნელმა თავანკარა მეგრულით თითოეულს სინდის-ნამუსი შეურცხვინა, არ დაინდეს, ავტომატის ჯერით დაცხრილეს საკუთარ სამზადში. ესეც გასათვალისწინებელი შტრიხია სამეგრელოს დემოგრაფიული მონოლითურობის თვალსაზრისით. მისი პიტალოსებური ბუნების გასააზრებლად, გვარნაცვალ „ქართველებს“ მოსვენებას რომ უკარგავს, და მათი მიზნების განხორციელების მთავარი წინაღობა გახლავთ საქართველოს უმტკივნეულო დამხობის გზაზე!

მეგრელისათვის საქართველო ავგაროზია, რადგანაც მყარად შეუგნია, რომ მამულის ერთიანობის, სამშობლოს უკვადვების გარანტია, დიხაც, რომ მის მთრთოლვარე სულშია გადანახული.

სამეგრელო არ თავილობს საქართველოს ბალავრობას! პირიქით, ეამაყება, რომ შურობუშუს ურყევი ბურჯია — ოდაბადეს წაუბოროძიკებელი საძირკველი ქვათა და კირთა და რამდენადაც უნდა დაილეწოს დობადონას, ობადიშის პიტალო მკერდზე აღმოცენებული სრასახლთა კედლები, ფანჯრები, ჩამოწვეს სახურავი აქა-იქ, ყოველივე დროებითს მოინელებს ჭირთათმენით საქართველოს სახელმწიფოებრიობა, ვინაიდან ფუძიდან, ძირიდან, ფესვიდან, მემკვიდრეობიდან, გენეტიკიდან რყევები არ ემუქრება. იქ ერთხელ და სამუდამოდ ჩადულაბდა ზოგადეროვნული სული

სამეგრელოს პატროფილიით.

ამიტომაც არის, გვარნაცვალი „ქართველების“ წასისინება-დაქოქვით დაძვრებიან ხოლმე მის ასახორებლად ტალიკ-ტალიკი „სასიძოები“ აყმუვლებულის მყფარებით: „ყველა ჩემი სამშობლოა, სამეგრელოს გარდაო“; ამიტომაც არის, მკლავებს რომ დაიკაპიწებენ და ენად გაიკრიფებიან ხოლმე პროზაული სიტყვის ქვეოსტატნი სადიაცოდან: „ზვიადისტებმა მეგრელები სამუდამო მოღალატეებად გადააქციესო.“

ხოლო გვარნაცვალი და იერთაც გვარიანად ქვიშით სახეხი მესცენე, „ტაკუნა-ტაკუნაითი“ ებღვირება ჩვენი სამშობლოს ხერხემალ კუთხეს, საძირკველთა საძირკველს და ბურჯთა უბურჯესს. არ გამოვედევნები სხვათა ქირქილს და ქილიკომანიას, ჩამოხრჩობილის სახლში ხომ თოკზე არ საუბრობენ, მაგრამ ამთავითვე მიბრძანებია:

გეყოთ-მეთქი თითებიდან გამოწოვილი მეგრული თემა, თითქოსდა იგი საქართველოს ერთიანობის დაუსრულებელი საფრთხე-წინა-ღობაა. გვარნაცვალი „ქართველისგანა“ დანერგილი ეს ფსიქოლოგია და მეხუთე კოლონის წისქვილზე წყალს ნუ ვანებივრებთ, ბატონებო, იგივე შინაური მტერის გასალაღებლად!

სამეგრელომ მშვენივრად იცის, რომელი ათასწლეულიდან მოედინება მისი სულიერება, ჯერ კიდევ აიეტ მეფის დროიდან. ქრისტემდე თექვსმეტი საუკუნით ადრე, როცა უშველებელ მუხის ხეზე ცხვრის ოქროცურვილი ტყავი ეკიდა ეზოტერიკულ ცნებათა შემნახავად. წაიღო, წარგეტაცა იგი ინდოევროპულმა ტალღამ და აურაცხელ ტომად დაშლილი ჩვენი მონოლითური სხეული კავკასიონის მწვერვალებს მიაჯაჭვა პრომეთე-ამირანის სიმბოლიკით.

სამეგრელომ, მეგრელომ, მშვენივრად იცის სადამდე წვდებოდა მისი სამფლობელო, მისი სახელმწიფო: ქრისტემდე თექვსმეტი საუკუნით ადრე „სომხეთის მთიანეთსაც“ მოიცავდა იგი ხაოსის ნაშიერი მეხუთე კლასელის ისტორიის სახელმძღვანელოდან და თვით ე.წ. „მცირე სომხეთსაც“, მერე და მერე, დროთა ვითარებაში, მუსრი რომ გაავლო ადგილობრივს — მოხდომილმან, შერყვნა, გააცამტვერა მისი ისტორიული ძეგლები, შეიწოვა მისი ტოპონიმები მოძალადის თანდაყოლილი თვისებით. ახლა ლაზებთან, ჭანებთან და მეგრელებთან წინაპრების მენტორული პრეტენზიებით წარმოჩინდებიან ისინი აქა-იქ, იმ მწირი კოლხიზმების არსებობით, დღესაც რომ იძებნება მათ მეტყველებაში, და საკუთრად მიუჩნევიან. სინამდვილეში კი — შეძენილია: „ჭანჯი“ — ბუზი; „ლაკოტი“ — ლაკვი, ლეკვი და ა.შ.

ეს ყველაფერი ქართული ენათმეცნიერების მიუკერძოებელი კვლევა-მხილების ამოცანაა. ინდოევროპულ ტალღას ჩამოყოლილ ხაოსის ხალხს რანაირად შეეძლო მის გამოჩენამდე რამდენიმე ათასწლეულით კავკასიაში მაცხოვრებელი კოლხისთვის წერა-კითხვა ესწავლებინა, სიტყვა შეესწორებინა აბორიგენისთვის მომთაბარეს, როცა მძლეუთამძლე ამირანის სამშობლო უკვე ფოლადს აწრთობდა ინდო-ევროპელთაგან განსხვავებით? მზის და მიწის საგალობელს აღაველენდა „ლილეო“ - „ოდოითი“, ცხვრის ტყავზე, ოქროს საწმისზე — სარწმუნისზე, იგივე კირბებზე, ხეცხოველზე მკვიდრად წარეწერა საბუნებისმეტყველო მეცნიერებათა ანი და ხოე, ალფა და ომე-გა!?!

აი, ვის, რომელ ქვათაკირს საქართველოსას ებრძვიან ფარულად თუ აშკარად გვარნაცვალი „ქართველები“! ჩუმჩუმელაობით, წაასპიტებით წააქეზებენ ხოლმე მის საწინააღმდეგოდ დანარჩენ საქართველოს, მაგრამ ყოფილა ოდესმე ციხე-კოშკს რაიმე განგებით საკუთარი საძირკველი ამოეთხაროს?! ყოფილა ოდესმე მცენარის კენწეროს, შტამბს თუნდაც ფესვების ამოძირკვა შეძლებოდა, თუკი თავად ბალავარს და ძირებს არ უმტყუნებს გამძლეობა?! ჰოდა, ამისთანა საგანგებო დანიშნულების კუთხე, ვის მყარად დგომაზეა დამოკიდებული საქართველოს შენობის წონასწორობა, ჩაიკეტება ვითომ თავის თხილისოდენა ნაჭუჭში — სამეგრელოში და ზურგს შეაქცევს საქართველოს საშვილიშვილო ინტერესებს, რომლის საძირკველშიცაა ჩატანებული თავად მსხვერპლად და ღმერთად, ამაღლების, ქედუხრელობის ჯადო-თილისმად?!

ჭორები მოაშორეთ-მეთქი, მისხენებია მერამდენედ! უმჯობესია თქვენ გვარნაცვალი „ქართველების“ პუტუნს ყური დაუხშოთ და დავდგეთ საქართველოს ნამდვილი ხერხემლის გარშემო, როგორც ეს წესით გვევალება! დავირაზმოთ იგივე დედაბოძის, ქვათაკირის — სამეგრელოს გარშემო, რანაირადაც განხორციელდა ყოველივე ორიათასს მიღმა — სრულიად საქართველოსათვის; როცა ბლაუბათა მსგავსი აფსუები, უფალმა უწყის, სად მომთაბარებდნენ იმხანად თავიანთ ძმა ადიღელებითურთ; ხოლო აფხაზეთი, მისი ყოველი საგანძური ასე პირატულად რომ მიუთვისებია სოხუმში გუშინწინ ჩამოვაკებულ აფსუსს, ქართველი ხალხის გონიერებისა და სულიერების ოფლად აღდენილი მუშაკობის ნაყოფია და არავითარ შემთხვევაში — თითებიდან გამოწოვილი ისტო-

რიოგრაფიული ბოდვების შედეგი. „ნუ შევქმნით „ერთი წვეთი თაფლის“ სიტუაციასო“. ჩავვაგონებენ მენტორულად. ამას რა სჯობია, მაგრამ მაშინ გვარნაცვალს „ქართველის“ დაკრულზეც ნუ ვიცეკვებთ, ბატონებო! ბოლოს და ბოლოს ბლაჟების „ისტორიულ ექსკურსებს“ თუ მეხუთე კლასის სახელმძღვანელოთა „სომხეთის მთიანეთს“ მივაპყროთ ჯეროვანი მზერა, აქეთკენ, მისი საკადრისი გაბათილებისთვის მივმართოთ ჩვენი გაერთიანებული ძალისხმევა და არა უგუნური უარისმთქმელობით კოლხეთის გმირულ ისტორიაზე — დღევანდელი საქართველოს ბალავარზე. ამას მომავალი არ გვაპატიებს, მით უფრო, როცა მოკვეთილი ჭანეთის, ლორეს კონტურები გვიდევს წინ ჭკუის სასწავლებლად!

ამნაირ სცენასაც შევესწრები მეტროპოლიტენის სადგურ „ვარკეთილის“ სამარშრუტო ტაქსების გაჩერებასთან.

— ქართველებო, თქვენი დედა და მამა... — შეიკურთხება ოცდაათიოდე წლის ახმახი, ძველმანებში გახვეული გრუზათმიანი, აშკარად აშლილი გამომეტყველებით. მის ამოსაცნობად ეროვნების რეკვიზიტამოცლილი ქართული პასპორტი საჭირო სრულებით არ არის — ჩვენი მითოსური ძმისწულია.

— ქართველებო, თქვენი დედა და მამა... — გინების კორიანტელს დააყენებს.

ყველა მშვიდადაა. გიჟი მიუშვი ნებასაო, თქმულა.

თითქოს ეს აძრახება უმტკივნეულოა, მაგრამ გვავიწყდება, რომ ხალხური სიბრძნის შესატყვისად სიფხიზლეში, გონებასიმრთელისას გულის სიღრმეში საიდუმლოდ შენახულს მხოლოდ მთვრალეები და გიჟები ამოატივტივებენ ენისწვერზე. ეს წუთია და სამარშრუტო ტაქსიდან გადმოხტება ვინმე წრიპა, ყირმიზსახიანი, წაბლისფერი თმით და ბარაქიან წიხლს მისცხებს ღღისით, მზისით ქართველების დამამუნათებელ რომას:

— კიდევ ამოიღებ ხმას, შე ცხენოო, — მიაყოლებს ჩემთვის და ბარე ორისთვის მისახვედრი აქცენტით. აი, ვინ არის ჩვენი ერთიანი საქართველოს ჭეშმარიტი მეციხოვნე! აი, ვის უდუღს გულში ნამდვილი სამამულე სისხლი! აი, ვის მხარეში ჩასვლისას ხედავდა დიდი ილია ზოგი-ერთისაგან განსხვავებით ნამდვილ საქართველოს! აი, ვისი უმაგალითო პატროფილით უწეწავენ ძარღვებს გვარნაცვალს „ქართველები“ თავიანთ მოტკბარუნებულ-მოშარბათებულ ღუდუკებზე მოცეკვავე შურობუმუს ჩემსას.

17-22 ივლისი, 1999 წ

შენიშვნა დედნისეულია (ავტ.)

ალარ გესმის (მეგრ.)

ძმა აჯამი, ეშმაკმა დალაზვროს! (მეგრ.)

მიხეილ ქარდავას შვილიშვილი (მეგრ.)

დათვის ბელი (მეგრ.)

ჯიჯი — დედის ძმა (მეგრ.)

აძუს ასნაირი, ამდენი ასნაირი, გაგონილა ასნაირი (მეგრ.)მამი,

ჭაკი ტლინკებს ყრის (მეგრ.)

„თუნთის მარგვიფით“ — დათვის ბელი (მეგრ.)

აფსიო — წყალი (აფხ.) აფსო საშოა მეგრულში.

სამისიო — უბანი, ასი ოჯახის ერთობა

სონ რეკე წიე, სი? — საიდან ხარ, ბიჭო (მეგრ.)

ჭიჭე ოტობაიაზე! — პატარა ოტობაიიდან (მეგრ.)

დიდ მუთუნ ვარდ დო ჭიჭე მუ იცი? დიდი არაფერი იყო და პატარა რა იქნება? (მეგრ.)

ჩქიმ გეჩახილია მოკო — ჩემი ფაფა მინდა (მეგრ.)

ოდოშლერში შესული, შემწიფებული (მეგრ.)

ერთგვარი კეგლი, ორმოში ჩაიყრება გარკვეული რაოდენობის თხილი. შემდეგ დათქმული ოდენობის თხილს ესვრიან ამ ორმოს და ვინც უფრო ადრე დაიცარიელებს ხელს,

გამარჯვებულიც ის არის.

ამბროსი ნუ მომიკვდება (მეგრ.)

მობღუნკულ, შიშისგან მოხრილ (მეგრ.)

სალორეში (მეგრ.)

კალუ — კავი (მეგრ.)

კამეჩის რძისგან ამოღებულ ყველს გადაზეღვა არ სჭირდება, მაგრამ მაინცდამაინც საამისოდ თუ გაიმეტე, უკეთესს რას იგემებ (მეგრ.)

კუჭუ გელენავას ცხენივით გაფიცხდა თანდათანო (მეგრ.)

ფუფ, ფოფო კიბირ რისალით? — ფუი, ფოფო კბილებგადმოყრილი?! (მეგრ.)

ხიიტ, სი ჩიჩიო — ჰაიტ, შე გლახავ! (მეგრ.)

ჩემი სახლი ჩემი ცხე-სიმაგრეა (ინგლ.)

ბედდამწვარნი, ბედოვლათები (მეგრ.)

ტყაჩუ — მეტყვე (მეგრ.)

მომე ძია, შანტალი, შაქარი. ბავშვის ენამოჩლექილი საუბარი მეგრულად.

ჭეი, სოხუმო, სოხუმო, თვალში ვერ ვიხედებო (მეგრ.)

ბიჭო, გამოაცხვე მჭადი? (მეგრ.)

სულო, სულო, ფუი ასე გააჭრე! (მეგრ.)

თენგულია და ბიჭები (მეგრ.)

მე გულადი არა ვარ! (მეგრ.)

ჯინჯ ცუდეს ოკო გისერუე — ძირეულ სახლში უნდა გაითენო (მეგრ.)

ეს, შურკუნტა — ეჰ სულმოკლე ხარ შენ

ჰაიტ, შე სამგლეე! (მეგრ.)

ნოჩო, ავქსენტი და ჯაკო, აგვისტოს თვეში ენგურზე გადადიოდნენ,

წვდებოდნენ ისინი და მხარდამხარ (მეგრ.)

ქოიცორქდა, ართ მაჭუკ ვარა გეგნაცათი, სქუა. — თუ გიყვარდე ერთი ყვარჯენი მაინც

გადაადე, შვილო! (მეგრ.)

ქიდამბალე მაჭუკი ლორნთ ქორწანსდა — დაანარცხე ყვარჯენი ღმერთი თუ გწამს! (მეგრ.)

სირცხვილია, ბიძია (მეგრ.)

მიხეილ ქარდავას შვილიშვილი (მეგრ.)

ჯიჯი — დედის ძმა (მეგრ.)

აძუს ასნაირი, ამდენი ასნაირი, გაგონილა ასნაირი (მეგრ.)

შენიშვნა დედნისეულია (ავტ.)

ალარ გესმის (მეგრ.)

ჯიმაჯამი — ძმა აჯამი, ეშმაკმა დალაზვროს! (მეგრ.)

ხოკო

ქალო, ხედავ სად გაუწერივართ? (მეგრ.)

ლატანის, ტყრუშული (მეგრ.)

თბიშხა — პარასკევი, ვობის დღე,

ნაყოფიერების ღვთაებაა სვანურში (მეგრ.)

წყალი ნაწყლევ ადგილას, გზა ნაგზაურ ალაგას (მეგრ.)

ფუი, ასე გაქრის სისწრაფით, თვალის დახამხამებაში (მეგრ.)

თუთაშხა — ოთხშაბათი (მეგრ.)

გამოწმენდილ ყოფნას, სულაც რომ არ იყო ის სჯობია (მეგრ.)

ჟაშხა / ჟეშხა — მზის დღე, კვირა (მეგრ.)

ილლიდან რომ სული მიჰქონდათ (მეგრ.)

ბოგიშბოგი გირინი — შორეული სახედარი (მეგრ.)

თბიშხა — შაბათი (მეგრ.)

თუთაშხა — ორშაბათი (მეგრ.)

სრული (მეგრ.)

თავკაცი (მეგრ.)

თახაშხა — სამშაბათი (მეგრ.)

ფრთა გამოუვა, გატყურდება (მეგრ.)

ირიკე — იხტუნე, იროკე, იცეკვე (მეგრ.)

გაიჭყლიტები (მეგრ.)

ცაშხა — ხუთშაბათი, ცის დღე (მეგრ.)

წკირზე წამობადებულს წკირზე უნდა აღმოხდეს სული (მეგრ.)

უკვდავების წამალი ლაფაროსთან, ყურისძი- რას ხარობდა,

არ იცოდნენ თორემო (მეგრ.)

ტომბა — ღრმა (მეგრ.)

სადაური ჩიქავას ქალი, სად ეჩრება (მეგრ.)

წვეთი ხვრეტს ქვას (ლათ.)

უპროზუპუ — 005

მეორხანდი — 120

ამინ, უკვდავება შენი! — 118

რეანიმაციული სამი წელიწადის შემდეგ — 118

მეცენატები ჩემი...

ვალერიან მიხაილოვიჩი — 120

ორ ზღვას შუა... 122

Mingrelia, Maranne, Gueguidze.— 124

ქველმოქმედება წვეთ-წვეთობით —

დიდი ჯოტო

ბატონი საშა ეგუტია

ფუძის ანგელოზის აურა

გამოხმაურებანი — 289

ავტორთა სტილი დაცულია

მეგობარ მწერალს! (თამაზ პაჭკორია)

დასაბამი

საქართველოს ანექსია კრემლის კულუარებში

სიტყვისგება გუბაზ-მეფის მკვლელებს

აეტი

ფარტაზი

რიტორთა ეროვნული სკოლა

შუაკაცი მსაჯულის მანტიით

წინ, სინთეზისაკენ! ანუ ნეიტრალიტეტის პოზიციიდან

განხეთქილება

გაიღვიძა და დაიძრა (1)

რაა სახელი?!(2)

ღია წერილი პრეზიდენტ გორბაჩოვს

ბარაბას არჩივი

კონტრრევოლუცია

ეროვნული მოძრაობის მეორე ფორპოსტი (I)

მწვანე ჯიხურები

ინტელიგენცია

ჯიმაგე

შუაკაცი მსაჯულის მანტიით (II)

მეიროხანი თუ სინთეზი

ჯამების ჯამი — summa summarum

ცარიელი აუზის დირექტორი

შადრევანი

დრაკონის ნადიმის თვე!

სახელდახელო პასუხი გაზეთ „ფენომენის“ გიორგი ძღვეამოსილი

ცოტნე და დაჩოქილი?!

ტყონდილი

მარტოსული ხეობის მახვილი — **247**

ჭურის ღარსუ — **293**

ურყევი ვითარცა კელქვა — **298**

იონაე მარუშიძის კეობილი — **328**

კუქუბტი — **344**

საქართველოს უკვდავების ფორმულა — **398**

ინფორმაციული ომის ლელო — **445**

გური ოტობანია

ენბიღუნია

ბელეტრისტული
მატიანე

I

რედაქტორი — **ნანა სუფენია**
კომპიუტერული მომსახურება — **კოკა ფეტულაგა**
კორექტურა — **მარი ფეტულაგა**
პოლიგრაფიული უზრუნველყოფა —
გამომცემლობა „**ინოვაცია**,“
თბილისი, ძმები კაკაბაძეების 22.
ტირაჟი — 500 ეგზემპლარი
ფასი — 17 ლარი

თბილისი
2010